

**RELECTIO DE
HABITUALI CHRISTI
SALUATORIS
NOSTRI
SANCTIFICANTE...**

Juan Vicente





M

4

RELECTIO
DE HABITVALI
CHRISTI SALVATORIS
NOSTRI SANCTIFICANTE
GRATIA.

PER R. P. M. F. IOAN. VINCENTIVM
Asturicensem ordinis Prædicatorum publicum in
Salamanticensi Schola sacrae Theologiæ
professorem .

*De Christi merito, satisfactione, prædestinatione, & de alijs quæ ad Christi
gratiam pertinent in hoc opere tractatur .*

QVÆ IN EO INDICE INSINUANTVR
quem toti operi post epistolam ad Lectorem
immediate præposuimus.



SVPERIORVM PERMISSV.

ROMAE, Ex Typographia Pauli Diani ,

M. D. XCI.

DE HABITV ALLI CHRISTI SALVATORIS NOSTRI SANCTIFICANTE G R A T I A .

PER R. P. M. F. IOAN. VINCENTIVM
Assistentem ordinis Praedicatorum publicum in
Salmaticensi Schola sacrae Theologiae
professorem .

De Christi merito, satisfactione, perfectione, & de alijs quae ad Christum
gratiam pertinent in hoc opere tractantur .

QVAE IN EO INDICE INSINUANTVR
quorum totum opus post epistolam ad Lectorem
immediate praeposuitur .



SVPERIORVM PERMISSV .

ROMAE, Ex Typographia Pauli Diani

M. D. XCI.



F. MICHAELI BONELLO
ALEXANDRINO S. R. E.
CARDINALI AMPLISSIMO.

TOTIVS ORDINIS PRAEDICATORVM
vigilantissimo Protectori.

F. Ioannes Vincentius. S. P. D.



VR E meo vtor, Cardinalis am-
plissime, Dum hanc qualemcum-
que de sanctificante Christi Salua-
toris gratia dictionem meam gra-
uissimæ vestrae auctoritati tuendam,
& defensandam submitto, clarissi-
moq; vestro nomine tutatâ & com-
munitam esse summo opere exo-
pto. Neque miretur quis, quod cum gratiam offeram, non
pro gratia gratiam, sed ius, & id quidem ab Illustris. Prin-
cipe tam aperta significatione exquiram. Eximiam nam-
que Christi gratiam, quæ nostram omnem coram Deo, &
inchoat, & exaltat iustitiam iuris nomenclatura decet
quam plurimum. Cui illud hoc loco non inepte accom-
modabimus, quod Magno Patriarchæ Iacob cum in no-
cturna cum angelo lucta se fortem & robustū gessisset, sum-
ma cum eius gloriæ & dignitatis accessione dictum legi-
mus. Si contra Deum fortis fuisti, quanto magis contra
homines præualebis? Sed ne in ipsum operis obiectum
totam mei iuris rationem reuocare videar; meam quoque

Gen. 32.

deinceps, Cardinalis Illustriss. causam agam. Vestra Au-
 thoritate permotus, vestroq; mandato, cui parere necessum
 erat, additus, de Christi gratia proximis diebus in cele-
 berrimo vestro Sanctæ Mariæ supra Mineruam Collegio
 elaboratis, ininterpollatisque lectionibus nonnulla tra-
 ctavi. Quæ in re functus meo videbat officio: nam eam om-
 nem, quæ per æstiuale tempus licuit, perq; negotiorum im-
 portunitatem, quibus necessum erat incumbere, diligentiam
 adhibui. Oprabam enim, & vestro non deesse mandato Prin-
 ceptis clarissime, & collegarum studentium, quibus vere sa-
 pientiæ amorem innatum esse cernebam, iustis votis & ex-
 pectationibus satisfacere. Sed quo me, meamq; qualem-
 cumq; literaturam vestra Illustrissima amplitudo honora-
 tiorem faceret, ea ex me ad legibilem formam redacta po-
 stulauit, quæ meis auditoribus quandoq; verbo, quando-
 que scripto, quotidianis lectionibus commendaueram.
 Cum ergo diligenter ea, quæ ex me & dictante, & legente,
 mei auditores exceperant, quasi proprium, ut aiunt, vomitum
 colligere capi: illud mihi venit in mentem, quæ essem apud
 viros sapientes & graues inurbanitatis vitio inculandus,
 si tam ipse priuatus homo tanto in republica Christiana
 Principi, tam priuatum exhiberem obsequium, in quo nec
 excellens ipsa suscipientis splendesceret Auctoritas, neq;
 officiosum obsequientis munus vlla posset ratione demon-
 strari. Quare officij mei mox illud esse putavi, ut ea quæ pri-
 uatis lectionibus, disputationibus assiduis, familiaribusq;
 colloquiis, inordinata quandoq; & si opportuna, effusione
 circa ipsum gratiæ Christi tractatum disperferam, quasi in
 vnum colligarem fasciculum, compendiosaq; relectione
 copilarem: quæ vestro clarissimo dicata nomini in lucem
 edita, & debita animi mei in vestris parendi mandatis pro-
 pteritudinem testatorem efficerem, & gloriosum laborum
 meorum fructum sub tanto illustrissimi Principis patrocini-
 o, ut par erat, reportarem. Quo factum est, ut huius mei
 operis, in quo non de leuioribus rebus leui agitatione dis-
 feritur, sed de ipsa Christi domini gratia grauis est institu-
 ta di-

ta disputatio, non tam ipse elegi Patronum, quam altiori,
 ut crediderim, sorte mihi datum accepi. Qua in re, & diui-
 num ego plane beneficium ex ipsa, ni fallor, Christi gratia
 ut a primo omnium gratiarum & beneficiorum fonte ad
 me derivatū agnosco, & propositi mei iuris titulum funda-
 tissimum esse, nullus non cernet. Et mihi quidem sors ceci-
 dit in præclaris, nam si sapienti, & matura deliberatione,
 grauiq; consilio res esset tractanda, cuius obsecro nomini
 illud opus dicandum foret, in quo pro sanctificante Chri-
 sti gratia, in aliqualemq; ipsius comendationem, nescio an
 feliciter, non nihil elaboratum est, & desudatum: Et quod
 doctrinis varijs & peregrinis haudquaquam fluctuās eius
 Autor abductus, sed firmissima Sanct. Thomæ doctrina,
 diuina gratia, specialique Dei munere Dominicanę
 religioni donata, stabilitus, ex ditissimis eiusdem religio-
 nis thesauris & vetera proferens, & noua composuit?
 Cuius, inquam, Dominicanus huius operis scriptor præcla-
 riori nomine suas posset operas felicitare, quam Illustriss.
 Card. Alexand. qui totius Prædicatorum ordinis, cui diui-
 no munere, Apostolicoque fauore datum est in gentibus
 Euangelizare in inuestigabiles diuitias gratiæ, & gloriæ
 Christi, non nisi specialissima Dei Opt. Max. prouidentia
 vniuersalis extat protector? Quique ex eodem ordine ad Il-
 lustriss. Cardinalitium ordinem assumptus pinguiore se-
 cum Dominicanę terræ fructus assumpsit, ardentissimum,
 nimirū, pro Christi gloria, pro suæq; religionis conserua-
 tione, & amplificatione Zelū; scientiam itidem, non eam
 quæ inflat, & quæ apud Deum stultitia reputatur: sed
 quæ diuinæ charitatis, præclaroque virtutum omnium or-
 namento decoratam Euangelicam vitam, præceptis &
 consilijs Christi constantem, & sælici, & stabili structura
 ædificat. Quę duo cum in Patre nostro Dominico mi-
 ro splendore effulserint, suisque alumni veluti iure
 hereditario possidenda reliquerit, in clarissimo Princi-
 pe Alexandrino quasi insculpta, & innata reperies.
 Attendens enim ad petram ex qua excissus est, nihil
 anti


antiquius, nihil præclarius, nihilq; sibi augustius semper es-
set putauit, quam spiritualia suæ religionis incrementa,
sed ipsam in primis Christi gloriam, graui, religioso, sapien-
tique spiritu Zelare. Sed quam ei cordi semper fuerit gra-
uissima, clarissimaque Doctoris Angelici S. Tho. doctrina,
quæ in ipso sanctissimo Thoma quasi in altero Orientalis
Paradisi fonte, ex purissimis & defecatisimis super firma-
mentum collectis aquis, cælesti quodam effluxu affluer-
ter emanans, non solam prædicatoriam religionem, sed &
ipsum amplissimum Christi conclusum hortum, Catholi-
cam videlicet Ecclesiam, eximijs diuinarum virtutum se-
minibus sæcundatum mira affluentia irrigauit, & assidue
irrigans cælestium fructuum ipso Max. Deo incrementum
dante, & abundantissimam, & saluberrimam copiam sub-
ministrat. Quam, inquam, huic clarissimo Principi huius-
tam præexcelsæ doctrinæ in natus sit, Deoque suggerente,
infitus amor, quantaque ei semper cura fuerit, vt vera hæc
nostra sapientia & in tellectus coram cunctis populis pu-
rior, cultior, & amplificatior in sua Dominicana familia
conseruetur, & floreat, quis non videt? Nam huius rei testes
sunt viri & Euangelicæ religionis, & omnium diuinarum,
humanarumque literarum splendore fulgentissimi ex di-
uersis & Italiæ, & Hyspaniæ prouintijs, quorum offitio ip-
se Illustrissimus Cardinalis hoc suum insigne Collegium,
& Religionis, & studij amore, multa que eruditione & do-
ctrina illustrauit. Per pauca hæc, quæ meo fuerunt accom-
modata intèro, dete, detuiscq; clarissimis virtutibus, Card.
Amplissime, vt de religioso Principe eadem ipse religiosa
professione coniunctus nullis verborum floribus, nulloq;
orationis fastu, sed humili descriptione carptim & vellica-
tim dixi. Aegregia enim alia, ea que maiora tuarum virtu-
tum facinora alijs decantanda prætermitto, qui & ingenij
vniuersitate polleat, & arte dicendi valeant. Nā quibus ego
orationis luminibus, qua verborum copia, qua ve sermo-
nis suauitate ea valeam comprehendere, quæ non modo
in grandiori & maturiori iam ætate positum & priuata,

&

D

& publica negotia gerentem te cunctis mirabilem efficiunt:
sed quæ & in ipsis tuæ adolescentiæ gressibus, quorum in
cōstantia & leuitas tanta esse solet in viris plerisque, vt eos,
Salomone testante, penitus efficiat ignotos, tam grandi prouer. 30
cum totius Christiani orbis admiratione, & Christianorū
Principum Magni præsertim Philippi Hispaniarum Re-
gis approbatione gessisti. Cum Magnus ille Pius V. cuius
fælix memoria, veluti alterius Iosæ, in omnium ore quasi mel Eccl. 49
indulcabitur, in compositione odoris facta opus pigmenta-
rij, te vnū emultis clarissimis purpuratis Principibus Deo
annuente, imo, nisi totus depicitur mundus, inspirante de-
legit, vt suprema legati Apostolici alacritate Autoritate Fun-
gens cum tribus potentissimis Regibus Hispano, Gallo,
& Lusitano, non de parui momenti rebus, sed de fælici eo-
rum concordia & federe aduersus terribilem & truculen-
tum Christianæ religionis hostem Turcarum Principem
ineundo, & grauitè & prudenter tractares. Qua in re tan-
ti momenti gerenda, mirum sane, quam te Magnanimum
supremi Orbis Principes Principem agnouerint: quam te
circumspectum, & prudentem Apostolicæ sedis legatum
Prudentissimi Reges fuerint experti: quā in te Ampliss. Ro-
manæ ac perinde Catholicæ Ecclesiæ Cardinali ardente fi-
dei & religionis Zelū ipsi Catholici Principes Christiani
nominis defensores nō sine ingenti admiratione perspexe-
rint. Quo plane factum est, vt in florentissimis illis regnis
in quibus Apostolicæ legationis munere frungebaris, te
quasi miraculum conspicerent, & veluti è cælo demissum
summa cum læticia venerarentur omnes. Sed & fælix ipse
rux legationis exitus, famosa, nimirum, illa de potentissi-
sima Turcarum Classe reportata victoria, non modo te A-
postolicæ Ecclesiæ legatum, sed selectissimum diuini fuisse
consilij nuncium aperta luce demonstrauit. Sed quid Ego
in his referendis tantopere moror, cum sint & cunctis per-
uia, & a me tam sine vllō sermonis lepore, tamque demis-
sa & humili oratione narrentur? Quare ad me, meumq. la-
borem reddeo, quem si vno tuo Card. Ampliss. munitum
præ-

præsidio agnouerim, & si peregrinū, ignotum, omniq; alio
destitutum auxilio videam, securum in medio, & vr̄bis, &
orbis efferam. Accipe ergo hoc tuum quod tibi munuscu-
lum offero, tuo clarissimo tutaminellū illustrandum, quod vel
ex eo libetiore animi propensione, sub tua fide & protectio-
ne suscipe, tuaq; autoritate ab omni externa iniuria defen-
de: quod ipsam Christi gratiam, eiusq; gloriosum hono-
rem, cuius amore & Zelo in rebus & publicis & priuatis
duceris, vel operis saltē titulo redolet. Offerre maiora vel-
lem, sed nos prēmī egestas, neq; tāta suppetit munerum
facultas. Argentum enim & aurum, amplior, nimirum, di-
tioris literaturæ supellex non est mihi, sed hoc quod habeo
idcirco vobis do Illustr. Princep. ne graui videar reprehen-
sione dignus, si cum ex vberissimo totius eruditionis, doctri-
næ, ac literaturæ fertilissimo campo: ex feracissima omni-
genis sapientiæ terra: ex ipso communi omnium & diuina-
rum & humanarum literarum emporio, ex florentissima,
nempe, salmantina vniuersitate ad vos venerim, vacuus in
conspectu vestro apparerem. Sed iam denique ipsam iuris
mei rationem iterū exigo: neq; enim importunus, iniquus
ue exactor videri debeo: si quod vestro nomine factum
est & laboratum, vestra quoq; autoritate & defensatum,
& Illustratum esse desidero. Hoc mihi, meoq; operi a vo-
bis deberi Princeps Illustr. audacter affirmo: sed me totum
vestris obsequijs debitum esse, non diffiteor. Verum cum ra-
tione alia me vobis officiosorem exhibere nequeā, Deum
Opt. Max. deprecor, vt in ipsam uestre Dominicanæ reip.
gloriam, & in maximam totius Ecclesiæ utilitatem ad mul-
tos annos seruet incolumem. Romæ. Ex religiosissimo, ac
perinde celeberrimo uestro S. Mariæ super Mineruam con-
uentu.



AD LECTOREM.



Non possum non (lefloroptime) in hoc de habi-
tuali Christi sanctificante gratia opere nonnul-
la advertere, quæ & me in quibusdam, quæ tibi
non admodum erunt grata, fortassis exusarum
reddent, & te mihi, meoque operi efficiunt bene-
uolum. Et principio quidem prolixiora & ela-
borata magis me oportuisse præfatione uti, ut
eam, quæ me ad scribendum ratio impulit, aper-
ta tibi significatione explicarem: nisi de hoc ar-
gumento alibi nonnulla dixissem, quæ meam tibi mentem satis ualent ape-
rire, & ipsam offitij mei rationem exponere. Neque enim poteram te
meritatis crimine alias non grauiter incusari, quod vix diuturna ac labo-
riosa satis & maris, & terræ pericula euaseram: Vix metum a syrtis &
scopulis, a tumescentibusque maris undis laborum excuseram: vix ab in-
firmitate grauissima, quæ ad extremum usque fere vix periodum laboraue-
ram, ad mediocrem fueram sanitatem reuocatus: vix molesto, prolixoque
itinere peracto, non ad otia, sed ad primata, communiaque ineligi Sal-
mantinæ vniuersitatis negocia, debita sollicitudine pertractandum Romæ ap-
plicueram: cum illud mihi, & legendi, & scribendi officium assumpsi, cui &
sanitatis firmitas, & tranquillitas tum corporis, tum præcipue animi appre-
me sunt necessaria. Verum neque illud temeritate vacat, quod rem tam dif-
ficilem solus agrederer, & auxiliariis antice destitutus, & familiaribus
libris minime recreatus, quibus inter Penates Deos (si sermone Gentilico
licet religioso viro uti) principem ipse locum tribuerem. Nec non me
audacis vitio vehementer arguit, quod famoso Tyberi guttulam aquæ af-
ferre adniterer, dum Romæ & Catholicæ veritatis Matri, & omnium tum
hiemanarum, tum diuinarum literarum altricem, leuissimam literaturæ su-
pellestem quam ex mea mecum de ferebam Hispania, mox & lingua & ca-
lami fistula orientare pararem. Sed quod obsecro manifestius audacioris an-
imæ expectaretur inditum, quam quod conari visus fuerim velocissimum tem-
poris cursum ipsa operis velocitate superare, ac plane vincere? Nam quin-
que mensium spatium vix satis erat ad ea legendum, quæ prælo mandan-
da parabantur, vix ad meditandum, vix ad dicendum, vix ad corrigendum,

dum, & nulla tenus ad ea quæ fastidiosa præli importunitas in ipsoque operis progressu assidue offert auctori suffecerat: & tandem hæc omnia vnic o quasi fascis conglobata intra eiusdem perscripti temporis metam, ipso repugnante tempore, absoluiimus. Sed quoniam non cuius homini illud si licet dicere contingit Veni, vidi, & vici, non tam res successit ex voto, ut non multa, & in ipsa operis substantia, et in debita ordinis dispositione, & in necessaria denique præli fidelitate, ob præuentam infli temporis mensuram, considerari possint. Vnde & necessum erit lectori ad errata, quæ in ipso operis fine adnotauimus, oculos aliquando conijcere. Ista, quæ me intemerysa & suspitionem inducunt, idcirco proposui, ut aduersas bone lector, hæc mihi omnia præconsideranti, tam grauem scribendi occasionem occurrisse, ut satius, ac plane honestius mihi fore iudicauerim temeritatis suspitionem, imo & notam incurrere, quam officio multis a me titulis debito aliqua ratione deesse. Sed iam ulterius in meis aduersionibus progredior, & quod te lector candide ipse operis titulus vehementer offendat, non me clam est, nā neq. mihi satis est gratus. Quia integro & iusto volumini, & in quo grauissima, & varia exagitantur controuersia, simplex relectionis titulus non admodum quadrat. Quia in re nihil inuenio aliud: quo & tibi, & mihi faciam satis, quam ut id quod ipsa rei veritas ad dicendum suppeditat, expedita narratione proponam. Illud, nimirum, opus ex ipsa primaria sue inchoationis intentione, eorum tantum, quæ duorum mensium spatio de habituali Christi gratia in insigni Sanctæ Mariæ super Minervam collegio priuatis lectionibus prælegi, vulganda in publicum relectioni fuisse dicatum: sed cum tantisper in eius versarer progressu, vel ipso agitata meditationis calore ductus, vel quod verius est, quia vidi, me non posse non magno rubore suffundi, si Principi Illustriss. Card. Alexand. tam breuem, tamque minutulam, & si grauem disputationem complectentem, cartam dicassem. Vnde me continere non potui, quin ea adderem, quæ, & si humili relectionis titulo non gratanter submitterentur: a præcipuo tamen eius intento secundum debitum consequentiæ ordinem minime resilirent. Illud quoque animaduertas obsecro lector candide, me multa in hoc opere consulto vel in tacta reliquisse, vel breui discussione exagitata insinuasse: quia in Auctoribus qui vniuersis fere Theologis familiares sunt & communes, tam sunt copiosa tractatione digesta, ut nullam me posse eis accessionem facere iudicauerim. Et ne absque legentium fructu aliena transcriberem, ab eorum disputatione abstinere decreui, aut saltem calamū in ipsorum discussione temperare. Nonnulla quoque reperies in quibus te ad nostrum librum de Origine, & potestate gratiæ remito. Non putes solum esse sine re titulum. Nam opus illud, Deo aspirante, Salmantinis excusum typis breui poteris, si placuerit, egere. In quo & vberiore rerum copiam, & multiplicem controuersiarum varietatem inuenies. Neque vero quæ ibi exacta disputatione differuimus, ad banc de Christi gratia relectionem transportauimus: Paucissimam

suma enim sunt, quæ ex illo acersuimus libro: quod si quando id fecimus (nā
semel ne id fecisse memini) eo plane factum est, ut eis quæ ibidem dixeramus,
nonnulla, & ea quidem consideratione digna, ad maiorem eorum am
plificationem adderemus. Hæc tam familiariter diximus, bone lector, ut vel
ex hac ratione intelligas, quanta cum securitate nostrum hunc tibi laborem
fidimus. *Ambulat enim cōfidenter qui simpliciter ambulat, sapiens dicebat.* *Prouer. 10.*
Quare simplici suscipe animo, quod tibi simplici & veraci corde offero.
Non enim, ut cuiuspiam autoris doctrinæ præiudicium inferam, nostra te le
gere cupio, sed eam tibi doctrinam ex affluentissima S. Tho. sapientia, quasi
ex perenni & limpidissimo fonte haustam, propono, quam a primis meis se
re cunabulis in Religione Dominicana, in religiosissimo præsertim & insi
gni Sancti Stephani Salmanticensis Cænobio, & in Collegio S. Gregorij val
leoletano toto orbe terrarum celeberrimo didici: & in eodem Collegio, atq.
in inclita Salmanticensi academia publico stipendio addictus, non paucis
diebus docui. Neq. enim ex tempore theologabar, quando citissimo tem
pore hoc theologicum opus confeci. Vale lector optime.



[The page contains faint, illegible handwriting.]

22



INDEX QVAESTIONVM

& dubiorum, quæ in hoc opere
disputantur.



Via septem præcipuis præsens opus quæstionibus constat, quarum singulis peculiaria annectuntur dubia: idcirco sigillatim in hoc indice hæc omnia suo ordine sunt proponenda: ita ut cuilibet principali quæstioni dubia ei annexa supponamus. Sed & singulis propria in S. Tho. summa designamus loca, in quibus ab eius interpretibus regulariter solent versari, ut ipsius S. Th. doctrinæ deditis officiosior fiat noster hic labor. Principio tamē hanc totam de sanctificante Christi gratia tractationē ab interpretatione illius celeberrimi S. Ioan. testimonij, Et Verbum caro factum est, &c. inchoauimus. Cui præambulam de dignitate & excellentia habitualis gratiæ disputationem immediate coniunximus. Et Quæstiones deinde alias sequenti ordine pertractauimus

Prima Quæstio.

NVm in Christi anima habitualis reperiatur gratia, & quā certitudine illud sit affirmandum S. Tho. 3. q. 7. artic. 1. pag. 9

Dubia huic i. q. annexa.

An Christus ut homo, vel secundum ordinariam, vel secundum absolutam Dei potentiam potuerit peccatum admittere pag. 31. S. Th. 3. p. q. 15. a. 1.
Num aliquod erroneum iudicium, siue speculatiuum, siue practicum in humano Christi intellectu, secundum aliquam potentiam reperiri potuerit. pag. 38. S. Th. 3. q. 15. a. 3.

An in Christo fueri peccati Fomes. pag. 41. S. Th. 3. p. q. 15. a. 7.

Vtrum omnis operatio voluntatis Christi,

fit, & appetitus eius sensitiui fuerit semper deliberata. pag. 44. S. Th. 3. p. q. 18. a. 283.

Num humana Christi voluntas potuerit se exercere in operationem aliquam diuinæ voluntati repugnantē. pag. 45. & seq. S. Th. 3. p. q. 18. a. 6. & 6.

An verbum posset assumere humanitatem peccato infectā 49. S. Th. 3. p. q. 2.

In quo instanti Christi anima sanctificantem gratiam acceperit. pag. 56. S. Th. 3. p. q. 34. art. 4.

Num Christi animæ simul cum gratia infuse fuerint virtutes Theologicæ. pag. 60. & seq. S. Th. 3. p. q. 7. a. 2.

Vtrum Christi animæ simul cum gratia fuerint infuse virtutes morales suo genere acquisitæ.

Num sit certa fide tenendum, quod gratia sanctificans sit in Christi anima verus habitus, aut vera qualitas realiter ab eius anima differens. S. Th. 3. p.

(quæst. 7. ar. 12.)

coniuncta. pag. 235. 3. p. vbi supra.

Utrum Christus, vt homo per gratiam vnionis prius naturæ ordine, quam suscepit habitualement gratiam fuerit Deo gratus, & sanctus simpliciter. pag. 90. S. Th. 3. p. q. 7. a. 1. & q. 34. a. 1.

Num Christus ratione habitualis gratiæ sit adoptiuus Dei filius. pag. 106. S. Th. 3. p. q. 23. a. 4.

An si Spiritus sanctus homo fieret esset per gratiam adoptiuus Dei filius. pag. 147. 3. p. ibidem.

Quæstio 1. principalis.

Num habitualis gratia fuerit necessaria Christi humanitati in ratione dispositionis ad hypostaticam vnionem. pag. 184. S. Th. 3. p. q. 7. ar. 13.

Dubia huic quæst. annexa.

Utrum gratia habitualis sit naturalis proprietas hypostaticæ vnionis quæ simplicem resultantiam ex ipsa eluxerit. pag. 157. 3. p. q. 6. ar. 6.

Utrum Christus, vt homo sit proprium, & per se habitualis gratiæ subiectum. pag. 172. S. Th. 3. p. q. 6. ar. 6.

Quæstio 3. principalis.

An Christi gratia tanta polleat plenitudine vt censi debeat infinita. pag. 181. 3. p. q. 7. ar. 9. & 10. de plenitudine de qua tractat prior quæstionis pars & ar. 11. & 12. de infinitate, de qua in posteriori parte quæstionis.

Dubia huic quæst. annexa.

An gratia Christi sit eiusdem speciei cum gratia nostra. pag. 228. 3. p. vbi supra.

Utrum separata per miraculum humanitate Christi à verbo, gratia in ea permanens eiusdem esset speciei à se ipsa existente in humanitate verbo

Quæstio 4. principalis.

An Christi anima acceperit gratiā habitualement per propriam dispositionē. pag. 237. 3. p. q. 34. ar. 1. & 2.

Quæstio 5. principalis.

Utrum gratia habitualis fuerit Christo necessaria, ad opera redēptionis exequendum & merendum satisfaciendum &c. pag. 143 S. Th. 3. p. q. 7. ar. 1.

Dubia huic quæst. annexa.

An Christus vere & proprie satisfecerit Deo pro humani generis peccatis. In quo simul differitur an Christi satisfactio fuerit opus iustitiæ commutatiue. pag. 252. 3. p. q. 1. ar. 2.

Num Christi satisfactio fuerit simpliciter infinita in ratione satisfactionis. pag. 293. 3. p. vbi supra.

Utrum peccatum originis & similiter quodcumque mortale peccatum simpliciter sit in infinitum in ratione mali moralis & offensæ Dei. pag. 299. S. Th. 3. p. vbi supra circa solutio. ad 2. & 22. q. 63. art. 3.

An si peccatum originis malitiæ infinitæ non fuisset, necessaria ad huc esset infinita Christi satisfactio ad humani generis redemptionem. pag. 213. 3. p. ibid.

An per primum actum satisfactorium Christus nos perfecte & consummate redemerit. pag. 344. ibi. & 3. p. q. 34. art. 3. circa solutionem ad 3.

Utrum satisfactio Christi fuerit ex toto rigore iustitiæ. Disputatur simul, an Deus teneretur ex iustitia Christi satisfactionem acceptare. pag. 359. 3. p. vbi supra.

Num Christus meruerit & quibus actibus. pag. 394. 3. p. q. 19. ar. 3. & 4.

An meruerit in primo suæ incarnationis

I N D E X :

- nia instanti pag. 408. 3. p. q. 34. ar. 3.
Num Christi meritum aliquando fuerit interruptum. pag. 411. 3. p. vbi sup.
An Christi anima post instantis mortis ipsius Christi meruerit. pag. 412. 3. p. q. 48. ar. 1. & 2.
Num preceptum moriendi Christo impositum a patre, eius humanam voluntatem omnino determinauerit, & necessitauerit ad sui complementū. pag. 420. 3. p. q. 47. 2. 1.
An Christi meritum fuerit insultum. pag. 443. 3. p. q. 19. 2. 3. & 4.
Num Christi resurrectio fuerit infinitum premium quod Christus accipit propter sua merita. pag. 445. 3. p. vbi sup.
Vtrum Christus suam meruerit incarnationem. pag. 450. 3. p. q. 2. 2. 1. 1.
Num Patres antiquę legis incarnationem Christi meruerint. pag. 475. 3. p. ibidem.
Vtrum Beatiss. Virgo meruerit de condigno esse Christi matrem. pag. 498. 3. p. ibid.
Num Christus essentialē animę suę felicitatem & gloriam meruerit, aut habitualem gratiā. pag. 499. & S. Th. 3. p. q. 19. ar. 3. & 4. & q. 34. 2. 3.
An Christus gloriā sui corporis meruerit. pag. 528. 3. p. q. 34. ar. 4.

Quæst. 6. principalis.

- An** Christi gratia sit gratia capitis Angelorum, & hominum. pag. 615. 3. p. q. 8. 2. 3. 4. & 5.

Dub. huic quæst. annexa.

- Num** Christus sit caput rerum omnium, in quo disputatur vtrum Christus fuerit predestinatus prius rationis ordine, quam Deus predestinauerit homines & angelos, & quidquam de vniuersi creatione disposuerit, & an veniret Christus in mundum nō exstante originis peccato: & alia multa in hoc dubio, quæ ista concernunt

- differuntur. pag. 616. & seq. S. Th. 3. p. q. 1. artic. 3.
Vtrum Christus sit caput omnium hominum secundum omnem eorum statum. 742. 3. p. q. 1. per totam.
Num habitualis Christi gratia vere & proprie sit gratia capitis, et an specie differat in Christo gratia capitis, & gratia personali. pag. 762. 3. p. q. 8. 2. 5
Num Christus vt homo physico influxu physicaque efficientia gratiam in nobis efficiat, & differitur simul de efficientia in miraculis patrandis, & de efficientia quam habuit passio Christi, & eius resurrectio in hominum iustificacione. pag. 771. & seq. 3. p. q. 13. & q. 48. & 52. 85. & 22. q. 178. art. 1. ad. 1.
Num Christus vt homo causa sit principalis in genere physico gratiæ nostrę. pag. 803. ibid.
An Christus sit vere & proprie angelorum caput. pag. 837. & seq. 3. p. q. 8. art. 4.
An Christus meruerit angelis gratiam & essentialē gloriam. pag. 832. 3. p. vbi supra.

Quæst. 7. principia.

- Num** habitualis gratia Christo competit exui predestinationis. pag. 859. S. Th. 3. p. q. 24.

Dub. quæst. annexa.

- Quid** Christi vox designet catholicis, & differitur de termino hypostaticæ vnionis. pag. 862. 3. pag. q. 2. art. 6.
An Christus sit vere & proprie persona composita. pag. 870. & seq. 3. p. q. 2. artic. 4.
Dub. de veritate quarundam propositionum, Christus sit, Christus est creatura, &c. pag. 894. & seq. 3. p. q. 16. per tot.
An humanitas per propriam existentiam in Christo existat pag. 898. 3. p. q. 17. art. 2.

An

INDEX

An Christus sit prædestinatus, & quod
nam sit eius prædestinationis obie-
ctum. pag. 932. & seq. 3. p. q. 24. art. 1.
Num Christi humanitas debeat dici
prædestinata. pag. 941. S. Th. 3. p. ibid.
An gloria animæ Christi fuerit termi-
nus proprius & per se primo inten-
tus per ipsam Christi prædestinatio-

nem. pag. 949. S. Th. 3. p. vbi supra.
Num filiatione Dei naturalis fuerit for-
malis, & præcipuus terminus præde-
stinationis Christi. pag. 950. 3. p. ibi.
Verum Christi prædestinatio fuerit no-
stre prædestinationis meritoria cau-
sa. 974. & seq. S. Th. 3. p. q. 24. art. 4.





RELECTIO
DE HABITVALI
CHRISTI SALVATORIS NOSTRI
SANCTIFICANTE GRATIA

Per R.P.M.Fr.Ioann.Vincentium Asturicensem Or-
dinis Prædicatorum publicum in Salaman-
ticensi Schola Sacræ Theologiæ
professorem.

*Verbum caro factum est, & habitauit in nobis,
& vidimus gloriam eius, gloriã quasi uni-
geniti a Patre, plenum gratia, & ve-
ritatis. Ioan.cap.1.*



RACIATURVS in præsentia (felici vtinã progressu)
de habituali Christi Domini gratia, sententiã pro-
positam desumptã ex I.c.Io.instituto nostro maxi-
me accõmodatam existimaui. Tũ propter eximiã
eius profunditatẽ, & excellentiã, quæ S.Aug. tanta
visa fuit, vt diceret nõ semel, quod cũ apud ethni-
corũ philosophorũ libros, quamplurima de diui-

Tract. s. in
Ioa. & lib.
de quinq;
heresi. c. 3

no verbo scripta legisset, legerat enim, inquit ipse, & quod vnigeni-
tus filius Dei sit, & quod per ipsum vniuersa sunt condita: ramen qđ
verbũ factũ sit caro, quodq. nobiscum habitauerit humanis labori-
bus & ærumnis, atq. ipsi humanæ morti obnoxium, in Euangelista
Ioanne primum legerit. Tum propter apertam habitualis Christi

A gratiæ

gratiæ, ipsiusq. & amplitudinis, & plenitudinis significationem, quā & ipsis verbis, & vera earum intelligentia complectitur. Existimo enim minime consentiendum esse Erasmo, cui Dominis Cardinalis Caiet. hunc locum S. Ioannis versans consensit asserenti verba illa Plenum gratiæ & veritatis, non ad Christum Dominum, sed ad Ioannem Baptistam esse referenda: censetq. prædictus autor, ita legendum fore, Verbum caro factum est & habitauit in nobis, & vidimus gloriam eius, gloriam quasi ynigeniti a Patre, & hic terminetur tota clausula, nouaq. deinde in hunc modum incipiat sententia, Plenus gratiæ & veritatis Ioannes testimonium perhibet. Duplici ex causa in hanc intelligentiam Erasmus ducitur. Prima quia in exemplaribus græcis non legitur, Plenum, in neutro genere positum, sed, Plenus, quæ est dictio generis masculini, quæ proinde non potest componi cum verbis præcedentibus, puta, Verbum caro factum est, &c. Sed accommodari debet ad sequentia verba, nimirum, Ioannes testimonium perhibet, atq. adeo non de incarnato verbo, sed de Ioan. Baptist. asseritur ipsa gratiæ & veritatis plenitudo.

Secunda, quoniam illa dictio, Plenum, græce nominatiui casus est, & non accusatiui, in quo nostræ dictionis vulgatæ interpres hanc vocem posuit, namque illa verba, Plenum gratiæ & veritatis, in editione nostra vulgata præcedentibus illis verbis respondent, Vidimus gloriam eius, &c. Necessè igitur est, vt verissimis exemplaribus græcis debitū, vt par est, deferamus honorem, quod illa dictio, Plenum, ad S. Ioannē & nō ad Christū referatur; ita vt fiat sensus, quod Ioannes plenus gratiæ, & veritatis testimonium perhibet. Verum hæduz quibus Erasmi ducitur coniecturæ, multo leuioris sunt momenti, quam quod propter eas recedendum sit ab intelligentia communi horum verborum vniuersis Ecclesiæ Patribus iam olim probata. Nam, vt constabit ex quamplurimis infra referendis Patrum testimonijs, perpetua semper fuit horum verborum apud patres intelligentia, quod gratiæ & veritatis plenitudo non ad Ioannem, sed ad Christum est referenda: Præterea non potest non esse ingens temeritas, ne manifestum dicam errorem, a nostra latina vulgata editione in re præsertim tam graui discedere, & eius interpretem inscitia incusare. Cum sac. Synodus Trident. sess. 4. tantam vulgatæ editioni auctoritatem tribuerit, vt ipsam in lectionibus, concionibus, disputationibus, &c. p. authentica habendam esse decreuerit. Accedit ad hæc, quod si ea, quæ in textu Evangelico immediate sequuntur, præcedentibus annectamus: hæc communis patrum intelligentia continuo apparebit veritati consentanea. Ponderanda enim sunt duo illa, quæ mox in textu Evangelico legimus. Primum. De plenitudine eius nos omnes accepimus. Secundū. Lex per Moysen data est, gratia & veritas per Iesum Christum facta est.

est. Ex quibus constat, quod Ioann. Euangel. ut eā gratiæ & veritatis plenitudinem, quam de incarnato verbo prædicauerat, testatorē faceret, & irrefragabili comprobaret autoritate: statim post verba illa. Plenū gratiæ & veritatis, induxit Ioannis Baptistæ testimoniū, quod iudæis Christi hostibus non poterat nō esse grauiſſimum, quo verbū incarnatum vniuerſale gratiæ & veritatis principium, illis duabus sententijs paulo ante adnotatis, coram omni iudæorum plebe libera fuit confessione testatus. Ob idq. Euangelista illa verba, De plenitudine eius, &c. in ipſo Ioannis testimonio expreſſit: ut Baptistæ testimonij consonantia, cum ex incarnati verbi commendatione, qua ipſum gratiæ & veritatis plenum eſſe dixerat, manifestius appareret.

Sed ſā argumentis Eraſmi occurramus. Et primū quidem debiliſſimū eſt, nulla q. nos difficultate præmit. Fatemur enim libetè dictio nem illam, Plenum, græce non neutri, ſed masculini generis eſſe, cōponitur enim græco exemplari cum illa dictione Logos, quæ etiā eſt generis masculini: at noſtræ æditionis vulgatæ interpres, ubi græce habetur Logos, vertit & ſatis rationabiliter, verbū, quod cū ſit generis neutri, neceſſum fuit, ut dictio, Plenū, ei correfpondens in neutro quoq. genere locaretur. Ad ſecundū argumentū, quod pluſculū præſertit difficultatis, libenter etiam admitto quod aſſumit Eraſm⁹, nimirum, dictionē illam, Plenum, græce nō accuſatiui caſus eſſe, ſed in recto locari, nego tamen id quod ipſe ſubiunxit, ſcilicet, in latina æditione vulgata accuſatiui caſus eſſe: nā eſt reuera nominatiu⁹, neque reſpondet illis verbis, vidimus gloriā eius, &c. ut Eraſmus & Caiet. putauerunt, ſed verbis prioribus, videlicet, Verbum caro factū eſt. Vnde legitimus præfati testimonij ſenſus, is eſt, Verbum caro factum eſt, & habitauit in nobis, plenum gratiæ & veritatis, & vidimus gloriā eius gloriā quaſi Vnigeniti à Patre. Itaque inter verba antecedentia; Verbum caro factum eſt, & habitauit in nobis, & ſequentia alia, ſcilicet, Plenum gratiæ, & veritatis, interpres latinus per modum cuiuſdam parenteſis interpoſuit verba illa, Et vidimus gloriā eius, gloriā quaſi, Vnigeniti à Patre. Cui vero ſenſui atteſtatur, quod in quibuſdam Biblijs hæc verba, vidimus gloriā eius, &c. duabus virgulis comprehenduntur concluſa. Domino Caiet. parenteſis iſta plus nimio viſa eſt protenſa, & prolongata. Sed leuiſſimus certe ſcrupulus ipſum à latina vulgata lectione dimouit, cū apud latiniffimos etiam autores quam ſepius videre liceat, non minus longam, quin & longiorē ſubiunctæ ſententiæ intercluſionem. Poſſet etiam iſtꝛ cui iſte interpretationis modus non placuerit, dicere iuxta mentem Cy rilli Alexand. lib. i. in Ioann. cap. i. quod, ut habeatur ſenſus apertus illorum verborum, Plenum gratiæ, &c. ſubintelligatur. Verbum erat, ita ut ſit ſenſus. Verbum erat plenum gratiæ, & veritatis. Imo poſ

sunt hæc verba ita sumi, vt reddant causam præcedentium, puta, vñ
 diuinus gloriam eius, gloriam quasi vnigeniti a patre. Et subiugatur
 continuo, erat enim plenum gratiæ: quasi diceret, non mirum quod
 tantam eius viderimus gloriam, cum esset plenum gratiæ & verita-
 tis. Quibusdā placet illam dictionē, Plenum, in accusatiuo casu cō-
 stitutam accipere. Et quod componatur cū vnigenito, sicque sensus,
 Hūc a patre vnigenitū vidimus plēnū gratiæ, &c. Insinuant Chryf.
 hanc intelligentiam hom. 15. in Ioan. Alij denique non legunt Plē-
 nū in recto, aut in accusatiuo, sed, Pleni in genitiuo casu, & cōponūt
 cum illa dictione vnigeniti. Ita videntur legisse Theophilatus ver-
 sans hūc locū Ioan. & Athanas. in oratione ad Maximū Philosophū.
 Hæc omnia non improbabili ter dicuntur, quia retinet præcipuum
 quod intēdit vulgata latina æditio, nimirū, quod gratiæ & veritatis
 plenitudo ad verbum incarnatum, & non ad Ioannē Baptistam refe-
 ratur. Sed prima expositio mihi magis probatur, & apparet magis
 grata textui. Sed quicquid de hac re fuerit, illud nobis sit statutū &
 certū, Plenitudinē gratiæ & veritatis cuius Euangelista Ioannes me-
 minit in supra scripta sententia, in maximā incarnati verbi laudē, &
 commendationē ab ipso fuisse Euangelista positam. Qua supposita
 prædicti testimonij vera ac literali intelligentia, more scholastico
 sequentes conabor explicare cōtrouersias, quæ ad extollendā Chri-
 sti Saluatoris nostri gratiam mihi magis visæ sunt accommodatæ.

Prima, Num in rationali Christi anima habitualis, ac sanctificās
 reperiat gratia.

Secunda, An gratia habitualis necessariam habeat in Christo ha-
 bitudinem ad hypostaticam vnionem per modum dispositionis, vel
 antecedentis, vel concomitantis ipsam.

Tertia, An Christi gratia tanta polleat plenitudine, vt censeri de-
 beat infinita.

Quarta, Num Christus per propriam dispositionem, & coopera-
 tionem adeptus fuerit habitualement gratiam.

Quinta, Verū habitualis gratia fuerit Christo simpliciter necessa-
 ria ad exequendum Redemptoris officia, ad merendū & sibi, & no-
 bis, ad satisfaciendum Deo pro vniuersis humani generis peccatis.

Sexta, Nū Christi gratia sit gratia capitis Angelorū, & hominum.

Septima, tandem & vltima, Num ex vi prædestinationis hæc gra-
 tia competat Christo, ita vt reuera fuerit ad ipsam prædestinatus.

Ad primam igitur controuersiam disputandā accedo. Sed quoniā
 vt Cōsultus in l. i. ff. de origine iuris elegāter dixit, difficile est ali-
 quid terminare, antequā termini quæstionis intelligātur: priusquā,
 argumentis hinc inde iactatis primam hanc controuersiam discutiā
 opere pretium duxi explicare, quid designet illa dictio, Gratia, qui

est terminus de quo præcipue tota hæc versatur disceptatio. Neque vero proluxâ huius vocis explicationē deducā, sed ea contentus ero quæ præsentī instituto videbitur necessaria. Memini enim me apud Cic. lib. 1. de oratore legisse, quod solet verbi controuersia vexare eos, qui cupidiore sunt contentione, quā veritatis. Igitur hæc vox Gratia, prout Christo accommodatur, in triplici potest vsurpari acceptione, & pro gratia vnionis, & p̄ gratia habituali quā cōmuniter Theologi gratiā sanctificatē appellāt, & pro gratia deniq; gratis data: Et quidē in præsentia de gratia gratis data nullatenus habendus est sermo, nāq; gratia hæc, cū nō sufficiat bonū facere habentē, neq; in spirituale ipsius habentis cōmodū, sed in cōmunē Ecclesiæ vtilitatē per se cōferatur, vt S. Tho. 1. 2. q. 111. art. 1. adnotauit, vix potest gratia appellari, nisi cū illo addito gratis data, quæ conditionē quandā à perfectione gratiæ diminuentē importat. Nos enim de illa Christi gratia quæ & perfecta est inesse gratiæ, & gratiæ nomen absq; vlla apposita limitatione suo iure meretur, dūtaxat in præsentia differimus. De gratia itidē vnionis vix fiet vllus à nobis sermo in præsentī tractatu. Est enim gratia hæc adeo excellens, tāq; difficilis ac reconditæ intelligentiæ, vt vix iusto vno volumine possit eius per tractatio cōprehendi. Id autē meū esse iudicaui, breuiter exponere, quid gratia vnionis in Christo designet: video enim apud graues Autores, in quorū numero præcipuus est noster S. Tho. non in vna, & eadē semper acceptione desumi. Quādoq; enim asseritur donū esse increatū, & modis omnibus infinitū. In hac acceptione capitur à Doctore Angel. 3. par. q. 7. ar. 11. & ar. 13. ad 3. Quādoq; vero donum creatum, ac proinde non simpliciter, idest modis omnibus infinitū à Theologis vocatur: quā acceptionē facile colligemus ex eodem S. Tho. 3. par. q. 12. ad 3. dicente, vnionis gratiā à tota Trinitate effectam esse & causatam. Vt hanc autē componamus diuersitatē: aduertendum est, tria reperiri in hypostatica vnione verbi ad humanitatem. Primum & quidē præcipuum ipsum Dei verbum, quod cū caro fuit factum, rationem induit excellentissimi, ac infiniti doni humanæ naturæ cōmunicati. Neque enim potuit non induere summe gratuitam excellentissimi doni rationem, cum ex præcipuo paterni pectoris amore ipsi fuerit humanitati datum; sic enim (inquit Sanctus Ioannes) Deus dilexit mundum, vt filium suum vnigenitū daret. Secundum, ipsa natura humana, cui tantum fuit hoc donum exhibitū, tantoque fuit beneficio donata, vt merito S. August. libro de præd. Sanct. diceret. Prædestinata est ista naturæ humanæ tanta & tā excelsa, & sūma subuectio, vt quo attolleretur altius nō haberet. Tertium denique ipsa actualis coniunctio, seu vnio verbi ad humanitatem. Gratia igitur vnionis quandoque sumitur pro ipsa

Quid vox
Christus si
gnificet vi
de infra
quæf. 7. a
principio.

cap. 3.

cap. 35.

per-

personali esse diuini verbi, secundum quod habet rationem terminī incarnationis & vnionis hypostaticæ: & iure quidem gratia appellatur, quia hac ratione summum donum, supremumque diuini amoris beneficium fuit humanitati collatum. Et cum in hoc sensu, qui satis solet esse in vsu Theologorum positus, gratia vnionis capitur, verissime dicunt Theologi, Vnionis gratiam summam esse, & modis omnibus infinitam, ac proinde increatam & improductam, sed humanæ tamen nature communicatam. Quandoque vero gratiā vnionis appellant Theologi actualem ipsam coniunctionem, & vnionē diuini verbi cum humanitate: in quo sensu gratia vnionis quid creatum est, & causatum à tota Trinitate, vt S. Tho. præcitatus dixit. Atq. adeo non est modis omnibus infinitum bonum, & si ex parte formalis termini, puta, diuini verbi, magnam quandam infinitatē accipiat, ac planē tantam, vt intra rationem vnionis & coniunctionis nature substantialis cum supposito, maior neque esse, neq. intelligi valeat, vt ex S. Tho. 1. par. q. 2 s. ar. 5. ad 4. facile colliget peritus Theologus. Excellentissimam hanc vnionis gratiam, siue in vna, siue in altera acceptione desumptam explicuit nobis D. Ioann. in illis nostri Prothetis verbis. Verbum caro factum est, &c. His enim verbis mire describitur, & quod diuinum verbum ineffabiliter fuit humanæ nature communicatum, ita vt totam ipsam secundum etiam inferiorē & infimam carnis portionem assumeret, & hypostatica vnione dignificaret: & quod ipsa actualis coniunctio verbi & humanitatis (cuius permanentiam & indissolubilem durationem denotant illa verba, Et habitauit inobis) diuina fuit virtute effecta: hoc enim explicatur verbo illo, Factum est. Hæc de gratia vnionis dixisse sufficiat. Alia acceptione prætermissa, quæ quibusdam placuit Theologis, Gratiam Christi habitualē vnionis gratiam idcirco appellantibus, quatenus medium quodam est congruentis dispositionis inter humanitatem & verbum in ipsa hypostatica vnione. Sed hæc acceptio reprobabitur à nobis infra in articulo primo secundæ controuersię. Deinceps de gratia habituali sanctificante, & gratum faciente, cui secundum locū in superius facta distinctione dedimus, dicendum est.

Et quidem cum in toto hoc nostro tractatu de huiusmodi habituali gratia per comparisonem ad christum sit differendum; haud quam inofficiosum esse iudicauimus, & doctrinæ ordini minus consentaneū, nonnulla breui orationis stylo hoc in loco præfari, quæ & ad dignitatem habitualis gratiæ cognoscendam, & commendandam non parum Theologis conferre poterunt. Si prius tamē animaduertero, in illa sententia, quam ex S. Ioann. pro fundamento totius nostre disputationis præmissi, expressam fieri huius quoq. gratiæ mentionem, in illis præsertim verbis, Plenum gratiæ & veritatis. Nam quod hæc verba

verba de habituali Christi gratia sint accipienda, fatentur grauissimi Patres cum eruditissimis alijs sacrae scripturae interpretibus, quorum testimonia in progressu primae controuersiae reperiet diligens lector. Neque huic intelligentiae dissentiunt, qui dicunt, verbum caro factū dici hoc loco plenum gratiae, & veritatis, ab effectu & redundantia in nos qui eius gratiam, & veritatem, nempe, doctrinam & sapientiam participamus. Nam haec in nos redundantia praesupponit in ipso formalem & intrinsecam gratiae & veritatis plenitudinē. Et (nisi me mea fallit opinio) crediderim ego, S. Ioann. Euangelistam illa sententia a nobis proposita tria explicuisse, quae in Christo domino suum habent consequutionis ordinem. Nam primis quidem verbis, Verbum caro factum est, & habitauit in nobis, ipsam vnionis gratiam, vt paulo ante dicebamus, expressit. In verbis autē quae, vt retro aduertimus, immediate sequuntur, & si primo aspectu mediatam & remotam sortitur in textu vulgato dispositionem, videlicet, plenum gratiae, & veritatis, explicuit Euangelista habitualis gratiae, excellentisque diuinæ scientiae plenitudinem, in ipsa christi anima residentē: quae sane gratiae & veritatis plenitudo connaturalem habet, iuxta modum in secunda controuersia explicandum, ad gratiam vnionis cōsequutionē, & commitantiam. Sequentibus denique verbis, nimirum, Vidimus gloriā eius gloriam quasi vnigeniti a patre, prodigiosa Christi & insignis virtutis, ac potentiae opera, admirabilemque eius sapientiam externa praedicatione testatā Euangelista designauit. Huiusmodi namque miraculosa facta, quibus praeclarissimā suae praedicationis doctrinam diuinitus Christus cōfirmavit, ob id gloriā vnigeniti a patre, S. Euangelista vocauit, quia illū in hominū cōspectu illustrem, & gloriosum effecerunt, & dignum cui vt summæ veritati omnis adhiberetur fides: & quem, vt verum Christum, verum Messiam, verum Dei filiū, ac verum denique Patris verbum carnē factum susciperent, & venerarentur omnes. Et ideo Christus Io. 15, merito Iudaeos inexcusabiles esse dicebat, quia ipsum vt verum Messiam eis in lege promissum non susceperint. Si non venissem, inquit, & loquutus eis nō fuisset, & operanō fecissem in eis, quē nemo alius fecit, peccatum non haberēt: nunc autem excusationem non habent de peccato suo. De huiusmodi gloria loquebatur S. Io. cum in c. 3. dicebat, Hoc fecit initium signorum Iesus in Chana Galileae, & manifestauit gloriā suam, & crediderunt in eum discipuli eius. Hanc gloriam postulabat a patre Christus ipse exemplum orandi tribuens nobis cum Io. cap. 16, dicebat. Pater clarifica filium tuum, vt filius tuus clarificet te, quasi diceret, Pater insigni miraculorum gloria, grauissimae doctrinae autoritate, vnigeniti filij tui incarnati maiestatem hominibus notam, & manifestam facito: vt ipse filius tuus, postquam tanta fuerit vnigeniti tui gloria donatus,

natus, te ipsum sua morte & passione clarificet, pro tuo amore, pro tua obediētia, pro maximiq. tui nominis autoritate, & gloria turpissimam Crucis mortem spontanea voluntate complectens. Iuxta illud Ioan. c. 14. vt sciat mundus quia diligo patrem, & sicut mandatum dedit mihi Pater sic facio, surgite eamus hinc, ad mortē, Videlicet, subeundam. Et quidem ex ipsa gratiæ, & veritatis plenitudine, quasi ex proxima radice, & causa hanc tantam miraculorū & doctrinę maiestatem, & gloriam ortum habuisse nō irrationabiliter arbitramur. Quamuis omnia tandem ad vnionis gratiam, vt ad primā radicem sint reuocanda. Et ob id dicit Ioan. Gloriam quasi vnigeniti a patre. Nam ex eo quod Christi humanitas a diuino verbo ad unitatem personālē assumpta summe fuit Deo grata, etiam habituali gratia: proportionatissimum haberi debuit diuinę virtutis instrumentum, quo Deus quasi dextero suo vtens brachio, præclarissimam patratet miracula, præcipuaq. diuinę potentię q̄deret opera: iuxta illud quod Beata Virgo plena Spiritu sancto præcinit, Fecit potentiam in brachio suo: &c. Qua vero ratione Christus, vt homo, plenus fuit veritatis, excellēti diuinę essentię faciali visione præfulgens, dignus habebatur, cui vt supernaturalium mysteriorum oculato testi summa adhiberetur fides, irrefragabilisq. ipsius in supernaturali doctrina haberetur autoritas. Non est nostra hæc intelligentia omni auctoritate destituta; Namq; Ioa. Chrys. hom. 11. in Ioan. illa verba Euangelistę, Vidimus gloriam quasi vnigeniti a patre, de ipsa doctrinę, & miraculorū gloria interpretatur. Nā cū Christus & doceret, & operaretur, quasi vim, & potestatem habēs: & doctrina, & mirabilium operū patratio ipsam vnigeniti a patre dilectissimi dignitatem, & gloriam mira cum ostensione demonstrabant. Placuit & S. Bas. hæc interpretatio in hom. de fide, cui neq. Cyrillus, neq. Theophila. loc. cita. refragantur. Scio plane S. Chrys. eodem loco post Origenem in hom. de natiuitate Christi super illa Ioan. verba, In principio erat verbū, hanc vnigeniti a patre gloriam ad excellentissima mysteria quę circa Christi humanitatem diuina virtute contigerūt retulisse nimirū, ad transfigurationem in Monte Thabor coram tribus discipulis factam. Quam S. Petrus 2. can. cap. 1. honoris & glorię appellatione designauit: Ad gloriosam eius resurrectionē: Ad ingressum ad discipulos ianuīs clausis: ac deniq. ad mirabilem ipsius in cœlum ascensionem. Verum hæc posterior intelligentia priori minime aduersatur, quin potius habenda est, vt eius ampliatio, & extēsiō. Hęc nāq. mirabilia, quę in ipsa Christi domini humanitate facta fuerunt, connumeranda sunt inter maxima & prodigiosa Christi opera, in quibus diuina potestas & virtus, q̄ in ipso Christo corporaliter habitabat, mire splēduit & emicuit. De mysterio. n. resurrectionis dominicę dicebat

cebat Paulus, quod Christus qui mortuus est ex infirmitate carnis, ex virtute dei resurrexit, & ex virtute quidē nō aliena, & extrinseca, sed intranea & propria. Habebat enim, & habitat in Christo, eodem Paulo testante, omnis plenitudo diuinitatis corporaliter, idest, vere realiter & præsentialiter, & non vmbatrice & figuraliter, vt in arca fēderis olim habitare solebat. S. August. tract. 2. super Ioann. Gloriam hanc referre videtur ad gloriam quæ in diuinæ essentiae visione consistit. Probabilis intelligentia, sed præstat (ni fallor) illa quam dudum ex alijs patribus deduximus. Namque gloria illa beatifica nescio qua ratione visa fuerit in Christo corporeis obtutibus. Nisi dixeris, quod opera mirabilia, & clarissima Christi doctrina testimonio fuerunt Apostolis videntibus & cernentibus, quod Christi humanitas, cuius ministerio in his mirabilibus utebatur verbum, non poterat non esse Deo gratissima gratia perfecta & consummata per gloriam. Et hac ratione Euangelista dixit, Vidimus gloriam eius, idest, gratiam eius consummatā. Cyrill. loc. cit. post Orig. hom. 2. in Ioan. quibus non refragare videtur S. Augustin. lib. 13. de Trinit. capit. 19. Gloriam hanc in eo sitam esse intellexit, quod susceptæ carnis infirmitas, nulla ex parte antiquæ verbi maiestatem minuit, aut immutauit. Et hæc intelligentia non est cur reprobetur, imo neque diuersa reputari debet ab intelligentia nostra. Nam idem est prorsus miracula, & doctrinam Christi manifestasse nobis verbi dignitatē: & quod ostenderent ipsum Dei verbum, iustitiæ solem pulcherrima nube carnis obtectum in scripturis sacris merito vocatum, antiqua adhuc maiestate, & claritate pollere. Quare ad eundem fere sensum diuersa hæc in interpretamenta reducuntur.

Colos. 2.

Vt interpretatur August. epi. 57.

Sed iā ad naturā & dignitatē habitualis gratiæ paucis verbis innuādā, nostra deinceps reuertatur oratio. Principio quidē grandē habitualis gratiæ excellentiam, ex summa & maxima sui Autoris eminentia & maiestate non inepte venabimur. Consentaneum enim rationi est credere, perfectionem effectus proportionatam esse causæ dignitati. Quis autem sit huius diuinæ formæ Autor, Regius Vates nobis explicuit psal. 83. verbis illis. Gratiam & gloriam dabit Dominus. At continuo nobis obijciat theologus parum conferre ad dignitatem gratiæ extollendam, quod ipsum deum sui habeat Autorem, cum hoc cōmune sit vniuersis creaturis quamlibet imperfectis, & infimæ naturæ, vniuersæ nāq; clamāt assidue, ipse fecit nos, & nō ipsi nos. Cæterū cui naturalis rerū ordo penitus nō fuerit ignotus, facile se poterit ab hac difficultate expedire: probe. n. sciet naturalium causarum effectus in duplici genere positos esse. Quidam namq; ita a suis procedunt effectricibus causis, vt ab earum virtute, & excellentia plurimum deficiant, atque adeo ipsarum virtutem & dignitatem di-

Excellentia & essentialis gratiæ habitualis dignitas exponitur.

minuta, imperfectaq. ratione exprimunt. Quidam vero non vteruntur que a suis prodeunt causis, sed & magnam cum ipsis, ipsarūque excellentia similitudinem habent & proportionem: quæ proinde vel adæquate, vel magna saltem ex parte earumdem causarum vim, & dignitatem considerantibus referunt. In solari Astro manifestum huius rei reperimus exemplum, vniuersalis enim hæc, & pulcherrima causa in varios ac multiplices se prodit effectus, inter omnes tamen sola lux est, in qua præclara solaris virtus adæquate exprimitur, & quæ excellentiam & maiestatem huius tam eminentis causæ adæquata similitudine, & connaturali proportionem exprimit. Lapides enim, plantæ, imperfecta animantia, & quāplures alij effectus a sole prodeūtes, vix vllam cum ipso proportionem habent, vnde neque ipsam solis vniuersalem, & secundissimam virtutē pro dignitate referunt. Hac ergo analogia seruata in effectibus qui ab eximia dei virtute dimanant, similem poterit doctus quisque distinctionem commentari: ita quod præter res illas omnes quæ à deo optimo maximo vti ab vniuersalissimo totius naturæ autore prodierunt, in quibus diuina ipsa potestas, ipsaque diuinæ potestatis excellentia insufficienter exprimuntur, eo quod ab ipsius dei natura & dignitate, non modo infinito, sed sere improporcionabili interuallo hi effectus distant, quia sunt & generis & ordinis inferioris ipso deo: præter hos, inquam, inferioris ordinis effectus, alius excellentioris & naturæ, & dignitatis effectus ab ipsa optimi dei excellenti virtute deriuetur. Qui, & si eximiam tanti sui autoris dignitatem, & potentiam adæquata expressione referre minime valeat (diuina namque potestas cum sit modis omnibus infinita adæquationem non admittit) eiusdem tamen sit ordinis, eiusdemque diuini generis cum ipsa maximi dei natura: exprimatque proinde, & si non non totaliter, aliquantulum tamen, id quod in ea excellentius est, & diuinius, & in quo præcipue ipsa dei essentia vniuersas rerum naturas, & perfectiones, quam excellentet exuperat, utpote quod supernaturale quodam sit, ac diuinum ipsius diuinæ naturæ participium. Mirabilem hunc diuinæ virtutis effectum nos gratiam appellamus. Cuius dignitatem & excellentiam S. Petr. in 2. can. c. 1. his verbis magnifice declarauit. Per quem, inquit, id est per Christum maxima & prætiosa nobis promissa donauit, ut per hæc efficiamini diuinæ consortes naturæ. Hanc vnicam supernaturalem formā puta, gratiam, quæ vnica simplex qualitas est in anima, ipsā exornans & eleuans S. Petrus plurali voce maxima & prætiosa munera nobis promissa exposuit non obscure insinuans, hanc supernaturalem qualitatem, ita formaliter vnicam esse, quod virtute multiplex est, & multiformis. Ex ipsa enim diuinæ virtutes, fides, spes, charitas, supernaturaliaque Spiritus sancti dona, quasi naturali deriuatione promanant:

nanti: uti à substantiali essentia profluunt proprietates eius & operati-
 vae potetiae, ut ab essentia rationali oriuntur intellectus & voluntas.
 Ea loquendi phasi utitur S. Petrus in explicanda virtute & dignita-
 te gratiae, qua olim fuerat vsus Dauid cum in psal. 50. de originali
 peccato incidisset ei sermo, Ecce, inquit, in iniquitatibus conceptus
 sum, & in peccatis concepit me mater mea. Quo loco hoc singu-
 larissimum originis peccatum, iniquitates & peccata in plurali
 numero idcirco vocatur: quia peccatum illud naturali generatione
 derivatum ita vnicum est & simplex, quod est veluti primum omniū
 peccatorum, & iniquitatum fecundissimum, etli putidissimum semi-
 narium.

Præterea, diuinam hanc habitualem gratiam vocat promissa S.
 Petrus, non solum quia non ex meritis nostris infallibilis doni ratio-
 nem sortitur, sed ex liberali & magnifica Dei promissione ortum ha-
 bet; verum etiam quia in ipsa gratia tanquam in prima radice præ-
 habetur vniuersa dona nobis diuinitus a deo promissa, ipsa etiā æter-
 na vita quam in vltimum & maximum bonorum meritorum præ-
 mium, gloriosumque bonorum laborum fructum, Deus ipse nobis
 fuit pollicitus, vnde Paul. Rom. 6. inquit. Gratia Dei vita aeterna.

Ex his omnibus conficitur, habitualis gratiæ excellentiam & digni-
 tatem ex ipsa Dei autoris gratiæ inenerrabili eminentia rationabili
 cōsequutione deduci. Eo quod inter omnes effectus adeo productos
 hoc sibi proprium vendicat Gratia, nimirum, quod procedat a deo
 intēdēte exprimere in hoc supernaturali effectū, id quod in ipsa eius
 essentia augustius est, & excellentius, & in quo à nulla substantia crea-
 ta, a nulla que proinde entitate naturalis ordinis & finiti imitari va-
 let. In quo plane consistit Deum optimum maximum in productio-
 ne habitualis gratiæ rationem induere supernaturalis autoris & cau-
 sæ. Deum enim supernaturalem esse autorem, supernaturalemq. effe-
 ctuum principium, non consistit in eo, quod operetur ut vnus, vel
 quod agat ut trinus, ut ex nouioribus Theologis falso quidam puta-
 uerunt, quod facillima ratione demonstro.

Deus ut trinus nihil operatur ad extra, eo quod personarum Trini-
 tas proprietatibus relatiuis constat, relatio vero nullius est actio-
 nis, nulliusque effectus actiuum principium. Quod autem Deus,
 prout vnus est, operetur, non est peculiare respectu gratiæ aut cuius-
 vis gratuiti doni, nam omnes naturæ ordinis effectus causat, & opera-
 tur Deus, prout est vnus, ergo Deum operari ut supernaturale auto-
 rem & causam minime in eo consistit, quod vel ut vnus, vel ut trinus
 operetur, sed in eo quod exprimat in effectū producto id quod in ip-
 so excellentius est & diuinius: & in quo nulla creatura ad naturæ or-
 dinem pertinens eum valet sua natura imitari. Et quidem in omni-

bus supernaturalibus effectibus, etiam in his qui non tam secundum substantiam, quam secundum eum modum quo causantur, sunt censendi superturales, ut vita ad quam rediit, qui fuerat mortuus, & visus cæco restitutus, hæc doctrina verum habet: sed præcipue in hocypo excellentissimo omnium effectû verificatur, quod nostrum est in præsentia explicare. Qua in re varijs Theologorum placitis, & iudicio meo, veritati parum consentientibus prætermisissis, quid ipse in hac parte sentiã, breui & dilucida oratione exponam. Censeo igitur duo potissimum reperiri in deo, quibus ab vniuersis creatis & creabilibus substantiis summo Deus intervallo distat. Alterum quod est ipsum, Esse inparticipatum & independens, totã essendi plenitudinem simplicissima quadam complexione continens (in hoc quod dicimus, quod deus est ipsum Esse duas alias rationes vniuersalissimas, scilicet, Viuere, & Intelligere comprehendimus, est enim deus ipsum Esse viuens intellectuãlĩ vita à semetipso, & independenter ab omni alio ipsam intellectuãlis vitæ rationem obtinens.) Alterum quod ita est ipsum Esse vnũ simplex & penitus indiuisũ, & indiuisibile, quod ineffabili quodam modo tribus personis à se ipsis realiter distinctis est cõmunicatum. Nonnulli Theologi hoc secundum existimant, augustinus esse & eminentius in deo, & in quo magis splendet diuinæ naturæ excellentia & dignitas. In quam opinationem induxit eos excellens mysterij Trinitas, & vnitatis diuinæ altitudo & profunditas, quæ tanta est, ut nullus creatus intellectus quantacumq. polleat viuacitate & vi, poterat vnquam suis viribus, soloq. naturæ suffultus lumine, vel leuem quandam suspensionem, ne dicam opinionem, de hoc tantò mysterio concipere. Quod quidem de prima alia dei perfectione dici nõ debet. Quoniam licet quidditatiua notitia dignosci nequeat naturali virtute ipsum esse dei, at ex effectibus naturalibus euidenter potest intellectus humanus cognoscere quod deus est ipsum esse, ipsum viuere, ipsum intelligere, iuxta id quod dicit Paul. Rom. 4. inuisibilia Dei per ea quæ facta sunt intellecta cõspiciuntur, sempiterna quoq. virtus & diuinitas, Et sap. 13. à magnitudine sp̃iei, & creaturæ poterit. Creator earum visibiliter cognosci. Verum hac Theologorum opinione, & eorum ratione non obstantibus, aliter ipse procedendum esse existimauerim. Nimirum, quod magnã quidem est, & valde excellens Dei eminentia quod vna indiuisa, ac simplicissima eius diuina natura tribus sit diuinis personis communicata, Verum neq. præcipua est in Deo perfectio, neq. nostro more concipiendi in re ipsa fundato, prima est & radicalis dei excellentia: sed priorẽ aliã rationis ordine præsupponit, illã, videlicet, paulo ante exposita, quod Deus sit ipsum esse, totalisq. essendi plenitudo, ac similiter ipsum in intellectuãle viuere. Ista diuinæ naturæ perfectio, & si nec causa, nec ori-

go, nec si proprie loquimur, fundamentū sit illius perfectionis, quæ ad personarum Trinitatē in eadem indiuisibili natura subsistentium pertinet, est tamen eius ratio: iuxta eum modum quo diuinæ naturæ immutabilitas solet à pertioribus Theologis æternitatis Dei ratio vocari. Nam qua ratione infinita dei essentia ipsum est intellectus de viuere, natium est ei ad intra cōmunicari, omni & summo modo naturæ intellectuali possibili. Quæ sane intellectualis cōmunicatio cum non nisi per actiones intellectus & voluntatis esse queat, diuina essentia in tribus dumtaxat personis potest esse subsistens. In patre ut in persona, quæ primū est totius diuinæ cōmunicationis principiū, in qua reperitur generatiua potentia, quæ est ipse diuinus intellectus ut in tali persona constitutus, & tali relationi, nimirum, paternitati associatus, ut placuit S. Tho. 1. p. q. 27. ar. 2. vel ut Scotus in dist. 27. & quodlib. 1. cōtendit, est ipsa memoria facienda Patris, de qua re alias. Et pr. mā hæc sanctę Triadis persona cum ad personas alias relationem habeat originis, non potest non realiter ab illis secerni. Personā hanc Principij nomine sanctus Euāgelista Ioannes nobis expressit tibi, In principio erat verbum. In principio, idest in Patre, Et psal. 102. eandem ipse Pater sibi appellationem accommodauit illis verbis. Tecum principium in die virtutis tuæ, Estq. illud in hac parte summo opere animaduertendum, quod in his sacrae paginæ locis, ratio principij non ad externos diuinæ virtutis effectus attenditur, sed intra ipsammet dei naturā pensatur. In his namq. scripturę testimonijs nullus ad creaturas habetur respectus, sed persona Patris ad filij personā confertur. In libro autē, Genesios. in primis totius libri verbis, scilicet, In principio creauit deus cælum & terrā, vox illa, Principio, quæ iuxta grauissimorū Patrum intelligentiā dei filio accommodatur. Respectum designat ad creaturas, quarum filius speciali quadā accommodatione principium in sacra scriptura vocatur: eo quod Ioanne Euāgelista testante, omnia per ipsum facta sunt. Et Paulo ad Hebræos dicente, Per ipsum Pater fecit & secula: Et idcirco filius de ipso testimonium perhibens, Ioan. c. 8. Ego principium, qui & loquor vobis. Fateor, q. quia Christus vnum est cum Patre spiritus sancti principium, nō solum cōparatione ad creaturas, sed intra ipsam infinitam dei naturā proprie potest appellari Principium. Sed iā vltterius progredior & assero, quod per actionem intellectus Paterni diuina essentia verbo realiter cōmunicatur: quod sane Verbum, cum sit splendor patris, & figura substantiæ eius, Paulo loco dudum citato asserente, vere & proprie dei filius nuncupatur: Denique per actionem diuinæ voluntatis persona spiritus sancti à Patre, & filio, ut ab vnico principio procedit. Neq. alia potest vltterior intellectualis naturę intelligi cōmunicatio; eo quod quilibet persona istarum totam, & totaliter, & infinitam

Cap. v.
Cap. i.

infinitam talis personę rationem complectitur, filius totam, & summam filij, ac diuini verbi rationem, Spiritus sanctus rationem similiter totalem, & infinitam personalis amoris diuini. Vnde cum nō sint potentię alię intellectuales pręter intellectum, & voluntatē, necessarium est in his personis recensitis sistat intellectualis naturę diuinę communicatio. Verum quod prędicta hęc diuinę essentię cōmunicatio citra vllā ipsius simplicissimę naturę diuisionem, multiplicationem, aut compositionem constet, inde prouenit secundum rationis ordinem, quod Dei natura est ipsum Esse, totam essendi plenitudinem complectens; quę proinde in sui communicatione nouo Esse minime eget, sed vno simplicissimo, infinitoq. diuino Esse tres ipse diuinę personę subsistūt. Ecce quemadmodū, ipsum sanctissimę Trinitatis personarum in vna simplici, indiuisibiliq. natura subsistentium altissimum mysterium, ad ipsum diuinum esse, diuinum viuere, diuinumq. intelligere tanquam ad excellentiorem perfectiōnem, rationisq. ordine priorem reducitur.

Ad illud vero quod in contrariū obiciebatur, facile respondetur quod vt ipsum diuinum Esse, pro excellentiore, & diuiniore Dei perfectione habeatur, nihil impedit quod ex creatis effectibus, cognoscatur aliquo modo, nimirū, quoad, An est, vt Peripateticis, & magis in schola notis verbis vtamur. Nā satisfuerit, ipsum minime ex his effectibus, quantūlibet excellentibus quidditatiuā, & perfectā cognitione dignosci posse. Neq. vero quicquā refert ad ostendendā perfectiōnem mysterij Trinitatis, quod illud ex effectibus naturalibus etiā imperfecta cognitione, & quoad, An est, haud quaquā inuestigare possimus; nā hęc tanta huius mysterij occultatio non ex sola eius dignitate, & altitudine prouenit, sed ex eo simul quod proprietates quibus sanctissimę Triadis personę constituuntur, cum sint relatiuę, non sunt creaturā effectiua principia: Atq. adeo diuinarum personarum Trinitas nullatenus relucet in effectibus naturalibus, sed de hoc alias. Nunc autem ad ipsam habitualis gratię dignitatem explicandam noster progrediatur sermo: talemq. primo rationem propono.

Gratia per se primo est formalis quędam expressio, & participatio diuinę naturę, secundum id quod excellentius est, & diuinius in ipsa natura Dei, est enim eius participatio, quatenus est ipsum Esse imparticipatū, & independens, omnē pręhabens essendi plenitudinē: Ergo ex propria sui ratione est forma perfectissima, eleuans animam ad ipsum diuinę naturę, consortium: estq. proinde perfectissima forma in ordine supernaturalium rerum. Consequentia adeo est manifesta, vt probatione non indigeat: etenim perfectio cuiusuis creatę entitatis pensanda est penes maiorem similitudinē, & approximationem ad diuinam naturam, quę est supremum, & perfectissi-

muniens, & ipsum esse. Quod autem est maximum in aliquo genere,
 aut ordine, mensura est omnium aliorum, quæ in eodẽ genere, aut in
 eodem ordine collocantur; atq; adeo si gratia expressio est, & forma-
 le participium eius perfectionis quod in Dei natura augustior est, &
 eminentior, non potest non esse perfectissima forma, & supra totum
 naturæ ordinem eleuata, & in ipso supernaturali ordine principem
 tenens locum. Antecedens vero partim constat ex his, quæ paulo ante
 dicebamus. Sed præterea vltèrius probatur: & primo ex eo, quod S. Th.
 12. q. 112. art. 2. ad secundũ dicit, id quod substantialiter est in Deo,
 fieri accidentaliter in anima per gratiam participantem diuinam bo-
 nitatem. At nihil magis est substantialiter in Deo, quam ipsum Esse
 intellectualem vitam viuens. Hanc ergo diuinissimam perfectionem ani-
 ma iusti hominis per gratiam participat. Secundo illudmet antece-
 dedens probatur. Proprietates & perfectiones quas litteræ sacræ, & gra-
 vissimi Ecclesiæ Patres gratiæ passim accommodant, adeo sunt excel-
 lentes, & diuinioris ordinis, vt nullatenus possent competere gratiæ,
 nisi ipsa formalis esset quædam naturæ diuinæ participatio, qua
 ratione Deus est ipsum esse imparticipatum, & independens.
 Appellat enim illam indefectibilem, immortalem, æternam, &c.
 affirmantq. nos per gratiam immortalis, indefectibilis, inuariabilisq.
 vitæ donari, & in vero stabili, indefectibiliq. esse constitui. At hic tam
 excellens perfectionum cūmulus haud quaquam habituali gratiæ
 competeret, nisi supernaturale esset participium diuinitatis: prout est
 ipsum Esse imparticipatum, & ipsum immutabile, & æternum intello-
 ctuale Viuere. Quænam modum neq. perfectiones istæ in summo gra-
 du constitutæ Deo essent essentielles, & quidditatiuæ, nisi Deus essen-
 tialiter esset ipsum imparticipatum, independens, immutabile & in-
 deficiens esse, ipsumq. viuere intellectualem. Sed ad sacræ paginæ, san-
 ctorumq. Patrum testimonia recurramus, ex quibus prædictæ diuinæ
 gratiæ proprietates, tamq. excellentes & mirabiles eius dotes prom-
 ptum erit colligere. Paul. ad Rom. Gratia, inquit, Dei vitæ æterna, id
 est, prima æternæ, indefectibilisq. vitæ radix, Gratia est. Cui consen-
 tit satis illud, quod Christus cū Samarita muliere loquens, dixit, de spi-
 ritu diuinæ gratiæ, quæ accepturi erant credentes, illum aquæ nomē-
 clatura designans. Ioann. capit. 4. nimirum, quod in eo qui biberit
 ex ista aqua, fiet fons aquæ salientis in vitam æternā. Qui plane Chri-
 sti sermo, & si Metaphoricus: ipsam rei veritatem mire adumbravit,
 imo & explicuit aperte. Gratia namq. vere salit in æternam vitam,
 quatenus in ipsam, quam viuificat & illustrat animam, ad altissimum,
 vnde ipsa descendit principiũ, incredibili virtute, & efficacia euehite
 coniungitq. animam eandem cum immortalis ipsa, & inextinguibili
 vita Dei. Ex qua gratia vt siuulus a suo fonte miro quodā descensu
 defluit,

defluit. Sed quamquam gratia ad æternam ipsam, & immutabilem Dei vitam comparata riuulus quidā sit à viuo fonte deriuatus, absolute fons a Christo, ob id dicitur: quod ex ipsa innumera alia Spiritus sancti dona effluunt, & promanant, & quidem indeficienti emanatione, & effluxu, nisi per humanę voluntatis iniquitatem steterit, quæ inter nos & ipsum Deum fontem viuum miseram diuisionem faciat: iuxta id quod Isai. dicebat, Iniquitates vestrę diuiserunt inter vos, &

Cap. 59.

Ad Hebr.
12.

Deū vestrum. Qua diuisione facta, necessum erit, vt riuulus hic diuinus, quem Christus appellauit fontem, in anima exsicceetur. Et ob id Paulus admonitos de hac re nos esse cupiens, dicebat. Contemplantes ne quis desit gratię Dei. Quasi diceret. Gratia sua natura nullius esse potest defectus principium, nullumue deliquium, nullamque mutationem patitur, quin indefectibilem, æternamque animę vitam præstat. Gratia namque omnia potest, & omne bonum ei tribuendum est acceptum. Omnia possum, inquit Paul. ad Philip. 4. in eo qui me confortat, & Christus dixit Paulo ipso referente. Sufficit, tibi gratia mea. Quasi omnis sufficientia in gratia comprehendatur. Et ob id Augustin. de Ecclesiastic. dogmatibus capitul. 43. dicit, quod gratiæ debentur omnia, &c. in quo sensu

1. Cor. 15.

exponit illud Pau. Gratia Dei sum id quod sum, id est, quicquid sum, &c. Quare nulli vnquam gratia deerit, sed tota gratię defectio, si quādo contingat, in humani arbitrij flexibilitatem, cui pro vitæ presentis statu gratia accommodatur, referenda erit. Quod eruditissime, vt omnia S. I. hom. in 2. 2. q. 24. ar. 11. in corp. & ad. 2. adnotauit. Cui veritati S. Synod. Triden. attestatur decernens quod deus sua gratia semel iustificatos non deserit, nisi prius ab ipsis deseratur. Igitur gratia si ex proprijs suę naturę meritis expendatur, radix est æternę, atque immortalis vitę, non modo animę, verum & corporis. Ipsa enim rationalis animę supernaturalis vita in resurrectionis statu ad ipsum humanum corpus quasi naturali effluxu deriuabitur, vt in Epist. 56. ad Dioscorum adnotauit Pater August. Vnde non irrationabiliter ipse lib. 22. contra Faustum dixit, quod secundum gratiam genus mortale non erimus.

Cap. 31.

Summam gratiæ firmitatem, & stabilitatē colligo ex illo Hirem. Dabo leges meas in cordibus eorum, & in visceribus eorum scribam eas. Quo in loco Propheta de lege Euangelica loquebatur: quæ spiritu gratię & veritatis in humano corde diffusio principaliter consistit. Quę sane Euangelica diuinę gratiæ lex ob id, Augustino adnotante, si delium cordibus insita, & inscripta dicitur, scripturęque voce a Propheta designatur, quia scriptura hoc potissimū differt a verbo, quod verbum cito transit, Volat enim irreuocabile verbum: scriptura vero fixata permanet, & fixa.

Superp. 2.
44.

Ob quam causam in script. sac. res intimo cordi insculpta, & in scripturæ appellatione significatur. Iuxta quam loquutionis phrasim Paul. Corinth. scribens dicebat, Epistola nostra vos estis scripta, &c. 2. cor. 5.
 Et opere pretium erit hoc loco animadvertere. quod vniuersa, quæ Deus auctoris naturæ officio fungens, in sex dierum spacio, vt Gen. refertur, cōdidit, verba solēt, & voces appellari, ps. 148. Ipse dixit, & facta sunt, ipse mandauit & creata sunt, Genes. primo. Dixit Deus, fiat lux, & facta est lux. Ea, nimirum, de causa quia vniuersa ordinis naturalis opificia mutationi, & instabilitati sunt prorsus obnoxia, eo quod naturam Dei qua ratione est ipsum esse imparticipatū, & indeficiens, nō ita participat, qđ formaliter sint cōnaturales ipsius impressiones, sed peculiare diuinæ mentis imitantur Idæas. At legem gratiæ, & ipsum gratiæ & charitatis spiritum, scripturam vocat sacer ipse textus, humanis cordibus intima adhensione insculptam: eo quod gratia formalis est diuinæ naturæ, quatenus est ipsum esse, participatio, & expressio: ac proinde stabilem, indeficientem, æternamq; vitam animæ præstat. Iuxta id quod Paul. ad Hebr. 13. inquit, optimum est gratia stabilire cor. Vnde verissimum est, quod August. in Ioann. dicit, maiorem permanentiam tribui a gratia, quam habeat cœlum, cum sit cœli men incorruptibile. Sed neque plane mirum, cum gratia eius sit diuini generis, & ordinis de quo Regius Vates dixit, ipsi puta, cœli peribunt, tu autem permanes, & omnes sicut vestimentum veteraſcent, tu autem idē ipse es, & anni tui non deficient. Huc attinet, quod scriptura sacra, eos quos a Dei gratia alienatos esse constat, cuiusmodi sunt idolorum cultores, dicit non esse, & eos omnes qua sipro nihilo reputat. Iuxta quam phrasim accipienda est illa Regiæ Hester oratio c. 14. Ne tradas domine sceptrum tuum ijs, qui non sunt, idest, idolatris & gentilibus. S. Basil. lib. 2. contra Eunom. circa medium dicit, quod gentes & peccatores dicuntur non esse, quia nō participāt Dei vitam, quæ per gratiam confertur. Huic veritati suffragatur quamplurimum id quod S. Paul. ad Ephes. inquit. Hoc igitur testifcor, vt iam non ambuletis, sicut gentes ambulant alienati a vita dei, idest, alienati a Dei gratia, per quam anima viuit, iustus enim ex fide viuit. Ex fide tamen, gratia, & charitate formata, quæ sola viuā fides appellatur. Et cum autore Aristotele, viuere in viuētibz sit esse, qui hac viuā fide caruerit, iure optimo dicitur non esse, & nihil esse, & ita Paul. inquit, Si charitatem non habuero nihil sum. Et cum in deo optimo maximo idē sit esse, & viuere, qui alienatus a vita dei fuerit, alienatus quoq; ab esse dei cēsendus erit. Quo fit, vt per gratiam qua iustus viuit, ipsamq; participat dei vitam, vere quoque dicatur ipsum diuinum esse participare. Et hinc est, optima ratione scripturam sacram iustis hominibus dei gratia præditis essendi perfectionem

Cap. 1.

Tradit 1

ps. 101.

c. 4.

abathuc
c. 2.2. libr. de
anima.

1. cor. 13.

absolute, & absq. villo additamento quandoq. tribuere, cū illud tamen infidelibus, & peccatoribus denegat. Iuxta quā intelligentiā S. Basil. lib. 2. contra Eunom. illa verba Paul. ad Ephes. c. 1. sanctis, qui sunt Ephesi, & fidelibus in Christo Iesu sic legit, Sanctis qui sunt, & fidelibus in Christo Iesu, &c. Itaque non addit illam determinationem Ephesi, sed sanctis viris absolute tribuit essendi perfectionem, quā in eis confert dei gratia. Et ait Basil. ita ante ipsum antiquos expositores legisse, & ita haberi in vetustioribus codicibus. Ex mente etiā S. Hieron. cui hæc Basilij intelligentia non placuit, alium habemus locum qui nostro intento plurimum confert. Nam vbi nos ad Galat. legimus: Qui sunt Christi, carnem suam crucifixerunt cum vitijs & concupiscentijs, sic legit Hieron. Qui sunt, carnem suam crucifixerunt, &c. Itaque pro eodem reputat esse Christi, & esse iustos, & in dei gratia, & esse simpliciter. Et hæc est ratio ob quam S. Paul. 1. ad Cor. c. 15. de seipso dicebat. Gratia dei sum, id quod sum. &c. quasi diceret: totum esse quod habeo, ex dei gratia est, & per gratiam formaliter constituitur. Ponderanda est illa geminatio verbi, Sum, magnā enim habet emphasim. Videturq. Paul. proprium ipsius dei nomen sibi metipsi accommodare. Nam quod olim deus Moyse dixerat.

Exod. 3. Ego sum, qui sum, nimirum, per naturam, id S. Paul. sibi tribuit per gratiam. Gratia inquit sum, id quod sum. Et certe in hoc potissimum summa dei liberalitas & magnificentia erga nos splendet, quod id quod ipsi deo magis proprium est, & nativum, nobis communicavit per gratiam. Hinc fit non inepte Rupertum Abbatem lib. 5. de gloria trinitatis dixisse, illud maximum Dei nomen Iehovah, quod nomen reipsa, ut alias probauimus. non differt ab illo nomine: Qui est, de quo Exod. dicitur. Qui est, misit me ad vos, desumptum fuisse a præcipuo diuine virtutis effectu, Nempe, Gratia, quæ tribuit nobis simpliciter esse, & qua seclusa, anima neque viuit, neq. est. Ex his sequitur, verum esse id quod in præsentī discursu probare contendimus, gratiam, videlicet, supernaturale quodam esse naturæ diuinæ participium, secundum excellentiores illas perfectiones quæ ad ipsam dei naturam & propius, & proprius attinent. Vnde merito S. Ioan. 1. can. c. 3. statuit nos per gratiam vere dei filios constitui. Videre, inquit, fratres, qualem charitatem dedit nobis pater, ut filij Dei nominemur, & simus. Quasi diceret, non solum nomine, sed reipsa per veram, & intrinsecam, nobisque inherentem diuinæ naturæ participationem filij dei constituimur. Ratione præterea ab effectu desumpta, quam Dialectici a posteriori vocant, ostenditur gratiam formale participium esse naturæ diuinæ, quæ ratione dei natura est ipsum esse imparticipatum, immutabile, & æternum. Præcipua in toto supernaturali ordine operatio, & in quā gratia veluti in fine vltimum,

& intuitiva Dei visio, quæ inuariabilis est, indefectibilis ac tota simul, quæ proinde participata æternitate mensuratur. At huiusmodi operatio nequit esse connaturalis illi formæ, quæ non sit ipsum im-
 participatum, & indeficiens esse, vel eius formale participium: operatio namque proportionata esse debet illi formæ, quæ ipsius operationis est primū, & radicale principium. Hoc eodem argumento nō inefficaciter ostenditur, quo pacto gratia formalis etiam sit participatio diuinæ naturæ, prout tribus personis est cōmunicabilis, imo, & actu cōmunicata. Visio namq. Dei habituali gratiæ, vt diximus, proportionata esse debet, vt pote quæ ipsius est consumatio, & vltimum cōplementum, diuinam attingens naturā, non solum prout est vna in semetipsa; sed etiā prout taliter est vna, quod absque sui indi-
 uisione, tribus est diuinis personis cōmunicata, intuetur enim beatus Deū sicut est vnus, & trinus. Quo circa necessum est, vt virtus, & efficacia gratiæ ad ipsam Dei Trinitatem extendatur, sitque proinde aliqua ratione formalis diuinæ Trinitatis participatio & expressio. Sed illud est hoc loco aduertendum, quod de habituali gratia, prout supernaturalis est diuinæ naturæ participatio, loqui debemus proportionabiliter ad eum modū, quo paulo superius de ipsa Dei natura loquebamur. Ita quod gratia per se primō formale participiū est earum perfectionum, quæ ad ipsam Dei vnitatē pertinet: quæ perfectiones, vt retro insinuauimus, ad tres illas cōmunissimas, nimirū esse, viuere, & intelligere reducuntur. Secundario vero, aut quasi secundario, essentialiter tamen participatio sit diuinæ Trinitatis, seu diuinæ naturæ prout est tribus personis cōmunicata. Quod & ex illo Ioan. 14. satis aperte colligitur, ad eū veniemus, & mansionē apud eū faciemus. Et illud. Gen. Faciamus hominem ad similitudinem
 nostram. Multi graues autores de similitudine gratiæ interpretātur, secundum quā toti Trinitati sumus similes, & ob id dixit in plurali faciamus &c. Sed obijcit nobis quispiam illud superius citatum ex S. Pet. testimoniū. Per quem maxima nobis præciosa promissa donauit, vt per hanc efficiamini diuinæ naturæ cōsortes, Ex quo testimonio id non obscure videtur colligi, quod non per solam habituale gratiā, quæ vera qualitas est essentiz animæ inherens, autore S. Tho. 12. q. 110. a. 2. sed & per reliqua omnia ordinis supernaturalis dona, quæ vel ad intellectū, vel ad voluntatem pertinent, cuiusmodi sunt fides, spes, charitas, lumen propheticum, lumen gloriæ &c. cōsortes efficiamur naturæ diuinæ: nam hæc omnia supernaturalis ordinis dona cōplectitur Apost. Petrus. sub illis vocibus. Maxima & præciosa promissa: atque adeo non est propriū gratiæ tribuere nobis diuinæ naturæ participiū. Huic obiectioni, Respondent quidam doctissimi

c. 1.


 Dubium.
 2, Pet. c. 1.

ex nouioribus Theologis, ita plane esse, quod non sola gratia constituit in nobis participium, & consortiū naturæ diuinæ, sed commune esse cum gratia cæteris supernaturalibus donis, qualia sunt paulo ante illa à nobis commemorata, tribuere animæ huiusmodi diuinæ naturæ consortiū; quoniam vniuersa hæc supernaturalia dona sunt supernaturalis & diuini ordinis: ex ipsa supernaturali Dei vita & natura deriuata: Itaque propheta, cuius intellectus lumine prophetico eleuatur, vere dicitur euectus ad diuinæ naturæ participiū, & consortiū: eo quod formaliter in se habet propheticum lumen, quod participatū est ab ipso diuini intellectus lumine. Et similiter quicumque vere fidelis, etsi propter mortalem culpā alienatus existat à Dei gratia, vere dicitur particeps & cōsors diuinæ naturæ ratione luminis fidei, quod est donum participatum & expressum a diuino lumine. Ex quo inferunt primo, quod differentia specifica gratiæ, nō est facere nos formaliter cōsortes diuinæ naturæ, nā hæc ratio generica est, & communis omnibus supernaturalis ordinis habinibus & donis, sed propria & specifica differentia gratiæ cōsistit in hoc, quod faciat formaliter in nobis consortiū amicabile cū Deo. Quod sane consortiū nō solum denotat similitudinem ad Deū, etiā in his quæ sunt Deo & diuinæ naturæ maxime propria, nā hanc similitudinē præstant etiā reliqua supernaturalia dona; sed denotat præterea cōmunicationem amicabilem & familiarem supernaturaliū bonorū inter Deum auctorem gratiæ, & hominē Deo gratū. Inferunt secundo, quod gratia non est formalis participatio naturæ diuinæ, quia participatio hæc formalis fit per reliqua supernaturalia dona, quibus proxime disponitur anima ad operationes supernaturalis ordinis, quibus anima formaliter assimilatur Deo. Et insinuant autores huius doctrinæ, quod si rigurose loquamur, hæc assimilatio nō fit formaliter per aliquem habitū, sed supernaturalibus ipsis operationibus: est aut gratia radicalis participatio naturæ diuinæ, quatenus in ipsa tāquam in radice præhabetur reliqua supernaturalia dona, & habitualia, & actualia.

Hæc tamen doctrina cū utroque eius cōsecratario mihi nō placet, Et primo quod is qui est extra Dei gratiā, & amicitiam constitutus, sit simpliciter ad diuinæ naturæ participiū, & cōsortiū admissus per lumen fidei, aut lumen prophetiū &c. mihi nō satisfit vero simile: cū S. Paul. dudū citatus pro nihilo reputet illum, qui extra Dei charitatem existit. Nam qui simpliciter est admissus ad consortiū naturæ diuinæ aliquid est, imo & magnū quid est, cum sit simpliciter eleuatus ad consortiū summæ bonitatis, & summæ perfectionis; Natura enim diuina summa bonitas est, & summa perfectio. Deinde ratione à priori id ipsum confuto. Tunc anima & non alias, eleuatur simpliciter ad consortiū naturæ diuinæ, cum ei intrinsece com-

catur formalis participatio omnium perfectionum quibus essentialiter constat ipsa Dei natura: nam quod anima sic simpliciter consorti diuinæ naturæ, non est habere participatam in se vnā, aut tantam ipsius diuinæ naturæ perfectionem, sed habere totā ipsam naturā formali expressione cōmunicatam. Etenim qui vnā aut tantam tantū diuinæ naturæ perfectionē participat, ex parte tantū, nō partialiter in cōsortiū ipsius diuinitatis admittitur: atque non simpliciter, sed secundū quid particeps eius est & cōsortis, hanc totalē naturæ participationē sola gratia tribuit, nā relique omnes supernaturalis dona nō sūt participia totius diuinitatis, sed cōfundā singulariū eius perfectionū. V. c. lumen fidei aut propheticum, imo & lumen gloriæ participatio est & expressio nō totius diuinitatis, sed luminis diuini intellectus. Similiter charitas nō est expressio & participatio totius Dei, sed solius infiniti amoris voluntate diuinæ: ergo sola gratia est quæ simpliciter nos reddit diuinæ naturæ cōsortes. Et ostendo præterea non inefficaci ratione quod gratia & sola gratia sit totalis cōmunicatio naturæ diuinæ, & qua formaliter participamus ipsā Dei naturā, secundū id quod in ea excelsum est, & diuinus, & in quo potissimū cōsistit ipsa Dei essentia & veritas. Per gratiā efficiuntur formaliter Dei filij, neque vllū aliud nū naturale sufficit ad cōstituēdam in nobis diuinam filiationē: At quod homo efficiatur Dei filius, cōsistit formaliter & essentialiter in hoc, quod diuinam naturā in ratione talis naturæ intrinsece participat, & nō satisfuerit participatio cuiuspiā singularis perfectionis eiusdē naturæ diuinæ. Filiatio enim hæc adoptiua Dei dicitur per similitudinē, & proportionē ad filiationem naturalem, iuxta illud Paul. Rom. 8. Quos præscit & prædestinauit cōformes fieri imaginis filij eius: atque adeo sicut filiatio naturalis postulat perfectissimam, & infinitam cōmunicationem totius naturæ diuinæ per substantialem generationem habitam, ita adoptiua filiatio diuina necessario exigit participatam cōmunicationē totius naturæ diuinæ, supernaturali quadā accidentaria tamen & imperfecta generatione cōstitutam: de qua loquebatur Iacobus ca. 1. cum diceret, voluntarie genuit nos verbo veritatis. Ergo sola gratia est quæ simpliciter admittimus in diuinæ naturæ cōsortium. Et inde sumitur manifesta impugnatio prædictæ sententiæ, qua parte docet quod per lumen fidei, aut lumen propheticum absque charitate & gratia, simpliciter fit homo particeps, & consortis diuinæ naturæ. Nam qui ita docet, consequenter tenetur admittere, quod absque gratia & charitate, per lumen fidei, aut prophetica efficitur homo verus Dei filius adoptiuus. Quoniam naturam Dei simpliciter participat, Dei filius est adoptiuus, & per participationem. Ergo &c.

Primum



Primum consecrarium, quod Auctores impugnare sententia ex ipsa inferunt, ex his quæ modo dicebamus, manifesta falsitatis convincitur. Constat enim ex dictis essentialē, & ultimam differentiam gratiæ in eo sitam esse, quod præstat nobis formaliter in crinsecū diuinæ naturæ participium, & cōsortium. Vnde impertinenter additur ad explicandum specificam gratiæ differentiam, Quod efficit amicabile consortium inter nos & Deum. Nō negauerim quod diuinæ naturæ consortium, quod nobis tribuit gratia sit amicabile, id est, vinculum supernaturalis amicitia inter hominē & Deum, intra animam constituens. Verum hoc amicabile consortium non in alio consistit, quam in eo quod per gratiam efficitur homo particeps naturæ diuinæ, secundum propriam ipsius naturæ rationem. Quæ participatio verē & proprie dicitur amicabile consortium: quia est ipsa supernaturalium bonorum communicatio, & constituit animam in tali statu in quo dum perseverauerit, odio à Deo minime potest haberi, imo necessario necessitate suppositionis debet diligi, ut aliās à nobis aduersus quosdam recentiores Theologos efficacissimis rationibus comprobatur.

Secundum consecrarium quod ex prædicta sententia inferebatur, nihilum, quod gratia nō est formalis, sed radicalis tantum participatio diuinæ naturæ, falsum etiā reputo, naturæ & dignitati gratiæ satis aduersum. Fateor quidē gratiā nō esse formaliter fidē, spē, charitatem, aut quodvis aliud supernaturale donum, quo anima proximè disponitur ad supernaturales operationes, sed radicaliter tūcum gratia hæc dona præhabet, ad eum modū quo substantialis essentia radix est suatum omnium naturalium proprietatum & potentiarū: sed est nihilominus gratia formalis ex pteilio, & participatio diuinæ naturæ, ut illā appellat S. Thom. 12. q. 110. ar. 2. ad secundum. Quoniam est formalis participatio Dei, quatenus est ipsum esse, & ipsū intellectualem viuere. Itaque sicut essentia hominis, ut naturæ ordine suis potentijs intellectu, scilicet, & voluntate præintellecta, & prout est earundē radix, formaliter est rationalis, quamquā ita cōsiderata neque actu ratiocinetur, neque sit in proxima dispositione, & potentia ad ratiocinandum cōstitutā: ita gratia prout radicaliter præhabet cetera supernaturalia dona, & actualia eorū officia, formaliter est essenda super naturalis, & excellens diuinæ naturæ participatio. Sed obijcit nobis scolasticæ Theologiæ peritus. Diuina essentia seu natura non in aliqua habituali, aut quasi habituali forma, quæ sit vel proximarum vel radicali diuinatum operationū principium, essentialiter consistit, sed in actuali operatione naturæ intellectuæ propriæ. Non enim in ipsa Dei natura potencialitatis quidpiā, sed summa est cōstituenda actualitas: & idcirco Dei natura nō intellectuā est, sed intelli-

intelli-

gens: Imo est ipsum intelligere, sicut, & ipsum viuere, & ipsum
 ergo supernaturalis forma quæ radicaliter tantum, & quali per
 m habitualis principij supernaturalis ordinis actiones intelle
 naturæ proprias præhabet, nequit appellari formalis diuinæ
 participationis, & expressio, sed radicalis duntaxat: atque a deo so
 le actualibus diuini ordinis actionibus competit, quod sint for
 diuinæ naturæ participationes, & quod per eas efficiamur for
 diuinæ naturæ consortes. Confirmatur ex illo Ioan. 1. can. c.
 ne filij Dei sumus, sed non apparuit quid erimus, cum autem
 ruerit, scimus quia similes ei erimus: quoniam videbimus eum
 est. In quibus verbis ponderandum est, quod similitudinem for
 m ad Deum, in actione videndi Deum facialiter & intuitiue po
 esse S. Ioan. dicit, & non in ea forma qua in hoc statu filij
 constituimur. Ergo, &c. Respondetur argumento facto. Et primū
 quod sine dubio essentia Dei ob summam sui eminentiam, &
 tissimam dignitatem nequit in alia forma creata siue; substan
 siue accidentali quantumlibet supernaturalis sit, & diuini ordi
 secundum eum modum exprimi, & participari, quod subsistit in se
 ipsa. Etenim essentia Dei, ita est actualis, quod habet simul esse
 modum formæ permanentis, & in qua intellectus valet plures
 nguere perfectiones quarum vna sit alterius ratio. Imo & vnam
 sum supremam actualitatem, & perfectionem cognoscere, ni
 um, ipsum Esse, quæ non radicaliter, sed per formalem inclusionē
 siue elevationem, reliquas Dei perfectiones, & actualitates com
 tatur. Hic autē modus in nulla creata forma explicabilis est: quia
 a intelligi valet creata, & participata forma, cui sit formaliter, &
 ntialiter intrinseca actualis operatio, sicut neque actualis existen
 licui creaturæ esse potest essentialis. Similiter nulli operationi cō
 formalis inclusio omnium perfectionum diuinarum secundū
 icipationem formalem ipsarum: neque, quod habeat esse per mo
 formæ quasi habitualiter informantis ipsam iusti animam. V. c.
 alis Dei visio non habet rationem huiusmodi formæ, & ita est
 ntialiter Dei visio, quod nō est formaliter actus amoris diuini, aut
 uis alia supernaturalis perfectio, & proportionabiliter dicendum
 de actuali diuinæ charitatis amore. Quocirca nulla esse potest
 ta entitas siue actualis, siue habitualis, quæ ipsam dei essentiam
 ticipet, & exprimat iuxta modum quem habet in semetipsa.
 undo dico, quod in habitu gratiæ, & si non reperiatur for
 liter participata illa actualitas, quæ essentialiter competit na
 æ diuinæ, simpliciter tamen appellari debet formalis eius parti
 cipatio. Quia per modum formæ est quædam totalis eius expressio,
 participatio, radicaliter præhabens omnes dei perfectiones, secū
 dum

dum participationem, quæ & in reliquis insulis habitibus, & in inueni-
 sis supernaturalibus actionibus explicantur. Ad eum modum quo crea-
 ta substantialis essentia radix est suarum omnium potentialium, &
 operationum. Et ob id gratia non immerito diuina natura secundum
 formalem participationem vocatur, iuxta modum quo possibile est
 ipsam dei naturam in aliqua creata forma & entitate comunica-
 ri. Præsertim cum nulla alia supernaturalis entitas siue actualis, siue
 habitualis possit produci in anima, quæ per modum simplicis formæ
 ipsi animæ tribuat participium omnium diuinarum perfectionum :
 ac proinde nulla alia entitas supernaturalis dici queat simpliciter
 participatio, & expressio naturæ diuinæ, sed talis vel talis perfectio-
 nis, ex innumeris quæ in ipsa dei essentia formaliter reperiuntur.
 Ad formam igitur argumenti dato antecedenti neganda est eius con-
 sequentia. Et ratio, ob quam consequentia, quæ tam apparet euidens,
 est neganda, ex dictis colligitur. Et in summa hæc est, quod infinita dei
 & actualissima essentia sicut non potest per aliquam substantialem
 formam animæ communicari, ut alias probauimus, cum sit ipsa sum-
 me substantialis: ita neque est producibilis aliqua accidentalis super-
 naturalis ordinis forma, quæ ipsam participet secundum illam actua-
 litatis modum, quo ipsa in se habet esse: sed necessum est, ut naturæ
 diuinæ participetur ad eum modum, quo perfectiones creaturarum con-
 tinentur in suis specificis, & essentialibus formis cum potentialitatis
 admixtione. Et hoc nulli debet esse mirum. Nam cum iuxta vulgatum
 philosophorum proloquium, omne quod recipitur ad modum reci-
 pientis recipi debeat, necessum fuit ut in finita & summe actualis dei
 naturæ participaretur in forma & qualitate creata, iuxta modum crea-
 turæ proportionatum, qui potentialitatis admixtionem postulat. Alia
 præterea ratione ostendi potest, quod nulla actio supernaturalis sit
 simpliciter formalis diuinæ naturæ participatio: quia, videlicet, ex-
 pressio & formalis naturæ diuinæ participatio debet esse a solo deo
 effecta & impressa animæ. Actio vero quæcunque supernaturalis eli-
 citiue ab anima fit. Ergo, &c.

Ad confirmationem respondeo, manifestum esse ex illo Ioan. te-
 stimonio, quod dum sumus in hoc vitæ statu participamus formali-
 ter & simpliciter dei naturam (quod per aliam formam, quam per
 gratiam esse nequit) cum S. Io. fateatur, quod nunc, id est, in hoc statu
 sumus filij dei. Similitudo vero illa ad deum, quæ nouiter accipiemus
 in futuræ vitæ statu per beatam & facialem dei visionem, erit quidem
 consummatio, & adimplementum valde proportionatum participa-
 tioni formali naturæ diuinæ, quam nobis gratia confert: sed non ne-
 cessarium, ut absolute dicamur formaliter deo similes. Apparebit au-
 tem tunc, quod sumus deo similes, ad eum modum quo essentia ratio-
 nalis

naturæ apparet in actuali ratiocinio, & discursu humani intellectus, & sicut natura arboris apparet in eius fructu. Et iuxta hunc sensum esset commodè explicari testimonium ex S. Petro desumptum, deditur tribuere vniuersis supernaturalibus donis, quod nos efficiunt diuinæ naturæ consortes. Potest enim dici, quod sola gratia substantialiter præstat naturæ diuinæ consortium, reliqua autem naturalia dona id præstant, vel inchoatiuè & dispositiuè, vt de specie dicere tenemur, vel consummatiuè, & completiuè, vt dicemus de charitate, de Spiritu sancti donis, & de lumine gloriæ: & magis hoc adstruere debemus de proprijs supernaturalium habituum operationibus. Aliam explicationem adhibuimus superius prædicto S. Petr. testimonio, iuxta quam de solo gradu est intelligendum. Quæ explicatio, & si certa non sit, pro ratione non caret.

Ad vt tractationem istam, quam alio in loco locupletiori fortassis inuenerimus, breuiter absoluaui, obseruandum est. Quod statuimus gratiam formalem esse participationem naturæ diuinæ, sicut est ipsum esse ac totalis essendi plenitudo, minime asseuerandum, quod gratia est ipsum esse imparticipatum, aut tota imparticipatis plenitudo, hæc enim perfectio tanta soli diuinæ naturæ, quæ creatæ formæ potest competere: sed tantum asserimus gratiam admodum esse diuini ordinis qualitatem, quæ immediatâ habet proportionem cum ipsa Dei natura, tamquam, cum proprio suæ emanationis principio, in ipsa quæ proinde supernaturali, & fere indicibili maiestatis dignitatis perfectio secundum omnem illam rationem exprimitur, secundum quam diuinitas participabilis est in creatura intellectuali. Quæ cum in eodem gradu entitatis reponatur in quo est ipsa in actualis Dei essentia, apta nata est participare summam diuinæ nature perfectionem, eo modo quo substantialis naturæ perfectio participari potest & exprimi in accidentaria qualitate, quæ sit veluti adaptata eius proprietates, sicut in luce corporea accidentaria expressio participatur tota vis, & efficacia, quæ substantialiter residet in essentiali forma solis. Hoc lucis exemplum, & si non sit inepte aduclum, multo tamen esset nostro intento accommodatius, si animo fingere vellet, duplicem esse lucem, alteram substantialem, quæ esset ipsamet essentialis solis forma, & alteram accidentariam qualitatem ab ipsa essentiali solis luce in diaphano corpore productam. Nam tunc e diceretur, quod tota latitudo lucis ipsi duntaxat soli connaturalis esset, in summo quidè gradu constituta substantialis esset eius forma, in gradu vero quocunq. præter summum, accidentaria esset qualitas ex sola impressione ipsius solis, cuius perfectionem & virtutem haberet, in diaphano corpore producta. Nam iuxta hunc modum

Theologatur Caiet. 1. p. q. 12. & 5. de lumine gloriæ, quod in summo gradu est essentialis Deo, imo est ipsa Dei essentia: In gradu vero quocumq. extra summum, est immediata quædam proprietas ipsius diuini essentialis luminis. Quod non obscure insinuant illa verba Regij Vatis, In lumine tuo videbimus lumen, id est, in lumine à te participato, quod ob id tuum est, quia sola impressione infiniti tui luminis haberi potest, videbimus ipsum substantiale, & infinitum lumen. Et iuxta hunc eundem modum proportionabiliter nos Theologari debemus de gratia, videlicet, quod diuinum esse infinitum, & imparticipatum substantialis est & quidditativa Dei perfectio: Gratia vero qualitas est eiusdem ordinis cum ipso diuino esse, soli Deo connaturalis, in qua immediata quædam expressione ipsum substantiale infinitum esse accidentaliter participatur, & exprimitur.

Ex dictis omnibus sequitur gratiam non ex acceptance Dei extrinsecæ; sed ex ratione sui propria, & quid ditatiua constituit hominem Dei filium, obiectum congruum, & proportionatum amicabili dilectioni Dei; formaliterq. iustificare animam tamquam formalem inherentem iusticiam, omnemq. mortalis peccati inordinationem ab anima excludere, ita vt contradictionem inuoluat, mortale peccatum simul cum gratia in anima persistere. Hoc corollarium multa inuoluit quæ alias erunt diffuse pertractanda, & efficacissimis comprobanda rationibus. Nunc autem eorum veritatem ex superius dictis breui, sed efficaci deductione in hunc modum colligimus. Gratia essentialiter, & sua natura, absq. vlla extrinsecæ Dei acceptance, seu imputatione formalis est diuinæ naturæ participatio, & expressio: at qui participat naturam Dei per impressionem ab ipso Deo factam, vere filius Dei est per participationem & adoptionem, dignusq. est proinde, vt in paternum Dei amorem admittatur. Atq. adeo gratia omnē peccati mortalis deformitatem ab anima pellit, quæ hominem Diaboli filium, & a diuino amore alienum, & extorem efficit. Et ob id Ioan. 1. ca. c. 4. dixit quod qui manet in Deo non peccat, quia semen Dei menet in illo. Quo toco habitualement gratiam semen Dei vocat, quatenus sua virtute seminaria quædam, & radicali ratione completitur totum id, quod ad supernaturalem spiritualis vitæ ordinē spectat. Neq. huic veritati S. August. refragatur, nam lib. 2. de sermone domini in Monte c. 27. eleganter docet, quod non minus gratiæ repugnat deficere, & peccare, quam siccitati humectare, & calori frige facere. Et hæc dixisse sufficiant de natura, & dignitate habitualis gratiæ in communi consideratæ. Et deinceps in speciali de Christi gratia tractabimus.

QUESTIO PRIMA.



N prima igitur controuersia, ex retro ad disputandū
propositis, examinare conabimur. Num in Christi
anima habitualis reperiatur gratia, & qua certitudi
ne illud sit asseuerandū. Et principio quidē in senten
tiæ negatiuæ patrociniū, sequētia induco argumēta.
Primum argumentum. Si in Christi anima ponitur habitualis gra
tia, maxime vt ipsa sit Deo gratissima, & charissima, sed hoc habet in
certo gradu, ex vi solius gratiæ vnionis. Ergo impertinens est Chri
sti habitualis gratia. Probatur min. Christus charus est, & gratissimus
Deo quod est naturalis eius filius. quod ostendunt clare illa Patris
verba, quæ habentur Matth. hic est filius meus dilectus: Ergo non ex
habituali, sed ex vnionis gratia, competit Christo esse charissimum
Dei, & gratissimum.

Confirmatur primo. Christus per gratiam vnionis habet saltē emi
nentem totam illam gratitudinem, & sanctitatem, quam illi posset ha
bitualis gratia tribuere. Ergo superuacaneæ & otiose ponimus in
Christo habituales gratias. Probo antecedens. Christus per gra
tiæ vnionis est simpliciter infinite gratus Deo, & infinite sanctus. At
in infinitum, Aristot. 3. Phys. docente, nihil est accipere, id est, intra
in infinitum continetur totū illius generis, in quo est simpliciter
in infinitum. Ergo omnis gratitudo, & sanctitas quæ per habituales gra
tias potest conferri, intra gratitudinem & sanctitatem, quam Chri
stus habet ex gratia vnionis eminentissime præhabetur: alias enim hæ
c gratitudo, & sanctitas non essent simpliciter infinite in suis rationi
bus, puta, gratitudinis, & sanctitatis.

Confirmatur secundo. Ita natura cōparatū est, vt subiectū, quod præ
ter aliquā perfectionē eminenter, nō sit capax eiusdē perfectionis
se formaliter habitæ V. C. sol qui eminenter est calidus incapax est
naturalis caloris, & homo cuius essentialis forma, videlicet, rationalis
forma eminenter cōtinet gradū sensitiuū, nō est capax alterius animæ,
formaliter ei præstet sensitiuū gradū. Sed gratia vnionis eminentis
cōtinet, & gratiā habituales, & omnē formales eius effectū. Ergo
Christus, qui gratus est Deo ex vi gratiæ vnionis, nō est habitualis gra
tia capax, vel saltem sine magno miraculo non potuit illā suscipere.
Miracula nō sunt admittēda absq. rationabili, imo & vrgētissima
causa, quæ hic assignari minime poterit, cū vt ostēdimus totus effectus
habitualis gratiæ summa cum eminentia, & perfectione tribuatur ani
mæ Christi per vnionis gratiam. Ergo &c.

Secundum argumentū. Effectus formalis primarius gratiæ nequit
esse in Christi anima: Ergo neq. ipsa habitualis gratia. Cōsequutionis
eius cunctis est sapientibus manifesta: Est namq. impossibile, vt for

ma aliqua sit in eo subiecto, cui formalem suum primarium effectū non tribuit. Et subiectum quod est incapax huiusmodi formalis effectus alicuius formæ, est etiam incapax ipsiusmet formæ. V. C. subiectum, quod non potest esse album, nequit albedinem in se suscipere. Antecedens vero probatur Formalis effectus gratiæ primarius est esse diuinum participatum, ut ex superius dictis relinquitur manifestum, sed Christi animæ repugnat diuinum esse participatum, cum habeat sibi unitam totam ipsius diuinitatis plenitudinem. Iuxta illud Paul.

Colof. 1. In quo, nimirum, Christo habitat omnis plenitudo diuinitatis corporaliter, & illud 2. Cor. 5. Deus erat in Christo mundum reconcilians sibi. Ergo &c.

Confirmatur primo. Cui competit aliquod esse, quod est tale per essentiam, repugnat simul habere illud met esse per participationem. Nam habere aliquid totaliter, & perfectè, & simul partialiter, & imperfectè, manifesta est repugnantia: Sed anima Christi habet esse verbi, quod est esse diuinum per essentiā: Nequit ergo simul habere gratiam, quæ est formalis quædam participatio diuini esse.

Confirmatur secundo. Sequitur ex sententia contraria, quod Christus vere dicatur Deus per participationem, sicut quilibet iustus per gratiam dicitur, & est Deus participatiuè, iuxta id, quod asserit Christus Ioan. Si eos dixit Deos ad quos sermo Dei factus est &c. Consequens autem est absurdissimum. Nam Christus, qui secundum fidem Deus est per essentiam, quo pacto simul esse potest, & dici Deus per participationem? Ergo &c.

Terrium argumentum. Gratia participata quædam est Dei similitudo, & ad hoc confertur homini, ut ipsum constituat Deo similem participata similitudine, sed Christus seipso & ex vi hypostaticæ vnionis est perfectissime Patri similis, Paul. ad Hebr. testante. Qui cum sit, inquit, splendor Patris & figura substantiæ eius &c. vbi loquebatur sine dubio, ut ex ipso contextu liquet, de filio Dei in humana natura subsistente, sicut illum significat hæc vox Christus. Ergo nulla est in Christo ponenda habitualis gratia.

Quartum argumentum. Si in Christo est habitualis gratia, sequitur ipsum vere esse Dei filium adoptiuum, consequens nulla ratione est admittendū, etiam si specificatiue dicamus, quod Christus in quantum homo, est adoptiuus Dei filius: ut probat S. Tho. 3. p. q. 23. art. vii. & videtur esse definitū in quodā Concil. Francfordiensi. Ergo in Christo minime reperitur habitualis Gratia. Sequella probatur, filiatio adoptiua est effectus formalis gratiæ, vel primarius, ut multis placet, vel, ut alijs videtur, secundarius: Sed effectus formalis primarius inseparabilis est omnino à sua forma in subiecto suscepta: Secundarius vero effectus formalis etiā est inseparabilis à forma, nisi p magnū miraculū

abso-

puta Dei potentia patratū. At in Christi gratia, non est ponendū
culum, quod prater ipsius gratia ordinē cotingat, absque magno
mēto. Ergo, qui dixerit in Christo reperiri gratiam habitualem,
equenter fateri tenetur, quod reperitur in ipso hic effectus forma
tia, puta, filiatio adoptiua.

Confirmatur. Infusio gratia sua propria ratione est quaedam parti
ta spiritualis, & quasi adoptiua generatio, iuxta illud Iacobi c.
Voluntarie genuit nos &c. Vbi voluntaria generatio vocatur ip
fusio gratia, speciali Dei amore in nobis facta, sed generatio
tiua filium adoptiuum tanquam, proprium terminum respicit,
ipsū destinatur. Ergo si in Christo fuit gratia habitualis infusio
endus, est filius Dei adoptiuus, saltem cum illa specificatione, In
atum homo.

propositam tamen sententiam, & Theologi scholastici in 3. d. 13.
atres sanctissimi varijs, in locis postea referendis constanter asse
nt.

huius controuersia resolutionem parum sibi ipsis dissentiunt
ologorum placita. Nam in sententiam affirmantē omnes, & ma
s, & pedibus eunt, in modo tamen quo illam docent non nihil
iuerficatis. Quidam enim quorum opinionem retulit Palud. in
13. q. 2. censent, habitualem gratiam non esse Christo necessariā,
quod sufficiebat illi vnionis gratia. Et certe si qui sunt Theologi
habitualement gratiam Christi animae denegauerint, sunt huius sen
tie autores qui tamen fuerint ignoramus, nam eorum sententiam
ominatis autoribus retulit Paludanus. N. nonnulli autem, e quo
numero fuit Alex. alens, 3. q. 7. membr. 2. art. 1. Existimant hanc
iam fuisse simpliciter necessariā Christo, & videtur sentire Alens.
d per, absolutā Dei potentiam non potuit verbum assumere natu
a humanam non exornatam habituali gratia. Dicit enim non esse
sibile, quod per donum naturā eleuetur, & disponatur humanitas
diuinam vnionē, & ideo necessaria fuit gratia, &c. in eandē senten
propēdit Henricus, quodl. 13. q. 5. & q. 6. q. 6. Inter nouiores Theo
os non constat qua certitudine tenenda sit hęc veritas. Videli
Christum habere gratiam eius animam eleuantem, & perficientē,
de hęc omnia breuiter erunt à nobis exponenda in huius primae
trouersia resolutione. Si prius tamen supponamus, in praesentia
n definiti, An hęc habitualis Christi gratia sit verus habitus, aut ve
qualitas realiter à charitate, & à ceteris infusis habitibus differens
am distinctionem scriptus in 2. d. 27. & cum illo multi eius discipu
negauerunt. Sed eam tamen S. Thom. in 12. q. 110. art. 3. multo pro
bilius adstruxit, affirmans gratiam comparatione ad virtutes infus
eum locum habere in supernaturali, & coelesti animae vita, quem
in esse

in esse naturali habet essentia comparatione potētiarum naturalium. Ita quod ex ipsa gratia tanquam ex formali radice oriuntur in anima, charitas, & reliquæ virtutes infusæ quæ sunt proxima principia operationum supernaturalium, quæ spirituali vitæ proportionantur, sicut ex naturali essentia ipsius rationalis animæ oriuntur naturales potentia, Intellectus, & voluntas, quæ sunt proxima principia operationum naturalium rationalis naturæ. Ex quo infert S. Thom. art. 4. sequenti. Gratiā non esse, in aliqua potentia animæ, ut in proximo susceptiuo, sed immediate pertinere ad ipsam rationalis animæ essentiam. Ex quo ulterius colligit, gratiā nō esse operatricem virtutem, aut habitum, & quod formaliter dat, non operari, sed esse supernaturale, efficitque nos diuinæ naturæ consortes, Hæc S. Thom. sententia, quam grauissimi Theologi amplectuntur, non est inter fidei veritates sed inter probabilia tantum Theologorum placita recensenda. Verū est sine dubio valde probabilis, & longe probabilior opposita, quod suo loco probabitur, Et nunc claritatis causa est supponendum, & cōsentaneæ ad ipsam totus noster loquendi modus in huius controuersie resolutione versabitur, qui facile tamen poterit accommodari ad Scoti sententiam. Nam siue scoti, siue S. Thom. opinionationem sequamur, fateri tenebimur, in anima Christi reperiri habitualem gratiā. His ita præhabitis, sit prima conclusio.

Per absolutam Dei potentiam fieri potuit, ut in Christi humanitate nulla esset habitualis gratia quæ vnionis gratiā, vel præcederet vel sequeretur, sed potuit verbum, & inferi, & in factō esse humanitatem in puris naturalibus hypostatica vnione sibi copulare. Hæc conclusio ab vniuersis fere Theologis est recepta, & credim, q̃ Alex. Alens. non de potentia Dei absoluta, sed de ordinaria tantum sermonem fecerit in verbis dudum ex ipso relatis. Non enim dicit, non esse possibile, quod verbum sibi vniret humanitatem in puris naturalibus cōstitutam, sed quod non est possibile creaturæ rationali, ut per donū conditionis naturæ, id est, ordinis naturalis, eleuetur, & disponatur ad talem vnionem. Et hoc secundū est verissimum, etiam si de potentia Dei absoluta intelligatur. Nam potest quidem Deus sua infinita potentia vnire sibi naturā omni supernaturali ornamento destitutā. Nulla autē potentia factibile est, quod ipsa perfectio naturalis disponat, & eleuet ipsam naturā ad hypostaticā vnionem quia cum sit ordinis longe inferioris, & improporionati tā excellenti vnioni, nō potest inducere rationē dispositionis constituentis proportionem inter humanitatem, & diuinū uerbum ut terminum Hypostaticę vnionis. Eadē potest explicatione gaudere, quod Henricus Ganidauenfis dicebat Gratiā, videlicet, consummatam per gloriam, necessariam esse dispositionem ad vnionem hypostaticam.

iam breuiter probatur, seu potius explicatur conclusio. Nulla
 in seca dependentia hypostatica vnionis a gratia habituali,
 nulla est ratio efficax, ob quam humanitas gratiæ expers non po-
 tuit assumi a verbo. Probatur antecedens. In sequenti controuersia
 demus, quod gratia non habuit rationem præcedentis disposi-
 tionis in vnione hypostatica, sed Vnio verbi ad humanitatem non
 potuit pendere a gratia, nisi vt a dispositione eleuante naturam.
 verum est antecedens, atque adeo conclusio.
 Confirmatur. Esto gratia fuerit, vt quibusdam placet, dispositio na-
 turalis ex parte humanitatis vnionem antecedens, nulla tamen ra-
 tio efficax demonstratur, quod implicet contradictionem Humanita-
 tis assumi a verbo non dispositam per gratiam, quia ipsa in semetip-
 sa habet, & naturalem capacitatem, & obedientialem potentiam ad
 hypostaticam vnionem, &c. Ergo fateri tenemur potuisse verbu-
 m assumere humanitatem in puris naturalibus assumere, &c.

Secunda conclusio.

Natura humana peccato siue mortali, siue veniali infecta non potuit
 assumi a diuino verbo. Hanc conclusionem si de absoluta Dei poten-
 tia procedat, vt procedit reuera, non admittent scorus in 3. dist. 12. q.
 2. Durand. ead. dist. q. 2. Gabriel, & Adam ibidem Marfil. in 3. q. 9.
 3. & alij nonnulli qui putant verbum non solum naturam peccato
 infectam potuisse assumere secundum absolutam Dei potentiam, ve-
 ro etiam in natura assumpta mortaliter delinquere, & si de facto
 assumptum admiserit peccatum, specialissima Dei providentia interue-
 niente. Cæterum S. Thom. qui 3. part. q. 15. art. 1. & 2. negat vlla potes-
 tate fieri posse quod Christus, vt homo venialiter, aut mortaliter pec-
 caret, & qui peccati fomitem ab ipsa Christi humanitate omnino ex-
 pauit ibidem, libentissime nostram hanc assertionem admitteret.
 Quam communiter omnes eius discipuli vt certam, & indubitam
 concedunt. Quam, & nonnulli ex Patribus non obscure insinuarunt,
 quoniam ad eius veritatem statuendam, plurimum refert senten-
 tia aliam quæ docet Christum in humana natura nulla vnquam po-
 tuisse ratione peccare, solidis fundamentis stabilire, Idcirco ab
 eius sententiæ corroboratione nostræ secundæ conclusionis proba-
 tionem inchoabimus.

igitur quod Christus peccare non potuerit, etiam si ab eius huma-
 nitate omne supernaturale donum creatum siue actuale, siue habituale
 ab abstractione separemus, docent multi scholastici cum magistro in 3.
 dist. 12. S. Bonaventura Gregorius Arimi. Alixand. alex. loco, cita-
 tum q. 11. & 12. memb. 2. Hugo de S. Victore. lib. 2. de sacramen-
 tis part. cap. 7. Henricus, Loc. cita. Capreolus, & alij plures illi
 asserunt qui sancti Thom. placitis libenter consentiunt, Et
 quidem

*Sancti Thom. contra G. 2.
 q. 1. ad 2. p. 1. q. 12.
 2. ad 1. q. 1. ibi.*

*Thom. contra G. 2.
 q. 1. ad 2. p. 1. q. 12.*

*Christum,
 vt hominē
 peccare mi-
 nime vn-
 quam po-
 tuisse.*

quidem Capreolus hanc sententiam adeo veram esse putauit ut eius opposita erronea esse indubitater asseruerit, quæ tamē censura nimis fortassis est rigida, quoniā de facto, & de potentia ordinaria, & nō de absoluta Dei potētia loquūtur sacra scripturæ testimonia, & sacrorū Conciliorū decreta, in quibus omne peccatū a Christi humanitate repellitur, de quibus nōnulla afferemus inferius circa solutionē ad primū in prima conclusiōe cuiusdē dubij, q̄ ibidē disputabitur: Vidēda est, enī illa conclusiō cum suis probationibus ad pleniorē huius rei intelligentiam. Sed quāuis sententiā scoti, durandi, & aliorū Theologorum qui secundum Dei potētiā absolutam non formidant in Christi humanitate quodlibet peccatū etiam actuale, & mortale admittere, non debeat erronea censerī, non tamen videtur bene sonans quin pijs offendit aures, nec vero admodum grata est modo loquendi Conciliorum & sanctorum Patrum, qui Christi animam deificatā esse dicunt & impeccabilem. Ira enim definit sexta generalis synodus actiōe 17. ubi refert & probat Gregorij Nazianzeni doctrinam in oratione 36. num. 56. quatenus docet humanam Christi voluntatem ita fuisse per vnionem ad verbum deificatā ut non possit diuinæ repugnare. Eandem sententiā insinuat S. hæc synodus actiō. 8. ubi refert Athanas. cōtra Apolinatē, & habetur lib. de incarnat. post mediū dicentem, quod voluntas Christi per vnionem ad verbum facta est Impeccabilis, & sermone secundo contra Arianos dicit esse Immutabilem ad malum. Legatur Anathematismus 10. Concil. Ephæs. p. & ibi Cyrill. Verba Cōcilij postea referam Basil. epist. 65. dicit Christū abieciisse omnes prauas affectiones tanquam diuinæ Maiestati indignas Hilarius 6. de Trinitate dicit Christū fuisse incapacem peccati lib. 10. de Trinita. post multa tandem dicit, quod tam repugnat Christo peccare quam non esse Christum Cyprianus sermone de Ieiunio & tentatione dicit Christum caruisse omni sensu, & consensu peccati Origenes lib. 2. Periarcon. c. 6. explicat impeccabilitatē animæ Christi ex coniunctione ad verbum exemplo sumpto ex ferro ignito, quod secundum se capax est frigoris At dum intra fornacem perseuerat, incapax frigoris dici potest. Tertulianus lib. de carne Christi, ita dicit Si nostram uerbum induit carnem peccatrix fuit caro Christi. Et respondet ipse nostram suam faciens, non peccatricem. Id est, impeccatricem, effecit. August. lib. de correct. & gratia c. 11. sic ait Nec enim metuendum erat, ne isto ineffabili modo in vnitatem personæ a verbo Deo natura humana suscepta per liberum voluntatis peccaret arbitrium, cum susceptio ipsa talis esset, ut natura hominis a Deo ita suscepta nullum in se motum malę voluntatis admitteret. Ecce quem admodum August. impossibilitatem peccandi in anima Christi ad solam vnionem hypostaticam reducit. Et illa uerba Nec enim metuendum

erat &c. ostendunt August. loqui secundum omnem potentiam.
ia verba habet August. lib. de prædestina. sanct. c. 15. & lib. 1. cō
as epistolas Pelagia. cap. 18. dicit de Christo, quod nō ob aliud
s est inter Deum & homines mediator, nisi quia solus ex homi
non potuit esse peccator. Legendi sunt pro eadem veritate S:
rosi. lib. de mysterio incarnationis c. 7. Hieron. 2. dialog. contra
ianos, Hyreneus lib. 3. c. 5. Damasc. lib. 2. de fide. c. 12. & lib. 3.
& 20. & S. Anselmus lib. 2. cur Deus homo. c. 10. inquit ibi quod
us impeccabilis semper fuit, quia Deus homo. In assignanda
huius veritatis ratione plusculum est difficultatis.

Quatuor autem possunt, & non parum efficaces assignari rationes,
per quas Christo, etiam vt homini, omne peccatum repugnat.
1. Actiones sunt suppositorum, Ergo actio peccati, si admittere-
natura humana Christi, necessario esset verbo diuino tribuenda
nam supposito operanti, & elicienti ipsam operationem: atque
concedendum esset diuinum verbum peccare. Quæ est magna
ditas. Hæc ratio nō placet Michaeli Palatios in 3. d. 10. licet in
usione a nobis sit. Quoniā existimat cum Durand. ibi q. 2. posse
nderi, quod actio naturæ nō pertinet ad suppositū, nisi forsan
minatione quadā extrinseca, quatenus sustentat ipsam naturā
ntem. Cæterum hæc ratio est S. Thom. in 3. d. citata, & proba-
Theologis grauissimis in eadem d. Imò insinuat in 6. synodo
ali actione 8. & 11. vbi definitur, quod ex vnione ad verbū non
natura humana Christi mansit deificata, sed & eius voluntas,
operationes humanæ Christi sint Dei viriles, idest, quod om-
operatio voluntatis Christi non solum est humana, sed vere est
tio diuini suppositi. Hoc ipsum docet Damascenus lib. 3. de fi
9. & 20. Præterea hæc ratio inde habet vim, quod suppositum
st causa extrinseca operationum, quas ipsa natura exercet, sed
in principium illarum simul cum natura. Ita quod ex natura, &
Christo constat vnum integrum principium operationis, in quo na-
habet vt Quo, idest, ratio operandi, suppositū vero vt Quod, &
o in humanis operationibus Christi diuinum suppositum est
principium eliciens ipsas operationes. Et operationes elicitæ
plum habent intrinsecum ordinem ad naturā humanā, sed
ad ipsum suppositum diuinum prout est suppositum humanæ
2. Certe qui diceret Christi humanitatem aliquid vel operari
ti, & quod verbum non ageret, aut pateretur id ipsum, pericu-
queretur, quia exponeret se periculo errandi, cum his qui duo
stia realiter distincta in Christo constituerunt, cuius erroris
prius in concil. Ephes. primo damnatus, autor fuit, & inuentor.
non satis bene dixit Marfil. in 3. quæst. 9. humanitatem

in meo codice 2. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100. 101. 102. 103. 104. 105. 106. 107. 108. 109. 110. 111. 112. 113. 114. 115. 116. 117. 118. 119. 120. 121. 122. 123. 124. 125. 126. 127. 128. 129. 130. 131. 132. 133. 134. 135. 136. 137. 138. 139. 140. 141. 142. 143. 144. 145. 146. 147. 148. 149. 150. 151. 152. 153. 154. 155. 156. 157. 158. 159. 160. 161. 162. 163. 164. 165. 166. 167. 168. 169. 170. 171. 172. 173. 174. 175. 176. 177. 178. 179. 180. 181. 182. 183. 184. 185. 186. 187. 188. 189. 190. 191. 192. 193. 194. 195. 196. 197. 198. 199. 200. 201. 202. 203. 204. 205. 206. 207. 208. 209. 210. 211. 212. 213. 214. 215. 216. 217. 218. 219. 220. 221. 222. 223. 224. 225. 226. 227. 228. 229. 230. 231. 232. 233. 234. 235. 236. 237. 238. 239. 240. 241. 242. 243. 244. 245. 246. 247. 248. 249. 250. 251. 252. 253. 254. 255. 256. 257. 258. 259. 260. 261. 262. 263. 264. 265. 266. 267. 268. 269. 270. 271. 272. 273. 274. 275. 276. 277. 278. 279. 280. 281. 282. 283. 284. 285. 286. 287. 288. 289. 290. 291. 292. 293. 294. 295. 296. 297. 298. 299. 300. 301. 302. 303. 304. 305. 306. 307. 308. 309. 310. 311. 312. 313. 314. 315. 316. 317. 318. 319. 320. 321. 322. 323. 324. 325. 326. 327. 328. 329. 330. 331. 332. 333. 334. 335. 336. 337. 338. 339. 340. 341. 342. 343. 344. 345. 346. 347. 348. 349. 350. 351. 352. 353. 354. 355. 356. 357. 358. 359. 360. 361. 362. 363. 364. 365. 366. 367. 368. 369. 370. 371. 372. 373. 374. 375. 376. 377. 378. 379. 380. 381. 382. 383. 384. 385. 386. 387. 388. 389. 390. 391. 392. 393. 394. 395. 396. 397. 398. 399. 400. 401. 402. 403. 404. 405. 406. 407. 408. 409. 410. 411. 412. 413. 414. 415. 416. 417. 418. 419. 420. 421. 422. 423. 424. 425. 426. 427. 428. 429. 430. 431. 432. 433. 434. 435. 436. 437. 438. 439. 440. 441. 442. 443. 444. 445. 446. 447. 448. 449. 450. 451. 452. 453. 454. 455. 456. 457. 458. 459. 460. 461. 462. 463. 464. 465. 466. 467. 468. 469. 470. 471. 472. 473. 474. 475. 476. 477. 478. 479. 480. 481. 482. 483. 484. 485. 486. 487. 488. 489. 490. 491. 492. 493. 494. 495. 496. 497. 498. 499. 500. 501. 502. 503. 504. 505. 506. 507. 508. 509. 510. 511. 512. 513. 514. 515. 516. 517. 518. 519. 520. 521. 522. 523. 524. 525. 526. 527. 528. 529. 530. 531. 532. 533. 534. 535. 536. 537. 538. 539. 540. 541. 542. 543. 544. 545. 546. 547. 548. 549. 550. 551. 552. 553. 554. 555. 556. 557. 558. 559. 560. 561. 562. 563. 564. 565. 566. 567. 568. 569. 570. 571. 572. 573. 574. 575. 576. 577. 578. 579. 580. 581. 582. 583. 584. 585. 586. 587. 588. 589. 590. 591. 592. 593. 594. 595. 596. 597. 598. 599. 600. 601. 602. 603. 604. 605. 606. 607. 608. 609. 610. 611. 612. 613. 614. 615. 616. 617. 618. 619. 620. 621. 622. 623. 624. 625. 626. 627. 628. 629. 630. 631. 632. 633. 634. 635. 636. 637. 638. 639. 640. 641. 642. 643. 644. 645. 646. 647. 648. 649. 650. 651. 652. 653. 654. 655. 656. 657. 658. 659. 660. 661. 662. 663. 664. 665. 666. 667. 668. 669. 670. 671. 672. 673. 674. 675. 676. 677. 678. 679. 680. 681. 682. 683. 684. 685. 686. 687. 688. 689. 690. 691. 692. 693. 694. 695. 696. 697. 698. 699. 700. 701. 702. 703. 704. 705. 706. 707. 708. 709. 710. 711. 712. 713. 714. 715. 716. 717. 718. 719. 720. 721. 722. 723. 724. 725. 726. 727. 728. 729. 730. 731. 732. 733. 734. 735. 736. 737. 738. 739. 740. 741. 742. 743. 744. 745. 746. 747. 748. 749. 750. 751. 752. 753. 754. 755. 756. 757. 758. 759. 760. 761. 762. 763. 764. 765. 766. 767. 768. 769. 770. 771. 772. 773. 774. 775. 776. 777. 778. 779. 780. 781. 782. 783. 784. 785. 786. 787. 788. 789. 790. 791. 792. 793. 794. 795. 796. 797. 798. 799. 800. 801. 802. 803. 804. 805. 806. 807. 808. 809. 810. 811. 812. 813. 814. 815. 816. 817. 818. 819. 820. 821. 822. 823. 824. 825. 826. 827. 828. 829. 830. 831. 832. 833. 834. 835. 836. 837. 838. 839. 840. 841. 842. 843. 844. 845. 846. 847. 848. 849. 850. 851. 852. 853. 854. 855. 856. 857. 858. 859. 860. 861. 862. 863. 864. 865. 866. 867. 868. 869. 870. 871. 872. 873. 874. 875. 876. 877. 878. 879. 880. 881. 882. 883. 884. 885. 886. 887. 888. 889. 890. 891. 892. 893. 894. 895. 896. 897. 898. 899. 900. 901. 902. 903. 904. 905. 906. 907. 908. 909. 910. 911. 912. 913. 914. 915. 916. 917. 918. 919. 920. 921. 922. 923. 924. 925. 926. 927. 928. 929. 930. 931. 932. 933. 934. 935. 936. 937. 938. 939. 940. 941. 942. 943. 944. 945. 946. 947. 948. 949. 950. 951. 952. 953. 954. 955. 956. 957. 958. 959. 960. 961. 962. 963. 964. 965. 966. 967. 968. 969. 970. 971. 972. 973. 974. 975. 976. 977. 978. 979. 980. 981. 982. 983. 984. 985. 986. 987. 988. 989. 990. 991. 992. 993. 994. 995. 996. 997. 998. 999. 1000.

Christi posse peccare, & qđ ipsa peccante non peccaret verbum. Sed contra hanc rationem arguitur primo. Verbum diuinum, prout est suppositum naturę humanę non operatur proportionabiliter ad virtutem naturę diuinę, sed iuxta proportionem naturę humanę, & potentiarum eius: igitur defectus qui contingeret operationibus eius, non esset referendus ad defectum naturę diuinę, sed ad defectum potentiarum naturę humanę, cui se accommodat diuinum verbum, quatenus operatur vt suppositum humanum. Atq; adeo ex eo, quod Christus vt homo peccaret, nulla imperfectio resularet in supposito diuino.

Secundo. Si angelus, siue id possibile, siue impossibile fuerit, assumeret naturam humanam, & peccaret vt suppositum eius, operatio elicitā per voluntatem humanā non tribueretur angelo vt angelo, sed tantum vt supposito humano, neque inde sequeretur, quod peccaret angelus. Ergo quamvis peccaret verbum, vt suppositum naturę humanę, non inde concedendum esset, quod peccaret verbū, nisi ex reduplicatione, prout est homo.

Ad primum responderetur, quod si loquamur physico verum est. Antecedens, falsum autem si moralis fiat sermo. Dico enim, quod ex eo, quod suppositum diuinum est infinite gratum, natura illi personaliter vnita non potest esse ingrata, & inuisa Deo. Imo est grata infinita quadam gratitudine, quatenus est Deo tam accepta, vt communicetur illi ipsum esse personale diuinum: & simpliciter loquendo, vt circa solutionem primi argum. dicemus, multo magis est Deo grata ex hac ratione vnionis hypostaticę, quam sit grata per gratiā habitualem. Ex quo sequitur, quod sicut cum habituali gratia mortale peccatum stare nequit, imo neque veniale, si gratia fuerit consummata in gloria, quod verum habet, tum de actuali, tum de habituali peccato: ita, eo ipso qđ natura vnitur verbo personaliter, repugnat ei omnis praua dispositio per quam ipsa natura sit ingrata Deo & inuisa, siue hæc dispositio actualis sit, siue habitualis. Atque adeo in genere moris natura humana Christi potius proportionetur supposito diuino in suis operationibus, quam verbum proportionetur ipsi naturę.

Ad secundum. Primo possit negari antecedens, & consequenter esset dicendum, quod si angelus ille esset beatus, non posset peccare in humana natura assumpta, eo quod beatitudo reddit illum im-peccabilem.

Secundo, negatur consequentia, ratio discriminis inter Angelū etiā beatū, & verbū hæc est. Quod verbū est infinite, & oībus modis grātū Deo, & ita nulla eius operatio, per quācūq; exerceatur naturā, potest esse ingrata Deo, quin potius est grata personaliter. Ceterum au-

angelus beatus non est omnibus modis gratus Deo, ita ut eius gratitudo ad assumptam ab eo humanitatem refunderetur: & Idcirco posset admittere peccatum in humana natura, & diceretur peccare non simpliciter, quia simpliciter est gratus, sed secundum quid, id est ut suppositum naturæ humanæ: Itaq. inter Angelum, & verbum diuinum, quod attinet ad præsens hoc versatur discrimen, quod verbum propter rationem assignatam, neq. potest peccare absolute, & secundum se, neq. etiam ut suppositum naturæ humanæ.

Angelus vero beatus licet absolute non peccaret, tamen ut suppositum naturæ humanæ, peccatum posset admittere. Aliud etiam versatur discrimen. Pro cuius explicatione statuenda est, secunda ratio principalis, propter quam docent quidam doctissimi manifestam esse implicationem, quod Christus peccet in natura assumpta, & est huiusmodi. Verbum diuinum non potuit elicere proprias operationes naturæ humanæ nisi interuenienti actu voluntatis diuinæ, per quem determinaret voluntatem, & cæteras potentias naturæ humanæ ad operandum: At impossibile est, quod diuina verbi voluntas determinet humanam voluntatem ad aliquod peccatum, nam aliàs diuina voluntas peccaret, ergo. Ma. probatur dupliciter. primo, quia in verbo diuino voluntas est idem realiter, & formaliter cum eius personalitate; Ergo non potuit verbum concurrere ad operationem humanæ naturæ per suam personalitatem, quin simul concurreret per voluntatem diuinam.

Secunda ratio Verbum diuinum non potest necessitari ad operandum ex aliqua dispositione naturæ humanæ, & potentiarum eius, quoniam talis necessitas induceret imperfectionem ipsi verbo diuino: ergo oportet fateri, quod verbum diuinum à propria voluntate determinatur ad operandum operationes humanas. Suaeque diuina voluntate determinat, & voluntatem, & potentias ipsius humanitatis. Ex his colligitur discrimen inter suppositum Angelicum, & diuinum, quod ut suppositum Angelicum operaretur cum natura humana, non erat necessum, quod simul operaretur per propriam voluntatem Angelicam, sed posset determinari, & necessitari ad operandum ex dispositione naturæ humanæ, cui ex hyppositi esset vitium: & exconsequenti quamuis Angelus peccaret ut suppositum naturæ humanæ, non esset simpliciter concedendum Angelum peccare: Cæterum iuxta ea, quæ diximus si verbū peccaret, ut humanitatis suppositū peccaret simpliciter ut verbū quia concurreret ad eandem naturæ humanæ per propriam ipsius diuini verbi voluntatem, per quam, nimirum, personalitatem quæ est idem cum voluntate diuina. Sed si dicas, Si diuinum verbum operatur per propriam voluntatem.

Sequitur, quod illa operatio non sit specialiter verbo tribuenda, sed toti Trinitati. Consequens autem est falsum, quia operationes humanitatis Christi non eliciuntur a tota Trinitate, sed à sola persona verbi. Se quella probatur, quia voluntas verbi est voluntas totius Trinitatis.

Huic obiectioni negatur sequella, & ad probationem dicitur, quod illa voluntas licet sit communis toti Trinitati, non tamen concurrat ad eliciendum operationes humanitatis ut communis est, sed duntaxat ut est voluntas verbi, quod est suppositum humanitatis. Sicut Pater, & filius spirant spiritum sanctum per diuinam voluntatem quæ reuera est communis tribus personis, sed tamen non spirant per hanc voluntatem ut est communis tribus personis, sed prout est communis Patri, & filio. Item est exemplum in essentia diuina, quæ cum sit communis tribus personis est tamen, formale principium generandi, non prout communis, est sed prout est in Patre.

Est alia tertia ratio præcipua Quia verbum dirigit operationes humanitatis, & ad ipsum pertinet disponere de his omnibus quæ spectant ad humanitatem, & Idcirco defectus humanitatis si quis contingeret, resunderetur in ipsum verbum, quatenus permetteret defectum quem impedire teneret. Hæc ratio colligitur ex S. Leone Epistola 11. vbi dicit, corporei sensus vigeant in Christo absque lege peccati, & veritas affectionum sub moderamine deitatis, & mentis; nec tenebatur illecebris, nec cedebat iniurijs. Et ex Damasc. 3. de fide cap. 15. Et est intelligenda hæc ratio secundum ea quæ dicebamus, circa rationem præcedentem, Videlicet, quod prouidentia diuina perquam verbum disponebat, & disponit ea quæ sunt humanitatis, non est considerata ut prouidentia communis toti Trinitati, in quo fuit deceptus. Dur. vbi supra, quia sic considerata absque suo defectu, & culpa posset aliquos defectus permittere in natura humana, quemadmodum in toto vniuerso absque sui imperfectione plures defectus, & imperfectiones permittit: sed est considerata in quantum est prouidentia verbi prout est humanum suppositum, cui specialis incumbit lux humanitatis cura.

Ad hanc rationem reduci facile potest illa quam insinuant. Ciprian. & Ambros. loc. cit. nimirum, quod potentia superior oportet, inferiorem regat, & in suis dirigat actionibus. Sicut ratio dirigit in homine voluntatem, & voluntas a ratione directâ sensitiuum mouet appetitum, quod plane necessum est, ne fiat in vno & eodem supposito intollerabilis confusio, & perturbatio, sicut turbaretur magna confusione domus in qua non esset vnus qui præset ceteris. Et in qua voluntas vxoris non pareret mariti voluntati, & filiorum voluntas non esset patris voluntati subiecta. Oportuit igitur, ut humana Christi voluntas

in om-

In omnibus subijceretur voluntati verbi diuini, & ab ipsa gubernaretur, & voluntati verbi interest humanam dirigere & gubernare: nō quod aliquo teneatur præcepto cuius non est capax, sed quia indecorum esset ei, & indecens non facere, sicut ei repugnat mentiri. Epiphanius in Anchorato, inquit, quod verbū frenabat inferiorem naturam, ab omni inuili carnali turba, & ob id humanitas Christi fuit impeccabilis, legantur quæ sequuntur.

Quarta ratio solet assignari a Theologis, quod humanitas in suis operationibus habet se, vt instrumentum verbi, atq. adeo eius peccatum, si quod esset, referretur in verbum, vt in causam principalem. Hæc ratio videtur colligi ex Damasc. vbi supra dicente, humanitatem esse instrumentum verbi coniunctum. Præterea quidam Theologi quorum meminit Dur. loco citato. Dicunt quod quando suppositum est intrinsecum naturæ, & ab ipsa natura constituitur, tunc natura non habet rationem instrumenti respectu suppositi in suis operationibus, sed est forma principalis, & principium formale, quo operandi. Cæterū quando suppositum est extrinsecum naturæ, sicuti verbum respectu naturæ humanæ, tunc dicunt isti, suppositum est causa principalis operationis, natura vero est eius instrumentum. Vnde colligunt ad propositum, naturam humanam Christi in omnibus eius operationibus instrumentum esse verbi. Verum in hac parte doctius loquitur Dur. dicens Christi humanitatem esse quidem verbi instrumentum in illis operationibus quæ excedunt naturalem ipsius humanitatis virtutem, & facultatem, cuiusmodi sunt operationes miraculosæ; & respectu harum operationum est intelligenda Damasceni doctrina. At in his operationibus, quæ sunt proportionatæ virtuti, & facultati naturali humanitatis, ipsa Christi humanitas non est censenda instrumentum verbi, sed forma principalis per quā operatur diuinū verbū, vt humanū suppositū. Quoniā verbū ita se humanitati accommodat, & ita per ipsam operatur, atq. si esset intrinsecū eius suppositū. Verum est quod quādā lata huius vocis instrumentū acceptione, humanitas potest appellari verbi instrumentū, quatenus operationes ipsius humanitatis participant quādā dignitatē moralem, & quendam infinitatis modū excentem totā naturalem facultatē humanæ naturæ, vt dicemus inferius: sed hæc acceptio & ratio instrumenti impropria est, & abusiva: & in hoc sensu amplo, & improprio intelligendi sunt Theologi grauissimi in hanc rationem quædam assignarunt.

Ex his quatuor rationibus sufficienter colligitur, manifestam esse plicationem, quod humana Christi natura potuerit admittere ali-
od peccatum, etiam si a verbo esset assumpta in puris naturalibus
que gracia, lumine gloriæ, & alijs ornamentis supernaturalibus,
one quorum alij beati peculiari quodam titulo reduntur im-

2. Corro-
larium.

peccabiles. Ex his etiam rationibus colligo, per absolutam Dei potentiam fieri non posse, ut intellectus Christi humanus habeat aliquod iudicium erroneum practicum, etiam inculpatum exprobabili & inuincibili ignorantia ortum. Patet hoc corrolarium. Huiusmodi iudicium sua natura ad culpam, & peccatum induceret: dedecet ergo diuini verbi bonitatem, & specialissimam prouidentiam, quam de sua humanitate gerit, quod in eius humano intellectu falsum istud permittat iudicium.

Dubium.

De iudicio autem falso & erroneo pure speculatiuo, id est nullatenus pertinente ad mores, maior est dubitatio, an potuerit esse in humano Christi intellectu ex potentia saltem Dei absoluta (quia de facto, & secundum ordinariam potentiam nullus Theologorum inficiabitur, quominus speculatiuus error excludendus sit à Christi intellectu) Ratio autem dubitandi pro parte affirmatiua ea est, quia error, & falsitas speculatiui iudicii non ad malum culpæ, sed ad malum pœnæ tantum pertinet: præsertim si sermo fiat de speculatiuo iudicio cuius falsitas propter qualitatem materiæ & obiecti, nullam potest occasionem offerre intellectui practico errandi in materia morali, quale esset iudicium falsum circa dispositionem orbium cœlestium, aut stellarum numerum. At malum pœnæ reperiri potuit in Christi humanitate, ut de facto mors, passio, & alias calamitates fuerunt reperiæ. Ergo &c.

Responderetur breuiter multo probabilius asseritur huiusmodi erroneum iudicium repugnare intellectui Christi, quam asseratur contraria sententia, quam tamen non reputo periculosam in fide. Nostrâ sententiam sequuntur multi viri docti inter quos est Mag. Medina in 3. p. q. 15. art. 2. quam ipse probat sufficienter, & ex solutione propositi argumenti efficacius probabitur. Vnde ad argumentum in oppositum Responderetur, quod error speculatiui iudicii, si reperiretur in intellectu Christi, necessario permissus esset speciali permissione, imo volitus, & approbatus a verbo, ut constat ex rationibus supra factis, præcipue ex 2. & 3. At cum verbum sit prima, & summa veritas repugnat illi quod approbet, & causet errorem in natura humana, quoniam de ratione primæ veritatis est, quod neq. ipsa decipiat in se, neq. alium decipiat, quod alijs verbis solet dici, primam veritatem neq. fallere, neque falli posse. Cæterum mors & reliqua mala pœnæ licet repugnent verbo, & eius naturæ diuinæ in semetipsa, eo quod est summa actualitas, & ipsa essentialis vita, at nō repugnat verbo quod speciali permissione permittat hæc mala in natura humana, quæ ex se ipsa est mortalis, & defectibilis, & quod approbet, & causet illa: quoniam huiusmodi mala causata in natura defectibili nullam inducunt imperfectionem in ipso verbo diuino, quia ut dicit S. Thom. 3. p. q. 1. art.

Art. 1. ad secundum, si malum culpæ idcirco repugnat Deo, quia committitur per recessum ab arte diuinæ sapientiæ, & ab ordine diuinæ bonitatis: malum autem pœnæ non recedit ab ordine sapientiæ, & bonitatis diuinæ, quin potius ordinatur ad dei gloriam, ut de cæcitate cuiusdā a natiuitate cæci dixit Christus Io 9. Probabilis est ista solutio. Verum adhuc calumniā patitur. Nam cum verbum, licet sit summa ipsa essentialis vita, specialissima tamen prouidentia, qualis pertinebat ad suppositum erga naturam sibi vnitam, permiserit mortem in humanitate assumpta; quare non potuit, licet prima sic & summa veritas, per similem prouidentiam permittere in eiusdem humanitatis intellectu speculatiuum errorem; cum error huiusmodi non sit malum culpæ, sed pœnæ, sicut mors? Vnde aliter respondeo, & assero speculatiuum errorem, idcirco omnino debere a Christi humanitate relegari, & minime permitti posse illa speciali Dei prouidentia, & cura, quam diuinum verbum de sua humanitate genuit: quia & si non sit malum culpæ, est tamen malum simpliciter, contrariatur enim perfectioni naturæ intellectualis, quæ ratione intellectualis est. Natura autem intellectualis, quia in summo gradu entitatis constituitur, sua virtute & eminentia continet omnem gradum entis. Et hinc fit, quod anima rationalis simplicissima forma cum sit, multiplex esse, essentialis, imo & omnem gradum entitatis tribuit corpori, cui vnitur. Tribuit enim esse corporeum, esse vegetatiuum, esse sensitium, ipsum deniq. esse rationale. Et natura intellectualis angelica sua eminenti virtute complectitur, totum quod est in inferioribus creaturis, ut explicat S. Thom. Diuina itidem natura, quæ summe intellectualis est, eminentissime præhabet omnium rerum etiā possibilium perfectiones, quod S. Thom. 1. p. q. 4. a. 2, luculenter docuit. Quocirca eo ipso, quod speculatiuus error intellectuali naturæ, ut est intellectualis, repugnat, virtualiter etiā repugnat toti enti, & quantum est ex se tendit ad destructionem totius entis: atq. adeo non est malum secundum quid, idest, malum tali naturæ, sed est malum simpliciter, puta malum totius entitatis sua natura destructiuum. Vnde sicut malum culpæ, ideo est malum simpliciter, quia sua natura contrarium est bonitati in ratione bonitatis, quæ est magna perfectio intellectualis naturæ, atq. adeo repugnat ipsi diuinæ bonitati, & ab eius ordine totaliter recedit: ita & error, speculatiuus, malum est simpliciter, quatenus per se contrariatur toti naturæ intellectuali, ut intellectualis est: ac proinde contrariatur naturæ diuinæ, ut est summe intellectualis. Quare eadem ratio est habenda, quod attinet ad præsens, de iudicio speculatiuo erroneo, quæ de malo culpæ habetur.

Aliter etiam explicari poterit ratio, propterquam huiusmodi intellectu,

intellectualis error malum est simpliciter, & proinde eius permissio non potest cadere sub speciali providentia, quia verbum suum humanitati providet. Quoniam speculativus error opponitur directe ei perfectioni, propter quam homo dicitur conditus ad imaginem Dei, eo enim potissime homo ad imaginem dei factus dicitur, quia est naturæ intellectualis, participans essentialiter illum eundem entitatis gradum, cuius totalis plenitudo est ipsamet dei essentia. Id autem quod directe opponitur imagini dei, opponitur etiam virtualiter ipsimet deo, & eius naturæ: & ex consequenti simpliciter, & omnibus modis est malum, & quod proinde non est per se ordinabile in ipsum deum tanquam in finem. In morte autem, & in alijs defectibus naturalibus non militat ista ratio, non enim sunt mala simpliciter, sed secundum quid, id est, tali naturæ, scilicet, humanæ, & non toti entitati contrariatur. Non enim sunt defectus toti entitati vel formaliter, vel virtualiter oppositi, sed specialibus entitatis rationibus seu gradibus opponuntur atque adeo possunt ordinari in ipsum deum, prout est ipsum esse, & ipsum bonum tanquam in finem.

1. Corro-
larium.

Ex dictis sequitur primo, quod non solum in intellectu humanitatis Christi non potest deus efficere aliquod iudicium erroneum, verum neque in quouis intellectu creato tale iudicium potest causare, sed dumtaxat permittere, ad eum modum quo permittit malum culpæ. Et sicut non potest permittere malum culpæ in voluntate humana Christi, ita neque errorē speculativum in humano ipsius intellectu. Sequitur secundo, non posse deum se solo & immediate efficere habitum erroneum speculativum, sicut neque potest se solo efficere habitum vitiosum morale, sed interveniat necesse est actio intellectus creati, ut in ipsum creatum intellectum, tanquam in causam deficientem, reducatur totum quod imperfectionis fuerit, & defectus in tali habitu. Patet hoc, quia eadem malitia, quæ formaliter est in actuali iudicio erroneo, est intrinseca habitui, estque in illo tanquam in prava & defectuosa radice talis iudicii, atque adeo non minus implicat deum esse causam huiusmodi habitus, quam quod sit causa erronei iudicii.

3. Corro-
larium.

Tertio sequitur, quod error speculativus siue habitualis, siue actualis non est proprie loquendo malum pænæ. Patet, quia non potest infligi a deo in vindictam alicuius peccati, nisi tantum permissive, ad eum modum quo deus unum peccatum in punitionem alterius permittit. Ergo sicut morale peccatum nequit proprie appellari malum pænæ nisi permissive, ita neque error speculativus propriam pænæ rationem sortitur. Sed est advertendum, quod tota hæc doctrina procedit de errore positivo, & non de ignorantia pure negationis, nam huiusmodi ignorantia potest pertinere ad naturalem conditionem intellectuales creaturæ, quæ non omnia valet scire, & hic defectus in

homi.

hominibus sortiri potest simpliciter rationem pœnæ, saltem originalis; sicut in paruulis cum peccato originali decedentibus carentia diuinæ uisionis uere, & proprie est pœna originali culpæ respondens.

Explicuimus hætenus quo pacto Christi humanitati repugnat actuale peccatum. Deinceps nonnulla dicenda erunt de fomite peccati, ut his duobus extremis explicatis, deueniamus ad medium statum naturæ actuali peccato infectæ. Nam actuale peccatum, & fomes peccati comparatione ad peccatum in habituali dispositione constitutum, rationem duorum extremorum uidentur induere.

Quod uero in Christo, neq; sit, neq; aliquando fuerit fomes peccati, certum est fidei dogma, Constat ex 5. Synodo generali cano. 12 ubi damnatur, qui dixerit Christum fuisse tentatum concupiscentiis, & illecebris carnis, quam sententiam docuerunt grauissimi Patres S. Leo epistola 11. citata, cuius uerba paulo antea retulimus S. August. lib. 1. cōtra duas epist. Pelag. c. 11. ubi loquēs de cōcupiscentia, & fomite peccati ita inquit, quam spiritui resistentem, scilicet, concupiscentiam non habere in carne mortali, ille tantum modo homo potuit, qui non per ipsam ad homines uenit. Idem ferè dicit, lib. 2. de peccatorum meritis, & rem. iss. c. 26. & lib. 14. de ciuitate, c. 9. lib. 4. Hypognost. circa finem ait contrariam sententiam fuisse errorem Pelagianorum. Idem docent Ambr. & Damasc. dudum citati, & Hieron. in epist. ad Thesiphon. S. Thom. in 3. p. q. 15. art. 2. & Theologi omnes cum Magistro in 3. d. 15. & 3. p. q. 41. art. 1. ad tertium, dixit S. Thom. Christum non fuisse tentatum ex carnis concupiscentia, quia huiusmodi tentatio fieri non potest, absq; aliquo peccato. Quod ipse confirmat ex auctoritate D. August. Vbi aduerte, quod licet in puris hominibus tentatio, quæ prouenit ex concupiscentia non semper fiat cum peccato, (quamuis regulariter semper aliquod interueniat, quia ut plurimum huiusmodi tentatio potest à ratione impediri præueniri, & moderari, & ita sunt intelligendi S. Thom. & S. August. cum docent huiusmodi tentationem non fieri absq; culpa, ut in plurimum scilicet,) Cæterum in Christo sensualis tentatio, nullatenus esse poterat absq. peccato, quoniam semper præueniri posset, imo de facto præueniretur à ratione, & à uerbo, & adeo esset uoluntaria, & culpabilis. Ista, quæ de peccati fomite diximus procedunt de facto, & secundum ordinariam Dei potentiam. Si tamen ad potentiam Dei absolutam extendantur, non tanta pollent certitudine, ut inter fidei dogmata debeant computari. Sunt tamen adeo certæ, ut contraria sententia non deberet computari inter probabiles Theologorum opiniones.

Et quidem tanta cum certitudine sentiendum est Christi humanitati repugnare fomitem peccati, quanta credimus, nulla potentia fieri posse, quod Christus, ut homo, actuale peccatum committat. Etenim ut colligitur ex S. Thom. 3. p. q. 27. art. 3. fomes peccati importat duplicem respectum ad malum culpæ, scilicet, respectum effectus ad peccatum, ut ad causam, & respectum causæ ad peccatum uti ad effectum. Est enim effectus peccati originalis, & inducit ad peccatum actuale: quatenus excitat in appetitu motus a ratione exorbitantes. Quo circa sicuti peccatum excluditur omnino a Christi Domini humanitate; Ita & fomes peccati omnino est ab ipsa relegandus. Quibusdā Theologis probabile visum fuit, quod si verbum assumeret humanitatem in puris naturalibus, repeteretur in Christo fomes peccati, non simpliciter, quia non esset effectus culpæ originalis, sed secundum specialem rationem, prout est conditio naturæ humanæ, quæ ex se ipsa nata est pati concupiscentiæ motus a ratione exorbitantes. Sed hæc sententia merito displicet alijs grauioribus Theologis, quoniam fomes peccati etiam sub hac posteriori ratione consideratus tendit ex se ad culpam actualem, & ideo omnino repugnat Christo domino. Estq. aduertendum in huius rei comprobatione, quod secundum substantiam non differunt fomes peccati, quod ex originali culpa originein traxit, ab illa, inordinata inclinatione quam experiretur homo ille, qui in puris naturalibus crearetur. Fomes enim peccati non est morbida qualitas ex originali peccato appetitui sensitiuo superinducta. Ut falso putauerunt Henricus quod 1. p. q. 21. & quodlibet 5. q. 26. & Greg. & Gabriel. Ille in 2. d. 3. & hic in 3. d. 1. Etenim fomes nihil est aliud, quam appetitus sensitiuus in bonum sensibile inclinatus absq. plenaria ad rationem subiectione. Quo circa extinguere fomitem non in alio consistit, quam in hoc, quod appetitus sensitiui inclinatio ad sensibile bonum plene subijciatur rationi, ita ut nullatenus ipsam preueniat, vel ei repugnet: quæ subiectionem faciebat originalis iustitia in primis parentibus ante peccatum. Et hanc plenissimam subiectionem nos tribuendam esse dicimus appetitui sensitiuo Christi propter coniunctionem ad verbum. An vero in Christo ponenda sit originalis iustitia non libet in præsentia discutere. Ego plane crediderim, quod qui affirmatiue responderit, nihil affirmauerit improbabile. Nam cur iustitiæ originalis habitum quo protoparens noster primus Adam fuit in statu innocentie prædijs cælesti secundo Adamo, nimirum Christo denegabimus? Quod probabile crediderim siue originalis iustitiæ habitus distinctus realiter ab habitu gratiæ fuerit in primo Adamo, siue vnus & idem cum illo. Nam hæc distinctio, quæ in Theologorum etiam Thomistarum opinione posita est, nihil ad præsens retulerit institutum. Et probabilior adhuc ista sententia apparebit, si probabilis censeatur

quo-

*inest in ipso fomes
in gratia probabile*

quorundam theologorum sententia, quæ originalem Adæ iustitiam non specialem quempiam habitum, sed omnium virtutum collectionem in excellenti gradu consistentium esse decernit. Fuerunt namque & sunt in Christi humanitate virtutes omnes in excellentissimo & heroico, ut aiunt, gradu constitutæ. Verum de hac re alias.

Sed contra hoc arguitur, S. Thom. 3. p. q. 15. art. 2. ex eo probat sublatum esse fomitem à Christi humanitate, quia in illa reperiuntur virtutes morales in gradu perfectissimo. Ergo in illo casu cum nulla virtus supernaturalis infusa reperiretur in Christi humanitate, non esset sublatus fomes.

Huic argumento posset quis non improbabiler respondere, quod in illo casu fomes non esset ablatum, & extinctus in Christi humanitate: esset tamen ligatus, quemadmodum de Beata Virgine dicit S. Thom. 3. p. q. 27. art. 3. quod antequam conciperet Dei filium, non erat in illa extinctus peccati fomes, erat tamen quasi ab extrinseco ligatus per providentiam diuinam, quæ non permittebat appetitum sensitivum excitari in aliquem inordinatum motum. Sed probabilius Respondetur, quod in illo casu simpliciter esset ablatum fomes peccati à Christi humanitate per gratiam vnionis, quæ non est extrinseca humanitati, ratione cuius humanitas non posset exire in aliquem actum, qui non esset preuentus a verbo, & a ratione, atq. adeo nullus posset esse inordinatus. Ad argumentum vero factum. Respondetur, quod virtutes infusæ animæ Christi non sunt simpliciter necessariæ ad extinguendum peccati fomitem, quoniam sola vnionis gratia sufficiebat: pertinent tamen ad congruitatem, & decentiam, ut natura humana sit intrinsece disposita per gratiâ habitualem, & virtutes proportionabiliter ad gratiam vnionis. Et aduertendum est quod ut insinuat Cajet. in commet. ar. 1. & 2. 3. p. q. 15. Virtutes infusæ quâ tumcumq. crescant in intensione non sufficiunt per semetipsas extinguere fomitem peccati: Sed hoc efficiunt in christo, prout sunt in tali subiecto, in quo est gratia vnionis, imo ipsa vnionis gratia se sola sufficiebat ad totalem fomitis extinctionem. Et hinc est, quod quâvis in viris sanctissimis virtutes infusæ habuerint magnâ perfectionem & intentionem in graduque heroico fuerint constitutæ, ut in Apostolis & Ioanne Baptista, non fuerunt tamen sufficientes extinguere fomitem in illis, ut dicit S. Aug. lib. 1. retract. c. 19. & lib. 1. contra duas Epist. Pelag. c. 11. Vnde hoc quod est habere fomitem sublatum, soli Christo est tribuendum. Secundum autem communem Ecclesiæ sensum hoc priuilegium nos debemus extendere ad B. Virg. nō quidem propter magnam virtutum infusarum intensiōem, sed propter specialem vim gratiæ quæ vigeat in Virgine Beata ex maxima approximatione ad verbum.

Quoniam autē hęc tota fere doctrina illi solidissimo innititur fundamento, nimirum, quod omnis humanitatis Christi operatio siue a voluntate, siue a sensitiuo appetitu immediate elicitā, pręuenta semper fuit a rectissimo rationis iudicio, & per rationem deliberatā: atq. a deo non potuit non semper esse rectę rationi conformis. Idcirco de hac re nonnulla in pręsenti, (& nō quidem extra causam, sed oportune) dicemus, vt doctrina tradita debitum accipiat complementum.

Notandum igitur est operationem humanā siue Christi, siue alterius hominis, dupliciter posse deliberatā a ratione intelligi, Primo extrinsece, & quasi per accidens quantum ad exercitium, & applicationem ad ipsum opus, non vero quantum ad specificationem actus. Et hoc modo visio, & quicunq. motus sensuū exteriorum potest esse operatio deliberata, quatenus huiusmodi potentię per voluntatem deliberatā applicantur ad suas operationes, & imperio voluntatis subduntur. Secundo operatio aliqua potest esse deliberata per se, & essentialiter, nō solum quoad exercitium, sed etiam quoad specificationem ipsius operis: & hoc modo ipse actus elicitus a voluntate potest dici operatio deliberata, quia ex propria sui ratione habet quod possit à voluntate deliberata procedere. Quo supposito in vtroq. sensu potest disputari. Vtrum omnis operatio voluntatis Christi, & eius

Dubium.

appetitus sensitiui sit operatio deliberata. Sed in primo sensu hęc quęstio nullam difficultatem habet, quia omnes tenemur fateri vniuersas operationes voluntatis, & appetitus Christi, imo & omnium potentiarum etiam naturalium V. C. vegetatiuę, fuisse deliberatas non solum per voluntatem & rationem diuinā; sed etiam per rationem & voluntatem humanā, quę ex deliberatione permittebat, vnā quamq. potentiam operari sibi propria, & conformiter ad propriam naturā. Probatur hoc. Quia alias sequeretur, quod in Christo potuerit reperiri aliqua operatio exorbitans a ratione & lege Dei. Consequens est dictū absurdissimum, Christus enim, vt ipse 10a. c. 8. dicebat, nihil vnquam operatus fuit, quod non fuisset paternę voluntati placitum. Et quidem quod in Christo non fuerit voluntatū contrarietas, ita quod humana diuinę repugneret, veritas est fidei in 6. synodo definita actio 4. 11. & 17. & in Concil. Lateranen. sub Martino. 1. Legantur Greg. 14. mor. c. 16. Hier. Marci. 9. Aug. super Ioan. loco citā. & q. 77. noui & veter. testam. Sequella vero probatur. Quoniam si operationes appetitus sensitiui Christi non fuissent à ratione pręuentę, aliquando appetitus posset ferri in obiectum sensibile immoderate, & non secundum debitum rationis ordinem. Ergo, &c. Sed notandum est, quod motus appetitus sensitiui in Christo non solum fuerunt deliberati, & pręiusti antecedenter, quatenus hoc ipso quod verbum voluit assumere naturā sensitiuā pręiudic in cōsu-

so, &

so, & in communi operationes futuras appetitus sensitivi. In qua re, fateor me non intelligere quid velit dicere Mag. Med. 3. part. quest. 13. art. 3. Constituens discrimen inter actus appetitus sensitivi Christi, & actus voluntatis eius, ut est natura, quantum ad hoc, quod est esse praevisos, & deliberatos. Sed necessario fateri oportet, quod omnes fuerunt deliberati, & praevisi in particulari, & distincte, & immediate. Quod vel ex eo facile potest ostendi, quia anima Christi per visionem beatam, & per scientiam infusam in particulari, & distincte cognovit omnes operationes cuiuscumque creaturae precipue rationalis, quae futurae sunt in tota aeternitate. Ergo a fortiori cognovit omnes operationes suae humanitatis, atque adeo distincte, & in particulari de omnibus illis deliberavit. Confir. Quoniam si tantum fuerunt deliberatae in communi, & quasi in confuso, vix poterit assignari ratio, ob quam appetitus sensitivus non exierit in aliquem motum inordinatum. Ergo, &c.

Ex hoc sequitur primo, quod quamvis operationes voluntatis ut natura quaedam est, & operationes appetitus sensitivi, & aliarum potentiarum naturalium Christi, simpliciter essent naturales, eo quod procedebant a proximis principiis naturalibus: extrinseca tamen ordinatione deliberatae fuerunt & rationales. 1. Corrol.

Sequitur secundo. Quod humana Christi voluntas ut natura est, & similiter appetitus eius sensitivus per has operationes licet non semper conformarentur voluntati divinae in volito materiali, semper tamen haec operationes fuerunt ei conformes, & consentaneae in volito formali. 2. Corrol. Quoniam propter deliberationem rationis a qua praevente disponebantur, numquam exorbitabant a ratione, & a lege Dei: quia ipsa Dei voluntate annuente voluntas Christi humana, ac eius similiter sensibilis appetitus in huiusmodi actus a materiali divinae voluntatis obiecto discordes prodirent. Vereque dicebantur in volito formali divinae voluntati, & legi conformes, quia vere procedebant regulati per divinam voluntatem, & legem.

De operationibus autem secundi generis grauior est difficultas. Nam quidam concedunt, quod voluntas Christi ut rationalis & libera potuit habere operationes absolutas, per quas non se conformaret voluntati divinae in volito materiali. Itaque, dicunt, quod Christi voluntas ut rationalis potuit actu absoluto velle non mori, cuius oppositum voluit divina voluntas. Ceterum haec sententia etsi ab Scoto, & Gabriele in 3. 14. probabilis iudicetur, omnino tamen videtur improbabilis. Contra quam docent communiter Theologi in cit. d. & duabus sequentibus, & S. Thom. 3. par. q. 21. art. 4. Ex certe sententia illa marito esset ab scholis explodenda, quod probatur. Primo, quia talis absoluta, & deliberata voluntas non posset non esse peccatum, cum esset

esset diuinæ voluntati absolute repugnans, & ei non subiecta, nā cū esset absoluta, & ex deliberatione promanans, nulli superiori voluntati cederet. At fides catholica omne peccatum a Christi voluntate eliminat, vt ex dictis constat. Ergo, &c.

Secundo probatur. Talis voluntas fuit Christo impossibilis, Ergo &c. probo antecedens. Christus videbat quid Deus absoluta, & efficaci voluntate fieri decreuisset, & consequenter sciebat, quod in sensu-composito non poterat oppositum contingere. At nō potest voluntas absoluta, & deliberata volitione ferri in obiectum, quod intellectus iudicat hic & nunc, & omnibus circumstantis consideratis esse impossibile. Ergo, &c.

Tertio probatur, Quia tunc esset in Christo voluntatum contrarietas, quod est ab Ecclesia damnatum, vt vidimus paulo ante Ergo, &c.

Difficultas

Difficultas ergo in vtramque partem probabilis, in eo consistit, Vtrum Christi voluntas, non vt natura, sed vt rationalis potuerit habere aliquam volitionem conditionatam, & imperfectam, quam dicimus, velleitatem, repugnantem voluntati Dei in voluto materiali. Et quidam nouiores Theologi reputant probabiliorē sententiam negatiuam, quam sequentibus rationibus probant.

Primo Huiusmodi velleitates sunt otiosæ, & impertinentes, & procedunt ex imperfectione operantis, Ergo non sunt ponendæ in Christo, a cuius humanitate omnis est imperfectio releganda.

Secundo. Volūtas vt rationalis, & libera, illa dicitur quæ operatur consultis rationibus, & circumstantijs ipsius operis, sed Christus quoties applicuit intellectum ad considerandas rationes, & circumstantias operis, considerauit omnes rationes & circumstantias tam superiores, quam inferiores: fuit aut impossibile, quod consideratis omnibus rationibus, & circumstantijs, voluntas humana christi non se conformaret voluntati diuinæ in voluto materiali. Ergo nō fuit possibile, quod haberet aliquam velleitatem repugnantem diuinæ voluntati in voluto materiali.

Tertio. Quia huiusmodi velleitates repugnantes diuinæ voluntati in voluto materiali, non possunt reperiri in Beatis propter magnam perfectionem voluntatis eorum, sed voluntas humana christi multo fuit perfectior voluntate cuiuscunque Beati, Ergo relegandæ sunt a Christi voluntate huiusmodi imperfectæ volitiones.

Oppositam sententiam docent Scot. in 3. d. 15. & Palacios ibi, & Medina. 3. part. q. 18. art. 6. & apparet sententiam longe probabilior, Probatur. Christus habuit velleitatem non moriendi, vt constat ex scriptura, & tamen iuxta sententiam sanctorum hæc velleitas oriebatur ex consideratione rationis, quatenus iudicabat indignum esse vt

Innocens pro peccatoribus moreretur, Deus pro creatura, & quod mors eius esset a multis contemnenda, & multis futura in scandalum, praesertim populo Iudeorum, Ergo voluntas Christi ut rationalis habuit actum conditionatum per quem non se conformauit voluntati diuinæ in voluto materiali, Hæc omnia adeo sunt vulgaria, & cunctis peruia, ut minime expedire iudicauerim in scripturarum, & Patrum testimonijs recensendis immorari.

Quare ad primum argumentum contrariæ opinionis negatur antecedens, nam huiusmodi voluntates conferebant multum ad ostendendam veritatem naturæ humanæ in Christo, & etiam ad ostendendum charitatis affectum, erga totum humanum genus, volebat enim quantum ex se era ut omnes consequerentur fructum suæ passionis, & æternam vitam. Huc enim tendebat illa tam laboriosa Christi ad Patrem deprecatio. Pater si possibile est transeat a me calix iste, id est, transeat ad vniuersos homines, ita ut omnes fructum passionis meæ copiose percipiant, &c. Math. 20.
& Luc. 20.

Ad Secundum Respondetur, quod licet anima Christi per cognitionem beatam actu semper consideret vniuersas rationes, & circumstantias cuiuscunque operationis, at per scientiam infusam aliquando poterat considerare aliquas particulares rationes quas vocamus inferiores, non consideratis alijs superioribus, & tunc poterat habere actum voluntatis conditionatum proportionatum inferioribus rationibus, quasi corrigendum per rationes superiores, neque in hoc reperiatur aliquis defectus prudentiæ, sed erat modus operandi proportionatus humane naturæ.

Ad tertium Non de sunt viri docti qui putent in beatis reperiri eiusmodi actus conditionatos, sed veritas est in oppositum. Quoniam beatitudo consummata, & perfecta transformat voluntatem beati in diuinam voluntatem, ita ut nullum motum patiatur, qui non procedat ex inclinatione gratiæ, & consummatæ charitatis. Igitur ad argumentum negatur consequentia, ratio determinans est, quoniam Christus simul erat Beatus, & viator, & caro Christi Domini erat passibilis, & mortalis, & ideo multa poterant Christo presentari ut nociua, & mala propter carnis passibilitatem quæ respectu Beatorum nullam possunt inducere rationem mali, quia non sunt subiecti passionibus, & transmutationibus passibilis carnis. Multaque ipsi potuerunt ut viatori occurrere, & ea quidem secundum rationes saltem inferiores consideratione digna, quæ ad beatificium statum se habent impertinenter.

His ita praesuppositis ad secundum nostram conclusionem reuertamur, cuius efficacem probationem ex dictis colligere non erit difficile. Et primum quidem, quod diuinum verbum de facto non assumpsit humanitatem illò peccato infectam, veritas est ad fidem Catho-

licam pertinens, ita, vt oppositum sit manifestissimus error in fide, & aperta hæresis. Quod probatur primo, ex illo Luc. 1. quod nascetur, ex te sanctum, &c. Illa dictio sanctum neutraliter accepta denotat omni modam sanctitatem non solum in supposito, sed etiam in natura in qua Christus fuit conceptus, & natus, nam de sanctitate nascitur Christus ex spiritu sancto in utero Virginis concipiendi sermonem ibi instituerat Angelus. Testimonia quæ afferemus circa sequentes conclusiones ad probandum sanctitatem, & gratiam habitualem Christi, a pertissime confirmabunt istam veritatem, & ea etiam quæ sunt afferenda in solutione ad vltimum argumentum huius questionis. Probatur secundo ex verbis quæ paulo ante retulimus ex Epistola Agathonis in sexta synodo generali recepta, & approbata, quibus definitur Christi humanitas em ex coniunctione ad diuinum verbum fuisse deificatam. At cum hac deificatione non compati poterat aliqua habitualis culpa in anima Christi existens. Id ipsum probatur, eo eo quod in Conc. Ephe. primo anathematismo 10. de finitur Christum non indiguisse sacrificio pro se oblato quia nullum habuit peccatum. Quod & Paul. ad Hebr. cap. 7. non obscuris verbis dixerat. Talis inquit debebat vt nobis esset Pontifex. sanctus, Innocens, impollutus, segregatus a peccatoribus, & excelior cælis factus, qui non habet necessitatē quotidie, quemadmodū, & sacerdotes prius profuis delictis offerre. Certe si Christi humanitati aliquod vel mortale, vel veniale inesset peccatum, nulla ratione dici posset ipsum non indiguisse sacrificio pro se oblato, nam ad expiationem illius peccati, & mundiciam animæ comparandam necessaria illi fuisset sacrificij virtus.

Tertio probatur. Secundum fidem fateri tenemur Christi humanitatem non prius tempore in rerum natura extitisse, quam fuerit personaliter vnita verbo, Alias enim non vere, & proprie Beatissima Virgo diceretur Christum verum Deum, & hominem genuisse, sed illum hominem putum, seu humanitatem illam vnioni hypostaticæ præ existentem, cuius contrarium prædicant sacræ literæ, Grauiissima Concilia Ephæsinum. 2. Calcedonenſe, Constantinopolit. 5. &c. definiūt, docēt sancti Patres, & Theologi, vniuersaque credit Ecclesia. Certa etiam fide tenemur credere, eam non contraxisse peccatum originis ex vi generationis. ergo nullo modo intelligi potest peccatū in humanitate Christi, quod non fuerit perpetratum ab ipso Christo. Sed quod Christus aliquod peccatum admiserit in natura assumpta, est manifesta hæresis, vt probauimus, Ergo contra fidem est dicere Christum assumpsisse naturam aliquo peccato infectam.

Quarto denique, & vltimo probatur, quod Christus humanitatem assumeret aliquo peccato infectam, e regione opponitur officio Redemptoris, & sanctificatoris, quod fuit Christo a Patre inuinctum,

oportebat

oportebat enim ut is qui alios venerat saluare, & mundare, esset omni ex parte sanctus, & mundus, & non ipse quoque mundatione, & sanctificatione egeret, ab immundo enim quis mundabitur, ergo cum nihil contrarium officio Redemptoris, & sanctificatoris sit admittendum in Christo, & hoc quidem secundum Catholicam fidem, necessum est omnem peccati labem a Christi humanitate excludamus. Illa omnia patrum testimonia quæ adduximus ad excludendum peccatum actuale a Christi humanitate, & illa quæ afferemus postea ad probandum eius sanctitatem, & gratiam, atque ipsius gratiæ plenitudinem omnino sunt ponderanda in huius Catholice veritatis confirmationem: neque enim libet ea sæpius repetere, & absque ulla necessitate inculcare,

Deinceps probandum est, quod etiam ex potentia dei absoluta non potuerit fieri, quod verbum humanitatem peccato infectam assumeret. Quod sic probo. Ad diuinum verbum, prout est humanæ naturæ suppositum, attinet magnam curam specialemque providentiam adhibere, ut ab ipsa natura omnem moralem defectum excludat, ut ex ante dictis satis constat, itaque deficeret diuinum verbum in his quæ ad ipsum pertinet in ratione humani suppositi, nisi naturam quam suppositaliter terminat, mundaret ab omni morali deformitate, quæ illam redderet deformem, & turpem, & ineptam ad supernaturales actiones efficiendas, & ea officia, & munia præstanda quæ competunt naturæ dedicatæ per hypostaticam unionem ad diuinum verbum, & quæ ineffabili redemptoris ministerio congruunt: ergo impossibile est quod verbum diuinum humanitatem peccato infectam ad unitatem personalem assumeret.

Ex hoc sequitur, quod si Deus modo vellet assumere in hypostaticam unionem naturam rationalem hominis peccatoris auferendo ab ea personalitatem propriam, eo ipso quod illam sibi uniret. mundaret ipsam a peccato, quod antea contraxerat. Non quod talis mundities resultaret per simplicem emanationem ex unionem hypostaticam, hoc enim non existimo necessarium (de qua re dicam quæstione sequenti) sed per nouam actionem, liberam quidem, & voluntariam simpliciter ipsi Deo, necessariam tamen ex suppositione, supposita scilicet unionem hypostaticam, quæ esset omnino libera actio Dei. Imò crediderim, quod prius natura quàm eam assumeret in genere saltem causæ dispositiue in ordine morali deberet præcedere mundities ipsius naturæ ad hypostaticam assumptionem. Dixi in genere causæ dispositiue quoniam in genere effectiue causæ prior rationis ordine deberet intelligi ipsa verbum humanitatem hypostaticam unio, Nam aliàs si absolute præcederet naturæ humanæ mundities, non specialiter tribueretur verbo, nisi secundum quod iam accommodatio-

nem, sed toti Trinitati esset communis. quia non procederet a verbo ut à supposito naturæ humanæ cum omnino antecederet hypostaticam unionem.

Quo loco id arbitror obseruandum quod licet infusio gratiæ, & charitatis actiua in Christi anima actio fuerit toti trinitati communis ut in 2. art. sequentis quæst. dicam, mundare tamen humanitatem in casu de quo in præsentî loquimur, non solum secundum accommodationem quandam verbo tribueretur, sed speciali ratione ut humanitatis supposito, ipsi competeret. Nam eius interesset naturam sibi hypostice coniunctam ab omni morali culpa mundare. Ita quod per intellectum humanum, & humanam voluntatem teneretur de hac morali munditie curare.

Tertia conclusio.

Certa fide tenendum, est Christi animam habituali gratia sanctificatam fuisse, & ad supernaturalem ordinem eleuatam, Probatur primo ex multis sacre scripturæ testimonijs Ioan. 1. plenum gratiæ & veritatis. Quem locum de Christo esse intelligendum superius explicui, Hæretici huius temporis dicunt Christum fuisse plenum gratia, non habituali, & iustificato, sed gratiæ nomine, specialem fauorem intelligunt, quo pater plurimum fauebat Christo, Verum hæc interpretatio tota est spiritu hæretico plena, & communi patrum intelligentiæ contraria, qui unanimiter hanc gratiæ plenitudinem ad dona, & spiritus sancti charissimam referunt, quæ christi anima non ad mensuram accepit. Quia Pater ut inquit Ioan. cap. 3. non ad mensuram dedit spiritum fido suo. Ioan. 10. christus de se ipso dicit. quem Pater sanctificauit, & misit in mundum, &c. & ut ibidem interpretatur Sanct. Thom. post Hilar. 7. lib. de Trinitate circa medium, & est interpretatio, a grauissimis Patribus Athanasio lib. de incarnatione Christi in princip. & Chrysost. hom. 60. & ab alijs sacrorum Bibliothum interpretibus communiter probata, hæc sanctificatio accipienda est de sanctificatione facta per iustificantem gratiam. Scio S. August. tract. 48. in Ioan. quem super hunc locum sequutus fuit Vener. Beda ad christi diuinitatem hanc sanctificationem reduxisse, ipsamque æternam verbi generationem sanctificationem vocasse: Ut sanctus esset inquit Beda. gignendo edidit, Sanctificauit, intelligendum est quem admodum & genuit. Cui interpretationi ob id nouiores quidem annuunt interpretes, quia sanctificatio de qua Christus hic loquitur, missionem diuini verbi in mundum antecessit, quæ missio in eius incarnatione fuit celebrata, atque adeo sanctificatio verbi non potest non esse

æterna

æterna eius generatio Sed prior nihilominus intelligentia communior est, & textui gratior apparet, quia de incarnato verbo ibi fit sermo. Ad motuum vero, quod probabilem reddit intelligentiam aliam quam ex August. retulimus, dicitur, Christum dominum ibi non loqui de missione verbi in mundum, quæ fuit ipsa verbi incarnatio, sed de missione qua post incarnationem ipse Christus missus est, a Patre in mundum ad prædicandum hominibus Euangelium, & ad cætera Redemptoris munera exequendum. Huic intelligentiæ plurimum consentis, id quod ex Esai. 61. Christus Luc. 4. sibi accommodauit, Spiritus, in quiens, domini super me, eo quod vnxit me, & ad annuncian- dum pauperibus misit me. Quo loco spiritualis humanitatis Christi vnctio quæ fuit in incarnatione facta, præcessisse dicitur missionem ipsius Christi ad annuncian- dum pauperibus Euangelium gratiæ. Sanctificatio autem, & vnctio idem omnino polleat.

Sed iam ulterius in probatione conclusionis progrediamur. Luc. 1. quod ex te nascetur sanctum vocabitur filius Dei, Quæ locum versas Bern. hom. 4. super missus est, & Rupertus. lib. primo de operibus ipsius sancti. cap. 10. interpretantur de sanctitate quæ fit per gratiam iustificancem. Et quidem merito, Nam sanctitas personalis ad vni-
us gratiam spectans sequentibus verbis, scilicet, vocabitur filius Dei, satis explicatur. Hanc veritatem probant vniuersa illa testimonia scri-
pturæ sacræ, quibus asseritur Christum vinctum Spiritus sancti vnctio-
ne, de qua loquitur Regius Vates ps. 44. Dilexisti iusticiam, & odisti
iniquitatem propterea vnxit te Deus, deus tuus oleo letitiæ præcon-
fortibus tuis, vbi ad litteram fit sermo de Christo, nam ita Palu. ad
Hebr. 1. de Christo loquens, hæc verba retulit, Hoc autē letitiæ, & exul-
tationis oleum communiter sancti Patres interpretantur, de Spiritus
sancti charismatibus, quorum præcipuum est iustificans gratia. Vnde
in sacra scriptura huiusmodi Spiritus sancti charismata vnctionis no-
mine vocantur, vt constat ex illo Ioan. 1. cap. 3. vnctio docebit vos de
omnibus. De eadem Christi spirituali vnctione intelliguntur a sanctis
Patribus, & ab alijs interpretibus scripturæ sacræ alia sacræ pagine
testimonia, quæ de Christi vnctione sermonem faciunt Isai. 61. Spiritus
domini super me, eo quod vnxit me, &c. quæ verba Luc. 4. Chri-
stus retulit, & sibi ipsi accommodauit vt dudū dicebā. Act. 4. dicitur
de Christo q. vnxit eū Pater Spiritu sancto & virtute. De Christo veri-
ficantur etiam illa verba Dan. 9. & vngatur Sanctus sanctorum. Eadē
veritas aperte cōprobatur ex illis sacræ pagine testimonijs in quibus
Spiritus sancti dona Christo tribuuntur, vt est illud Isai. c. 11. requies-
cet super eum (scilicet florem de radice Iesse ascendente qui est ipse
Christus) Spiritus domini, spiritus sapientiæ, & intellectus, &c.
Ponderandum est illud verbum, requiescet, denotat enim

41 RELECTIO DE CHRISTI GRATIA.

habitualement permanentiam gratiæ, & donorum Spiritus sancti ipsam concomitantium in anima Christi. Zach. 3. ubi sub nomine lapidis fit sermo de Christo, qui est lapis electus, & angularis, & si ab ædificantibus reprobatus, dicitur, quod super lapidem vnum septem oculi sunt, id est, septem Spiritus sancti dona, ut communiter interpretantur Patres. Legatur speciatim Hieronym. super eundem locum, & S. Greg. lib. 29. mor. cap. 30. illai. c. 42. Ecce seruus meus suscipiam eum dedi Spiritum meum super illum. in quo testimonio illud verbum, seruus, denotat de Christo ut homine, sermonem fieri, Et illa uerba, super illum, denotant, quod non de gratia unionis quæ factum est verbum caro, sed de gratia iustificante verbo incarnato superuenienti fit sermo. Nam ut daretur Spiritus super illum, necessarium erat, ut ipse seruus Dei, scilicet, Christus, præexistisset saltem ordine nature ipsi infusioni gratiæ. Quæ ponderatio etiam est accommodanda testimonio ex cap. 61. illai. citato.

Secundo probatur eadem conclusio grauissimis Patrum testimoniis, Orig. in quadam hom. de natiuitate Domini super Euangel. In principio erat uerbum, uersans illa uerba plenum gratiæ, & ueritatis adhibet diuersas explicationes, & in prima dicit, quod ueritatis plenitudo referri potest ad diuinitatem Christi, plenitudo uero gratiæ ad Spiritus sancti donationem humanæ nature communicatam. Deinde aliam explicationem adhibens, inquit, gratiæ, & ueritatis plenitudinem de plenitudine deificationis, & sanctificationis esse intelligendam, & subiungit continuum, Deificationis dico, quia homo, & Deus in unitatem unius substantiæ (id est, substantiæ) adunati sunt, sanctificationis uero, quia non solum de Spiritu sancto conceptus, uerum etiam plenitudine donationum eius repletus est. Ecce quemadmodum Orig. & unionis gratiam, & habitualis gratiæ plenitudinem agnouit in Christo, illam deificationis gratiam vocauit, hanc uero gratiam sanctificationis esse dixit. S. Cyrill. Alexandr. in primo tomo actorum Concilii Ephesini de Christi sanctitate, & Sacerdotio loquens dicit, quod Christus spiritum sanctum accepit ut homo, non tam sibi illum impetrans, quam toti generi humano per se ipsum, & in se ipso primum. Et in eod. tomo 1. quadam Ioann. uerba exponens inquit. En clare, & euidenter utrumque assertum habes, nempe abominum Iesum Christum per carnis quidem æconomiam, per inde æuum ex nobis Spiritu sancto potiri. Expendenda sunt illa uerba, ac vnum ex nobis, aperte enim ostendunt, quod Christus accepit gratiam, & cætera Spiritus sancti dona, quæ conferuntur à Spiritu sancto reliquis hominibus iustis. Similia uerba habet idem Cyrill. in quinto tomo acto-

rum eiusdem Concilij, vbi explicans anathematismum septimum, inquit, Nominatus autem & Christi quoque nomine est, propterea, nimirum, quod secundum humanam naturam perinde, ac vnus ex nobis inunctus est, iuxta illud dilexisti iusticiam, & odisti iniquitatem propterea vnxit te Deus tuus &c. Videndus est itidem lib. 1. de fide ad reginas. S. Athanasius sermone 2. contra Arianos circa finem dicit, quod verbum homo factum seipsum sanctificauit ea vnctione, & sanctificatione, cuius etiam est dominus, & qua nobiscum communicauit, & post pauca subdit. Ipse est, qui dat & accipit Spiritum sanctum, dat vt verbum, accipit vt homo. Illa verba, cuius etiam est dominus, nequeunt exponi de sanctificatione, quæ ad vnionis gratiam spectat, nam hæc sanctitas reipsa est ipsum met diuinum verbum, vnde necesse est de habituali gratia humanitatis, de qua sine dubio, & hæc omnia verba, & alia quæ habentur ibidem intelliguntur. Ex tam est manifestum S. Athanas. de gratia Spiritus sancti iustificante, & eleuante animam loqui in hoc loco, vt visus sit dicere, quod cum Ioannes in baptismo vidit Spiritum sanctum in specie columbæ super Christum descendentem, suscepit ipse Christus hanc Spiritus sancti gratiam. Sed nihil aliud intendit grauissimus hic pater quam quod visibilis ille Spiritus sancti super Christum descensus apertam nobis de interna ipsius Spiritus sancti gratia in Christi anima latente significationem fecerit. Nam quod Christi anima ab ipso incarnationis instante plena fuerit gratiæ, in qua nunquam vllū suscepit augmentum, fatetur ipse Athanas. sermo. 4. sequenti contra Arianos. Legatur etiam pro hac nostra conclusione 3. in lib. de incarnatione Christi vbi inquit quod Christus a seipso Spiritum sanctum accepit, & quod ex se ipso in semetipsum descendit, nimirum ex deitate in humanitatem assumptam. Hic descensus ex deitate Christi in ipsius humanitatem quid aliud denotat quam spiritualium charismatum in anima Christi infusio ab ipsius deitate facta. S. Hieron. Versans illa verba Abachuc c. 3. Egressus est in salutem populi sui, dicit super omnia vnguentorum genera esse vnguentum illud spirituale, quod oleum exultationis vocatur, quo vngitur saluator præ participibus suis; participes autem, inquit, eos puto, ad quos loquitur Ioannes dicens: Vos vnctionem habetis à Spiritu sancto. Multa alia ibi dicit Hieronymus, ex quibus constat illum loqui de vnctione Spiritus sancti facta per gratiam. S. Chrysost. in sermone quodam de Spiritu sancto hæc habet verba: Cum autem accepit Deus carnem nostrā, fecit eam humano more, quasi vnum Apostolorum, & Prophetarum accipere Spiritum sanctum, & multa his similia dicit ibidem. S. Greg. loco citato & lib. 3. epistolarū epistola 61. & lib. 3. mor. c. 33. & li. 29. c. 30. & hoc loco inquit Christi animam habuisse coniunctas & perma-

nentes

nentes vniuersas Spiritus sancti functiones, idest, operationes supernaturalium donorum, & virtutum. Quibus verbis aperte docuit habitualem gratiam, & supernaturalium virtutum permanentiam in Christi Seruatoris anima. Quia non aliter potuit simul habere omnes cœlestium donorum, & virtutum supernaturalium actiones nisi in habituali principio, in ipsis, videlicet, infusis habitibus gratiæ & virtutum infusarum. Legatur S. Basil. hom. de poenitentia, & speciatim videndus est super illa verba Psal. 44. vnxit te Deus &c. Ber. ho. 16. in cant. dicit, quod oleum exultationis quo Christus in sacris literis asseritur vnctus, ipsa sunt septem Spiritus sancti dona. S. August. 15. de Trinita. c. 26 dicit quod Christus secundum quod Deus dedit spiritualem sanctificationem hominibus, quam ipse secundum, quod homo accepit, & manifestum erit legenti, S. August. non de gratia vnionis, sed de gratia habituali sanctificante animam ibidem loquitur. Nam inter alia dicit quod si Ioan. Baptista qui seruus erat, ab utero matris Spiritum sanctum accepit, quæ probabilitate id negandum erit Christo naturali filio: & quæ ratione dici poterit Christum, tunc primo Spiritum sanctum accepisse, cum Ioannes in Iordane vidit Spiritum sanctum in specie columbæ super ipsum. descendentem. Certe non potest hæc Augustini argumentatio de gratia vnionis procedere de hac enim gratia nulli poterat esse dubium quominus eam Christus in utero suæ matris accepisset. Loquebatur ergo August. de illa Spiritus sancti donatione quæ fit per iustificantem gratiam, & quæ communis fuit Christo & Ioan. Legendus est ipse August. in epistola 57. Legatur etiam S. Ambros. lib. 1. de Spiritu sancto c. 8. & super capitulum 1. epistolæ ad Hebr. In illa verba vnxit te Deus, deus tuus præparaticipibus tuis, ubi aperte docet, oleum quo Christus fuit vnctus fuisse illudmet quo alij sancti, & iusti. homines, inunguntur, quamuis in Christo excellentiori modo fuerit istud oleum diffusum. S. Anselmus super eundem locum ita dicit. Deus iam homo factus vngi dicitur, id enim significant illa verba vnxit te Deus &c. Deus enim, ait Anselmus, qui vnctus est, homo factus erat, vnctus est oleo, idest, Spiritus sancti dono. Et paulo post, vnctus est oleo exultationis, idest, Spiritus sancti gratia, quæ eius conscientiam exhilararet. Vides, bone lector, quam aperte S. Anselmus distingatur in Christo gratiam iustificantem, & sanctificantem animam, à gratia vnionis, in eo & vniuersa hæc a nobis ex Patribus citata testimonia hanc habent manifestissimam intelligentiam. Alia ex Patribus afferemus loca circa solutionem ad primum huius questionis, & in questione sequenti in art. 2. ex quibus huic veritati maius accrescet robur. Eandem hanc veritatem constanter affirmant omnes scholastici Theologi cum suo magistro in 3. dist. 13. S. Thom. ibidem & 3. p. q. 7. art. 1. & q. 34. Alex. Alen. 3. p. q. 1. &

12. Marf. in 3. q. 10. Interpretes sacrorum bibliorum exponentes illa verba Ioan. primo. Plenum gratiæ & veritatis. Vnanimiter hanc veritatem adstruunt, Erasmo, & Caiet. exceptis, qui vt supra aduertimus à vulgata latina æditione ob leuiffimas coniecturas recedentes, hæc verba non ad Christum sed ad Ioannem retulerunt. Sed iam in forma sic deduco pro conclusione argumentum, & id quidem efficaciffimum. Illa veritas quam vnuerfi, aut fere vnuerfi Ecclesiæ Patres & magistri semper docuerunt, & docent, vt certam & in sacris scripturis contentam, suscipienda est à fidelibus, vt verum Catholicæ fidei dogma, non enim errare possunt in scripturarum perscrutatione, & in intelligentia vnuerfi Ecclesiæ Patres & magistri, neq. in tradendis Catholicis veritatibus; alias enim cum ipsis errantibus tota erraret Ecclesia. Ergo cum ab vnuerfis & antiquioribus Patribus, & nouioribus Ecclesiæ magistris assertum habeamus ex sacris litteris colligi Christi Saluatoris nostri animam gratia iustificante, ac reliquis Spiritus sancti charismatibus & sanctificatam fuisse, & vñctam, necessum est fateamur, hanc veritatem non inter probabiles Theologorum opiniones annumerandam esse, sed Catholica confessione suscipiendam.

Theologica rationes pro hac veritate confirmanda multæ eaq. nō cōtemnendæ suppetūt Theologis. Quarū præcipue sūt illę quibus vsus fuit S. Thom. 3. p. q. 7. art. 1. quæ cū ibidē clare, & explicatissime proponātur, nō erit necessū, vt in earū explicatione immoremur. Sed satis fuerit earū præcipuas propter doctrinæ ordinē & cōplemētū breuiter referre. Et quidē ex illis verbis nostri prothematis. Et vidimus gloriam eius, gloriā quasi vnigeniti a Patre. Duæ rationes deducūtur, prior quę sit in ordine aliarū prima, hæc est, dignitas Christi quā habet eo quod vnigenitus est Dei filius, postulabat, vt eius rationalis anima per hoc psonaliter vnita exornaretur Gratia, ac præclarissimis Spiritus sancti virtutibus, & donis, quibus decora fieret & pulchra ac Deo valde similis, eiusdemq. ordinis cū diuino verbo. At nō est credibile, quod Deus, qui tam in ordine gratiæ, quā in ordine naturæ res omnes iuxta eorū merita, & dignitatē disponit, ipsam Christi animā nō ornaret, & perficeret iuxta modū eius dignitati debitū. Ergo, &c. Posterior ratio & in ordine secūda ad hoc reducitur. Quod diuinū verbū perennis est totius gratiæ fons, ac natina origo, & quia Deus, cuius naturę ipsa gratia quodā est participiū, & quia substantialis imago, & similitudo Patris. Quā perfectissimā, & exactā similitudinē imitatur gratia, quæ animā cōstituit Deo similē formali & intrinsecus participata similitudine: & ita Paul. Rom. c. 8. inquit, quos prædestinauit cōformes fieri imaginis filij sui, id est, ex vi prædestinationis gratiā accipiūt pdestinati, per quā referūt vnigeniti filij Dei, q. est naturalis imago Patris, similitudinē, & cōformitatē imaginis Dei induūt. Ergo anima Christi quæ inter creatu-

creaturas omnes proximior est, & coniunctior verbo, gratiam ab ipso verbo, & eam quidem secundum omnem plenitudinem suscipit. Tertia ratio. Conueniens est omnino, & maxime congruum ut Christi anima verbo vnita operetur supernaturales actiones diuino humanitatis supposito conformes. Nam cum verbum prout humanæ naturæ suppositum sit vnum cum natura humana earum operationum effectuum, & elicuum principium, in decorum apparet quod operationes elicite non sint ei similes & proportionatæ, Gratia vero est primum, & radicale principium harum operationum, quatenus sua virtute præhabet supernaturales habitus qui sunt proxima earum effectiua principia, Ergo Christi animæ infundi debuit habitualis gratia. Neq. sat fuerit dicere quod adiutoria & auxilia dei actualia sufficerent Christi animæ ad supernaturales operationes efficiendas. Quoniam licet sufficerent ad substantiam ipsarum operationum, non tamen, ut modo ipsi animæ connaturali efficerentur. Nam in supernaturalibus actionibus, quæ non ex habitu supernaturali, sed ex actuali auxilio prodeunt, anima potius ab extrinseco mouetur, quam operetur a semetipsa mota & acta. Et quidem si ad hanc suauitatem in reliquis hominibus erga supernaturales actiones seruandam, Deus qui omnia disponit suauiter, eis supernaturales infundit habitus, & virtutes, quæ ratio patitur, ut a Christi anima sibi charissima hanc suauem prouidentiam, & dispositionem subtraxerit? Ergo &c.

Sed quarta iam ratio accedat, Christus non solum, ut Deus, sed etiam ut homo Deus, caput est omnium hominum influens in eos gratiam, & reliqua Spiritus sancti dona. Ergo valde fuit congruum, ut Christi humanitas gratia, & Spiritus sancti charismatibus eleuaretur, & perficeretur. Confirmatur, Christus venit in mundum, ut auctor legis gratiæ, & ipsiusmet gratiæ. Nam lex per Moysen data est, gratia & veritas per Iesum Christum facta est. Ego conuenientissimum fuit, ut ipsa Christi humanitas perficeretur gratia, imo & plenitudine gratiæ, ut ex eius plenitudine omnes iusti acciperent.

Quarta Conclusio.

Gratiam habitualiter iustificantem accepit Christi anima in primo incarnationis instanti. Hanc conclusionem libenter admittunt graues Theologi, verum de eius certitudine quanta sit non constat omnibus. Nam quidam grauissimi in quorum numero sunt recensendi Cano. lib. 12. de loci c. 14. & Medina 3. p. q. 19. art. 4. dub. 4. & q. 34. art. 4. & nouissime Bellarminius in primo tomo suarum controuerstrarum lib. 4. de Christi anima c. 2. & 3. in ea esse videntur sententia, quod ista doctrina sit veritas fidei. Grauiissima testimonia, & ex sacris scripturis, & ex patrum monumentis producant in eius rei confirmationem, quæ transcribere non licet, nam ibi facile videri poterunt.

Alijs tamen Theologis quibusdam non tam certa uisa fuit ista sententia. Sed quid ego sententiam breuiter exponam. Et dico primum. Christum ab instanti suae incarnationis gratia, & gloria, quae in uisione beata consistit, fuisse praeditum, ueritas est adeo certa, ut oppositum sit plusquam temerarium, & fortassis in fide erroneum. Probo. quoniam testimonia scripturae sacrae ex quibus praecedentem colligebamus conclusionem non obscure insinuant hanc ueritatem. Illud praesertim, quod est in hac tractatione praecipuum. Vidimus gloriam eius gloriam quasi unigeniti a patre plenum gratiae, & ueritatis, quod testimonium ita est expendendum, quod si gloria, & plenitudo gratiae, & ueritatis collata fuerunt Christo, quia Unigenitus est Dei filius nulla uero similis afferri potest ratio ob quam in ipso conceptionis instanti ei non darentur, sed aliud expectaretur tempus. Neque enim aliud tempus, aut instans infusioni gratiae commodius poterit assignari, cum gratiae infusio non Christi meritis, sed personali eius dignitati respondeat: quae dignitatem habuit totam, & totaliter in primo suae incarnationis momento. Probatur secundo ex illo Luc. 1. ideoque quod ex te nascetur sanctum uocabitur filius Dei. Ecce sanctitas Christi, quae circa praecedentem conclusionem ex Bernardo, & Ruperto dixi, & probaui esse accipiendam de sanctitate à Iustificante gratia proueniente, cum Christo ex Virgine nascente ortum habuit, & quidē ex ui conceptionis Spiritus sancti uirtute facta Id. n. denotat illud uerbum Ideoque. In eiusdem ueritatis comprobationem ponderanda sunt illa uerba Isa. c. 11. Et flos de radice eius ascendet. Flos de radice ascendens Christus est de Virgine nascent. Huic ascensui mox annexuit propheta habitualis gratiae, & spiritualium donorum abundantiam. Et requiescet, inquit, super eum spiritus domini, &c. Item Luc. 2. Angelus pastoribus loquens. Ecce euangelizo inquit uobis gaudium magnū, quia natus est uobis hodie Saluator, qui est Christus Dominus, &c. Ecce iam tunc erat Christus, id est, unus Spiritus sancti charismatibus & exultationis oleo. Quod sane oleum ex Patrum testimoniis ostendimus, ipsam esse spiritualem gratiam, quam caetera supernaturalia dona committantur. Item ponderandum est, quod dicitur Saluator natus, denotat enim, quod Saluatoris officium iam erat Christo commissum à Patre, cum ex matris uero per natiuitatem exijt: atque adeo fateri tenemur, quod iam erat ei data gratia cum uirtutibus, & donis infusis, quae ut infra ostendemus ad officium Saluatoris, & Redemptoris necessaria fuit secundum legem à Deo statutam. Innumera praetermitto sacrae paginae testimonia, quae in duobus citatis autoribus Cano, & Medina uideri poterunt. Expendantur etiam Patrum, quae pro assertionem praecedenti adduximus testimonia, constabit enim legentem Patrum eam fuisse, quod Christi anima ab instanti incarnatione.

tionis gratiā, & Spiritus sancti accepit dona. S. Aug. 15. de Trin. c. 28, apertissimè id affirmat, & probat, quia si Ioānes in utero matris sanctitatem accepit & gratiam, quo pacto id non erit de Christo asserendū? Et quāuis Aug. & Patres non exprimant primum instans conceptionis Christi, manifestum est ipsos de illo primo instanti loquutos fuisse, quia totam Christi sanctitatem, & gratiam ex hypostatica unione ad verbum prouenisse dicunt. Imo, & multis in locis expressere, quod in vtero matris Christi anima, & gratiam, & perfectam diuinorum cognitionem accepit. Legantur testimonia Patrum, quæ Magister Cano. & Bellarminus loc. citat. diligenter rerulerunt, presertim, Gregor. Nazianze. in Basilium. Proficiebat inquit, sapientia non ut incrementum aliquod acciperet, cum ab initio dominus gratia, & sapientia absolutus esset, sed quod hominibus ignaris paulatim apparerent. Suppetunt præterea rationes nō inefficaces, quæ huic attestatur ueritati. Prima, quoniam Angeli creati sunt in gratia iuxta grauissimorum Theologorum sententiam, quam ex S. Aug. hauserunt dicente, quod Deus simul erat in eis condens naturam, & largiens gratiam. Ergo si hoc rationabiliter dicitur de Angelis, imo de primis parentibus satis consentaneæ ad scripturam sacram dicitur, quod in iustitia originali, & in dei gratia fuerunt conditi, necessario id erit de Christo affirmandum. Secunda ratio. Inter statum gratiæ, & statum peccati nullum de facto, & secundum ordinariam dei legem datur medium: Ergo cum Christiana anima non fuerit in peccato producta, necesse est fateri fuisse in gratia, & iustitia creatam. Omnia argumenta quæ sequenti controuersia in 2. eius art. afferemus ad probandum gratiam connaturalem esse Christo, & eius animæ ex ui unionis hypostaticæ debitam, confirmant non leuiter hanc ueritatem.

Secundo dico. Quod Christus dum uixit mortali uita gratia fuit, & gloria præditus, siue in hoc, siue in illo instanti acceperit, ueritas fidei est, cuius oppositum manifestus est error, imo, & hæresis. Istud secundum assertum, ut minimum probant efficacissime testimonia, quæ citati auctores referunt ex sacr. scripturis, & quæ nos in præcedentis dicti comprobationem, & pro tertia conclus. citauimus: Et euidentissima patrum citata testimonia, quorum tanta conformitas manifesto nobis est argumento apostolicæ traditionis, qua pollet hæc ueritas, Theologi scholastici in 3. d. 13. consentiunt. Etq; communis totius Ecclesiæ intelligentia. Cui non parum suffragatur illud, quod Christus de seipso dicebat. Ioan. c. 3. Nemo ascendit in cælum, nisi qui descendit de cælo, & filius hominis, qui est in cælo. Circa hæc uerba postrema, duo sunt notāda. Alterum, quod Christus loquitur de seipso prout est homo: Nam id aperte designat phrasis illa nominandi seipsum illis uerbis. Filius hominis. Alterum uero, quod illa uerba.

Qui

Qui est in cœlo cum de filio hominis asserantur, id est, de Christo, ut homine, nihil aliud designare possint, quam uisionem beatificam, qua Christi anima fruebatur, cuius ratione Christus, ut homo dicitur esse in cœlo. Ad eum modo quo Christus ipse in cruce pēdens latroni dixit. Hodie mecum eris in paradiso, nimirum, per beatam uisionē.

Quinta conclusio.

Simul cum gratia inditæ fuerunt animæ Christi illa omnia Spiritus sancti dona, & supernaturales uirtutes, quæ nullam intrinsecam imperfectionem in habente postulant. V. c. charitas, sapientia, scientia, &c. Est communis hæc conclusio uniuerſis Theologis locis citatis. Illam docet expresse. S. Thom. 3. p. q. 7. art. 2. & sequentibus, usque ad 9. &c. Et probatur primo testimonijs illis sacræ paginæ ex quibus constat in Christi anima requieuisse spiritum domini cum donis suis, qualia sunt illa superius adducta ex Isai. cap. 11. requiescet super eum Spiritus domini, & ex Zachar. cap. 3. super vnum lapidem septem oculi sunt, &c. Deinde probatur 2. ex Patribus, qui in citatis retro testimonijs non solum gratiam iustificantem tribuunt animæ Christi, sed omni Spiritus sancti donatione dicunt eam fuisse repletā. 3. probatur, quoniā sanctitas intrinseca qua formaliter sancti ficatur, & iustificatur anima cuiuslibet iusti, non sola habituali gratia, sed etiam charitate cōstat, ut manifestum erit, c. 7. & can. 11. S. Synod. Trident. legenti. Ergo cum formalis iustitia, & sanctitas animæ Christi eiusdem sit rationis cum sanctitate cuiuslibet hominis iusti, & omnium earum perfectissima, necessum est fateri, quod cum Christus in sacr. script. Sanctus, & iustus asseritur, uirtualiter dicitur eius animam gratia, & charitate præditam fuisse.

Quarto probatur. Omnes supernaturales uirtutes, & spiritus sancti dona ex natura rei ipsam gratiæ essentiam committantur, effluuntq; ab ipsa sicut intellectus, & uoluntas ab animæ rationalis essentia, ut cū S. Th. 1. 2. q. 110. ar. 4. ad primum, docent grauiores Theologi. Ergo nisi miraculosam suspensionem huius effluxus, & connaturalis emanationis fingamus, fateri tenebimur, in potentijs animæ Christi ex gratia in ipsius animæ essentia præexistente omnes illæ supernaturales uirtutes, & spiritus sancti dona effluxisse, quæ imperfectionem intrinsecam statui comprehensoris repugnantem non inuoluunt.

Quinto deniq; probatur. In Christo non est tantū ponenda essetia animæ supernaturali gratiæ ornamento decorata, & pulchra, Verum & ipsius animæ potētia debent esse perfectæ intrinseca supernaturali dispositione, & in actu primo cōstitutæ ad operationes supernaturales, in quibus ipsa Christi anima se quam sepius exeruit, ut ex Euangelio cōstat; expēdatur illud Io. 13. vt cognoscat mundus, quia diligo Patrē, & sicut mandatum dedit mihi pater sic facio, nā his uerbis duos super

naturales Christi actus cōplexus est Euāgelista. scilicet, chāritatis, & obedientiæ. Ergo manifesta ratio postulat vt simul cum gratia Christi anima prædictas virtutes, & Spiritus sancti dona infusa acceperit. Adeo vrgent hæc argumenta. vt ego eadem certitudine existimem tenendam esse hanc conclusionem 4. quæ retro dixi suscipiendam esse conclusionem secundam.

* aliàs 5.

* aliā tertiam.

Sed nunc sigillatim, breuissime tamen explicemus, quæ sint illæ virtutes, & illa dona quæ imperfectionem implicant intrinsecam Christi dignitati, & beatifico eius statui repugnantem. Et principio de Theologicis virtutibus assero, quod ex tribus virtutibus Theologicis fide, spe, & charitate, sola charitas in Christi anima reperitur. Nā fides, & spes imperfectionem intrinsecam in suis formalibus rationibus complectuntur. quæ & Christi dignitati, & eius beatifico comprehensoris statui non bene consentit. Fides namque cum sit Paul. ad Hebre. cap. 1. affirmante, argumentum non apparentium, obscuritatem, & inevidentiam, credibilium in subiecto postulat, quæ inevidentia, præsertim circa misteria supernaturalia, & circa Deum quæ est prima, & maxima veritas, & formalis ratio fidei, non decet Christi animam, Spes similiter imperfectionem habet intrinsecā, nimirum, quod speretur id, quod adhuc non possidetur in re, quod enim quis videt quid sperat? Rom. cap. 8. At Christi anima ab ipsa instanti incarnationis, potitur facili Dei visione, & ipso deo viso perfecte fruitur. Deus autem videndus, & fruendus, est obiectum proprium spei. Igitur hæc duæ virtutes non fuerunt infusæ Christi animæ. Charitas autem simul cum gratia ei data fuit, quia charitas essentialiter considerata nullam inuoluit imperfectionem, & ita charitas remanet in beatifico statu charitas enim dicente Paulo nunquam excidit.

1. Cor. 13.

Sed de vtraque ista virtute, fide scilicet, & spe, aliquæ supersunt difficultates breui tamen, & compendiosa resolutione pertractandæ, Et primo quidē de fide multa possent disputari, & quibus in communi probaretur fidem cum sciētiā, cum clara Dei visione compati posse. Verum hæc tam communis disputatio in alium locum est reiicienda. In 12. q. 67. & 22. q. 1. art. 4. solet à discipulis, 5. Thom. versari. Quo loco id definiunt grauiores Thomistæ quod fides ex natura sua, & secundum ordinariam dei potentiam cum cognitione scientifica minime reperiri potest, & multo minus cum aperta diuine essentiae visione. At secundum absolutam potentiam non implicat cum vtraque cognitione clara fidei habitum simul existere. Implicat autem actum fidei simul reperiri cum actuali eiusdem obiecti euidenti noticia. Et ratio discriminis huius inter actum, & habitum ea est, q̄ actus per se primo non habitui, sed actui opponitur. Vnde actus fidei, & actus scientiæ eiusdem obiecti directe opponuntur, & oppositione quidē

privatiua.

privatiua, quæ contradictionis oppositionem virtualiter claudit: opponuntur enim, sicut obscurum & clarum, euidens & ineuidens, atque adeo non possunt ij duo oppositi actus simul esse in eodem subiecto. Cuius contrarium falso existimauit Duran. in 3. d. 24. q. 1. & d. 31. q. 3. & 4. At quia habitus fidei non directe opponitur actui scientifico, aut euidenti Dei notitiæ, non implicat quod simul sint in eodem subiecto, & de re eadem. Hoc supposito in speciali probatur, contra doctrinam nunc traditam fidem & habituales & actuales posse reperiri in anima Christi. Et primo argumentor ex illo Isai. 1. & erit fides cinctorium reñum eius, idest Christi.

Secundo arguitur. Aliqua potuerunt Christo reuelari reuelatione obscura, ea videlicet quæ in verbo non intueretur, non enim anima Christi videt in verbo omnes creaturas, & veritates possibles, ergo harum rerum potuit Christus habere fidem.

Tertio in Christo fuerunt liberalitas, & magnificentia, quamuis defuerit Christo istarum virtutum materia, scilicet, diuitiæ. Ergo quauis desit Christo materia, fidei scilicet, res obscure reuelatæ, potest in ipso fides permanere.

Quarto si in Christo non fuit fides, sequitur quod non fuerit in ipso meritum fidei. At consequens non apparet admittendum. Ergo &c. Ad primum argumentum ex c. 21. Isai. desumptum respondeo ex mente Cyrilli, Hieron. & aliorum, qui illum locum interpretantur, fidem ibi non credulitatem, sed fidelitatem, & veracitatem, quæ est quadam moralis virtus inter dicta, & facta consonantiam constituens, designare. Huic intelligentiæ attestatur 70 interpretum versio.

Ad secundum respond. quod sine dubio probat secundum absolutam Dei potentiam posse in Christo; & in quolibet alio beato reponeri fidem actuales earum rerum quas non intuetur in verbo. Dixi secundum potentiam Dei absolutam, quia ex lege ordinaria illud non est admittendum. Dedecet enim statum beatificum obscura reuelatio, & ineuidens cognitio.

Sed rogabis. Vtrum facta ista reuelatione de qua procedit argumentum esse constituendus in intellectu animæ Christi habitus fidei. Hæres est dubia. Quibusdam videtur pars negatiua, & ratio est hæc. Fides est virtus Theologica, ergo non potest saluari habitus fidei, nisi versetur circa Deum. At in illo caso non haberetur fides de Deo, sed de creaturis obscure reuelatis a Deo. Ergo &c. Prima consequentia patet. Quoniam de ratione virtutis Theologicæ est versari circa Deum tamquam obiectum primum, & potissimum, ergo illo sublato necesse est auferatur ipsa Theologica virtus. Secundo probatur. Deficiente obiecto primario alicuius habitus, non potest habitus ipse permanere, quamuis adsit secundarium obiectum, sed Deus credendus est obiectum.

obiectum primum fidei, creaturæ vero reuelatæ à Deo pertinet ad obiectum secundarium, ergo cum in casu huius dubij deficiat primum obiectum fidei (nam Deus cum videatur non creditur) non potest permanere fides. Mai. probatur, obiectum secundarium, non pertinet ad aliquem habitum, nisi quatenus cadit sub obiecto primo: ergo deficiente primo obiecto, habitus non potest versari circa secundarium obiectum, & ex consequenti totaliter aufertur ipse habitus. Confir. Si totaliter deficerent pericula mortis, quæ sunt primum obiectum fortitudinis, non maneret virtus fortitudinis, quamuis adessent alia leuiora pericula, quæ sunt eiusdem virtutis secundarium obiectum: ergo eadem est ratio in fide.¹

Sed pro sententia affirmatiua, quæ placet alijs. Argumētum primo: In illo casu reperiretur formalis ratio sub qua obiecti fidei, scilicet prima veritas oblique reuelans, ergo maneret fidei habitus. Secundo probatur. Actus fidei quo Christus crederet res illas reuelatas sibi, esset eiusdem speciei cum actu elicitō in nobis ab habitu fidei, ergo posset elici in Christo ille actus ab habitu fidei. Tertio probabilis est sententia Caiet. asserentis 22 q. 175. art. 1. quod postquam Paulus vidit in raptu diuinam essentiam, habitus fidei, qui in illo permansit nunquam potuit exire in actum circa Deum trinum, & vnum, qui est obiectum primum fidei, ergo cum in Paulo permanserit fides deficiente obiecto primo, poterit etiam in Christo, & in quolibet beato reperiri habitus fidei circa obiectum secundarium, deficiente primo obiecto.

In hac re dico primo, quod secundum absolutam Dei potentiam bene potest intelligi, quod perseveret habitus fidei circa obiectum secundarium deficiente primo: Et hoc probant sufficienter argumenta, quæ proposui pro sententia affirmatiua. Dico secundo, si attendimus ad ordinem rerum ipsis proportionatum, & ad legem ordinariæ Dei, deficiente primo obiecto alicuius habitus etiam si perseveret obiectum secundarium sub ratione formali sub qua obiecti, non manebit habitus: & hoc probant argumenta facta pro parte negatiua. Ex quo sequitur quod in casu nostri dubii nisi poneremus novum miraculum pertinens ad absolutam Dei potentiam, non esset habitus fidei in Christi anima. Et attenus de secundo argumento.

Ad tertium argumentum principale Caiet. 3. p. q. 7. art. 2, dicit quod in Christo licet deficeret materia liberalitatis, & magnificentiæ, non tamen deficiebat formalis ratio harum virtutum; quia per prudentiā iudicabat quando, & quomodo, & quibus circumstantijs posset liberaliter, & magnifice distribui pecuniæ. At in fide oppositum contingit, non enim deficit materia fidei, manent namque mysteria Trinitatis, incarnationis &c. Deficit tamen ratio formalis obiecti fidei, scilicet,

reer, obscura reuelatio, & ita non est eadem ratio de fide, & de magnificentia. Sed hæc solutio Caiet. apparet difficilis, & arguitur contra illam, ratio formalis specifica obiecti virtutis non potest saluari nisi determinata ad propriam materiam talis virtutis. Ergo deficiente materia liberalitatis, & magnificentiae non potuit in Christi saluari ratio formalis specifica harum virtutum. Antecedens probatur, Quia hæc ratio formalis virtutis abstracta ab omni materia communis est ad omnem virtutem. Explicatur hoc, Nam si potest saluari formalis ratio specifica virtutum deficiente totaliter materia, nulla ratio assignari poterit propter quam in Angelis non reperiuntur virtutes temperantiae, & fortitudinis, etenim Angelus bene potest prudentialiter iudicare quando, & quomodo sit remperate viuendum aut fortiter agendum. Igitur præterminissa solutione Caiet. aliter respondetur, quod materia liberalitatis, & magnificentiae licet actu defuerit Christo Domino, voluntarie illi defuit, & non fuit illi impossibilis. At obiectum formale fidei, fuit simpliciter impossibile Christo secundum statum beatificum in quo erat. unde non est eadem ratio de fide, & de magnificentia. Quoniam materia magnificentiae non defuit simpliciter Christo. Missam facio solutionem aliam que est sine dubio sufficiens, nimirum, quod in hoc quod Christus voluntarie abdicauit a se omnes diuitias, quas si vellet in magna copia, & affluentia posset obtinere, summe se ostendit magnificum, & fuit illa abdicatio præcipuus magnificentiae actus, & diuitiarum contemptus sunt vera materia huius tam magnifici actus. Vnde negandum est, quod defuerit Christo magnificentiae materia, licet defuerit res pectum quorundam magnificentie actuum, eorum, videlicet, qui consistunt in ipsa diuitiarum possiderum vsu.

Ad tertium Medina Respondet, quod Christus habuit meritum fidei quatenus habebat fidem in præparatione animi, quod potest explicari ex his quæ antea diximus de fide quam habuit Pulus eorum quæ vidit in diuina essentia post visionem transactam. Hæc tamen solutio quæ quibusdam nouioribus est grata, nobis non placet, quoniam cum fides non pertineret ad Christum, eo quod erat simpliciter beatus, non est dicendum illum habuisse fidem in præparatione animi. Sicut nullus Theologorum docet, beatos in patria fidem habere in præparatione animi. Quod præterea probatur, fides in præparatione animi, est fides simpliciter, & ita d. Paulus simpliciter dicebatur habere fidem eorum quæ viderat in raptu, & erat vere fidelis: ergo si Christus habuit fidem in præparatione animi, habuit simpliciter fidem, & fuit simpliciter fidelis, quod nulla ratione est admittendum. Exemplum autem, quod attulimus ex D. Paul. non est ad propositum, quia Paulus erat simpliciter, & modis omnibus viator, atque adeo fides

per se pertinebat ad illum, Christus vero, etsi secundum inferiorem partem, viator fuerit simpliciter tamen beatus, erat, & comprecensor. Fides autem ad comprehensorem non attinet. Igitur ad tertium Respon- detur, ex Caiet. circa solutionem ad secundum art. 3. q. 7. 3. par. quod Christus non habuit formaliter meritum fidei, habuit tamen illud eminenter, eo quod obedientia per quam meruit apud patrem, regula- batur per cognitionem supernaturalem, in qua eminenter compre- ditur fidei cognitio seculis eius, imperfectionibus. Iuxta hanc solu- tionem est explicanda. S. Thom. doctrina 3. p. q. 7. art. 3. ad 2. Imo ex ista S. Thom. solutione aperiore fit huius nostrae doctrinae veritas, quae & si non omnibus placeat, non ob id tamen debet haberi, ut spernen- da, cum ei, & ratio adducta, & praedicta S. Tho. solutio quam pluri- mum suffragentur.

De virtute autem spei eadem sunt, omnino dicenda, quae de fide dudum adstruebamus. Nimirum, quod secundum absolutam Dei po- tentiam stare poterit spes in habitu cum faciali visione, qua Christi anima diuinam intuetur essentiam, in actu vero id est impossibile, & ex natura rei, & secundum ordinariam dei potentiam ac legem. Praeterea repugnat ipsi beatifico Christi statui, quod per habitum spei Christi voluntas se exerat in actualem spem facialis dei visionis, quae inter particularia virtutis spei obiecta principem locum obtinet, quia quod possidetur, nulla potentia fieri potest quod speretur, & desideretur simul. Sed id merito dubitabit theologus utrum actus quo christus gloriam sui corporis dum erat in vita mortali, desidera- bat, esset simpliciter actus spei, & gloria corporis esset simpliciter spei obiectum. Probaturque pars affirmativa primo. S. Thom. 3. par. q. 7. ar. 4. expresse docet, quod in Christo erat spes respectu gloriae corporis nondum habitae, & ponderandum est hoc loco, quod cum S. Thom. in 12. q. 67. art. 4. ad 3. Expressissime negauerit in beatis reperiri spem gloriae futurae, id tamen affirmat de Christo in hoc articulo. Secundo probatur. Gloria corporis erat bonum supernaturale futurum, & ar- duum respectu Christi Domini: ergo erat obiectum spei: atque adeo actus ille erat actus spei. Probatur antecedens quoad illam partem, arduum, in qua, est difficultas. Christus secundum legem à Deo statu- tam non poterat consequi gloriam corporis nisi mediante passione, & morte iuxta illud Luc. ultimo. Nonne hoc oportuit Christum pati & ita intrare in gloriam suam, ergo consecutio gloriae corporis fuit christo difficilis, & ardua. Propter haec argumenta quidam Theologi putant illum actum simpliciter fuisse actum virtutis spei, eiusdem ratio- nis cum actu spei quo purus viator sperat immortalitatem sui corpo- ris. Verum est, quod isti autores non admittunt fuisse in christo habi- tum spei, qui est virtus Theologica, propter defectum obiecti prima-
rij,

rij, a quo per se pender ipsa theologia virtus. Ceterū Caiet. 3. p. q. 7. a. 4. existimat actū illū nō fuisse in Christo spē, sed desideriū dūtaxat, si est oī cū proprietate loquendū. Quemadmodū dicimus, quod beati desiderant gloriā corporū futurā, non autem sperant. Hęc sentētia Caiet cōmuniter recipitur a thomistis, & ratio eius est, quoniā gloria corporis in Christo non erat simpliciter bonum arduum, & difficile, quoniā ex gloria aīę naturaliter resultat gloria corporis, vnde est debita in radice, & potentia intrinseca: obiectum autem spei est bonū difficile, & arduum, futurumque quasi per potentiam extrinsecam.

Ad argumenta inoppositum. Ad primū respondeo, quod cū gloria corporis haberet aliquid difficultatis, & arduitatis in christo, quā non habet in ceteris beatis, vt constat ex argumento sequenti, idcirco S. Th. desiderium quo Christus desiderabat corporis gloriā appellat spē, quod tamen non admittit in ceteris beatis. Ceterum illa difficultas non fuit sufficiens, vt statim dicemus, ad constituendā propriam, & essentialē spei rationem: sed ampla quadam, & larga acceptione desiderium illud christi appellatur spes a S. Thom.

Ad secundum dicitur, quod illa difficultas consequendi gloriā corporis in christo domino, non est difficultas, quę necessaria est ad obiectum spei: etenim illa sola difficultas sufficit ad obiectum formę de spei, quę reddit dubiam, & non penitus securam consequutionē boni sperati. At licet christo difficillimum esset, & arduum consequi gloriā corporis sui, erat tamē securissimus de eius affecutione. Nā secundū legē statutā a deo, & secundū propriā dispositionē, nimirū, gloriā aīę, infallibiliter futura erat corporis immortalitas. Igitur ad argumentū respondetur, quod consequutio glorię corporis fuit quidē laboriosa christo, sed non difficilis & ardua, vt requiritur ad spē.

Seu est argumentū. Sequitur, qđ si quis certo cognoscat se esse prędestinatū, aut cōfirmatū in gratia, neq. habeat, neq. habere possit actū virtutis spei: cōsequens non est admiendū: Ergo. Probatur sequella. Nullum est dubium huiusmodi homini de consequutione vitę eternę; Ergo consequutio vitę eternę non est ei difficilis, & ardua, vt postulat virtus spei. Respōdetur, quod illi homini p se loquēdo dubium est, & difficilis eternę vitę consequutio, quoniā nō hēt intra se aliqđ principū ex cuius virtute necessario, & infallibiliter sit cōsequutus eternā vitā. Est autē illi certa vitę celestis adeptio per accedēs ex gratia speciali dei: Vnde per se, & simpliciter eterna vita est illi facilis & ardua. At christo cōsequutio immortalitatis corporis erat certa, & infallibilis per se, sc. ex virtute principij intrinseci effectiui. Quia viderimus, ex gloria aīę p se redūdā corporis immortalitas.

Difficultas manet in hoc loco disputanda. Verum si admittamus, vt probabilem sententiam oppositam, quę docet christum veram

Difficultas

Sed his non obstantibus, probabilior est nostra sententia. Et probatur. S. Thom. 3. part. q. 12. docet, & probat in Christo fuisse scientiam acquisitam, ut eius intellectus perficeretur modo sibi proportio nato, & connaturali, ergo eadem ratione in voluntate Christi sunt ponendae virtutes morales acquisitae, quibus modo sibi connaturali operari possit, alias enim humana Christi voluntas non esset simpliciter, id est, modis omnibus perfecta.

Ad argumenta facta, Respondetur, & ad primum respondeo dupliciter, Primo, quod licet Christus non posset aliter operari, quam ex intentione finis super naturalis, potuit tamen sub hac intentione uti virtutibus acquisitis. ita ut operatio proxime, & immediate referretur in finem naturalem, mediate vero, & extrinseca relatione in finem super naturalem. Igitur ad argumentum distinguitur primum consequens, regulatione intrinseca nego, extrinseca concedo. Et ita negatur secunda consequentia.

Sed secundo respondeo, mihi nullum esse inconueniens asserere, quod Christus potuerit quandoque uti virtutibus acquisitis absque actuali relatione ad finem supernaturalem. Nam satis erat, quod operationes sic elicita essent referribiles in supernaturalem finem, quemadmodum timor quo Christus timebat mortem fortassis non referebatur actu in finem charitatis, licet esset subiectus diuinæ voluntati, & fini charitatis: quoniam in illo timore voluntas regulabatur per rationes inferiores: & naturæ humanæ permittebatur se explicare in propriam infirmitatem, aptam tamen corrigi, & moderari a superiori ratione & regula. Neque ullam hanc sententia imperfectionem Christo tribuit. Sicut nulla est imperfectio intellectus Christi, vel, cuiusvis alterius beati quod quandoque intelligat per conuersionem ad phantasmata (ut plane poterunt intelligere beati reassumptis corporibus) eo quod liberum est ei sine huiusmodi conuersione intelligere cum vellit.

Ad secundum respondet. Med. virtutes acquisitas in Christo suscepisse augmentum per proprias operationes. Alijs doctissimis oppositum placet, quibus consentio libenter, & aio, quod Christus ab instanti suæ Conceptionis accepit istas virtutes in summo gradu ad quem poterant pertingere per totam naturæ facultatem, & ita Christus nunquam habuit operationes intensiores, & perfectiores ipsis virtutibus: atque adeo neque unquam potuerunt augeri per suas operationes. Sed de hac re plura dicam inferius in hac eadem q.

Sed adhuc instat moralis philoso. Virtutes morales illæ præsertim quæ ex suo genere sunt acquisitæ, ponuntur in anima ad frenandas passionibus immoderatas, & reducendum eas ad mediocritatem rationi rectæ consentaneam, in Christo autem neque unquam fuisse, neque esse potuerunt immoderatae passionibus. Ergo huiusmodi virtutes imper-

fectionem præsupponunt in subiecto Christo eiusq. dignitatē repugnantem: atq. adeo & ipse quoq. Christo repugnant. Respondet huic argumento graues Theologi è quorum numero videtur esse Caiet. 3. p. q. 7. art. 2. ad tertium, quod Christus neq. habet, neq. habuit aliquando passiones immoderatas, quæ vel per latum vnguem a recta discordassent ratione, sed semper fuerunt frenatissimæ, & moderatissimæ, dum Christus vixit mortali vita, & sensibilibus passionibus obnoxia. Hanc tamen passionum moderantiam causabant formaliter ipsæ morales virtutes, atq. adeo absque vlla imperfectione fuerunt in Christo. Verum hæc solutio mihi non placet, quam sic primo impugno.

In Christo domino ex vi vnionis hypostaticæ, quacūq. super addita qualitate seclusa, extinctus fuit penitus somes peccati, vt retro explicuimus, vel fuit saltem totaliter ligatus, & impeditus ne in aliquē motum inordinatum, & à ratione exorbitantem prorumperet: ergo virtutes morales siue infusæ, siue acquisitæ non constituunt in Christo passionum appetitus sensitiui moderantiam. Consequentia apparet euidens, quia secundum naturæ ordinem licet præsupposuerunt extinctum fomitem, ita & præsupponebant passiones perfectæ & moderatas. Namq. si passiones in appetitu sensitiuo Christi possent aduersus rationem insurgere, inepte diceretur somes extinctus aut ligatus.

Fareor hoc argumentum multo maiores vires habere, si verum est id quod superius asseruimus, fomitem ex vi hypostaticæ vnionis penitus fuisse extinctum & abolitum, & non ligatum tantum & impeditum.

aliâs, solutionem

Secundo eandem solutionis impugno. Probabilis est sententia, quæ affirmat virtutes morales ex suo genere acquisitas non fuisse inditas Christo in ipso conceptionis instanti, sed in breui tempore postea per exercitium acquisitas; at illa solutione supposita consequenter tenerentur fateri huius opiniones autores, Christū in illo medio tempore, in quo non erat præditus acquisitis virtutibus, affectum fuisse immoderatis animæ passionibus. Hoc autem assertum blasphemum esse crediderim, & summæ Christi dignitati contrarium. Ergo &c. Neq. quicquam efficiet ad huius argumenti difficultatem euadendam dicere, quod in illo medio tempore Christus frenatas habuit passiones per morales virtutes ex suo genere infusas, quas simul accipit cum gratia iustificante: Tum quia hæc solutio non procedit consequenter ad illam solutionem quam expugnare contendimus; nam qui ita dissolueret argumentum, tenetur fateri, quod virtutes acquisitæ non constituunt passionum moderantiā in appetitu sensitiuo Christi, cum eam præsupponant virtutibus moralibus infusis effectam: at-

que

que adeo hæc solutio non modo non præcedentem tuctur, quin potius destruit. Tum etiam, quoniam falsum est, quod hæc solutio supponit, nimirum, per virtutes morales infusas, quæ gratiæ infusionem consequuntur, moderari & reprimi appetitus sensitivi passiones, certissimo enim experimento constat in multis iustificatis hominibus quibus simul cum iustificante gratia donantur virtutes eiusmodi, multis & magnis scaturire passionibus, & ijs quidem immoderatissimis, quod sanè manifesto nobis est argumento, non pertinere ad propriam rationem harum virtutum passiones animi moderare, & componere. His ergo prætermisissis, ad propositam difficultatem respondeo. De essentiali ratione moralium virtutum acquiribilibum esse, quod sint aptæ natæ frenare & cōponere feruescentes animæ passiones, si ipsæ in subiecto immoderatas reppererint. Vnde nequeunt esse istæ virtutes, nisi in illo subiecto, quod sua natura aptum est huiusmodi passionibus affici; ceterum non pertinet ad earum essentiam, quod actu huiusmodi passiones moderentur, sed satis fuerit disponant appetitum sensitivum ad electiones in proprijs materijs rationi consentaneas. Nam sicut appetitus sensitivus in homine rationis est particeps, ita & rationabiles electiones circa sensibiles materias valet elicere. Fateor quidem D. Thom. quandoq. dixisse proprium esse moralium acquiribilibum virtutum frenare & compere appetitus sensitivæ passionis. Verum hæc S. Thom. doctrina facile potest his quæ diximus accommodari, si dicamus eam non de actuali passionum moderantia, sed de aptitudinali tantum esse intelligendam. Missum facio, quod alio in loco ipse Doct. Sant. rationem virtutis in his habitibus moralibus eatenus adinuenit, quatenus in ipsorum officio consumatur ipsa rationalis electio. Et quidem, quod actualis passionum moderatio non sit in his virtutibus essentialis, inde constat, quod primis parentibus in statu innocentie constitutis infusæ fuerunt per accidens hæc morales virtutes, in quibus subiectis non constituerunt aliquod passionum moderamen, quia præsupposuerunt omnimodam earundem moderationem originalis iustitiæ beneficio comparatam. In statu etiam futuræ resurrectionis, in hominibus glorificatis reperientur virtutes istæ in heroico, & perfectissimo gradu constitutæ, in quibus tamen subiectis nullam licet invenire passionum moderantiam, quæ officio moralium virtutum debeat ad rationabilem mediocritatem reduci.

Ex numero autem moralium virtutum, de quo cōsulendi sunt Arist. & S. Thom. Virtus poenitentiæ siue infusa, siue acquisita (si qua fortassis est acquisita poenitentia, quæ vera virtus dicatur) nullatenus est in Christo ponenda. Nō ob id quidē, quia ratione status beatifici ei repugnet peccare, atq. adeo etiam poenitere, hæc enim ratio est omnino insufficiens

* 201

1. 2. q. 60.

art. 2.

alias, com.

ponere

1. 2. q. 56.

art. 5.

*infra de M. ago
non est, ad iustitiam
in Egoia, nec in
iustitia & bonitate*

2. Eth. c. 7.

1. 2. q. 65.

art. 5.

QVAESTIO SEXTA.

285

Dico secundo, non est improbable, quod sicut Christus autore S. Tho. 3. p. q. 9. art. 4. proprio exercitio acquisiuit scientiā distinctā a scientia beata, & a scientia per se infusa, ita & acquisierit has morales virtutes, easq. sibi studiosis actibus cōparauerit: quod potuit efficere breuissimo tempore. Nam cum nullis passionibus impediretur, & supernaturalibus iuuaretur virtutibus, supernaturali præsertim prudētia, promptum ei fuit in studiosas actiones, & eas quidem valde intensas & perfectas circa harum virtutum materias prodire. Poterit ista sentētia probari ex illo ad Hebr. c. 5. Cū esset Dei filius, didicit ex his quæ passus est obedientiā. Cui consentit id quod præced. c. eiusdem epist. habetur. Nō enim habemus Pontificē, qui non possit cōpati infirmitatibus nostris, tentatum per omnia &c. Ratione itidem eandem sententiam probō. Prudentia, quæ præcipua est inter morales virtutes, vt pote, earum forma, & regula, non fuit indita animæ Christi in eius conceptionis instanti, sed proprio labore, & exercitamento ipsam comparauit. Ergo id ipsum erit de reliquis asserendum moralibus virtutibus suo genere acquisibilibus. Probat̃ur antecedēs, in quo tota esse videtur argumenti difficultas; christi anima non accepit species infusas, sed eas officio intellectus agentis acquisiuit, vt docet, & probat S. Tho. loco proxime citato. At prudentiæ virtus nequit constare absq. intelligibilibus speciebus: non enim valet in actum prodire nisi præsupposita obiecti apprehensione, quæ medijs fit speciebus. Ergo, &c. Confirmatur. Scientia per se acquisibilis non fuit Christi animæ infusa, sed eam proprijs actibus acquisiuit, quam sententiam ex S. Tho. dudum referebam: eadem autem esse apparet ratio de virtutibus hisce moralibus. Ergo qua probabilitate dicitur, q̃ scientia p se acquisita nō fuit indita christo, eadē poterit id ipsū de his moralibus virtutibus affirmari.

Dico tertio. Longe probabilius apparet has morales virtutes, christo fuisse per accidens infusas in primo suæ incarnationis instanti, sicut fuerunt Adamo in primo suæ conditionis momēto per accidens inditæ. Doctiores S. Thom. discipuli hanc tuentur communiter sententiam, vtī doctrinæ ipsius consentaneā. Et Probat̃ur. christo dignius fuit, & perfectius has omnes virtutes per infusionem accipere, quam proprio labore, & exercitio comparare. At christo id est tribuendum, quod dignius est, & perfectius: Ergo, &c. Maior propositio, quæ est sententiæ huius præcipuum fundamentum, explicabit̃ur, & probabit̃ur simul in solutione confirmationis vltimo loco factæ pro contraria sententia. Secūdo probatur, Difficillime potuit Christo in breui tempore offerri occasio exercendi se in officia & actus omnium moralium virtutum: Ergo non posset nō per multum temporis interuallū his virtutibus carere, quæ esset magna im-

per-

perfectio in Christi anima: quā imperfectionem ut euitemus, oportebit concedere has virtutes Christi animæ fuisse per accidens infusas. Huius argumenti vis constabit amplius ex solutione prædictæ confirmationis.

Igitur ad motiua contrariæ sententiæ in præcedenti dicto proposita respondetur: & ad testimonia Paulina dico, in eis sermonem fieri non de scientia, sed de experientia. Ut ibidem, c. 5. exponit Gloriosa. Estq. communis omnium interpretatio. Itaq. Christus experimento cognouit quæ, qualis, quanta uel sit virtutis obedientiæ difficultas. Et quoniam Paulus non de acquisitione virtutis nouæ, aut de noua eius intensione loquebatur, sed de huiusmodi experimento, quod erat cōueniens, ut haberemus Pōtificem, qui possit compati infirmis catibus nostris: ideo non dixit, quod Christus acquisiuit, & cōparauit sibi obedientiā aut ipsam perfecit, sed quod eam didicit.

Ad rationem ex virtute Prudentiæ desumptam. Respondetur primo, satis vero similiter posse dici intellectui Christi non fuisse quidem infusas omnes naturalium rerum species per se acquisibiles, ut relinqueretur locus officio intellectus agentis, cuius interest intelligibiles species ex rebus sensibilibus, ex earumq. phantasmatibus de sumere. Et ob id nec. fuerunt Christo infusæ per accidens omnes scientiæ per se acquisibiles. Cæterum inditæ ei fuerunt in ipso conceptionis instanti species intelligibiles circa proprias virtutum moralium materias: ut prudentia quæ est earum omnium Regina in suum possidendum prodire.

Secundo respondeo, quod Christi anima accepit per infusionem diuinā ipsum virtutis prudentiæ habitum, qui est quedam habitus & habitualis intellectus practici inclinatio ad recte iudicandū, & efficaciter præcipiendum voluntati, ac reliquis humani suppositi potentijs, circa vniuersa moralium omnium virtutum materias non vero speculatrices accepit infusas species, quæ antecederent, ac præsuppositiue, & non essentialiter concurrunt ad prudentiale iudiciū; sed huiusmodi species ministerio intellectus agentis ipse Christus acquisiuit. Et quo sequitur, quod licet humanus Christi practicus intellectus præditus esset omni virtute moralis necessaria ad recta iudicia in materiis omnium moralium virtutum ferenda: non tamē in hæc moralia iudicia se potuit extendere, priusquā speculatiuus intellectus intelligibiles sibi cōpararet species, quæ verarentur circa harū virtutum obiecta. Neq. in hoc quid piū est imperfectionis Christi dignitatis, cuius statui beatifico repugnātis, cū hæc imperfectio sit humanæ naturæ cōnaturalis: & ob id tueri à diuino verbo in sua humanitate pmissa, ne alia maior in ipsa imperfectio admitteretur, nimirū, quod intellectus agens, qui nobilissima est animæ potētia, præcipuo, sibiq. magis

magis connaturali officio perpetuo relinqueretur priuatus. Est enim proprium huius intellectiuae virtutis officium, species intelligibiles per phantasmatum singularium, & materialium illustrationem intellectui possibili suppeditare.

Sed iam ad confirmationem respondeo. Triplex inter scientias, & morales virtutes versari discrimen, quod in hoc loco praecipue esse debet considerationis. Primum est, quod scientia, & quaelibet intellectiua virtus, si moralis non sit, non est in ratione virtutis perfecta simpliciter, ita ut habentem bonum simpliciter possit reddere; atque adeo ex harum virtutum defectu nullus poterit malus absolute vocari, neque proinde magnam imperfectionem inducit subiecto, & si aliqualem inferat, aliunde tamen recompensabilem. Ceterum morales virtutes, & bonum simpliciter faciunt habentem, & earum proinde defectus non potest in suo genere non esse magna imperfectio Christo indecentissima, quae recompensationem non admittit ex illa perfectione, quae consistit in eo, quod anima propriis officiis, & actibus has sibi compareret virtutes.

Secundum discrimen quo primum istud explicatur amplius, sic habet. Quod si scientia per se acquisita fuisset per accidens infusa Christo, intellectus agens perpetuo existeret in Christo priuatus illo officio sibi proprio, quod in illustratione phantasmatum ad species intelligibiles à rebus desumendas consistit. At infusus per accidens moralibus virtutibus Christi animae, adhuc eius potentiae omnes exercere se possent circa harum virtutum obiecta in vniuersas illas actiones, quae sunt ipsis potentijs proportionatae. Nam operatio, qua virtus moralis acquiritur, eadem est secundum speciem cum illa, quae elicitur ab ipsa virtute acquisita, & haec est perfectior illa, & potentia operanti connaturalior. Vnde operationes elicitae à virtutibus animae Christi infusis eiusdem sunt speciei, cuius essent operationes quibus ipsa Christi anima has sibi comparasset virtutes; si diuinitus non accepisset infusas; & quidem perfectiores, & potentijs animae connaturaliores effectae. Quare potentia animae Christi nullo sibi proportionato actu priuatur, sed potius per harum virtutum infusionem ad huiusmodi actus perfectius, & suauius efficiendos disponuntur.

Tertium denique discrimen est, quod scientia multo facilis, & citius proprijs animae actibus acquiri potest, quam moralis virtus. Nam vnicus assensus demonstratae conclusionis, qui solus est scientificus, potest generare scientiam in intellectu; eo quod ipsum plene conuincit. At moralis virtus non nisi multiplicatis potest actibus comparari, vt 2. q. 51. articul. 3. solet probari efficaciter; & potissima ratio ea est, quod appetitus, siue rationalis, siue sensitiui incli-

natio non totaliter vnico actu terminatur, & vincitur, sed paulatim disponitur: ita quod priores actus sunt velut dispositiones quibus politis actus posteriores habitum generant. In moralibus præterea virtutibus est specialis adhuc ratio, virtutis natura inspecta, videlicet, quod virtutes omnes morales inuicem sunt connexæ, & nequit proinde vna sine aliarum consortio rationem, & statum virtutis simpliciter sortiri. Atque adeo prolixo eget studioso exercitio cuiuslibet virtutis comparatio, exigit enim mutua, & alterna omnium moralium virtutum officia, & munia, Quæ ratio in scientijs cessat, neque enim talis est inter omnes scientias connexio, sed quælibet seorsum potest absque alijs perfectè acquiri: nisi de subalternatis scientijs speciatim fiat sermo, quæ per se pendent ex subalternantibus disciplinis. Et hæc sufficiant de virtutibus Christi, & Theologicis, & moralibus dicta.

De Spiritus sancti donis non tot se offerunt examinandæ difficultates. De dono timoris dumtaxat nonnulla dicemus. Nam quia rationem quandam mali, & culpæ, & pœnæ intrinseca sua ratione claudit, videtur dedecere Christi animam: quæ semper fuit incapax omnis culpæ, & nunc post gloriosam corporis resurrectionem, & mali pœnæ est etiam omnino expers, Vt autem hæc difficultas locum timoris dono in anima Christi, citra vllam eius indecentiam, permittat, Notanda sunt duo:

Primum est, quod inter timorem, qui est passio, (de quo disputatur 1. 2. q. 42.) & donum timoris (de quo 2. 2. q. 19.) & conuenit, & differt. Conuenit quidem in eo, quod obiectum vtriusque timoris intrinsece, & formaliter respicit malum, differt autem in eo, quod potissimum obiectum timoris, qui est passio, est formaliter malum: ac præcipuum quod reperitur in obiecto timoris, qui est donum Spiritus sancti, non est malum, sed bonum, ut dicit S. Thom. 3. p. quæst. 7. art. 6. ad 1. Ex hoc sequitur, quod cum in obiecto doni timoris duo reperiamus, scilicet, eminentissimam Dei potentiam, quæ potens est causare malum in qualibet natura, permittitque quidem malum culpæ, effectiue vero malum pœnæ, & ipsum malum nostrum culpæ, vel pœnæ: ad essentialem, & specificam rationem obiecti doni timoris non pertinet ipsum malum, siue culpæ, siue pœnæ, sed ipsa potètia diuina prout est secundum se infligitiua vtriusque mali. Hoc patet ex dictis, quia potissimum, quod reperitur in obiecto timoris doni, non est malum, sed potius bonum, diuina, scilicet, excellentia, & potentia, cum aliquo tamen respectu ad malum. Non enim timor absolute respicit ipsam potentissimam Dei excellentiam, sed cum respectu ad vtrumque illud malum pœnæ, & culpæ: quatenus nimirum, potens est, vtrumque istud malum rationali creaturæ infligere, iuxta modum nunc nunc expositum. Secundo sequitur, quod donum timoris in

hominibus iustis viatoribus habet geminum actum, alterum primarium quod respicit diuinam potentiam, vt infligētiā mali, & alterum secundarium, qui respicit ipsum malum culpæ, & leperationis à Deo. Tertio sequitur, quod vt reperiat^r donum timoris in Christo, in cæterisque Beatis, & quantum ad actum, & quantum ad habitum satis fuerit, quod respiciat obiectum primarium, scilicet, excellentiam diuinam, vt infligētiā mali: & quod possit exire in actum primarium, qui versatur circa istud obiectum, quamuis circa secundarium obiectum, malum videlicet culpæ, aut pœnæ nullam possit habere operationem. Sed aduerte, quod iste actus primarius doni timoris, quamuis diuinam excellentiam per se respiciat, & id circo timor reuerentialis merito nuncupetur, non tamen est actus elicitus à virtute Religionis, quæ est virtus moralis infusa, cuius obiectum est ipsa Dei autoris gratiæ excellentia. Quoniam Religio respicit diuinam excellentiam absolute consideratam, actus vero iste reuerentialis respicit eandem excellentiam diuinam, vt mali infligētiā: sicuti habitus fidei non respicit primam veritatem absolute, sed vt obicure reuelatam, & reuelantem.

Secundo est notandum. Quod licet non sit certa fides, quod in Beatis maneat habitus doni timoris, imo nec quod maneat eius actus: certa tamen fide tenendum est, in Christo reperiri donum timoris, saltem quoad actum. Ea q. est discriminis ratio inter Christum, & reliquos beatos, quod illud testimonium, psal. 18. quo fundatur potissimum Timoris permanentia in beatis. Timor domini sanctus permanet in sæculum sæculi, legitimam habet explicationem, videlicet, quod permanet in æternum in beatis, non essentialiter, & in semetipso, sed in suo termino, & effectu, in præmio, scilicet, vitæ æternæ, in quo omnia opera bona dicuntur in perpetuum persistere. Colligitur hæc explicatio ex S. August. 14. de ciuitate, c. 19. Cæterum ille locus Isa. cap. 11. repleuit eum Spiritu timoris domini. Ex quo colligitur in Christo reperiri timorem, est adeo manifestus, vt non possit aliter intelligi, quam de ipso timore essentialiter, & formaliter sumpto. Cōfirmatur hoc ex eo, quod cū Christus dominus non meruerit gloriam animæ suæ per actum timoris, aut per aliam operationem meritoriam, quia collata fuit illi sine meritis: non potest verosimiliter dici, quod timor permaneat in Christo, non essentialiter, sed in suo termino, & proprio effectu, cum gloria eius animæ non fuerit effectus, aut terminus timoris. Cum his tamen quæ diximus, oportet absolute fateri, ita vt oppositum non sit in fide tutum, timorem sanctum, nimirum, filialem formaliter, & essentialiter permanere in omnibus beatis iuxta illud Iob, cap. 26. columnæ cœli contremiscunt, & pauent ad nutum eius: per columnas

cœli intelligunt multi sancti, præsertim Gregor. lib. 17. moral. c. 15. Angelos beatos. Eandem sententiam docet S. August. ubi supra, & est communis doctrina sanctorum & scholasticorum in 3. d. 34. Unde falsus fuit Durand. docens in illa dist. donum timoris reperiri quidem in beatis quantum ad habitum, non vero quo ad actum. Imo multo certius est, quod reperitur quantum ad actum, quia Scriptura sacra, & sancti Patres, cū loquuntur de timore beatorum, parū curant de habitu, sed de actu est illis sermo, ex primæua scilicet intentione.

Sed adhuc viget difficultas. Nam malum, quod per se terminat actum timoris, debet esse malum imminens, quod iudicio non solum speculatio, sed etiam practico iudicetur esse possibile. Nemo enim timet, quod cœlum ruat, & si speculatiue iudicet possibilem esse cœli ruinam. Sed Christus non iudicauit vnquam iudicio practico imminere sibi aliquod malum præsertim culpæ; erat enim securus nihil tale sibi futurum: Ergo in nullum vnquam actum timoris se exercuit humana Christi voluntas. Respondetur. Quod malum moraliter possibile, & qui iuditio practico imminens iudicatur, non pertinet ad primarium & formale obiectum doni timoris, sed est obiectum timoris seruilis, & eius qui est passio, vnde circa. plurim., vt primarium obiectum fertur iste timor. At donum timoris, licet se habeat vt habitus fugitiuus, & non prosequutiuus, quia tamen, vt obiectum primum, & formale non respicit malum, sed ipsam Dei excellenciam, vt summe potentem omni creaturæ malū quodlibet, ipsam etiam ad separationem inferre: non oportet, quod eliciat actum circa malum imminens, & moraliter possibile, sed circa malum simpliciter possibile negociatur. Itaq; iudicium quo humanus intellectus Christi, aut cuiuslibet beati intellectus iudicat, & practice considerat eminentiā diuinæ potestatis supra creatam ipsius naturam, & quod posset si vellet eam, in nihilum vertere, in omnemq; miseriam conijcere: quamuis certus sit id nunquam esse futurum, satis superq; fuerit ad excitandum ipsum doni timoris actum. Sed notandum, quod actus hic licet reuerentialis timor quā sepius soleat appellari, non est tamē solius reuerentiæ actus, nā actus huiusmodi ad virtutē religionis spectat: sed intrinsicū importat respectū ad malum, quia a Deo posset infligi: vnde est actus spiritualis cuiusdā fugæ, q. essentialiter ad donum timoris attinet.

Sexta Conclusio.

Non est certa fides, sic adeo vt oppositum asserere sit manifesta hæresis, aut manifestus error in fide, quod gratia Christi, de qua in precedenti conclusione, sit habitus superadditus animæ Christi, & ab ipsa realiter distinctus, est tamen hoc adeo certum, vt oppositum sit temerarium, ac periculosum valde, & errori proximum. Circa hæc conclusionem notandum est nouiores Theologos non eadem

via procedere in eius explicatione. Quidam arbitrantur manifestam esse fidei veritatem, gratiam habituales Christi, esse vere habitum infusum ab eius anima realiter distinctum. In quam sententiam ex eo mouentur, quia existimant, in Conc. Trident. sess. 6. cap. 7. & can. 11. definitam haberi sententiam illam, quæ docet quælibet hominem iustum iustificari formaliter per gratiam, & iustitiā intrinsicam, quæ est habitualis qualitas infusa animæ, & ab ea realiter differens. Alii vero quamuis arbitrentur certa fide tenendum esse, quod cæteri homines iustificantur per gratiam, quæ sit habitus infusus animæ: dicunt tamen hoc non ita certum esse de iustificatione animæ Christi. Et probāt. Quoniam in Concil. Trident. locis citatis nullatenus fit sermo de iustificatione animæ Christi, sed de iustificatione impij dūtaxat. Mihi autē cū quibusdā Theologis grauissimis, inter quos est Medi. 3. p. q. 7. art. 1. apparet dicendum, quod eadem certitudine, qua tenendum est hominem purum, imò, & impium iustificari per gratiam quæ sit qualitas habitualis infusa animæ, credendū est Christi animā sanctificatam fuisse per consimilem gratiam habituales ipsi superadditam. Probaturs primo, Concil. Trid. propter testimonia scripturæ sacræ, & sanct. Patrum, in quibus asseritur modus quo iustificantur impij: decreuit hominem iustificari per gratiam, & iustitiam illi inhærentem, & eius cordi diffusam. Sed iustificatio animæ Christi facta per habituales gratiam eodem modo, & eisdem verbis, & ad huc expressoribus explicatur in sacris literis, & apud Patres quibus exprimitur impij iustificatio. Ergo id, quod definit Conc. de impij iustificatione, necessario debet extendi ad sanctificationem animæ Christi. Probaturs minor. Iustificatio impij in scripturis sacris exprimitur per sanctificationem, per diffusionem spiritus sancti, & per internam spirituales vnctionem, sed vt ex supradictis constat: Christus in sacris literis appellatur sanctificatus. vnctus spirituali vnctione, & gratia spiritus sancti diffusa dicitur in ipso, & præterea nominatur plenus gratia & spiritu sancto, diciturque spiritus domini in eo requieuisse: quæ appellationes præsertim vltima, aperte denotant habituales gratiæ permanentiam in eius anima, Ergo. idem est de gratia Christi ferendum iudicium, quod ad præsens attinet institutum, quod tulit S. Synod. de gratia impium iustificante.

Secundo probatur. Seclusa peccati expulsionē eadem omnino ratio est de modo iustificationis animæ Christi, quæ est de iustificatione impij: sunt quæ simpliciter eiusdem essentialis speciei: sicut & gratia Christi, & nostra eiusdē speciei essentialis esse, inferius probabimus. At vbi eadem est ratio, vt habet canonica regula, eadem esse debet, & iuris dispositio. Quæ regula non solum locum habet in iure præceptiuo, sed & in iure definitiuo veritatis fidei, Ergo &c.

Quinta

Quanta autem certitudine tenendum sit, impium iustificari per gratiam, quæ sit vere habitualis qualitas realiter distincta ab anima, non est presentis loci explicare, solet tractari. 1. 2. q. 62. art. 1. & q. 63 art. 3. Summatim dico primo in huius rei explicatione. Secundum fidem tenendum est, quod impij iustificatio non sit absq. reali immutatione animæ, & spirituali eius renouatione, Pro hac veritate legantur Theologi scholastici cum Magis. in 2. d. 33. & in 4. d. 17. Inter modernos, Decanus Louanienfis, in articulo de iustificatione. Cardinalis Osius in lib. pro defensione fidei, Magister Vega lib. 7. super sessione 6. Conc. Trid. c. 21. vsq. ad 24. Somnius lib. demonstrationum Christianæ Relig. tract. 2. per totum, & præcipue a. c. 7. Mag. Soto lib. 2. de nat. & grat. c. 17. & seq. Hi autores referunt pro hac veritate immunera sacrarum literarum, & patrum testimonia, quæ sunt omnino legenda.

Dico secundo. Existimo certa fide tenendum esse hanc realem animæ immutationem, & renouationem esse habitualement, id est, permanentem se habentem in anima. Probatur primo Conc. Triden. locis citatis eodem modo definit de iustificatione adultorum & paruulorum: at certum est paruulos iustificari per sanctitatem & gratiam habitualiter permanentem, ergo doctrina Concil. accipienda est de renouatione, & immutatione habituali. Secundo probatur. Illa Concilij verba, scilicet, illabi, & diffundi, denotant apertè habitualement permanentiam, præsertim illud verbum diffundi, seu infundi, quoniam hoc verbum improprie accommodatur spiritualibus operationibus charitatis, contritionis, &c. quibus iustificatur impius. Nam cum operatio sit elicita a potentia, improprie dicitur infundi, seu diffundi ab extrinseco principio. Ergo &c. Tertio probatur ex illis verbis Concil. sess. 6. cap. 7. Recipientes iustitiam vnusquisque iuxta propriam cuiusq. dispositionem, & cooperationem. Quibus verbis sancta synodus cōdistinguit iustitiam susceptam à Deo in anima, ab operationibus supernaturalibus, fidei, spei, charitatis, pœnitentiæ &c. quibus anima disponitur, & cooperatur Deo ad suam iustitiam, & gratiam; ergo iustitia quam anima recipit a Deo infusam, distinctum quid est a supernaturalibus operationibus ipsius animæ: atq. adeo non potest esse, nisi quid habituale. Confirmatur & explicatur argumentum ex illis verbis Concil. ead. sess. can. 3. Si quis dixerit hominem posse sine Spiritus sancti adiutorio credere, sperare, diligere, aut pœnitere, sicut oportet, vt ei iustificationis gratia conferatur, anathema sit, Ecce vbi iustificationis gratia, quæ confertur animæ distinguitur ab omnibus operibus supernaturalibus, quæ concurrunt in ipsa iustificatione. Ergo præter omnes supernaturales actiones, quæ in ipsa iustificatione interueniunt, infunditur à Deo animam iustificante iustitia habitualis, qua perseverat anima iustificata permanet, & sanctificata.

ficata. Nec satis fuerit dicere. Concilium in hoc can. 3. id solum aduersus hæreticos intendere, quod actiones pure naturales non sufficiunt animam ad iustificationis gratiâ præparare. Et quod non erat animus Concilij definire distinctionem iustificantis gratiæ à supernaturalibus his actionibus. Hoc, inquam, non satisfacit. Quia Concilium reuera condistinguit iustificantē gratiam ab actionibus, quæ ad ipsam disponunt: & hoc quidem non solum cum tradebat doctrinam fidei, sed in canone quo definiebat ipsam fidei veritatem: ergo impertinenter ad occultam Concil. intentionem recurritur, cum eius intentio ex verbis can. constet.

Dico tertio. Non est veritas fidei, ita vt oppositum sit manifestus error, quod gratia iustificationis sit verus habitus, seu vera qualitas habitualis. Oppositum huius dicti censuerunt, ante tempora Trid. Cōcil. Scotus, in 3. d. 23. & Gabri. ibidem. & apertius, Guido Carmelita, qui sententiā negantē gratiā esse habitū infusū, refert inter errores & hæreses. Veruntamen hi autores sine causa rationabili ita censuerunt, quoniā ante Conc. Trid. sententia, quæ negabat habitus infusos, & virtutes infusās, non modo non erat fidei contraria, sed inter probabiles Theologorum opiniones connumerata fuit ab Inn. 3. in c. Maiores de bapt. Et cum hæc sententia in Concil. Viennensi fuisset delata ad iudicium Ecclesiæ, non fuit damnata vt erronea, sed habita vt minus probabilis opposita. Post definitionem vero Concil. Triden. ex qua, sententia quæ constituit habitus infusos, maius accipit certitudinis robur, Magister Vega censet contrariā sententiā esse errorem in fide, & id ipsum insinuat, Decanus Louanienſis loci citat. Cæterum nostra sententia asseritur a grauissimis Theologis Magistro Cano. lib. 7. de locis c. 2. & Magistro Med. vbi supra, & 12. q. 110. art. 2. & Banef. in 22. q. 23. art. 2. insinuatque a Magistro Soto. loc. cit. Existimoq. hanc sententiā esse magis cōmunem inter Theologos nostræ ætatis. Et probatur. Nec intentio Conc. Triden. neque eius verba nos cogunt, vt accipiamus hanc sententiā tamquam ipsius Concilij definitionem: ergo non est veritas fidei. Antecedens probatur. Et primo de intentione cōstat ex eo, quod Magister Soto, & Magister Andreas de Vega qui adsuerunt Concilio, dicunt Concil. in prædictis definitionibus consulto abstinuisse a nomine habituum. Quod non alia ratione fieri potuit, nisi quia Concil. non intendebat definire sententiā statuentem habitus infusos, sed tantum definiebat contra hæreticos Lutheranos, iustificationem animæ non fieri absq. aliqua interna spiritali renouatione, & immutatione per solā extrinsecam imputationē iustitiæ Christi, aut per solum Dei fauorem. Nam si sententiā statuentem habitus infusos definire intendebat Concil. male abstinuisset, & id quidem consulto, a nomine habituum,

rum, quod non est vlllo pacto de tam graui, & celebri Concilio censendum. Quod vero Conc. verba non tā vrgeant pro hac veritate, vt illam reddant certam in fide. Probat, illud verbum, Inherere, reperimus vsurpatum à sacro Concilio in quadam amplissima acceptione, ita vt nō denotet veram habitualē inherētiā, sed qualem cumq. inherētiā, seu existentiam rei per modum habitus immatem. Nam sess. 5. definit Concil. quod peccatum originis inest vni cuiq. propriū. At inherētia originalis peccati non est inherētia habitus cuiuspiam realis & veri, cum peccatum sit formaliter priuatio quēdam. Quocirca cum Conc. definit hominem iustificari per iustitiā sibi inherētē, nō cogit nos illa dictio, inherētem, vt constituamus gratiam quā sit verus, & realis habitus. Similiter aliud verbum, quod in eadē definitione habetur, scilicet, Infundi seu diffundi, non cogit vt statuamus veri habitus infusionem. Quoniam simile verbum habemus in sacris literis expressum de iustificatione hominis, & tamen ē solis literis sacris nunquam Theologi graues collegerunt hanc veritatem certam esse in fide. Nam, vt supra dicebā, ante Concil. Trident. contraria sententia non iudicabatur ab Ecclesia improbabilis. Simili ratione respondendum est ad argumentum, quod quidam desumunt ex sess. 5. eiusdem Conc. vbi cum Concil. loqueretur de paruulorum iustificatione, multa interposuit verba, quę videantur designare habitualement gratiam, & iustitiā. Ceterum eadē omnino verba reperiuntur in sacris literis, in quibus fit sermo de iustificatione, siue paruulorum, siue adultorū. Quare cum hæc, & similia verba in sacris scripturis posita, non tantā vim habeant, vt veritatem istam certam faciant in fide, quin, vt dicebam, sententia cōtraria ante Concil. Trident. tempora, vt probabilis habebatur opinio: quā ratione induci poterit p̄ritus Theologus, vt asseueranter dicat, ex eisdem verbis in sacro Concil. Trid. positā sententiam hanc de habitibus infusis fidei Catholicę certitudinem obtinuisse? Cum sacrum Concil. nusquam definiat, quod hæc verba maiorem vim habeant, quam olim à peritissimis Theologis iudicabantur habere, sed simpliciter his verbis vtatur ad extirpandam Lutheranam hæresim, quę in trīnsecam, & inherētē animę iustitiā negauit. Sed rogat quispiā. Si non reperitur qualitas spiritalis in anima iustificata illi super infusa, quo pacto poterit verificari, id quod secundum fidem diximus esse tenēdum, puta, quod in iustificatione necessario requiritur realis immutatio animę, & spiritalis innouatio. Respondetur. Quod huiusmodi realis animę immutatio posset fieri in anima immediate à Deo absque superaddita qualitate: & tunc immutatio hæc, quamlibet formaliter loquēdo supernaturalis esset, realiter identificari posset cum anima, aut cum eius potentijs. At cum modum quo multi

Metaphisici probabiliter concedunt substantiam, & accidens quandoque realiter identificari salua eorum formali distinctione: nam ita dicere tenentur, de relatione substantialis similitudinis, quæ inter indiuidua eiusdem speciei V. c. inter Petrum, & Paulum reperitur illi Metaphisici. doctores quibus persuasum est, relationem cum suo fundamento identificari. Quod si substantia, & accidens realiter identificari possunt, quid mirum si inter potentiam animæ V. c. voluntatem, quæ est accidens, & inter supernaturalem immutationem, quæ similiter accidens est, ex diuina omnipotentia similis reperiatur identitas? Nam duo accidentia in modo essendi, etiam si diuersi ordinis sint, alterum naturalis, & alterum supernaturalis, maiori conuenientia inter se se coeunt, quam accidens, & substantia, etiam si utrumque naturalis fuerit ordinis.

Est autem obiter aduertendum, quod huiusmodi supernaturalis immutatio cum humana uoluntate identificata, in adultis quidem fieret per proprium eorum actum, uidelicet, per actum charitatis, & dilectionis Dei super omnia. Et existimo quanquam nonnulli, ex nouioribus Theologis contradicant, quod ipse charitatis actus ex propria sui natura, & ratione vim habet efficiendi immutationem prædictam in uoluntate creata, cuius ratione uoluntas etiam si Deus non infunderet ei charitatis habitum, habitualiter maneret conuersa ad Deum. Non tamen eam haberet vim ad eliciendum similem charitatis actum, quam nunc illi præstat ipse habitus charitatis infusus, quod suppleret, in casu quo excluderemus habitus infusos ab anima, ipse deus intimè assistens animæ, & eius potentiis, ut ipsis opitularetur speciali adiutorio, cum in actus supernaturales oporteret prodire. In paruulis autem illam immutationem supernaturalem per modum habitus manentem in anima defixam efficeret deus immediate, & se solo, supplens vicem supernaturalis habitus. Nam licet non possit deus supplere vicem potentie vitalis ad efficiendum actum uitalem, potest tamen supplere vicem ipsius actus respectu effectus ex ipso actu resultantis.

Sed dices. Ex istis, quæ hætenus diximus, & explicauimus, quomodo intelligi valet, in humana uoluntate posse esse supernaturalem conuersionem ad Deum per modum habitus permanentem, quæ re ipsa esset conuersio pertinet ad charitatem: Sed tamen adhuc superest explicandum, quid tunc esset in anima supernaturalis ordinis, quod responderet habitui gratiæ, ita quod formaliter, & intrinsece redderet animam deo gratam, & dilectam. Nam hoc necessarium est ad formalem intrinsecam, & inhzrentem animæ iusticiam saluandum, quam sancta synodo Trident. ad impij iustificationem, definit esse

96 RELECTIO DE CHRISTI GRATIA

necessariam Responderetur, quod quemadmodum supposita uerissima sententia, quæ in animæ iustificatione supernaturales, & infusos admittit habitus, non est necesse constituamus habitum gratiæ ab habitu charitatis distinctum, Nam iuxta probabilem Scoti sententiam, Vnus, & idem habitus charitatis induit formalem rationem habitus gratiæ, & per illum habitualiter anima, est & dilectrix Dei, & à Deo dilecta ipsique grata. Ita in casu posito prædicta supernaturalis conuersio uti ad lumen bonum utriusque habitus, & charitatis, & gratiæ suppleret defectum, atque animam proinde formaliter constitueret deo gratam, ipsique dilectam, Id est, efficeret illam obiectum proportionatum, & congruum diuinæ dilectioni, diuinæque amicitiae.

Vltimo dico, quod licet argumenta quæ sumuntur ex definitione Concil. Trident. non efficiant certam secundum fidem sententiam statuentem habitus infusos, reddunt tamen illum adeo certam ut opposita sit falsa, improbabilis: temeraria, periculosa, & errori proxima. Quoniam si secludamus habitus infusos magna cum improprietate poterunt explicari verba quibus Concil. utitur in prædictis definitionibus: & fere accedimus ad errorem lutheranum qui negat iusticiam infusam, & inhzrentem animæ. Quem errorem euadere minime possumus, nisi confugiamus ad modum iustificationis valde miraculosum, & parum intelligibilem, & qui parum consentit suauitati, quam diuina providentia in rerum cum naturalium, tum maxime supernaturalium dispositione seruare solet. Dispōnit enim omnia, & fortiter & suauiter. Sed de his hæc nunc breuiter dixisse sufficiant, nam alibi lucubriori tractatione erunt explicanda.

Ad solutionem argumentorum quæ fuerunt à principio quæstionis proposita, nostra necessum, est properet disputatio.

Dubium graue, In primo argumento ea se nobis explicanda difficultas insinuat, quæ non leue viris doctissimis facessit negotium, Nū videlicet, Christus ut homo, per gratiam vnionis sit simpliciter sanctus, Deo gratus & acceptus, itaque id quæritur. An si animo fingamus, verbum humanitatem assumpsisse habituali gratia, & reliquis spiritus sancti charismatibus non ornatum, Christus ut homo sanctus esset simpliciter, Deoque gratus & acceptus, Et id ipsum de facto quærimus. An illo priori signo rationis, & naturæ quo humanitas assumpta à verbo præintelligitur ipsi supernaturalium habituum infusioni, præintelligatur etiam, sancta, & Deo accepta, ita quod Christus ut homo in illo signo rationis esset simpliciter sanctus, & gratus Deo. Consulto dixi ut homo, nā q̄ sit sanctus, & sanctissimus charusq̄

& dilectissimus Patri, ut est deus, verusq. Dei filius, nullam difficultatem ad disputandum habet. Nam ipse æternus Pater huius veritatis nos reddidit certissimos, cum referente Mattheo c. 3. publica voce dixit, hic est filius meus dilectus &c. De Christo ergo qua ratione est homo præsens versatur difficultas. Et probatur primo negatiua sententia. Christo ut homini non repugnat ab intrinseco peccatum, siue mortale, siue veniale: ergo ex vi gratiæ vnionis, habituali gratia semota, non constituitur sanctus simpliciter, & gratus Deo. Consequentia apparet manifesta: quoniam si cum gratia vnionis potest ex natura rei compati mortale peccatum in Christi humanitate, manifestum est quod gratia vnionis non habet ex se constituere Christum simpliciter iustum, & Deo gratum. Nam idcirco secundum probabiliorē, Imo veram sententiā, cum gratia habituali stare nequit mortale peccatum, (quamcumque Dei potentiam attendamus) quia gratia hæc sua natura habet sanctificare animam, & illam formaliter constituere Deo gratam, & acceptam. Antecedens vero probatur, vniuersæ rationes quibus superius circa secundam conclusionem adnitebamur probare Christum, ut hominē nullatenus peccare posse, aut inordinatum quempiam motum admittere, non ex aliqua intrinseca humanitatis à verbo assumptæ dispositione, ex qua illi proueniat peccandi impossibilitas procedunt, sed ad extrinsecam prouidentiam verbi, qua humanitati à se assumptæ specialiter prouidet, tota earum vis & efficacia reducitur. Ergo verissimum est antecedens. Confirmatur huius argumenti vis. Diuinum verbum prout vnione hypostatica humanitati coniungitur non habet rationem formæ ipsam humanitatem actuantis, & informantis, neq. vero rationem habet effectiui principij eandem immutantis humanitatem; sed solam exequitur rationem termini supposititaliter complentis, & terminantis naturam humanam quam assumpsit. Ergo ex vi solius vnionis hypostaticæ nulla in humanitate Christi assignabilis est realis immutatio, & dispositio, cui vel habituale, vel actuale repugnat peccatum, ac proinde ex sola extrinseca verbi prouidentia, considerata est tota peccandi impossibilitas. Et vrgeo amplius huius argumenti vim ostendendo, quod illa specialis verbi prouidentia ex qua prouenit peccati impossibilitas, debeat vocari extrinseca humanitati Christi, ad eum modum quo mihi extrinseca est prouidentia, quam Deus habet de me, deq. actibus meis; quod sic probo. Prouidentia, & cura qua verbum suæ humanitati prouidet communis est toti Trinitati, ex equo tribus diuinis personis competens: ergo sicut prouidentia qua Pater prouidet humanitati christi, extrinseca est ipsi humanitati, ita & prouidentia verbi, quamlibet sit specialissima, extrinseca, debet eidem humanitati censeri. Probo, antecedens, Actus prouidentie de qua loquimur

non procedit immediate ab intellectu humano, aut ab humana voluntate, sed immediate ab ipso diuino intellectu, diuinamque voluntate verbi procedit. At omnis operatio verbi que immediatam habet habitudinem ad diuinum eius intellectum, seu ad voluntatem diuinam, æque competit Patri & spiritui sancto: eo quod eadem, est voluntas, eadem virtus, idem intellectus, in his tribus diuinis personis. Neque ad eiusmodi operationem verbum concurret ut suppositum humane nature, sed potius ut diuinitatis suppositum, ergo &c. In maiori præmissa posita est tota huius argumenti difficultas, quam sic probō. Specialis illa verbi prouidentia in qualibet humanitatis operatione ordine rationis & nature antecedit actionem intellectus humani, & voluntatis humane Christi: quia istæ humane potentiæ operantur in Christo subordonatè ad ipsam prouidentiam; & iuxta eius operationem in proprias exeunt actiones. Ergo hæc verbi prouidentia cum ipsas humanitatis actiones saltem ordine nature præcedat, non potest esse actus elicited ab his humanis potentijs, sed immediatè habet respectum ad potentiam verbi diuinam, quæ toti est sanctissimæ Trinitati communis.

Secundum argumentum. Esse formaliter gratum, sanctum, & rectum in ordine ad supernaturalem finem, est formalis effectus, & qui dem primarius habitualis gratiæ. Ergo Christus ut homo ex vi solius gratiæ vnionis, non est formaliter Deo gratus, & simpliciter sanctus, & rectus in ordine ad supernaturalem finem. Consequentia nota est. Quia effectus formalis primarius cuiuspiam forme non est ab ea separabilis. Confirmatur. Bene sequitur. Christus ut homo non habet Dei gratiam, ergo non est Deo gratus. Atque adeo in illo rationis, seu nature signo in quo ipsa vnionis gratia præintelligitur gratiæ habituali, Christus non intelligitur gratus, & acceptus Deo.

Verum dices. Vnionis gratiam eminenter præhabere gratiam habituales, vnde illummet effectum quem præstat habitualis gratia, potest Christi humanitas à gratia vnionis suscipere: atque adeo sola vnionis gratia sufficiens est, ut Christus gratus & acceptus Deo, atque etiam sanctus dicatur. Contra. sequitur ex hac solutione, quod sola vnionis gratia absque lumine gloriæ, & absque beatifica visione constituat hominem simpliciter, & formaliter beatum. Consequentis autem falsitatem nullus est, qui non videat: Ergo insufficiens est solutio assignata.

Tertium argumentum. Gratia habituali à Christi anima se mota, Christus ut homo non esset ad æternam vitam acceptus: Ergo non

non esset simpliciter Deo gratus, & acceptus, ac proinde, neque simpliciter sanctificatus. Consequentia patet, nam illa duntaxat est dilectio Dei simpliciter, qua quis à Deo diligitur ad æterna bona, quæ in facili Dei in se, in ipsiusq; Dei coniunctione consistunt. Nam deum diligere aliquem simpliciter, non est aliud, quam velle illi bonum, quod est verum, æternum, & incommutabile bonum. Sed antecedens probatur. Deus in illo casu non veller Christum, ut homini gratiam: Ergo neque veller ei gloriam. Patet consequentia. Tum quia gloria est gratia consummata, Tum etiam, quia Christi anima non esset sine gratia, & charitate sufficienter disposita ad gloriam: Ac qui non vult alicui subiecto sufficientem dispositionem ad aliquam formam, neque vult ei ipsam formam. Ergo, &c.

Quartum argumentum. Sequitur ex sententia contraria, quod si ipse dei filius naturam leoninam assumeret, filius Dei, ut deo formaliter, & simpliciter diceretur gratus, & acceptus deo, ac itidem sanctus, ratione hypostaticæ unionis. Consequens quendam præfesset absurditatem. Ergo, &c. Sequellam probat. Quia secusa habituali gratia, secusq; cæteris supernaturalibus donis, habitualibus, & actualibus eiusdem, prorsus est rationis, vniū. Verbi hypostatica enim leonina natura, cuius est vniū. Verbi diuini cum humanitate, Neque maius, & felicius donum acciperet humanitas, quam natura leonina. Vtraque enim acciperet infinitum verbi suppositum, Et amplius nihil.

Quod si dixeris humanitatem ita suppositam in diuino verbo, ab ipsoque personaliter assumi, quod ex vi huius assumptionis potest habitualem gratiam, & supernaturalia omnia dona suscipere, quæ ex vi unionis sunt ei debita, & connaturalia: quod in leonina natura non contingeret, eo quod incapax est omnino horum celestium donorum. Contra. Ergo humanitas Christi, neque sancta est, neque Deo grata, & accepta, nisi ratione gratiæ habitualis, ac proinde per gratiam unionis, erit quidem grata, & sancta radicaliter, eo quod ipsa unionis gratia radix est habitualis gratiæ, non vero formaliter, & simpliciter erit grata, & sancta: ac proinde, neque Christus, ut homo ratione solius hypostaticæ unionis sanctus est, Deoq; gratus, & acceptus. Sicut homo per rationalitatem risibilis est radicaliter, eo quod risibilitas in rationalitate, ut in prima radice præhabetur, formaliter uero, & simpliciter non dicitur risibilis, nisi per proximam ridendi potentiam, quam risibilitatem vocamus.

Quintum argumentum. Christus, secundum quod homo non est Deo gratus, & dilectus ut Dei filius naturalis, quia Christus homo non est naturalis Dei filius. Ut affirmat S. Th. 2. p. q. 13. art. 2. ad 1. Neque est gratus per gratiam habitualem, supponimus enim humanitatem

nitatem omni habituali gratia carentem. Ergo Christus nulla ratione gratus esset Deo, & dilectus si fingamus ealum argumenti, nimirum, quod Christi humanitas in puris esset naturalibus assumpta, atque adeo ex vi solius hypostaticæ vñionis, neq; sanctus est, neq; Deo gratus, & acceptus. *Supra illa non potest. Iam non potest negari.*

Hæc sunt argumenta, quæ pro negante sententia inhibita sunt altius momenti, & quæ ipsam videntur probabilè efficere. Verum pro affirmante opinione, mox proponam argumenta non leuioris ponderis, ut præcipuis utriusque sententiæ argumentis libratis, uerisimiliorem deligamus.

Primum argumentum pro affirmatiua sententia desumitur ex gratissimis Sancti Patrum testimoniis, quibus asseritur Christum donatum ex vi hypostaticæ vñionis sanctificatum fuisse, & spiritali oleo inunctum: quàm sanctitatem, & spiritalè inctionem ad habitualem gratiam, & ad reliqua Spiritus sancti dona minime referunt, sed ad ipsam duntaxat vñionis gratiã. In Conc. Franfordiensi sub Adriano primo ita dicitur. Alii reges, quicquid pumillius præculerunt, & regnando consortes dicti sunt, oleo corruptibiles sunt inuncti, hic uero filius Dei à Deo Patre oleo exultationis, hoc est resurrectionis, ascensionis, dominationisq; est delibutus. Quia Christus natura vnctus nos per gratiam, quia in illo pleniter fuit diuinitas. Ecce quemadmodum spiritalè Christi inctionem non ad gratiam, sed ad naturam, id est, conceptionem Christi virtute Spiritus sancti factam, in qua verbum factum est caro: non ad gratuitam Spiritus sancti donationem, sed ad ipsam verbi diuinitatem in Christo pleniter habitantem sancta hæc synodus reuocauit. Cui doctrinæ satis videtur consentire illud, quod Angelus Beat. Virgin. dixit. Luc. 1. Quod ex te nascetur sanctum vocabitur filius Dei. Quibus verbis aperte insinuat Angelus Christi sanctitatem non ad aliquam specialem Spiritus sancti gratiam in ipsius animæ infundendam, sed ad ipsam Christi generationem, & nascentiam reducendam fore. Hanc enim vim habent verba illa, quod ex te nascetur sanctum. Et hæc plane videtur esse inctio illa de qua Dan. dicitur, Ungetur sanctus sanctorum. Fiebat enim ibi sermo de inctione illa Christi dominici, in qua terminum, & finem habuerunt Prophetiæ, & p̃missiones olim factæ de Messia uenturo in mundum. Gregor. Nazianzen. oratione 36. num. 7. loquens de diuina sapientia incarnata, & nomine eius ita dicit, Creauit me Deus, inquit, principium viarum suarum ad opera sua. Opera autem ipsius ueritas, & iudicium, quorum causa diuinitate delibutus est. Hæc enim humanitatis inctio est. Et numero 93. ita inquit. Christus uero, propter diuinitatem. Id est, appellatur Christus, & vnctus propter diuinitatem. Ita, quod diuinitas est oleum quo

Chri-

Christus fuit vnctus. Vnde continuo subiunxit D. iste Greg. Ea enim, nihilum; diuinitas humanitatis vnctio est, nō operatione, ut in aliis Christum sanctificans, sed totius ungentis præsentia: cuius hic effectus est, vt id, quod vngit, homo vocetur, & quod vngitur Deus fiat, Cyrillus lib. 4. in Ioan. c. 29. dicit Christum vocari vnctum non sicut alios Reges, & sanctos, sed quia Verbum caro. Et in lib. de fide, ad Theodo. in fine dicit de Iesu, quod incarnatione fuit Christus, id est, vnctus. Orig. hom. 2. in Luc. Rectissime plenus sapientia, & gratia perhibetur; Sapiencia quidem, quia in ipso est omnis plenitudo diuinitatis corporaliter, gratia vero, quia eidem mediatori Dei, & hominum, magna gratia donata est, vt ex quo homo fieri cœpisset, perfectus esset, & Deus. Ecce Christum in eo plenum esse gratiæ dicit, quod simul est verus homo, & perfectus Deus. Si ergo hoc Christum plenum gratiæ constituit, & ipsum quoq. efficit summe gratum Deo, ac plene sanctificatum. Et in quadam hom. in octaua Natiui. Vngi inquit, oleo lætitiæ nihil aliud est, quam Spiritu sancto repleti, vngitur anima Christi cum verbo vnitur, & non Spiritus sanctus, sicut Prophetis eis datus est, sed ipsius verbi Dei in eo substantialis inerat plenitudo. Ecce quemadmodum spirituales Christi vnctionem Orig. censet fuisse ipsam vnionem verbi, cum humanitate. A qua sententia non recedit, lib. 2. Peryarchon, c. 6. Nicetas, lib. 3. c. 3. ipse inquit seipsum vnxit, diuinitas enim humanitatis vnctio est. Damasc. lib. 3. de fide, c. 3. ipse se ipsum vnxit, vngens quidem, vt Deus sua deitate corpus, vnctus autem, vt homo, nam ipse est hoc, & illud liquidem vnctio humanitatis, deitas.

Idem fere dicit Damas. oratione 1. de Imag. ante medium, & lib. 4. de fide, c. 6. vbi refert Nazian. & Cyrill. Dyonis. Alexand. in Epist. contra Paul. Samos. in principio dicit, Christum non indigere externa vnctione, quia ipse est per se vnctus. D. Greg. lib. 9. Epistolarum Epist. 61. huic quamplurimum fauet sententiæ, cuius verba fere ad litteram transcripsit Anselmus Epistola, ad Hebr. cap. 1. Ita inquit de Christo non conceptus, & postmodum vnctus, sed hoc ipsum de Spiritu sancto vngi fuit. Videatur etiam pro hac sententia fulgent. lib. de incarnatione, & gratia, c. 20. q. 10.

Deniq; S. Athanasius, in oratione 2. contra Arrianos, hanc sententiam sua auctoritate confirmauit: Versans enim illa verba, psal. 44. dilexisti iustitiam, & odisti iniquitatem: propterea vnxit te deus, deus tuus oleo lætitiæ præ participibus tuis. In hūc sensū ea exponit. Quod quia Christus cœlestis, & nouissimus Adam ea ratione qua homo Deus, non poterat non diligere iustitiam, & odio habere iniquitatem, id est, non poterat à sanctitate, & Iustitia deficere sicut Primus, & terrenus Adam defecerat, Idcirco præfectus fuit cæteris iu-

his omnibus, qui sunt sanctitates eius participes, ut esset eorum ed-
 put, atque adeo prae illis omnibus exultationis oleo, id est, Spiritus
 sancti gratia, & donazione inunctus perhibetur. In qua gravissima
 Athanasii doctrina, duo sunt expendenda, Alterum pro conclusio-
 ne tertia superius posita, qua statuimus Christum, gratia habituali
 fuisse praeditum; quatenus manifestum est, Athanasium admittere in
 Christo unctionem Spiritus sancti per habitualement gratiam, & reli-
 qua spiritualia charitativa factam. Quod illis verbis, Atque adeo
 prae illis omnibus, &c. manifestissime dicit. Alterum vero pro ista
 sententia affirmativa, quam probare aduicimur, quatenus Doctor
 hic sanctissimus, fatetur prius rationis ordine sanctitatem, & recti-
 tudinem fuisse Christo connaturalem, quam Spiritus sancti perun-
 geretur charismatibus. Quod ex prioribus citati testimonii uerbis
 aperte colligi, nullus est, qui non videat. Legatur etiam Aug. lib. 3.
 contra Maxi. c. 16. in fine.

Secundo haec eadem sententia probatur. Christus secundum,
 quod homo praedestinatus est esse filius Dei naturalis, ut S. Thom.
 docet & explicat, 3. p. q. 24. art. 2. Et hoc quidem nullo habitu res-
 pectu ad habitualement gratiam non enim ad gratiam habitualement,
 aut gloriam praedestinatus est Christus, quod inferius est a nobis
 probandum. At praedestinatio intrinsecè claudit dilectionem Dei,
 imo eam praesupponit, secundum rationis ordinem. Nam pri-
 us intelligimus Deum dilexisse, imo, & elegisse aliquem ad tale,
 uel tale bonum, quam quod ad idem bonum eum praedestinauerit.
 Quod in 1. p. q. 23. solet explicari. Ergo Christus, ut homo
 seclusa habituali gratia sicut esset praedestinatus, ut esset dei filius
 naturalis, ita & esset dilectus a deo, & ad tantum bonum praeelectus.
 Neque vero irrationabiliter praeelectus dicitur, cum ad simile bo-
 num potuerit etiam Angelus eligi. Poterat enim eligi Angelus ad
 tantum bonum, nam potuit uerbum naturam sibi Angelicam hypo-
 statice vnione copulare, sicut & copulauit humanam. Verum non An-
 gelos apprehendit, sed semen Abraham apprehendit. In quo consi-
 stit uera praeelectio, qua Deus hominem prae tulit Angelo. Vnde ra-
 tionis ordine sequuta fuit praedestinatio, qua Christum, ut hominem
 & non ut Angelum praedestinauit esse filium Dei naturalem. Si ergo
 Christus ratione solius gratiae vnionis, non habita consideratione ad
 habitualement gratiam, fuit dilectus Deo, & gratus: vera est senten-
 tia haec, in cuius probatione versamur.

Confirmatur ex illo August. lib. de praedestinatione sanctorum,
 cap. 15. praedestinata est ista humanae naturae tanta, & tam excelsa sub-
 iunctio, &c. Ergo Naturae humanae ex vi praedestinationis fuit unitum
 uerbum, atque adeo, & ex vi dilectionis Dei.

Tertio arguitur. Vnio hypostatica humanitatis ad verbum maximum est, & summum beneficium naturæ rationali à Deo communicabile, sed communicatio tanti boni non potest non esse maxime gratuita, & ex præcipuo Dei amore procedens: Ergo quod diuinū verbū humanitatem assumeret, intrinsece claudit præcipuam dilectionem qua Deus ipsam assumptam humanitatem fuit prosequutus: atque adeo ex vi hypostaticæ vnionis grata fuit, & accepta simpliciter prius natura, quam ipsam intelligamus gratia habituali exornari. Non vero potuit esse Deo simpliciter grata, nisi relictificata simul fuerit & sancta: Ergo ex vi solius gratiæ vnionis Christus, vt homo, gratus est, & sanctus simpliciter &c.

Confirmo ex illo Ioan. 3. Sic Deus dilexit mundum, vt filium suū vnigenitum daret. Ex quo testimonio deduco, quod simili, & maiori adhuc cum exaggeratione dicere poterat Euangelista Ioan. Sic Deus hanc Christi humanitatem dilexit, vt ei filium suum vnigenitum per hypostaticam vnionem daret. Ergo Christus vt homo summe est dilectus à Deo, Nā Deū aliquē diligere, vt retro dicebam, nihil est aliud quam velle illi bonū, & summe diligere, est ei velle summum & maximum bonum: atq. adeo humanitas Christi, cui tantum bonum voluit Deus, non potuit hac ratione non esse præcipuo amore dilecta, ac Deo perinde maxime grata.

Quartū argumentum. Christi Domini humanitas ex vi hypostaticæ vnionis, omni etiam habituali gratia ab eius anima semota, non potest nec venialiter peccare, ita quod oppositum contradictio nem inuoluit, vt probauimus circa conclusionem secundam huius quæstionis: Ergo ex vi solius vnionis, antequam intelligeretur eleuata per habitualia Spiritus sancti dona, fuit relictificata, & sanctificata ipsa Christi humanitas: atque adeo & fuit Deo grata, & accepta: quia non potuit odio haberi à Deo, imo & in seipsa composito, vnione scilicet ad verbum supposita, non potuit non summe diligi: vt potest quæ ad hoc tantum hypostaticæ vnionis bonum non potuit non acceptari.

Quintum argumentum. Humanitas ex vi solius vnionis hypostaticæ induit dignitatem magnam in supernaturali ordine, qua dignitate nulla potest maior in alia quacumq. creata natura reperiri: ergo grata fuit & dilecta Deo ex vi vnionis, omni habituali gratia seclutata. Consequentia apparet nota. Nam diuina voluntas rem quālibet sua dilectione dignam infallibiliter diligit, iuxta id quod Deus per Esai. 43. Israelitico populo dicebat. Ex quo honorabilis factus es, & gloriosus in oculis meis, ego dilexi te, & dabo homines pro te, & gentes pro anima tua &c. Imo huiusmodi honor, & dignitas oritur ex ipso diuinæ voluntatis amore. Sed antecedens proba-

1. p. q. 24.

a. 3. ad. 4.

tur ex eo quod S. Doct. inquit, quod humanitas Christi ex hoc quod est vnita Deo, habet quandam dignitatem infinitam ex bono infinito, quod est Deus, & ex hac parte nihil potest ipsa fieri melius.

Sexto tandem & ultimo pro eadem sententia sic argumētor. Christi humanitati ex vi vnionis ad verbum debetur habitualis gratia, debenturq. reliqua omnia supernaturalis ordinis dona, quibus Christi anima ad finem supernaturalem inire perficitur, & eleuatur: Ergo ex vi vnionis Christus, vt homo, simpliciter & formaliter est sanctificatus, & Deo gratus. Probatur consequentia (antecedens enim in secunda controuersia probabitur) vt quis sit gratus, & sanctus formaliter, & simpliciter, nihil requiritur aliud, quam quod odio non habeatur, neque possit haberi a Deo: & quod in seipso habeat propter quod sit dignus ad bona supernaturalia acceptari, siue de facto accipretur, siue non. Quemadmodum si Deus hominem habituali gratia præditum non acceptaret ad gloriam, esset ipse nihilominus formaliter, & simpliciter gratus, & iustus, Deoq. dilectus, idest, dignus dilectione diuina, & acceptatione ad gloriam, Sed Christus, vt homo ex vi vnionis est dignus præcipuo Dei amore, quia est dignus gratia quæ est debito cōnaturalitatis debita, estq. dignus acceptari ad gloriam. Ergo simpliciter est censendus gratus Deo, & acceptus, atq. adeo & sanctificatus.

c. 10°

Et confirmantur hæc omnia ex illo Ioan. Quem pater sanctificauit, &c. quæ verba commodam habent intelligentiam, de ipsa verbi incarnatione. Quæ a Christo hoc in loco, humanitatis sanctificatio vocatur, Ergo vera est hæc posterior opinio.

In hoc dubio quod non est ad modum facile ad dissoluendum. diuersa Theologorum inueniuntur placita: Nam omnes illi Theologi, quorum superius meminimus circa secundam conclusionem principalis quæstionis, qui putant Christo vt homini non intrinsece repugnare peccatum, etiam mortale, consequenter faceri tenentur, qd & quidam eorum fere explicite dicunt, Christum, vt hominem, ex vi solius gratiæ vnionis non esse simpliciter sanctum, & gratum Deo, ipsoq. dilectum, & acceptum. Et quidem hæc opinio contestaria est ad prædictam eorum sententiam, qua censent peccatum non habere intrinsecam repugnantiam cum humanitate Christi vt a verbo assumpta. Nam si ex vi solius hypostaticæ vnionis Christi humanitas simpliciter esset sanctificata, Deoque grata, & accepta: ex vi etiam solius vnionis intrinsecam haberet ad mortale peccatum contrarietatem:

Alij vero theologi quorum sententiam retulit Palud. in alio extremo dixerunt, Christum per gratiam vnionis tam esse sanctum, iustum, Deo gratum, & acceptum, vt sit ociosa & frustanea in ipso habitualis

tialis

tualis gratia cum omni suo spiritali donorum, & charismatum cætu. Inter has duas extremas sententias duas alias intermedias reperio. Quarum altera fatetur quidem habitualement gratiam, cæterolq. supernaturales habitus minime otiosos esse, & superuacaneos in Christi anima, quin potius quam plurimum expedire, & ad eius ornatum, & ad supernaturales functiones suauiori, & connaturaliori modo exequendas. Sed nihilominus addit ista sententia, quod prius natura quàm intelligamus Christi animam habitibus his supernaturalibus perfici, intelligimus illam simpliciter, & formaliter Deo gratam sanctam, iustam, & ipsi Deo acceptam, & vi solius hypostaticæ vnionis. Quam sententiam non leuiter confirmant argumenta à nobis secundo loco informata, & præsertim argumentum primum, quod grauissimis Patrū testimonijs innititur, neq. illi refragatur sacræ scripturæ autoritas, vt ex dictis in eodem primo argumento liquet. Alia deniq. intermedia sententia quæ nouioribus quibusdam Theologis placet affirmat duo. Alterū q. Christi humanitas ex vi hypostaticæ vnionis sancta est, & iusta negatiue, idest, quod nullum potest peccatum neq. actuale, neque habituale admittere, etiam per absolutam Dei potentiam. Alterū vero, quod ex sola gratia vnionis non habet quod sit simpliciter, & positiue grata, sanctificata & iusta super naturali sanctitate & iusticia, sed hoc illi tantum præstat habitualis gratia, reliquis supernaturalibus virtutibus, & donis committata. Ducuntur huius sententiæ auctores in eius persuasionem quibusdam argumentis, ex his quæ in prima parte huius dubij proposuimus. Quorum præcipuum argumentum apud ipsos est illud, quod esse gratum & sanctum formaliter, est formalis effectus, & quidem primarius habitualis gratiæ, quem proinde non potest præstare Christi animæ ipsa vnionis gratia.

Prima Conclusio.

In decisione huius dubitationis. Primam statuo conclusionem. Christi humanitas ex vi solius vnionis ad verbum sancta fuit negatiue, idest, peccandi impossibilitatem induit. Hæc conclusio magna ex parte probata manet ex dictis superius circa conclusionem secundam principalis quæstionis. Quare nunc breuiter me ab eius probatione expeditam. Et quidem si secundum absolutam Dei potentiam accipiatur, non continet adeo solidam veritatem, vt certa sit fide credenda. Neq. oppositam eius sententiam erroris, aut manifestæ temeritatis innotuendam fore crediderim. Sed censeo nihilominus sententiam istam, quam præsens affirmat conclusio, sacrarū Conciliorum decretis, & Patrum testimonijs, imo & sacrarum scripturarum elogijs tam esse consentaneam, vt opposita sententia non possit non Christianas aures aliquantulum offendere. Cōsulantur superius

dicta. Si vëro de factō & secundum ordinariam Dei potentiam intelligatur præsens cōclusio, certum est fidei Catholice dogma. Quod in factis literis habetur expressum 1. pet. c. 2. qui peccatū non fecit, neq. dolus est inventus in labijs eius. Io. c. 8. & alijs capitulis Christus aperte dicit se in omnibus diuinā fuisse sequutum Patris voluntatē. Ergo inquit quæ placita sunt ei, idest patri, facio semper. Quod & Paulus ad Philip. 2. illis verbis factus obediēs vsq. ad mortē, expressit p̄s. 4. de Christo, Paul. ad Heb. 1. interpretatō, dicitur. Dilexisti iustitiā & odisti iniquitatē, &c. Ad He. 7. ita se decebat, vt nobis esset Pōtifex sanctus, innocēs, impollutus, segregatus a peccatoribus, &c. Paul. 2. Cor. c. 5. eū, qui non nouerat peccatū, pro nobis peccatū fecit, idest, hostiā pro peccatō fecit, iuxta phrasim qua Olee c. 4. dicitur de sacerdotibus, Peccatā populi mei comedent. Ita interpretantur August. lib. 14. contra Faustum, & lib. contra epist. fundamenti. Ambrosius S. Thom. & multi expositores in illum Pauli locum, &c. Deniq. hanc veritatē illis verbis Christus Io. 8. nobis testatū reliquit. Quis ex vobis arguet me de peccato? Ratione item probatur. Diuinum verbum in Christo supplet vicem proprii humanitatis suppositi. Sed suppositum proprium teneretur, si posset, omne peccatum ab ea repellere. Ergo licet non ex præcepto, (quia nullius est capax) ex honestate tamen id ipsum pertinet ad diuinum verbum. Legenda sunt Concil. & Patrum testimonia superius allata circa primam cōclusionem principalem, quæ, vt minimū, hanc veritatem aperta definitiōne comprobant.

Secunda ratio. Christus ab instanti incarnationis fuit beatus, repugnat autem peccatō beatico statui: Ergo secundum ordinariam salutem potentiam Christus impeccabilis semper fuit.

Sed contra hanc veritatem opponuntur duæ sacræ scripturæ testimonia, ex quibus videtur colligi Christum aliquando peccasse. Primum ex Psal. 24. longē a salutē meā verba delictorum meorum, &c. Quæ verba ad literam in Christi personā fuisse prophetice asserta, nullus est qui dubitare rationabiliter possit, vt ex argumento sequenti cōstabit. Respondetur iuxta regulā Ticonij ab Aug. lib. de doctr. christ. probatā. Christū ibi nō loqui in persona propria; sed vt mēbra sua representans, eorū peccata sua vocat. Consentaneæ ad illud quod ipse actor. 19. Paulo Ecclesiam persequenti dixit, Saule, Saule quid me persequeris? Hanc expositionem prosequitur eleganter, Gregorius Nazianzen. oratio 36. num. 17. & sequentibus. Vide Theodoret. prædictum Psal. versiculum interpretantem, & Damasc. lib. 3. de fide.

Sed aduertat theologus non esse libere hac metaphorica loquēdi phrasī vtendū. Ob quam libertatem damnatus fuit in Concil. Basiliensi

Henſi, ſeſſ. 23. Quidam Auguſt. de Roma, qui extendens hūc loquen-
di modum colligebat Chriſtum quotidie peccare, quia eius mēbra
aſſidue peccant. Poſſent ſecundo hæc verba ita exponi. Cum hæc deli-
cta mea non ſint, ſed falſa Iudæorum æſtimatione mihi impoſita,
quare tam ſunt longe a ſalute mea? In quo ſenſu intelligitur illud,
pſal. 68. Deus tu ſcis inſipientiam meam, & illud, pſal. 39. (quem
pſ. de Chriſto intellexit Paul. ad Hebr. 10.) comprehenderunt me ini-
quitates meæ, &c. Ita interpretantur Auguſt. & Hylar. ibidem.

Secundū testimoniū ex eodē, pſ. 21. Deus deus meus reſpice in me,
quare me dereliquiſti. Quæ ſunt eademmet illa verba a Chriſto in
agonia paſſionis poſito prolata, Deus meus deus meus, vt quid dereli-
quiſti me, &c. Quæ verba quandam Chriſti impatientiam, imo, &
deſperationem præſeferre videntur, vt quidam noſtri temporis hære-
tici blaſphemantes, & inſanientes intellexerunt: quarum blaſphem-
iam videat theologus apud Lindan. in 2. dialog. Et apud Prateol.
verbo Antichriſtiani, & verbo Premoſtratenſis.

Sic autem prima expoſitio, quod in vtroq; iſto loco, Chriſtus lo-
quitur non in perſona propria, ſed vice membrorum cuius ipſe eſt
caput. Ita Aug. epiſt. 220. c. 6 Leo primus ſerm. 26. & 27. de paſſione
domini, & Damasc. lib. 3. c. 24.

Secunda expoſitio eſt, quod Chriſtus ibi in perſona propria loque-
batur. Et ipſum dereliqui, fuit nō exaudiri eius orationem, quā ad
Patrē in hortu in agonia poſitus fudit. Ita Leo, vbi ſtatim. Orig. ho.
35. in Matthe. admittit quidem hanc intelligentiam, nimirum, quod
Chriſtus in perſona propria loqueretur cū illa protulit verba; dicit
tamen quod Chriſtum non exaudiri a Patre, fuit ſpeciali conſolatio-
ne privati ſecundum partem inferiorem. Ita quod Chriſtus eo modo
dereliſtus eſt malo pœnæ ſubiaceere, talibusq; ac tantis paſſionibus af-
fici, quo peccator derelinquitur a deo cum in malum culpæ ruit. Fue-
runtq; verba illa a Chriſto pronuntiata, vt grandem doloris, & paſſio-
nis ſuæ acerbitateſtenderet, & vt notum fieret eum vere, & pro-
prie pati, & non ſolum apparenter. In qua re tanto confirmata testi-
monio non defuerunt adhuc hæretici, qui naufragiū paterentur. Nō
refragatur huic intelligentiæ Tertulian. contra Praxeam, dicitq; ibi
prædicta verba fuiſſe a Chriſto, vt homine, prolata, vt ostenderetur di-
vinitatis impaſſibilitas. S. Cyril. lib. 1. ad Reginas docte animaduer-
tit illa verba, vt quid dereliquiſti, non dubitantis eſſe, ſed dolentis, &
gementis. Vti Exod. 32. dicebat Moyses. Quare ira ſceſtis domine?
& pſal. 42. Pſalmiſta dicit. Quare me repuliſti, &c.

Secunda Concluſio.

Chriſtus, vt homo, ex vi hypſtaticę vnionis prius natura quā ſue
ſit præditus habituali gratia, ſimpliciter fuit ſanctus, gratus, & ac-
ceptus,

ceptus Deo sanctitate, & gratitudine personali: quæ proinde gratitudo, & sanctitas conueniret Christo etiam si ab eius humanitate secluderetur ipsa habitualis gratia. Ista conclusio adeo certa est (ni fallor) vt eius oppositum, nec cum probabilitate, nec cum securitate affirmari queat. Quam efficacissime suadent argumenta, quæ in patrociniū affirmantis sententiæ, in secunda huius dubij parte paulo superius formauimus, &c.

Et ipsam præterea in hunc modum confirmo. Vnio hypostatica est vere, & proprie gratia, & ita communiter a theologis vnionis gratia nuncupatur. Quæ gratia facta fuit Christo non vt Deo, sed vt homini: Ergo ex vi eius, Christus, vt homo, gratus est, & acceptus Deo, atque adeo, & sanctus. Ad intelligentiam vero huius conclusionis, & omnium, quæ dicimus post hæc in præsentī dubio. Notandum est primo, quod cum in hac conclusione diximus Christum ex vi hypostaticæ vnionis gratū esse gratitudine personali, non intendimus, quod ipsa Christi persona sit Deo grata. Nam res est sine controuersia, quod persona Christi, est infiniter sancta, & grata Deo. Est enim filius Dei dilectissimus, in quo Patri bene sibi complacuit. Et est etiam in Theologia manifestum, quod hæc infinita sanctitas, & gratitudo non competit personæ Christi ex vi hypostaticæ vnionis, aut ex gratia vnionis, sed ex æterna generatione, qua naturalis Dei filius ex patris vtero ipsi æqualis, & consubstantialis prodijt. Personæ namque Christi nulla potuit gratia fieri, neque diuina filiatio ex vi cuiuspiam gratiæ ei potest competere. Non enim per gratiam, sed per naturā est naturalis Dei filius. Quo circa loquimur de Christo formaliter includendo ipsam eius naturam humanam, & id affirmamus, quod substantialis gratitudo, & sanctitas personæ diuinæ, nempe, verbi, ex vi hypostaticæ vnionis communicata est Christi humanitati, non accidentaria aliqua participatione, sed communicatione substantiali, qua verbi personalitas communicata est humanitati, & humanitas verè, & proprie personaliter terminatur, & completur ipsa diuini verbi personalitate, in qua substantiali communicatione consistit vnionis gratia. Neque vlla valet cogitatione comprehendere, quod hoc esse diuinum personale humanitati communicetur, & quod ipsa non præcipuo amore a Deo diligatur, quia velle illi tantum bonū, est ipsam diligere, & amare dilectione præcipua: atque adeo non potest Christi humanitas non esse valde grata, & accepta Deo. Neque potest non esse sanctissima personali sanctitate, quatenus ad ipsam pertinet ipsa sanctissima verbi personalitas, eam personaliter complens, & terminans.

Notandum secundo. quod Christus Dominus triplici gratitudine est gratus, & dilectus Deo. Prima est necessaria substantialis, & omnibus modis infinita, quæ ipsam Christi personam, vt vltimum termi-

num

num per se primo respicit, estq. dilectio, & gratitudo illa, qua pater naturali dilectione diligit Christum, prout est naturalis & vnigenitus eius filius. Quæ proinde non ob id gratitudo dicitur, quia sit effectus gratiæ, & alicuius gratuiti doni, sed dicitur gratitudo obiectiue, in eo sensu, in quo id totum, quod voluntati placet, ipsi gratum dicitur, & acceptum, siue libera, siue necessaria dilectione & complacentia placeat. Secunda etiam est substantialis, & infinita, sed terminatur ad aliquid finitum, ad humanam, videlicet, Christi naturam, ex qua parte non est necessaria, sed libera simpliciter. Et hæc est gratitudo quæ ad gratiam vnionis pertinet, qua Deus voluit humanitati infinitum & substantiale bonum, ipsum, nempe, personale esse diuini verbi. Itaq. illudmet diuinum esse verbi quod Deus naturali, & necessario amore secundum seipsum ab æterno dilexit, vt ipsum dilectionis obiectum; libera quoq. & spontanea dilectione amauit per ordinem ad humanitatem, & ad temporalem communicationem, id est, voluit ipsum humanitati communicare, ac amauit proinde illud vt donum humanitati communicandum. Et quoniam hæc communicatio fuit tantum personalis, neq. aliter esse potuit, quia diuinitas non potest per se primo, & immediate humanitati communicari prout est forma, & natura diuina, sed tantum in ratione personalitatis. Idcirco hæc gratitudo vere, & proprie personalis dicitur, & si ad naturam humanam cui facta fuit gratia terminetur. Et in eo sensu gratitudo dicitur, vt designet effectum gratiæ, id est, doni gratuiti, & summi beneficii ex gratuita dilectione collati, scilicet, hypostaticæ vnionis: quæ vere fuit gratia, & gratuitum donum, immensum que, & ineffabile beneficium Christi humanitati collatum. Est tertia denique gratitudo accidentalis, & participata, & non simpliciter infinita. Et hæc est, quæ conuenit Christi humanitati per habitualement gratiam, qua diuinæ naturæ participium ei formaliter communicatur. Hæc gratitudo non personalis est, sed potius formalis, id est, consistit in communicatione formæ perficientis, & eleuantis humanam Christi naturam. Et hæc tertia gratitudo conuenit quidem cum secunda, in eo quod vtraque est effectus liberalis, & gratuite dilectionis, & vtraque consistit in communicatione beneficii gratuiti. Differt autem in duobus ab ipsa. Primo, quod illa est substantialis, nam bonum gratuito collatum humanitati est ipsamet substantialis diuini verbi personalitas. Hæc autem est accidentalis, nam tota sita est in communicatione diuinæ naturæ per formam accidentariam, qua subiectum fit diuinæ naturæ particeps. Secundo, quod illa est personalis, quia bonum humanitati per se primo collatum, ipsa tantum est verbi personalitas per modum personalitatis humanitati vnita. Ista vero est formalis, id est, per modum formæ actuantis, & eleuantis huma-

nitatem Christi, & communicantis illi non personalitatem verbi, aut cuiuspiam alterius diuinæ personæ, sed ipsammet diuinitatem prout est forma, essentia, & natura tribus diuinis personis communis. Vnde de duplici ex causa formalis gratitudo vocatur: & quia est effectus formæ, scilicet, habitualis gratiæ, & quia consistit in participio naturæ diuinæ secundum rationem naturæ & substantialis formæ. Et in hoc utroque sensu appellabitur deinceps à nobis formalis gratitudo, & sanctitas. Ex dictis, ergo, ad propositum colligo: quod cum triplex in Christo distingui possit diuina gratitudo Essentialis, personalis, & formalis: nostra hæc secunda conclusio non de essentiali, quæ Christo tantum, ut Dei filio, naturalis est, & propria: neque de formali, quæ effectus est habitualis gratiæ, sed de personali duntaxat est accipienda. Vnde conclusio hæc de illa gratitudine est intelligenda, quæ ad vñionis gratiam spectat. In quo sensu illam ostendunt verissimam argumenta secundo loco facta.

Tertia Conclusio.

Christus ex vi solius hypostaticæ vñionis non est simpliciter gratus formali gratitudine, sed tantum radicaliter. Probatur prior huius conclusionis pars. Gratitudo formalis est effectus formalis, & primarius habitualis gratiæ, ut ex ijs, quæ dudum assereram, fiet legenti manifestum. Ergo ex vi solius hypostaticæ vñionis, & prout ordine naturæ gratiam habitualement antecedit, Christus nequit esse simpliciter gratus, & sanctus formali gratitudine, & sanctitate. Priorem hanc conclusionis partem efficaciter probant quædam argumenta ex informatis pro negatiua sententia in priore parte huius dubij. Posterior pars conclusionis sola eget explicatione. Et id affirmat hæc conclusionis pars, quod sicut rationalitas est radicaliter risibilitas, quia ex rationalitate oritur naturaliter: sed quandiu non intelligitur in homine ipsa risibilitas, homo risibilis simpliciter minime dicitur, sed risibilis radicaliter, in quo sensu solet à quibusdam vocari risiuus: Ita Christus ratione vñionis tantum radicaliter est sanctus, & gratus gratitudine formali, quia habitualis gratia, cuius est effectus hæc gratitudo formalis, radicaliter præhabetur in vñione.

Ex ijs duabus postremis conclusionibus fere omnia argumenta in utramque partem posita facillimam accipient solutionem. Sed rogat nos quis, utra sit potior in Christo gratitudo & sanctitas, personalis, an formalis, Huic dubitationi per 4. conclusionem respondeo.

Quarta Conclusio.

Sanctitas & gratitudo personalis potior est, & perfectior sanctitate & gratitudine formali. Hanc conclusionem intelligo non in materiali, sed in formali sensu, nimirum, quod in formali ratione sanctitatis & gratitudinis excellit personalis gratitudo & sanctitas: nam

mate

materialiter, & in ratione entitativa facile ab omnibus admittetur, cum personalis sanctitas consistat in conjunctione reali ad verbum, quod est ens perfectissimum. Negant hanc conclusionem nouiores quidam docti Theologi. Sed Patres sanctissimi illam in praecitis testimoniis expresse affirmarunt, quorum sententiam amplectuntur ex recentioribus nonnulli. Et crediderim huius sententiae persuasionem teneri illi Theologi, qui magna cum probabilitate fatentur opera Christi moraliter honesta, & studiosa fuisse simpliciter meritoria, (& quidem ex iustitia exacta) quamuis non proficerentur ex habituali gratia, sed ex sola gratia vnionis, id est, à Christi humanitate non eleuata per habitualem gratiam, sed à diuino verbo personaliter terminata. Nam si sola hypostatica vnio potens est tribuere perfectam rigurque meriti rationem erga supernaturalia, & cœlestia bona, quam meriti perfectionem gratia habitualis minime tribuit, nisi ratione ipsius hypostaticæ vnionis; promptum erit cuique inferre, quod gratitudo personalis, quam tribuit humanitati ipsa hypostatica vnio sanctiorem, & gratiorem simpliciter reddit Christi animam, quam habitualis gratia. Dixi simpliciter. Nam secundum quid omnes fatebimur gratiam habitualem potiore, & maiorem gratitudinem, & sanctitatem conferre animæ, & quatenus eam reddit gratam, & sanctam formali sanctitate, & gratitudine, replens formaliter potentiam illam obedientialem, quæ repetitur in anima ad ipsam habitualem gratiam: quam potentiam vnionis gratia non replet formaliter, sed radicaliter duntaxat: & quatenus proxime ad operandum disponit potentias animæ per virtutes ipsius gratiæ essentiam comitantes. Tribuitque ipsis studiosis animæ actionibus non solum moralem condignitatem ad supernaturalia, & cœlestia bona, quod facit hypostatica vnio, ut probabitur inferius, sed etiam condignitatem, & proportionem Physicam, quam sanctitas constituit, prout formaliter eleuat animam ad diuinum ordinem, & ex illa effluunt supernaturales uirtutes infusæ, quæ sunt proxima principia supernaturalium actionum.

alias, illos
Theologos

Sed iam probatur, quod in ratione formalis sanctitatis, & gratitudinis, & non solum in esse entitativo, personalis gratitudo, & sanctitas formalem gratitudinem, & sanctitatem excellat. Primo. Sanctitas personalis nullum secum admittit peccatum, neque etiam veniale, quod superius ostendimus, at sanctitas formalis secum admittit veniale peccatum. Ergo cum recessus à peccato per se attineat ad sanctitatem, personalis sanctitas, in ratione sanctitatis, potior est, & perfectior. Secundo probatur. Sanctitas consistit essentialiter, & formaliter in vnione, & conjunctione ad Deum, qui est sanctus per essentiam, iuxta illud, sancti estote quoniam ego

N Sanctus

sanctus sum, sed unio hypostatica maior est, & perfectior ad Deum coniunctio, quam unio, quæ sit per iustificantem, & habituales gratiam. Nam illa unio est substantialis, hæc uero accidentalis, & per participationem. Ergo, &c.

Tertio probatur. Gratia unionis est simpliciter maius bonum naturæ humanæ Christi, quam habitualis gratia. At nisi maiorem simpliciter sanctitatem ei conferret, haud quaquam simpliciter esset censendum maius humanitatis bonum. Ergo, &c. maior asseritur, & explicatur à S. Thom. discipulis 3. p. q. 24. art. 1. & 2. ex quo inferunt, quod Christus ut homo, prædestinatus est, ut esset filius Dei naturalis per unionis gratiam, & non fuit prædestinatus ad gratiam habituales.

Tandem illa omnia argumenta quibus probauimus, quod per unionis gratiam Christus, ut homo, est sanctus, & gratus Deo, eque probant si bene expendantur, quod sanctior est, & gravior simpliciter per hanc gratiam, quam per habituales; *et nota. et nota. loquid est qd*

His tribus conclusionibus postremis, sic à nobis expositis conciliantur diuersæ Theologorum sententiæ, & argumenta in utramq; partem huius dubii proposita promptam habet, & probabilem solutionem. Et quidem argumenta secundo loco facta noua aliqua solutione non egêt, quia ex conclusionibus propositis manent soluta, & explicata. Illud autem duxat animaduertendū esse duxi circa argumentū primū, quod grauissimis Patrum testimoniis constat, quod Patres illi sanctissimi qui Christi humanitatem per ipsam unionis gratiam sanctam, ac deo gratam, & acceptam esse dixerunt, nusquam negauere eandem Christi humanitatem formaliter, & sanctificari, & gratificari per habituales gratiam. Quin potius variis in locis id confirmarunt, & eisdem in locis in quibus priorem sanctificationem, & gratitudinem docuerunt, si ipsorum bene expendantur verba, vel explicant, vel insinuant saltem, quod hanc personalem sanctitatem, & gratitudinem committatur in Christi anima formalis gratitudo, & sanctitas, quam ei tribuum habitualis gratia, & reliqua Spiritus sancti charismata. Quod ipse superius in verbis S. Athanasij animaduerti, & prompente erit cuique eadem animaduersione uti in reliquis Patrum testimonijs.

Oportet autem in speciem dissoluamus argumenta, quæ pro sententiâ negatiua priori loco informauimus.

Ad primum. Nonnulli Theologi ex nouioribus absolute sententur, quod peccandi impossibilitas in Christi anima, est, & totaliter est ad ipsam uerbi prouidentiam reducenda, & non ad aliquam realem, & physicam internam animæ dispositionem, cum qua peccatum intrinsecam habeat oppositionem, & repugnantiam. Verum ego aliter sentio, existimo enim, quod ipsa personalis terminatio, qua humanitas uerbi personalitate realiter terminatur, ex sua natura incomp

biliterem habet realem, & physicam cum quouis peccato etiam ha-
 bituali, nam hoc ipso, quod humanitas vere, & realiter effecta est na-
 tura uerbi in ipso suppositata, nequit habere in semetipsa realem ali-
 quam dispositionem, seu actuaalem, seu habituaalem diuinæ ipsius
 uerbi uoluntati repugnantem, quin potius expedita esse debet, ut in
 omnibus sequatur uerbi ducatum, diuinæque eius uoluntati pareat.
 Quocirca ipsa passua terminatio personalis est quidam uirtualis
 redificatio humanitatis Christi, excludens totaliter ab ipsa om-
 nem moralem deordinationem. Et huius ratio ea est, quia ex illa
 personali terminatione uerbi, habet humanitas nihil operari posse ni-
 si sub actuali uerbi, eiusque diuinæ uoluntatis motione, & directione.
 Natura enim per se pendet a supposito, & in esse, & in operari. Quo-
 fit, ut eo ipso, quod humanitas per hypostaticam unionem ad uerbum
 subiicitur eius motioni, & directioni, uirtualiter redificatur. Imo di-
 ci potest, quod talis passua subiectio est formalis humanæ naturæ
 redificationis: ita quod est intrinseca oppositio inter huiusmodi passua
 terminationem quatenus subiicit plenam naturam humanam di-
 rectioni uerbi, & inter: moralem deordinationem ipsius humanæ na-
 turæ. Quia talis deordinatio siue actualis fuerit, siue habituaalis exi-
 mit humanitatem a plenaria illa uerbi superioritate, & directio-
 ne, cui humanitas ex vi hypostaticæ unionis subiicitur. Cui hæc
 non placuerint dicat, Verum esse, quod ipsa passua personalis
 terminatio à uerbo in Christi humanitate suscepta, non sufficit se-
 sola repellere ab ipsa Christi humanitate omnem moralem deordi-
 nationem, præsertim habituaalem (nam quod actuaalem totaliter im-
 pediat quasi per modum cuiusdam contrarietatis mihi est certissimū)
 repellit tamen illam realiter, & physice in hoc sensu, quod, vere, &
 realiter debita est illi, cōnaturalitatis debito, specialissima diuini uer-
 bi assistentia, & prouidentia, quæ omnem moralem deordinationem
 ab humanitate remoueat. Quod plane debitum tam strictum est, &
 rigurosū, ut contradictionem inuoluat, diuinum uerbū non uci specia-
 lissima hac prouidentia & cura, erga humanitatē, quā ad se suscepit.
 Prior huius primi argumenti confirmatio nihil aliud efficit, si quic-
 quam probat, quam quod ipsa unio uerbi ad humanitatem non est se-
 sola sufficiens, nisi interueniat specialis ipsius uerbi prouidentia, ad
 excludendam omnem moralem deordinationem, præsertim habi-
 tuaalem, quod nos in secunda solutione admisimus. Præterea di-
 co, quod licet personalitas uerbi non inducat formalem aliquam
 immutationem in Christi humanitate, cui repugnet moralis defor-
 mitas, & de ordinatio per modum formalis contrarietatis, inducit
 tamen personalem terminationem passuā quæ est uera, & realis ipsius
 humanitatis immutatio, cui repugnat omnino, omnis moralis deor-

dinatio in eadem humanitates, tanquam primæ radii totius moralis rectitudinis, & sanctitatis formalis. Ad eum modum quo calor, & si non opponatur aquæ formalis oppositione, sed eius frigiditati, naturaliter eam non repugnat, opponiturque illi ut primæ frigiditatis radii. Hæc autem repugnantia non tam ad moralem, quàm ad ordinem physici spectat. Illam vero in præsentia moralis ordinis, qui ad extrinsecam dei providentiam pertinet, & non cõsurgit ex intrinsecis principiis rei.

Posterior confirmatio non nihil nobis difficultatis offert, ob quam nonnulli recentiores Theologi censent, quod ad totam Trinitatem immediate est referenda illa specialissima Dei providentia de Christi humanitate, de universisq; eius actionibus. Quamvis tandem ad ipsum verbum sic referenda, prout ipsius humanitatis suppositum. Nam id tantum est Deo de hac humanitate cura, quia in divino verbo supponitur ad ipsumque; proinde verbi dignitatem pertinet, ne humanitas hæc in suis deficiat actionibus, & quid deforme, & inhonestum admittat. Hæc solutio, & doctrina non est cur improbecur, sed in hi nihilominus aliud apparet. Censeo namque, quod verbum non provideo suæ humanitati per divinum rationem, & voluntatem immediate. Sed ipsa humana ratio ne utens, ipsam quæ mouens, & applicans, ut suæ omnium, & naturalium, & supernaturalium virtutum utatur, ad voluntatem rationalem, & appetitum in suis omnibus adhibitis, & motibus moderandis, & dirigendum. Et quidem si originalis iustitia vim cõtulit rationi in primis parentibus, ut assidua, & infallibilis deliberatione omnem voluntatis, & appetitus sensibilis motum antecederet. Cur id non efficiet personalis unio divini verbi in ipsa Christi humanitate? Quod si aliud opus ab humanis exercendum poterat in Christo fuerit, quod omnes ipsarum potentiarum, & naturales, & supernaturales, ut res exuperet, tunc fateor tale opus, & tota ipsius dispositio & directio immediate ad divinam virtutem, & rationem redupentur. Et humanitas cum suis omnibus potentiis rationem tantum instrumenti sortiretur in tali opere. Et licet specialiter opus illud verbo tribuendum sit, eo quod exercetur per humanitatem, quæ ei tantum est personaliter coniuncta, & eius dumtaxat est coniunctum instrumentum, nihilominus tamen simpliciter loquendo ad totam Trinitatem immediate opus illud, & quoad præordinationem, & quoad executionem illud revocandum. Quia reuera non procederet à verbo, ut ab humanitatis supposito, sed ut est suppositum divinæ naturæ simul cum Patre, & spiritu sancto per divinam virtutem immediate operans. Ad hoc genus pertinent opera mirabiliosa à Christo per humanitatem edita.

Ad secundum argumentum. Respondetur ex dictis circa conclusionem secundam, quod effectus formalis gratiæ habitualis non est facere habentem gratum Deo ut eumque, nam hic effectus communis est

gratiz habituali, & gratiz vnionis. Sed est facere ipsum gratum Deo gratitudine formali, & secundum participationem naturæ diuinæ, vt superius circa secundam conclusionem exposui.

Ad confirmationem dicitur quod non est simpliciter concedendum supposita hypostatica vnione humanitatis ad verbū, quod Christus, vt homo, non habeat gratiam, sed quod non habet habituales gratias, & tunc conceditur similiter, quod nō est gratus formali gratitudine, sed oportet fateri illum esse Deo gratum gratitudine personalis, quæ est quasi formalis effectus gratiz vnionis.

Solutio inter arguendum insinuata quæ procedit de eminentiali continentia qua ipsa vnionis gratia continet habituales, non satisfacet, quia vt diximus in conclusione huius dubij non satis est hæc continentia, vt Christus formaliter denominetur gratus gratitudine participantem ad ipsam habituales gratias quæ est formalis gratitudo. Si quidem diuinum verbum vniretur humanitati formaliter, idest, per modum formæ adiuuantis ipsam, & constituentis eam formaliter diuinam, locum haberet illa solutio. Quia tunc humanitas esset grata deo gratitudine formali diuina eminentissime completenti habituales gratias, & formalem gratitudinem. Nunc autem cum verbum personaliter tantum humanitati copuletur, non tribuit ei gratitudinem formalem, neq. formaliter, neq. eminenter, sed tantum suppositale, quæ radicaliter quidē præhabet habituales gratias nō vero eminentia formali, ita vt denominet humanitatē gratā, & sanctam per modū formæ eminentioris, sed tantū per modū eminentissimi suppositi.

Ad tertium argumentum facile potest accommodari solutio ex his quæ ante dicebamus. Respondeturq. breuissime, quod seclusa habituali gratia à Christi humanitate, Christus, vt homo, neq. gratus est aliis, esse formali gratitudine, sed personali dumtaxat, neq. vero acceptus esset simpliciter loquendo ad gloriam siue animæ, siue corporis, sed tantum radicaliter, & si deberentur illi connaturalitatis debito, & gratia habitualis, & gloria.

Sed nihilominus absolute dicendus esset gratus, & dilectus Deo, quia ad hanc propositionem absolute verificandam, satis esset ipsa vnionis gratia quæ ipsum personali sanctitate, & gratitudine sanctū, & gratum constituit, ipsiq. debito connaturalitatis debitam efficit habituales gratias, & eam quidem consummatam.

Ad quartum argumentum communiter solet responderi per solutionem inter arguendum assignatam, quæ solutio sicut communis ita est & probabilis. Vnde ad replicam ibidem subiunctam respondetur, quod Christus per gratiam vnionis non dicitur simpliciter gratus, & sanctus sine respectu aliquo ad habituales sanctitatem, & gratiam, non tamen per ipsam gratiam habituales formaliter appellatur.

retur gratus, & sanctus, si eam à Christi humanitate secludamus, sed per solam vnionis gratiam.

Volo dicere quod nisi unionis gratia in semetipsa tamquam in radice præhaberet habitualē gratiā, reuera non esset gratia vnionis, atq. adeo neq. Christū, vt hominē, denominaret gratū. Sicut rationalitas nō cōstitueret hominis essentiā, neq. reuera esset rationalitas, nisi virtute contineret disciplinabilitatē, risibilitatē, intellectū, voluntatē, & reliquas proprietates & potentias humanæ naturæ debitas, Verum supposito quod ipsas virtute & radicaliter continet, etiam si animo fingamus Deum miraculose impedire naturalem omnium earum effluxum, formaliter, & se ipsa constitueret hominis essentiā, ipsumq. simpliciter denominaret hominem. Ita proportionabiliter de Gratia vnionis respectu habitualis gratiæ dicendum est.

Secundo respondetur quod in casu argumenti, nimirum, si Deus assumeret Leoninam naturam, hypostatica vnio, non ob id formaliter & rigurose loquendo, careret ratione gratiæ & gratuiti doni, neq. ob id non posset denominare Leonem illum in quantum Leonem, sanctum, & gratum Deo, quia natura Leonina incapax est gratiæ habitualis, & gloriæ, sed quia expers est cognitionis intellectualis, quæ possit vnionem illam hypostaticam cognoscere, & in ratione summi doni, & gratuiti beneficii sibi collati accipere. Etenim natura quæ incapax est ad iudicandum de gratiā sibi exhibita, & beneficio collato, incapax etiam simpliciter est, suscipiendi beneficii in ratione formalis beneficii, & gratuiti doni, quamuis materialiter possit ipsum donū, & beneficium suscipere: V. c. si Deus æri aut ferro qualitates, perfectionesq. auri tribueret, & si ipsum ferrum aut æs, vere & realiter perficeret nullo tamen ipsum afficeret beneficio, aut dono, si proprius & formalis sermo fiat, eo quod ferrum, aut æs, nullatenus valet perfectionem illam suæ naturæ superadditam cognoscere, & accipere in ratione doni, & beneficii.

Ita ergo in posito casu vere dicit Theologus, quod natura Leonina magnam, & ingentem acciperet perfectionem ex vnione ad verbū suppositali, non vero diceretur accipere gratiam, aut beneficium, seu gratuitum donum ob incapacitatem cognitionis prædictæ, atq. adeo tunc Leo ille qui simul esset deus & Leo, non esset, vt Leo sanctus, & deo gratus, & acceptus. Consulto dixi, vnione suppositali, quia tunc licet verbum vniretur naturæ Leoninæ in ratione suppositi, non tamen in ratione personæ, & quamuis esset simpliciter suppositum Leoninum, non tamen esset persona Leonina, quia persona importat suppositum rationalis naturæ. Dicunt nonnulli Theologi ex recentioribus, quod illa data hypotesi, quam supponebat quartum istud quod dissoluimus argumentū, cōcedendū foret, quod naturæ Leoninæ ad personalem

nalem verbi vnitatem assumptæ deberetur ex vi vnionis summa illa naturalis perfectio, quæ apta esset conuenire illi naturæ: vnde leo, ille in quantum leo, perfectissimus omnium esset leonum. Probabiliter hoc dicitur, sed forsam non necessario.

Ad quintum argumentum respondetur ex doctrina Caiet. 3. part. quæst. 24. art. 2. Quod Christus, vt homo, non est filius dei, neque adoptiuus, neque naturalis, si absolute, & absque vlla explicatione hæc propositio, Christus, vt homo, est filius dei, proferatur. Est tamen vera ista propositio, si addamus hanc explicationem, scilicet, per gratiam vnionis, & tunc est dicendum, quod Christus, vt homo, per gratiam vnionis, est filius Dei naturalis, & eadem ratione est sanctus, & gratus Deo personali gratitudine, & sanctitate.

Ex his quæ tam fuse diximus in explicatione huius incidentis dubij, facillime dissolui potest, Primum argumentum primæ principalis controuersie, ad cuius exactam solutionem hæc incidens dubitatio fuit à nobis exagitata, & exposita. Igitur, respondetur, ad illud primū argumentum, & dicitur ad maiorem eius præmissam, quod habitualis gratia non fuit necessaria in Christi anima vt eam simpliciter, & absolute gratam, & dilectam Deo constitueret, nam ad hoc sufficiebat ipsa vnionis gratia: sed vt eam redderet formaliter gratam, acceptam Deo, & sanctam, formali gratitudine, & sanctitate, iuxta modū superius expositum. Minor eiusdem argumenti præmissæ distinguenda est consimili distinctione, est enim verissima si de sanctitate, & gratitudine personali intelligatur, falsa vero, si procedat de formali sanctitate, & gratitudine.

Solutio primæ
mi argum.
principalis
quæst.

Ad primam confir. neg. antecedens, ad probationem dicitur quod gratia vnionis est quidem infinita sed personaliter tantum, quæ proinde potest secum admittere in Christi humanitate habitualem gratiam, quæ formalem præstat gratitudinem, & sanctitatem, sine qua non esset vndiquaque sancta, & grata ipsa Christi humanitas, sed personæ alter duntaxat.

Estq. aduertendū, quod licet ipsum esse verbi sit omnibus modis infinitū, & infinite sanctū, & infinite gratū Deo, & personali & formali sanctitate, & gratitudine, nō tamē vnitur, & communicatur humanitati, secundum omnimodam sanctitatis & gratitudinis rationem, si ad modū quo humanitati cōmunicatur attendamus: quia non ei cōmunicatur per modum formæ, sed per modum tantum personalitatis seu personæ, atque adeo relinquit locum habituali gratiæ, per quam Christi humanitas formali sanctitate & gratitudine gratificetur, & sanctificetur: eo quod verbum, ex modo quo humanitati communicatur, non adimplet obedientialem potentiam quam habet Christi anima ad formalem sanctitatem, & gratitudinem. Ac proinde omnino

est

est negandum habitualement gratiam super vacancam esse, & otiosam in Christi anima, nam potius fuit valde conueniens, & secundum ordinariam, & Dei suauem dispositionem necessariam. Consulto paulo ante dixi, ex modo, & secundum modum, quo verbum humanitati vnitur, nam re ipsa in Christo omnis habitat plenitudo diuinitatis verbi & personalis, & assentialis, sed non per modum essentialis formæ vnita. Et ob id locus relinquitur habituali gratiæ, per quam ipsa deitas animæ Christi communicatur per modum formæ, participatiua tamē communicatione.

Huius rei non erit fortassis ineptum exemplum de essentia diuina in ratione speciei intelligibilis beatificato intellectui vnita, desumptum Nam licet diuina essentia non solum infinita sit in ratione speciei, sed etiam in ratione diuini Luminis, lumen enim Deus habitat accessibile, id est, suo infinito, & substaorali lumine, quali totus circumfunditur, & illustratur: qui modus loquendi super abundantiam, & infinitatem diuini luminis ostendit. Quia vero non per modum luminis, sed per modum speciei intelligibilis duntaxat intellectui beatificato vnitur, locum relinquit creato lumini gloriæ in eodem intellectu, quin, & ipsum exigit, & per modum necessariæ dispositionis, vt inquit S. Thom. 1. par. q. 12. art. 5. & per modum intellectiue virtutis, per se & necessario requiritur, saltem secundum ordinariam Dei potentiam, ad eliciendam ipsam beatificam, & facialem, Dei visionem.

Ad secundum confir. eiusdem primi principalis argum. respondetur, quod virtualis, & eminentis continetia duplex esse potest. Altera secundum formam superiorem, quæ se ipsa, eminentiori tamen quodam modo, totum id exequatur, quod prestari poterat ab inferiori forma: ita quod impleat totam potentiam, & capacitatem subiecti quam inferior forma adimpleret. Hoc eminentiæ genere anima rationalis eminenter continet inferiores formas corpoream, vegetatiuam, & sensitiuam, confert enim seipsa omnes gradus substantiales quos conferre possunt formæ istæ inferiores, & id quidem eminentiori, & altiori modo. Altera vero eminentialis continetia potest esse secundum rationem principij, effectiui, seu quasi effectiui, iuxta quem modum rationalitas eminenter continet risibilitatem, quia per modum substantialis, & eminentis principij, eam quasi efficienter causat, & efficit, dixi quasi efficienter, quia non per propriam actionem, sed per naturalem effluxum risibilitas a rationalitate efficitur.

Hac supposita distinctione dico, quod cum forma illa quæ priori modo præhabet eminenter inferiorem formam, non compatitur ipsa inferior forma, vt in homine cum rationali anima non compatitur alia substantialis forma vegetatiua, aut sensitiua, & cet. eo, quod ipsa superior, & eminentior forma implet totam illam subiecti

capa-

capacitatem, quam adimplere posset forma inferior. Caterum cum forma eminentiori quæ posteriori modo præhabet formam inferiorem, bene compatitur ipsa inferior forma, non modo secundum absolutam dei potentiam, verum etiam secundum ordinem connaturalium rerum, ut risibilitas compatitur cum forma rationali, imo naturali ordine ipsam consequitur. Gratia igitur unionis secum compatitur habitualem gratiam in Christo, imo & illam secum affert naturali consequentis ordine, quia continentia virtualis, & eminens quæ eam continet posterioris generis est. Si quidem verbum humanitati uniretur per modum formæ ipsam deificans, & non tantum per modum hypostasis, forsitan dicendum esset, quod continentia gratiæ habitua-
lis respectu eiusdem humanitatis assumptæ erat prioris generis, & quod non secum admitteret habitualement gratiam secundum potentiam salutem dei ordinariam.

Iuxta prædictam distinctionem explicanda est utraq. secundæ confirmationis præmissa.

Sed rogat quispiam, quid sit dicendum de exemplo ibidem allato, Num, videlicet, sol qui luce sua eminenter continet calorem, capax sit eiusdem caloris formalis. Videbatur enim vera pars affirmatiua ex distinctione tradita, quia illa eminentialis continentia caloris in luce solis posterioris generis est. Respondetur, & primū existimo, quod si absolutā Dei contēplemur potentiā, posset sol calore formali affici, quoniam nullā in hac re contradictionē intueor. Quæ tamē esset sine dubio si eminentialis cōtinentia caloris in priori genere locaretur, ut in exemplo de anima rationali dudum posito, facile constat.

Sed secundo dico, quod secundum ordinem naturæ sol incapax est formalis caloris, non quia ipsum eminenter continet, sed quia tali cōtinet eminentiæ modo, scilicet, modo quodam incorruptibili, cui proinde repugnat corruptibilis forma, qualis est formalis calor.

Ad secundum negatur antecedens quo asseritur Christi animam, prout verbo unitam incapacem esse primarij effectus formalis gratia. Ad probationem dicitur, quod unio hypostatica animæ rationalis ad verbum non tollit capacitatem animæ, ut habeat esse diuinum participatum formali participatione, quoniam non est deificata per unionem hypostaticam formali deificatione sed personali dumtaxat. Hæc solutio explicanda est, & intelligenda ex his quæ diximus in resolutione dubij præcedentis, quod circa solutionem primi argumenti fuit exagitatum.

Primæ confirmationi respondeo, quod eo modo quo Christi humanitati competit diuinum esse per essentiam, repugnat ei omnino esse diuinum participatum. Vnde sicut ei competit diuinum esse per essentiam unioni personali, & hypostatica, ita repugnat ei esse

Solutio 1.
principalis
argumenti,

personaliter per participationem diuinæ hypostatis. Quia vero per modum formalis deificationis non habet esse diuinum essenziale, ideo participatio formalis potest per gratiam diuinum esse participare.

Ad secundam confirmationem dicitur, quod hæc propositio Christus, in quantum homo, est Deus per participationem, concedenda est, sicut conceditur ista Christus, ut homo, est ens per participationem, & hoc conuincitur confirmatione facta. Cæterum hæc propositio Christus est Deus per participationem, omnino est neganda, sicut & illa Christus est ens per participationem. Quoniam esse per participationem includit implicite negationem essendi per essentiam, atq. adeo nisi apponamus illam specificationem, in quantum homo, negatur Christo essentialis diuinitas, cum dicimus Christum esse Deum per participationem.

Tertium argumentum, eadem fere solutione dissoluitur, qua dissoluimus argumentum secundum. Nam respondendum est huic tertio argumento, Christum ut hominem, personaliter tantum esse similem patri, essentiali, & perfecta similitudine, cum qua bene stat participata per gratiam similitudo in Christi anima, quia hæc non personalis est, sed formalis similitudo. De qua similitudine non desunt viri docti qui interpretentur illud Pauli Colos. 1. Qui est imago Dei inuisibilis primogenitus omnis creaturæ. Christus, ut homo, per gratiam habitualement miram quadam expressione ipsam Dei naturam refert, cuius ratione imago Dei inuisibilis à Paulo vocatur. Itaq. Christus ut Deus naturalis est diuini Patris imago, est namq. splendor gloriæ & figura substantiæ eius, atq. adeo personaliter est Patri perfecte similis, eiusq. cōsubstantialis imago. Ut homo autē vere est ipsi Deo per gratiam quoq. similis, non consubstantiali tamen, & adequata, sed participata similitudine: summa tamen quæ secundum ordinariam Dei potentiam exprimi potuit. Et hac ratione inuisibilis Dei imago dicitur.

Hebr. c. 1.
Dubiū gra-
ue.

Quartum argumentum non leuem nobis differendam difficultatem lubministrat. Num, videlicet, Christus ratione habitualis gratiæ adoptiuus Dei filius censerī debeat. Cuius dubij affirmantem sententiam argumentis difficilimis adnitur comprobare. Prius tamen animaduertendum esse duxi quæstionem hanc Theologicis primum rationibus examinandam fore, & deinde quanta sit à Catholicis viris certitudine tenenda, explicandum erit. Rationibus igitur primum agamus. Et quod affirmatiua sententia Theologicæ veritati consentiat sequentibus argumentis probo.

Primum argumentum. Et quod rem istam non leuiter vrget est ipsum met, quartum primæ huius principalis quæstionis argumentum. Cuius præcipua, imo & tota difficultas in eo sita est, quod adoptiuæ filiatio

filiatio effectus est formalis gratiæ saltem secundarius: At huiusmodi effectus inseparabilis est à forma, præsertim secundū ordinariam Dei potentiam, & sine grandi interuenienti miraculo. Ergo gratia in Christo hunc habet comitem effectum: atq. adeo constituit ipsum, vt hominem, adoptiuum Dei filium.

Confirmatur. Omnia quæ dicuntur de cæteris hominibus iustis, & gratis Deo, prædicantur etiam de Christo in quantum est homo iustus, & gratus, per habituales gratias: sed quicumque alius homo iustus vere est filius Dei adoptiuus: ergo &c. Probatur maior in qua esse videtur argumenti difficultas. Christus per gratiam habituales eadem, & vniuoca ratione, iustus est & gratus Deo, quæ cæteri iusti homines, ergo vniuersa prædicata quæ ratione gratiæ, & iustitiæ conueniunt cæteris hominibus, competunt & ipsi Christo, vt homini.

Secundum argumentum Christus, vt homo, est filius dei, & non est filius Dei naturalis, ergo adoptiuus. Minor asseritur ab vniuersis Theologis cum S. Thom. 3. p. q. 16. art. 11. vbi hanc propositionem, Christus vt homo est Deus, in rigore, & secundum sermonis proprietatem falsam esse dicit. Sed maiorem probo, Christus, vt homo, non est, non filius Dei, nam mirum esset, quod cum cæteri homines iusti secundum quod homines, sint filij dei, Christus, vt homo, vere possit dici non filius Dei, ergo est filius dei.

Tertium argumentum. Christus, vt homo, ex vi gratiæ habitualis acceptus est, & admissus ad participatam hæreditatem bonorum cælestium, ergo & adoptiuus est dei filius. Antecedens cunctis est manifestum, & vt quibusdam doctissimis placet, de hac participata hæreditate diuina intelliguntur illa Paul. verba, de Christo prolata ad Hebr. 1. quem constituit hæredem vniuersorum &c. Consequentia vero probatur. Nam filiatio adoptiua non est aliud quam ius alicui gratiose collatum ad hæreditatem obeundam eorum bonorum, quæ ipsi alias non debebantur: Sed Christo, vt homini, non erant debita bona cælestia, ad quorum hæreditatem fuit acceptatus, & admissus, nisi ratione gratiæ habitualis, per quam ipsi fuit collatum ius ad hæc cælestia percipienda bona, ergo &c.

Confirmatur. Hæreditas horum bonorum competit Christo qua ratione est Dei filius, sed non ei cōpetit prout est filius naturalis, quia hæreditas Christi prout est naturalis Dei filius non participata est, & limitata bonorum cælestium possessio, sed substantialis & infinita: ergo competit ei prout est adoptiuus Dei filius. Et vrgeo huius confirmationis vim. Participata cælestiū bonorū hæreditas, & possessio, conuenit Christo vt homini, Christus autē, vt homo, vt paulo ante diximus, nō est naturalis Dei filius. Ergo hæreditas hæc nō cōuenit Christo, ex vi naturalis filiationis, atq. adeo ad filiationē adoptiuā est referenda.

Quarto arguitur. Non repugnat, quod Christus simul sit filius dei naturalis, & adoptiuus, ergo nulla probabili ratione negari potest, quod, in quantum homo, sit per gratiam adoptiuus Dei filius. Probat-ur antecedens. Nō repugnat Christo, quod simul sit Deus per essen- tiam ratione suppositi, & Deus per participationem, ratione gratiæ habitalis quæ inest eius humanitati, imo gemina hæc deitatis ratio ad magnam Christi dignitatem, & excellentiam pertinet: Ergo idip- sum de filiatione naturali & adoptiua fateri teneatur.

Confirmatur, quod Christus ratione suppositi sit dominus & legis- lator, & ratione humanitatis, per gratiam eleuata, seruus sit & obe- diens, vera Theologia, imo & ipsa fides docet. Nam quod Christus qua ratione Deus sit omnium dominus, dominatiua & legislatiua au- toritate pollens, quis ambigat? quod vero qua ratione homo seruus sit & obediens, sacra litera non obscure docent, Isai. enim c. 40. Diui- nus Pater ita Christum alloquitur. Parum mihi est, ut sis seruus meus ad suscitandas feces Iacob, & tribus Israel conuertendas &c. & Paul. ad Philip. 2. de Christo ait, quod factus est obediens vsq. ad mortem: Ergo eadem ratione concedendum est, Christum vt Deum naturalem esse Dei filium, vt hominem vero esse filium adoptiuum.

Hoc quarto argumento eiusq. confirmatione infirmatur ista. S. Thom. ratio qua 3. p. q. 23. art. 4. vitur pro contraria sententia, nimirū, quod nō stat aliquod subiectū simul esse per se tale, & tale per par- ticipationem. Constat enim quod ratione diuersorum non repugnat.

Quintum argumentum. S. Thom. (cui in 3. p. q. 23. art. 4. contraria placuit sententia) ea potissimum ratione ducitur, quod filiatio siue naturalis, siue adoptiua, non naturam, sed suppositum immediate res- picit, quo fit, vt cum Christus ratione suppositi, sit naturalis Dei filius, non ei competere possit adoptiua filiatio. Sed hæc ratio in multis de- ficit. Primo in eo quod præsupponit, nimirum, filiationem non im- mediate pertinere ad naturam, sed ad suppositum; quod falsum esse, sic ostendo. Filiatio est terminus generationis (loquor de filiatione naturali per quam est regulanda filiatio adoptiua) sed generatio im- mediate respicit naturam, & mediante natura suppositum, est enim natura terminus formalis, quo, generationis. Ergo idipsum est de fi- liatione censendum. Confirmatur. S. Thom. 3. p. q. 35. art. 1. vbi hæc rationem late prosequitur, idem prorsus de natiuitate dicit, quod de filiationis relatione. At certum est quod nasci, & natiuitas ad natu- ram immediate referuntur, id est, ad suppositum ratione naturæ. Et siue natura se habeat, vt subiectum, quo, natiuitatis, siue tantum vt ter- minus formalis, hoc tamen quod dicebamus, scilicet, natiuitatem ad naturam immediate pertinere, & ipsa mediante respicere suppositum, satis est, vt vni & eidem supposito duas attribuamus natiuitates secun- dum

dū duas naturas. Et ob similitudinem causam concedit S. Tho. ibidem, & fatentur omnes Theologi in 3. d. 8. quod Christo duas competunt natiuitates, & diuina, quæ est æterna, & humana, quæ fuit temporalis. Ergo similiter duæ naturæ diuinæ altera substantialis, & altera participata sufficeret, ut Christo duas tribuamus Dei filiationes, & naturalem & adoptiuam. Deficit præterea illa ratio in eo, quod concludit. Nam esto verum sit, filiationem immediate pertinere ad suppositum, inde non concluditur, quod in Christo non reperiaturs relatio filiationis adoptiuæ, sed tantum infertur, quod non sit relatio realis, sed rationis: quia diuino Christi supposito non repugnat noua rationis relatio. Quemadmodum ipse S. Thom. ead. 3. p. q. 35. art. 5. docet Christum, per filiationem, quæ est relatio rationis in ipso referri ad matrem suam, sanctissimam, videlicet, Virginem. Ergo assignata S. Thom. ratio insufficiens est.

Sextum argumentum, Aliam rationem solent assignare Theologi, pro contraria sententia, quæ etiam ex doctrina S. Thomæ in q. 23. citata colligitur, Videlicet, quod ob id Christus per gratiam non constituitur adoptiuus Dei filius, quia gratia, & gloria debita sunt Christo connaturalitatis debito, adoptio autem liberalis esse debet, & non debita: impropriissime enim, quis dicitur adoptari ad eorum bonorum hereditatem, quæ sunt ei alio titulo debita simpliciter. Sed quod hæc ratio non sit satis efficax sic probo. Et si gratia sit debita Christo, ratione suppositi, at respectu humanitatis, nullo titulo est debita, sed mere liberaliter, & gratis ei fuit donata: alias, n. non retineret in Christo, ueram gratiæ rationem, cui essentialia est, ut gratis, & liberaliter donetur. Ergo non obstat prædicta ratio Christus, ut homo, filius dei esse potest adoptiuus, quia ut homini non illi debetur gratia, & gloria.

Quod si dixeris Christi humanitati simpliciter loquendo non deberi habituale in gratiam, sed gratis, & liberaliter illi donari, At proficit humanitas est hypostaticè vnita uerbo, naturali debito ipsi debetur gratia, & gloria.

Contra hanc solutionem sic arguitur. Hoc debitum ex suppositione procedens, quod potest uocari debitum in sensu composito. non impedit quominus gratia Christi humanitati collata sit simpliciter gratuitum, & liberale donum, quia sensus compositus ex suppositione extrinseca ortum habens, non destruit rationem illam, quæ absolute, & simpliciter competit naturæ rei, ergo neque sufficit istud debitum ad tollendum à Christo adoptiuam dei filiationem.

Cōfirmatur. Licet supposita hypostatica vnione uerbi ad humanitatem, cōsurgat cōnaturalitatis ius in Christi humanitate ad gratiam, & gloriam. At ipsa hypostatica unio ex qua ius istud dimanat, fuit summe gratuita, & liberalis: Ergo hoc ius, & hoc debitum cōnaturalitatis non impedit adoptionem, cum, non auferat simpliciter rationem liberalitatis, & gratiæ.

Ultimo arguitur. Si spiritus sanctus naturam sibi humanam gratiz dono exornatam copularet personali, & hypostatica vnione, proprie diceretur, ut homo filius Dei adoptiuus, Ergo, & verbum ratione gratiz, qua ratione est homo, vere, & proprie dici potest, & debet filius Dei. Videtur euidens consequentia, quia Spiritui sancto, ut homini non minus, data illa hypotesi, debita esset habitualis gratia, atque nunc deberetur Christo. Ergo si in spiritu sancto illud debitum non impediret filiationem adoptiuam, neque eam impedit in Christo. Antecedens vero probatur. Spiritus sanctus non est Dei filius per se, & naturalis: Ergo capax est filiationis per participationem, & adoptionem ratione assumptæ naturæ.

Confirmatur. Spiritus sanctus per gratiam esset gratus, & dilectus Deo, Ergo cum non esset dilectus, ut naturalis filius, vere diceretur dilectus, & charus, ut filius Dei adoptiuus, Nam quod nullatenus esset Dei filius rationi non consentit.

In oppositum autem est, quod in Cōcilio Frācfordiensi sub Adriano primo, & eius auctoritate coactō definitur, Christum nullatenus etiam secundum humanam naturam filium Dei adoptiuum vere nominari, &c. Non libet in præsentia iuuiorari in recensenda, & confutanda Nestoriana heresi, quæ Christum idcirco filium Dei adoptiuum mentiebatur, quia duo supposita in Christo realiter distincta esse censebat, diuinum alterum, & alterum humanum, & quod humanum deferbat secum diuinum præcipua, & maxima affectionis vnione sibi coniunctum. Quoniam istam hæresim in multis iisque grauissimis Concilijs damnatam legimus, sed præcipue in Ephesino primo, Circa cuius acta, & anathematismos legendus est Cyrillus Alexandrinus Episcopus. Neque posset exacte hæc disputatio aduersus Nestorium exaggitari, nisi magna intolerabilisq; fieret a nostro instituto digressio. Vnde cum Catholicis Theologis præsens nostra disputatio tota est habenda.

Duo autem sunt in quibus scholastici Theologi vnanimi sententia coeunt, quæ sunt omni dubio procul secundum fidem amplectenda. Primum est, quod hæc propositio absolute, & absq; vlla specificatione, aut limitatione pro lata, scilicet, Christus est adoptiuus Dei filius, omnino est neganda, ut Catholicæ veritati aduersa: Nam ex hac propositione efficaci deductione colligitur, vel Christum non esse naturalem Dei filium, ut finxit Arrius, vel quod in Christo duplex secundum rem persona reperitur, ut commentabatur Nestorius, quarum altera, scilicet, humana, filius est Dei adoptiuus. Altera vero nempe diuina, est filius Dei naturalis. Nam is, qui simpliciter est adoptiuus cuiuspiam filius, nequit esse naturalis eiusdem filius: quod ex infra dicendis erit manifestum. Et quidem sancti Patres non semel nega-

sunt Christum adoptiuium Dei filium appelladum esse. Legantur Hieron. ad Ephes. c. 1. Hylarius, lib. 3. de Trin. Ambros. lib. de incarnat. cap. 8. & lib. 1. de fide, c. 9. Aug. tract. 82. super Ioan. dicit Christum non gratia, sed natura esse Dei filium, lib. 2. de Trinit. c. 10. Et Enchirid. ad Laurent. cap. 38. dicit Christum nullo modo esse Spiritus sancti filium, & tract. 21. in Ioan. inquit, quod ut Christus significaret, se non adoptione, sed natura esse Dei filium, nusquam in toto Euangelio Deum vocauit Patrem nostrum. itaque illa dictio nostrum, & ipsum Christum, & nos simul comprehenderet, eo quod hic loquendi modus ostendit Deum Patrem esse Christi communi nobiscum ratione, puta, per adoptionem, & gratiam, sed in singulari, Pater meus, semper dixit. Quod & Adrianus 1. in epist. ad episcopos Galliciae, & hispaniarum erudite aduertit. Imo, & aliquando apertam fecit Christus distinctionem de modo quo ipse Deum habet Patrem, & quo nos ipsū quoque Deum Patrem agnoscimus, & veneramur, nimirum, cum Ioan. 20. dixit Ascendo ad Patrem meum, & Patrem uestrum, &c. Chrysost. in imperfecto hom. 40. uersans illud Matth. 21. reuerbuntur filium meum, expendit ad hoc propositum hæc verba vltima, scilicet, filium meum. Legantur etiam glosa, & sacrorum librorum expositores dum exponunt sequentia sacr. script. loca, in quibus ista veritas non leue fundamentum habet. Luc. 2. quod ex te nasceretur sanctum uocabitur filius Dei, Math. 3. hic est filius meus dilectus ad Hebr. 1. tanto melior Angelis effectus quanto differentius præ illis nomen hereditauit: Ad quem enim Angelorum dixit aliquando filius meus es tu. Ego hodie genui, &c. Et ponderandum est quod Angeli filij vocantur adoptiui in scriptura sacra Iob cap. 1. & c. 38. Vnde nomen differentius, quod Christus præ illis hereditauit, nō est esse filium Dei adoptiuium, sed naturalem. Rom. 8. proprio filio suo non pepercit. Ecce vocatur filius Dei proprius, id est, naturalis, & sic ibi sermo de Christo homine, &c. Math. 16. tu es Christus filius Dei uiui. &c. Theologi scholastici cum suo magistro sunt legendi in 3. d. 10. ubi vnanimiter hanc sententiam docent. Quæ tanta Patrum, & Theologorum conformitas manifestum est signum apostolicæ traditionis, & catholicæ veritatis.

Tandem hæc veritas habetur definita in quodam Concilio Francofordiensi, de quo dicemus paulo inferius in hoc eodem dubio, & ab Adriano 1. epist. cita. Et tam in hoc Concilio, quam in epist. Adriani referuntur testimonia patrum grauissima in huius veritatis confirmationem. In Concilio Toletano 11. in ipsa fidei confessione. habetur de Christo, quod natura, & non adoptione filius Dei est. Fateor hæc verba ad Christum prout Deum, ex Concilii intentione, referenda esse. Sed nihilominus ualde nostro deseruiunt intento.

nam

nam si aliqua ratione verificari posset absolute de Christo, quod est adoptiuus dei filius, non sine aliqua distinctione Concil. negasset, eū esse adoptione filium. Et Theologica rationes quibus infra probabimus, quod Christus, ut homo, non est adoptiuus Dei filius per locū à fortiori hanc ueritatem comprobabunt, &c. Secundum uero in quo unuerſi conueniunt Theologi, illud est, quod hæc propositio Christus, in quantum homo, est filius dei adoptiuus, falsa est, & contra fidē. Si dictio, in quantum, reduplicatiue sumatur. Nam ad eius ueritatem reduplicatiue acceptæ, duo sunt necessaria, quorum utrumque, & ueritati, & fidei contradicit. Alterum quod omnes homines sunt filii Dei adoptiui. Et alterum, quod quia Christus est homo, est filius dei adoptiuus, id est, quod ratio filiationis adoptiuæ in Christo est ipsa eius humanitas. Nam in has duas propositiones resoluitur reduplicatio illa, in quantum homo, ut Dialecticæ doctrinæ periti constanter asseuerant. At quam sint falsæ istæ duæ propositiones, probatione nulla eget, &c.

Tota ergo ratio dubitandi in præſenti ea est. An hæc propositio Christus, in quantum homo, est filius Dei adoptiuus, dictione, in quantum, specificatiue sumpta, uera sit, & concedenda. Et idem iudicium erit si dicatur, secundum quod homo, siue prout homo, aut quouis alio modo simili, &c. Sensus autem specificatiuus illius propositionis, non is est, quod Christus ratione humanitatis sit dei filius adoptiuus, nam sensus iste omni dubio procul falsus est, & improbabilis, quippe qui ad sensum reduplicatiuum iam reprobatum reducit. Sed sensus est, quod Christus in humanitate habet filiationem Dei adoptiuam per gratiam habitualement ipsi communicatam, in quo sensu dici solet, quod homo, in quantum capillatus est cuspis, id est, quod in capillis crispitudinem habet, & non in alia corporis parte. In hoc sensu dubitatur à Theologis de ueritate huius propositionis.

Et quidem licet communis Theologorum sententia in 3. d. 10. q. 2. affirmit propositionem istam falsam esse, & fidei ueritati minus consentaneam, non desunt tamen graues Theologi, qui ipsam censeant ueram esse, aut saltem probabilem Durand. in 3. d. 4. q. 1. contendit eam esse uerissimam, cui non omnino refragantur Scotus in d. 10. & Ricard. ibidem, art. 2. quamuis duo hi postreми auctores, rem istā sub dubio relinquant, imo in communem tandem propendunt theologorum sententiam opinione Durandi relictā. Alex. Alens 3. p. q. 8. memb. 7. art. 4. absolute fatetur Christum non esse filium dei adoptiuum, dicunt tamen per gratiam, & per creationem esse filium Dei. Quidam ex nouitiis Theologis, minime tamen inueteratis admittunt Christum, ut hominem, per gratiam esse dei filium, non tamen explicent,

An sit naturalis, uel adoptiuus Dei filius: quandoque enim ad vnionis gratiam, quandoq; uero ad habitualem in probationibus suarum conclusionum recurrunt, neque uero explicant de qua gratia loquantur vnionis, uel habituali. Et tandem hi Theologi concludunt, quod Christus, ut homo potest dici Dei filius, quodammodo naturalis, per gratiam vnionis, alia tamen ratione ab ea qua per eandem gratiam dicitur Deus. Hæc omnia tam lubrica, & cōfusanea apud graues Theologos asserta reperio, quæ proinde necessariā postulant explicationē.

Pro intelligentia ergo veritatis, & propositz quæstionis resolutione explicare oportet, quæ sint requisitz conditiones ad veram, & propriam adoptiuam filiationem humanam, ad cuius analogiā non erit difficile explicare adoptiuam filiationem diuinā, quæ in hominibus iustis reperitur. Igitur, ut ex l. 1. & 2. ff. de adoptionibus, & institut. eod. tit. colligitur, quatuor sunt ad humanam filiationem requisitz conditiones. Prima, quod persona, quæ adoptatur sit extranea, id est, quod ex se ipsa, & ex vi propriæ natiuitatis non habeat ius ad hæreditatem, ad quam adoptatur. Secunda, quæ magna ex parte ex hac prima sequitur, est, quod adoptio sit actio simpliciter liberalis, & gratuita, ita quod neque sit debita naturali debito, neque uero aliquo titulo oneroso emptionis, venditionis, aut similis contractus. Nam si huiusmodi titulo debita esset adoptio, non prestaret ius filiationis ad hæreditatem capeſſendam, sed ius emptionis, aut venditionis, &c. Terria cōditio est, quod si adoptatus fuerit sui compos, proprium adhibeat consensum, quoniam nemo alteri subiicitur nisi uolens, quod etiam quodammodo locum habet in subiectione respectu pænæ, quæ licet nobis nolentibus immediata nolitione accidat, mediate tamen, & remote, id est, in culpa commissæ, est implicite uolita. Sed quidquid fuerit de subiectione per comparisonem ad pœnam in adoptione tamē, ubi nullus est pænæ, sed gratiæ locus, assignata cōditio simpliciter est necessaria. Quarta cōditio est, quod in eo qui non est rationis compos necessaria est uoluntas principis, aut Patris, aut alterius in cuius potestate est is, qui adoptatur. Huius conditionis ratio, eadem prorsus est cum ratione præcedentis conditionis: Nam ex eo, quod nullus debet inuitus alteri subiici, colligimus necessarium esse consensum, uel proprium ipsius, qui adoptatur, uel eius saltem qui adoptati curam gerit. Quintam aliam conditionem assignant aliqui, quæ irrationabilis non est, nimirum, quod persona, quæ adoptatur, prius aliqua ratione in semetipsa existat, quam adoptetur, uerum hæc ratio in prima fortassis clauditur, quia si persona, quæ adoptatur extranea debet esse, necessum est adoptioni præexistat.

Ex his cōditionibus quæ in humana adoptione sunt requisitz, proprium erit Theologo colligere, quid sit necessarium requisitum ad filia-

lionem dei adoptiuam: Et possemus quidem hic assignatas conditiones ad supernaturalem hanc adoptionem filiorum dei transferre abſque vlla impropriate. Nam tertia, & quarta quæ longius diſtare videntur ab huius modi ſupernaturali adoptione, eo quod nulla expectata paruulorum cōſenſione deus per baptiſmalem gratiam ipſos adoptat in filios, facile accommodari poſſunt, ſi dicamus, quod in adultis deus proprium eorum expectat conſenſum, iuxta, illud quod. Aug. dicebat, qui creauit te ſine te, non iuſtificabit te ſine te. In paruulis vero conſenſum Eccleſiæ cuius miniſteriali auctoritate baptiſmus miniſtratur, imo & ipſum etiam Chriſti ſupremi capitis Eccleſiæ, & futuri ſæculi Patris conſenſum poſtulat. Fateor quidem quod cum deus ſit omnium dominus, qui citra vllius iniuriam omnes etiam non volentes, imo & inuitos poteſt ſuæ ditioni ſubiicere, duæ iſtę conditiones, & ſi in ſupernaturali adoptione regulariter ſeruentur, non ſunt tamen pænitus neceſſariæ. Quo ſit vt ſi deus dormienti homini iuſtificantem gratiam, & Spiritum charitatis infunderet, vere ipſum conſtitueret adoptiuum dei filium, nullo ipſius, vel alterius expectato conſenſu. Quare his duabus conditionibus prætermiſſis ad reliquas occurramus, quæ in hac adoptione diuina ſunt ſimpliciter neceſſariæ.

Poſtulat enim per ſe, & neceſſario hæc adoptiua filiatio, quod per ſona quę adoptatur ſit ſecundum ſe extranea a diuina natura, & ab hereditate cæleſtium bonorum. Vnde ſi, vt quidam (& ſi falſo, & abſque fundamento) poſſibile reputant, daretur creata ſubſtantia ſupernaturalis ordinis, cui gratia & hereditas, cæteraque ordinis ſupernaturalis dona eſſent coonaturalia, & propria, talis ſubſtantia minime adoptabilis eſſet in ſupernaturalē dei filiationē: eo q̃ neque ab ipſa de inatura, neq; ab æterna cæleſtiū bonorū hereditate eſſet ſecundū ſe extera, & extranea. Quod vero huiusmodi adoptiua filiatio gratuita debeat eſſe, & liberalis, & ex libera ipſius adoptantis volūtate procedēs, q̃ poſtulat ſecunda cōditio, facile cōſtabit cōſideranti hanc filiationem adoptiuam, per ſolam dei gratiā fieri poſſe, quæ omnē titulū oneroſum ex ſua ratione excludit. Nam ſi ex operibus gratia, dicente Paulo, rom. c. 11. jã non gratia. Vnde. S. Iacobus c. 1. gratuitā hęc, & liberalē filiorū dei adoptionē, volūtarie generationis nomine nobis explicuit, voluntarie inquit, genuit nos verbo veritatis. Quo loco aduertendum eſſe cenſeo, quod ſupernaturalis filiorum dei adoptio, quæ in ſacris literis ſub ipſo adoptionis nomine, quā ſæpius deſcribitur, ad rom. c. 4. ad Gal. 4. ad Ephe. 1. ſub nomine generationis idcirco à Iacobo exprimitur, & a S. Ioan. in c. 1. natiuitas vocatur ibi, ex deo nati ſunt, quia vt præclare. D. Caiet. in quodam ientaculo animaduertit, non eſt adoptio pure, & extrinſeca, qualis eſt, quæ inter homines reperitur: Sed eſt reuera communicatiua natura generantis,

& adoptantis in ipso adoptato, & genito: Non quidem substantiali communicatione quia hæc est impossibilis, sed accidentariâ per gratiâ. Quæ sane gratia licet forma sit accidentaria, est tamē ut explicuimus superius, formale quodâ substantialis dei naturæ participium. Et ob id Ioa. 1. cano. c. 3. dicebat, Videre fratres qualē charitatem dedit nobis Pater, ut filii dei nominemur, & simus. Non solum nominamur filij adoptione extrinseca ad æternam hæreditatem adoptati, & admissi, sed & uere filii Dei sumus diuinæ naturæ particeps, & consortes per gratiam effecti: Diuinam gratiam hoc loco S. Ioa. charitatem appellabat, eo quod effectus est eximie illius, ac liberalissimæ charitatis quæ deus nos diligit. Hinc sequitur falsum esse, quod dur. loco citato, & quidam alii Theologi dixerunt, adoptionem filiorum dei improprie, & metaphorice adoptionem vocari. Nam econtra dicendum est quod multo maiori cum proprietate nomen adoptionis meretur, quam illa quæ in humanis reperitur, propter causam nunc assignatam. Vnde S. Th. licet in 3. d. 10. q. 1. ar. 1. q. 2. in eandem fere sententiam inclinauerit cum ea, quam ex dur. retulimus, tamē in 3. p. q. 23. ar. 1. absolute, & absque ulla sermonis improprietate fateatur, concedendū esse, deum adoptare hominēs in filios, & in coronide corporis, ar. adoptionem hanc diuinam in ratione adoptionis præfert humanæ, propter rationem a nobis assignatam. Et quidē hæc sententia, uel ex eo uera cēseri debet, quod iuxta vulgatā regulam ex Aug. lib. 3. de doct. christ. c. 3. & 10. desumptam, uerba scripturæ sacrę nili manifesta obsteret ratio, in proprio sensu sunt accipienda. In sacra autē scriptura passim dicitur deū adoptare homines in filios, & q̄ homines per gratiam dei filii sunt, Christi fratres, cælestis hæreditatis hæredes, & coheredes Christi, & Paul. ad Gal. c. 4. dicit, q̄ in spiritu adoptionis dei clamamus abba pater. Et hæc geminatio abba, pater, diuersio idiomatibus facta denotat, q̄ citra improprietatē vllam deū uocamus patrē, nimirū, adoptiuū. Ex his colligo, q̄ si non ad uocē, sed ad rē ipsam attendamus, adoptio non prius de humana, quā de diuina dicitur natura, sed econtra, quidquid commentetur durand. Quod colligo, & ex ratione facta, quia uidelicet adoptio diuina in ratione adoptionis perfectior est. Et ex illo Paul. ad Eph. 3. Huius rei causa flectuo genua ad Patrem domini mei Iesu Christi ex quo omnis paternitas: siue in cœlo, siue in terra nominatur. Expendatur illud uerbū, omnis paternitas, denotat enim, & naturaleni, & adoptiuam filiationem humanā ex paternitate diuinā tanquam exprima regula deriuari, & mensurari. Dixi tamē non ad uocē, sed ad rem attendendum fore: nam uocis impositio ex humanis, quæ magis, & prius a nobis agnoscuntur ortum habuit. Quod non est in hac materia peculiare. Nam hæc vox sapientia; si rem inspiciamus, prius, & proprius diuinæ, quam hu-

manæ sapientiæ competit, Vox autem, vt 1. p. q. 13. Solet probari imposita primum fuit ad humanam sapientiam nobis magis cognitam significandum, & idem est de similibus vocibus, quæ deo, & creaturis proprie competunt iudicium, ferendum. Ex his omnibus aliud infero consuetarium: quod in humanis nulla ratione quis potest dici prius natura, vel tempore adoptiuus filius, quam sit formaliter ad bonorum ipsius adoptiui hæreditatem acceptatus, quia in huiusmodi acceptatione sita est ipsa humanæ adoptionis ratio. Cæterum in diuina adoptione res aliter se habet. Nam prius natura homo accipit gratiam per quam dei naturam participat, & in filium Dei generatur, quam ad æternam cœlestium bonorum hæreditatem acceptatur, quod Paul. ad Rom. c. 8. insinuauit illis verbis. Si filij, & heredes, primum filij, deinde heredes, resultat enim ex filiatione naturæ ordine præsupposita ius ad hæreditatem celestem. Vnde probabiliter satis dici potest, quod adoptio hæc diuina essentialiter sumpta non formalis est, sed radicalis tantum acceptatio ad hæreditatem celestium bonorum. Nam prius naturæ ordine filiatio adoptiua tribuitur animæ per gratiam, quam ius ei ad hæreditatem celestem confertur. Hæc sententia necessario est acceptanda ab ijs theologis, qui censent, quod acceptatio ad primum gradum gloriæ primæ gratiæ correspondentē pēdet in adulto ex opere ipsius meritorio ortū habēti ex gratia prius ordine naturæ infusā animā. Sed est hoc loco aduertendum, quod & si Deus vere, & proprie pater adoptiuus vocetur hominum quos regenerauit per gratiam, non tamen simpliciter est eorum pater, non addendo adoptiuum. Nam adoptiuus pater comparatione ad patrem naturalem est improprie, & similitudinarie pater, atque adeo secundum quid, & similiter est dicendum de filio adoptiuo, quod non est proprie, & simpliciter filius. Et ob hanc causam censent nonnulli auctores, quod christus nusquam communi appellatione deum appellauit patrem suum, & aliorum iustorum, quia, videlicet, pater adoptiuus cum sit pater similitudinarie, & secundum quid, non conuenire potest in eadem voce cum patre naturali: Verū hæc ratio mihi non satis est probata. Quia vt postea dicam ex August. & Chrysost. imo ex Adri. 1. Christus ideo nunquam comuni illa patris appellatione usus fuit, vt insinuaret se aliter esse dei filium, atq; sunt alij homines iusti. Ipse quidem per naturam, & alij per gratiam & adoptionem. Sed tamen si ad rigorem sermonis attendamus non inconueniret quod vna communi voce patris, & naturalis, & adoptiuus comprehenderentur. Sicut vna vox, ens, substantiam, quæ simpliciter est ens, & accidens, quod est secundum quid cōplectitur. & Dan. 3. benedicere Deum, & laudare in communi accomodatur rationabilibus, & irrationabilibus creaturis, cum tamen rationabilibus com-

petat proprie irrationabilibus, vero metaphorice, benedicite, inquit, omnia opera Domini Domino &c. Et ad nostrum intentum adhuc accommodatius argumentum desumitur, ex eo quod Christus ipse, Apostolos vocavit fratres suos, Matt. 28, & Paul. ad Rom. 8, vocat Christum primogenitum in multis fratribus. Ergo qua ratione possunt vna communi voce fratres vocari adoptiui filij & naturales, cum tanta sit inter fraternitatem ytramq. dissimilitudo, quanta inter naturalem & adoptiuam filiationem: quare non poterimus simul cum Christo vna communi voce filij Dei vocari, & ipse Deus similiter vna & communi appellatione & Christi & iustorum hominum dici pater? Idem sumi potest argumentum ex eo quod Paul. loco citato dicit nos esse coheredes Christi, si coheredes quare & non simul filij vocari possumus, praesertim cum ipse non confundatur vocare nos fratres suos, Paul. ad Hebr. c. 2. testante?

Sed breui argumentatione probatur aduersus omnia hæc, quod neq. Deus sit cum proprietate pater adoptiuus, neq. homo proprie adoptetur in Dei filium. Homo quantumcumq. polleat gratia manet Dei seruus: Ergo per gratiam non efficitur proprie adoptiuus Dei filius. Filiatio enim seruituti e regione opponitur. Respondetur quod per gratuitam adoptionem aufertur quidem seruilis conditio & excluditur seruitutis spiritus, iuxta illud Paul. ad Gal. 2. non accepistis spiritum seruitutis iterum in timore, sed accepistis spiritum filiorum Dei, at non aufertur seruitutis obligatio; quæ potius ex redemptione per Christum facta nouo titulo, scilicet, redemptionis accessit, qui titulo creationis fuit superadditus. Aliquale exemplum habemus in eo, qui iniusto bello captus, in filium a victore adoptatur, in quo adoptio auget obligationem seruiendi & parendi humiliter, & si seruilem auferat conditionem. Sed iam ad quintam & vltimam deueniamus ad optionis conditionem, secundum quam persona adoptanda presupponi debet adoptiuæ filiationi. Quæ sane conditio vel ex eo necessaria est, in adoptione supernaturali, quod hæc adoptio, vt dudum explicabamus, per intrinsecam diuinæ naturæ accidentariam participationem celebratur, quæ proinde necessarium est presupponat personæ adoptatæ subsistentiam, nam accidentis in-existentia, ipsam substantię existentiam presupponit. Verum hæc conditio non tam est rigoroſe accipienda, vt temporariam antecessionem, in adoptanda persona flagitet. Nam satisfuerit quod ordine tantum naturæ ipsam adoptionem præcedat, vt contigit Angelis, qui in ipso suæ creationis instanti, & gratiam & adoptionem filiorum Dei acceperunt, Auguſt. lib. 12. de ciuit. Dei c. 9. dicente, quod Deus simul erat in eis condens naturam, & largiens gratiam. Et id ipsum censeſt S. Thom. 1. 2. p. q. 95. art. 1. Primo parenti contigiſſe, quem ipse docet, in gratia & originali iustitia fuisse conditum.

Sed

Sed in his & in alijs similibus, si qui fuerunt, substantialis ipsa suble-
cti productio, ordine & rationis & naturæ, ipsam præcessit gratiæ in-
fusionem, ac filiationem proinde adoptiuam.

Hæ sunt ad filiationem Dei adoptiuam, & necessariae, & sufficien-
tes conditiones. Nam quod hæreditas adoptatum filium non per-
ueniat, nisi adoptantis morte interueniente, per accidens se habet ad
rationem adoptionis etiam humanæ. Et quod ita contingat regula-
riter inter homines, non ex vi adoptiæ filiationis, sed ex bonorum
temporalium imperfectiōe prouenit: quæ non simul possunt à plu-
ribus absq. diuisione possideri. Diuina autem hæreditas ob eximiā,
& infinitam perfectionem, Deum, Angelos, & homines simul absq.
ulla cœlestium bonorum diminutione, & diuisione dicare potest, &
summa cum opulentiā beare. Est enim ipse Deus summa, & diuissi-
ma cœlestis hæreditas, iuxta id quod Dauid Psal. 72. ait. Quid enim
mihi est in cœlo, & a te quid volui super terram? Deus cordis mei &
pars mea Deus in æternū, Et ipse Deus Abraham. Gen. c. 15. dixit. Ego
merces tua magna nimis. Et hæc est illa præciōsa hæreditas de qua
Dauid Psal. 16. dicebat, fūes, id est, sortes ceciderunt mihi in præcla-
ris, etenim hæreditas mea præclara est mihi. Et de hac hæreditate in-
quit Paul. Rom. c. 8. si filij & hæredes, & cohæredes autem Christi: Id
est, simul cum Christo cœlestium bonorum hæreditate adoptiui Dei
filij potentiuntur.

Ex his sequitur quod cum sola intellectualis, & rationalis creatura
apta sit hac diuina hæreditate potiri, ipsi soli potest adoptiua Dei filia-
tio cōpetere. Quod si quando Deus in scripturis sacris Pater irratio-
nalis creaturæ vocatur, id per metaphoram, & ampla quadam signifi-
catione dicitur: quo in sensu Iob 38. inquit. Quis est Pater pluuiæ:
aut quis genuit stellas roris, ipsa creatio ex qua creaturæ connaturali
quodam ordine ius aliquod competit ad bona suæ naturæ proportio-
nata, abusiue, & improprie generatio, & adoptio vocatur. Et in hoc
fere eodem sensu Deus dicitur peccatorum pater, & ipsi eius vocan-
tur filij, Esai. 63. & Malah. c. 1. Et hæc adoptio metaphorica, & si qui-
dem Dei gratia naturalis ordinis vberi possit, in quo sensu Plato cœ-
los per gratiam Dei consistere fatetur: at potius natura quam gra-
tia dici debet. Quæ & ab ipsa Christi humanitate quatenus quadam
creatura dei est separari non debet. Quare nos in præsentia non de
hac abusiua, impropria, & metaphorica adoptione loquimur, sed de
ea quam diximus esse propriam, & magis proprie dici in ordine ad
cœlestem hæreditatem, quam dicatur adoptio in humanis compara-
tione ad hæreditatem humanam. Similiter etiam non necessariam
esse censeo cum Scot. in 4. d. 10. q. vni. eam conditionem quam re-
quisitam esse nonnulli Theologi putauerunt, quibus non refregatur

Alex. alens. 3. p. q. 10. incmb. 4. nimirum, quod is, qui in dei filium est adoptandus, prius fuerit per mortalem culpam diaboli filius. Es ita, inquit Alens, creationem esse transitum de non esse ad esse, adoptionem vero de malo esse, ad bene esse: hanc conditionem impertinentem esse crediderim. Quod ostendo, a priori quidem. Quia ad filiationem hanc satis fuerit, quod adoptanda persona sit extranea, à natura adoptantis, ad hanc autem extraneitatem non est necessarius status moralis peccati. A posteriori etiam probatur. Qui alias angelus & primi parentes, in statu innocentiae non possent dici adoptiui dei filii: quod nulla ratio patitur, imo, & fides repugnat. Vocat enim Sac. script. angelos filios Dei, &c. Quibus ita praemissis.

Prima conclusio.

Christus, ut homo per gratiam vnionis filius est Dei naturalis. Hanc conclusionem adstruximus superius ex doctrina Caj. 3. p. q. 16. ar. 11. desumptam, quae doctrina insinuat, & ferè exprimitur à Magist. in 3. d. 40. & S. Bonau. ead. d. aperte concedit Christum, ut hominem per gratiam vnionis posse dici filium dei naturalem. S. Th. 3. p. q. 23. art. 4. ad 2. non refragatur, dum inquit, quod Christus per gratiam vnionis est filius Dei naturalis. Nam certum est, Christum, quatenus deum, non esse per gratiam vnionis naturalem dei filium, cum Christo, ut deo, nulla sit facta gratia. Quo circa illa S. Th. doctrina verificanda est de Christo, & homine. Quam non inepte colligere possumus ex illo Pauli ad Hebr. 1. Nouissime diebus istis loquutus est nobis in filio. Vbi Paulus de Christo, ut homine loquens, ipsum Dei filium vocat. Et quod non adoptiuum, sed naturalem filium eum appellet, inde constat, quod contraponit ipsum antiquis patribus, & prophetis, qui fuerunt sine dubio per gratiam adoptiui Dei filii. Multiphariam, inquit, multisque modis Deus loquens olim patribus, & Prophetis nouissime diebus istis loquutus est nobis in filio. Quod vero de ipso, ut homine sermonem faciat Apostolus colligo primum, ex eo quod officium Euangelicae praedicationis exequitur Christus, non ut deus, sed ut homo. Deum autem loqui per Christum, ipsam Christi praedicationem designat. Ex verbis, quae mox subiungit Paulus id ipsum deduco, scilicet, quem constituit heredem vniuersorum. Etenim Christus non ut deus praecise, sed ut homo fuit vniuersorum haeres à Patre constitutus. Nam, ut Deus non proprie constitutus, sed genitus dicitur ipse Christus. Tunc autem omnium bonorum Dei vniuersalis fuit constitutus, & haeres cum ipse Dei filius suam personalitatem humanitati communicauit, ratione cuius hypostaticae communicationis Christo homini, imo, & ut homini, vniuersalis haec bonorum Dei competit hereditas. Huc attinet illud Io. 3. pater diligit filium, & omnia dedit in manus eius. Legatur Aug. tract. 14.

in Ioan. Confirmo eandem ueritatem ex illo Paul. ad Colos. 1. Qui est imago Dei inuisibilis primoenitus omnis creaturæ. Quo in loco Paulus de Christo, ut homine, loquebatur, ut ex illis verbis. Primo-genitus omnis creaturæ colligitur. Et ex proxime antecedentibus, scilicet, in quo habemus redemptionem, & remissionem peccatorum, aperte constat. Nam hæc omnia de Christo, ut homine, verificantur. Vel ut proprius loquar, de Christo, prout est deus homo, id est, prout humanitati per gratiam hypostaticæ vnionis ipse naturalis Dei filius fuit communicatus, cum uerbum caro factum est, &c. Hic ergo Christus appellatur à Paulo imago Dei inuisibilis, id est, substantialis imago, & naturalis Dei filius. Nam licet paulo superius ad similitudinem dei per gratiam in humanitate participatam explicandā, isthæc pauli uerba induximus, multo tamen probabilius, & uerius exponuntur hæc uerba de naturali, & consubstantiali Patris similitudine, & imagine, Ut communiter exponitur ab interpretibus sacrorum librorum. Legatur Cyril. Alexand. lib. de fide ad Theod. post medium, & lib. 1. de fide ad Regin. quibus in locis non obscure nostram hanc primam insinuat conclusionem. Quam apertissime docuit Adrianus in cit. epist. prope finem. dicens quod cum Pater Math. 3. & aliàs Christum uocat filium dilectum, non tantummodo secundum diuinitatem eum appellat filium, sed potius secundum humanitatem. Quæ doctrina cum aliis multis, quæ ibidem ad hoc propositum habentur, & in Concil. citat. Franfordiensi, intelligenda sunt, cum supradicto additamento. Videlicet per gratiam vnionis.

Sed necessum est explicemus quem sensum specificatiuum reddat illa uerba, in quantum homo, cum fatemur Christum, in quantum hominem, naturalem esse Dei filium. Nam quod non fiat hic sensus, uidelicet, humanitatem formalem esse rationem, aut causam ob quā Christus filius est Dei naturalis, nostra non eget probatione. Nullus est enim, tam ignarus, qui hoc vel leuiter suspicari queat.

Quare in eo specificatiuo sensu Christus, ut homo, per gratiā vnionis filius est Dei naturalis, in quo sensu dici solet, Petrum in quantum capillatum esse crispum. Verum est, moderate utendum esse hac similitudine, non enim concedendum est, quod sicut capilli formaliter denominantur criski, ita humanitas denominatur formaliter Dei filius, aut Dei filia, hic enim sensus stultus esset & ineptus. Sed ita est accipienda prædicta similitudo, quod sicut non est alia pars in Petro præter capillos, ex qua illi possit competere crespicudo, ita quod Christus per gratiam vnionis naturalis sit Dei filius, non nisi ratione humanitatis assumptæ ei competit. Christi namq. diuinitati, nequit per gratiam competere naturalis Dei filiatio, diuinitati enim seu supposito Christi, prout est diuinum suppositum, nulla potest fieri gratia,

sed

sed tota gratia quæ in ipsa hypostatica vnione interuenit, soli humanitati facta est.

Sensus igitur, nostræ cōclusionis est, quod Christus prout includit humanitatem, vt formam, & naturam quam supponit, naturalis quidem est dei filius: sed hoc ei non competit per naturam, vt competit eidem prout est diuinitatis suppositum, sed per gratiam vnionis, quæ ipse naturalis Dei filius personaliter est humanitati vnitus.

Est autem aduertendum, quod nisi distincte explicetur ipsa vnionis gratia, sicut non conceditur a S. Thom. 3. p. q. 16. art. 11. neq. vero est concedendum, quod Christus, in quantum homo, est Deus, ita neq. debet concedi, quod est filius Dei naturalis. Fit enim sensus, quod Christus, in quantum homo, per naturam habet esse naturalem Dei filium, filiatio enim naturalis ex natura competit per se loquendo, estq. illi quasi per accidēs, quod per superuenientē hypostaticam vnionem communicetur. Quocirca vt vere dicatur Christus, in quantum homo, naturalis Dei filius: oportet explicare in hac propositione quod naturalis filiatio ei competit per gratiam vnionis. Ex his sequitur, quod non eodem modo competit Christo, vt homini, esse naturalem dei filium, quo illi cōuenit, vt deus. Nam vt Deus cōuenit ei ex vi solius æternæ, & naturalis generationis omni seclusa gratia: vt homini vero, non ex sola generatione æterna, quæ non vt homini, sed vt Deo, competit Christo: sed ex ipsa vnionis gratia quæ facta fuit humanitati à verbo assumptæ.

Secunda Conclusio.

Aliqua ratione potest concedi quod Christus, in quantum homo, per gratiam habitualement est naturalis Dei filius. Ad huius conclusionis intelligentiam, & probationem supponendum est, id quod in secunda principali controuersia explicabitur. Videlicet, quod habitualis Christi gratia, & si non fuerit antecedens dispositio ad vnionē verbi cum humanitate, est tamen dispositio concomitans quæ Christi humanitatem disponit, vt debite se habeat erga diuinum verbum cui est hypostatice vnita. Hoc ergo supposito sensus conclusionis propositæ est, quod gratia habitualis, quatenus habet modum explicatæ dispositionis, concurret ad hypostaticam vnionem verbi cum humanitate, per quam Christus, vt homo, est naturalis Dei filius, vt diximus præcedenti conclusione. Et quoniam iuxta suauem, & ordinariam dei dispositionem & potentiam, hac dispositione concomitante à Christi humanitate sublata, non staret ipsa hypostatica vnio verbi cum humanitate, idcirco hac ratione dici potest Christus, vt homo, filius Dei naturalis per gratiam habitualement.

Verum, quia modus, quo fit hæc verificatio, est secundum quid, eo quod gratia nulla ratione antecessit hypostaticam vnionem, etiam in

ratione dispositionis, ac proinde hypostatica unio minime ab ipsa pendet, neque uero est simpliciter necessaria, in esse concomitantis dispositionis: Sed ex sua uero duntaxat dispositione dei. Idcirco, non libere utendum est hac nostra conclusione secunda, neque ullatenus est affirmanda sine prædicta expositione ei subiuncta. Quam conclusionem ob id proposui, ut morem gererem illis Theologis, quibus placuit asserere Christum per gratiam habitualesse quodammodo filium dei. Quorum sententiam non intelligo de filiatione adoptiua, quia filiationem hanc omnino relegandam esse à Christo crediderim, ut sequente conclusione explicabo, sed de naturali filiatione, quæ vnica tantum filiatio reperitur in Christo.

Hac intelligentia supposita, vnica probabili ratione, Ambæ conclusiones simul confirmantur. Quicumq; iustus homo est per gratiam dei filius, in quantum homo, ergo non est negandum de Christo, quod etiam in quantum homo, sit per gratiam Dei filius, non quidem adoptiuus, quia esset magna in ipso Christo imperfectio eius diuinitati repugnans, sed filius naturalis. Et rationi consentit, quod hoc ei competat per vtramque gratiam, & unionis, & habitualesse. Sed potissimum per gratiam unionis, quæ summa est, & omnium gratiarum maxima.

Tertia Conclusio.

Christus, in quantum homo, non est adoptiuus Dei filius, Veritatem huius conclusionis omnes fere Theologi nouerunt, cum Magistro in 3. d. 10. & cum S. Thom. 3. p. q. 23. art. 4. lib. 4. contr. g. c. 4. Veruntamen in eius assignanda ratione, non tam inter ipsos Theologos conuenit. Mag. sent. cui S. Bonauen. minime refragatur, ea ratione mouetur in huius veritatis persuasionem, quia, inquit, is qui adoptatur in filium, necesse est, ut priusquam adoptetur, existat non filius. Quod quidem de Christo dici nequit, quia Christus semper fuit Dei filius, neque vnquam potuit non filius Dei vocari. Hanc rationem reprobanz quidam ex recentioribus Theologis, ex eo, quod ad rationem adoptionis præsertim diuinæ, de qua fit sermo, non est necesse, ut is qui adoptatur temporis antecessione adoptioni præexistat, sed sufficerit præexistentia secundum naturæ ordinem, ut in Angelis, & in primis parentibus verificatum fuit superius à nobis; qui non prius tempore fuerunt conditi, quam fuerint iustificati per gratiam, & ad filiationem dei adoptiuam admissi.

Verum hæc impugnatio debilis est. Quoniam prædicta ratio non fundatur in præexistentia, quæ sit secundum ordinem temporariæ durationis quoniam illius rationis uis in hoc fixa est. Quod in illo signo, aut temporis, aut naturæ, in quo Christus præintelligebatur habitualis gratiæ infusioni, potuit ipse Christus intelligi non dei filius.

Quod

Quod nullatenus dici debet, cum sit ex vi generationis eternæ, filius Dei naturalis.

Sed nihilominus prædicta Magistri ratio, non apparet sufficiens, Contra quam sic argumentor. In illo signo rationis in quo Christus in ipso primo suæ incarnationis instanti præintelligebatur infusioni habitualis gratiæ, præintelligebatur etiam secundum naturam humanam non filius Dei, neq; adoptivus, neq; naturalis, sed hoc satis fuit, ut possit adoptari in Dei filium secundum naturam humanam, secundum quam præintellectus fuit non Dei filius. Ergo insufficiens est Magistri ratio.

Quod si dixerit magister, quod ut locum haberet in Christo adoptiva filiatio, necessum erat, ut non solum secundum humanam naturam, verum etiam quod absolute & simpliciter Christus præintelligeretur non Dei filius, hoc quidem verissimum esse cenſeo, sed rationem ob quam ita sit dicendum, non assignavit Magister; & ob id totæ eius argumentatio debilis est, & insufficiens ad propositam conclusionem probandam.

Scotus ead. distinct. Idcirco filiationem adoptivam denegat Christo, quia Christo, inquit, sua natura, & ex vi hypostaticæ unionis, competit congruitas quædam ad Dei gratiam habendam, & ad obtinendum bonorum cælestium hæreditatem.

Sed ista Scoti ratio, & si ad bonum possit sensum reduci, quod fiet inferius, ut iacet tamen inefficax est. Quia congruitas ad hæreditatē, non reddit subiectum ineptum, & incapax filiationis adoptivæ. Nam cum quis caret liberis, multa q. bonorum temporalium substantia pollet, nullus non dicet, quod in eius consanguineis reperitur quædam congruitas, quasi naturalis, ad hæreditatem illorum bonorum obtinendam; & tamen congruitas ista, non modo non reddit ipsos consanguineos incapaces filiationis adoptivæ, quin potius reddit ipsos bene proportionatos, ut ab illo homine in filios adoptentur, & ad bonorū eius hæreditatem admittantur.

Aliæ duæ rationes assignari solent a quibusdam Theologis, quæ plus habent apparentiæ, quam efficaciæ. Prima. Ex contraria sententia sequeretur, quod Christus vocandus esset Spiritus sancti filius, consequens continet intolerabilem doctrinam, ut pote antiquis Patribus contrariam. Quia dum varijs in locis versant illud Luc. 1. Spiritus sanctus superueniet in te &c. unanimi consensione negant, Spiritum sanctum fuisse Patrem Christi, & Christum appellari posse Spiritus sancti filium: ergo &c. Sequella apparet manifesta, quia spiritualis adoptio, & si communis sit toti Trinitati, speciali tamen ratione Spiritui sancto accommodatur, iuxta illud Paul. ad Rom. 8, non accepistis Spiritum servitutis iterum in timore, sed accepistis Spiritum filiorū

Dei in quo clamamus Abba pater: at qui adoptat aliquem, & seipsum constituit Patrem adoptati, & ipsum adoptatum, ut filium sibi subiicit. Et ob id diximus necessarium esse adoptandi voluntarium consensum, ne inuitus alteri subiiciatur: ergo &c.

Secunda ratio. Ex opposita sententia sequeretur, Christum, ut hominem, esse filium sui ipsius adoptitiuum, sed non patitur ratio hoc admittere: ergo &c. Sequellam probō, quia adoptare filios per gratiam ad æternam hereditatem, est opus toti Trinitati commune, ut docet & probat S. Thom. 1. p. q. 23. art. 2. & colligitur ex illa cōmuni Theologorum sententia, quam ex patribus, præsertim ex Augu. hauserunt, & Patres Concil. 1. f. Toleta. in ipsa fidei confessione probarunt, nimirum, quod opera Trinitatis ad extra sunt indiuisa. Id est, ex æquo competunt tribus personis diuinis, quia per vnā & eandem virtutē simplicissimam operantur: ergo ipse Christus esset sui ipsius adoptator: atq. adeo esset filius sui ipsius adoptitiuus.

Rationes istę duę bonam quidam præferunt apparentiam, ut dixi, sed re ipsa efficaciam non habent. Ad primam enim facile quis respondere posset, sacrosatos autores & Patres, cum negauerunt Spiritum sanctum Christi Patrem esse, nihil de adoptatiua paternitate, aut filiatione cogitasse: sed id tantum affirmarunt, quod Spiritus sanctus nō est Pater Christi naturalis, quatenus ipse Christus est homo, quia concursus quem Spiritus sanctus habuit in humana Christi generatione, non fuit concursus Patris generantis, id est, immitentis prolificum semē, cuius virtute ipsa fieret Christi generatio, quia ex solis purissimis sacrę virginis sanguinibus originem duxit humana Christi caro. Vnde ipsa vera Christi mater fuit, quippe quæ verum in ipsa Christi generatione maternum officium & concursum exhibuit. Ex Conc. 1. f. Tole. c. 1. hæc solutio probabilitatem accipit. Vbi dicitur, quod B. Virgo secundata per Spiritum sanctum carnis materiam ministrauit. Et mox fere subditur. Nec tamen Spiritus sanctus pater esse credendus est filij, ex eo, quod Maria Spiritu sancto obumbrante, concepit, ne duos patres filij videamur asserere, quod vtiq. nefas est dici. Quo loco de duobus patribus naturalibus altero, secundum diuinam, & altero secundū humanā naturā fit sermo, & nō de paternitate adoptiua concilium loquebatur. Etsi non irrationabiliter possit hæc Concilii doctrina, & eius ratio ad paternitatem adoptiuiam extendi. Quia nō videtur rationabile, quod in Deo distinguantur duo Christi patres alter naturalis, & alter adoptitiuus &c.

Ad secundum argumentum posset facile dici, quod sicut Christus ut homo, est subiectus sibi ipso, prout est Deus: ita prout homo, filius est adoptitiuus sui ipsius, ita ut secundum diuinitatem sit pater, & secundum humanitatem filius.

Haec quae solutiones nullam videntur inprobabilitatem afferre, neque alia ratione poterunt expugnari, quam quod non apparet modo loquendi sanctorum Patrum satis consentaneum, asserere, Christum esse adoptivum filium Spiritus sancti, aut sui ipsius, aut totius Trinitatis. Et quoniam haec expugnatio praedictarum solutionum, non esse debet levis ponderis apud gravem & modestum Theologum, ideo etiam assignatae rationes pro nostra conclusione tertia, habendae sunt ut probabiles.

Sed efficacioribus deinceps argumentis probatur nostra conclusio. Unde sit quarta ratio pro conclusione tertia. Christus, in quantum homo, est per gratiam unionis naturalis Dei filius, ut in prima conclusione statimus: Ergo nequit, ut homo, effici adoptivus dei filius. Consequentia apparet evidens, nam implicatio est manifesta, quod quis secundum eandem rationem, simul sit naturalis, & adoptivus filius respectu eiusdem: adoptio enim praesupponit subiectum extraneum a natura, & filiatione adoptantis. Hac ratione veluti efficacissima quidam graves Theologi utuntur, & putant esse eandem cum illa, qua S. Tho. loco citato hanc conclusionem probat. Sed certe neque ista ratio est satis efficax, neque eadem est cum ratione S. Tho. Quod non sit ipsa S. Thomae ratio, constabit postea, quod vero non omnimodam fortietur pro conclusione efficaciam, patet. Quia licet Christus, ut homo, sit per gratiam unionis filius Dei naturalis, ad sensum superius expositum; verumtamen hoc non ei convenit ratione humanitatis: Unde absolute loquendo, & nisi explicetur gratia unionis, neganda est illa propositio, Christus, ut homo, est subiectum extraneum a filiatione naturali, atque adeo ut sic, capax est adoptionis per habituales gratias humanitati inhaerentes. Probabilis est haec solutio nisi argumenti vis amplius urgeat, & urgebit quidem si adiungamus quibus alia rationes quibus S. Thom. 3. p. q. 23. art. 4. cit. in corp. & ad 2. hanc veritatem adnuitur comprobare.

Sit ergo quinta ratio pro conclusione, quam S. Thom. in citata solutione ad 2. insinuat. Adoptio, ut constat ex conditionibus retro ex communi omnium sententia positae, debet ex sola adoptantis gratia adoptato competere. Itaque si bona ad quae quis adoptatur alio titulo sint ei debita, perit adoptionis ratio. Sed gratia Christi habitualis & similiter gloria (quae non est aliud quam gratia consummata) non fuerunt data Christo ex mera Dei gratia, sed debentur ejus humanitati ex vi hypostaticae unionis debito connaturalitatis, ut in 2. q. explicabitur, & est gravissimorum Theologorum sententia: quorum nonnulli tantum inter hypostaticam unionem, & habituales gratias, etiam gloriam consummatam, connaturalitatem esse censuerunt, vel eadem ipsam per simplicem emanationem admodum propriae passionis

ex Christi anima prout est a verbo assumpta, & hypostatice ipsi unita naturaliter dimanasse, & effluxisse. Igitur ius hoc connaturalitatis ad gratiam habitualementem, & gloriam ex hypostatica vnione resultans, non reliquit locum adoptiuæ filiationi in Christo, etiam vt homini, cum hoc ius ad Christum, vt hominem, pertineat. Ex solutio 3. argumenti constabit amplius vis huius argumenti.

Si vera esset sententia nunc relata, quæ affirmat christi gratiã simplici emanatione ex vnione hypostatica ab ipsa Christi anima, prout est unita verbo, effluxisse admodum propriæ passionis, magnum robur ac cresceret huic rationi. Nam ista sententia, quæ multis est grauissimis probata, supposita, de qua in controuersia 2. Sic urgeo vim argumenti facti. Filiatio siue adoptiua, siue naturalis, nequit esse, nisi fundata in illa forma, & natura, quæ per se primo intenditur, & fit, & non se habet consequenter ad aliam. neq. enim id, quod non per se fit, sed consequenter comproducitur ad alterius productionem, potest filij rationem sortiri, sicut homo, prout risibilis, nequit dici natus, genitus, aut filius, eo quod homo, vt risibilis, non fit, neq. per se producitur, sed comproducitur ad productionem rationalis. Sed Christus, vt gratus, per habitualementem gratiam, non est terminus productionis per se, sed consequenter, & concomitantur se habet. Nam hoc ipso quod filius dei factus est homo, comproducta fuit habitualis gratia in eius humanitate: ergo Christus, vt homo, non est per gratiam in Dei filium adoptatus.

¶ Sic iã sexta, & vltima ratio qua S. Th. art. citato in corpore, & ad 3. & q. 35. ar. 1. 2. & 3. hanc cõclusionẽ probat, estq. ista ratio, S. Th. familiaris, eo quod fundamentũ explicat cui hæc veritas innititur: Proponiturq. in hũc modũ. Filiatio siue naturalis, siue adoptiua nõ conuenit naturæ, sed ipsi duntaxat supposito: at supposito Christi, cum sit per se naturalis Dei filius, nequit competere adoptiua Dei filiatio, quæ est participata filiatio, & secundum quid. Nam quod est simpliciter, & per se tale, non potest simul esse tale participatiue, & secundum quid: Ergo vera est nostra conclusio. Tota huius rationis efficacia in antecedentis veritate consistit: namque si illud antecedens verum est, nihil magis refert dicere Christum, ut homo est filius Dei adoptiuus, ac dicere absolute, & sine specificatione Christus est filius dei adoptiuus. Nã adoptio non humanitati, sed soli Christi supposito cõpetere potest: at hæc posterior enuntiatio falsa est, & fidei non consensiens, vt ex communis theologorũ doctrina à principio huius dubij supposuimus. Quo circa in probatione, & explicatione illius maioris præmissæ oportebit tantisper immorari. Multi ex S. Tho. discipulis ex eo probant illius præmissæ veritatem: quoniam inquirunt, natura neque filius est, neque filia: atque adeo non pertinere potest ad ipsam filia-

tiō, sed ad solum suppositum, quod vere, & proprie appellatur filius. Verum hæc probatio deficiens apparet: nam eadem ratione probaret theologus contra veritatem, & contra S. Tho. in solutione ad 3. citā. quod seruus non competit naturæ, sed immediate est ad suppositum referenda, atque adeo, quod repugnat Christo. Patet hoc, quia natura humana, neque seruus est, neq; serua, sed est ratio formalis ob quam suppositum est seruus. Ergo similiter satis erit, ut Christus, vt homo, sit filius Dei adoptiuus, quod humanitas sit ratio per quam ei competit adoptiua Dei filiatio.

Alij dicunt, quod ob id filiationis relatio, non naturæ, sed supposito duntaxat conuenire potest. Quia ille solus filius est, qui Patris naturam, & essentiam per vitalem generationem accipit, quod non naturæ competit, sed supposito. Natura enim non accipit per generationem a patre naturam, sed ipsam accipit suppositum, & hypostasis.

Sed neque ista ratio est sufficiens. Nam licet solum suppositum sit quod accipit naturam à generante, inde tamen nihil aliud sequitur, quam quod solum suppositum potest vocari filius. Non tamen sequitur, quod non appelletur filius ratione ipsius naturæ per generationem acceptæ. Imo hoc est dictū necessarium. Quoniam omnis relatio denominat subiectum, & ei conuenit propter rationem aliquam, quæ est formalis ratio fundandi ipsam. Et ita filiatio conuenit supposito propter naturam quam ipsum suppositum accipit a generante: eo quod natura ratio formalis est fundandi relationem filiationis in supposito. Vnde colligo, quod secundum naturarum diuersitatem insurgunt in supposito diuersæ relationes filiationis, quāuis suppositum sit vnum, & idem, vt in mysterio incarnationis contingit: atque adeo diuinum verbum prout naturam diuinam a patre æterna accipit generatione, filius est naturalis Dei: quatenus vero in humanitate sibi personaliter vnita, & prout est ipsius humanitatis suppositum, gratiam accipit adeo, qua ad æternam bonorum cœlestium hereditatem acceptatur, competit ei relatio filiationis adoptiux.

Confirmantur ista ex doctrina S. Th. 3. p. q. 35. art. 5. vbi probat, quod vnum, & idem verbi suppositum est dei filius, & filius B. Virginis, eo quod a patre diuinam, a matre vero naturam accipit humanam vera, & reali generatione: Ergo diuersitas naturæ sufficit diuersitatem filiationis in eodem supposito causare.

Alij deniq; nonnulli Theologi dicunt hoc esse peculiare isti relationi filiationis, vt immediate referatur ad suppositū, & nō ad naturam. Verū huus rei causā non aliā afferunt, quā quod S. Th. ita decreuit. Sed his & alijs prætermisiss, breuiter exponā quid ipse in hac resentiā Principio id præsuppono, quod in hac parte idem est ferendum iudicium de filiatione adoptiua, quod de filiatione naturali: & ad illud

sub-

Subiectum referenda est adoptiua filiatio ad quod pertinet naturalis. Quoniam filiatio adoptiua ipsam naturalem imitatur, & eius vice substituitur. Secundo aduertendum esse censeo, non esse peculiare relationi filiationis, quod ad suppositum, & non ad naturam immediate referatur. Hoc probo ex S. Th. qui primus fuit huius rationis auctor. Nam ipse, ut supra in quodam argemento deducebam: in 3. part. q. 34. ar. & similiter eadem. q. art. 1. hoc ipsum tribuit nasci, generari, & esse natum ac genitum. Et quidem ob id filiatio non naturam immediate, sed suppositum respicit: quia nasci, & generari, & similiter natum, ac genitum, in quibus rationibus proxime fundatur filiationis relatio, ad suppositum immediate referuntur. Sed huius rei causam deinceps explicabo. Ad cuius explicationem aduerto primo, ex doctrina S. Tho. loco proxime cita. quod natura potest dupliciter respici per aliquam actionem: primo per modum formalis termini ipsius actionis. Secundo per modum subiecti quod vel actione fit, vel ad ipsam præsupponitur. Priori modo natura in qua res genita fit, & generatur, per se primo respicitur a generatione, & a naturitate, & suppositum respicitur ratione ipsius. In generatione hominis formalis, & primarius terminus quem per se primo, & formaliter ipsa generatio intendit, est humanitas: homo vero, prout designat humanitatis suppositum, ratione ipsius humanitatis, per humanam generationem respicitur. Posteriori autem modo natura nequaquam per generationem intenditur, generatio enim non naturam per modum subiecti seu termini. Qui. sed ipsum subiectum per se primo respicit. Natura namque rationem subiecti generationis non sortitur, sed suppositum est, quod modum habet totalis subiecti, & termini. Qui. generationis quatenus ei substantialis natura per generationem communicatur.

Vnde animaduerto tertio non esse contra rationem generationis, quod suppositum præsupponatur ipsi: ut patet in humana Christi generatione, quam præcessit per infinitam durationem diuinum verbum, quod est suppositum in humanitate genitum. Quod non acquisiuit simpliciter rationem suppositi ex vi ipsius generationis, & si verum sit acquisisse rationem formalem humani suppositi, quatenus de nouo terminauit suppositualiter humanitatem, sed hæc est ratio suppositi secundum quid. Cæterum contra rationem generationis est, quod natura præsupponatur in supposito ante ipsam generationem: Et huius discriminis ea est ratio. Quod natura, ut dixi, est formalis terminus quem generatio per se primo formaliter intendit, suppositum autem rationem habet subiecti, quod proinde si generationem præcedat, non destruit generationis rationem.

Sed aduerte, quod si quando ad generationem simul cum supposito, natura aliqua specifica præsupponatur, talis natura nequit esse pro-

ximum, & formale subiectum generationis, & natiuitatis, id est, subiectum, quo, seu cuius ratione, natura per generationem de nouo adueniens copuletur. V. c. si angelus generatione humana fieret homo, humanitas non conueniret naturæ angelicæ, vt subiecto proximo, sed angelo, id est, supposito angelico, quod in noua substantiali natura, nimirum, humana generatur: ita quod ipsa angelica natura, non esset proxima, & formalis ratio per quam angelicum suppositum naturam humanam supponeret, & terminaret, sed ipsa suppositualitas constitutiva talis suppositi, esset ei proxima, & formalis ratio supponendi, & terminandi naturam humanam. Et si uerbum naturam angelicam assumeret, assumptio nullatenus ad humanitatem terminaretur, sed immediate ad suppositum, scilicet, ad uerbum, & humanitas haberet se ab i tantummodo comidantem, & similiter se habuisset diuinitas in ipso incarnationis mysterio respectu humanitatis assumptæ, nisi esset forma intrinseca, & essentialis ipsi uerbo. Nam hac de causa secundo, & ipsa uerbi personalitate mediante, terminus est hypostaticæ unionis, sed nullatenus, est censenda ratio formalis, & proxima per quam uerbum naturæ humanæ dependentiam terminat, sed ipsa uerbi personalitas, scilicet, diuinæ filiationis relatio, est uerbo diuino proxima, & formalis ratio terminandi personaliter humanitatem. Et huius deorsum ea est ratio, quia una specifica, & substantialis natura non est complebilis, & terminabilis per se primo, & immediate per aliam naturam substantialem in ratione naturæ sumptam: nam quilibet huiusmodi natura perfecta est, & independens, secundum rationem naturæ. Dependet autem a supposito, & ab eius terminatione: etenim substantialis natura non intelligitur omnino completa, quamdiu non intelligitur suppositata. Vnde, immediate per suppositalem proprietatem terminatur, & completur. Et hac est ratio a priori, ob quam substantialis generatio substantialem naturam respicit quidem per modum termini, nullatenus uero potest ipsam respicere per modum subiecti. Dixi consulto unam substantialem naturam non esse terminabilem, & perfectibilem immediate per aliam naturam substantialem. Nam per accidentariam naturam immediate perficitur, & terminatur tantumquam proximum, & immediatum eius subiectum. Vt accidentia propria naturæ rationalis ipsam immediate perficiunt, & ipsa mediante supposito.

Aduertit quinto, quod licet gratia quedam sit accidentalis forma, & qualitas, quemdam tamen habet modum formæ substantialis, quatenus confert subiecto in quo recipitur diuinæ naturæ participationem, cuius participationis uirtute, is qui gratiam recipit uere dicitur generari, & nasci, esseque genitum, & natum, ac denique filium, natiuitate diuina participata, & filiatione dei adoptiua iuxta illud Ioh. 1. q. 1. de deis eius potestatem filios dei fieri, qui non ex sanguinibus, neque ex

ex voluntate carnis, neque ex voluntate viri, sed ex deo nati sunt.

Ex his colligo primum, quod in iustificatione hominis, gratia potest dupliciter considerari, & in quantum est accidentaria quædam qualitas, & prout induit modum substantialis formæ nunc expositum. Et si priori modo consideratur, prius naturæ ordine refertur ad naturam humanam tanquam ad subiectum immediatum, quo, & formale, quam ad ipsum humanum suppositum. Natura enim substantialis proximum esse potest susceptivum, quo, formæ accidentalis, & de facto est proximum subiectum illius habitus qui non est immediate operativus, cuiusmodi sunt sanitas inter accidentia corporalia, & inter spiritualia iustitia originalis, & gratia, ac ipsum etiam originis peccatum iustitiæ originali contrarium. Si vero in posteriori consideratione sumatur, res aliter se habet. Dicendum est enim quod non humanitatem primo, & formaliter respicit, sed suppositum, quatenus constituit ipsum in nova natura existens, & illi tribuit adoptivam dei filiationem, ad eum modum atque si ipsum constitueret naturalem deum filium, tribuens ei substantialem dei naturam.

Colligo secundo, quod in ipsa Christi formali Sanctificatione, gratia prout forma est, & qualitas accidentalis ad ipsam Christi humanitatem, ut ad proximum, & immediatum subiectum est referenda & ad suppositum non nisi ipsa humanitate mediantem. Ceterum, ut forma est secundum se apta nata dei filium Spirituali generatione ex ipso deo natum constituere, non potest ad humanitatem per se primo & immediate referri, sed si gratia hanc in Christo rationem obtinet ad suppositum est immediate referenda, ut ad proximum, & immediatum, & Spirituales natiuitatis, & adoptivæ filiationis subiectum, ipsumque adoptivum dei filium constituit. Quod si hoc impossibile iudicabit Theologus, & consequenter fateatur Christum nullatenus esse adoptivum dei filium. Cum neque adoptiva dei filio, neque gratia prout eius est constitutum ad humanitatem Christi ut ad proximum subiectum pertinere queat, sed ipsum humanitatis suppositum, nempe verbum, necesse est immediate respiciat. Vnde ex iis rationem. S. Th. pro nostra tertia conclusione in hunc modum deduco. Filiatio adoptiva dei per gratiam collata non ad Christi humanitatem immediate pertinere potest, ita ut Christus possit ratione humanitatis dei filius adoptivus constitui: sed divino verbo, quod est humanitatis suppositum, nequit immediate competere adoptiva filio. Igitur Christus per habitualement gratiam neque est, neque esse potest adoptivus dei filius. Consequentia est evidens. Quia si filio dei adoptiva nec ratione humanitatis, nec ratione suppositi Christo convenire potest, quo pacto Christus adoptivus dei filius esse poterit per gratiam. Maior præmissa ex prænotatis constat ex quibus habe-

tur quod filiatione naturalis per se primo, & immediate non naturam, sed suppositum respicit, vt proximum, & immediatum subiectum. Quoniam ita poscit ipsa substantialis generationis ratio. Et quod idē sit de filiatione adoptiua dicendum, sufficenter reliquimus explicatū. Minor vero argumenti facti propositio efficaciter à S. Th. 3. p. q. 23. art. 4. probatur, ex eo, qd is qui per se, & perfecte est Dei filius, vt pote naturalis, nequit esse simul imperfecte & participatiue, & per adoptionem filius Dei. Si quidem filiatione adoptiua humanitati vt subiecto, Quo, & per ipsam verbo diuino competere posset, hæc probatio. S. Th. penitus esset in efficax, Verū si immediate debet ad verbū referri, & non ratione humanitatis, vt exposuimus retro, & sufficenter probauimus, hæc ratio vt demonstratio Theologica est habenda.

Cōfirmatur primo. Christus neq; est filius Dei adoptiuius secundū qd Deus, neq; secundū qd homo, vt ex dictis cōstat: Ergo nullo modo.

Confirmatur secundo. Adoptio non potest cōuenire nisi subiecto extraneo a filiatione, & ab hereditate bonorū eius a quo adoptatur: ergo impossibile est conueniat immediate Christo ratione suppositi, cum vt sic nullatenus possit extraneus haberi a Dei filiatione, & celestium bonorum hereditate, quia est naturalis Dei filius, & vniuersorū hæres. Hanc rationē reperiet Theologus in Conc. Franc. Ford. & in Epistola Adriani primi ad Episcopos Gallicie, & Hispaniarum, Tandem, vt rem istam concludamus, aduertendum, quod cum asserimus cum S. Thom. filiationem ad solum suppositum pertinere, & non ad naturam: non negamus, quod secundo, & quasi materialiter ad ipsam naturam possit pertinere, ratione tamen suppositi, præsertim cum natura est ipsi supposito intrinseca, & essentialis. Qua ratione filiatione qua Christus est naturalis Beatiss. Virg. filius, quæ per se primo, & immediate conuenit verbo: secundo, & mediate cōuenit eius diuinitati, quatenus diuinitas est forma verbi intrinseca. Et ita absolute fatemur, quod Deus est filius Virginis, & quod ipsa est mater Dei: non dico deitatis, quia deitas in abstracto neque immediate, neque mediate capax est huius denominationis. Cum autem humanitas sit forma extrinseca simpliciter diuino verbo, si adoptiua filiatione per gratiam competere verbo, non ob id humanitati conueniret nisi valde materialiter. Ad eum modū quo si Christus angelicam assumeret naturam humanitate retenta, homo esset angelus materiali locutione: quatenus humanitas, & angelica natura in vno eodemque coirent supposito. Non vero angelica natura humanam determinaret, sed concomitanter & quasi per accidens vna se haberet ad aliam: quia vtraque immediatam haberet ad ipsum verbum habitudinem, & verbum alteram independentem ab altera determinaret, & supponeret. Loquimur de gratia, atque si esset substantialis

quædam specifica natura. Quia ita est consideranda, secundum quod filiationem Dei adoptiuam constituit, ut ex dictis est manifestum.

Quarta Conclusio.

Sententia quæ affirmat Christum, ut hominem esse filium Dei adoptiuum, non modo falsa est, sed & temeraria, & periculosa. Probat^{ur} conclusio, & primum quod sit temeraria ex eo constat; quia in re tam graui opponitur omnium Theologorum sententiæ, vno excepto Durando, qui asseueranter docuit, Christum ut hominem esse adoptiuum Dei filium. Et exceptis paucissimis alijs quibus licet non vera, ut cumque tamen visa fuit probabilis Dur. sententia. Præterea; quia non modo non probabiliter innititur rationi, quin potius manifestissimis Theologicis rationibus opponitur, quarum meminimus circa præcedentem conclusionem. Et quidem duæ postremæ magnam vim habent ad confirmandam communem Theologorum sententiam, quæ negat Christo adoptiuam Dei filiationem. Et vltima præsertim ratio, si bene expendatur verosimilem solutionem non admittit. Quod sit periculosa sententia, probatur primo. Quia vltima ratio, de qua nunc dicebam, aperte deducit sententiam istam ad illum ab Ecclesia damnatum errorem, nempe, in Christo, suppositum aliquod reperiri creatum, cui adoptionis filiatio competit. Secundo probatur ex Adria. 1. in epistola citata ad Episcopos Gallicæ & Hispaniæ. In qua expresse definit errasse in fide Elipandum Archiepiscopum Toletanum, quatenus Christum adoptiuum Dei filium & per gratiam adoptatum appellat. Notanda sunt illa verba prædictæ epistolæ. Quod si secundum eorum callidam tergiversationem cuncta quæ protulimus ex sacris scripturis ad diuinitatem tantummodo filij Dei referenda opinantur: Dicant, ubi vnquam communi assatu dixerit Christus nobiscum, Pater noster, scit enim, inquit, Pater vester, quid vobis opus sit. Non ait, noster, quasi nobiscum adoptatus per gratiam &c. Ex quibus verbis aperte constat mentem Adriani Fræfordiensis Concilij intentioni conformem, eam fuisse, quod Christus etiam, ut homo, non est censendus adoptiuus Dei filius. In libello quodam qui Sacrosyllabus inscribitur editus apud Conc. Fræford. quem per modum epistolæ scripsisse ferunt Paulinum Aquileiensem Episcopum, (cuius extat de hac re epistola, quæ refertur in Bibliotheca Sanctorum 4. Tomo.) & Petrum Mediolanensem; In hoc in quâ libello eadem habetur statuta veritas; ad cuius corroboracionem illa verba dicta Virgini Mariæ ab Angelo Luc. 1. Hic erit magnus & vocabitur altissimi filius: & illa quod ex te nascetur sanctum vocabitur filius Dei, ita ponderantur. Non ait vocabitur adoptiuus filius Dei, sed absolute filius Dei, & filius altissimi. Denique non de sola excellentia magistatis eius tunc loquebatur angelus, sed potius de incarnatione diuini.

ea diuinitate. Et paulo post ita dicitur. Secundū carnem Dauid filius dictus est, non secundum diuinitatē. Habes igitur quomodo de quo supra dixerat, q̄ ex te nascetur sanctū vocabitur filius Dei, nō adopti uus sed verus, nō alienus sed proprius, de eo subiecit, dabit ei dominus Deus sedē Dauid Patris eius. Itē in Cōc. ipso Frācfor. quod licet generale non fuerit, fuit tamen nationale: imo, & plusquā nationale ab Adriano. i. cōgregato, & cōfirmato, & sub Corol. Magno celebrā to, aperta definitione hęc probatur statuta veritas, multisq; Patrum testimonijs corroboratur cōtra Epilandū Archiepiscopū Toletā num, qui affirmabat Christum, vt hominē, adoptiuum esse Dei filiū.

Sed rogat Peritus Theologus. Cur sententia quę affirmat Christum, vt hominem, adoptiuum esse Dei filium, non censetur error in fide manifestus, cum fuerit in Conc. prædicto & ab Adriano. Pontif. damnata, & eius assertores Elipandus Toletanus, & Felix Vrgelitanus, vt heretici sint habiti. Respondetur, quod de huius Conc. autoritate non satis constat in Ecclesia: Neq; ante nostram ætatem concilium istud inter reliqua Concilia circumferebatur, neque modo integrum habemus, sed quodam eius dumtaxat fragmentum Lauren tij Suriij viri Doctissimi & diligentiss. opera comparatum, quod in tertio tōmo Conc. statim post septimā synodum generalem circumfertur. Et quidem non fuisse generale Conc. manifeste constat ex ijs quę de ipso traddunt Auctores qui eius meminere. Non enim ex omnibus Christianis prouincijs ad ipsum confluxere prælati, sed ex quibusdam tantum. 300. conuenerunt Episcopi, puta, ex Gallia, Germania, & Italia. Quo fit vt non tanta ei sit autoritas deferenda, quanta Concilijs indubitatis generalibus, sed nihilominus hęc synodus non omni est autoritate destituta. Nam huius Conc. multi meminere Auctores, quos refert Robertus Bellar. cōtrouerſia. 4. generali. part. 2. cap. 8. Et præter Autores ab eo citatos, mentionem huius synodi fecere, Palud. in 3. distinct. 4. quæstion. 3. Anto. 3. part. hysto. tit. 14. cap. 1. §. 6. Alfonso de Castro. lib. 8. aduersus hæreses, verbo Imago. Et Nicolaus Sanderus. li. 7. de visibili Monarchia Ecclesię ab anno. 770. vsque ad anno. 796. Multi auctores sinistre de hac synodo senserunt, asserentes in ea prohibita fuisse imaginum venerationem, & reprobatum ac damnatum. 7. generale Conc. quod fuit. Nic. 2. Vbi imaginum veneratio fuit approbata. De qua re erudite loquitur Robertus Bellar. pro Frācford. Cōcilio feliciter decertās. Et ex multis quę ipse probabilibus ductus rationibus, & coniecturis dicit, constat Auctoritatem Francfordiensis Concilij in magno præ tio fore habendam, quam vt grauissimam admittunt Doctores dudū a nobis citati, & alij his antiquiores, & grauiores tum Græci tum Latini, quos vide apud Bellarminium.

Ex quo sequitur, quod licet grauis huius Conc. auctoritas non sufficiat certam reddere in fide sententiam Theologorum affirmantem Christum, vt hominem, non esse adoptiuum Dei filium, sufficit tamē simul cum communi Theolorum doctrina grauissimis Theologicis fundata rationibus, eam tam certam efficere, vt oppositum & temerarium, & periculosum censere debeamus.

Sed vt Concilij prædicti auctoritas probatior fiat viris doctissimis, nonnullæ difficultates sunt expendendæ, quæ à Roberto Bellar. fuerunt consulto prætermittæ: eo quod ipse de ea Conc. tantum parte, in qua de cultu imaginū tractabatur, inciderat sermo. De qua sane Concilij parte non adhuc distincte cōstat. Nam vel eius temporis iniuria in quo Frācford. Synod. fuit celebrata, vel quod est vero similis, hæreticorum imaginum culturam abhominātium versutia, & iniquissima diligentia fuit occultata: eo quod prauā eorum sententiam validdissimis iaculis confoderat. Hac ergo ignota Concilij parte prætermittā. Non nihil dicendum erit de parte illa, quæ magna Laurentij surij diligentia extat cæteris grauissimis Conciliis associata. In qua contra Elipandum Toletanum, & Felicem Virgelitanum definitur Christum etiam, vt hominem, & secundum carnem, non esse vocandum adoptiuum Dei filium.

Sed priusquam vltcrius nostra progrediatur tractatio, obseruandum esse duxi, deceptum fuisse Palud. dum in citato loco sententiam affirmantem Christum adoptiuum esse Dei filium tribuit Elipando Episcopo Tolosano. Est enim cunctis, qui de hac re loquuntur, manifestissimum, Elipandum, non Tolosanum, sed Toletanum fuisse Antistitem. Et quidē ex ipsis Ecclesiæ Toletanæ Scriniis hoc ipsum poterit comprobari, in quibus inter cæteros Toletanæ sedis archiepiscopos recensetur Elipandus. Et ex libro manu scripto ibidem contento, cuius auctor fuit Eucherius Episcopus Oxomensis, constat hunc Elipandum prædictæ adhæsisse sententiæ, eamque constanter affirmasse. Sed iam ad Francfordiense reuertamur Concilium.

Et primo sic argumentor. In illo Francfordiensi conc. damnatos reperimus, vt male de catholica veritate sentientes, grauissimos Patres, Eugenium, Hyllesonsum, & Iulianū, Toletanæ Sedis Archiepiscopos: at non est credibile, quod a Synodo sancta in spiritu sancto congregata, tam sancti ij, tamque grauissimi Patres hanc accepissent tam iniustam damnationem: Ergo auctoritas huius Conc. non est vt irrefragabilis habenda. Maior constat ex illis verbis Conc. Et melius est testimonio Dei patris credere de suo filio, quā Hyldefonsi vestri, qui tales vobis composuit preces in missarum solēnijs, qualis vniuersalis, & sancta Dei non habet Ecclesia. Et paulo ante. Cum in libello quodam Elipadi, Eugenius, Hyldefonsus, & Iulianus, eius

prædecesores referentur pro sententia affirmante Christum adopti-
uum Dei filium, ita subiunxit Conc. Et cetera, quæ ex parentum ue-
strorum dictis posuistis, ut manifestum sit, quales habeatis parentes,
& ut notum sit omnibus, unde vos traditi sitis in manus infidelium.
Quia hominem Christum verum Dei patris filium esse negastis, vo-
bis defensor esse noluit, sed tradidit vos in manus inimicorum suo-
rum, ut dominentur vestri, qui eum recipere noluerunt, & cui illi pu-
blice detrahunt, vos occulte illi derogetis.

Secundo arguitur. In prædicto Conc. eodem modo damnatur hæc
propositio, Christus est seruus Dei, sicut illa Christus est filius Dei ad-
optiuus, sed ex sacris literis Isa. 40. Et aliis locis quamplurimis con-
stat Christum vere appellari, seruum Dei: Ergo errauit prædictum
Conc. in suis definitionibus, atque adeo cum definiit Christum, ut ho-
minem, non esse filium Dei adoptiuum, nulla est ei adhibenda fides.

Tertio arguitur. Esto admittamus præfati conc. autoritatem. in
illo conc. non damnatur hæc propositio, Christus in quantum homo
est filius Dei adoptiuus, in sensu in quo asseritur a Dur. qui confitetur
christum ut Deum, esse naturalem dei filium, & ut hominem, id est,
ratione humanitatis eleuatæ per sanctificantem gratiam, esse filium
Dei adoptiuum: Sed in sensu hæretico, quem Elipandus, & Felix in-
tendebant, qui ut constat ex verbis paulo ante in argumento primo
ex ipso conc. recitatis, negabant absolute Christum esse naturalem
Dei filium, & solam in ipso adoptiuam filiationem agnoscebant: quæ
in re, vel cum Arianis, vel cum Nestorianis sentiebant: Ergo prædicti
conc. definitio non infirmat Dur. sententiam.

Quarto arguitur. concilium vtitur quibusdam Theologicis ra-
tionibus ad expugnandam adoptiuam Christi filiationem, quæ non
sunt efficaces, & earum nonnullæ a multis Theologis contemnuntur.
Ergo, quod christus non sit adoptiuus Dei filius non potest esse cer-
tum, neque ad fidem pertinens, neque vero credendum est concilium
cum tam infirmis vsum fuerit rationibus, hanc sententiam ut catholi-
cam veritatem nobis tradidisse.

Ad hæc argumenta respondeo. Et ad primum quidem quod apud
me maioris est momenti (nam multum derogare videtur grauitati,
& autoritati conc. quod de tribus illis sanctissimis patribus tanta
eum libertate loquatur) dico, quod S. Synodus ex suppositione, id est,
supposito verum esse, quod Elipandus, & Felix pretendebant in suo
libello suadere, nimirum, eos doctrinam suam ab illis tribus patri-
bus hausisse, quadam libertate christiana tantorum Patrum autorita-
tem contempsit, catholicam Romanæ Ecclesiæ, cuiuslibet singularis
Doctoris, & cuiuscumque particularis Ecclesiæ doctrinæ anteposuit.
Vnde conc. ibidem Greg. Magni Romani Pont. autoritatem, qui
Chri-

Christum naturalem Dei filium, & non adoptiuum in Romana Ecclesia docuit, præferendam esse decreuit Hyldesonso Toletanæ Ecclesiæ antistiti. Consimili christiana libertate vsus fuit S. Paul. cum a Gal. c. i. dixit, sed licet nos, aut angelus de cælo euāgelizet vobis, præterquam quod euāgelizamus vobis, ananathema sit. Ecce, & homines, & beatos angelos anathematizat Paulus ex suppositione, id est, si supponatur eos quidquam docuisse, aut docere contra ipsam fidei veritatem ab apostolis Ecclesiæ traditam, Præterea addiderim Francfordiensis Conc. Patribus persuasum fuisse, Elipandum, & Felicem, falso, & impudenter grauissimis illis patribus suam falsam sententiam imposuisse, sicut & imposuerunt eam August. & aliis grauissimis patribus corrupte, & deprauate eorum testimonia referentes, ut ibidem Conc. aduertit, hos patres à tam manifesta iniuria vindicans. Et quod hæc fuerit Conc. mens: colligo ex illis verbis, quæ versus finem in Concilio habentur. Definite (inquit) fratres, vestros per aures populi Christiani diffamare parentes, & vos metipso, a sancta dei diuina Ecclesia, &c. Illorum parentes appellat Conc. prædecessores Elipandi, in Ecclesia Toletana, Eugenium Hyldesonsum, &c. quorum infamiam iniustā fuisse Conc. prædictis verbis insinauit aperte.

Ad secundum argumentum respondeq. Quod cum Synodus Francfordiensis negat Christum esse Dei seruum, non loquitur de seruitute filiali, & reuerentiali qua iustificatus per gratiam, & charitatem Deo spontanea voluntate obedit, eiusq; imperio, & consilio citra vllā propriæ voluntatis renitentiam ducitur: Ob quam causam Ezech. i. Sancti viri animalibus comparantur, eo quod dei motioni, & directioni pænitus subiiciuntur. Et ob eandem causam Paul. ad rom. 8. dicit, qui spiritu dei aguntur, hii sunt filii Dei. Ponderandum est illud verbum, aguntur, denotat enim valde spontaneam ad deum, eiusque voluntatem, & legem subiectionem, qua tam ipsi deo parent ad nutum, tamq; sunt eius voluntati, & imperio subiecti, vt non tam libertate, quam fatali, & naturali necessitate agi videantur. Et ob id Regius vates, ps. i. de viro cuius ibi prædicat beatitudines dicit. Sed in lege domini voluntas eius, & in lege eius meditabitur die ac nocte. Quod si hæc tam spontanea subiectio, & seruitus communis est omnibus viris iustis, multo peculiari ratione ea est Christo, vt homini, tribuenda. Vnde merito ipse dicebat lo. 4. cibus meus est, vt faciam voluntatem eius, qui me misit. Cibus vocat obedientiam, & subiectionem ad patrem, vt ostendat quanta cū suauitate, & liberæ voluntatis propensione patri obediebat, ita ut loco delectabilis, & suauissimi cibi haberet voluntati patris conformari, eiusque mandatis parere. Loquebatur ergo ibi Conc. de seruitute seruili qua voluntas quasi coacte, & violenter, ac timore pænæ perterrita obedit deo. Quæ seruitus imper-

fecta est, Imo si hæc seruitutis conditio ei vel formaliter, vel virtualiter adiungatur, ita vt voluntas taliter sit animata, quod nisi terribilis immineret contra inobedientes pœna, minime obediret deo, peccatum est mortale. Et hæc seruitus seruilis siue cum peccato sit, siue non, excludenda est à Christo, quia inuoluit imperfectionem quam ab anima perfecta charitas excludit: iuxta illud Ioan. 1. c. 4. charitas foras pellit timorem. Et quidem hæc intelligentia Concilij ex verbis ipsius constat, sic enim dicit. Deum nequaquam audetis confiteri seruum, vel adoptiuum, & si cum Propheta seruum nominasset, non tamen ex conditione seruitutis, sed ex humilitatis obedientia, qua factus est patri obediens vsq. ad mortem. Et inducit S. Leo. in hom. de natiuitate dicentem, assumpta est de matre domini natura, non culpa, creata est forma serui sine conditione seruili. Et his verbis insinuat quod seruitus cum seruili conditione nō esse potest, nisi in eo, qui capax est culpæ: Christus autem & originalis, & totius actualis culpæ prorsus est incapax, atq. adeo & huius seruilis timoris, maxime si seruitutem habeat adiunctam.

Ad tertium argumentum responderetur, manifestum esse ex libello, seu epistola Elipandi, & Felicis, cuius meminit Fransford. Conc. quod autores illius sententiæ, nimirum, Christum esse secundum humanitatem filium Dei adoptiuum, non negarunt ipsum secundum diuinitatem verum esse, & naturalem filium Dei. Nam ita habetur in prædicto Conc. Quod autem dicitis in epistola fidei vestræ, ex patre vni genitum sine adoptione, primogenitum vero in fine temporis verum hominem assumendo de virgine carnis adoptione, vni genitum in natura, primogenitum in adoptione & gratia. Et alia multa in ipso Concil. referuntur, ex quibus id quod diximus erit legenti manifestum. Fateor, concilium verbis etiam expressis asseruisse, quod Elipandus, & eius in prædicta doctrina consortes negauerunt Christum esse verum, & naturalem Dei filium: quæ sane apparens contradictio in hunc modum tollitur, simulq. componitur ista diuersitas: Quod Patres conc. quamuis viderent à prædictis autoribus assignatam verbis Christi diuinitatem, eiusq. æternam, & naturalem dei filiationem, cōsueverunt tamen affirmationem istam verbalem tantum esse, & quod mente cum arrio sentiebant, Christum, neq. verum esse Deum, neque naturalem patris filium; aut vero cum Nestorio distinguebant geminam in Christo hypostasim, quarum alteri naturalis & alteri adoptiua conueniret filiatio. Quod colligebant ex eo, quod Elipandus, & Felix Christum secundum humanitatem, & per gratiam, filium Dei adoptiuum esse dixere. Senserunt enim Patres prædicti Conc. & id quidem non irrationabiliter, quod adoptiua filiatio Dei excludit filiationem naturalem ab eo supposito cui tribuitur. Et in hac re ex-

plicandā, videlicet, quod cum adoptiua Dei filiatione non compatiatur in eodem supposito naturalis dei filio, laborauerunt, & non infeliciter, Patres Francfordiensis Conc. Et ita constituerunt hæreticum esse dogma ad Arrianam, seu Nestorianam doctrinam pertinens, illa sententia quæ Christum secundum humanitatem dicit esse adoptiuum dei filium. Quæ tamen sententia ob id a nobis non tam graui nota inuitur, quia de huius Concilij autoritate, eiusq. Apostolica confirmatione, non satis constat apud graues autores, quamuis hisce temporibus non multa cum probabilitate negari posset autoritas huius Concilij, quia à multis viris granissimis iudicatur irrefragabilis. Et epistola Adriani 1. Pont. quæ prædicto suffragatur Concilio, non leuioris momenti iudicatur. Et ob id in tertia conclusione dixi, sententiam constituentem in Christo filiationem Dei adoptiuam temerariam esse, & in fide periculosam. Missum facio, quod in Conc. prædicto non expresse damnatur hæc propositio, christus in quantum homo est adoptiuus Dei filius, quamuis Patres Concilij definiant, quod Christus in carne, & in humanitate assumpta filius est Dei naturalis. In qua definitione nihil fortassis aliud intendebant Patres, quam quod verbum, prout est naturalis Dei filius, fuit per gratiam vnionis communicatum humanitati & carni, quam propria personalitate, quæ est ipsa naturalis Dei filio, supponit & personaliter terminat. Quod qui negaret, esset citra dubium hæreticus.

Quarto argumēto respōdeo, quod theologicæ illæ rationes quibus Fræctordiente Conc. utitur, nō plene conuincunt falsitatis, ne dicā erroris, sententiam asserentem, Christum vt hominem adoptiuum esse dei filium: Verum ipsa Conc. definitio, magnum adiecit robur, ita vt si certo de ipsa constaret, erroneam, vt minimum, redderet prædictā sententiam. Et quidem in frequenti Conciliorum etiam generalium, & grauissimorum vsu positum est, vt ad probandas conclusiones, quæ sunt certæ secundum fidem, quibusdam vtantur rationibus inefficacibus, & quandoq; minus probabilibus. In septima enim generali synodo, non displicuit patribus Concilij ratio qua quidam Patres probauerunt, posse depingi angelos, & corporeas ipsorum fingi imagines, ex eo quod angeli sunt naturæ corporeæ: at multo certius est, ne dicam certissimum, angelos omnis corporeæ portiois expertes esse, & immunes ab omni materia, quam eius oppositum. Sed nihilominus addiderim, non esse contemnendas rationes illas quibus Francfordiente Conc. utitur, contra Elipandū, & Felicē, illæ præsertim, quæ ad hoc reducuntur: qd honorū cœlestiū adeptio, & similiter plenitudo veritatis, & gratiæ, Christi humanitati debentur ex vi hypostaticæ vnionis. Quā rationē in quarto loco superius pro tertia cōclusionē in formauimus, & explicauimus ad cuius efficaciam expēdēdā, legat Theol-

logus ea, quæ dicemus in secundo articulo sequentis controuersiz.

Quinta & vltima ratio, quam pro tertia conclusione ex mente Si. Th. superius deduximus, & si non habeatur in prædicto Conc. expressa, continetur tamen in eius doctrina virtualiter, & implicite. Nam cum Concilium multis conetur ostendere, quod vni, & eidem supposito, duplex filiatio naturalis, & adoptiua conuenire minime potest, manifeste præsupponit, quod filiatio non immediate ad naturam, vt aliz proprietates, sed ad suppositum, tanquam immediatum subiectum est referenda, iuxta modum a nobis superius expositum. Quoniam si ad naturam immediate pertineret, & ratione eius referretur ad suppositum, non subsisteret veritate, quod Conc. intēdit, videlicet, vni, & eidem supposito geminam hanc filiationem competere non posse. Quia ratione duarum naturarum, diuinæ, & humanæ idem verbi suppositum posset, & naturalis, & adoptiua esse dei filius. Sicut ratione harum duarum naturarum vnicus dei filius, & mortalis est vt homo, & immortalis, ut deus.

Argumenta quæ pro affirmatiua huius dubij parte formauimus, opere prætium erit posthac diluere.

Ad primum argumentum respondetur primo, quod cum filiatio adoptiua, sit vera & prædicamentalis relatio, gratia vero forma sit absoluta, ad prædicamentum qualitatis pertinens, neq; est primarius, neque secundarius esse potest effectus gratiæ: sed relatio consequens ad primarium eius effectum, si tamen gratia sit in subiecto apto nato huiusmodi relationem suscipere, nimirum, in subiecto, quod secundum se extraneum est a natura diuina, & cui non est alias debita gratia, & bonorum cœlestium possessio: Christus autem Saluator noster cum sit naturalis dei filius, non est extraneus a natura diuina: & eius humanitati propter hypostaticam vnionem, gratia & gloria iure conaturalitatis debentur, atque adeo Christus, etiam ut homo, incapax est huius relationis, scilicet, filiationis adoptiue: ac proinde gratia in hoc subiecto haud quaquam se in istam explicat relationem, Deest, namque conditio necessaria fundandi ipsam, nimirum, extraneitas a natura diuina in supposito in quo est gratia.

Sed instat quispiam, quod gratia non se explicet in hanc filiationis adoptiue relationem non potest fieri citra magnum miraculum, cum hæc relatio per se cōsequatur ipsam gratiam, & primarium eius formalem effectum: at in mysterio incarnationis non sunt multiplicanda miracula absq; magno fundamēto, & necessaria ratione: ergo, &c. Respondetur admittendo hic interuenire miraculum, sed nō nouum, & omnino distinctum, ab eo quod est verbum factum fuisse carnem. Nam eo ipso quod verbum factum est caro, debita est eius humanitati omnis plenitudo gratiæ, secundum omnem illum effectum, qui ad

ipsam humanitatem pertinet, & cuius ipsa est capax, imperfectionibus naturali dignitati suppositi repugnantibus omnino semotis. Hæc autem filiationis relatio, non ad humanitatem pertinet, quia ut superius ostendimus ex doctrina S. Th. filiationis relatio siue naturalis, siue adoptiua, non naturam, sed suppositum concernit: at humanitatis suppositum, scilicet diuinum verbum, incapax est adoptiue filiationis. Sed præterea respondeo, & est solutio precedenti præferenda, quod nullum in hac re miraculum interuenit. Nam ad perfectionem gratie eamq; ei ualde connaturalem pertinet, quod sit in tali subiecto in quo, non filiationem constituat adoptiua, sed potius naturalem, per modum cuiusdam concomitantis dispositionis, de qua re in sequenti solutione eiusdem primi argum.

Secundo Respondetur ad hoc argumentum primum, quod per se, quidem pertinet ad habitualement gratiam, diuinam filiationem tribuere subiecto in quo est, abstrahendo tamen a filiatione naturali, & adoptiua. Siquidem subiectum fuerit a diuina natura extraneum, constituet in illo adoptiua filiationem, ut contingit in omni pura creatura rationali, in qua ipsa habitualis gratia reperitur, si autem, naturalem filiationem ei confert, & ita fit in Christo. Non quod formaliter ipsa gratia naturalem ipsi tribuat Dei filiationem, sed dispositiue per modum concomitantis dispositionis: ut enim in sequenti controuersia explicabimus, gratia habitualis, dispositio est vnionem verbi hypostaticam cum humanitate concomitans. Vnde habitualis gratia vere concurret per modum prædictæ dispositionis, ut Christus, in quantum homo, sit per gratiam vnionis filius dei naturalis. Et quidem multo excellentius est, & diuinius habituali gratiæ, dispositiue concurrere ad naturalem dei filiationem, quam quod filiationem adoptiua constituat formaliter.

Ad confirmationem dicitur, verum esse quod ea omnia, quæ de cæteris hominibus iustis, & sanctis ratione gratiæ habitualis dicuntur, prædicantur etiam de Christo, ut homine, si immediate cõueniant humanitati, & ratione eius supposito. Ceterum adoptiua dei filiaio, neque in Christo, neque in aliis hominibus iustis, immediate pertinet ad humanitatem, sed ad suppositum ut diximus immediatam habet habitudinem. Ex his superest solum quartum argumentum primæ principalis controuersiæ, ad cuius solutionem instituta fuit præsens dubitatio de filiatione adoptiua.

Sed adhuc vrget confirmatio quarto huic argumento supposita. Cui tamen responderetur, quod si gratiæ infusio fiat in subiecto extraneo à natura diuina, rationem habet participatæ generationis diuinæ, quam adoptiua Dei filiaio committatur, quatenus communicatiua est participationis naturæ diuinæ in subiecto, quod secundum se ab

ipsa Dei natura erat alienum. Caterum in Christo, quia verus est Deus, & naturalis Dei filius, infusio gratiæ generatio quædam est communis, & accidentalis, sicut acquisitio cuiuscumque alterius accidentis: non tamen habet rationem generationis adoptiui, sed dispositionis concomitanter disponentis ad filiationem naturalem, quod factis fuerit, & ad essentiam, & ad perfectionem gratiæ saluandam.

Ad secundum argumentum respōdetur: Quod Christus, ut homo, est quidem filius Dei naturalis per gratiam vnionis, filius autem adoptiuius nullo modo. Si autem quæras, quid sit dicendum non addendo illā determinationē, per gratiā vnionis: Num Christus, ut homo debeat dici filius Dei, an nō filius Dei. Respōdeo, q̄ in vigore sermonis, vera est hæc propositio, christus ut homo est nō filius Dei, quia argumentatione dialectica bene deducitur, Christus, ut homo, nō est dei filius siue naturalis, siue adoptiuius, & christus, ut homo est: ergo christus, ut homo, est nō filius Dei. Sed nihilominus in hac parte tenenda est sētētia, & moderāda lingua, ne minus sapientibus scandalū offeramus: vnde cōueniēs erit, ut vtamur sēper distinctione in hunc modū: Quod christus, ut homo, per gratiam vnionis est naturalis Dei filius, & ita nequit appellari nō filius Dei. absolute tamē, & ex rigore verborū verū est, q̄ ut homo non est filius dei, & potest etiam concedi, q̄ ut sic est non filius. Potest etiā dici, & forsā melius, & securius, q̄ quāuis hæc propositio absolute prolata vera sit. s. christus secundum, q̄ homo non est filius Dei, illa tamen Christus secundum, quod homo, est non filius Dei, est absolute falsa, quia propter appellationem, & vim illius specificatiui, secūdū quod homo, quæ fertur supra illud, esse nō filium, videtur asserendum, quod si concedimus illam propositionem non possit ista esse vera, nempe christus, ut homo, per gratiam vnionis est naturalis Dei filius. Et illa dialectica argumentatio dudum facta, quæ procedit a negatiua ad affirmatiuam, prædicato uariato penes finitum in infinitum, non habet locum in propositionibus reduplicatiuis, & specificatiuis, in quibus facillime variatur appellatio: non enim valet hæc consequentia, Petrus, ut homo, nō est albus, & Petrus est, seu Petrus, ut homo est, ergo Petrus, ut homo, est non albus, antecedens pro vtraque parte est verum, & consequens propter variationem appellationis est sine dubio falsum. Hæc posterior solutio prior est meo iudicio præferenda.

Ad tertium argumentum, distinguendum est antecedens. Nam si illa verba, ex vi gratiæ habitualis, denotent primam radicem, ex qua Christo, ut homini conuenit acceptatio ad æternam vitam, falsum est illud antecedens, nam ipsa hypostatica vnio fuit prima radix in Christo, ut eius humanitati deberetur acceptatio ad gloriā. Si vero verba illa denotent proximam, & immediatam dispositionem ad gloriā qua

qua dispositione non mediante, Christus, vt homo, non fuisset ad gloriam acceptus, verum est illud antecedens: & tunc neganda est consequentia. Nam ad filiationem adoptiuam necessum erat, quod Christi humanitati, ratione vnionis hypostaticæ, non deberetur tanquam ex prima radice vitæ æterna.

Secundo Respondetur, vel potius explicatur solutio præcedens, quod Christi humanitati ex vi hypostaticæ vnionis, debito, & iure cōnaturalitatis, debita fuerunt, & gratia, & gloria, ordine tamen quodā, nam quia gratia disponit ad gloriam eo quod gloria, est gratia perfecta, & consummata: prius ordine naturæ fuit illi debita gratia quam gloria. Hoc autem debitum omnino excludit rationem adoptionis, vt ex conditionibus adoptiuæ filiationis supra politis, constat.

Tertio respondetur quod quamuis gratia, & gloria, nullo iure Christi humanitati, etiam supposita hypostatica vnione, deberentur, sed mere gratis, & liberaliter ei fuissent collatæ, ad huc, non haberet locum in Christo adoptina filiatio: eo quod gratia, & gloria ad ipsā, pertinent humanitatem, quam eleuant, & perficiunt, filiatio vero adoptiua si qua esset in Christo, ipsum humanitatis suppositum, scilicet, verbum immediate respiceret: quia autem verbum filius est dei naturalis, repugnat ei adoptiua dei filiatio. Qui autem diceret, gratiam, & gloriam non deberi Christi humanitati ex vi hypostaticæ vnionis, sed mere gratis illi conferri, consequenter fateri teneretur, quod gloria non fuit data Christo per modum hæreditatis, quia hæreditas respondet iuri filiationis, naturalis vel adoptiuæ. Atqui ita censeret, consequenter teneretur dicere, quod gloria animæ Christi neque responderet filiationi naturali, cum non esset illi debita ex vi hypostaticæ vnionis, neque responderet filiationi adoptiuæ, cum vt probauimus, nulla reperiatur in Christo. Sed quoniam Christus, vt homo, constitutus fuit a patre hæres vniuersorum: non consonat rationi, neque fortassis sanæ doctrinæ, asserere, quod gratia, & gloria non fuerint humanitati Christi debitæ ex vi hypostaticæ vnionis.

Ad Confirmationem dicitur, quod cælestium bonorum hæreditas, competit Christo prout est naturalis dei filius. Ad cuius impugnationem, respondeo, quod hæreditas quæ respondet Christo quatenus absolute, & ex vi tantum generationis æternæ filius est dei naturalis, infinita est, æterna, in participata, & substantialis, cælestium bonorū possessio. Illa vero hæreditas quæ cōpetit Christo, quatenus, vt homo, per gratiā vnionis, est filius dei naturalis, participata est, & limitata: atque adeo accidentaria possessio eorūdem bonorū. Et ex hoc patet ad reliqua quæ in eadē cōfirmatione habentur. Dicitur enim quod Christus vt homo, per gratiā vnionis est naturalis Dei filius, vnde cælestis hæreditas, quæ christo, vt homini cōpetit, debetur ei, quatenus per dictā vnio-

nis gratiam est filius Dei naturalis. Melius fortassis & explicatius dicitur, quod Christo, ut homini, per gratiam vnionis duplex debetur bonorum cœlestium hæreditas, altera substantialis, infinita, & imparticipata possessio, altera vero participata, limitata, & finita. Illa quidem immediate, nam sicut homini per gratiam vnionis immediate conuenit naturalis filiatio diuina, ita, & ei compit prædicta hæreditas. Hæc autem, mediate, scilicet, mediante habituali gratia, cui proxime respōdet hæc diuina participata bonorū cœlestiū hæreditas.

Ad quartum argumentum, negandum est antecedens, eius vero probationi negatur consequentia. Deitas enim participata, ideo non repugnat Christo, vt homini, quia non conuenit immediate supposito diuino, sed humanitati, sicut pati, & mori: Ceterum adoptiua filiatio immediate est ad suppositum referenda, atque adeo pugnant in Christo naturalis filiatio, & adoptio. Hac eadem solutione dissoluitur confirmatio quarti argumenti, ut illam dissoluit S. Thom. 3. p. quæst. 23. art. 4. ad 3. vbi inquit, quod seruitus, & subiectio ad Deum, non solum respicit personam, sed etiam naturam, quod non potest de filiatione dici. Quæ S. Thom. verba sic sunt intelligenda, quod seruitus, & subiectio conueniunt personæ mediante natura, & ratione ipsius naturæ, vnde vere dicimus Christum ratione humanitatis seruum esse patris, illique subiectum.

Quintum argumentum nonnulla efflagitat dicenda, quæ valde cōferent ad exactam intelligentiam illius rationis S. Thom. quam prædictum argumentum expugnare contendit, & quam diximus esse pro tertia conclusione fundamentalem, & præcipuam. Dico igitur, quod filiatio, (& fiat sermo de filiatione naturali, quæ est regula adoptiuæ filiationis) comparari potest ad naturam, quæ per illam acquiritur generationem, quæ est ipsius filiationis fundamentum, seu fundandi conditio, vt filiatio qua Petrus refertur ad Paulum patrem suum, potest considerari comparatione ad singularem naturam quam ipse Petrus suscepit a Paulo per naturalem generationem. Et si de hac natura loquamur, ego non formidarem concedere quod filiatio in mediate respicit naturam, non quidem vt subiectum denominatum ab ipsa filiatione, nam solum suppositum quod accepit naturam denominatur filius, & enim filius est, qui accepit a patre naturam per substantialem generationem communicatam: sed vt fundamentum proprium seu rationem fundandi ipsam filiationis relationem, hæc enim relatio filiationis non ob aliqd conuenit Petro respectu Pauli, nisi propter naturam quam habet a Paulo susceptam. Itaque sicut generari, & nasci respicit naturam in qua quis nascitur, & generatur, ita filiatio respicit ipsammet naturam iam per generationem, & natiuitatem acceptam. Et licet suppositum dicitur generari, & nasci ratione naturæ quæ

in fieri accipit, ita filius appellatur ratione eiusdem naturæ iam in se
 eto esse acceptæ.

Possent etiam considerari filiatio per comparisonem ad aliam naturam ex parte suppositi præsuppositam: Vt si fingamus quod angelus fieret homo generatione humana, filiatio qua angelus diceretur filius sui humani parentis, posset comparari ad naturam angelicam præsuppositam in supposito illo angelico, quod de nouo factum esset homo. Et si huiusmodi præsuppositam naturam filiatio comparatur, non respicit illam immediate, neque ut subiectum, neque ut fundamentum sui ipsius, sed ad suppositum immediate referretur, propter causam superius circa tertiam conclusionem assignatam. Quia videlicet natura de nouo adueniens in qua fundatur filiationis relatio, neque terminat, neque actuat naturam aliam in supposito præsuppositam.

Ex quo, sequitur, quod si Christus ratione humanitatis tanquam per naturam susceptâ adeo esset appellandus dei filius adoptiuus, non esset inconueniens, imo esset necessarium concedere, quod Christus, ut homo, idest, ratione humanitatis esset adoptiuus dei filius, sicut ratione humanitatis est seruus. Vnde si loqueremur de filiatione illa methaphorica, & impropria, qua omnes creature dicuntur filii dei, & deum habere patrem, iuxta modum illum superius exc. 38. iob. relatum, quis est pater pluuiz, &c. libenter ipse concedam, Christum, ut hominem, esse dei filium naturali quadam filiatione. Ceterum filiatio dei adoptiua, si qua conueniret Christo non ex humanitate tanquam ex forma per generationem accepta ei competeret, sed ex gratia. Nam ipsa gratia, est forma, & natura diuina quam deus uoluntaria generatione animæ confert: humanitas uero est forma præsupposita in ipso supposito. Vnde nequit ipsa gratia, quatenus præstat adoptionis filiationem, conuenire Christo ratione humanitatis, sed immediate deberet compere ipsi supposito. Et fingamus claritatis causa. Quod gratia sit substantialis forma diuina, tunc sine dubio diceremus, quod gratia non ad humanitatem Christi immediate, sed ad ipsum uerbum, quod est humanitatis suppositum, referretur. Et filiatio si qua esset in hac substantiali forma fundata, immediate denominaret ipsum uerbum, ut suppositum ipsius gratiæ, & non ut suppositum humanitatis. Proportionabiliter ergo de gratia quæ est forma accidentalis loqui debemus, non prout est accidentalis forma, sed prout filiationem adoptiuam confert. Et proportionabiliter etiam de ipsa adoptiua filiatione, quam præstat gratia, theologari oportet, eo quod illi tantum subiecto conuenire potest, cui posset competere filiatio naturalis, si ipsa naturalis filiatio esset possibilis. Non enim potest Petrus adoptare leonem in filium, eo quod leo non est capax filiationis humane naturalis. Sed Paulum poterit adoptare, quia licet in individuo neque

nequeat a Petro naturali generatione generari, in sua tamen specie consideratus capax est huiusmodi naturalis generationis. Ad quem modum theologandum esse censeo defiliatione adoptiua dei in hominibus, Nam licet homo aut angelus in suis speciebus non sint capaces naturalis generationis diuinæ, at ex gradu intellectualitatis in quo conueniunt cū deo, capaces sunt huius generationis, quia verbū diuinum, quod est in eodem intellectualitatis gradu, est vere filius dei naturalis. Cui omnes filij adoptiui debent esse conformes, Paul. ad rom. c. 8. dicente quos præciuit, & prædestinauit conformes fieri imaginis filij eius &c. Ex quo infero, mihi satis esse vero simile, quod si Deus solitarius esset in seipso, idest, vnica tantum persona contentus, vt ipsum æstimarunt Etnici philosophi, nulla esse posset proprie, & rigurose loquendo adoptiua Dei filiatio in hominibus, & Angelis, & si eis daretur gratia eiusdem speciei cum ea quæ nunc confertur ipsis. Quoniam in ea natura quæ non est capax naturalis filiationis, nulla potest filiatio adoptiua reperiri: quia adoptionis filiatio naturalem imitatur filiationem. Ex ijs omnibus ad propositum deduco, idē prorsus esse dicendum de immediato filiationis adoptiux subiecto, quod dicimus de subiecto naturalis filiationis. Vnde sicut humanitas non esset in Christo immediatum subiectum filiationis diuinæ habitæ per gratiam, si gratia esset forma substantialis, & filiatio esset naturalis: ita neq. esse potest immediatū subiectū filiationis Dei adoptiux, neq. gratia, prout confert adoptiuā filiationē, immediate refertur ad humanitatē, sed ad verbū humanitatis suppositū. Quocirca cū verbū non sit secundū se huius adoptiux diuinæ filiationis capax, necessario tenemur fateri Christum nullatenus esse adoptiuum Dei filium.

Ex his respondeo ad primam quinti argumenti partem, quod filiatio immediate respicit naturam, vt fundamentum sui ipsius, at non naturam, quæ in supposito præexistit illi generationi quæ est conditio fundandi talem relationem, sed naturam per huiusmodi generationem communicatam. Vnde nequit dici, quod filiatio adoptiua fundata in generatione spiritali factæ per gratiam, respicit immediate naturam humanam Christi, ita vt possit concedi, quod hæc filiatio competit Christo ratione ipsius humanitatis. Si quidem ipsa gratia esset natura substantialis vnita verbo substantialiter, vt ei est vnita humanitas, tunc fateri deberet Theologus, quod Christus quatenus gratus, idest, ratione gratiæ quæ ponitur substantialis forma, & natura, esset adoptiuus Dei filius. Sicut nunc dicitur, quod ratione humanitatis assumptæ est naturalis filius Beat. Virg. Tunc enim adoptiua Dei filiatio non respiceret immediate ipsum verbum, sed gratiam tanquam substantialem eius naturam, cuius ratione posset conuenire verbo, sicut ei competit passibilitas ratione humanitatis, quamuis ipsum

secundum se sit impossibile. Caterum sicut est impossibile, Christū, esse adoptiuum Dei filium, ita est impossibilis aliqua substantialis natura eiusdem ordinis cum gratia, quam diuinum verbum sibi possit hypostatica vnione copulare. Et quidem licet alias multis, & efficacibus argumentis ostendimus huius supernaturalis substantiæ impossibilitatem, non tamen nobis occurrit hactenus argumētum, quod ex præsentī doctrīna desumitur: nimirū, quod si talis daretur substantia, illa assumptibilis esset à verbo, atq. adeo cōstitueret illud filium Dei adoptiuum, quod magnum esset inconueniēs, & forsā implicatoriū.

Ad confirmationem ex dictis patet solutio, procedit enim de natura per generationem habita, in qua ipsa filiatio naturalis fundatur: de qua iam concessimus, quod ratione eius potest supposito conuenire noua filiationis relatio.

Ad secundam partem eiusdem quinti argumenti respondeo, quod filiatio Dei adoptiua nō negatur Christo, quia sit relatio realis, vel rationis, sed quia est adoptiua, ex qua parte pugnat cū filiatione naturali.

Sextum argumentum satis bene dilluitur per solutionem inter arguendum assignatam. Ad replicam vero ibidem subiunctā dico, quod quamuis gratia ea præcisē ratione qua confert participationem formalem diuinæ naturæ, gratis sit simpliciter collata Christi humanitati, non obstante illud suppositionis debitum ex vnione hypostatica ortum: eo quod, vt sic, per se consideratur in ordine ad naturam humanam, quam eleuat ad consortium naturæ superioris, & suppositum tantum consideratur, vt suppositans ipsam humanitatem, quæ est consideratio quasi pure materialis: Caterum si vellimus considerare gratiam prout adoptiuam confert adoptionem, necessario & per se respicit suppositum. Et licet Durando concederemus, quod gratia in Christo immediatius respiciat humanitatem, & ipsa mediante supposito, adhuc tamen esset dicendum, quod gratia sub hac ratione per se, & principalius respicit suppositum quod constituit adoptiuum Dei filium, quam humanitatem. Vnde secundū hanc rationē, id est, si gratia tribueret Christo filiationem adoptiuam, illa suppositio, scilicet, assumptio humanitatis ad verbum, per se respiceretur a gratia. Non enim humanitati tribueret adoptiuam filiationem, nisi habito formali respectu ad suppositum, cui soli competit esse filium.

Ex quo infero, quod quantum attinet ad præsentem tractationem, illa suppositio debiti ex vnione hypostatica proueniens tollit omnino rationem gratiæ, & liberalitatis, qualis necessaria est ad adoptionem. Ex his patet ad confirmationem. Cui ita responderetur, quod adoptio non qualemcumq. gratiam, & liberalitatem importat, sed quæ sit supposito iam existenti, saltem naturæ prioritate, at supposito Christi iam existenti in humanitate debetur omnis hæreditas supernaturaliū

hominum, imo & ipsi humanitati debetur ex vi hypostaticę vnionis
 vt in tali supposito, prout in tali supposito. Vnde ipsa gratia vnionis
 facta humanitati excludit omnem adoptionis gratiam. Ad septimū & vltimū argumētū, vultiores quidā Theologi liben-
 ter cōcedūt, quod si Spiritus sanctus humanitātē assumeret habituali
 gratia pręditā, esset, in quantū homo, filius Dei per gratiā habituale.
 Verū mihi hęc sentētia vehemēter displicet, contra quā sic argumen-
 tor. Spiritus sanctus, illa data hypothēsi, neq. esset filius dei natura-
 lis, neq. filius adoptiuus: ergo nulla ratione esset dicendus Dei filius,
 secūdū humanitātē assumptā. Antecedēs probatur, & primo quod nō
 esset naturalis Dei filius, adeo est manifestū, vt nostra probatione non
 egeat: quia habitualis gratia non sufficit filiū Dei naturalē cōstituere
 vñ qui alias ex vi generationis eterne filius dei naturalis nō est. Quod
 vero neq. adoptiuus esset dei filius probatur, primo ex eo quod gratia,
 & gloria, & cetera supernaturalia ornāmēta; non minus essent debita
 humanitati assumptę ab Spiritu sancto, ex vi hypostaticę vnionis, atq.
 nūc de facto debētur humanitati Christi, quatenus fuit à verbo assump-
 ta: Sed hoc debitū excludit à Christo adoptiuam filiationem, ergo
 & ipsam excluderet ab Spiritu sancto hominē factū.

Secundo, adoptio, vt constat ex conditionibus superius positis ad
 adoptionem requisitis, non potest esse nisi circa personam alienam &
 extraneam, id est, quod non conueniat omnino cum adoptato innatu-
 ra, ita vt vel sit eiusdem numero naturę, vt verbum est eiusdem naturę
 cū patre diuino, vel sit aliquid eius, vt filius in humanis cū suis paren-
 tibus, & vel habeat ius naturale ad ea bona ad quorū hereditatē ad-
 optatur. At Spiritus sanctus si fieret homo, nō esset persona magis ex-
 tranea a natura Dei adoptantis, quā est verbū caro factū, neq. minus
 essent illi propria, & naturalia cęlestia bona, quā verbo. Igitur data il-
 la hypothēsi, Spiritus sanctus nō esset capax adoptiue filiationis diuinę.

Denique tertio id ipsum probo. Spiritus sanctus data hypothēsi
 argumenti, non esset filius dei adoptiuus secundum humanitatem:
 nam adoptio, vt multis circa tertiam conclusionem, & in solutio-
 ne quinti argumenti conabamur ostendere, non conuenit naturę
 ex parte suppositi pręsuppositę. Neq. esset adoptiuus dei filius secū-
 dum diuinitatem, seu quod est idem, secundum ipsum diuinum Spi-
 ritus sancti suppositum: quia diuino supposito nulla potest fieri gra-
 tia, quę tamē est adoptioni essentialis, & intrinseca, vt reliquimus ex-
 plicatum: Ergo nulla ratione poterat esse filius Dei adoptiuus.

Hęc argumenta adeo sunt efficacia, vt ego solutionem illis sufficiē-
 tem non inueniam. præsertim si supponamus ea respectu Christi effi-
 caciā obtinere. Vnde ad octauū & vltimū argumentū negatur antecē-
 dens. Probationi negāda est cōsequētia. Quia licet nō sit filius natura-

lis, est tamen verus Deus eiusdē omnino substantię, & naturę cū Deo adoptante, nullamq; ab ipso extraneitatē habēs in natura, sed omnimodā, & singularissimā identitatē, & ob id iure naturali debita sunt ei omnia cęlestia bona, ad quorum hęreditatem terminari poterat diuina adoptio. Vnde in humanitate assumpta non magis esset adoptio, nis capax, quam verbum in assumpta carne.

Cōfirmationi dico, quod Spiritus sanctus, vt deus, esset gratus deo dilectione, & gratitudine inuicita, & substantiali, vt Spiritus infinite perfectus. Vt homo autem esset tunc per gratiam habitualemente Deus participatiue, & participata gratitudine gratus, & acceptus Deo, sicuti diximus de Christo, ut homine, quia humanitas eius capax esset huiusmodi gratitudinis. Non uero esset dilectus, vt filius adoptiuus, quia talis dilectionis, neque ut Deus, neque ut homo, capax est, aut esse potest, quamcūque assumat naturam. Et id ipsum de patris persona censendum est. Et hactenus dictum sit de isto dubio, & de prima principali huius nostrę relectionis controuersia.

QVAESTIO SECVNDA.

Secunda quęstio suo ordine disputanda succedit, qua quęritur: Num habitualis gratia fuerit humanitati Christi necessaria, in ratione dispositionis, ad hypostaticam vnionem cum verbo. Duobus articulis absoluenda est hęc disputatio: In priori tractabitur de dispositione secundum naturę ordinem precedentem: in posteriori vero de dispositione concomitante.

Artic. i.

In primo ergo articulo quęritur, Vtrum habitualis Christi gratia rationem habuerit dispositionis precedentis hypostaticam vnionem in Christi humanitate. Non fit in pręsentia sermo de temporis antecessione, supponimus enim, id quod certa est fide tenendū, Christi, videlicet, humanitatē non prius tēpore existisse in rerū natura productā, quā a diuino verbo assumeretur. De qua re nō nihil in pręced. quęst. diximus. De prioritatem ergo naturę dumtaxat hic disputamus. Et sententia affirmatiua sequentibus comprobatur argumentis.

Primū desumo ex illo, ps. 44. dilexisti iustitiam, & odisti iniquitatē, propterea vnxit te Deus tuus prę participibus tuis. Et suppono ad vim argumenti ex prædicto testimonio desumendam, quod iuxta Sāctorum Patrum intelligentiam, quorum præcipua testimonia in quęstione præcedenti adduximus, de gemina spiritali vnctione hoc testimonium ad literā explicari potest, & de vnctione qua per gratiam vnionis vncta fuit Christi humanitas, & de vnctione in eadem Christi humanitate facta per habitualemente gratiam, & cęlestia Spiritus sancti charismata. Quę posterior vnctio ex priori habuit originem, & ab id per

ad per modum vnus vnctionis à Regio vate in testimonio citato, & a Paulo ad Hebræos. 1. refertur. Quod inartificiose minime factum est, nam vulgare est illud Aristotelicū proloquiū, quod vbi est vnum propter aliud, ibi est vnum tantum: vnum quidem, nō identitatis, sed ordinis unitate. Quo supposito in hunc modum Primum argumentum deduco. Incitato testimonio asseritur, quod ob id deus per gratiam vnionis Christum, vt hominem, præ cæteris omnibus hominibus iustis vnxit, quia dilexit iustitiam, & odio habuit iniquitatem: Ergo huius modi actus dilectionis iustitiæ, & odij iniquitatis causa extiterunt prædictæ vnctionis. Sed non aliam potuerunt habere casualitatem, quam dispositiuam, ergo, &c. Vtcrius. Hi actus cum fuerint supernaturalis ordinis supernaturalis charitatis amorem includentes, necessum fuit, vt a supernaturalibus, & infusis habitibus gratiæ, & charitatis processerint. Igitur habitualis Christi gratia, quatenus fuit principium charitatis, & prædictorum actuum, vnionem hypostaticam præcessit in ratione dispositionis:

Secundo. Humanitas secundū se improporcionata est diuino verbo; & vnioni hypostaticæ cū ipso: ergo necessū fuit, aut salte cōgruū, quod per gratiam habituale eleuaretur, & fieret proporcionata, eiusdemq. supernaturalis ordinis cum ipso verbo, & cum hypostatica vnione.

Tertio. Natura humana extreme distat a diuino verbo: ergo conueniens fuit, vt per aliquod medium attingeret vnionem cum ipso. Antecedens patet, quoniam humanitas est natura creata, finita, & ordinis purè naturalis: Verbum autem in factum est, infinitum, in creatum, & supernaturalis ordinis. Consequentia autem videtur manifesta, quoniam de extremo ad extremum conueniens transitus fit per medium, quod est inter vtrumque extremum: sed gratia est huiusmodi medium, nam est forma quidem creata, & non omnibus modis infinita; est tamen supernaturalis ordinis diuini, & infiniti: in primo conuenit cum humanitate, in secundo cum diuino verbo: atque adeo medium est inter vtrumque extremum. Ergo, &c.

Quarto. Si qua ratione contraria sententia esset, vt verior, seu, vt probabilior statuenda, maxime quoniam humanitas in Christo non prius etiam ordine naturæ habuit esse existentia, quam esset vnita verbo: atque adeo nec prius natura capax fuit huiusmodi accidentaliformæ, quoniam forma accidentalis præsupponit esse existentia in subiecto. Hæc autem ratio non est efficax, ergo, &c. Probatur minor, in instanti generationis substantialis, v. c. ignis, calor prius natura suscipitur in materia prima, quam forma introducatur in eadem materia, ac proinde priusquam materia accipiat esse existentia a forma ignis: Ergo non est necessarius omnino ille ordo, quem assignata ratio prætendit inter esse existentia, & formam accidentalem: Ergo

Chri-

Christi gratia non obſtâte ratione prædicta habere potuit rationem antecedentis diſpoſitionis. Medina 3. p. q. 2. art. 13. diſſoluit argumentum hoc, aſſignando inter gratiam, & calorem manifeſtum, ſuo iudicio, diſcrimen. Et in hoc conſiſtit, quod calor eſt quædam paſſibilis qualitas, atque adeò bene poteſt præcedere formam ignis in genere cauſæ materialis: gratia vero non habet quod ſit paſſibilis qualitas, ſed quædam proprietas conſequens hypotaticam vnionem. Sicut riſibilitas proprietas eſt conſequens rationalem eſſentiam. Vnde ſicut riſibilitas in nullo genere cauſæ poteſt antecedere rationalem eſſentiam, ita neque gratia in aliquo genere cauſæ hypotaticam præceſſit vnionem. Hęc ſolutio non ſatis placet, nam quod aliqua accidentaria forma ſit paſſibilis qualitas, conferre quidem poteſt ad hoc, quod prius tempore introducatur in ſubiecto ad expellendam formam contrariam, quam in eodem ſubiecto introducatur forma ipſa ſubſtantialis ad quam diſponit, ut patet in exemplo caloris, qui prius tempore producit in ligno, quam in eius materia forma ignis introducatur: Sed ad prioritatem naturæ nihil retulerit ratio paſſibilis qualitatis, nam quæcumque forma accidentalis, quæ conſtituit proportionem inter ſubiectum, & formam principalem, habere poteſt vim diſpoſitionis ordine naturæ præcedentis. Vnde quamuis contritio paſſibilis qualitas non ſit, ordine tamen naturæ in genere diſpoſitiuæ, & materialis cauſæ gratiam iuſtificantem præcedit. Igitur cum gratia ſit forma conſtituens proportionem inter humanitatem, & verbum, quamuis non ſit paſſibilis qualitas, poteſt ordine naturæ præcedere in ratione diſpoſitionis. Exemplum allatum de riſibilitate nō eſt ſatis idoneum, quoniam riſibilitas eſt potentia proxime diſponens ad operandum, & non ad eſſe, atque adeo ex natura ſua præſupponit in omni genere cauſæ naturam exiſtentem, & completam in ſuo eſſe ſubſtantiali: ſicut enim operatio præſupponit eſſe, ita & potētia operatiua neceſſum, eſt idemmet eſſe præſupponat. Cæterum gratia per ſe primo non diſponit ad operari, ſed eſt forma ſupernaturalis conferens diuinum eſſe participatum, ut cum S. Th. diximus a principio Relectionis huius: atque adeo qua ratione dat illud eſſe proportionatum diuino verbo, ideſt, eiſdem ordinis cum ipſo, potuit ipſam humanitatem ad hypotaticam vnionem diſponere.

Confirmantur hæc omnia, Probabilis eſt ſententia quam docuerunt Scotus, Dur. & alij quidam graues Theologi, in 3. diſt. 6. nimirum, quod Chriſti humanitas per exiſtentiam propriam, & ſibi connaturalem exiſtit, & quod prius naturæ prioritate exiſtit ipſa Chriſti humanitas in propria exiſtentia producta, quam tuerit verbo vnita: qua ſententia ſuppoſita ſic arguitur in confirmationem præcedentium. Gratia prius natura potuit in humanitate Chriſti recipi, quam

quam ipsa humanitas assumeretur a uerbo, in illo, uidelicet, priori naturæ, quo humanitas præintellecta fuit existens, priusquam vniretur uerbo: Ergo gratia habere potuit rationem dispositionis præcedentis hypostaticam unionem. Quod si habere potuit, assignanda est causa ob quam de facto non habuerit. Quæ sane causa non videtur assignabilis, quin potius oppositum videtur urgere rationabilis causa, quæ in hoc consistit, quod ad dignitatem, & excellentiam hypostaticæ unionis pertinebat, ut uerbum vniret sibi humanitatem valde perfectam, supernaturali perfectione, & supernaturalibus habitibus exornatam.

In oppositum facit S. Th. doctrina, 3. p. q. 7. art. 13. ubi docet expresse, uerbum unitum fuisse humanitati nulla dispositione mediante.

In hoc dubio, duæ inter Theologos scholasticæ factionis extreme reperiuntur sententiæ. (nam antiqui Patres patrum, aut nihil de hac quaestione dixerunt) Prima sententia affirmat, habitualem gratiam veram in Christi humanitate dispositionem naturæ ordine antecedentem fuisse ad unionem cum uerbo. Vnde fatetur hæc sententia, quod prius in genere causæ dispositiua, & quasi materialis gratia fuit in humanitate Christi recepta, quam ipsa humanitas fuerit uerbo personaliter unita. Ita docent Henricus gandauensis, loc. quæst. præced. citatis. Alex. Alen. 3. p. q. 7. memb. 1. & q. 12. memb. 2. S. Bon. in 3. d. 2. q. 2. Dion. Carth. ead. d. q. 5. Palud. ibidem. q. 2. Mars. in 3. q. 10. art. 1. Gab. in 3. d. 1. & S. Thom. dist. 2. q. 2. Verum est, quod ij auctores, non in omnibus sibi ipsis consentiunt. Alexand. enim Alen. & Henricus, hanc dispositionem adeo necessariam esse iudicauerunt, ut multis videatur eos existimasse, non aliter constare potuisse hypostaticam unionem, secundum etiam absolutam Dei potentiam, quam hac interueniente dispositione, nos tamen in quaestione præcedenti ab hac existimatione hos auctores excusauimus.

Gabriel in 2. d. 2. q. 2. con. 2. existimat, quod qui teneret sententiam, quæ docet solam rationalem naturam assumptibilem esse a diuino uerbo, cõsequenter sateri teneretur, gratiam fuisse dispositionem adeo necessariam ad hypostaticam unionem, ut nulla potentia fieri potuisset, quod humanitas non disposita, & eleuata per habitualem gratiam, assumeretur a uerbo. Verum ego non video necessariam huius posterioris sententiæ, cum priori connexionem. Nam qui censeret solâ rationalem naturam assumptibilem esse a diuino supposito, facile quoque posset, & apparenti cum ratione dicere, quod solus intellectualitatis gradus, in quo rationalis natura cum Deo conuenit, constituit humanitatem assumptibilem a uerbo, quam proinde potuit uerbum sibi copulare, & gratia, & omni habitu supernaturali destituta, suisq; tantum naturalibus perfectionibus prædita. Cateri uero Theo-

logi qui huic primæ opinioni pattocinātur, ingenuè fatentur, fieri potuisse per absolutā dei potentiam, quod humanitas absque vllō supernaturali ornamento assumeretur a verbo: sed ad decentiam, & congruitatem, iniquiunt, pertinuit, vt non aliter quam per gratiam habitualement dispositam a verbo fuerit assumpta.

Sed alia sententia in opposito extremo docet, gratiam non habuisse rationem dispositionis præcedentis vnionem hypostaticam: atque adeo fatetur hæc sententia, quod gratia Christi habitualis in nullo genere causæ antecessit hypostaticam vnionem, sed quod omnibus modis fuit naturæ ordine posterior. Ita S. Tho. 3. par. quæst. 7. a 13. ad secundum, & q. 2. ar. 10. quamuis forsam, in 3. d. 2. q. 2. fuerit contrariæ opinionis. Sequuntur S. Tho. omnes fere eius discipuli. Docuerūt eand. sententiam. Scotus. in 3. d. 2. q. 2. Ricard. ead. dist. art. 2. quæst. 3. & Dur. ibidem, quæst. 3. Et Hæc sententia mihi apparet probabilior, & vera.

Probatur primo: natura humana in Christo, non prius natura existit in rerum natura extra suas causas producta, quàm vniretur verbo, nā vt D. Tho. 3. par. quæst. 17. a 2. docet, natura humana Christi existit per ipsū esse verbi: Ergo non prius natura fuit eleuata, & disposita per gratiam habitualement quam vniretur verbo. Consequentia patet, quia esse accidentale, siue sit naturalis, siue supernaturalis ordinis præsupponit esse existentie substantialis in subiecto Hoc argumētum explicabitur amplius in solutione ad tertium.

Secundo probatur. Diuinum verbum in hypostatica vnione supplet rationem, & officium naturalis supposito, & personalitatis humanæ, sed humana personalitas si ibi adtuisset, immediate vniretur humanitati nulla interueniente dispositione accidentali: Ergo diuinum verbum immediate fuit vnitum humanitati absque vllā dispositione interueniente.

Confirmatur. Natura substantialis immediatum habet ordinem ad substantiale suppositum, sicut materia prima habet immediatam habitudinem ad Formam substantialem, quatenus ei confert esse substantiale, quod est primus gradus quem forma substantialis confert materiæ. Sed materia nullam admittit dispositionem ad substantialem formam quantum ad hunc primum gradum, propter habitudinem immediatam quam habet ad ipsam, vt docet. S. Thom. 1. par. q. 76. art. 6. ad primum, ergo eadem ratione natura substantialis nullā admittit dispositionem accidentariam ad vnionem cum supposito substantiali, siue illud suppositum sit finitum, siue infinitum, nam quantum ad hoc eadem est omnino ratio de vtroque supposito.

Tertio probatur. Natura substantialis non est secundum aliquam rationem accidentariam terminabilis a substantiali supposito, sed
dun-

duntaxat est terminabilis quatenus est substantialis natura: ergo nullam admittit accidentariam dispositionem, cuius ratione efficiatur terminabilis a supposito substantiali siue creato, & proprio, siue in creato, & suppleat vicem proprii suppositi. Patet consequentia, quoniam si talem ponamus dispositionem, consequenter fateri tenemur, quod suppositum non terminat immediate naturam substantialem, qua ratione substantialis est, sed terminat ipsam immediate, ratione talis dispositionis, id est, secundum, quod est affecta tali accidentaria dispositione. Antecedens vero probatur, quia natura substantialis, eo solum quia natura substantialis est, postulat terminationem suppositalem, nam alias, quandiu est interminata tali terminatione, semper manet imperfecta, & dependens, Ergo quatenus est substantialis natura habet immediatam habitudinem ad suppositum in quo perficitur, & completur.

Quarto. arguitur. Sequitur ex contraria sententia, vnionem verbi cum humanitate non substantialem esse sed accidentariam. Consequens hæreticum esse, a S. Thom. censetur. 3. par. quæst. 2. at. 6. & putat illud in 6. synodo generali haberi damnatum. Ergo, &c. se quæla probatur. Vnio verbi non immediate facta est ad humanitatem, (iuxta contrariam sententiam) prout, est substantialis natura, sed prout est per gratiam eleuata, & disposita, quæ dispositio accidentalis est, ergo nequit hæc vnio substantialis simpliciter vocari.

Quinto. Si humanitas christi in aliquo instanti naturæ præintellecta fuit disposita per gratiam, antequam vniretur verbo, sequitur, quod rationabiliter possumus concedere Christi humanitatem meruisse de condigno Vnionem hypostaticam sui ipsius cum diuino supposito. Consequens à nullo theologorum admittitur, imo neque ab August. vt constat, ex lib. de prædest. sanct. cap. 15. & lib. de bono perseverantiæ, cap. ultimo, & in Enchir. cap. 40. & tract. 105. in Ioan. quibus in locis Christum, aut eius humanitatem nullatenus ineffabilem hanc vnionem promeruisse, vt veritatem certam, & in dubitatam docet. Ille homo, inquit, vt à verbo dei Patri coæterno in vnitate personæ assumptus esset vnigenitus filius, vnde hoc meruit? Et post pauca subiungit. Humana merita hic conticescant, & cet. Scholastici theologi legantur, in 3. d. 4. & certe contraria sententia in Forinianum facile prolabi posset errorem, de quo vide S. Tho. 4. contra gent. c. 28, ergo vera, est nostra, imo S. Tho. sententia. Probatur sequella. in eo instanti naturæ in quo humanitas præintelligitur grata, potest etiam præintelligi cum habitu charitatis, & cum operatione actuali ipsius charitatis, nam cum omnia hæc in eodem instanti esse possint in anima, possunt etiam præintelligi secundum eandem naturæ prioritatem: actus vero charitatis elicitus ab anima grata,

& sanctificata meritorius est de condigno: Ergo perhuiusmodi actū posset Christi humanitas mereri de condigno, velut minimum, de congruo hypostaticam vnionem.

Hæc sunt argumenta, quæ mihi apparent efficaciora pro secunda nostra sententia, & quæ tantam habent vim, vt parum probabilitatis relinquunt in sententia contraria. Alia duo argumenta solent fieri pro eadem opinione.

Primum est: gratia Christi, est effectus vnionis hypostaticæ, iuxta illud, Io. 1. vidimus gloriam eius, gloriam quasi vnigeniti a patre, &c. Ergo improbabilius dicitur, quod gratia Christi præcessit vnionem hypostaticam, ordine naturæ in genere causæ dispositiue.

Secundo. Si Christi humanitas prius natura exiit grata, quam vniretur verbo, sequitur quod in illo priori naturæ fuit filia Dei adoptiua. Consequens non est admittendum ergo, &c. Sequella patet, quia gratia recepta in subiecto, quod est extraneum a natura diuina, constituit illud in adoptiua dei filiatione: Ergo cum in illo priori naturæ humanitas sit extranea a natura dei, efficietur filia dei adoptiua.

Hæc tamen duo argumenta parum mouent pro ista sententia. Ad primum enim diceretur, quod gratia in genere causæ efficientis, & quasi formalis esset posterior vnione hypostatica, vt pote quæ eius fuit effectus. Cæterum in genere causæ materialis, & dispositiue, esset prior eadem hypostatica vnione. Vt solet dici de contritione, quod in genere causæ effectiue est posterior gratia iustificante, estq; effectus eius: in genere tamen causæ materialis prior est eadē gratia.

Ad secundum, negatur sequella: præsupponit enim hoc argumentum quodam principium falsum: videlicet, quod adoptiua filiatione possit referri ad naturam, cuius oppositum ostendit. S. Th. 3. p. q. 23. ubi docet filiationem siue naturalem, siue adoptiuam nō ad naturam, sed immediate ad suppositum esse referendam. Quæ res fuscè satisfuit in vltimo dubio quæst. præcedentis exposita.

Ex dictis in hac quæstione sequitur primo. Falsam esse sententiam quorundam Theologorum, ex his quos retulimus pro prima opinione, e quorum numero fuit Alex. Alens, asserentium gratiam christi habitualement, vere appellari posse gratiam vnionis, quatenus fuit medium disponens naturam humanam ad vnionem cum verbo. Falsitas huius sententiæ constat ex dictis. Gratia namque habitualis non mediat inter humanitatem, & verbum. Et quidem apud grauiores Theologos gratia vnionis est ipsamet vnio hypostatica seu ipsum verbum, vt communicatum humanitati per vnionem hypostaticā, iuxta modum superius expositum.

Sequitur secundo, falsum esse omnino, quod docuit Gabriel supra citatus, scilicet, quod verbum, & humanitas vniuntur mediante gratia,

ta, tãquam glutino quodam spiritali conglutinante hæc duo extrema: sicut duæ tabulæ vniri solent materiali glutino. Ista sententia nõ modo est falsa, verum satis impertinenter asserta. Quoniã in xta illam, gratia non solum habet rationem dispositionis ad vnionem hypostaticam, sed & rationem formæ, seu principij effectiui vnientis verbum cum natura humana. At sine ratione hæc tanta virtus vnitionis tribuitur gratiæ.

Argumenta a principio pro contraria sententia proposita, non difficilem habent solutionem, & si eorum singula singulis egeant solutionibus.

Ad primum igitur argumentum negandũ, est, illa verba, Propter ea vnxit te Deus deus tuus, &c. materialem, seu dispositiuam importare causalitatem. Sed dicendum est designare finalem, seu quasi finalem causam, & consequentem ad ipsam spiritualem christi humanitatis vnctionem, ita vt fiat sensus: Propterea vnxit te Deus &c. vt diligeres iusticiam, & odires iniquitatem. Ita interpretatur hunc locum S. Aug. in eius enarratione. Aliam huius loci explicationem meminime supra retulisse ex S. Athanasio in Concione 2. contra Arianos, quæ & si non tam communiter, vt præcedens intelligentia apud factorum bibliorum versetur interpretes, non ob id tamen non debet in magno prætio haberi. Quam proinde reuisat diligens lector.

Ad secundum respondetur, naturam humanam ex se non esse improporcionatam, secundum cõtrarietatem ad vnionem cum verbo atque adeo non eget dispositione aliqua accidentali, per quã auferatur cõtraria improporcio. Est tamẽ improporcionata negatiue, id est, ex se non habet proportionẽ, vt vnietur verbo, hanc tamẽ improporcionẽ negatiuam nulla qualitas accidentaria potest auferre ab ipsa. Itaque, & si constituamus humanitatem ipsam prius, vel tempore, vel natura quam vniretur verbo vniuersis supernaturalibus donis & habitibus præditã, tam improporcionata esset vnioni, atq. improporcionata est ex sua propria natura. Ratio huius est. Quoniã suppositũ diuinũ, quatenus supplet vicẽ humani suppositi, nõ vnietur humanitati prout est affecta, & eleuata per gratiã, & per quoscumq. supernaturalis ordinis habitus, sed immediate vnietur illi, quatenus est talis natura substantialis. Atq. idcirco gratia tunc interueniret ibi cõcomitanter, & quasi per accidens, quia verbum in ratione suppositi humanã terminãtis naturã nõ respicit gratiã, qua ratione ipsam humanitatem ad hypostaticã vnionem disponit: eo quod, vt supra dixi inter suppositũ, & naturam substantialem immediata est habitudo. Fateor quidẽ, qd si loquamur in esse morali, sicut peccatum constitueret humanitatem improporcionatã, hypostaticẽ vnioni, ita gratia

eam magis congruam & adaptatam eidem vnioni redderet, quam ipsa humanitas esset ex natura sua. Nos autem hic de proportionem, & dispositione physica loquimur: & hanc omnino a gratia excludimus comparatione ad vnionem hypostaticam.

Ad tertium cōcedo antecedens, & nego consequentiam. Dico. n. q. licet humanitas extreme distet à verbo, nō tamē potest ad eius vnionem peruenire per aliquod medium, quia nullum est tale mediū. Sed immediate diuinum verbum debet vniri humanitati, complens ea pacitatem, quæ in ipsa est ad talem vnionem: & eam abedientialē potentiam actiuans, per quam natura immediatum ordinem habet ad verbum, tanquam ad suppositum vicem humani suppositi supplens. Cum autem argumentum instat, quod gratia habet rationem medij: facile dicitur, quod gratia habet quidem rationem medij inter humanitatem, & verbum, secundum ordinem naturæ, & perfectio nis, vt argumentum probat: non autem habet rationem medij dispositiui ad vnionem hypostaticam, propter immediatam habitudinē naturæ ad suppositum.

Ad quartum dicitur primo, illam rationem non esse fundamentalem, & magis efficacem ad probandam nostram sententiam. Quoniam, & si gratis admittamus Christi humanitatem prius natura existisse creatam, seu genitam, quam vniretur verbo: ad huc dicendum esset, quod gratia non potuit habere rationem dispositionis ad vnionem hypostaticam. Quod adeo verum existimo. vt id ipsum censuerim dicendum, etiam si admittamus humanitatem Christi prius natura, quam assumeretur a verbo fuisse eleuatam per gratiam: quoniam repugnat hypostaticæ vnioni, quod suppositum terminet naturam, prout est effecta aliqua forma accidentalī, eo quod inter suppositum, & naturam substantialem est immediatus ordo. Et hæc est ratio fundamentalis nostræ sententiæ. Et quidem quamuis Scot. & Durand. in ea fuerint sententia, quod humanitas Christi existit per propriam existentiam: docent nihilominus cum S. Thom. Gratiā habitualement non mediare inter humanitatem, & verbum in ratione dispositionis.

Secundo responderetur, quod illa ratio est sine dubio sufficiens ad probandam nostram sententiam, & si fundamentalis non sit, & primaria. Ad impugnationem responderetur, quod nulla dispositio accidentalīs præcedit ordine naturæ in materia prima introductionem formæ substantialis quantum ad primum gradum, quem confert materiæ ipsa substantialis forma. Primus autem gradus est Esse substantiale formale, quod necessario præsupponitur in subiecto ad quodcunque esse accidentarium. Ad intelligentiam huius solutionis videnda est doctrina Sancti Thomæ. 1. par. loco citato, vbi aper-

te docet, quod ad primum istum gradum formalem, quem tribuit substantialis forma, nulla præcedunt accidentia in materia, ad reliquos autem gradus formales præintelliguntur accidentia in ratione dispositionum: ita quod accidentia, quæ consequuntur primum gradum, disponunt ad gradum secundum, & quæ sequuntur secundum gradum, disponunt ad tertium, & sic in reliquis. V. g. accidentia, quæ sequuntur in generatione hominis ad esse substantiale, disponunt ad esse corporeum, & quæ sequuntur ad esse corporeum, disponunt ad esse vegetatiuum. Ratio autem ob quam Sanct. Tho. inducitur ad asserendum, nullam præcedere dispositionem ad primum gradum formalem ea est, quod inter materiam primam, & formam substantialem prout confert illum primum gradum formalem, scilicet, esse substantiale, est immediata habitudo: atque adeo materia se ipsa absque vlla media dispositione vnitur formæ substantiali quantum ad hunc primum gradum: ad vltiores vero gradus materia non est sua natura determinata, vnde postulat dispositiones, quibus determinetur. Quæ ratio nostro intento facile accommodari valet, quia natura substantialis se ipsa determinata est ad suppositum, seu admodum constitutiuum suppositi, (quem solemus modum suppositalem vocare) atque adeo nulla media eget dispositione, vt suppositio vniatur, & per ipsum suppositalem modum terminetur, & compleatur.

Ad confirmationem patet solutio ex dictis. Sed occasione eorum quæ dicuntur in hac confirmatione, posset quispiam dubitare. Dubitatio Num si vera esset Scoti, & Durand. sententia, quæ asserit Christi humanitatem per propriam, & sibi connaturalem existentiam existere vnitam verbo, & per eandem præexistisse ante ipsam hypostaticam vñionem, consequenter esset dicendum, humanitatem Christi prius natura fuisse gratia habituali præditam, quam verbo vnitam. Ratio dubitandi pro parte affirmatiua colligitur ex his quæ paulo superius diximus, nimirum, quod gratia, & si in genere naturæ nec habuerit, neque habere possit rationem dispositionis ad vñionem humanitatis cum verbo, in ordine tamen morali humanitas elevata per gratiam aptior est, & magis disposita ad hanc vñionem, quam in puris naturalibus constituta: Ergo cum Christi humanitas illa sententia supposita capax esset gratiæ prius natura quam vñiretur verbo, consentaneum rationi apparet dicamus, eam in illo priori naturæ, quo vñioni præexistit, ornatam fuisse habituali gratia, vt aptior esset morali congruitate ad vñionem hypostaticam.

Sed Resp. vero similiorem esse contrariam sententiam, tum quia iuxta ordinem naturæ consentaneum naturæ substantialis nullius acciden-

158 RELECTIO DE CHRISTI GRATIA

eidentis est capax, priusquam supposititaliter terminetur. Nam ante huiusmodi terminationem, & suppositale complementum, natura substantialis potius est subiectum, Quo, quam subiectum. Quod: Est est præterea imperfecta, & in completa in suo esse substantiali. Complementum autem substantiale præsupponendum est ad omnem accidentariâ naturæ affectionem, & dispositionem. Vnde negandū est argumento factō, quod Christi humanitas in illo priori naturæ, capax esset gratiæ, aut cuiusvis alterius formæ accidentalis. Item etiâ speciali ratione hæc nostra sententia probatur. Quia multo maior congruentia esse videtur, quod Christi humanitas accipiat gratiâ, & omnia supernaturalia dona per modum proprietatum consequentium hypostaticam vnionem cum verbo: quam quod haberet morelem illam dispositionem, quam illi posset cōferre gratia ante hypostaticam vnionem suscepta. Maxima enim Christi dignitas est, quod habeat gratiam, & gloriam quasi vnigeniti a patre, id est, conuenientē illi, eo quod est naturalis Dei filius, & ex personali vnione in eius humanitate resultantem.

Articulus secundus.

Verum gratia habitualis ita sit principium concomitans vnionē hypostaticam, quod fluat simplici resultantia, absque noua mediactione ex ipsa vnione hypostatica vti eius proprietas, & propria passio: Sicut risibilitas dimanat ab essentia rationali, & rugibilitas a Leonina essentia.

Pars affirmatiua primo probatur, ex illo Ioan. 1, vidimus gloriam eius, gloriam quasi vnigeniti a patre: nomine gloriæ secundum probabilem August. intelligentiam, tract. 2. in Ioan. designatur gratia Christi habitualis consummata per beatam vnionem: Et ponderanda est illa geminatio vocis, Gloriam, quæ videtur denotare gratiam consummatam pertinere ad christum, vti eius proprietatem, eo quod est vnigenitus Patris. Lege cano. lib. 12. de locis, c. 14. vbi ad hoc propositum eleganter ponderauit hoc testimonium.

Secundum argumentum sumitur ex Authoritate. S. Th. 3. part. q. 7, art. 13. ad secundum, vbi dicit, quod gratia non intelligitur, vt antecedens vnionem, sed vt ipsam consequens, tanquam eius naturalis proprietas Et inducit ibidem August. in Enchir. c. 40. dicentem, gratiam fuisse Christo naturalē. At naturalis proprietas rei absque noua actione per simplicem resultantiam dimanat. Ergo, &c. idē ipse S. Tho. in eodē ar. 13. dicit gratiam causari in Christi humanitate ex diuinitatis præsentia, sicut lumē causatur in aere ex præsentia solis. Quod confirmat ex illo Ezechielis vaticinio, c. 43. gloria dei Israel

ingrediebatur per viam orientalem, & terra splendebat a mageſtate eius. Terram ſplendeſcere a mageſtate dei ingreditis per viam orientalem, quid de ſignabat aliud quam Chriſti humanitatem mirabili gratiæ ſplendore fulgere ad ingreſſum gloriæ dei Iſrael per orientalem portam? id eſt, quod ex gloriola diuini verbi cum humanitate vnione diuinus gratiæ fulgor in ipſa humanitate reſultauerit: nam ineffabilis diuini verbi incarnatio gloria dei a propheta Iſa. c. 6. appellatur: Sed tunc ſic noſtrum ſecundum procedit argumentum. Ex ſolis præſentia ad corpus diaphanum naturali reſultantia lumen effluit, quod ipſum diaphanum corpus lucidum reddit, & illuſtrat: Ergo ex præſentia diuini verbi ad naturam humanam naturali quodam effluxu habitua lis emanauit gratia, quæ veluti ſulgentiſſimus quidam diuinæ claritatis radius ipſam illuſtrat, & mire ſplendeſcentem conſtituit. Sed ratione præterea Confirmo totam hanc S. Tho. doctrinam. Diuinum verbum eſt ipſa lux per eſſentiam, iuxta illud Ioan. 1. erat lux verba quæ illuſinat omnem hominem venientem in hunc mundum, gratia autem eſt quodam participatum lumen diuinum, & inſuſſio gratiæ in anima eſt quædam ſupernaturalis illuſtratio, iuxta illud. Paul. 2. Corinth. c. 4. qui dixit lumen de tenebris ſplendeſcere, ipſe illuxit in cordibus noſtris, & tunc ratioſabiliter dicitur S. Th. quod ſicut ad præſentiam ſolis ſe irradiatio luminola in corpore diaphano, ita ad præſentiam verbi in humanitate Chriſti ſubſequuta fuit ſpiritualis irradiatio per gratiam in anima eius.

Tertio. Diuinum verbū vnitum fuit humanitati, quatenus, eſt ſons & principium totius ſpiritualis vitæ, ergo ex vnione ipſius ad humanitatem conſequuta fuit ſpiritualis vita facta per gratiam in anima Chriſti. Antecedens videtur certum, & conſentaneum modo loquendi ſacra ſcripturæ, & Patrum teſtimonijs. Conſequentia vero probatur, quoniam ex eo, quod calidum vnitur ſubiecto in ratione calidi naturaliter ſequitur, quod calefaciat ſubiectum cui vnitur. Ergo, ſi verbum fuit vnitum humanitati in ratione principij effectiui ſpiritualis vitæ, conſequenter reſultant vita ſpiritualis in Chriſto humanitate per gratiam.

Quarto arguitur. Eo ipſo quod res inferioris ordinis coniungitur rei ordinis ſuperioris, conſequitur abſque aliqua media actione quædam perfectio in re ipſa inferiori participata ex conſunctione ad ſuperiorem, V. c. cogitativa quæ ſecundum ſe non eſt participans diſcurſus, & ratiocinationis, ex coniunctione ad intellectum in homine abſque vlla media actione participat quandam vim ratiocinandi, & diſcurrendi. Similiter auctore S. Auguſt. ep. 3. ad Dioſcorum, corpus in reſurrectione ex coniunctione ad animam beatam glorioſam participabit immortalitatem, & alias prælatiſſimas gloriæ dotes, ergo, rationi

rationi consonat dicere, quod anima Christi ex coniunctione ad verbum absq. alia noua actione per simplicem emanationem participauit supernaturalem vitam gratiæ.

Quinto. Ex ipsa gratia habituali in essentia animæ suscepta naturaliter oriuntur in potētis animæ supernaturales virtutes, & dona Spiritus sancti, vt autor est S. Tho. 12. q. 110. At diuinum verbum multo eminentius præhabet in se perfectionem gratiæ, & donorum supernaturalium, quam ipsa gratia cōtineat virtutes, & dona Spiritus sancti: Ergo à fortiori dicendum est, quod ex coniunctione verbi ad humanitatem naturaliter consequuta fuit gratia habitualis in Christi anima cum cæteris supernaturalibus donis.

In hoc dubio sunt simul explicanda alia duo, quæ valde conferunt ad eius intelligentiam. Alterum est an gratia sit connaturalis Christo. Alterum vero, an ipsi gratiæ sit connaturale esse in tali subiecto, scilicet, in Christo.

*in p[ro]p[ri]o d[omi]no ep[iscop]o
habitualem sibi*

Et quidem ista duo sunt omnino dissimilia, bene enim stare potest, quod gratia sit connaturalis Christo, ita quod Christo naturali debito cōperat gratia, & quod ipsi gratiæ per accidēs se habeat esse in Christo, sicut est illi per accidēs esse in Petro, V. G. animali connaturalis est calor, & debitus est illi naturali debito, vt sit instrumentum animalis & sensibilis vitæ, calori autem per accidēs est, quod sit inanimali, & quod sit vitale instrumentum. Vnde necessum erit ista exponere.

In hoc igitur dubio tres versantur sententiæ. Prima docet habitualem gratiam, nulla ratione fuisse necessariam Christo, neq. ipsi debitam connaturalitatis debito, sed ex quadam congruentia morali fuisse illi tributam. Scot. Durand. & alij ex scholasticis Theologis in 3. d. 13. hant sibi, suassere sententiam. Quam & fortassis docuerunt ij Theologi, quorum opinionem retulit Palud. ead. d. q. 3. qui dixerūt habitualem gratiam non fuisse Christo necessariam, sed sufficere illi vnionis gratiam. Puto enim eos non congruitatem, sed solam necessitatem gratiæ negauisse in Christi humanitate.

Secunda sententia in alio extremo docet, gratiam habitualem esse connaturalem Christo, etleq. propriam passionem ipsius Christi. Authores huius sententiæ non eadem omnino via procedunt Nam quidam fatentur gratiam simplici emanatione, absq. aliqua actione media dimanare ex hypostatica vnione, ad eum modum quo proprietates, & passionēs naturales sequuntur essentiam, In hunc sensum intelligit hanc sententiam Med. 3. p. q. 7. art. 5. conclusionē 1. & 2. circa finē. Et eandem insinuant intelligentiā. Caiet. 3. p. q. 2. art. 12. & Cano locis citatis. Cæterum quidam alij discipuli. S. Tho. & si libenter fateantur gratiam habitualem esse propriam passionem Christi, summamq. habere connaturalitatem cum Christi humanitate, prout est
coniun-

coniuncta verbo: Dicunt tamen, non e fluxisse per simplicem emanationem ab vnione hypostatica. Sed per aliam nouam Dei actionem fuisse productam. Non.n.necessarium esse putant, quod omnis propria subiecti alicuius passio ex eius fluat essentia per simplicem resultantiam. Afferunt exemplum in speciebus intelligibilibus, quæ sunt collata angelis, quæ sunt propriæ passionēs, & proprietates intellectus angelici; & tamen non resultant per simplicem emanationem ex ipso intellectu, sed actione quadam extrinseca Authoris naturæ angelicæ inditæ, & impressæ fuerunt intellectui angelico.

Tertia sententia fatetur quidem gratiā habitualem connaturalem esse christo debitamq; illi connaturalitatis debito. Existimat tamen hæc sententia, quod neque est uerè propria Christi passio, neque per simplicem resultantiam ex vnione dimanauit, sed per nouam actionem dei auctoris gratiæ fuit data Christo.

Pro resolutione notandum est, quod gratia ut explicabitur quæst. seq. ex sua natura nullum habet terminum intensionis, sed eius duntaxat natura considerata posset absq; miraculo in infinitum sinchategorematicè augeri. Hoc supposito fit.

Prima conclusio.

Gratia habitualis debita fuit Christo connaturalitatis debito, ad modū cuiusdā naturalis eius proprietatis, connaturalem habens connexionem cum hypostatica vnione. Hanc conclusionē affirmat S. Th. locis citatis in secundo argumēto ex propositis a principio huius dubij: & idem docet 3.p.q.6.ar.6.& in 3.d.13.per totā & sine dubio ista sententia est receptissima ab vniuersis fere Theologis, in illa d.13. vide Alex.alens 3.p.q.8.membr.3.ar.4.5. Ad maiore, & Sorū, in 4.d.19.q.1.ar.2.pro hac concl.contra quā videntur docere S.Bona.in 3.d.4.ar.2.q.3.cum Ric.ibi at.3.q.2.& Dur.ead.d.q.3. Sed re ipsa docent conclusionē nostrā 3.sequentem, si attente legantur. Nā nihil dicunt aliud, quam q; producitur christi gratia per liberā trinitatis actionē. Probant istā sententiā efficaciter argumenta posita pro parte affirmatiua huius dubij. Colligiturq; ex illo Luc.1. Spiritus sanctus superueniet in te, & virtus altissimi obumbrabit tibi, ideoq; quod nascetur ex te sanctum uocabitur filius dei. illud verbum, sanctum, non solū sanctitatem personalem denotat, quā angelus aliis verbis s.filius dei explicuit, quod superius adnotauimus, cū S.Ber. hō.4. super missus est, sed etiā denotat sanctitatem formalem in humanitate Christi habitā per gratiā, & hanc sanctitatem dicit cōuenire Christo ratione suæ conceptionis: hanc.n.vim habet illa causalitas, ideoq; quod nascetur ex te sctū, &c. Ergo sanctitas gratiæ connaturalis est Christo, & illi debita ex vi suæ cōceptionis, & rationis vnionis hypostaticæ. Ex illo Isa.11.colligitur flos de radice eius ascendet, & requiescet super eū spiritus domini. &c.

Illa particula. Et concomitantiam denotat donorum spiritus sancti in Christo, ad eius generationē in vtero virginis virtute spiritus sancti effectā, quā generationē propheta explicuit illis verbis, flos de radice eius ascēdet. Vnde merito, S. Aug. in Enchyr. loco citato hāc gratiam vocauit naturalem Christo. Fauent id q̄ dicitur Io. 3. Pater diligit filium, & omnia dedit in manu eius. Ex paterna. n. dilectione, quæ ad vnionis gratiam potissimū pertinet, pro uenere Christo omnia bona, quæ ei pater tribuit, quorum præcipuum fuit gratia. Et illud Isa. 42. suscipiam eum, dedi spiritum meum super eum. Quæ verba eandem prorsus vim habent. Præterea probatur hæc veritas ex Synod. Francfor. vbi Patres dicunt Christum esse vnctum per naturam. Et quod loquantur de vnctione qua Christus, vt homo, fuit per habituales gratiam vnctus, constat ex eo, quod Conc. illud ps. 44. Vnixt te deus, &c. exponit de oleo exultationis, resurrectionis, ascensionis, & dominationis: Ergo a fortiori intelligitur etiam de oleo exultationis, quo per habituales gratias vnctus fuit Christi humanitas. Constat etiam hæc Conc. mens ex verbis, quæ inferius habentur, scilicet, non gratia, sed natura, ut esset etiam plenus gratia. Id est. ex naturali debito plenus est gratia. S. Cyri, exponens illa verba. Isa. 11. requiescet super eum spiritus domini, &c. inquit, quod spiritus sancti dona non fuerunt Christo aduentitia sicut aliis hominibus, sed vt sua, & propria accepit: Eadem autem est ratio de gratia, quam spiritus sancti dona comitantur. Ergo, &c. Basil. in illud ps. 44. vnixt te deus, &c. per oleum intelligit spiritum sanctū, quatenus dat spiritualia gaudium, & spiritualia omnia infundit dona. Et subdit. Sancti labore, & exercitamento hæc assequuntur. Tibi autem, o Christe, naturalis est ad boni prosecutionem proprietas, & ad iniquitatis fugam per quam familiaris alienatio. Similia habet Dionis. alex. in epist. contra Paul. Samosat. a principio.

Secunda Conclusio.

Gratia habitualis proprie, & rigurose loquēdo nō est propria Christi passio. Hæc cōclusio probatur. Propria passio, in rigore loquēdo, sequitur naturaliter principia cōmunia speciei, at gratia in christo non sequitur principia specificæ naturæ, nimirū, humanitatis, vt patet: Ergo nō est vere propria Christi passio. Confirmatur, in Christo nulla sunt principia specificæ naturæ, quæ non sint in cæteris hominibus: Ergo nullam habet propriam passionē, in rigore loquēdo, præter illas, quæ communes sunt toti humanæ naturæ, & vnuerſis eius indiuiduis.

Sed rogat quispiā, an gratia Christi debeat appellari accidens eius propriū indiuiduale. Respōdetur. Gratia in rigore non est accidēs indiuiduale propriū, quoniā neq; cōstituit indiuiduationē humanitatis Christi, neq; sequitur ex principiis ipsā indiuiduantibus. Humanitas enim

enim prius naturæ ordine singularis fuit, & indiuidua, quâ verbo fuerit vnita, nã in athomo, & in singulari verbû a sũpsit humanâ naturâ. Vocari autem poterit accidēs personale propriũ. Nã est accidēs receptum in natura humana Christi ipsi naturæ cõnaturale, ratione personalitatis diuinæ, per quam ipsa humanitas suppositaliter terminatur.

Tertia conclusio.

Gratia habitualis nõ emanauit in Christo per simplicẽ resultantiã ex vnione hypostatica, sed per nouã dei actionẽ fuit producta in anima. Hãc cõclusionẽ docent Theologi graues ex nouioribus, in antiquioribus vero, & si non expressã habeatur ista conclusio, habetur tamen multis eorum insinuatã. Et probatur primo. Diuinum verbum nihil operatur ad extra, necessario, & per modum naturalis necessitatis, docet. n. catholica fides, Deũ non esse causã necessariã, & naturalẽ, sed voluntariã, & liberã: at si gratia per simplicẽ, & naturalẽ resultantiã consequitur hypostaticã vnionẽ, verbû causa est eiusdẽ gratiæ nõ per modũ libertatis, sed per modũ potius nature, & necessitatis naturalis: Ergo nullatenus est concedẽdũ habitualẽ Christi gratiã simplici, & naturali, dimanatione, in eius humanitatẽ effluxisse, sed q̃ noua dei actione ei fuerit tributa. Probatur minor. Simplex emanatio nõ libera est, sed naturalis productio formæ emanantis ex termino primario per actionẽ principalem productõ, vt intellectus naturali emanatione cõsequitur animæ essentiã per creationẽ productã, ita q̃ hæc emanatio proximẽ quidẽ tribuitur essentiæ animæ intellectuã potentiã virtute præhabentis, sed tandẽ reducitur, vt ad causã principalem, ad ipsũ Deũ animam creantem: Ergo in nostro casu habitualis gratia non libera, sed naturali emanatione processita verbo, vt à termino principalis actionis, nimirũ, vnionis hypostaticæ, vt à causa proxima, & immediata non libera, sed necessariã, naturalique virtute, & radicaliter præhabenti ipsam habitualement gratiam.

Respondebis forsã, quod hypostatica vnio ad cuius principalem terminum, puta, verbum humanitati vnitum, immediate sequitur gratia, vt secundarius, & minus principalis terminus eiusdẽ hypostaticæ vnionis, liberrima fuit totius trinitatis actio, atque adeo ipse effluxus gratiæ consequentis, & si secundum quid, & in sensu composito, naturalis sit, & necessarius, simpliciter tamen est liber totius trinitatis effectus. Hæc tamen solutio licet sententiam nostræ conclusioni contrariam totaliter eximat ab erroris periculo, non tamen mihi sufficiens apparet. Contra quam sic arguitur primo. Quamquam iuxta solutionem assignatam effluxus gratiæ habitualis in christi humanitate liber sit absolute, & simpliciter ex parte totius trinitatis, at comparatione ad verbû ex quo tanquã ex immediato, & principali termino hypostaticæ vnionis gratia effluit, & dimanat, naturalis est simpliciter, & ne

cellarius, quemadmodum (vt in posito exemplo sistamus) et si intellectus potentie emanatio comparatione ad deum creatorem rationalis animæ, libera sit, & voluntaria simpliciter, at respectu ipsius animæ ad quam immediate sequitur ipsa intellectiua potentia, naturalis est, & necessaria simpliciter; magnam autem præ se ferre videtur absurditatem asserere, quod sit aliquis effectus in rerum natura productus, qui naturaliter, & necessario ex diuino verbo emanauerit, & non ex liberrima ipsius verbi uoluntate ortum habuerit, ergo, &c.

Secundo contra eandem solutionem sic argumentor. Ex ea sequitur, quod supposita hypostatica vnione non potuerit etiam per absolutam dei potentiam ipse gratiæ effluxus impediri, & quod Christi humanitas a verbo assumpta non potuerit non perfici, & eleuari per habitualem gratiam, consequens uero falsum, & improbable, ut credo, iudicabitur a peritioribus theologis: Ergo, &c. Sequellam probō. Diuinum uerbum humanitati vnitum nequit impedire prædictum gratiæ effluxum, sed quod impediri non potest a verbo, neque etiam potest à tota trinitate impediri, cum non maior sit totius trinitatis potestas, & uirtus, quam solius uerbi: ergo, &c. Probatur maior. Verbum humanitati vnitum causa naturalis est, & necessaria (vt contraria sententia docet) habitualis Christi gratiæ, at naturalis causa cuiuspiam effectus non potest ipsum effectum impedire, cum respectu illius non sit indifferens, sed pœnitens determinata, alias enim simul erit naturalis causa, & non naturalis, necessaria, & non necessaria sed libera: ergo, &c.

Secundo probatur ista cōclusio. Si per simplicem, & naturalem resultantiā habitualis christi gratia ex vnionis gratia dimanauit, sequitur quod ex vi sue dimanationis certum habuit, & determinatū intensiōis gradum: itaq. citra miraculum, neq. in maiori, neq. in minori intensiōe produci potuerit. Consequens est falsum: Ergo. falsa est sententia nostræ conclusioni contraria. Falsitas consequentis patet ex fundamento, quod ante primam conclusionem præmissimus, cuius ueritatem sequenti Quæstione contra Scot. Durand. capreol. & Caieta. probabimus: quos autores hoc secundum nostrum argumentū non ualde premet. Quia arbitrantur gratiam sua natura terminum intensiōis sortiri determinatum, in quo gradu ex ipsa vnionis gratia in christo dimanauit. Verum hæc determinatio naturalis in gradibus intensiōis gratiæ nobis non placet, propter ea quæ in sequenti quæst. dicemus, unde, & argumentatio facta nos ueraciter urget. Sed iam probō sequellam. Natura ad unum est determinata, & omnis naturalis actio, vel productio similiter est determinata ad unum. Ergo si gratia in Christo naturali emanatione effluxit, necesse est fuerit ad certū intensiōis gradum ex vi sue dimanationis,

suilque effluxus determinata. Nam alias emanatio naturalis non esset determinata ad vnum, sed ad incertum, & indeterminatum scopum, & terminum progredieretur. Quod naturali causalitati, & emanationi, qua ratione naturalis est, è regione opponitur.

Confirmatur, quod Christi gratia naturali intensiōis gradu, & nō in maiori, aut minori effluerit, nulla potest assignari ratio, neque ex parte ipsius gratiæ, quia sua natura non postulat certum, & determinatum intensiōis gradum, vt a principio supposuimus, neque ex parte virtutis diuini verbi, quæ cum sit infinita, nullam in suo effectu determinationem præfigit. Ergo limitatio, & determinatio gratiæ Christi ad talem gradum intensiōis reddenda est ad liberam dei voluntatem, & ad specialem dei actionem ex libera eius voluntate procedentem, qua Christi humanitati voluit gratiam habitualement in tali gradu intensiōis conferre.

Tertio probatur conclusio. Ex contraria sententia sequitur, quod Christi gratia exui suæ emanationis infinitum sortitur intensiōis gradum: consequens, vt sequenti quæstione probabitur, & falsum est & improbabile: ergo sententia nostræ conclusioni contraria parum est probabilis. Sequella probatur. Emanatio naturalis terminatur ad maximum, & summum in quod potest ipsa naturalis causæ virtus, ex qua fit talis emanatio. Causa enim naturalis vt commune philosophorum proloquium affirmat, operatur quantum potest, & secundum vltimum suæ virtutis & potentie, & efficit proinde effectum in summo gradu ad quem potest peruenire, nisi extrinsecum aliquod impedimentum adfuerit: Ergo cum diuinum verbum infinitam virtutem habeat, & gratia ex sua natura nullum determinatum vendicet intensiōis gradum, sed in infinitum possit augefcere: si per modum naturalis emanationis gratia effluxit a verbo humanitati vnito, necessum est dicamus eam in gradu intensiōis infinitæ dimanasse.

Neque satis fuerit dicere, talem intensiōis gradum repugnare ex parte tacti, quia licet gratia nullum determinatum intensiōis sibi vendicet gradum, nequit tamen esse secundum intensiōem actu, & cathegorematice infinitam. Non inquam satis fuerit ita dicere, quia adhuc superest assignanda ratio, ob quam Christi gratia in tali gradu intensiōis constituta effluerit, V. c. in gradu intensiōis vt centum, cum posset in altiori gradu V. c. vt mille emanare. Quæ sane ratio ex ipsa naturali emanatione desumi nequit, cum naturalis emanatio, eo quod naturalis est, ad summum, & maximum gradum gratiæ ex propria sui ratione tendat: ac proinde ad liberam dei voluntatem recurrendum est, quæ per specialem actionem gratiam Christi in tali gradu constitutam produxit.

Nonnulli ex nouioribus Theologis, & quidem doctissimis, quibus nostra tertia non placet conclusio, sed per simplicem emanationem habitualem Christi gratiam ex hypostatica vnione admodum proprietatis naturalis effluxisse censent, duobus exemplis contendunt explicare, non esse visque quaque certum, id quod nos in his argumentis secundo, & tertio pro nostra conclusione factis, vt certum assumptimus. Nimirum actionem naturalem terminari semper ad vnum, & ad maximum quod potest. Et primum exemplum afferunt in qualitatibus sensibilibus, quæ ex formis naturalibus substantialibus per simplicem emanationem resultant, constat enim quod calor non semper in summo gradu reperitur in igne. sed quandoq. in summo, quandoq. citra summum; & constat id ipsum delirigiditate respectu aque. Afferunt aliud exemplum in ordine naturali vniuersi, qui cum sit valde naturalis, non est ad vnum determinatus, non enim naturalem habuit determinationem ad certum creaturarum numerum: namque species, & individua rerum saluo ipso nature ordine in maiori numero produci potuerunt. De individuali quidem numero res est certissima, de speciebus, vero quamuis negent nonnulli, manifestum etiam apparet. Nam qua ratione in dubium verti potest, quod absque in mutatione naturalis ordinis celestis, potuerit deus aliam angelicæ naturæ speciem efficere, præter eas quas defacto produxit: aut aliquam ex ijs quas creauit non creauisse? Et quis negabit, quod in hoc inferiori orbe, naturali eius ordine superstitite, speciem aliquam ab his quæ fuerunt productæ distinctam, siue magis perfectam, siue minus perfectam, ipse naturæ author valuerit efficere, nam quod omnia in tali numero, pondere, & mensura creauerit, in libera ipsius voluntate positum fuit.

Sap. II.

Sed his non obstantibus exemplis, illa propositio cui tota vis vtriusque argumenti secundi & tertij innititur, scilicet, quod actio naturalis determinatur ad vnum, & tendit ad summum quod potest efficere: est adeo manifesta secundum naturæ lumen, vt ego non videam, qua possit ratione negari. Nam si ad vnum non determinatur, censeretur debet indifferentia ad vtrumque oppositorum, huiusmodi autem indifferentia etiam diametro pugnat cum natura, & cum naturali causalitate, & ordine: talis enim indifferentia ad libertatem, & non ad naturam pertinet. Quod vero naturalis causa operetur quantum potest, & secundum vltimum suæ virtutis, ex eadem radice provenit. Nam ex eo quod causa naturalis ex se ipsa determinatur ad vnum, provenit vt determinetur ad Totum id quod potest. Nam alias necessario admittenda est indifferentia aliqua in causis naturalibus, si aliquando eorum causalitas attingeret summum effectum in quem ipsæ possunt, quandoq. vero infra summum subsisteret.

Ab exemplis vero in contrarium adductis facile nos expediemus; Nam ad primum quod ex qualitatibus naturalibus procedebat, dicitur. Quod omnes eiusmodi qualitates, quæ per simplicem emanationem resultant ex substantialibus formis, sequuntur ipsas in summo gradu ad quem secundum naturæ ordinem peruenire possunt, nisi vel ex parte causæ effectricis, vel ex parte subiecti recipientis, aliquod interueniat impedimentum. Vnde si quando in igne non reperitur calor summus, vel in aqua summa frigiditas, alicui adposito impedimento illud erit tribuendum: neque huius rei reperies aliquam in to-
 to ordine naturæ instantiam.

Ad secundum exemplum Respond. Quod si, ut nonnulli falso putauerunt Philosopher, Vniuersum istud per modum naturalis effluxus a Deo naturali auctore dimanasset, uti splendor emanat a sole exemplum istud præsentī intento quadraret. Et tunc consequenter esset dicendum, ut plane dicerent illi Philosopher, omnes rerū species, imo & indiuidua omnia certum habere ac determinatū a natura numerū. Verum illa philosophorum stulta, & impia existimatione semota, exemplum allatum est satis impertinens. Dicendumq; est ad vim omnem eius euacuandam. Vniuersi ordinem determinatum quidē esse quantum ad gradus entitatis: ad essentiam enim Vniuersi requiritur, ut intra se ipsum comprehendat omnes possibiles entitatis gradus, puta, Corporeum, vegetatiuum, sensitivum, ac denique intellectuale & rationale. (Nam ad eundem pertinent gradū rationalis & intellectualis natura.) cum suis proprietatibus, & connaturalibus accidentibus. Item corpora simplicia, & cælestia, & elementaria intrinsecē pertinet ad ipsum vniuersi ordinem, & ad primariam eius constitutionem. Cæterum non omnes possibiles rerum species sub prædictis entitatis gradibus contentæ per se, & necessario spectant ad naturalem Vniuersi constitutionem, & ordinem. Sed quod in tanto, vel tanto numero fuerint productæ, ad solam ipsius naturæ auctoris est referendum. Itaque si ex ipsis entitatis gradibus, aut ex simplicibus corporibus quidpiam in Vniuerso defuisset, miraculum, & quidem grande censendum foret; imo sat diceretur probabiliter, quod esset Vniuersum aliud specie distinctum ab vniuerso isto quod fuit de facto productum. At si species aliqua, ex ijs quæ productæ sunt, defuisset, siue in natura spiritali, & immortali, siue in natura corporea, & corruptibili, neque vllum esset miraculum, neque naturalem Vniuersi ordinem ammutaret. Nam quod ex tot angelorum millibus vna deesset species, aut quod ex tot speciebus corporeis, & sensibilibus vna dematur, vel altera, quid obsecro ad naturalem vniuersi huius referret ordinem? Sed hoc ad liberam auctoris naturæ dispositionem pertinet. Ex his constat quod exemplum illud secundum

non est ad propositum: Quia ille ordo numericus specierum, seu indiuiduorum non naturalis est, sed mere liber. Missum facio, quod licet censeretur naturalis, non in eo tamen sensu in quo propria passio dicitur emanare a proprio subiecto, quod ipsam naturali effluxu producit, & si non actione noua, & distincta ab ea qua ipsum subiectum producit, & ob id propria passio dicitur comproduci ad productionem subiecti; quæ sane emanatio, & effluxio propriæ passionis est modis omnibus naturalis, atque adeo omnimodam habet determinationem ad vnum. At naturalitas quæ est in ordine vniuersi, quantum ad actualem sui existentiam, per se pendet aliberrima ipsius naturæ authoris voluntate.

Solutio alia posset his duobus postremis argumentis assignari, quæ aliqualem cum apparentia ipsorum vim euaderet: quæ in hunc habet modum. Quod si effluxus gratiæ in Christi animam quo ex Verbo humanitati coniuncto naturaliter emanauit suæ relinqueretur naturæ, ad gratiam in summo gradu constitutam terminaretur: at de facto ob id non istum attingit gradum, quia deus ita disposuit, & limitauit naturalem gratiæ habitualis emanationem ad certum intensiōis terminum. Sicut naturalem lucis ex essentia solis effluxum potuisset deus si vellet limitare ad intensiōis gradum minorem eo, in quo emanauit de facto. Omnis etenim naturalis causalitas supremæ omnium causæ, diuinæ, scilicet, voluntati, & potentiz subditur, ab eaque potest limitari, & coarctari. Verum huic solutioni quæ primo aspectu tam apparet probabilis, duo obstant quæ illam minus reddunt probabilem. Primum est. Quod ex hac solutione sequitur naturalem effluxum habitualis Christi gratiæ ex propria sui ratione terminari ad infinitæ intensiōis gradum: quod inde constat, quod gratia, vt præsupposuimus paulo ante in hac eadē quæstione nō habet summum suæ possibilis intensiōis gradum extra gradum infinitum; eo quod sua natura in infinitum intendi potest. At cum infinitus intensiōis gratiæ gradus nequeat per absolutam etiam dei potentiam effici; nullatenus intelligi valet quod sit actio aliqua, seu emanatio quæ sua natura sit productiua gratiæ in summo gradu intensiōis. Nam cum effectus est simpliciter impossibilis, actio etiā talis effectus productiua censi quoque debet impossibilis. Et augeo huius primi inconuenientis vim. Nam supponamus quod deus reliquerit illam gratiæ habitualis ex vnione hypostatica emanationem suæ naturæ, nullamque ei limitationem induxerit (quod certe non est cur impossibile cuiquam videatur) tunc fatendum esset habitualement Christi gratiā in gradu infinitæ intensiōis fuisse productam. Sed cū gradus iste sit simpliciter impossibilis, manifesta ibi interueniret contradictio, nimirū, quod esset infinita gratiæ intensio, & quod infinita non esset.

Secun-

¶ Secundum quod prædicta obstat solutioni est. Quod et dedum probauimus, Si Christi gratiæ emanatio ex Verbo humanitati vnito est naturalis, Nulla esse potest neque in ipso diuino Verbo, neque in tota Trinitate potestas quæ ipsam valeat impedire, supposita verbi ad humanitatem vnione. Vt pauli superius ostendimus. Et eadem propterea est ratio de imitatione. Nam causa quæ posset gratiæ effluxum ad certum intentionis gradum terminum limitare, posset etiam ipsum gratiæ effluxum totaliter impedire.

¶ Quarto probatur conclusio. Omnis proprietas quæ per simplicem emanationem oritur in aliquo subiecto, necessarium est procedat ex aliqua forma quæ habeat rationem principij formalis effectiui in eodem subiecto, sed non est assignabilis in Christo aliqua forma quæ habeat rationem formæ principij effectiui gratiæ habitualis ergo, &c. probatur mai. Verbum non habet rationem formæ, quia non vnitur humanitati per modum formæ, sed per modum termini tantum terminantis, & completis dependentiam humanæ naturæ cui vnitur. Neque vero vnitur in ratione formalis principij effectiui, quoniam virtus effectiua communis est toti trinitati, & ex quo se habet ad tres diuinas personas: atque adeo vnio ex quo terminatur ad totam trinitatem, quod est fidei contrarium. Præterea, humanæ naturæ non est forma quæ habeat vim effectiui gratiæ, Diuinitas etiā non potest esse principium ex quo immediate effluat in anima Christi habitualis gratia. Quoniam diuinitas non vnitur immediate humanitati, sed mediante personalitate verbi. Vnde si personalitas verbi non est immediatum principium emanationis gratiæ, diuinitas non habebit rationem mediati principij eiusdem emanationis. Ergo nullum est assignabile formale principium gratiæ in Christo.

¶ Confirmatur. Si diuinitas est immediatum principium emanationis gratiæ, & non mediatur ratione personalitatis verbi: Sequitur quod illa emanatio immediate sit tribuenda Toti trinitati, & ex quo tribuatur Patri, verbo, & Spiritui sancto: quoniam ea quæ immediate competunt naturæ diuine, & non ratione alicuius personalitatis, ex quo cōpetunt tribus personis diuinis. Hoc autē non est admittendū, quoniam qui docent gratiā resultare per simplicem emanationem, necessariū est dicant, quæ resultat non immediate a tota trinitate, sed ex diuino verbo ad quæ terminata fuit vnio hypostatica. Etenim resultantia gratiæ prouenit, si qua est, ex vi hypostaticæ vnionis. Et ab ipso primatio vnionis termino. Respōdent quidā Theologi quibus vnus est Magr. a Mediana, quæ gratia resultat ex humanitate non absolute cōsiderata, sed prout est eleuata ad esse personale verbi: Sicut virtutes, inquit, infusæ charitatis, iustitiæ, &c. per simplicem resultantiam oriuntur ex anima hominis iusti, non absolute, sed prout est eleuata per gratiā habitualement. Hec ta-

men solutio etiam deficit in duobus. Primo, in eo quod dicitur, virtutes infusas resultare ex essentia animæ eleuata per gratiam, hoc enim est falsum, quoniam essentia animæ nihil confert ad hanc emanationem, unde tota resultantia virtutum tribuenda est gratiæ inherenti animæ. Secundo deficit in eo, quod gratia est vera forma actiua essentiam animæ, atque adeo potest optimè habere rationem principij formalis effectiui, comparatione ad virtutes infusas. At diuinum verbum ad cuius esse personale eleuatur humanitas, non vnitur humanitati in ratione formæ, neque illud esse quod humanitas suscipit a verbo, rationem habet principij formalis effectiui, sed est tantum esse personale terminatiuum, & completiuum humanæ nature, supplens in ea vicem propriæ personalitatis. Vnde sicut esse personale quod humanitas Christi posset suscipere a propria personalitate, non esset formale principium effectiuum alicuius qualitatæ naturalis, neque per propriam actionem, neque per simplicem resultantiam ita esse personale quod suscipit a verbo, nullius qualitatæ super naturalis potest esse formale principium effectiuum. Et ex hac doctrina soluitur argumentum quod quidam magnificat pro contraria sententia, videlicet, quod virtus operandi sequitur esse rei: ergo verbum eo ipso quod tribuit humanitati esse supernaturale, tribuit etiam virtutem ad operandum supernaturales actiones, quæ virtus est ipsa et gratia, quatenus radix est omnium supernaturalium habituum, & actionum.

Respondetur ex dictis, quod virtus operandi sumitur ex esse formali rei, & non ex esse personali tantum, quia tota operatio rei, & virtus operatiua ex principio formali pensatur, & ex forma rei oritur.

Quinto probatur concludi, si gratia simplici emanatione, resultat ex vniõne hypostatica, eius emanatio referenda est ad verbum prout est suppositum humanæ nature, sed hac ratione verbum nequit esse principium gratiæ, ergo &c. Maior patet, quoniam verbum prout suppositum est humanæ nature, est primarius terminus vniõnis hypostaticæ: Ergo terminus secundarius eiusdem vniõnis, scilicet gratia, referri debet ad verbum secundum hanc rationem terminus enim secundarius actionis alicuius dimanatur a termino primario, ea ratione quæ est primarius terminus. Minor probatur. Diuinum verbum prout est humanitatis suppositum, nihil efficit nisi iuxta proportionem ipsius humanæ nature, cuius est suppositum. Ergo cum natura humana nullam habeat ex se vim productiuam gratiæ, eius emanatio non potest referri ad verbum, vt ad principium effectiuum, prout est suppositum humanæ nature.

Vltimo tandem nostram sententiam probabilis hæc confirmat ratio. Habitualis Christi gratiæ productio, secundum sacramentum literarum

rarum accomodatione nō diuino verbo, sed spiritui sancto tribuuntur, at si gratia naturali dimanatione a verbo naturæ humanæ hypostatice coniuncto, effluxisset, ipsi potius verbo quam spiritui sancto esset accomodanda. Vero similis ergo sit cōiectura eā haud quaquam ex hypostatica vnione naturali dimanatione processisse. Minor apparet manifesta, ea enim quæ a dei filio procedunt, vt est suppositum humanitatis, non Patri aut spiritui sancto accomodantur, sed ipsi duntaxat diuino tribuuntur verbo. Maior vero propositio probatur. Luc. 1. Virgini interroganti Gabielem de modo incarnationis filij dei, ita Respondit Angelus. Spiritus sanctus superueniet in te &c. Et subiungit continuo. Ideoque quod nascetur ex te sanctum vocabitur filius dei. Quali diceret, eius sanctitas secundum humanam formam a spiritu sancto incarnationis authore proueniet: Hoc enim designat illa dictio, Ideoque. Huc attinet quod D. Thom. 3. p. quæst. 7. artic. 13. in prima ratione corporis articuli docet, quod in incarnationis mysterio, principium vnionis est persona filij naturam assumens humanam. Principium vero habitualis gratiæ est ipse Spiritus sanctus. Et ex hoc colligit, quod gratia vnionis præcessit naturæ ordine habitualē Christi gratiā, quia missio personæ filij prior est missione spiritus sancti, sicuti filius prior est origine spiritus sancti persona. Ecce apertā Doctōris Angelici mentem, ex qua constat habitualē Christi gratiā speciali accomodatione fore spiritui sancto attribuentam.

Ex omnibus quæ tam late diximus breui oportet cōpendio resoluamus, habitualē gratiā, quam charitas & cetera spiritualia comitata fuere charismata, collatam fuisse Christi humanitati per speciale sanctissimæ trinitatis actionem, ab illa distinctam per quam facta fuit substantialis vnio. Colligitur non obscure ex dictis consecrariū istud, quoniam si ex ipsa substantiali vnione, seu quod idem est, ex diuino verbo humanitati hypostatice vnito, qui primarius fuit actiua vnionis terminus, non emanauit habitualis gratia, per simplicem resultantiam, necessum est dicamus, eam fuisse in Christi anima effectam, ipsique diuinitus infusam, per aliam dei actionem ab vnitione distinctam: quæ cum fuerit actio dei ad extra, non potuit non esse libera, totique trinitati communis.

Sed aduertendū est qd hec noua dei actio, supposita gratia vnionis, non minus fuit debita, & veluti connaturalis ipsi Christi humanitati, atq. fuit ei connaturalis, & debita ipsa habitualis gratia. Itaq. miraculum esset in ordine gratiæ, si deus noua actione non infudisset Christi animæ hanc sanctificatē gratiam. Et hoc est quod dicebat Cyrillus paulo ante citatus, Christū accepisse spiritus sancti charismata, nō vt aduentita, sed vt sua & propria, id est, vt sibi iure connaturalitatis debita.

ta, & per actionem eodem iure ipsi debitam. Neque enim tollitur
 iusmodi connaturalitatis debitum libertas ipsius actionis. Cuius
 rei ex ordine nature manifestum potest afferri exemplum. Motus
 circularis celestis orbis connaturalis est, & debitus ipsi celesti corpo-
 ri, non ita quidem quod ut propria passio ab eius essentia per simpli-
 cem effluentiam dimanet; ut doct. S. Th. aduen. quæst. 5. de poten-
 tia artic. 5. sed noua actione ab extrinseca intelligentia mouetur ce-
 lestis orbis, quæ actio quamlibet extrinseca sit, immo voluntaria &
 libera, debita nihilominus est celesti corpori, ipsi connaturalitatis iu-
 re. Unde cessatio huius actionis non poterit non esse miraculosa.
 Huic etiam attinet exemplum a quibusdam Theologis allatum de spe-
 ciebus intelligibilibus intellectui angelico ab Authore nature indi-
 tis, quæ ut bene probat Franc. Perr. lib. 2. §. contra. Gent. cap. 98. non
 per simplicem resultantiam ex ipsa angelica natura promanant (quod
 ob id nequeunt propriæ passionis angelicæ naturæ vocari, nisi late
 quadam, & abusiue appellatione) sed specialis dei autoris nature actio-
 ne eaque voluntaria, & libera producuntur, quæ tamen actio connat-
 uralitatis iure angelicæ naturæ debetur.

Quarta Conclusio.

Christus Dominus proprium est, & per se gratiæ habitualis subie-
 ctum. Volo dicere in hac conclusione, quod Christo qua ratione
 est deus homo, per se competit habitualis gratia, & iure connaturali-
 tatis illi debetur; & quod gratiæ habitualis naturæ valde proportio-
 natum est & connaturale hoc subiectum. Prior pars, nimirum, quod
 Christo per se competat gratia ex dictis circa conclusionem præce-
 dentem satis constat, & constabit amplius ex dicendis infra in hac quæ-
 stione, cum arguenda primum, & secundum dissoluerimus. Poste-
 rior vero pars, puta, quod Christus sit proprium gratiæ subiectum
 eius naturæ maxime proportionatum, & connaturale, probatur pri-
 mo. Gratia ut ex doctrina S. Thom. superius retulimus connatu-
 ralis est Christo, & se habet ad verbum humanitati unitum: ut splen-
 dor ad lucem: Ergo & ipse Christus proprium est subiectum, & con-
 naturale gratiæ. Probatur consequentia quia nulla poterit afferri
 instantia quæ conseret, quod illa qualitas quæ connaturalis est alicui
 subiecto, non vendicat sibi illudmet subiectum tanquam sibi magis
 proprium, & connaturale. Neque quidquam efficit instantia qua
 vtuntur nonnulli ex calore naturali animalis. Animal, inquiunt, per se
 competit calor, calori autem per accidens est inesse animali, nam proprium
 eius & connaturale subiectum est ignis. Hec inquā instantia nihil efficit,
 tum quia animali non per se competit calor absolute in ratione caloris,
 sed calor vitalis proportionatus animalis vitæ, quæ calorem animale vo-
 care solemus: calor autem animalis etiā per se respicit ipsum animal tanquam
 sibi

sibi proprium, imo & necessarium subiectum. Tum etiam quoniam animal vendicat sibi calorem ex inferiori natura elementari participatum, ut vratur ipso tanquam instrumento necessario ad ipsas animalis vitae actiones: at gratia non conuenit Christo, ut ex aliqua inferiori natura in ipso participata, sed potius, ut participatio diuinitatis, quae secundum plenitudinem habitat in Christo: Vnde gratia non fuit data humanitati Christi eo solum, ut esset diuinitatis instrumentum ex aliena natura ascitum, sed ut qualitas ipsi diuinitati connaturalis, id est, eiusdem ordinis cum ipsa, ac proinde eiusdem ordinis cum Christo ratione diuinitatis. Vnde propter hanc connaturalitatem inter gratiam, & Christum: & gratia per se competit Christo, & Christus proprium est, & connaturale subiectum gratiae. Quae ratio connaturalitatis inter animalis vitam, & calorem, non reperitur.

Secundo probatur conclusio quae ad eandem posteriorem partem. Illud est proprium alicuius qualitatis subiectum, in quo ipsa qualitas omnem habet suae perfectionis plenitudinem, & ad omnes sibi proprios, & connaturales effectus extenditur, hac. n. ratione sol proprium est lucis subiectum, quia lux in sole eam omnem sortitur perfectionem quae secundum ordinem naturae ipsi luci potest competere, & quia ad omnes effectus sibi possibiles se extendit: & ob similem causam ignis proprium est caloris subiectum. Sed gratia habitualis in Christo omnem habet gratiae plenitudinem, & ad omnes eos effectus se extendit, ad quos gratia intra totum genus gratiae potest pertingere, ut docuit S. Th. 3. p. q. 7. ar. 9. & constabit ex dicendis in sequenti argumento, & in quo seq. explicabitur amplius: ergo vera est nostra conclusio.

Tertio probatur. Gratia in Christo habet omnes effectus sibi possibiles, & multos quos in alio subiecto habere non potest. Et illi effectus continentur intra ordinem gratiae, & intra genus eius: Ergo Christus est proprium, & natium subiectum gratiae. Probatur minor, in qua est difficultas. Gratia in Christo tria habet, quae ipsi in alio subiecto competere nequeunt. Primum quod disponit humanitatem dispositione concomitare ad vnionem cum verbo. Secundum quod est principium meriti infiniti. Tertium, quod est subiectum infinite satisfactionis, & rigoris. Sed haec tria continentur intra rationem, & genus gratiae: ergo, &c. Probatur. Et primo de dispositione ad vnionem. Vltimus & proprius finis gratiae, ut docet Sanct. Thom. 3. p. qu. 7. art. 12. est vnire creaturam rationalem cum Deo. Et hinc fit, quod vnio diuinae essentiae cum intellectu beati per modum speciei intelligibilis est magna perfectio gratiae, & eius naturae valde proportionata, quoniam eius finis est vnire: Ergo quod sit dispositio ad hypostaticam vnionem verbi cum humanitate, clauditur sub fine proprio gratiae, atque

atque adeo pertinet ad ipsius gratiæ naturam.

Confirmatur gratia eatenus est dispositio humanitatis ad unionem cum verbo, quatenus eleuat ipsam humanitatem, & constituit eam eiusdem ordinis diuini cum verbo. Hæc autem ratio propria est, & natia gratiæ: ergo, &c. Secundo, ad ipsum probo demerito, & satisfactione: Gratia ex sua natura habet esse principium meriti supernaturalis, & satisfactionis. Ergo quod in Christo eleuetur gratia ad hoc, quod sit principium proximum meriti perfectissimi, & exactæ satisfactionis, ad perfectionem gratiæ ipsi connaturalem pertinet.

Sed contra istam conclusionem sunt quædam argumenta. Et primum probo gratiam non esse connaturalem Christo admodum propriæ naturæ naturalis. Nam sequeretur, quod concedenda esset ista propositio, scilicet, Christus est per essentiam gratus habituali gratia. Sicut conceditur ista, sol est lucidus per essentiam, consequens est falsum, ergo, &c. Probo minorem. Christus non est causa totius gratiæ, gratia enim Angelorum, & gratia Prothoparentis in statu innocentie, iuxta sententiam valde probabilem, non fuit collata per Christum. At qui est gratus per essentiam, debet esse causa formalis totius gratiæ, sicut sol est fons totius lucis, & ignis totius caloris: & ratio est manifesta, quia id quod est per essentiam tale, est causa omnium illorum, quæ sunt talia per participationem: ergo, &c.

Secundo. Gratia ex propria sui ratione habet constituere habentem filium Dei adoptiuum, sed Christus non est capax filiationis adoptiue, ut q. 1. diximus: Ergo non est proprium, & connaturale subiectum gratiæ. Maior apparet nota, quia gratia omnem hominem iustum præter Christum constituit adoptiuum dei filium, & hoc non conuenit gratiæ ex aliquo extrinseco privilegio, & extrinseca dei acceptance, ut falso commentantur quidam Theologi, sed ex propria sua natura habet hunc effectum, eo quod est formalis quædam participatio diuinæ naturæ. Consequentia probatur, nam proprium subiectum alicuius formæ est illud in quo forma potest se explicare in omnem effectum sibi connaturalem, ut exemplis adductis de luce, & calore constat. Et ratio aperta suffragatur huic doctrinæ, quia subiectum proprium & connaturale formæ, est subiectum adequatum ipsi formæ, id est, illud subiectum in quo forma explicat se in omnem suam virtutem: ergo, &c.

Tertio contra tertiam rationem factam pro conclusione arguitur, Meritum perfectum, & infinitum, & similiter satisfactio rigurosa, important rationes repugnantes gratiæ: Ergo non continentur intra genus gratiæ, atque adeo ruit illa ratio, quæ est præcipuum fundamentum conclusionis. Probatur antecedens: gratia secundum rationem gratiæ tollit rigorem iustitiæ in merito, & in satisfactione, nam meritum, quod fundatur in gratia nequit habere perfectam rationem iusti-

sticit, quia gratia in qua fundatur id non permittit. Et similiter est dicendum de satisfactione. Et ob hanc causam, & si homines iustitiam mererentur de condigno, & condignam Deo satisfactionem offerant pro peccatis, non tamen ibi interuenit exacta iustitia: Ergo meritum Christi qua ratione perfectum est, & rigurose iustitiæ, non pertinet ad naturam gratiæ, quin potius videtur destruere ipsam aliqua ex parte, quia quanto magis fuerit de iustitia, tanto minus erit de gratia, & idem est iudicium de satisfactione rigurosa: ergo male dicitur, quod ista fundantur in gratia.

Ad primum argumentum respondetur. Posse negari christum debere dei gratum per essentiam, eo quod gratia non sequitur ad eius essentiam, neque est ei connaturalis ratione essentialis formæ, sed tantum ratione suppositi: In quo magnum versatur discrimen, inter gratiam per comparationem ad Christum, & lucem comparatam ad solem. Nam lux sequitur formalem essentiam solis, & similiter calor essentiam ignis. Vnde dicebamus superius, quod gratia est accidens proprium Christo, non specificum, neque indiuiduale, sed personale duntaxat.

Secundo respondetur. Quod transeat Christum appellandum esse gratum per essentiam. Ad impugnationem dicitur. Quod gratia Christi, quantum est ex se, potuit esse causa cuiuscumque gratiæ, & angelorum, & primi parentis, quod autem non habuerit rationem causæ respectu gratiæ angelorum, prouenit ab extrinseco, videlicet, ex diuina prouidentia qua dispositum fuit, ut christus veniret in remedium peccati, alias non venturus. Hæc solutio inde maiore accipit probabilitatem, quod habitualis Christi gratia secundum esse physicum, non est causa principalis gratiæ & sanctitatis in ceteris hominibus, sed per modum causæ morales duntaxat, nimirum, prout christi merita, & satisfactio omnis ex ipsa gratia vim omnem, & efficaciam, ut a proximo principio hauserunt. Vt inferius probabitur. Moralis vero causalitas variationem multam ex Dei prouidentia admittit.

Ad secundum argumentum respondetur, quod gratia ex sua natura habet, constituere habentem ipsam dei filium, siue naturalem, siue adoptiuum. Si subiectum habens gratiam fuerit secundum se extraneum a natura diuina, gratia constituet illum Dei filium adoptiuum, & id quidem formaliter: Si autem fuerit naturalis Dei filius, ut est Christus, constituet illum filium Dei naturalem, non quidem formaliter, sed dispositiue dispositione concomitante: Et quidem multo perfectius est, & connaturalius gratiæ, quod per modum dispositionis constituat naturalem Dei filium, quam quod formaliter constituat filios Dei adoptiuos. Imo neque necessum est, ut filium Dei, vel adoptiuum, vel naturalem ipsum habentem constituat. Nam ut

dice-

dicebam superius. Si spiritus sanctus humanitatem gratia habituē-
li exornatam assumeret, neque naturalis, neque adoptiuus. Nec filius
conferetur. Sed secundum quod spiritus sanctus, esset Deus essen-
tialiter. Secundum vero, quod homo, esset quidem per gratiam
vnionis Deus etiam essentialiter, & ad hoc concurreret habitualis gra-
tia per modum concomitantis dispositionis. Esset autem per gratiam
habitualem Deus participatiue, quam participationem formaliter
conferret habitualis ipsa gratia.

Ad tertium respondetur, quod iustitia rigurosa meriti, aut satisfac-
tionis exacta non repugnat gratiæ. Fateor quidem quod non con-
uenit ei esse principium meriti rigurosi, aut satisfactionis perfectæ, nisi
quando ipsa gratia fuerit debita, & connaturalis merenti, & satisfac-
facienti. Itaque iustitia exacta satisfactionis, aut meriti pugnat cum
gratia non debita, & quæ non est connaturalis merenti, & satisfacien-
ti, non autem absolute repugnat gratiæ. Sed dicet quis. Quod gra-
tia sit debita, tollit rationem gratiæ, nam quod ex debito datur, non
est gratuitum donum: Ergo hæc solutio supponit falsum, videlicet,
quod gratia nequit esse debita. Quidam respondent huic argumēto,
quod gratia nequit esse debita ex debito iustitiæ, quod habeat ortum
ex operibus meritoriis, nam si ex operibus gratia, iam non esset gra-
tia. Ceterum ratio debiti connaturalitatis non deseruit naturam gra-
tiæ. Hæc solutio mihi despicit, nam impropriissime appellatur gra-
tuitum donum, id quod debitum est subiecto debito connaturalita-
tis. Quis enim dicet, quod risibilia est donum gratuito, collatum
humanæ naturæ, cum debeat homini ex iustitia naturali, & si non
sit debita ex aliquo debito morali in bonis operibus fundato.

Respondent alij, quod gratia collata humanitati christi fuit qui-
dem illi debita connaturalitatis debito, non simpliciter, & absolu-
te, sed suppositione facta, scilicet, supposita gratia vnionis: atque adeo
simpliciter habitualis gratia retinet rationem gratuiti doni, & secun-
dum quid est debita.

Hæc solutio uerissime quidem saluat rationem gratiæ, & doni gra-
tuiti, in gratia Christi habituali: non tamen saluat rationem perfecti,
& rigurosi meriti in operationibus christi. Nam iuxta hanc solutio-
nem totum Christi meritum fundatur in liberalitate, & in gratia Dei
facta humanitati. In gratia vnionis. Meritum autem, quod in li-
beralitate fundatur, nequit esse rigurosum meritum. Vnde respon-
detur argumento. Quod gratia habitualis Christi potest compara-
ri, & ad humanitatem Christi, quæ est proximum subiectum ipsius
gratiæ, & ad totum Christum, qui est eius subiectum, quod, & totale.
Comparata ad humanitatem habet plenissimum rationem gratiæ:
quia non est debita humanitati absolute aliquo debito. Dixi abso-

Iute, quia ex suppositione. s. supposita gratia vnionis, debetur illi gratia habitualis, sed hoc est debitum secundum quid, nam totum reducitur ad gratiam vnionis, quæ est maxima gratia. Comparata vero ad Christum, habet quidem rationem cuiusdam diuinæ forme, non uero rationem gratiæ, est enim simpliciter debita Christo, quia est Deus. homo: quoniam autem operans, quod meretur, non est humanitas Christi, sed Christus, idcirco eius operationes habuerunt perfectam rationem meriti, & satisfactionis, quia ratio meriti, & satisfactionis Christi, non reducebatur ad aliquam gratiam, & liberalitatem exhibitam Christo a Patre. Etenim Christus, prout diuinum importat suppositum, non est capax, ut ei donum aliquod, aut beneficium exhibeatur.

Ad argumenta in principio. Ad primum, & secundum respondetur his argumentis tantum conuinci, veram esse illam nostram conclusionem qua statuimus gratiam esse cōnaturalem, & debitam Christo. Ex quatuor autem capitibus sumitur ista connaturalitas. Prima est, quia gratia in Christo provenit a principio intrinseco. s. a diuinitate, quæ est intra ipsum Christum. Diuinitas enim verbi causauit habitualement gratiam, in humanitate ipsius christi, id autem quod est a principio intrinseco, merito appellatur naturale. Secunda: quoniam gratia simul fuit data Christo cum humanitate, ita quod infusio gratiæ se habuit quasi concomitanter ad ipsam christi generationem. Id autem, quod simul aduenit cum natura, solet naturale vocari: qua ratione peccatum originis vocatur quandoque naturale, iuxta illud Paul. ad Ephes. 2. eramus natura filii iræ. Iste duæ rationes satis ostendunt gratiam habitualement non improprie dici cōnaturalem Christo; non tamen ex eis colligitur, quod gratia sit debita humanitati Christi aliquo connaturalitatis debito. Quo circa aliæ duæ rationes sunt, ex quibus constat istud debitum. sic ergo.

Tercia ratio. Christus conceptus est ex Spiritu sancto: ita quod conceptio Christi quantum ad præparationem materiæ in utero virginis, & quātum ad vnionē animæ rationalis cū tali materia sic præparata, specialiter attribuitur Spiritui sancto. Vt autē spiritus sancti operatio esset perfecta, qualis est omnis operatio dei, (nam dei perfecta sunt opera) nō debuit sistere in sola præparatione, & mūdatione materiæ, Deute. 31. & in ipsa rationalis animæ infusione: sed conueniens maxime fuit, ut ipsam quoque spiritualem animæ munditiem attingeret, perfectamque eius sanctificationem per gratiam, & charitatem, & per reliqua Spiritus sancti charismata effectam. Vnde ex ipso conceptionis Christi effectūwo principio, connaturalis fuit christi habitualis gratia cæteris supernaturalibus associata donis. Hæc ratio colligitur ex illo Luc. 1. Spiritus sanctus superueniet in te, & post pauca subditur, ideo-

que, quod nasceretur ex te sanctum, &c. Quo loco Angelus sanctitatem Christi nascituri, ad virtutem Spiritus sancti superuentis, tanquam ad propriam reuocat causam. Illud enim verbum, ideoque, causalitatem importat.

Quarta ratio est illa quamprimo loco S. Th. assignat, 3. p. q. 7. ar. 1. Et tota ad hoc reducitur. Humanitas in Christo est summa, & maxima vnione vnita verbo, quod est ipsum fontale totius gratiæ principium. Ergo debitum ipsi fuit, ut ex præsentia verbi coniuncti habitualemente sciperet gratiam: imo & totam eius plenitudinem. Ad hanc rationem reducitur alia, quæ communis est inter Theologos fundata in illo loco: 1. Vidimus gloriam eius, gloriam quasi vnigeniti a Patre, nimirum, quia Christus est naturalis Dei filius, debita fuit eius humanitati omnis plenitudo gratiæ, ut magna cum dignitate, ac summa cum decencia, & humanitas esset substantialis filij dei natura, & ipse Dei filius verum ipsius humanitatis suppositum. Ad ipsumque Dei filiū, qua ratione est suppositum humanæ naturæ, attinebat, ipsam omni supernaturali munere cuius est capax, magna cum gloriæ accessione ornare, & perficere.

Circa secundum argumentum specialiter est notandum. Quod ex illo exemplo adducto a S. Thom. videlicet, quod sicut ad præsentiam solis naturaliter consequitur lumen in corpore diaphano, ita in humanitate Christi, quæ capax est gratiæ, & diuini splendoris, ad præsentiam verbi, quod est ipsa essentialis lux, naturaliter fuit in humanitate consequuta gratia, quæ est diuinum quodam, & supernaturale lumen a lumine essentiali diuino participatum. Notandum inquam est, quod ex isto exemplo colligitur id, quod nos in resolutione questionis diximus. Gratiam nimirum non effluxisse per simplicem resultantiam in humanitatem Christi ex præsentia diuini verbi: sed productam fuisse noua dei actione ab vnione hypostatica distincta: Etenim productio lucis in corpore diaphano, non est simplex emanatio lucis ab essentia solis, sed est noua quædam actio distincta à creatione solis, per quam ipse sol effectiue producit lumen, neque ipsum productum lumen propria passio est, & proprietas solis. Est autem discrimen inter lumen comparatum ad solem, & gratiam ad verbum, quod lumen necessitate naturali producitur a sole, quia sol est causa pure naturalis. Gratia vero producitur a diuino verbo in humanitate per actionem simpliciter liberam. Quamuis, ut supra dixi, hæc actio libera induit rationem actionis naturalis in ordine gratiæ, quatenus fuit humanitati Christi debita, supposita vnionis gratia.

Ad tertium argumentum responderetur, quod si antecedens intelligatur in genere causæ formalis, falsum est & negandum: Verbum enim diuinum non fuit humanitati vnitum in ratione formalis prin-

cipij effectui gratiæ, aut cuiusvis alterius effectus, sed in ratione tantum suppositi terminantis, & complentis dependentiam illam, qua humana natura pendet a proprio supposito, cuius vicem eminenti quodam, & ineffabili modo gerit diuinum verbum. Si autem in genere finalis, vel, quasi finalis causæ, illud antecedens intelligatur, verissimum est & concedendum: quoniam verbum ob id fuit humanitati suppositaliter vnitum, ut eam sanctificaret, & per ipsam sanctificatam tanquam per coniunctum diuinitatis instrumentum nos redimeret, & sanctificaret. Ob quam causam in sacris literis, cum Christus humani generis futurus saluator prænunciatur, præmittitur quæ sæpius aliquid designans Christi sanctitatem, & iusticiam. Ita Matt. c. 1. priusquam angelus, qui Ioseph apparuit in somnis, prædiceret illi, quod Iesus ex Virginis vtero nasciturus, populum suum sanctificaturus erat, & a peccatis liberaturus, præmisit hæc verba, Quod in ea natum est de Spiritu sancto est, id est, sanctificatum, & sanctum ex vi suæ conceptionis, quia conceptio ex Spiritu sancto facta, non poterat non eximiam sanctitatem proli conceptæ asferre. Quod apertius ipse explicuit Angelus Virginem sanctissimam alloquens. Luc. 1. Spiritus sanctus, inquit, superueniet in te, & virtus altissimi obumbrabit tibi, ideoque quod nasceretur ex te sanctum vocabitur filius Dei. Id ipsum colligo, ex illo. Is. 62. propter Syon non tacebo, & propter Hyerusalem non quiescam, donec egrediatur, ut splendor iustus eius & Saluator eius, ut lampas accendatur. De Christo hic habetur sermo, qui prius veluti diuinus splendor à sole ex vtero virgineo iustus, & sanctificatus fuit egressus, quam in medio populi doctrina, & miraculis corruscans, nimiaque humani generis charitate, ut lampas accensus, saluatoris gesserit officium: Et Zach. 9. de aduentu Messie loquens Spiritus sanctus ita, inquit. Ecce Rex tuus venit tibi iustus, & Saluator. Primum iustus, deinde Saluator. Et id quidem merito nam ab immundo quis mundabitur? Vnde Christus Io. 17. dicebat. Et pro eis ego sanctifico me ipsum, ut sint, & ipsi sanctificati in veritate. Sanctificauit se primum christus, se ipsum hostiam sanctam, & deo placentem in cruce offerens, ut sanctificatus ipse homines sanctificaret. Non quod Christus ante mortem suam non fuisset sanctificatus simpliciter, sed quod tunc eius sanctificatio omnimodam consumationem accepit. Quæ consummatio in duobus constitit. Primo, quod hostia deo oblata, & sacrificata, ex vi suæ oblationis sacrata manet, & sancta, ut pote, soli dicata, & consecrata deo. Secundo, quod Christus dum mortalem egit nobiscum vitam, similitudinem peccatoris gerebat, similitudinem carnis peccati deferens. Hanc autem peccati effigiem, & similitudinem penitus ipse deposuit cum immortalem, & impassibilem carnem gloriosa resurrectione assumpsit. Quam sane glo-

riam, & corporis immortalitatem merito sue passionis acquisiuit. Ad Philip. 2. factus obediens, usque ad mortem. propter quod, & deus exaltavit illum, &c. Vnde passio Christi rationabiliter sanctificatio eius uocatur. Ad hunc fere sensum, non incommode trahi possunt Verba illa Pauli rom. 3. ut sit ipse iustus, & iustificans eum, qui ex fide est Iesu Christi, id est, ut diuinus Pater iustificaret eos, qui suis antiquis promissionibus de Christo venturo perfectam adhiberent fidem, conueniens fuit, ut prius semetipsum ostenderet iustum suas pollicitationibus adimplens,

Sed aduertendum est, quod cum duplex sit humanitatis christi sanctificatio. Altera per ipsam unionis gratiam. Altera vero per habituales gratias facta. Priorem ipsum verbum seipso, & quasi formaliter humanitati tribuit, nam tota hæc humanitatis sanctitas est ipsum verbum quatenus personaliter humanitati vnitur. Posteriores uero sanctitatem efficienter verbum in sua humanitate causauit noua, & libera actione, quæ licet accomodatione quadam speciali ipsi uerbo tribuatur, toti tamen fuit Trinitati communis, iuxta superius a nobis statuta. Sed iam ad solutionem argumenti rediens assero, quod ex eo, quod verbum, fuerit humanitati unitum in ratione principii uiuificantis, & sanctificantis, per modum finalis causæ, id est, ut esset principium uiuificantium, & sanctificantium, non potest, vel etiam apparenter colligi, quod uita spiritualis, & sanctitas, resultaret per simplicem emanationem, aut in nobis, aut in ipsa Christi humanitate, sed tantum colligitur, quod est proprius effectus uerbi humanæ naturæ uniti.

Ad quartum argumentum Respondetur, quod quando est coniunctio formalis inter naturam superiorem, & inferiorem, habet uerum id quod asseritur in argumento; secus autem est quando est coniunctio tantum in esse personali, qualis est humanitatis ad uerbum. Quoniam suppositum, in ratione suppositi, nullam aliam perfectionem tribuit naturæ secundum ordinem physicum, quam terminare, & complere ipsam. Etenim suppositum non operatur physice secundum propriam uirtutem, sed iuxta proportionem naturæ cui suppositaliter unitur. Vnde uisio Christi domini, quamuis eliciatur a supposito infinito, non tamen est perfectior uisione alterius hominis habentis potentiam uisui in perfectione æquali cum potentia uisui Christi: eo quod tota uisionis perfectio in Christo sumitur per habitudinem, & proportionem ad potentiam uisui, & non ad suppositum.

Ad ultimum Respondetur, quod ex gratia habituali, seu ut alijs placet, ex anima eleuata per gratiam oriuntur per simplicem emanationem supernaturales uirtutes, & dona spiritus sancti. Quoniam gratia est principium formale, & quasi effectuum harum uirtutum, & vnitur

vnitur animæ per modum formæ: verbum autem, vt dixi, non vnitur per modum formæ, sed tantum per modum suppositi, atque adeo ex eius vnione ad humanitatem, licet resultet debitum connaturalitatis inter humanitatem assumptam, & gratiam, non tamen resultat ipsa gratia, sed noua actione est producenda.

QVÆSTIO TERTIA.



Væstio tertia. An Christi gratia, tanta polleat plenitudine, vt censeari debeat infinita. Tota hæc questio duobus articulis absoluetur. In primo disputabitur de plenitudine gratiæ Christi. In secundo de eius infinitate. Neque enim edem est ratio infinitatis, & plenitudinis gratiæ Christi. De plenitudi-

ne ergo primum quaeritur. An ita sit plena Christi gratia, vt augmentum nequeat suscipere. Articulus primus.

Pars affirmatiua probatur primo. In sacris literis, gratia Christi, & gratia quorundam sanctorum scilicet. B. Virg. S. Stephani, &c. dicitur plena, vt patet Ioan. 1. de gratia Christi. Luc. 1. gratia B. Virg. Act. 6. de gratia S. Stephani, & alia ratione gratia Christi dicitur plena, atq. gratia aliorum sanctorum. Hæc autem diuersa ratio non alia fingi potest, quam quod gratia Christi habet omnimodam plenitudinem, & ex parte subiecti, & ex parte ipsius gratiæ, ita vt augmentum nequeat recipere: ergo, &c.

Secundo probatur ex sententia expressa. S. Thom. 3. p. quaest. 7. Namque in artic. 9. loquens de intentione gratiæ Christi dicit, quod est in summo, & perfectissimo gradu quo maior esse non potest. & art. 10. dicit quod gratia & secundum essentiam, & secundum virtutem summa est in Christo, ita vt augeri nequeat. Perfectio gratiæ, secundum essentiam, comprehendit iuxta mentem S. Thom. ibidem, perfectionem intensiuam ipsius gratiæ. Et deniq. art. 12. aperte docet Christi gratiam, neque ex parte subiecti, neque ex parte ipsius gratiæ posse augeri. Ecce manifestam S. Thom. sententiam.

Arguitur tertio. Gratia ex sua natura habet terminum intensiōnis, ultra quem per nullam potentiam potest augeri, sed Christo propter dignitatem suam debetur gratia secundum omnem possibilem intensiōnis gradum: ergo de facto Christus recepit gratiam in summo gradu intensiōnis ultra quem nequit fieri progressus. Maior in qua videtur esse difficultas probatur. Primo expressa. S. Thom. auctoritate, art. 12. citato, dicit enim, quod sicut omnes formæ naturales habent terminum suæ perfectionis, ultra quē progredi nequeunt, ita & gratiæ determinatus est proprius intensiōnis, & perfectionis terminus

minus, ultra quem non suscipit augmentum. Et confirmat. S. Thos. hanc doctrinam ex illo Sap. 1. Omnia in pondere, numero, & mensura disposuisti. Deinde probatur ratione eadem maior præmissa. Omnis creatura, eo quod creatura est, habet limitatam, & finitam perfectionem, infinitas enim perfectionis repugnat creature: igitur gratia, ea ratione quia creatura est, sua natura determinatur ad certum intensiōis, & perfectionis gradum.

Quarto. Si qua ratione gratia non haberet sua natura determinatum perfectionis, & intensiōis terminum, maxime quia est participatio diuinæ naturæ infinitæ, atque adeo ipsa quoque gratia infinitatem habet intrinsecam, sed hæc ratio parum mouet: ergo &c. Probatur mihi. quilibet gradus gratiæ est participatio totius naturæ diuinæ infinitæ, non enim commentandum est quod vnus gradus gratiæ est participium vnius diuinæ perfectionis, & alius gradus alterius perfectionis: sed quilibet gradus retinens essentiam gratiæ est participatio ipsius naturæ diuinæ; arque adeo quilibet gradus gratiæ totam diuinam naturam participat: Ergo non crescit participatio diuinæ naturæ secundum maiorem intensiōem gratiæ, & ex consequenti, infinitas gratiæ non potest summi ex eo quod natura diuina est finita, & infinitæ participabilis. Dices, quod licet gradus quilibet gratiæ participet totam naturam diuinam, non tamen totaliter, quemadmodum quicumque videns deum videt totum deum, non tamen videt totaliter, & ex ea parte potest crescere gratia, sicut potest crescere quæcumque creata dei visio, quia magis ac magis possumus per gratiam participare dei naturam. Sed contra. Intensiō gratiæ non fit per additionem noui gradus, sed per maiorem radicationem in subiecto, quod suppono ex doctrina quam tradunt. S. Thom. & eius discipuli. 12. quæst. 54. & 22. quæst. 24. ergo maior intensiō gratiæ non est participatio diuinæ naturæ, sed est eademmet participatio magis firmata, & radicata in anima, sicut est idemmet gradus gratiæ magis radicans in animæ essentia.

Pro decisione quæstionis. Notandum est ex triplici capite posse prouenire plenitudinem alicuius formæ esse adeo summam, vt non possit esse maior. Primo, ex principio effectiuo, si enim effectiua virtus limitata fuerit, plenitudo formæ productæ poterit esse summa, ita vt per naturalis causæ facultatem, & vim maior & perfectior esse nequeat, in gradu tamen certo & determinato, iuxta determinationem & limitationem virtutis in ipsa causa residentis. Secundo, ex parte ipsius formæ quæ sua natura determinata est ad certum perfectionis gradum, ultra quem non est progressus. Vnde si forma talem pertingat gradum, plenitudinem obtinebit summam.

Tertio, ex potentia receptiua subiecti, quæ apta nata est suscipere for-

formam in tali gradu intensiōis, & non in maiori. Hoc supposito,
 Prima sententia affirmat Christi gratiam plenam esse, & in summo
 gradu intensiōis, & perfectiōis constitutam, quo maior esse nequit,
 etiam per absolutam dei potentiam. Hanc docent multi Theologi
 graves, sed non omnes in eodem sensu, neque eadem ratione mouen-
 tur. Quidam enim fatentur, quod gratia ex natura sua nullum ter-
 minum postulat, sed in infinitum potest crescere secundum intensio-
 nem. Ceterum potentia obdentialis, & capacitas quae est in ani-
 ma rationali ad suscipiendam gratiam, limita est, & intrinsece deter-
 minata; ita ut per potentiam dei absolutam augeri nequeat. Vnde
 colligunt isti Theologi; quod gratia Christi, ex parte ipsius gratiae,
 non habet omnimodam plenitudinem, neque est in summo gradu
 intensiōis constituta: ex parte tamen subiecti intensior fieri non
 potest per diuinam potentiam, quia Christi anima accepit gratiam
 adimplentem totam capacitatem, & obedientialem ipsiusmet animae
 potentiam. Ita docet Alber. Mag. in 3. d. 13. & Gab. ead. dist. quæst.
 ult. art. 2. conclus. 2. reputat probabilem eius sententiam, in quam pro-
 pendit, Dur. ead. dist. quæst. 1. eandem insinuant. S. Bonauent. eadem
 dist. art. 1. quæst. 2. & Ricard. ead. distinct. quæst. 2. artic. 2. ad primum.
 Verum quod ij duo postremi Authores in alijs locis aliquantulum
 discedunt ab hac sententia. Dicunt enim quod gratia in anima Chri-
 sti est summa secundum intensiōem ex parte subiecti, ita quod in il-
 lo subiecto non poterit crescere, quia tota eius capacitas plena est, &
 facienda. Ceterum in alio subiecto, perfectiori, puta in Angelo, po-
 terit repetiri gratia secundum maiorem intensiōem. ita docet, S.
 Bona. in primo. d. 12. 2. p. quæst. 4. Ricard. ead. dist. artic. 2. quæst. 4.
 & in 3. dist. 13. art. 2. quæst. 1. & idē insinuat. Dur. quæst. 1. eiusd. dist.
 In alio sensu quidam alij Theologi intelligunt hanc primam sen-
 tentiam. Dicunt enim. gratiam Christi ex parte ipsius gratiae esse
 plenissimam, & summam, quia intensior, & perfectior neque in anima
 Christi, neque in alio quouis subiecto, etiam per potentiam dei abso-
 lutam, potest haberi. Duo sunt fundamenta huius sententiae. Alte-
 rum quod Christo collata fuit gratia secundum omnem illam pleni-
 tudinem, cuius ipsa gratia est capax. Alterum, quod ipsa gratia sua
 natura, & ab intrinseco postulat determinatum gradum intensiōis,
 & perfectiōis ultra quem non potest crescere. Hanc sententiam his
 expositam docet Caiet. 3. p. quæst. 7. artic. 11. & 12. & expressius, 22.
 quæst. 24. art. 7. Scotus in 3. d. 13. Dur. in primo. dist. 17. q. 9. & alij
 in his distinctionibus.

Secunda sententia docet, gratiam secundum potentiam dei ordi-
 nariam esse summam, & plenam in anima Christi. Ita ut secundum
 ordinem connaturalem ipsius gratiae, & secundum ordinariam dei po-

sententiam non possit augeri: at secundum potentiam dei absolutam potest crescere gratia Christi secundum intensionem. In duplici etiam sensu intelligi potest hæc sententia. Nam Theologi quidam fatentur quod gratia ex natura sua nullum habet terminum, sed in infinitum potest augeri quo ad intensionem, & extensionem. Cæterum capacitas & obediencialis potentia animæ, & cuiuslibet intellectualis creaturæ sua natura est limitata; atque adeo secundum naturam ipsius potentia, & capacitatis determinatus est gradus gratiæ qui potest suscipi in anima. Et in hoc gradu inquirunt, collata tunc gratia animæ Christi. Verum ex potentia dei absoluta potest crescere capacitas, & potentia obediencialis animæ ad suscipiendam gratiam: & ex consequenti potest etiam crescere ipsa Christi gratia. Ita docet Marf. in 3. quæst. 10. & Gabri. loco citato & in primo. dist. 17. quæst. ultima. & Greg. in 3. d. 17. q. 2. in eandem pro pendit sententiam. Driedo. lib. de capt. & redemp. generis humani tractatu. 2. art. 6. lent. 8. eiusdem videatur sententiæ. Cæterum alij Theologi consent in alio sensu intelligendam esse hanc sententiam. Videlicet quod gratia ex natura sua, sicut aliæ omnes formæ, determinata est ad certum gradum intensificationis & perfectionis, in quo gradu accepit ipsam anima christi. Verum ex potentia dei absoluta potest gratia & intensio, & perfectione, hunc gradum transcendere: & hac ratione christi gratia poterit suscipere augmentum. Ita docet capreol. in 3. dist. 13. quæst. unica. quem sequuntur alij quidam Thomistæ. Denique est tertia sententia quam docent nouiores. S. Tho. interpretes. 3. p. quæst. 11. & 12. & 12. q. 24. art. 7. & pro eadem referunt grauissimi Thomistæ, Victor, & Sorum, & putant hij authores se docere consentaneæ ad S. Tho. doctrinam. Pro cuius sententiæ explicatione, quæ mihi probabilior apparet, & pro decisione quæstionis. Notandum est, quod licet, plenum esse, eo quod dicitur sumpta metaphora ex plenitudine vasis, si rigurose loquamur, non denotat plenitudinem formæ susceptæ absolute loquendo, sed per habitudinem, & proportionem ad capacitatem subiecti in quo suscipitur: Etenim tunc vas plenum liquore dicitur, quando est adimpletum ipso liquore, quamvis nō habeat liquorem summum, & secundum omnem eius plenitudinem. Vnde potissima acceptio huius vocis, plenum, cum ad formam aliquam accommodatur, accipienda est per comparisonem ad capacitatem, & potentiam subiecti. Sed nihilominus alię sunt acceptiones huius vocis, plenum, non inusitatæ.

Secunda igitur acceptio est, quod plenum idem pollet quod multum, quā acceptione dicimus aliquem plenum miseriis & calamitatibus. Ezech. c. 7. plena est terra iudicio sanguinum, & ciuitas plena iniquitate.

Tertia acceptio est, q̄ plenū idē pollet q̄ exuberās & affluēs, deno-
tatq. redūdātiā ad extra Qua acceptione. Ita. c. 6. dicitur quod plena
erat terra gloria domini, & quod ea quę sub ipso erāt replebāt tēplū.

Quarta denique acceptio est, qua plenum designet, id quod est ex-
cellens, & perfectissimum in aliquo genere. In qua acceptatione sol
plenus luce dici poterit, & ignis plenus calore.

Prima Conclusio.

Gratia, & ex parte agentis, & ex parte formæ, ac etiā ex parte susce-
ptiuz potentiæ nullum habet terminū intensiuz perfectionis, sed infi-
nita est sine cathogorematice, ita vt quocūq. gradu perfectionis signa-
to, sua natura apta nata sit amplius perfici. Hanc conclusionē docent
authores postremæ sententię, & sufficienter eā colligunt ex S. Th. do-
ctrina 2. 2. q. 24. ar. 7. vbi fere id ipsum asserit de charitate. Eadē autē
militat ratio in charitate & in gratia, imo potior videtur esse in gra-
tia, eo quod perfectior est simpliciter charitate, & illam præhabet tan-
quam in radice intra suam essentiam: sicut natura substantialis conti-
net proprias passiones. Probatur secūdo; & primo quod ex parte agē-
tis non sumatur habitualis gratiæ determinatio, manifestū est: quoniā
virtus diuina q̄ est principiū effectiui gratiæ, est simpliciter infinita.
Probatur vero hoc ipsū ex parte gratiæ. Gratia est forma ordinis in-
finiti, estq. participatio infinitæ naturę dei, ita quod eius essentia cōfi-
sit in hoc, quod est esse participationem ipsius naturæ dei: sed diuine
essentia cum sit infinita, infinite est participatis: Ergo gratia ex pro-
pria, & formali sui ratione, nullam determinationem sibi vendicat,
sed in infinitum est augmentabilis secundum intensionem.

Confirmatur hæc ratio. Charitas ex propria, & formali ratione cha-
ritatis nullum determinatum sibi postulat intensionis gradum, nam
cum deus sit summē, & infinite diligibilis, charitas quę est virtus dile-
ctiua dei, nullum determinatum gradum dilectionis postulat: sed ex
sua natura potest infinitum crescere: Ergo eadem ratione id ipsum
erit asserendum de gratia. Imo & fortiori ratione, quoniam gratia
forma est perfectior charitate, & comparatur ad ipsam, sicut essentia
ad propriam potentiam, seu passionem. Deinde probatur conclu-
sio ex parte subiecti susceptiui gratiæ. Potentia obediētiālis quę inest
animæ ad suscipiendā gratiam, nullam habet determinationē: Sed gra-
tia non pertinet ad animā ratione alicuius naturalis potentiæ, quæ sit
in anima, sed ratione tantū potentię obediētiālis: Ergo ex parte subie-
cti recipientis nulla determinatio prouenit ipsi gratiæ. Minor pa-
tet, quoniam forma supernaturalis non respicit per se naturalē poten-
tiā, sed supernaturalē, qualis est potentia obediētiālis: potentia. n. &
actus debēt proportionari, & sūt eiisdē generis. quod Arist. li. 9. met.
c. 13. aperte docuit. Probatur maior: determinatio potētię passiue non

potest sumi, nisi vel ex potentia actiua cui respondet, & subijcitur: vel ex actu, & forma ad quam suscipiendam ordinatur. Sed obedientialis potentia animæ ad gratiam suscipiendam, non limitatur ex virtute actiua dei, quæ est principium proximum effectiuium gratiæ, & cui subordinatur, & respondet ipsa obedientialis potentia; neque vero limitatur ex forma & actu in quem ordinatur, nimirum, ex ipsa gratia, quia, vt probauimus, gratia secundum se nullam habet determinationem, quam possit communicare obedientiali potentia.

Confirmatur. Potentia obedientialis consistit in quadam subiectione qua creatura subijcitur deo, vt in ipsa efficiat quidquid ex parte rei productæ contradictionem non implicat. Cum ergo hæc subiectio creaturæ ad deum totalis sit, & plenaria, nequit ex ipsa aliqua limitatio, seu determinatio desumi. Atque adeo omni ex parte probatum dedimus, gratiam ex propria sui ratione illimitatam formam esse: atque in infinitum secundum intentionem augmentabilē.

Sed arguitur ex S. Thom. 3. p. quæst. 7. art. 11. vbi probat gratiam non esse simpliciter infinitam, quoniam capacitas, & potentia animæ est simpliciter finita, atque adeo nequit anima suscipere infinitam gratiam. Hæc ratio S. Thom. manifeste supponit duo contraria his quæ modo dicebamus. Alterum quod potentia obedientialis animæ respectu gratiæ suscipiendæ est simpliciter finita, non enim S. Thom. vt quidam dicunt, loquebatur ibi de potentia naturali animæ, quia gratia non proportionatur huic potentia, sed potentia obedientiali. Alterum quod limitatio gratiæ ex ipsamet potentia passiue animæ desumitur. Quod cum de obedientiali potentia sit intelligendum, & diametro pugnat cum his quæ dicebamus.

Respondeo huic obiectioni. S. Thom. ibi loquentum fuisse de infinitate gratiæ simpliciter, & in genere entis, negatque gratiam hanc posse habere infinitatem. Quod inde probat efficaciter, quia in rationali anima non reperitur aliqua potentia, quæ sit huius infinitatis susceptiua, eo quod creatura omnis ex propria sui ratione ad certum, & determinatum gradum, & genus entis determinata est; atque adeo & huius tantæ infinitatis est incapax. Quo circa S. Thom. minime negauit gratiam sua natura illimitatam esse in genere gratiæ, neque in tali genere synchthegorematice infinitam. Neque vero quod obedientialis animæ potentia eiusque capacitas similiter sit infinita ad suscipiendam hanc formam. In eodem sensu explicandus est ipse doctor sanctus in quæst. 29. de verit. artic. 3. ad 6. vbi aperte fatetur animæ Christi finitam inesse capacitatem ad gratiam suscipiendam. Manifestumque est ibi loqui S. Thom. de capacitate animæ comparatione ad gratiam, simpliciter, & in esse entis infinitam.

Missum facio in hac parte, id quod S. Bonauent. & Ricard. in locis citatis

etatis aiunt, nimirum, quod potentia obedientialis animæ rationalis respectu gratiæ suscipiendæ, secundum se limitata est ad certum intentionis gradum, sed in Christi anima creuit multum hæc potentia ex coniunctione ad verbum. Ex quo inferunt ij Theologi quod rationalis Christi anima in eo intentionis gradu gratiam accepit, in quo nulla alia rationalis anima, quæ non esset deo vnita, ipsam posset suscipere, etiam secundum absolutam dei potentiam. Hæc sententia alijs doctissimis, & quidem non paucis, merito displicet. Primo. Quoniam obedientialis potentia in quacumque rationali anima & intellectuali creatura illimitata est, & sua natura syncategorematice infinita, quod superius probatum reliquimus: Ergo etiam respectu gratiæ suscipiendæ omnes rationales animæ, immo & creaturæ omnes intellectuales æqualem habent obedientiæ potentiam. Nam in cælesti Hierusalem, idest, in his quæ pertinent ad æternam vitam, eadem est hominis, & angeli mensura. vt Apoc. 20. dicitur. In quo benedixit Albertus Magnus, sed in eo tamen defecit quod hanc æqualem in animabus obedientialem potētiam existimauit simpliciter esse in eis omnibus limitatam. Secundo. Quoniam verbum ex ratione qua humanam naturam hypostatice terminat, nullam ipsi mutationem inferre, præter illam quæ consistit in ipsa terminatione passiuæ, qua humanitas à diuino verbo personaliter terminatur. Neque enim verbum vicem habet formæ ipsam informantis, & actuantis, neque vero vicem actiui principij aliquid in ea efficientis, sed rationem duntaxat termini ipsam naturam per modum suppositi cōplentis, & terminantis. Ergo ex vnione verbi ad humanitatem haudquaquā crescit ipsa obediētiā animæ potētia ad suscipiendā gratiā. Sed & alio tertio argumento prædictam sententiam impugno. Illud augmentum quod in potentia obediētiā rationalis Christi animæ ex vnione hypostatica accrescit, vel prouenit a verbo vt a formali vel vt ab efficienti principio: primū nequit dici, quia verbum nequit habere rationem formæ humanitatem actuantis, vt communis Theologorum doctrina affirmat. Et præterea quia tunc concedendū esset quod obediētiā potentia animæ Christi erga suscipiendam gratiam simpliciter esset infinita, atque adeo concedendum foret animæ Christi datam fuisse gratiam secundum intentionem infinitam, cuius oppositum veritati consentire, sequenti probabitur articulo. Si vero secundum dicatur, infero, similem infinitatem. posse tribui à deo cuiusque alteri rationali anime, nam quidquid verbum non per modum suppositi operantis per humanitatem, sed per modum efficientis principij causare potest in sua humanitate, potest etiam illud efficere in alia humanitate quacumque. Quia eadem est capacitas in quacumque humanitate ad effectum diuinę virtutis suscipiendū:

dum : virtus itidem diuini verbi, eadem est, & e qualem vim habet respectu cuiuscumque humanitatis, ergo, &c. Sed arguit quis ex S. Tho. doctrina in 22. quæst. 24. artic. 7. dicentis quod per gratiæ, & charitatis susceptionem crescit animæ capacitas ad vltiorem gradum suscipiendum. Ergo eadem ratione asseuerandum est, quod animæ Christi capacitas ad gratiam, creuit ex vnione personali ad verbum. Respondetur, & primum dico S. Thom. ibi loqui de capacitate proxima ad gratiam, & id tantum asserit, quod per vnum gratiæ, & charitatis gradum anima quodammodo disponitur, & fit magis proportionata ad gradum vltiorem. In hunc sensum interpretatur Capreolus in prima distinct. 17. quæstione 2. artic. 2. ad 2. prædictam. S. Thom. doctrinam.

Dico secundo. Quod ex conjunctione ad diuinum verbum hæc proxima capacitas, si proprie loquamur, non creuit in Christi anima, eo quod verbum cum non vniatur humanitati per modum formæ sicut ei vniuntur charitas, & gratia, nõ disponit ipsam ad formam aliquam vltiorem. Confert aut ei ius quodam connaturalitatis, de quo in sequenti articulo.

Secunda Conclusio.

Habitualis Christi gratia non tantam habet intensiõis plenitudinem, vt secundum absolutam dei potentiam nõ possit augefcere. Hæc conclusio si id præsupponamus quod sequenti quæstione probabitur, nimirum, habitualement Christi gratiam non habere intensiõem infinitam, manifeste deducitur ex præcedenti conclusione. Nam ostendimus in illa conclusione gratiam habitualement ex propria sui ratione in infinitum esse secundum intensiõis perfectionem augmentabilem : vnde si in Christi humanitate ad intensiõem infinitam habitualis gratia nõ accessit, manifestum est intensiũ eius augmentum vltius progredi posse, si ipsam gratiæ naturam, absolutamque simul dei potentiam contemplemur.

Quidam Docti Theologi ex nouioribus, non ita indistincte huius conclusionis, vt a nobis est proposita, veritatem agnoscunt. Dicunt enim gratiã Christi cõparari posse, & ad solam dei omnipotentiã, & ad ipsam omnipotentiã prout regulatã, vel quasi regulatã per ipsius dei sapientiã & prouidentiã, quatenus diuina potentia operatur iuxta ordinem ab ipsa dei sapientia, & prouidentia perscriptũ; itaq; ex parte effectus potentia dei, & similiter eius voluntas prout mouet ad operandum, diuinæ sub ordinẽ sapientiæ. Qua supposita distinctione dicunt illi Theologi, quod si Christi gratia ad solam dei potentiam compareretur, non est ad eam plena, & consummata, vt amplius secundum intensiõem non possit augeri, vt assignata dudum a nobis ratione cõuincitur. Cæterum si compareretur ad dei potentiam, vt diuinæ sapientiæ & prou-

providentiæ ex parte effectus subordinatam, nulla potest dari, imo neque excogitari gratia, quæ perfectior sit, & intensior gratia christi, neque talis perfectior gratia, continetur in ipsa dei omnipotentiâ prout diuinæ sapientiæ ex parte effectus subordinatur, id est quatenus nihil operatur, quod non sit proportionatum, & congruum dei sapientiæ, & ordini providentiæ diuinæ, Ex hoc probant, primo nulla creatura potest esse coniunctior deo, quam christi humanitas: ergo diuina sapientiæ non potest perficere, & exornare creaturam aliquam præstantiori gratia quam sit gratia christi: atq. adeo neq. id poterit diuina potentia quatenus operatur conformiter ad ipsam dei sapientiæ. Probatur consequentia, quia cum diuina sapientiæ disponat omnia suauiter nihil operatur in rebus contra proprium meritum, & naturalem ipsarum rerum exigentiam, atq. adeo cum intra ordinem diuinæ sapientiæ non possit excogitari creatura deo coniunctior quam anima christi, & cui tam sit connaturalis, ac debita perfectissima, habitualis gratia, neque poterit etiam excogitari gratia præstantior, & excellentior ipsa christi gratia.

Secundo probant. Nihil præstantius, & excellentius potest excogitari in natura, quam deus homo: Ergo deus distributor gratiæ non potuit sapienter alicui creaturæ excellentiorem gratiam infundere, quàm sit gratia collata animæ christi: dedecet enim diuinæ sapientiæ ordinem, quod alicui puræ creaturæ præstantior gratia conferatur, quam christo, qui est Deus homo. Confirmatur, christo, quia ratione est Deus homo, debita est gratia iure connatratitatis: Ergo cum ratio debiti fundetur, non in humanitate, sed in diuino supposito, hoc debitum summum est, & ad summam extenditur gratia, quæ iuxta ordinem diuinæ sapientiæ alicui est comunicabilis creaturæ.

Tertio probant. Ex opposita sententiâ sequeretur, quod christus secundum gratiam habitualem posset subordinari alicui creaturæ gratiæ, consequens absurditatem præferre contra ipsum diuinæ sapientiæ ordinem. Ergo, &c. Sequella patet, quia si perfectior gratia alteri rationali creaturæ conferretur, talis creatura secundum habitualem gratiam superior esset, & dignior christi anima, atque adeo secundum hanc gratiæ perfectionem, anima christi illi subordinaretur creaturæ, essetque ipsa inferior.

Hic tamen dicendi modus nouissime a nouis authoribus excogitatus, mihi nulla ratione probatur, contra quem sic arguo, Primo. Argumenta, quæ prædicti authores in huius sententiæ confirmationem faciunt, ut plurimum apparenter probant, quod in pura aliqua creatura, non poterit reperiri præstantior gratia, quam sit gratia collata animæ christi, nulla autem probabilitate suadent, quod ipsamet christi gratia nequeat augeri, & perfici in semet ipsa, & ad altiore[m] intensio-

nis gradū pertingere: Ergo illa sententia qua parte docet Christi gratiā sumē plenā esse in semetipsa, secundū ordinē diuinę sapientię, nullo vel apparenti fundamento fulcitur. Confirmo, & explico huius argumenti vim. Et supponamus collatam fuisse Christi animę gratiam intensam, vt 100. Quarto, cur secundum ordinem diuinę sapientię non potuit dari Christo gratia intensa vt 200. cum ex vi gratię vnionis nulla sumatur determinatio ad istum gradum potius, quam ad illum, vel, e contra. neq. vero ex ipsa gratia sumi possit, cum sua natura valeat iu infinitum progredi eius intentio. Ergo. nulla ratione aduersatur sapientię diuinę augmentum gratię Christi secundum maiorem eius intensiōem.

Secundo contra eandem sententiam sic argumentor. Ex ea sequitur ad plura se posse extendere diuinam potentiam, diuinamq. voluntatem, quam se possit extendere ipsa Dei sapientia. Consequent est falsum, ergo, &c. Sequella apparet manifesta, quoniam diuina potentia potest efficere maiorem, & perfectiorē gratiam, quam sit ipsa habitualis Christi gratia, & similiter dei voluntas absolute considerata potest esse principium huius effectus, ad quem tamen non ualet extendi diuina sapientia, quia non cadit sub eius ordine. Probaturo vero consequentis falsitas. Diuina sapientia non minorem habet infinitatem, quam habet dei voluntas, & eius omnipotentia: Ergo nullum effectum possunt attingere dei voluntas, eiusque omnipotentia, ad quem non se extendat ipsa dei sapientia, & eius ordo. Confirmatur. Diuina attributa æqualis sunt virtutis, & perfectionis, quoniam omnia sunt simpliciter infinita, in d. & sunt ipse deus, ergo quidquid potest vnum potest & aliud.

Contrarię sententię authores multis conātur hoc argumētum dissoluere. Primo dicunt, quod nullum opus, quod de facto produceretur a dei omnipotentia, & a Dei voluntate deuiaret ab ordine potentię diuinę, eo quod omnipotentia Dei est regula omnium suarum actionum, suorumque effectuum, & similiter Dei voluntas. Ceterum ex hac doctrina nihil habetur, quod ad solutionem argumenti facti quidquam attineat: argumentum enim contendit, quod ordo diuinę sapientię potest se excedere ad omnem illum effectum quem ipsa Dei omnipotentia, secundum se considerata, posset efficere. Et quod nihil cadit sub diuinę voluntatis obiecto, quod non possit per diuinam sapientiam in bonum aliquem, & honestum finem ordinari. Ad hoc autem infirmandum, quid refert assignata solutio?

Dicunt secundo. Quod prædicta sententia non plus tribuit diuinę voluntati, diuinęq. omnipotentię, quam ipsi sapientię dei, nam etiam stando in terminis illius sententię, fatendum est diuinum intellectum per suam sapientiā posse totum id exacta notitia cognosce

re, quod dei voluntas potest velle & dei potentia ualet efficere. Sed hæc etiam solutio apparet deficiens, quia tantum procedit de scientia dei speculatiua, & non habet locum in scientia practica præordinatiua, & factiua rerum, de qua tamen scientia factum argumentum procedit.

Dicunt tertio. Non esse inconueniens, quod possit Deus per vnum attributum aliquid efficere, quod per attributum aliud non potest operari. V. c. per suam omnipotentiam posset deus totum hoc vniuersum visibilibus, atque inuisibilibus creaturis constans, in nihilum uertere, & iterum reproducere. hoc autem non esset opus diuinæ sapientiæ, neque vero diuinæ iustitiæ. Similiter per attributum diuinæ iustitiæ punit deus peccatores in inferno, quam tamen punitionem non exequitur per attributum misericordiæ. Hæc solutio aliqualem præferret probabilitatem, sed est sine dubio insuficiens ad diluendū argumentum factum, si vim eius paulisper in hunc modum præmamus. Esto aliquem effectum vni diuino attributo adscribamus, qui alii attributo non competit, at nulla ratione admittendum est, quod effectus vnius attributi alteri attributo opponatur: nam alias attributa diuina inuicem repugnarent: aliquid enim præhaberetur in virtute vnius, quod non modo in alterius attributi potestate non præhaberetur, verū, & ei repugnaret: atque adeo ipsæ diuinorum attributorum virtutes essent inter se oppositæ, & inuicem contrariæ. Quæ assertio absurdissima est, & impia forsam, & sacrilega: talis enim attributorum contrarietas in decora est, & indecens deo. Missum facio, quod fortassis est falsum, id quod, vt certum præsupponit assignata solutio, videlicet, quod aliquid operetur deus per vnum attributum, ad quod attributum aliud nullatenus concurrat. Nam in operibus iustitiæ, & misericordiæ, in quibus illa solutio maiori cum apparentia verificari videtur, illa doctrina est falsa: vniuersa enim opera domini misericordia, & veritas. Vbi veritatis nomine, sacrorum bibliorum interpretes dei iustitiam intelligunt. De qua intelligentia, & huius rei explicatione legatur. S. Th. 1. p. q. 21. art. 4.

Dicunt deniq. quarto prædictæ sententiæ, & solutionis authores. Libere fatendum esse: quod non tam extenduntur dei sapientia, & prouidentia, atque extenduntur eius omnipotentia, & uoluntas, quod ita probant. Non possumus intelligere qualiter Deus sapiēter crearet angelos absque naturalibus eorum potentiis intellectu, scilicet, & voluntate, & tamen id non repugnaret absolutæ dei potentie. Cominunter enim docent Theologi, & si Caieta. repugnet, posse deum absoluta sua potentia, vtens, proprietates, & naturales passionēs a propriis subiectis separare. Similiter nullus dicit, quod deus sapienter potuerit Christum, vt hominē, perpetuis inferni cruciatibus vexare.

Quod

Quod tamen si solam Dei omnipotentiam, & liberam ipsius voluntatem attendamus, nihil habet repugantię, & implicationis. Verum hanc solutionem efficacissime, ni fallor, expugnat argumētum, quod informauimus aduersus solutionem præcedentem: Nam quod aliquid sit proportionatum diuinę voluntati, & omnipotentię, & quod sub eadem ratione qua dei omnipotentię, & voluntati proportionatur, diuinę sapientię, aut cuiusvis alteri dei attributo repugnet, manifesta est implicatio: Neque potest absque absurditate dici. Exempla autem, quibus quarta solutio iuuatur, in eo, quam plurimum deficiunt quod illius solutionis authores falso arbitrantur, quod deesset deo ratio suę sapientię congruens, qua honestaret illud vtrumque factū per suam absolutam potentiam. Itaq. fateri debemus, quod si deus sua libera omnipotentia vtens, Christum vt hominem perpetuis vexaret cruciatibus, talis vexatio prudens esset, & sapiens, diuinęq. sapientię consentanea. Quia licet nobis non appareat sapiens, & prudens ratio, & honestus finis talis vexationis, hæc tamen omnia sunt deo perfectissima, quia nouit varios, & multiplices fines in quos potest suas omnes creaturas iuxta modos sibi placitos ordinare, & referre, ob id. n. dei sapientia multiformis appellatur a S. Paul. ad Eph. c. 3. Et quidem licet verum sit, quod effuderit deus sapientiam suam super omnia opera sua, non tamen effudit omnem, sed infinitam sibi ad huc sapientiam reseruauit: qua infinitas conuenientię rationes, infinitos fines, infinita media, infinitos denique modos, in creatis rebus excogitare potest, & disponere. Huc attinet, quod dicitur Ecclesiast. 1. Radix sapientię, cui reuelata est, & astutias illius quis agnouit.

Eecl. 1.

Confirmatur. Nulli virtuti aduersatur intrinsece, quod Deus aliter disposuerit ordinem vtrumq. & naturę, & gratię, atq. disposuit de facto: Ergo neq. ordini diuinę sapientię repugnat. Antecedens patet. Quia iustitię distributiue non aduersatur. Nam vt S. Tho. 1. p. q. 21. art. 1. ad 3. ait, iustitię distributiue ius nulli debitorem constituit, deum, quia non ipse ad alia, sed omnia ad ipsum ordinantur: Ergo nulli aduersatur virtuti. Quia non est signabilis alia virtus cui opponatur. Consequentia est euident. Nam si physicam rationem entis consideremus nulla est in hæc parte contradictionis repugnantia, cum vt aduersarij admittunt, subsit diuinę potentię absolute sumptę: Ergo ut ab ordine diuinę sapientię rem istam subtrahamus, oportet inuenire mea moralem aliquam deformitatem. Quę esse minima potest si nullius virtutis rectitudo lædatur.

Sed iam tertio probatur commemoratę sententię falsitas. Id quod nequit cadere sub diuinę sapientię, & providentię ordinar, non habet veram entis rationem: Sed est quid impossibile, & contradictionem implicans. Id autem quod implicat cōtradictionē, & veram rationem

entis non participat, nullatenus subest diuinæ potentie, diuinæq. volū-
tati etiā si absolute absq. coordinatione ad diuinā sapientiam consi-
deretur: Ergo si augmentum gratiæ Christi sub diuinæ sapientiæ ordi-
ne non cadit, neq. etiā subest diuinæ potentie, & voluntati. Minorem
admittunt vniuersi Theologi. Maiorē vero sic probō. Quidquid verā
participat rationē entis, & contradictionē non inuoluit, ordinabile est
in dei gloriam, eiusq. bonitatem, nam quidquid rationem entis forti-
tur, illam participat ab ipsa dei entitate, & bonitate, atque adeo ordi-
nabile est in ipsam sūmi, & primi entis gloriam, & in eius bonitatis
manifestationem. Id autem, quod est in hunc finem ordinabile, sub
ordine diuinæ sapientiæ, diuinæque prouidentie continetur: quia est
ordinabile, vt medium in illum finem, quem per se primo diuina pro-
uidentia in suo ordine respicit: ergo, &c.

Confir. Vel augmentum gratiæ Christi veram secundum se ratio-
nem entis habet, uel non, si primum dixeris, consequenter fateri tene-
ris, quod cadit sub ordine diuinæ sapientiæ, quia id quod veram ha-
bet entis rationem, aptum natum est, actu extra suas causas existere in
Dei gloriam productum. Omnia enim propter seipsum operatus est
dominus. pro. 18. Si uero secundum dicas, manifesta deductione con-
uinceris ad asserendum, quod neq. sub ordine diuinæ prouidentie,
neq. sub potestate, & efficacia diuinæ omnipotentie, neq. tandem sub
formali diuinæ voluntatis obiecto continetur. Ergo, &c.

Quarto contra eandem sententiā arguitur. Ex ea sequitur, q. neq.
diuina voluntas, neq. infinita dei omnipotētia sit prima suarū opera-
tionum regula; sed quod utraq. egeat regulari per ipsam dei sapien-
tiam. Consequens est falsissimum, nam tunc concedendum esset quod
Dei voluntas, & potentia per se subiiciuntur, & subordinantur diuinæ
sapientiæ tāquam superiori regulæ, ac proinde, quod sunt inferiores
ipsa Dei sapientiā. Vnde cōmunis est Theologorū doctrina affirmans
dei voluntatem ipsam esse suarum operationum regulā: ergo, &c. Se-
quella probatur. Diuina onnipotentia secundum se, & absolute consi-
derata iuxta, prædictam sententiā, multa potest facere, & similiter dei
voluntas absolute sumpta multa potest velle, quæ non sunt consentā-
nea recto ordini à diuina sapientia probato. Ergo ex natura sua volū-
tas, & potentia dei, non sunt determinatæ ad id quod rectum est, bo-
num, & decens, atq. adeo egēt moderari, & regulari per diuinā sapien-
tiā tanquā per superiorē regulā. Patet hæc consequentia, nā ea poten-
tia, & virtus, quæ ex sua natura potest in aliquid dissentaneū rationi,
& recto ordini, nequit esse suarū operationū regula, sed dirigenda est,
& regulanda ab alia superiori regulā, quæ suæ naturæ determinata sit
ad debitū ordinē, & sapienti ordini cōsentaneū. Hoc autem de diuina
voluntate, qui dixerit, aduersabitur Paulo de rectissimo, & optimo dōo Adept. 1.

dicere, quod operatur omnia secundū consiliū voluntatis suæ. Nō. n. Paulus voluntatem consilio subiicit, sed consiliū voluntati (si fas est ibi subiectionis ordinē nominare) quatenus deus per ipsā voluntatis suæ libertatem vniuersa ad creaturas spectantia, & æterna prouidentia disposuit, & temporali exequutione efficit. Certe si libera dei voluntas ex propria sui ratione non esset summe recta, & diuinæ sapientię conformis; iniuriosus fuisset paulus deo (absit iniuria verbo) dum asseruit ipsum operari omnia iuxta consiliū voluptatis suę. Nā promptum esset illi obiicere. Satiussu fuisse creaturis, vt deus operaretur in eis secundum consiliū sapientię suæ. Et quod voluntas consiliū sequeretur, & non consiliū voluntatem.

Vltimo tandem contra eand. sententiam arguitur. Potuit verbum assumere humanitatem in puris naturalibus constitutam, vt in 1. q. conclusionē 1. ex communi Theologorum sententia resoluiamus, in quo casu possent esse alij homines, ac similiter angeli in gratia constituti: Ergo si hoc potuit fieri secundum ordinē diuinæ sapientię, multo potiori ratione cadere potest intra rectum eius ordinē, ut Christi gratia minoris sit intensiōis, quam gratia alterius purę creaturę rationalis. Huius consequentię vim nullus est qui non videat. Nam multo magis indecens apparet, quod Christi anima nulla sit gratia habituali prædita, aliis creaturis rationabilibus in gratia existentibus, quam quod habeat gratiam in minori intensiōis gradu positam.

Est tamen hoc loco obseruandum, quod in præsentia tantum loquimur de perfectione gratię intensiua, quæ consistit in maiori radicatione ipsius gratię in anima. Nam de perfectione alia, quæ competit gratię Christi ex vnione ad verbum, dicemus sequenti articulo. Quæ cum sit infinita iuxta modum ibidem explicandum, nullatenus potest augmentum suscipere, neque superari, imo neque adæquari a gratia cuiusuis purę creaturę. Infinitas enim ex vnione hypostatica cum verbo proueniens adæquationem non admittit.

Argumenta illa tria, quę proposita fuerunt pro sententia nūc a nobis confutata, facilem ex his, quæ diximus solutionem accipient.

Ad primum enim argumentum antecedenti dato neganda est consequentia, probationi vero dicitur, quod tantum procedit de lege, & potentia ordinaria Dei, secundum quam Deus non solum fortiter omnia disponit, verum & suauiter, idest, consentaneè ad ipsas rerum naturas suam eis prouidentiam accommodans. At secundum absolutam potentiam poterit aliter rebus ipsis providere, eaque non tam suauiter, idest, non tam conformiter ad earum naturas, & inclinationes dispoñere, & hoc quidem prudentissime, & sapientissime.

Certe si hoc argumentum quidquam probaret, conuinceret etiam

Deum

Deum non aliter potuisse vtrumque ordinem, & naturę, & gratię disponere, quam disposuit de facto. Quoniam si contra ordinem diuinę sapientię est, quod deus non se accomodet in rerum providentia, & dispositione earum naturis, & meritis, necessaria collectione deducitur, deum non aliter potuisse res vtriusque ordinis disponere; quam de facto disposuit. Quę assertio intolerabile esset erratum.

Ad secundum argumentum eadem est solutio, nam similiter procedit secundum ordinariam dei potentiam, & legem. Confirmationi vero dicitur primo. Quod illud connaturalitatis debitum quo Christi humanitati debetur gratia, non adeo strictum est, & rigurosum, vt deum vniuersorum, ipsius etiam humanitatis Christi dominum, possit adstringere, atque adeo libera manet potentia dei absoluta, vt possit habitualement gratiam a Christi humanitate auferre, & vberiorē intensionem gratię purę creaturę tribuere. Secundo dici posset huic confir. quod si hoc connaturalitatis ius tam esse rigurosum, & strictū iudicaretur, vt ipsum deum adstringeret, adhuc argumentum non aliud conuinceret, quam quod non potuisset non conferre Christo totam eā gratiam, quā de facto contulit. Verum non probat, quod non potuerit alteri homini æqualem, vel maiorem gratiam conferre. Nā posset tunc deus dicere christo, ut homini, id quod Matth. 20. operariis murmurantibus dixit. Amice non facio tibi iniuriam, tolle quod tuum est, & vade. An non licet mihi facere de meo, &c.

Ad tertium argumentum respondeo, quod Christus secundum gratiam habitualement non potest simpliciter loquēdo alicui creaturę subordinari, eo quod eius gratia magnam quandam infinitam dignitatē participat ex coniunctione ad uerbum nulli purę creaturę communicabilem, quam art. seq. explicabimus: at secundum quid, id est, secundum intensionem, non inuenit talis subordinatio, ita quod gratia purę creaturę hac ratione superior esset gratia Christi. Imo nullum inconueniens esset admittere, quod secundum absolutum Dei potentiam christo daretur gratia propter meritum alicuius purę creaturę. Etenim postquam vnigenitus Dei filius caro factus, paulo minus ab Angelis minoratus est, nihil mirum, quod in his omnibus quę ad humanitatem qua minor est angelis attingunt, aliquāliter pendeat ab ipsis angelis, & ab aliis creaturis, deo præsertim per absolutam potentiam ita disponente.

Tertia conclusio.

Christi gratia etiam secundum intensionem plena fuit, & summa, quę potest esse secundum ordinariam Dei potentiam, habuitq; quadruplicem illam plenitudinem superius in quodam notabili explicatam. Docent hanc conclusionem omnes fere Theologi, in 3. d. 13. & S. Th. 3. p. q. 7. at. 2. & tribus sequentibus, Sancti Patres locis, q. prima

citatis, eam te ipsa docuerunt. Et quidem de priori conclusionis parte nulla potest subesse dubitatio, nam eam sufficientissime probant illa tria argumenta, quæ paulo ante dilluebamur, quibus recentiores quidam Theologi probare nitentur Christi gratiam adeo plenam esse, & summam, ut secundum ordinem diuinæ sapientiæ nulla possit dari perfectior, & præstantior: siue intensiōe, siue virtute. Quorum argumenta, si ordinariam dei potentiam, & legem contemplerimur, efficacissima sunt, nec solutionem admittunt probabilem.

Explicatur autem, & probatur posterior conclusionis pars: Cuius expositio erit quoque prioris partis probatio. Sigillatimq. ostenditur, quatuor illos plenitudinis modos gratiæ Christi competere: & de primo, quod est ex parte subiecti, constat ex nostro Prothematice ex cap. 1. Ioan. de sumpto, in illis verbis, Plenum gratiæ, & veritatis, quæ verba, ut minimum, intelligenda sunt de plenitudine ex parte subiecti: quæ in hoc sensu est accipienda, q. Christo data est omnis gratia, quā ipse Christi dignitas postulabat, & quæ necessaria erat, & cōueniens ad debite exequendū, ipsū sibi a patre cōmissū redēptoris, & saluatoris officiū. Siue illa gratia in se maxima fuerit, & sūma, siue nō.

De secundo modo plenitudinis, qui designat magnā, & multā gratiā, valdeq. intensam, & perfectā, probatur manifeste ex illo. Io. 3. nō ad mensurā dat deus de spiritu, nimirū, filio suo, de quo ibi Christus ipse loquebatur. Sed antequā in huius cōclusionis probationē noster ulterius progrediatur tractatus: Oportet occurramus obiectioni, quā eruditus Theologus aduersus cōmunē huius testimonij. Io. 3. intelligentiā nobis forsā opponet, ex Greg. Naz. in oratione 36. nu. 49. vbi ita inquit: Per multa ex his quæ ita dicuntur, nec affirmationis modo sed infirmationis. Vt illud, nō. n. ad mensurā dat Deus spiritū. neq; .n. dat, neq. mensura definitū: nec .n. deus deū metitur. Ecce quēadmodū ita intelligit prædictū. Io. testimonium. S. Greg. Naz. quod Deus nullū dedit filio suo spiritū. Nā licet ipse in citatis verbis non expresserit filiū, est tamen sub intelligendū, filio suo, cum dicit, quod deus non dat spiritū ad mensuram. Ita scholia Billij intellexit illū locum. Igitur ex prædicto Io. testimonio, c. 3. nulla gratiæ Christi plenitudo colligi potest, quin ex præfata Greg. intelligentia inferatur, nullā fuisse Christo habitualem gratiā collatam. Huic obiectioni primū assero, deceptū fuisse Billiū, addens in scholia illa verba, filio suo. Quia Greg. cōsulto non apposuit, ut insinualet se non tantū in ordine ad filium negare Patri Spiritus sancti donationem, sed absolute, & omnibus modis. Secundo dico, q. Greg. intendit, quod Pater non dat spiritū sanctū authoritatie, ita ut superioritatē habeat super Spiritus sancti personā eiusq. virtutē, ex qua gratia, & cætera supernaturalia dona ad animā proueniūt. Et quia hoc nō solū respectu auius christi, sed absolute verū est

ideo

Ideo Greg. nō addidit, filio suo, & si Ioa. in illo testimonio de filio tā-
tum loquutus esset. Fateor hanc Greg. intelligentiam non satis grātā
esse, & germanam textui, & menti ipsius Euangelistæ. Neq. acceptatā
esse a cæteris patribus, & sacrorum Bibliorum interpretibus. Qui non
per negationem, sed positue, & affirmatiue intelligūt patrem dedisse
filio Spiritum sanctū plene, & non ad mensurā. Legantur ibi Chrys.
cuius verba referam sequenti quæstione. Et August. tract. 14. in Ioan.
Neq. vero aliud intendebat S. Hier. cum versans illa verba Iſa. 1. 1. re-
quiescet super eum spiritus domini, &c. inquit christum non per par-
tes accepisse Spiritum sanctum, sed quod iuxta Nazareorum Euange-
lium, ipse fons Spiritus sancti in christu descendit. Ex hoc S. Hier. testi-
monio etiam probatur, conuenire christo tertium plenitudinis mo-
dū, idest, quod tā sit exuberans & affluens christi gratia, vt non se con-
tineat intra ipsā christi animā, sed ad nos vsq. inenarrabili diffusionē
deriuetur. Sicut copiosus aquæ in perenni fonte defluxus nō se potest
diu intra circūstantem fontis alueolum continere, sed necessum est, vt
ex ipso deriuetur riuulus, & in fluuiū magnū quandoq. crescat. Quod
Ioa. Bap. de gratiæ incarnati verbi plenitudine testimoniū perhibens,
Ioan. 1. magnificis verbis explicuit inquit: & de plenitudine eius
nos omnes accepimus. Nos omnes, idest, nos etiam primitias spiritus
habētes, ad quos gratia Christi magna, & affluētī diffusionē peruenit.
Deniq. quod plenitudo gratiæ Christi, quartū etiam plenitudinis
modū attingat, ita quod christus in ordine gratiæ sit primus & omniū
maximus, ex eodē etiam testimonio B. Hier. colligitur. Est. n. in Chri-
sto gratia vt in fonte, in cæteris autem tanquam in quibusdam riuulis
ex ipso fonte deriuatis. Itē etiam probatur, quia Christi gratia est gra-
tia capitis, vt docet, & probat S. Th. 3. p. q. 8. art. 1. & probabitur in sex-
ta quæstione sequenti, caput autem eminentiam habet supra totum
corpus, & in omnia membra influit, quæ duo ad tertium, & quartum
plenitudinis gradus manifestē pertinent.
Probatur præterea conclusio quoad hunc quartū plenitudinis mo-
dum. Prædestinatio Christi est exemplar prædestinationis hominū, &
gratia vniuersis hominibus prædestinatis collata constituit in eis om-
nibus conformitatem ad christum, & ad eius gratiā, iuxta illud quod
ait Paul. rom. 8. quos præsciuit & prædestinauit cōformes fieri imagi-
nis filij eius. Quæ verba nō solum sunt intelligenda de conformitate
ad dei filium secundum naturam diuinam, sed etiam secundū assum-
ptam humanitatē, quatenus per gratiam habitualement dilectissima est
deo, & ad plenariam bonorum celestium hæreditatē admissa. Quam
Paulini testimonij intelligentiam promptum erit cuiq. ex mulcorum
Patrum doctrina, & ex sacrorum bibliorum interpretibus colligere:
Ergo christus primus est prædestinatus, omniumq. prædestinatorum

princeps, ac proinde ipsa prædestinationis gratia, residet in ipso tantumquam in supremo. & maximo totius ordinis gratiæ: atq. adeo quarta plenitudinis acceptio vere accomodatur Christi gratiæ.

Est autem obseruandum sumopere, quod si figurose loquamur ad explicandam sufficientissime plenitudinem gratiæ Christi, satis esset dicere, Christum esse pleuum gratiæ plenitudine primo modo, accepta, idest, ex parte subiecti. Quoniam dignitati Christi, ipsique redemptoris & saluatoris officio debetur omnis illa plenitudo gratiæ, quæ pertinet ad alios tres modos plenitudinis: etenim quia Christus filius dei est, debita est ei gratia in maxima quantitate perfectionis & intensiõis, debeturque illi gratia exuberans, & affluens, & quæ ad ceteros homines iustos deriuetur. Debetur denique illi quod in ordine gratiæ sit summum & maximum, habeatque proinde rationem capituli in genere gratiæ: Vnde S. Cyri. lib. 1. in Ioa. cap. 17. inquit, quod deus dedit Christo omnem gratiam, & omnem sapientiam, quia filius dei est. Ecce ubi totam gratiæ, & sapientiæ Christi plenitudinem ad dignitatem subiecti reuocat S. Cyri. S. autem Thom. 3. p. loco citato dicit, gratiam Christi & ex parte subiecti, & ex parte gratiæ habere omnem plenitudinem: Vbi videtur distinxisse plenitudinem gratiæ ex parte ipsius gratiæ, a plenitudine eiusdẽ gratiæ ex parte subiecti, sed hoc fecit S. Thom. claritatis causa, nam re ipsa plenitudo ex parte subiecti in Christo, coincidit cum plenitudine gratiæ ex parte gratiæ: quod non contingit de plenitudine gratiæ ex parte subiecti in alijs sanctis etiam in Beata Vergine. Plenitudo vero ex parte gratiæ, in eo sita est quod Christi gratiæ summum illum intensiõis gradum attingat, ultra quem decreuit deus gratiæ author, non producere gratiam in aliquo subiecto.

Ex quo sequitur, satis esse verosimilem & rationabilem illam Theologorum sententiam affirmantem, quod habitualis Christi gratia secundum intensiõem non solum excedit gratiam cuiuscumque Sancti & Sanctissimi, sed & totam collectionem gratiæ, quæ in omnibus Sanctis, & Angelis, & hominibus reperitur. Probat. Hęc sententia nihil docet quod contradictionem inuoluat, sed quod maxime decet Christi dignitatem, est præterea conformis doctrinæ Patrum, & Theologorum, qui vnanimiter docent gratiam Christi immensam esse, & summe plenam, imo & sacrę scripturę dicenti, non fuisse datum Christo spiritum ad mensuram: est denique consentanea hęc doctrina S. Thom. 3. p. loco citato, ubi inquit in Christo gratiam fuisse plenam, tum ex parte subiecti, tum ex parte gratiæ. Neque enim in rigore posterior hęc plenitudo Christi gratiæ competere, nisi tota hęc intensiõ polleret. Et præterea ipsemet S. Tho. 1. p. q. 20. art. ult. ad 1. & 2. hanc eandem insinuat sententiam, cum inquit, deum plus dilige-

re animam Christi quam totam omnium creaturarum vniuersitatem
& quod Christus melior est omnibus & angelis & hominibus maxime
ratione vnionis. Illa dictio, maxime, insinuat aperte quod non solum
ratione vnionis Christus est melior angelis & hominibus, verum etiā
ratione gratiæ habitualis, & supernaturalium donorum, quibus est ele
uata & prædita anima Christi: Ergo iuxta S. Thom. doctrinam fateri
tenemur, quod habitualis Christi gratia excellit intensiōe omnem
gratiam omnium hominum, & angelorum collectiue sumptam, consi
derando omnem eius pro tota æternitate collectionem. Quemadmo
dum aqua maris sua plenitudine excedit quantitatem omnium aquarū
quæ sparsæ reperiuntur in vniuersis fontibus, fluminibus, riuulis, &c.
Hoc priuilegiū tāte intensiōis & dignitatis gratiæ, soli Christo, mea
sententia, est tribuendum, & quia filius dei est, & quia caput est om
nium hominum & angelorum. Hoc dixerim quia non desunt, qui
dam pij Theologi qui gratiæ Beatissimæ Virginis similem tribuunt
dignitatem: afferentes quod eius gratiæ plenitudo exuberat intensiōe
& perfectione omnem gratiam collectiue sumptam omnium ho
minum & angelorum. Quam sententiam, quod attinet ad dignitatem
gratiæ, ego libenter admitto. Existimo enim quod sicut dignitas ma
ris dei excedit omnem dignitatem collectiue sumptam, quæ ratione
cuiusvis ministerij, aut officij in cælo, & in terra potest coniperere an
gelis & hominibus, propter quam exusam S. Thom. 1. p. loco citato
ad vltimum argumentum vocat hanc dignitatem infinitam; ita di
gnitas gratiæ B. Virginis quæ est proportionata dignitati matris dei,
& ob quam dicitur a S. Thom. 3. p. q. 7. art. 9. ad prim. quod est plena
ex parte subiecti, id est, habet totam plenitudinem quantam exigit
dignitas matris, excellit dignitatē omnis gratiæ collectiue sumptæ,
quæ in omni intellectuāli & rationali creaturæ reperitur. Cæterum
quod attinet ad intensiōem non placet mihi hæc sententia, quoniam
in B. Virg. gratia habet quidem plenitudinem ex parte subiecti, non
vero ex parte ipsius gratiæ, vt S. Thom. loco proxime cita. dixit. Nam
hoc priuilegiū soli gratiæ Christi est cōcedendū. De solo enim Chri
sto dixit Apost. ad colof. 1. quod complacuit deo in ipso omnem ple
nitudinem inhabitare. Quam omnem plenitudinem rationabiliter
possumus ad triplicem modum reuocare.

Ad cuius intelligentiam notandum esse censeo, quod sicut in Chri
sti humanitate secundum se considerata triplex reperitur capacitas,
& obediētiālis potentia in ordine ad supernaturalia, & diuinæ ordi
nis bona. Prima ad ipsam verbi personalitatem, & existentiam, se
cundum quam potentiam terminabilis est verbi personalitate, & po
tens est existere diuina ipsius verbi existentia, & hæc est potentia ad
gratiam vnionis. Secunda est ad gratiam habitualement (sub gratiæ ha
bitualis

ditatem efficiendam, unde Christus corporali statu spiritum sanctum dedit discipulis, ut habetur. Ioan. 20. & eius verba ut dixit, Petrus. Ioan. 6. verba erant æternæ vitæ, id est, vim habebant æternam vitam conferendi. Denique ex ipsa animæ Christi gloria, quæ fuit præcipua ætænalis plenitudo, diuinum quodam lumen ad carnem usque Christi derivabatur, nam ut S. Hieron. super caput. 9. Matth. inquit, quod quidam fulgor maiestatis occultæ inerat Christo domino, qui etiam in humanitate, & in facie eius recurrebat, unde ex primo aspectu poterat homines ad se trahere. Et idem repetit ipse Hieron. super Matt. c. 21. Quæ res licet certa non sit, non est tamen incredibilis, nam si S. Dionisio Arcopagita, cum primo Beatissimam Virginem fuit intuitus, diuinus quidam gloriæ fulgor in eius facie resurgens apparuit, ita ut nisi certa fidei persuasione detineretur diuinitatis essentialis quidpiam ipsi Beatissimæ Vergini inesse putaret, & ut deam quandam suspiceret & veneraretur, quid mirum, si ipsi Christi carni similem tribuamus dignitatem, & quemdam diuinæ claritatis fulgorem?

Et iuxta hunc sensum posset non improbabiler explicari vox illa, corporaliter, ita quod ipsa diuinitatis plenitudo in Christo habitans, in sanctissima eius carne, in humanoque ipsius corpore miris semper modis splenduerit. Cui intelligentiæ non dissentit id quod a principio huius operis ex S. Chrysost. & alijs Patribus referebamus, exponentes illa verba Io. 1. vidimus gloriam eius &c. nimirum, S. Euangelistam de illa Christi gloria, ibi sermonem instituisse, quæ clarissimis Christi miraculis sanctissimæ carnis eius ministerio edictis in conspectu omnium splenduit, & emicuit. Aliiter explicuimus superius illam dictionem, corporaliter, iuxta S. Th. interpretamentum, 1. p. q. 2. ar. 10. ad 2. quæ interpretatio, & intelligentia magis forsam est literalis, atq. adeo cæteris præferenda, sed hæc quæ nunc tradidimus, contēni non debet.

Tandem, ut huic tertiæ conclusioni vltimam imponamus manum, obseruandum esse censuerim: quod quamuis diuinæ sapientiæ ordini non sit contrariū, quod Christi humanitas omnis gratiæ, & supernaturalium virtutum expers, & in puris naturalibus assumeretur a verbo: Et quod alteri rationali creaturæ intensior gratiæ gradus cōferretur, quā sit collatus Christi animæ: fateri nihilominus debet peritus Theologus, melius simpliciter fuisse, & ordini diuinæ sapientiæ magis cōsentaneū, quod Christus vnctus fuerit oleo exultationis præ participibus suis. Ita quod tanta vnctionis spiritualis plenitudine polleat, ut verissime, Ioan. Bap. diceret, quod de plenitudine eius omnes accepimus. Et crediderim absq. hēsitatione vlla, quod sicut Theologi ex doctrina S. Aug. 13. de Trinit. c. 13. collegerunt, quod quamquam non defuerint sapientiæ, & omni potentie dei multa media alia, quibus humanum genus potuit ab originali culpa & a cæteris peccatis liberare. Nullū tamen

inuenire potuit modū, quo & sapiētius & potētius id fieret: ita quāuis circa Christi humanitatē in supernaturali ordine disponendā, alijs multis potuisset deus modis procedere, quæ ab ordine sapientiæ suæ haud quaquā exorbitarent: Nullus tamen modus intra totum ipsius diuinæ sapientiæ ordinem conuenientior reperiri potuit, quam quod Christus, vt homo, ita cæteris præficeretur iustis per modum supremi totius Ecclesiæ capitis, vt non modo illos personali excelleret dignitate, sed & in gratiæ quoque habitualis, & habitualium virtutum, ac Spiritus sancti donorum plenitudine, vnctusq. fuerit omni spirituales exultationis oleo præ omnibus participibus suis. Hoc enim, & ipsius christi dignitas, & ipsum supremi capitis officium suo iure postulabant. Quid enim diuinæ sapientiæ cōgruentius, & conformius, quam quod suauissimum vnctionum spiritualium vnguentum in sacerdotale caput primo diffunderetur, & inde in barbam Aaron, idest, in apostolos, ac primarios Ecclesiæ patres christo Ecclesiæ capiti cōiunctiores, ac tandem ad oram vsque vestimenti eius, idest, in simpliciores fideles redundaret. In hunc sensum adducit Amb. in Epist. ad Heb. c. i. hoc testimonium ex ps. 133. desumptum.

Quarta Conclusio.

Gratiæ Christi plenitudo summa potest censeri, & appellari, secundum propriam ipsius gratiæ naturam. Hanc conclusionem nobis concederet Capreo. loco supetius citato, verum in alio longe ablimili sensu ab eo quem nostra intendit conclusio: censet enim Capreo. quod gratia ex principijs intrinsecis suæ naturæ determinata est, ad eum intensiōnis gradum quem de facto habet in Christi humanitate: Sicut lux solis naturalem habet determinationem, ad eum intensiōnis & perfectionis gradum quem obtinet in solaria astro, quod est proprium eius & natium subiectum, & sicut calor determinatur ad intensiōnem quam in igne sortitur: quam doctrinam falsam esse surius ostendimus. Vnde pro nostræ conclusionis intelligentia notandum est, quod tam in operibus naturæ, quam in operibus gratiæ, Deus vt Author naturæ & gratiæ, cuicumque formæ præfixit ordinem, & modum ultra quem numquam de facto progredietur, iuxta illud Sap. ii. omnia in numero pōdere, & mēsurā disposuisti, &c. Quod testimonium vt supra retuli. S. Thom. accomodauit ad omnia etiam supernaturalia dona, quorum prima radix est gratia. Cæterum inter gratiam & formas naturales accidentales, V.g. lucem, & calorem magnum in hac parte versatur discriminis: quod formæ naturales non ex sola dei voluntate authoris naturæ, certum gradum, & limitatum intensiōnis & perfectionis sibi vendicant, sed etiā ex proprijs, & intrinsecis differentijs, & ex habitudine ad causas naturales ex quibus procedunt, eo quod omnis virtus naturalium causarum determinata est

ad vñum, & ad summum quod potest efficere. Vnde lux solaris determinatam habet perfectionē ex ipsa natura, & virtute solis ex qua dimanat, & calor similiter, ex ipsa ignis natura determinatum intensiōis, & virtutis sortitur gradum. Cæterum quod gratia in tali intensiōis gradu, & neque in maiori, neque in minori producat, neque desumitur ex intrinseca differentia gratiæ, quia gratia, vt dixi, ex natura sua potest in infinitum crescere secundum intensiōem & perfectionem, neque vero talis determinatio prouenire potest gratiæ ex limitatione virtutis diuinæ a qua procedit, cum sit virtus infinita. Vnde necessum est, quod tota hæc gratiæ limitatio ad solam dei voluntatē referatur. Sed tamen fatendum esse credo, quod hæc determinatio gratiæ est conformis naturæ ipsius gratiæ: Et ob id dicebam in conclusione quod gratia in Christo habet eam omnem plenitudinē, quæ maior non potest conuenire gratiæ secundum naturam ipsius gratiæ. Et ratio est, quoniam gratia ex propria sui ratione debet commensurari cum liberali dei voluntate: Est enim ex sua natura donum gratuitum & voluntarium, iuxta illud Iacobi. 1. cap. voluntarie genuit nos verbo veritatis. At illa forma quæ ex sua natura est voluntaria, & liberalis, realiter sub ordinatur in sui perfectione & intensiōe liberæ & voluntariæ dispositioni eius voluntatis a qua per se pendet: Ergo gratia ex natura sua contenta est illo intensiōis, & perfectionis gradu in quo diuina voluntas decreuit illa perficere, & non in maiori. Quo fit, vt gradus ille gratiæ qui est maximus, & summus secundum ordinem dei potentiam, sit etiam summus, & maximus per habitudinem & conformitatem ad naturā ipsiusmet gratiæ. Et propter istā causam existimo. S. Th. absolute definiisse gratiam christi esse plenam, & summam ex parte ipsius gratiæ, id est, secundum propriam naturam ipsius gratiæ, quæ postulat vt non fiat augmentum in ipsa, vltra gradum illum quem deus secundum liberæ tuę voluntatis consilium maximum & summum esse decreuit.

Ad argumenta in principio. Ad primum respondetur quod gratia in B. Vergine & alijs sanctis, habet plenitudinē tantum ex parte subiecti, in Christo autem habet plenitudinē omnimodam, & ex parte subiecti, & ex parte gratiæ. Hanc solutionem prosequitur latè, S. Th. 3. p. q. 7. ar. 9. ad. 1. qui est proinde legendus.

Ad secundum argumentum facile respondetur, quod S. Th. in illis locis & in alijs similibus loquitur de plenitudine gratiæ Christi secundum potentiam dei non absolutā, sed ordinariā, vt constat ex illis locis. S. Th. nuper a me adductis, Loquitur etiā S. Th. de plenitudine gratiæ secundum naturā ipsius gratiæ, non in sensu quem intendebat capreo. supra citatus, sed in sensu a nobis exposito in vltima conclusione.

Ad tertium argumentum respondetur, quod gratia est quidem crea-

tura. Sed est tamen ordinis increati & diuini, ac proinde non debet mensurari legibus aliarum creaturarum, sed sua natura potest in infinitum crescere, nullumque habet alium determinatū limitem intensionis, & perfectionis, præter cum quem ipsi deus sua prouidentia præscripsit.

Ad quartum respondetur per solutionem inter arguendum assignatā. Ad replicā respondetur ex doctrina S. Tho. 22. q. 24. ar. 4. ad 3. ubi loquens de charitatis augmento dicit, quod propriam vocem ignorant qui dicunt accidens non perfici in sua essentia per maiorem inhesionem, & radicationem in subiecto, nam cum essentia accidentis sit in esse subiecto, non stat quod accidens perfectius infit subiecto, quin eius essentia perfectior reddatur. Hinc ergo colligit ibidem. S. Thom. essentiam charitatis perfici per inhesionem ad subiectum, & quod tanto magis est perfecta charitas in sua essentia, quanto magis in subiecto radicitur. Id ipsum nos proportionabiliter de gratia dicimus, quod eius essentia, quæ consistit in participatione formali diuinæ naturæ, perficitur per maiorem intensionem, & radicationem in anima. Hactenus de primo articulo.

ARTICVLVS SECVNDVS.

In secundo eiusdem tertie questionis articulo de infinitate Christi gratiæ differendum est. Et priusquam argumentis in utramque partem propositis rem istam versetur, supponendum est ex communi omnium Theologorum sententia, habitalem Christi gratiam neque in ratione entis, neque in ratione qualitatis esse simpliciter infinitam. Quod patet, nam illud duntaxat infinitum est simpliciter & in ratione entis, quod habet intra se omnem entitatis plenitudinē, quæ plenitudo soli deo est propria: & similiter aliquid esse infinitum in ratione qualitatis consistit in hoc, quod habeat omnem plenitudinem totius generis qualitatis. At certum est quod gratia, neque totius entis, neque totius generis qualitatis omnem in sua essentia præhabet plenitudinem: est enim quædam peculiaris species qualitatis.

Sed notandum obiter quod licet gratia non sit infinita, siue in genere entis, siue in genere qualitatis, si tamen asseratur infinita in ratione gratiæ, qui est sensus quem intendit nostra disputatio, fatendum erit consequenter, quod gratia est quædam entitas infinita, & quædam infinita qualitas, et si non sit infinita siue in ratione entis, siue in ratione qualitatis. V. c. Si ponamus lineam infinitam, ipsa non esse infinita in ratione quantitatis, quia non complecteretur omnem quantitatis speciem & perfectionem, esset tamen quantitas infinita. Huiusq. diuersæ loquutionis ea est ratio, quod iste modus loquendi, infinitum in ratione entis, seu in ratione qualitatis, seu in esse qualitatis reddit sensum formalem amplectentem totam illam rationem, &

totum

tōtū illud genus de quo loquimur : at cum dicimus ens infinitum , aut qualitatem infinitam , non sit huiusmodi formalis , sed materialis potius sensus . Concederem , & ego libenter si semel admitteremus gratiam esse infinitam in ratione gratiæ , quod est infinita in genere qualitatis , quoniam ista loquutio nō reddit sensum illum amplissimum completentem totum qualitatis genus , sed sensus est , quod gratia Christi est infinita intra genus qualitatis , & hoc est uerissimum illa sententia supposita , nam habet infinitatem gratiæ , quæ continetur intra qualitatis genus .

Hoc ergo supposito ! Dubium est in hoc secundo articulo exagitandum . Num gratia Christi sit infinita simpliciter in esse gratiæ , & pars negatiua probatur .

Primo . Gratia Christi non habet intensiōem infinitam , quod probauimus art. præced. sed intensio est perfectio pertinenens ad rationem gratiæ , perficit enim essentiam ipsius gratiæ ; ut in eodem artic. in solutione ad ult. ex doctrina S. Thom. deduximus : Ergo gratia Christi non habet infinitatem simpliciter in ratione formali gratiæ . Pater consequentia , quia deest illi infinitas aliqua , nimirum , intensiua , quæ per se pertinet ad perfectionem gratiæ , secundum rationem gratiæ , at infinitum simpliciter cum sit de genere bonorum , postulat omnimodam infinitatem in illa ratione qua dicitur infinitum : bonum enim ex integra causa confurgit , sicut malum ex particulari defectu .

Secundo arguitur , Christi anima per gratiam habitualemente acceptatur ad finitam gloriam , ita quod poterat ad maiorem , & perfectiorem acceptari , acceptatio autem ad gloriam per se pertinet ad rationem gratiæ , nam vel est primarius gratiæ effectus , ut quidam putant , uel ut aliis melius sentientibus placet , pertinet ad effectum formalem eius secundarium : Ergo gratia Christi non habet plenariam perfectionem pertinentem ad rationem gratiæ , atque adeo non est simpliciter infinita in ratione gratiæ .

Tertio . Si gratia Christi simpliciter esset infinita , sequeretur nullam posse reperiri gratiam ab ipsa Christi gratia realiter distinctam : Consequens est falsum , imo , & hæreticum , coincidit enim cum hæresi lutherana , quæ in Concil. Trident. sessio 6. cap. 6. & can. 11. damnationem accepit . Quæ asserit omnem hominem iustum iustificari , non per inherenter iustitiam , & gratiam , sed per imputationem iustitiæ , & gratiæ Christi : Ergo &c. sequella probatur , Extra infinitum authore Arist. 3. phys. non est aliud accipere , nam infinitum continet totam illam rationem in qua est infinitum : Ergo si Christi gratia in ratione gratiæ est simpliciter infinita , non erit accipere aliam gratiam ab ea realiter separatam .

Dices

Dices forsam, quod ad rationem infinitatis satis fuerit, quod nō sit aliud extra ipsum accipere, quod in eo non prahabatur eminenter. Quomodo enim creaturæ omnes prahabentur eminenter in diuino esse, quod satis est, ut deus infinitus simpliciter dicatur in ratione entis: & in hoc sensu posset Christi gratia infinita censi in esse gratiæ, quia prahabet in sua eminenti virtute omnem aliam possibilem gratiam.

Sed contra hanc solutionem insurgunt duæ replicæ. Prima ex ea sequeretur gratiam Christi esse alterius speciei à gratia cæterorū hominum iustorum, consequens est sine dubio falsum, imo forte est impossibile secundum omnem potentiam, quod reperiatur diuersæ speciei gratiæ: ergo, &c. Probatur sequella, effectus, qui eminenter continetur in aliqua superiori forma, specie distinctus est ab ipsa eminenti forma, quod, & exēplo caloris, qui eminenter prahabatur in luce solis: & manifesta etiam ratione constat. Calor namque alterius, est speciei a luce solis, & forma superior, ac eminēior essentialiter includit aliquid perfectionis, quod non includitur in effectu eminēter in ipsa prahabito, etenim effectus huiusmodi nequit adæquare simpliciter perfectionem superioris formæ, alias, enim impropriissime diceretur contineri in illa eminenti cōtinentia. Ergo ibi diuersitas est specifica.

Secunda replica est ad huc vrgentior. Si Pater diuinus assumeret aliam humanam naturam, quod fieri posset per potentiam dei absolutam, gratia qua perficeretur eius humanitas, non contineretur virtualiter, aut eminenter in gratia Christi, quoniam Pater factus homo non dependeret in gratia, & donis supernaturalibus a Christi humanitate, & ab eius gratia, quæ res in dubitationem veræ non potest. Ergo non omnis gratia continetur eminenter in ipsa Christi gratia, atque adeo ruit assignata solutio. Et ex hac replica sumitur principale argumentum contra conclusionem: Nam gratia, quæ inesset humanitati a sumptæ a Patre, tam perfecta esset, atque est modo gratia Christi: Ergo si gratia Christi est simpliciter infinita in ratione gratiæ, gratia etiam Patris in illo casu infinita esset simpliciter in ratione gratiæ: atque adeo darentur duo infinita simpliciter in eadem ratione, quod est implicatio. Missum facio argumentum; quod poterat sumi contra assignatam solutionem ex gratia collata angelis, iuxta sententiam, quæ negat illam fuisse datam ex meritis Christi: Ex qua sententia videtur colligi, quod gratia angelorum non continetur eminēter intra Christi gratiam: nam hoc argumentum ex dictis in præcedenti quest. facile poterit dissolui.

Quarto arguitur, Charitas Christi non est infinita in ratione charitatis: Ergo nec eius gratia est simpliciter infinita in ratione gratiæ. Consequentia apparet manifesta ex paritate rationis. Omnes nam-

que

que rationes, quæ possunt afferri ad probandā infinitatē gratiæ Christi, habent æqualem vim ad suadendam infinitatem charitatis christi, quod fiet manifestum recurrendo ad singulas rationes de quibus postea. Antecedens vero probatur. Charitas Christi nequit esse principium infinite dilectionis dei, Christus enim per voluntatem humanam finite diligit deum, non enim ipsum diligit quantum diligibilis est, nam hæc tanta dilectio soli diuinę volūtatī potest cōpetere: Ergo Christi charitas in ratione charitatis nō est simpliciter infinita: Probat̃ur consequentia dupliciter, primo quia perfectio habitus pensanda est ex actu ad quem disponit potentiam, atque adeo si actus est simpliciter infinitus, necesse est, quod etiam habitus sit simpliciter infinitus in sua ratione, & è conuerso. Secundo voluntas humana Christi non diligit deum iuxta proportionem naturalis facultatis ipsiusmet voluntatis humanę, sed iuxta proportionem virtutis, quam illi tribuit habitus charitatis infusus. Tunc sic, vel hæc virtus a charitate proueniens finita est simpliciter, uel infinita simpliciter, si primum dixeris habeo intentum, scilicet charitatem christi esse finitam in esse charitatis, si dixeris secundum ergo poterit volūtas Christi exire in actū dilectionis infinitum, quia debet proportionari actus cum virtute sui principij, atque adeo virtus infinita poterit se explicare in actum infinitum, vel assignanda est ratio propter quam id fieri nequeat, quæ certe non est assignabilis.

Arguitur quinto. Theologi qui docent gratiam Christi esse simpliciter infinitam in ratione gratiæ, duplici ratione ducuntur: altera est quia gratia Christi est principium meriti infiniti simpliciter, & infinite satisfactionis: altera vero, quia gratia disponit humanitatem Christi dispositione saltem concomitante ad vnionem hypostaticam cum uerbo. Sed utraque ratio est deficiens ad probandam gratiæ Christi infinitatem: ergo, &c. probatur mi. Et primum, quod ratio, quæ desumitur ex dispositione ad vnionem hypostaticam non sit sufficiens colligo ex doctrina S. Thom. 3. p. q. 10. art. 4. ad 3. ubi habet, quod sicut gratia est infinita per habitudinem ad vnionem humanitatis cum uerbo, ita & visio beata animæ Christi cōsimilem habet infinitatem, quia etiam est dispositio ad visionem sicuti gratia, hæc S. Thom. Sed certum est, quod visio beata animæ Christi in ratione beatificę visionis non est infinita simpliciter: Ergo neq. gratia Christi ex vnione ad uerbum, & ex ratione dispositionis ad ipsam vnionem participat infinitatem simpliciter in ratione gratiæ, iuxta S. Th. mentem.

Confirmatur. Perfectio, & infinitas, quæ competit gratiæ Christi ex dispositione ad vnionem hypostaticam est ei extrinseca, quemadmodum dicit, S. Thom. 1. p. q. 25. art. 6. ad 4. quod humanitati Christi

competit quædam dignitatis infinitas per vnionem ad verbum, quæ scilicet infinitas extrinseca est ipsi humanitati. Ergo ex eo, quod gratia Christi disponat ad vnionem hypostaticam, ut plurimum conlurgit in illa quædam ratio extrinsece infinitatis, quæ proinde non constituit ipsam infinitam simpliciter in ratione gratiæ. Deinde probatur, quod sit etiam insufficiens alia ratio insinuatæ in argumento. Infinitas meriti, & satisfactionis Christi, non desumitur ex gratia habituali, sed ex ipsa gratia vnionis, ob id enim, & non ob aliud opus Christi meritorium, fuit infiniti valoris, quia erat opus hominis dei, valor enim infinitus operis ex dignitate operantis desumitur. Ergo impertinens est illa ratio ad probandam gratiæ infinitatem.

Cōfirmatur, nam si fingamus in Christo nullam fuisse habituales gratiam, ad huc tenemur concedere eius opus meritorium fuisse infiniti valoris. Ergo infinitas meriti in Christo non proueniebat ex gratia habituali, alias, enim gratia habituali semota, eius meritum nõ esset ualoris infiniti. Hoc argumentum etiam habet uim in opinione eorum Theologorum, qui putant gratiam habituales fuisse simpliciter necessariam Christo ad merendum: quoniam ij authores necessitatem gratiæ ad merendum, non desumunt ex infinitate meriti, sed ex substantia ipsius: itaque fatentur sine dubio, quod si maneret meriti substantia in operatione Christi, tale meritum esset valoris infiniti, propter dignitatem personæ merentis.

Vltimo tandem arguitur. Si diuinum verbum relinqueret humanitatem cum gratia, & donis supernaturalibus, quibus nunc est exornata, illa gratia esset eiusdem speciei, imo esset omnino eadem numero quantum ad omnem realitatem, cum gratia, quam nunc habet ipsa met Christi humanitas: Sed certum est, quod gratia, in humanitate relicta a verbo non esset infinita in ratione, gratiæ: Ergo neque modo verbo coniuncta habet huiusmodi infinitatem, nisi forsam secundum extrinsecam denominationem.

In oppositum autem est, quod si gratia Christi non est simpliciter infinita in ratione gratiæ, sequeretur posse contingere, quod gratia in homine puro, saltem secundum absolutam dei potentiam, posset peruenire ad tantam excellentiam, & perfectionem in esse gratiæ, quantum nunc habet gratia Christi, quod videtur absurdum dictum. Imo, & maius absurdum videtur inferri, scilicet, quod absolute, & secundum ordinariam dei potentiam concedendum sit, quolibet hominem iustum posse adeo in gratia crescere, ut ad æqualem perfectionem cum gratia Christi perueniat. Prius absurdum manifeste sequitur ex illa sententia, & probatur, per absolutam dei potentiam quilibet homo iustus potest peruenire ad quemcumque gradum gratiæ, quamlibet perfectum, extra infinitum. Ergo si gratia Christi continetur extra

Infinittum gr̃atiz gradum in eſſe gr̃atiz, poterit gr̃atia hominis puri attingere hunc iplum perfectionis gradum. Poſterius vero abſurdum ſic probatur: Secundum fidem in Synod. triden. ſeſſ. 6. explicatam fateri tenemur, quod quilibet homo iuſtus quantumcumque iuſtiſſimus, poteſt vltcrius in gr̃atia, & ſanctitate proficere. Ita que nullus eſt terminus ſignatus ex diuina lege, ad quem perueniat gr̃atia puri hominis, vltra quem progredi nequeat: Ergo ſi Chriſti gr̃atia contineatur extra gradum infinitum in eſſe gr̃atiz, concedendum eſt, quod ſecundum ordinariam legem, poteſt purus homo peruenire ad equalẽ gratiam cum Chriſto: quod abſurdiſſimum eſt, & fidei parũ cõſentiẽs.

Pro huius dubij deciſione premitendum eſt breuiter, infinitum dupliciter ſumi: vno modo ex parte materie, vt dicimus potẽtiam materie primæ infinitam eſſe. Alio modo ex parte formæ, ſicut dicimus Deum eſſe infinitum actu. Prima infinitas ad imperfectionem pertinet, ut pote ad potentialitatem, Secũda vero ad perfectionem, quia eſt actualis. In præſentia ergo loquimur de infinitate poſteriori modo ſumpta. Et quia bonum, & perfectum, ut paulo ante diximus, ex integra cauſa conſurgit, hinc prouenit, quod ut gr̃atia ſit infinita ſimpliciter in eſſe gr̃atiz, neceſſũ eſt, quod omni ex parte habeat infinitatẽ in eſſe gr̃atiz, & ſi ex aliqua ratione fuerit finita, appellanda erit finita ſimpliciter in eſſe gr̃atiz, quãuis aliquas, & multas rationes habeat infinitas in tali genere. Quo ſuppoſito varię ſunt theologorũ ſententię.

Prima eſt, Ioan. Maioris, in 3. d. 13. q. 3. qui libenter ſatetur Chriſti gr̃atiam eſſe ſimpliciter, & actu infinitam ſecundum intentionem, & extensionem, atq; adeo, & in ratione gr̃atiz. Hæc ſententia placere debet illis omnibus theologis, Greg. Arim. & quibuſdam alijs, qui ſibi perſuaſum habent nullam eſſe implicationem in hoc, quod deſit aliquis effectus extra ſuas cauſas actu infinitus, & conſequenter, quod hæc actualis Intenſiua, & extenſiua infinitas nõ repugnat gr̃atiz. Nam qua probabilitate negabitur Chriſti gr̃atiz hæc poſſibilis infinitas, cum Chriſtus ſit ipſe ſons totius gr̃atiz, & debeatur eius animæ, ex vi vnionis hypochaicæ, tota ipſa gr̃atiz plenitudo, & ex parte ſubiecti, & ex parte gr̃atiz, ut ſupra diximus cum S. Th. 3. p. q. 7. art. 12.

Secunda ſententia, quam docet S. Bonau. eadem diſt. q. 1. art. 2. aſſerit, quod gr̃atia Chriſti ſi conſideretur ſecundum ſe iplam, & per ordinem ad apiniam Chriſti in qua ſubiectatur, ſimpliciter eſt finita: Eſt autem infinita in ratione gr̃atiz per comparationem ad membra Chriſti, & ut eſt gr̃atia capitis. Quia Chriſti gr̃atia incommeſurabilis eſt, cui cumque gr̃atiz puri hominis, & quantumcumque creſcat gr̃atia hominis puri, non poterit attingere gradum gr̃atiz plenitudinis Chriſti: & ideo gr̃atia Chriſti comparatione ad gr̃atiam membrorum ſimpliciter eſt infinita in eſſe gr̃atiz.

reducitur opinio, quam docet, Michael de Palacios ead. dist. disputatione vnica, dicit enim infinitatem gratiæ christi, neque intentionem esse, neque gradualem, sed extensiuam, quatenus opera Christi meritoria ex ipsius christi gratia prouenientia possent conferre ad redemptionem, & sanctificationem infinitorum hominum, si de facto fuissent homines infiniti.

Inter discipulos S. Th. communis sententia videtur esse, quod gratia christi, in esse qualitatis, & secundum intentionem, est simpliciter & actu finita, est autem infinita in ratione gratiæ. Verum in explicando modum infinitatis quem habet in esse gratiæ, diuersimode procedunt ij Theologi. Quidam enim dicunt gratiam Christi eatenus solum dici infinitam in ratione gratiæ, quatenus operatur omnes effectus passibiles ipsi gratiæ: ita quod non est factibile per absolutam Dei potentiam, quod gratia christi, uel cuiusuis iusti ad aliquem effectum se extendat, ad cuius similem secundum essentialem speciem non se extendat de facto ipsa Christi gratia. Verum, quia non efficit hos effectus in summo gradu per absolutam dei potentiam possibile: (non enim infinita intensio qualificat animam, neque eam reddit ad summum gloriæ gradum acceptam) ideo hæc ratio non sufficit constituere Christi gratiam simpliciter infinitam in esse gratiæ, & si prædictam infinitatem intra genus, & speciem gratiæ ei tribuat: Atque adeo potest quidem dici infinita intra rationem gratiæ, quia habet aliquam infinitatem, quæ intra hanc rationem comprehenditur, nimirum, quod extendit se ad omnes possibiles effectus gratiæ, cæterum non poterit dici infinita in esse gratiæ, seu in ratione gratiæ, quia istæ locutiones, ut supra aduertit, denotant totalem infinitatem gratiæ, secundum propriam rationem gratiæ. Ad hunc modum solet lux solis infinita a nonnullis uocari, eo quod lux in sole ad omnes suæ naturæ possibiles effectus se extendit.

Quidam alij Thomistæ dicunt, gratiam christi infinitam esse secundum quandam extrinsecam Dei acceptionem, quatenus Deus acceperat ipsam, ut sit principium infiniti meriti, & infinite satisfactionis, & ut sit debita dispositio ad unionem hypostaticam. Cæterum hæc acceptatio dei nullam ueram, & realem infinitatem ponit in ipsa.

Denique nouiores quidam alij Theologi dicunt, quod si Christi gratia essentialiter consideretur in ratione gratiæ, nullam habet infinitatem actualem, & Cathegoremoticam, quia est omnino eiusdem speciei cum gratia aliorum iustorum. Cæterum ex eo, quod est in tali subiecto, nimirum, in christo consurgit in ea quidam modus realis, & physicus, qui est modus infinitatis per quem constituitur simpliciter infinita in esse gratiæ. Et hic realis infinitatis modus tribuit

bit Christi gratiæ quandam modalem speciem superadditam essentiali ipsiusmet gratiæ speciei. Vnde inferunt, quod si verbum relinqueret humanitatem, gratia in humanitate permanens retineret eandem met essentialem speciem, quam nunc habet in Christo, non tamen speciem illam, quæ ei competit ex modo infinitatis supradicti. Hæc, & alia huiusmodi comentantur Theologi circa infinitatem gratiæ christi, sed pro resolutione sit.

Prima Conclusio.

Illā sententia, quæ docet gratiam Christi infinitam esse secundum acceptionem dei extrinsecam tantum, falsa est, & improbabilis, atque omnino impertinens. Pater, quia hæc extrinseca dei acceptatio nullam perfectionem ponit in ipsa christi gratia: Ergo ad inquirendam perfectionem, & infinitatem gratiæ Christi, impertinenter recurritur ad extrinsecam Dei acceptionem, secundum quam albedo Christi, imo, & albedo Petri posset esse infinita: nam posset deus si uellet acceptare illam ad quamlibet dignitatem, & ad quemcumque finem comparandum. Igitur in materia gratiæ, siue in communi de gratia, siue in speciali de gratia Christi sermo fiat, releganda est ab scholis huiusmodi acceptatio dei extrinseca: quia impertinenter se habet ad perfectionem gratiæ, & iustitiæ formaliter in hærentis animæ. Et ex hac doctrina acceptionis externæ facile possemus incidere in eum lutheranorū errorē, qui totam animæ iusticiam & gratiam reuocant ad extrinsecum Dei fauorem. Nescio an Scot. in 4. d. 1. q. 6. s. contra istam conclus. & 5. Ad argumenta, & d. 6. q. 2. quem Gabriel. & alij sequuti sunt, reprehendendus sit in hac parte, eo quod impij iustificationem, & sanctificationem animæ, ac peccati siue actualis, siue originalis remissionem non fieri formaliter per infusionem gratiæ, ex vi ipsius gratiæ existimavit, sed ex uoluntate dei non imputantis & condonantis peccatum, & acceptantis hominem ad æternam vitam. Certe hic theologandi modus non ad modum securus apparet uiris egregie doctis, quibus ego libenter assentior. Oportet enim, ut modus loquendi theologicus in materia iustificationis impij longius recedat a recensito luteranorum errore. Sed de hoc alias.

Secunda Conclusio.

Falsa est, & parum probabilis sententia, quæ affirmat habitua-lem Christi gratiam actu, & cathegorematicè esse secundum intentionem simpliciter infinitum. Hæc conclusio, quæ Ioann. Maior.

ris sententiæ aduersatur consentanea est omnium fere Theologorum doctrinæ, in 3. d. 13. imo, & philosophorum, qui cum Arist. 3. phys. & S. Tho. 1. p. q. 7. existimant non esse possibilem effectum aliquem adeo produci actu, & cathegorematicè in aliquo genere infinitum. Et omnia argumenta quibus philosophi, & theologi hanc sententiam in communi probant, si ad peculiarem nostræ conclusionis materiam determinantur, ipsam efficaciter comprobabunt, certamque efficientem, & indubitatam. Dux rationes inter alias potissimum sunt expendenda. Prima in hunc modum formatur. Non est producibilis a deo aliquis effectus, nisi in eo gradu quem deus determinate cognoscit, sed non cognoscit Deus, quia non cognoscibilis est, ultimum, & determinatum intentionis gradum in quo gratia actu, & cathegorematicè possit esse intentionis infinitæ. Non ergo producibilis est gratia infinitè intensa. Antecedens probatur. Gratia ex propria sui ratione est in infinitum augmentabilis, ita ut quocumque intentionis gradu dato, ad ulteriorem progredi possit: Ergo non est dabilis gradus gratiæ ultimus secundum intentionem, atq. adeo neque est cognoscibilis a diuino intellectu.

Secunda ratio est huiusmodi. Si produci potest gratia intentionis actu infinitæ, ita ut ad ulteriorem intentionis gradum per nullam potentiam progredi possit: Sequitur posse simpliciter exhaustiri diuinam potentiam, in hoc sensu, quod possint dari producti extra suas causas omnes effectus possibiles adeo produci, & secundum omnes possibiles modos sub quibus a diuina potentia effici queunt. Consequens manifestam præfert absurditatem, neque ab ullo, vel mediocriter sapiente, ut probabile, admittetur: Nam quæ maior obsecro absurditas, quam sateri dei omnipotentiam ad eum statum peruenire posse, in quo impotens censeatur, id est, in quo nihil reuera possit efficere? Ergo, &c. Sequellam probo. Eadem prorsus ratione qua dei omnipotentia potest producere gratiam infinitæ intentionis, valebit etiam efficere eandem gratiam sub omnibus illis modis constitutam, quæ sunt possibiles secundum ipsam Dei omnipotentiam: Nam quantum ad præsens institutum attinet, quæ alia potest esse ratio de modis aliis quibuscumque ab ea quæ est de modo intentionis infinitæ? Item si hæc admittuntur de habituali gratia, quare, & in omnibus, & in singulis aliis creaturis non erunt admittenda? Et quare non poterit Deus, omnes possibiles creaturas quantum ad numericas, & specificas omnes possibiles rationes in rerum natura simul efficere? Quod si efficiat, intentum habemus, nimirum, exhaustam relinqui ipsam dei omnipotentiam. Nostra igitur secunda conclusio & vera, & cetera censeari debet.

Tertia Conclusio.

Sententia illa quæ docet Christi gratiam in semetipsa finitam esse, infinitam autem simpliciter, & cathegorematicè per comparationem ad gratias membrorum, neque vera est neque satis probabilis. Probatur primo. Si gratia christi in semetipsa finita est: Ergo cuiusque alteri gratia comparata retinebit hanc finitatem, & limitationem, quia comparatio ad extrinsecum non præstat infinitatem simpliciter rei comparatæ. Quod si confert infinitatem, illa infinitas intrinseca erit ipsi rei comparatæ: nisi recurramus ad extrinsecam illam dei acceptionem, quam in prima conclusione explosimus. Si autem est intrinseca gratiæ talis infinitas: Ergo in semetipsa erit infinita, & non solum per comparisonem ad gratias membrorum, quod negat prædicta sententia.

Secundo probatur. Gratia Christi per comparationem ad gratias membrorum, tantum differt a semetipsa sicut differt gratia capitis a gratia personali: Nam quod gratia Christi sit gratia capitis, in eo solum consistit, quod non solum gratificat Christi animam, sed est etiam gratificatiua, & sanctificatiua omnium animarum, sed gratia capitis in Christo est omnino eadem gratia cum gratia personali, & non addit supra gratiam personale aliquam perfectionem, sed respectum tantum ad membra, ut colligitur ex S. Thom. 3. p. quæst. 3. art. 4. ergo, &c.

Confirmatur ratione ex S. doct. loco proxime citato desumpta. Subiectum quod per aliquam formam operatur ad extra, non operatur nisi quatenus est actu constitutum per talem formam, & secundum virtutem quam in semetipso habet ab illa forma susceptam, nam calefactiuum V. g. non calefacit ultra virtutem quam suscipit calore a quo constituitur actu calidum. Et ratio in communi proposita huic veritati attestatur, quia omne agens agit in quantum est in actu, & iuxta proportionem sui actus, & non alias: Ergo anima Christi per gratiam habitualement nihil influit, & nihil operatur in membra nisi iuxta proportionem gratiæ quam habet in semetipsa, & secundum quod est constituta in actu per huiusmodi gratiam: Ergo non est gratificatiua aliarum animarum nisi iuxta proportionem, quæ ipsa est actu grata: Vnde impertinenter statuitur illa distinctio, quod gratia Christi in seipsa est finita, & comparatione ad gratias membrorum est infinita simpliciter. His argumentis confutatur etiam sententia Mich. de Pala. qui asserit Christi gratiam intensiue finitam simpliciter, extensiue vero esse simpliciter infinitam. Etenim nulla forma potest se extendi ad producendos infinitos effectus, si in semetipsa non fuerit infinita:

Atque

Atq. adeo extensio infinita in aliqua forma præsupponit infinitā perfectionem, & intensionem in eadem forma. Voco intensionem, perfectionem intrinsecam ipsius formæ: non enim stricte loquor de intensione accidentaria quæ fit per maiorem inhesionem, & radicacionem in subiecto. Ista ratio procedit, supposito quod extensio non sit pure materialis, sed formalis. Nam si extensio pure materialis fuerit, forma simpliciter finita poterit extendi ad infinitos effectus. Sicut vnica candela per eandem omnino virtutem poterit lucem communicare infinitis candelis, secus autem est, si lux magis ac magis accresceret in ipsis candelis, nam tunc esset extensio formalis secundum maiorem, & maiorem perfectionem, atque adeo necessaria quoque esset infinita lux in candela ex qua fieret ista extensiuua communicatio. Quæ non solum extensiuua esset, sed & simpliciter intensiuua. Et quoniam extensio gratiæ ad infinitos homines si infiniti darentur, non pure materialis esset, sed formalis & simpliciter intensiuua, idcirco argumentum factum efficax est contra sententiam S. Bonauent. & Mich. de Palatios. Ex dictis in hac concl. sequitur. falso quosdam S. Tho. discipulos interpretari suum magistrum in 3. p. quæst. 7. art. 1. quod eum asseruit Christi gratiam eo infinitam esse, quia collata fuit animæ Christi, tamquam vniuersali principio gratificationis: intellexerit gratiam infinitam esse secundum extensionem dumtaxat. Falsa est hæc interpretatio, & contra S. Thom. mentem, qui. q. sequen. art. 6. extensionem gratiæ, ad perfectionem eius intensiuam reducit.

Quarta conclusio.

Christi domini gratia infinita est in eo sensu in quo lux solis potest etiam dici infinita, videlicet quia exequitur in Christo omnes effectus possibiles gratiæ, neque vllus est signabilis ad quem non se extendat gratia Christi.

Docuit hanc veritatem S. Ioan. Chrysost. hom. 29. in Ioan. vbi exponens illud Ioan. 3. Non ad mensuram dat deus spiritum, ita inquit. Alijs datur spiritus ad has, vel illas functiones, filio vero ad omnes? Itaque Christi gratia habet totum, quod pertinet ad bonum vsum, & perfectionem gratiæ tam gratum facientis, quam gratis datæ, tam gratiæ personalis, quam gratiæ capitis, & ad omnia gratiæ munia se magna cū perfectione extēdit: Et ob id infinita vocatura grauissimis Theologis. Et Christus Ioan. cap. 3. dixit esse datam non ad mensurā. id est, non limitatam ad peculiare aliquot gratiæ effectus. Hanc gratiæ infinitatem agnouit S. Thom. in gratia Christi, 3. p. quæst. 7. art. 1. verum quia hæc infinitas non est infinitas simpliciter, nam vt supra dicebam, licet gratia Christi se extendat ad omnes effectus gratiæ, non tamen omnes exequitur infinite, idcirco S. Thom. in isto art.

non

non dicit Christi gratiam secundum istam rationem esse simpliciter infinitam, sed quod potest dici infinita: Quo modo loquendi insinuat, quod hac ratione infinitas gratie limitata est, & non plenaria infinitas in esse gratie. Quo circa alia via oportet querere gratie infinitatem. Quod fecit S. Tho. eodem art. ad 2. ubi inquit, quod gratia habet infinitum effectum, tum propter infinitatem predictam, quae est ista quam nunc exposuimus, tum etiam propter infinitatem diuinæ personae cui gratia unitur in humanitate personae diuinæ: hanc secundum infinitatem quae competit gratie ex coniunctione ad diuinitatem verbi inuestigamus hoc loco, & querimus an sit tanta quae constituat gratiam simpliciter infinitam in esse gratie. Vnde sit.

Quinta Conclusio.

Christi gratia ex coniunctione ad Verbum non participat infinitatem physicam, vel essentialem, vel modalem, quae illam in esse gratie constituat infinitam simpliciter. Ista conclusio quantum ad infinitatem essentialem vniuersis S. Thom. discipulis placet. Et probatur primo. Essentia gratie in duobus consistit: Primum, quod reddit animam formaliter participem diuinæ naturæ. Secundum, quod eam constituit formaliter acceptam ad gloriam. Primum pertinet ad effectum primum formalem gratie: Secundum vero ad effectum eius secundarium: sed quo ad utrumque Christi gratia simpliciter est finita: Ergo essentiam habet finitam physice loquendo. Minus patet, nam diuina natura adhuc magis est participabilis quam per gratiam participetur a Christi anima, quia cum sit in infinitum participabilis non potest totaliter participari. Item in confesso est apud omnes Theologos, quod Christi anima potuit per absolutam dei potentiam ad maiorem gloriam, nimirum ad perfectiorem dei intuitiuam visionem acceptari, quam est de facto acceptata, eo quod Christiani man non comprehendit essentiam dei, per visionem illam beatificam, qua nunc ipsam intuetur: ergo, &c.

Secundo probatur. Charitas, lumen gratie, & cetera spiritus sancti dona physice loquendo simpliciter sunt finita: Ergo & ipsa gratia, ex qua exoriuntur hæc supernaturalia dona, essentialiter est finita: patet consequentia, quoniam effectus qui per naturalem resultantiam prodeunt a forma, proportionantur ipsi formæ: Ergo si hæc dona quæ resultant ex gratia sunt simpliciter finita in suis propriis rationibus & essentijs, manifestum est, quod & ipsa essentia gratie, in esse gratie, est simpliciter finita.

Denique probatur. Gratia christi in esse qualitatis est sine dubio finita, ut retro exposuimus. Sed qualitas est ratio essentialis gratie, quia est ratio generica ipsius: Ergo non est possibile quod gratia Christi in esse gratie sit simpliciter infinita. Et confirmatur. Differentie

speci-

specifice continentur sub potentia generis: Ergo quando ratio generica est simpliciter finita, differentia etiam specifica finita est, & limitata: atque adeo differentia specifica, & essentialis gratiæ non potuit esse infinita simpliciter in Christi gratia, cum ratio qualitatis quæ est ratio eius generica, non sit in ipsa simpliciter infinita.

Deinde probatur conclusio eadem quantum ad rationem modalem, ostenditurque nullum esse modum physicum in Christi gratia, qui sit infinitus simpliciter in ratione gratiæ, & qui ipsam constituat in esse gratiæ simpliciter infinitam: cuius oppositum nonnulli graves Theologi docuerunt. Probatur primo. Non est facile, imo est difficillimum explicare, quisnam sit iste modus, quoniam non possumus alium fingere, quam quod gratia, mediante anima Christi in qua residet, est supernaturaliter terminata, & completa a verbo: sed hæc modificatio, & terminatio nõ inducit infinitatem simpliciter in esse gratiæ: Ergo, &c. Probatur minor. In ipsa essentia animæ, & in ipsa christi humanitate ad quam primo hæc terminatio pertinet, non inducitur similis infinitas: Etenim Christi humanitas non est infinita, simpliciter in esse humanitatis, neque essentialiter, neque modaliter. Item reliqua accidentia, siue spiritualia, & ordinis supernaturalisve scientia infusa, siue ordinis purè naturalis ut albedo, scientia acquisita &c. Ex hac terminatione non induunt infinitatem simpliciter in suis proprijs rationibus: etenim scientia Christi siue per se infusa siue per se acquisita non est simpliciter infinita in ratione scientiæ, quod fatentur omnes Theologi, quia posset crescere per absolutam dei potentiam secundum formalem rationem scientiæ, posset enim intellectus Christi plura cognoscere per eamque scientiam, quam de facto cognoscit, & ea quæ nunc cognoscit, perfectius nosse, Ergo proportionabiliter dicendum est de habituali gratia, quod illa terminatio personalis nullam inducit infinitatem simpliciter in ipsa secundum rationem gratiæ. Certe tam est difficile assignare hunc modum physicum infinitum in Christi gratia, ut non desuerint viri Doctissimi, qui ut hunc modum infinitum in christi gratia tuerentur, dicerent, quod ipsummet verbum se ipso quasi modaliter constituit gratiam christi infinitam simpliciter in esse gratiæ: Verum tamen hic modus dicendi est omnino impertinens, tum quia eadem ratione esset dicendum, quod diuinum verbum terminans humanitatem, similiter eam modificat, ipsam in esse humanitatis infinitam simpliciter constituens, quod est falsissimum. Tum etiam, quia chimericum apparet, dicere, quod diuinum verbum induat rationem modi physice modificantis gratiam, modalis enim modificatio imperfectionem inuoluit.

Secundo probatur quod non reperiatur hic modus physicam infinitatem

fini-
tatem tribuens gratiæ Christi . Vnio diuini verbi ad natu-
ram humanam non est operatiua , & factiua alicuius effectus , sed
tantum est terminatiua , & completiua naturæ : Ergo , exui vnionis ,
neque in Christi humanitate , neque in eius gratia , neq. in aliquo eius
accidenti , siue naturali , siue supernaturali resultat aliquis nouus mo-
dus præter passiuam terminationem suppositalem , cuius ratione gra-
tia possit aliquam physicam infinitatem participare . Antecedens
videtur clarum , quia suppositum secundum quod propriam exequi-
tur rationem suppositi , nihil efficit , sed tantum habet terminare na-
turam .

Confirmatur . Diuinum verbum terminat , & complet humanita-
tem propria personalitate verbi : At verbi personalitas nullius effe-
ctus est productiua , cum sit relatio , scilicet , filiatio , quæ forma opera-
tiua non est : Ergo diuinum verbum prout terminat humanitatem ,
nullum effectum , nullumque physicum modum in ipsa humanitate ,
aut in eius accidentibus efficit .

Tertio probatur . Ille modus infinitatis physicus neque efficitur a
verbo naturali , & necessaria resultantia , neq. noua actione : Ergo nul-
lo modo fit , atq. adeo non est . Probatur antecedens . Et primū quod
modus ille non procedat a verbo per naturalem , & necessariam resul-
tantiam , apparet manifestum : Quia videtur non bene affirmari pos-
se , quod verbum aliquem operetur effectum necessario , & non libe-
re , omnia enim opera dei , & omnis eius actio ad extra ex libertate
procedūt , operatur . n. omnia inquit Paul. ad Eph. c. i. secūdū cōsiliū
voluntatis suæ . Probatur vero quod non producat a verbo per no-
uam & liberam actionem : Quoniam alias sequerentur duo , quæ non
admittentur a Theologis . Primum est . Quod modus hic physicæ in-
finitatis , immediate fieret a tota trinitate , & non procederet a verbo ,
quatenus est humanitatis suppositū : At omnes Theologi qui aliquā
infinitatem constituunt in Christi gratia , totam redducunt ad ver-
bum prout est humanitatis suppositum , & ad ipsam vnionis gratiam :
ergo &c. Sequella patet , illum modum physicæ infinitatis non causat
verbum per actionem alicuius humanæ potentix , sed immediate per
actionem virtutis , & potētix diuinæ : Ergo verbū non causat istū modū
physicum prout est suppositum humanitatis , sed prout conuenit cum
patre & spiritu sancto , in potentia & virtute diuina , atque adeo prout
est diuinitatis suppositum . Secundum inconueniens est , quod
posset fieri per absolutam dei potentiam , quod Christi gratia nullam
haberet infinitatem in ratione gratiæ , consequens non admittitur
a Theologis quia hanc in ipsa infinitatem agnoscunt . Dicunt enim ,
quod hoc ipso quod gratia est in tali subiecto , scilicet , in humanitate
vnita verbo hyposthatice , non potest non esse infinita in ratione gra-
tiæ ,

tiz, sicut humanitas Christi eo ipso quod vnitur verbo, non potest non induere quandam infinitam dignitatem, vt dicit S. Thom. 1. p. loco citato: Ergo &c. Sequella patet, quoniam si verbum per nouam & liberam actionem produxit illum infinitatis modum, potuisset non producere, alias, non libere, sed necessario produxisset, & posset modo si vellet separare hunc modum infinitatis ab ipsa gratia: ergo.

Confirmatur primo vis huius argumenti. si modus hic infinitatis physice non habet aliquam necessariam connexionem cum hypostatice vnione, sed noua, & libera actione verbi fuit productus, voluntarie, & sine fundamento asseritur a Theologis infinitas gratie christi; quia nulla est ratio qua possit constare, diuinum verbum libere effecisse hunc modum infinitatis in sua gratia: At Theologi qui docent Christi gratiam esse infinitam, putant hanc infinitatem intrinsecam esse & necessariam gratie Christi prout est in tali subiecto: ergo.

Confir secundo. Sequitur quod posset deus similem infinitatem tribuere gratie cuiuslibet hominis iusti, ita vt gratia Petri tam esset infinita in ratione gratie, quam est gratia Christi: Consequens non admittetur a peritioribus Theologis, sicut neq. admittent quod operationes procedentes a gratia Petri possint habere tantum valorē, quantum habent operationes profectae a Christi gratia, de qua multa dici solent a S. Tho. discipulis 3. p. q. 1. art. 2. in illa celebri disputatione. Num purus homo posset perfecte satisfacere deo pro vniuersis hominum peccatis. Probatur vero Sequella. Quicumq. modus physicus, cuius est capax gratia Christi, potest poni in quacūq. gratia, & ex alia parte hic modus infinitatis physice cum sit libere productus a verbo, non habet maiorem connexionem, neq. magis intrinsecam, & essentialē cum Christi gratia, quam cum gratia alterius iusti, alias, si intrinsecā haberet connexionem cum gratia Christi, non libere sed necessario, non per actionem liberam, sed per necessariam resultantiam ei competere: Ergo cum modus iste infinitatis physice, nec libertate, neq. necessitate fuerit communicatus gratie, fateri tenemur non reperiri talem infinitatis modum in ipsa Christi gratia.

Sed arguit quispiam aduersus hanc nostram quintam conclusionem, duplici argumento. Primo. Habituali Christi gratie ex reali coniunctione ad diuinum verbum conuenit quod sit gratia capitis, quod sit gratificatiua, & sanctificatiua omnium hominum, etiam infinitorum si infiniti darentur, & hoc quidem non solum secundum moralem, & meritoriam virtutem, sed etiam, vt inferius quæst. 6. explicabitur, secundum physicam efficientiam: Ergo negari non potest quin aliquis modus physice infinitatis resultauerit in ipsa Christi gratia ex reali coniunctione ad verbum, alias enim qua ratione po-

terat,

terat, sanctificatiua esse, & gratificatiua infinitorum hominum secundum efficientiam physicam?

Respondetur huic obiectioni, quæ totum fundamentum est sententiæ contrariæ. Quod in ipsa Christi humanitate manifestum habemus exemplum, ex quo dillui potest præsens obiection. Nam certa fide in con. Ephe. i. tradita credere tenemur Christi humanitatem, & carnem nostrarum animarum esse sanctificatiuam, nam sacra illa synodus in Epist. Conc. Alexandr. can. 11. lecta & probata ab eadē S. Synodo Ephes. ipsam Christi carnem appellat viuificatricem, qui modus loquendi satis frequens reperitur apud sanctos patres, in ijs præsertim locis in quibus de sancto Eucharistiæ sacramento, & de spiritali eius effectu sermonem instituere. Imo & id ipsum affirmavit Christus cum Ioan. 6. dixit: panis quem ego dabo caro mea est pro mundi vita. At nullus Theologorum hætenus dixit, quod ex hyposthatica vnione ad verbum resultauerit in Christi humanitatem & carnem modus aliquis physice infinitatis, qui ipsam constitueret viuificatricem, & sanctificatricem animarum. Cur ego adstringimur huiusmodi infinitatis modum in habituali christi gratia constituere, vt ipsam fateamur sanctificatiuam, & gratificatiuam omnium hominum? Quare ad formam argumenti, neganda est consequentia, ad cuius vim euadendam dicatur. Quod sicut christi caro ex coniunctione ad verbum absque aliquo reali, & physico infinitatis modo super addito, viuificatrix est, & sanctificatrix infinitarum animarum, si infinitæ essent per modum instrumenti coniuncti diuini verbi, ita & habitualis gratia per modum cuiusdam formæ instrumentariæ non immediate, sed mediante christi anima diuino verbo coniunctæ vim habet sanctificatiuam, & viuificatiuam infinitorum hominum. Vt autē & christi caro & habitualis eius gratia dici possint absolute viuificatrices, & sanctificatrices animarum, satisfuerit ipsa realis coniunctio qua coniunguntur verbo, quod est ipsa essentialis vita & sanctitas, & quod in hunc finem, vt superius dicebamus, venit in mundum caro factum, plenumque veritatis & gratiæ, vt hominem viuificaret. Veni, inquit ipse, Ioan. cap. 10. vt vitam habeant & vt abundantius habeant. Nam hoc ipso quod & caro, & gratia realem hanc, & hyposthaticam vnionem habent cum verbo, passiuamque realem terminationem ab ipso suscipiunt, stricto quodam iure eis debetur, vt in opere redemptionis, & sanctificationis humanæ vt instrumenta verbi coniuncta assumantur. Imo & crediderim non solum isto hyposthaticæ coniunctionis titulo instrumentariam hanc efficientiam, humanitati christi, & habituali eius gratiæ deberi, verum etiam, & quodam morali iure id quoque debitum esse. Existimo enim quod illo primo voluntatis christi opere, quo ingrediens in mundum no-

stram nobis redemptionem & salutem meruit, de quo opere loquebatur Paul. ad Heb. 10. cum dixit quod illa prima christi voluntate, vsq. ad crucis patibulū continuata, sanctificati sumus: hoc inquam opere meruit etiam Christus sue humanitati, habitualique sue gratiæ, hanc instrumentariam vim sanctificatiuam, idest, meruit ipsis ut assumerentur a diuino verbo tanquam instrumenta ei coniuncta ad efficiendum, & causandum physica actione totum illum spirituale effectum, ad quem se extendebat ipsum Christi meritum. Vnde sicut immortalitatis gloria duplici iure & morali, & connaturalitatis, debita fuit Christi corpori, ut sana habet Ecclesiæ doctrina (de qua alias) ita & duplici consimili iure debitum fuit Christi gratiæ, ut in opere sanctificationis animarum locum habeat instrumentariæ coniunctæ formæ. Vnde merito sanctificatiua, & gratificatiua vocatur, non solum in ordine morali, sed etiam in ordine physico, absque vllō physici infinitatis modo ex vnione ad verbum in ipsam resultanti.

Est secundum argumentum contra eandem conclusionem. In calore animalis ex coniunctione ad ipsam animalis vitam participatur quidam modus vitalis, & substantialis, cuius ratione est proprium ipsius animalis vitæ instrumentum ad vitales actiones, & functiones exequendum: Ergo pro portionabiliter fateri tenemur de Christi gratia, quod ex reali coniunctione ad verbum quemdam modum physici infinitatis participat, cuius ratione proportionatum est ipsius verbi instrumentum. Et hoc quidem per locum a fortiori dicendum videtur, quoniam calori accidit omnino esse in animali, non enim animal est subiectum proportionatum naturæ caloris: at Christus subiectum est gratiæ eius naturæ valde proportionatum, ut dicebamus superius.

Huic argumento (quod Authoribus contrariæ sententiæ solet esse in eius persuasionem satis familiare) posset primo responderi, quod calori animalis non inest intrinsece aliqua viuificatiua virtus ab essentiali animalis vita in ipsum calorem deriuata, sed calor ita est a natura dispositus, & in ea intensiōis mediocritate constitutus, ut possit esse proportionatum animalis vitæ instrumentum. Quoniam vero vsus actualis, quo ipsa animalis vita calori naturali vitetur, continuus est, & perpetuus quamdiu ipsum animal viuic, (nuitur enim animal assidue: Aristot. lib. 1. de ortu, & interitu dicente.) idcirco solet a peritioribus phylsophis insinuari, quod calor animalis virtutem accipit permanentem, & sibi intrinsecam a propria, & essentiali animalis vita.

Hæc solutio, & si absq. improbabilitate vlla possit defendi, mihi tamen non libet eam complecti. Videtur enim in decisso ab animali semine vitalem

vitale[m] virtutem permanentem, & ipsius seminis calori insicam, & independentem ab actuali animalis motione, & usu, quod mihi manifestum est argumento, similem permanentem virtutem in ipso animalis calore fore admittendam. Quare ad argumentum aliter respondeo. Et dato antecedenti, nego consequentiam. Et differentie ratio inter animalis calorem, & Christi gratiam ex his, quæ in superioribus reperiimus quam sæpius, est manifestum, videlicet, quod coniunctio caloris ad essentialem animalis vitam est formalis, idest, quod calor subordinatur animalis vitæ, ut accidentalis, & inferior forma superiori formæ, & essentiali, atque adeo vim quandam formalem vitalem ab ipsa participat: coniunctio autem gratiæ habitualis ad verbum in Christo non formalis est, sed suppositalis, quoniam verbum non exequitur rationem formæ, sed tantum substantialis suppositi naturam humanam, & eius accidentia terminantis. Suppositum autem in ratione suppositi nihil efficit, ac proinde nulla virtus, neque infinita, neque infinita ad habituales gratias ex ipso effluit, & dimanat: consurgit tamen in habituali Christi gratia ex coniunctione ad verbum veluti quodam connaturale ius, ut assumatur tanquam instrumentum in operationibus sanctificationis, & gratificationis animarum.

Est tertium argumētum aduersus eandē cōclusionē. Gratia Christi infinita est in ratione dispositionis ad vnionē hypostaticā, ut docuit S. Th. 3. p. q. 7. ar. 12. & q. 10. ar. 4. ad 3. Sed hæc infinitas ad physicū spectat ordinem: ergo quinta concl. nō est absolute concedēda. Minor pater, quia ratio dispositionis ad hypostaticā vnionē cōsistit in hoc, quod humanitas fiat proportionata diuino uerbo cui personaliter unitur, huiusmodi autē proportio nō potest non esse physici ordinis: ergo, &c. Huic argumento forsam responderent autores nonnulli, quod gratia christi in ratione dispositionis appellatur infinita, formaliter loquendo, extrinseca quadam denominatione, idest, per respectum ad uerbum ad cuius vnionem cum humanitate disponit, ad eum modum quo iuxta eiusdem S. Doct. sententiam. 1. p. q. 25. ar. 4. ad vltimū humanitas infinitam quandam dignitatem ex vnione ad verbum participat. Quæ sane dignitatis infinitas nihil intrinsecum in ipsa humanitate constituit. Sed hac solutione prætermissa (quam non omnino improbandam esse censuerim) aliter dicendum esse censeo, puta, quod infinitas, quam gratia Christi in ratione dispositionis a uerbo participat, non physica est, sed moralis. Et cum argumentum instat, quod ratio physice dispositionis, ad ordinem physicum spectat. Respondeo, quod dispositio qua humanitas per gratiam disponitur ad hypostaticam vnionem partim physica est, partim moralis. Est quidem physica quatenus humanitas efficitur eiusdem supernaturalis ordinis cum uerbo, atque adeo ei proportionata.

Sed

Sed hæc dispositio finita est, quia non magis humanitas proportionatur uerbo hac physica proportionem, quam sit ipse gradus intensiois gratiæ. Partim uero est moralis, & hac ratione est infinita in esse dispositionis. Et consistit eius infinitas in hoc, quod gratia quatenus concomitanter se habet ad uerbum, infinitam quandam dignitatem participat, cuius ratione humanitas infinite grata est deo, & digna ab ipso deo reputatur ipsius hypostaticæ vnionis: hæc autem moralis infinitas non est sola extrinseca denominatio in gratia habituali, sed perfectio eius in esse morali intrinseca, eiusque naturæ proportionata. Nam quia gratia forma est supernaturalis ordinis, & sua natura gratificatiua, & dignificatiua subiecti in ordine ad finem, & bonum supernaturale, capax est huius realis infinitatis, quam a uerbo participat. In quo ab humanitate differt, quam plurimum, quæ cum sit naturalis, & inferioris ordinis extrinsece tantum potest ei competere illa dignitatis infinitas.

Sexta conclusio.

Gratia Christi est simpliciter infinita in esse gratiæ infinitate moralis dignitatis. Hanc conclusionem docent multi theologi graues moderni, quidam explicite, & quidam implicite. Probatur conclusio, Operationes Christi, quæ procedebant ex gratia habituali, habuerunt infinitum valorem moralem, quem ex ipsa gratia participabant: Ergo in ipsa gratia præhabetur hic infinitus valor moralis, & infinita dignitas, atque adeo est infinita moraliter; Consequentia est manifesta, quia tota perfectio, quæ reperitur in effectu necesse est, præhabetur, & quidem perfectiori modo in eius causa. Antecedens probatur, Christi meritum fuit infinitum, in ratione meriti, satisfactio Christi fuit infiniti valoris in ratione satisfactionis, sed opera meritoria, & satisfactoria Christi procedebant ex gratia habituali tanquam ex proximo principio, & licet ex gratia vnionis tanquam ex prima radice omnem suum habuerint valorem, eundem tamen acceperunt etiam a gratia habituali tanquam a proximiori principio formali. imo simpliciter, ut a primo formali principio, quia gratia unionis ad principium, quod personale pertinet, & non ad formale.

Confirmatur, gratia habitualis sua natura est gratificatiua, & dignificatiua subiecti supernaturali dignitate: Ergo capax est infinitæ dignitatis tanquam proximum principium operis infiniti valoris, & infinitæ dignitatis meritoria, & satisfactoria, atque adeo illam accepit a uerbo.

Confirmatur secundo. Humanitas Christi ex vi vnionis hypostaticæ induit infinitam dignitatem, ut S. Thom. loco citato fatetur:

Ergo.

Ergo a fortiori gratia cum sit diuini generis, & eiusdem ordinis cum verbo participat infinitam dignitatem ex eadem vnione hypostatica. Dixi autem, quod hæc dignitas moralis infinita, constituit gratiam infinitam in esse gratiæ, quia tota hæc moralis dignitas, per se pertinet ad rationem gratiæ. Nam esse principium meriti, aut satisfactionis coram deo, proprium est officium gratiæ: Vnde satisfacere, & mereri perfecte ad ordinem gratiæ pertinet, & consequenter infinitas moralis gratiæ ex qua habet esse principium infiniti meriti, & infinitæ satisfactionis, constituit ipsam infinitam iuxta rationem gratiæ.

Sed contra hanc conclusionem sunt nonnulla argumenta, quæ nostra egent solutione. Primum. Hæc infinitas moralis gratiæ, est modus quidam realis in ipsamet gratia: Ergo contra istam conclusionem militant omnia argumenta, quæ fecimus circa præcedentem conclusionem ad excludendum modum infinitatis physicæ, nam de hoc modo infinitatis moralis similiter inquirendum est, an sit effectus a verbo per actionem nouam, & liberam: an vero per naturalem emanationem resultauerit. Et eadem omnino erit difficultas de isto modo infinitatis moralis, quæ est de modo infinitatis physicæ.

Secundum argumentum. Aliqua est ratio moralis in Christi gratia, quæ non est simpliciter infinita: Ergo gratia, & si aliquam infinitatem habeat moralem, quatenus est principium meriti infiniti, & infinitæ satisfactionis, non tamen debet censi simpliciter infinita, in esse morali. Consequentia nota est ex dictis, diximus enim, quod infinitum cum sit de genere bonorum consurgit ex integra causa. An tecedens vero probatur. Gratia Christi est acceptatio ad finitam gloriam, hæc autem ratio acceptationis ad gloriam, ad moralem ordinem pertinet, quoniam consideratur respectu voluntatis ipsius acceptantis. Ea autem, quæ considerantur per ordinem ad voluntatem, & actionem liberam operantis, non ad physicum, sed ad moralem ordinem pertinent.

Confirmatur. Meritum Christi respectu gloriæ sui corporis, non fuit simpliciter infinitum, sed proportionatum gloriæ animæ, quæ est simpliciter finita: Ergo cum hæc ratio sit moralis, gratia Christi non est simpliciter infinita, secundum rationem moralem.

Tertium argumentum. Gratia Christi non habet vim vt ex ipsa effluant virtutes supernaturales infinite secundum proprias virtutum rationes. Nam charitas virtus est, secundum rationem charitatis finita in Christo. Et temperantia similiter finita virtus est in ratione temperantiæ: at propria ratio harum virtutum ad ordinem spectat moralem: igitur gratia Christi, neque etiam secundum rationem moralem, infinita est simpliciter in esse gratiæ. Neque dilluet sufficienter hoc argumentum, qui dixerit, quod huiusmodi virtutum actiones infi-

infinitem participabunt valorem, & meritorium, & satisfactorium ex ipsa Christi gratia, Quoniam ex hoc non colligitur, quod prædictæ virtutes, & earum actiones sint infinitæ secundum proprias, & specificas rationes, quæ desumuntur ex habitudine ad propria ipsarum virtutum, & actionum obiecta, quæ sane habitudo ad ordinem spectat moralem, & ipse similiter specificæ differentia, & essentia virtutum intra moralem ordinem continentur, quod nullus, qui bene sapiat, poterit inficiari.

Ad primum argumentum respondetur, non defuisse graves Theologos quorum Princeps fuisse videtur mag. Cano. qui putarent, totum ordinem moralem non realem esse, sed rationis tantum: Vnde inferebant bonitatem, & dignitatem moralem in virtutibus, & actionibus earum, & in aliis quibuscumque habitibus quandam esse rationis entitatem. Iuxta quam sententiam facillime dissolueretur primum argumentum: dicerent enim illius sententiæ fautores, quod infinitas dignitatis moralis in Christi gratia non realis modus est, sed rationis duntaxat, atq. adeo nullam efflagitat effectiuam causam.

Verum hæc sententia merito displicuit posterioribus theologis, qui antiquorum theologorum vestigijs inherentes, certa definitione statuunt, entitatem moralem virtutum, & operationum earum ueram esse, & realem perfectionem, qua humana voluntas, imo & totus homo, valde perficitur. Quæ sententia, si vera est in habitibus, & virtutibus naturalis ordinis, multo uerior, & certior haberi debet in habitibus, virtutibus, & actionibus ordinis supernaturalis.

Qua sententia supposita, ad illud primum argumentum dicitur: Quod infinitas moralis dignitatis, quæ est in Christi gratia, consequenter se habuit ad gratiam unionis, & tam necessaria fuit consequentia sequuta, ut per nullam posset potentiam impediri. cuius ratio ea est, quod moralis entitas, & perfectio in modo suæ productionis magnam habet convenientiam cum relatione, eo quod tota consistit in quadam proportionem, & habitudine transcendentali ad liberam voluntatis intentionem, & ad rationem, quæ prima regula est totius moralitatis. Vnde sicut relatio non per se, & proprie producit, sed com-
producit ad sui fundamenti productionem, sic adeo ut utroque extremo existente non possit non ipsa relatio sequi, non enim, vlla potentia fieri potest, ut duobus albis in rerum natura positis non sequatur in eis mutæ similitudinis relatio: ita moralis entitas positus requirit, quasi fundamentis, & terminis ad eius existentiam, non potest non ueluti quadam resultantia sequi. Vnde uidetur a duenire, & corrumpi, abique reali subiecti mutatione, sicut de prædicamentali relatione dici solet. Exemplum huius rei illud afferre possumus, quod est in hac materia sæpius frequenter a Theologis usurpatum: Si quis in

die Iouis prope mediam noctem futuri diei carnes temperate comedat, & earum comestioneſm vſque ad horam poſt mediam noctem continuando protrahat culpabiliter, non conſiderans quota ſit noctis hora, tunc illa exterior actio manducationis carnum, internaſque eius volitio ante mediam noctem bona eſt, & ſtudioſa moraliter, poſt mediam autem noctem, mox redditur praua, & iniqua. Et tamen nulla, neque in operante, neque in ipſa actione interuenit perceptibilis mutatio.

Ad propoſitum igitur prædictam applicantes doctrinam dicimus, quod infinitas dignitatis moraliſ, non potuit non ſequi in Chriſti gratia ſuppoſita ipſius gratiæ inherentiæ in humanitate a verbo hypotatiſce aſſumpta. Neque hæc moraliſ ſequella gratiæ poſtulat in verbo ſuppoſitante humanitatem actionem aliam præter illam qua tota trinitas ipſam hypotatiſcam vnionem effecit, ſicut ſequella relationis prædicamentaliſ nulla eget alia actione ab ea qua producuntur proxima, & formalia ipſius relationis extrema.

Eſt autem hic obiter notandum, quod ſicut per nullam eſt potentiam factibile, quod extinctis prædicamentaliſ relationis extremis, eiſque deſtructo fundamento permaneat ipſa relatio, ita nulla potentia factibile eſt, quod humanitate a verbo ſeparata permaneat in ipſamet Chriſti habituali gratia hæc dignitatis moraliſ infinitas, quæ nunc ei competit ex reali ad verbum coniunctiõne, nam ſicut eſt intrinſeca, & formalis habitudo inter fundamentum, & relationem, ita hæc moraliſ gratiæ infinitas intrinſecam, & formalem habet dependentiam a verbo humanitati perſonaliter coniuncto.

Ex his omnibus ad illud primum argumentum in cuius verſamur ſolutione reſpondetur, non eſſe eamdem rationem, ſed potius omnino abſimilem, de infinitate phyſica modali gratiæ, de qua procedebat quinta conclusio, & de infinitate moraliſ dignitatis de qua ſexta præſens conclusio loquitur. Quia modus phyſicæ infinitatiſ, cum eſſet entitas ſimpliciter abſoluta, non poſſet hypotatiſcam vnionem conſequi admodum relationis, ſed aliqua egeret actione productiua ex parte verbi prout eſt humanitatiſ ſuppoſitum, quam actionem nos nullatenus valemus admittere, eo quod ſuppoſitum prout exequitur rationem ſuppoſiti, non actiuum principium eſt, ſed terminus quaſi formaliter complens, & terminans naturam dependentiam. Et hoc præſertim habet verum in diuino verbo, quia eiſ dignitati, & infinitæ actualitatiſ repugnat, quod aliquem producat effectum naturali, & neceſſaria actione. Cæterum infinitas dignitatis moraliſ, neque aliquam peculiarem actionem poſtulat, cum per modum relationis conſequatur, neque vllam habet re-

pugnantiam, sed maximam potius decentiam ad ipsam verbi dignitatem, nam quod gratia ex reali coniunctione ad verbum infinitam fortiatur dignitatem, & id quidem necessaria, & in impedibili sequella, maxime decet ipsam diuini verbi maiestatem. Et quidem in ipsa Christi humanitate aliquale huius rei habemus exemplum. Non enim per aliquam potentiam impedibilis est illa magna, imo & infinita dignitas, quæ ex vnione hypostaticæ, ad ipsam humanitatem refunditur. Et quamuis quandoque ipse cum aliis quibusdam Theologis existimauerim olim dignitatem hanc infinitam quandam esse rationis denominationem, & non perfectionem realem. Nunc autem re magis perspecta oppositum verius esse crediderim, existimo namque quod cum christi humanitas vere, & realiter sit terminata ipsa diuini verbi personalitate, sitque vere, & realiter diuini suppositi natura, uera etiam, & realis consurgit in ea dignitas, qua, & apud Deum, & apud angelos, & apud homines, multo maiori æstimatione digna est, quam quæuis alia substantialis natura, & producta, & producibilis, imo quam omnes naturæ producibiles a Deo collectiue sumptæ. Et in hoc consistit infinitas moralis dignitatis humanitatis Christi. Quod præterea sic ostendo. Si hæc infinita dignitas, quæ consurgit in humanitate Christi ex coniunctione ad uerbum, esset uera relatio, esset sine dubio relatio realis, cum eius fundamentum sit reale, & extrema sint realia, & teneat se ex parte illius extremi, quod uere, & realiter ab alio perficitur: Humanitas enim per assumptionem realiter, & in semetipsa perficitur: Ergo quamuis non sit relatio, sed moralis quædam perfectio admodum relationis consequens, uera est, & realis entitas, qua realiter humana Christi natura dignificatur, & perficitur. Sed quamquam in Christi humanitate ea, quæ diximus non essent omnino certa, non ob id realis infinitas moralis dignitatis neganda est habituali eius gratiæ, quoniam, ut superius dicebam circa finem quintæ conclusionis, gratia ex sua natura apta nata est tanta hac dignitate perfici, & eleuari.

Ad secundum argumentum respondetur, quod acceptatio ad gloriam potest considerari dupliciter per ordinem ad gratiam. Altero modo quatenus fundatur in opere meritorio ex gratia procedente, ita quod homo gratus acceptatur ad gloriam iuxta proportionem sui meriti, & hoc modo considerata acceptatio ad gloriam, pertinet ad ordinem moralem, sicut, & ipsum meritum cui respondet. Cæterum in christi gratia non reperitur hæc acceptatio ad gloriam, etenim Christus non habet gloriam ex meritis acquisitam, sed ex vi vnionis hypostaticæ habet & gratiam, & gloriam animæ, & cætera
spi-

spiritualia charismata. Altero modo acceptatio ad gloriam consideratur, secundum connaturalem proportionem, & habitudinem quem gratia habet ad ipsam. Etenim sicut terra per gravitatem proportionatur centro naturali quadam coaptatione, ita homo iustus per gratiam connaturaliter proportionatur gloriæ, & iure connaturalitatis illi debetur. Sicut filio iure naturalis filiationis debetur hæreditas, & ita Paul. Rom. capit. 8. dicebat de hominibus iustis, si filij, & hæredes, hæredes quidem dei, cohæredes autem Christi. Hæc acceptatio ad gloriam prout se tenet ex parte gratiæ constituentis passivam acceptationem in anima, id est, connaturalem proportionem, & ius connaturalitatis ad gloriam, non pertinet ad ordinem moralem, sed ad ordinem physicum, sicut coaptatio terræ per gratuitatem ad centrum physica est. Hanc autem acceptationem constituimus nos in Christi gratia respectu gloriæ, etenim animæ Christi collata fuit gloria in instanti incarnationis, non ex cuiuslibet meriti, sed iuxta exigentiam gratiæ, & proportionabiliter ad dispositionem qua Christi anima in seipsa disposita fuit per gratiam habitualement. Quo circa, & si hæc acceptatio sit finita in christi gratia, non inde potest colligi, quod gratia secundum dignitatem moralem aliquam habeat finitatem, & limitationem, sed tantum colligitur, quod in esse physico est limitata, quod nos concessimus.

Sed obiicit quis: bene potuit fieri ex absoluta Dei potentia, quod Christi animæ daretur gloria ex sui meriti procedentis ex ipsa gratia habituali: tunc sic. Illud meritum esset finitum, & acceptatio ad gloriam esset finita, eo quod gloria animæ per nullam potentiam poterat esse infinita, ut ex dictis constat: Ergo gratia Christi non præhabet in semetipsa omnem plenitudinem dignitatis moralis, nam quatenus esset principium illius meriti, limitationem haberet.

Respondetur, quod illo casu admissio, meritum quo anima Christi suam gloriam mereretur, esset simpliciter infinitum in ratione meriti, non ex parte præmij sumpti materialiter, nam illi merito responderet finita gloria, quia infinita esse non poterat, sed esset infinitum ratione modi, qui modus refunderetur in ipsum præmium, & redderet ipsum formaliter infinitum in ratione præmij. Hic autem modus is esset, quod christus mereretur gloriam ex iustitia exacta, & rigurosa. Quam perfectionem rigurose iustitiæ nullum opus potest habere coram Deo, quod non fuerit infiniti valoris, & infinite dignitatis moralis. Et tunc gloria, quæ daretur Christi animæ formaliter sumpta in ratione præmij infinita esset, licet in esse gloriæ, & in esse visionis divinæ, esset limitata, quoniam redderetur Chri-

sto tanquam merces ex rigore iustitię ei debita: Vnde colligitur; quod Christi gratia in ordine ad gloriam animę ipsius Christi habet simpliciter infinitam dignitatem, & valorem infinitum moralem, quamuis propter repugnantiam ex parte facti non posset mereri gloriam inesse glorię infinitam. Dixi propter repugnantiam ex parte facti, quoniam ex parte gratię, & valoris eius nulla esset repugnantia, ut gratia Christi per suum opus mereretur infinitam gloriam: Imo absolute est concedendum, quod quantum est ex se, habet tantam hanc vim, & tantum hunc valorem, quod satis fuerit, ut in esse moris, dicatur simpliciter infinita. Sicut dei omnipotentia, quamuis propter facti repugnantiam nequeat producere effectum actu infinitum, est tamen infinita simpliciter, quia quantum est ex se illud potest.

Ad confirmationem constat similiter ex dictis. Dicitur enim primo, quod ex parte modi meritum Christi fuit infinitum respectu glorię sui corporis, quia meruit illam ex omni rigore iustitię. Dicitur secundo, quod quantum erat ex parte gratię, sicut potuit Christus mereri infinitam gloriam animę, ita potuit mereri infinitam gloriam sui corporis, nisi ex parte effectus, scilicet, glorię corporis, repugnaret.

Ad tertium argumentum, posset primo responderi, habitualement Christi gratiam infinitam quidem esse, in illo esse morali quod ab extrinseco desumitur, nimirum, a diuino supposito cui est realiter coniuncta. Non vero est infinita simpliciter, secundum illud esse morale quod ex intrinseca eius differentia provenit, ad quod esse pertinet moralitas propria virtutum infusarum, quę non est necesse sit infinita in ipsis virtutibus, cum illud esse morale gratię, ex quo provenit, non sit infinitum. Huic solutioni accommodari potest nostra sexta conclusio, in qua non diximus absolute gratiam Christi esse infinitam in esse morali, sed quod est infinita in esse gratię infinitate moralis dignitatis: moralis autem dignitas tantum designare videtur moralitatem ab extrinseco desumptam.

Sed nihilominus aliter respondendum esse censeo. Nam licet moralis infinitas proveniat Christi gratię ab extrinseco principio, videlicet, a diuino supposito, est tamen ei intrinseca, & habet se per modum vnius perfectionis cum illa gratię moralitate, quę ipsi conuenit ex principiis intrinsecis: eo quod moralis dignitas ex supposito proveniens non est extranea a ratione gratię, sed intra genus eius continetur, ut superius dixi, atque adeo perficit ipsam gratiam proportionabiliter ad eius naturam, & efficit vnā integram perfectionem cum illa moralitate, quę est omnino intrinseca gratię.

Et licet suppositum diuinum a quo deriuatur prædicta dignitas, sit extrinsecum habituali gratiæ, est tamen ei proportionatum, dicebamus enim in secundo artic. præcedentis quæstionis, quod Christus est subiectum magis proprium, magisque proportionatum gratiæ, quam quælibet pura creatura siue rationalis, siue intellectiualis. Vnde perfectio illa, & dignitas quæ ex isto subiecto ad gratiam deriuatur, non debet computari inter perfectiones gratiæ extrinsecas. Aliter ergo oportet dissoluamus illud tertium argumentum. Et quidem Authores qui censent virtutes animæ Christi infusas, similem habere infinitatem in suis proprijs rationibus quam habet gratia in ratione gratiæ, facile se possent ab hac difficultate expedire, asserentes quod hæc virtutum infinitas ex morali ipsius gratiæ infinitate dimanat, sicut earum essentia affluunt ex essentia gratiæ. Verum quia nos paulo inferius in contrariam sententiam ibimus, minime ad hanc solutionem valemus recurrere.

Sit ergo prima huius tertij argumenti solutio, quod virtutes morales infusæ effluunt quidem ab ipsa habituali gratia, non vero ut amozali principio, sed a physico: & similiter præhabentur hæc virtutes in habituali gratia, tanquam in prima radice, non morali sed physica. Continentur enim in gratia ab ipsaque effluunt, eo modo quo proprietates, & potentia naturales subiecti cuiuspiam, præhabentur in eius essentia, & ab ea dimanant. Quo circa ex hoc quod ab essentia habitualis gratiæ Christi non oriuntur virtutes infusæ, non potest colligi gratiam Christi, non esse præditam omni infinitate morali quæ ad rationem gratiæ potest pertinere, sed tantum sequitur, eam non esse infinitam in ratione gratiæ physica infinitate, quod nos libenter fatemur.

Sed est secunda solutio, quæ meo iudicio pro sufficienti, & legitima haberi debet, quod tanta est gratiæ Christi dignitas, vt nisi ex parte effectus repugnaret, & ipsa secundum intentionem infinita esset, & ex ea effluerent morales virtutes in esse virtutum infinitæ. Itaque tota, & gratiæ, & moralium virtutum infusarum, & possibilis & intelligibilis perfectio comprehenditur sub infinitate moralis dignitatis gratiæ Christi, quæ tamen propte repugnantiam ex parte facti non se in omnem eam explicuit, sed iuxta mensuram diuina lege, diuinæq. prouidentia dispositâ. Ex quo manifesta ratione deducitur, quod hæc dignitas quam tribuimus Christi gratiæ in esse morali nullam admittit limitationem, sed simpliciter est infinita. Et licet ab extrinseco desumatur, nimirum, a diuino verbo prout est humanitatis suppositum, intrinsece tamen gratiam perficit, & infinita moralis perfectione significat.

Estque hoc loco aduertendum vt ista plenius intelliguntur. Quod

moralis perfectio infusarum virtutum, sicut & acquisitarum, adeo coniuncta est physice earum perfectioni, quod non potest augescere nisi iuxta proportionem ipsius physice perfectionis. Quod in actibus infusarum virtutum facile poterit explicari. Actus charitatis tantum, & non maiorem sortietur, moralis perfectionis dignitatē, quanta fuerit eius intensio, & extensio (loquor de perfectione, & dignitate moralis ipsius charitatis propria & intrinseca, & non de aduentitia, & accidentaria ex consortio alterius virtutis proueniente): quod & de actibus iustitiæ, temperantiæ, fortitudinis, & aliarum virtutum dicendum est. Et id ipsum proportionabiliter censendum erit de ipsis virtutum habitibus, quorum tanta, & non maior erit moralis perfectio habitualis, quanta fuerit eorum intensio, & radicatio in subiectis. Quod tamen & in habitibus, & in actibus intelligo seruata perfectione habitudinis ad obiecta: & iuxta proportionem eius. Nam quo moralis virtus perfectius, & dignus obiectum respicit, eo moralis eius perfectio, dignior est, & excellentior, quæ cum intensiua, & actus, & habitus intensiōne proportionabiliter crescit.

Ex ista doctrina ad nostrum intentum colligitur, quod sicut nulla potentia fieri potest, quod virtutes morales actu attingant physicam infinitatem intensiuam, ita neque fieri potest ut ad moralem perfectionem, & dignitatem, ipsis propriam, & connaturalem perueniant.

In habituali vero gratia aliter res se habet, nam cum eius moralis dignitas non sit pendenda ex habitudine ad obiectum aliquod per operationē attingibile, neque ex eo quod gratia subiectum ad operandum proxime disponat, sed quatenus subiectum gratificat, & dignificat, deoque reddit acceptum: inter physicam eius perfectionem & moralem dignitatem, non est necessaria consimilis ad æquatio ei, quam in moralibus virtutibus diximus reperiri. Quo fit ut si fingamus gratiam puri hominis intensiorem esse gratia Christi, aut æque illi intensam, non ob id concedendum esset, quod vel excelleret dignitatē moralem gratiæ christi, vel illam adequaret. Similiter si animo fingamus, habitualement Christi gratiam in sua intensiōne decrescere, ita ut ad minimum usque intensiōnis descendat gradum, non ob id existimandum est, eam minui in morali perfectione & dignitate. Plura dicemus postea, in solutione cuiusdā argumenti quibus non nihil hanc doctrinam locupletabimur.

Tandem circa ultimam hanc conclusionem. Nota, quod nonnulli Theologi quibus placet hæc moralis infinitas gratiæ Christi, dicunt quod competit ei hæc infinitas, non ut causæ principali, sed instrumentali, ita quod sicut calor ignis potens est generare ignem, quatenus est virtus & potentia ignis, quod tamen non habet ut causa

princi-

principalis, sed ut forma instrumentalis quæ operatur in virtute ignis qui est principalis causa: ita gratia Christi principium est meriti infiniti, & satisfactionis infinitæ, sed hoc non habet a semetipsa, sed prout est instrumentum verbi, quod est principale agens in merito, & satisfactione.

Hic modus dicendi est probabilis. Sed mihi non satis est gratus, & primum valde displicet illa ratio ob quam prædicti Theologi in eius persuasionem mouentur. Dicunt enim quod pertinet ad maiorem gloriam & dignitatem Christi, & diuini verbi prout est suppositum nature humanæ, quod gratiæ eius habituali nulla tribuatur infinitas, ut causæ & formæ principali, sed tantum ut formæ instrumentariæ, & prout est instrumentum ipso verbo: ut tota principalis causalitas soli diuino verbo tribuatur. Hæc, inquam, ratio non placet, nam è contra censeo, pertinere ad gloriam Christi & diuini verbi, quod gratia ex coniunctione ad ipsum verbum tantum dignificetur, & eleuetur, ut in semetipsa, & per modum principalis formæ, diuino tamen verbo humanitatis supposito subordinate habeat dignitatem in genere gratiæ infinitam, infinitumq; valorem, ita ut ex ipsa tanquam ex causa & forma principali, verbo tamen diuino subordinata, infinitas meriti, & satisfactionis in studiosis Christi operibus participetur. Quemadmodum in magnam dei & Christi gloriam cedit, quod gratia nobis à deo per Christum collata tantæ sit virtutis, & efficacis, ut per modum principalis causæ & formæ, subordinate tamen Christo, & virtuti passionis eius, causet, & operetur in nobis meritum condignum æternæ gloriæ, & condignam pro peccatis satisfactionem.

Præterea exemplum de calore ignis aductum pro sententia contraria in multis habet dissimilitudinem, sed in duobus præsertim. Primo, in eo quod calor per se primo est forma operatiua formæ superiori subordinata, & virtus, quæ illi ex ipsa superiori forma communicatur, est per se primo operatiua effectus correspondentis nature formæ superioris, atque adeo rationabiliter asseritur, quod hæc virtus, & si permanenter se habeat in calore, est tamen vere & proprie instrumentalis. At gratia non est per se primo operatiua formæ, sed gratificatiua & dignificatiua subiecti operantis: Vnde virtus ei a diuino verbo communicata, non est per se primo operatiua, sed gratificatiua, & dignificatiua subiecti, refunditur tamen morali quadam refusione ad operationem, constituens illam infinite deo acceptam, & gratam, atque adeo infinite meritoriam, & satisfactoriam coram deo. Vnde non est necesse quod hæc virtus sit instrumentaria, dignificare enim & gratificare subiectum, non est officium instrumentariæ virtutis, sed formæ principalis, ipsum subiectum formaliter perficientis & eleuantis. Secundo,

cundo, generare ignem non est actus qui per se & ex natura sua comprehendatur sub virtute qualitatis & formæ accidentariæ, nā est actus per se pertinens ad operans substantiale, & ad substantialem virtutem, atque adeo nequit communicari accidentariæ formæ, vt causæ principali ex propria virtute operanti, sed vt instrumentali principio, quod operatur virtute substantialis agentis. At dignificare & gratificare subiectum operans, & eius operationes ea infinita gratitudine, & dignitate quæ non est infinita in genere entis, sed in genere tantum gratitudinis & dignitatis moralis, non exit limites ordinis gratiæ, imo neque alicui formæ potest competere vt causæ principali, nisi tantum habituali gratiæ. Relinquitur ergo ex his manifestum; ab similem prorsus rationem esse de habituali Christi gratia, ab ea quæ in calore ignis militat, quod ad præsens attinet. Et ex hoc duplici discrimine sumitur non debile argumentum contra prædictam sententiam, quod in hunc modum formatur. Si infinitas hæc dignitatis moralis conuenit gratiæ instrumentaliter tantum, sequitur quod conuenit diuino verbo, prout est humanitatis suppositum vt causæ, & formæ principali, ita vt verbum se ipso formaliter constituat in christo hanc dignitatem. Consequens est omnino falsum; quia verbum non vnitur humanitati per modum formæ, sed per modum suppositi duntaxat: Ergo non conuenit gratiæ instrumentaliter, sed vt formæ principali. Probat. Sequella. Hæc moralis infinitas, vt in priori discrimine inter calorem, & gratiam assignato dicebam, non est per se primo virtus operatiua, sed formaliter dignificatiua, & gratificatiua operantis: Ergo tribuenda est alicui formæ principaliter dignificanti, & gratificanti formali gratificatione ipsum operans, non enim est satis intelligibile quod detur aliquis formalis effectus, qui non habeat aliquam formam aqua principaliter secundum formalem causalitatem procedat: igitur cum, vt in secundo assignato discrimine dicebamus, non sit dabilis forma alia principalis, cui per modum formæ competat hæc infinita dignitas, consentaneum erit rationi dicere, quod conuenit habituali Christi gratiæ tanquam principali formæ, & causæ. Et ita ego dicendum existimo, quia & Theologicæ rationi dudum informatæ, & perfectioni habitualis gratiæ Christi, & ipsi denique diuini verbi dignitati ista sententia congruit.

Sed iam necessum est ea dilluamus argumenta, quæ a principio huius secundi articuli fuerunt proposita. Primū & secundum ex dictis conclusionibus facile soluuntur, procedunt enim de perfectione gratiæ physica, quæ, vt diximus, finita est, & limitata. Sed est aduertendum quod ista perfectio physica quæ consistit in intensione gratiæ, & in acceptatione ad gloriam continetur intra virtutem infinitatis moralis quam posuimus in habituali Christi gratia, & hoc quide duplici

ratione. Prima, quoniam Christus ex vi huius habitualis gratiæ mediâ te charitate, & cæteris virtutibus, poterat mereri infinitam gloriam si possibilis esset, & infinitam ipsius gratiæ intensiorem, si ex parte facti non repugnaret. Secunda quia crediderim probabiliter, quod Christi gratiæ, omni opere meritorio secluso, propter suam dignitatē debetur omnis possibilis intensio, & omnis possibilis acceptatio ad gloriā; quod si ei non tribuuntur istæ duæ perfectiones, provenit ex impossibilitate facti, quia non potest esse actus producta omnis possibilis intensio gratiæ, neq. omnis possibilis acceptatio ad gloriā.

Ad tertiū argumētū alijs solutionibus prætermisiss, respōdetur per solutionem assignatam inter arguēdum, quam puto esse sufficientem.

Ad primam replicam respondetur, verum esse quod Christi gratia quatenus est infinita morali infinitate, alterius est speciei a gratia nostra, sed res hæc præstius examinabitur circa solutionem ad ultimum in quodam speciali de hac re dubio, quod incidenter disputabitur.

Ad secundū respondetur. Quod in illo casu gratia patris nō prehabetur in gratia Christi formaliter loquendo, secundū rationē morali infinitatis. Nā utraq. esset simpliciter infinita in esse gratiæ infinitate morali, atq. adeo equalis dignitatis, & perfectionis essent. Et cū instat argumētum, quia tunc sequitur quod sint duæ gratiæ infinitæ in esse gratiæ, quæ videtur manifesta implicatio, quia non possunt dari duo infinita in vna & eadē ratione. Respondetur, quod infinitas moralis vtriusq. gratiæ Christi & Patris, formaliter loquendo esset vna & eadē infinitas, & materialiter tantum distinguerentur: ratio est, quoniam infinitas vtriusq. gratiæ desumeretur ex vna, & eadē infinitate, & perfectione diuina: Etenim licet personalitas verbi in ratione talis personalitatis realiter distingueretur a personalitate patris, non tamē ab illa distinguitur in ratione perfectionis infinitæ: sed illæ duæ personalitates sunt simpliciter vna & eadē infinita perfectio. Infinitas autē gratiæ Christi non sumitur ex personalitate verbi vtcumq. considerata, sed ut est personalitas infinitæ perfectionis. Et id ipsum esset dicendū in illo casu de gratia patris, atq. eadeo infinitas vtriusq. gratiæ ex eadē omnino infinitate diuina dimanarent, & ex consequenti esset formaliter vna, & eadē infinitas. Legātur quæ dicuntur inferius q. 3. dubio 3. ad. 3. Nā illa solutio poterit huic replicæ non inepte accommodari.

Ad quartum argumētū quidā graues theologi libenter fatentur, quod charitas Christi in ratione charitatis est simpliciter infinita infinitate morali, sicut ipsa Christi gratia, & similiter visio beata animæ Christi habet huiusmodi infinitatem moralem, quæ illā constituit infinitā inesse visionis beatæ, & idem in reliquis virtutibus & supernaturalibus donis cōsent esse dicendū. Et probāt quoniā vniuersæ rationes propter quas habitualis gratia christi est infinita, habent locū in charitate,

zitate, & in visione beata, & in cæteris supernaturalibus donis. Etetiam sicut gratia in Christo est dispositio cõcomitans hypostaticã vnionẽ, ita & charitas, visio beata, &c. Præterea sicut gratia principium est meriti infiniti, & satisfactionis infinitæ, ita & charitas. nam charitas Authore S. Thom. 12. q. 114. art. 3. prima est radix totius meriti: Ergo eadem infinitas est in charitate Christi, & in cæteris supernaturalibus habitibus cum ea quæ reperitur in eius gratia.

Sed tamen opposita sententia, scilicet quod sola Christi gratia hæc sibi vendicet infinitatem moralem, mihi est probabilior. Et quidem argumenta alterius opinionis parum mouent. nam vt plurimum probat charitati competere hanc moralem infinitatem: quoniam lumen gloriæ, visio beata, & alia supernaturalia dona a charitate distincta, in proprie dicuntur principium meriti infiniti, & satisfactionis infinitæ, nã licet ex charitate sumatur ratio meriti & satisfactionis non tamen desumitur ex lumine gloriæ, aut ex alijs habitibus huiusmodi. Quo circa hæc ratio infinitatis, quæ reperitur in gratia Christi, scilicet, esse principium infiniti meriti, & satisfactionis infinitæ, soli charitati vt plurimum erit concedenda.

Secundo respondetur quod neq. etiã in habitu charitatis reperitur hæc moralis infinitas, quoniã licet actus charitatis Christi fuerit infiniti valoris, fueritq. promde meritorius & satisfactorius infinite, hic tamen infinitatis valor nõ illi ex ipso charitatis habitu proueniebat, sed ex habitu gratiæ. Quoniã totus ille valor in actu charitatis Christi, & in qualibet eius operatione, desumebatur ex sola operantis dignitate, & non ex modo attingendi obiectum per actualem operationem. At quod operans, nimirum, Christus haberet infinitam dignitatem coram deo, essetq. deo infinite gratus & acceptus, nullatenus ex habitu charitatis, aut ex alio quocumq. habitu operatio desumabatur, sed ex habitu gratiæ, cuius propriũ est, constituere habentẽ gratum, & acceptum deo: Et quidem habitus charitatis potius facit nobis deũ gratum & amabilem, quam nos ipsi deũ gratos reddat, & amabiles, charitas enim facit nos dilectores dei & non dilectos ab ipso.

Ex his sequitur, quod simpliciter & absolute loquendo, gratia Christi fuit infinita in esse gratiæ, cætera autẽ virtutes non habent simpliciter infinitatem, neq. physicã, neq. moralem in suis proprijs rationibus, quod amplius explicabitur in solutione sequentis argumenti, & probatur satis efficaciter duabus probationibus, quibus inter arguendum probauimus minorem huius argumenti quarti.

Ad quintum argumentũ respondetur quod, neutra illarum rationũ sufficit cõstituere lumen gloriæ, visionem beatã, aut quemlibet alium habitũ, seu actum, præter habitum gratiæ in ratione infinitatis simpliciter: Et quidẽ q̃ prima ratio q̃ desumitur ex dispositione ad vnionẽ hypostati-

hypostaticam, nō tribuat hanc infinitatē simpliciter luminī glorię in esse luminis, visioni beatę in esse beatificę visionis &c. constituat autē gratiam infinitam in esse gratię ex duobus colligitur. Primū est, quoniam omnia ista dona supernaturalia pręter habitum gratię non perficiuntur in se, & in proprijs rationibus, nisi perficiantur in ordine ad obiecta quę suis operationibus attingunt, quia tota eorū ratio desumitur per habitudinem ad obiecta; ac quod disponat christi humanitatem ad vnionem cum verbo, nihil attinet ad obiecta: quoniam tota dispositionis ratio pensatur per ordinem ad subiectum, & per habitudinem ad esse personale, & non ad esse operatiuum in ratione operatiui. Ceterum gratia per se primo non tribuit operari sed esse, neq. eius perfectio desumitur per ordinē ab obiectū, sed ad subiectū. Vnde perfectio, & dignitas quę consurgit in gratia ex ratione dispositionis ad vnionem hypostaticam, per se pertinet ad ipsam gratiā, & eam perficit in esse gratię. Secundum est, quod tota ratio dispositionis, quę humanitas Christi disponitur per hęc supernaturalia dona siue actualia, siue habitualia in ordine ad vnionem hypostaticā, consistit in hoc, quod hęc dona sunt eiusdē diuini ordinis cum verbo, & ex natura sua ordinantur ad vniendā creaturā rationalem cum deo: Sed sic est quod omnes habitus operatiui supernaturales ordinantur ex natura sua ad quandā limitatā vnionem creaturę rationalis cū deo. V. c. charitas per se ordinatur ad affectuosam vnionē, lumen glorię ad intelligibilē, & ita proportionabiliter dicendum est de alijs habitibus operatiuis, quod illi qui pertinent ad voluntatē intendunt vnire affectum cū deo, illi vero qui ad intellectū spectant, per se habent facere vnionē in esse tantū intelligibili. Sola autē gratia est, cui ex natura sua cōpetit cōstituere vnionē rationalis creaturę cum deo, nō solū in esse intelligibili, & in esse diligibili, & affectuoso, sed pręcipue in esse entitativo: in quo radicaliter, & intelligibilis, & affectuosa vnio pręhabetur, eo quod non est per se primo, & immediate habitus operatiuus, sed habitus dās esse diuinū secundū formale diuinę naturę participationē. Vnde ex semetipsa habet disponere ad esse personale diuini verbi.

Igitur ad argumentū, quod ad hanc primā rationem attinet, respondetur. quod illa infinitas, quę cōpetit visioni beatę in anima Christi, prout disponit animā ad vnionē cū verbo, est ei quasi extrinseca, & quę non perficit ipsam formaliter in ratione visionis, & si perficiat sine dubio, in ratione entis. Quemadmodū perfectio qua humanitas Christi perficitur, & dignificatur ex vnione ad verbū, est illi extrinseca, & non perficit ipsā in ratione humanitatis: etenim humanitas Christi, etsi ex vnione ad verbum induat dignitatē quandam infinitam, & quidem in esse morali realē, non tamen constituitur infinita in ratione humanitatis: nihil enim attinet ad essentialia humanitatis principia hęc

qualis, & quantacumq. sit dignitas. Ceterū gratia per illam dignitatē quam attingit in christo, prout disponit ad vnionem hypostaticā, vere dignificatur, & perficitur in ratione gratiæ: eo quod proprium est ipsi gratiæ perficere subiectum, & disponere ad vnionem cum deo, non solum secundum operationem, sed præsertim secundum esse. Ex hoc soluitur confirmatio inter arguendum posita, negandum est enim quod hæc dignitas sit extrinseca gratiæ, sicut est extrinseca humanitati.

Ad secundū rationem respondetur, quod infinitas meriti in christo radicaliter, & principaliter prouenit quidem ex gratia vnionis, proxime autem, & tanquā ex formali principio immediato prouenit ex gratia habituali, ita quod ex gratia vnionis immediate dignificatur habitualis christi gratia, & ipsa sic dignificata mediante, dignificantur christi operationes, & valoris infiniti constituuntur.

Ad confirmationē respōdetur, quod quidquid sit de illa opinione, vel de alia: hoc tamen nobis est certum, quod defacto, & secundū ordinariam dei potentiam, christi operationes non participant infinitū valorem immediate a supposito diuino, sed a gratia dignificata dignitate infinita ex coniunctione ad diuinum suppositum.

Sed nota circa hæc omnia, quod istæ duę rationes ex quibus sumitur infinita dignitas gratiæ christi, ita se habent, quod prima procedit a priori, nimirum, quod gratia christi dignitatem habet infinitam in ratione gratiæ, quatenus est dispositio cōcomitans hypostaticā vnionē. Nō quod hæc sit primatia in ipsa gratia dignitatis infinitæ ratio. Nam prima & radicalis eius dignitas in eo sita est, quod realiter coniūgitur cū diuino verbo prout est humanitatis suppositū, Ex qua reali cōiunctione sortitur gratia, & rationem debere dispositionis, & oēm aliā quā ei tribuimus dignitatē: Sed est ratio proxima & immediata.

Secūda vero ratio procedit a posteriori, & ab effectu, ex eo. n. quod gratia christi eius operationi tribuit valorem infinitū meritorium, & satisfactoriū, aperte ratione colligimus, quod ipsa gratia præhabet in semetipsa infinitatem huiusmodi, estq. infiniti valoris moralis.

Ad sextum respondetur, quod probat efficaciter christi gratiam in esse physico nullam habere infinitatem, sed quod tota eius infinitas pertinet ad ordinem moralem, & quod desumitur ex actuali coniunctione ad uerbum, qua vnione dissoluta non retinebit gratia hanc infinitatem moralem, sed perfectione physica erit contenta, quę eadem est in christo, & in illa humanitate a verbo relicta.

Dubium Sed ad exactā huius sexti argumenti solutionem, necessū est explicemus. Num gratia christi sit alterius speciei a gratia puri hominis. Et similiter an differat specie ab illa gratia quæ permaneret in ipsa met christi humanitate, si per magnam miraculū dissolueretur hypostatica vnio, ipsa humanitate in rerum natura persistente. Et quidem hæc posterior

sterior dubitatio facilem habebit resolutionem si exacte priorem dubitationem explicemus, a cuius proinde expositione inchoandū erit.

In hac dubitatione diuersimode procedunt theologi. Quidā. n. ab- Quomodo
christi gra-
tia a nostra
differat.
solute fatentur habitualement christi gratiam, secundum esse physicum, aliquam sortiri speciem in qua non conuenit cum gratia puri homi-

nis iusti, addunt tamen, quod hæc specifica diuersitas physica in Christi gratia tota sumitur ex parte subiecti, vel ut proprius loquamur, ex parte suppositi humanitatis christi, in qua residet gratia. Ex quo prouenit ei tota illa dignitas, qua gratiam puri hominis excellit. Vnde colligunt huius sententiæ autores, quod hæc species modalis est, & nõ essentialis, atq. adeo dicunt, quod in essentiali specie gratiæ, conueniunt gratia Christi, & nostra, differunt autem specificè modaliter, ratione illius speciei, quæ ex parte subiecti conuenit gratiæ Christi. Adhibent exemplum in calore naturali animalis, qui simpliciter, & essentialiter eiusdem est speciei cum calore ignis, at modaliter, & ex parte subiecti qua ratione, ut animalis virtus, productiuus est uitæ, & carnis, specie differt a calore ignis. Similiter dicunt de Christi gratia, quod prout est participatio naturæ diuinæ, quæ est propria, & essentialis ratio gratiæ, eiusdem est speciei cum gratia nostra, differt autem specie, quatenus virtutem habet effectiuam gratiæ in nobis, quæ uirtus physica est, proueniens ex subiecto, idest, ex ipsa vnionis gratia.

Huic sententiæ, quam docent multi theologi ex his, qui censent in Christi gratia reperiri modum quemdam physice infinitatis ex ipsa diuini suppositi cui realiter coniungitur infinitate participatū, fauet ca. 3. p. q. 7. ar. 1. & illum videtur sequi Mag. Med. ibidem. Cæterū theologi, qui nullam infinitatem, neq. physicam, neq. moralem agnoscunt in Christi gratia, nullam diuersitatem specificam in ea reperiūt, qua distinguatur a gratia nostra. Sed dicunt differre sicut magis perfectum, & minus perfectum intra eandem speciem. Ita censent Scotus, Dur. & alii quos citauimus superius.

Sed neq. in has duas tantum sententias diuersa Theologorum secantur placita. Sunt enim autores graues qui dicunt, quod quemadmodum calor ignis in duplici reponitur specie, quarum altera nõ est modus alterius, neque indiuiduale eius accidens, sed utraq. est perfecta species, & vna nõ pendet essentialiter ab alia, est enim calor ignis, & in tertia specie qualitatibus, quæ est passio, vel passibilis qualitas. Est etiam in specie alia, quæ est potentia, vel impotentia. Ita censent Christi gratiam in duplici collocari specie, altera quæ communis est gratiæ christi, & nostræ, quatenus utraq. formale quodam est diuinæ naturæ participiū, altera vero secūdū quā habet rationē potentie ad diuinæ & productiuæ supernaturalium effectuum in hominibus, & in angelis. Et hæc secunda species, inquiunt, perfectior est prima, quia habet inf-

nitatem

nitatem in ratione gratiæ, in qua cōprehēditur eminente continētia prior gratiæ species: nā Christi gratia habet vim productiua gratiæ in nobis, prout est participatio naturæ diuinæ, in qua ratione formaliter consistit prior species gratiæ. In hac posteriori specie, gratia Christi simpliciter differt a gratia nostra essentiali differentia.

Denique non desunt Theologi qui dicant, quod gratia Christi in vnica tantum specie reponitur, sed illa species continet virtualiter eminenter speciem aliam gratiæ, eam. scilicet ad quam pertinet gratia nostra. Quēadmodum figura superior. V. c. tetragonum alterius est speciei a figura inferiori, scilicet, trigonum, illam tamen, & virtualiter, & eminenter continet.

Ex hac sententia sequitur, quod sicut tetragonum, & si eminenter complectatur trigonum, est tamen simpliciter alterius speciei a figura trigona, ita gratia Christi simpliciter est alterius speciei a gratia nostra, & si illam eminenter comprehendat.

Sed pro resolutione huius dubij dico primo. Gratia Christi physice considerata est simpliciter loquendo eiūdem speciei cum gratia nostra. Hoc assertum aduersatur vltimæ sententiæ, nam autores aliarum opinionum libenter illud concedent. Probatur primo, quia forsitan est inaccessibile, secundum omnem potētiā, quod dentur duæ gratiæ essentialiter differentes in esse gratiæ: ergo, &c. antecedens in nostro libro de origine, & potestate gratiæ efficacissimis habetur rationibus confirmatum. Sed nunc breuissime probatur. Gratia formaliter, & essentialiter est participatio naturæ diuinæ, quantum ad omnia essentialia eius attributa: Ergo cum natura diuina vnica sit, & simplicissima, gratia, quæ eius est participatio, & formalis expressio, non poterit non esse vnius, & eiūdem rationis essentialis.

Confirmatur, non est factibile lumen gloriæ, quod differat specie, a lumine, quod nunc reperitur in beatis, neq. lumen gloriæ collatum animæ Christi, alterius est speciei a lumine gloriæ, quod confertur aliis beatis, sicut visio beatifica animæ christi non differt specie, neque potest differre a visione beatifica reliquorum beatorum. Similiter, charitas qua diligitur deus prout est summum supernaturale bonum nequit ad diuersas essentialis species pertinere, neq. alterius est speciei charitas animæ Christi, a specie ad quā spectat charitas qua purus homo Deū super omnia diligit. Ergo cū eadem sit ratio de gratia, absolute fatendū est, nō posse diuersas reperiri species essentialis gratiæ.

Secundo probatur. Gratia Christi est gratia capitis, respectu gratiæ nostræ, quæ est gratia membrorum, ac caput, & membrum vniuoerse habent, & in eadem specifica essentia continentur: Ergo gratia Christi, si physice loquamur, eandem speciem gratiæ retinet, quam habet gratia nostra.

Con-

Confirmatur ex illa similitudine posita Christo. Ioan. 15. scilicet, Ego sum vitis vera, & uos palmites. itaque eo modo nos comparatur ad Christum, quo palmites ad vitem, ac inter vitem, & palmites & inter virtutem vitis, & virtutem palmitum, non est specifica, & essentialis differentia, nam eadem virtus, quæ est in vite ut in radice, diffunditur ad palmites: Ergo eadem gratia secundum speciem est in Christo tanquam in capite, & in radice spiritualis vitæ, & in nobis tanquam in membris, & in palmitibus. Huc attinet illud Paul. Rom. 8. quos præsciuit, & prædestinavit conformes fieri imaginis filij sui. Quo in loco Paulus loquebatur de filio Dei, & ut Deo, & ut homine, & utroque modo debemus conformari ipsi per gratiam, & opera gratiæ: at si Christi gratia esset simpliciter alterius rationis à gratia nostra, non posset inter nos, & Christum hæc tanta conformitas reperiri, quin potius essemus illi disformes, cum non viuamus eadem vita gratiæ, qua ipse viuit.

Dico secundo. Gratia Christi non est, physice loquendo, in aliqua specie gratiæ, in qua non sit gratia nostra. Aduersatur hoc dictum illi sententiæ, quæ docet gratiam Christi, physice loquendo, in duplici specie reperiri quarum altera conuenit cum gratia nostra, altera vero differt. Probatur hoc dictum. Christi gratia, ut constat ex dictis questionibus præced. non habet aliquam infinitatem physicam, nec essentialem, neque modalem: Ergo neque specie differt, physice loquendo, à nostra gratia, neque essentiali, neque modalis specie, sed sicut perfectius à minus perfecto intra eandem speciem. Rationes, quæ improbant infinitatem physicam in Christi gratia, accommodandæ sunt omnes ad probandum eam non differre physica specie à gratia nostra, eandem enim vim habent ad hanc vtramque veritatem suadendam.

Dico ultimo. Gratia Christi in esse morali specie differt a gratia nostra, & angelorum, sic adeo, ut per potentiam dei absolutam illa moralis species, quæ reperitur in gratia Christi, non sit communicabilis gratiæ, quæ est in pura creatura. Hoc assertum communiter recipitur a theologis quoad veramque partem. Prima pars probatur ex dictis in præcedenti dubio, art. 2. ex quibus constat Christi gratiam esse infinitam in ratione gratiæ. Hæc autem moralis infinitas nullatenus competit alteri gratiæ: Ergo Christi gratia secundum hanc moralem dignitatem formaliter distinguitur a quacumque alia gratia, atque adeo distinguitur specie, imo forsitan differt genere, quoniam illa dignitas moralis, quæ ex parte diuini suppositi communicatur gratiæ Christi, uidetur esse quasi alterius ordinis, aut saltem alterius generis ab illa dignitate, quæ competit gratiæ reliquorum iustorum, quatenus est participium quodam diuinæ naturæ. Secunda pars huius asserti etiam uidetur manifesta, quoniam dignitas moralis infinita, quæ reperitur in Christi gratia formalem dicitur habitudinem ad suppositum

tum diuinum, & ita dicebamus præcedenti dubio, quod hæc dignitas consequitur hypostaticam vnionem, eo modo quo relatio sequitur positus fundamento, & extremis. At relatio formalem, & intrinsecam connexionem habet cum fundamento, & extremis, ita vt illis positus non possit non sequi, & illis non positus sequi possit: Ergo nulla potentia est factibile, quod illa species infinitatis modalis, quæ competit gratiæ Christi communicetur alteri gratiæ. Ex hoc sequitur, quod quantumcumque crescat perfectio gratiæ puræ creaturæ, non poterit absolute loquendo, peruenire ad perfectionem gratiæ Christi. Pater, quia non poterit habere hanc modalem speciem infinitæ dignitatis, quæ est maxima perfectio gratiæ Christi etiam in ratione gratiæ, ut ex dictis dubio præcedenti constat, & quæ multo maior est, simpliciter loquendo, quam omnis specifica, & essentialis perfectio physica ipsius met gratiæ, &c.

Sed contra priorem partem huius tertiz assertionis est argumentum, Finitum, & infinitum intra idem genus non variant speciem, si nea enim infinita si daretur non differret specie à linea finita, sed secundum magis, & minus duntaxat: Ergo moralis dignitatis infinitas, quæ in habituali Christi gratia reperitur, non illam distinguit specie a gratia nostra: probatur consequentia, quoniam moralis dignitas, & perfectio, quæ in gratia puri hominis reperitur, eiusdem generis est cū infinita dignitate, & perfectione morali habitualis Christi gratiæ.

Secundo arguitur aduersus eandem partem huius assertionis tertiz. In Christi gratia non reperiuntur duæ morales perfectiones, & dignitates: altera quæ sit ei communis cum gratia puri hominis, & altera ei propria ex coniunctione ad diuinum suppositum proueniens, sed una, & simplicissima moralis dignitas inest Christi gratiæ quasi ex utraque ista dignitate, & perfectione morali, constata: Ergo manifestum signum est, quod illa moralis dignitas, quæ ex reali coniunctione ad verbum competit christi gratiæ, non differt specie, ab ea perfectione, & dignitate morali, quam habet ipsa gratia ex propria, & intrinseca differentia, & quæ proinde communis est ad omnem gratiam. Consequentia apparet euident, namque ex duabus perfectionibus specie distinctis nequit vna simplex perfectio constari. Sed antecedens probatur. Si in christi gratia gemina reperiretur moralis dignitas, & perfectio, altera infinita, & altera finita, sequeretur quod in quolibet opere Christi meritorio duplicem quoque distinguere debeamus meriti rationem: Alteram infinitam, eam. scilicet. quæ responderet infinitæ dignitati gratiæ, & alteram finitam, vt pote proportionatam finitæ perfectioni, & dignitati eiusdem christi gratiæ, at consequens inauditum esse uidetur in Theologorum scholis: ergo, &c.

Tertium argumentum contra eandem sententiam. Si singamus in Petro

in Petro meritū quo mereretur infinitā gloriā, eiusdē esset speciei cū merito quo nūc meretur de facto gradū finitū, & limitatū gloriæ, tantumq. differrent hæc duo merita, vt minus perfectum, & magis perfectū, intra idē genus: Ergo idipsum proportionabiliter est dicendū de Christi gratia, & de gratia puri hominis in esse morali consideratis.

Ad primum argumentum posset primo responderi negādo, quod intra idem genus comprehendantur moralis dignitas infinita gratiæ Christi, & illa dignitas, & perfectio moralis, quæ ex differentia speciali gratiæ sumitur, & quæ proinde in omni habituali gratia, siue Christi, siue puri hominis reperitur. Quæ diuersitas generica moralis inde confurgit, quod moralis perfectio gratiæ, quæ omni gratiæ communis est, sumitur ex ipsa diuina essentia quatenus participatur in gratia: itaque gratia confert omni subiecto cui inest huiusmodi moralem dignitatem, eo quod est formalis quædam participatio, & expressio diuinæ naturæ, iuxta modum a principio huius relectionis explicatum. Et quia gratia finita est participatio naturæ, & essentiæ dei, dignitas moralis, quæ hinc confurgit finita quoque est & limitata. Cæterum dignitas moralis infinita gratiæ Christi, non prouenit ex aliqua formali diuinitatis participatione, sed ex reali vnione ad diuinum verbum, tanquam ad suppositum humanitatis, cui inest ipsa gratia. Vnde prior dignitas proprie vocari potest formalis, posterior uero personalis, aut suppositalis. Ista distinctione supposita, quæ satis est rationabilis, cessat tota primi argumenti difficultas. Sed quoniam hac generica distinctione admissa ualde urget secundum argumentum, nam consequenter videtur concedendum, quod in gratia Christi gemina formaliter reperiatur formalis dignitas, altera finita, & altera infinita, altera formalis, & altera personalis, idcirco aliter respondendum esse censeo ad primum argumentum. Et libenter admitto, quod utraque illa dignitas sub eodem morali genere continetur. Quod quidem non irrationabiliter asseritur, præsertim si verum est id, quod superius uerissimum iudicauimus, nimirum, Christum esse valde proprium, & connaturale subiectum gratiæ, eiusque naturæ maxime proportionatum. Nam si hoc verum est, qua probabili poterit ratione defendi, perfectionem illam, & dignitatem moralem, quæ ex reali coniunctione ad istud subiectum obuenit gratiæ, genere differre ab ea morali perfectione gratiæ, quæ ex intrinsecis ipsius principiis oritur. Quare ad antecedens primi argumenti per distinctionem respondeo, quod quando finitum & infinitum tantum differunt, secundum maiorem, uel minorem perfectionem intra idem genus, ita quod infinitum tantum addit nouum gradum perfectionis extensiuū, uel quasi extensiuum nulla formali variatione facta, tunc antecedens est ueris-

finum, & hoc modo procedit exemplum de linea ibi adductum, ut consideranti constabit. Ceterum quando infinitum non solum addit nouum gradum perfectionis, sed nouam etiã formalem perfectionis rationẽ tunc infinitum specie differt ab infinito eiusdẽ generis. Vt superficies in ratione superficiẽ infinita, specie differt a linea finita intra idem genus quantitatis, non propter solam infinitatẽ, quẽ secundum se non esset sufficiens specificam distinctionem constituere, sed propter formalem rationem, & differentiam distinctam, quam intra genus quantitatis importat. In præsentia ergo, infinita moralis dignitas, quam inuenimus in habituali Christi gratia, alterius est formalis rationis ab illa finita morali dignitate, quæ communis est omni gratiæ. Quam specificam differentiam manifestat nobis illa ratio, quam paulo superius circa primam solutionem huius argumenti informauimus, ad suadendum reperiri diuersitatem genericam inter has duas morales gratiæ perfectiones. Quæ ratio genericam quidem distinctionem non ostendit, sed conuenientiam potius, cum vtraque gratiæ perfectio, & dignitas ex ipsa deitate sumatur, sed quia diuersimode sumitur, diuersitatem constituit specificam.

Ad secundi argumenti solutionem, libet mihi recurrere ad sententiam, quam paulo ante ex quibusdam theologis referebam, quæ asserit, habituales Christi gratiam in vnica tantum specie collocari, quẽ tamen eminenter continet speciem aliam inferiorem, quæ essentialis est gratiæ puri hominis iusti. Existimo enim hanc sententiam falsam esse, si de illa specie gratiæ puri hominis intelligatur, quæ ad ordinem physicum spectat. probauimus enim speciem hanc communem esse omni gratiæ, & Christi, & cuiuscumque iusti hominis, solumque posse differre, secundum magis, & minus, quatenus in Christi gratia perfectior est gradualiter, & numerice, quam in quacumque alia gratia: imo quam in omni gratia collectivè sumpta, quæ in angelis, & in alijs hominibus reperitur, ut in artic. præced. huius quæst. non infirma ratione probauimus. Censeo tamen illam omnino ueram esse de morali specie. Ita quod sicut figura tetragonum continet virtualiter trigonum, & trigonum & si vere reperiatur in tetragono, non retinet tamen ibi formaliter speciem figure trigonæ, quia non proprio concluditur termino, sed sub essentiali, & formali termino superioris figure tetragonæ continetur, differentia autem specifica ex ultimo formali rei termino desumitur. Similiter sensitiuum realiter reperitur in homine, non vero specie distinctum a rationali, quia non continetur ibi sub termino ultimo sensibili, sed sub formali termino rationalitatis comprehenditur: prouenit enim a forma rationali, quæ eminenter continet sensitiuum. Ita ergo in præsentia dico, quod dignitas infinita gratiæ Christi perso-

nalis, idest, ex coniunctione ad diuinum suppositum proueniens, propter sui eminentiam, & celsitudinem, quæ summa est in toto genere gratiæ, eminenter continet dignitatem aliam moralem finitam, quæ communis est omni gratiæ. Et ita ad argumentum dico, quod in opere quocumque meritorio Christi reperiebatur ratio meriti infinita correspondens dignitati personali gratiæ, quæ virtualiter, & eminenter continebat, illam finiti meriti rationem, ex infinita morali perfectione, & dignitate habitualis gratiæ prouenientem. Itaque de gratia Christi, & de eius merito proportionabiliter est loquendum.

Ad tertium argumentum, negatur quod illa merita essent eiusdem speciei, sicut neque gloria infinita eiusdem potest esse speciei cum finita gloria. Infinita enim gloria est ipsa visio comprehensiva diuinæ essentia, quæ plusquam genere differt a quacumque beata visione non comprehensiva.

Ex dictis in hac dubitatione manifestum relinquitur, quid sit dicendum in dubitatione alia superius insinuata, & quam attigimus in ultimo argumento ex propositis a principio huius secundi articuli. An videlicet, vnione hypostatica per miraculum dissoluta, ipsa christi humanitate superstita, habitualis gratia in eadem humanitate permanens eiusdem esset speciei, cuius est habitualis Christi gratia. Respondetur enim consentanea ad ea, quæ nunc dicebamus. quod in esse physico eandem omnino essentialem retineret speciem, quam nunc habet in Christo. Moralem uero, speciem quæ ex coniunctione ad diuinum verbum gratiæ christi competit, minime retineret: nam hæc moralis species sicut vnione humanitatis ad uerbum posita per modum relationis sequitur, ita vnione eadem dissoluta ad modum similiter relationis euanesceret.

Argumenta omnia, quæ a principio huius secundi articuli tertiæ principalis quæstionis ad disputandum proposuimus, ex dictis sufficienter manent exposita. Præter illud argumentum in oppositum formatum, quod eam difficultatem insinuat. Num purus homo, uel per absolutam, uel per ordinariam Dei potentiam ad eum possit gradum gratiæ peruenire, quo perfectionem habitualis gratiæ Christi, uel exuperet, uel saltem adequet. Cui difficultati facile respondetur. Et primo dicitur, quod si de morali gratiæ perfectione sermo fiat, constat ex doctrina tradita per nullam potentiam fieri posse, ut gratia puri hominis accedat ad moralem dignitatem gratiæ Christi, & cum hæc moralis perfectio, & dignitas non sit extranea, ut diximus, a ratione gratiæ, sed eius naturæ valde proportionata, absolute fateri debemus, quod gratia puri hominis nequit pertingere ad perfectionem gratiæ Christi.

Dico secundo, quod si de perfectione gratiæ physica loquamur, omnes tenemur fateri, quod in aliquo excellit gratia christi, quod gratiæ puri hominis nequit competere, nimirum, quod christi gratia ex reali coniunctione ad verbum habet, quod possit assumi ab ipso verbo, ut forma instrumentaria ei coniuncta, ad sanctificandum & gratificandum, & homines, & angelos cuius christus est caput. Sed hæc instrumentaria idoneitas, & aptitudo in ipsa Christi gratia, non est aliud, quam passiva terminatio, qua humanitate mediante à diuino verbo terminatur. Hæc enim passiva terminatio, constituit gratiam aptum, & idoneum diuinitatis instrumentum. Quæ aptitudo incommunicabilis est alteri gratiæ. Autores qui putant modum quemdam physica infinitatis resultare in Christi gratiam ex eius vnione ad verbum, contendunt etiam physicum hunc modum nulla potentia communicabilem esse gratiæ puri hominis. Verum ego nullam intueor rationem, neque eam authores prædictæ physicae entitatis assignant, ob quam non sit producibilis similis modus physicus in alia quacumque gratia. Nam cum modus ille non sit relatio, neque modum possit habere relationis, sed sit quædam absoluta entitas, nulla vero simili potest ratione suaderi, quod habeat formalem, & intrinsecam dependentiæ habitudinem ad vnionem hypostaticam quam tamen habet illa moralis dignitatis infinitas, quam nos tribuimus gratiæ Christi. Nam cum non tam sit formalis, quam personalis dignitas, ut dicebamus, necessum est intrinsece pendeat a personali verbi ad humanitatem vnione.

Quo circa de medio sublata hac physica infinitate, tota huius dubitationis difficultas ad intensiuam gratiæ perfectionem reuocari debet, quam cum omnes fere Theologi, etiam physice modalis infinitatis authores, finitam esse, & limitatam affirmant, ad omnes spectat huius difficultatis enodatio. Ac proinde iuxta communem omnium sententiam dicimus, quod si attendamus ad principia intrinseca gratiæ Christi physica, & ad omnem eius physicam dispositionem nulla est repugnantia, quod gratia puri hominis sit æque perfecta, imo & perfectior ipsa gratia Christi. Ex quo sequitur, quod secundum potentiam dei absolutam, gratia in pura creatura perfectior esse potest physica perfectione, quam ipsa Christi gratia. Sed tamen dico, quod si dei prouidentiam, & suauem dispositionem attendamus, duo sunt concedenda. Primum, quod quilibet homo iustus quantumcumque fuerit iustus & gratus deo, potest crescere in gratia, & iustitia, & hæc est fidei veritas in sessio. 6. Conc. Trid. can. 32 definita. Alterum est, quod nullus vnquam iustus perueniet ad perfectionem gratiæ, siue intensiuam, & gradualem, siue extensiuam, quæ habet gratia Christi, cuius ratio ea est, quod eius intensio, & per-

fectio

sectio physica tam est excellens, quod omnia opera cuiuscumque iusti, imo & omnium iustorum collectivè, non poterunt tantam gratiam mereri, ut adequet perfectionem gratiæ Christi, quia Deo ita disponente, neque per tempus, neque per occasiones operandi bene, licebit alicui, vel omnibus simul sumptis hominibus, & angelis tantâ mereri gratiâ, quamvis id fieri posset secundû absolutam dei potentiam. Vnde bene coherent, quod quilibet viator, quamdiu est in statu viæ positus, possit secundum ordinariam dei legem in gratia, & charitate crescere, & quod secundum ordinariam quoque, legem nulla cuiuspiam aut intellectualis, aut rationalis creaturæ gratia peruenire possit ad eum intensiōis gradum, in quo intensiōem gratiæ christi adequet. Ad ordinem enim diuinæ providentiæ spectat, vt ita viam harum omnium creaturarum dirigat, & disponat, vt non sit eis locus perueniendi ad illum sublimem, & excellentem gratiæ habitualis gradum, qui ex sapientissimo & rectissimo diuinæ providentiæ decreto, ab æterno designatus fuit supremo omnium earum capiti Christo. Et hæc de tota tertia questione.

QVÆSTIO QVARTA.

An Christus assequutus fuerit gratiam per propriam dispositionem,



Necquam proponantur argumenta, duo sunt præsupponenda ex doctrina S. Thom. 3. p. quæst. 34. art. 1. & 2. Alterum est, quod Christi anima in instanti incarnationis fuit sanctificata per gratiam habitua-

lem, imo & per gratiam consummatam quæ dicitur gloria, de qua re nonnulla in 1. quæst. diximus. Alterum est quod in illo primo instanti incarnationis, Christus vt homo, habuit plene arbitrium liberum, & potuit vti arbitrii libertate, & ob hanc causam, dum erat in vtero virginis appellatur vir in sacris literis, iuxta illud Hieremię 31. formina circundabit virum.

Quibus suppositis probatur primo pars affirmatiua. Christus accepit gratiam habitualement per actum liberi arbitrii, sed actus liberi arbitrii quatenus vel procedit a gratia, vel a speciali dei auxilio, habet rationem dispositionis ad ipsam gratiam: ergo, &cet. Maior ex fundamēto secundo præsupposito colligitur, nā Christus in illo primo instanti in quo gratiâ suscepit, fuit liber, & potuit habere vsū arbitrii.

Confirmatur ratione insinuat a S. Thom. loco citato art. 3. & 4. Sanctificari per actū liberi arbitrii multo perfectius est, quā sanctificari per solam gratiam habitualement, quia sanctificatio quæ est per vsū arbitrii, est simul actualis & habitualis, actus vero præstat habi-

ma perfectio: Ergo dicendum est quod Christus non fuit sanctificatus, ut sanctificarentur paruuli per solam infusionem habitualis gratie: sed sanctificatione adultorum, quæ & actu, & habitu constat.

Secundum argumentum. Primus parens in statu innocentie accepit gratiã simul cum natura in primo suæ creationis instanti, & tamen ut docet S. Thom. i. p. quæst. 93. per totam, accepit illam per dispositionem liberi arbitrij, & id ipsum fatetur idem S. Thom. de angelis i. p. quæst. 62. art. 2. ad 3. Ergo eadem ratione, imo & per locum a fortiori, Christi anima, & si suscepit gratiam in ipso suæ creationis instanti, accepit tamen illam per dispositionem liberi arbitrij. Et ratio communis est ad Christi animam, ad angelos & ad primum parentem quam assignat S. Thom. quæst. 95. citata, videlicet, quod sanctificatio animæ per gratiam est quodam spirituale matrimonium inter animã sanctificatam, & deum, iuxta illud. Osee. 2. desponsabo te mihi in fide, scilicet, viuificata per gratiam & charitatem: atq. a deo requiritur consensus liber ex parte ipsius animæ, sanctificatæ, qui ut ordine naturæ præcedit, habet rationem naturalis dispositionis ad gratiam, & hæc est ratio communis pro omni gratia.

Tertium argumentum pro eadem sententia. Christus in instanti suæ incarnationis habuit actum supernaturalem & liberum, quo dilexit deum, & homines, decreuitq. parere mandato patris circa redemptionem humani generis, mortem pro hominibus subeundo. Igitur ille actus potuit habere rationem dispositionis ad gratiam quam in eodem instanti accepit anima Christi. Sicut actus, quem habet is qui iustificatur in instanti suæ iustificationis, est dispositio ad gratiam, quæ in eodem instanti infunditur: actus. n. contritionis quem Theologi vocant dispositionem ad gratiã iustificantem, in eodẽ instanti est cū infusione ipsius gratiæ. Antecedens patet ex illo Pauli ad Hebr. 10. & ps. 39. ingrediens in mundum dixit ecce venio, deus meus volui, & subiunxit Paulus, qua voluntate sanctificati sumus. Quo in loco duo colliguntur ex D. Paulo. Primum, quod ille voluntatis actus quo Christus voluit obedire patri circa subeundam mortem, fuit habitus in ipso incarnationis instanti. Hoc enim designant illa verba ingrediens in mundum, id est, in ipsa actuali ingressione, quæ fuit primum instans incarnationis. Secundum, quod ille actus fuit liber, quoniam fuit sanctificatiuus omnium hominum. Hoc enim denotant illa Pauli verba, qua voluntate sanctificati sumus: Ergo verum est antecedens propositum.

Quarto arguitur ex doctrina S. Thom. 3. p. quæst. 34. art. 4. quo loco S. Thom. docet Christi animam sanctificatam fuisse sanctificatione adultorum, scilicet, per liberum suæ voluntatis consensum, at liber voluntatis consensus in sanctificatione cuiuscumque hominis, dispositio

tio est ad ipsam sanctitatem, & gratiam, quod vnaquodque concedunt Theologi. Ergo, vera est ista sententia.

In hac quaestione antiquiores Theologi parum aut nihil dixerunt. Et quidem S. Tho. & si in loco nunc citatio absolute docuerit christum iustificatum fuisse sanctificatione adultorum, idest, interueniente liberi voluntatis consensu, nihil tamen expresse docuit de dispositione ad gratiam, imo neque meminit huius nominis, dispositio. Vnde eius discipuli in diuersas abierunt sententias. Mag. Scotus quem refert Mag. Medina, 3. p. q. 7. art. 3. sententiam negatiuam fuit amplectatus. at ipse Med. ibidem, & q. 34. art. 1. affirmantem sententiam tueretur, quam multi ex nouioribus thomistis sequuntur, existimantes eam esse S. Thom. doctrinam.

Sed nota primo, quod dispositio ad aliquam formam duplex esse potest. Altera præcedens ipsam formam, siue tempore, siue natura, iuxta quem modum calor solet vocari dispositio ad formam ignis, & contritio dispositio ad gratiam. Altera concomitans, idest, quæ nullatenus formam præcedit, neque temporis, neque naturæ prioritate, sed concomitatur ipsam formam in instanti productionis eius, & necessaria est non vt forma introducatur in subiecto, ad quod deferunt dispositio antecedens, sed vt forma bene se habeat in subiecto, in quo suscipitur. Potentiæ naturales, & propriæ passionēs, quæ simplici emanatione prodeunt a forma substantiali, solent appellari dispositiones concomitantes propter istam causam, quia, videlicet, non disponunt ad introductionem formæ in subiecto, sed ad bene esse ipsius formæ in tali subiecto, vt scilicet, operetur iuxta modum sibi proprium, & connaturalem, & subiectum habeat in omnibus modum proportionatum ipsi formæ. Superius dicebamus cum S. Thom. quod gratia habitualis iuxta istum modum posteriorem, fuit in Christo dispositio ad vniōem hypostaticam.

Nota secundo quod si in Christi anima fuit aliqua dispositio ad gratiam suscipiendam quæ nomen dispositionis vere mereatur, debuit esse actus supernaturalis & liber; Supernaturalis quidem vt ipsa Christi animam redderet proportionatam, & eiusdem ordinis cum gratia suscipienda: liber autem vt gratia reciperetur in anima proportionabiliter ad naturam ipsius. In his enim duobus consistit propria ratio dispositionis ad formam, nimirum, quod subiectum proportionetur ipsi formæ, & quod forma accomoderetur ipsi subiecto, & ad modum eius recipiatur. His suppositis sit.

Prima Conclusio.

In Christi anima reperitur vera dispositio ad gratiam habitualem;

si ser-

si sermo fiat de dispositione concomitante, per quam bene se habeat gratia in anima in qua suscipitur. Hanc conclusionem probant argumenta facta pro sententia affirmatiua. Et confirmatur, charitas & ceteræ supernaturales virtutes, quæ simul fuerunt infusæ cum gratia in anima Christi, potuerunt exire in proprias operationes in eodem instanti quo fuerunt infusæ, sicut sol in eodem instanti suæ creationis se exercuit in illuminationis actum erga corpus diaphanum: Ergo in instanti infusionis gratiæ Christi, ipsa Christi anima prodijt in operationes supernaturales & liberas, atque adeo habuit dispositionem concomitantem gratiam: quia ad rationem dispositionis concomitantis gratiam hæc tria sufficiunt, scilicet, quod sit in eodem instanti infusionis gratiæ, quod sit supernaturalis, & denique quod sit operatio libera. Hæc conclusio facile colligitur ex 3. p. loco nunc citato, nam licet S. Tho. non faciat expressam mentionem de dispositione ad gratiam Christi, implicite tamen, & virtualiter illam statuit, quatenus dixit Christi animam sanctificatam fuisse per proprium actum, sicut sanctificantur adulti.

Secunda Conclusio.

In Christi anima nulla fuit dispositio antecedens gratiæ infusionem, nec temporis, nec nature prioritate. Hanc conclusionem docuit Mag. Sorus, qui præcedentem non negauit. Et inter Theologos nouiores non desunt quibus hæc conclusio placeat. Et probatur primo ratione a posteriori. Ex opposita sententia sequeretur quod Christus meruerit, & quidem de condigno, imo de rigore iustitiæ suam gratiam, & consequenter gloriā animæ suæ. Consequens non admittitur a Theologis peritioribus. de quo & inferius quæst. 5. dicemus: ergo, & ceter. Minor supponitur, & probatur Sequella. Actus, quo Christi anima disponderetur ad gratiam dispositione antecedenti esset actus supernaturalis, liber, & procederet a supposito infinite grato: Ergo in illo priori naturæ quo antecederet habitualement gratiam, esset simpliciter meritorius de condigno. Rursus. Ergo mereretur ipsam gratiā posterius natura conferendā animæ Christi: Prima consequentia apparet euidenter, præsertim si supponamus, id quod quæst. sequenti probabitur, videlicet, quod gratia habitualis in christo non fuit simpliciter necessaria admerendum, sed satis erat ipsa gratia vnionis. Posterior consequentia probatur. Nihil deerat illi actui quominus esset meritorius gratiæ, & gloriæ animæ, quia habebat omnia requisita ad rationem meriti, ut ex priori consequentia constet, & gratia posterius natura infundenda, poterat habere rationem præmij: quia ad rationem præmij non est necesse quod sit posterius tempore merito, sed

ut fuerit q. sic natura postèrius: ut patet in augmento gratiæ quod meretur homo iustus, hāc in eodē instāti cōfèrtur, in quo illud meretur: ergo nulla vero simili ratione posset negari, quod christus mereretur suā gratiam, si admittamus antecedentem dispositionem ad ipsam.

Huic argumento respondent quidam Theologi, quod actus ille supernaturalis ordine naturæ præcedens gratiam: idcirco nō mereretur gratiam, aut gloriam animæ Christi, quia uon fuit ordinatus adeo ad huiusmodi præmiū: sed tantum ad gloriam corporis Christi, & ad gratiam & ad gloriam nostrā, & ad reliqua supernaturalia bona quæ nobis per Christum obueniunt. Hæc tamen solutio est omnino voluntaria, & qua facilitate dicitur eadem rejicitur: Quoniā si in illa Christi operatio habet omnia requisita, ut possit esse meritoria gratiæ, & gloriæ animæ Christi, qua probabilitate dicitur, quod non fuit ordinata adeo ad huiusmodi præmiū, præsertim cū hæc operatio si p illo signo naturæ quo antecessit gratiā habitualē fuit meritoria, fuit etiā infinite meritoria, atq. adeo nō debēt excludi a ratione præmij, respectu talis operationis, gratia habitualis christi, & gloriæ animæ illius.

Secundo probatur conclusio. Operatio libera Christi quæ potuit habere rationem dispositionis ad gratiam eius habitualement, præsupponit in Christo ipsam gratiam simpliciter, & absque vlla limitatione. Ergo non potuit esse prior ipsa gratia, atque adeo neque habuit rationem antecedentis dispositionis. Probatur antecedēs. Solus actus charitatis liber potuit esse sufficiens, & vltima dispositio ad gratiam in anima Christi, sed actus charitatis liber in Christi anima præsupponit gratiam iam habitam, neq. potuit ad ipsius gratiæ infusionē & introductionem ordinari: ergo. Probatur minor. In Christi anima actus charitatis potuit esse liber dñplicitèr tantum. Primo, secundū quod, regulatur non per visionem beatam, sed per scientiam infusam quæ est cognitio extra verbum. Secundo. Idemmet qui regulatur & quatenus regulatur per scientiā beatā, sed non ut formalitèr attingit deum in semetipso, sed ut attingit deum quatenus est ratio diligendi creaturas, & obseruandi ea præcepta quæ nō habent intrinsecā conuersionē cum statu beatifico, quale fuit præceptū moriendi itaq. idemmet actus charitatis regulatus per visionē beatā, est simpliciter necessarius prout fertur in diuinam bonitatem secundum se sumptam, & est liber, saltem quoad exercitium, prout fertur in eādem diuinam bonitatem, ut est ratio amandi creaturas, & implendi prædicta mandata. Tunc sic. Vterq. iste actus liber præsupponebat necessario gratiam in anima Christi, quod sic explico. Nam si erat actus charitatis regulatus per scientiā infusam animæ Christi inditā, præsupponebat necessario secundū ordinariā dei potentiam scientiam beatam, quoniā scientia infusa in intellectu beati cōsequitur ad ipsā visionē beatā, ut effectus

eius: vt. 1. p. q. 12. solet explicari. Visio autē beata præsupponit gratiā, non. n. confertur hæc diuina operatio, scilicet, visio beata nisi animæ assumptę per gratiam ad participium naturę diuinę. Operatio enim diuina postulat in operante participium diuinę naturę. Vnde non reputo probabilem sententiam quam refert Mag. Med. 3. p. quęst. 7. art. 13. quę affirmat visionem beatam animę Christi præcessisse infusionem habitualis gratię. Si vero loquamur de actu charitatis regulato per scientiam beatam, quatenus attingit bonitatem diuinam, vnde est ratio amandi creaturas, talis operatio similiter præsupponebat ipsam scientiam beatam, & amorem charitatis proueattingit diuinam bonitatem in seipsa: Ergo similiter præsupponebat infusionem gratiā, atq. adeo nulla ratione potuit esse dispositio antecedens ad ipsā.

Tertio probatur conclusio, Gratia habitualis collata fuit christo ex debito connaturalitatis, vt supra exposuimus: Ergo non fuit illi collata ex vi libere dispositionis voluntatis eius. Videtur euidens hæc consequentia, quia repugnant ista duo, quod aliquid detur propter debitum naturę, & similiter propter liberam dispositionem: Quia libertas contraponitur naturę. Vnde non mihi placet quod dicit Mag. a Med. 3. p. q. 34. art. 1. videlicet. christi gratiam fuisse eius animę collatā duplici titulo: Et titulo connaturalitatis admodū proprię passionis consequentis hypostaticā vnionē, & titulo libere dispositionis. Nā isti duo tituli habent mutuā repugnantiam; Et quidē improbabiliter quispiam diceret, q. risibilitas quę oritur in homine ex naturali essentia per modū connaturalis proprietatis & passionis, habet in sui productione dependentiā ex actu libere voluntatis humanę. Oritur. n. per modum naturę, & per modū libertatis est implicatio in adiecto.

Quarto probatur. Multo perfectius fuit Christi animæ habere gratiam per modum naturę, quam per modum libere dispositionis, nam assimilari deo naturaliter est maxima perfectio quę potest fingi in natura creata, sed animæ Christi tribuendus est ille modus sanctificationis, & gratificationis q. magis est perfectus: Ergo tribuenda est illi gratia nō ex vi dispositionis, sed ex debito connaturalitatis ei collata.

Vltimo probatur conclusio. Iustificatio animæ Christi facta per gratiam habitualem, non habuit rationem spiritualis matrimonij celebrati inter animam christi & deum si proprie loquamur: Ergo illa ratio quam retulimus ex S. Thom. propter quam requiritur dispositio antecedens ad gratiam iustificantem tam in angelis, quam in hominibus, quę desumitur ex ratione spiritualis matrimonij mutuū exposcentis consensum, non habet locum in Christo. Antecedens probatur. Gratia Christi fuit quodam ornamentū quasi consequens naturaliter ad matrimonium illud excellens, quod celebratum fuit inter Verbum, & humanitatem assumptam: Ergo non habuit proprie loquen-

loquēdo rationem spiritualis matrimonij sanctificatio facta per gratiam, neque enim oportet fingere duo spiritualia matrimonia. Fatcor libenter, quod a actus liberi arbitrij in Christo fuit quidam approbationis consensus matrimonij per hypostaticam vnionē celebrati: sed ex hoc nullam præcedentis dispositionis rationem induit.

Ex omnibus dictis supersunt soluta argumenta facta a principio quæstionis, quæ ut plurimum probant, gratiam christi secum attulisse liberum uoluntatis consensum, qui habuit rationem concomitantis dispositionis, neque S. Thom. quidquam aliud docuit, si quando insinuauit necessariam fuisse dispositionem in Christi anima ad eius gratiam habitualement. Estq; illi satis in usu: concomitantem dispositionem appellare simpliciter dispositionem. Et ita quamuis, ut supra ostendimus, ipse docuerit nullam præcessisse dispositionem in Christi humanitate ad gratiam vnionis: quam sæpius tamen in 3. p. q. 6. & 7. docet, gratiam habitualement, & gloriam animæ Christi fuisse dispositionem ad gratiam vnionis. Quibus in locis loquitur de dispositione concomitante.

QVÆSTIO QVINTA.



Sequitur quinta principalis quæstio, in qua disputandum est. Verum habitualis gratia fuerit simpliciter Christo necessaria ad exequendum ipsa Redemptoris munia, nimirum, ad merendum & sibi, & nobis, ad satisfaciendum deo pro vniuersis humani generis peccatis, &c.

Multa eq; grauissima possemus recensere in præsentia redemptionis officia, quibus verbum caro factum dum mirasplēdescens gloria plenū gratiæ, & veritatis habitauit in nobis, ipsam humani generis salutem operatum fuit in medio terræ. In cuius cōsuetudine etiā nunc ad dexteram patris sedens assidue persistit: ad vocatū. n. inquit. S. Ioa. 1. c. 14. v. 2. habemus apud patrē, &c. Verū tamē in disputatione præsentis, de gemino tantum redemptoris officio satisfactio, scilicet, & merito, idcirco meminimus, quia in his potissimū infinita Christi gratiæ virtus seipsam explicuit. Essetq; præterea opus nimis, & pene infinitū opus sigillatim recensere vniuersa christi saluatoris & redemptoris opera, exactamq. omnium eorum tractationem absolvere. Quoniam autem ista quæstio non poterit non esse longiuscula, idcirco tota eius disputatio ad tres articulos est reducenda. In primo disputabitur id quod in ipso quintæ quæstionis titulo prima specie proponitur. In secundo, de christi satisfactione agendum erit. In tertio denique de ipsius merito tractabitur.

ARTICVLVS PRIMVS

In primo igitur articulo priusquam argumenta præcipua in utrâq; partem proponam, & diuersa theologorum referam placita: aduertendum esse duxi, non defuisse theologos graues quibus videtur subscribere Mag. Med. 3. p. quæst. 7. art. 1. in fine, qui asseruerunt, quod si verbum humanitatem assumeret omni & habituali, & actuali supernaturali auxilio destitutum, posset Christus nihilominus per intellectum, & voluntatem, & reliquas humanæ naturæ potentias in eas omnes supernaturales actiones prodire, quas nunc defacto operatur: ita quod essent supernaturales simpliciter, quantum ad physicam etiam substantialem ipsarum entitatem.

*Non ad actionem separatam
sunt huiusmodi actiones
sicut sunt actiones
sicut sunt actiones*

Fundamentum huius sententiæ in hoc consistit. Ad exercendum supernaturales actiones non sunt simpliciter necessarij habitus infusi, sed sufficit auxilium dei speciale actuale secundum communem Theologorum sententiam: sed vnio hypostatica humanitatis ad verbum, multo excellentius principium est supernaturale, quam auxilium quodecumq; speciale, quia exui hypostaticæ vnionis diuinum verbum quatenus est suppositum humanæ naturæ, comprincipium est omnium operationum ipsius naturæ simul cum ipsa elicitiuum: Ergo Christus, vt homo, poterat exequi exui solius hypostaticæ vnionis quamcumque supernaturalem actionem. Cæterum hæc sententia merito displicet multis Theologis huiusque grauissimis.

Primo quia expressa est doctrina. S. Th. contra hanc sententiæ, 3. p. q. 7. art. 1. ad 2. vbi inquit quod præter gratiam vnionis necessaria fuit humanitati Christi gratia habitualis, vt operatio ipsius humanitatis, esset perfecta, id est, vt esset supernaturalis, & diuini ordinis: Quæ explicatio aperte constat ex præcedenti solutione ad primū, in qua dixerat. S. Th. gratiam habitualem fuisse humanitati Christi necessariam, vt illam constitueret diuinam per participationem.

Secundo. Suppositū non operatur nisi iuxta facultatē, & vim eius naturæ cuius est suppositū: Ergo diuinum verbum, prout est humanitatis suppositum, nō operatur nisi iuxta perfectionem, & virtutem humanitatis, & potentiam eius: atque adeo si humanitas non esset perfecta, & eleuata per gratiam, & per habitus supernaturales, aut per auxilia supernaturalis ordinis, omnis operatio quam exerceret verbum prout suppositum est humanitatis, ordinis esset naturalis simpliciter, & secundum substantiam.

Confirmatur. Substantialis species cuiuscūq; actionis nō desumitur ex supposito operante, sed ex principio proximo formali efficiēti, v. g. species calefactionis sumitur ex calore q. est proximū, & formale principium.

ciplum ealefactiuum. Ergo specifica substantia operationum Christi non est pensanda ex diuino verbo, quod est suppositum operis, sed ex proxima, & formali dispositione, ipsius humanitatis, & potentiarum eius, atq. adeo si ab humanitate secludamus omnem formalem dispositionem, & vim supernaturalem, operationes Christi non essent supernaturales simpliciter, etiā quantum ad specificam earum substantiam. Hac ergo sententia de medio exposita, probatur pars negatiua questionis, videlicet, quod gratia non sit necessaria simpliciter in Christo ad merendum a deo supernaturalia, celestiaq. bona, & ad satisfaciendum ipsius deo pro vniuersis hominum culpis. Sitq. primum argumentum Christus gratia semota esset simpliciter gratus deo, non solum vt deus, sed etiā vt homo, quia infinita gratitudo verbi communicatur humanæ naturæ in Christo communicatione personali: Ergo operationes Christi essent simpliciter gratæ deo, & ex consequenti essent meritorie.

27. Confirmatur ex eo, quod superius questione prima in dubio circa solutionem primi arguenti disputato diximus, & probauimus, gratitudinem, & sanctitatem personalem in Christo, ut homine, perfectiorem esse & maiorem simpliciter in ratione sanctitatis, & gratitudinis ea sanctitate, & gratitudine formali, quam ei confert habitualis gratia: ergo si sanctitas, & gratitudo formalis sufficiens est ad meritum, & satisfactionem, a fortiori sufficiens erit in Christo sanctitas, & gratitudo personalis.

Secundo arguitur. Probabilis est theologorum opinio, quæ assertit, quod opera hominis iusti bona moraliter quæuis neq. actus, neq. virtute referatur in supernaturalem finem, sunt simpliciter meritoria eterne vite, eo solū, quia procedunt ab homine grato; & accepto ipsi deo. Ergo a fortiori hoc esset dicendum de Christi operationibus moraliter bonis, quia procederet supposito infinite grato, & accepto deo: ergo, &c.

Tertio. Operationes illæ a Christo productæ essent infiniti valoris coram deo: Ergo essent meritorie cuiuscumq. personis, quātūcūq. excellentis, & supernaturalis ordinis: consequentia apparet euidenter, quia operatio habens infinitum valorem magna est ex propria sui ratione cuiuscumq. excellentis meriti. Antecedens vero probatur. Modo operationes productæ a Christi humanitate, idcirco sunt infiniti valoris, quia procedunt a supposito infinite grato; & non quia eliciuntur ad habitum charitatis, vel habitum gratiæ, vel a quouis alio infusa virtute, sed hæc ratio infinitatis suppositi eadem manet tota in illo casu: Ergo, &c.

Pro contraria vero sententiā arguitur primo. Operationes elicitæ a Christi humanitate seclusa gratia habituali, & omni supernaturali adiutorio essent simpliciter naturales, & non diuini, & supernaturalis ordinis: Ergo non essent proportionatæ supernaturali premio, atq. adeo, neque essent meritorie talis premij. Contē quæstio

*Haec pro facie est
simpliciter meritum ad
eternam vitam*

27.

est

est manifesta, quia operatio naturalis improporcionata est supernaturali fini, & premio. Antecedens uero constat ex confutatione sententiae, quam a principio huius quintae quaestionis efficacissimis, ni fallor, rationibus expugnauimus.

Confirmatur ex illo Genesis 4. respexit dominus ad Abel, & ad munera eius, quo loco dicitur deum non solum ad dignitatem Abelis offerentis sacrificium respexisse, sed etiam ad munera eius, id est, ad qualitatem, & dignitatem ipsorum: Ergo ut opera Christi domini sint meritoria coram deo, non satis fuerit dignitas ipsius Christi operantis, sed necessum est, ut eius operationes sint proportionatae premio, & dignae quae accipiantur, & acceptentur a deo pro tali premio. Hoc autem non reperitur in operationibus Christi, si omnem habitum supernaturalem, & omne speciale dei auxilium ab eius humanitate secludamus.

Secundo arguitur. Seclusa habituali gratia a Christo, Christus, ut homo, non esset simpliciter gratus deo: Ergo neque eius opera essent simpliciter deo grata, atque adeo neque essent meritoria: probatur antecedens. Esse gratum deo est formalis effectus habitualis gratiae: Ergo habituali gratia semota a Christi humanitate, christus, ut homo, non esset simpliciter gratus deo. Quia effectus formalis alicuius formae non est ab ipsa separabilis, neque potest sine ipsa reperiri in aliquo subiecto.

Tertio arguitur. Charitas autore S. Th. 12. q. 14. art. 3. est prima radix totius meriti coram deo, sed gratia habitualis a Christi humanitate semota non maneret in ea charitas: Ergo non maneret in christo prima radix meriti, atque adeo nec posset mereri.

Ultimo tandem haec sententia probatur autoritate. S. Th. q. 25. de veritate art. 1. ad 4. ubi expresse docet, quod praeter gratiam unionis necessaria fuit in christo ad merendum gratia habitualis, & id ipsum fere dicit in solutione sequenti ad 5. & insinuat eand. doctrinam 3. p. q. 7. art. 1. in solutionibus ad 1. & 2.

In hoc dubio diuersae sunt theologorum sententiae. Prima affirmat gratiam habitualement simpliciter, & secundum omnem potentiam fuisse necessariam Christo ad merendum premium supernaturalis ordinis: Nam de huiusmodi premio sic tota praesens disputatio. Hanc docet Dur. in 3. d. 18. cap. 10. dist. 19. Briedo, de captiuitate, & redemptione generis humani, tract. 2. c. 2. parte 3. Et inter theologos nouiores quibusdam placuit haec sententia.

Est alia secunda sententia, quae in alio extremo docet, habitualement gratiam non fuisse Christo necessariam ad merendum. Vnde inquit haec sententia, quod si verbum assumeret humanitatem in puris naturalibus, eius bonae operationes essent meritoriae gratiae, & gloriae, & alio-

aliorum supernaturalium bonorum, quæ christus nobis de facto meruit. Hanc docet Soto 3. lib. de natura, & gratia, cap. 6. & in 4. d. 19. q. 1. ar. 2. & Mag. Vega. super conc. trid. lib. 7. c. 6. & Mag. Medina loco citato. Non negant auctores huius sententiæ, quod secundum suam dispositionem dei, ac proinde secundum ordinariam dei potentiam, sit necessaria gratia habitualis in christo ad merendum, ut eius operatio meritoria sit vndequaq. perfecta, & ex parte suppositi operantis, & ex parte naturæ humanæ, quæ est proximum principium ipsius operationis. Nam istam posteriorem perfectionem non haberet christi operatio seclusa habituali gratia ab eius anima, ut docuit S. Thomas 3. p. questione 7. articulo 1. ad 2. esset tamen perfecta perfectione desumpta ex supposito operante, quæ perfectio in esse moris est infinita, ac proinde sola ipsa sufficeret si rigurose loquamur, ut Christi operatio esset meritoria gloriæ, & aliorum supernaturalium bonorum.

Tertia sententia media est, quæ docet duo. Primum est, quod si loquamur secundum potentiam dei ordinariam, & consideratis rerum naturis, operatio christi non est meritoria seclusa habituali gratia ab ipsa Christiania anima. Secundum est, hæc eadem christi operatio posset esse meritoria supernaturalium bonorum, secundum potentiam dei absolutam. Differt hæc sententia tertia a præcedenti, quod sententia præcedens quamvis dicat necessariam fuisse habitualem gratiam in christo, ad merendum secundum potentiam dei ordinariam, hanc tamen necessitatem dicit fundari tantum in quadam congruentia, scilicet, ut opus meritorium christi esset vndequaq. perfectum. Non tamen fundatur in intrinseca dispositione rerum. Fatetur enim illa secunda sententia, quod christi operatio seclusa omni habituali gratia, digna esset ex semetipsa ut acceptaretur a deo tanquam meritum celestium bonorum, propter dignitatem infinitam moralem, quæ illi cõuenit ex supposito operante. Vnde infert, quod si miraculose, & præter regularem ordinem gratiæ separemus habitualem gratiam a christi humanitate, operatio christi esset nihilominus meritoria sicutimodo est, nisi interueniret aliqua dispositio, seu lex diuina, quæ oppositum disponderet, & decerneret.

Cæterum tertia sententia gratiæ habitualis necessitatem ad meritum, fundat non in sola congruentia maioris perfectionis, neq. in aliqua lege extrinseca dei, sed in ipsis naturis rerum. Afferit enim, quod operatio christi non procedens ex gratia habituali, non haberet ex semetipsa proportionem sufficientem cum supernaturali præmio, atq. a deo ex seipsa non esset digna tali præmio, & ex consequenti, nequæ esset eius meritoria. Addit tamen hæc sententia, quod huiusmodi christi operatio, propter dignitatem moralem quæ illi cõpetit ex parte suppositi, apta nata fuit, ut acceptaretur a deo acceptione quadam

dem extenta, & meritum celestium bonorum. Et ob hanc causam dicit, quod secundum absolutam dei potentiam posset Christus mereri eterna bona, nonni habituali gratia ab eius humanitate semota.

Quarta sententia est, quæ duo dicit. Alterum est, quod seclusa gratia à Christi humanitate, & seclusis vniuersis supernaturalibus donis, & habitualibus, & actualibus, ita quod humanitas Christi maneret in puris naturalibus, Christi operatio non esset meritoria supernaturalium bonorum. Alterum est, quod seclusa habituali gratia ab essentia animæ Christi, si ex parte intellectus, & voluntatis poneretur aliis supernaturalia auxilia siue actualia, siue habitualia, quæ essent principia supernaturalium actionum, quorum virtute humana Christi voluntas referret actiones suas in deum finem supernaturalem, & obiectum supernaturalis charitatis, Christi operatio esset simpliciter meritoria supernaturalium bonorum, sicuti fuit de facto per gratiam habitualem.

Pro decisione huius dubij. Nota duas condiciones esse simpliciter necessarias, ut aliqua operatio sit vere, & proprie meritoria alicuius præmij determinati. Prima quod secundum se sit condigna talis præmij, id est, quod valeat tantum quantum valet ipsum præmium. Ex quo sequitur, quod si deus libera sua voluntate promitteret vitam æternam homini constituto in puris naturalibus si bene operaretur intra limites rationis naturalis, operatio qua ille homo merebatur æternam vitam, si proprie, & rigurose loquamur, non esset simpliciter meritoria æternæ vitæ, sed absolute fatendum est, quod illi homini daretur eterna vita gratis, & sine merito ex sola dei libertate. Et quis ibi intercederet aliquod debitum inter deum conferentem vitam æternam, & hominem bene operantem, verum illud debitum non pertineret simpliciter ad rationem meriti, & præmij, eo quod opus, quod non esset proportionatum æternæ vitæ, non posset inducere huiusmodi debitum, neque esset eius capax, sed tantum pertineret ad fidelitatem diuinæ promissionis, & firmitatem diuinæ legis, ita quod Deus potius deberet sibi, & sue fidelitati, quia fidelis est, & seipsum negare non potest, quam homini sic operanti.

Ex ista prima conditione meriti colligo falsam esse tertiam sententiam ex recensitis a nobis. Contra quam sic argumentor.

Vel operatio Christi, quæ procederet (omni gratia habituali semota) esset secundum se digna celestis præmij, & illi proportionata, vel non. Si primum dicas. Ergo hæc sententia tenetur admittere cum autoribus secundæ opinionis, quod gratia habitualis simpliciter, & ex natura rei non erat Christo necessaria ad merendum, sed tantum est necessaria ex quadam congruitate, quam deus attendit in omnibus rebus, secundum ordinariam, & suauem dei dispositionem. Si vero se-

secundum dicas; ergo, & secundum absolutam dei potentiam Christi operatio non posset esse simpliciter, & proprie meritoria celestis præmij. Probo consequentiam, quia tali operationi deesset prima conditio assignata, quæ necessaria est ad rationem meriti. Itaque si deus per absolutam potentiam suam veller Christo conferre supernaturalem præmium propter illam operationem, collatio talis præmij reuera non responderet merito, sed extrinsecæ legi, & promissioni diuinæ, & nullum ibi interueniret debitum meritorium, sed debitum fidelis promissionis diuinæ: atque adeo collatio celestium bonorum proprie non habet rationem præmij, sed cuiusdam fidelis retributionis.

Secunda conditio ad meritum requisita est, quod operans referat suam operationem saltem virtualiter, & implicite ad ipsum præmiantem, & ad præmium ab eo suscipiendum. Nā quamuis operetur quis aliquod opus bonum, & ex se dignum magno præmio, nihil tamen merebitur tali opere, nisi illud referat in bonum præmiantis, & vellit propter illud opus rependatur præmiū aliquod. Ex hac cōditione requisita ad rationem meriti, infero falsam esse secundā sententiā, quatenus dicit operationem Christi ex puris naturalibus procedentem omni supernaturali principio, & actuali, & habituali secluso, esse simpliciter meritoriam supernaturalis præmij.

Hanc sententiam sic impugno. illa Christi operatio cum esset simpliciter, & secundum substantiam ordinis naturalis non referretur ab operante neque formaliter, neque virtualiter ad deum Autorem, & præmiantorem supernaturalem, neque vero in aliquod supernaturale præmium: Ergo deest illi necessaria conditio, ut esset simpliciter meritoria præmij supernaturalis.

Non desunt quidam theologi graues, quibus hæc secunda conditio meriti non placet, existimantes ad rationem meriti non esse necessariam relationem siue formalem, siue virtualem in deum præmiantorem, & in supernaturale præmiū, sed satis esse quod ipse operans sit gratus, & acceptus deo. Vnde inferunt, quod omnia bona opera moraliter, etiam si solo affectu bono moraliter absque ulla supernaturali relatione fiant, sunt meritoria coram deo, si procedant ab homine existente in gratia; Quæ plane sententia valde pia est: sed mihi non apparet vera, quia, ut supra dicebamus, respexit dominus ad Abel, & ad munera eius, itaque munera, id est, merita præmianda a deo, debent esse supernaturalis ordinis, & supernaturali proportionata præmio.

Præterea: etsi admittamus hanc piam sententiam, adhuc inde non colligitur, quod opera bona Christi essent meritoria, si ab ipsa Christi humanitate omnem supernaturalem habitum, & omne supernaturale adiutorium secludamus: Quoniam in homine iusto operante

bene moraliter natura humana, quæ est principium proximum bonarum operationum per gratiam, & charitatem est habitualiter relata in supernaturalem finem, quam habitualement relationem participant opera ipsa moraliter bona. At si verbum assumpsisset humanitatem omni supernaturali dono destitutam, Christi humanitas nullam in se haberet supernaturalem ordinationem in finem supernaturalem, atque adeo eius operationes quantum ad ipsarum substantiam essent simpliciter ordinis naturalis, & consequenter non essent meritoria supernaturalis præmij. Neque satis fuerit dicere, quod illarum operationes essent supernaturales, supernaturalitate, morali, idest, morali dignitate ex supposito diuino participata, quoniam præmium, V. g. vita æterna non solum est naturale secundum entitatem moralem, sed etiam secundum ipsam physicam substantiam. Meritum autem debet esse proportionatum præmio, atque adeo non solum moraliter, sed etiam secundum substantiam physicam debet esse supernaturalis ordinis.

Ex quatuor Theologorum opinionibus in quarum expositione hæcenus versati sumus, quartam sententiam cæteris præferendam esse censemus, secundum quam fatemur, quod ex parte operantis non fuit Christo necessaria simpliciter habitualis gratia ad merendum, sed sufficiens erat ipsa gratia vnionis, secundum quam christus vere & proprie, etiam ut homo, est gratus, & acceptus deo, non gratitudine participata, idest, per quam natura humana sit particeps humanæ naturæ, nam hæc gratitudo est formalis effectus habitualis gratiæ, & quidem primarius, sed gratitudine personali, quæ in hoc consistit, quod ipsum esse personale diuinum ex ineffabili dilectione dei communicatum fuit humanitati, ita quod esse personale verbi est ipse humanitatis esse, & diuinum verbum est vere suppositum humanum. Vnde hæc personalis gratitudo quantum, est ex parte operantis, sufficiens erat ad rationem meriti. Cæterum ex parte operationis necessaria fuit supernaturalis relatio ad Deum supernaturalem remuneratorem, & ad ipsum supernaturale præmium. Quam relationem operatio christi humana non potuit participare ex sola gratia vnionis, sed necessum illi fuit aliquod supernaturale principium proximum, vel habituale, vel actuale, quod haberet rationem proximi, & formalis principij ipsius operationis effectiui.

Ex hac sententia solvuntur argumenta posita pro vtraque parte principalis dubij. Priora enim argumenta probant sufficienter, quod ex parte operantis sufficiebat ipsa vnionis gratia, & non erat simpliciter necessaria gratia habitualis, sed tantum ex suavi dei dispositione.

Posteriora vero argumenta videntur convincere, quod ex parte ope-

operationis erat necessaria supernaturalis relatio in deum authorem gratiae, ad quam relationem necessaria fuerunt Christo, aliqua supernaturalia principia ex parte intellectus, & voluntatis humanæ siue actualia, siue habitualia.

Sed rogar Quis. Num si christus opera sua retulisset in supernaturalem quempliam finem quadam humana fide cognitum, & non aliquo supernaturali lumine, ita quod ex sola libera eius voluntate, & non ex aliquo speciali dei auxilio talis oriretur relatio, ex iustitia essent meritoria supernaturalis præmii? Ratio dubitandi pro affirmante sententia est. Quod cum Christus sit infinite gratus non potuit non pro sua reverentia exaudiri, & consequenter ex iustitia meruisset illud quodcumque bonum siue naturalis, siue supernaturalis ordinis in quod suam operationem referret. Respondeo. rem hanc esse dubiam: Sed mihi probabilius esse, quod si attendamus ad vim ipsius operis illud opus non esset in tali casu merito. riu alicuius supernaturalis præmij. Quia nõ esset opus supernaturale nisi ex parte tantum obiecti materialiter sumpti, atque adeo, neque esset satis proportionatum cum supernaturali præmio, quam proportionem diximus paulo ante necessariam fore ad propriam meriti rationem. Dixi, si attendamus ad vim operis, Quoniam cum voluntas christi humana nihil operari possit, nisi quod placitum esset diuinæ, si christus absoluta voluntate suam operationem in quodcumque bonum referret, talis relatio non posset diuinæ voluntati non esse accepta, atque adeo obtineret christus id quod tali operatione intenderet. Verum hoc non pertineret ad rationem meriti, & præmij, sed ad ipsam voluntatem diuinæ, & humanæ conformitatem. Crediderim tamen, quod si christi humanitas nullo supernaturali dono perficeretur, Christus per opera bona naturalis ordinis extoto iustitiæ rigore mereretur præmium ordinis naturalis in quod ipsa sua referret opera. Quia ibi esset proportio inter meritum, & præmium, & persona operans esset infinite accepta, & grata deo. Quæ infinitas gratitudinis, & acceptionis ad omne bonum, & naturæ, & gratiæ propter sui infinitatem omnimodam se extendit, & ad utrumque finem naturalem, & supernaturalem, &c.

ARTICVLVS SECVNDVS.

In secundo articulo differendum est de Christi Domini satisfactio-
ne. Quam tractationem tribus complectemur dubijs. In primo
disputabimus, an Christus vere, & proprie satisfecerit deo pro hu-
mani generis peccatis: ita quod actio Christi veram, & propriam sa-
tisfactionis rationem sortiretur. In secundo differemus, an Christi
satisfactio fuerit infinita in ratione satisfactionis. In tertio denique,
an fuerit exacta, & ex toto rigore iustitiæ.

Primum
dubium.

In primo ergo dubio principio proponam argumenta pro parte
negatiua. Primum argumentum. Christi satisfactio non fuit opus
veræ & propriæ iustitiæ: ergo non sortiebatur veram & propriam sa-
tisfactionis rationem. Huius consequentiæ vis cuiusque consi-
deranti erit facile manifesta: Quoniam sicut restitutio in materia pe-
cuniarū, aut census sua ratione actus est iustitiæ, ita satisfactio in ma-
teria honoris per iniuriam læsi suæ quoque natura est veræ iustitiæ
operatio: atque adeo si Christi operationi defuit vera & propria ra-
tio iustitiæ, necessum est ei quoque defuerit vera, & propria satis-
factionis essentia. Et quidem cum iustitiæ ratio sit generica, & ratio sa-
tisfactionis specifica, præfata consequentiæ vim habet manifestis-
simam: nam cui propriæ non competit ratio genericæ, haud propriæ
conuenire potest ratio illius speciei, quæ sub tali genere essentiali-
ter collocatur. Vt si fingas aliquod ens quod improprie est animal,
consequenter fateri teneberis, illud non sortiri propriæ specificam
hominis, aut equi rationem. Quo circa tota huius argumenti, imo,
& totius dubij difficultas in antecedentis probatione consistit. Vnde
probatur primo antecedens. Ad propriam iustitiæ rationem perti-
net quod sit ad alterum, sed Christi satisfactio non fuit ad alterum:
ergo non fuit propriæ iustitiæ actus. Maior communiter est à Theo-
logis, & moralibus Philosophis recepta, de qua legatur S. Thom.
22. quæst. 58. art. 2. Minor vero probatur, Christi satisfactio fuit
ad deum, & ad ipsummet Christum, satisfecit enim Deo, & sibi ipsi
pro vniuersis humani generis criminibus: ac Deus, vt Deus, non
est alter à Christo, & multo minus ipse Christus alter est à se ip-
so: ergo, &c. Dices quod Christus, vt homo, est alter à Deo sal-
tem secundum rationem, immo & est alter à se ipso, quia diuinum
verbum, vt suppositum naturæ humanæ, ratione differt a se ipso, pro-
ut est diuinæ naturæ suppositum, & ista rationis diuersitas, seu alteri-
ritas sufficit ad veram iustitiæ.

Contra hanc solutionem duæ se offerunt replicæ. Prima. Si sola
rationis diuersitas sufficit ad constituendam verā iustitiæ, sequitur
quod

quod inter diuersa membra eiusdem humani suppositi, V. c. inter manus & caput, vera possit reperiri iustitię ratio, at illud consequens nullus vel philosophorum, vel theologorū admittet: ergo, &c. Sequella apparet manifesta. Quia nihil aliud obstrare videtur, vt inter diuersa eiusdem suppositi membra nequeat vera iustitia reperiri, nisi vnitas ipsorum in eodem supposito, sed cum hac vnitate saluatur vera rationis diuersitas, quę ad veram & propriam iustitiam, iuxta solutionem assignatam, sufficit: ergo, &c.

Secunda. Esto ad veram, & propriam iustitię rationem sufficiat illa rationis alteritas, quam assignat statuta solutio, non tamen sufficit ad perfectam iustitiam. Nam si ad communem iustitię essentiam requiritur quod sit ad alterum, quanto minor fuerit alteritas inter eos inter quos versatur iustitię actus, tanto minus perfecta erit in ipso actu ratio iustitię. Ergo ex assignata solutione saltem sequitur, christi satisfactionē minus perfectam fuisse in ratione satisfactionis, quā sit illa satisfactio, quę inter duos homines reperitur.

Secundum argumentum quo idem probatur primi argumēti antecedens. Christi satisfactio, non fuit vere, & proprie opus iustitię legalis, aut iustitię distributiue, aut denique iustitię commutatiue, sed nō sunt alię iustitię species præter has tres commemoratas vt ex S. Tho. constat. 2. 2. q. 58. & sequentibus. Probatur maior. Et primo quod nō fuerit opus iustitię legalis probatione non eget. Iustitia namq. legalis, prout specialis virtus est a reliquis virtutibus distincta, inter ciues & reipublicam duntaxat versatur, neque cuiuspiam damni illati reparationem per se primo respicit, sed ipsam communis boni promotionem, quę sane ratio ad satisfactionem non pertinet, cuius proprium munus est illatam iniuriam reparare. Quod vero neque ad distributiua spectet iustitia, inde facile ostenditur, quod distributiua iustitia in communium bonorum dispensatione essentialiter consistit. In satisfactione autem Christi qua deo pro omnibus hominum criminibus satisfecit, nihil reperitur quod ad bonorum communium distributionem attineat. Denique quod non fuerit actus commutatiue iustitię sic probatur. Commutatiua iustitia inter e quales duntaxat versatur, nam sicut legalis iustitia est partium ad totum, & distributiua totius ad partes, ita commutatiua iustitia est partis ad partem. Sed Christus in quantum satisfecit deo pro vniuersis hominum peccatis, non fuit ipse deo equalis, quoniam satisfecit vt homo, ac proinde vt minor, & inferior deo; nam, vt deus, neq. miseris neque satisfacere potuit; ergo, &c.

Confirmatur primo vis huius argumēti quantum ad id quod attinet ad commutatiua iustitiam. Si christi satisfactio ad iustitiā pertinuit commutatiua, sequitur quod in Christo reperatur virtus iustitię

commutatiue erga deum, specie distincta ab vniuersis illis virtutibus moralibus, quæ in puro homine reperiuntur. Consequens apparet omnino falsum: ergo, &c. Sequella patet quia in puro homine nulla commutatiua iustitia reperitur erga deum, vt in confesso est apud vniuersos theologos. Minor vero probatur. Nulla virtus fuit in Christo quæ secundum speciem non posset in puro homine reperi, nam subiectum virtutum in Christo non est diuinum suppositum, sed humanitas quæ eiusdem est speciei cum humanitate cæterorum hominum, & eisdem prædita est potentijs, quæ eadem formalia respiciunt obiecta, & quæ eiusdem proinde virtutibus secundum speciem perfici possunt: Ergo si commutatiua iustitia in puro homine reperi nequit erga deum: neque illam possumus in Christi humanitate cominisci.

Confirmatur secundo. Si in Christo reperitur commutatiue iustitiæ virtus erga deum ad quam pertineat satisfactionis actus, sequitur quod si diuinum verbum humanitatem relinqueret, hæc virtus permaneret in ipsa humanitate a verbo relicta, atque adeo in homine puro posset esse iustitia commutatiua erga deum, possetque proinde purus homo satisfacere deo pro vniuersis hominum criminibus sicut Christus satisfecit. Consequens a nullo theologorum debet admitti, cum huiusmodi iustitia, & operatio ab ipsa procedens, vt dudum dicebam, inter æquales duntaxat reperiatur: ergo, &c. Sequella apparet manifesta, nam omnes virtutes quæ modo insunt humanitati Christi perseverarent in ipsa a diuino verbo separata, nisi aliud fingamus miraculum ab ipsa separatione verbi distinctum, quo habitus humanitati inhærentes ab ea separarentur: ergo, &c.

Tertio arguitur. Inter patrem & filium iuxta communem doctrinam ex Arist. 5. Ethic. cap. 6. desumptam, non est vera & propria iustitia, eo quod inter ipsos non est tanta distinctio quæ sufficit ad veram iustitiæ rationem, ob id quod filius est aliquid patris, sed multo minor distinctio est inter Christum & deum, imo & inter Christum & patrem: quia licet sint personæ realiter distinctæ, secundum personalem distinctionem, sunt tamen vnum essentiali vnitæ; Ergo Christi ad deum nulla potest esse iustitia.

Quartum argumentum. Peccatum originis pro quo porissimum Christus satisfecit, non fuit iniustitiæ peccatum, virtuti iustitiæ oppositum: Ergo satisfactio, qua christus debitam compensationem exhibuit deo pro isto peccato, non fuit iustitiæ actus. Consequentia apparet manifesta, nam per actum iustitiæ non reparatur nisi illud damnum, quod fuit per iniustitiam illatum. Antecedens vero probatur. Peccatum illud primum, vt constat ex historia qua Gen. 2. primi peccati perpetratio refertur, non fuit, nisi vel inobedientiæ, vel superbiæ,
vel

vel gulæ: aut certe triplicem hanc malitiam quasi per modum simplicis complexionis in una superbix malitia tamquam in superiore ratione complectebatur, neque vlla ibi iniustitię ratio interuenit: ergo, &c. Si dixeris illud inobedientię, aut superbix peccatum impliciter habuisse iniustitię malitiam, quatenus diuinum læsit honorem. Contra, sequitur quod vniuersa hominum peccata lædant iustitiam debitā deo, sintq. proinde omnia in iustitię peccata, consequens non est admittendum, non enim peccata in quibus tanta est specifica diuersitas confundi debent, & ad vnionē iniustitię vitium reduci, aliud enim est peccatum quod cōtra charitatem committitur ab illo quod temperantię aduersatur, & aliud est infidelitatis vitium ab eo quod committitur contra iustitię vel distributiue, vel commutatiue virtutem. Sequella autem est euident, quia omne peccatum mortale lædit diuinum honorem: Sicut de primo Adæ peccato affirmat prædicta solutio.

Quinto arguitur. Christus satisfecit deo pro peccatis nostris per actus multarum virtutum, obedientię, humilitatis, religionis, abstinentię, &c. vt cōstat ex diuersis studiosis actionibus in quibus Christus dum inter nos vixit se frequenter exercuit euangelica hystoria narrante, quæ omnia sine dubio Christus in satisfactionem, & compensationē pro humani generis delictis operabatur: Ergo christi satisfactio non fuit actus solius virtutis iustitię.

In oppositum autem est id quod Paul. 1. Corint. 1. dicit de christo, quod factus est nobis iustitia sanctificatio, & redemptio. Nam certe non ob aliud christus nobis fuit iustitia factus, nisi quia & iuste nobis celestia bona promeruit, & iuste pro vniuersis nostris peccatis satisfecit deo: promeruit bonum, satisfecit pro malo. Et huius distinctionis occasione, & ad hanc totam disputationem recto ordine inchoandam, principio breuiter explicandum erit, quo differant secundum communem rationem ista duo iustitię opera puta mereri, & satisfacere.

Notandum igitur est primo. Duobus potissimum meritum & satisfactionē differre. Primo quod meritum per se primo respicit bonum acquirendum: Satisfactio vero malum repellendum. Meremur enim mercedem & præmium, quæ boni, & finis rationem sortiuntur. Satisfacimus vero pro malo, & pro culpa admissa, in quo per se loquendo consistit satisfactiois ratio. Secundo differunt in eo quod meritum per se respicit bonum ipsius merentis. Essentialis namque iustitia meriti in eo consistit, vt quis det alteri id quod suum est, vt ab eo per modum præmij recipiat aliquid ex bonis ipsius præmiantis. Satisfactio vero, non respicit per se primo bonum, & commodum satisfaciētis, sed eius cui fit satisfactio, namque satisfactio per se primo destinatur,

gemina m distinguit malitiam, quā Theologi in 2. d. 35. cōuersionis, & auersionis nominibus explicant, ad miseram enim creaturam peccator conuertitur, & a deo summo bono affectum auocat, fruendis vitur, & fruitor vtendis, in quo dicente Augustino, omnis consistit morum peruerfitas.

Peccatum igitur, quantum ad prius quod infert malum, non est satisfactionis materia, nō enim satisfacimus deo pro peccato, prout malum nostrū est, nosq. priuat spiritali & cælesti animæ vita. Detrimentū enim, quod quis per propriū actū sibi intulit, nō est per iusticiā compensabile. Iusticia namq. ad alterū est, & nō ad ipsū qui opratur iniuste. Est autem satisfactionis materia ratione posterioris mali, quatenus videlicet iniuriosum est deo, diuinā quantum est ex se minuens gloriā ipsūque dei obscurans honorem: imo & eius totaliter imperium destruens: intenditque per se primo satisfactio recompensare deo pro iniuria, & offensa, quam mortale peccatum contra deum inuoluit. Fateor quidem quod hæc satisfactoria compensatio redundat secundo in destructionē totius mali, quod ipsummet peccatum peccatori intulit: namq. satisfactio placatus deus, hominem qui peccauit ad suam amicitia admittit, diuinā ei conferens iustificantiē gratiā, per quā perdita reparatur spiritalis animæ vita, æternam ei condonat poenam, quæ iniuriolæ auersioni, quæ per peccatum auersus erat a deo, respondet, sed & poenam quoq. sensus, prauæ ad creaturam conuersioni proportionatā, remittit. Loquor in præsentia de satisfactione in communi, non enim explicare intendo, An peccator satisfaciat pro culpa, & pro poena æterna per contritionis actum, an pro poena duntaxat temporalis, quam sensus poenam appellare solent Theologi, hoc enim alienum est à nostra disputatione definire, in qua de christi satisfactione duntaxat fit sermo: tantum ergo intendimus in his quæ diximus ipsam explicare satisfactionis vim, quam plenissime assecuta fuit christi satisfactio, quæ deo pro uniuersis humani generis peccatis satisfecit. His ita præhabitis sit.

Prima conclusio.

Absque figurata, & impropria locutione concedendū est, Christū ex iusticia satisfecisse pro uniuersis hominū peccatis. Sententiā huic veritati contrariā docuit quidam Petrus Abailardus affirmans diuinū verbi incarnationem, valde quidem nobis ad vitæ exemplū profuisse, nihil tamen ad redemptionem. Meminit huius erroris inter alios eiusdem hæretici, S. Bernardus epistol. 190. quem errorem confutauit ibi satis erudite, qui & ab Innocentio tertio in epistola ad ipsum Bernardum missa, quæ est 194. inter Bernardi epistolas

iustam damnationem accepit, & reuera hic fuit etiam Pelagianorum error qui peccatum originale non penitus cognouerunt, atque adeo existamarunt humanum genus minime indiguille redemptione à Christo faciendâ: Vnde, & eum redemptorem esse negauerunt, etiam legislatorem faterentur. Qui plane error contrarius fuit luteranorum hæresi qui è contra Christum redemptorem agnoscunt, sed minime legislatorem. Quem errorem S. Syno. Trid. sess. 6. can. 21. aperta definitione damnauit, & obiter etiam Pelagianorum, & Abaylardi error damnationem ibidem accepit, &c. (si quis dixerit, definit synodus) Christum Iesum à deo datum hominibus in redemptorem, cui fidant, & non in legislatorem, cui obedire teneantur, anathema sit Sed de his erroribus nō vacat latius in hoc loco tractare Vide Alphonsum de Castro lib. de hæresibus. Verbo christus. hæresi. 8. & Driedon. lib. de captiu. & redemp. gen. hum. à principio. 2. part. tra 2. l. c. 2. c. clus. 4. Probatur ergo nostra conclusio, non solum quatenus aduersus istum procedit errorem qui Christi domini satisfactionem penitus eliminauit, sed etiam prout aduersatur quibusdā male Theologis, qui fatentur libenter Christum satisfecisse deo pro omnibus humani generis delictis, negant tamen eum ex iustitia satisfecisse, si proprie, & absque metaphora est loquendum. Probatur ergo primo ex vulgatissimis sacre pagine testimonijs 1. ad Thimor. 2. inquit Paul. Vnus enim deus, vnus & mediator dei, & hominum, homo Christus Iesus qui dedit semetipsum redemptionem pro omnibus, & 1. corin. 6 Empti enim estis inquit pratio magno. Quod autem fuerit hoc magnum pratum grauissimis verbis explicuit S. Pet. 1. can. c. 1. Sciētes, quod non corruptibilibus auro, vel argenteo, redempti estis de vana vestra conuersatione paternæ traditionis, sed pretioso sanguine quasi agni immaculati Christi, & incontaminati. Ad rom. 3 inquit Paul. iustificati gratis per gratiam ipsius per redemptionem quæ est in Christo Iesu, quem proposuit deus propitiationem per fidem in sanguine eius ad ostensionem iustitiæ suæ, propter remissionem præcedentium delictorum in sustentatione dei, ad ostensionem iustitiæ eius in hoc tempore vt sit ipse iustus, & iustificans eum qui e fide est Iesus Christi. Quo loco Paulus non solum loquitur de ostensione veræ, & propriæ iustitiæ quæ in nostra redemptione per Christum facta splenduit, sed & de manifestatione perfectæ, & exacte iustitiæ. Nam imperfecta iustitia in puro homine apparere potuit, vt communiter docēt Theologi cum S. Th. 3. par. q. 1. ar 2. Et quidē si iustitia quæ apparuit in Christi satisfactione, & in redēptione quæ ipse genus humanum redemit, nō perfectā fuit, & exactā, sed ei similis qualis in satisfactione puri hominis posset reperiri, non sine apparenti ratione posset inferre, id quod ad simile fere propositum inferebat Paul. ad Gal. c. 2.

lat. c. 2. ergo Christus gratis mortuus est. Multa huiusmodi testimonia reperiet Theologus in sacra pagina, quæ in humani generis redemptione per Christum facta, iustitiam interuenisse aperte demonstrat. Cum autem iuxta vulgatam August. regulam grauiſſimis Patribus, & Theologis probatam, cuius meminimus superius, verba scripturæ sacræ in proprietate sermonis sint accipienda, nisi vrgentiſſima causa nos ad figuratam acceptionem ducat, necessum est dicamus, quod redemptio nostra per Christum facta, & eius satisfactio pro peccatis nostris, opus fuit veræ & propriæ iustitiæ. Indubio tertio huius articuli alia ponderabimus scripturæ sacræ testimonia ad probandum Christi satisfactionem exactam fuisse, & riguroſam, quibus per locum à fortiori probari poterit præſens conclusio.

Probatur secundo hæc veritas, ex concil. Tridenti. sess. 6. cap. 7. vbi S. Synod. expresse definit Christum pro nobis deo patri satisfecisse.

Probatur tertio conclusio grauiſſimis patrum testimoniis qui passim docent christum satisfecisse deo pro vniuersis hominum peccatis, & quod ex vi iustitiæ humanum genus redemit, S. August. 13. de trinit. c. 13. inquit diabolus à christo non potentia, sed iustitia victus fuisse, & superatum. Et cap. 14. inquit quod prius iustitia, & potentia postea diabolus vicit Christus, iustitia quidem in humilitate & morte, potentia vero in gloriosa resurrectione, qua reuixit non iterum moriturus, & dicit ibidem quod in passione Christus pro nobis debitoribus quod ipse non debebat exsoluit. In quem sensum interpretatur illud ps. 68. quæ non rapui tunc exsoluebam. Eandem veritatem insinuat ipse August. lib. 10. de ciuitate dei. c. 20. & sequentibus, & in Enchyr. c. 49. Basil. ho. 25. Cypria. in expositione symboli. Atha. li. de incarnatione. Bernardus. loco citato. Ansel. lib. 2. cur deus homo. Ricard. de Sancto Vict. lib. de incarnatione verbi. c. 3. & alij patres quam plurimi quos citabimus in tertio sequenti dubio. Mag. sentent. in, 3. d. 19. & 20. pro hac veritate refert nonnulla patrum testimonia & in Conc. Ephesi. 1. reperies aliquot grauiſſima Patrum loca quæ ad huius veritatis confirmationem nõ leue momentũ habet. S. Leo. in illis vulgatissimis sed grauiſſimis verbis quæ in quadã hom. de natiuitate domini habentur, uidelicet, si non esset uerus homo non præberet exemplum. si non esset uerus deus non afferet remedium, implicite docuit, humanam redemptionem, iustitia, & ea quidem perfectã, factam fuisse à Christo. Nam si huiusmodi iustitia non fuit redemptioni nostræ secundum legem à deo præscriptam necessaria, potuisset Christus uerũ afferre remedium, quamquam uerus deus non fuisset.

Quarto probatur. Sacrificium quo Christus in cruce se ipsum obtulit patri, exsoluit deo pretiũ pro redemptione nostrã, at exolutio pretij

est opus veræ iustitiæ: ergo Christi satisfactio qua Christus per ignominiosam mortem suam honorem diuinum hominum peccatis læsum reparauit, satisfactio fuit vere, & propriæ iustitiæ. Minor est lumine naturali manifesta: & maior constat ex illo Paul. ad col. 2. delens quod aduersus nos erat Chyroglyphum decreti, quod erat contrarium nobis, & ipsum tulit de medio affigens illud cruci, & expolians principatus & potestates, &c. certe non alia ratione Christus Chyroglyphum decreti nobis contrarium sua morte deleuit, nisi quatenus mors eius fuit iustissima quædam pretij debiti solutio. Chyroglyphum enim quo quis obligatur, non nisi per solutionem pretij deletur.

Theologicam huius veritatis rationem assignauit S. Tho. 3. par. q. 48. art. 2. qui omnino est legendus in tota illa quæstione. Et in commentariis Doctissimi Magistri Medinæ multa reperiet theologus quæ ad egregiam huius conclusionis amplificationem valde conferre poterunt.

Et tandem ex eo valde istius conclusionis veritas cõfirmatur, quod certa fide tenemur credere quemlibet hominem iustum ex vera, & propria iustitia mereri, & satisfacere coram deo. Vt in concil. Trid. sess. 6. can. 32. definitur, & constat ex illo 2. ad thim. c. 4. de reliquo reposita est mihi corona iustitiæ, &c. ergo à fortiori iustitiæ meritum, & satisfactionem debemus Christo tribuere:

Sed aduertendum est, quod in hac conclusione, haud quaquam de finire intendimus, Christi satisfactionem fuisse actum elicitem a virtute iustitiæ, vel commutatiuæ, vel distributiua, quia hoc ad fidem non pertinet, sed in graui theologorum disputatione versatur. Sed id tantum in hac conclusione contendimus, duo esse secundum fidem concedenda. Alterum quod Christus vere satisfecit pro vniuersis hominum peccatis. Et Alterum quod satisfecit æquiualem compensationem deo exhibens pro offensa contra ipsum ab hominibus aduersa, ex soluendo iustum pretium pro ipsa humani generis redemptione. Quod autem hæc compensationis exhibitio, & iusti pretij ex solutio, actus fuerit elicitus a virtute iustitiæ, aut ab alia potius virtute, existimo ad fidem minime pertinere. De qua re in sequenti conclusione non nihil dicemus.

Secunda Conclusio.

Actio Christi satisfactoria in esse morali considerata continet formaliter rationem iustitiæ, nõ tamen fuit elicitæ a virtute iustitiæ, neque a virtute. Sed fuit vero ab vnica tantũ virtute. Tres partes ista conclusio complectitur. Prima, q. satisfactio Christi in esse moris considerata continet forma-

sem iustitiæ rationem. quæ sic probatur. Vniuersæ conditiones quæ ad formalem rationem iustitiæ requiruntur, in ipsa actuali Christi satisfactiōe reperiebantur. Ergo vera est hæc prima conclusionis pars. Probatur antecedens (nam consequentia apparet manifesta) Quatuor sunt præcipuæ conditiones quæ necessariae sunt, & sufficiunt formalem iustitiæ rationem constituere. Prima quod sit ad alterum. Secunda quod sit inter æquales. Tertia quod id quod loco satisfactiōnis datur, sit ex propriis, & non gratuito acceptis ab eo cui sit satisfactiō. Quarto quod fiat ex bonis non alio titulo debitis. Sed hæc quatuor conditiones reperiebantur in Christi satisfactiōe. Quod constabit. De prima quidem in solutione ad primum huius dubij. De secunda in solutione ad secundum dubij eiusdem. De tertia vero, & quarta in tertio huius articuli dubio: ergo, &c.

Confirmatur. Si in Christi satisfactiōe non reperitur formalis ratio iustitiæ, sequitur quod sacræ literę minus proprie illam appellent iustitiā, ipsique attribuant nomina quæ cum proprietate sumpta iustitiæ rationem important, cuiusmodi sunt, prætium, emptio, redemptio, &c. hoc autem nō est admittendum, vera igitur est prima nostræ conclusionis pars.

Secunda pars quæ affirmat operationem christi satisfactoriam nō fuisse elicitam a virtute iustitiæ, si de iustitia legali, aut distributiua intelligatur facile admittetur a peritioribus theologis: nam illam probat efficaciter secundum argumentum ex informatis à principio huius dubij. Ceterum si intelligatur de iustitia commutatiua neque ab omnibus est concessa, a multis enim iisque grauissimis negatur theologis, quorum Princeps est Mag. Med. 3. par. q. 1. ar. 2. Neq. cohære videtur cum præcedentis conclusionis parte. Nam si in illa operatione saluatur iustitiæ commutatiuæ ratio, vt ostendunt quatuor illę conditiones quas diximus ei competere, qui fieri poterit, vt non per se ad virtutem iustitiæ commutatiuę tanquam ad propriam pertineat regulam? Sed hoc non obstante existimō verissimam esse hanc secundam partem conclusionis nostræ, quam sic probo.

Primo. In Christi anima non reperitur virtus iustitiæ commutatiuæ erga deum: ergo satisfactiō Christi nequit esse actiō elicita, aut regulata a virtute commutatiuæ iustitię. Consequentia est manifesta: antecedens autem dupliciter solet probari a peritissimis theologis. Primo. Quia commutatiua iustitia nequit reperiri nisi inter eos qui sibi ipsis inuicem subiici possunt, nam quod quis alicui debitor fiat ex iustitię commutatiuæ obligatione, est quædam vera subiectiō ad ipsum cui obligatur: at deus nulli potest subieci. Ergo neque potest alicui iure commutatiuę iustitiæ obligari. Hac ratione vtitur S. tho. 1. par. q. 21. a. 1. ad probandū inter purā creaturam, & deū minime cōstituendum

tuendum esse debitum commutatiuæ iustitiæ, reputatq; propter istam rationem impossibile, quod deus creaturæ quidquam debeat huiusmodi iustitiæ titulo. Secundo alij probant, ex eo quod commutatiua iustitia fundatur in vero dominio earum rerum, quæ sunt iustitiæ materia, at christus, vt homo, nullius rei habet plenarium dominium, non subiectum, & subordinatum vniuersali dei ipsius dominio. Vnde nihil potest dare deo, quod non pertineat ad ipsum dei dominium, & ius, atque adeo nulla christi actio sufficiens est fundare debitum in deo ad iustitiam commutatiuam pertinens. Hæc ratio est etiam efficacissima sine dubio si de pura creatura procedat, sicut & præcedens ratio: verumtamen quod ad præsens attinet duæ istæ rationes parum efficiunt, quin potius officiunt, & sunt necessario à nobis dilluendæ, si secundam nostræ cõclusionis partem tueri velimus. Quoniam non solum eliminant habitualem commutatiuam iustitiam à christi anima, sed etiam actuaalem, imo præcipuam vim habent de ipso iustitiæ actu, si bene expendantur. Quare alię erunt à nobis ad illius assumpti antecedentis probationem collimandę rationes, quæ de habituali tantum iustitiæ cõmutatiuę virtute, & non de actuali iustitię ratione procedant.

Sit ergo prima ratio qua probatur in christo non reperiri virtutem commutatiuæ iustitiæ. Gratia christi in esse physico considerata, & quatenus ex ipsa effluunt virtutes infusæ, est prorsus eiusdẽ speciei cum gratia cuiusuis hominis iusti, sed in alijs hominibus iustis ex habituali gratia non oritur virtus commutatiuæ iustitię erga deũ, quod vniuersi graues theologi libenter concedunt cum S. Tho. loco proxime citato: ergo neque in christi anima ex essentia habitualis gratię oritur habitualis commutatiua iustitia. Consequentia apparet euident ex illa regula philosophica satis vulgari, scilicet, idem manens idem, semper facit idem. Si ergo gratia in christi anima eandem omnino physicam essentiam retinet, quam habet in cæteris animabus iustis, eadem quoque, & non aliæ ex ipsius essentia dimanabunt morales virtutes infusæ.

Dices forsitan, verum esse quod ex essentia habitualis gratiæ non profuit in christi anima virtus cõmutatiuę iustitiæ, sed tamen Deus noua, & speciali actione hanc virtutem infundit animæ christi. Hęc solutio non poterit ostensiuæ expugnatione destitui. Sed est sine dubio voluntaria, imo & parum rationalis: quoniam in christi anima illæ dumtaxat morales virtutes sunt constituendæ, quæ ad ordinem pertinent gratiæ, idest, quæ in ipsa gratia quæ dat ipsum esse supernaturale radicaliter præhabentur, sicut in rebus naturalibus illæ tantum potentię, & proprietates constituuntur, quæ continentur in forma substantiali tanquam in prima radice.

Sed

Sed iam secunda ratione illud inier antecedens probat. Si Christi anima infusa fuit iustus commutativus iustitiae erga deum, per quam Christus a deo mereretur, & ipsi satisfaceret, sequitur Christum & meruisse, & satisfecisse quatenus operabatur ut equalis deo; id est, prout se gerebat in sui operatione non ut subditum deo, sed deo aequalem. Consequens & rationi dissentit, & non videtur consentire catholicae veritati: ergo &c. Sequella est manifesta, nam iustitia commutativa ex propria & essentiali sui ratione respicit aequalitatem, ergo eius operatio, prout ab ipsa procedit, non est inferioris ad superiorem, sed e qualis ad aequalem. Falsitatem vero consequentis probat. Et primo quod theologice dissentiat rationi probatur. Christus quatenus merebatur apud deum, & ipsi satisfacerebat pro nobis, operabatur, ut homo, per voluntatem humanam. Ergo ut minor patre, & inferior illi.

Confirmatur. Potissima operatio satisfactoria Christi fuit eius passio voluntarie pro nobis suscepta, sed Christus in acceptanda passione & morte gessit se ut minorem patre, acceptavit enim illam ex obedientia Patris, iuxta illud Ioan. 14. ut cognoscat mundus quia diligo patrem, & sicut mandatum dedit mihi pater sic facio, surgite eamus hinc: ad subeundam, videlicet, mortem explicatore Augustino lib. 13. de trinitate, c. 14. ergo, &c. Quod vero non videatur satis consentiens fidei veritati, probat ex illo Pauli ad Philip. 2. humiliavit semetipsum, scilicet, Christus, factus obediens usque ad mortem, mortem autem crucis. Propter quod & deus exaltauit illum, & donavit illi nomen, quod est super omne nomen, &c. Ecce quemadmodum Christus iuxta Pauli documentum sui nominis exaltationem, & gloriam, ipsamque corporis immortalitatem promeruit a deo, non prout se illi equalem gessit, sed ex humilitatis, & obedientiae actionibus, quibus suam humanam voluntatem divinae submisit.

Tertio eandem probat sententiam. Et supponamus in humana Christi voluntate iustitiam commutativam habitualement erga deum tunc sic habitus ille, saltem in esse physico, esset finitus, & limitatus, non enim maiorem in illo perfectionem debemus constituere, quam superius q. 3. consecruimus in habituali Christi gratia, & rationes quae probant Christi gratiam nullam habere physicam infinitatem, ostendunt id ipsum de virtute commutativae iustitiae, & de quavis alia virtute si virtute siue acquisita, siue infusa: Ergo satisfactio Christi ab hac virtute iustitiae elicitae finire esset, & limitata perfectionis, quatenus ab hac virtute procederet. Vterius, Ergo satisfactio Christi, ut sic, non esset ad aequalitatem, neque esset sufficiens ad compensandum pro universis hominum peccatis, atque a deo, ut sic, non esset actio perfecta & iustitiae, & ex consequenti neque esset actio iustitiae commutativae iustitia enim commutativa est perfecta & rigida iustitia, omnino-

dam æqualitatem inuolvens; Ergo talis commutatiue iustitiæ virtus otiose, & impertinenter ponitur in Christo, cum ex ea nequeat desumi ius strictum, & rigurosum inter deum & Christum.

Quod si dixeris virtutem commutatiue iustitiæ in Christo geminâ habere perfectionem, sicut superius dicebamus de habituali Christi gratia, alteram physicam, & alteram moralem. Vnde licet secundum perfectionem physicam limitata sit, & finita, est tamen infinita simpliciter in esse iustitiæ, secundum moralem perfectionem. Contra hoc sic arguitur. Illa ratio qua in articulo secundo quæstionis tertie probauimus, quod aliæ omnes virtutes Christi non sunt simpliciter infinitæ in suo genere, etiam secundum perfectionem moralem, eandem vim habet de iustitia commutatiua, atque de cæteris virtutibus, quod illam nostram rationem legenti fiet manifestum. Nam sicut propria aliarum virtutum ratio consideratur per ordinem ad actum, & obiectum, & non per habitudinem ad dignitatem subiecti in quo sunt, & ob id dignitas infinita personalis Christi non sufficit constituere eas infinitas in essentialibus suis rationibus. Ita propria iustitiæ commutatiue ratio, & perfectio, non ex dignitate subiecti, sed ex habitudine ad actum, & obiectum pensanda est: Ergo cum ex obiecto non sortiatur infinitatem simpliciter, quia non ipsum attingit quantum est attingibile, dicendum erit, eam in finitam non esse in ratione virtutis commutatiue iustitiæ. Vnde illa moralis dignitas quæ in christi satisfactione reperitur, cuius ratione infinita est, & ad æqualitatem, ex diuino christi supposito pensatur, & non ex virtute iustitiæ commutatiue, Quia licet in Christo esset talis virtus, non tamen præ haberet in se ipsa infinitam hanc dignitatem, ut illam tribueret actuali satisfactioni, atque adeo impertinenter poneretur in christo: eo vel maxime quod christus potuit satisfacere, imo & satisfecit per operationes aliarum virtutum, humilitatis, obedientiæ, religionis &c. Nec quidquid refert dicere, quod licet aliæ virtutes elicerent operationes illas quibus christus satisfecit, non tamen prout erant satisfactoriæ formaliter eliciebantur ab illis virtutibus, sed hanc vim satisfaciendi habuerunt, pro ut imperabantur à iustitia commutatiua. Sicut dicunt Theologi, quod ieiunium quod à virtute temperantiæ elicitur, habet esse satisfactorium pro pœnis temporalibus peccatorum in homine iusto, quatenus imperatur à virtute pœnitentiæ. Hoc inquam, non sufficit ad euadendam argumenti vim, quoniam commutatiua iustitia posset quidem imperare actus aliarum virtutum quantum ad specificam eorum substantiam, qua ratione nequeunt esse satisfactorii perfecte, & ad æqualitatem, sunt enim finitæ & limitatæ perfectionis, nõ uero potest imperare actus eosdem quantum ad dignitatem infinitam moralem, quam ab ipso christi supposito, ut à principio primo, & radicali,

& ab ipsa habituali gratia, vt proximo principio, & immediato participante, quia in hac ratione non subordinantur alicui virtuti, cum nulla virtus hanc tantam in sua ratione dignitatem præhabeat, sed immediate a supposito diuino. Christi ad ipsas humanitatis operationes derivatur: aut saltem mediante habituali gratia tanquam a proximo principio, & quod ipsa apta nata est, intra propriam gratiæ rationem infinitam moralem dignitatem ex coniunctione ad verbum participare, vt questione tertia explicauimus. Et ista tertia ratio tam diffuse exposita, præcipuum est fundamentum secunde partis nostræ conclusionis, quæ cum prima parte eiusdem assertionis in hunc modum coheret. Quod illa moralis perfectio, & dignitas cuius ratione operatio Christi satisfactoria perfectam, & exactam iustitiæ rationem sostidebatur, a nulla virtute animæ Christi infusa potuit regulari: sed immediate reduebatur ad ipsam diuini suppositi infinitam dignitatem, aut saltem ad moralem gratiæ infinitatem ex coniunctione ad ipsum suppositum participatam. Vnde sicut moralis gratiæ Christi dignitas personalis est, & non proprie fortalis, id est, hō a forma aliqua; sed ex sola suppositi dignitate desumpta, neque aliam regulā habet, aut mensurā præter ipsam dignitatem suppositi, ita moralis perfectio actionis meritorie, aut satisfactoriæ Christi, nullam potuit aliam habere regulā præter ipsam excellentiam, & infinitam diuini suppositi maiestatem. Vnde frustraneū, & impertinenter poneretur in Christo commutatiua iustitiæ, cum ex ipsa non esset desumenda satisfactionis æqualitas, & condignitas; neque per ipsam esset regulanda. Imo cum talis virtus intra se ipsam nullatenus præhaberet huiusmodi condignitatem quam operi satisfactorio communicaret, nullatenus retinere posset verā iustitiæ commutatiuæ essentiam. Essentialis enim iustitiæ commutatiuæ ratio consistit in hoc, quod possit prodire in actum cui tribuat condignitatem, & æqualitatem ad præmium, si actus fuerit meritorius, vel æqualitatem ad iniuriam, & offensam illatam, si satisfactorius fuerit.

Theologi qui arbitrantur virtutes Christi infusas infinitam habere perfectionem, & dignitatem moralem in esse talium virtutum ex coniunctione ad diuinum verbum, sicut illam habet gratia in esse gratiæ, expedire se poterunt ab huius tertiæ rationis difficultate, sed illa eorū sententia nobis minime probatur propter superius dicta, vnde hanc tertiam nostram rationem magni ponderis esse censemus.

Sed postquā secundam conclusionis partem cum prima conciliauimus, occurrit difficultas illarum duarum rationum, quas ex mente quorundam theologorum paulo superius adduximus, & ob id non eas omnino probauimus, quia videbantur aduersari ipsæ secunde parti nostræ conclusionis, quas proinde dissoluamus oportet. Sed ne pluries eadem repetatur, earum solutionem remittendam esse duxi ad tertiū

huius articuli dubium, cum explicuerimus, an deus acceptare debuerit Christi domini satisfactionem. Quo circa ad probationem tertiæ partis conclusionis in ipsum conuerto.

¶ In tertiâ conclusionis parte asseritur Christi domini satisfactionem non ab vnica tantum virtute elicirâ fuisse. Quæ pars hunc planissimū sensum habet, quod sicut homo iustus per diuersa virtutū opera facit deo pro suis peccatis venialibus, & pro residuis remissorū mortalium poenitens, quandoq. per ieiuniū, quod est opus virtutis abstinentiæ, quandoq. per orationem, quæ a religionis virtute proficiscitur, quandoq. per elemosinā, quæ ad virtutē pertinet misericordiæ, &c. ita Christus dominus studiosis diuersarū virtutum officijs pro vniuersis hominū peccatis satisfecit, quadraginta dierū ieiunio, oratione, in qua pernoctare solebat, humilitate, obedientia, multis laboribus, & iudæorū contradictionibus, quos magna cum patientia tolerauit, ac passionē deniq. suā, quā & ex amore, & ex obedientia ad deū propter cōmunem humani generis salutē libentissime sustinuit, nam oblatus est quia ipse voluit. Sed dicet quispiā. Verum est hominem iustum diuersis virtutū exercitijs deo pro suis peccatis satisfacere, ac omnia procedunt ex directione, & imperio virtutis penitentis, neque aliā satisfactionis rationē induerent: ergo necessarium est constituamus in Christo virtutem vnā aliquam, cuius interfuerit dirigere, & ordinare in satisfactorium finem ipsas reliquarum virtutum actiones: quæ virtus cum non sit penitentis (Christus enim non fuit capax penitentis virtutis, vt probari solet. 3. p. q. 7. ar. 2.) non potuit esse alia virtus quam cōmutatiua iustitia: cuius proprium munus est iustam compensationem, & satisfactionem exhibere.

Respondetur, necessarium quidem esse constituamus virtutem in Christo, quæ aliarum virtutum officia ad satisfactionē deo exhibendam pro hominū peccatis referat, & dirigat. Hæc tamen virtus nequit esse commutatiua iustitia, quia propter causas paulo superius assignatas, virtus hæc in Christi anima reperiri nequit, neque ibi possumus saluare formale eius obiectum, quæ est æqualitas inter personas: nam Christus, vt homo, per nullam virtutē operatur vt æqualis deo, etsi re ipsa æqualis sit, & esset, & ob id in eius actiones magna quasi consequenter refundebatur personalis dignitas. Igitur duas assignabimus virtutes in Christo ad quas spectauerit, illa directio, & dispositio, nimirū charitatē & religionē. Charitas primaria fuit radicalis origo, ex qua omnes Christi actiones in nostrū spirituale cōmodū fuerunt ordinatæ, & ad merendū nobis, & ad satisfaciendū pro nobis dispositæ. Vnde dicebat Paul. ad ephes. cap. 5. quod Christus dilexit Ecclesiā, & tradidit semetipsū pro ea. Et de semetipso, animi gratitudinem, vt par erat, ostendens, ad galat. 2. dicebat, Christus dilexit me, &

traddi-

et addidit semetipsum pro me. Ex quibus duobus locis constat, q̄ preciosissima christi passio quatenus satisfactoria fuit secundū sufficientiā pro omnibus (quæ sufficientia in primo testimonio denotatur) & quantū ad efficaciam pro electis, & prædestinatis (ad quam secundū testimonium pertinet) ad ipsam eximie charitatis christi directionem & imperium reducenda est. Et id ipsum colligitur ex illo Apoc. c. 1. dilexit nos, & lauit nos à peccatis nostris in sanguine suo. Et quod in his locis sacræ literæ de præcipuo christi opere, nimirū, passione sua, quā in nostrū commodū christus exhibuit, tā aperta attestacione pronūtiarunt, id ipsum de cæteris christi operationibus, oratione, ieiunio, & c. uerissime dici pōt. Neq. n. tm̄ christus ex affectuoso humani generis amore terribilē acceptauit subeundā passionem & mortē: sed & ex eodē amore ieiunauit, orauit, & reliqua laboriosa vitæ officia, uelut alter iacob, præ ingēti suæ speciosissimæ Rachelis amore, libentissime subiit, & per totū suę mortalis vitæ tēpus constācissime tolerauit.

Religionis autem uirtus proxima fuit regula cæterarum uirtutum quę earum actiones in satisfactionem pro peccatis nostris ordinauit, & dixit: ad eum modum quo penitentia uirtus in quolibet nostrū, ordinat aliarum uirtutum operationes, si pænalitatis quid habeant admixtū (de his tantū pænalibus studiosis actionibus loquimur) ordinat, & quasi quodā imperio dirigit in satisfactionē pro peccatis nostris. Et quidē quod religionis uirtuti hanc prærogatiuā in christo tribuamus. Quid mirū cum nō desint grauissimi theologi, quibus non displiceat sentētia Caiet. in 3. p. q. 85. a. 2. dicētis in nobis uirtutē penitentię uō esse a uirtute religionis distinctā: neq. id quidē sine ratione probabili: nam propriū est penitentię placare deum per internā cordis emollitiōē, & contritiōē, quæ nihil est aliud quam quodā gratissimum deo spirituāse sacrificiū. Sacrificium enim, inquit, propheta Regius Pl. 50. spiritus contribulatus, cor contritū & humiliatū deus non despiciet. Cum igitur in nobis tam sint affines istæ duæ uirtutes, religio, & penitentia, quare formidabimus asserere, religionē in christo, in quo uirtuti penitentię nō est locus, illud præstare officiū, quod in nobis exequitur penitentia uirtus. Et quidē licet christi postea salutem multis modis fuerit operatus, per modū meriti, per modū satisfactionis, per modū sacrificiū, per modū efficientiæ, & deniq. per modū redēptionis, ut S. Th. 3. par. q. 8. sūma cum eruditione distinxit, existimo tamen, quod ratio sacrificiū quo christus seipsum obtulit hostiā sanctam, deo quē placentem, præcipuam quamdā obtinuit excellētā, cæteros recēctos modos quasi formaliter eminenter cōplectēs, ad eum modum quo rationalis anima sensitiuā continet, & vegetatiuā, Quod fortassis inuit Paul. rum ad heb. 10. dixit, vna oblatione consummauit christus in æternum sanctificatio, Ob id quidē illa vnica

oblatione cruenta Christus omnem sanctificationem consummavit, quia in illa quadam summa complexione continebatur omnis modus, quo christus nostram fuit sanctificationem operatus. Quod et iam ex eodem Paulo in citato capite colligo, ponderando illa verba, in qua voluntate sanctificati sumus per oblationem corporis Iesu Christi semel loquebaturq. Paul. de illa voluntate, quam habuit christus in primo suae incarnationis instanti, in quo omnium antiquorum sacrificiorum & oblationum infirmitatem considerans, & quam parum sufficerent ad ipsam humani generis salutem efficiendam, ingredies in mundum dixit, hostiam & oblationem nobiscum corpus autem apertum mihi, &c. tunc dixit, ecce venio, ut faciam deus voluntatem tuam, id est, ut, iuxta tuam diuinam providentiam prescriptum, tuamq. voluntatis mandatum mihi impositum, & in hoc instanti denuntiaturum, me ipsum tibi in suavissimum holocaustum, & hostiam gratissimam, pro humani generis salute offeram. Ecce quemadmodum totum nostra reparatio opus, & in voluntate ad sacrificij rationem spectans operam inchoationem accepit, & eadem voluntate, quam Christus nunquam revocavit, sed ad finem usq. vitę continuavit, potius, ultimam in cruce consummationem accepit. Ex quo satis vero similiter deducitur id quod dudum affirmabam, nimirum, in opere redemptionis nostrę, ipsum crucis sacrificiū primas obtinuisse partes. Quod si hoc verum est, ut credo esse verissimum, rationi consentaneū est id quod paulo superius dicebamus, ad ipsam religionis virtutem pertinuisse ceteras virtutes sua directione movere, ut in eas ipsas officia exercent, quę ad satisfaciendum, & compensandum deo pro universis hominum peccatis, magis essent proportionata.

Sed ut hæc pateant amplius, notandum esse duxi, quod ob id totam humani generis salutem Christus quatuor illis modis fuit operatus, scilicet sacrificio, satisfactione, & sanctificatione, ac redemptione. Quoniam quatuor mala origine peccatorum intulerat, quę omnia sunt mortali culpe communia. Primum quod ipsum hominis cor superbe contra deum exaltauit, dum homo plus nimio seipsum dilexit, & se universis etiam diuinis pretulit bonis, & hæc prima est & tota mortalis culpe radix, amor enim proprius civitatem edificat Babiloniam, ut dicebat Aug. & Sapiens proverb. 18. inquit, qui ante ruinam exaltatur cor. Secundum. Quod diuinam offendit maiestatem, magnam ei, & infinitam, ut dicemus postea, offensam, & iniuriam inferens. Tertium. Quod ipsum hominem in diaboli servitutem, & miseram captivitatem, deo id iustissime permitteute, tradidit. Quartum deniq. quod ipsius peccatoris animam dei amicitia & gratia priuavit, celestium, ac nitore, diuinisq. ornamentis spoliatam constituit, ipsamq. totam reddidit maculatam, & deformem. Duo priora mala deum respiciunt, ipsumq. iniuriose offendunt.

dunt, Alia vero duo posteriora ipsius peccantis mala sunt, ipsi q. soli
 nocua. Quatuor ergo his malis Christus quat uor eisdem, proportio
 nata, in nostræ salutis opere remedia posuit: Primum fuit sacrificiū
 crucis, quo vice omnium hominū deum primum omnium bonorum
 autorem, à quo omnia & naturæ, & gratiæ dona deriuantur, & pendēt
 recognoſcens, non solum religiosam & humilem ei qualemcumq. ob
 tulit hostiam, se ipsum diuinę maiestati submittens: sed & contra pri
 mum malum quod peccatum intulerat, semetipsum hostiam deo di
 cavit, se totum conficiens, & conterens, & quasi in dei cōspectu anihila
 lans ipse simul sacerdos & hostia, sacrificium & sacrificans. Et quia su
 perbi amoris propriū malum in peccato primum habuit locum, id
 circo ipsa humani generis reparatio à sacrificio isto tum humillimo,
 tum deo gratissimo inchoationem accepit. Contra secundum malum
 summam, atq. infinitam satisfactionem obtulit, pro iniuria, & offen
 sa aduersus infinitam dei maiestatem admissa magnam deo reueren
 tiam grandi quasi cuiusdam ingentis contritionis intrinseco cordis do
 lore, grauissimiq. totius corporis sensibilibus pœnalitatibus associa
 tam, loco, satisfactionis exhibēs. Sed & contra malum tertium, quod hō
 mini peccatum attulerat, captiuitatem, nimirum, & diaboli seruitu
 tem Christus redemptionem fecit se ipsum, suam vitam, pretiosissimū
 que propriū sanguinem pro ipsa humani generis libertate compa
 randa in exuberantissimum premium obtulit deo, cuius iustissima per
 missione diabolus suam omnem tyrannidem supra hominem exerce
 bat. Tandem contra quartum malum ipsam dei gratiam, & sanctitatē
 eadem sua pretiosissima passione hominibus meruit: quam & medijs
 sacramentis quorum uirtus tota ex ipsa christi passione, & morte ema
 nauit, efficienter in eorum causat & efficit animabus, de qua efficien
 tia inferius, q. 6. non nihil dicemus.

Constat ergo ex his ita breuiter insinuatīs, verissimum esse quod di
 ximus, totum nostrum salutis opus ex sacrificio exordium accepisse, in
 quo ueluti in radice, & in ratione quadam superiori cetera redemp
 tionis officia continebantur. Sicut omnia peccati mala, in superbo, in
 ordinatoque amore peccantis tanquam in prima radice præha
 bentur.

Est autem aduertendū summo opere, quod huiusmodi uirtutum ope
 ra, & si quantum ad substantiam à religionis uirtute ad satisfaciē
 dum pro peccatis nostris directā fuerint, & ordinata, minime tamen
 ab ipsa acceperunt moralem valorem, eamque perfectionem, & di
 gnitatem cuius ratione ex rigurosa, & exacta iustitia fuerunt pro pec
 catis nostris satisfactoria. Hanc enim tantam dignitatem, & hunc tan
 tum valorem ab ipsa tantum suppositi operantis infinita dignitate,
 ipsa, fortassis, gratia mediante, participauerunt, ac proinde quantum

ad istam rationem neque à religione neque ab alia virtute regulantur, sed necessario, & inimpedibili morali effluxu ex ipso operante supposito in prædicta virtutum opera hæc infinita satisfactoria dignitas effluxit, & dimanauit, qđ in dubio sequenti tractabitur uberius.

Deinceps oportet dissoluamus argumēta à principio dubij proposita. Et primo argumento respondent nonnulli theologi Christū, saltem p se primo, nō satisfecisse deo cōtribus personis, aut sibi ipsi; sed patri qui est alter ab ipso Christo. Probāt ex eo, qđ in sacris literis actiones Christi satisfactoriæ, & aliæ quæ ad opus nostrę redēptionis spectant specialiter referuntur ad patrē, ad eph. 2. per quē habemus accessū ad patrē, 1. Io. 2. ad vocatū habemus apud patrē christū Iesum. Itē remittere, & condonare peccata ipse Christus patri attribuebat, Mat. 11. & pater vester qui est in cælis dimittet vobis peccata vestra. Luc. 23. pater dimitte illis nesciunt. n. quid faciunt. Similiter præmiū æternę vitę bene operātibz cōferre, soli patri ipse Christus ascribit sedere aut ad dexterā vel ad sinistrā nō est meū dare vobis sed quibus paratū est à patre meo dixit christus Mat. 20. & Io. 12. si qs mihi ministrauerit honorificauit eū pater meus. Et his similia hñtur q̄ plurima in literis sacris. Ceterū hæc sētētia falsa est, & improbabilis, quā cōter p̄inde reprobāt graues theologi, in cuius cōsutationē ego dico duos.

Primum, non est possibile qđ fiat satisfactio deo, aut alicui trinitatis personæ, quin fiat tribus ipsis personis diuinis. Probatur, satisfactio est cōpensatio pro offensa, & iniuria deo per peccatū illata, qua satisfactione placatur deus, & iniuriā sibi irrogatam cōdonat, at impossibile est deum placari, & cōdonare iniuriā, quin omnes, & singulę diuinę personę eandē iniuriā dimittant, mancantq; placatę omnes, neq; vero intelligibile est, vnā aliqā personā placari, offensamq; remittere aliis nō eandē iniuriā condonantibus, nā cū eadem sit in tribus personis maiestas, dignitas, & voluntas, intelligi nequit, qđ vna persona se offensam reputet à Petro, ab ipsoq; vindictā velit sumere, & qđ alię personę sint placatę, condonauerintque Petro ipsis irrogatam offensam. Huius asserti contrarium nullus theologorum quem ego legerim affirmauit, sed neq; affirmare poterit integra catholica fide, quę nos docet in tribus sanctissime trinitatis personis vnicā esse simplicissimā maiestatem, quæ si offenditur in vna persona, necessum est offendatur in aliis: vnāque eandem esse in tribus personis voluntatem, quæ proinde si in vna persona condonat iniuriā diuinę maiestati illatā, in tribus etiam personis necessum est illā quoq; remittat, & cōdoneat.

Secundum assertum est. Satisfactio Christi siue etiam puri hominis non potest per se primo respicere aliquam unam trinitatis personam, sed ipsum deum tribus personis communem per se primo respiciat necesse est, & quasi secundo tres ipsas diuinitatis personas. Proba-

tur. Satisfactio eo modo debet fieri deo, quo ipsa offensa & iniuria in deum fuit irrogata, sed offensa & iniuria quæ in peccato quolibet reperitur: immediate & per se primo respicit hunc deum tribus personis communem, & quasi secundario, & mediate tres ipsas diuinæ trinitatis personas. Ergo & satisfactio iuxta hunc modum fieri debet. Maior ex eo constat, quod satisfactio tollit inequalitatem quam inter offensorē & offensum culpa, & offensa constituit, unde necessum est fiat iuxta ipsius offensæ modū, ita quod ei per se primo fiat satisfactio, cui offensa primo fuit irrogata, alias enim per satisfactionem non fieret perfecta equalitas, quam ipsa iustitiæ ratio postulat. Minor vero probatur. Per peccatum offenditur per se primo ipsa infinita bonitas, & diuina magestas, sed bonitas & magestas cum sint perfectiones dei essentiales & communes, per se primo conueniunt huic deo tribus personis communi, & quasi mediate, & secundario singulis trinitatis personis. ergo &c.

Confirmatur. Per peccatum per se primo offenditur deus prout est legislator illius legis quam peccator transgreditur. Sed deus pro ut est unus tribus personis communis legislator est, & totius naturæ rationalis gubernator. Nam cū gubernare, & condere leges, sint operationes dei ad extra, per se primo competunt deo, & non alicui trinitatis personæ, indiuisa enim sunt opera trinitatis ad extra.

Sed arguit quis. Aliquot sunt peccata quæ imparticulari committuntur cōtra aliquam diuinam personā, cuiusmodi est illud peccatū in Spiritum sanctum quod christus irremissibile esse dixit, & similiter peccatū infidelitatis Arrianæ specialiter personā filij offendit, eius diuinitatem negans. Ergo non est certum, id quod diximus offensam, quæ reperitur in peccato, per se primo, & immediate ad hunc deū tribus personis communem terminari, atq. adeo neq. verū esse potest, quod satisfactio in uniuersum per se primo fiat huic deo, sed bene stat quod fiat quandoq. per se primo, & in mediate alicui trinitatis personæ, illi videlicet ad quam per se primo offensa peccati attingit.

Respondetur, & primum dico hoc argumentū non habere locū in ipsa Christi domini satisfactione quæ principaliter respiciebat originale culpam, per quā non aliqua persona trinitatis in speciali offensionē accepit. sed ipse deus tribus personis communis fuit offensus.

Secundo respondetur, q. materialiter quidē, aliquot peccata respiciunt in particulum vnā, aut alteram trinitatis personā, formaliter tamen, id est, pro ut peccatū importat offensam & iniuriam, diuināq. legis contemptū, qua sola ratione est satisfactionis materia, immediate respicit ipsum deum, & non aliquam specialem personam. Itaque sicut illa peccata quæ sunt contra proximum, homicidium furtum &c. immediate respiciunt ipsum proximum secundum proprias

prias, & peculiare specificas differentias, vt obiectum a quo specificatur, at in ratione iniurię, & offensę per penitentiam, & contritionem reparabilis, nō proximum, sed ipsum deum immediate respiciunt. ita in peccatis quę ex propriis, & essentialibus differentiis ad aliquam specialem trinitatis personam terminatur, proportionabiliter est dicendum.

1 Ad argumentum, quod fecimus pro sententia contraria ex sacris scripturis desumptum, respondetur. Familiare esse sacris literis illa quę communia sunt toti trinitati: & per se primo conueniunt deo vt deus est, si pertineant ad maiestatem & auctoritatem dei, tribuere personę patris per accomodationem, eo quod diuinitas reperitur in patre tanquā in principio non habente principium. Et quonia satisfactio per se primo respicit diuinam maiestatem offensam, id circo sacra litera satisfactionē ad scribunt patri, atque si illi per se primo fieret satisfactio. Alia etiam ratione Christus multa nostrę redēptionis opera in patrem retulit, nulla vel sui ipsius, vel Spiritus sancti mentione facta, quia filius ipse visibilis apparuit in carne: quod vidimus oculis nostris, quod audiuius, & quod manus nostrę contrectauerunt de verbo vtriusque annuntiamus vobis, inquit Ioan. 1. can. c. 1. Vidimusq. gloriam eius quasi vnigeniti a patre mirabili signorum, & doctrinę fulgore coruscantem. Et Spiritus sanctus similiter, & in columbę specie, & in linguis ignis, magno repentinoq. sono, atque alijs diuersis modis hominibus apparuit visibilis: vnde dux istę personę visibile de semet ipsis testimonium perhibuere. Persona autem patris, quia semper mansit visibilis, opus habuit (si ita fas est loqui) diuini verbi incarnationi testimonio, quo pater gloriosa attestazione in hominum veniret noticiam. Sed praterea addo, quod in literis sacris aperte etiam affirmatur, satisfactionem deo factam esse, & ita Paulus 2. corint. 5. dicit, Deus erat in Christo mundum reconcilians sibi, & paulo superius dixerat, omnia autem ex Deo, qui nos reconcillauit sibi. Et quidem in priori loco illud nomen deus, personaliter videtur accipiendum, vt idem polleat quod diuinum verbum: in posteriori autem (qui tamen in textu præcedit) essentialiter sumitur pro deo tribus personis communi, vt Chrysostr. & Thophyla. ibidem animaduertunt. In quo sensu similiter capitur 1. ad Thimo. 2. Vnus enim deus, vnus & mediator dei, & hominū homo Christus Iesus, vt ibidem Chrysostr. Beda, & Anselmus notarunt: & expressissime August. in prima enarratione Pl. 29. Quid est mediatorem esse, inquit, inter deum & homines, non inter patrem & homines, sed inter deum & homines. Quid est deus? pater, filius: & spiritus sanctus. Idem Aug. eadem Pauli verba, lib. 10. de ciuit. c. 20. inquit, in quantum formam serui accipiens, mediator effectus est dei, & hominum homo Christus Iesus

cum in forma dei sacrificium cum patre sumat, cum quo & vnus est deus. Fauent Cyrillus lib. 11. in Ioan. c. 7. & in 5. tomo Actor. cont. Ephes. in declaratione anathematismi 10. Ambr. lib. 3. de fide cap. 5. Hieron. Ps. 10. & Fulgent. lib. de incarnatione c. 13. Remittere etiā peccata deo in sacris literis quandoque tribuitur, & ita petrus Act. 8. Symoni Mago dicebat, pœnitentiam age ab hac nequitia tua; & rōga deum si forte remittatur tibi hæc cogitatio cordis tui. Quandoq. etiam ipsi christo tribuitur, & ita Marci 24. dicebat christus. Vt aut sciatis quia filius hominis habet in terra potestatem dimittendi peccata, &c. Colos. 1. cōplacuit per eū recōciliare omnia in ipsum. Pondera illam reciprocationem. In ipsum denotat enim quod satisfactio egrediens a christo in ipsum reuertebatur. Orig. citatus a S. Tho. in catena super Ioan. c. 19. dicit, quod in omnibus christi operibus glorificatus est ipse filius hominis deo glorificato in ipso.

Hæc ergo solutio prætermittā, aliter respondere oportet ad illud primum argumentum, in cuius solutione multi laborauerunt theologi, & nescio planè an satis fœliciter.

Sit ergo prima solutio, quod iustitia est ad alterum, & similiter satisfactio, quæ est inter homines. Verumtamen satisfactio ad deum est alterius ordinis, quam Aristot. non cognouit. Et explicatur hoc in actu obedientiæ, & subiectionis personalis, quæ profecto secundum doctrinam Aristot. & ea, quæ naturaliter concipimus, semper sunt ad alterum, & tamen secundum fidem certum est, quod Christus obedit sibi ipsi, & subiicitur deo, a quo non distinguitur realiter.

Hæc tamen solutio, quam nonnulli assignarunt theologi, merito improbat ab alijs. Quoniam hæc conditio iustitiæ, nimirum, quod sit ad alterum, non ex sola Aristot. aut alterius cuiuspiam philosophi autoritate suam obtinuit certitudinem, sed ex ipsamet iustitiæ natura, quæ duo necessario flagitat extrema, neque enim intelligi valet, quod aliquis sibi ipsi iustus sit aut iniustus. Et simile iudicium ferendum est, in virtute obedientiæ: stultus enim esset qui diceret, quod quis est sui ipsius dominus, aut sibi met ipsi seruus. Neq. quid quam refert, ad prædictam solutionem stabiliendā, id quod eius authores dicunt, videlicet, iustitiā Christi erga deū alteri^o esse rationis a iustitia, quæ inter homines versatur, hoc, inquā, nihil refert. Tū quia licet in esse moralis dignitatis alteri^o sit rationis Christi satisfactio, & iustitia; ab ea quæ est inter purum hominem, & deum, nō tamen specie differunt, in esse physico, vt ex superius dictis, & inferius dicēdis constabit. Quæ autē iustitia duo requirat extrema nō ex morali perfectione, & dignitate, sed ex physica ipsius iustitiæ rōne prouenit (totū aut id in pſentia physicū vocamus quod ex intrinsecis principiis oritur, & nō ex dignitate operātis suppositi, et si quidpiā habeat moralitatis admixtū.)

Tum etiam quia quantumcumque iustitia Christi ad deum alterius sit rationis, & ordinis à iustitia humana, manifestissima ratio dicat, quod debet inter duo extrema versari, & oppositum poterit clamorosa contentione defendi, nulla tamen vel apparenti ratione sustentari. Et qui dem licet diuersa sint rationis iusticia Christi, & iusticia puri hominis erga deum, necessum est tamen ut analogica saltem rationis unitate conueniant, & quod omnia quæ essentialiter in vna reperiuntur, in alia quoque iusticia proportionabili ratione inueniamus. Nam si hæc verissime dici solent de virtutibus quæ deo sunt & creaturis communes, sapientia misericordia, charitate &c. nam infinitate & increabilitate exceptis, omnes proprietates increatae sapientiae accommodantur ad sapientiam creatam analogica quadam proportionem. Quod si hæc de diuinis humanisq. virtutibus vere sentimus, quare de virtutibus Christo ut homini, & aliis hominibus communibus non omnium veritate, & proprietate dicemus?

Est secunda solutio quæ asserit, dupliciter contingere, esse ad alterum, & physice & moraliter. Physice quidem alterum dicitur, quod est entitativæ, & supposititaliter diuersum, ut Paulus alter est à Petro. Moraliter vero alterum dicitur, quod habet alietatem quæ sufficit ad exercendum operationes, & commutationes morales, ita quod taliter sunt vnum, quod possent nihilominus has operationes exercere, & terminare, atque si essent diuersa supposita. Afferunt solutionis huius autores exemplum in patre & filio in humanis, inter quos, physice loquendo, non est perfecta diuersitas, quæ ad rationem iustitiæ sufficiat, & tamen inter patrem, & filium emancipatum constituerunt leges veram iustitiæ rationem, considerando filium ut extremum moraliter distinctum à patre, id est, idoneum ad exercendum, & terminandum commutationes, & contractus civiles in quibus vera reperiatur iustitia. Hæc etiam solutio mihi non satis probatur, quia non percipio quæ ratione posset saluari illa diuersitas extremorum moralis, si inter ipsa extrema omnimoda sit naturalis, & physica identitas. Neque adductum exemplum illam solutionem illustrat, cum pater, & filius, & si physicam quamdam conuenientiam habeant propter assignatam causam ex Arist. 5. Ethic. c. 6. desumptam, sunt tamen reuera duo supposita realiter distincta, quæ proinde extrema sunt apta nata fundare illam moralem diuersitatem per legem introductam, quæ ad rationem iustitiæ suffecerit. Quam sane diuersitatem nullatenus posset lex introducere, nisi prædicta naturali personarum diuersitate inter patrem, & filium supposita. Non enim posset lex veram iustitiæ rationem inter Petrum & ipsummet Petrum statuere. Posset quidem fortassis fingere, efficere autem nequaquam. Si ergo inter Christum & deum nullam veram, & physicam diuersitatem intelligimus, posset quidem fictione quadam dici

Chri-

Christum satisfecisse, & meruisse coram deo, ac vere, & proprie id mi-
nime posset concedi. Nos autem contendimus saluare veram, ac pro-
priam, & meriti & satisfactionis rationem in studiofis Christi opera-
tionibus. Quocirca alia solutione eget prædictum argumentum primū.

Tertia solutio asserit, ad essentialē, imo ad perfectā iustitiæ ratio-
nem, non esse simpliciter necessariam distinctionem suppositorū, sed
satis esse distinctionem naturarum, & voluntatum. Nam ad hoc tan-
tum necessaria est extremorum diuersitas in iustitiā satisfactoria, &
meritoria, vt sint diuersa iura eius qui satisfacit, & eius cui fit satisfa-
ctio, diuersaq. dominia eius qui meretur, & eius à quo meretur. Ad
hoc autem sufficit sola naturarum, & voluntatum distinctio, nam ad
hanc distinctionē consequitur diuersitas dominij, & iuris. Quoniam
autem diuersæ substantiales naturæ, distincteque liberæ volunta-
tes, secundum naturæ ordinem, totāque ipsius facultatē, nequeunt
in vno supposito, sed in diuersis dumtaxat reperiri: idcirco naturalis ius-
titia absolute requirit personalem diuersitatem. At supposito incar-
nationis mysterio, sicut in unica persona filij dei duæ reperiuntur sub-
stantiales naturæ, duæque liberæ voluntates, humana, scilicet, & diui-
na, ita & reperitur vera iustitia absq. personarum diuersitate. Hęc so-
lutio fortassis poterit ad bonum sensum reduci, sed in prima sui spe-
cie considerata falsa apparet omnino. Nam cum actiones sint supposi-
torum, & personarum, & non naturarum substantialium, quæ est sine
dubio expressa Arist. sententia lib. 2. de anima. (quidquid Neoterici
quidam contendunt) dicentis quod humanitas neq. nec, neq. flet, sed
homo, si omnino secludimus in Christo suppositorum distinctionem,
concedendum est, quod vnus & idem est qui satisfacit, & cui fit satisfa-
ctio, & quod vnus & idem à se ipso meretur præmium: quod certe in-
intelligibile apparet. Nā quod quis ius habeat iustitiæ erga semet ip-
sum, & quod eiusdem ad se ipsum sit vera, & realis iustitiæ æqualitas,
sitq. vnus sibi ipsi stricto iustitiæ commutatiuæ titulo obligatus, res
ita ratio non patitur. Quare ad aliam transeamus vero similiorem so-
lutionem, perquam terciā hanc, quam modo impugnabamus solutio-
nem, ad verum reuocabimus sensum. Imo & secundam solutionem
quam vt minus probabilem reiecimus, per quartam sequentem solu-
tionem poterimus reducere ad probabilem intelligentiam.

Quarta ergo solutio est, quod diuinum verbum licet sit secundum
rem vnum & simplicissimum suppositum, est tamen secundum ratio-
nem duplex, diuinum, scilicet, & humanum. Nam qua ratione termi-
nat diuinā naturā, verum est & reale diuinum suppositum, qua ve-
ro ratione naturā humanā substantialiter terminat, & sustentat,
verè quoque, & realiter est humanum suppositum. Quæ realis denomi-
natio, quam verbum in tempore cum factum est carō acquisiuit, non

*fol. 183. v. 1. secundum
fig. 4. sec. 1.*

fol.

fundatur in aliqua reali mutatione ipsius diuini verbi, sed in mutatione reali humanitatis à verbo assumptæ, & personaliter terminatæ: quæ realis humane naturæ passiuæ immutatio suffecerit, vt verbum realiter denominetur humanum suppositum. Quemadmodum deus realiter denominatur dominus, & realiter denominatur creator, absq. vlla sui reali mutatione, propter realem mutationem creaturarum. Tunc ergo dicitur ad argumentum, quod propter hæc geminam suppositi rationem potest in Christo reperiri iustitia, quæ vere dicitur esse ad alterum, nam est inter duo supposita secundum rationem distincta, humanum scilicet & diuinum, ita quod Christus prout est suppositum humanum satisfecit sibi ipsi: prout est diuinum suppositum. Quod Aug. lib. 10. de ciuit. c. 20. verbis docuit apertissimis.

Sed insurget quis aduersus hanc solutionem, in hunc modum illam inpuigans. Iustitia importat æqualitatem quæ est realis habitudo transcendentalis, quam & concomitatur prædicamentalis relatio vera & realis, sed vtraq. hæc habitudo poscit extrema realia, & realiter distincta, vt ex Arist. in predic. ad aliquid & in lib. 5. Meth. solent colligere peritissimi Metaphisici, grauesq. philosophi. Ergo vt in Christo reperitur vera satisfactoria iustitia, qua ipse, vt humanum suppositum sibi ipsi satisfaceret vt supposito diuino, necessaria erat realis duorum suppositorum distinctio, ita quod non satis est quod sit duplex suppositum reale, sed necessum erat vt vnum realiter distingueretur ab alio, sicut inter partes eiusdem suppositi nequit reperiri habitudo & relatio realis, quia licet veram habeant realitatem partialem, non tamen sunt inter se realiter distinctæ. At distinctio realis suppositorum, fidei veritati repugnat, qua credimus vnum & idem simplicissimum suppositum, puta, diuinum verbum, deum esse & hominem, humanum suppositum & diuinum. Imo licet libere fateamur geminam esse in Christo rationem suppositi, quarum altera est humanum, & altera diuinum suppositum: non eadem tamen libertate cõcedi debet duplex in Christo esse suppositum, nisi addamus illam limitationem, scilicet, secundum rationem. Nam in priori locutione importatur distincte ipsa rationis diuersitas, quia vox illa, ratio, intellectum respicit distinctionis constitutum. In posteriori vero enuntiatione nulla vox ponitur, quæ ad distinctionem per intellectum factam referri possit. Et ideo realem denotat suppositorum distinctionem. Quam fides non admitterit. Huic replicæ quæ totam istius rei difficultatem attingit. Respondeo primum. Quod ad veram & realem iustitiæ rationem, realemque eius habitudinem, est quidem necessaria aliqua suppositorum diuersitas, vt possimus signare personam satisfaciendam aliquo modo in ratione personæ distinctam à persona

à persona cui fit satisfactio, non tamen oportet, quod ipsa personalis diuerſitas ſit realis, ita vt conſtituat duas personas realiter diſtinctas. Eſt tamen neceſſarium vt reperiantur diuerſe ſubſtantiales naturæ, eſſentialiter diſtinctæ, vt ratione vnius illud vnicum reale ſuppoſitum, prout eſt ſuppoſitum vnius naturæ, & prout exercet officium talis ſuppoſiti, ſatisfaciat ſibi ipſi prout ſuppoſitum eſt alterius naturæ, & prout talis ſuppoſiti officium exercet. Nam hac diuerſitate naturarum ſubſtantiali conſtituta, illud ſuppoſitum realiter vnum, & duplex ſecundum rationem, capax eſt diuerſi domini & diuerſi iuris, poteſt que proinde ibi reperiri vera realis iuſtitie equalitas, & habitudo. Non enim ad huiusmodi relationem, & habitudinem, requiritur realis ſuppoſitorum diſtinctio, ſed ſatis fuerit ſubſtantialis naturarum diuerſitas, quoniam ipſe naturæ ſunt proxima fundamenta, & ſubiecta huius relationis. Et quidem licet forſam non inepte contendat Metaphyſicus, quod vnum, & idem ſuppoſitum non poteſt ad ſemetipſum referri relatione reali, etiam ſi diuerſis formis ſpecie diſtinctis realiter actuetur, V. c. licet albedo, & dulcedo quæ ſunt in eodem ſubiecto, V. c. in lacte poſſint mutuo referri relatione reali, vt referuntur fortassis relatione diſſimilitudinis ſpecificæ, ipſum tamen ſubiectum non ad ſemetipſum hac reali relatione referatur. Quamvis, inquam, hoc non irrationabiliter dicatur, id tamen limitandum eſt ad relationes purè phyſicas, nam in moralibus aliud omnino eſt iudicium. Nam ſatiſtuerit, quod ſuppoſitum per diuerſas liberas voluntates, duplicis ſuppoſiti exequatur officia, ut in ipſo diuerſa iura, diuerſaque domina conſurgant, poſſit que eſſe ſatisfaciens, & vt ita loquamur, ſatisfactor, ſicque præmiſſor, & meritorie operans. Huius rei aliqua le habemus exemplum in mercatore, qui pars eſt in duabus ſocietatibus mercatorijs, quarum altera alteri ſocietati deberet mille, nam tunc mercator ille quatenus eſt pars vnius ſocietatis, ex iuſtitia poſſet illud debitum, aut partem eius ſoluere ſibi ipſi prout eſt alterius ſocietatis pars. Dixi hoc eſſe aliquale exemplum: Quoniam certe non continet ſimilitudinem exactam, cum mercator ille ut eſt debitoris ſocietatis pars, non tam ſibi ipſi quam alteri ſocietati ſoluat, quæ ſocietas realiter ab ipſo ſimpliciter differt, & ſi ſolutio mediate & inadequata ad ipſum quoque pertineat tanquam ad huius creditoris ſocietatis partem. Eſſet quidem hoc exemplum ſatis accommodum, ſi deus vt deus, quem per ſe primo Chriſti ſatisfactio reſpicit, realiter diſtingueretur à diuinis perſonis, nam tunc ſicut ille mercator per ſe primo ſoluit ſocietati realiter diſtinctæ ab ipſo, quæ diſtinctio in primario termino ſufficit.

sufficit fundare rationem iustitiæ, ita Christus per se primo satisfacere deo d se realiter distincto, tanquam primario termino quæ ipsa respicit satisfactionem, & secundario, mediate, & inadæquate sibi ipsi, ut distincti supposito, satisfaceret, sicut mercator prædictus mediate, & inadæquate sibi ipsi soluit. Verum cum deus a persona verbi nulla reali distinctione secernatur, prædictum exemplum magna ex parte deficit. Nec quidem mirum, nam mirabilius esset si omnino ex parte quæ daretur, tum de incarnationis mysterio verissime dictum sit ab Augu. in epistola Volusantini, quod si exemplum haberet non esset singulare, quod similiter ipsæ quæ per se indicibilem ipsam verbi incarnationem sequuntur, rationabiliter est accomodandum.

Ex his quæ in nostra hac prima solutione diximus, possent solutiones secunda, & tertia superius assignatæ, ad probabilem reduci intelligentiæ, & sensum. Vtraque in eo tantum deficere videtur, quod nullam in Christo considerat suppositorum distinctionem, ad rationem iustitiæ fundandam, sed ad solam diversitatem naturarum confugit, reduciturque utraque ad legitimum sensum, si dicamus, necessariam fuisse essentialem naturarum diversitatem, non autem realem distinctionem suppositorum, sed quod fuit tamen necessarium, ut essent duo supposita secundum rationem distincta, exerceretq. illud vñ suppositum duorum suppositorum officia. Quod ita in præsentia continget, facillimū erit fide supposita suadere: nam verbum carnis pro hominum peccatis satisfecit, quatenus erat verus homo, sen vt verus dicitur, deus homo, id est, prout, verbum humana natura, humanis quæ eius utebatur potētij, deo se subiciens, & humilians, in quo certe verbum non tam se gessit vt deum, quā vt verum humanitatis suppositum, & vt ex inferius dicendis, constabit: ita se gessit quod attinet ad ipsam satisfactionis rationem, & vim) atque si neque intellectu diuino, neque diuina voluntate polleret. Cæterum satisfactionem eandem carnis accepit dum taxat, quatenus verus deus est patri diuino coequalis. Neque in acceptatione ista humanis fuit vltus potētij, sed tantum diuinis toti trinitati communibus, intellectu, voluntate, omnipotentia, &c. vnde, prout acceptandi satisfactionem diuinum personæ offensæ exereuit officium, per accidens ei se habuit humanitas cum suis omnibus humanis potētij, &c.

Ad primam confirmationem neganda est sequella, nam ad rationem satisfactionis duo saltem sunt necessaria in extremis inter quæ sit. Alterum est substantialis duarum naturarum diuersitas, vt diuersitas dominij, & iuris constare possit. Et Alterum distinctio suppositorum saltem secundum rationem, iuxta modum paulo ante a nobis expositum, vt non sit omnibus modis idem satisfaciens, & cui fit satisfactio, quorum vtrumque deest in partibus eiusdem suppositi.

Ad

Ad secundam confirmationem primo responderetur, quod ad rationem iustitiæ, requiritur quidem, quod sit ad alterum, non tamen satisfactionis, aut cuius sus alterius actus iustitiæ perfectio sumitur ex eo, quod est esse ad alterum, sed ex ratione obiecti, & materiæ circa quã versatur. Vnde cum in satisfactione Christi saluetur ea extremorum diuersitas, quæ satis est ad essentialem satisfactionis rationem, parũ retulerit ad eius perfectionem, quod sit minor diuersitas inter huius satisfactionis extrema, quam in ea satisfactione quam Petrus exhibet Paulo. Nam quid obsecro distinctio extremorum potest ad dignitatem conferre? Hæc solutio mihi sufficiens apparet, & legitima. Sed potest responderi secundo. Quod satisfactio Christi non habet perfectam rationem iustitiæ, si attendamus rationem genericam iustitiæ quæ est communis omnibus partibus iustitiæ, scilicet, religioni, obedientiæ, iustitiæ commutatiuæ, distributiue, & legali, penitentia, & liberalitati, &c. quæ omnes conueniunt in hoc quod est esse ad alterum, ut in ratione generica. Ceterũ in ratione particulari, & specifica quæ desumitur ex ratione debiti, & ex æqualitate, Christi satisfactio fuit perfecta, & consummata. Et quidem non est inconsumtum, quod aliquid excedat in ratione specifica: & quod in ratione generica minorem habeat perfectionem vel e contra. V. g. theologia in ratione generica scientiæ exceditur a mathematicis, at in ratione specifica ipsa Theologia quam plurimum mathematicis præstat. Similiter cælum in ratione generica corporis forte præstat homini in ratione vero specifica excedit homo.

Ad secundum argumentum respondeo, Christi satisfactionem neque legalis neque distributiue iustitiæ fuisse opus, ut hoc secundum argumentum conuincitur: fuit autem operatio secundum substantiam a virtute religionis elicitæ. Formalissime tamen considerata, id est, secundum eam moralem dignitatem quam ab operante desumebat, quandã excellentis iustitiæ commutatiue rationem induebat, iuxta doctrinam a nobis in secunda conclusione traditam. Sed tunc urget argumentum istud secundum quatenus inæqualitatem inter satisfaciẽtem, & eum cui satisfactio fiebat, nobis opponit. Cui respondeo, & est summo opere pro tota hac materia notanda solutio, quod formaliter, & ex primaria cum operis, tum operantis intentione omnis humana Christi operatio erga deum cuiuscumque esset virtutis, procedebat ut ab inequali, & inferiori, nam procedebat a Christo, ut homine, & a diuino supposito non ut diuino, se ut humano, id est, ut exercente officium humani suppositi accomodando se admodum operandi humanitatis, & potentiarum ac virtutum eius, iuxta id quod dicebamus paulo superius. Et hoc constat manifeste in vniuersis virtutũ siue insularum, siue acquisitarum actionibus, nam humilitas, obedientia, reli-

gio, & virtutes reliquæ cum suis actionibus intrinsicæ, & essentialiter important inferioritatem in operante respectu dei. Sed tamen quasi secundario, & concomitanter insurgebat quædam æqualitatis ratio in huiusmodi operationibus, eo quod licet procederent a supposito prout humano, & ex cōsequenti prout inferiori, tamē erat re ipsa suppositum diuinum deo æquale, & tota ratio iustitiæ quam agnosceamus in Christi satisfactione, & merito ad hanc æqualitatem pertinet, & ad hanc quasi secundariā, & consequentem operationis dignitatē. Et quidem ex eo, quod Christus ex primaria intentione operabatur vt inferior, & minor deo, nihil diminuebatur ab huiusmodi operationis valore, qui ex personali dignitate ad ipsam humanam operationē derivabatur, quin potius ratione quædam ipsum augebat valorem, & speciali quadā estimatione ipsam Christi operationem dignam corā deo reddebat. Nam quod persona tantæ dignitatis qualis est Christus humilis esset, & obediens, sicut ad excellentiam maiestatis dei, eiusq; gloriam spectabat, ita & speciali ratione ipsam operationem deo gratiore, & magis acceptam reddebat. Cui doctrinæ attestatur aperte, & id quod habetur eccle. 3. quanto magnus es humilia te in omnibus, & coram deo inuenies gratiam, quoniam magna potentia dei solius, & ab humilibus honoratur. Et id quod Christus ipse Ioa. c. 8. ait, ego gloriam meā non quæro, est qui quærat, & iudicet. Et id tandem, quod dicit Paul. ad philip. 2. de Christo, quod cum in forma dei esset non rapinam arbitratus est, se esse æqualem deo, sed semetipsam exinaniuit formam serui accipiens. Et mox subiunxit, humiliavit semetipsum factus obediens vsque ad mortem, propter quod & deus exaltauit illū, &c. Expendantur bene hæc testimonia, & eorum verba, & constabit, quod Christi humiliatio valde contulit ad gloriosam eius exaltationē. Cui non dissentit, id quod Paul. ad heb. c. 5. dicebat, christum exauditum fuisse a deo pro sui reuerentia. Hunc locum in duplici sensu intelligunt graues sacrorum biblicorum interpretes. Quorum primus qui directe nostro intento deseruit, is est, quod quia Christus deo humiliter reuerentiam exhibuit, idcirco ab ipso fuit exauditus. Voluit enim deus, vt Christus prius corā ipso humilem & reuerentē se gereret, quā ipsum exaudiret, quod, ni fallor, insinuauit ipse Christus cum Ioanni Baptistæ eum baptizari prohibenti, & existimanti dedecere Christi maiestatem, vt tam se exhiberet humilem, quod quasi vnus ex peccatoribus, cum esset ipse innocentis candor, baptismi aquæ subiceretur, respondit, sine modo: sic enim decet nos implere omnem iusticiam. Itaque iusticia Christi coram deo, in eius humilitate fundamentum habuit. Neque refragatur huic doctrinæ, id quod ipse Christus. ps. 2. dicebat, dominus dixit ad me, &c. postula me, & dabo tibi gentes hereditatem tuam. Humilis debuit Christi petitio præcedere ipsam

ditissimæ

ditissime hereditatis traditionem, non secundum æqualitatem fuit agendum cum deo, sed humili oratione impetrandum. Alter sensus Paulini testimonij est, Christi dignitati quasi debitam ex iustitia reuerentiam exhibitam fuisse a deo. Qui posterior sensus priori minime contradicit, quia, vt ex dictis constat, ipsa humilis Christi deprecatio speciali quodam iustitiæ titulo debitam ipsi effecit prædictam reuerentialem dei exauditionem. Chrysost. Theophil. & alij non pauci secundam istam adhibent expositionem.

Ad primam secundi argumenti confirmationem, neganda est sequella. Non enim ponenda est in Christo virtus commutatiuæ iustitiæ erga deum: tum quia, vt dicebamus, circa secundam conclusionem, si hæc virtus reperiretur in christi anima, quoties christus illa vteretur, per se primo & ex intentione operantis, & operis operaretur vt æqualis deo, quia virtutis iustitiæ commutatiuæ ratio id exstulat, est enim virtus æqualis ad æquale. Quàm vero sit falsum christum tali modo fuisse operatum, ex multis quæ diximus, satis constat. Tum etiam cum illa æqualitatis ratio & infinitæ dignitatis se haberet in christi operationibus, quasi secundario, & consequenter, & veluti ex materiali dignitate suppositi operantis ortum habens, nulla debuit virtus in christi anima constitui, ad quã pertineret hæc æqualitas, & dignitas operationum christi tanquam ad propriam regulã: non enim constituenda est regula, & mensura alicuius operationis, respectu eius perfectionis, & dignitatis, quam prædicto modo, idest, concomitanter, & ex materiali dignitate suppositi operantis participat. Et quidem si poneretur in Christo virtus commutatiuæ iustitiæ, respiceret per se primo Christi operationem secundum prædictam moralem perfectionem, & æqualitatẽ à diuino supposito deriuatam, quia æqualitas pertinet ad essentialẽ, & primariam huius virtutis rationem. At nulla virtus pertinens ad Christum, prout est homo, & humanum suppositum, potuit per se primo hanc cum deo æqualitatem attendere, nam Christus hac ratione minor est patre, vt sua ipse sponte fassus est Ioa. c. 14. Pater, inquit, maior me est. Quod si quis ita arguat contra hanc solutionem, & contra doctrinam superius traditã. In omni satisfactione, qua offensor satisfacit, & compensat offenso pro iniuria, & offensa, quam ipsi intulit, reperitur humiliatio, & subiectio offensoris ad offensum: & saluatur nihilominus ibi iustitiæ commutatiuæ æqualitas, & dicitur illa satisfactio inter æquales versari. Ergo humiliatio & subiectio, qua Christus pro nobis satisfaciens deo se humiliauit, & submisit, neque æqualitatem iustitiæ commutatiuæ debitam, neque vero ipsam commutatiuæ iustitiæ virtutem abstulit. Respondetur. Quod is qui inter homines pro offensa, qua alterum offendit, satisfacit, humiliatur quidem coram eo, ipsiq. subicitur, se-

cundum quid duntaxat, nimirum ratione iniuriæ, & offensæ, per quæ
secundum iustitiæ leges relictus fuit ipsi subiectus, contraxitq. debi-
tum ad se humiliandum, & subiiciendum ei, offerens loco sufficientis
satisfactionis subiectionem hanc, & humilitatē. At in omnibus aliis,
ut æqualem se gerit: & ob id ex iustitia commutativa satisfacit. At
Christus non solum ratione offensæ, & iniuriæ, quæ fuit in humani ge-
neris peccato deo subiiciebatur debitum reddens honorem: sed etiā
ratione humanitatis, propter quā & ut exercebat humani suppositi
officium, servus erat, & inferior.

Secunda confirmatio nulla nos difficultate præmit, cum constet ex dictis in Christo virtutem commutatiuæ iustitiæ locū nō habuisse. Sed præterea dico, quod autores qui virtutem commutatiuæ iustitiæ in Christi humanitate constituunt, ita poterunt hanc confirmationem diluere, nimirum, quod humanitate Christi à diuino verbo separata, non maneret formalis ratio commutatiuæ iustitiæ, & proprii eius obiecti, quia non maneret æqualitas inter ipsam humanitatem, eiusque naturale suppositum, & deum, imo talis æqualitas esset impossibilis, vnde neque permanere posset ipsa iustitiæ commutatiuæ virtus, neque vero mirum esse debet alicui, quod gratia in Christi humanitate verbo vnita explicet se per naturalem resultantiam in hanc iustitiæ commutatiuæ virtutem, quem tamen effluxum subtrahat soluta unione verbi cum humanitate propter incapacitatem subiecti: humanitas namque à verbo separata est huius virtutis incapax. Quemadmodum omnes, qui bene sapiunt, fateri tenentur, quod gratia in Christi humanitate non se explicuit in virtutem pænitentis, eo quod humanitas coniuncta verbo, sicut est peccati incapax, ita & pænitentis virtutis, si tamen verbum humanitatem relinqueret, mox eadem habitualis gratia naturali quodam effluxu exprimeret pænitentis virtutem, eamque causeret in ipsa relicta humanitate.

Ad tertium responderetur. quod licet pater, & filius in humanis duo sint realiter distincta supposita, ob quam causam civilis lex veram potuit iustitiam introducere inter patrem & adoptivum filium, quod animadverti superius: non tamen est totalis & completa naturarum inter eos diversitas etiam numerica, eo quod filius est aliquid patris, & ob hanc causam non reperitur naturalis iustitia inter patrem, & filium. At in Christo diversitas totalis reperitur naturarum, & cum ratio iuris, & dominij in ipsa funderetur natura, licet nō realis sed rationis suppositorum sit in Christo diversitas, bene intelligitur reperiri posse ius commutativæ iustitiæ, inter Christum vt suppositum humanum, & semetipsum vt est divinum suppositum, & eadem ratione huiusmodi commutativæ iustitiæ ius reperitur inter Christum & deum.

1000. *1000. 1000. 1000.*

之

deum, & à fortiori esse potest inter Christum & patrē, cum sint duo supposita distincta realiter. Causa breuitatis alios prætermitto, titulos, qui iusticiam commutatiuam inter patrem, & filium inhumani impediunt, quorum princeps fortassis est titulus gratitudinis, nā omnia quæ filius habet, hoc titulo suis debet parentibus. Vnde vulgatum est illud, quod diis, & parentibus par gratia referri nequit.

Quantum argumentum diluit sufficienter solutio inter arguendum assignata. Ad replicam vero quam ei obiecimur, respondeo, quod cum specifica peccatorum mortalium diuersitate quæ ex diuersis formalibus obiectis desumitur, saluatur illa ratio vniuersis mortalibus peccatis communis, puta, quod omnia sunt iniuriosa deo, & quantum in ipsis est totaliter demolliuntur ipsam dei maiestatem, & excellentiam, diuinumque eius lædunt honorem: itaque si non effectiue, affectiue tamen mortale peccatum ipsam veri dei totam machinatur destructionem, quæ pro inde iniuria contra diuinum, & in cōmutabile bonū admissa iusta fuit Christi satisfactione reparanda.

Quintum argumentum & vltimum, ex his quæ dicebamus circa secundam conclusionem manet sufficienter solutum, breuiterque respondeo illi: quod in Christi satisfactione deo pro nostris peccatis exhibita, multa interuenerunt diuersarum virtutum opera, quæ licet secundum pæculiāres formales rationes adiuersis regularentur, & elicerentur virtutibus, in ea tamen ratione formali sub qua satisfactoria fuere, ab vnica religionis virtute imperabantur, & regulabantur. Habuit enim virtus religionis in Christo ad nostra expiandum peccata, eum locum quem habet in nobis penitentia virtus, perquam à propriis mundamur peccatis, & ab statutu iniustitiæ, ad iustitiæ statum reducimur.

Quo loco obiter aduertat theologus, quod si per actum penitentia, is qui iustificatur nihil intenderet, & aliud, quam deo pro offensa, & iniuria in ipsum irrogata satisfacere, non oporteret constituere in illo virtutem penitentia, à virtute religionis distinctam vt Caietan. & alii non pauci censuerunt theolog, eiusdem namque virtutis religionis interest, reparationem facere in honore dei læso per iniuriam diuinæ maiestati irrogatā, cuius interest ipsam dei excellentiā religioso affectu colere & venerari, nam eadem est contrariorum ratio, & eiusdem virtutis est promouere bonum, & eius contrarium impedire & repellere. At quia penitentia actus, vt autor est. S. Th. 3. p. q. 85. a. 2. simul intendit duo, & satisfactionem proportionabilem deo pro offensa peccati offerre, & ipsum peccatum per modum cuiusdam emendationis & correctionis ab anima profligare, id circo non suffecerit religionis virtus, ad quā totalis iste effectus nō pertinet. Vnde necessario fuit cōstituēda in nobis penitentia virtus, q̄ per se primo

hunc respiciat effectum, & finem. Quoniam vero in Christo non habuit locum illa posterior ratio quæ ad emendationem, & correctionem, ad expulsionem quæ peccati ab anima pertinet, sed prior ratio ducatur, quæ consistit in compensatione pro offensa, & iniuriæ diuinæ manifestati irrogata, idcirco non ad penitentiae virtutem, sed ad religionem spectauit & proprium actum, & multa aliarum virtutum opera in hæc compensationem referre: ac proinde Christi satisfactio fuit formaliter religionis actus quantum ad substantiam, nam quantum ad moralem perfectionem ex dignitate suppositi operantis proveniente iustitiæ potius commutatiuæ, quam religionis rationem induit, ut dicebam superius. Religionis enim virtus non æqualitatem in ter operantem, & deum constituit, fundatur enim eius essentialis ratio in titulo inferioritatis, & subiectionis, qua creatura suum tenetur recognoscere creatorem. Vnde in Christi satisfactione, geminam debemus speciem comentari: Alteram religionis, & alteram commutatiuæ iustitiæ. Et prior quidem specifica ratio posteriori subiecitur, & quasi materialiter subternitur. Et hæc de prima dubitatione sufficiant.

Secundum
dubium.

Secundum dubium in hoc articulo disputandum illud est, Num Christi satisfactio fuerit simpliciter infinita. Indubio præcedenti explicauimus qua ratione Christi satisfactio fuerit ad alterum, fueritque inter æquales, quæ sunt duæ conditiones ad iusticiam secundum communem rationem requisitæ. Quibus bene pensatis definiuimus Christi satisfactionem ad commutatiuam iusticiam pertinuisse. Deinceps vero explicandum erit, an commutatiuæ iustitiæ ratio in Christi satisfactione perfecta fuerit, & exacta. Ita ut non solam prædictæ iustitiæ essentiali, sed et summum etiam perfectionis gradum attigerit, quod duobus sequentibus dubijs est a nobis exponendum. In quorum primo quod est in huius articuli ordine secundum, explicare conabimur Christi satisfactionem in ratione satisfactionis infinitam fuisse, & radicem ex qua huiusmodi infinitas ad Christum fuit satisfactio nem deriuata.

*Non est satisfactio
infinita ualoris*

Dubitatio igitur est, à nobis examinanda. Num Christi satisfactio infiniti fuerit valoris. Quæ dubitatio, alterum videtur præsupponere, & alterum inquirir. Inquirir sane id quod in specie proposuimus, nū, videlicet, valorem habuerit infinitum ipsa Christi satisfactio. Id autem præsupponere videtur, quod si Christi satisfactio non fuit infinito valore prædita, minime esse potuerit perfecta, & æquiualens satisfactio. Quo circa verumque sub eadem disputationis serie in præsentis dubitatione explicabimus.

Sit ergo primum argumentum quo probatur infinitum valorem non fuisse in Christi satisfactione necessarium, ut esset æquiualens, & perfecta satisfactio. Offensa quæ in peccato primi parentis, pro quo potissimum

potissimum Christus satisfecit, nō fuit infinita in ratione offensę, ergo neque fuit necessarius infinitus valor in satisfactione Christi, vt esset æquivalens & perfecta satisfactio. Consequentia apparet evidens. Nā perfectio, & æquivalencia satisfactionis pensanda est penes habitudinem, & proportionem ad offensam. Vnde si offensā pro qua fit satisfactio, infinita non est in ratione offensę, vt satisfactio perfecta sit, & æquivalens, nō indigebit infinito valore. Sed antecedens probatur.

Offensa quę inerat illi peccato, non ex eo, fuit infinita, quia erat contra deum infinitum bonum, sed ex nulla alia radice oriri potuit eius infinitas, ergo, &c. Probatur maior, infinitas obiecti nō sufficit tribuere infinitatē actui, nisi cū actus est adæquatus ipsi obiecto, quod simul sic rexplicatur, & probatur. Quamuis dei bonitas infinita simpliciter sit, nō tamē quilibet charitatis actus, qui est huius infinitę charitatis dilectio, est simpliciter infinite bonus in ratione charitatis & dilectionis, sed ille tantum charitatis actus, quo diligitur summū bonū quantum diligibile est, qualis est solus ille actus quo deus suā diligit bonitatē. Et in visione beatifica proportionabile potest offerri exemplum. Nā illa sola infinita est simpliciter in ratione beatificę visionis, quę videtur deus & cognoscitur quantum est visibilis & cognoscibilis. Sed per peccatum primi parentis diuina bonitas non fuit offensa, quantum est offendibilis, nam alio grauiori peccato potuit magis offendi, grauius enim offensa fuit diuina bonitas per peccatum traditoris, quo Iudas tradidit Christum, & peccatis eorum qui ipsum Christum crucifixerunt. Et ratio huius rei etiam est manifesta, quia summa bonitas solummodo tantum potest offendi, & quantum est offendibilis, quo summū odio habetur tanquam summum malum: quę summa odij ratio non reperta fuit in illo. Ad peccato: ergo, &c.

Confirmatur. Ex cōtaria sententia sequeretur omnia peccata mortalia æqualis esse grauitatis, nam in omni peccato erit infinitas offensionis dei: quia per quodcumq; mortale peccatum infinita dei bonitas offenditur. Consequentis autem falsitatem non est huius loci ostendere, sed præsupponere ex communi theologorum doctrina, in 2. d. 42. legatur ibidem. s. th. q. 2. 2. 5, & 12. q. 73. ar. 2.

Secundum argumentum quo directē probatur pars negatiua huius dubij. Valor simpliciter infinitus ille tantum esse potest, qui est summus, & maximus in genere valoris, & qui eminenter saltem omnē alium valorem inferiorem contineat. Sed Christi satisfactio non habuit hunc summum, & maximum valorem non ergo fuit valoris infiniti, atq; adeo neque infinita satisfactio. Minor probatur. Diuina bonitas multo maioris est valoris, & dignitatis quam quilibet Christi operatio, imo actiones ipsę dei ad intra, generatio, verbi, processio Spiritus sancti infinito valore exuperant, quæcumque humanam Christi

prias, & peculiare specificas differentias, ut obiectum a quo specificatur, at in ratione iniurię, & offense per penitentiam, & contritionem reparabilis, nō proximum, sed ipsum deum immediate respiciunt. ita in peccatis quę ex propriis, & essentialibus differentiis ad aliquam specialem trinitatis personam terminatur, proportionabiliter est dicendum.

1. Ad argumentum, quod fecimus pro sententia contraria ex sacris scripturis desumptum, respondetur. Familiare esse sacris literis illa quę communia sunt toti trinitati: & per se primo conueniunt deo ut deus est, si pertineant ad maiestatem & auctoritatem dei, tribuere personę patris per accomodationem, eo quod diuinitas reperitur in patre tanquā in principio non habente principiū. Et quoniam satisfactio per se primo respicit diuinam maiestatem offensam, id circo sacra litera satisfactionē ad scribunt patri, atque si illi per se primo fieret satisfactio. Alia etiam ratione Christus multa nostrę redēptionis opera in patrem retulit, nulla vel sui ipsius, vel Spiritus sancti mentione facta, quia filius ipse visibilis apparuit in carne: quod vidimus oculis nostris, quod audiuius, & quod manus nostrę contrectauerunt de verbo vitę annuntiamus vobis, inquit Ioan. 1. can. c. 1. Vidimusq. gloriam eius quasi vnigeniti a patre mirabili signorum, & doctrinę fulgore corruscantem. Et Spiritus sanctus similiter, & in columbę specie, & in linguis ignis, magno repentinoq. sono, atque alijs diuersis modis hominibus apparuit visibilis: vnde duę istę personę visibile de semet ipsis testimonium perhibuere. Persona autem patris, quia semper mansit visibilis, opus habuit (si ita fas est loqui) diuini verbi incarnationi testimonio, quo pater gloriosa attestatōe in hominum veniret notitiam. Sed præterea addo, quod in literis sacris aperte etiam affirmatur, satisfactionem deo factam esse, & ita Paulus 2. corint. 5. dicit, Deus erat in Christo mundum reconcilians sibi, & paulo superius dixerat, omnia autem ex Deo, qui nos reconciliauit sibi. Et quidem in priori loco illud nomen deus, personaliter videtur accipiendum, ut idem polleat quod diuinum verbum: in posteriori autem (qui tamen in textu præcedit) essentialiter sumitur pro deo tribus personis communi, ut Chrysost. & Thophyla. ibidem animaduertunt. In quo sensu similiter capitur 1. ad Thimo. 2. Vnus enim deus, vnus & mediator dei, & hominū homo Christus Iesus, ut ibidem Chrysost. Beda, & Anselmus notant: & expressissime August. in prima enarratione Ps. 29. Quid est mediatorem esse, inquit, inter deum & homines, non inter patrem & homines, sed inter deum & homines. Quid est deus? pater, filius: & spiritus sanctus. Idem Aug. eadem Pauli verba, lib. 10. de ciuit. c. 20. inquit, in quantum formam serui accipiens, mediator effectus est dei, & hominum homo Christus Iesus

cum

cum in forma dei sacrificium cum patre sumat, cum quo & vnus est deus. Fauent Cyrillus lib. 11. in Ioan. c. 7. & in 5. tomo Actor. conc. Ephes. in declaratione anathematismi 10. Ambr. lib. 3. de fide cap. 5. Hieron. Ps. 10. & Fulgent. lib. de incarnatione c. 13. Remittere etiā peccata deo in sacris literis quandoque tribuitur, & ita petrus Act. 8. Symoni Mago dicebat, pñitentiam age ab hac nequitia tua; & rōga deum si forte remittatur tibi hæc cogitatio cordis tui. Quandoq. etiam ipsi christo tribuitur, & ita Marci 24. dicebat christus. Vt aut sciaris quia filius hominis habet in terra potestatem dimittendi peccata, &c. Colos. 1. cōplacuit per eū recōciliare omnia in ipsum. Pondera illam reciprocationem. In ipsum denotat enim quod satisfactio egrediens a christo in ipsum reuertebatur. Orig. citatus a. S. Tho. in catena super Ioan. c. 19. dicit, quod in omnibus christi operibus glorificatus est ipse filius hominis deo glorificato in ipso.

Hac ergo solutione prætermisā, aliter rēspōdere oportet ad illud primum argumentum, in cuius solutione multi laborauerunt theologi, & nescio planē an satis foeliciter.

Sit ergo prima solutio, quod iustitia est ad alterum, & similiter satisfactio, quæ est inter homines. Verumtamen satisfactio ad deum est alterius ordinis, quam Aristot. non cognouit. Et explicatur hoc in actu obedientiæ, & subiectionis personalis, quæ profecto secundum doctrinam Aristot. & ea, quæ naturaliter concipimus, semper sunt ad alterum, & tamen secundum fidem certum est, quod Christus obedit sibi ipsi, & subijcitur deo, a quo non distinguitur realiter.

Hæc tamen solutio, quam nonnulli assignarunt theologi, merito improbat ab alijs. Quoniam hæc conditio iustitiæ, nimirum, quod sit ad alterum, non ex sola Aristot. aut alterius cuiuspiam philosophi autoritate suam obtinuit certitudinem, sed ex ipsamet iustitiæ natura, quæ duo necessario flagitat extrema, neque enim intelligi vallet, quod aliquis sibi ipsi iustus sit aut iniustus. Et simile iudicium ferendum est, in virtute obedientiæ: stultus enim esset qui diceret, quod quis est sui ipsius dominus, aut sibi met ipsi seruus. Neq. quidquam refert, ad prædictam solutionem stabiliendā, id quod eius auctores dicūt, videlicet, iustitiā Christi erga deū alteri^o esse rationis a iustitia, quæ inter homines versatur, hoc, inquā, nihil refert. Tū quia licet in esse moralis dignitatis alteri^o sit rationis Christi satisfactio, & iustitia, ab ea quæ est inter purum hominem, & deum, nō tamen specie differunt, in esse physico, vt ex superius dictis, & inferius dicēdis constabit, q. autē iustitia duo requirat extrema nō ex morali perfectione, & dignitate, sed ex physica ipsius iustitiæ rōne prouenit (totū autē id in pñtia physicū vocamus quod ex intrinsecis principiis oritur, & nō ex dignitate operātis suppositi, et si quidpiā habeat moralitatis admixtū.)

Tum etiam quia quantumcumque iustitia Christi ad deum alterius sit rationis, & ordinis à iustitia humana, manifestissima ratio dicitur, quod debet inter duo extrema versari, & oppositum poterit clamorosa contentione defendi, nulla tamen vel apparenti ratione sustentari. Et qui dem licet diuersa sint rationis iustitia Christi, & iustitia puri hominis erga deum, necessum est tamen ut analogica saltem rationis unitate conueniant, & quod omnia quæ essentialiter in vna reperiuntur, in alia quoque iustitia proportionabili ratione inueniamus. Nam si hæc verissime dici solent de virtutibus quæ deo sunt & creaturis communes, sapientia misericordia, charitate &c. nam infinitate & increabilitate exceptis, omnes proprietates increatae sapientiae accommodantur ad sapientiam creatam analogica quadam proportionem. Quod si hæc de diuinis humanisque virtutibus vere sentimus, quare de virtutibus Christo ut homini, & aliis hominibus communibus non omnium veritate, & proprietate dicemus?

Est secunda solutio quæ asserit, dupliciter contingere, esse ad alterum, & physice & moraliter. Physice quidem alterum dicitur, quod est entitatie, & supposititaliter diuersum, ut Paulus alter est à Petro. Moraliter vero alterum dicitur, quod habet aliteratam quæ sufficit ad exercendum operationes, & commutationes morales, ita quod taliter sunt vnum, quod possent nihilominus has operationes exercere, & terminare, atque si essent diuersa supposita. Afferunt solutionis huius autores exemplum in patre & filio in humanis, inter quos, physice loquendo, non est perfecta diuersitas, quæ ad rationem iustitiæ sufficiat, & tamen inter patrem, & filium emancipatum constituerunt leges veram iustitiæ rationem, considerando filium ut extremum moraliter distinctum à patre, id est, idoneum ad exercendum, & terminandum commutationes, & contractus ciuiles in quibus vera reperiatur iustitia. Hæc etiam solutio mihi non satis probatur, quia non percipio qua ratione posset saluari illa diuersitas extremorum moralis, si inter ipsa extrema omnimoda sit naturalis, & physica identitas. Neque adductum exemplum illam solutionem illustrat, cum pater, & filius, & si physicam quamdam conuenientiam habeant propter assignatam causam ex Arist. 5. Ethic. c. 6. desumptam, sunt tamen reuera duo supposita realiter distincta, quæ proinde extrema sunt apta nata fundare illam moralem diuersitatem per legem introductam, quæ ad rationem iustitiæ suffecerit. Quam sane diuersitatem nullatenus posset lex introducere, nisi prædicta naturali personarum diuersitate inter patrem, & filium supposita. Non enim posset lex veram iustitiæ rationem inter Petrum & ipsummet Petrum statuere. Posset quidem fortassis fingere, efficere autem nequaquam. Si ergo inter Christum & deum nullam veram, & physicam diuersitatem intelligimus, posset quidem fictione quadam dici Chri-

Christum satisfecisse, & meruisse coram deo, at vere, & proprie id mi-
nime posset concedi. Nos autem contendimus saluare veram, at pro-
priam, & meriti & satisfactionis rationem in studiosis Christi opera-
tionibus. Quocirca alia solutione eger prædictum argumentum primi.

Tertia solutio asserit, ad essentialem, imo ad perfectam iustitiæ ratio-
nem, non esse simpliciter necessariam distinctionem suppositorum, sed
satis esse distinctionem naturarum, & voluntatum. Nam ad hoc tan-
tum necessaria est extremorum diuersitas in iustitiæ satisfactoria, &
meritoria, vt sint diuersa iura eius qui satisfacit, & eius cui fit satisfac-
tio, diuersaq. dominia eius qui meretur, & eius à quo meretur. Ad
hoc autem sufficit sola naturarum, & voluntatum distinctio, nam ad
hanc distinctionem consequitur diuersitas dominij, & iuris. Quoniam
autem diuersæ substantiales naturæ, distinctæque liberæ volunta-
tes, secundum naturæ ordinem, totamque ipsius facultatē, nequeunt
in vno supposito, sed in diuersis dumtaxat reperiri: idcirco naturalis ius-
titia absolute requirit personalem diuersitatem. At supposito incar-
nationis mysterio, sicut in unica persona filij dei duæ reperiuntur sub-
stantiales naturæ, duæque liberæ voluntates, humana, scilicet, & diui-
na, ita & reperitur vera iustitiæ absq. personarum diuersitate. Hæc so-
lutio fortassis poterit ad bonum sensum reduci, sed in prima sui spe-
cie considerata falsa apparet omnino. Nam cum actiones sint supposi-
torum, & personarum, & non naturarum substantialium, quæ est sine
dubio expressa Arist. sententia lib. 2. de anima. (quidquid Neoterici
quidam contendant) dicentis quod humanitas neq. net, neq. fiet, sed
homo, si omnino secludimus in Christo suppositorum distinctionem,
concedendum est, quod vnus & idem est qui satisfacit, & cui fit satisfac-
tio, & quod vnus & idem à se ipso meretur præmium: quod certe in-
intelligibile apparet. Nā quod quis ius habeat iustitiæ erga semet ip-
sum, & quod eiusdem ad se ipsum sit vera, & realis iustitiæ æqualitas,
sitq. vnus sibi ipsi stricto iustitiæ commutatiuæ titulo obligatus, re-
cta ratio non patitur. Quare ad aliam transeamus vero similiorē so-
lutionem, perquam terciā hanc, quam modo impugnabamus solutio-
nem, ad verum reuocabimus sensum. Imo & secundam solutionem
quam vt minus probabilem reiecimus, per quartam sequentem solu-
tionem poterimus reducere ad probabilem intelligentiam.

Quarta ergo solutio est, quod diuinum verbum licet sit secundum
rem vnum & simplicissimum suppositum, est tamen secundum ratio-
nem duplex, diuinum, scilicet, & humanum. Nam quæ ratione termi-
nat diuinam naturam, verum est & reale diuinum suppositum, quæ ve-
ro ratione naturam humanam substantialiter terminat, & sustentat,
verè quoque, & realiter est humanum suppositum. Quæ realis denomi-
natio, quam verbum in tempore cum factum est caro acquisiuit, non

fundatur in aliqua reali mutatione ipsius diuini verbi, sed in mutatione reali humanitatis à verbo assumptæ, & personaliter terminatæ: quæ realis humanæ naturæ passiuæ immutatio suffecerit, vt verbum realiter denominetur humanum suppositum. Quemadmodum deus realiter denominatur dominus, & realiter denominatur creator, absq. vlla sui reali mutatione, propter realem mutationem creaturarum. Tunc ergo dicitur ad argumentum, quod propter hæc geminam suppositi rationem potest in Christo reperiri iustitia, quæ vere dicitur esse ad alterum, nam est inter duo supposita secundum rationem distincta, humanum scilicet & diuinum, ita quod Christus prout est suppositum humanum satisfecit sibi ipsi: prout est diuinum suppositum. Quod Aug. lib. 10. de ciuit. c. 20. verbis docuit apertissimis.

Sed insurget quis aduersus hanc solutionem, in hunc modum illam impugnans. Iustitia importat æqualitatem quæ est realis habitudo transcendentalis, quam & concomitatur prædicamentalis relatio vera & realis, sed ytraq. hæc habitudo poscit extrema realia, & realiter distincta, vt ex Arist. in predic. ad aliquid & in lib. 5. Meth. solent colligere peritissimi Metaphisici, grauesq. philosophi. Ergo vt in Christo reperitur vera satisfactoria iustitia, qua ipse, vt humanum suppositum sibi ipsi satisfaceret vt supposito diuino, necessaria erat realis duorum suppositorum distinctio, ita quod non satis est quod sit duplex suppositum reale, sed necessum erat vt vnum realiter distingueretur ab alio, sicut inter partes eiusdem suppositi nequit reperiri habitudo & relatio realis, quia licet veram habeant realitatem partialem, non tamen sunt inter se realiter distinctæ. At distinctio realis suppositorum, fidei veritati repugnat, quæ credimus vnum & idem simplicissimum suppositum, puta, diuinum verbum, deum esse & hominem, humanum suppositum & diuinum. Imo licet libere fateamur geminam esse in Christo rationem suppositi, quarum altera est humanum, & altera diuinum suppositum: non eadem tamen libertate cõcedi debet duplex in Christo esse suppositum, nisi addamus illam limitationem, scilicet, secundum rationem. Nam in priori locutione importatur distincte ipsa rationis diuersitas, quia vox illa, ratio, intellectum respicit distinctionis constitutum. In posteriori vero enuntiatione nulla vox ponitur, quæ ad distinctionem per intellectum factam referri possit. Et ideo realem denotat suppositorum distinctionem. Quam fides non admitterit. Huic replicæ quæ totam istius rei difficultatem attingit. Respondeo primum. Quod ad ueram & realem iustitiæ rationem, realemque eius habitudinem, est quidem necessaria aliqua suppositorum diuersitas, vt possimus signare personam satisfacientem aliquo modo in ratione personæ distinctam à persona

à persona cui fit satisfactio, non tamen oportet, quod ipsa personalis diuersitas sit realis, ita vt constituat duas personas realiter distinctas. Est tamen necessarium vt reperiantur diuersæ substantiales naturæ, essentialiter distinctæ, vt ratione vnus illud vnicum reale suppositum, prout est suppositum vnus naturæ, & prout exercet officium talis suppositi, satisfaciatur sibi ipsi prout suppositum est alterius naturæ, & prout talis suppositi officium exercet. Nam hac diuersitate naturarum substantiali constituta, illud suppositum realiter vnum, & duplex secundum rationem, capax est diuersi dominij & diuersi iuris, potest que promde ibi reperiri vera realis iustitiæ equalitas, & habitudo. Non enim ad huiusmodi relationem, & habitudinem, requiritur realis suppositorum distinctio, sed satis fuerit substantialis naturarum diuersitas, quoniam ipse naturæ sunt proxima fundamenta, & subiecta huius relationis. Et quidem licet forsam non inepte contendat Metaphysicus, quod vnum, & idem suppositum non potest ad semetipsum referri relatione reali, etiam si diuersis formis specie distinctis realiter actuetur, V. c. licet albedo, & dulcedo quæ sunt in eodem subiecto, V. c. in lacte possint mutuo referri relatione reali, vt referuntur fortassis relatione dissimilitudinis specificæ, ipsum tamen subiectum non ad semetipsum hac reali relatione refertur. Quamuis, inquam, hoc non irrationabiliter dicatur, id tamen limitandum est ad relationes pure physicas, nam in moralibus aliud omnino est iudicium. Nam satisfuerit, quod suppositum per diuersas liberas voluntates, duplicis suppositi exequatur officia, ut in ipso diuersa iura, diuersaque domina consurgant, possit que esse satisfaciens, & vt ita loquamur, satisfactum, sitque premiator, & meritorie operans. Huius rei aliquale habemus exemplum in mercatore, qui pars est in duabus societatibus mercatorijs, quarum altera alteri societati deberet mille, nam tunc mercator ille quatenus est pars vnus societatis, ex iustitia posset illud debitum, aut partem eius soluere sibi ipsi prout est alterius societatis pars. Dixi hoc esse aliquale exemplum: Quoniam certe non continet similitudinem exactam, cum mercator ille ut est debitoris societatis pars, non tam sibi ipsi quam alteri societati soluat, quæ societas realiter ab ipso simpliciter differt, & si solutio mediate & inadæquate ad ipsum quoque pertineat tanquam ad huius creditoris societatis partem. Esset quidem hoc exemplum satis accommodum, si deus, vt deus, quem per se primo Christi satisfactio respicit, realiter distingueretur à diuinis personis, nam tunc sicut ille mercator per se primo soluit societati realiter distinctæ ab ipso, quæ distinctio in primario termino

sufficit

Ad secundam confirmationem primo respondetur, quod ad rationem iustitiæ, requiritur quidem, quod sit ad alterum, non tamen satisfactionis, aut cuius sus alterius actus iustitiæ perfectio sumitur ex eo, quod est esse ad alterum, sed ex ratione obiecti, & materiæ circa quã versatur. Vnde cum in satisfactione Christi saluetur ea extremorum diuersitas, quæ satis est ad essentialem satisfactionis rationem, parũ retulerit ad eius perfectionem, quod sit minor diuersitas inter huius satisfactionis extrema, quam in ea satisfactione quam Petrus exhibet Paulo. Nam quid obsecro distinctio extremorum potest ad dignitatem conferre? Hæc solutio mihi sufficiens apparet, & legitima. Sed potest responderi secundo. Quod satisfactio Christi non habet perfectam rationem iustitiæ, si attendamus rationem genericam iustitiæ quæ est communis omnibus partibus iustitiæ, scilicet, religioni, obedientiæ, iustitiæ commutatiuæ, distributiue, & legali, penitentiæ, & liberalitati, &c. quæ omnes conueniunt in hoc quod est esse ad alterum, vt in ratione generica. Ceterũ in ratione particulari, & specifica quæ desumitur ex ratione debiti, & ex æqualitate, Christi satisfactio fuit perfecta, & consummata. Et quidem non est inconsumtum, quod aliquid excedat in ratione specifica: & quod in ratione generica minorem habeat perfectionem vel e contra. V. c. theologia in ratione generica scientiæ, excedit a mathematicis, at in ratione specifica ipsa Theologia quam plurimum mathematicis præstat. Similiter cælum in ratione generica corporis forte præstat homini in ratione vero specifica excedit homo.

Ad secundum argumentum respondeo, Christi satisfactionem neque legalis neque distributiue iustitiæ fuisse opus, vt hoc secundo argumento conuincitur: fuit autem operatio secundum substantiam a virtute religionis elicitæ. Formalissime tamen considerata, idest, secundum eam moralem dignitatem quam ab operante desumebat, quandã excellentis iustitiæ commutatiuæ rationem induebat, iuxta doctrinam a nobis in secunda conclusione traditam. Sed tunc vrget argumentum istud secundum quatenus inæqualitatem inter satisfaciētem, & eum cui satisfactio fiebat, nobis opponit. Cui respondeo, & est summo opere pro tota hac materia notanda solutio, quod formaliter, & ex primaria tum operis, tum operantis intentione omnis humana Christi operatio erga deum cuiuscumque esset virtutis, procedebat vt ab inequali, & inferiori, nam procedebat a Christo, vt homine, & a diuino supposito non vt diuino, se vt humano, idest, vt exercente officium humani suppositi accomodando se admodum operandi humanitatis, & potentiarum ac virtutum eius, iuxta id quod dicebamus paulo superius. Et hoc constat manifeste in vniuersis virtutũ sine infusarum, siue acquisitarum actionibus, nam humilitas, obedientia, reli-

gio, & virtutes reliquæ cum suis actionibus intrinsicæ, & essentialiter important inferioritatem in operante respectu dei. Sed tamen quasi secundo, & concomitanter surgebat quædam æqualitatis ratio in huiusmodi operationibus, eo quod licet procederent a supposito prout humano, & ex cōsequenti prout inferiori, tamē erat re ipsa suppositum diuinum deo æquale, & tota ratio iustitiæ quam agnoscebat in Christi satisfactione, & merito ad hanc æqualitatem pertinet, & ad hanc quasi secundariā, & consequentem operationis dignitatē. Et quidem ex eo, quod Christus ex primaria intentione operabatur ut inferior, & minor deo, nihil diminuebatur ab huiusmodi operationis valore, qui ex personali dignitate ad ipsam humanam operationē derivabatur, quin potius ratione quadam ipsum augebat valorem, & speciali quādam estimatione ipsam Christi operationem dignam corā deo reddebat. Nam quod persona tantæ dignitatis qualis est Christus humilis esset, & obediens, sicut ad excellentiam maiestatis dei, eiusque gloriam spectabat, ita & speciali ratione ipsam operationem deo gratiorem, & magis acceptam reddebat. Cui doctrinæ attestatur aperte, & id quod habetur eccle. 3. quanto magnus es humilia te in omnibus, & coram deo inuenies gratiam, quoniam magna potentia dei solius, & ab humilibus honoratur. Et id quod Christus ipse Ioa. c. 8. ait, ego gloriam meā non quero, est qui querat, & iudicet. Et id tandem, quod dicit Paul. ad philip. 2. de Christo, quod cum in forma dei esset non rapinam arbitratus est, se esse æqualem deo, sed semetipsum exinaniuit formam serui accipiens. Et mox subiunxit, humiliavit semetipsum factus obediens vsque ad mortem, propter quod & deus exaltauit illū, &c. Expendantur bene hæc testimonia, & eorum verba, & constabit, quod Christi humiliatio valde contulit ad gloriosam eius exaltationē. Cui non dissentit, id quod Paul. ad heb. c. 5. dicebat, christum exaudiri fuisse a deo pro sui reuerentia. Hunc locum in duplici sensu intelligunt graues sacrorum bibliorum interpretes. Quorum primus qui directe nostro intento deseruit, is est, quod quia Christus deo humilem reuerentiam exhibuit, idcirco ab ipso fuit exauditus. Voluit enim deus, ut Christus prius corā ipso humilem & reuerentē se gereret, quā ipsum exaudiret, quod, ni fallor, insinuauit ipse Christus cum Ioanni Baptistæ eum baptizari prohibenti, & existimanti dedecere Christi maiestatem, ut tam se exhiberet humilem, quod quasi vnus ex peccatoribus, cum esset ipse innocentis candor, baptismali æquæ subiceretur, respondit, sine modo: sic enim decet nos implere omnem iustitiam. Itaque iustitia Christi coram deo, in eius humilitate fundamentum habuit. Neque refragatur huic doctrinæ, id quod ipse Christus. ps. 2. dicebat, dominus dixit ad me, &c. postula me, & dabo tibi gentes hereditatem tuam. Humilis debuit Christi petitio præcedere ipsam

dirissimæ

Altissimę hereditatis traditionem, non secundum æqualitatem suę agendum cum deo, sed humili oratione impetrandum. Alter sensus Paulini testimonij est, Christi dignitati quasi debitam ex iustitia, reuerentiam exhibitam fuisse a deo. Qui posterior sensus priori minime contradicit, quia, vt ex dictis constat, ipsa humilis Christi deprecatio speciali quodam iustitię titulo debitam ipsi effecit prædictam reuerentialem dei exauditionem. Chrysost. Theophil. & alij non pauci secundam istam adhibent expositionem.

Ad primam secundi argumenti confirmationem, neganda est sequella. Non enim ponenda est in Christo virtus commutatiuę iustitię erga deum: tum quia, vt dicebamus, circa secundam conclusionem, si hæc virtus reperiretur in christi anima, quoties christus illa vteretur, per se primo & ex intentione operantis, & operis operaretur vt æqualis deo, quia virtutis iustitię commutatiuę ratio id expositulat, est enim virtus æqualis ad æquale. Quàm vero sit falsum christū tali modo fuisse operatum, ex multis quę diximus, satis constat. Tum etiam cum illa æqualitatis ratio & infinitę dignitatis se haberet in christi operationibus, quasi secundario, & consequenter, & veluti ex materiali dignitate suppositi operantis ortum habens, nulla debuit virtus in christi anima constitui, ad quā pertineret hæc æqualitas, & dignitas operationum christi tanquam ad propriam regulā: non enim constituenda est regula, & mensura alicuius operationis, respectu eius perfectionis, & dignitatis, quam prædicto modo, id est, concomitanter, & ex materiali dignitate suppositi operantis participat. Et quidem si poneretur in Christo virtus commutatiuę iustitię, respiceret per se primo Christi operationem secundum prædictam moralem perfectionē, & æqualitatē à diuino supposito deriuatam, quia æqualitas pertinet ad essentialē, & primariam huius virtutis rationē. At nulla virtus pertinens ad Christum, prout est homo, & humanum suppositum, potuit per se primo hanc cum deo æqualitatem attendere, nam Christus hac ratione minor est patre, vt sua ipse sponte fassus est Ioa. c. 14. Pater, inquit, maior me est. Quod si quis ita arguat contra hanc solutionem, & contra doctrinam superius traditā. In omni satisfactione, qua offensōr satisfacit, & compensat offenso pro iniuria, & offensa, quam ipsi intulit, reperitur humiliatio, & subiectio offensōris ad offensum: & saluatur nihilominus ibi iustitię commutatiuę æqualitas, & dicitur illa satisfactio inter æquales versari. Ergo humiliatio & subiectio, qua Christus pro nobis satisfaciens deo se humiliavit, & submisit, neque æqualitatem iustitię commutatiuę debitam, neque vero ipsam commutatiuę iustitię virtutem, abstulit. Respondetur. Quod is qui inter homines pro offensa, qua alterum offendit, satisfacit, humiliatur quidem coram eo, ipsiq. subieitur, se-

eundem quid duntaxat, nimirum ratione iniuriæ, & offensæ, per quæ secundum iustitiæ leges relictus fuit ipsi subiectus, contraxitq. debitum ad se humiliandum, & subiiciendum ei, offerens loco sufficientis satisfactionis subiectionem hanc, & humilitatē. At in omnibus aliis, ut æqualem se gerit: & ob id ex iustitia commutativa satisfacit. At Christus non solum ratione offensæ, & iniuriæ, quæ fuit in humani generis peccato deo subiiciebatur debitum reddens honorem: sed etiam ratione humanitatis, propter quam & ut exercebat humani suppositi officium, seruus erat, & inferior.

Secunda confirmatio nulla nos difficultate præmit, cum constet ex dictis, in Christo virtutem commutatiuæ iustitiæ locum non habuisse. Sed præterea dico, quod autores qui uirtutem commutatiuæ iustitiæ in Christi humanitate constituunt, ita poterunt hanc confirmationem dissuere, nimirum, quod humanitate Christi à diuino verbo separata, non maneret formalis ratio commutatiuæ iustitiæ, & proprii eius obiecti, quia non maneret æqualitas inter ipsam humanitatem, eiusque naturale suppositum, & deum, in quo talis æqualitas esset impossibilis, unde neque permanere posset ipsa iustitiæ commutatiuæ virtus, neque vero mirum esse debet alicui, quod gratia in Christi humanitate verbo unita explicet se per naturalem resultantiam in hanc iustitiæ commutatiuæ virtutem, quem tamen effluxum subtrahat soluta unione verbi cum humanitate propter incapacitatem subiecti: humanitas namque à verbo separata est huius virtutis incapax. Quemadmodum omnes, qui bene sapiunt, fateri tenentur, quod gratia in Christi humanitate non se explicuit in virtutem penitentis, eo quod humanitas coniuncta verbo, sicut est peccati incapax, ita & penitentis virtutis, si tamen verbum humanitatem relinqueret, mox eadem habitualis gratia naturali quodam effluxu exprimeret penitentis virtutem, eamque causaret in ipsa relictæ humanitate.

Ad tertium responderetur, quod licet pater, & filius in humanis duo sint realiter distincta supposita, ob quam causam civilis lex veram potuit iustiam introducere inter patrem & adoptatum filium, quod animaduerti superius: non tamen est totalis & completa naturarum inter eos diuersitas etiam numerica, eo quod filius est aliquid patris, & ob hanc causam non reperitur naturalis iustitia inter patrem, & filium. At in Christo diuersitas totalis reperitur naturarum, & cum ratio iuris, & dominij in ipsa fundetur natura, licet non realis sed rationis suppositorum sit in Christo diuersitas, bene intelligitur reperiri posse ius commutatiuæ iustitiæ, inter Christum ut suppositum humanum, & semetipsum ut est diuinum suppositum, & eadem ratione huiusmodi commutatiuæ iustitiæ ius reperitur inter Christum &

deum, & à fortiori esse potest inter Christum & patrem, cum sint duo supposita distincta realiter. Causa breuitatis alios prætermitto titulos, qui iustitiam commutatiuam inter patrem, & filium, inhumani impediunt, quorum princeps fortassis est titulus gratitudinis, nã omnia quæ filius habet, hoc titulo suis debet parentibus. Vnde vulgatum est illud, quod diis, & parentibus par gratia referri nequit.

Quartum argumentum diluit sufficienter solutio inter arguendum assignata. Ad replicam vero quam ei obiecimur, respondeo, quod cum specifica peccatorum mortalium diuersitate quæ ex diuersis formalibus objectis desumitur, saluatur illa ratio vniuersis mortalibus peccatis communis, puta, quod omnia sunt iniuriosa deo, & quantum in ipsis est totaliter demoliuntur ipsam dei maiestatem, & excellentiam, diuinumque eius lædunt honorem: itaque si non effectiue, affectiue tamen mortale peccatum ipsam veri dei totam machinatur destructionem, quæ pro inde iniuria contra diuinum, & in cõmutabile bonũ admissa iusta fuit Christi satisfactione reparanda.

Quintum argumentum & vltimum, ex his quæ dicebamus circa secundam conclusionem manet sufficienter solutum, breuiterque respondeo illi: quod in Christi satisfactione deo pro nostris peccatis exhibita, multa interuenerunt diuersarum virtutum opera, quæ licet secundum pæculiæ formes formales rationes adiuersis regularentur, & elicerentur virtutibus, in ea tamen ratione formali sub qua satisfactio sua fuere, ab vnica religionis virtute imperabantur, & regulabantur. Habuit enim virtus religionis in Christo ad nostra expiandum peccata, cum locum quem habet in nobis penitentia virtus, perquam à propriis mundamur peccatis, & ab statutu iniustitiæ, ad iustitiæ statum reducimur.

Quo loco obiter aduertat theologus, quod si per actum penitentia is qui iustificatur nihil intenderet, & aliud, quam deo pro offensa, & iniuria in ipsum irrogata satisfacere, non oporteret constituere in illo virtutem penitentia, à virtute religionis distinctam vt Caie-tan. & alii non pauci censuerunt theologi, eiusdem namque virtutis religionis interest, reparationem facere in honore dei læso per iniuriam diuinæ maiestati irrogatã, cuius interest ipsam dei excellentiã religioſo affectu colere & venerari, nam eadem est contrariorũ ratio, & eiusdem virtutis est promouere bonum, & eius contrarium impedire & repellere. At quia penitentia actus, vt auctor est. S. Th. 3. p. q. 85. a. 2. simul intendit duo, & satisfactionem proportionabilem deo pro offensa peccati offerre, & ipsum peccatum per modum cuiusdam emendationis & correctionis ab anima profligare, id circo non suffecerit religionis virtus, ad quã totalis iste effectus nõ pertinet. Vnde necessario fuit cõstituenda in nobis penitentia virtus, q̃ per se primo

hunc respiciat effectum, & finem. Quoniam vero in Christo non habuit locum illa posterior ratio quæ ad emendationem, & correctionem, ad expulsionem quæ peccati ab anima pertinet, sed prior ratio ducit, quæ consistit in compensatione pro offensa, & iniuria diuinæ maiestati irrogata, idcirco non ad penitentiae virtutem, sed ad religionem spectauit & proprium actum, & multa aliarum virtutum opera in hac compensationem referre: ac proinde Christi satisfactio fuit formaliter religionis actus quantum ad substantiam, nam quantum ad moralem perfectionem ex dignitate suppositi operantis prouenientem iustitiæ potius commutatiuæ, quam religionis rationem induit, ut dicebam superius. Religionis enim virtus non æqualitatem in ter operantem, & deum constituit, fundatur enim eius essentialis ratio in titulo inferioritatis, & subiectionis, quæ creatura suum tenetur recognoscere creatorem. Vnde in Christi satisfactione, geminam debemus speciem comentari: Alteram religionis, & alteram commutatiuæ iustitiæ. Et prior quidem specifica ratio posteriori subiicitur, & quasi materialiter substernitur. Et hæc de prima dubitatione sufficiant.

Secundum
dubium.

Secundum dubium in hoc articulo disputandum illud est, Num Christi satisfactio fuerit simpliciter infinita. Indubio præcedenti explicauimus qua ratione Christi satisfactio fuerit ad alterum, fueritque inter æquales, quæ sunt duæ conditiones ad iusticiam secundum communem rationem requisitæ. Quibus benepensatis definiuimus Christi satisfactionem ad commutatiuam iusticiam pertinuisse. Deinceps vero explicandum erit, an commutatiuæ iustitiæ ratio in Christi satisfactione perfecta fuerit, & exacta. Ita ut non solum prædixæ iustitiæ essentiali, sed et summum etiam perfectionis gradum attigerit, quod duobus sequentibus dubijs est a nobis exponendum. In quorum primo quod est in huius articuli ordine secundum, explicare conabimur Christi satisfactionem in ratione satisfactionis infinitam fuisse, & radicem ex qua huiusmodi infinitas ad Christum fuit satisfactio nem deriuata.

*in q. satisfactio fuerit
in finitæ ualoris*

Dubitatio igitur est, à nobis examinanda. Num Christi satisfactio infiniti fuerit valoris. Quæ dubitatio, alterum videtur præsupponere, & alterum inquiri. Inquiret sane id quod in specie proposuimus, nū, uidelicet, valorem habuerit infinitum ipsa Christi satisfactio. Id autem præsupponere videtur, quod si Christi satisfactio non fuit infinito valore prædita, minime esse potuerit perfecta, & æquiualens satisfactio. Quo circa utrumque sub eadem disputationis serie in præsentī dubitatione explicabimus.

Sit ergo primum argumentum quo probatur infinitum valorem non fuisse in Christi satisfactione necessarium, ut esset æquiualens, & perfecta satisfactio. Offensa quæ in peccato primi parentis, pro quo
potissimum

potissimum Christus satisfecit, nō fuit infinita in ratione offensæ, ergo neque fuit necessarius infinitus valor in satisfactione Christi, ut esset æquivalens & perfecta satisfactio. Consequentia apparet evidens. Nā perfectio, & æquivalentia satisfactionis pensanda est penes habitudinem, & proportionem ad offensam. Vnde si offensæ pro qua fit satisfactio, infinita non est in ratione offensæ, ut satisfactio perfecta sit, & æquivalens, non indigebit infinito valore. Sed antecedens probatur.

Offensa quæ inerat illi peccato, non ex eo, fuit infinita, quia erat contra deum infinitum bonum, sed ex nulla alia radice oriri potuit eius infinitas, ergo, &c. Probat maior, infinitas obiecti nō sufficit tribuere infinitatē actui, nisi cū actus est adequatus ipsi obiecto, quod simul sic explicatur, & probatur. Quamvis dei bonitas infinita simpliciter sit, nō tamē quilibet charitatis actus, qui est huius infinitæ charitatis dilectio, est simpliciter infinite bonus in ratione charitatis & dilectionis, sed ille tantum charitatis actus, quo diligitur summū bonū quantum diligibile est, qualis est solus ille actus quo deus suā diligit bonitatem. Et in visione beatifica proportionabile potest afferri exemplum. Nā illa sola infinita est simpliciter in ratione beatificæ visionis, quæ videtur deus & cognoscitur quantum est visibilis & cognoscibilis. Sed per peccatum primæ parentis diuinæ bonitas non fuit offensa quantum est offendibilis, nam alio grauiori peccato potuit magis offendi, grauius enim offensa fuit diuinæ bonitatis per peccatum traditionis, quo Iudas tradidit Christum, & peccatis eorum qui ipsum Christum crucifixerunt. Et ratio huius rei etiam est manifesta, quia summa bonitas eo actu dumtaxat summe potest offendi, & quantum est offendibilis, quo summe odio habetur tanquam summum malum; quæ summa odij ratio non reperta fuit in illo. Ad peccatum ergo &c. Iudas &c.

Confirmatur. Ex cōtaria sententia sequeretur omnia peccata mortalia æqualis esse grauitatis, nam in omni peccato erit infinitas offensionis dei: quia per quodcumq; mortale peccatum infinita dei bonitas offenditur. Consequentis autem falsitatem non est huius loci ostendere, sed præsupponere ex communi theologorum doctrina. in 2. d. 42. legatur ibidem. s. th. q. 2. a. 5, & 12. q. 73. ar. 2. ubi omni n. sibi

Secundum argumentum quo directe probatur pars negatiua huius dubij. Valor simpliciter infinitus ille tantum esse potest, qui est summus, & maximus in genere valoris, & qui eminenter saltem omnē alium valorem inferiorem contineat. Sed Christi satisfactio non habuit hunc summum, & maximum valorem non ergo fuit valoris infiniti, atq; adeo neque infinita satisfactio. Minor probatur. Diuina bonitas multo maioris est valoris, & dignitatis quam quælibet Christi operatio, imo actiones ipsæ dei ad intra, generatio verbi, processio Spiritus sancti, infinito valore exsuperans quamecumque humanam

Christi

Christi operationem; imo & omnes eius actiones collectiue sumptae. Similiter ipse Christus multo dignior est, multo pretiosior, multoque maioris valoris, quam qualibet humana ipsius Christi actio; imo & ipsa habitualis Christi gratia, maiorem habuit valorem quam satisfactoria operatio; cum ex ipsa gratia totus satisfactionis valor emanaret. Estque etiam certissimum, quod hæc omnia, & alia quæ possemus referre non continēbantur eminentē in ipsa Christi satisfactione: ergo &c. *sup. c. 1. §. 1.*

Tercio arguitur. Si satisfactio Christi fuit infiniti valoris, sequitur Christum unicam tantum habuisse satisfactoriam operationem, in toto vitæ suæ de cursu. Consequens est falsissimum, ergo. Probatur sequella dupliciter. Primo id quod est infinitum in aliquo genere, continet totum quod pertinet ad illud genus, nam extra infinitum non est aliud accipere, ut habetur 3. phys. & lib. 1. de celo. tex. 2. Arist. dicebat, quod si daretur aliquod infinitum corpus, non possent esse alia corpora præter illud unum infinitum. Ergo si una operatio Christi satisfactoria infinitum haberet valorem in genere satisfactionis, non potuit Christus aliam operationem exercere, quæ alicuius esset valoris intra satisfactionis rationem, & genus.

Secundo probatur eadem sequella, nam alias darentur plura infinita secundum eandem rationem, & intra idem genus. Consequens non admitteretur ab Arist. loco proxime citato, neque rationi videtur consentire, quia si ut paulo ante dicebamus, extra infinitum non est aliud accipere in eodem genere, multo minus erit aliud infinitum intra idem genus accipere. Sequella probatur, qualibet operatio Christi satisfactoria fuit infiniti valoris simpliciter intra genus satisfactionis, si ergo plures habuit Christus operationes satisfactorias, pluræ fuerunt infinita simpliciter in eodem satisfactionis genere.

Quartum argumentum. Si qualibet christi satisfactio fuit infiniti valoris, sequitur, quod per primam operationem quam Christus habuit ad genus satisfactionis pertinentem, id est, operationem penalem, qualis fuit illa voluntas qua christus igrediens mundum, id est, in primo incarnationis instanti, Patris præcepto obtemperans mortem obeundam pro hominibus acceptauit, cuius voluntatis meminerunt Prophetæ Regius. ps. 39. & Paulus ad hebræos. 10. sequitur, inquam, quod per hanc primam operationem Christus totum humanum genus redemit, & quod illa unica operatione tota humani generis redemptio fuit absoluta, & consummata. Consequens aduersari videtur catholice fidei, qua credimus christum sua passionem, & morte humanum genus redemisse, & pro vniuersis hominum peccatis pretiosissimum exoluisse pretium, proprium, videlicet, sanguinem quo nos emitt, redemit, & abluit, & passim sacre testan-

est: licet sufficiens referre; id quod christus in calicis consecratione Math. 26. Marc. 14. & Luc. 22. dixit: hic est sanguis meus: qui pro vobis; & pro multis effunderetur: ergo; & consequella probatur. Prima illa christi operatio fuit satisfactio infinita, infinita: que valoris satisfactorij; sufficiens; ergo fuit ad consumendam humani generis redemptionem; & ex consequenti ipsam de facto consumauit; & absoluit. Neque enim assignari ratio potest; propter quam id non effecit; eum posse.

Confirmatur. Vel Christus primam illam operationem obtulit patri in satisfactionem pro peccatis nostris; vel non obtulit. Horum posterius dici nequit; cum Christus omnia sua vitæ opera; omnemque ipsorum rationem; & vim; in humani generis reparationem; & utilitatem contulerit. Si vero prius dicatur; manifeste sequitur; illa unica operatione consummatam fuisse ipsam hominum redemptionem; quoniam deus saltem secundum ordinariam potentiam; & legem; non potuit non acceptare illam operationem a Christo oblatam; secundum totum eius valorem: ergo si valoris fuit infiniti; totam ipsam redemptionem absoluit; & consumauit; cum sufficientissimum esset; & exuberantissimum pretium; ut potest infinitum.

Quinto arguitur. Si valor satisfactionis christi fuit simpliciter infinitus; & ipsa satisfactio in ratione satisfactionis infinita; sequitur diuinam omnipotentiam exhaustam in adhibendo in genere satisfactionis. Consequens superius fuit a nobis efficacissimis rationibus expugnatum: ergo; & cetera. Sequella probatur. Satisfactio christi habuit infinitum valorem in genere satisfactorio. Ergo diuina omnipotentia nequit maiorem valorem in eodem genere alicui operationi conferre; non enim dabile est maius in finito; in illo genere in quo est infinitum; atque adeo exhausta permansit ipsa dei omnipotentia; & effecit enī in illo genere totum; quod efficere potuit.

Sexto arguitur. Operatio christi neque fuit satisfactoria per modum causæ principalis; neque per modum causæ instrumentalis; ergo nullo modo fuit in finite satisfactoria; atque adeo neque habuit infinitum valorem. Consequentia ex sufficienti diuisione patet; Antecedens vero probatur; & primo quoad priorem partem sic probo. Operationi humane christi. Vt; ieiunio; non competit infinitus valor ex propria forma; & ex virtute sibi connaturali; nam christi ieiunium eiusdem erat speciei cum ieiunio cuiuslibet hominis iusti. Ergo huiusmodi christi operatio non potuit esse infinite satisfactoria per modum causæ principalis; evidens est ista cōsecutio. Nam illa duntaxat causa est principalis; quæ per propriam formam; & virtutem effectum operatur; Probo vero illud motu antecedens quoad

quoad posteriorem eius partem. Prædicta Christi operatio, videlicet ieiunium, non fuit infinite satisfactoria tamquam instrumentum verbi, neque tamquam instrumentum humanitatis Christi, & non possumus aliam causam principalem assignare cuius esset instrumentum ergo &c. Probo singulas antecedentis partes. Et primo quod non esset instrumentum verbi, sic demonstro. Verbum non satisfaciebat ut causa principalis, repugnat enim diuino verbo secundum propriam, & diuinam formam satisfacere, & mereri, quod tam est manifestum cunctis theologis, ut nostra probatione non indigeat. Ergo operatio Christi in quantum satisfactoria non potuit esse instrumentum diuini verbi, patet consequentia. Quia idem effectus, quem instrumentum exequitur per modum causæ instrumentariæ, necesse est fiat secundum eandem rationem à causâ principali. Ergo ut operatio Christi satisfaceret infinite ut instrumentum verbi, necessarium erat, quod ipsum verbum principaliter satisfaceret, quod nulla potuit ratione fieri. Probatur idem, quod Christi operatio non satisfecerit ut Christi humanitatis instrumentum. Humanitas non potuit esse causâ principalis infinite satisfactionis, quia huiusmodi satisfactio totam ipsius humanitatis vim, & naturalem facultatem transcendit, non ergo Christi operatio potuit esse infinite satisfactoria, ut humanitatis instrumentum.

Septimum argumentum. Christi satisfactio non accepit infinitum valorem à diuino verbo, sed non est lignabile aliud principium huius infiniti valoris: ergo nullum habuit. Minor est manifesta, vel qui negauerit, signet principium aliud prædicti satisfactorij valoris. Maior vero probatur. Non sumebatur ille valor à diuino verbo, prout erat suppositum humanum, quia ut sic diuinum verbum est homo, estque proinde inferius ipsi deo, & consequenter non esse potest radicale principium infiniti valoris. Neque vero prout est diuinum suppositum, nam hac ratione non ex parte hominis satisfaciens se tenebat, sed ex parte alterius extremi, nempe dei satisfactionem acceptatis: nullo ergo modo diuinum verbum satisfactioni christi infinitum valorem communicauit.

Confirmatur. Verbum diuinum non contulit satisfactioni christi hunc valorem infinitum, prout diuina voluntate dirigebat, & moderabatur actiones voluntatis humanæ. Neque vero quatenus simul cum ipsis humanitatis potentijs, intellectu, scilicet, & voluntate elicitive operabatur humanas christi actiones, eo modo atque si esset proprium humanitatis suppositum: ergo, nullo modo prædictum valorem satisfactioni Christi communicauit. Probatur antecedens quoad primam partem. Diuina verbi voluntas non est capax satisfactionis, aut meriti: ergo eius diuina operatio nequit conferre valorem se

tista-

satisfactorium, & meritorium Christi operationi, cum ipsa neque satisfactoria sit, neque meritoria. Præterea illa operatio diuinæ voluntatis, qua verbum humanam Christi voluntatem in suis operationibus dirigebat, & moderabatur, toti ipsi est trinitati communis, at nullus theologorum hæcenus dixit, quod ex operatione toti trinitati communi valor satisfactorius in Christi operatione desumatur, ergo, &c.

Probatur idem antecedens quantum ad aliam partem secundam. Diuinum verbum hac secunda ratione consideratum, non erat secundum se moralis causa satisfactionis & meriti, sed quatenus veluti determinabatur per libertatem humanæ voluntatis, & per liberam eius actionem, sed hac ratione non potuit esse principium satisfactionis infinite, quia ex ipsa humana voluntate, etiam si consideretur vt eleuata per quemcumque supernaturalem habitum, nequit desumi infinitus meritorius, aut satisfactorius valor: ergo, &c.

Dices forsitan, valoris infinitatem in Christi operatione non desumendam esse ex voluntate verbi diuina, aut ex humana voluntate Christi, sed ex personali diuini verbi valore infinito. Contra si animo fingamus, diuinū verbū nulla pollere libertate, quantumcumque esset infiniti personalis valoris, non tribueret huiusmodi infinitum satisfactorium, aut meritorium valorem humanis Christi actionibus: oportet ergo ad voluntatem, vel ipsius verbi diuinam, vel Christi humanam recurramus. Antecedens probatur. Diuinum verbum libertate ab eo semota, non posset esse alicuius moralitatis principium, squia tota moralitatis ratio in libertate fundatur, ergo neque cuiuspiam infiniti valoris meritorij aut satisfactorij: Patet hæc consequentia, quoniam infinitus hic valor cum sit modus meriti, & satisfactionis ad moralem spectat ordinem.

Octauo arguitur. Quantitas satisfactionis, & meriti in actuali charitatis affectu fundatur, sed affectus charitatis Christi ad humanā pertinet voluntatem nō fuit infinitus secundum formalem, & propriam sui rationem, vt constat ex ar. 2. q. 3. in solutione ad 4. arg. vbi ostendimus, nec charitatem, neque aliam humanitatis Christi virtutem siue acquisitam, siue insulam infinitam simpliciter fuisse secundum formalem, & propriam rationem, neque in esse physico, neque in esse morali: ergo Christi satisfactio non fuit valoris infiniti.

Nono arguitur. Valor satisfactionis nō ex sola operantis dignitate pefatur, sed ex alijs etiā multis circūstantiis cōsurgit, nā moralis dignitas in quacūq; actione p̄sāda est ex his omnibus quæ ad ipsā actionē moraliter cōcurrūt, sed qñ multa cōcurrūt ad valorē cuiuspiā actionis, et si eorū vnū sit infinitū, si tamē alia finita sint & limitata, ipse actionis valor finitæ quoq; quantitatis erit. V. g. ad valorē actualis dilectionis

dei concurrunt obiectum, nimirum, summum bonum, & alia multa circumstantia intensio, extensio &c. & quoniam actus charitatis ex circumstantiis nequit habere perfectionem infinitam, idcirco quamvis obiectum infinitum sit, eius tamen ualor simpliciter est finitus: ergo quamvis persona operans sit infinita simpliciter, non tamen ob id christi satisfactio infinitum simpliciter habet valorem, cum ex aliis circumstantiis limitationem accipiat. Aliud exemplum afferre possumus ex doctrina satis apud theologos vulgata in materia peccatorum. Constat enim aliquod peccatum ex proprio obiecto grauius esse quandoque peccato alio, & tamen quod propter circumstantias quae vel ipsius grauitatem minuunt, vel alterius peccati augent, leuius redditur, V. c. blasfemia contra deum ex obiecto grauius peccatum est, quam quodlibet homicidium, at certum est grauius eum peccare qui data opera regem reipublicae valde necessarium interimeret, quam qui ex quadam celeri, & subitanea ira per dei vitam deiceret. Ut ergo quantitatem satisfactionis Christi perspectam habeamus, non satisfuerit operantem personam, eiusque dignitatem aspicere, sed alia sunt etiam circumstantiae considerandae.

Confirmatur Magis pertinet ad dignitatem, & valorem operationis obiectum formale, quam persona operans: ergo si valor ex obiecto desumptus ex circumstantiis limitatur, multo maiorem ex circumstantiis limitationem accipiet ualor ille, qui ex dignitate personae operantis prouenit. Antecedens probatur, cum ex eo quod obiectum specificat actionem, quam specificationem persona operans actioni non tribuit. Tum ratione specialiori nostro intento magis accomodata; Diuinum uerbum non aliter concurret ad operationes humanitatis Christi, quam ipsam humanitatem, & eius potentias sustentando, ad eum fere modum quod aqua sustentat calorem in ipsa causatum ab igne: ergo quantitas satisfactionis non ex ipso verbo, sed ex perfectione humanitatis, & potentiarum eius desumenda est, sicut illius calefactionis quantitas qua aqua calefacta aliud subiectum calefacit, non aquae sed calori tantum tribuitur. Et augeo huius argumenti difficultatem. Ob id charitatis obiectum, quam uis sit infinitum, nequit actuali dilectioni humanae voluntatis infinitam tribuere perfectionem, quia uoluntas aqua procedit potentia est limitata, & ob id eius operatio tantae perfectionis est incapax, sed haec eadem ratio militat in operatione Christi satisfactoria, nam propter limitationem eius intrinsicam ex potentia aqua procedit derivatam, non est capax eius infiniti valoris, quem illi prestare posset infinita operantis personae dignitas: ergo &c.

Decimo tandem arguitur. Si satisfactio Christi fuit simpliciter in ratione satisfactionis infinita, infinitique valoris, sequitur christum

tam perfecte, & exacte pro uniuersis hominum peccatis satisfecisse, ut nos qualecunque admiserimus peccatum nullis nostris egeamus satisfactionibus. Consequens est ipsa lutheranorum hæresis, fidei veritati contraria: ergo illa sententia non est admittenda. Sequella probatur. Nam si Christi satisfactio fuit infinita, Christus perfectissime satisfecit pro omnibus & singulis peccatis nostris, atq. a deo superuacue erunt omnes nostræ satisfactiones.

In oppositum autem est quod Christi satisfactio copiosa vacatur redemptio ps. 129. ac nisi infiniti fuisset valoris, nō modo non copiosa, sed & vix posset adæquata redēptio vocari. Nam cum tot tantaque sint, & tam graua hominum scelera, quancumque satisfactionem citra infinitam adæquarent, & forsam excederent: vel saltem si de facto non adæquant, possent à deo crescere in malitia, & in numero multiplicari, ut tandem adequarent, imo & totam Christi satisfactionē vincerent, atque adeo improprijssime copiosa vocaretur redemptio.

Huius propositi dubii resolutionem in duas partes secare decreui. In priori breuiter explicabo eam difficultatem, quam in primo questionis argumento insinuaui. Num videlicet in Christi domini satisfactione, quam pro uniuersis hominum peccatis deo exhibuit, necessaria fuerit infinitas. In posteriori vero parte ipsam Christi satisfactionis infinitatem exponam, ex proprijsq. radicibus eruam.

Deuenio igitur ad primam partē: Cuius difficultas ad duo potissimum reducitur. Primum est, an peccatum primi parentis infinitū fuerit in ratione mali & offensiui dei, ita quod vel ex hac ratione necessaria fuerit infinitas in Christi satisfactione, ut esset æquiualens compensatio: & eadem fere est ratio de quocunq. mortali peccato. Nam licet originale peccatum, eo quod totam Adæ posteritatem infecit, speciale quandam habuerit grauitatem inter omnia mortalia peccata, tamen simpliciter, & secundum essentialē speciem non fuit omnium mortalium grauissimum, ut magna cum eruditione S. Tho. ad vertit, 22. q. 63. a. 3. Secundum, an supposito quod peccatum siue originale, siue quodcumq. aliud mortale non haberet grauitatem, & malitiam infinitam, necessaria nihilominus fuerit infinitas in Christi satisfactione, ut esset æquiualens perfecta, & ex toto iustitiæ rigore pro uniuersis hominum peccatis. Vtramq. istam breuiter aboluemus difficultatem.

Circam primam difficultatem diuersa senserunt graues theologi. Quidam enim dixerunt nulli mortali peccato inesse formaliter malitiam & grauitatem simpliciter infinitam, sed omne tamen mortale peccatum extrinseca quadam ratione infinitæ esse malitiæ, eo quod cōmittitur contra deum infinitum bonum, & est quadam elongatio, & auersio ab ipso bono infinito, iuxta illud Ise. 59: peccata vestra di-

Prima pars
decisionis
dubij.

*Ad peccatū Adæ, cum
tāle quodcumq. su-
perbia. malitia*

Prima dif-
ficultas.

uiferunt inter vos & deum vestrum. Quæ plane sententia in substantia ad hoc reducitur, quod malitia mortalis peccati est simpliciter finita, & secundum quid infinita. Ita docuerunt Scotus in 3. d. 20. q. 2. S. contra ea quæ dicuntur. Palud. ead. d. q. 2. 1. 2. Fauent huic opinio. ni. S. Th. 3. p. q. 1. a. 2. ad. 2. dicens peccatum contra deum commissum quamdam habere infinitatem ex infinitate diuinæ maiestatis. Certe hic modus loquendi infinitatem secundum quid in peccato denotat. Si enim peccatum simpliciter esset infinitæ malitiæ, & grauitatis, non diceret. S. Th. quamdam infinitatem habere, sed absolute doceret peccatum esse infinitum malum, aut infinitam habere malitiam. Eundem modum loquendi seruat Mag. Sor. in. 4. d. 19. q. 1. art. 2. ad. 1. Ex nouioribus theologis non nulli istam complectuntur sententiam. Præcipua quæ pro hac opinione possunt fieri argumenta insinuantur in primo huius dubitationis argumento, in eiusq. confirmatione. Et præterea eadem opinio sic probatur. Duo sunt in peccato quæ ad eius essentiam pertinent, scilicet conuersio ad commutabile bonum, ad quam pertinet positia contrarietas peccati ad rationem, & ad legem dei: & auersio ab incommutabili bono, sub qua comprehendimus priuationem rectitudinis debitæ inesse actui peccati. Nam si quæ alia in peccato reperimus, cuiusmodi sunt priuatio gratiæ, charitatis, donorum Spiritus sancti &c, non tam ad peccati essentiam quam ad eius potestatem, vel effectiuam, uel demeritoriam, vel ad utramque simul pertinet, de quare 12. q. 7. 1. a. 6. solet a S. Th. discipulis disputari. Sed neque ratione conuersionis ad commutabile bonum, neque ratione auersionis à bono incommutabili, peccatum mortale habet simpliciter infinitam grauitatem, & malitiā, ergo ^{uel} non est Scoti & Paludani sententia. Minor probatur. Et primo de conuersione communis esse apparet theologorum doctrina id indubitater affirmans in 4. d. 15. & aliis in locis, cuius doctrine communis meminit. Mag. Sor. loco citato. & S. Th. 12. q. 87. ar. 4. in corp. & ad. 3. Communiterq. dicunt theologo, quod peccatum ratione conuersionis quia non est hac ratione infinitum, non meretur penam damni, sed poena tantum sensus punitur. Quod uero ex parte auersionis quæ est, ut diximus, priuatio rectitudinis debitæ in esse actui, non habeat malitiā, & grauitatem simpliciter infinitam probatur. Tanta & non maior est malitia priuationis, quanta est bonitas eius habitus seu perfectionis qua priuat, per habitum enim cognoscitur priuatio, ut habet philosophorum axioma, & tota priuationis ratio ex habitu pensanda est: sed bonitas qua priuat auersio mortalis peccati, non est bonitas infinita sed finita, & limitata. Nam rectitudo quæ debita erat inesse actui peccati, quæ est conformitas ad rationem & ad diuinam legem, & affectuosa quædam ad deum coniunctio, bonum quodam finitum est, & limitatum simpliciter: ergo malitia &

grauis.

grauitas auersionis peccati, nō est infinita simpliciter in rationē mali.

Dices forsan auersionem peccati inde infinitam habere malitiæ grauitatem, quia priuat animam deo, qui est infinitum bonum, unde ipsa est infinitum malum. Contra, deus nō est bonū intrinsecū animæ, neq se habet vt habitus, cui opponitur auersio prout est priuatio, sed est bonum extrinsecū habens rationē obiecti, & finis: ergo hac ratione auersio secundū quid, & extrinseca quadā denominatione erit infinite mala, & non simpliciter. Nam sicut in entitate positiua perfectio aut imperfectio simpliciter non est pensanda ex aliquo extrinseco principio, sed ex principijs intrinsecis, ita in priuatione malitia & imperfectio simpliciter ex intrinseco habitu, quo priuat subiectum & non ex aliquo extrinseco pensanda est.

Contrariam tamen sententiā, videlicet, quod mortale peccatum habeat simpliciter infinitam malitię grauitatē, sitq. proinde malū simpliciter in genere mali moralis (nō enim de malo in cōmuni, vt malū naturę comprehendit in presentia loquimur) docent alij grauissimi theologi Alex. Alen. 3. pa. q. 1. mēb. 6. ad 1. S. Bon. in 3. d. 20. q. 4. Ricar. ead. d. Et Io. a Med. in codice de penitētia q. 1. de satisfact. Caic. & Med. interpretantes S. Tho. 3. p. q. 1. ar. 2. Fateor hos duos authores lubrice tantisper procedere, sed crediderim eos huius esse posterioris sententię, cuius meo iudicio fuit etiā ipse S. Th. in illa solutione ad 2. pro cōtraria sententia citata. Nam postquā dixit peccatū quāmdā habere infinitatē ex infinitate diuinę maiestatis, mox subiunxit. Tanto. n. offensa est grauior, quāto maior est ille in quē delinquitur, vnde oportuit ad condignā satisfactionē, vt actus satisfaciētis haberet efficaciam infinitā, vt pote dei & hominis existēs. Hęc S. Th. quę certe vix possēt verificari, si malitia peccati secundū quid tñ esset infinita. Non. n. verū esset simpliciter q. tāto grauior est offensa, quāto indignior est psona quę offēditur, neq. ex infinitate offensi colligere bene S. Th. necessariā esse ī satisfactione p peccato efficaciam infinitā.

Hęc posterior sentētia mihi vero similior apparer. Tū quia maiorū autorū autoritate fulcitur, accedēte presertim S. Tho. qui vt animaduerti hęc sine dubio docuit sententiā. Tū etiā quia illa vulgata ratio q. D. Th. insinauit & late psequitur Alex. Alen. & alij, nimirū, q. tāto crescit offēsa in grauitate quāto psona q. offēditur in dignitate auge scit, v. c. tāto maior est offensa quę fit Regi, illa quā offēditur miles, quāto dignitas regia militare excellet officiū. Vnde cū dignitas dei ī infinitū exuperet oēm dignitatem cuiuscūq. persone cui pōt irrogari offensa, manifeste sequitur, q. grauitas offensę cōtra deū factę, ī infinitū excedit in ratione offēse, oēm offēsā quę irrogari pōt alicui creaturę. Sed est aduertendum ad exactiorem huius rei intelligentiā, q. peccatum potest in ratione mali dupliciter considerari, vno modo vt

est

est malum morale, idest, contrarium bono rationalis creaturæ, alio modo prout est malum dei, idest, offensuum maiestatis diuinæ: Cum ergo dicimus, quod peccatum mortale est infinitum malum in ratione mali, potest hæc sententia verificari de peccato, secundum utramque malitiæ rationem. Etenim quatenus est malum morale destructiuum moralis rectitudinis, & contrarium proinde bono creaturæ rationalis, duplici titulo potest infinitum appellari malum, altero, quia priuat rationalem creaturam suo maximo bono, & sine ultimo, nimirum deo qui est vltimum bonum, idest, priuat creaturam rationalem coniunctione ad hoc summum bonum, altero vero quia quantum est ex se destruit potissimum bonum totius naturæ intellectualis, non solum ut est in homine, aut in angelo, sed etiam ut est in deo, in quo habet esse simpliciter infinitum: Et ipsum bonum, quod peccatum quantum est ex se priuat, est similiter infinitum simpliciter. Nam cum tota intellectualis natura siue creata sit siue in creata, ad eundem pertineat entitatis gradum, puta, intellectualem, in vna similiter rectitudine, & perfectione conuenit, conuenientia saltem analogica. Quo circa malum illud, quod destructiuum est rectitudinis, & perfectionis moralis in vno intellectuali, seu rationali subiecto, opponitur ex sua formali ratione implicite, & virtualiter toti ipsi naturæ intellectuali, & est secundum se destructiuum moralis rectitudinis, & perfectionis, qua ratione communis est toti intellectuali naturæ. Hic posterior titulus priori mea sententia est præferendus, nam ex priori illo titulo tantum videtur colligi quædam grauitatis infinitas secundum quid in malo morali. Nam licet bonum extrinsecum quo hoc malum hominem priuat, sit infinitum simpliciter, ea tamen perfectio quam intellectualis creatura ex coniunctione ad ipsum consequitur, simpliciter est finita, & limitata: atque ad eo ex illo priori titulo infinitas moralis malitiæ in peccato ab extrinseco desumitur, & non videtur esse infinitas simpliciter. Quia ut argumentum, quod pro contraria sententia paulo ante informauimus, contendebat. priuationis grauitas, & malitia simpliciter non est attendenda penes extrinsecum bonum, a quo ipsa priuatio subiectum priuat, sed penes intrinsecam perfectionem quam ex coniunctione ad illud extrinsecum bonum ipsum subiectum consequeretur, nisi illa interueniret priuatio. At posterior alius grauitatis titulus infinitam simpliciter malitiam in malo morali inducit. Qua ratione ad totum intellectualem extenditur gradum. Legantur quæ dixi superius in q. 1. circa 1. conclusionem, cum conabar omne iudicium erroneum ab humano Christi intellectu repellere, de seruient enim illa quamplurimum ad exactiorem huius secundi tituli intellegentiam.

Verificatur itidem ista sententia de peccato, prout est malum dei, puta, prout est diuinæ maiestatis offensuum, eique iniuriosum. Nam

præter illam explicatam rationem mali ~~moralis~~ moralis, quam explicuimus in peccato prout rationi, & legi dei contrariatur, & animam à deo summo bono, vltimoque rationalis creaturæ sine auertit, & separat, reperitur in peccato iniuriæ, & offensæ contra deum malitia, & grauitas quæ in prædicta morali malitia quasi fundatur, vel si maius dicere, in ipsa essentialiter, & in in sece clauditur solaque ratione ab ea distinguitur. Consistitque ista iniuriæ, & offensæ diuinæ grauitas in eo, quod peccatum qua ratione contrariatur diuinæ legi, auocatque animum peccantis ab eo, vt a summo, & maximo bono, creatum, & incommutabile bonum illi præferrens, ipsum contemnit deum, de bitum que illi honorem subtrahit, & quod est ex ipso peccatis affectu mortale peccatum destructiuum est totius diuini esse, & si id, & peccati, & peccantis potestati subesset, deum à regno suo deturbaret, à supremaque eius maiestate deijceret, ac ipsius loco sufficeret creaturâ. Vnde & magna deum tristitia, ingentique merore peccatum conficeret, si huiusmodi affectionibus diuina subiaceret natura. Cum ergo mortale peccatum in sua formali ratione tantam contra deum in uoluat iniuriam, & offensam, merito graues theologi infinitam in ipso malitiam, diuinæque offensæ grauitatem cōmentantur. Est enim hæc iniuriosa, & offensua peccati ratio cuiusque offensæ, & iniuriæ cuius creaturæ factæ incomparabilis, & improporcionata, atque adeo eam exuperat in infinitum, ac infinito ab ea intervallo distat. Nam si cūc nulla est proportio diuinæ honoris, diuinique maiestatis ad ipsum creaturarum honorem, sed infinita potius distantia, & improporctio, ita & offensa diuini honoris, & iniuria diuinæ maiestati irrogata improporcionabilis est, & incomparabilis cuiusque iniuriæ, & offensæ, quæ contra honorem, & auctoritatem cuiusvis creaturæ potest irrogari.

Ex ista doctrina facile poterit theologus eas potissimum rationes colligere, ex quibus infinitas malitiæ, & grauitatis efficacius probari potest. Alia præterea ratione a posteriori, & quasi ab effectu possumus eandem sententiam confirmare. Peccator punitur pœna infinita nō solū infinitate extensua, sed etiam intensua, nam talis infinitas in pœna damni reperitur, quæ consistit in perpetua dei priuatione, diuinæque visionis carentia. pœna autem proportionatur culpæ: Ergo ex grauitate pœnæ, non inepte colligere poterimus infinitam malitiæ in mortali peccato grauitatem. Consulatur de hac ratione S. Tho. 12. q. 87. art. 4. Non euro in hac parte de quibusdam alijs rationibus quibus vt solent nonnulli theologi, an efficaces sint nec ne? improbable aliquod assumant, an vero bona cum probabilitate procedant? nam in veritate inquirenda, & non in theologorum sententijs examinandis, aut improbandis, noster hic tractatus insudat, probe enim noui. Ioan. à Medina

dina loco citato, & quosdam alios theologos quibus hæc nostra probatur sententia, nonnullis vti rationibus, quæ non immerito theologis alijs displicuerunt. Quibus tamen omiſſis, nostra vltcrius inde nõ leuiter confirmatur sententia, quod sancti patres grauissimiq. auctores cum diuini verbi incarnationis conuenientiam ad humani generis redemptionem magnificis verbis, & rationibus persuadent, aperte dicunt, quod vt genus humanum non potentia, sed iusticia a seruitute demons, qua per peccatum detinebatur, eriperetur, necessaria fuit simpliciter in carnati verbi satisfactio, insinuantque tantam fuisse peccati grauitatem, & malitiam, vt infinita egeret satisfactio, quam satisfactoriam infinitatē, quia sola Christi satisfactio potuit exhibere, ideo ipsa sola sufficiens fuit ad humani generis redemptionem efficiendā. In qua doctrina Sancti patres præsupponere videntur, peccatum humani generis infinitam habuisse grauitatem, non solum illam extensiuam quam in originis peccato ipsa agnoscit Catholica fides, quatenus omnes in vno Adam peccauimus: et si infiniti homines naturali generatione ex ipso primo parenti deriuati generarentur, illud vnicum contraxissent peccatum. Nam hæc infinitas extensiuam tantum apparet, & pure materialis, & non intensiuam, eo quod istud originis peccatum, & eodem modo ac ordine, & in eadem grauitate ad omnes deriuatur. Quare sancti patres in commemorata doctrina non solā hanc extensiuam peccati infinitatem insinuant, sed illam, quæ in intensiuam malitiæ grauitate consistit. Malitia enim quæ tantum extensiuæ infinita est, non videtur exposcere infinitā compensationem. Nōnulla patrum testimonia dubio tertio sequenti afferemus, quæ ad huius rei comprobationem ascisci poterunt. Sufficiat nūc vnus pro omnibus Athanasius, qui in sermone de passione & cruce domini sic ait. Cum videret malitiam intolerabilem, neque pœnam suorum malorum persolveret: nam excessus malitiæ transcendebat omne supplitium, videntque simul patris bonitatem, & quam ipse idoneus esset & potens (Christus enim dei potentia, ac dei sapientia) commotus fuit sua humanitate, & misertus nostræ imbecillitati, &c. Expendantur verba. Nam qua obsecro ratione malitiæ excessus omne supplitium excederet, nisi infinitæ esset grauitatis. Hanc nostram sententiam insinuarunt Ricard. de sancto Viçt. in libro de incarnatione verbi c. 8. & Anselmus lib. 1. Cur deus homo. c. 20.

Sed quoniam argumenta quæ pro contraria sententia sunt posita, nos vehementer vrgent, eis prius occurramus oportet quam nostra vltcrius progrediatur disputatio.

Igitur ad primum argumentū in fronte huius secundi dubii principalis propositum, negandum est antecedens, eius probationi negatur

gatur maior, & ad ipsius maioris probationem dicitur, quod diuina bonitas per peccatum quodcumq; mortale consideratum in ratione offensa, & iniuria, seu offensua, & iniuriolæ auersionis offenditur quantum offendibilis est, quia quodcumque peccatum mortale, si tam valeret effectu, & efficacia, quam valet affectu, totum ipsum diuinum bonum totaliter destrueret, & demolliretur, & sufficeret loco eius creatum & commutabile bonum. Et hoc quidem duplici ratione superius exposita, nimirum, quatenus est destructiuum moralis relicitudinis, & perfectionis totius intellectualis naturæ, & quatenus est contemptiuum dei, diuinæque maiestatis offensiuum. Et quidem cum multo facilius sit destructio, quam ædificatio, ex eo quod peccatum mortale deum offendit quantum est offendibilis, oditque diuinam bonitatem quanto potest odio haberi, non inde licebit colligere, quod quilibet charitatis actus, qui peccato contrariatur, deum amat quantum est amabilis. Diuina enim bonitas a sola ipsius dei voluntate amari potest quantum amabilis est. Huius rei in his quæ contingunt apud homines, aliquale fortassis reperiemus exemplum. Nam si plebeius homo, & infima sorte natus totis viribus conareretur honorem Regium obscurare, & à Regia maiestate eum dicere, & in seruilis loco reponere, quamuis propter virium, & potestatis defectum non efficeret, vere diceretur Regem offendere quantum offendibilis est, quia si de facto læderetur Regia maiestas nõ alia maior illi posset in ferri iniuria, & offensa, neque maiori in honoratione affici, Vnde qui hanc iniuriam tentaret inferre dignitati regis, nõ minori esset dignus pæna, si ad grauitatem malitiæ attendamus, quam si de facto intulisset. At humilis ille homo, minimè posset regiam maiestatem honorare, & venerari, quantum ipsa honorabilis & venerabilis est, quaecumq; & quantumcumq; ei ex hiberet obsequium. Quoniam vilis persona nequit attingere ad præstandum regi eum honorè cuius digna est ipsa Regia maiestas. Ita creatura, quæ deo comparata, vilissima est & infimæ sortis, non valet eum deo exhibere honorem, eoque amore prosequi qui deum attingat quantum est honorabilis, & amabilis, nam excellens dei maiestas, infinitaq; bonitas multo altiori modo ab ipso met deo laudari, & amari potest quam à creatura quacumque: atque adeo laps, & creaturæ amor cum nulla ratione neque effectu, neque affectu, attingere valeat hunc excellentem, & infinitum laudis & amoris gradum, nullo modo neque effectu, neque affectu potest dici vel laudare, vel diligere diuinam bonitatem quantum est laudabilis & diligibilis. Quod affectu non attingat creatura sublimem illum laudis, & dilectionis gradum, ex re ipsa constat Quod vero neque affectu, facile probatur, quoniam si creatura quantumcumque dignitatis excellentis ita esset affecta

306 RELECTIO DE CHRISTI GRATIA

quod conatur, aut velle, aut saltem tenere, deiderat deum amare quantum amabile est, tantum que divina maiestati honorem deferre, quanto ipsa digna esset ipso in tantissimam elationem, & superbiā incidere, ipsamque diuinā bonitatem maiestatem, dum pusillum humane voluntatis amorem infinita dei bonitati velle equare. Et ipsam diuini honoris excellentiam digna e quāvis honore contingere. Ac in odio & de honoratione diuitatis, & maiestatis dei non ita res se habet: nam licet peccator effectus, & inefficax nihil possit incommodare deo, eiusque diuino honori, in ordinato tamen, praesumptuoso, ac superbo affectu id incendit, & donatur, ac proinde offendit deum quantum offendibilis est, quia inordinato sub affectu illum summum attingit modum, quo diuina maiestas potest offendi.

Ex hac doctrina dissuitur facere illud argumentum, quo quidam theologi putant se convincere falsitatis sententiam nostram. Estque tale argumentum. Effectus neque peccator offendit deum quantum offendibilis est, neque iustus deum diligis quantum est diligibilis, affectu autem sicut peccator velle destruere deum, totamque dei maiestatem obducere, commutabile bonum bono incommutabile anteponens, sic homo iustus ita diuinis bonis prosequitur, tamque sibi complacet in ipsa dei bonitate, excellentique maiestate ipsius, ut si posset augere diuinum bonum, ipsamque dei maiestatem ad altiore in gradu euenire, id totum exui praedicti affectus exqueretur. Ergo proportionabiliter se habent peccator, & iustus, alter ad dei offensam, & alter ad gloriam, atque adeo si iustus non diligit, nec affectu honoratur deum quantum honorabilis est, neque peccator ipsum offendit & in honorat affectu, quantum est offendibilis, & in honorabilis.

Huic argumento manifestant ex dictis solutionem accommodo, & nego praedictā proportionem reperiri inter peccatorem & iustum. Iustus enim intra suos se limites continens, non eo amittatur affectu, ut deum vellet honorare, & amare, quantum ipse honorabilis, & amabilis est, quantoque ipse est amore, & honore dignus; scit enim deum omni laude esse maiorem. Sed quantum ab humana potentia, diuinis adiutoris suffulsa, amari potest, & honorari, nam maiorem alium honorem, excellentiorem quā dilectionem soli deo referendum esse non it. At peccator quasi alterum se deum proprio amore constituens, contra verum ipsum insurgit deum tantum, malum ei cupiens inferre, quantum ipse inferretur ab alio deo qui ipso vero deo altior esset, & potentior, & qui cum eo supra regni sui hostili bello contenderet. Unde sicut ille fictus deus potentior, & altior effectus lederet, & offenderet ipsam veri dei maiestatem quantum est offendibilis, ita peccator

cator prauo, & inordinato affectu simili affectiua in iuria deum offendit, diuinumque eius laedit honorem. Et hanc de primi argumenti solutionem.

Confirmatio eidem argumento supposita non leui nos difficultate premit, nam vix possumus effugere omnium peccatorum equalitatem, si in quolibet mortali peccato infinitam simpliciter malitiae grauitatem admittimus. Pro cuius tamen solutione notandum est primo, quod in his quae sunt infinita non simpliciter, & in ratione entis, sed in certo genere, aut determinata specie, bene stat, quod res aliqua ex vna parte infinitatem habeat, totalem in illo genere, aut in illa specie, ex alia vero parte finita sit, & in eodem genere limitata. V. g. possumus fingere lineam quae versus vnum extremum, nimirum, versus oriens, sit infinita longitudinis, sit autem longitudinis finita, & limitata versus aliud extremum, puta, versus occidens. Et in rationibus respectiuis quae diuersa respiciunt extrema, facile erit inuenire huiusmodi infinitatem versus vnum extremum, cum adiuncta limitatione, & finitate versus extremum aliud. Qua respectiua ratione in rerum natura posita, ita esset consequenter dicendum, quod versus illud extremum respectu cuius ratio illa infinitatem habet, neque potest crescere, neque inter ipsam & aliam, similem habentem infinitatem, aliqua posset dari inaequalitas. sicut linea versus oriens infinita crescere minime posset respectu eiusdem extremi, & si aliam lineam versus illud extremum infinitam constitueremus, nulla inter ipsas versus extremum idem reperiretur inaequalitas. Caterum respectu alterius extremi posset illa ratio augeri, & poterit similiter inaequalitas reperiri inter ipsam, & aliam, sicut praedicta linea versus occidens cresceret, & cum aliis lineis aequalitatem, & inaequalitatem admitteret.

Secundo est notandum posse facile contingere, quod aliqua priuatio sit totalis respectu formae quam priuat, neque ex illa parte posset magis, aut minus suscipere, sed quasi in puncto indubitabili consistat: & tamen quod ex parte causae vnde prouenit illa priuatio, neque totalis sit, neque indivisibilis, sed magis, & minus possit suscipere, sitque vna respectu eiusdem formae maior priuatio altera per respectum ad causam extrinsecam vnde ipsa priuatio prouenit. Verbi causa, tenebrae totalem important lucis priuationem, eo quod nihil lucis in corpore diaphano relinquunt, sunt tamen tenebrae tenebris maiores quandoque, per respectum ad causas extrinsecas quae lucis influxum impediunt, & lucem ipsam per modum impedimenti diaphano corpore remouent, tenebrae enim quae per interpositionem densioris corporis, & magis opaci interiecti, & aerem proueniunt, maiores sunt, & quasi densiores illis quae ex im-

pedimento rarioris, & minus opaci corporis originem trahunt.

His ita ad notatis, ad primi argumenti confirmationem neganda est sequella, ad cuius probationem primo dicitur consentaneum ad primum notabile, quod peccatum dubio extrema respicit deum, scilicet, & creaturam, vel ut alijs satis etiam vulgarissimis terminis, incommutabile bonum & bonum commutabile, auertit quidem peccatum animum ob incommutabili bono, & ad commutabile bonum conuertit. Quatenus ergo ad prius comparatur extremum, & ab illo auocat animum, quodlibet peccatum mortale infinitum est in genere peccati, & moralis mali. Vnde comparatione ad hoc extremum nulla ad extremum aliud ratione habita, omnia peccata mortalia paria sunt, quoniam omnia priuant animum rectitudinem morali, & coniunctione ad incommutabile bonum ut ad summum, & vltimum finem: ipsumque deum maximum offendunt, & in honorant, quantum est offendibilis & in honorabilis, & ita in quolibet peccato ex hac parte includitur omnis illa malitia quae in singulis, & in omnibus peccatis reperiri potest. Et ob id Iacobus in sua Canonica e. 1. dicebat, qui offendit in vno factus est omnium reus. Ceterum quodlibet mortale peccatum comparatione ad commutabile bonum ad quod peccantis animum conuertit, finem tam habet, & limitatam malitiae grauitatem ut S. Th. 1.2. loco citato nos docuit, cuius sententia cunctis est probata theologis: & hac parte inequalitas est in peccatis, & vnum grauius censetur alio, & vnum & idem secundum speciem potest quandoque esse grauius, quandoque minus graue. Et quoniam peccatum specificatur a commutabili bono ad quod conuertitur peccantis animus, & non ex bono incommutabili a quo auertitur, ut 1.2. q. 72. a. 1. docuit S. Th. idcirco absolute concedendum est, mortalia peccata non esse aequalia in grauitate & malitia.

Sed dicet quispiam, peccati grauitas & malitia consistit formaliter in hoc quod est offensiuum dei, & in eo quod rationalem creaturam priuat sua morali rectitudine debita ei inesse: Ergo si hac parte omnia sunt paria, absolute concedendum est, vniuersa mortalia delicta simpliciter esse paria, & qualisque grauitatis. Et secundum quid dumeaxat neganda, est eorum aequalitas, scilicet, cum illo addito, ex conuersione ad commutabile bonum. At consequens sane doctrinae non consentit, nam in scriptura sacra passim vnum peccatum absolute praefertur alteri secundum grauitatem, & malitiam. Sufficiat nobis pronunt christi domini testimonium Pilato dicentis Io. 19. qui me tradidit tibi, maius peccatum habet: ergo non subsistere assignata solutio.

Respondetur nos in statuta solutione non absolute dixisse, pec-

etiam ex parte auersionis ab incommutabili bono æqualis esse grauitatis, sed cum limitatione, scilicet, solitarie, & præcisse considerata ipsa auersione. Vnde ita meam nunc explico solutionem. Quod si illa iniuriola, & offensiuæ auersio peccati adeo incommutabili bono seorsum consideretur, non est maior, aut minor in peccatis, sed æqualis in omnibus, quia est totalis priuatio affectiua diuini honoris, & totalis priuatio substantialis rectitudinis moralis, quæ consistit in coniunctione ad summum, & incommutabile bonum. Neque potest sic considerata crescere, quia est in ratione offensæ, & moralis malitiæ simpliciter infinita. Caterum comparata eademmet iniuriola dei auersio adcommutabile bonum, ad quod peccans per peccatum mortale conuertitur, ex qua conuersione ipsa auersio sequitur, minorem potest, & maiorem grauitatem habere, neque hac ratione est censenda infinita: nam quanto bonum commutabile, in quo tendit peccati conuersio, magis contrariatur rationi, & legi æternæ, tanto grauior est auersio quæ inde consequitur, vel quæ ibi essentialiter inuoluitur (nam quod ad præsens attinet parum retulerit sic vel aliter loqui.) Quod vero nulla sit contradictio in hac doctrina, quæ dicimus auersionem peccati secundum se consideratam, esse totalem priuationem substantialis rectitudinis moralis, & infinite offensiuam dei, & quod ad aliud extremum, scilicet, bonum commutabile comparata magis, & minus suscipiat, manifestat nobis exemplum illud lucis paulo superius adnotatum. Etenim negari nequit quin tenebra (vtamur singulari pro plurali) per semetipsam considerata absque respectu ad causam lucis impeditiuam, est totalis priuatio lucis, & si lux esset infinitum bonum, tenebra in ipsam esset malum. Et si luminosum lucem causans in corpore diaphano extali priuatione offenderetur, & iniuriam acciperet, tenebra citra dubium esset infinita offensa, & iniuria. Cum hoc tamen stat quod ad causas extrinsecas lucis impeditas comparata magis ac minus recipiat, quatenus vna causa impediens V.g. corpus valde densum & opacum magis remouet, & elongat diaphanum corpus ab influxu solis, & ab eius luce percipienda, quam alia causa, videlicet, corpus minus densum & rarioris quantitatis: Quamuis vtræque causa sufficiens sit inducere priuationem totalem lucis. Itaq. tenebra comparata ad causas vnde prouenit, induit quendam modum ipsarum, sic adeo vt tenebra quæ secundum se est totalis priuatio lucis, per comparationem ad causas reditur non totalis, suscipitque proinde magis ac minus. Proportionabiliter ergo de iniuriola peccati auersione dicendum arbitror, quod secundum se est totalis priuatio rectitudinis moralis, & infinita malitia, ut autem se tenet ex parte conuersionis, neque totalis priuatio est, neque simpliciter infinita

malitia

malitia, sed magis & minus suscipit induens ipsius conuersionis modum. Quoniam vero peccatum, ut dixi, ex conuersione ad commutabile bonum specificatur, idcirco cum absolute de peccato loquimur, consideramus auersionem eius non seorsum sumptam, sed ut conuersioni annexam, & idcirco absolute fateamur non omnia peccata equalia esse, sed unum grauioris esse malitiæ altero. At cum solam eius auersionem seorsum contemplamur, verissime asserimus, quodcumque mortale peccatum infinitam habere malitiam, & ex hac parte non esse unum peccatum mortale grauius altero. Et quoniam ista consideratio auersionis peccati est veluti secundum quid, quia simpliciter auersio debet considerari in peccato, ut conuersioni annexa, propter causam assignatam, idcirco S. Thom. 3. part. loco citato non dixit peccatum esse simpliciter infinitum in ratione mali, sed quod habet quamdam infinitatem ex infinitate diuinæ maiestatis. Quem loquendi modum seruauit Mag. Sor. supra citatus, & seruauerunt alij graues theologi, & est sine dubio ab omnibus seruandus. Cum quorundam ita sit, quod in quo libet peccato mortali intrinseca reperitur offensæ & malitiæ infinitas, quæ etsi nulla alia extaret causa, ob quâ necessaria esset diuini verbi incarnatio ad ipsam humani generis redemptionem, non potentia, & vi sed iusta satisfactione, & compensatione efficiendam, hæc moralis peccati infinitas sufficientissima esset huius tantæ necessitatis causa. Est enim sufficiens ratio, ob quam vere dicamus, quod nullius puræ creaturæ satisfactio respondere posset offensæ in deum admixtæ secundum æqualitatem, & ex omni iustitiæ rigore.

Sed ad huc superest soluendum argumentum illud quod a principio huius primæ partis decisionis secundi principalis dubii formauimus pro sententia Scoti. Cui non difficulter ex dictis responderetur. Et dico, peccato conuenire infinitatem malitiæ ex parte auersionis ab incommutabili bono, Ad cuius impugnationem primum assero, quod quantitas malitiæ auersionis non solum est consideranda penes illam rectitudinem intrinsecam, quæ priuat & actum peccati, & ipsam peccatis animam: sed potissimum pensanda est ex ipso summo bono deo, a quo animam peccatis auerxit. Et hoc prouenit ex eo, quod illa auersio non est qualis cumque priuatio, sed priuatio iniuriosa deo, & ipsius dei offensiuæ. In statuenda autem offensæ, & iniuriæ grauitate potissimum est attendenda persona cui sit offensa, & eius qualitas ac dignitas. Vnde non mirum, quod nonnulli theologi in hac tractatione cum scoto defecerint, quia tantum considerauerunt auersionem quæ est in peccato mortali per modum simplicis priuationis, cum tamen esset consideranda, ut priuatio, offensiuæ, & iniuriosa deo. Sed addo preterea, quod & si auersio mortalis peccati non consideretur

deretur explicite per modum offensa, & iniuriæ quæ irrogatur deo, ad
huc considerabilis est in ipsa quædam malitiæ moralis infirmitas, qua-
tenus est priuatio totius rectitudinis substantialis moralis. Nam, ut re-
tro dicebam, omnis mortalis culpa ratione auersionis priuat quantum
est ex se naturam totam intellectualem suo vero fine ultimo, summoque
bono, ex quo tota oritur moralis rectitudo, & bonitas. Desunt namq;
affectiones hunc finem verum, falsumq; & supposititium statim. Tota verò in-
tellectualis natura vnum & eundem habet finem, vnaque proinde morali
rectitudine pollet, vnitatem proportionabili & analogica, ut superius
dicebamus atq; adeo malitiæ moralis peccati ex se ipsa tendit ad hanc
vnâ rectitudinem toti intellectuali naturæ communem destruendam, &
dissipandam, & non solum in illo particulari actu quo peccatur, &
cui hæc mortalis malitiæ inest, sed & absolute in omni morali actu,
qui ex vero fine ultimo per se pender. Desciunt. n. etiâ quamplurimi
illi theologi, quatenus putant per mortale peccatum nullâ aliam morâ-
lem induci priuationem, præter priuationem illius rectitudinis, quæ
debita erat in esse ipsi actui, qui est mortale peccatum. Valde. n. in hoc
errant, non aduertentes, quod mortale peccatum non solum priuat
hanc rectitudinem, sed ipsummet etiâ peccantem priuat substantiali
rectitudine morali, quæ consistit in affectiua conuersione ad vltimum
finem, summumq; verum bonum, videlicet, deum. Tota enim mora-
lis rectitudo ex vltimo vero fine, & ex rectitudine conuersionis ad ip-
sum essentialiter pender. Vnde peccatum mortale relinquit hominem
auersum a deo tanquam ab vltimo fine, & ad creaturam tanquam ad
finem vltimum quasi per modum habitus conuersum, ita quod crea-
tura non est tantum finis operis, sed & ipsius operantis, & implicite
est finis omnium eiusdem operantis actionum. Nam per se est, & si-
milis vltimus operantis, & in quem operans se totum, suamq; voluntati-
tem retulit, in omni morali talis operantis actione locum habeat fi-
nis principaliter, & vltimate intenti, & per accidens est, quod ita non
contingat: atque adeo mortale peccatum, quantum est ex se, est tota-
lis dissipatio, & demollitio moralis rectitudinis, non solum in ipso a-
ctu peccati, verum & in ipso peccante, imo implicite, & virtualiter
etiâ in tota intellectuali natura. Et id circo malum quod infert
peccatum mortale irremediabile est per vires naturæ, ut S. Thom. 12.
in solutione citata & alijs in locis dicit non semel. Scio oppositum fuisse
Calceranum de mortali peccato prout priuat rectitudinem moralem,
non considerando elevationem ad ordinem gratiæ, existimauit enim.
12. q. 109. ar. 7. & 8. quod sicut viribus naturæ potest quis retractare
voluntatem qua voluit intemperate agere, & temperatum fieri, ita po-
test naturæ viribus repellere a se auersionem ab vltimo fine naturali,
quam sibi peccando intulerat. Caterum posteriores thomistæ expres-

sam S. Tho. doctrinam sequentes oppositum asseruerunt & communiter asserunt, & id quidem merito, nam finis vltimus in moralibus eum tenet locum quem prima principia tenent in speculatiuis. Vnde sicut is qui errat circa principia, non potest à se ipso corrigi, quia deest ei primum correctionis principium, sed extrinseco eget corrigente, ita qui deordinatus est à fine vltimo, nequit semetipsum in ordine morali reordinare & reparare, quia deest illi primum principium totius reparationis & moralis rectitudinis, quod est finis vltimus vt ait S. Tham. 12. q. 102. ar. 1. sed de hoc alias, nam ad nostrum intentum satis fuerit statuissse, id quod nullus theologorum, ex his que recte sapiunt, inficiabitur, nimirum, peccatum mortale priuare non solum ipsum actum peccati debito ordine ad vltimum finem, sed ipsummet etiam peccantem. Nescio plane an hoc negaret Scotus, qui transacto actuali peccato solum reatum agnoscit in anima, quem ipse putat non esse priuationem sed relationem quamdam rationis animæ ordinatæ ad pœnam secundum diuinam legem, & voluntatem, neque aliam deformitatem, & maculam, in eo qui peccauit, admittit: Verum Scoti sententiam confutat erudite Caiet. 12. q. 89. ar. 1. vbi & eius argumenta dissoluit. Et hæcenus de prima parte decisionis secundi principalis dubij.

Secunda difficultas.

Secunda difficultas accedit in eadem hac prima parte decisionis dubij principalis explicanda. Vtrum si vera esset Scoti sententia & eorum theologorum qui negant infinitatem malitiæ reperiri in peccato mortali, consequenter dicendum foret non fuisse necessariam infinitatem in Christi satisfactione, ut exacta esset, & ad æqualitatem cōpensatio pro vniuersis hominum peccatis. Eaque est dubitandi ratio pro affirmatiua sententia. Quoniam si peccatum non est infinitum in ratione mali & offensiui dei, sed finitè simpliciter grauitatis, nulla est causa propter quam ad exactam eius compensationem, ipsa dei iustitia ex postulat satisfactionem simpliciter infinitam: ergo, &c.

Sed pro altera parte militat quod Sancti Patres locis in tertio dubio citandis, absolute definiunt necessariam fuisse Christi satisfactionem, id est, satisfactionem dei & hominis, quæ non potest non esse infinita satisfactio, supposito quod decreuerit deus humanum genus nõ tam potentia, quam iustitia redimere, & à diaboli seruitute eripere, Nullam autem mentionem faciunt patres de infinitate peccati: ergo etiam non stante peccati infinitate, necessaria esset infinitas in Christi satisfactione, iuxta mentem sanctorum patrum.

Non de fuisse theologos qui existimarent illam infinitatem extensiuam quæ reperitur in originis peccato, quatenus potens est humanum totum genus inficere, sufficientem esse causam, vt dicamus necessariam fuisse infinitatem in Christi satisfactione, ita quod alias etsi Christi satisfactio

Satisfactio pro alijs peccatis mortalibus posset esse æquiualeus, & secundum iustitiæ rigorem sufficiens; non tamen pro ipsa originis culpa. Et vt hanc sententiam probabiliorē efficerent, conati sunt suadere infinitatem, quæ est in originis culpa, non esse pure extensiuam, sed aliqua infinitatis intensiuæ ratione vigere. Hanc opinionē ego improbabilē minime censeo, neq. in eius impugnatione immorari decreui, nam totum quod vērō simili ratione iuuat ad suadendam incarnationis diuini verbi necessitatem, aut congruitatem, libētissime amplector. Verum enimuero non possum non sateri, me non satis bene percipere illam intensiuam grauitatis, & malitię infinitatem, quam illi theologi in originali culpa cōmentantur. Quod si extensiuam tantum in eo reperitur infinitas, vix potest probabili suaderi ratione, quod ad iustam pro hac culpa compensationem necessaria fuerit intensiuam satisfactionis infinitas, cuius necessitas ex ipsa originis peccati extensiuam infinitate desumatur. Hanc ergo prætermitto sententiam, quam neque improbo, neque approbo, sed eius autoribus defendendam committo. Et pro resolutione huius difficultatis vnicam assertionem statuo.

Quamquam in peccato mortali siue originali, siue actuali nō re- Assertio.
periretur malitię grauitas infinita simpliciter, sed secundum quid dumtaxat vt Scot. & Paul. censuerunt, adhuc necessaria erat infinitas simpliciter in Christi satisfactione, vt exacte & ad æqualitatem, & ex toto iustitiæ rigore pro vniuersis hominum culpis satisfaceret. Hæc conclusio probanda est assignando rationes huius necessitatis. Sitq. prima ratio. Christi satisfactio generalis debuit esse cōpensatio pro vniuersis hominum peccatis, & cōmissis & committendis, in eo & possibilibus committi, alijs redemptio per Christum facta improprie copiosa diceretur, sed nisi Christi satisfactio infinitatē haberet intensiuam, non esset sufficiens compensatio, & æquiualeus pro vniuersis huiusmodi peccatis: nam in ipsa tota collectione peccatorum possibili intensiuam reperitur infinitas, quam proinde nō poterit adæquare nisi illa satisfactio, quę in ratione satisfactionis simpliciter fuerit infinita: ergo, &c.

Secunda ratio. Et Scot. & Paludan. & vniuersi fatentur theologi, quod licet peccatum mortale non habeat maliciam simpliciter infinitam in esse mali moralis, & in ratione offensę dei, habet tamen infinitatem quamdam ab extrinseco desumptam, quā appellant secundum quid, ex infinitate diuinę maiestatis, quę per peccatū offēditur, desumpta: sed hanc malitię, & offensę infinitatē, quamlibet minimā, & secundum quid, nulla poterit satisfactio adæquare, quæ nō procederet a persona tanta autoritatis, & maiestatis quantę dignitatis est, & excellentiæ ipse deus per peccatum offensus. Nam illa grauitas quę

ex maiestate personæ læsæ, & offensæ prouenit, non aliunde quam ex dignitate personæ satisfaciens compensationem admittit, nā quantacumque fuerit satisfactio, si non habet valorem aliquem in infinitum infinitate personali, id est, ex dignitate personæ satisfaciens de sumpta, non compensabit pro offensā, quatenus includit illam infinitatem secundum quid, & extrinsecam, ex maiestate personæ læsæ ad peccatum deriuata: neque ista satisfactionis necessaria infinitas aliunde poterit compensari, quia est alterius rationis à quacunque alia perfectione, & dignitate quam in opere quouis satisfactorio comminisci possimus: Ergo, ut satisfactio pro hominum peccatis, imo pro quocumque mortali peccato, fuerit æquiualens, & ex perfecta iustitia, necessum fuit: quod persona satisfaciens esset infiniti valoris, & tantæ maiestatis, quanta est dei maiestas, quam mortale peccatum offendit, atque adeo necessaria fuit ipsa satisfactionis infinitas.

Ex hac ratione infero contritionem gratia & charitate formatā, quam purus homo offert deo pro suis peccatis, non esse æquiualem satisfactionem pro ipsis peccatis mortalibus, aut pro eorum aliquo. Non intendo in hoc corollario aliquid statuere aduersus illam grauissimorum quorundam theologorum sententiā, quæ affirmat, quod in iustificatione impii ipse peccator per actum contritionis satisfacit pro culpa, & offensā, qua deum offendidit. Nam de hac re nihil in præsentia definio. Sap. Mag. Bañes nostræ vniuersitatis Salmatinæ in theologia primarius: Quæstionem istam summa cū eruditione pertractauit in suis doctissimis commentariis ad 1. p. D. Tho. q. 21. Sed nostrum corollarium proponitur contra Caiet. sententiam, cui nō nulli subscribunt theologi. qua in 3. p. q. 1. a. 2. docuit, contritionē puri hominis iusti, quatenus gratia, & charitate formatur, æquiualem esse satisfactionem pro culpa mortali: Videturq. Caietanus sentire, quod si huiusmodi contritio non præsupponeret saltē naturę ordine mortale peccatum ex dei gratiam remissum, & misericorditer condonatum, æquiualens esset pro ipso peccato satisfactio, & exui huius æquiualens satisfactionis, peccatum pro ut est offensā dei remitteretur. In hac sententiam inducitur Caiet. ex eo quod putat q. isthac formata contritio tantum bonum reddit deo, quantum ipsa culpa mortalis abstulerat. Ex quo infert, q. si aliqua fuisset pura creatura cui contritionis, & charitatis actus proprii essent, & connaturalles, talis creatura potuisset ex propriis viribus deo pro mortali culpa ex rigore iustitiæ, & ad æqualitatem satisfacere. Verum cum bona venia in prædicta ratione assignanda defecit Caietanus, non aduertens quod illa peccati grauitas, & qualiscumque fuerit offensæ infinitas, quæ ex dignitate personæ offensæ in mortali culpa participat,

tur, nullatenus compensatur per huiusmodi contritionem, quia deest ei infinitas illa satisfactoria ex persona satisfaciente desumpta. Unde falsa est sententia, quā ex predicta ratione infert, nim irum, quod contritio sit æquivalens pro mortali culpæ satisfactio. Neque quidquam efficit dicere, quod contritio habet illam infinitatem, quatenus procedit ab Spiritu sancto per charitatem animam inhabitante, imo & satisfaciente pro nobis per illam formatam contritionem: ad eum modum quo Paulus Rom. 8. dicit Spiritum sanctum postulare pro nobis gemitibus inenarrabilibus. Hoc inquam nihil efficit ad fundandam prædictæ sententiæ veritatem, quoniam Spiritus sanctus non est persona satisfaciens, sed ipse penitens qui conteritur: Et cū dicitur Spiritus sanctus postulare pro nobis gemitibus inenarrabilibus, methaphorica locutio est, & figurata, qua nomen effectus principalis eius causæ tribuimus, diciturque postulare pro nobis quatenus nos facit deum obnixè postulare: & ita similiter dat nobis virtutem satisfaciendi deo per contritionem, & non ipse satisfacit, Quare persona satisfaciens est simpliciter finitæ dignitatis, atque a deo contritioni deest valor satisfaciens personæ, qui necessarius erat ad constituendam æquivalentem satisfactionem pro offensa infinitæ dei maiestati irrogata.

Sed hoc loco aduertendum, quosdam S. Thom. interpretes falso imposuisse Caietano, quod asseruerit contritionem prædictam esse perfectam, & exactam iustitiæ satisfactionem pro mortali culpa, quod Caiet. minime docuit, sed aperte satisfactionem imperfectam appellauit. Decepti sunt fortassis ij Thomistæ, quia existimarunt idē prorsus designare, satisfactio æquivalens, quod satisfactio perfecta, quod tamen verum non est. Nam, vt satisfactio aliqua sit re ipsa æquivalens, satisfuerit quod tantum bonum reddat, quantum peccatum abstulerat. Cæterum vt sit perfecta satisfactio, requiritur præterea quod non fundetur in gratia eius cui facta est offensa, & quod fiat ex propriis, & ex alijs non debitis, quæ omnia contritioni desunt, nam in gratia dei totus eius valor fundatur, neque ex proprijs est ipsius satisfaciens, sed ex acceptis a deo per gratiam, imo & forsam est alijs titulis debita. Unde licet censeretur æquivalens, nullo tamen modo appellari debet perfecta.

Ex his rationibus & alijs quæ causa breuitatis omitto, dissoluitur illud argumentum factum pro ratione dubitandi, videlicet, quod pro culpa finita suffecerit finita satisfactio Respondetur enim iuxta primam rationem nostram assignatam, quod si tota possibilis peccatorum collectio sumatur, infinitam moralem importat malitiam, & si cuiuslibet particularis peccati malitia sit modis omnibus finita. Quocirca; vt Christi satisfactio eam haberet vim quam habet de fa-

cto, videlicet, quod sit sufficiens compensatio pro singulis & omnibus peccatis, ita ut quocumque dato peccato satisfactio Christi pro illo sufficienter compensauerit, & quod non tot possint dari peccata quae sufficientiam satisfactionis Christi exhauriant: sed quod quibuscumque peccatis designatis ulterius progrediatur, virtus satisfactionis Christi, ut hanc, inquam, tantam haberet satisfactoriam virtutem, necessaria ei fuit infinita virtus. Si Christi satisfactio ad determinatum peccatorum numerum esset limitata, tunc fateor, primam illam nostram rationem inefficacem esse ad eius infinitatem suadendam. Verum res est in theologia constans, nullam signabilem esse peccati speciem, gravitatem, aut numerum, ad quem satisfactionis Christi virtus non se valeat extendere. Quod si hoc verum est, ut est plane verissimum, necessaria consequuntur deducitur, Christi satisfactionem simpliciter esse in ratione satisfactionis infinitam.

Præterea dico iuxta secundam nostram rationem, quod cum in quolibet peccato mortali secundum communem theologorum cum iuscunq; scholæ sententiam, aliqua reperitur grauitatis infinitas, ex infinita dei maiestate quæ per peccatum offenditur desumpta, necessarium fuit quod Christi satisfactio aliquam etiam valoris infinitatem ex dignitate personæ satisfaciens participatam haberet. At si persona satisfaciens valoris est, & dignitatis infinitæ, non potest eius operatio satisfactoria non participare infinitum satisfactorium valorem. Fateor quidem secundam hanc nostram rationem efficacius quidem suadere necessitatem infinitatis in persona satisfaciēti, quam in ipsa satisfactione. Nam diceret quis, necessarium quidem esse, ut persona satisfaciens sit tantæ maiestatis, atque fuit ipse deus offensus. Verumtamen sicut ex infinita maiestate dei offensi, non redundauit in peccato infinita simpliciter malitiæ & offensæ grauitas, sed infinitas tantum secundum quid, ut censuerunt Scotus & Palud. ita ex infinita personæ satisfaciens maiestate, non resultat in operatione satisfactoria valor simpliciter infinitus, sed quedam tantum valoris infinitas secundum quid, per quam fit proportio, imo & æquatio inter ipsam satisfactionem, & offensam. Sed quidquid de hac solutione fuerit, de qua paulo inferius in hoc dubio est amplius dicendum, satis id nobis fuerit probasse, quod etiam si peccatum non haberet simpliciter infinitam grauitatem, necessarium tamen fuerit ad æquivalentem pro ipso satisfactionem, quod persona satisfaciens esset simpliciter infinite dignitatis, & excellentiæ. Et ista sufficiant de prima parte huius secundi dubii.

Secunda
pars deci-
sionis du-
bii.

Ad secundam partem decisionis huius secundi dubii nostra deinceps perueniat disputatio, in qua examinare oportet. Num Christi satisfactio valoris fuerit simpliciter infiniti, & vnde hic tantus satisfactorius

etiorum valor ad ipsam Christi operationem descenderit? Quam in re
duæ extremæ inter theologos graues sententiæ versantur, inter quas
& aliam mediam quædam alij Doctores nouiores confinxerunt.

Prima sententia in uno extremo affirmat, Christi satisfactionem fuisse simpliciter valoris finitissimo insinuat ista sententia quod Christi satisfactio ex natura sua non fuit æqualis gravitati peccatorum, sed hanc æqualitatem habuit ex dei benevolentia, & extrinseca eius acceptance, & quod operatio puræ creaturæ, tam potuit esse in ordine supernaturali perfecta ex dei adiutorio, & gratia, ut ad tantum satisfactorium valorem accederet quantum habuit de facto ipsa Christi satisfactio. Nam potuit deus sua benevolentia & gratia ipsam acceptare ad eisdem effectus, ad quos Christi satisfactione acceptavit. Hanc sententiam docuerunt Scotus, in 3. d. 20. q. 1. & Gabriel. d. 19. q. 1. & in 4. d. 15. q. 2. Dur. in 3. d. 20. q. 2. Ioannes à Med. loc. citato, & alii quidam Scholastici in citatis dist.

¶ In alio extremo alia sententia docet Christi satisfactionem fuisse simpliciter infinitam in ratione satisfactionis. Et hoc quidem non ex speciali dei benevolentia, & extrinseca acceptatione, sed ex intrinseca ipsius satisfactoriæ operationis ratione. Ita docent S. Tho. 3. p. q. 1. ar. 2. & q. 48. ar. 2. & 4. contra gent. c. 54. Alex. Alen. 3. p. q. 1. mēb. 4. 5. & 6. & q. 17. per totā. S. Bon. in 3. d. 10. q. 3. Ricar. ead. d. q. 4. Paul. q. 2. Marfi. in 3. q. 12. ar. 2. Andreas a Vega lib. 7. in Conc. Trid. c. 8. Hosius in cōfessione fidei. c. 11. Mag. Sor. in 4. d. 19. q. 1. & tertio libro de natura & gratia. c. 6. Driedo libro de capti & tedempt à principio. Et omnes ii auctores in hoc conveniunt: quod nulli operationi cuiuspiā puræ creaturæ hæc talis & tanta potuit infinitas, etiam per absolutam dei potentiam, communicari.

Media vero sententia à quibusdam excogitata admittit quidem in finitatem simpliciter in christi satisfactione, dicit tamen eam non ob id infinitam fuisse, quia erat actio à diuino verbo effecta, sed ob id quod Christus se ipsum, suam vitam, propriumque sanguinem deo in compensationem pro vniuersis hominum peccatis obtulit, nam quia istud pretium infiniti valoris est, propter diuini suppositi infinitatem, idcirco satisfactionem Christi infinitam constituit simpliciter in ratione satisfactionis. Hæc sententia, ni fallor, non omnem operationem Christi satisfactoriam infinitam fuisse censet, sed eam dumtaxat, qua Christus seipsum, suamque vitam, & sanguinem deo obtulit, qualis fuit ipsa preciosissima christi passio. Et illa similiter voluntas, qua ingrediens in mundum moriendi pro hominum salute præceptum spontaneus acceptauit, seq. ipsum habuit ad crucis mortem destinatum. In alijs enim etiam laboriosis Christi actionibus, abstinentia, ieiunio, oratione, &c. Christus non semetipsum deo offerebat, sed il-

Jā præcisse studiosam actionē quam operabatur, atq. adeo iuxta sententiam prædictā eiusmodi actiones nō fuerunt infinite satisfactoriæ.

Pro decisione quæstionis notandum est primo, quod cum inquirimus de satisfactionis Christi valore, eius que infinitate, non in dubiū vertimus: An Christi satisfactio fuerit simpliciter in finita secundum omnem rationem valoris, certum est enim eam non tanto valore præditam fuisse, quanta est ipsa dei bonitas & maiestas, non enim de infinitate valoris in esse entis absolute differimus. Neq. vero quærimus, an omnem valoris moralis infinitatem habuerit, certum est enim quod satisfactio Christi in ratione satisfactionis non habuit formale meriti valorem, nam alia est ratio meriti, & alia satisfactionis: sed in limitatori sensu nostra disputatio procedit, idque tantum inuestigamus. Num Christi satisfactio infinitam habuerit satisfactoriam virtutem, ita ut nulla maior, nulla que perfectior, aut æquivalentior fieri posset, aut ex cogitari satisfactio. Sed & obiter disputabimus, an etiā infinitatem valoris meritorij habuerit ipsa Christi operatio, nam ex eisdem fere principijs uterque iste valor desumitur.

Notandum est secundo, quod iuxta communem theologorum doctrinam in 4. d. 15. 19. & 20. inter alias conditiones ad rationem satisfactionis requisitas, una est quod sit operatio pænalis, ita quod dolor, & voluntatis pæna offeratur deo in compensationem offensæ contra ipsum irrogatæ. Hæc autem pænalitas præcipue consistit in displicentia qua satisfaciendi displicet de offensæ in deum commissæ, ex cuius displicentiæ virtute oritur quæcumque alia pænalitas siue interior, siue exterior, quā pœnitens assummit quasi in vindictam pro peccato commissio, siue a se, si pro peccato proprio satisfacit, siue ab eo, pro cuius satisfacit culpa, quam pænalitatem & vindictam deo in compensationem tribuit. Ex quo sequitur quod non omnis actus bonus ea ratione qua bonus est, & laudabilis, imo & à virtute charitatis profectus, satisfactorius est pro peccato siue proprio, siue alieno, sed præter bonitatem prædictam necessaria est pænalitas aliqua præsertim interior: est que satis conveniens quod interior animæ dolor insensibilem aliquam se explicet pænalitatem.

Ad propositū ergo dico, quod cum his quæ in hoc secundo notabili habentur etiā verissimū esse crediderim, quod in nullam Christus in toto suæ mortalis vitæ decursu operationē prodiit, quæ nō fuerit pro nostris peccatis satisfactoria. Censeo namq. Christū dominum omne suæ mortalis vitæ momentum, omnemque operationem cuiuscumq. fuisset virtutis opus, in ipsam humani generis redemptionē, & in satisfactionē pro cunctis nostrū omniū peccatis contulisse. Quod ex tribus colligo. Primo ex eo quod nihil magis sibi proprium, nihil dignius, nihilque augustius, & antiquius sibi fore Christus iudicavit, quā no-

Aris vilitatibus, nostræque redemptioni se totum tradere, vt Pauli
 nis vtamur verbis, qui & pro Ecclesia, & pro ipsomet Paulo Christū
 se ipsum traddidisse, sicut & eum pro nobis omnibus tradidit pater,
 aperta attestacione prædicauit: quod vel ipsum Christi ab angelo præ-
 nuntiatum nomen, Iesus, manifeste nobis declarat. Nam quia sal-
 uum facturus erat populum suum ab eorum peccatis, hoc nomen sibi
 a patre datum accepit. Et hinc factum est, vt redemptio per Chri-
 stum facta merito à regio vate Ps. 129. appellatur copiosa & ab Isa. c.
 20. exuberans iustitia. Sic enim illa verba, Consumatio abbreviata
 inundabit iustitiā, Ireneus, ad mentem septuaginta interpretū, expo-
 suit. Et quidē quod per consumationem abbreviatā ipsum incarna-
 tum verbum intellexerit Propheta, non solus Ireneus, sed & alij quā-
 plures grauissimi intellexerūt Patres, neq. à mente Paul. ad rom. 9. re-
 cedentes qui hoc Isai. vaticiniū ad Christum retulit. Anacletus Pont.
 in 1. epist. quæ in tom. 1. Conc. habetur. Aug. lib. 1. ad simpli. q. 2. Cy-
 pri. lib. 1. contra Iudæos, & Concione 6. in orat. dominicam. Fateor
 quod iustitia in hoc loco posset non tam stricte accipi, vt pro satisfac-
 ctione, & pro iusta redemptione sumatur, sed pro effectu ipsius redem-
 ptionis, quæ est ipsa animi sanctitas omnium virtutum perfectionem
 complectens, in quo sensu Christus iustitiam accepit cum dicebat.
 Math. 6. quærite primū regnum dei, & iustitiā eius, & c. 5. Nisi abunda-
 uerit iustitia vestra. Et quidē iustitia hæc exuberans effectus fuit iuste
 redemptionis nostræ per Christum factæ, iux illud Paul. rom. 5. vbi
 abundauit iniquitas, superabundauit, & gratia. Verum & si sensus hic
 nō sit contemnendus, quin & magna approbatione dignus, cum inten-
 tus esse videatur a prædictis patribus, atque etiam ab Orig. & Abros.
 satis tamen vero similis est sensus, quem prius in sinuauimus, ita vt
 exuberantia, & inundatio iustitiæ ad eam referatur iustitiam, quam in
 opere nostræ redemptionis, & salutis Christus fuit operatus, cuius ef-
 fectus fuit ipsa iustitia, quam præcedenti explicatione retulimus.
 Colligo secundo prædictam sententiam, ex eo quod plurimum re-
 fert ad excellentiam humanitatis Christi (quam summo opere extol-
 lere, & venerari debemus) quod in nullum vnquam morale opus exie-
 rit, quod ex feruoroso dei amore, eximaque dilectione primam sui
 non traxisset originem. Charitas autem qua Christus humana volun-
 tate deum amauit, ad homines etiam veluti quadā reflexiua reuerbe-
 ratione terminabatur, recto namque in deum tendebat, & quia ipsa
 amoris vis vltterius nequibat prodire, ad homines reuertebatur. Sicut
 fortissimus lucis radius dum corpus densum, & opacum ferit, quia vl-
 terius transire nequit, ad diaphanum corpus circumstans feruida qua-
 dam reflexione reuertitur. Quam sane diuini amoris reflexionem for-
 tassis nobis insinuauit Christus Ioan. 14. vt cognoscat mundus quia di-
 ligo

ligo Patrem, & quod sicut mandatum dedit mihi pater sic facio, suscite eamushinc, nimirum, ad spontaneam mortem pro hominum salute subeundā. Vt videlicet, in tanto amore per voluntariam passionem hominibus demonstrato (quo maiore nullus vnquam habuit, sed nec habere poterit) veluti interlo quodam & limpidissimo speculo ipsum diuini amoris radium quo Christus feruentissime Patrem diligebat, mundus ipse, (quamlibet ad diuina intuenta cecus) vel inuitus, & repugnans conspiceret. Hunc vero tantum humanæ voluntatis Christi amorem, duplex necessum erat comitari doloris pœna. Altera qua Christus de offensa ab hominibus in ipsam dei maiestatem irrogata doleret vehementer, & altera qua super ipsam humani generis calamitosam sortem quasi flebili cōpassione moueretur. Ad eum modum quo florentissimam olim ciuitatem Hyerosolimam proprijs oculis intuens, & futuram ipsius miseram calamitatem prœuidens, grandi cōpassione ductus, fleuit super illam dicens, si cognouisses & tu &c. Et quidem non minus est ipsa iustæ animæ ruina deploranda, & lachrynis digna, quā Hyerosolimæ ciuitatis, Salomonisq. templū excidium olim fuit deplorandū, vt verbis grauissimis dixit S. Hyero. in prologo super Trehos Hieremię.

Denique tertio id ipsum colligo, ex eo quod Christus ab illo primo suæ incarnationis instanti quo ingrediens in mundum dixit, Ecce venio, vt me scilicet, in hostiam deo placentem, & suauissimam in cruce pro toto humano genere offeram, semper ante oculos habuit sibi positam ipsam quam erat in cruce mortem subiturus, ita vt etiam in monte Thabor, cum quamdam suæ gloriæ, & maiestatis manifestationem fecisset, nō eius excideret memoria excessus ille mortis, & crucis quæ completurus erat in Ierusalem: cui veritati attestatur illud quod ipse dicebat Luc. 12. baptismo habeo baptizari, & quo modo coarctor donec perficitur. Coarctabat enim Christum desiderium pro hominū salute moriendi, coarctabatq. & eum, ipsa mortis terribilitas, quam ob oculos positam assidue gerebat.

Ex his ergo constat omnem Christi actionem, præsertim supernaturalis ordinis (non enim in præsentia disfinio, an humana Christi voluntas in aliquam exierit quandoque moralem actionem in naturalem tantum rationis finem ordinatam, de qua re q. 1. dixi) quidpiam pœnalitatis annexum habuisse, & eam quidem pœnalitatem pro humana salute fuisse susceptā, atq. adeo constat, omnem huiusmodi humanā Christi actionē satisfactoriam fuisse pro ipsis hominum peccatis. Quā tum autem habuerit valorem, finitum, aut infinitum potius, paucis interpositis, explicabimus.

Notandum est tertio, in gemino posse sensu versari ista præsens quæstio de infinitate satisfactionis christi. Ater est, an Christi satisfactio

hæc lo intrinsecum habuerit infinitum satisfactorium valorem; ob quem satisfactio esset secundum se æquiualeq; pro vniuersis hominum peccatis, & si infinita fuissent, & infinitæ grauitatis ac malitiæ. Alter vero sensus est, vtrum fuerit infinita per extrinsecam, quandam deputationem, & acceptationem, dei, cui placuit eam acceptare in sufficientem compensationem pro vniuersis hominum offensis, aduersus deum commissis, & in posterum committendis. Prior sensus, est quem intendit nostra disputatio. De extrinseca enim infinitate patum sollicitus debet esse theologus. Nam hæc infinitas non ad valorem operis pertinet, sed ad liberalē, & gratiosam dei acceptationem, quā neque Scorus negauit. Neque vero negari potest Christi operationem acceptatā fuisse a deo incompensationē pro peccatis omnibus totius humani generis, siue acceptatione gratuita, siue ad ordinem iustitię pertinente. Constat enim ex literis sacris, & ex grauissimis patrum monumentis, & communi totius ecclesię consensu, Christi domini satisfactionē acceptatam a deo fuisse pro vniuersis hominum peccatis, secundum eorum numerum speciem, & malitię grauitatem qualiscumque, & quantacumq; fuerit eorum grauitas. Exauditumq; esse Christum a deo pro sua reuerentia.

Sed hoc loco non possum non succensere quorundā Doctissimorū virorū, qui apud me magnę sunt autoritatis, sententiā, quæ affirmat, quod ut aliqua operatio censetur sufficiens, æquiualeq;, & iusta satisfactio, non est necesse quod habeat secundū se æquiualentem proportionem cum grauitate offensæ, neque sit secundum se digna, & æquiualens compensatio pro culpa & offensæ peccati, sed satis fuerit sic proportionata legi, & voluntati eius cui sit satisfactio. Itaq; non est necesse quod satisfaciens, tantum bonū operatione satisfactoria reddat, quantum fuit malum offensæ & irrogatę iniurię, sed quod reddat illud bonum quod exposcit is cui est facienda satisfactio, & quo ipse est contentus, siue hoc communi lege, siue priuata suę voluntatis manifestatione exposcat. Hæc in quam sententia nunquam mihi placere potuit, quoniam huiusmodi satisfactio legi quidem, aut voluntati personę legi, æquiualens poterit censeri, offensæ autem, & iniurię nequāquam. Unde totum quod illi deest condignitatis, & æquiualentię, comparatione ad offensam & culpā, suppletur ex gratia & beneuolentia acceptantis, quæ re vera est liberalis & gratuita condonatio, siue hoc fiat priuata voluntate, siue communi lege. Neq; quidquid de tractat a ratione gratuita condonationis, quod hæc acceptatio siue per modum legis, siue alio modo præcedat satisfactoriam operationem, vel quod simpliciter posterior. Missum facio quod ex contraria sententia non difficulter inferri posset, (quod & eius auctores libenter admittunt,) quod contritio qua ratione in actu penitentię, ordine nature

gratiam & charitatem antecedit, sit de iustitia æquivalens pro offensa, & culpa mortali satisfactio. In cuius sententiæ confutationem, non libet in presentia immorari, sed neque libet eam ut gratam, & probatam acceptare. Nam ut cætera prætermittam, durissimum mihi apparet veram aliquam iustitiam inter hominem & Deum admittere, quæ in gratia & charitate in anima infusus non suum habeat intrinsecum fundamentum. Vnde apud me nulla est verè æquivalens, & condigna satisfactio, quæ secundum seipsam non fuerit digna acceptari, ut sufficiens compensatio pro iniuria, & offensa, ita quod tantum reddat bonum, quantum fuerat ipsius offensæ malum.

Prima conclusio.

His ita suppositis Prima statuitur conclusio. Christi satisfactio infinitum habuit satisfactorium valorem, fuitque proinde infinita simpliciter satisfactio in rōe satisfactionis. Probatur primo ex scripturis sacris, & in primis ponderetur illa testimonia, quibus præcedenti dubio ostendimus in Christi satisfactione veram, & propriam fuisse iustitiam. Omnia enim, si bene expendantur, denotant Christum eam tantam patri compensationem pro vniuersis hominum peccatis obtulisse, quæ maior neque exigipotuit, neque vero exegitari. Istæ enim emphasim habent illa verba Pauli. Empti estis pretio magno, & illa Petri. Non corruptibilibus argento, & auro, &c. sed pretioso sanguine immaculati. &c. Ecquid enim aliud ijs duo Apostolorum principes his tam magnificis verbis explicare voluerunt, quam quod pretium a Christo in hominum redemptionem Patri oblatum, incomparabile fuit omni alij exogitabili pretio, siue argento, siue auro, siue lapidibus pretiosissimis, siue quouis alio modo facti. Quod si pretium fuit cuiusunque alij pretio incomparabile, necessum est ut illud infinitum in ratione pretii fateamur: nam inter ea quæ finita sunt admittenda est comparatio, si ad idem præsertim genus pertineat, ut pertinet omnis satisfactio, & omne satisfactorium pretium ad ordinem enim eundem iustitiæ satisfactoriæ pertinent. Præterea quo pacto verificabuntur ista Pauli verba, ad ostensionem iustitiæ suæ, si satisfactio finita fuit, & limitati valoris, indiguitque extrinseca Dei liberali acceptione, ut esset æquivalens. Neque vero Christus multa cum proprietate dici posset a Paulo, factus nobis iustitia, si satisfactio pro nobis exhibitæ ipsa indiguit Dei gratia & acceptione liberali. Id præterea quod in testimonio ibidem citato ad Colos. 2. dicitur, scilicet, et aduxit confidenter palam, &c. Illud enim verbum confidenter, satisfactionem denotat ex toto rigore iustitiæ factam per æquivalentem, & infinitam satisfactionem. Præterea ad. rom. c. 3. multus est S. Paul. in explicanda satisfactionis Christi abundantia. Cuius verba referam & expédam dub. sequenti, cum explicabitur Christum satisfecisse de toto iustitiæ rigore. Fauet etiâ quamplurimum illud quod dudum referamus ex c. 10. ista. cōsummatio abbreviata innūdabit iustitiā: innūdatio .n. iu-

sticiæ

Acti Christi, quid aliud designat q̄ immensitate eius & infinitate? Dī-
ximus iū istū locū de Christo esse intelligēdū: ipse .n. Christus verbū
est abbreviatū, vt 70. interpretes transtulerunt, velut vt nostræ vulga-
rē interpret vertit, cōsumatio abbreviata dicitur, nam in ipso quasi
breui quodā compendio & epologo consumauit deus omnem suorū
operum summā, cum verbū caro factū est, ac plenū gratiæ, & verita-
tis habitauit in nobis: In vno namq. Christo deū reperies & hominē
caelestia & terrestria in vno coeūt supposito, imo & simul in vnum di-
ues & Pauper. Nā in ipso sunt oēs thesauri sapiētiæ & scientiæ dei, &
vno peccato excepto, oībus ipse humanis miserijs, & calamitatibus,
pro nobis egenus factus, succubuit. Hæc ergo abbreviata consuma-
tio suis meritis & satisfactiōibus tantum extulit coram deo iustitiæ
vexillum, vt altius eleuari minime possit: Et ob id dicitur inundasse
iustitiam, Quæ idem ex causa ps. 129. dicitur copiosa apud eum re-
demptio, inperquem locum legendus est omnino Aug. & uidentia
ea petrum testimonia quæ dubi. 3. ad probandum iustitiæ rigorem in
Christi satisfactiōe afferimus: eandem .n. vim habent ad satis-
factiōis infinitatē probandā, sufficiat nunc in huius veritatis confir-
mationē vnū Clementem sextū Pont. Max. in mediū afferre, qui in ex-
trauag. vniuersus de penitentijs & remissionibus multa decernit in
huius nostræ cōclusionis cōfirmationē: sed tria potissimū dicit quæ sū
mopere sunt ponderāda. Primū, q. non solū Christus, quia deus erat,
sufficiens fuit ad satisfaciendū pro vniuersis hominum peccatis, verū
quod & vnica gutta sanguinis eius, propter coniunctionem ad verbū,
ad hoc ipsum erat sufficiensissima. Secundū quod thesaurus ecclesiæ ex
meritis, & Christi satisfactiōibus constās infinitus est, & qd ob id ex
hauriri minime pōt. Tertū deniq. quod merita Christi fuerunt infi-
nita. Et quod id ipsum sit de Christi satisfactiōibus censendū cōstat,
tum ex patitate rationis, cum ex ipso prædictæ extrau. cōtextu indis-
cēter. n. Pont. ibi de satisfactiōibus, & de meritis Christi loquebatur.
Sed quid obsecro dicet ad hanc tā a pertā Pont. definitionem Au-
ctores q. satisfactiōnū & meritorū Christi infinitatē negāt: recurrēt
fortassis ad extrinsecā illā dei acceptationē, qua deus, inquiūt, Christi
satisfactiōes & merita p. vniuersis hominib⁹, imo p. infinitis si essēt,
suscepit & acceptauit. Verū hæc acceptatio præter q. quod, vt in tercia
notabili dicebamus, ad dei gratiā, & misericordiā potius ptinet, q. ad
iustitiā cuius actus sūt satisfacere, & mereri, ac p. inde in pñes est ad
constituendam meriti, & satisfactiōis infinitatem, præsertim cum
sit prorsus extrinsecā, quæ nihil vel in satisfaciēte & merente,
vel in satisfactiōe & merito ponit. Præter hæc, inquam, ratio-
nem, quæ est efficacissima ad prædictam solutionem expugnandā,
dam, ex ipso extrauagantis textu liquet huius solutionis debi-
litas. Etenim Pont. ibi ad infinitum satisfactiōum, & meritorum

Christi valorem minime recurrit ad illam dei acceptionem extrinsecam, sed ad ipsam verbi cū humanitate substantialem coniunctionem, inquit enim, quod Christus, quia deus erat, potuit humanum genus redimere, & pro illo satisfacere, & mereri. Certe ego vix reperio solutionem quæ probabiliter possit hoc argumentum, & auctoritate Pontificia de iuramento dissuere. Scio dices hanc doctrinam non esse habendam, vt. definitionem pontificiam, quia non id ex primaria intentione Pontifex definire intendebas, sed de auctoritate concedendi indulgentias, quæ in Romano Pontifice residet ex intentione tractabatur, atque adeo doctrina de infinitate satisfactionum, & meritorum Christi non definitionis loco habenda est, sed rationis adductæ ad explicandam definitionis veritatem. Rationes autem quibus Pontifices, & generalia etiam Concilia pro suis explicandis definitionibus assere solent, nō solidam semper auctoritatem obtrinent, vt plerique Theologi variis in locis ad notandum Bene quidem hæc se habent. Verum aduertat Theologus quam ex professo, quamq. de articulo doctrinam istam de valore satisfactionum, & meritum Christi Pontifex citata extrauaganti tradiderit, imo, aduertat quod non solum ibi Pontifex definiit potestatem Ecclesiæ ad concedendum indulgentias, verum etiam stabilire voluit thesaurum ecclesiæ ex meritis & satisfactione Christi potissimum constare, ac minus, principaliter ex sanctorum satisfactionibus, ad cuius thesauri indeficientiam explicandam, ad meritum, & satisfactionum Christi infinitatem recurrit. Et cum communi loquendi modo scripturæ sacræ & sancti Patrum hæc summi Pont. doctrina conveniat, non potest non esse certissima, & quæ in contraria sententia plus temeritatis, quam probabilitas relinquat. Missum facio, quod Segr. adhuc non videtur admittere Christi satisfactionem actu esse infinitam, per extrinsecam dei acceptionem. Nam dicere apparet quod solum fuit acceptata actu proprijs hominibus qui de facto erunt, aut fuerunt in mundo, & pro eorum peccatis, quæ infinita non sunt, & si congruentiam habuerit vt posset pro pluribus acceptari.

Sed iam rationibus probatur ista conclusio. Prima Christus obtulit vitam suam, & sanguinem suum deo, imo, & semetipsum in satisfactionem pro peccatis nostris ad Eph. 5. Christus tradidit semetipsum pro nobis oblationem & hostiam deo, sed res istæ sunt infiniti valoris & æstimationis coram deo, ergo, Christus obtulit deo infinitum pretium pro redemptione nostra, atque adeo exhibuit satisfactionem infinitā. Consonat huic rationi id quod retulimus paulo ante ex Clement. 6. in extrauag. Vnigenitus, dicente quod quælibet gutta sanguinis christi, propter coniunctionem ad verbum sufficiens erat ad redemptionem totius mundi: consentit etiam id quod Ambro. ait in

præfatione in Pl. 33. bonam vitam sanguis Christi, diues ad pretium, profluens ad lauantum omne peccatum. Expendendū est illud verbum profluens, denotat enim superabundantiam super omnia peccata, supra omnemq. eorum possibilem malitiam & grauitatem, atque adeo vim quamdam satisfactoriam infinitam denotat. Sed de hac ratione, quæ in particulatim videtur procedere, de quibusdā Christi retributionibus, videlicet, de circumsione; In qua Christus primitias sui pretiosi sanguinis pro nobis dedisse deo, de prolixa, & anxia in horum oratione cum sanguineas; Christi caro sudauit guttas, de ipsa denique Christi passione, quæ tot, tantisq. tormentorum generibus fuit consummata, in sequenti conclusionē dicemus latius, & nunc in communi probebimus omnem Christi satisfactoriam operationem infinitam fuisse valoris.

Sit ergo secunda ratio. Operationes satisfactoriæ, atque itidē meritorie Christi domini tantum proportionabiliter excedebant in valore satisfactionis, & meriti operationes nostras, quantum persona Christi in ratione personæ, excedit quamcumque personam creatā; sed persona Christi, in ratione personæ, excedit in infinitum omnem creatam personam: Ergo eius operationes in ratione meriti & satisfactionis excedebant in infinitum omnes operationes elicitas a creata persona. Maior probatur. Non potest negari quin valor moralis operationum proportionetur dignitati personæ operantis, nam quis negare poterit quin morali estimatione pluris debeat fieri operatio Regis. V. c. Genuflexio, quam operatio alterius hominis minoris dignitatis: Ergo valor operationis crescit in suo genere proportionabiliter ad valorem personæ operantis: nam in qua, obsecro, alia proportionē crescere potest? Ergo si personæ ad personam fuerit infinita distantia in ratione personalis, erit & similis distantia inter earum operationes in valore morali satisfactionis, & meriti.

Confirmatur. Si quis, ex homine in fine fortis, & de media plebe, ascendat ad nobilitatem, aut ad dignitatem grandem, continuo eius actiones in multo maiori habentur pretio, & quo altior fuerit dignitas, ad quam euehitur, eo pluris eius operationis etiam a prudentissimis & grauissimis reipublicæ viris æstimentur. Manifestum ergo signum est, moralem operationum dignitatem, & valorem crescere proportionabiliter ad personæ operantis dignitatem. Sed huius rei, quæ vel sensibus patet, & a nullo bene composito ingūbio negari vix potest, rationem a priori reddere non est admodum facile. Dicunt communiter sapientes theologi, quod personæ qualitas, seu dignitas, etsi secundū se sit circumstantia in morali ordine consideranda, transeat tamen in rationem obiecti operationis: & ideo tribuit ei valorem iuxta proportionem suæ personalis dignitatis. Verum hæc ratio

non

non videtur huius rei punctum attigisse. Primo quia non est certum quod personę qualitas transeat in rationē obiecti operationis, imo oppositum est certissimum, si ex ipsa non desumatur specifica operationis diuersitas, de qua re 12. q. 7. & q. 18. solent Sanct. Th. discipuli ad satietatem vsque tractare. Et quamuis in presentia satis dicatur probabiliter, quod dignitas personę Christi mutat speciem moralem actionis, quia constituit illam formaliter in ratione cuiusdam excellentis iustitię, qualis inter puram creaturam & deum nulla reperitur: at non semper est necesse quod personę dignitas speciē actus mutet: nam satisfactio ducis eiusdem est speciē cum satisfactione militis, quamuis illa sit ista dignior propter maiorem personę ducis qualitatem, quę est quędam circumstantia quę a philosophis moralibus appellatur circumstantia. Quis. Ista ergo ratio non est adęquata ad prædictę veritatis explicationem.

Secundo sic impugno eandem rationem. Obiectum non confert actui totam suam dignitatem, & perfectionem, neque ex eo quod obiectum sit infinitum in ea ratione formali in qua obicitur actui, potest colligi ipsum actum infinitum esse in ratione talis actus. V. c. quamuis obiectum charitatis sit summum, & infinitum bonum, non tamen actus charitatis, quo nos diligimus summum bonum, aut quo ipsa humana Christi voluntas illud amat, infinitę est perfectionis in ratione charitatis: ergo ex hoc quod dignitas personę transeat in rationē obiecti, non sequitur quod dignificet actum iuxta proportionem suę quantitatis, ita vt si infinita fuerit, constituat actum infiniti valoris moralis. Hac ergo prima ratione vti insufficienti prætermissa, ad aliam deueniamus, quę quibusdam etiam doctissimis placet. Et ratio secundo loco assignanda est, quod id circo personę circumstantia auget aut minuit operationis valorem iuxta suę personalis dignitatis quantitatem, quia est circumstantia quasi intrinseca operationi, & ipsi realiter coniuncta, ad eum modum quo intensio actionis, quāuis sit pura circumstantia, neque in rationem transeat obiecti, auget valorem satisfactionis & meriti in operatione iuxta sui proportionē: nam actus. V. g. charitatis tanto magis meritorius erit, quanto magis fuerit intensus, & si attingere posset infinitam intensiōem, valorē quoque infinitum meritorium assequeretur. Quod neq. in obiecto, neque in aliis circumstantiis locum habet, eo quod extrinseca sunt operationi. Hęc secunda ratio bonam certe probabilitatem affert. Fateor quidem quod intensiōis exemplum adductum non in omnibus videtur quadrare, quoniam intensio actus moralis eatenus operationem in valore meritorio aut satisfactorio dignificat, quatenus eam in semetipsa perfectiorem reddit intensiōe reali, & intrinseca, at personę dignitas nullam realem, & physicam perfectionem ipsi in-

si inducit actioni. Vnde non satis apparet ex quo proueniat valor moralis quem ad ipsam refundit actionem. Sed huic obiectioni, vt prædictam secundam tueamur rationem, sic respondebit theologus, quia intentio est circumstantia pure intrinseca actioni, idcirco vtraque perfectione & physica, morali eam perficit. Et moralis quidem perfectio meritoria, & satisfactoria in physica perfectione fundatur, at persona realiter quidem coniuncta est operationi, non vero est ei intrinseca. Vnde quia intrinseca non est nequit operationem intrinseca perfectione, & physica immutare & perficere; quia vero realem habet cum ipsa coniunctionem, vt ipsam inchoans, continuans, & perficiens moralem ei dignitatem, & valorem tribuit. Et quidem in hac parte illud est obseruandum, quod in principio actiuo operationis duo reperiuntur, quorum vtrumque per se ad operationem efficiendam concurrat, nimirum. Quod, & Quo principium Quod, dicitur ipsum suppositum operans. Quo, uero est forma per quam operatur. Cum, inquam, hæc duo in principio cuiusvis humanæ actionis reperiantur, substantialis, & physica, vt ita loquar, species actionis, non a principio. Quod, sed a principio Quo, desumitur, actio enim in formali ratione actionis a formali principio actiuo specificatur iuxta doctrinam traditam a S. Th. 12. q. 1. a. 3. A principio autem actiuo Quod, id est, a supposito quod per formam realem efficit actionem, non essentialis species, neque perfectio aliqua physica actionis desumitur: prouenit autem ab ipso moralis dignitas, & valor actionis qui ad merendum, & satisfaciendum conducit. Sed tandem tertiam adhibeo rationem propter quam qualitas, & dignitas personæ in valore morale actionis iuxta suam proportionem refunditur. Quæ ratio in hoc consistit, quod is qui alteri satisfacit, non solum suam operationem, sed & semet ipsum illi subicit. Et similiter qui meretur se ipsum, suamque personam submittit in obsequium eius apud quem meretur. Vnde cum satisfactio includat intrinsece ipsam personam satisfacientem, tanquam simul cum ipsa actione submissam & subiectam ei cui fit satisfactio, nihil mirum quod in ratione satisfactionis includat totum ipsum valorem, qui desumi potest ex personæ dignitate. Hæc ratio quæ apud me non levis est ponderis, vel inde suadetur, quod non in omnibus actionibus humanis dignitas personæ in ipsas actiones refunditur, non enim actus comedendi componendi maioris est valoris, absolute loquendo, in ducem quam in militem, et ferentem dignior operatio ducis, operatione militis, si ad satisfactionem alicui faciendam referretur, nam genus flexio ducis coram priuato milite, ad satisfactionem ei exhibendam ordinata, multo esset maioris valoris, maiorisque æstimationis, & pretij quam particularis militis. Ex quo vero similis sit assignata ratio, nimirum, quod ob id in satisfactione crescit moralis dignitas, & valor operationis, quia ipse satisfaciens se ipsum humiliter, & submittit ei cui satisfacit. Quod diximus de satisfactione, &

merito proportionabiliter dicendum est in operationibus obedientiæ, obseruatæ, humilitatis, religionis, & in vniuersû in illis omnibus actionibus, quæ ab inferiori superiori, vel quasi superiori exhibentur.

Sed quid de actu charitatis dicemus? charitas enim in ratione formalis charitatis non est inferioris ad superiorem, amor enim amicitie qualis est charitatis amor, æqualitatem potius quam superioritatem respicit, inter eos enim est amicitia inter quos est iustitia & conuersio iuxta doctrinam ab Arist. lib. 8. Ethico. traditam, & prouerbio fertur, quod non bene in eodem domicillio morantur maiestas, & amor.

Respondeo & primum dico, quod amor amicitie est potissima operatio in qua operans se totum tradit ei ad quem operatur, nam is qui vere amore amicitie amat, & se & omnia sua in obsequium amici habet parata & exposita, & ob id dici solet amicorum omnia esse communia. Neque ob id tamen amor actus est inferioris ad superiorem, sed ad æqualem, quia postulat in altero extremo mutuam & reciprocam traditionem, amor enim amicitie amor mutuus est, & reciprocus: quam rem sufficiat in præsentia leuiter attingisse.

Secundo eidem obiectioni respondeo, quod licet charitatis amor hominis ad deum sit vere amicitie amor propter rationes assignatas à S. Thom. & ab eius interpretibus 2.2. q. 23. ar. 1. ex parte tamen hominis magnam inæqualitatem habet, quoniam homo non diligit deum vt aliud bonum sibi compar, & æquale, neque aut bonum partiale, & limitatum, sed vt summe completum & totale bonum, & in quod homo, & seipsû, & bona sua efficaci ac totali directione, refert. In hoc autem charitatis amore manifesta est ex parte hominis inferioritas, & totalis sui ipsius traditio in obsequium dei quem super omnia, & ex toto corde & ex totis viribus diligit, iuxta præceptum deut. 6. traditum. Et quidem licet meritum in ratione communi meriti forsitan non exposcat quod merens seipsum totum in præmiatoris obsequium submittat, sed sat est quod ei suas det operas, hoc tamen exigit necessario meritum quod est hominis ad deum: eo quod prima eius radix est ipse charitatis affectus, quo homo se totum tradit, & subiicit deo summo bono. Et ob id regius vates ps. 72. explicans ipsam charitatis vim, cui neque terra, neque cælum summe placent, sed ipsa sola summi dei bonitas, inquit: Deus cordis mei, &c. Vocat deum ipsum deum cordis. id est. cordis dominum, plenarium eius dominum obtinens, & ius, per charitatis affectum ipsi deo spontaneè traditum.

Hinc sequitur, quod cum christus in omnibus suis operationibus ex primaria intentione operantis, & ex substantiali & primaria actionis specie se gereret cum deo vt inferiore & minorem illo, seque præinde in dei obsequium tradiderit, diuinæque eius voluntati se totum

tum prout humanum erat suppositum subijceret, non potuit omnis eius operatio, iuxta valorem & dignitatem personæ Christi in suo morali valore meritorio, & satisfactorio non crescere, atque ad eum cum persona Christi esset reuera infinita, infiniteque que dignitatis, consequens est dicamus vniuersas Christi humanas operationes infiniti valoris existisse, fuisseque proinde infinite meritorias, & satisfactorias. Et hæc est fundamentalis nostræ conclusionis ratio, quam ij tantum qui eius vim & radicem non intellexerunt, libera quadam dicendi contempserunt audacia, negantes satisfactorijs Christi operationibus eum valorem quem & sancti Patres, ac Pontifices grauissimi, imo & sacræ literæ fere expressis verbis eis tribuerunt.

Sed iam vltcrius in nostræ conclusionis probatione progredior. Nulla operatio potuit esse dignior Christi operatione, etiam secundum absolutam dei potentiam, nam & si pater fieret homo, æque perfectam, & dignam operationem efficeret quidem, digniorem vero nequaquā: Ergo Christi operatio fuit summe digna, summaque dignitatis & valoris, quo maior nulli potuit creatæ operationi competere, atque ad eo fuit infiniti valoris moralis.

Dicerent huic argumento contrariæ sententiæ auctores, quod illa operatio quæ ab intensiore gratia & charitate, quam sit intensio gratiæ & charitatis Christi, proficisceretur, secundum se esset maioris valoris satisfactorij & meritorij, quam Christi operatio, & tantum illi de esset illa acceptatio dei extrinseca, qua deus christi operationem acceptauit in cōpensationem pro peccatis omnium hominum. Et cū posset deus illā puræ creaturæ operationē similiter acceptare in cōpensationē, pro peccatis totius mundi, cōsequens sit quod talis operatio esset simpliciter dignior, & maioris valoris quæ operatio christi. Nā secundum extrinsecā acceptionem essent æquales. Secundum vero intrinsecam perfectionem, dignior esset & perfectior operatio a purā creatura elicita: Vnde simpliciter esset censenda dignior & maioris valoris. Ita dixerunt quidam christiani homines, sed nequis eos male christianos arbitretur, quia tam humiliter, ne dicā viliter, de christo, eiusque actionibus senserunt, eorum nomina silentio velare decreui. Et sic arguo pro conclusione nostra.

Sequitur exconraria sententia quod operatio puræ creaturæ tanti possit esse valoris meritorij & satisfactorij, quanti fuit ipsa christi operatio. Consequens magnam præfesset absurditatem, & saltitatem tam insignem, ut nullus sanctorum Patrum eam non exploderet tanquam christi dignitati iniuriosam, ipsi que proinde blasphemam, quod constabit ex testimonijs quæ dubio sequenti citabimus, in quibus nihil aliud patres magis auersantur, quam quod humani generis redemptio potuerit iusta cōpensatione, & satisfactione,

qualis fuit Christi satisfactio, per actionem purę creaturę fieri: Ergo, &c. Probatur sequella, quia potuit deus purę creaturę conferre intensiorem gratiã, & charitatem ea quam tribuit animę Christi, potuitque ipsam acceptate pro vniuersis peccatis omnium hominũ ex Adam trahentium per naturalem generationem originem. Sed talis operatio in acceptatione extrinseca æqualis esset operationi Christi, & in intrinseca perfectione eam excederet: Ergo tam esset apta, imo & magis apta ad humanam redemptionem efficiendam illa purę creaturę actio, atq; fuit operatio Christi.

Due possent huic argumẽto solutiones adhiberi. Altera quod ille purus hominem non posset p se ipso satisfacere, & pro peccato originali in quo conciperetur, atque adeo non satisfaceret pro toto genere humano ex Adam deriuato. Sed huic solutioni facillime occurritur. Nam supponamus quod deus assumeret angelum ad humani generis redemptionem faciendam, qui nulla pro se satisfactione egeret, aut vero quod formaret hominem miraculose, qui nullum proinde originale peccatum contraheret, sed in statu innocentie sicut primus parens conderetur.

Secunda solutio quę apparet vero similior est, quod licet dignitas personę Christi non contulerit suis operationibus infinitum valorem satisfactorium & meritorium, contulit illis tamen valorem aliquem, quo non perficeretur operatio a pura creatura elicitæ, quantumque gratia & charitate fuisset exornata. Hęc solutio citra dubium non nihil habet probabilitatis, nam cum instat replica contra illam in hunc modum. Illa perfectio proueniens operationi Christi ex dignitate personę, non est infinita, vt admittit prædicta solutio: Ergo potest adæquari per aliam perfectionem, quam deus tribueret operationi elicitæ a pura creatura, imo posset excedi: nã omnis perfectio finita, ab alia perfectione finita maiori vinci potest, si absolutã præsertim attendamus dei potentiã. Fingamus enim quod illa perfectio, quę ex dignitate personę Christi in eius operationem refunditur, sit vt centum. Tunc sic, poterit deus dare operationi purę creaturę perfectionem vt mille, infundendo illi habitum gratiæ intensissimũ, & specialissima ei auxilia conferrẽs: Ergo non solum adæquabit, sed & superabit prædictam Christi operationis perfectionem. Huic tamen replicę probabilis occurrit solutio, quę efficaci argumento conuinci falsitatis non poterit. Solutio autem ea est, quod valor ille ex dignitate personę ad humanam Christi operationem deriuatus, & si finitus sit, & limitatę perfectionis, est tamen alterius rationis & ordinis ab omni alio valore, qui aliunde potest ad operationem purę creaturę deuenire, nam est valor personalis & non formalis, qui proinde intrinsecam habet, & formalem habitudinem ad personam ex

quæ prouenit: atque adeo quantumcumque crescat perfectio ex intentione gratiæ & charitatis in operatione elicita a pura creatura, nunquam tamen attinget ad hunc personalem valorem, ac proinde neque esse poterit æquiualens, & sufficiens compensatio pro aliquo mortali peccato, secundum illam gravitatem quam contrahit, ex diuina maiestate offensa. Nam huic gravitati nullus alius satisfactorius valor proportionari potest, neque esse sufficiens ad iustam compensationem, præter valorem personalem qui ex infinita satisfaciens personæ dignitate ad operationem satisfactoriam deriuatur. Est enim formalis & intrinseca correspondentia inter satisfactionem, & offensam, vt grauitas ex dignitate personæ offensæ in culpa resultas non alio satisfactoris valore compensetur, nisi eo qui ex persona satisfaciente pensatur.

Possemus huius rei ex doctrina S. Th. aliquale afferre exemplum, dicit enim ipse, quod quantumcumq. crescat viatoris gratia, etiam si intentione excedat gratiam cuiusque beati, imo & omnium beatorum, nunquam tamen accedet ad perfectionem propriam gratiæ beatificæ & quæ est in beatorum minimo, eo quod secundum quemdam modum gratia beatifica alterius est rationis, & speciei a gratia viatrice. Adhibet exemplum S. Thom. quantumcumque inquit leo intra naturam leoninam crescat, nunquam perueniet ad Elephantis perfectionem eo quod sunt perfectiones alterius speciei. Ob similem ergo causam ipse dicerem, quod valor personalis operationis Christi a nullo alio valore quantumcumque magnus sit, & excellens æquari poterit. Et ob hanc causam posset dicere qui negauerit in finitatem satisfactionis Christi, quod ad iustam humani generis redemptionem necessaria fuit verbi incarnatio, & eius operatio satisfactoria, quoniam in nulla operatione puræ creaturæ poterit etiam per absolutam dei potentiam reperiri valor ille personalis, aut alius qui eius vicem suppleat, per quam possit compensare pro peccato quantum ad illam aliqualem infinitatem, quam omnes agnoscunt theologi ex diuina maiestate offensa ad peccatum deriuatam. Hæc solutio, vt dixi, mihi adeo apparet vero similis, vt existimem quod hæc vltima ratio quam pro nostra conclusione formauimus, quamuis apud plerosq. graues theologos satis habeatur celebrata, non solidum tamen continet nostræ conclusionis fundamentum, quia per assignatam solutionem facile euadimus illud illatum inconueniens in quod ista ratio inducere conatur contrariæ sententiæ autores. Fateor quidem autoribus contrariæ sententiæ hanc solutionem non occurrissse fortassis, & ob id valde tertia illa ratio à nobis facta pro conclusione premuntur. Expendatur hoc in loco illa Calet. regul. 1. par. quæst. 55, quod res vna superioris ordinis, etsi limitata, & finita,

æquiualeat infinitis rebus ordinis inferioris in virtute & potestate, adhibet ipse exemplum in specie intelligibili superioris angeli, quæ cum sit finita, æquiualeat multis speciebus angelis inferioris. Ex qua doctrina ad presens institutū posset theologus inferre, quia Christi satisfactio, etsi finita sit, & limitata, quia tamen est superioris ordinis ad omnem creaturæ puræ satisfactione huius comparata. Idcirco in virtute satisfactoria æquiualeat infinitis satisfactionibus, ab infinitis puris hominibus, & angelis prouenientibus; ac proinde potuit pro vniuersis humani generis peccatis sufficiens esse compensatio. Nō ergo huius postremæ rationi valde fidendum est in hac prima conclusione tuenda. Sed ad præcedentia motiua, & fundamenta est recurrendum.

Secunda conclusio.

Secunda conclusio. Illa operatio, qua Christus seipsum, suam vitæ, suumque pretiosum sanguinem pro vniuersis hominum peccatis obtulit, duplici infinitatis titulo infinite fuit satisfactoria. Hæc conclusio primo explicatione eget, & suppositis his quæ hætenus diximus, non tam probationem, quam sui explicationem efflagitat.

Notandū est ergo, quod in prædicta Christi satisfactione duplex videtur reperiri infinitas, altera quæ ex infinitate satisfaciens personæ proueniebat, & altera quæ ex infinitate rei oblata desumebatur. Prima quidē oī Christi operationi satisfactoriæ fuit cōmunis, vt ex ante dictis cōstat. Secunda vero ad eā tantū operationem pertinebat, quā nūc specificauimus in secūda ista cōclusionē. Et quidē de priori satisfactione satis, ni fallor, diximus in cōclusionē præcedenti, & si quæ supersunt dicenda, in argumentorum solutionibus explicabuntur. De posteriori vero infinitate nōnulla dicere oportet: neque enim omnes Theologi hanc infinitatem ex re oblata desumptam in Christi satisfactione libenter admittunt, ad quam eliminandam sic arguunt primo. Si infinitas rei oblata sufficiens esset ad constituendam satisfactionem infinitam simpliciter in ratione satisfactionis, sequitur quod illa oblatio, qua B. Virgo in tēplo obtulit filium suū Iesū Christū, fuit valoris infiniti, fueritque infinita simpliciter satisfactio: atque adeo sufficiens ad ipsā humani generis redēptionē operandū cōsequēs nullatenus admittendū apparet, quā tunc humani generis redēptio B. Virgini esset tribuēda, cum oblatio ab ipsa fuerit facta, ergo, &c. Se quella inde videtur manifesta, quod B. Virgo tunc obtulit Deo infinitū pretiū, ergo, &c. Secundo quāuis res oblata sit infiniti valoris, si oblatio fuerit actio valoris finiti, limitat valorē qui desumi poterat ex re oblata, propter quod causā graues quidā theologi cum Mag. Sor. in 4. d. 13. dicunt sacrificium altaris finiti esse, & limitati valoris, quia licet res oblata sit simpliciter infinita, & valoris infiniti, limitatur tamen, in ordine ad valorandum sacrificium, ab actione sacerdotis offerentis quæ est actio limitata, & finita, ergo res oblata nō sufficit ad cōstituē-

dam

dam satisfactionis infinitatem, quantumcumque ipsa secundum se infiniti sit valoris.

Tertio sic ipse argumentor in huius sententiæ patrociniū. Sequitur ex sententia contraria, q̄ in Christi operatione duplex simpliciter reperiatur satisfactiois infinitas. Altera ex infinitate pretij oblatis desūpta, & altera ex infinito satisfaciētis valore proueniēs. Cōsequēs est falsum: ergo, &c. sequella manifesta apparet ex predicta sententia, probo aut falsitatem consequētis. Repugnat dari duo infinita simpliciter, siue duas simpliciter infinitas formales rationes in eadē specie: ergo impossibile est, quod in vna, & eadē Christi operatione duæ reperiātur infinitæ rationes formales intra eandē specificā & formale satisfactiois rationē Cōfirmatur. Si utraq; ratio est infinita per se & seorsum cōsiderata, ergo simul sūptæ maiore efficiēt satisfactiois infinitatē, sed infinitum crescere ea ratione qua infinitū, est omnino impossibile: nā si crescit, nō potest non esse finitū, & supponitur alias esse infinitum, atq. adeo finitū simul esset, & infinitum, quę manifesta est contradictio.

Dices forsan, quod infinitas quæ sumitur ex parte satisfaciētis aliterius est rationis & speciei, ab ea quæ sumitur ex parte pretij oblatis, nihil autem inconuenit, quod in eadem operatione conueniant duæ rationes formaliter diuersæ simpliciter infinitæ.

Contra sic arguitur. Illa infinitas quæ sumitur ex parte pretij est infinitas satisfactiois, seu quod, est idem, satisfactoria, ergo est eiusdē rationis moralis cū infinitate, quæ sumitur ex parte satisfaciētis, quoniam hęc posterior infinitas citra dubium est satisfactoria, atque adeo intra eandē rationē formalem satisfactiois duo reperiūtur infinita, seu duę formales rationes simpliciter infinite. Antecedēs apparet manifestum, nā ratio pretii per se pertinet ad formalitatem satisfactiois: ergo infinitas inde sumpta ad formale satisfactiois rationē attinet.

In hac re dicā quid ipse sentio, nā quid sentiāt alii vix possum referre. Quia nihil aliud specialius reperio in theologorū disputationibus explicatū, & definitum, præterquā q̄ quidā affirmāt, illā sententiā dudū a me citatā, puta, quod ex infinitate pretii nequit desumi infinitus valor satisfactorius. Pleriq. aut theologo contrariū sentiūt, existimantes, q̄ in Christi operatione qua seipsum patri in cruce obtulit, reperitur latissactoria infinitas, quæ ex infinitate rei oblatis desumitur. Ego vero ita sentio, q̄ in operatione Christi qua satisfecit patri, in illa videlicet, qua Deo propriā vitā, & sanguinē, p̄ nostris peccatis obrulit, cōsiderandæ sunt quatuor illæ rationes, quas superius cū S. Th. distinxim⁹, & q̄ hñt in sacris literis solidissimū fundamētū nimirū, sacrificii, satisfactiois, sanctificationis, & redēptionis. Tunc dico q̄ Christ⁹ patri oblatus, eiusq. pretiosissimus sanguis in cruce effusus ī rōe pretii formaliter cōsiderat⁹ ad solā p̄tinuit formale redēptionis ratio-

rationem, nam satisfactio non fit pretio proprie loquendo, vili enim reputatur ille qui pretio suum estimat honorem, & qui compensationem honoris per iniuriam lesi vult sibi fieri pretio. Et confirmo. Ex eo quod dicebam superius, puta, satisfactionem non in satisfaciendi commodum per se primo fieri, sed eius cui fit satisfactio. At qui pretium offert, perse primo intendit sibi aliquid tali pretio acquirere. Et hæc eadē fere ratio demonstrat, quod formalis ratio precij non pertinuerit ad propriam & formalem sacrificij rationem. Nam res quæ immolatur, & sacrificatur deo, non ordinatur ad emendum aliquid a deo, sed ad religiosam & submissam venerationem illi exhibendam, in recognitionem suæ celsitudinis. Quæ formalis ratio in omni specie sacrificij seruatur. Sed neque vero pretij ratio ad sanctificationem spectat, etiam si nomine sanctificationis meritorem Christi iusticiam, qua nobis spiritualia, & omnia sanctificationis dona meruit, comprehendamus. Nam qui meretur, nullū præmii à ti pretium offert, sed operas suas, & omne ipsarum emolumentum in bonum ipsius præmiatoris refert, vnde ius ei oritur, vt ex bonis præmiatoris aliquid accipiat. Sola ergo redemptio est quæ formaliter celebratur pretio, nam qui redimit quempiam siue iusta, siue iniusta seruitute, eumque in pristinam asserit libertatem, nisi vi, aut fraude vtatur, necessum est exhibeat iustum pretium, quo ipsa redimendi libertas æstimatur. Et hinc fit quod humani generis redemptio quatenus fuit pretio celebrata, emptio a S. Paul. 1. corint. 6. vocatur.

Quo supposito, vt distinctius & breuius rem istam exponam, dico primum: Redemptio humani generis, in ratione formali redemptionis præcisse considerata, non sumit valoris infinitatem a persona redimente, sed à pretio pro libertate redemptorum oblato. Hæc assertio pro secunda parte, nimirum, quod redemptionis infinitas ex pretij dignitate fuerit desumpta, nescio qua possit ratione negari: Cum Apostoli Petrus, & paulus locis superius citatis magnitudinem & æstimationem redemptionis humanæ ad ipsam pretij granditatem & excellentiam reuocauerint, empti enim estis pretio magno, &c. dicebat Paulus; & Petrus dixit, non corruptibilibus auro & argento, &c. Et Sancti Patres quorum testimonia retulimus hæctenus, & referemus postea, manifeste redemptionis nostræ valorem ad eandem pretij infinitatem reducunt. Quæ veritas sumopere firmatur ex eo quod Clemens sextus in extrauag. citata dicit, quod quælibet gutta sanguinis Christi, propter coniunctionem ad verbum, sufficiens erat pretium pro vniuersis mundi peccatis. Ratione itidē eandem sententiam probō. Porissima emptionis ratio prout est formaliter emptio, ex pretio pensatur. Ergo qualitas eius & quantitas ex pretio quo quæ desumitur. Sed redemptio, vt dicabam, non est aliud re ipsa quæ emptio

emptio quædam: Ergo ex infinitate prætij humanæ redemptionis ipsa redemptionis infinitas fuit desumpta. Prior autem pars assertionis eiusdem probatur. Primo in emptione, & venditione parum aut nihil considerantur qualitas, & dignitas ementis, & vedentis, sed ad merces & prætium tantum habetur respectus, neque pluris estimatur prætiū inuenditione exhibitum à rege quam ab homine priuato: ergo cum redemptio, in ratione formalis redemptionis considerata, fuerit quædam emptio, quæ Christus dato sui prætiosi sanguinis prætio libertatem, quam humanum genus per peccatum amiserat, emit a deo: ad valorem redemptionis formaliter consideratæ, non per se atrinebat dignitas redimentis personæ.

Secundo probatur eadem pars. In satisfactione, & merito ob id operantis dignitas ipsam satisfactoriam, & meritoriam actionem dignificat, eiusque proportionabiliter valorem auget, quia is qui satisfacit & meretur, non solum propriam operationem, sed & semetipsum subiicit, & submitit in obsequium eius, apud quem meretur & cui satisfacit, vt paulo superius diximus & explicuimus: sed in redemptioe, præci se considerata in ratione formali redemptionis, redemptor prætium quidem tradit in potestatem eius a quo captiuum redimit, non vero se ipsum illi submittit & subiicit: non enim se humiliat coram illo, aut aliquid facit huiusmodi ad rationem personalis subiectionis spectans, sed ita se habet in emendo captiui libertatem, atque si simili prætio equum emeret: ergo, &c. Ex quo infero, quod si præci se ad rationem redemptionis attendamus, & ea sola considerata fuisset in humanæ redemptionis opere, si pura creatura. V. c. Beata Virgo offerret deo Christi sanguinem, & vitam aut ipsummet Christum pro redemptione humani generis, de facto illud redimeret: quia dignitas redimentis in formali redemptionis ratione non est per se considerata, sed ad valorem prætij dumtaxat est attendendum. Quam autem ob causam Beata Virgo cum filium suum in templo obtulit, non fuerit humani generis redemptionem operata, paulo post dicemus.

Dico secundo in sacrificio crucis quo Christus semetipsum obtulit patri, in eiusque valore, & infinitate, non per se primo attenditur res ipsa exterius oblata, sed ipsa interior rei eiusdem oblatio. Ad huius assertionis intelligentiam, supponendum est ex his quæ dici solent. 22. q. 81, & 3. p. q. 83. ar. 1. quod in sacrificio per se attenduntur actus sacrificantis quibus rem sacrificatam conficit, frangit, conterit, & comollitur in dei venerationem & cultum (Quod est facere sacrum, rem que ipsam deo sacrare) quæ tamen exterior rei oblatæ consecratio, fractio, & comollitio non consideratur absolute vt in re illa materiali sit, sed prout est signum interioris animi confectionis, & contritionis &

como-

cōmollitionis qua sacrificātis animus in semetipso interius cōficitur, conteritur, frangitur, & quasi in nihilū redigitur corā deo, ipsam dei recognoscens maiestatem, & excellentiam ex qua vniuersa pendent. Vnde prācipuus sacrificii valor nō ex re externa circa quam sit sacrū considerandus est, sed ex interiori potissimum animi religiosa, & sacra fractione, & cōmollitione attenditur. Nam quia istam internam sacrationem & religiosam animi confractionem designat illa externa rei oblatae confectio, & confractio, idcirco grata est & accepta deo: ac propter quod vnumquodq. tale & illud magis, vt habet commune proloquium. Vnde merito David ps. 50. dicebat sacrificium deo spiritus contribulatus, cor contritum & humiliatum deus non despicies. Quare valor qui in sacrificio sumitur ex re primario oblata, & sacrificata, reuera coincidit cum valore sumpto ex ipso sacrificante. Quia sacrificij actio sua natura est reflexiua supra sacrificantem, qui est primaria, internaq. hostia principaliter immolata. Quo fit vt in cruento illo sacrificio quod Christus assistens Pontifex futurorum bonorum in cruce obtulit deo, potissimus valor, prācipuaq. eius dignitas, non in externa carnis Christi visibili vulneratione consistebat sed in inteno ipsius Christi animi dolore, internaq. plenaria subiectione ad deum, qua se totū deo dicauit & sacrauit, cor suum corā deo totum effundens, conterens, conminuens, & quasi in nihilum redigēs, ipsamq. dei maiestatem summa veneratione recognoscens, & totum suum humanum esse illi penitus subiiciens. Cuius interni sacrificij, & spiritali animi fractionis & cōmollitionis manifestissimum signum fuit illa sensibilis carnis Christi vulneratio, & contusio, quam ipse Christo non solum summa cum patientia sustulit, sed & spontanea voluntate acceptauit, oblatus est enim quia ipse voluit illa 53.

Ex his sequitur primo, quod nisi illa interior immolatio Christi sume, & infinite fuisset grata deo, ipsa exterior immolatio, quāuis facta fuerit circa personam infiniti valoris haudquaquā summe accepta & grata deo fuisset.

Sequitur secundo quod sicut in actu interiori & exteriori nō sunt duz bonitates morales, sed vna & eadem formaliter, iuxta probabiliorē sententiam quam docuit, S. Thom. 12. quāst 20. ita in sacrificio crucis non fuerunt duo valores, duęq. dignitates infinitę, sed vnus & idem infinitus valor formaliter fuit in vtraq. oblatione, & multo formaliter in interiori quam in exteriori, eo quod exterior immolatio non habuit rationem religiosę oblationis, religiosęque sacrificij, nisi quatenus coniungebatur cum interiori, & prout erat effectus, & signum eius.

Sequitur tertio quod in sacrificio crucis valor operantis, idest, sacrificantis coincidebat cum valore rei sacrificatę, & immolatę,

primo

primo quidem & principaliter immolatione spiritali, & secunda-
rio, & minus principaliter immolatione externa & sensibili. Coinci-
debant enim in vnum sacerdos & sacrificium, non solum sicut in
alijs omnibus sacrificijs, in quibus, vt nunc nunc dicebam, res quæ
primo & principaliter offertur est animus & cor principalis offeren-
tis, & sacrificantis. Nam hoc ad oblationem tantum internam perti-
net, at in sacrificio crucis & interna, & externa immolatione coinci-
derunt sacrificans & hostia, sacrificium & sacerdos. Sed valor sacrifi-
cii non tam desumebatur ex infinita rei sacrificatæ dignitate, pro vt
terminabat externam immolationem, quam prout fuit res interio-
ri sacratione, & immolatione oblata & sacrificata. Et hoc quidem
per se pertinet ad ipsam formalem sacrificij rationem, sic adeo quod
si tollatur dignitas rei interius immolatæ, necesse est auferatur tota
sacrificij dignitas, totusq. eius valor: quoniam est de intrinseca ra-
tione sacrificij immolationisq. gratæ deo, quod immolatio reflecta-
tur supra ipsum sacrificantem. Loquor autem de sacrificio, in quo sa-
cificans non se habet ministerialiter alterius personam agens, sed
vt principale operans. Ex quibus tandem sequitur, quod si Christus
immolaret hædum vel agnum, eius sacrificium in ratione sacrificij
simpliciter esset tanti valoris, atq. fuit sacrificium, quo seipsum im-
molauit in cruce. Et hoc quidem non solum ex præcissa dignitate
offerentis, & sacrificantis, sed etiam ex parte rei primario & principa-
liter immolatæ spiritali & interna immolatione, cuius signum esset
illa exterior immolatio in hædo aut agno facta. Hoc patet, quoniã,
id postulante religiosi sacrificij, & immolationis ratione, hostia per
se primo & principaliter oblata, & immolata non esset agnus, sed ip-
semet Christus secundum internam & spiritualem immolationem,
qui immolatione visibili & externa fuit in cruce immolatus.

Dico tertio. In satisfactione, qua Christus, satisfecit deo in cruce,
valor infinitus ex dignitate personæ satisfaciens desumptus erat
vnus & idem cum valore qui ex ipsa Christi vita & eius sanguine de-
sumebatur: Et hoc non erat accidentariū satisfactioni, sed per se &
essentiale ad rationem satisfactionis. Huius ratio ea est, quoniam satis-
factionis Christi infinitas non summitur ex sola satisfaciens perso-
na extrinsece considerata per modum tantum agentis extrinseci, sed
potius cōsiderata prout ingreditur satisfactionem, estque quasi pars
eius intrinseca, quatenus satisfaciens se ipsum submittit, & subiecit
ei cui satisfacit, quod superius explicuimus: ergo valor satisfactorius
passionis christi, qui consurgebat ex dignitate vite & sanguinis chris-
ti, quatenus christus vitam suam posuit, suumque præciosissimum
fudit sanguinem, in honorem, & eximiam dei reuerentiam, vt scili-
cet, deo is redderetur honor, quem peccatum si non affectu affectu-

tamen abstulerat, & in quandam humillimam veniæ petitionem, pro iniuria, & offensa ipsi per peccatum irrogata, iuxta illud Philippen. 2. humiliavit semetipsum, &c. totus præhabebatur inclusus in ipsa ratione satisfactionis internæ, qua Christus se totum deo subiecerat & submiserat in eius gloriam & honorationem, ad compensandum pro iniuria contra diuinam maiestatem commissa. Itaque loqui debemus in hac parte proportionabiliter ad eum modum, quo solemus loqui de bonitate actus exterioris ad interiorem comparati. Quod diximus de satisfactione, proportionabiliter est dicendum de merito, de ipsaque Christi operatione secundum quod fuit meritoria nostræ sanctificationis & gratiæ. Itaque in omnibus illis Christi actionibus quæ essentialiter subiectionem & summisionem operantis important V. c. obedienciæ, humilitatis, religionis, &c. quarum proinde valor sumitur ex dignitate personæ operantis, nō præcise ut operans est, sed ut ingreditur ipsam operationem veluti pars eius, iuxta modum dudum expositum, non ponebant in numero, neque ponere peterant dignitas & valor actionis ex operante proveniens, & valor ille qui ex ipsa persona Christi desumebatur tanquam ex materia seu obiecto talis operationis. Quoniam ipsemet Christus prout operans ingrediebatur, ut dixi, ipsam actionem in ratione actionis, & sic conferebat ei omnem dignitatem, omnemque illum valorem quam quocumque alio modo siue per modum materiæ, siue per modum obiecti, siue etiam per modum prætij ad ipsam operationem comparatus, valeret ei tribuere. Vnde in quolibet actu ex prædictis erat infinitus valor, infinitaque dignitas, neque unus poterat dignior esse, maiorisque valoris alio, et si Christus esset materia unius V. c. sacrificij crucis, & non alterius scilicet, obedienciæ, humilitatis, &c.

Quibus ita suppositis, ad illa tria argumenta, quæ pro quorundam opinione theologorum fecimus, sigillatim erit respondendum.

Ad primum dicitur, quod duplici ex causa Beata virgo per illam oblationem, qua filium suum obtulit in templo non redemit genus humanum. Prima, quoniam Christus datus quidem erat ei ut filius, non vero ut posset illo uti tanquam pretio, in isto vel in alio contractu, vel cum deo, vel cum hominibus celebrato. Non enim ipsa dominium habebat Christi, ut posset illum offerre deo in pretium redemptionis humanæ.

Secunda causa, quoniam liberatio generis humani à demonis servitute, non potuit fieri per purum hominem, quantumcumque esset ingenuus, & infiniti valoris, sed necessaria simul erat virtus sacrificij valoris quoque infiniti, atque itidem egebat operatione, quæ infinitam haberet vim sanctificatiuam. Hoc quod servitus qua-

huma-

humanum genus tenebatur captiuum, & in dæmonis tyrannidem traditum, introducta fuerat per mortale peccatum, ad cuius reparationem hæc omnia sunt necessaria. Quoniam ergo Beata Virgo neq. per modum sacrificij, neq. per modum satisfactionis, neque per operationem sanctificationis humanum potuit genus reparare, idcirco oblatio qua obtulit Christum, non fuit redemptiua generis humani, quauis in ea fuerit oblatum deo infinitum pretiū, quod in ratione pretij sufficiens erat ad ipsam humani generis redemptionem.

Ad secundum argumentum, admissa illa sententia (quæ tamen apud me non magna probabilitate pollet, eo quod sacerdotis actio ministerialis est, & non simpliciter essentialis ad rationem sacrificij) Respondeo quod operatio Christi vel in quantum fuit vera immolatio, vel in quantum fuit satisfactoria, vel deniq. pro ut erat animarum sanctificatiua, fuit infiniti valoris, infinitæq. moralis efficaciz, atq. adeo nullatenus limitare potuit valorem ex infinitate pretij, vel infinitate obiecti, seu materiæ prouenientis. Quin potius ipsa operatio in sua propria ratione præhabuit inhibitu hunc omnem valorem, ut dudum dicebamus.

Ad tertium argum. neganda est sequella. Dico enim, quod in operatione Christi considerata præcise in ratione redemptionis, fuit formaliter valor ex infinitate pretij desumptus, non vero ex infinitate operantis personæ, prout operante. In eadem autem operatione, secundum tres alias rationes considerata, fuit infinitus valor desumptus ex dignitate personæ operantis, quatenus, ut dicebam, ingreditur ipsam operationem veluti aliquid eius, & veluti materia circa quam ipsa operatio reflectitur, secundum quod operans se ipsum humiliat, subicit &c. Et quoniam hac ratione operatio suscepit a persona Christi omnem eum valorem, quem Christus vel in ratione materiæ, vel in ratione, obiecti vel in ratione finis, poterat eidem operationi præstare, idcirco operatio secundum tres istas rationes nullum alium valorem ex dignitate Christi participat, præter eum quem suscepit ab ipso tanquam ab operante, ad modum expositum. Et quidem quamuis Christus secum suam dignitatem consideratus poterat in ratione rei oblate, vel in ratione materiæ circa quam, infinitum eidem operationi conferre valorem, nullum tamen de facto contulit, eo quod præsupposuit in ipsa operatione omnem huiusmodi valorem ab ipso met Christo sub alia ratione collatum, nimirū, sub ratione operantis, super quem ipsa quasi reflectitur operatio. Ex his soluta superest argumenti confirmatio.

Ex quibus omnibus colligitur intelligentia nostræ secundæ conclusionis, in qua minime asserimus geminum, eumq. infinitum repetiri valorem, alterum ex operante, & alterum ex re ipsa, vel per modum

dum pretij, vel per modum hostie, vel alia quauis ratione, considerata desumptū. Nam cum idē sit omnino Christus, & eiusdem prorsus virtutis, quatenus est operans, & quatenus pretiū est & res oblata; nō potest diuersum conferre valorem, siue hoc siue alio modo considerare tur. Sed id tantum asserit nostra conclusio, quod Christi satisfactio, quatenus fuit humani generis redemptio, sui valoris infinitatem nō desumebat a Christo prout ab operante, sed pro vt infinitum fuit pretium deo pro libertate humani generis exhibitum: cum tamen eadem operatio prout satisfactoria fuit, & meritoria, & similiter prout erat sacrificium, suum omnem valorem & dignitatem desumeret a Christo prout fuit operans dignitatis infinitæ, & nō quatenus habuit rationem pretij. Quoniam pretij non pertinebat formaliter in ratione pretij, ad illam Christi operationem secundum has tres posteriores rationes formaliter consideratam. Præterea sacrificij valor in eadem operatione desumebatur quidem a Christo, non prout erat offerens, vtcumque, sed prout obtulit seipsum, vnde desumebatur ab ipso Christo, & prout erat offerens, & prout erat res oblata, interna tamen & spiritali oblatione. Neque ratione ista duæ separari poterant in Christi sacrificio, eo quod essentialis sacrificij ratio, vt dixi, postulat reflexionem illam super ipsum offerentem, ita vt res primario & principaliter oblata sit ipsum offerens, idemq. sit sacerdos & hostia per se primo oblata.

Tertia conclusio.

Valor infinitus operationis Christi, siue satisfactorius siue meritorius, non est aliqua entitas physica ipsam Christi operationem efficiens, sed est moralis quædam entitas realis, ex dignitate suppositi operantis, radicaliter ad ipsam operationem deriuata. Multa nobis essent ad huius conclusionis & intelligentiam & probationem dicenda, nisi in art. 2. q. 3. multa dixissemus de gratiæ Christi infinitate, quæ seruata proportionē habitus & actus accommodari poterūt ad Christi satisfactionem. Etenim eadē opinionēs theologorum quæ de infinitate gratiæ retulimus, versantur proportionabiliter circa infinitatem meritoriam & satisfactoriam operationum Christi. Non desunt enim qui dicant, quod satisfactionis Christi valor totus est extrinsecus, & ab extrinseca dei acceptatione proueniens, neque qui dicant illum esse modum quemdam entitatis physice. Et inter theologos qui censent esse moralem quandam dignitatem, non desunt qui existentiam non realem esse, sed quandam rationis entitatem. Quæ omnes sententiæ eisdem prorsus sunt argumentis confutandæ, quibus eas expugnauimus secundum quod de infinitate gratiæ procedunt.

Aduertendum autem est id quod diximus in conclusione, moralem,

Item, scilicet, hunc valorem infinitum satisfactionis Christi radicaliter provenire ex infinitate diuini suppositi, non in eodem sensu ab omnibus intelligi. Caiet. etenim. 3. p. q. 1. ar. 2. docere videtur quod valor hic non solū procedit ab infinitate suppositi tanquā a radicali principio, sed etiā vt a proximo & immediato. Et quidē cū Caiet. nō agnoscat in habituali Christi gratia omnimodā infinitatem in ratione gratiæ, eam, nimirum, quam nos probauimus ei competere, satis consequenter loquitur, cum docet, q. valoris infinitas quæ reperitur in Christi satisfactione, nō descendit a diuino verbo ad ipsam operationem mediante gratia, sed immediate & absq. aliquo medio. Ita quod ipsa operatio prout comparatur ad charitatem, ad gratiam, & ad humanitatem Christi nullam prorsus infinitatem induit, sed perfectionem duntaxat essentialē quam ex obiecto, & ex alijs quasi physicis principis participat, comparata vero ac suppositū moralem sumit infinitatem, ex eius infinita dignitate deriuatam.

Quidā verō alij theologi admittentes id quod oēs huius infinitatis assertores teneamur fateri, & quod in nostra conclusione exprimitur, infinitū scilicet, satisfactionis valorem ab ipsa vnionis gratia, id est, a verbo humanitati vnito, vt a prima radice deriuari dicunt, quod vt a principio proximo & immediato a gratia habituali dimanat, ea ratione, qua infinita est in esse gratiæ. Quæ sententia mihi grata esse nam hæc assertio nihil detrahit a valore satisfactionis, & cedit quam plurimum inhabitualis Christi gratiæ cōmendationem. Et quidem cum infinitus hic satisfactorius valor, ac similiter meritorius, non ad physicum rerum ordinem, sed ad moralem spectet, optime saluatur proportio inter gratiam, qua ratione est moraliter infinita, & inter ipsam Christi infinitam satisfactionem, infinitumq. eius meritum. Imo mihi satis est probabile, quod licet Christi humanitas, ex coniunctione ad verbum non induerit infinitatem in ratione humanitatis, vt dicebam superius, q. 3. ar. 2. propter illam tamen infinitam moralem dignitatem quam ex coniunctione ad verbum acquisiuit, vt ex doctrina S. Thom. ibidem affirmavi, rationabiliter satis dicitur, quod etiam ipsa conuegit ad Christi satisfactionis infinitatem, itaque gratia est principium immediatum infinitatis meriti, & satisfactionis christi per modū habitus, humanitas vero est principium mediatum, non radicale, sed per modum naturæ, quæ perfectionem à supposito sibi communicatam immediate transfundit ad ipsam gratiam. Gratiæ enim infinitas inde confurgit, quod mediante humanitate ipsam diuini verbi personalem terminationem participat, quā infinitas personalis dignitatis & valoris cōmitatur. Gratia itidē immediate suū quoq. personale valorem morale ipsi moralibus christi actionibus cōmunicat, sed hæc tandem omnia ad ipsū diuinū verbum

bum hyposthatice humanitati vnitū, vt ad radicē primā, reuocatur.

Theologi, qui arbitrantur charitatem, & ceteras animę Christi super naturalis ordinis virtutes infinitate quoque, siue phylica, siue moralī gaudere in propriis suis rationibus ex ipsa vnionis gratia participata, similiter fatētur, q̄ infinitas satisfactionis Christi tanq̄ a proximiorē principio, puenit a charitate, imo & ab alia virtute quacūque aqua operatio ipsa satisfactoria, seu meritoria eliciatur. V. c. a religione, obedientia, humilitate, &c. Nobis autē non placuit superius q. 3. a. 2. hanc infinitatem virtutibus tribuere, atq. idcirco debitū consequutionis ordinem sequentes, infinitum satisfactionis, aut meriti Christi valorē nullatenus ad has virtutes reducendum esse censemus.

Ex his quę in hac concl. & in eius explicatione diximus promptū erit deducere, quod infinitas satisfactoria & meritoria, non est extrinseca aut per accidens ipsis Christi actionibus, cū ex propriis ei principiis competat. Vnde sicut de gratia Christi dicebamus superius. Infinitas est accidens illis propriū personale. Nō cum appello propriū indiuiduale. Quoniam existimo non pertinere ad indiuiduationem operationum Christi, quod efficerentur a tali supposito. puta, diuino verbo. Et hoc a posteriori inde ostendo, quod si oppositum dēmus, tenebimur fateri quod angelus, siue bonus, siue malus potuit suis visibus cognoscere Christi humanitatem in verbo suppositari. Quod nullus theologorum concedet. Patet sequella. Angelus comprehendere potest humanas Christi actiones secundum omnia quę vel essentialiter, & specificē, vel indiuidualiter eis per se & intrinsece competunt. Ergo, si ordo ad diuinum suppositum vt ad principium elicitiuum est eis per se, & intrinsecus: cognosci potuit ab angelo, quod a verbo procedebant. Igitur per se illis fuit, quod ab illa singulari humanitate eliceretur, & ab illo supposito prout humano, per accidens vero fuit eis quod simul esset suppositum diuinum. De qua re amplius dicam infra.

Sed iam tempus est, vt argumenta quę a principio huius secundi dubii fuerunt proposita, propriis accommodatisq. solutionibus dissoluantur. Primum quidem argumentum cum sua confirmatione, in quo de peccati mortalis infinitate tractabatur dissoluimus sufficienter in prima parte decisionis huius dubii: cōsulantur quę ibidem diximus.

Ad secundum argumentum nihil superaddendum duxi ad eius solutionem hiis quę dicta sunt in primo notabili, ex tribus quę premisimus ad resolutionem huius secundi dubii, ante primam conclusionem. Ex quibus liquet nos non omnem valoris & dignitatis infinitatem Christi operationibus tribuere, sed satisfactorium tantum & meritorium. Estque aduertendum quod sicut in genere quantitatis possumus intelligere quantitatem in vna specie infinitam, quę tamen

non

non contineat infinitatem totius generis quãtitatis. V.e. si fingamus lineam infinitæ longitudinis, infinita quidem erit secundũ speciem lineæ, non tamen habebit infinitatem superficiei, aut corporis. Ita in genere morali cõmode intelligi valet aliqua ratio infinita in certa, & determinata specie morali, quæ tamen non habeat omnem morali generis infinitatem. Et ita nos censemus in præsentia, quod operatio Christi satisfactoria infinito pollet satisfactionis valore, & meritoria Christi operatio infinitatem simpliciter in ratione meriti fortitur, neutra tamen eorum morali generis valorem, eiusq; infinitatem complectitur. Valor enim gratiæ & satisfactorium & meritorium valorem transcendit, & neque sub eorum aliquo, neque sub utroque cõprehenditur. Imo & infinitas satisfactionis formaliter cõsiderata minime continet infinitatem valoris meritorii, aut e contra, sed unaquælibet istarum ratio sua specifica est infinitate morali contenta.

Ad tertium argumentum primo respondetur, quod quemadmodũ in q. 3. dicebamus, si pater fieret homo cuius humanitas gratia habituali exornaretur, eius gratia non haberet formaliter distinctam infinitatem, distinctumque moralem valorem infinitum ab ea infinitate, eoque valore, quo nunc pollet gratia Christi, eo quod ab una & eadem diuina infinitate valor utriusque gratiæ infinitus desumeretur. Ita in præsentia dico, quod omnes Christi operationes satisfactionis una & eadem morali infinitate luerunt infinite, quia ab eadem personali dignitate verbi infinitum sortiebantur valorem, solaque materiali scernebantur differentiã. Quod verum esse sic probo. Infinitus valor omnium Christi operationum personalis erat, ut vere dixit Caiet. 3. p. q. 1. a. 2. Ergo cum ab eadem persona sumeretur, unus erat & idem formaliter. Non enim diuersitas formalis infiniti personalis valoris ab eadem persona sumi poterat, nisi aliunde specificam sumeret modificationem: Ergo cum ex ipsa ratione satisfactionis, quæ una erat & eadem formaliter in omnibus Christi satisfactoriis operibus, talis modificatio non proueniret, consentaneum est rationi dicere, eas omnes eiusdem esse formalis infinitatis, & valoris. Hæc doctrina accommodari poterit ad ipsam habitualem gratiam, in illo casu quo pater humanitatem gratia exornatam assumeret.

Sed respondetur secundo ex doctrina S. Th. 3. p. q. 10. a. 3. ad. 3. q. id quod est infinitum omnibus modis non potest esse nisi unum, & quoniam corpus est secundum omnem partem quantitativam dimensionatũ, idcirco Aust. lib. 1. de Cœlo docuit, quod si daretur aliquod corpus infinitum, non posset aliud corpus dari. Si tamen aliquid sit infinitum vno tantum modo, idest, secundum unam specialem rationem in aliquo genere contentam, nihil prohibet esse plura talia infinita, ut si fingamus possibilem esse unam lineam infinitam, possibile esset

esset plures infinitas lineas dari simul productas. Huius autem solutionis, quæ ad litteram est ex ipsa S. Th. trāsumpta, possumus assignare rationem recurrendo ad solutionem præcedentem, nimirū, quod talis infinitatis multiplicatio materialis potius esset quam formalis, atque adeo non esset formaliter multiplex infinitas. Iuxta hanc ergo S. Thom. doctrinam, ad tertium argumentum neganda est sequella, & constat ex dictis quid sit ad utramque eius probationem dicendū.

Ad quartum argumentum absolute est neganda sequella: constat enim ex innumeris scripturæ sacræ testimoniis, quod Christus passione sua, prætiosoque sanguine reconciliauit nos Deo, ad rom. s. reconciliati sumus Deo per mortem filii eius, Apocal. 1. dilexit nos & lauit nos a peccatis nostris in sanguine suo, & Ioan. 12. de sua passione Christus loquens dicebat, nūc princeps huius mundi eiicietur foras, quod certe non diceret si per alia opera satisfactoria quæ Christi passionem præceperunt, absolutum fuisse & consummatum humanæ redemptionis opus. Quoniam iam esset princeps huius mundi, scilicet, diabolus foras eiectus, suaque tyrannica potestate spoliatus. Ceterum argumenti solutio, hac veritate supposita, est satis difficilis. Diuersos modos procedendi in huius argumenti solutione refert Mag. Medina. 3. p. q. 34. a 3. loquens de Christi merito, in quo eadem omnino est difficultas cum ea quæ de satisfactione in præsentia versatur. De quare non eodem omnino modo S. Th. vbique loquitur. Nam 3. p. loco nunc citato ad 2. loquens de merito immortalitatis sui corporis, ita dicit, nihil prohibet idem esse alicuius ex diuersis causis, & secundum hoc Christus gloriam immortalitatis quam meruit in primo instanti sue conceptionis, potuit etiam posterioribus actibus & passionibus mereri, non quidem ut esset sibi magis debita, sed ut sibi ex pluribus causis deberetur. Ex qua S. Th. doctrina, non obscure colligitur Christum per primum actum meritorium quem habuit in ipso conceptionis instanti meruisse omnia ea quæ in toto mortali vitæ decursu sibi meruit: quia omnia spectarunt ad gloriosam sui corporis immortalitatem, sui que nominis exaltationem. Et quod eadem ratione meruit quoque per primum illum actum omnia ea bona, quæ nobis ad finem usque mortali sue vitæ promeruit. Nam eadem prorsus est omnium horum ratio. Atque adeo quod posterioribus actibus nihil noui meruit, sed meruit id ipsum quod meruerat per primum actum, fecitque illud sibi debitū pluribus titulis, id est, ex pluribus meritis. Hanc intelligentiam ut probabilem acceptauit Mag. Med. loco citato, & consentaneā non solum doctrinæ Magistri sent. in 3. d. 18. & S. Th. in solutione citata, sed etiam sanctissimorum patrum. Greg. Nazianzeni in Epist. 1. & Greg. Magni. hom. 6. super Ezechielē, & Damasceni lib. 3. de fide c. 21. Alex. Alēf. 3. p. q. 17. memb.

3. art. 3. eidem fauet sententiæ. Sed certe ista sententia est difficilis ad intelligendum, contra quam militant non leuia argumenta. Primum. Ex ea sequitur verissimū esse, id quod deducebamus per quartum nostrum principale argumentum, opus, scilicet, redemptionis humanæ per primum Christi actum meritorium, & satisfactorium fuisse simpliciter absolutum & consummatum. Pater, quia ex vi illius actus Christus infinitè pro meruit de facto totum id quod pertinebat ad nostram redemptionem, igitur deus acceptauit eius meritū, atque ad eo per accidens fuit quod noua postea Christus multiplicaret merita: nam etsi nullum deinceps meritum habuisset, consummatum relinqueretur ipsum nostræ redemptionis opus. Quod diximus de merito, proportionabiliter est de satisfactione dicendum, nam ea dem omnino videtur esse ratio.

Sed est aliud argumentū quod adhuc magis vrget præfatā sententiā. Vniuersi theologi nullo excepto, in 4. d. 1. & alijs in locis docent duo. Alterū est, q*uod* ianua regi cælestis nō fuit hominibus aperta ante mortem Christi. Et alterū, q*uod* sacramenta, quæ ante Christi mortem fuerunt instituta, non tam perfectā tunc contulerunt spirituale effectum, atq*ue* nunc cōferunt post christi passionem & mortē: ergo manifestū est, q*uod* per merita quæ præcesserunt christi passionem, non meruit ipse christus totū id, quod pertinebat ad nostrę redemptionis opus, & ex cōsequenti q*uod* aliquod meruit per suam passionē, quod alio priori merito non meruerat, nimirum, vberiore sacramentorum spirituale effectum, & ipsam ianuæ celestis apertionē. Et eadem est omnino de satisfactione ratio, Nam omnia quæ ad nostram redemptionem pertinent, proportionabiliter respondebant Christi merito, & satisfactioni.

Deniq*ue* arguitur tertio. Si christi passio totū nostrę redemptionis opus vno, & eo quidē sufficientissimo titulo infiniti præcedentis meriti, infinitæque satisfactionis sibi fecit debitū, improprissime satisfcripturæ sacræ locis paulo ante citatis: & alijs innumeris, qui sua se cuique sponte offerent, reconciliationem, & redemptionem humani generis christi passioni & sanguini ad scriberent: nū multo proprius, & verius tribueretur illi primæ operationi meritorie, & satisfactoriæ, cuius virtute effecta fuit redemptio & reconciliatio generis humani, & per quam Christus illam sibi effecit simpliciter ex non debita debitam.

Propter hæc argumenta non possum probare, vt satis vero similē, hunc primam dicendi modum, & quidem licet S. Th. soluens illud argumentum tertium, assignauerit illam solutionem quæ reducit ad nouum titulum & nouam causam debiti, quia sufficientissima erat ad euacuandam vim illius terrij argumenti, non tamen

intendebat doctrinam communem huic nostræ dubitationi necessariam tradere, quam tamen tradidit postea ead. 3. p. q. 48. a. 1. ad. 2. & quibus in locis se etiam remittit ad ea quæ dixerat in q. 46. videturq. S. Th. in his duabus solutionib^{us} docere, quod aliquid, & per modum meriti, & per modum satisfactionis operatus fuerit Christus circa nostram redemptionem per passionem suam, quod operationibus præcedentibus non meruerat, neq. ad illud se extenderat satisfactio præcedentibus operationibus facta. In qua doctrina neque sibi ipsi refragatur S. Th. in q. 29. de veritate. a. 7. ad. 6. Quæ cum sit etiam difficilis, non vno eodemque modo ab eius discipulis explicatur. Mag. Sor. in. 4. d. 1. q. 3. a. 5. dicit quod tota Christi vita cum omnibus suis actionibus vsq. ad eius mortem, reputabatur ab ipso Christo & Deo veluti vnica actio meritoria & satisfactoria, atque adeo vsque ad consummationem vitæ Christi non fuit consummatum nostræ redemptionis opus. Hic modus dicendi, prima specie consideratus videtur continere veritatē, sed sua certe difficultate non caret, si penitus inspicatur. Nam rogo, an singula opera Christi reuera meritoria & satisfactoria fuerint nec ne? Quod non fuerint meritoria, & satisfactoria nullus dicet, nam si in singulis Christi operationibus nullū reperiebatur meritum, nullaque eis inherat satisfactio, neque omnes collectiue sumptæ satisfactoriæ fuissent, & meritoria: sunt enim veluti partes homogeneæ singulæ Christi actiones, comparatæ ad totam meriti & satisfactionis collectionē. Vnde sicut tota aqua nō esset vere aqua si singulæ partes non essent aquæ, ita tota collectio operationum Christi meritoria nō esset vere satisfactoria, si operationes particulares expertes fuissent satisfactionis, & meriti.

Præterea, si opera, quæ Christi passionem præcesserunt, non fuerint meritoria & satisfactoria, sequitur quod sacramenta instituta ante passionem Christi, non causerunt gratiam & spiritualem aliquem fructum ex opere operato ante ipsam Christi mortem, sed quod vtplurimum operabantur admodum sacramentorū veteris legis, scilicet, in fide, & spe futuri meriti, & satisfactionis futuræ. Consequens nescio an possit integra fide defendi, nam omnia sacramenta nouæ legis exui suæ institutionis habent ex opere operato causare gratiam, & ex ipso eorum institutionis momento verificatur illud discrimen in Conc. Florent. circa doctrinam sacramentorum assignatum, inter veteris & nouæ legis sacramenta, quod illa præfigurabant, ista vero causant gratiam: ergo, &c. Sequella apparet manifesta, quoniam sacramenta eatenus ex opere operato gratiam causant, quatenus Christi meritum & satisfactionem applicant suscipienti: sublatis ergo merito & satisfactione Christi, necesse est auferatur & ipsa sacramentorū efficacia.

Si autem dixeris, quod opera Christi, quæ eius antecesserunt mortem, meritoria fuerunt, & satisfactoria. Inquiro an fuerint infinite meritoria & satisfactoria, an vero finite. Qui S. Tho. doctrinâ & qui dem in hac parte certissimam, fuerit seclatarus, non dicet quod finite. Si vero infinitum meritum & infinitam satisfactionem in illis operibus agnoscimus, difficultas nostri principalis argumenti manet insoluta, quo probare nitebamur quod per primum opus Christi meritorium & satisfactoriû, perfecta fuit, absoluta & consummata tota ipsa humani generis redemptio.

Aliter ergo procedamus oportet, & dicendum est cum Durand. in 3. d. 18. q. 3. cui Mag. Sotus loco superius citato & d. 21. q. 1. a. 3. reueta suffragatur, quod Christi meritum (& eadem est de satisfactione ratio) potest considerari & quantum ad sufficientiam ac valorẽ operis meritorij, & quantum ad applicationem ad præmiũ determinatum factam a voluntate Christi inrentis, & applicantis suum meritum ad tale præmium pro ipso recipiendũ. Quo supposito dico, quod si Christi meritum priori modo consideretur, qualibet christi operatio libera in Deum vt autorem gratiæ & finem ordinata, infinite fuit meritoria, infinitumque meritorium habuit valorem, fuitque ex se ipsa sufficiens ad totam humani generis redemptionem consummandam. Cæterum non de facto ita contigit quia Christus non quamlibet suam actionem applicuit ad totam humani generis redemptionem, ita vt loco præmiij responderet ei tota ipsa humani generis redemptio. Sed ad hoc totale præmium applicuit omnes suas actiones a prima, vsque ad vltimam collectivè sumptas. In quo sensu potest procedere modus ille quem retulimus ex Mag. Sot. qui certe ab eius mente non discrepat, vt constat ex alijs, quæ ipse ibidem magna cum eruditione dixit.

Sed rogat quispiam, ad quæ particularia bona nostræ redemptioni consentanea, applicuit Christus peculiares suæ vitæ actiones tanquam ad partialia ipsarum præmia. Respondeo, quod in particulari tamque dearticulatim distinguere, nostrum non est: solus enim ipse nôbit Christus qui fecit. Et Deus cuius æterno consilio ita fuit dispositum. Habetque hoc loco verum illud pau. rom. 11. quod desumpsit ex c. 40. Isai. Quis cognoscit sensum domini, aut quis consiliarius eius fuit. Scimus autem ita factum esse, quod colligimus ex rationibus communibus in sacris scripturis fundatis, quas hactenus persequebamur. Nam vt saluamus duo quæ necessario videntur saluanda: Primum, quod Christus per omnes suas operationes meruit aliquid pertinet ad redemptionem nostram, p nobis enim semper fuit operatus, semperque laborauit, neque quidquam fecit quod ad nos, nostramque salutem non attineret. Secun-

dum quod verè nos redemit, nobisq. meruit ac pro nobis satisfecit per passionem suam, quod passim sacræ literæ clamant. Necessum est dicamus, quod Christus peculiare suas actiones applicuit ad particularia bona spiritualia humanæ redemptioni & reconciliationi convenientis, & quod tandè passione sua speciali nos ratione redemit. Crediderim autem quod passionem suam Christus, & vim eius satisfactoriam applicuit ad totam ipsam redemptionem nostram, etiam quantum ad ea particularia bona ad quæ præapplicuerat ipse suas omnes præcedentes actiones & quæ sibi fecerat simpliciter debita. De quibus bonis verificabitur id quod dicebat S. Th. in solutione ad 3. superius citata ex quæst. 34. 3. p. quod fuerunt Christo debita pluribus titulis. Et præterea existimo Christum passionem suam, eiusque omnem meritum, & satisfactorium valorem specialiter applicuisse ad apertionem ianue cœlestis, iuxta id quod dicit Paulus ad Heb. 10. habentes itaque fratres fiduciam in introitu sanctorum in sanguine Christi: ad quam sane cœlestis ianue operationem nullum præcedens meritum, nullamque antecedentem satisfactionem Christus applicuerat, sed hoc ipsi passioni pretiosoque sanguini suo reservauit. Quod ex doctrina Alexan. Aleus. 3. part. quæst. 17. membr. 3. artic. 2. aperte colligitur. Sed & totam nostræ redemptionis consummationem intendebat Christus per passionem suam, tanquam speciale ipsius passionis præmium, unde prouenit quod Euangelica sacramenta copiosorem gratiam, abundantiorumque spiritualem fructum post christi passionem conferunt, quam ante ipsammet passionem conferrent. Et quidem cum primum totius nostræ redemptionis exordium fuerit illa prima christi voluntas, qua ingrediens immundum, passioni & morti seipsum pro humani generis redemptione obtulit, & efficaciter destinavit, de qua Paul. ad heb. 10. quid mirum quod ipsi actuali passioni & morti, ipsam humanæ redemptionis consummationem Christus reservauerit? ut vere & absque improprietate vlla omnem nostram reparationem christi passioni & sanguini potissimum referamus acceptam, possetque summa cum proprietate Paulus dicere ad rom. 3. iustificati gratis per gratiam ipsius, per redemptionem quæ est in christo Iesu, quem proposuit deus propitiationem perfidem in sanguine ipsius. Vnde non approbo sententiam eorum theologorum qui redemptionem nostram solum per quandam excellentiam, & anthonomasiam dicunt scripturas sacras christi passioni & sanguini tribuisse. Quoniam, ut minimum, fateri oportet, quod apertio regni cœlestis, liberque ad cœlestem patriam aditus soli Christi passioni & morti, eiusque pretioso sanguini adscribi debet. Rationes autem ob quas ita fuerit dispositum

humanæ

humanae reparationis negotiū, ut pretiosissimo innocentissimi Christi sanguine potissimum fuerit patratum, nō vacat in praesentia referre, quia non speciatim tractatus hic noster circa Christi passionem versatur: eorum praecipuas collegit S. Ansel. lib. 1. cur deus homo & 6. & sequentibus, legatur etiam S. Th. 3. p. q. 46. in tribus primis articulis. Ex his omnibus tam diffusè tractatis facillimum erit quærere nostrum argumentum diluere, negandaque est eius sequella, cuius probationi dicatur, quod illa prima Christi operatio secundum se & ex proprio valore considerata, sufficiens erat ad totam humani generis redemptionem consummandam. Quod tamen ob id non efficit, quia Christus suam humanam voluntatem aeternae Dei providentiae, diuinæque voluntati conformans, non applicuit ad tantum praemium suscipiendum.

collectio s. th. 3.

Ad confirmationem dicitur, quod iuxta modum quo Christus applicuit primam illam operationem ad redemptionem humani generis, ita Deus ipsam accepit. Verum non eam applicuit Christus pro tota humani generis redemptione.

Ad quintum argumentum negatur sequella. Probationi dicitur primo, quod ut superius in secunda solutione tertii argumenti ex doctrina S. Thom. dicebamus, eū inconuenit, quod dentur multa infinita in eadem specie, quando infinitas non est totalis, & plenaria in ratione entis, aut saltem in aliquo genere: Vnde inferebamus ibidem, quod possunt dari plures satisfactiones infinitae in ratione satisfactionis, & plura similiter infinita merita in ratione meritoria, quod si hoc verum est, cessat tota quinti argumenti difficultas, ut consideranti patebit. Sed dicitur secundo, Quod etsi admitteremus non posse esse nisi vnicum infinitum meritum, vnāque tantum infinitam satisfactionem, non tamen idcirco concedendum esset, quod in tali merito aut satisfactione exhauriebatur infinita dei potentia, eo quod huiusmodi satisfactorij & meritorij valoris infinitas, non sumitur a verbo prout operatur per infinitam potentiam, & virtutem diuinā, nam hac ratione non esset factibilis talis infinitas & ob id. in q. 3. dicebamus, quod in habituali Christi gratia nulla reperitur infinitas physica: Sed sumitur a verbo quatenus operatur per modum suppositi concurrentis elicitive simul cum humanitate, eiusque humanis potentijs ad operationem meritoriam, & satisfactoriam, in quo suppositali coope mto ad infinitatem meriti & satisfactionis, non tam consideratur causalitas efficiens quam formalis, aut quasi formalis, quatenus, videlicet, operatio intrinsecā habet habitudinem ad ipsum suppositum, ut principium eius elicitiuum. Et tandem summariim dico, quod hæc infinitas non oritur ex infinitate diuinæ potentiae, sed ex infinito esse diuini suppositi, vel ut proprius loquar,

loquar, ex coniunctione ad ipsum diuinum suppositum. Et cum nulla esse possit maior coniunctio, etiam per absolutam dei potentiam, ad diuinum esse, quam suppositalis, & personalis, nihil mirum quod illa infinitas quæ ex hac coniunctione derivatur, siue ad humanitatem christi, siue ad gratiam, siue ad operationes humanas, sit infinita & summa quæ esse potest, secundum omnem dei potentiam. Quod si quis contendat, quod hoc est exhaustum diuinam potentiam secundum aliquem modum, non ei repugnauerim, quoniam diuina potentia nullum maius esse potest dare creaturam quam ipsummet esse diuinum ei personaliter unitum. Nam cum hæc communicatio terminetur ad ipsum esse diuinum substantialiter communicatum, necessum est ut vis potentie diuinæ ibi listat & ad altius esse progredi nequeat. Nā hoc esse ad æquat infinitam perfectionem ipsius diuinæ potentie, ac proinde eius totalis & summa communicatio est summi opus potentie diuinæ.

Ad sextum argumentum diuersimode respondent nouiores theologi, nam quidam existimant quod Christi operationes per modum instrumenti satisfaciebant infinite pro peccatis nostris, eo quod infinitas non erat ipsis connaturalis & propria, atque adeo virtus infinite satisfactoria in operationibus Christi instrumentaria virtus fuit, & non causæ principalis. Vnde dicunt, quod satisfactio infinita pro peccatis nostris, quæ ratione infinita, a diuino verbo fuit vt a causa principali operata. Itaq. humanæ operationes Christi per modum eius principalis satisfaciebant, ipsa satisfactio quantum ad substantiam considerata: At secundum infinitatem, eadē satisfactio nō ad operationes, sed ad diuinum verbum tanquam ad causam principalem referebatur. Hęc solutio non poterit salutaris conuinci, quia potissimum argumentum quod ipsam impugnat, est illud quod in eodem sexto argumento proposuimus, nimirum, quod si operationes Christi satisfaciebant vt instrumenta diuini verbi, quod ipsum verbum satisfecit vt causa principalis, quod nulla ratione potest dici. Nā huic argumento facile dici poterit, quod cum substantia satisfactoria nō tribuatur Christi operationi vt instrumento, sed vt causæ principali, non oportet quod verbum vt causa principalis satisfaciatur, sed satisfuerit quod, vt causa principalis, tribuat eidem operationi valorem infinitum.

Alij quidem theologi dicunt, quod si Christi operatio immediate susceperet infinitum valorem satisfactorium aut meritorium adiuuino verbo, tantum concurreret ad infinitatem satisfactorii & meriti per modum instrumenti ipsius verbi diuini. Cæterum quia Christi operatio non immediate adiuuino verbo, sed à gratia habituali, quatenus est in esse gratiæ infinita, suscipit valoris infinitatem, non per modum

modum instrumenti, sed ut causa principalis concurrat ad infinite satisfaciendum deo pro vniuersis hominum peccatis. Illa namque virtus quæ competit actioni ex formali principio actiuo a quo prouenit ipsa actio, non ei competit ut instrumento, sed ut causa principali. Verum hæc solutio non satis apparet probabilis, quoniam infinitus valor moralis qui competit gratiæ habituali Christi, nõ est ei connaturalis & proprius, sed conuenit ipsi ex conjunctione ad diuinum verbum; atque adeo qua ratione infinitas valoris satisfactoriæ aut meritorii competit operationi Christi non ut causæ principalis sed instrumentariæ, eadẽ id ipsum erit de gratiæ habituali, dicendum. Vnde habitualis gratia non sufficit constituere operationem in ratione causæ principalis infinite satisfactoriæ, aut meritoriiæ, cum neque ipsa sit principale principium eius formale effectiuum, sed instrumentale potius.

His ergo & alijs prætermissis, Ad sextum illud argumentum ego primum dico, quod operatio proprie loquendo, nisi sumatur per modum rei operantis, ut contingit in sacramentis, de quibus nihil ad præsens, neq. causa principalis est, neque instrumentalis, sed est medium quo ipsa causa effectum operatur. Vnde si causa fuerit principalis, ipsa actio reducetur ad ordinem principalis causæ, tanquam medium quo causa principalis suum attingit effectum, si vero causa fuerit instrumentalis, operatio ad rationem instrumenti debet reduci.

Secundo dico, quod christus absolute fuit causa principalis satisfactionis infinitæ & infiniti meriti, non solum quantum ad substantiam satisfactionis & meriti, sed etiam quantum ad ipsam virtutem infinitatem. Patet hoc, quoniam christus non virtute ab alio suscepta sed propria virtute sibi intrinseca infinite satisfacit & meruit quatenus est deus, & homo. Nam quatenus homo, satisfacere potuit & mereri quantum ad substantiam satisfactionis & meriti, qua ratione vero deus infinitum valorem ipsis satisfactioni & merito tribuit. Dicitur enim postea in 3. dubio, quod non solum humanitas, sed & verbum humanas operabatur actiones.

Tertio dico, Operatio Christi satisfactoria fuit, & meritoria per modum causæ principalis, id est, tanquam medium ipsi causæ principali proportionatum, quo satisfactionem infinitam, & meritum infinitum attingit. Probat per primo, Christus, ut dudum dicebam, fuit causa principalis infinite satisfactionis, infinitiq. meriti: Ergo aliquam actionem assumpsit sibi proportionatam, & pertinentem ad ordinem causæ principalis, per quam attingit illum effectum. Hæc consequentia est euident, nam omnis causa operatur per aliquam actionem sibi proportionatam, & quæ est eiusdem ordinis respectu effectus produ-

ducendi

ducendi eum ipsa causa, ita ut si causa fuerit principalis, & ipsa actio sit quoque principalis in ratione actionis. Vltcrius, sed nō est signabilis aliqua alia actio prāter ipsam humanam Christi actionem, qua Christus attigerit infinitum effectum, puta, infinitam satisfactionē, & meritum infinitum.

¶ Secundo probatur. Operationi Christi ex proprio suo principio conveniebat, attingere illum utrumque effectum per modum actionis principalis: ergo nullatenus est instrumentalis actio censenda. Manifesta est consequentia, & probo antecedens. Actio Christi humana. V. e. dilectio dei quatenus procedebat ab humanitate, virtutem habuit ad causandum satisfactionem, & meritum quantum ad substantiam, quatenus a divino verbo, quod est humanitatis suppositū elicitive quoque procedebat, vim habuit ad causandam infinitatem satisfactionis, & meriti. Quæ sane vis, non aliqua speciali cōmunicatōne data fuit actioni prædictæ, sed eo ipso quod erat actio talis suppositi, illam moralem vim habuit infinitam, quæ nec etiam per absolutam dei potentiam ab ea potuit separari. Nō ergo prædicta virtus comperebat actioni Christi tanquam instrumēto, sed ut propriæ actioni principalis agentis. Et ex his superest solum argumentum. Dicitur enim quod vis satisfaciendi infinite, nec a verbo seorsum, neque seorsum ab humanitate, sed a Christo deo & homine fuit desumpta, iuxta modum expositum.

Ad septimum argumentum respondetur legitimam esse solutionem inter arguendum assignatam, nimirum, quod valor satisfactionis, & meritorius in operationibus Christi non consurgit ex divino verbo, quatenus per divinam voluntatem moderatur, & dirigit operationes voluntatis humanæ, sed ex ipso infinito divini verbi valore. Non quidem propter rationem inter arguendum assignatam, videlicet, quia voluntas verbi divina non est capax meriti. Quoniam licet ipsa nullius meriti sit capax, nec eius operatio prout ab ipsa egreditur, sit meritoria, inde tamen non sequitur quod non tribuat infinitatem valoris meritorij operationi exercitæ a Christo per voluntatem humanam. Nam valor operationis voluntatis diuinæ sicut, & ipsiusmet divini esse, formaliter quidem neque meritorius est, neque satisfactorius, utrumque tamē est eminenter: atque adeo supposita formali ratione satisfactionis, aut meriti in operatione humana Christi, optime intelligitur quod vel ex divina operatione, vel ex divino esse verbi cōsurgat in ipsa humana Christi operatione infinitus meritorius, & satisfactorius valor. Qui valor suam infinitam dignitatem a solo divino esse, vel a sola divina operatione desumat: quod autem satisfactorius sit, aut meritorius habeat quidē eminenter ab eodem principio: formaliter autem non item, sed ab operatione humana Christi.

ſi in qua ſuſcipitur, & aqua modificatur & determinatur ad certum genus, & ad terminatas moralitatis ſpecies ſatisfactionis & meriti. Ratio igitur a priori propterquam operatio Chriſti, non a diuini verbi operatione, ſed ab euſeſſe ſuam accipit valoris infinitatem, ea eſt, quod operatio Chriſti eatenus prædictum valorem a verbo ſuſcipit, quatenus verbum ſimul cum humanitate per modum vniſ principij elicitiui concurrit ad ipſam humanam Chriſti operationem, quem ſane concurſum non exequitur verbum, quatenus operatur per diuinam voluntatem, ſed prout perſonali ſuo eſſe terminat & complet humanitatem, & per proprias humanitatis potentias ſimul cum ipſa humanitate operatur, ſupplens vicem proprii ſuppoſiti ipſius humanitatis. Neque in ipſo verbo, quod attinet ad hanc infinitatem præſtandam humanis Chriſti actionibus, neceſſaria eſt aliqua libertas. Nā ſi fingamus verbum omnia operari naturali neceſſitate, vt de Deo mētiebantur olim multi philoſophi, eandem omnino valoris meritorij infinitatem tribueret humanis Chriſti operationibus, quam modo tribuit. Nam ad valoris infinitatem parum retulerit libertas, aut neceſſitas verbi: moralitas vero non ex diuina verbi voluntate, ſed ex voluntate Chriſti humana deſumitur, vt diximus.

Illud etiam quod in eodem argumento habetur, nimirum, quod actio, quæ verbum moderatur, & dirigit omnes humanitatis Chriſti potentias, eſt toti trinitati communis, impertinens eſt ad ſatisfactionis valorem, cum ex operatione diuina ipſius verbi non pendeat hic infinitus valor, vt explicuimus. Verum ne quid inexplicatum relinquatur, ex his quæ in ſeptimo argumento proponuntur, breuiter dico. Quod illa verbi operatio regulatiua & moderatiua humanarum potentiarum Chriſti, quæ naturæ ordine intelligitur præcedere ipſarum potentiarum actiones, phyſice loquendo, communis eſt toti trinitati: procedit enim immediate a diuina virtute, quæ communis eſt toti trinitati, neque prius refertur ad perſonam verbi, quā ad alias perſonas. Proximum namque huius operationis principium, nō eſt verbi perſonalitas, ſed diuina virtus, diuinaque potentia. Caterum in eſſe morali, huiusmodi operatio ſpecialiori quadam ratione attinet ad verbum, nam eo ipſo quod verbum humanitatem ſibi hypoſtaticè copulauit, ad eius dignitatem & bonitatem pertinet, quod nulum permittat in ipſa humanitate deſectum, qui ipſam turpem efficiat & deformem, redundabit enim humanitatis deformitas in eius ſuppoſitum, ſcilicet, in diuiduum verbum, quæ tamen non redundaret, in patrem & ſpiritum ſanctum, ſed de hac re multa diximus ſupra q. i. circa ſecundam conſolutionem. Quibus non inconcinne hæc pauca hic breuiter adnotata connectentur.

Denique septimum hoc argumentum, quod dissoluimus, suo iure postulabat, ut explicite diceremus, An infinitus satisfactorius valor operationum Christi sumatur a verbo, prout est suppositum humanum, an vero prout est diuinum suppositum, sed res ista commodius explicabitur dub. sequenti.

Ad octauum argumentum respondetur, quod valor infinitus meritorius aut satisfactorius, cum sit personalis, id est, ex dignitate personæ desumptus, non pendet ex intensione maioris, vel minoris charitatis, nec maior esset, si humana Christi voluntas intensiori actu deum diligeret. Valor autem, qui ex ipsa gratiæ & charitatis perfectione suam primam trahit originem, augetur, aut minuit iuxta maiorem vel minorem feruorem charitatis.

Sed rogas, Num si fingamus, quod Christus dum vixit mortali vita habuit actus charitatis maioris & minoris intensiōis: Ita q. quandoque intense diligeret deum, quandoque remisse, magis meritorius esset actus intensus charitatis, quam actus remissus, ea parte, qua meritum in gratia & charitate fundatur, in quo nostrum meritum conuenit cum merito Christi.

Theologi, qui existimant in Christi operatione duplex reperiri meritum, secundum formalem rationem distinctum, alterum fundatum in personali valore infinito, & alterum in quaptitate gratiæ & charitatis, quod est meritum finitum, consequenter respondebunt affirmatiue propositæ dubitationi. Quæ sententia nō potest efficaciter expugnari; nihil enim vetat, quod id quod infinitum est secundum vnā rationem, sit finitum secundum aliam, & quod ex ea parte, qua finitum est, diminutionem, aut augmentum suscipiat.

*usque meriti ad
op. in op. operant.*

Verum nobis non libet hanc geminam rationem meriti in humana Christi operatione multiplicare. Quoniam illa meriti infinitas, quæ ex infinitate personæ dignitate deriuatur, tanta est, ut imbibat in semetipsa omnem meriti rationem eminenti quadam continentia. Ita ut complectatur omnem eum meritorium valorem, qui prouenire posset ex omni feruore, & intensiōe charitatis. Vnde illa maior, aut minor intensiō actus charitatis in voluntate Christi per accidens se haberet ad merium augendum, aut minuendum. Quoniam totum, quod ipsa conferre poterat ad augmentum meriti, præsupponitur in operatione Christi eminentiori modo, præhabitu & comprehensum in illo infinito valore meritorio, qui ex personæ dignitate prouenit. Id ipsum dicendum est de actibus diuersarum virtutum, inter quos vnus conferret ad maius meritum, quam alius, si ex proprijs tantum obiectis vterque consideraretur. Actus. n. qui est præstatoris virtutis, cæteris paribus magis est meritorius actu virtutis inferioris. V. c. actus virtutis religionis secundum se, magis meri-

meritorius est, quam actus virtutis temperantiæ: Cæterum in Christo, cum omnes æque subiciantur personali eius dignitati, æqualem omnino valorem meritorium ab ipsa suscipiunt. Poterit afferri exemplum ad rem istam illustrandam. Si pecunia tali signo regio signata eiusdem esset valoris, cuiuscumq. esset materiæ, in vniuersis humanis commutationibus & contractibus, diuersitas materialium in pecunia æris, argenti, auri &c per accidens omnino se haberet ad ipsum pecuniæ valorem, qui nō ex qualitate materiæ sed ex regio signo est attendendus. Ita ergo totus valor meritorius in Christi operationibus, non expecularibus ipsarum obiectis & perfectionibus, sed ex dignitate personæ est considerandus. Nōnulla diximus in. art. 2. q. 3. quæ huic proposito poterunt accommodari.

Ad nonum argumentum respondetur, quod illa limitatio operationis in merito & satisfactione tantum habet locum in operatione quæ est finiti valoris, nam si semel supponamus aliquam operationem infinitum valorem habere, vel ex obiecto, vel ex operante desumptū, quamuis multæ adsint circumstantiæ limitatæ & finitæ, nullam limitationem inferent prædictæ operationi, sed ipsæ potius quodam modo eleuabuntur ex coniunctione ad talem infinitatem, & ita contingit in præsentia. Sed tunc vrget confirmatio huic nono argumento supposita, cuius tota vis ad hoc reducit, quod obiectum, & si infinitum sit, non tamen semper actum reddit infinitum, sed tunc dumtaxat quando actus infinito modo in ipsum fertur, illudque attingit quantum attingibile est, quare ergo non erit proportionabiliter dicendum de supposito operante, quod quamuis sit infinitum, non tamen semper constituet actum infiniti valoris?

Respondetur, quod idcirco absimiliter in hac materia loquimur de obiecto operationis, & de supposito operante, quoniam obiectum concurret ad physicam, & essentialem actus specificationem quasi per modum formæ extrinsecæ, ac proinde nullam perfectionem confert actui, nisi iuxta ea quæ sunt ipsi actui intrinseca. Vnde si illa fuerint finita, tota ipsa essentialis actus perfectio finita erit & limitata. Suppositum vero operans magis intrinsece se habet ad operationem, nam coniungitur cum illa realiter. De quare multa diximus circa secundam conclusionem huius dubii.

Respondetur secundo, & forsan melius, quod suppositum operans non dat operationi valorem aliquem physicum, nisi iuxta proportionem formæ, quæ est principium eius, sicut obiectum non dat physicam perfectionem actui, nisi iuxta principia intrinseca formalia ipsiusmet actus. Cæterum suppositum in ratione suppo-

fiti dat actui infinitum valorem moralem, qui non correspondet intensiōi ipsius actus, aut aliis eius intrinsicis qualitibus & modificationibus, sed soli dignitati suppositi operantis. Vnde merito hūc valorem Caiet. 3. p. q. 1. a. 2. personalem vocat, quia personæ operantis dignitati respondet, & ab ea tanquam a prima radice desumitur. Sed addo præterea solutionem tertiam, quæ fortassis non displicebit. Et dico, quod sicut obiectum infinitum tribuit actui physicæ perfectionis infinitatem, quando actus attingit ipsum obiectum totaliter, & secundum quod est attingibile. Ita suppositum operans tribuit infinitum moralem valorem illi operationi quæ totaliter attingit ipsum suppositum operans morali attingentia, quæ in hoc consistit, quod operatio non solum egrediatur ab ipso supposito operante, verum supra ipsum, & supra totam eius dignitatem reflectatur, aut quasi reflectatur, quod contingit in omni operatione satisfactoria & meritoria, quia ut superius dixi, in satisfactorijs & meritorijs, actionibus, operans se totum subicit, & submittit in obsequium eius cui satisfacit, & a quo meretur. Ad aliud quod in eodem argumento dicebatur, videlicet, verbum non per se quidquam contulisse ad humanas Christi actiones. Sed se habere atque a qua se habet in calefactione, cum a qua calefacta aliquid calefacit, dicam sequenti dubio.

In decimi & vltimi argumenti solutione latissimus se nobis aperiebat campus, ad differendum copiose contra hæreticos lutheranos, qui libertate christiana abutentes, ipsam spiritus libertatem in voluptuosam, & turpē carnis licentiam conuerterunt. Qui proinde omnem nostram satisfactionem, non necessariam, imo inuilem esse dixerunt. Verum hæc disputatio in alium locum est reponenda, & nunc decimi argumenti solutionem queramus. Cui argumento neganda est sequella, & probationi dicitur, quod simili argumentatione probaretur nullum posse dari ens præter Deum, quia cum sit infinitum ens, nullum aliud extra ipsum ens erit accipere, & probaretur similiter nullam esse causam præter primam, quæ infinita est in genere causarum, & quod omnes aliæ causæ, vel esse non possint, vel si esse possunt sunt tamen superflue, cum virtus primæ causæ sit sufficiens absque cuiusvis alterius causæ adiutorio omnes naturales effectus producere. Quare ad sequellæ probationem dico primo, quod ut christi satisfactio esset infinita simpliciter, satisfuit quod in ipsa præhaberentur virtualiter eminenter omnes satisfactiones quæcumque possunt ab vniuersis hominibus Deo offerri, in quorūlibet peccatorū cōpensationē. Sicut deus, ob id est ens infinitum simpliciter, quia in vnicā simplicissima deitatis forma, eminentissime cōtinet & præhabet oēm creabilem entitatē. Et ita concedo libenter, quod oēs nostræ satisfactiones fuerunt in Christi satisfactione summa cum eminentia præhabita. Sed

præterea secundo dico, quod Christus obtulit suam satisfactionem, omniaque sua merita Deo, ut sortirentur in hominibus effectum, iuxta ordinem a diuina providentia dispositum, neque aliter voluit, sua opera acceptari adeo ad hominum salutem operandam, nisi per modum cuiusdam vniuersalissimæ causæ, quæ nullum operatur effectum nisi per causas secundas, intermedias & particulares applicata. Vnde virtus satisfactionis Christi, non communicatur hominibus adultis nisi eorum cooperatione interueniente, neque paruulis sine reali applicatione sacramenti. Et quidem valde conueniens fuit, ut Deus ab adultis hominibus proprias cooperationes, dispositiones, satisfactiones, propriasque eorum merita exposceret. Primo quia alias tota Christi vita & passio in quandam turpem, & carnalem hominum resolveretur libertatem, licentiamque conferret christianis ad vniuersa peccata & vitia perpetranda. Secundo quia in magnam Christi gloriam cedit, ut nullus possit eius meritis & satisfactionibus frui, qui per laboriosam vitam, non se Christo simile & conformem exhibeat, quod insinuat Paul. cum ad rom. 8. dixit, si tamen cõpatimur ut & conglorificemur. Et Perus 1. can. ca. 2. dicēs, Christus passus est pro nobis, vobis reliquēs exemplū. ut sequamini vestigia eius. Tertio. Quia virtus satisfactoria, & meritoria Christi, in eo quamplurimum splendet, quod non solum ipsa se sola sufficiens est iustificare & saluare (quæ vis in paruulis ostenditur, qui solis Christi meritis & satisfactionibus per baptismum applicatis, & primam & vltimam assequuntur salutem) sed & potuit nostris operationibus virtutem meritoriam & satisfactoriam conferre. Ut in opere salutis nostræ simus veluti Dei coadiutores. Nam hæc tanta dignitate Deum hominem donasse, & extulisse, ut non solum vnusquisque in propria operando salute, verum, & erga salutem alienam eius simus coadiutores, Docuit nos ipse Paulus 1. Cor. capit. 3. Vnusquisque autem propriam mercedem accipiet, secundum suum laborem: Dei enim sumus auditores, &c.

Quarto. Quia hoc cedit quamplurimum in nostram dignitatem, quibus multo nobilius est, & honoratius proprijs actionibus satisfactorijs & meritorijs frui, quàm alienis dumtaxat meritis & satisfactionibus saluari, itaque in ordine morali eum Deus disposuit seruandum ordinem, quem seruat in ordine naturali, nam cum posset se solo vniuersos naturales effectus producere, assumpsit tamen causas sibi quasi adiutrices ex ipso ordine naturali desumptas, ut creaturas ipsarumque ordinem dignificaret.

Sed est argumentum contra hanc doctrinam. Vel Christus obtulit operationem suam satisfactoriam secundum omnem eius virtutem, vel non. Si primum: Ergo non solum quoad sufficientiam fuit infini-

ta, sed etiam quoad efficaciam, non enim dicendum est Christū obtrulisse satisfactionem suam, & quod Deus eam non acceptauerit: debuit enim pro sua reuerentia exaudiri. Si vero non obtrulit, ergo de facto non satisfecit infinite, quod aduersatur his quæ hæcenus definiuimus. Patet hæc vltima consequentia, quia ad rationē satisfactionis requiritur, quod offeratur ei cui fit satisfactio, id quod pro offensa in satisfactionis rationem assumitur. Implicat enim quod quis ali cui satisfaciatur, & quod ei non offeratur satisfactio, intendens per talem satisfactionem illi compensare pro iniuria & offensa in eum irrogata: alias enim operatio quidem poterit secundum se apta nata esse, vt loco satisfactionis sufficientis offeratur, non vero erit simpliciter, & actu satisfactio.

Propter hoc argumentum Ioan. de Med. cod. de satisfact. tract. 7. existimat quod Christi operatio respectu eorum in quibus efficaciam habuit veram & formalem obtinuit satisfactionis rationem, at comparatione ad eos in quibus efficax non est, sed dumtaxat sufficiens, fuit quidem secundum se satisfactoria, non vero fuit simpliciter satisfactio. Verumtamen ista sententia mihi non probatur. Quoniam scilicet literæ, Christi passionem, non solum prout fuit efficax, sed etiam prout fuit sufficiens ad satisfaciendum pro vniuersis hominibus, appellant redemptionem, & emptionem, illique tribuunt iustitiæ nomen: in locis enim superius citatis, in quibus istæ nominationes continentur, indifferenter fit sermo de prædestinatis & reprobis. At si non fuit vera satisfactio, ea ratione quæ non efficaciam, sed sufficientiam tantum habuit, non debuerat appellari redemptio, aut emptio, nec opus iustitiæ, nam ea prorsus est ratio de satisfactione, & redēptione. Christus enim non aliter nos redemit quam pro nostris culpis satisfaciendo deo, & compensando pro offensis in eum admissis. Et præterea, quia sicut pro his in quibus Christi passio effectum non habuit, passio ipsa non fuit efficax satisfactio, sed tantum sufficiens, ita neque fuit pretium efficax, sed sufficiens dumtaxat, ergo eadem ratione, non fuit redemptio pro his in quibus non habet efficaciam, & si fuerit secundum se operatio redemptiua. Confirmatur ex illo quod habetur in forma consecrationis calicis. Hic est sanguis meus qui pro vobis, & pro multis effundetur. Illa verba pro vobis denotant eos in quibus sanguis Christi habuit efficaciam: Alia autem verba, pro multis, vel designant tantum eos in quibus Christi sanguis non est efficax, sed sufficiens dumtaxat, vel designat indiscriminatim omnes, siue prædestinatos, siue reprobos, vt idem polleat pro multis atque pro omnibus: Ergo sanguis Christi pro omnibus fuit effusus, tanquam præmium pro omnium redemptione, & tanquam satisfactio pro omnium culpis & criminibus.

Prædicta igitur sententia explosa, ad argumentum responderetur ad missa priori antecedentis parte, nimirum, quod Christus obtulit deo satisfactionem suam secundum omnem eius vim satisfactoriâ. Et concedo similiter, quod hac ratione fuit infinita satisfactio, & acceptata fuit adeo in ratione satisfactionis infinitæ pro omnibus hominibus: diuersimode tamen pro prædestinatis, atque pro reprobis. Nam pro illis fuit acceptata ut eû effectû eis applicanda; pro istis vero solum ut sufficiens. Ita quod deus contentus fuit ista satisfactione pro omnibus peccatis, sic adeo ut ipsis etiam proderet reprobis, nisi per eos staret: Acceptauitq. ipsam quasi quodam generale medicamentum spirituale a Christo æternæ salutis autore operatum & confectum, quo vniuersi infirmi, si ipso uti vellent, spiritualem cum effectû assequeretur salutem. Nam Christus passus & mortuus, fuit illud salutare, quod parauit deus ante faciem omnium populorum, ut senex iustus Symeon spiritu plenus in templo iam moribundus cecinit Luc. cap. 2. Quæ acceptatio sufficientissima fuit, ut christus dicatur satisfecisse pro omnibus, omnesq. redimisse. Nam ad rationem satisfactionis non per se requiritur applicatio efficax ad eos pro quibus fit satisfactio, & pro quibus precium redemptionis offertur. Sed satisfuerit quod ratione satisfactionis oblata, & pretij exhibiti possent offensores, si vellent, ad gratiam eius quem habent offensum redire, & a captiuitate, & seruitute qua tenentur liberari. Ita ut tantum stet per illos, quod satisfactio, & redemptio in ipsis non sortiantur effectum.

Ea quæ de satisfactione diximus proportionabiliter sunt accommodanda ad meritû, & dicendû est, Christû vere meruisse, & quidem infinite, gratiam & gloriam, vniuersaque supernaturalia dona omnibus hominibus, & reprobis & prædestinatis, nam ut vere dicatur meruisse gloriam reprobis, id fuerit satis, quod meruerit, ut virtus passionis suæ, suæque vitæ, & mortis vniuersis hominibus esset exposita, tâquam vniuersale medicamentum ipsis paratum, & vniuersale sufficientissimum pretium quo abique argento, & auro æternam possint emere & possidere vitam, si vellent. Cunctisq. quasi expressa voce dicatur id quod regius dicebat propheta. ps. 33. Quis est homo qui vult vitâ, & diligit dies redere bonos. Et illud Isai. c. 55. omnes sitientes venite ad aquas, & qui non habetis argentum properate, & emitte vobis. Ita quæ per eos dumtaxat steterit quo minus Christi passio in eis sit efficax, qui tantam sibi oblatam salutem neglexerint.

Tertium & vltimum huius articuli dubium est. Vtrum Christi satisfactio fuerit exacta & rigurosa, id est, ex toto iustitiæ rigore. Hæc difficultas non est eadem cum ea quam dubio præcedenti disputauimus de infinitate satisfactionis Christi. Ex resolutione namque illius diffi-

Tertium
dubium.

difficultatis, constat quidem Christi satisfactionem fuisse equivalentem offensæ & culpæ, quæ in vniuersis hominum peccatis reperitur, atque adeo constat Christi satisfactionem ex parte valoris sufficientem fuisse, vt perfectam haberet & exactam iustitiæ rationem: verum cum præter equalitatem satisfactionis ad offensam, aliæ sint requisi- tæ conditiones, vt satisfactio rigurosa sit, ad perfectamq. & exactâ iustitiâ spectet, idcirco posthabitam præcedentis dubitationis resolu- tionem, merito ista quæstio de rigurosa satisfactione iustitiæ ad dis- putandum proponitur. Cuius pars negatiua sequentibus argumen- tis suadetur.

Primum argumentum desumo ex illo Paul. ad Colof. 1. Adimpleo ea quæ desunt passionû christi in carne mea, pro corpore eius quod est ecclesia. Ex quo loco sic argumentor. Deesse aliquid passionum christi, nõ denotat defectum pœnalitatis cuiuspiam, quam christus non fuerit in sua mortali carne perpeßus: nullum enim genus passio- num fuit, quod christus non fuerit pro nostris peccatis expertus, & quod non summa cum patientia tolerauit, vt docuit S. Thom. 3. p. q. 46. ergo denotat defectum aliquem in Christi passione, respectu sa- tisfactionis pro nostris peccatis faciendæ, atque adeo non fuit rigurosa satisfactio, omnẽ satisfactionem rigurose iustitiæ completens.

Secundum argumentum. Christus nõ satisfecit ex proprijs, idest, ex eis quæ aliàs non essent sub dominio & iure creditoris: Ergo eius satisfactio non fuit rigurose iustitiæ. Consequentia est euident, nam cum quis satisfacit, & soluit debitum ex bonis quæ aliàs erant sub cre- ditoris dominio, & quæ ad eius ius & ditionem pertinebant, nihil dat reuera ei cui satisfacit: Et ex cõsequenti ad gratiam ipsius creditoris reducitur præcipua satisfactionis vis, qui cum nihil noui adebitore accipiat, contentus tamen manet, atq. si accepisset. Antecedens vero probatur. Deus est vniuersalis omnium rerum quæ sunt extra ipsum dominus, ad eiusq. dominium & ius omnia huiusmodi pertinent, nam sub ditione eius cuncta sunt posita: Ergo operatio Christi satisfacto- ria, & omnia quæ ad ipsam pertinent, omnisque eius valor vnde cum- que prouenerit, sub vniuersali dei iure, & dominio comprehendebatur, atque adeo Christus non ex proprijs, sed ex his, quæ dei erant, ip- si deo satisfecit.

Dices forßam, quod valor satisfactorius Christi de sumebatur a verbo quod est humanitatis suppositum, atq. adeo valor ille erat pro prius Christi: Sed contra hanc solutionem instant difficiles replicæ. Prima sumitur ex eo quod nunc dicebatur in argumẽto, videlicet, q. vnde cumque prouenerit valor & perfectio operationis Christi, eo ipso quod ponitur in rerum natura extra suas causas, pertinet ad vni- uersale dominium dei, alias daretur aliquid creatum in mudo quod non esse

non esset sub dominio & potestate dei, quod est dictu chimericum, cum nihil esse possit in rerū natura productū, quod in fieri, & in esse, & in conseruari adeo non pendeat, sitq. quoddam diuini esse participium: atque adeo, quod non iure creationis, & conseruationis sub vniuersali dei comprehendatur dominio.

Secunda replica. Christus non satisfecit in quantum deus, sed in quantum homo: Ergo totus satisfactorius valor, qua ratione satisfactorius, ex humanitate, & ex his quæ ad humanitatem pertinebant, desumebatur, & non ex diuino supposito. Antecedens est manifestū, tum quoniam cum satisfacere, sit eius qui aliqua ratione est inferior illo, cui satisfacit, necessum est dicamus deum, vt deum, incapacē esse ad satisfactionem, tum etiam quoniam Christus, vt deus, acceptauit satisfactionem, fiebat enim ei satisfactio, vt in prima difficultate huius secundi dubij explicuimus, at impossibile fuit Christum eadem ratione satisfacere, & satisfactionem acceptare: ergo, &c.

Tertia replica. Si valor satisfactionis Christi ex diuino verbo fuit desumptus, ergo ex his quæ communia erant satisfaciendi, & ei cui satisfactio fiebat desumptus fuit prædictus valor, quia omnis infinitas, omnis perfectio, omnisq. diuini verbi valor & dignitas communis est patri, filio, & spiritui sancto, cōuenitq. deo, vt deus est, Omnia, quæ habet pater, mea sunt, dicebat Christus Io. 16 Igitur satisfactio Christi secundum istum valorem non fuit ex proprijs, sed ex his, quæ communia erant ipsi, & alijs diuinis personis, & deo tribus personis communi, cui per se primo facta fuit satisfactio.

Tertium principale argumentum. Tota Christi satisfactio, totusque eius valor fundabatur in gratia Christo, vt homini, adeo facta, & ad ipsam tandem omnis satisfactionis valor reducebatur: at iustitia siue meritoria, siue satisfactoria, quæ in gratia præmiatoris, & eius cui fit satisfactio fundatur, ad ipsamq. reducitur, nequit esse exacta & rigurosa iustitia. E regione enim gratia iustitiæ opponitur, detrahitq. proinde quamplurimum a iustitiæ perfectione: ergo, &c. Maior probatur, nam totus satisfactorius & meritorius operationis Christi valor fundatur in gratia vñionis Christi humanitati facta, ad ipsamq. vt ad primam radicem reuocatur. Ergo cum hæc summa fuerit gratia, & qua maior in ratione gratiæ, neq. fieri, neq. excogitari potuit, vt in q. 1. huius relectionis cum S. Aug. dicebamus, manifestum est, Christi satisfactionē summum iustitiæ rigorem minime attrigisse.

Quartum argumentum. Omnes operationes, quibus Christus pro nostris peccatis satisfecit, erant alijs titulis debiti deo, non ergo potuit eis inesse exactus & perfectus iustitiæ rigor. Consequentia pareret, quoniā nullus (si ad iustitiæ rigorem spectes) satisfacit creditori p illa bona, quæ alias eidē creditori debita erāt, Antecedēs probatur,

illa operationes fuerūt debita deo, & titulo gratitudinis, & titulo seruitutis, & obediētiæ tenebatur enim Christus pro beneficio incarnationis, & pro beneficiis alijs quæ eius accepit humanitas, innumeras ei gratias agere, & quantum posset referre. Tenebaturque similiter, qua ratione homo, & inferior deo, ipsi parere in omnibus, & titulo creationis ei in seruire, omnesque suas operas eius obsequiis paratas habere, & expositas: ergo &c. At dices cum Scoto, quod Christo non omnia opera fuerunt in præcepto posita, sed multa ad consilium pertinebant, in eiusque fuerunt arbitrio relictæ: & his operibus potuit ex iustitia rigurosa patri satisfacere. Contra hanc solutionem, quæ sine dubio debilis est, sic argumentor. Esto non omnia opera fuerint Christo in præcepto posita, neque ab eo deus rigurose exegerit omnia, sed multa in ipsius potestate reliquerit: at in hoc magnam ipsi Christo, ut homini, gratiam exhibuit, poteratq. maiori rigore uti, & vniuersa eius opera, ut sibi, & plenario seruitutis iure, & obediētiæ titulo debita, per præceptum exigere; Ergo tandem ad dei gratiam reuocanda est omnis ea satisfactoria iustitia, quæ ipsis Christi operationibus inerat.

Confirmo quarto istud argumentum. Totus ille valor, quamlibet infinitus, qui reperiebatur in Christi operationibus, etiam in omnibus collectiue sumptis, non erat sufficiens ad referendū deo gratias pro beneficio incarnationis suscepto æquales, & condignas: Ergo omnia Christi opera secundum omnem, quem sortiebantur valorem, debebantur deo titulo gratiarum actionis, & ex consequenti nihil supererat Christo, sibi omnino propriū, & alias non debitum, quod deo in compensationem pro nostris peccatis offerret: atq. adeo non valuit exactam & rigurosam iustitiæ satisfactionem deo pro nostris peccatis exhibere. Probo antecedens. Beneficium incarnationis fuit simpliciter ac modis omnibus infinitum, quia quod humanitas per incarnationem accepit, est ipsum infinitum verbum: at omnes Christi actiones, & si in aliqua morali specie valorem habeant infinitum, non tamen æquivalent tantæ diuini verbi infinitati: Ergo non ad æqualitatem gratias rependere deo poterant.

Quintum argumentum. Nullus potest ex rigore iustitiæ pro aliena culpa & offensa satisfacere, nam offensus non tenetur ex iustitia huiusmodi satisfactionem acceptare, præsertim si offensa fuerit contra commune bonum, & principem alicuius reipub. commissa, in cuius punitione poena sit per communem legem taxata, qualis cumq. & quantacumq. illa fuerit satisfactio. Nō enim Hispaniæ Rex tenebatur acceptare satisfactionē quam Imperator obtulisset ei pro offensa, quam ab homine priuato sibi subdito vel ipse, vel eius regnum acceperit, sed potest uti iuris rigore infligendo poenam communi de

le præ-

ge præscriptam. Sed peccatum primi parentis & deum offendidit, & commune totius generis humani bonum, cuius ipse deus immediata tam habet gubernationem, & curam, sumopere læsit, eique quam plurimum incommodauit, extabatq. lex illa ab ipso humano generis autore & gubernatore sancita. In quacumque die comederis morte morieris Gen. 2. Ergo iuste poterat deus non obstante quacumque a Christo satisfactiōe oblata, hominem huius legis transgressorem pena per eandem legem statuta summa cum seueritate plectere.

Sextum argumentum. Si Christus, ut homo, de facto peccasset, q. Scotus & quidam alij theologi non impossibile reputauerunt, non posset pro suo peccato ex rigore iustitiæ satisfacere: Ergo neque potuit ex eodem iustitiæ rigore pro alienis satisfacere peccatis: eadem namque videtur esse ratio de proprio peccato, & alieno: imo vt præcedenti contendebam argumento, difficilius est pro alieno peccato, æquivalentem & condignam satisfactiōem offerre.

Septimo tandem & ultimo sic argumentor. In deo non potuit cadere obligatio iustitiæ, qua teneretur Christi satisfactiōem acceptare: Ergo neque ex parte Christi satisfaciētis fuit perfecta & exacta iustitia erga deum, patet consequentia, quoniam iustitia quæ est ex parte vnius extremi constituit obligationem iustitiæ in altero extremo, iustitia enim æqualitatem in eis ponit inter quos versatur. Ergo Christi satisfactio non fuit perfecta, exacta, & rigurosa iustitiæ.

In oppositum est illud ex Paulo ad Hebræos 5. præcedenti dubitatione citat. Qui cum in diebus carnis sue præces, supplicationesq. ad deum qui posset illum saluum facere a morte, cum clamore valido & lacrimis offerens, exauditus est pro sua reuerentia. Chrysost. Teophyl. & alij grauissimi Bibliorū interpretes ita exponunt, quod Christus exauditus fuit a patre pro sua reuerentia, id est, quia dignus erat vt exaudiretur, eo quod filius dei est. Quæ interpretatio summā condignitatem, & iusticiam in christi operibus apud deum manifeste designat.

In hac difficultate quæ grauis est, & ad exponendum non admodū facilis, tres reperio theologorum sententias. Prima asserit christi satisfactiōem non fuisse secundum se condignā, & æqualem ex omni iustitiæ rigore, sed ex dei acceptatione tantum æquivalentiam & condignitatem fuisse sortitā. Ita docent Dur, in. 3. d. 20. q. 2. & in. 4. d. 15. quæst. 1. Scot. ibidem, & in. 3. d. 17. q. vnica 5. in ista quæstione. Gabriel. ibidem. q. vnica. a. 1. not. 3. & ar. 2. con. 1. Almainus ead. d. quæst. 1. notabili. 3. Joann. a Madi. Cod. de penitentia. tractatu. de satisfacti. quæst. 1. ij omnes, & alij nonnulli existimant eodem fere modo loquendum esse de christi satisfactiōe, & de satisfactiōe puri hominis, quam arbitrantur non esse condignam ex principio a quo

procedit, nimirum, gratia & charitate nisi accedente extrinseca Dei acceptione, ex qua & sufficientiam, & condignitatem habet. Addunt tamen Scotus, Gabriel, & Almai, in Christi satisfactione specialem quamdam reperiri congruitatem, ut acceptetur adeo tanquam cōdigna & æquivalens satisfactio pro vniuersis hominū peccatis, eo quod erat operatio hominis, qui simul est naturalis dei filius. Quæ tanta cōgruitas in operatione puri hominis filii Dei per gratiam & adoptionem non reperitur. Et in hac duntaxat congruitate fundant totam rationem, ob quā Deus non assumpsit operationem aliquius puræ creaturæ ut esset pro vniuersis hominum peccatis satisfactoria, & per quā creatura totū humanū genus redimeret, sed hoc redēptionis opus soli Christo Deo homini concessum fuit. Quod dicūt illi auctores de satisfactione Christi & puri hominis docent similiter de eorū dē meritis. Verū nos in præsentia nihil de merito aut satisfactione puræ creaturæ dicemus, in qua re prius fortassis omnibus locutus est Dur. in 2, dist. 27. q. 2. vniuersaliter existimans, nullum esse condignum meritū eorū Deo, nisi ex sola extrinseca Dei acceptione. Sed de Christi tantum satisfactione & merito nostra est habenda disputatio.

Secunda sententia quæ inter relata & aliam tertio loco referenda in medium tenere videtur, asserit Christi satisfactionem condignā quidem fuisse, & æqualem originali offensæ, imo & omnibus offensis & culpis, quæ aduersus Deum in tota humano genere reperiri possunt, sed dicit nihilominus Christi satisfactionem non fuisse ex omni iustitiæ rigore. Hæc sententia sicut partim conuenit cum sententia præcedenti, partimque ab ea differt, ita & in fundamentis quibus innititur, neque recedit totaliter ab ipsa, neque totaliter ei adhærescit. Auctores præcedentis sententiæ, præsertim Scotus, existimant Christi satisfactionem non fuisse valoris infiniti, cui doctrinæ auctores huius secundæ opinionis minime consentiunt. Arbitrantur enim infinitam fuisse in formali ratione satisfactionis, & proinde secundum se æquivalentem offensæ grauitati, & ex proprijs suis principiis condignam & sufficientem ad compensandum pro omni offensæ & iniuriæ Deo irrogatæ. Auctores præcedentis sententiæ dicunt, quod Christi satisfactio non potuit inducere obligationem in Deo, quæ ex iustitiâ teneretur ipsam acceptare. Et in hoc consentiunt secundæ opinionis auctores, sed & præterea addunt, quod Christi satisfactio, non solum ob id rigurosa non fuit, quia non induxit in Deo prædictam iustitiæ obligationem, verum etiam, quia neque facta fuit ex proprijs, neque ex alijs indebitis, quæ sunt necessariæ conditiones ad rigurosam satisfactionem.

In hoc fundamento Durand. & Ioan. de Med. & quidam alii ex primæ sententiæ auctoribus, conueniunt cum patronis & fautoribus opinionis

hionis secunde. Verum Scot. Gab. & alii quidem qui primę adhe-
scunt sententię, non idem omnino sentiunt: putant enim Christum
potuisse satisfacere ex aliis non debitis, illis videlicet operationibus,
ad quas nullo pręcepto tenebatur, sed in consilio illi erant relicte, &
in libera eius facultate constituta, quę tamen propter valoris infiniti
defectum non fuerunt ex rigore iustitię satisfactorię, iuxta Scoti &

Est tertia denique sententia, quę in alio extremo docet Christi sa-
tisfactionem non solum infiniti fuisse valoris, & in precedenti dubio
resolvimus, sed quod & est secundũ se ipsam condigna, & ex toto ri-
gore iustitię pro vniuersis hominum culpis satisfactoria. Hanc sen-
tentiam docuit S. Th. 3. p. q. 1. a. 2. ad. 2. ubi satisfactionem Christi vo-
cat infinitam, sufficientem, condignam, & perfectam, negatque satis-
factionem purę creaturę posse tantam eius perfectionem contin-
gere, & infra q. 48. a. 2. dicit, quod passio Christi non solum fuit
sufficiens, sed etiam superabundans satisfactio pro peccatis hu-
mani generis. Et solutione ad 3. inquit, quod quia Christi caro
erat caro dei, ideo dignitas carnis christi habuit infinitam di-
gnitatem, & similiter passio quę fuit in eius carne facta. Fateor
quod apud S. Thom. non reperitur iste modus loquendi, Ex rigore
iustitię, sed verba quę ex ipso retulimus manifeste æquivalent huic
loquendi modo, qui in doctrina posteriorum theologorum frequẽ-
ter reperitur usurpatus, rigurosamq; iusticiam important. in ead. 3.
p. q. 46. art. 6. ad 6. eamdem insinuat sententiam, & in tota questio-
49. sequenti, & quolib. 2. art. 2. & in 3. d. 20. vbi Ricard. Bonavent.
Palud. Capreol. eandem sequuntur sententiam. Et quidem capreol.
in 4. d. 15. tenet huic ad hęc doctrinę, vt contrariam impiam esse di-
xerit. Marfil. in 3. q. 12. eandem sententiam insinuat. Alex. Alent.
3. par. quest. 17. memb. 3. per totum, & memb. 4. a. 2. 5. 2. dicit enim,
quod si consideretur christi satisfactio a quanto fuerit, quia ab ipso
dei filio fuit, qui est verus deus, inuenietur super omnem satisfactio-
nem plene satisfactum fuisse. & quest. 1. membro. 6. & 7. docuit mul-
tis sententiam eandem, quam tradidit etiam Alaisiodorensis
lib. 3. summe tractatu 1. cap. 8. & Ricard. de sancto Vict. lib. de in-
carnatione verbi cap. 8. Dried. lib. de redempt. & capt. gene. huma-
a principio cap. 2. parte 2. Vega lib. 7. in Concil. Trident. cap. 8.
Mag. Sor. lib. 3. de natura & gratia cap. 6. & in 4. dist. 19. quest. 2. art.
1. Fera lib. contra gent. cap. 54. & 55.

Sed hæc opinio, quę primę sententię eregione opponitur, in du-
plici sensu intelligi potest. Prior est, quod operatio Christi habet oĩa
quę ex parte satisfactionis, & satisfaciētis, necessaria sunt ad perfe-
ctam & rigurosam satisfactionem, ita quod est æqualis offensę, con-

digna

digna ad compenſandū pro iniuria, ex proprijs ſatisfaciētis orta, id eſt, non ex bonis eius cui ſit ſatisfactio, aut ab eo liberali donatione ſuſceptis, ac tandem alias Deo non debita. Iſtæ autem ſunt conditiones quæ, iuxta communem theologorum & philoſophorum moraliū ſententiā, ad perfectā, rigoroſāque ſatisfactionem & requiruntur, & ſufficiunt. Et quidem quod requirantur, ex eo liquet quod deficientibus hiſ conditionibus, vel ſatisfactio erit diminuta, & non equalis offenſæ, vel tota, aut præcipua eius viſ ſatisfactoria, ad gratiam, & liberalitatem eius cui ſit, reducenda erit, atque adeo non poterit ei inelle perfectā iuſtitie ratio. Ex quibuſdam argumentis eorum quæ propoſuimus in fronte huius dubitationis, atque ex ipſorum ſolutionibus, conſtabit amplius, quā rōne ſint neceſſariæ ad exactā, & rigoroſā ſatisfactionem dux ille poſtremæ conditiones, nimirum, quod ſatisfactio fiat ex proprijs bonis ſatisfaciētis, & quod non ſit alio titulo debita, quod nonnulli theologi, etſi rariffimi, negauerunt, verum leuiſſima ratione ducti, & quæ non cget, vt in eius vel ſolutionem, vel confutationem immoremur. Quod autem prædictæ illæ conditiones ſufficiant, non poteſt in dubium verti. Quoniam per illas conditiones & conſtituitur æqualitas inter ſatisfactionem, & offenſam, & auferretur omnis gratia, & liberalitas ex parte eius cui ſit ſatisfactio, atque adeo conſtituitur in tali ſatisfactione omnimoda, & perfectā iuſtitie ratio: quæ in hoc conſiſtit, quod ſatisfaciens reddat totum quod debet ſecundum æqualitatem pro iniuria, & offenſa interrogata, nullam quærens gratiam ab eo, quem offendidit, ſed ſecundum iuſtitie leges compenſare intendat, & re ipſa compenſet. Cū iſtæ igitur cōditiones in Chriſti ſatisfactione reperiantur, cenſeri debet exacta & ex omni iuſtitie rigore ſatisfactio, quæ citra dubium induceret in Deo iuſtitie obligationem ad ipſam acceptandam, ſi talis obligationis Deus eſſet capax. Cæterum dicit hæc ſententia, quod quia Deus incapax eſt obligationis huiusmodi contrahendæ, idcirco non tenebatur Chriſti ſatisfactionem acceptare, ſed potuit illam reſpuere abſque vlla iuſtitie rectitudinis læſione. Ita docent multi graues theologi S. Tho. diſcipuli quibus non refragatur Mag. Med. 3. p. q. 1. a. 2. & alijs in locis eiſdem 3. p. & Mag. Banes. 1. p. q. 21. & in eandem ſententiā coincidunt ii Theologi qui putant, quod nulla interueniente Dei promiſſione, nulloq. ipſius extante pacto, Deus non tenetur premiare aliquod meritum, ſive Chriſti ſive puræ creaturæ, ſed tota obligatio, ſi qua fuerit, in Deo, non tam ad vim operis meritorij, quæ nulla eſt ad deum obligandum, quam ad fidelem ipſius Dei promiſſionem eſt reuocanda. Ita quod obligatio non ex opere meritorio, ſed ex ipſo Deo, liberaque eius voluntate ortum habeat, licet talis obligatio, tanquā a conditione requiſita, ex ipſo opere pendeat, quatenus

promisit Deus premium bene operanti. Vnde per huiusmodi obligationē potius Deus sibi sueque bonitati quam homini operatī debet. Et hinc est quod Paul. ad Hæbræ. 10. dicebat, fidelis Deus qui re promissit. Non dixit iustus, sed fidelis quia non legibus iustitiæ, sed sua fidelitate & veracitate obligatur. Ita senserunt graues theologi, inter quos sunt munerandi And. auega. lib. 7. super Conc. Trid. c. 9. & Io. de Med. in Cod. de penit. tractatu de satisfactione. Qui idem omnino de satisfactione dicunt, quod de merito dictum est.

Ad eundem priorem prædictæ tertie opinionis sensum pertinet, quod dicunt Mag. Med. loco citato, & alij non pauci, deū ob id dum taxat non potuisse non acceptare Christi satisfactionem, quia humana Christi voluntas, quæ ipsam obtulit, non potuit non esse conformis diuinæ voluntati: atque adeo supposito, quod Christus satisfactionem suam obtulerit deo pro hominum peccatis, a posteriori nobis constat, deo placuisse hanc satisfactionis oblationem: atq. adeo constat a posteriori, quod deus decreuerat Christi satisfactionē acceptare: aliās enim non vellet, vt Christus efficaci voluntate obtinendi nostrorum peccatorum condonationem, eam ipsi deo offerret. Istæ duz sententiæ manifeste præsupponunt, quod infallibilitas acceptationis meriti & satisfactionis Christi, non exui operationum eius, & rigurose ipsarum iustitiæ prouenit, sed ex alijs titulis, puta, ex dei promissione, aut immutabilitate voluntatis eius, qua decreuerat acceptare. Quæ necessitas est tantum suppositionis, & secundum quid.

Secundus & posterior eiusdem tertie opinionis sensus est, quod Christi satisfactio induxit obligationem iustitiæ commutatiue, aut quasi commutatiue in deo, vt ipsam acceptaret, quæ dei obligatio non in promissione, aut pacto speciali, sed in ipso iustitiæ rigore satisfactionis Christi suum habuit fundamentum. Non omnino Magistro a Med. hic posterior sensus displicuit, sed neque Mag. Soto locis supracitatis, & quibusdā alijs viris doctissimis ex theologis nouioribus hæc sententia vehementer placet. Pro resolutione huius dubij sit.

Prima conclusio.

Christi domini satisfactio perfecta fuit ex omni iustitiæ rigore, saltem in illo priori sensu, in quo tertiam sententiam explicuimus. Nam de acceptationis necessitate & obligatione in secunda conclusione dicemus. Ista conclusio, quæ est expressa S. Tom. sententia, & illorum theologorum, quos pro tertia opinione retulimus. Duo inuoluit, quæ ad eius exactam intelligentiam, & probationem sunt necessario euoluenda & explicanda. Potest ergo intelligi hæc conclusio primo quatenus contra primam Durand. & Scot. sententiam

proce-

procedit, quæ afferit christi satisfactionem secundum se non habere valorem tantum, vt absque extrinseca dei acceptatione, esset sufficiens & æquiualens pro vniuersis hominum peccatis compensatio. In altero sensu intelligi potest hæc eadem conclusio, quatenus aduersus secundam sententiam procedit, quæ negat christum ex proprijs & alias in debitis satisfecisse. Quæ sententia quidquid eius auctores repugnât, plurimum detrahit a ratione iustitiæ in christi satisfactione, neque poterit cum huius sententiæ veritate stare, christum ex omni iustitiæ rigore pro nostris peccatis satisfecisse, imo vt ex dicendis constabit, huius sententiæ fautores non satis commode saluant, christum seclufa scotica illa extrinseca acceptatione, ad æqualitatem satisfecisse pro vniuersis hominum peccatis, multoque minus saluât ipsam satisfactionis christi infinitatem.

Primum ergo ista conclusio probanda est a nobis in priori sensu aduersus primam sententiam, in quo adeo est certa, ut eius oppositum non deberet inter probabiles theologorum opiniones recenteri, quod sentiunt multi viri grauissimi, & id quidem merito, vt ex probationibus statim afferendis fiet consideranti manifestum.

Et primo hæc conclusio probatur omnibus illis testimonijs scripturæ sacræ, quibus probauimus in præcedenti dubio Christi satisfactionem infinitum habuisse satisfactorium valorem, nam si testimonia illa non manifestam habent efficaciam ad probandum infinitatem in Christi satisfactione, probant tamen efficaciter magnam eius sufficientiam, æqualitatem, & super abundantiam. Ponderentur omnia iuxta modum quo nos illa in dubijs præcedentibus, præsertim secundo, expendebamus. Probatur præterea ex illo Paul. ad heb. 10. vna oblatione consumauit in sempiternum sanctificatos. Consummare autem sanctificatos non poterat Christus vna crucis oblatione, nisi oblatio sufficiens esset & æquiualens, imo & superabundans ad compensandum deo pro vniuersis hominum peccatis. Probatur præterea ex illo rom. 5. vbi abundauit delictum superabundauit & gratia, vt sicut regnauit peccatum in morte, ita & gratia regnet per iusticiam in vitam æternam, per Iesum Christum dominum nostrum. Quibus verbis & alijs quæ in eodem. c. habentur ad hanc veritatem probandam, vsi sunt duo grauissimi Patres ac summi Pontifices, Agapetus & Leo. 1. locis postea referendis. Et duo sunt in his verbis ponderanda. Primum, q̃ gratia nobis per christum collata abundantior est, & copiosior ad nostram salutem & vitam operandam, quam fuerit ipsa originalis Adæ culpa ad causandum spirituales mortē, & omnia in commoda tum animæ, tum corporis quæ ex ipsa origina li culpa emanarunt. Hoc enim de notat illud verbum, super abundauit, quod & alijs verbis in eodem capite animaduertent Paulus in-

quiens.

quiens. Sed non sicut delictum, ita & donum: sicut enim vnus delicto, multi mortui sunt, multo magis gratia Dei & donum in gratia vnus hominis Iesu Christi in plures abundauit. Tunc sic, peccatum Adæ ad totum humanum genus extendebatur, imo quasi ex toto rigore iustitiæ ad totam Adæ posteritatem diffunditur: Ergo si superabundauit gratia, vbi abundauit delictum, necesse est dicamus, quod Christi satisfactio, cuius virtute reconciliati sumus Deo, & in Dei gratiam admittimur, fuerit sufficiens, & ad æqualitatem, imo & superabundans, & hoc quidem ex vi operis, & ex vi satisfactionis exhibite, & non ex acceptatione Dei extrinseca, quæ non se tenet ex parte Christi & satisfactionis eius, neque quidquid ad ipsius satisfactionis perfectionem retulerit, sed ex liberali Dei voluntate & misericordia tota pensatur. Et sum opere obseruandum est, quod Paulus in citatis verbis, & in toto illo cap, non ad voluntatem Dei retulit superabundantiam gratiæ, sed ad ipsum Christum, scilicet, satisfaciendum pro nobis, & merentem nobis. Expendantur illa verba. In gratia vnus hominis Iesu Christi in plures abundauit. Et notetur contrapositio quam facit Paulus vnus hominis ad alium hominem, secundi & cælestis Adami, ad primum & terrestrem Adamum. Nam sicut terrestri Adamo eiusque primo peccato totam generis humani ruinam absque noua Dei extrinseca acceptatione, vel imputatione, sed ex vi ipsius primi peccati tribuit Paulus, & omnes tenemur tribuere ipsam humani generis calamitatem, & cladem: ita & cælesti Adamo eiusque operationibus satisfactorijs, & meritorijs tribuere debemus (quod & reuera facit ibidem Paulus) totam ipsam generis humani reparationem, omnemque superabundantem Dei gratiam, quæ in ipso nostre reparationis opere splenduit & emicuit. Neque inepte huic loco adduci potest, quod Ioannes vterque & bapt. & Euangelista dixit. Gratiam & veritatem per Christum esse factam. Io. 1. Alterum est in eodẽ testimonio Pauli obseruandum est, quod ipsam superabundantem gratiam quæ in nobis abundat, totumque ipsius gratiæ imperium & regnum, ad iusticiam reuocat Paul illam, videlicet, quæ in Christi meritis & satisfactionibus emicuit. Ponderentur illa verba. Ita & gratia regnet per iusticiam in vitam æternam. Quod si quæras a Paulo per cuius iusticiam regnat gratia, quasi respondens mox subiunxit, per Iesum Christum dominum nostrum. Itaque vult dicere Paulus, quod gratia quæ in nobis facta est, & quæ superabundat, vbi abundauit delictum non in mortem animæ, & corporis sicut delictum, sed in æternam similiter, & animæ, & corporis vitam, effectus est illius iustitiæ, quam ipse Christus suis fuit actionibus operatus. Et tam fuit abundans ipsa Christi iusticia in ratione iustitiæ, atque est abundans in nobis gratia in ratione gratiæ:

tota enim effectus excellentia & superabundantia, necesse est præhaberi beatur in eminentiori suæ causæ virtute. Sed & id non est præsumendum, quod quæ sapius Paulus quasi indifferenter videtur nominibus iustitiæ & gratiæ, insinuans quod id quod comparatione ad nos donum est & gratia, respectu Christi rationem habet iustitiæ. Nam spiritualia dona, quæ nobis gratuito, & misericorditer conferuntur, debita sunt Christo ex iustitia. Legatur Chrysostomus in epistola ad romanos. Eandem veritatem insinuat Paulus ad romanos 7. ubi loquens de Christo inquit, quod peccato damnauit peccatum, id est, offerens se ipsum hostiam pro peccato ipsius oblatione uirtute peccatum damnauit, id est, totum eius destruxit imperium. Non ad specialem her beneuolentiam aut acceptationem extrinsecam, sed ad ipsam hostiæ uirtutem peccati destructionem Paulus retulit. Peccatum enim in primo loco prædicti testimonij positum, ipsam pro peccato hostiam in cruce oblatam designat, ut habet communis interpretatio. Ponderanda sunt ad presens intentum illa uerba Iob, c. 6. Vanam appenderetur peccata mea quibus iram merui, & calamitas quam patior in statera, quasi arena maris hæc grauior appareret. Quæ uerba S. Gregorius illa in suis moralibus uertens, ad Christum refert, qui nostrâ peccata per tropum & figuram sua uocauit, iuxta modum a nobis superfluum in 1. quod expositum. Et poena quam Christus pro nostris peccatis fuit perpeffus, grauior fuit ipsis peccatis, id est, uberrimam & superabundantem compensationem pro ipsis exhibuit, fuitque copiosa pro eis redemptio.

Sed iam deinceps secundo, & principaliter, grauissimis Patrum testimonijs hæc prior pars conclusionis probatur. Patres mox referendi non obscuris quin apertissimis uerbis dixerunt, quod nulla satisfactio a pura creatura exhibita fuit sufficiens ad humani generis redemptionem efficiendam; neque uero esse potuit secundum absolutam etiam dei potentiam, & quod Christi satisfactio, eo quod dei & hominis operatio, sufficiens fuit, imo & super abundans pro uniuersis nostris peccatis satisfactio. At si sufficientia satisfactionis Christi ad extrinsecam dei acceptationem esset reuocanda, ut putauit Scotus, rueret tota hæc sanctorum patrum doctrina, quia operatio puræ creaturæ poterat hac ratione sufficiens esse, & infinita satisfactio, nam potuit deus pro infinitis hominibus, pro infinitisque culpis & offensis ipsam acceptare, neque in hoc, ut ipse fatetur Scotus, ulla fuit contradictionis repugnantia. Ergo uerissima est prior nostræ conclusionis pars, & qui illam negat patribus contradicit. Antecedens probandum est grauissimis patrum testimonijs ad hunc locum acceritis. Et primo accedant duo illi Summi Pontifices, clarissimi que patres quorum paulo superius meminimus. D. Leo. 1. & Agapetus. Etenim D. Leo. epistola 81. & 95. c. 2. sic ait, quæ autem reconciliatio esse posset,

qua

qua humano generi propitiaretur deus, nisi omnium causam mediator dei hominumque suscipere, qua vero ratione, veritatem mediatoris impleat, nisi qui in forma dei aequalis est patri in forma servi particeps esset & nostri, ut mortis vinculum vnus prauaricatione contractum, vnus morte, qui solus morti nihil debuit solueretur. Effusio enim pro iniustis sanguinis iusti Christi tam potens fuit ad privilegium, tam diues ad pretium, ut si vniuersitas captiuorum in redemptorem suum crederet, nullum diaboli vincula retinerent, quoniam sicut ait Apost. rom. 5. vbi abundauit peccatum super abundauit & gratia. Quae verba, quibus pro nostra sententia nulla potuerunt dici clariora, reperies transcripta ab alio Pontifice Agapeto in epistola ad Anthimum Constantinopolitanum Episcopum. Sed etiam & alia quae ibidem paulo inferius subiungit. S. Leo. Quamuis multorum, inquit, sanctorum in conspectu domini pretiosa mors fuerit, nullus tamen in sanctis occisio redemptio mundi fuit, acceperunt iusti, non dederunt coronas. Ex paulo potest, vnus solus dominus noster Iesus Christus qui vere agnus erat immaculatus exiit, in quo omnes crucifixi, omnes mortui, omnes sepulsi, omnes suscitati. Et manifestum erit attente legenti, quod non tantum de facto, sed & de possibili loquebatur, S. Leo. Vnde in ead. epist. quosdam haereticos, quorum quidam Nestorij, quidam Euthicetis erroribus tenebatur, quorum illi in Christo distinguebant personas, isti confundebant naturas, & neutri vnum Christum verum deum & hominem fatebantur, miseræ cæcitatæ arguit, quod nullam sibi spem salutis relinquant, quia nullus poterat esse veræ salutis autor, antiquæque mortis destructor, nisi vnicus mediator dei & hominum, qui simul esset deus & homo. Et ita concludit. Ostendant vnde sibi spem vitæ polliceantur eternæ, ad quam nisi per mediatorem dei & hominum hominē Iesum Christum potest perueniri. Ob id S. Leo. addidit, hominem. Quia specialiter contra Eutichetem disputabat, qui humanam in Christo cum diuina confundebat naturam. &c. Multa dixit ipse Sancto Leo. ad huius veritatis persuasionem in sermonibus de passione, præsertim serm. 1. & 12. Illa verba quorū meminimus in 1. dub. huius 2. art. sicut nullo non teruntur in theologorum ore, ita & sunt præcipue considerationis digna. Si non esset, inquit, verus homo, non præberet exemplum, si non esset verus deus, non afferret remedium. Si ad extrinsecam illam Scoticam acceptionem licuisset resurrexerit, etiam si verus deus non esset, remedium afferre potuisset. Athana. in hom. de passione & cruce domini; post illa verba quæ in præcedenti dubio retulimus, quæ sunt ad hunc locum ponderanda, mox subiunxit. Si quidem Christus factus est pro nobis maledictio, atque ita humana carne amictus & circumdatus ea quæ no-

stra erāt per se patri obtulit, vt ipse patiens hominem patientem il-
 lesum redderet, & parua magni pensaret. Ecce vbi Magnus Atha-
 nasius duo dicit consideranda. Alterum quod ea quę nostra erāt,
 scilicet, pœnalitates, & moerorē, quia ipse pro se obtulit patri magni-
 fuerunt & inestimabilis valoris, cum tamen exit ipsis nullum habui-
 sent. Itaq. approbauit olim Athanasius, id quod postea explicatius
 dixerunt cum S. Th. graues theologi, videlicet, quid dignitas satisfaci-
 entis & offerentis pertinet ipsam oblationem & sanctificationem di-
 gnificat, iuxta suę dignitatis proportionem, ita quod persona christi
 infinita infinitum satisfactionis, & oblationis valorem, suis contulit
 humanis actionibus. Istam enim Emphasim habent illa verba, quę
 nostra erant, per se patri obtulit. Alterum verò quod dicit considera-
 tione dignum est, pretium a Christo exolutū tanti fuisse valoris, vt eius
 comparatione, debitum pro quo Christus soluit, paruum censeatur.
 Parua, inquit, magni pensaret. Certe si ex sola acceptatione dei hūc
 tantum valorem habuit pretium a Christo pro nostris peccatis exhi-
 bitum, satis improprie diceretur Christus pro paruis magna pendi-
 disse: cum reuera id quod ipse soluit, non solum maius non esset debi-
 to, verum neq. ipsi æquale, sed tota super abundantia & æqualitas ex
 ipsius dei, cui solutio pendebatur, misericordia & gratia proueniret.
 Ad eundem fere modum loquitur Cerylostomus hom. 10. in epistolā
 rom. inquit enim quod quemadmodum si quis in carceris custodia
 quempiam decem numos debentem conuiciat, nec ipsum solū, sed
 cū illo & propter illū simul vxorem liberos & famulos, veniat vero
 alius qui ipsam qui nō solū decem numos, & sed & innumera alia au-
 ri talenta largiatur, iam non poterit amplius fenerator decem numo-
 rum debitum exigere: ita & nobiscum factū est. Multo si quidē plu-
 ra quam debebamus Christus pro nobis soluit, tantq. plura quanto
 gutulam exiguā pelagus excedit imensum. Et alia subiungit Chry-
 sost. quę nulli pręstare legisse. Cōsentit huic modo dicendi ex chry-
 sost. relato, quod dicit Greg. Nazian. oratione. 42. vbi postquā multa
 retulerat miracula, ea pręsertim quę tempore passionis Christi con-
 tingere, videlicet, solis obscuritas, veli scissio &c. subiunxit prope ora-
 tionis finem, nullum tamen miraculum cum salutis mearū miraculo
 conferendum est, in quo exigua cruoris gutta orbem vniuersum in-
 staurauit, atq. idē, quod lacti coagulū, hominibus pręstiterunt, in unū
 nos coniungentes & cōstringentes. Ecce qualem, quantumq. effectū
 theologus hic magnus guttis cruoris dominici tribuerit. Inqua do-
 ctina ipsum videtur imitans Clemens. 6. incitata extrauag. Vnige-
 tus, cuius verba retulimus & expendimus dub. pręcedenti, cum de in-
 finitate diuinę satisfactionis loquebamur. Sed iam Proclum Episco-
 pum Cyzicum indeclamatione seu oratione de domini nostri Iesus
 christi

christi natiuitate, quæ in tom. 6. actor. cōc. Ephesi habetur, sic dicentē
audiamus. Brat itaque alterutrum duorum necessariū, aut vt omnes
propter condemnationem. præcipites abirent in mortem. (omnes. n.
peccauerant) aut certe, vt eiusmodi pretium penderetur, quod exactū
debito adiustitia amulim exquæret. At qui homo quod peccati
debito subiaceret, saluare se non poterat, Angelus vero, quo tantum
redemptionis pretiū ipsi non suppeteret, humanum genus redimere
nequibat, supererat igitur vt ille pro omnium peccatis moreretur,
qui nulli peccato obnoxius erat, atq. vnica hæc restabat mali solu-
tio. Hæc verba ponderatione non egent, sunt enim pro nostra sen-
tentia luce clariora. S. Cyrilus Alexand. multus est in hac veritate
docenda, millies enim contra Nestorium & Euthicetem hoc vtitur
argumento. Quod si Christus nō verus esset deus & hōmo insolutum
adhuc maneret humanæ redemptionis pretium, quia si verus hōmo
non fuisset, veraque humana non esset indutus natura, neque mere-
ri, neque satisfacere potuisset. Si verus autem non esset deus, imper-
fecta, & infirma esset eius operatio, neque pro tanto debito æquale
pretium potuisset exoluere. In libro ad Reginas, in cap. quod redem-
pti sumus per sanguinem Christi sic ait. Sed siquidem vt hōmo com-
munis intelligeretur Christus, quomodo corpus eius ad rependendā
omnem vitam sufficeret? &c. Appellauit ipsum Cyrilus christum hō-
minum communem, in eō sensu in quo Nestorius ita ipsum appella-
bat, non quidē quod gratia & sanctitate nō esset præditus, censuit. n.
Nestor, christum singularissimæ fuisse sanctitatis, & gratiæ. Sed quod
esset hōmo purus, ita q. verbum eius humanitati non esset hypostati-
ce vnitū. Vnde talis formatur ratio ex verbis Cyrilli desūpta. Si chri-
stus esset purus hōmo & excellenti singularissimaq. sanctitate præstās
Deo valde acceptus & gratus, nō sufficeret iuxta Cyrilli sententiā, hu-
manū genus reparare & redimere. Ergo neq. vlla creatura id posset
efficere, qđ tñ effecit Christ⁹, quia Deus est & hōmo. Qui totus hic dis-
cursus, in doctrina Cyrilli fundatus nequit, pcedere secundū extrinse-
cā Dei acceptationē, sed secundū valorē intrinsecum operationis ex-
hibiti, nā alias æqua fors esset puræ creaturæ, & Christi hominis Dei,
quia utriusque operationem posset Deus, vt voluisset, procumq. effe-
ctu acceptare. Similia repetit Cyri, eod. lib. c. quod mors Christi
fuit mundo salutaris, & in c. quod sanguis Christi fuit redemptio no-
stra, & in libro de incarnatione verbi, & vbiq. locorum siq. do-
ctrine. Cypria. in sermone de passione christi circa medium
ita inquit, cum originali morti nullum nisi in crucis morte potue-
rit esse remedium, nec reconciliare Deo potuerit exales, & dam-
natos quælibet solutio, aut oblatio nisi sanguinis huius singu-
laris sacrificii. &c. & paulo inferius, ornatissimis, magnificisq. verbis
explicuit ipsum humani generis vulnus nullo alio potuisse medica-

mento curari nisi sanguine Christi. Irenæus 3. lib. contra hæreses ca. 20. inquit, si enim homo non vicisset inimicum hominis, non iuste victus esse inimicus. Et fere statim, ait. Nisi Deus donasset salutem, non firmiter haberemus eam. Quibus & aliis multis, quæ ibidem subiungit, aperte docuit, quod ad redemptionem humani generis, non vi & potestate, sed secundum rationem iustitiæ faciendam, necessarius fuit redemptor, qui simul esset Deus & homo. Theodotus Ancyrorum Episcopus in oratione de natiuitate Saluatoris (habetur in appendice S. ad tom. 6. actio. Conc. Ephesini) loquens de dignificatione passionum & penalitatum Christi, quas simul cum humanitate absque vlla suæ maiestatis diminutione, magnaque cum earum gloria, diuinum verbū suscepit, aduersus Nestorium, & alios hæreticos arguens, sic ait. Sed hominis, inquis, o hæretice, passiones non præsumo Deo coniungere. Et mox subiunxit Theodotus arguens ob inuenientiam: ergo neque sanare eum passiones hominum dices, neque cruce expoliasse virtutem diaboli, neque nostrum peccatum adfixisse ligno, neque propriis passionibus sanasse hominum passiones, nec morte dices eum destuxisse mortem. Si enim non fecit Deus proprias passiones, vnde passionibus Christi tantarum correctionum sunt factæ virtutes, quomodo perempta esset morte mors, nisi Deus propriam eam fecisset. Sed istæ passiones propriæ factæ Dei virtutem tantarum correctionum ex diuinitate perceperunt. Et fere statim ait. Quomodo affixum est ligno quod contra nos erat peccati chirographum homine puro sustinente morte? quomodo autem crux peccatum crucifixisset, aut mors mortis tyrannidem destruxisset, nisi hæc facta fuissent Dei, & ab illo virtutem sumpissent propria faciente, quæ sunt nostra, non patiente eius natura? His & aliis quæ ibidem habentur constat ex mente huius grauissimi patris, humanas Christi actiones & passiones fuisse Theandricas, id est, Dei vitiles, vtramque vim, humanā & diuinam complectentes, quibus proinde perfecte fieri potuit, & ex toto rigore iustitiæ ipsa humani generis redemptio. Dionysius Areopagita, in Epist. 4. ad Caium monachum propter hanc geminam virtutem, qua Christi actiones pollebant, primus appellauit Theandricas. De quibus grauissime loquitur Concil. Lateran. sub Martino 1. consultatione 3. Can. 15. & Dam. lib. 3. de fide cap. 15. 17. & 19. quibus in locis docuit has Theandricas Christi actiones simulq. passiones nobis fuisse saluacres, propter prædictam vtramque quam imbibitam habent virtutem. D. Anselmus lib. 1. c. 24. & lib. 2. cur deus homo, c. 3. & sequentibus, ad eo sibi hanc nostram sententiam persuasam habuit, vt existimaret, non alio modo potuisse fieri humani generis redemptionem, quam Christi satisfactione & merito. Cui non admodum refragasse videtur Ricard. de sancto Viç. lib.

1. de incarnatione cap. 8. q. 5. verum hæc sententia ab vniuersis theologis reprobatur cum Magistro in 3. d. 20. qui in hac parte sequuntur Aug. qui lib. 13. de trinitate cap. 10. & sequentibus, magna doctrinæ copia exposuit, non defuisse deo alium, & alios, quam plures modos, quibus humanum genus posset reparare & ab originali culpa eripere, quamvis ex omnibus possibilibus conuenientior fuit is, quæ deus summa nobiscum misericordia, summaq. secum iustitia vtens, mirabili consilio adinuenit. Ista communis theologorum sententia adeo certa est, vt plusquam temerarium esset ob illa desistere, quod non est nostrum in præsentia probare. Probari solet efficaciter a S. Th. interpretibus 3. p. q. 1. a. 2. Id autem nostrum est hoc in loco animaduertere, quod cum sancti patres locis citatis, & alijs multis docent non potuisse constare humani generis redemptionem, & reparationem nisi satisfactionibus & meritis eius qui verus Deus esset & homo, vt Christus est primum totius religionis christianæ fundamentum, minime intellexerunt, non potuisse absolute fieri per aliud medium humani generis redemptionem, sed ex suppositione loquuntur, nimirum, supposito, quod Deus æterno suo consilio decreuerat, non potentia & vi hominem a dæmonis imperio & tyrannide eripere, sed iustitiæ efficacia & pretij valore. Auntyque patres, quod hoc diuino decreto supposito, nullus alius inpererat modus, præter hunc quæ deus assumplit ad iustam humani generis redemptionem: eo quod nulla creatura sufficiens pretium posset exoluere, aut Deo secundum æqualitatem pro offensa satisfacere. Quem sensum facile erit colligere ex Augustino loco nunc citato. Iuxta quem explicari poterunt Anselm. & Ricardus de sancto Vict. atq. itidē Fulgentius lib. de incarnatione Verbi. c. 4. vbi tantisper videtur fauere illi sententiæ, quæ ex Anselmo referebamus, sed loquitur sine dubio iste auctor ex suppositione prædicta. Qui & summa cum eruditione & doctrinæ copia hanc veritatem, quam aduersus Scoti, & Durandi. sentiam ex patrum monumentis deduximus, luculenter docet, & prosequitur.

Ex ista patrum doctrina vehementissime cōfutatur Durand. & Scoti sententia, quam fere omnes nominales sequuti fuerunt, qui aduertēte Michaelē de Palacios in 3. d. 20. disputatione secunda, omnes fuerunt in ea sententia, quod licet Christi passio, & ceteræ eius actiones magnam habuerint congruitatem, seu condignitatem, vt quidam eorum forte condignitatis termino abutentes dixerunt (nam condignitas apud ipsos nihil aliud quam congruitatem designauit cum secundum se quid maius importet) non tamen vel infinitatem, vel æqualitatem in ipsis christi operationibus agnouerunt, sed totū tandem satisfactorium negotiū, ipsamq. totam viam satisfaciēdi, & efficaciam, in christi reperiā operationibus, ad extrinsecam Dei acceptionem reuocant,

runt,

runt, quod sancti patres citati minime fecerunt, qui non solam congruitatem in ipsis Christi actionibus, sed veram condignitatem, id est, æqualitatem satisfactoriam, & meritoriam in eis fuisse constanter affirmarunt, & grauissimis attestationibus docuerunt. Vnde immerito hic autor eos excusauit, ob id quod ipsam Christi satisfactionē dixerint esse condignam: cum condignitas apud ipsos solam denotet congruitatem. Quæ in quo sita sit, vix adhuc mihi constat: nam rogarem ego ab Scot, eiusq. sectatoribus, quid intelligant per congruitatem illam specialem, quam in Christi operationibus comitantur: licq. ipsos vrgeo. Vel illa congruitas sumitur ex magna iustificatione gratiæ habitualis, supernaturalium, cælestiumq. donorū ipsam comitantium, vel ex dignitate personali, quatenus, videlicet, verus est dei filius, infinitæque maiestatis. Si primum dicant nihil reuera dicunt, quod non diceret Nestorius, qui illum hominem, quem ipse appellabat communem, & quasi deum ferentem, singularissimæ dignitatis esse prædicauit, secundum habitualis gratiæ, & supernaturaliū donorum prærogatiuam. Quam tamen gratiæ, & donorum excellentiam non sufficere ad humani generis redemptionem ex iustitia operandam, assenerantissime testati sunt omnes illi Ecclesiæ Patres, qui aduersus Nestorium disputauerunt, vt aliqua ex parte ex testimonijs a nobis adductis constare poterit. Et id quidem merito Patres dixerunt, quia talis excellentia, & gratiæ prærogatiua non excedebat limites puræ creaturæ.

Si vero ad personalem dignitatem referunt congruitatem prædictam, quid obsecro aliud erit hæc congruitas, quam specialissimus quidā satisfactorius, & meritorius valor ex infinita, & summa personę operantis dignitate ad ipsius operationis deriuatus, atq. idcirco hæc congruitas erit re ipsa condignitas, & æqualitas ad offensæ grauitatem. Nam vel grauitas offensæ infinita est infinitate desumpta a maiestate dei offensi, vt nos arbitramur, vel finita est simpliciter, & secundum quid dumtaxat finita, vt cum suis existimauit Scotus. Si infinita est offensæ grauitas, etiam erit infinitus satisfactorius valor operationum Christi: qua enim ratione infinita dignitas dei offensi grauitatem infert in ipsa offensa, eadem ratione infinita personalis dignitas & maiestas Christi satisfaciens refunder in eius operationem infinitum satisfactionis valorem. Quod si cum Scoto senseris peccati grauitatem simpliciter esse finitam: infinitam autem secundum quid, tunc facilius ad huc erit intelligere, quo pacto ille satisfactorius valor ex personali Christi dignitate desumptus æquali fuit grauitati offensæ. Quia sicut grauitas offensæ fuit secundum quid, & secundum extrinsecam rationem infinitam ob maiestatem dei per peccatum laesam, ita esset stultus, qui negaret, quod ex dignitate personali

sonali Christi, non refundebatur ad eius operationes similis secundum quid infinitas satisfactorij valoris, qui adæquaret infinitam secundum quid offensæ gravitatem. Igitur in quacumque sententia, siue gravitatem offensæ infinitam esse dixeris cum S. Tho. siue cum Scoto finitam, fateri oportet Christi satisfactionem vere ad æqualitatem fuisse, & citra omnem extrinsecam dei acceptationem, ex semet ipsa sufficientem, ad compensandum deo pro mortali peccato: atque adeo & ad ipsam generis humani reparationem.

Omnia argumenta, quibus præcedenti dubio probauimus infinitatem satisfactionis Christi, probant & eius sufficientiam, & æqualitatem, imo & super abundantiam ad satisfaciendum pro vniuersis hominum peccatis. Crediderim tamen multo esse certius, q̃ Christi satisfactio fuerit secundum se æquiualens, & condigna, quam quod fuerit valoris simpliciter infiniti, quoniam primum multo expressius asseritur a vniuersis Ecclesiæ Patribus. Vnde si libere licet loqui, & propriam proferre sententiam, ego existimarem eum non satis consentaneum ad sanctorum patrum doctrinam docere, qui huiusmodi æquiualentiam, & condignitatem Christi satisfactioni, & merito negaret, qui contrarium non vt probabilem opinionem, sed vt certam veritatem contra hæreticos Nestorianos, Euthicianos, & alios non semel ecclesiam docuerunt. Et illa extrauagans Clement. 6. superius citata, me in hanc sententiam vehementer impellit, vbi non solam condignitatem, & æquiualentiam, sed & infinitatem meritorum Christi expressam habemus. Quæ etsi non de omnimoda infinitate, sit necessario accipienda, eam tamen infinitatem in Christi satisfactione fateri nos cogit, quæ sufficiat eam constituere dignam, æquiualentem, imo & superabundantem, & quæ nos reddat securos inefficentiarum thesari ecclesiæ ex Christi meritis, & satisfactionibus constantis. Præterea, q̃ Deus Christi domini passionem, & sanguinem ad humani generis redemptionem assumpserit propter solam quandam congruentiam omni sublata necessitate, parum certe ipsam dei sapientiam in hoc tanto mysterio absconditam extollit. Quin & eam videtur deprimere. Nam quis sapientissimi, & prudentissimi consilij opus illud esse iudicauerit, in quo pretiosissimus thesaurus expenditur, cum alijs multo facilioribus medijs fieri posset & perfici, ob quandam tantum congruentiarum rationem. Certe cum Paul. ad Galat. c. 2. dixit, quod si ex lege iustitia Christus gratis mortuus esset, non ignorauit, posse nonnullam assignari congruitatem, ob quam Christi mors fuisset expediens hominibus, eorumque reparationi, & saluti, etsi lex iustitiam suis præstaret cultoribus, & obseruatoribus. In negotio ergo tanto non congruentiam solam, sed & necessitatem attendere oportet, alias Christus gratis mortuus esset. Et hæcenus dictum sit

ut de prioris nostre conclusionis sensu.

*gratiam sibi fecit ex pro-
prie, ut ex debito*

Ad posteriorem eiusdem conclusionis sensum necesse est nostra disputatione deueniat, quo statuebamus Christum sibi proprijs, & non ex gratia acceptis, neq. ex debitis alio titulo pro nostris satisfecisse peccatis, quę veritas magna ex parte constabit ex solutionibus argumentorum. Sed præterea nunc probatur breuiter. Christus satisfecit deo non solum ut homo, sed etiam, ut deus homo, sed hac ratione omnia sunt ei propria, nihil alicui debet, nullaq. ei potuit fieri gratia, nam licet Christi humanitas gratiæ sit, & beneficij suscipiendi capax: at deus homo incapax est cuiuscumque suscipiendę gratiæ: ergo, &c. Maior probatur. Christus est qui satisfecit pro nobis, nõ eius humanitas, at Christus quid aliud est quā deus homo: ergo, &c. Confirmatur. illo communi, sed non inefficaci argumento. Actiones sunt non naturarum, sed suppositorum: Ergo Christi satisfactio non ad solam humanitatem, sed ad eius suppositum est referenda, suppositum autem est ipsū diuinū verbū. Secundo probatur eadē veritas, vel satisfactio Christi, ipsiusque satisfactorius valor, ad solam eius humanitatē est referendus, vel et simul cū ipsa humanitate ad diuinū verbū: si ad humanitatē tantū referas. Ergo operatio Christi nõ fuit infinita satisfactio, neq. infinitū habuit satisfactionis & meriti valorē, humanitas nā quę quātūcūq. super naturalibus sit exornata donis, nõ pōt infinitatē huiusmodi suis operationibus tribuere, alias purus homo posset infinite deo satisfacere, quā nullus theologorū cōcedet, nisi qui ad illā impertinentē extrinsecam Dei acceptationem recurrunt. Imo & infero q. non solum nõ potuerit non esse infinita Christi satisfactio. sed neq. condigna, & æquiualeas, quia non habet illam dignitatem personalem per quam æquiualeat grauitati, quę ex infinita Dei maiestate læsa & offensa ad peccatum deriuatur. Namque si dixeris non esse necessariam eiusmodi æquiualentiam ex dignitate personę satisfaciētis desumpta, cōcedere teneberis aduersus sanctorum patrum doctrinam, quod purus homo potuerit æquiualeas & condigne, pro mortali peccato satisfacere, nam seclusa prædicta personali dignitate quā dicis necessariam non esse, totū aliud ad prædictā satisfactionem requisitū, fuit puro homini cōmunicabile. Si vero nõ ad solam humanitatē, sed simul ad diuinū verbū eius suppositum satisfactio Christi referatur, habemus intentum, nimirum, Christum ex proprijs, & alias indebitis satisfecisse.

Sed dicent forsan secundę sententię auctores, contra quam ista procedunt, quod Christi satisfactio non quidem est ad verbum referenda, sed ad humanitatem, non tamen nude consideratam, neque vero tantum prout eleuatam per habitualement gratiam, & super naturalia Spiritus sancti dona, sed ut gratiam, & Deo acceptam, atque itidē

san-

sanctificatam per gratiam vnionis. Quę sanctificatio & gratitudo nulli alia creaturę naturę competere potuit. Et ex hac vnionis gratia Christi satisfactio induebat quemdam peculiarem valorem, imo & infinitum, quem nulla pura creatura, idest, cui non sit personaliter coniunctus Deus, poterat suis operationibus tribuere. Vero similis apparet ista solutio, presertim si supponamus, id quod dicebatur superius, videlicet, Christi humanitatem ex coniunctione ad verbum quamdam moralis dignitatis infinitatem acquisisse, quę potest in ipsa personalis dignitas appellari. Nam quis vetat, quod hanc infinitatem humanitas christi ad suas operationes transiniscrit, ipsisque communicauerit.

Sed contra hanc solutionem sic arguo. Primo quia non videtur esse ad mentem patrum, neque eorum doctrinę contentanea, nam legenti testimonia paulo ante a nobis adducta constabit, quod redemptio, & reparatio generis humani non soli Christi humanitati a Sanctis patribus tribuitur, sed christo Deo & homini. Neque christi actionibus, pro vt a sola humanitate processerunt, accepta tribuitur humanę salutis operatio, sed quatenus fuerunt Theandricę, idest, hominis Dei actiones.

Secundo, si ad solam christi humanitatem eius satisfactionem reducimus, non possemus valorem satisfactorium simpliciter infinitum eis concedere, quoniam illa dignitatis infinitas quę competit humanitati ex coniunctione ad verbum, non est tanta, vt virtute præhabeat infinitum simpliciter satisfactionis & meriti valorem. Sed augeo, & explico vim huius argumenti in istum modum. Peccatum habuit offensę grauitatē (siue infinita fuerit simpliciter, siue tantum secundum quid) ex infinita Dei maiestate per ipsum peccatū iniuriose offensa derivatā: ergo necessaria est insatisfactio æquivalente & condigna, similis infinitas ex persona satisfaciente desumpta. Hanc autem infinitatem non possumus inuenire in christi satisfactione, si eā ad solam christi humanitatem referamus. Etenim dignitas humanitatis christi quantacumque sit, nisi simul includat diuinum verbū, non est tanta, quanta est dignitas maiestatis diuinę per peccatum offensa: Ergo oportet dicere quod ipse christus Deus homo vere satisfecit, & quod ex infinita eius dignitate satisfactio suscepit valorem, per quem sortiebatur æqualitatem ad offensam contra Deum, infinitamque eius maiestatem admissam. Neque quidquam retulerit dicere, quod dignitas in humanitate Christi participata tandem reducitur ad verbum cui hypostatice vnitur. Et ita valor satisfactorius ad ipsum quoque verbum tandem reducebatur: hoc, inquam, nō suffecerit ad euadendum facti argumenti vim, quoniam verbum re ipsa non satisfecit, iuxta istam sententiam, sed sola humanitas in verbo

sustentata, sicut cum aqua calida calefacit manum, ipsa aqua re verã nõ calefacit, sed calor in illa sustentatus, & si denominatio actiũ calefactionis aquæ tribuatur. Sed humanitas Christi non est tantæ dignitatis, quantæ est diuina maiestas per peccatum offensa: ergo satisfactio ex illa proueniens, non induit æqualitatem ad offensam diuinæ maiestati irrogatam.

Præterea contra secundam sententiam & in fauorem nostræ conclusionis sic arguitur. Illud fundamentum cui innititur prædicta secunda sententia, videlicet, non esse necesse quod actio christi humana procederet a supposito, sed satisfuerit quod ab ipsa procederet humanitate, falsissimũ est: Ergo tota illa sententia ruit. Probo antecedens, primo, ex illo axiomate vulgatissimo, scilicet, actiones sunt suppositorum, quod in doctrina Arist. non leue fundamentum habet, nã et si in primo lib. Meth. c. 1. tantum dixerit Arist. quod actiones sunt circa singularia. at in 2. lib. de anima & alijs in locis aperte dicit q natura non operatur, sed suppositum, & quod non operatur humanitas, sed homo. Secundo diuinum verbum supplet exactissime vicẽ humani suppositi, sed nulli dubium est, quim suppositum humanum operetur per humanitatẽ, & oppositũ dicens non est arguendus, sed irridendus: Ergo similiter fateri tenemur, diuinum verbum, prout est humanitatis suppositũ, uere operari humanas Christi operationes.

Confirmatur. Nam si verbum non vere humana opera per assumptam humanitatem operatur, non satis proprie conceditur, q deus ieiunauit, orauit, & alias huiusmodi pro salute nostra operationes exercuit, sed ampla quadam, & latissima acceptione hoc diceretur, sicut diximus aquam calefactam calefacere. Quod autem hoc non admitterent Sancti Patres, qui eorum dicta legerit cum de incarnationis sacramenti æconomia & dispensatione loquuntur, nullatenus poterit dubitare. Legatur S. Athanas. lib. de salutari aduentu christi contra Apolina. vbi non longe a principio causam christi aduentus inquirens, & reddens, inquit. Quia deus decreuerat ex plenitudine deitatis suæ, primi illius exemplarisque hominis informationẽ instaurare, & ex vtero virginis, nouam constituere in se ipso naturali genitura, & cõiunctione, quæ dolorem non haberet, vt salutis humanæ negotium absolueret, morte, & resurrectione hominum redemptionem perfecit. Notentur illa verba, ex plenitudine diuinitatis. Et qua obsecro ratione Patres grauissimi, & sapientes theologi christi operationes theandricas, id est, dei viriles appellari potuerũt, si re ipsa ab humanitate tantum, & non a verbo operante processere: Ergo vt rem in theologia certissimam statuamus non Cchristi humanitatem, sed ipsum Christum deum uerum & hominem nos redemisse, pro nobis orasse, pro nobis ieiunasse, pro nobisque & passum & mor

tuum fuisse. Quod non leui argumento confirmo. Christus vt deus & homo, mediator fuit dei & hominum, hoc enim designauit Paulus cū dixit. 1. ad Thymo. 2. Vnus enim deus, vnus & mediator dei & hominum christus Iesus, non solum dixit Iesus, quod sufficeret si ratione tantum humanitatis fuisse mediator, sed dixit Christus Iesus, ut designaret quod vt deus homo simul, quod importat illud nomen Christus, dei fuit & hominum mediator. Quod & ratione etiam ostendo, nam cum mediator sit veluti medium inter duo extrema, oportet vt cum vtroq. extremo conuenientiam habeat. Ergo vt Christus vere & proprie dei & hominum dicatur mediator, non debet solum ratione humanitatis considerari, sed etiam secundum quod diuinam includit personam. Ita quod in natura cum hominibus, & in persona cum deo conueniat. Et quidem si per solam humanitatem mediatoris constitueretur, creatura esset formaliter loquendo mediatrix, vel saltem esset tota ipsa mediatoris ratio, ab eaq. potissimum mediatoris officium penderet: quod nullo modo est cōcedendum, ex creatura enim, nequit sufficiens ratio ad mediatoris officium; de sumi, de qua re 3. p. q. 26. a. 2. vbi fortassis aliquis offendet in doctrina D. Th. existimans eius fuisse sententiā quam nunc impugnamus. Sed e contra res se habet, vt ex Caiet. ibi in solutione ad primū potest constare. Ex his autem omnibus sic arguo, Redemptio generis humana actio fuit mediatoris inter deum & homines: ergo fuit effecta b Christo pro vt includit naturam humanam, simul & diuinam personam.

Secunda Conclusio.

Non est improbable quod deus exul rectitudinis iustitiæ necessitaretur ad acceptandam christi satisfactionem pro nostris culpis oblatam, longe tamen probabilius est oppositum. Prior pars conclusionis, quæ vt superius adueri, quibusdā grauissimis placuit, probatur. Satisfactio christi, vt in primo dubio huius secundi art. in 2. conclu. diximus, includit formalem commutatiuæ iustitiæ rationem & rectitudinem: ergo respondet illi ex parte dei stricta necessitas acceptandi satisfactionem ipsam, Probatur consequentia, quia ratio iustitiæ commutatiuæ equalitatem in vtroque extremo ponit, ita quod si vnus dat quantū debet, alter acceptare teneatur, & debitū remittere.

Confirmatur, satisfactio christi non potuit simpliciter esse exactæ, & rigurose iustitiæ, si deus illam acceptare non tenebatur, sed ex gratia & misericordia acceptauit: ergo si verum est, christi satisfactionē exactam & rigurosam fuisse, consequenter fateri tenemur, deum non potuisse non acceptare.

Secundo probatur, Operatio satisfactoria christi & si materialiter
com.

comprehenderetur sub vniuersali iure & dominio dei, non tamen prout a verbo procedebat, quia verbū nullo præcepto, nullaq. potuit ratione obligari ad operandum, sed ex summa proprię voluntatis libertate se applicauit ad operandum per humanitatem: Ergo ex hac ratione potuit desumi perfecta iustitię ratio inter Christum & deum, quatenus id quod Christus dedit deo, non plene continebatur sub vniuersali ipsius dei potestate, & dominio.

Rationes istę probabilem efficiunt priorem huius secundę conclusionis partem. In qua non dicimus necessitatem acceptandi Christi satisfactionem provenire deo, vel ex fidei ipsius promissione, vel ex summa uoluntatum dei, & Christi concordia, quod dixerunt viri quidam doctissimi, ut superius retulimus, in cuius intelligentię defensione parum esset difficultatis. Sed diximus in nostra conclusione necessitatem illam provenire ex iustitię rectitudine. Neque diximus præterea deum teneri aliquo iustitię præcepto, nam illud esset omnino falsum, & absurdum. Nam diuina voluntas sicut nullum habet superiorem, ita nullo præcepto, nullaue lege potest constringi. Sed diximus ex iustitię rectitudine necessitari. Quod eo modo est intelligendum, quo dicunt theologi deum necessitari ad amandum semetipsum, ad non mentiendum, & similia, in quibus est intrinseca rectitudo, & bonitas: quę quidem necessitas non provenit ab extrinseca, sed ab intrinseca diuinę voluntatis rectitudine, etsi tanquam a conditione pendeat ab extrinseca iustitię rectitudine, quę reperitur in ipsis Christi operibus. Et quidem cum omnis humana Christi operatio, & omnis eius rectitudo sit tandem reducenda ad liberam Dei voluntatem, quę voluit verbum humanitati hypostatice vniri, tota necessitas, quę ex Christi operationibus ad Dei voluntatem inducitur, necessitas est ex suppositione, & ex ipsa Dei voluntate primam trahens originem, sicut dicebamus de necessitate, quę Deus tenetur suis stare promissis.

Præterea aduertendum est, quod hæc iustitię rectitudo, cui Deus necessitatur attendere, ad iustitiam commutatiuam spectat, iis tamē imperfectionibus sublatis, quę in nostra commutatiua iustitia reperiuntur. Nostra enim commutatiua iustitia consistit in æqualitate dati, & accepti, quę sane æqualitatis ratio non amulsi pensanda est inter Christum & Deum, deus enim nihil accipit quod ad eius emolumentum attineat, cum nullo egeat, nullumque in propriis bonis possit augmentum suscipere. Similiter nostra commutatiua iustitia mutuā constituit inter eos, in quibus reperitur, dependentiam, & quasi subiectionem, eo quod necessitas & obligatio quę quis alteri ex iustitia obligatur, eique tenetur, provenit ab extrinseco, id est, ex iudicis operis iusti ab alio exhibiti. V. c. qui ab aliquo emit equum, ex vi emptionis

prionis & venditionis, & ex utriusque traditionis equi tenetur pretiū repēdere, quæ obligatio cum ab extrinseco proveniat, est veluti servilis quædam subiectio. At necessitas qua Deus Christi meritum acceptare tenetur, non ab extrinseco provenit, ut dixi, sed ex summa voluntatis divinæ rectitudine, quæ proinde potius appellatur necessitas, quàm obligatio, & proprius dicitur Deum necessitari, quam teneri, ad acceptandam christi satisfactionem. His ergo & alijs similibus imperfectionibus sublati, quæ ex conditione subiecti in nostra commutativa iustitia reperiuntur, nulla improbabilitate dicitur, Deum necessitari ex rectitudine commutativæ iustitiæ ad acceptandum satisfactionem & meritum Christi: saluantur enim ibi ea quæ sunt necessaria ad commutativam iustitiam, scilicet, æqualitas rei ad rem, puta, satisfactionis ad offensam, & meriti ad premium, & æqualitas inter ipsas personas Deum, videlicet & christum, hæc dicta sint ad probabilitatem prioris partis nostræ conclusionis elucidandā & tuendam.

Verumtamen longe probabiliorē esse crediderim sententiam, quàm obligationem & necessitatem commutativæ iustitiæ omnino remouet a deo. Quæ sententia videtur esse consentanea doctrinæ S. Th. 1. p. q. 21. 2. 1. in qua de iustitia dei disputans, nullam in deo commutativam iustitiam agnoscit: & eiusdem videtur esse sententiæ 12 q. 114 a. 1. Et quidem licet S. Th. his locis non loquatur de iustitia dei, erga Christum, eadem tamen videtur esse ratio ad tollendam huiusmodi iustitiam a dei voluntate respectu cuiusvis creature. Duæ autem sunt rationes præcipuæ quæ me in hanc sententiā inducunt, quarum meminimus superius & earum solutionem ad hunc locum reposui: quæ iterum erunt necessario repetendæ, quia nova egent explicatione.

Prima ratio ad hoc reducitur, quod obligatio & necessitas commutativæ iustitiæ, subiectionē quandā inducit voluntati eius qui ex iustitia obligatur. At omnis subiectione divinæ voluntati repugnat: ergo &c.

Dicent contrariæ opinionis autores, quod necessitas voluntatis divinæ ad acceptandum Christi satisfactionem & meritum, ob id divinæ voluntati nullam subiectionem inducit, quia non ab extrinseco, sed ex intranea, & essentiali ipsius voluntatis rectitudine provenit. Sed aduersus hanc solutionem sic insto. Necessitas qua divina voluntas teneretur acceptare christi satisfactionem (si qua esset talis necessitas) oriretur ex æqualitate personæ satisfaciētis, & ex æquivalētia satisfactionis ad offensam, nec enim aliam rationem prædictæ necessitatis assignare valemus. Sed hæc necessitas quæ ex prima causa proveniret, posset forsā cēseri non ab extrinseco, quia æqualitas Christi ad deū est oīno ipsi deo intrinseca, & secūdū essentialē idēitatē. At necessitas ex secūda rōe desūpta, esset sine dubio ab extrinseco: operatio. n. christi & oīs eius satisfactorius valor extrinsece se habēt ad deū

nam

nam satisfactio cum omni suo valore quid creatum est: ergo &c. Cōfirmatur. Si necessitas acceptandi satisfactionem christi ad ordinem iustitiæ commutatiuæ pertinet, vt asserit contraria sententia: Ergo fundatur in ipso satisfactionis valore, quatenus æquiualentiam constituit inter satisfactoriam christi operationem, & offensam deo irrogatam, & hoc quidem non solum tanquam inconditione requisita, sicut dicimus de necessitate adimplendi promissionem, quæ postulat, vt conditionem quandam requisitam, illud opus quod ipsa dei promissio ad sui ad implementū postulauit, sed tanquam in formali ratione. Nam formalis commutatiuæ iustitiæ ratio, quæ in satisfactione reperitur, per se, & formaliter requirit huiusmodi æquiualentiam: Ergo prædicta necessitas, si ad iustitiam commutatiuam pertinet, ab extrinseco pendet.

Confirmatur secundo, supposita contrariæ sententiæ veritate vera esset hæc causalis, quia Christus est æqualis Deo, & ei obtulit satisfactionem condignam, & æquiualentem pro offensa, necessitatur Dei voluntas ad eius satisfactionem acceptandam. Ergo necessitas diuinæ voluntatis pendet ab extrinseca christi satisfactione tanquā a sui causa. Probo antecedens, quia si illa causalis non est vera, nulla ratio esse potest, propter quam necessitas diuinæ voluntatis acceptandi satisfactionem ad rationem iustitiæ attineat.

Secunda principalis ratio pro nostra sententia ea est, quod licet valor satisfactorius operationis christi præcisse consideratus, vt pro eedit a verbo, siue ab eius libera voluntate, siue ab infinito eius esse, non sit debitus Deo alio quouis titulo, neque sub sit vniuersali dominio dei, & ob id Christus dicitur ex proprijs & alias indebitis satisfecisse, absolute tamen & secundum omnem suam entitatem est ipseus dei, & sub eius amplissimo dominio & iure clauditur. Itaque in illo temporis, vel naturæ instanti quo intelligitur productus extra suam causam, intelligitur simul comprehendī sub vniuersali dei dominio, eo quod est ens creatum, & participatū a diuino esse: ergo exhibitio huius satisfactionis, huiusque satisfactorii valoris non potest inducere iustitiæ obligationem, seu necessitatem in deo acceptandi ipsam christi satisfactionem. Patet consequentia, quoniam totum id quod datur deo per huiusmodi satisfactionem est ipseus dei, atque adeo satisfaciens, re ipsa, nihil dat deo, quia id quod dat, ad dominum dei alio titulo pertinebat, quatenus, videlicet, est ens creatum.

Argumenta quibus probauimus priorem huius conclusionis partem, suis egent solutionibus, vt hæc pars posterior firmior maneat, & omni ex parte stabilita.

Primo igitur argumento respondeo, quod sicut dicere solent metaphysici. lib. 5. metaphys. & ad longum tractauit Caiet. 1. p. q. 13.

2.7. in relatiuis, quando extrema non sunt eiusdem rationis, sed vnū per se pendet ab alio, & non e contra, vt scientia pendet a scibili, & nō scibile a scientia, & creatura a creatore & non e conuerso, relatio, q̄ fundatur in illa dependentia vnius extremi ab alio, est realis ex parte extremi dependentis, & ex parte alterius extremi est relatio rationis, & ita se habent omnes relationes, quæ reperiuntur inter deum, & creaturas: ad eundem modum in præsentia dixerim, q̄ propter dei excellentiam, & vniuersale dominium, quod habet supra creaturas omnes, non inconuenit quod ex parte Christi, quatenus offert satisfactionem creatam deo, reperiatur ratio pertinens ad commutatiuā iusticiam, eo quod eius satisfactio æquiualens est offensæ, & ipse Christus est æqualis deo, ex proprijs & non ex alienis satisfaciens, & nihilominus quod ex parte alterius extremi, scilicet dei, nulla respōdeat iusticiæ obligatio, eo quod id, quod ei datur in cōpensationē pro offensæ, eo ipso quod ponitur in rerum natura extra suas causas, pertinet ad ipsius dominium, etiam si neq. a Christo, neque ab alio ei offerretur. Vnde re ipsa nihil deo datur.

1. Scio quod nonnulli graues theologi, non libenter acquiescent huic nostræ solutioni, eo q̄ existimant non posse constitui commutatiuā iusticiā in vno extremo, quin constituatur in alio. Sed huius ipsorum opinionis ego nullam video necessariam rationem & causam. Verum si quis obnixè contendat eorum opinionē nostra esse probabiliorē, vt ei morem geramus, possemus explicare id quod diximus in secunda conclusionē primi dubij huius secundi articuli, in hunc sensum. Quod ob id diximus in actu satisfactionis Christi formale repereriri iusticiæ commutatiuæ rationem, quia quantum est ex se & pro ut a Christo satisfaciente procedit, habet omnia, quæ requisita sunt ad inducendā iusticiæ obligationem in altero extremo, quam tamen non inducit de facto propter eius excellentiam, quæ ipsum reddit in capax totius obligationis, & propter illud vniuersale dominium dudum a nobis expositum, quod habet super res vniuersas. Et quoniam ratio illa non videtur pertinere ad aliam virtutem, quia nulla alia virtus est quæ prædictam constituat & attendat equalitatem, id circo illā reduximus ad commutatiuam iusticiam.

Ad cōfirmationē rñdetur ex his, q̄ nūc dicebā q̄ christi satisfactio dicitur ex iustitia rigurosa et exacta, quia hēt secūdū se oīa requisita ad inducendā iusticiæ cōmutatiuæ obligationē, q̄ si nō inducit, nō est ex defectu eius, sed ex sūma dei excellētia ob quā nulli obligari pōt. Secundo argumento, facile etiam respondetur ex his quæ paulo superius diximus, nimirum, quod si Christi satisfactio cum suo infinito valore tantum consideretur, pro ut exit a diuino verbo, & prout ab ipso infinitatem sortitur, nulli est debita, neq. ipsi etiam deo, quia

verbum nihil debet deo, neque vlla obligatione teneatur suam personalem dignitatem alicui operationi communicare, & hoc est satis, ut illa operatio satisfactoria, considerata præcise prout a suo egreditur principio, habeat omnia necessaria, ut ingreditur formalem iustitiæ commutatiuæ rationē. Tamen hoc ipso quod verbum in aliquo exit actionem, suam quæ illi dignitatem, suamq. valorem communicat, constituit eam cum omni communicato valore, sub vniuersali dei dominio & iure, atq. deo eo ipso quod illa actio est producta, sit inepta, & improporcionata ad inducendā iustitiæ obligationē in deo. Et ex hoc possemus aliam intelligentiam de sumere ad id quod diximus in Christi satisfactione reperiri formalem iustitiæ commutatiuæ rationem, potest namque dici, quod si satisfactio Christi consideretur pro ut exit a suo principio, nimirum, a Christo deo homine, habuit totum requisitū ad formalem rationem commutatiuæ iustitiæ. Cæterum si consideretur in facto esse, deest ei vna ex conditionibus necessariis nimirum, quod ita fiat ex propriis satisfaciētis, quod nō sit omnino sub plenario iure & dominio eius cui fit satisfactio. Nam si mente fingamus, quod aliquot bona pertinent ad plenarium dominium duorum hominum, ita quod totaliter sint vnius & totaliter alterius, bona huiusmodi non essent apta & proporcionata materia, ut vnus illorum possit alteri ex illis bonis satisfacere pro aliquo debito, quia re vera nihil illi dat cum eiusmodi bona tribuit. Nam cum is cui soluitur debitum, haberet antea plenum dominium, & ius illorum bonorum, nihil reuera de nouo accipit, nihilque proinde illi datur. Quod si hoc non est certum inter hos duos homines, quia posset quispiā dicere, quod is cui fit solutio, & si non acquirat de nouo simpliciter illa bona, acquirit tamen nouum titulum, & nouo proinde titulo fiunt ei propria, pluribusque deinceps titulis eorum habet dominium at in deo illud quod diximus videtur esse certissimum. Quia nullum potest nouum titulum acquirere, neq. ex nouo titulo potest crescere eius dominium & ius circa aliquam rem creatam, propter eius dominij & iuris amplitudinem & vniuersalitatē, quæ nulla ratione potest crescere. Sed de hac re iterum redibit sermo inter soluenda principalia argumenta huius tertij dubij. In quibus soluendis & enodandis deinceps insudabimus.

Ad primum igitur principale argumentum Respondetur, illū Pauli locum varijs expositionibus gaudere. Et primo quidem, haudquam existimandum est quidquam Christi passioni defuisse, quod ex parte ipsius ad redemptionem, & salutem nostram fuerit necessariū. Et oppositum asserere sacrilegum esset, blasphemum, & plane hæreticum, de qua re legatur Osius Card. tractatu de satisfact. cap. 48.

Sicq. prima illius Paulini loci intelligentia, quod defectus passionis

num Christi, non ad ipsum Christum referatur, sed ad Paulum. Non enim absolute dixit, quæ defunt passionum Christi, sed addidit, in carne mea. Ita q. & adimpletio, & defectus passionum christi, ad carnem suam reulit Paulus. Est igitur sensus, adimpleo in carne mea, quæ in ea defunt passionum christi. Hæc intelligentia colligitur ex S. Hieron. ita dicente, ubi versat illum locum Pauli. Vtique adeo presentibus non terreor persecutionibus, ut mihi parum esse videatur quod patior, quo ad vique in me passio impleatur, sicut ad Hebr. 10. dicit Paul. ut non fatigemini animis vestris deficientes: nondum enim vique ad sanguinem restitistis. Suffragatur eidem interpretationi Remigius ita inquiring, adimpleo illas passionēs quas Christus pro nobis est passus, quæ defunt in carne mea. Christus passus est verbera, contumelias, & terrores. sputa, collaphos, mortem, & ego quotidie quantum valeo, suppleo in carne mea huiusmodi passiones, scilicet, quod hæri minus fuit in me de passionibus, hodie satago in me ad implere. Et quod hodie est minus, cras supplebo. Et hoc totum factio pro corpore eius, quod est Ecclesia, formando, scilicet, ut dem alijs exemplum fidelibus similiter patiendi pro Christo capite suo.

Secunda interpretatio est, quod passiones quæ adhuc restabāt Paulo, & supererant tolerandæ pro Ecclesiæ utilitate, eatenus passiones Christi appellavit Paulus, & ipsi Christo deesse dixit, quatenus passiones & persecutiones quas ipse in opere Evangelicæ prædicationis tollerabat, non proprio nomine, sed nomine Christi id faciebat, vice & autoritate Christi Euangelium prædicans, & spiritualibus Ecclesiæ insistens commodis. Itaque Christus, & Paulus ac cæteri ecclesiæ fundatores Apostoli vnum constituebant, eo quod pro Christo sufferenti erant in ecclesia, Paulus & reliqui Apostoli ad ædificationem corporis Christi, quod est ecclesia. Nam ubi est vnum propter aliud, ibi censetur esse vnum tantum, ut Aristotelica habet regula. Vnde passiones illæ quæ restabant sustinendæ a Paulo & ab alijs, ecclesiæ christi fundatoribus, nō inmerito dicebantur deesse christo. Late potestatur Athanasius hanc interpretationem inter alia multa hæc dicens. Neq. secus se hic habet Apostolus, atque faceret miles quispiā præfecti loco relictus, qui instatibus inimicis vicem absentis gerens, credidit sibi phalangē pugnando acrius, & tuendo ut Principis locum seruet, & vulnera principi debita ipse ultro excipiat. Lege alia multa quæ magna cū eruditionis copia S. Atha. super hūc locū Pauli psequitur.

Ad hanc interpretationē reducit illa, quæ habetur in glosa ordin. quæ passiones a Paulo tolerandæ: ob id christi passiones esse dicit, quia Paulus ex præcepto Christi eas pro ecclesia tolerabat, & in ipsam ad implemento persistebat.

Tertia interpretatio est, quod quia Sancti sunt membra perfe-

de vnica Christo capiti, id circo eorum passiones dicuntur passiones Christi, iuxta eam loquendi phrasim qua Christus Saulo ecclesiā persequenti dixit act. 9. Saule Saule quid me persequeris? id est, quid persequeris corpus meū, & membra mea. Vnde passiones quæ a Sanctis viris tolerandæ supererant, dicuntur a Paulo deesse passionibus christi. Ita interpretatur Sedulius, Lyranus, & alii non pauci. Et ad hanc interpretationem reduci poterit, eaque super hunc locum. S. Th. adhibuit, videlicet, q. passiones sanctorum, quæ Christi passiones a Paulo vocantur, ob id dicebantur deesse, quia satisfactiones sanctorum, quæ ipsorum exuperant debita, reponuntur in ecclesiæ thesauro simul cum meritis Christi pro spiritali totius ecclesiæ utilitate. Et quia satisfactiones istæ deerant adhuc ecclesiæ thesauro, idcirco Paulus dixit, aliquid adhuc deesse passionū Christi, quod ab ipso & a cæteris sanctis ad implendū erat pro corpore ipsius Christi, quod est ecclesiā. Hanc. S. Th. interpretationem acius quam par erat carpit Adamus super eundem Pauli locum, quia certe nihil habet improbabilitatis, quin potius est satis pia ad eā catholicā doctrinā de thesauro ecclesiæ veritatē confirmandam, quæ in sæpe citata extrauaganti Vnigenitus habetur definita.

Quarta deniq. explicatio est ea, quā psequitur Adamus ex Theodoro desumptā, nimirū q. Paulus dixit se adimpleturū ea q. deerat passionū Christi, quatenus cōstanti aīo in toto orbe prædicaturus erat gētibz euangeliū, q. sanæ prædicatio restabat faciēda post Christi mortem Apostolorum ministerio; quæ proinde deesse a Paulo dicitur. Et ob id euangelicam prædicationem Passiones christi appellauit Paulus, quatenus & in Christo primo euangelij prædicatore, & in Apostolis eius nomine & vice prædicantibus, multarum fuit passionū occasio, Vtiturq. proinde ea loquendi phrasī Apostolus, qua nomen effectus eius causæ solemus tribuere. Et hæc interpretatio valde, ni fallor, textui quadrat. Legatur Theodoretus, qui eā, & erudite & late prosequitur. Et hætenus de primo argumento.

Ad secundum argumentum multa essent dicenda, nisi circa finem conclusionis secundæ huius dubij, inter soluendum quodam secundū argumentum, non ea dixissemus ex quibus facillime colligi potest huius argumenti solutio, & ipsa nostræ mentis, nostræque doctrinæ intelligētia. Vnde breuiter dico, Christū ex pprijs satisfecisse si eius satisfactoria operatio cū oī suo personali valore cōsideretur præcise, prout ab ipso Christo egrediebatur. Nam sicut ipsius Christi, & diuinæ eius voluntatis, nullus habebat neque habet dominium: ita neq. operationis eius ac satisfactorii valoris prout ab ipso, ab eius infinito esse, & a diuina ipsius voluntate procedebant, nullius subiacebant dominio & iuri. Atque adeo Christi satisfactio sub hac tantum ratione

tionē cōsiderata perfectam sortiebatur iustitiæ rationem, quā tamen habere non potuit cōsiderata ipsa Christi actio infactō esse, propter rationem in solutiōe citata a vobis assignatam. Quam & insinuauimus in hoc argumēto secūdo, cuius incūbimus solutiōi.

Sed est hoc loco obseruandum, quod cum satisfactiō formaliter in ratione satisfactiōis cōsideretur potius secundum quod egreditur a satisfaciente, quam prout est operatio infactō esse constituta, idcirco absolute concedi debet Christum satisfecisse ex proprijs, & ex his quæ nullius subiacebant domino & iuri. Itaque cum Christus seipsum deo exhibebat humilem, seu obedientem, vt sua humilitas & obedientia compensaret Deo pro offensa, quam superbus & inobediens Adam ipsi deo peccando irrogauerat: Christi humiliatio non tam cōsiderabatur in ratione cuiusdam rei creatæ, & in rerum natura existentis, quam in ratione cuiusdam actiōis vt ab ipso Christo egredientis, & per quam seipsum deo submittebat & humiliabat. Et similiter de obedientię actu dicendum est.

Sed & illud est præterea summopere animaduertendum, præcipuaque obseruatione dignum, quod licet actiō humilitatis, seu obedientiæ, sub vniuersali dei iure & dominio cōprehendatur, nō tamen ipse Christus simpliciter loquendo, eo quod est verus deus. Et quoniā, vt explicuimus dub. præced. Christi satisfactiō ob id infinita fuit, & ad æqualitatem satisfactoria, quatenus quasi reflexebatur supra ipsum Christum prout, scilicet, Christus seipsum deo subiiciebat, & humiliabat: Idcirco Christi satisfactiō ea ratione qua infinitatem habuit, non fuit debita deo nec sub eius dominio contenta. Nam licet tota entitas humiliationis Christi qua se Patri humiliauit, pertineret ad ipsum dei ius, & dominium: ceterum non erat debita deo illa reflexio supra personam Christi, ita quod Christus seipsum patri humiliaret. Non negauerim quod Christus, prout homo, teneretur se eorā deo humiliare, seque deo submittere, nam hoc libentissime cōcedo, qua ratione Christi humiliatio, etiam in ratione humiliationis, ac submissionis, & debita fuit deo, & sub amplissimo eius dominio comprehensa. Afferō tamen, quod quatenus humiliatio Christi, non in sola eius humanitate deo humilianda & submittenda lissebat, sed ad ipsum humanitatis suppositum, puta, diuinum verbum transibat, neque debita deo fuit, neque sub eius ditioni, & dominio contenta. Et quoniam totum suū satisfactorium valorem, & ex illa extensione ad diuinū verbū accepit ipsa Christi humiliatio, idcirco absolute latere debemus, quia rōe fuit satisfactiō infinita, infinitoq; præstās valorem, ex proprijs fuit & ex alijs indebitis. Quocirca duplici titulo Christi satisfactiō fuit ex proprijs & secundū q̄ procedebat a Christo, vt est deus homo, & quatenus reflexione prædicta supra verbum humanitatis suppositum

positū reuertebatur, ipsū humiliando & submittendo maiestati diuinæ, qui duplex titulus abunde sufficit, vt absolute dicamus christum ex proprijs satisfecisse Deo.

Ex his sequitur solutionem inter arguendum assignatam sufficientem esse & legitimam, si iuxta expositum à nobis modum intelligatur. Et prima replica quæ aduersus ipsam inter arguendum obieci-mus, facilem ex ante dictis solutionem habet, tantum enim probat, quod satisfactio entitatie considerata, & secundum quod à christi humanitate procedebat, & supra ipsa reflectebatur, debita erat deo, & sub eius iure & ditione comprehensa, qua ratione neque fuit ex proprijs nec valoris infiniti, secus est autē vt procedebat à verbo humanitatis supposito, supra ipsumque reflectebatur. Vnde infinitum satisfactorium sortita fuit valorē, qui sane valor entitatie sumptus etiam fuit sub vniuersalissimo dei dominio constitutus: dependebat enim a deo, & prout à conseruante christi humanitatem, ac substantiam eius actionis in qua suscipiebatur, & vt a principio efficienti, & conseruanti hypostaticam vnionem verbi cum humanitate: nam his duobus sublatis necessū esset, vt totus euanesceret satisfactionis christi valor. Ceterum consideratus per respectum ad suppositū, a quo procedebat, & supra quod ipsa satisfactio, vt diximus, reflectebatur, nō magis pertinebat ad dominium dei, quam ipsummet humanitatis christi suppositum.

Ad secundam replicam, autores illius secundæ sententiæ, quam veluti mediam inter duas extremas retulimus, concedunt Christum tantum vt hominem, id est, secundum humanitatem, Deo satisfecisse, & si satisfactio ipsum quoque suppositum denominet, satisfaciens, eo quod humanitatem satisfacientem sustentat. Verum hic modus dicendi reprobatus fuit a nobis circa secundū sensum primæ nostræ conclusionis. Vnde cum communiore theologorum sententia dico, q̃ Christus satisfecit in quantum Deus, & homo collectivē. Ita quod substantia satisfactionis ab humanitate, infinitus autem eius valor a diuino sumebatur verbo. Humanitasque erat formale principium satisfactorium, seu vt alijs verbis, principium. Quod verbum autem principium, quod.

Sed dicet quispiam, verbum in satisfactione tantum concurrit vt humanum suppositum, & non vt diuinum, sed vt suppositum humanum, nec est Deus, neque valorem tribuit operationi infinitū: ergo Christi satisfactio nō habuit infinitatē ex principio, a quo processit.

Respondetur primo, quod etsi formaliter diuinum verbum, non concurreret ad operationē Christi satisfactoriam prout erat Deus, sed vt erat suppositum humanum dumtaxat, non tamen inde tollitur valor satisfactionis infinitus. Nam satisfecit quod materialiter & secundum

condum rem, ipsum humanum suppositum verus est deus. Si quidē valor iste physicus esset, conuinceret forsitan illud argumentum, nam tota physica effectus perfectio prouenit, non ab eo quod tantum concurreat materiale subiectum sicut aqua in calefactione manus quæ a calore ipsius aque calefit, sed prouenit a principio quod vere, & foris mali quodam modo ipsius effectus productionem attingit, verum, ut diximus superius, valor hic, physicus non est, sed moralis, qui proinde ab ipsa materiali humani suppositi dignitate desumi potuit. Ecce enim æstimatio moralis non solum attendit ad formalem operandi rationem, sed ab ipsa etiam materiale operantis dignitatem.

Respondetur secundo, quod diuinum verbum secundum quod est suppositum humanum, duo essentialiter importat, scilicet, esse suppositum, & esse humanum, quod sit humanum, habet ab humanitate, quæ supponit & terminat, in qua ratione conuenit cum supposito humano creato. Quod vero sit suppositum, nequaquam ab ipsa humanitate desumit, sed ex seipso habet: propria enim ac diuina personaritate terminat humanitatem, supplens vicem humani suppositi, quæ ratione, potest quoque aliquo modo humanum suppositum appellari: implet enim totam capacitatem quam humanitas sua natura hêt respectu personaritatis propriæ, totumque eius proinde appetitum satiat. Secundum ergo utramque istâ rationem, & qua suppositum, & qua humanum, per modum vnius sumptam, concurrat diuinum verbum ad humanas Christi operationes, ac proinde verissime dicitur, quod ab ipsodiuino verbo, quatenus per modum suppositi humanitatis ad humanas Christi operationes elicitue concurrat, ipsas dignificat & eleuat, atque infinitum satisfactionis & meriti eis valorem cōfert. Estque hoc loco obseruandum, quod, etiam in ea ratione qua verbum est humanitatis suppositum, claudatur intrinsece totum id, quod in ipso ad diuinum pertinet suppositum, nihilominus prout est suppositum humanum ratione differt a se ipso, prout est suppositum diuinum. Quia includit aliquid, ut humanum, quod non pertinet ad ipsum, ut diuinum, nempe terminare, & personaliter ipsam complere humanitatem.

Ad tertiam replicam respondetur primo, quod infinita virtus diuini verbi, ex qua derivatus fuit infinitus satisfactorius valor ad Christi operationem, ita est toti terminari communis, quod singulis personis est propria, in hoc sensu quod conuenit illis naturaliter, & extra dependentiam vnius ab alia, quod satis est, ut Christus dicatur ex propriis satisfecisse, nam satisfecit ex virtute & dignitate, quæ sibi naturalis est & intrinseca, & in qua a nullo pender. Hæc solutio quibusdam apparet sufficiens, verum mihi plene non satisfacit, quia per hanc solutionem, non euadit illud inconueniens, scilicet, Chri-

stum satisfecisse ex his quæ simpliciter, & omnibus modis, & secundum eandem omnino rationem communia sunt satisfaciendi, & ei cui fit satisfactio, quod citra dubium non modo perfectam, verum essentialem aufert satisfactionis rationem. Quoniam satisfaciens cum ex ita communibus satisfacit, reuera nihil dat ei cui satisfacit, nec etiam nouum titulum ad rem quam prius habuerat, Quo circa secundo respondetur illi tertiæ replicæ, quod licet infinitus satisfactorius Christi valor delumeretur ex infinita dignitate & virtute dei, quæ toti est trinitatæ communis, non tamen delumebatur ab illa ut communis est, sed tantum prout pertinet ad personam verbi, quatenus est vna persona ab alijs duabus realiter distincta; quæ res ex eo fit manifesta, quod verbum non conferebat per se primo valorem infinitum operationi Christi, prout deus est absolute, sed prout tale suppositum est, personaliter terminans humanitatem, & simul cum illa humanas efficiens, & eliciens actiones. Quæ ratio non communis est toti trinitati, sed soli verbo specialissima, ut nos docet catholica fides, qua tenemur credere, solum verbum carnem factum esse, plenumque gratiæ & veritatis habitasse nobiscum. Et quod ipse solus dei filius homo factus interris visus est, & cum hominibus conuersatus est, cum hominibus operans, cum hominibus laborans, cum hominibus demique & pro ipsis hominibus patiens ac moriens.

Sed arguit quispiam. Ex hac solutione satis probabiliter colligitur, Christum ex rigore iustitiæ potuisse quidem satisfacere alijs duabus sanctissimæ trinitatis personis patri & Spiritui sancto, imo & ipsi deo ut tribus personis communi, eo quod valor satisfactorius operationum christi, non sumebatur a diuinitate ut communi tribus personis, sed præcise ut pertinet ad verbum. Ad eum modum quo generare filium soli diuino patri competit, eo quod essentia non est principium formale generandi, nisi prout est in patre, & prout est coniuncta paternitatis relationi, & non absolute ut est tribus sanctissimæ trinitatis personis communis. Cæterum non potest ex illa solutione verosimiliter inferri, quod christus satisfaceret diuino verbo, cum ab ipso secundum peculiarem verbi rationem sumatur totus satisfactorius valor. Atque adeo nulla ratione euadimus illud inconueniens in tertia replica insinuaturn, videlicet, quod satisfactio fit ex his, quæ sunt satisfaciendi, & ei cui fit satisfactio communia. Ac fateri tenemur christum sibi ipsi, prout est diuinum suppositum satisfecisse, ut constabit legenti ea, quæ in primo dubio huius secundi articuli diximus. Ergo insufficiens est ista secunda solutio.

Possset huic obiectioni responderi, ea quidem sufficienter probari, quod christus non potuit per se primo & immediate diuino verbo satisfacere, secundum iustitiæ rigorem (licet posset, ex iustitia non rigurosa)

gurosa) potuit tamen mediate, & inadæquate, vt de facto satisfecit. Diximus enim in 1. dub. huius art. quod Christi satisfactio immediate facta fuit deo, vt deo, cuius maiestas fuit per se primo per peccatū hominis offensa, & quasi secundo, & mediate tribus ipsis diuinis personis. Neque enim inconuenit quod satisfactio fiat ex bonis quæ sunt communia satisfaciendi, & ei cui secundo mediate & inadæquate fit satisfactio. Et ad hoc intelligendum & aliquantisper elucidandum, quamplurimum nobis deseruire poterit illud simile de mercatore qui in duabus societatibus partem habet, & prout est pars vnius satisfacit sibi ex bonis quæ habet prout est pars alterius. Legatur quæ diximus de hoc simili in predicto dubio primo, & huic loco applicentur. Et ista quidem, ni fallor, sufficiunt, ad tuendum eū satisfactionis modum, qui de facto contigit, ac rigurosam eius & exactam iustitiam.

Verum si ulterius velit quispiam defendere, quod etiam si Christi satisfactio immediate fuisset facta verbo, esset nihilominus rigurosa & perfectæ iustitiæ sicuti modo est, alia via tenetur procedere, quæ minime sufficit præfata solutio, Vnde tandem dico, quod quia, vt in illo primo dubio citato dicebamus, verbum prout est humanitatis suppositum, ratione differt a seipso prout est suppositum diuinum, commodè potest intelligi, quod satisfactorius valor operationum Christi sumatur a diuino verbo, prout est suppositum humanum, & qua ratione satisfaciens est: & non ab eodem verbo prout est diuinum suppositum, & qua ratione ei fit satisfactio. Atque adeo quod satisfactio non fiat ex bonis, quæ satisfaciendi, & ei cui fit satisfactio communia sunt, secundum eam rationem qua sunt eis communia.

Ad cuius intelligentiam aduertendum est, quod infinitus satisfactorius valor ex supposito desumptus duo inuoluit: & quod sit valor infinitus infinitæquæ æstimationis, & quod sit satisfactorius, Et quidem hoc secundum determinat primum: contrahit enim infinitatē valoris ad determinatam rationem, & speciem, nimirum, satisfactionis. Secundo est notandum, quod infinitus valor quem Christus satisfaciens obtulit Deo pro offensa in eum admissa, non fuit qualiscunque valor, sed valor satisfactorius, id est, contractus ad hanc rationem & speciem valoris moralis, scilicet, ad speciem satisfactionis. Itaque ad fundandam rigurose iustitiæ rationem in Christi satisfactione, formalissime debet considerari infinitas valoris sic determinata & contracta: alias enim, non habebit formalem proportionem, & correspondentiam ad offensam & iniuriam in cuius compensationem offerabatur. Quibus suppositis dico, quod valor ille si in ratione præcise valoris infiniti consideretur, tantum desumeretur a verbo, vt est diuinum suppositum, at consideratus cum determinatione

prædicta, impossibile est, desumatur a verbo, nisi prout est suppositū humanum, includens illam utramque humani suppositi rationē, paulo superius a me expositam. Nā sicut substantia satisfactionis in operatione Christi nequit formaliter desumi a natura Christi diuina, sed ab humana duntaxat, ita illa conditio & contactio valoris, ex diuino verbo desumpti, non potest præcise referri ad verbum ut diuinū, sed formaliter oritur a verbo, ut indult humani suppositi rationem. Quare absolute concedendum est Christum non satisfacere ex bonis ipsius creditoris, seu quod idem est, eius, cui fit satisfactio, sed ex bonis ipsius satisfaciens, prout satisfaciens est. Quoniam verbo diuino non fit satisfactio, neque fieri poterat, prout est humanum suppositum, nam ut sic non fuerat per peccatum offensum, sed ea tantum ratione, qua est suppositum diuinæ naturæ, id est, prout terminat naturā diuinam, cuiusque diuinas operationes efficit & operatur. Secundum quā rationem, non potuit a verbo desumi valor satisfactorius infinitus, qui in Christi satisfactione reperitur. Et si infinitas eius, in ratione præcise infinitatis considerata ab ipso verbo diuino, prout diuino, sit apta nata originari: verum ut sic ad satisfactionem minime pertinet,

Ad tertium argumentum, auctores secundæ opinionis concedunt antecedens, argumentique difficultati succumbunt, concedentes totā iusticiam quæ in Christi satisfactione reperitur fundari in gratia unionis christi humanitati facta, & loquuntur certe consequenter ad suam sententiam. Quamuis nescio an satis consequenter dicant, quod satisfactio Christi in gratia unionis fundata continet iustitiæ rigorem. Quoniam gratia rigorem iustitiæ temperat, & minuit, ac prorsus tollit, & si non ipsam iusticiam. Imo, ut superius contendebar non potuit in Christi satisfactione, iuxta sententiam illam, æqualitas reperiri ad gravitatem offensæ. Caterum, hæc sententia prætermissa, ad argumentum negatur antecedens, quoniam satisfaciens non est humanitas Christi, sed Christus; Deus homo, & unio hypostatica in qua fundatur totus valor satisfactionis Christi, & si summa gratia fuerit respectu humanitatis, non tamen respectu verbi, cui nulla potest gratia fieri, at valor satisfactionis, non ad humanitatem, sed ad ipsum verbum referri debet accepta, prout ipsam humanitatem, personaliter sustentat. Itaque licet verbum prout ab ipso infinitus satisfactorius valor oritur, non consideretur pure ut est diuinitatis suppositum, ut dudum dicebamus: sed neque etiam consideratur, prout in formali conceptu humanitatem intrinsece claudit. Sed prout eam quasi connotat, ut dialectici dicunt, in obliquo. Consideratur enim, prout propria verbi personalitate actu terminat & supponit humanitatem. Itaque actualis hæc terminatio in
transfeca

trinfecit est, & essentialis verbo prout humanum est suppositum, & prout ab eo valor satisfactionis oritur: humanitas vero extrinsece se habet. Secus autem ad substantiam satisfactionis: nam hæc ab ipsa humanitate ut a principio formali dimanat. Vnde licet satisfactionis valor fundetur in hypostatica vnione, non tamen fundatur in ea, prout habet rationem gratiæ. Nam quod verbum actu terminet & supposititer humanitatem nulla fuit gratia ipsi verbo facta.

Quarto argumento respondeo, non sufficere solutionem inter arguendum ex Scoto recitatâ: nam illâ efficacissime impugnat replica ibidem apposta. Quocirca aliter dico, quod vnicamet Christi operatio, propter sui valoris infinitatem & eminentiam, potuit plene satisfacere simul pro vniuersis debitis, quibus & ipsa Christi humanitas & totum humanum genus deo tenebatur: fuit enim omnibus titulis infinita nimirum, titulo gratiarum actionis, titulo satisfactionis, &c. Nam hunc tantum valorem ei contulit infinita personæ operantis dignitas, & excellentia.

Sed vrget confirmatio quarto argumento supposita. Cuius antecedens nego, & probationi primû dico. Quod Christi operatio nō fuit æqualis valoris simpliciter cum beneficio incarnationis, quod deus humanitati contulerat, fuit tamen maxima & summa, & qua nulla maior neque esse neq. intelligi potest gratiarum actio, atq. adeo in ratione gratiarum actionis æqualis fuit suscepto beneficio. Quæ æqualitas non est simpliciter æqualitas, sed summa proportio quæ inter supremum beneficium, & maximam gratiarum actionem, quæ (etiam secundû omnem potentiam) fieri potest & intelligi. Itaq. sicut incarnatio diuini verbi supremum fuit beneficium, quo excellentius, & augustus nulli potuit deus creaturæ præstare: ita & gratiarum actio a Christo exhibita, suprema fuit & maxima, quæ deo benefactori referri potuit, & quam ipse deus posset exigere. Quo loco illud est animaduertendum, quod quidam theologi minime considerarunt, videlicet, quod is qui alicui beneficium ex hiber, neque debet, neque rationabiliter potest petere, ut id quod ei loco gratiarum actionis repeditur, tanti sit valoris & pretij inesse, entitatio, quâti æstimatur ipsum exhibitum beneficium. Nam qui hoc postularer, haud quaquam censeretur beneficium præstitisse, sed quandam fecisse suorum bonorum pro alterius bonis commutationem. Sed tantum licet ei postulare eam gratiarum actionem, quæ intali ratione & genere ipsum adæquet beneficium susceptum. Et qui talem gratiarum actionem suo benefactori exhibuerit, plene satisfact debito, quo titulo gratiarum ei-dē benefactori tenebatur. Et iniquus ille esset, qui maiore ab eo compensationem efflagitaret.

Secundo responderi posset ad prædicti antecedentis probationem,

quod sicut christi humanitas in verbi incarnationis mysterio, ipsum accepit diuinum esse, ita & Christus cum gratias deo pro hoc beneficio egit, ipsummet totum esse diuini verbi deo obtulit, & religiosa veneratione submisit, ex qua submissione qua Christus se totum submisit & subiecit deo, conturgebat in eius operatione infinitus valor, ut dicebamus superius. Vnde manifesta fuit æqualitas inter ipsam gratiarum actionem, & beneficium susceptum. Sed licet hæc posterior solutio egregiam habeat probabilitatem, solutionem tamen priorem sufficientissimam esse censeo.

Ad quintum argumentum, primo respondetur, non esse fortassis certum, quod si ab aliquo offeratur satisfactio sufficientissima pro alterius culpa, is qui culpa tunc offensus non teneatur talem satisfactionem acceptare. Neque quidquam refert exemplum Regis & Imperatoris in argumento adductum, quoniam satisfactio ab Imperatore exhibita nequit esse sufficiens, secundum quod exposuit commune reipub. bonum, quod non modo non promoueri, sed neque sustentari poterit, nisi præmia dentur bene operantibus, & condigna male agentibus inferantur supplicia: At si omnibus pensatis imperator equiualentem satisfactionem offerret Hispanarum Regi, teneretur rex eam ex iustitia acceptare.

Sed respondetur secundo, quod iuxta sententiam quæ nobis visa fuit probabilior circa conclusionem secundam, Christi satisfactio non ob id perfecta, & rigurosa iustitia dicitur, quia obligationem aliquam deo inducat ad ipsam acceptandum, sed quia secundum se æquiualens est, imo & super abundans, ex proprijs & ex alijs indebitis, habetque, omnes requisitas condiciones ad exactam & rigurosam iustitiæ satisfactionem. Quod vero deum non obliget, non ex ipsius satisfactionis imperfectione, sed ex summa dei excellentia provenit, quem certe christi satisfactio obligasset, si fuisset ipse cuiuspiam obligationis capax.

Ad sextum respondetur, quod ut supra. q. i. ostendimus impossibile est, quod Christus peccet & satisfaciatur pro peccato proprio, nõ .n. esset deus. Si tamẽ semel admitamus per impossibile, quod possit peccare, & defacto peccaret, absque dubio satisfaceret pro peccato proprio ex omni rigore iustitiæ, quia offerret ex proprijs & alijs indebitis operationem infiniti valoris sicut modo. Vnde sicut si imaginaremur duos deos omnino æquales, posset vnus alteri satisfacere ex omni rigore pro offensa commissa contra eum, sic & in nostro casu semper. n. Christus maneret æqualis patri & infinitæ dignitatis, alias non esset idẽ Christus, qui modo est. Et tandẽ dicimus quod, ut vulgatum habet axioma, ex impossibili sequitur quod libet: vnde supposito peccato in Christo vtrumq; sequeretur, & quod satisfaceret deo, p. suo.

suo peccato ex iustitiæ rigore, & quod non satisfaceret, neque veroliqua ratione posset, nisi gratia dei supposita.

Septimum vltimumque argumentum dissoluat lector ex his que circa secundam diximus huius tertij dubij conclusionem. Et hætenus de hoc tertio dubio, & de toto secundo quintæ quæstionis articulo.

ARTICVLVS TERTIVS.

IN articulo tertio quæstionis quintæ de Christi merito differendum est. Quam tractationem sequentibus complectar dubiis. Primum, num Christus mereri potuerit, merueritq. defacto. Secundum, an meruerit ipsam diuini verbi incarnationem. Tertium num meruerit gloriam suam, tum animæ, tum corporis. Quartum deniq. quid nobis Christus promeruit.

In primo igitur dubio probatur sequentibus argumentis Christū neque meruisse. neque vero potuisse mereri. Primum argumentum, Christus neque meruit, neque mereri potuit per actum charitatis: Dubium primum Articuli tertij

ergo per nullum actum valuit mereri. Consequentia est euidentis supposita S. Tho. doctrina quæ verissima est. 12 q. 114. ar. 3. dicentis, q. charitas est prima meriti radix. imo & ipsa charitas vniuersis studiosis actionibus formalem tribuit meritoriam rationem, omnes enim aliarum virtutum actus ex relatione ad deum summum bonum, & vltimum finem, quam ex charitate tanquam ex communi omnium virtutum forma participant, vim sortiuntur meritoriam. Ergo si actus charitatis in Christo fuit incapax meriti, nullus ei relinquitur merendi locus. Probatur vero antecedens. Actus charitatis quo humana Christi voluntas diligit deum, necessarius est, & semper fuit ab instanti incarnationis Christi. Nam est actus beatificus ex faciali beatificaque visione proueniens, semperque beatificam hanc perfectionem habuit, quia semper Christus fuit beatus. Sed amor ille beatificus quo beati sumeque felices deū prosequuntur, necessarius est & necessitate exercitij & specificationis necessitate. q. nunc aduersus Scoti doctrinā in hac parte minus probabilē, suppono ex sententia S. T. 1. p. q. 83. a. 2. & 12. q. 4. a. 4. Sed operatio necessaria nō est meriti capax, nā vna ex necessario requisitis cōditionibus ad meritū est libertas merentis operationi meritoria communicata, iuxta communem theologum, in 3. d. 18. paucissimis hisq. ignoti nominis exceptis, sententiam.

Confirmatur. Nō solus actus charitatis in Christo est necessarius, sed vniuersi alij actus, quos hætenus effecit, & in posterum est factururus necessarij quoque sunt, & non liberi. Ergo nullus actus fuit in Christo, per quem mereri potuerit. Probo antecedens. Christus nō solum per scientiam diuinam, sed per scientiam beatificam creatam,

imo

imo & forsan per scientiam infusam euidentem a primo suæ incarnationis momento nouit omnes actus, quos in tota æternitate facturus erat, nouitq. eos esse diuina prouidentia dispositos, & præordinatos, & quod proinde infallibiliter erāt futuri. Ergo cum humana Christi voluntas non potuerit repugnare diuinæ prouidentie, & præordinationi, neque talem repugnantiam posset velle, eo quod est impeccabilis, iusta superius dicta in prima questione, non potuit nō prodire in tales actus pro tempore & loco, quo sciebat fuisse a diuina prouidentia præordinatos. atque adeo humana Christi voluntas non libertate, sed necessitate semper operabatur. Alias enim si libertatem habuit non operandi pro tempore, quo ipse nouit talem operationem diuina fuisse prouidentia dispositam, haberet quoque libertatem ad repugnandum diuinæ prouidentie, possetq. se non conformare voluntati diuinæ, quod est dictū absurdissimum: Ergo, &c.

Secundum argumentum. Christus non meruit per actum obedientie, at si quod meritum in Christo fuit, maxime ad obedientiam referendum est: nam S. Paulus præmium Christo collatum ad eius obedientiam retulit ad Philip. 2. Humiliauit semetipsum, nempe Christus factus obediens vsque ad mortem, &c. propter quod & deus exaltauit illum, &c. & Rom. 5. Sicut per inobedientiā vnius hominis peccatores constituti sunt multi, ita & per vius obedientiam iusti constituentur multi: ergo, &c. Maior vero probatur. Primo, Christus non fuit capax præcepti: ergo neque actus obedientie: obedientia namque præceptum supponit. Probatur istud antecedens. Præceptū non imponitur, neque vero imponi potest, nisi ei qui est capax culpe: præceptum enim obligat sub culpa eū, cui imponitur, potestq. in hūc modum præcepti vis explicari: Si non mihi obedieris, & eris mihi inimicus, & pœnæ subeundę reus. Et quidem sicut Paulus dixit, vbi Ad rom 4. non est lex, neque præuaricatio, ita dicere potuisset, vbi præuaricatio esse nequit, neque lex esse potest. Secundo probatur illud primum antecedens. Si Christo imponeretur præceptū. V. c. moriendi pro hominibus, auferretur totaliter libertas a voluntate Christi, circa illam actionem per præceptum iniunctam. V. c. circa subeundam mortē, quia cum voluntas Christi sit impeccabilis, nō posset non adimplere præceptum sibi impositum, non possetq. subinde non acceptare mortem pro hominibus: Ergo, &c.

Confirmatur. Bene sequitur, Christus non potest peccare: ergo nō potest violare præceptum sibi impositum de acceptanda morte. Euidens apparet consequentia: quia violatio præcepti formaliter, & intrinsece claudit peccatū, & culpā. Vltcrius. Christus non potuit transgredi præceptum ei impositum de acceptanda morte: Ergo neque potuit non acceptare mortem pro tempore, quo instabat necessitas
adim-

adimplendi præceptum. Patet hæc consequentia, quia acceptatio mortis erat impletio, & observatio præcepti, & nō acceptatio mortis erat violatio, & fractio præcepti. Sed adimpletio præcepti tam ei erat necessaria, quam impossibilis præcepti, violatio: ergo, &c.

• Tertium argumentum. Christus neque meruit finite, neque infinite: ergo non meruit. Consequentia est euidens, & probatur antecedens. Et primo, quod non meruerit finite concedent S. Tho. & eius vniuersi discipuli. Imo & omnes illi theologi, qui docent satisfactionem Christi non fuisse finitam, id ipsum libenter adstruunt. Quia eadē prorsus est de satisfactione, & demerito ratio. Quod vero infinite non meruerit, probatur. Christi merito nullum infinitum respondet præmiū: cum inter meritum, & præmiū equalitas debeat reperiri, intelligi nequit, quod respectu finiti præmij detur meritum infinitum: Ergo christus non meruit infinite, cum eius meritum infinitū esse nequiverit.

• Confirmatur. Quod ratio meriti finita sit, vel infinita, consistit in hoc, quod in opere meritorio fundetur ius finitum, vel infinitum, actio quæ fundat ius finitum, finite est meritoria, & finitum meritum quæ vero infinitum fundat ius, infinite est meritoria, & meritum infinitum. Ergo si meritum christi fuit infinitum, oportet in ipso constitutum ius infinitum. Sed infinitum ius neque est neque intelligi potest, nisi comparatione ad infinitum præmiū: Ergo si christus non meruit præmiū infinitum, neque eius meritum infinitum fuit.

• Alia consulto prætermisso argumenta, quia in his, quæ proposui, consistit præcipua huius dubij difficultas.

• In oppositum est id, quod ex Paul. ad Philip. 2. referebamus: Humiliavit semetipsum, &c. propter quod & deus exaltavit illum, &c. ubi illa causalitas, propter, nullam aliam causam, quam meritoriam denotare potest, ac proinde is est Paulini testimonij sensus, quod christus humilitate, & obedientia, quam erga deum usque ad crucis mortem exhibuit, illustrissimam ipsam sui nominis gloriam, & exaltationem promeruit.

Ad huius dubij solutionē de cuius materia tractant scholastici cū suo Mag. in. 3. d. 18. & 19. & S. Th. cum suis interpretibus 3. p. q. 19. Notandum est primo, quod in præsentia non uertitur in dubium, an de potentia absoluta fieri potuisset, quod in Christi humanitate nullum fuerit meritum, de qua re specialem disputationem instituit Alexan. Alens. 3. p. q. 17. memb. 2. 2. 2. cui dubitationi ipse respondet negatiue. Sed ex his quæ ipse dicit facile colligi potest, eius responsionem procedere, supposito quod Christus fuisset viator, ut fuit de facto, & quod eius voluntas libera maneret ad operandum vel nō operandum. Et tunc verissime dixit iste autor, quod licet Christus non me-

rerit

Ar. q. 1. p. 1. q. 1. q. 2. q. 3. q. 4. q. 5. q. 6. q. 7. q. 8. q. 9. q. 10. q. 11. q. 12. q. 13. q. 14. q. 15. q. 16. q. 17. q. 18. q. 19. q. 20. q. 21. q. 22. q. 23. q. 24. q. 25. q. 26. q. 27. q. 28. q. 29. q. 30. q. 31. q. 32. q. 33. q. 34. q. 35. q. 36. q. 37. q. 38. q. 39. q. 40. q. 41. q. 42. q. 43. q. 44. q. 45. q. 46. q. 47. q. 48. q. 49. q. 50. q. 51. q. 52. q. 53. q. 54. q. 55. q. 56. q. 57. q. 58. q. 59. q. 60. q. 61. q. 62. q. 63. q. 64. q. 65. q. 66. q. 67. q. 68. q. 69. q. 70. q. 71. q. 72. q. 73. q. 74. q. 75. q. 76. q. 77. q. 78. q. 79. q. 80. q. 81. q. 82. q. 83. q. 84. q. 85. q. 86. q. 87. q. 88. q. 89. q. 90. q. 91. q. 92. q. 93. q. 94. q. 95. q. 96. q. 97. q. 98. q. 99. q. 100.

reri hoc vel illud bonum in particulari, quia poterat non applicare
 suas operas ad hoc, vel illud determinatum præmium, incom-
 muni tamen per opera virtutum, quæ in eo non potuerunt otiose per-
 manere, non potuit non mereri aliquod premium, cum esset in statu
 merendi. Quod si ipse ad nullum determinatum præmium suas ope-
 ras applicuisset, mereretur saltem illud generale & commune præ-
 mium, videlicet, approbatione diuinâ, qua deus eius opera magnifi-
 caret, & iudicaret digna magnis & excellentissimis præmijs. Non ne-
 gat tamen prædictus auctor, non potuisse absolute fieri, quod Chri-
 stus nihil mereretur, nam illud esset omnino falsum, cū posset Deus,
 si veller eius voluntatem ad omnem operationem necessitare, nullâ-
 que in ipsa relinquere libertatem, quæ, vt in quodam argumento hu-
 ius dubij animaduerti, conditio est per se, & intrinsece necessaria ad-
 merendum, quicquid Almainus cum alijs sui generis in contrarium
 dicant, existimantes d. 18. cit. libertatem ab extrinseca tantum dei or-
 dinatione & lege requisitam esse conditionem ad meritum. Errant. n.
 isti turpissime, non aduertentes, quod ad meritum requiritur per se
 & essentialiter dominium, ita vt qui meretur det aliquid quod suum
 est pro recipiendo præmio. Dominium vero, libertate seclusa, consta-
 re minime potest, nam qui liberam facultatem supra proprium suæ
 voluntatis vsum non habet, quale obsecro, poterit cuiusquam rei ha-
 bere dominium. Sed de hac re alias, nunc satis fuerit aduertere, quod
 cum posset Deus necessitare simpliciter christi voluntatem in omni-
 bus eius actionibus, potuit & ei adimere omnem admerendum facul-
 tatem. Auctores qui putant necessariam fuisse christo admerendum,
 extrinsecam dei promissionem, specialemque ordinationem ad præ-
 mium, hanc eandem nostram sententiam inde sibi vt certam perlua-
 dent, quia cum posset Deus non ordinare christi operationem ad ali-
 quod premium, neque promissione aliqua seipsum ad illud reddendū
 obligare, potuit ex consequenti omnis meriti ratio ipsis christi ope-
 rationibus deesse. Verum nos hæc ratio parum mouet, quia huiusmo-
 di specialem dei ordinationem, & promissionem minime censimus
 fuisse christo ad merendum necessariam. Nam licet necessaria fuerit
 promissio, vel aliquid vicem eius tenens (cuiusmodi esset voluntas
 dei efficax remunerandi opera christi) vt deus aliqua ratione teneretur,
 seu necessitaretur ad conferendum præmium, non tamen necessa-
 ria esset, vt opera christi essent meritoria. Quoniam ex seipsis habet
 totum quod est requisitum ad merendum, & quidem supernaturale
 præmium. Sunt enim opera libera, bona moraliter, supernaturalis or-
 dinis, ac proinde proportionabiliter æqualia supernaturali præmio,
 proceduntq. a subiecto grato, imo & infinite grato & accepto deo, &
 constituto in statu merendi, quia supponimus christum viatorē. Sed

hec omnia obiter & in transcurso diximus, nam in praesentia potentiam tantum ordinariam attendimus, & inquirimus. Num Christus, stante ordinaria dei potentia & lege, potuisset mereri dum erat in statu viæ, & aliquid de facto meruerit.

Notandum est secundo, in Christo domino fuisse veram ac perfectissimam libertatem, ut ostendit S. Th. 3. p. q. 18. a. 4. ex illo Isa. 7. butirum & mel comedet, ut sciat reprobare malum & eligere bonum. Electio autem actus est liberæ voluntatis, & ita S. Bas. & S. Cyr. ex illo loco colligunt in Christo domino veram fuisse libertatem repertam, & quidem perfectiorem ea quæ in cæteris est hominibus: etiam si libertatem Adæ, dum fuit innocens cōprehendamus. Isa. etiam c. 53. oblatum est quia ipse voluit, quod idem asserit dominus dese Io. c. 10. ego pono animam meam. De quo legantur D. Hyero. super illum locum Isa. 53. & D. Chyft. hom. 59. in Ioānem, & D. Cyri. lib. 7. in Ioan. c. 6. & 7. S. Ansel. lib. 1. cur deus homo cap. 8. & lib. 2. cap. 16. & D. August. in lib. de prædest. Sanct. c. 15. D. Gre. li. 24. c. 2. Et certe definitiones Conciliorum lateranen. sub martino. 1. Et Cōstantinop. sexti &c. quæ asserūt secundū fidē in Christo domino vere duas esse naturas cū suis proprietatibus, duasque operationes secundum proportionem utriusque naturæ, probat etiam manifeste istam veritatem, libertas enim est proprietas naturæ humanæ, est magna cuius perfectio secundum quam attenditur modus operandi hominis, ut homo est. Si ergo in Christo secundum fidem constituendum est natura humana cum propriis perfectionibus, & cū modo operi xpi sibi proprio etiā secundum fidē asserenda erit libertas in operationibus illius. Maxime quia etiam alij beati, licet sint impeccabiles, & omnino intermino, habēt veram libertatem: ergo multo magis eam habuit Christus dominus. Hæc autem libertas christi non tantum est libertas a coactione, sed est vera libertas a necessitate enim indifferentia ad utramq. partem. Aliqui, intellexerunt istam christi libertatem consistere præcise in hac q. Christus non operabatur ex coactione, sed voluntarie, licet necessario. In qua ratione voluntarij dicebant præcise consistere Christi, libertatem, quo etiam modo posset dici quod pater diuinus libere generat filium, licet necessario. Hæc tamen explicatio nimis violenta est, & indigna Christo domino, & ita Vualdenfis lib. 1. doctrinalis fidei. c. 25. reiecit illam tanquam, erroneam. Et manifeste impugnatur hæc explicatio ex prædictis definitionibus conciliorum, & explanationibus sanctorum. Ex illis enim colligitur euidenter in christo domino fuisse vere liberum arbitrium, decuius ratione est vera ad utramque partem in differentia, ut docet Sanctus Thomas prima parte quæstione. 12. articulo. 10. & quæstione. 82. articulo 1.

Ecc Tertio

Tertio supponendum est, quod Christus inquantū homo vere fuit capax præcepti diuini. Quod probatur. Primo. Quia humana voluntas Christi erat libera, vt modo explicuimus, & non est suprema regula suarum operationum cum sit creatura. Ergo habet regulam superiorem voluntatē nempe diuinā & eius legē. Secundo, Quia Christus, secundum quod homo, est inferior Deo, & subditus illi: Ergo est capax præcepti, sicut etiā est capax religionis, fortitudinis, & aliarum virtutum. Et ita licet Christus dominus non fuerit obligatus lege veteri, vt ostendit S. Th. 3. p. q. 37. ar. 3. & 4. neque etiā aliis legibus positis communibus, vt solet probari ex illo Math. 17. ergo liberi sunt filij. tamen vere Christus fuit obligatus inquantum homo lege æterna & naturali, vt docuit S. Th. 12. q. 93. a. 4. ad. 2. potuit quē specialiter aliqua Dei lege, & peculiari præcepto obligari. Quale fuit præceptum moriendi, & redimendi genus humanum, quod Christo Deo imposuit, vt ostendit ipse S. Th. 3. p. q. 47. a. 2. Et patet clare ex illo Io. 10. hoc mandatum accepi a patre, &c. Et Io. 14. Sicut mandatum dedit mihi pater sic facio. Et pl. 39. vt faciam voluntatē tuam deus meus volui, & legem tuam in medio cordis mei. Quē locū S. Paul. ad heb. 10. explicat de voluntate, qua Christus subiecit se patris voluntati, in ordine ad mortem suam, & sanctificationem nostram, de quo legatur Epist. Agato. Pont. quæ habetur in 6. Syno. generali, actione 4. Hoc præceptum fuisse impositum Christo, communiter affirmant sancti patres S. Gre. Nisenus in lib. de beatitudinibus circa illud beati qui cū riunt, & sitiunt iusticiam, & D. Cyril. lib. 10. in Ioan. c. 11. Damas. lib. 3. fidei Orthodoxæ c. 24. S. August. tractatu 79. in Ioan. & lib. 13. de trinitate c. 14 & alibi, & Ans. lib. 1. cur Deus homo. c. 8. & 9. Verum est hos patres & alios, qui de hac re loquuntur, quam sæpius dixisse, & Christus seipsum Dei voluntati subiecit, qua voluit eū pro humani generis redemptione mori, & nō semper præcepti aut legis meminere: quod occasionem nonnullis theologis præbuit existimandi, quod licet deus voluisset Christum mori, proque humana salute vitam ponere, non tamen ei de morte subeunda præceptum imposuit. Verū tamen hæc sententia vera nō est, neque sacris literis contentit, in quibus Christus obediens vocatur, & seruus. Et quidem, cum præcipua vis obligandi in præcepto ex voluntate oriatur: Idcirco præceptum quā sæpius voluntatis significatur nomine, Pau. rom 5. & philip. 2. Christū obediētem fuisse verbis expressis dixit. Obediētia autē absque præcepto intelligi nequit. Et in locis ex Ioan. superius citat. Christus sibi impositū fuisse præceptū, & mortē, & redimendi humanū genus aperte fassus est. Quā redemptionē quia multis operibus Christus fuit operatus, ideo Io. c. 15. dicebat. Et ego patris mei præcepta seruaui. Et quidem voluntatem Dei, etū efficacem, præceptū & legem vocare absque

absque improprietate fieri nequit. Debent autem sacræ literæ, quantum fieri potuerit, summa cum proprietate explicari, & intelligi, ut cum S. August. non semel aduertimus. Hoc præceptum impositum fuit & promulgatum Christo in primo suæ incarnationis instanti.

Sed obiicit quispiam. Præceptum impositum alicui signum est minoris promptitudinis in voluntate Inferioris ad exequendam superioris voluntatem, tanto enim promptior est voluntas, & perfectior obedientia, quanto magis præuenit præceptum superioris, ut docet. D. Th. 22. q. 1 c. 4. a. 2. Ergo asserere fuisse impositum præceptum christo derogat perfectioni ipsius Christi, & promptitudini voluntatis illius, qua ad exequendum ea quæ diuinæ voluntati placita esse nouerat, promptus semper fuit & valde expeditus, & illius promptissimæ sui cordis affectionis, quæ paratus erat vitam pro salute hominum ponere, & sanguinem suum in pretium humanæ redemptionis dare, iuxta ipsam diuinæ voluntatis determinationem.

Confirmatur. Humana Christi voluntas conformis semper fuit in omnibus efficaci dei voluntati, habuitq. hanc conformitatem nõ ui & metu extortam, sed maxime spontaneam ex magna que voluntatis propensione ortam. Ergo nullo vnquam præcepto indiguit.

Respondetur huic argumento. præceptum non ob id impositum fuisse christo, ut magis & efficacius eius determinaret voluntatem, promptioremq. redderet ad negotium humanæ redemptionis sua vita & morte pertractandum, sed propter duas causas, alteram se tenentem ex parte dei ipsiusq. diuinæ voluntatis, & alteram ex parte christi, ipsiusque voluntatis humanæ. Prior causa fuit, ut deus modis omnibus ostenderet hominibus eximiam illam charitatem suam qua dilexit nos, propter quam neque proprio filio suo pepercit, sed ita pro nobis omnibus illum tradidit, ut non solum efficaci voluntate vellet eum pro uniuersali hominum salute spontaneam subire mortem, sed & strictissimo præcepto ipsum obligauit. Posterior causa, quæ ex parte ipsius humanitatis christi se tenet, ea est quod id circo deus, præceptum christo de morte subeunda imposuit, ut eius passioni & morti non defuisset ratio & perfectio virtutis obedientiæ, essetq. christi passio non solum actus eximie charitatis, excellentissimæq. religionis, & profundissimæ humilitatis, verum etiam & spontaneæ promptissimæque obedientiæ. Itaque præceptum ad hoc fuit impositum ut christi operationem in specie virtutis obedientiæ collocaret, & non ut ipsius christi voluntatem efficacius ad humani generis redemptionem operandam propenderet. Vnde ad argumentum negatur antecedens vniuersaliter sumptum, quamuis regulariter, & ut procedit de voluntate puræ creaturæ sit verisimile. In quo regulari sensu verificatur doctrina S. tho. cuius in argumento fit mentio.

Quidam graues theologi aliter interpretantur illam. S. Th. doctrinam, nimirum, quod procedat de praecepto explicito, & expreso, quale est illud quod is verbis proponitur, fac hoc, praecepto tibi ut hoc facias &c. non vero de praecepto implicito, quod consistit in quadam insinuatione voluntatis ipsius superioris, absque imperio superaddito. Et qui praecepto sic implicito proposito obedit promptior est se exhibet in obediendo & parendo, quā is qui expressum mandatum & praeceptum expectat. Tunc ergo dicunt, quod praeceptum moriendi nō fuit christo intimatum sub expressa forma praecepti, sed per insinuationē tantum diuinæ voluntatis efficaciter volentis humani generis redemptionem, passionem & mortem christi comparandam & efficiendam, & in hunc sensum explicant ij theologi Chrysost. hom. 59. & 71. in Ioan. Theophi. Euthimium & quosdam alios patres, qui visi sunt negare christo domino fuisse a patre impositum moriendi praeceptum.

Hæc doctrina mihi non displicet, dum tamen illam dei voluntatē de humani generis redemptione, de christique passionem & morte intelligat vere fuisse praeceptuam, & quod non solum habuerit efficaciam respectu effectus fiendi, sed etiam implicitum & virtuale imperium efficax ad obligandum humanam christi voluntatem. Quod tamen explicitum imperium Christus sua voluntate præuenit, acceptando mortem pro hominibus subeundam eo ipso quod nouit eam diuinæ voluntati placere, non expectata imperij intimatione. Vel aliter dici posset quod licet per modum imperij fuerit christo intimata dei voluntas, ita tamen christus fuit animatus, eaque animi affectione erga dei voluntatem promptus, ut quauis nullo adstringeretur praecepto, ipsa sola dei voluntas, cui mortem suam placere videbat, loco ei fuisset strictissimi mandati. Et in hoc posita fuit promptissima humanæ voluntatis christi obedientia. Et patres qui mandatū christo de morte acceptanda impositum negare visi sunt, nihil aliud quam promptissimam hanc christi obedientiam affirmare voluerunt, & non ipsum dei negauere mandatum.

Sed rogas. Num praeceptum hoc fuerit posituum, an vero naturale? Ratio dubitandi pro secunda parte dubii est, quod totum humanum genus extrema spiritali necessitate laborabat, neque vllum ei suppetebat remedium præter vnā christi passionem, & mortem: diuino præsertim decreto dei supposito, quo statutum fuerat, non esse a tyrannica diaboli seruitute humanum genus redimendum, nisi ex rigurosa iustitia: & quod immundus peccatorum sanguis quo totum humanum genus erat conspersum, ita ut sanguis sanguinem tetigisset, nō nisi purissimo erat sanguine abluendus. At in tali casu ipsa charitas sua spōte, & naturali inclinatione obligat ad subueniendū tā extreme indigentibus. absq. vllō superaddito legis positivæ praecepto: ergo, &c.

Respon-

Respondetur, quod non naturalis, sed legis dumtaxat positiua fuit illud moriendi præceptum. Quod ex duobus colligo, Alterum, quia Christi domini vita, eo quod est vita hominis Dei, multo præcior erat, & multo maius bonum, quam omnia spiritualia hominum, & angelorum bona. Vnde naturalis lex obligationem nequirit inducere Christo, vt tantum bonum pro longe inferiori exponeret. Et hæc ratio, probat etiam, quod non solum mors Christi nō potuit cadere sub naturalis legis præcepto, sed neque vlla ipsius christi satisfactoria operatio. Quia, vt superius art. 2. aduertimus, in qualibet satisfactoria operatione christus semetipsum deo sub mittebat & humiliabat, quæ proinde infinito valoris interuallo omne creaturæ intellectualis excedebat bonum.

Secunda ratio, quæ specialis est de passione & morte. Ea est, quod passio, & mors christi non fuit simpliciter necessaria ad humani generis redemptionem, etiam ex rigurosa iustitia operandam: suffecerat enim qualibet christi satisfactoria operatio, ieiunium, vigilia, &c. Sed vrget, si positiuum fuit moriendi præceptum, & non iuris naturalis, ergo, cū sic christus per excellentiæ potestatem omni lege, etia vt homo, superior, secū potuit in hoc præcepto dispensare. Respondetur negando consequentiā. Quia hæc lex fuit illi specialiter proposita, & ob id non se potuit ab eius obligatione eximere.

His præsuppositis, consequens doctrinæ ordo suo iure postulare videbatur, vt ea explicarem in quibus circa hanc propositam difficultatem non sibi ipsis consentiunt theologi. Verum quia omnes in eo consentiunt, quod Christus de facto meruit, solumq. in explicandis actibus, quibus meruit, & in quibusdā alijs modis, & qualitatibus meritorum Christi opinionum reperitur diuersitas. Idecirco ad resolutionem propositæ quæstionis mox accedo, in qua, & inter argumentorum solutiones aduertā, quantum, qualeq. sit in hac disputatione theologorum Assiduum.

Prima conclusio.

Christus, supposito incarnationis mysterio, secundum legem, & potentiam dei ordinariam, omni nouo secluso miraculo, & mereri potuit, & meruit de facto apud Deum. Prior conclusionis pars, quæ de potestate merendi loquitur, procedit aduersus quosdam theologos, qui arbitrabantur Christum meruisse quidem, sed id non potuisse fieri absque speciali priuilegio, nouoq. miraculo. Inducebat quosdam huius sententiæ auctores in hanc opinionem, quod existimabant in Christo nullam fuisse libertatem circa dei amorem, atque adeo cū Dei charitas sit prima meriti radix, putauerunt, q. nisi deus speciali sua prouidentia disposuisset, vt opera Christi necessaria meritoria fuis-

sent,

sent, Christus mereri nullatenus potuerit. In qua dispositione providē-
tix diuinæ non potuit non speciale interuenire miraculum ab eo di-
stitutum, quod in ipso incarnationis mysterio contingit. Cum sit præ-
ter regularem, & communem merendi ordinem, Et non sequatur na-
turali consequio ex hoc quod verbum factum sit caro. Nam incarna-
tio Verbi non postulat meritum in ipso incarnato verbo. Christus
enim in cælo existens, haud quaquam meretur, aut secundum ordina-
riam legem mereri potest. Alii aliis ex causis mouentur, in quorum
numero Scot. videtur annumerandus in 3. d. 18. & 19.

Nostra autem conclusio in ista priori sui parte id asserit, q̄ eo ip-
so quod verbum caro factum, nō corporis immortalitatem assump-
sit (quod designat illa dictio, caro) sed mortale induit corpus, & via-
tor secundum inferiorem animæ portionem remansit, iuxta illud
Hierem. 14. Quare quasi colonus tuturus es in terra, sicut vn viator
declinans ad manendum? capax fuit meriti, & absque nouo aliquo
miraculo, aut speciali priuilegio potuit mereri. Quod sic probō.
Impossibile est intelligere Christum viatorem absque possibilitate
ad merendum: nam gressus quibus anima viatrix ad terminum ten-
dit & properat, ipsa sunt dumtaxat viatoris merita. Terminus nam-
que viæ, non nisi per modum præmii comparari potest, & consequi.
Et id quidem merito. Nam si vt ille dixit. Virtutem posuere dii sa-
dore parandam. Quid ni & verā animæ felicitatem, & immortalita-
tem corporis gloriosam, quæ ipsarum est virtutum omnium finis, &
consuminatio, posuerit deus gloriosum bonorū laborū fructum, & vl-
timū nostrorum meritorum præmiū. Sed Christus ex ipso incarna-
tionis instanti atque ex ipsius incarnationis virtute, & modo quo fa-
cta est, quandiu mortālē egit vitam viator fuit secundum inferiorem
animæ partem: ergo similiter habuit potestatem ad merendum, quæ
potestas ex ipso incarnationis modo illi competebar. Nam alias,
si nouum expectaretur miraculum, & specialis lex fuit necessaria, in-
telligi posset Christus vere viator absq̄ merendi possibilitate. Quod
est impossibile, esset & enim viator, vt supponitur, & non esset viator,
cum de esset ei ab intrinseco, omnis ambulandi facultas.

Missum facio id quod ex nonnullis theologis referebam, videlicet
quod ex lege providentiaque Dei speciali, opera Christi in quibus
nulla inerat libertas, fuerunt vere meritoria. Quæ sententia apud pe-
ritiores theologos habetur improbabilis, & apud me parum tuta in
fide. Nam fide tenemur credere Christum vere meruisse, vt probabi-
mus cōtinuo, sed naturalis ipsa ratio dictat, quod opus necessarium,
& cui omnis deest libertas, præsertim si neque etiam in sua causa ali-
quam habuerit: non potest esse meritorium. Quia necessarium est, &
essentiale ad meritum, vt is qui meretur habeat facultatem liberam

supra

supra ipsum meritorium opus, sitque eius dominus, aut quasi dominus: alias, neque dat aliquid quod vere dici possit proprium ipsius operantis, neque vero eius operatio digna esse potest vituperatione, aut laude. Quibus sublatis cōditionibus, implicat meriti ratio: Ergo, non satisfuerit in fide tutum, libertatem omnem christi operationibus adinire. Nā qui libertatē Christi operationibus negat, implicite quoq. & virtualiter eas negat esse meritorias. Sed hac priore cōclusio-
 nis parte pratermissa, ad posteriorem q̄ de facto pcedit transcamus.
 Quæ pars expressa est fidei veritas. Quod paucis, sed ijs quidem grautissimis probo testimonijs. Itā. 33. Pro eo quod laborauit anima eius videbit, & saturabitur, &c. Et ibidem, si posuerit pro peccato animam suam videbit senem longeuum, & voluntas domini in manu eius dirigetur. Ecce vides merita ex parte Christi, quibus ex parte dei repromittuntur p̄mia. Paul. in testimonio superius citato ex c. 2. ad Philip. hoc ipsum apertissimis expressit verbis. Neque dissentit id quod ad Hebr. 5. dicit, Christum lachrymas ad deum fundentem, exaudiri esse pro sua reuerentia. Consentit illud, quod dicit Ioan. Apocal. 5. dignus est agnus qui occisus est, accipere gloriā, & virtutē In S. Synod. triid. expressa habetur ista veritas. sess. 6. cap. 7. definitur tibi, Christum causam fuisse meritoriam iustificationis nostræ. Clemens 6. in citata extrauag. vniigenitus. eandem definiuit veritatem, docens ecclesie thesaurum ex meritis Christi constare. Sancti patres hanc veritatem passim docuere; quandoque vtentes nomine satisfactionis, quandoque redemptionis, quandoque meriti. Legantur patres citati in dub. 2. & 3. p̄ced. arti. Quibus adiungatur Hyeron. supra illud ps. 128. & copiosa apud Deū redemptio. Et in epist. i. 26. ad Dardanū & epist. 146. ad Damasc. lege S. Leon. in serm. 3. de passio. & in 3. & 6. de natiuita. quibus in locis Christū nobilem appellat mercatorem, Quia suo nobis sanguine & gratiæ vitam, & cœlestem mercatus est patriā. Probatūq. tōne ex scrip. sacr. & ex patribus desumpta. Redemptio qua Christus nos redemit, fuit perfectissima & copiosa per quā nō solū a diaboli seruitute eruti sumus, & a peccato liberati, sed & ad vitā gratiæ euecti sumus, & cœlesti patriæ conciuēs effecti: ergo Christus non solum pro nostris satisfecit peccatis, vt articulo p̄cedenti ostendimus; verumetiam meruit nobis gratiam & spiritualem vitā, eamque æternam. Nam alias nō copiosa, sed minus perfecta nostra per ipsum facta fuisset redemptio.

Sed & alia ratione hæc veritas probatur a theologis. In Christi operationibus reperiebatur vniuersæ conditiones ad meritum requisitæ, fuerunt. n. libere, studiosæ, propter Deū factæ, a subiecto modis omnibus gratiæ, & acceptæ, ac denique in statu viæ constituto. Ergo nulla est vel apparet ratio, ob quā Christū non apud deū meruisse dicamus.

Con-

Confirmatur. Quod Christus fuerit viator, veritas est secundum fidem catholicam certa. Ergo & eadem certitudine credendum est ipsum meruisse per actus bonos, & studiosos propter dei amore factos. Consequentia patet ex ijs, quæ circa priorem conclusionis partem dicebam, videlicet, mereri esse proprium viatoris. Et quidem, quod Christus fuerit ex maxima dei providentia, & dispensatione viator, & quod de facto non meruerit, id est, quod non ambulauerit in via, in qua de torrente bibit, vt ps. 109. habetur. Quis, vel mediocriter sapiens suspicabitur. Nam ad quid obsecro viator fuit Christus, nisi vt per motus & gressus propria voluntatis perueniret ad ipsum viæ terminū. Denique probatur ista conclusio. Christus vere satisfecit pro nostris sceleribus: Ergo, & meruit nobis cælestia bona. Antecedens sufficienter, vt crediderim, superiori probauimus articulo. consequentia vero est manifesta. Quoniam omnis actio sat isfactoria pro culpa, est etiam meritoria gloria. Et ea quæ sufficiunt ad satisfaciendum ex condignitate, sufficiunt & ad merendum de condigno.

Sed arguis. Præter assignatas conditiones ad meritum requisitas, alia est etiam necessaria, si non ad hoc quod actio se sit meritoria, de quo alias, saltem, vt Deus aliqua ratione teneatur præmium reddere benemerenti. Hæc autem conditio est promissio Dei, seu quod idem est, efficax operis meritorii in certum, & determinatum præmium præordinatio. Sed de hac conditione non constat: ergo, neque de Christi merito, prout importat ius ad aliquod determinatum præmium conferendum ipsi merenti, aut ijs quibus meruit. Huic argumento maiori admissa in sensu in quo procedit, neganda est minor propositio: ostendit enim Dei promissionē, efficacemque ordinationem ad præmium determinatum illa testimonia ex Paulo, & Isai. paulo autem citata: ex quibus apertissime constat de voluntate dei efficaci conferendi Christo præmio pro suis meritis & operibus. Hæc autem efficax dei voluntas promissioni æquiualeat. Et hæc eadem efficax dei voluntas constat ex illo quod Christus Luc. 4. duobus discipulis euntibus in Emaus dixit. Nonne sic oportuit Christū pati, & ita intrare in gloriam suam? Sed & de expressa promissione intelligitur. Id quod Dauid Christi nomine, Psal. 2. dicebat, dominus dixit ad me, &c. postula a me, & dabo tibi gentes hereditatem tuam, & possessionem tuam terminos terræ.

Secunda Conclusio.

Christus in primo sue incarnationis instanti vere & proprie meruit. Hanc conclusionem non omnes theologi concedunt, negarunt. n. e. Albe. mag. in 3. d. 18. ar. 6. S. Bonau. ead. d. 1. p. q. 1. Dura. q. 2. Alex. Alens. 3. p. q. 16. memb. 2. ar. 1. Alcius. lib. 3. tra. 1. c. 7. Sed vniuersi alij

si alii theologi cum tuo mag. in 3. d. 18. constantissime eam affirmât. Et S. Tho. 3. p. 34. ar. 3. quem omnes eius sequuti sicut discipuli. Magi. Bartholo. Medi. in comment. huius 3. art. centet contrariam sententiam non esse tutam, quin periculosam in fide. Cui ego libenter assentior, tum quia hæc nostra conclusio videtur esse præsupposita ab illis patribus quorum memini superius q. 1. in locis in quibus de christi gratia tractarunt, legantur præterea S. Gregor. hom. 7. in Ezech. & Damasc. lib. 3. c. 22. 1. um. Quia sunt duo loca in scriptura sacra in quibus ista sententia magnum habet fundamentum. Alterum est illud pau. ad Hebr. 10. Ingressus in mundum dixit hostiam, & oblationem. &c. tunc dixit ecce uenio &c. Quem locum expendidit erudite satis Magister Medi. Et quidem quod illa Christi operatio, de qua ibi loquebatur Paulus fuerit meritoria nulli dubitationi sub est. Quia, vt ibidem, Paulus subiunxit, ea voluntate sanctificati sumus. Operatio autem qua sanctificauit nos Christus satis gloria fuit, & meritoria. & hoc in dubium verti non debet. Quod vero hanc operationem habuerit Christus in primo instanti sue incarnationis, ostendunt illa verba, ingrediens in mundum. Nam tunc sine dubio vere dicebatur Christus ingredi in mundum, & non ante illud instans, vt est res constans, neque post, quia in quoque instanti, post illud primum, signato iam ingressus dicebatur non ingrediens, si cum proprietate sunt Pauli verba sumenda, vt sunt reuera, sicut & omnia quæ in sacris scripturis habentur, nisi grandis necessitas & efficax ratio oppositum exposcat, vt sæpe cum Aug. in lib. de doct. Christi repetimus. Quæ plane necessaria ratio hic inuenire minime poterit, quin potius non inefficaces rationes theologicæ huic intelligentiæ attestantur. Dices scio quod ad verificandū prædicta verba citra vllam impropriatē, facta fuerit, quod continuo post primū incarnationis instans Christus in illam actionem prodierit: nam quod in tempore iam uicino primo instanti christus fecit, aut dixit citra impropriatē dicitur fecisse cum primū ingradiebatur in mundum. Quod enim parū distat a primo, quasi non distare videtur. Respondeo, quod si hæc solutio non ad esset contraria sententia aperta fuisset hæresis. Vnde quia multo proprius verba citata de primo intelliguntur instanti, & sine causâ rationabili, vt mox videbitur, sit recursus ad illam amplū loquendi modum, id circo hanc intelligentiam arbitramur voluntariam, & absque fundamento, atque adeo sententiam quæ ipsi innitur, censemus parum securam. Alterum sacre pagine testimoniū est illud quod legimus Hierem. c. 31. Nouū creauit dominus super terram mulier circumdabit virum. Quem locum omnes ecclesie patres & docti Sacrorum libriorum interpretes intellexerunt de Christo. Quem idcirco, virum, propheta vocauit in vtero virginis conclusū

F f f quia

quia plenum, ubi rationis habuit usum, in quo potissimum virilis consistit perfectio. Et consonat eidem veritati, quod Zachar. c. 6. vir oriens vocatur ipsemet dominus Iesus, eo fortassis, quia in ortu suo, id est, in momento conceptionis perfectus fuit homo rationis usu pollens. Et ob eandem causam Angelus admonens Ioseph de incarnationis Christi mysterio in utero Virgineo suae charissimae sponsae Marię dixit. Quod in ea natum est, non dixit conceptum, sed natum, ad insinuandam sceleris perfectionem, qui tam erat perfectus atque si iam ab annis multis esset natus. Ex ijs deduco argumentum. Christus in illo primo instanti plenum rationis usum sortiebatur: ergo cum in eodem instanti gratiae plenitudine perficeretur, ut ex patrum sententia in. 1. quæst. exposuimus. Quæ ratio esse poterit, ob quam prima illa, quam habuit, operatio in quam se primum voluntatis explicuit libertas, non fuerit super naturalis Dei amor, & quæ Christus spontanea voluntate mortem pro humani generis redemptione subeundam acceptaret. Præsertim cum in alio loco quem ex Paulo retulimus, id fere expressum habeamus. Itaque locus hic posterior, prioris reddidit causam. At dicunt sententię contrarię autores, quod non fuit possibile ut in vno illo primo instanti perfectum Christus habuerit rationis usum. Verum hoc nulla probabilitate fulcitur. Cum communis theologorum sententia, id concedat angelis, ac primo parenti Adamo, quod in primo, videlicet, creationis instanti prodierint in liberam operationem quæ meriti fuit capax, ex qua doctrina novum pro nostra sententia argumentum insurgit, nimirum. Quod si theologi grauiores concedunt angelis & Adamo meritum in illo primo instanti, quæ probabilitate id Christo negabunt. Præterea libertatis & rationis usus non pendet, per se loquendo, ex temporis successione, quod si pendet in nobis, illud est propter corporis impedimentum, quia videlicet operatio intellectus in nobis ab usu phantasmatum pendet. Sed hoc impedimentum, & hæc dependentia minime reperiatur in Christo. Quod ostendo. Primum quia in illo instanti indieu fuit Christo non solum beatificum lumen, sed & scientia insula, quæ in suo usu a phantasmate non pedit, ut dicit S. Th. 3. p. q. 11. ar. 2. Ergo potuit in primo illo instanti suæ rationis & voluntatis libertate uti, non secus atque potuit angelus. Præterea si dixeris in Christo intellectum & voluntatem a corpore, & a phantasmatibus dependentiam habuisse, infero. Quod neque rationis usus aduenit Christo toto tempore quo fuit in Virgineo matris utero, atque adeo quod improprijssime propheta eum appellauerit virum. Patet hæc sequella, quia pro toto illo tempore summa corporis imbecillitas impediabat perfectum phantasmatum usum. Et sic cornuto argumento vrgeo. Vel intellectus Christi operatio a phantasmatum corporalium usu

pendebat, vel non. Si primum: ergo toto tempore quo Christus fuit in ventre matris suæ, imo & vsque ad aliquod tempus post natiuitatē in quo corpus firmitatem & soliditatem obtinuerit, nequiuit prodire in perfectum actū intellectus & rationis, quod nullus admittet catholicus. Si secundum, ergo in primo instanti eque bene Christus intellectualiter operari potuit, atque in quolibet alio posteriori instanti. Quia ex parte intellectus & voluntatis vtraque in illo momento perfectione pollebat, & naturali & supernaturali. atque adeo dicendum est, quod de facto prodijt in liberam operationem, & eam quidem supernaturalem. Nam cum in illo instanti manifestata ei fuissent omnia beneficia suæ humanitati collata, & finis suæ incarnationis, qui erat dei gloria per humanā redemptionem ipsius Christi intercedente morte comparanda, fuerintque eidem collata omnia necessaria supernaturalis actionis principia, si nullum ex parte corporis adfuit impedimentū, quā probabili rōne talis operatio supernaturalis, quæ Deum super omnia dilexit, & in eius gloriam se totum Christus obtulit, redemptionisque acceptauit negotium. poterit Christi voluntati negari, illo præsertim extante Pauli testimonio dudum adnotato. Et hæc de secunda conclusione suffecerunt: nam plura poterit theologus in S. Th. q. 34. cita. legere, & in doctissimis Metinensis commentarijs ad citat. ar. 3.

Tertia conclusio.

Valde probabile est, Christi meritum nunquam fuisse interruptū a primo vsus rationis instanti, vsque ad instans mortis eius exclusiue. Hanc conclusionem insinuat Alex. Alen. loco citato, & ex nouioribus theologis nonnulli doctissimi, & si quibusdam aliis ægregie doctis refragantibus. Quæ conclusio sic probatur. Nulla est necessitas constituendi interruptionem in actibus virtutum quæ fuerunt infusæ Christo in primo instanti suæ conceptionis, ergo cum in magnā Christi dignitatē cedat horū supernaturalium actū cōtinuatio, valde probabiliter loquitur, qui eam admittit. Sed omnes huiusmodi actus in Christo fuerunt meritorij, meruit enim christus per omniū virtutū actus, sicut & nos meremur: ergo &c. Primū antecedens, constat ex his quæ circa præcedentē conclusionem dicebamus, nimirū, quæ scientia infusa animæ Christi non habet dependentiā necessariā ex phantasmatibus vt in actum prodeat, & in vsum perfectum, eadē autem est ratio de vniuersis virtutibus infusis, quæ per ipsam scientiā infusam regulantur: Ergo, &c. Probatur secundo. Intellectus & voluntas, vt manifesto nobis experimento constat, nunquam otiantur, nisi cum sensitiuæ potentiz aquatum vsu intellectus & voluntas pendet, somno aut simili ligantur impedimento. Ergo cum in christo virtutes infusæ nō pendeant in sup actuali vsu a potentijs sensitiuis,

intellectus & voluntas, ac similiter ipsa insusce virtutes nunquam ociosa fuerunt in Christo: atque adeo continue perseverauit aliqua earumdem meritoria operatio. Hæc quæ diximus non solum de morali continuatione meriti, quæ aliquam interruptionem admittit, procedunt, quam moralem continuationem nullus forsitan theologorum negabit. Verum etiam de continuatione physica, quæ nullam omnino patitur interruptionem. Nescio an possit huic loco accommodari illud Cant. 5 ego dormio, & cor meum vigilat, Quæ verba licet satis conuenienter sponsæ tribuantur: non tamē refragabitur textui, quicquid in persona sponsi prolata existimauerit, cui corporale somnum non adimebat liberam animæ operandi potestatem secundum beatificam scientiam, & secundum eas virtutes, tum intellectus, tum voluntatis, quæ ex ipsa fuerunt derivatæ.

Consulto dixi in conclusione, usque ad instans sue mortis exclusiue, quoniam in illo instanti, in quo primum Christi anima a corpore fuit egressa, constituta est extra totum merendi statum. Non me latet Caiet. existimasse quod tam in Christo, quam in martyribus meritum vitæ continuatum fuit usque ad mortis instans inclusiue, quatenus illud instans est terminus vitæ. & illius operationis meritorie, quæ habebatur in tempore illud instans immediate præcedenti. Verum hic modus loquendi parum, ni fallor, ad rem attinet. Quia cum illud instans sit extrinsecum, & vitæ, & operationi meritorie, nullam potest meriti rationem addere merito præcedenti: eo vel maxime, quod illud instans præmio potius suscipiendo deseruit, quam merito. Martyris enim anima, quæ plene purgata a corpore discedit, in illo instanti præmium essentiale recipit essentialiterq. beatificatur.

Hoc loco aduertendum est, errasse olim quidam asserentes Christum meruisse non solum in ipso sue mortis instanti, verum & post illud instans. Fuit illis errandi occasio, quod sancti patres non semel dixerunt sacramentorum virtutem ex illo vulnere emanasse quo Christi latus lancea fuit percussus, ex quo sanguis & aqua effluerunt. Ita docuerunt Cyril. & Chrysost. in c. 19. Ioan. Anbr. hom. 10. super Luc. Aug. tract. 15. in Ioan. & tract. 120. & S. Leo epist. 4. c. 6 tunc generationis, inquit, potentiam sanxit, quando de latere ipsius profluxerunt sanguis redemptionis, & aqua baptismatis. Id ipsum docuit Theophilus super caput 19. Ioan. Non etiam defuerunt alij, qui vt negarent Christum post mortem meruisse, affirmauerunt Christum ante mortem accepisse prædictum lateris vulnus. Sed verique manifeste errarunt in fide, ij quidem postremæ evangelicæ historię contradicentes: Ioan. n. citato cap. narrat a parte vulnus illud Christo post mortem fuisse illatum. Primi vero errant contra communia dogmata in scripturis factis fundata. Ex quibus habemus, quod vbi ceciderit lignum ibi manebit

Clem. 1. de
summa tri-
nit. & fide
cathol.

nebit sine ad Austrum, siue ad Aquilonem, & quod post hanc vitam nullus superest merendi locus, quia nec consilium neque ratio est animæ a corpore decedenti. Multa alia in virtusque huius erroris posset afferri. Sed in re tam manifesta & perua cunctis, non oportet tempus grauiori disputationi necessarii insumere. Patres autem quorum nunc nunc testimonia retulimus, haud quaquam dixerunt, prædicto Christi vulnere aliquod inhaesisse meritum, sed quod virtus sacramentorum ex illo vulnere efflueret. Quæ doctrina triplicem habere potest intelligentiam. Prima quod ex Christi morte virtus sacramentalis emanaret. Explicantq. hoc patres recurrentes ad illud lateris vulnus, quia mors habuit veluti totalē quandam sui consummationem in illa totius sanguinis effusione, quæ facta fuit illo vulnere accepto. Nō .n. vtiq. ad illā lateris aperturā totus sanguis Christi fuerat effusus. Quod si dixeris eadē versari difficultatē de morte, atq. de ipso lateris ruinare, quia, vt paulo ante dicebam, in ipso mortis instati Christus nihil meruit. Respōdeo p. secundā supradictę patrū doctrinæ intelligentiā. Quod virtus sacramentorū idcirco tribuitur & morti, & vulnere post mortē inflicto, quia utrūq. fuit cōprehensum in merito Christi obiectiue. Volo dicere, quod Christus meruit spontanea voluntate acceptando ipsam sui mortem, illudque vulnus quod præuidit futurum, atque ea quæ post mortem gesta fuerunt circa sacrum ipsius corpus, vt sepulturā, &c. Et quidem si Christi meritum aliqua ratione potuisset augmentum suscipere, magna ei facta fuisset accessio ex libera horum acceptatione: & quatenus Christus voluntarie se ijs perferendis obtulit. Et hac ratione non immerito sancti patres sacramentorum virtutem Christi morti, ac prædicto eius vulnere, virtutem sacramentorum attribuerunt.

Tertia intelligentia est, quod illa sanguinis . & aquæ effluxio per modum exemplaris causæ virtutem contulit sacramentis. Nam & ostendit fontalem sacramentorum virtutem in Christo, in eiusque passionē reperiri, & quod virtus in eo latens, ex ipsoque ad sacramenta defluēs & lauandi, ac emundādi cōscientias nostras vim habet, quod aqua præsignauit, & præij quoque redemptioni nostræ necessarij efficaciam obtinuit, quod in sanguine præsignabatur. Sanguis nāq. Christi voluntarie oblatus ipsum fuit excellentissimū humanę redemptionis pretium, vt 1. pet. 1. dicitur. Expendātur verba ex S. Leone ep. 4. citata, ex quibus hæc interpretatio fiet manifesta. Similia dicit Aug. tract. 120. citato. Ille, inquit, sanguis in remissionem fusus est peccatorum, aqua illa salutare temperat poculum, hæc & lauacrum præstat, & potum. In hoc causæ exemplaris genere dixit quoque Paul. Christum resurrexisse propter iustificationem nostram. Illa causalis, propter, non meritoriam, sed exemplarem designat causalitatem.

Viden-

Videndi sunt Ambros. super Psal. 86. & Hieroni. in cap. 26. Matth.

Ultima tandem intelligentia est, quod et sacramentorū virtus & nostra tota iustificatio & sanctitas tribuitur morti Christi acceptæ, & vulneri lateris Christi, in genere effectriceis causæ non moralis, sed physicæ. De qua physica causalitate nonnulla dicemus in q. 6. principali huius relectionis. Et loquebatur S. Th. 3. p. q. 48, art. 6.

Ad argumenta in oppositum respondetur. Et ad primum aliqui dicunt, quod amor beatificus ex natura rei necessarius est, Christus tamen per potentiam miraculorū quam habebat, potuit facere quod actus ille sua natura necessarius, non sequeretur necessario, sed libere, sicut etiam potuit facere per eandem virtutē miraculorum, quod corpus alias passibile non doleret, vel non pateretur. Hæc tamen solutio est voluntaria, neque tale miraculum fuit necessarium, derogatque dignitati & perfectioni beatitudinis Christi. Perfectio enim beatitudinis est, quod necessario diligatur Deus in ipsa beatitudine, & ita hæc solutio non placet. Neque ad hunc effectum extendi potuisse potentiam miraculorum, quæ in Christo residebat, citra vllam vllam dubitationem crediderim.

Secunda solutio est, Christum non meruisse per actum charitatis, sed per actus aliarum virtutum obedientiæ, religionis &c. quod si meruit per actum charitatis, debet intelligi per actum charitatis proximi. Itaque meruit per actum à virtute charitatis elicitedum, sed nō quatenus tendebat in Deum formale & primarium ipsius charitatis obiectum, sed qua ratione proximum respiciebat, qui est secundariū obiectum ipsius charitatis. Verum hæc solutio displicet alijs Theologis, neq. vero mihi placet. Tum quia non satis est consentanea doctrinæ S. Th. qui 3. p. q. 19. ar. 3. ad 1. inquit, quod non meruit per charitatem in quantum erat charitas comprehensoris, sed in quantum erat viatoris, & in q. 29. deuenit. ar. 6. ad 6. dicit quod eadem charitate Christus fruebatur & merebatur. Quare secundum doctrinam S. Th. non solum per actus aliarum virtutum, sed potissimum per actum charitatis meruit christus. Tum etiā quoniam, vt inter arguendum in primo argumento diximus, charitas & radix est merendi, & formaliter constituit actum quemcumque in ratione meritorij. Et huius doctrinæ ea est fundamentalis ratio, quod sola charitas est ad quam per se primo pertinet operari propter Deum, secundum quod est summum bonum, non habito explicito respectu, neque ad penā, neque ad præmium, sed ad ipsum deum, ad ipsamq. bonitatem eius & gloriam, in quo consistit prima iuris meritorij radix. Nam totum meritorium ius in eo consistit, quod ea, quæ nostra sunt, demus deo, & quasi in eius commodum, quantum est ex parte nostri, offeramus, quod solum facit charitas vel elicitive, vel imperatiue, quia ipsa so-

la respicit per se primo dei gloriam amplificandam, & extendendā. Cæteræ namque virtutes si sunt morales, non circa deum immediate versantur, si theologicę fides quidem respicit deum, vt verum, vt primamq. veritatem nobis cælestia mysteria reuelantem. Spes autē respicit deum vt bonum nobis: Ergo si ab actu charitatis in Christo secludimus rationem meriti, oportet totaliter meritum a Christo auferamus. Et hac eadem ratione confutatur ista secunda solutio, quatenus dicit Christum meruisse per charitatem, non vt deum, sed vt proximum respiciebat: radix enim & formalis meriti ratio non ex proximo, sed ex deo sumitur, vt ex præsentī doctrīna constat.

Tertia solutio asserit in beatis duplicem charitatis amorem reperiri. Alterum qui per beatificam visionem regulatur & dirigitur, & quo amatur deus, vt vilius. Alterum qui tendit in deum cognitum per scientiam infusam, qua extra verbum beati supernaturali cognitione clara & euidenti Deum, eiusque summā bonitatem agnoscunt, quæ cognitio est regula huius posterioris amoris. Tunc dicunt huius solutionis autores, quod in christi anima duplex hic ponendus est amor. Et prior quidem simpliciter est necessarius amor, & naturalis voluntati humanæ christi ut per charitatem eleuatur: prodit enim ex ipsa naturali charitatis propensione, quæ in illo beatifico statu tam est efficax & potens, vt secum rapiat voluntatem humanam, ipsamque totaliter necessitet addeum summum bonum clare uisum super omnia diligendum. Et hic charitatis actus non fuit in christo meritorius, neque ex ipso desumebatur christi meritum. Posterior vero charitatis actus liber fuit christi voluntati, non quidem quoad specificationē, quia contrarium actum habere nunquam potuit, sed quoad exercitium. Nam sicut christus & quilibet alius beatus potest simpliciter cessare ab actuali cognitione Dei, habita per scientiam infusam: ita poterit cessare ab illo actuali dei amore, qui per hanc cognitionem regulatur, & in deum sic cognitum tendit, & hic charitatis actus, meritorius fuit in christo, & similiter esse poterat in ceteris beatis, nisi extra statum merendi simpliciter essent constituti. Quod non contigit christo, qui dum mortalem agebat vitam simul fuit viator & comprehensor. Adhibent hanc solutionem graues theologi. Ferraz. 3. contra gentes. c. 62. Mag. Sor. 3. lib. de nat. & gra. c. 7. & Mag. Med. loco citato. Quæ solutio est satis probabilis & vero similis. Nam sicut in angelis grauiorē theologi geminā constituunt dilectionem, qua se ipsos diligant. Alterā pure naturalem & necessariā quæ sequitur iudiciū infusum a natura. Alteram vero electiuam quæ sequitur iudiciū deliberatū, de quo i. p. q. 60. ita similiter in beatis ponitur gemina dilectio Dei supernaturalis. Altera pure necessaria, altera libera pro diuersitate cognitionis beatificæ, & cognitionis infusæ extra verbum.

Sed contra istam solutionem duo instant argumenta. Primum illudq. commune, sed non omnino facile est huiusmodi. Duo accidentia, quæ solo numero differunt, secundum vulgatam Aristoteli & S. Tho. doctrinam, nequeunt simul in eodem subiecto reperiri: putant enim graues ij auctores numericam accidentis constitutionem ex eius subiecto desumi, atque adeo si vnum & idem est subiectum, idem est & accidens secundum numerum. Quo circa si ex differentia specifica duo accidentia in eodem subiecto posita non secernuntur, nullum restat principium diuisionis ipsorum. Vnde nequeunt esse duo, sed vnicum est dumtaxat accidens. Tunc sic, actus charitatis qui tendit in deum cognitum per infusam scientiam est omnino eiusdem speciei cum eo qui regulatur per scientiam infusam, & fertur in deum clare visum, nam cum sit eadem omnino bonitas, quam vterque actus in deo respicit, quod sic vel aliter cognoscatur, accidit charitatis actui. Quod præsertim certissimum esse debet, si vera est illa sententia Theologorum ex Caiet. 12. q. 1. a. 1. desumpta, quæ docet, apprehensionem non ad formalem rationem obiecti voluntatis, sed ad conditionem quandam requisitam pertinere. Igitur assignata solutio falsum præsupponit, nimirum, geminum reperiri charitatis actum in intellectu humano Christi, & in quocumq. alio beatificato intellectu.

Secundum argumentum. Christus tantum meruit prout erat viator quod nullus theologorum poterit inficiari, quia in quantum comprehensor non erat in statu merendi, sed Christus fuit viator tantum secundum partem inferiorem, quæ inferior pars, vel ut putauit Scotus attenditur secundum appetitum sensitiuum, & reliquas sensibiles potentias, vel quod verius est iuxta, S. Tho. doctrinam, secundum ipsam met rationalem voluntatem, pro ut regulatur per cognitionem quæ considerat inferiores rationes, & attendit ea quæ pertinent ad dispositionem ipsius corporis humani: sed actus charitatis regulatus per scientiam infusam, secundum quod respicit ipsam dei bonitatem, nullo modo pertinet ad rationem inferiorem, sed ad rationem potius superiorem, imo & supremam: Ergo in illo actu non potuit consistere ratio meriti.

Primum argumentum triplici potest solutione dilui. Prima solutio est communis, nimirum, quod accidentia respectiua etsi solo numero differant, possunt in eodem subiecto multiplicari, quia ex terminis quos respiciunt, potest desumi eorum indiuidualis diuersitas. Vnde duo actus dilectionis dei quatenus diuersimode deum respiciunt, alter ut cognitum per scientiam beatam, alter per scientiam infusam, quæ nisi solo numero differant, simul esse possunt in eodem subiecto. Sicut actus dilectionis dei & actus dilectionis proximi, cum ab eadem virtute charitatis proficiantur sola numerica distinctione secer-

nuntur,

nuntur, qui tamen propter diuersa materialia obiecta quæ respiciunt, simul esse possunt in eodem subiecto. Et facile erit rem istam aliis plurimis exemplis illustrare.

Secunda solutio asserit quod quamuis habitus charitatis viæ & patriæ sit vnus & eiusdem speciei, imo sit vnus & idem numero habitus, quia charitas numquam excidit, id Paulo testante. 1. Corinth. 13. at propter sui excellentiam potest habere actus diuersarum specierum, & ita dilectio dei per cognitionem fidei regulata, specie differt ab ea quæ in patria visionem beatam sequitur. Et proportionabiliter dicitur de dilectione, quæ per scientiam beatam regulatur, & ea quæ fertur in deum per scientiam infusam cognitum. Hæc autem solutio induplici sensu valet intelligi. Prior est, quod actus charitatis viæ & patriæ, & similiter actus qui oritur ex scientia beata, & is qui ab infusa scientia procedit differunt specie, non physice sed moraliter, ita quod dilectio patriæ & dilectio viæ in vna & eadem physica continentur specie, differunt tamen specie in esse moris, eo quod alter est necessarius, & alter liber, alter meritorius, & alter incapax meriti, quæ sunt conditiones ad diuersas species morales pertinentes. In hunc sensum hanc amplectitur solutionem Mag. Med. loco citato. Alter vero sensus est, quod non solum in esse moris, sed etiâ physica differunt specie hi charitatis actus propter formalem obiectorum diuersitatem. Quæ non ex dei bonitate cum vna sit & formaliter eadem desumitur, sed ex diuersa obiecti apprehensione, quæ secundum probabilem opinionem ad formalem rationem obiecti volentis spectat. Hunc posteriorem sensum insinauit Caiet. 1. p. q. 82. ar. 2. circa finem, vterque huius solutionis sensus potest probabiliter defendi, quamuis vterq. suas habeat difficultates, in quibus enodandis non licet nunc immorari, nam cui hæc solutio non placuerit, præcedenti vtatur ad euadendam vim argumenti propositi.

Sed & aliam tertiam solutionē adhibeat, is cui harū neutra fuerit grata, quam theologi nō in docti adhibere solent huic argumento, nimirū, quod vnus & idē actus charitatis est, qui procedit a beata visione, & qui per scientiam infusam regulatur, qui charitatis actus, vt a beata cognitione oritur simpliciter necessarius est, ac proinde omnis meriti expers, atque itidē incapax. Vt vero ab infusa procedit scientia, libertatem quandam induit, & subinde meritorius esse potest. Neque in hoc aliqua apparet contradictio, nihil enim repugnat quod actus ille qui est simpliciter necessarius, induat quandam libertatis modum per respectum ad aliquam quasi illi aduentitiam regulam, ex qua liberam quandam complacentiæ rationem acquirat. Ita quod Christi voluntas qui deum beatifica visione cognitum omni necessitate diligit, accedente eiusdem dei cognitione per scientiam infusam

habita, virtualiter sibi in eadem dei dilectione libere complacere, ac cedente noua eiusdem dei cognitione per infusam scientiam habita. Ita quod sic se habeat eius voluntas regulata per hanc cognitionem posteriorem, quod reuera ipsum deum amaret libera dilectione, nisi praeuenta esset ab actu charitatis necessario, qui ex beata visione oritur. Hæc implicita complacentia constituit illum charitatis actum virtualiter liberum: atque adeo capacem meriti. Affertur potest exemplum ex his quæ nos experimur. Contingit enim quandoque, quod vnus & idem motus naturalis sit simpliciter, & quemdam tamen violentiæ modum ab extrinseco principio participet. V. c. cum quis deorsum proicit lapidem, motus ille lapidis simpliciter est naturalis, lapis enim ab intrinseca, & naturali propensione deorsum fertur, habet tamen motus ille quidpiam violentiæ ad mixtum, quatenus ex violento proiicientis impulsu progreditur, impulsus namque ille cum tota liter ab extrinseco oriatur principio naturalis non est lapidi, sed violentus. Vnde neque hæc solutio censeri debet improbabilis, iuxta quam dicere tenemur, non esse omnino rationem eandem attendendam in dilectione dei quæ habetur in patria, & in cognitione qua beatus deum cognoscit, nam vere distinguimus geminam dei supernaturalem cognitionem, vtramque certam & euentem in intellectu beati, nimirum, facialem & intuitiuam dei visionem quæ habetur in verbo, & cognitionem extra verbum per species creatas quæ procedit ex infusa scientia: At in voluntate beatificata unicum tantum dilectionis actum agnoscit ista solutio, qui secundum substantiam beatificus est & necessarius, & secundum quandam modum non beatificus, sed ad viatorum pertinere valet, eo quod secundum istum modum liber esse possit, & meritorius.

Ad secundum argumentum primo respondetur, quod cognitio quæ per scientiam infusam habetur de deo, & si per se considerata ad rationem superiorem pertineat, comparata tamen ad visionem dei beatificam, qua videtur deus sicuti est, inferioris est rationis: quia sic per species creatas, quæ multo inferiori modo deum representant, quam ipse in se sit. Et proportionabiliter est dicendum de charitate, nimirum, quod actus ille charitatis, qui per scientiam infusam regulatur, etsi seorsum sumptus ad rationem superiorem spectet, comparatus tamen actui charitatis, qui ex beatifica visione ortum habet, ad rationem potius inferiorem pertinet. Cum ergo S. Tho. & ceteri graues theologi dixerint Christum viatorem fuisse secundum partem inferiorem, id est, secundum eam animæ portionem, quæ rationes humanas & inferiores consulit, sub nomine inferiorum rationum comprehendunt omnem cognitionem dei supernaturalem, quæ habetur extra verbum per species creatas. Contraponabant enim statum viatoris contra statutum comprehensoris. At comprehensoris status, non

constituitur per aliam scientiam, neq. per aliā dei cognitionem præter illam quæ habetur in uerbo. Vnde omnis alia inferior cognitio potest se tenere ex parte status viatoris. Et similiter dicendum est de actibus amoris diuini, quod ille tantum qui oritur ex beatifica uisione censeretur pertinere ad rationē superiorem. Omnis vero alia inferior dilectio ad rationē inferiorē pertinet, potestq. esse viatoris actus.

Secundo respondetur quod supposito statu vię vndecumq. proveniat, omnis actus liber, & si alias pertineret ad statum beatificum, induit quendam modum pertinentem ad statum vię, quem participat ex subiecto in quo reperitur: cuius participii ob id est capax, quia libertate pollet, ex qua habet capacitatem, vt sit meritorius, si in subiecto viatore ponatur. Et ita dicendum est de actu cognitionis infusus qui per scientiam infusam in Christo regulatur, qui certe secundum se non viatoris sed beati actus est, quatenus effectus est essentialis beatitudinis, resultat enim hæc dei cognitio ex beatifica uisione vt 1. p. q. 19. solet explicari. In subiecto tamen viatore positus induit eius qualitatem. Et proportionabiliter dicendum cenſeo, de actu dilectionis dei qui hanc sequitur cognitionem.

Sed iam ad quartam principalem primi argumenti solutionem tranſeamus, quā existimo satis esse consentaneā. S. Th. doctrinæ, iuxta quā dico Christū meruisse per ipsummet charitatis actū, quo diligit deum clare vīsum, qui meritorius fuit, nō prout beatificus, sed prout fuit actus viatoris. Ista sunt verba. S. Th. locis paulo superius cit. Sed in eo posita est tota difficultas, vt explicemus, quā rōne actus ille beatificus est, quā vero rōne ipsemet inuariatus fuerit actus viatoris.

Ad cuius explicationem notandum est, q. sicut finis acquirendus potest esse obiectum duorum actuum, nempe volitionis, & intētionis. Est quidem obiectum volitionis, prout est in se bonum quodam quā ratione est propter se appetibile, iuxta id q. Aris. 1. Eth. c. 1. dicebat, bonū est q. omnia appetunt. Est autem intētionis obiectum, quatenus taliter est bonū, quod est ratio appetēdi media, per quā finis ipse est cōparāndus. Vnde intētio respicit finem sub formalissima rōne finis, quatenus, scilicet, est acquisibilis per media quibus ipse finis appetibilitatem tribuit. Quo actu non solum finis bonitas & conuenientia appetitur, sed ipsam quoq. finis causalitatem respicit hic actus. Ita solent loqui de fine & eius bonitate discipuli S. T. 12. q. 1. ar. 2. Ad cuius doctrinæ imitationem proportionabilē ego distinctionē facio infine iam acquisito & habito (& loquor in specialide vero & ultimo fine deo) q. eius bonitas potest per semetipsam considerari quā ratione est appetibilis, & vt ita loquar fruibilis, null o habito respectu ad aliquid extrinsecū. Alio modo prō vt est ratio volendi alia, quæ cōuenientiā aliquā habent cū ipsa cōsequuta finis bonitate. Primo mō

do considerata diuina bonitas amatur & diligitur a beatis dilectione necessaria, & necessitate specificationis, & necessitate exercitii, ita q̄ beatus, neq. contrarium eius amare potest, in quo consistit specificationis necessitas, neque ab actuali eius amore cessare, quod ad necessitatem pertinet exercitii, & similiter eadem bonitate omnimoda necessitate finiuntur. Itaque neque ab eius amore, neque ab eius fruitione ullatenus diuelli possunt, nisi grande interueniret diuinæ omnipotentiae miraculum. Considerata vero secundo modo diuina bonitas non necessario amore diligitur, neque talem dilectionem ex postulat beatificus status, ad quem sicut non per se pertinet creaturarum amor (sicut neq. earum cognitio) ita neque per se requirit amorem diuinæ bonitatis, prout est ratio actualis amoris creaturæ.

Sed est secundo notandum, quod sicut volitio finis prout est bonum in se, & propter se amabile, & intentio eiusdem finis prout amatur, ut acquisibilis per media, realiter quandoque coincidunt in vnum & eundem actum, in quo duplicem illam rationem volitionis & intentionis distinguimus. Ita amor diuinæ bonitatis iam habet & consequetur vnus est & idem actus, qui per se primo respicit ipsam, ut est in se infinita & summa bonitas, & super omnem bonitatem diligibilis, & secundo eandem respicit diuinam bonitatem per respectum ad creaturas, quatenus est ratio volendi & amandi ipsas. Propriè ratione considerata diuinæ bonitatis dilectio est actus beatificus, & omnino necessarius, ut dudum dicebam. Considerata vero modo posteriori, neque pertinet necessario ad beatificum statum. neque necessarius actus est, sed simpliciter liber.

Et quidem nulli mirum esse debet, quod vnus & idem actus super naturalis dilectionis dei in voluntate beati vtramque conditionem & necessitatis, & libertatis induat, cum sit quædam connaturalis participatio diuini amoris quo deus suam diligit bonitatem, in quo geminam hanc conditionem summa cum excellentia reperimus. Nam prout suam deus bonitatem diligit, eius dilectio summe necessaria est, & Deo naturalis. At quatenus est ratio actualis dilectionis creaturarum, libere ipsam et dei bonitas a diuina voluntate diligitur: nulla enim instat necessitas diuinæ voluntati diligendi creaturam aliquam, & ex consequenti, neque necessitatur ad amandum ipsam diuinam bonitatem prout actu est formalis ratio diligendi creaturas, id est, prout actu exequitur officium rationis formalis in creaturarum dilectione. Nonnulli theologi, & quidem doctissimi non admodum doctrinam hanc habuere probatam propter duas causas. Prima quia actus qui non est simpliciter infinitus nequit includere duas illas condiciones tam diuersas scilicet necessitatis, & libertatis. Secunda quia actus beatificus mensuratur æternitate participata, quæ nullam

muta-

mutationem admittit. At si actus ille liber fuit, potuit in ipso mutatione & successionis variatio reperiri, cum posset Christi voluntas cessare ab illo actu prout erat liber. Sed neutra harum causa efficaciter expugnat istam doctrinam. Ad primam enim dicitur. Primo, quod licet ille amor voluntatis Christi non sit infinitus, est tamen participatio actus amoris infiniti voluntatis diuine eiusdem ordinis cum illo. Secundo dico, quod etiam in actu pure finito possunt per comparationem ad diuersa, illae duae conditiones reperiri. Nam actus qui simul est intentio & electio, qua ratione intentio potest esse necessarius, saltem quoad specificationem, & prout electio omnino liber. Ad secundam causam respondeo, quod sicut diuinus amor, qua ratione libera est creaturarum volitio, abique aliqua sui mutabilitate mensuratur aeternitate essentiali, ita Christi amor, prout liber potest participata aeternitate mensurari: in quo nulla vnquam reperietur mutatio, propter necessitatem suppositionis quam, iuxta modum inferius explicandum, in eo tenemur ponere. His ergo sic suppositis. Tertia solutio primi nostri principalis argumenti in eo sita est, quod Christus per eandem illam dilectionem qua necessario diligebat diuinam bonitatem clare visam, secundum quod est in se & propter se summe amabilis, & diligibilis, & qua ratione eius delectio erat actus beatificus, diligebat etiam libere eandem meriti diuinam bonitatem, prout actu erat ei formalis ratio volendi redemptionem humani generis sua morte subque sanguine exequendam, qua ratione delectio dei diuinaeque bonitatis in Christo actus fuit liber, actusque viatoris, & ex quo regulabantur omnes actus ceterarum virtutum, quae in Christi anima residebant. Haec solutio explicabitur amplius ex dicendis in solutione sequentis argumenti.

Ad confirmationem respondetur, quod sicut Christo fuerunt manifesta omnia opera, quae per totam suam vitam decursum erat acturus, ita fuit ei manifestus modus omnium suorum operum, nimirum, quod libere ab ipso scienda erant. Vnde illa praecognitio suarum operationum neque abstulit, neque minuit libertatem voluntatis humanae Christi circa easdem operationes. Et haec sufficiant pro nunc ad huius confirmationis solutionem: nam si quid amplius postulare videbatur eius difficultas, ex solutione sequentis argumenti desumi poterit.

Ad secundum argumentum negatur maior, ad cuius primam probationem dicitur, quod praecceptum non praesupponit, quod subiectum habeat eum statum, in quo possit peccare, sed tantum supponit necessarium ex parte subiecti, quod habeat naturam, qua secundum se, & ex intrinsecis principiis considerata peccare possit, & deficere ab ordine voluntatis superioris. Et huiusmodi est humanitas Christi, quae licet in peccabilis facta sit, & propter beatificum statum in quo est, & maxi-

nie propter coniunctionem ad verbum, tamen ex se ipsa considerata, & ex intrinsicis suis principijs peccabilis est, & defectibilis, potensq. proinde ab ordine diuinæ voluntatis, & rationis resiliere. Et ob id capax fuit præcepti & legis, tum naturalis, tum positivæ, iuxta ea, quæ diximus in secundo notabili. Sed illud superest addendum ad exactam argumenti solutionem, minime necessariam esse ad substantiam præcepti illam comminationis explicationem in argumento insinuatam, videlicet, si non obedieris, eris mihi inimicus, reus eris subeundæ poenæ, &c. Nam hæc & similes comminationes, cum non ad vim directivam, sed ad coercivam legis potestatem spectent, non necessario requiruntur ad rationem præcepti, nisi quando subiectum est in statu, in quo potest deficere ab observantia præcepti. Sed satis fuerit ad essentialem præcepti rationem, quod efficaciter dirigat voluntatem inferioris circa actionem imperatam, constituatq. ipsam actionem in ratione virtutis obedientiæ. Quod si dixeris vim coercivam per se attingere ad legem, ita quod non est lex illa, quæ coercitiva vicaret: atque adeo si prædictam poenæ comminationem a Christo excludimus, necessum est ut ab eo excludamus rationem præcepti & legis. Respondeo & primum dico, ad rationem legis necessariam esse vim coercivam in legislatore, non tamen est necessarium, quod in particulari lex imposita vim coercivam habeat circa omnem eum quem obligat. Cuius rei exemplum habemus in principe, qui lege communi quæ æque ad ipsum & ad subditos pertinet, secundum directivam ipsius legis vim simpliciter obligatur, & tamen vis coercitiva legis ad ipsum non pertinet. Et ita possemus dicere de lege imposita Christo, quod ipsum obligavit secundum vim omnem directivam, quamvis potestatem coercivam nullatenus in ipso exequi posset. Respondetur secundo, quod ad salvandam vim coercivam in lege Christo posita, satisfuerit, quod eius humanitas secundum se considerata, plenariam habeat subiectionem ad Deum & ad eius legem secundum omnem vim, & directivam & coercivam, sed quoniam Christus, ratione suppositi, ab omni est lege exemptus, indecens ei fuit quod in præcepto sibi ut homini imposito, explicaretur illa comminatio de qua in argumento fit mentio: Potuit enim Christus in ratione suppositi humani subijci deo in his quæ infinitæ eius dignitati & maiestati nihil derogant, videlicet, in operationibus & infusarum, & acquisitarum virtutum exequendis, quæ nullum defectum moralem vel includunt, vel præsupponunt in operante. At respectu penę subeundę, si proprie & in rigore de pena loquamur, nullatenus potuit Christus diuinę potestati submiti, quia pena licet formalitè non importet deformitatem, præsupponit tamē illam in subiecto quod puniatur, quę moralis deformitas tam longe est a Christo, quam longe est ab ipso Deum non esse.

Ad tertium argumentum quod est satis ad dissoluendum difficile, multi ex nouioribus theologis & quidem non indocti existunt, præceptum impositum Christo totaliter eius voluntatem determinare circa executionem actionis præceptæ. Et cum indifferentia voluntatis sit conditio necessaria ad eius libertatem, consequenter fatentur præceptum auferre libertatem a Christi voluntate circa actionem præceptam, v. c. circa mortis acceptationem pro reparatione generis humani. Vt autem in illa voluntate Christi qua diuino obsequens præcepto prædictam mortem acceptauit, aliquam relinquât libertatem, vt possint in ea satisfactoriam & meritoriam rationem saluare, in omne se latus vertunt, nullumque relinquunt immortuum lapidem. Vnde eorum nonnulli dicunt, quod præceptum impositum Christo de acceptanda morte, non primam suam habuit originem a diuina voluntate Dei præcipientis, sed ab ipsa humana voluntate Christi, q̄ humani generis reparationi valde affecta, tam efficaci propensione voluit humanæ salutis commodis & vtilitatibus intendere, vt simul voluerit quod hoc ipsum strictissimo præcepto Deus ei iuberet, præciperetque ipsi vt humanam vitam, eiusque pretiosum sanguinem, pro ipsa hominum salute expenderet. Et quia huic liberæ voluntati diuinum superuenit præceptum, quamuis totaliter in sensu composito ipsam humanam Christi voluntatem ad sui executionem determinaret, non simpliciter ab ipsa libertatem abstulit, eo quod talis determinationis & necessitas fuit tantum secundum quid, & ex suppositione, quatenus in actuali præcepti obseruantia & ad implementum implicitè continebatur libertas illius præcedentis voluntatis Christi, qua voluit per præceptum obligari, sine cuius præuisione & præscientia Deus tale præceptum minime imposuisset Christo. Vti solent isti theologo exemplo, vt eis videretur satis accommodato & idoneo, ex his q̄ inter religiosos contingunt frequenter, videlicet, quod cum quis vult exequi aliquod consilij opus, petit a prælato vt illud sibi per præceptum iniungat propter maius meritum, quod ei ex obedientia accrescet. Ita inquit, Christus dominus volens non solum ex charitate, sed ex obedientia simul pro humani generis salute mori, petiuit a patre, vt eandem mortem quam ipse subire decreuerat, ei per præceptum iniungeret. Quocirca in actuali mortis acceptatione neque libertatis, neque meriti ratio defuit.

Hæc solutio & si primo aspectu videatur commendare eam Christi charitatē qua dilexit nos, & seipsum pro nobis tradidit, ac si bene perspiciatur omni probabili fundamento carere. Cōtra quā sic primo arguētor. Præcepta naturalia quibus ipse Christus, inquit homo, sicut ceteri hīes tenebatur, vt ex doctrina S. T. in secundo notabili aduertimus, non fuerunt ipsi imposita depēdēt a præscientia voluntatis ipsius

ipſius, quæ res non debet in dubium verri, quia iſthæc iuris naturalis præcepta non ex libertate voluntatis humanæ, ſed ex ipſa rationali natura ſuam primum deducunt originem. Sed quis negabit Chriſtū meruiſſe in adimplerione, & obſervantia naturalium præceptorum? Ergo ad ſaluandum Chriſti meritum in obſervantia præcepti de morte pro humano genere acceptanda, non oportet recurrere ad illā antecedentem chriſti voluntatem, non enim minus per præcepta iuris naturæ determinabatur humana chriſti voluntas ad eorum implementum, atque per præceptum de morte ſubeunda. Vnde qua ratione nos expediemus a neceſſitate ex præceptis naturalibus proueniēte, eua derequoque poterimus difficultatem, quæ ex præcepto poſitio mortis oritur circa determinationem voluntatis chriſti, atque adeo ſuperflue assignatur illa ſolutio.

Secundo arguitur. Ex iſto modo dicendi ſequitur, quod paſſio Chriſti qua humanum redemit genus, non fuit formaliter & in ſe ipſa libera & meritoria, ſed in ſua tantū radice & cauſa, nempe, in illa prædicta chriſti antecedenti voluntate: ſicut peccatum quod cōmittit ebrius in ebrietate conſtitutus, non eſt formaliter liberum & voluntarium, ſed in ſua cauſa duntaxat, in ea, ſcilicet, voluntate vel formali vel virtuali, qua prius quam ebrietatem incurreret, illud peccatum voluit. Conſequens videtur multum derogare meritis chriſti, & eorum perfectioni: Ergo, &c.

Dicit forſan aliquis, quod in libera poteſtate chriſti poſitū ſemper fuit illud moriendi præceptum, ita q̃ ſi ipſe vellet, auferret deus præceptum quod impoſuerat, & quod ſicut impoſitio præcepti fuit dependens ab humana chriſti voluntate, ita & ipſius continuatio. Verum hæc euafio ridicula eſt ac plane impertinens, quia re ipſa tollit obedientiam a chriſto. Nam præceptum quod totaliter ſubijcitur voluntati eius cui imponitur, reuera præceptum non eſt, nam præceptum ſuperius debet eſſe ad voluntatem ſubditi, & non totaliter ei ſubiectum & ſubordinatum.

Tertio arguo contra eandem ſolutionem: ex ea ſequitur quod in illo ſigno rationis, quo deus decreuit præceptum moriendi pro humani generis redemptione imponere Chriſto, cognouit hominum redemptionē iam eſſe peractā, per illā Chriſti voluntatē ab ipſo deo præuiſam qua voluerat tali præcepto obligari, illa namque voluntas Chriſti præceſſit moriendi præceptum, fuitq. infinite meritoria & ſatisfactoria, vt pote; deo infinite grata, & ordinata ad ipſam humani generis redemptionem: Ergo illa ſufficiens fuit ad humanum genus ex iuſtitia riguroſa redimendum, atque adeo ſuperflue fuit mortis præceptum impoſitum, ſed contentus debuerat eſſe deus illa ſpontanea Chriſti voluntate.

Quarto, quod humani generis redemptio christi passione & morte fieret, non fuit inuentum ex consilio humanæ voluntatis Christi, sed ex altissimo potius ac profundissimo cōsilio dei. Nam qui omnia operatur secundum cōsiliū voluntatis suæ, Paulo. ad ephes. 2. dicente, non æquum fuit, vt maximum suę sapientiæ & potentiæ opus ad humanæ voluntatis placitum reuocaret. Et quidem sancti patres in præcedenti art. citati, negotium redemptionis generis humani non semel reduciunt ad altissimum solius diuinæ voluntatis cōsiliū. At autores prædictæ solutionis, totum humanæ redemptionis opus ad ipsam humanam Christi voluntatem reuocant: ergo nulla ratione est hæc solutio vt probabilis admittenda. Quam & pressius vrgeo, ex eo quod Paulus ad heb. 10. loquens de Christo & de primo eius ingressu immundū refert Christum ita patri dixisse: Ecce venio vt faciam deus voluntatem tuam, id est, vt præcepto tuo obediam circa humanæ redemptionis expeditionem. Certe si vera esset illa solutio, proprius & verius dixisset Christus, ecce venio vt faciam voluntatem meam, cum totum redemptionis humanæ negotium ex ipsa tanquā ex prima radice penderet.

Item si Christus præceptum illud a patre petiit, non multa cum proprietate dixisset Paul. rom. 8. quod proprio filio suo nō pepercit, sed pro nobis omnibus tradidit illum. Nam si Christus ipse voluit & petiuit vt præceptum moriendi sibi imponeretur, ipse sibi potius nō pepercit, quia deus non illum obligabat, sed ipse voluit obligari. Ad commendam autem Christi charitatem, eiusque eximiam vim & excellentiam, satis superque fuerit illa promptissima eius voluntas, qua in eodem instanti quo fuit mundum ingressus, patris præceptum de morte sub eunda libentissime fuit amplexatus. Quod & nihil aliud Isaię. c. 53. intendebat cum dixit. Oblatus est, quia ipse voluit, cuius voluntatis promptitudinem aliqua ex parte in hoc dubio circa tertiū notabile declarauimus.

Secunda solutio quam alii nonnulli theologi eidem secundo nostro principali argumēto accommodant, in eo consistit, quod Christus meruit per obedientiam quam habuit in animæ præparatione. Itaq. non meruit in eo quod præceptum sibi impositum obseruaret, quia talis præcepti obseruantia non ex animi libertate, sed ex omnimoda voluntatis determinatione, & necessitate processit. Sed in eo eius cōsistit meritum, quod paratum Christus habuit animum ad similem deo obedientiam præstandam circa illius mandati executionem, etsi nulla impelleretur necessitate, sed in libero suæ voluntatis arbitrio totum humanæ redemptionis negotium positum esset. Non videtur huic solutioni Scot. refragasse in. 3. d. 16. q. 2.

Hæc tamen solutio non est cur viris sapientibus valde grata sit, &
H h h pro-

probabilis. Contra quam sic arguitur, illa animi præparatio ad obediendum deo in opere redemptionis humanæ, vel fuit necessaria christo necessitate præcepti, vel ad consilium tantum spectabat. Si primum dixeris, redit eadem argumenti principalis difficultas, nam illa quoque animi præparatio erit penitus necessaria, nullaque in ea fuit libertas, cum similiter esset in præcepto constituta, atque adeo idem erit ferendum iudicium de ista animæ præparatione, quod de ipsa præcepti obseruantia. Si vero dicas secundum, tunc infero Christum non meruisse per actum obedientiæ, sed per opus tantum consilij, quia tantum meruit per actum ea ratione qua procedebat ex animi præparatione, quæ non ad præceptum, sed ad consilium, dumtaxat spectabat. Obedientia autem, nisi magna cum improprietate loquamur, non in opere consilij, sed in obseruantia solum præcepti reperitur. At qui negaret Christum per obedientiæ actum sui nominis exaltationem permeruisse, contradiceret Paulo ad phil. 2. Expressse, verbis supra citatis, contrarium asserenti. Et qui diceret, quod per obedientiam nobis non meruit Christus supernaturalia gratiæ dona, contrarius quidem esset eidem Apo. ad rom. c. 5. cuius verba et adduximus superius in isto dubio.

Sed adest iam tertia solutio, qua autores huius plenarię determinationis & necessitatis voluntati Christi per præceptum inducunt, illud secundum principale argumentum se sufficienter dissoluere arbitrantur: aiunt enim, quod quamuis Christo impositum fuerit moriendi præceptum, non tamen eodem præcepto determinatę illi fuerunt omnes circumstantię, quę ad ipsam præcepti adimplerionem, & obseruantiam pertinebant. Non enim per præceptum fuit Christo determinatum quo fine, propter quę motiua, quanta volutatis intentione, quantoque conatu acceptare deberet moriendi præceptum, quoue tempore aut loco illud moriens adimpleret, sed hæc omnia libero eius arbitrio fuerunt relictæ, atque adeo licet Christus non potuerit mereri in eo quod acceptabat mortem sibi præceptam quantum ad substantiam operis, meruit tamen quatenus acceptauit illam tali tempore subeundam cum tanta intentione & conatu, & propter talem finem, nam hæc omnia non cadebant sub præcepto, sed ad ipsam attinebant humanę voluntatis libertatem.

Quod si quis contra hanc solutionem arguat in hunc modum. Ex ea sequitur Christum formaliter non meruisse per actum obedientię & per obseruantiam præcepti diuini. Cõsequens aduersatur scripturę sacrę quę multis in locis meritum Christi circa nostrā redẽptionẽ obedientię christi adscribit, vt in loco citato ad ph. 2, factus obediens, &c. respõdet, quod quis in operatione qua Christus mortẽ sibi pceptā acceptauit, quantum ad eius substantiã non per se primo reperiretur libertas, sed

tota libertatis ratio ex circumstantiis desumeretur, simpliciter tamen libera fuit ipsa mortis præceptæ acceptatio etiam secundum substantiam. Quoniam libertas quæ proueniebat ex circumstantiis & ex modo operationis, in eius refundebatur substantiam, quatenus voluntas Christi sub illis circumstantiis & subtili modo, & non aliter se applicuit ad illam efficiendam actionem secundum totam eius substantiã & entitatem. Adhibent exemplum in amore beatitudinis in communi considerata, qui licet necessarius sit quo ad specificationem, quia tamen voluntas libere se ad eius exercitiũ applicat, simpliciter est liber etiam quantum ad substantiam.

Hæc solutio bonam præferret apparentiã, si verum esset id quod præsupponit, puta, omnes circumstantias quæ concurrunt in obseruantia præcepti, nullatenus ad ipsum pertinuisse præceptum, sed in humana christi libertate fuisse positas, quæ tamen est falsum, præsertim de temporis circumstantia, quæ ad huius solutionis intentum maxime conferri posset. Vnde sic arguitur aduersus assignatam solutionem.

Circumstãtia temporis clauditur sub quocũq. præcepto; ergo determinatũ fuit per præceptũ Christo de subeũda morte impositum, quo & tali tempore moreretur & pro quo tempore mortem obeundam acceptaret: atque adeo si præceptum libertatẽ abstulit, Christus nõ libere se applicuit ad actualem præcepti obseruantiam, quia determinabatur tunc eius volũtas ad ipsum actuale præcepti adimplementũ, neque poterat in aliud tempus differre. Antecedens vero probatur, & primum in communi de omni præcepto. Nam præceptum quodcumq. vel negatiuum est vel affirmatiuum. Si negatiuum obligat semper & pro semper, id est, pro omni tempore. Si affirmatiuum; obligat pro tempore determinato, id est, quando adimplendi instat necessitas. Ergo circumstãtia temporis non relinquitur libertati eius cui præceptum imponitur, sed per ipsum præceptum determinatur. Præterea si in particulari loquamur de mortis præcepto quo Christus vt homo, tenebatur, quis credat non fuisse adeo diuinaq. eius prouidentia tempus morti subeundẽ plene determinatũ? Quod non irrationabiter colligi potest ex illo Pau. ad Gal. 4. At vbi venit plenitudo temporis misit deus filium suum factum ex muliere factum sub lege, vt eos qui sub lege erant redimeret. Plenitudo temporis denotat tempus ex diuino præscriptum consilio. Et quidem ex hoc eodem loco manifeste etiã colligitur, quod circumstãtia finis præscripta quoque fuit ex diuinæ prouidentię decreto, neque humanę Christi libertati relicta, nam adhuc finem misit deus filium suum morti subiectum & obnoxium, vt eos qui sub lege erant ac totũ humanũ genus redimeret. Si militer quis credat quod eius loci circumstãtia, in quo christus mortẽ erat:

perpetuus, humano consilio humanaque libertate, & non diuina potius prouidentia fuerit disposita. Certe ego non video, quæ nam aliæ circumstantiæ extra vim præcepti fuerint relictæ, præter intentionem & extensionem eius actus quo Christus subeundam mortem accepit, & aliæ fortassis minutiores, quæ in Christi domini passione parum, aut fere nihil ad humani generis redemptionem reuulerunt. Inter quas nullatenus annumerandam esse censeo ipsam temporis circumstantiam. Nam quod tunc iudeorum, & inimicorum hora esset, ac tenebrarum potestas, non nisi ex ipso speciali diuinæ voluntatis consilio prouenire potuit. Et cum tyrannis fuit desuper data potestas, fuit simul Christo ut homini indicta præcepti necessitas: tunc enim instabat ei necessaria obedientiæ occasio. At quis dicat, quis qui necessitate compellitur, hic & nunc, tali loco, propter talem finem operari, liber manet ad substantiam operis præcepti, eo quod sua libertate adhibeat maiorem aliquem conatum eo, quem adhibere tenebatur: hoc enim non esset aliud quam confundere substantiam operis cum accidentaria ipsius conditione,

Præterea quamuis admitteremus omnem circumstantiã humane Christi libertati fuisse concessam, (quod neq. verum neq. probabile censeo) non adhuc tamen formaliter & proprie loquendo dicere possemus, Christum per obedientiã meruisse, & quod ob id meruit, quia deo fuit obediens, ut dixit Paul. citatis in locis, quia reuera non meruit, quatenus obediens fuit, sed quia eam adhibuit circumstantiã, ad quã ex præcepto non tenebatur, & hoc negari nequit, quidquid fuerit de refusione libertatis ad substantiam operis præcepti.

Secundo eandem solutionem ita impugnant, & suo iudicio expugnant efficaciter nonnulli graues theologi, arguuntque in hunc modum. Ex ea sequitur, quod si Deus imposuisset Christo præceptum de subeunda morte, determinando omnes circumstantias temporis, loci, finis, intensionis, &c. quod sine dubio fieri potuit, in obseruantia talis præcepti nullum interueniret meritum. Consequens apparet absurdum, nam qua ratione negari potest, quod actus a virtute obedientiæ profectus non esset in Christo meritorius? Ergo illa solutio non euacuat vim argumenti. Hoc argumentum, ut dixi, magnificant nonnulli graues theologi, tamque efficax esse censent, ut conuincat sententiã contrariã non solum falsitatis, verum & erroris in fide. At mihi istud argumentum non tantæ apparet efficaciz, ut erroris nota propter vim eius, contrariã sententiã debeamus inuicere. Quoniam cum sacræ literæ quæ affirmant Christum ex obedientia meruisse, non de possibili, sed de facto loquantur, etsi admitteremus in casu in argumento conficto, nullum posse reperiri obedientiæ meritum, nihil esset erroris in tali doctrina. Casus enim de possibili ad theolo-

gicam disputationem potius, quam ad fidei veritatem spectat. Præterea argumentum illud probabilem habere videtur solutionem, posset namque dici, quod intensiōis circumstantia non potuit in summo gradu constitui, ultra quem Christi voluntas non valeret aliquā intensiōem addere. Supponamus enim, quod intensio actus non terminatur intrinsicè, sed in infinitū pōt crescere sine thegorematicè, itaq. nō tāta pōt esse queat, qn maior esse possit. Vnde si fingamus ex præcepto determinatū fuisse gradum intensiōis vt decem. adhuc potuisset Christus mereri exercendo actum intentum vt duodecim: Ergo non debet admitti, potuisse fieri, vt omnes possibiles circumstantiæ secundum omnem earum modum sub necessitate præcepti constituerentur. Hæc solutio mihi olim non penitus displicebat, sed re melius considerata, non euacuat vim argumenti: falsum est enim quod præsupponit, nimirū, operationis intensiōem posse in infinitū crescere; Nā si supponamus virtutē charitatis aut obedientiæ ex qua procedit ille actus habere intensiōem vt octo, humana Christi voluntas nō poterit eidem actui, maiorem adhibere intensiōem quæ excedat gradū, vt. 8. quia tota vis ex qua ille actus procedit, est illa dumtaxat quæ in virtute charitatis vel obedientiæ residet, neque humana voluntas aliquem ex se ipsa potest in eiusmodi supernaturali actione conatū adhibere, sed tantum dumtaxat conari valet, quantum est potestas, & vis infusæ virtutis, charitatis, seu obedientiæ, vel specialis cuiuspiam Dei auxilij, quod determinatam etiam volūtatī vim confert. (Aliiter fortassis esset dicendum si sermo fieret de actione pure naturali & proportionata naturali voluntatis humanæ potestati.) Vnde nulla est cōtradictionis implicatio, quod Deus summā intensiōem quam humana christi voluntas poterat adhibere in actu obedientiæ sub præcepto constitueret, neque quidquam refert quod nonnulli theologi dicunt, actus intensiōem non terminari intrinsicè, sed extrinsecè. Nam primū existimo hoc esse falsum, quando enim virtus ex qua procedit actus determinatam habet intensiuam virtutem, & ad certum terminum & gradum signabilem limitatam, nulla probabilis suadet ratio, quod in ipso actu non possimus signare vltimum gradum intensiōis, quem valet pertingere. Charitatis autem seu obedientiæ virtutis humanæ voluntati infusæ signabilis est gradus intensiōis, ita quod vere possumus dicere, charitatem seu obedientiam intensam esse, vt quatuor, seu vt decem, & quod nequit plus intensiōis suis actibus conferre, quicquid sit de potentijs naturalibus & earum aduū intensiōem, de quibus in præsentia non differimus.

Præterea & si admittamus intensiōem actus extrinsecè terminari, ita vt vere dicatur quod actus obedientiæ non potest peruenire ad intensiōem vt decem, potest aut ad perfectionem aliam intra gradū

ut decem, & si hoc, inquam, gratis admittatur inde non colligitur nō potuisse, sūma actus obedientiæ intensio sub præcepto constitui. Nā quæ est impossibilitas q̄ præceperit Deus Christo, ut exerceret se in tali obedientiæ actum, qui attingeret omnem intensiōem intra gradum ut decem possibilem, cum reuera Christus id posset facere? Constat igitur ex dictis insufficientiā assignatæ solutionis, & quod argumentum factum, & si non erroris, apertæ tamen falsitatis conuincit tertiam illam solutionem secundo nostro argumento assignatam. Quæ falsitas nonnihil etiam derogare videtur sanæ doctrinæ, quæ docet omnem virtutis præsertim infusæ actionem meritoriam esse ex suo genere supernaturalis præmij, præsertim si ex charitate procedat. Tandem vltimo contra prædictam solutionem sic arguo. Præmium, quod ex sacris litteris constat fuisse promissum passioni Christi & alijs eius actionibus, non circumstantias, sed ipsam passionis substantiam respicit. Isa. 53. Si posuerit pro peccato animam suam, &c. Philip. 2. factus est obediens vsq; ad mortem. Propter quod est deus exaltauit illum, &c. Ecce nihil de circumstantijs. Ergo in substantia passionis meruit Christus.

His ergo & alijs solutionibus prætermisiss, Vera solutio est illa quæ communiter à S. Thom. discipulis huc argumento adhiberi solet, nimirum, quod humana christi voluntas fuit simpliciter & in sensu diuiso libera ad obediendum, vel non obediendum præcepto sibi imposito. At in sensu composito, & necessitate consequentiæ, non potuit non adimplere omnia sibi iniuncta præcepta, omnibusq. obtemperare mandatis, itaque non potuit stare, quod Christo imponeretur præceptum moriendi, & quod eius voluntas non acceptaret, & suo tempore non adimpleret. Sed aduerte, quod hæc necessitas ex suppositione non ita est accipienda, quod voluntas Christi antequam illi intimaretur moriendi præceptum libertatem haberet, qua posset mori, & non mori: Cæterum post impositum præceptum auferretur ab ea libertas, & maneret necessitas, & determinata totaliter ad acceptandum ipsum, eique parendum. Hæc enim necessitas tollit sine dubio rationem meriti, ut patet in beatis, qui priusquam viderent essentiam diuinam, liberi erant ad amandum, & non amandum deum, sed supposita visione necessitatur eorū voluntas ad dei amorem, quo actu nulla possunt ratione mereri propter hanc necessitatem. Quo circa hæc necessitas licet supponat aliquid, quod re vera extrinsecum est, & superadditum, & toti homini, & naturali voluntatis ipsius inclinationi, non tamen appellatur à theologis necessitas ex suppositione, sed absoluta, eo quod suppositione facta visionis beatificæ in intellectu, & habitus charitatis in voluntate, continuo prouenit ab intrinseca voluntatis inclinatione. Vnde necessitas suppositionis in nostro casu ita est in-

telligenda, quod posito præcepto voluntas Christi non potuit non obedire, non quidem propter necessitatem prouenientem ex intrinseca voluntatis inclinatione, & determinatione, nam etiam stante præcepto voluntas liberrime acceptabat mortem, sed tota necessitas proueniebat, partim ex magna voluntatis ipsius rectitudine, quem beatificus dei diuinæque bonitatis amor in ea constituerat, partim vero, ex infallibili, & efficaci directione, & manu tenentia diuina, qua dirigebat humanam christi voluntatem circa illius præcepti obseruantiam. Sicut solent dicere theologi de confirmatis in gratia, qui licet libertatem habeant ad peccandum, non tamen peccare possunt in sensu composito, propter infallibilem diuinæ prouidentiae gubernationem, & directionem; efficacemque dei manu tenentiam.

Sed arguitur contra hanc solutionem, & probatur, quod illa necessitas, qua Christi voluntas necessitabatur ad obseruantiam præcepti proueniret ab intrinseco, atque adeo, quod ab ipsa humanæ voluntatis Christi actione meritum penitus auferret. Et in hoc huius rei consistit punctus: Necessitas ad non peccandum in Christi voluntate prouenit ab intrinseco, tum ratione suppositi diuini, cui omnino repugnat peccatum, tum etiam ratione beatificæ charitatis, quæ ab intrinseco necessitat Christi voluntatem ad amorem dei. Ergo necessitas ad obseruantiam præcepti impositi proueniebat ab intrinseco. Probatur consequentia, quia tanta necessitas inerat voluntati Christi ad obseruandum præcepta, quanta fuit necessitas non peccandi, etenim si non adimpleret præceptum peccaret.

Confirmatur. Eadem necessitate qua voluntas necessitatur ad uolendum finem, necessitatur ad uolendū media, quæ necessaria sūt, vel ad finem consequendum, vel ad consequutum cōseruandum. Sed humana Christi voluntas necessitabatur intrinsece ad amorē vltimi finis qui consistit in visione, & dilectione dei: Ergo ab intrinseco necessitabatur ad uolendum media, quæ sunt necessaria ad cōseruationem huius vltimi finis. Sed obseruantia huiusmodi præcepti fuit Christo medium necessarium ad beatitudinem cōseruandam: ergo, &c.

Ad huius difficultatis elucidationem in antiquioribus theologis vix quicquam aliud reperimus expressum, præter id quod dicit S. Thomas. 3. p. q. 18. art. 4. ad 3. nimirum, quod voluntas Christi licet sit determinata ad bonum, non tamen est determinata ad hoc vel illud bonum, & ideo pertinet ad Christum eligere per liberum arbitrium confirmatum in bono, sicut ad Beatos. Et similia dicit Alexander Aletensis 3. p. q. 16. membro. 2. art. 7. prope finem. Cæterum non explicant

cant grauissimi isti theologi quo pacto humana Christi voluntas, aut voluntas cuiusuis alterius beati se habeat erga illa opera, quæ per strictum dei præceptum eis fuerint iniuncta. Inter nouiores theologos reperies quam plures, qui hanc difficultatem euadere se putant, & vniuersis eius argumentis satisfacere per distinctionem illam vulgatam de sensu diuiso, & composito, quam distinctionem (quæ nullatenus est improbanda) non aliter explicant quam quibusdam adhibitis exemplis, quorum nonnulla nullam fere habent cum nostræ difficultate similitudinem, quia necessitas quæ in illis importatur nullatenus est intrinseca voluntati, sed ab extrinseco tantum principio dimanans. Cuiusmodi sunt illa quæ ex scientia vel ex præscientia dei petuntur. In quibusdam vero aliis eadem fere est difficultas quæ in nostro casu versatur, atque ita offendes in horum theologorum doctrina, exempla illa quandoque deseruire præsentī nostro difficultati elucidandæ, quandoq. vero exemplum ex præsentī difficultate, scilicet, ex obedientia voluntatis Christi desumptum, vicariam opem ferre iis difficultatibus enodandis, circa quæ prædicta verlantur exempla, & hac reciproca exemplorum circulatione omnes huiusmodi difficultates subterfugiant. Nobis autem pressius tantisper libet præsentem hanc difficultatem pertractare, vt argumenta proposita probabilem accipiant solutionem, quæ re ipsa potius quam verbis constet.

Igitur a confirmatione vltimo loco posita rem istam inchoantes, non desunt docti theologi qui dicant, quod efficax finis intentio voluntatem penitus determinat ad efficacem eorum mediorum electionem quæ vel ex natura rei, vel ex super adito superioris præcepto necessaria sunt ad ipsam intenti finis assecutionem. Vnde si contingeret ipsam finis intentionem necessariam esse voluntati, ex naturali eius determinatione & non ex libertate prouenire, talium mediorum electio, seu, vt verius dicam, acceptatio, esset quoq. similiter necessaria. Quæ doctrina colligi potest ex his quæ Christus Io. 14. dicebat si quis diligit me mandata mea seruabit, quasi diceret, efficacia dilectionis dei quæ est ipsa veri finis intentio, in obseruatione mandatorum cognoscetur, quia non poterit non se in eam explicare. Quod compendiosa oratione Gregorius in hunc modum dixit. Probatio amoris, exhibitio operis est. Ceterum, inquiunt hi theologi, quæ amor finis iam assecuti, quamlibet ipse necessarius, sit & summe efficax, nullam inducit determinationem, & necessitatem voluntati ad aliquot media eligendum, seu acceptandum, eo quod sine consequuto cessat tota mediorum necessitas.

Hanc tamen solutionem (nisi decipior ego) efficaciter expugnât illa confirmatio vltima, cuius tota vis ad hoc reducitur, quod cum,

ut alius dicebat, non minor sit virtus quam querere parta tueri, non minor efficacia ponēda est in illa finis volitione quę fertur in ipsum ut acquirendum per media, quam in ea quę eundem respicit finem ut conseruandum & tuendum. Vnde si intentio finis acquirendi determinationem infert & necessitatem voluntati erga media quę necessaria sunt finis assecutioni sola etiam præcepti necessitate, eadem omnino, nisi forsam maiori ratione, concedendum est, quod efficax volitio finis conseruandi & tuendi, qualis & in voluntate Christi & in voluntati cuiuslibet beati reperitur, similem infert determinationem, & necessitatem voluntati ad amplectendum ea media quę ad finis habitum conseruationem & tuitionem simpliciter sunt necessaria, vnde cumque illa necessitas proueniat, etiam ab imposita superioris lege. Hęc argumentatio apud me est omnino efficax, & plane insolubilis. Quare ab hac prima solutione tantisper recedentes alia tendamus via, quę forsam in præcedentis solutionis explicationem cedit.

Dico igitur secundo. Latum discrimen versari inter finis intentionem quam habemus in via, & qua ipsum ut acquirendum respicimus, & inter illum eiusdem finis amorem quo ipsum beatus diligit in patria, ipsoque possessio fruitur. Intentio namque finis acquirendi est actio libera voluntatis, & cuius proinde efficacia ab ipsa voluntatis libertate pendet & in ipsa radicatur (supposita tamē eleuatione per charitatem facta) libertati autem voluntatis & efficacię intentionis ex ipsa prouenienti omnia media ad finem assequendum uecessaria subiiciuntur, vnde cumque eorum oriatur necessitas, siue ex connaturalitate ad finem intentum, siue ex præcepto extrinsecus adposito. Vnde & efficax intentio finis voluntatem determinat ad omnium huiusmodi mediorum volitionem. Cæterum amor finis habitum & consequuti qui in cuiusvis beati voluntate reperitur, efficaciam suam non ex libertate voluntatis, sed ex naturali ipsius voluntatis seu, ut verius dicam, supernaturalis charitatis inclinatione & propensione desumitur: ex qua sane charitatis inclinatione prouenit affectus ille conseruatiuus dei iam habitum, qui canticorum cap. 3. his verbis exprimitur, tenui eum neq. dimittam. Efficacia vero volitionis & amoris finis ex naturali tantum charitatis propensione orti, seu, quod idem est, ex naturali inclinatione voluntatis ut eleuetur per supernaturalem charitatis habitum, non se extendit nisi ad ea tantum media, quorum necessitas non ab extrinseco præcepto, sed ex connaturalitate ipsorum mediorum ad finem prouenit. Quoniam de terminatio quam circa media infert voluntati prædicta finis volitio, tota est regulanda per ipsam charitatis naturalem propensionem. Quo circa talis efficacia non extenditur ad ea necessaria media, quo

rum, necessitas oritur ab extrinseco, nimirum, a lege superioris positiua, & ab aliquo superaddito præcepto: præceptum enim ethi morale necessitatem inducat & rem præceptam in specie virtutis constituat. V. c. ieiunium in specie virtutis abstinentiæ, cultus diei festiui in specie religionis, &c. Non tamen constituit naturalem proportionem & connaturalitatem inter huiusmodi rem præceptam & ipsum finem ipsamque charitatis virtutem.

Qua supposita doctrina dico, quod humana Christi voluntas (& eadem est ratio de quacunque beatificata voluntate) ab intrinseco necessitatur ad non peccandum, & ad non violandum præceptum Dei, sumendo formaliter violationem, & transgressionem præcepti. Quoniam hæc determinatio voluntatis Christi, & necessitas ex ipsa naturali charitatis inclinatione provenit: charitas enim patriæ tam necessitat voluntatem & determinat ad non offendendum Deum, quam ad ipsum amandum. Cæterum ad observantiam mandatorum quæ ex lege positiua proveniunt, & circa eam materiam versantur, quæ non habent intrinsecam connaturalitatem cum ipsa charitate, & Deo prout est summum bonum ultimusque rationalis creaturæ finis, non constituit omnimodam determinationem, neque infert totalem necessitatem ipsi voluntati. V. c. non determinat voluntatem ad ieiunandum, vel ad aliud opus simile faciendum, quod longe distat a statu beatifico, & a necessaria connexion cum ultimo fine per beatam visionem assecuto. Quo fit, ut posito præcepto moriendi pro humani generis redemptione, humana Christi voluntas determinabatur ad dilectionem Dei quem nulla ratione vel odio habere, vel offendere poterat: nullatenus tamen determinabatur consimili necessaria determinatione ad acceptandam mortem sibi præceptam, sed libera simpliciter & spontanea voluntate ipsam acceptavit. Sicuti ut dicebamus superius, ipsamet Dei bonitatem, quatenus est ratio amandi Creaturas, non necessario, sed libero prosequenbatur amore. Ex quo libero divinæ bonitatis amore processit volitio acceptandi mortem, & parendi Deo in alijs huiusmodi præceptis, si quæ Christo fuerunt imposita.

Ex his sequitur, quod necessitas quæ reperiebatur in illa Christi volitione qua patris præceptum de morte pro humano genere subeunda acceptavit, necessitas quidem fuit ex suppositione, scilicet, præcepto supposito, sic adeo quod erat manifesta implicatio, quod pater præciperet Christi mortem pro humani generis redemptione, & quod ipse Christus eam non acceptaret. Sequeretur enim illud magnum inconueniens in secundo principio: si argumento cuiusque confirmatione insinuatum, nempe, quod Christus Deum offenderet, ipsumque odio haberet, & quod ipsum simul

su.

super omnia diligeret beatifico charitatis amore: sed tamen hæc necessitas acceptandi mortem non ab intrinseco, vt diximus oriebatur, quia alias esset necessitas simpliciter, & meriti rationem destrueret, sed ab extrinseco proueniebat, etsi fundamentum magnum haberet in ipsa intrinseca voluntatis dispositione quatenus deum super omnia diligebat, & id quidem necessario amore & naturali charitatis propensione orto, cui impossibilitas peccandi intrinsece erat annexa.

Sed ad huc nos quispiam vrget molestissimo argumento, cuius difficultatem in confirmatione secundi argumenti insinuauimus quæ in hoc potissimum sita est, quod non valet intellectus capere quæ ratione ista choereant, scilicet, quod voluntas Christi sit penitus & ab intrinseco determinata ad non offendendum Deum, & ad non transgredendum & violandum eius mandatum, & tamen quod non sit determinata consimili determinatione, ad acceptandam mortem sibi præceptam, cum ipsa non acceptatio mortis sit offensio Dei, & formalis transgressio diuini præcepti. Cui difficultati (cuius solutionem audirem libentius quam docerem) ne omnino succumbam, dicendum arbitror, quod cum naturæ, naturalisque inclinatio ad vnum sit penitus determinata sitque proinde inuariabilis, si alicui formali rationi ad quam formaliter sumptam voluntas naturali inclinatione fertur aliqua extrinseca supponatur materia per legem & præceptum præscripta, sicut ante hanc sanctam legem Voluntas non inclinabatur naturaliter ad materiam illam, ita neque post latam legem, eo quod naturalis inclinatio inuariabilis est, & ad vnum, vt dixi, semper est procliuus & determinata. Voluntas autem beati, & propter apertam, & facilem diuinæ bonitatis ostensionem ex qua mouetur & dirigitur ad ipsum deum summum bonum amandum, & potissimum propter ipsam charitatis ei infusæ naturalem propensionem & inclinationem determinatur, ac plane necessitatur ad deum super omnia diligendum, & ad obsequendum eius voluntati, quæ in diuinis præceptis explicatur. Et non offendendum ipsum Deum eius violando legem, atque adeo determinatur ad positiuam cuiuscumque diuini præcepti obseruantiam si formalis ratio diuini præcepti & in abstractione ab hac, vel illa materia, consideretur. Cæterum ad particularem hanc, vel illam materiam quæ sub diuino præcepto iniungi potest, non est oïno determinata. Quo fit, vt tali præcepto posito voluntas naturaliter determinata maneat ad non violandum ipsum, formaliter considerata diuini præcepti violatione, non tamen manet determinata ad materiale eius actionem, sicut neque ad ipsius materiã, V. c. ad mortem acceptandam, ad ieiunandum, & ad alia similia, quæ ex se ipsis non habent connatus,

ralitatem, & necessariam cōnexionem cum virtute charitatis, & cum ipso fine ultimo in quem naturalis propensio ipsius charitatis tendit. Vnde Christi voluntas quamlibet fuerit per beatificam charitatem determinata ad amandum Deum super omnia, & ad non violandum eius pręcepta: Imo, & ad ipsorum obseruantiam, & implementum considerata formali pręcepti ratione, simpliciter tamen manebat libera ad acceptandum pręceptam sibi mortem, & ad non acceptandum. Et licet illa rectificatio quę ipsi voluntati inerat circa finem nullatenus eam permetteret deficere circa mortis pręceptę acceptationem, uel circa quamuis aliam, sibi pręceptam materiam, quia tali stante voluntatis defectu, deficeret & ipsa voluntatis Christi circa finem rectitudo, quę cum sit omnino necessaria, utpote, ex naturali charitatis inclinatione proueniens, impossibilis est eius defectus. Quamuis, inquam, talis rectitudo circa finem non permitteret Christi uoluntatem deficere circa quamcunque pręceptam materiam, minime tamen posset ipsam uoluntatem totaliter determinare ad bene operandum circa materiam illam extraneam pręcepto legeque pręscriptam, eo quod naturalis inclinatio uoluntatis etiam ut eleuata per charitatem non attingit materiam huiusmodi, sed eligeret illam libero quodam ductu liberaque electio-
ne, infallibili tamen, & quę proinde necessaria est secundum quid & ex suppositione duntaxat, & ea tantum necessitate, quę
sufficit ad saluandam huius consequentię bonitatem. Voluntas christi non potuit peccare, ergo non potuit non acceptare mortem sibi
 bi pręceptam. Quę sane consequentia bona est, quia licet antecedens sit simpliciter necessarium, consequens uero sit simpliciter contingens
 & liberum. In nullo tamen casu stante antecedentis ueritate, poterit
 consequens falsificari. Ita quod aliquando ponatur in esse quod uoluntas Christi non acceptet mortem sibi diuino iniunctā pręcepto.
 Vnde hac consequentia proposita distinguat theologus eius consequens, utens illa uulgata distinctione de sensu diuiso & composito, negetque illud in sensu diuiso, quia importat necessitatem simpliciter, & concedat in sensu composito, qui necessitatem tantum secundū
quid & suppositionis denotat, quę necessitas sufficiens est, ad illius cō
sequentię bonitatem. Pręsupponenda namque est in hoc loco ea doctrina quę solet tradidi 1. par. 14. q. 19. 2. 23. quod ad bonitatem consequentię nihil inconuenit, quod antecedens sit simpliciter & absolute
 necessarium, & quod consequens sit simpliciter contingens, dum tamen induat aliquam suppositionis necessitatem, cuius ratione nunquam
 possit falsificari stante antecedentis ueritate, ut contingit in hac consequentię quę posset fieri tempore Christi passionis instanti. Christus dixit Petro ter me negabis: Ergo Petrus ter erat Christum negaturus.

Antecedens enim cum esset propositio de præterito simpliciter erat necessarium, consequens vero simpliciter contingens. Sed inducitur tamen suppositionis necessitatem ex Dei præscientia, ex ipsaque prophetica Christi prædictione ortam, cuius ratione, stante antecedentis veritate minime poterat consequens falsificari. Ita ergo in præsentia dicendum est, quod stante rectitudine voluntatis Christi circa deum summum bonum & ultimum finem, non poterit contingere defectus circa actionem aliquam ipsi christo per diuinum præceptum iniunctam.

Sed adhuc rogas, vtrum esset necessaria, extrinseca aliqua Dei providentia & cura specialis, qua Christi voluntatem efficaciter manuceret, & infallibili gubernatione dirigeret, ne ab huiusmodi præceptorum deficeret observantia. An vero satisfuerit ad hanc infallibilitatem, & necessitatem suppositionis inducendam intrinseca voluntatis Christi circa finem rectificatio, ille videlicet charitatis amor quo summa cum propensione & determinatione ipsum deum super omnia diligit.

Respondetur hoc secundum mihi videri probabilius, eo quod prædicta circa finem voluntatis Christi rectitudo, cum secum non possit admittere defectum circa materiam præceptam, & ex alia parte sit inclinatio ad finem ultimum ex quo tanquam ex prima regula pendet tota moralis rectitudo, sufficientissima fuit, & ad applicandum intellectum præcticum ad omnia iudicia infallibili præceptorum observantia necessaria, & ad ipsam voluntatem inclinandam, & propendendam, ut summa cum suavitate prædicta practica infallibiliter sequeretur iudicia, absque vlla moralis defectionis admixtione. Cum vero nos superius insinuauimus infallibilem, & ex suppositione necessariam præceptorum observantiã ex providentia dei extrinsecam, & speciali eius directione fore pensandã. Considerabamus Christi voluntatem, non tam ut rectificatam per amorem charitatis beatificæ ipsi voluntati inherens, quam ut coniunctam diuino verbo, in ipsoque suppositam, nam talis coniunctio non mutat intrinsecã voluntatis inclinationem, atq. adeo voluntas verbo unita (si beatificam charitatem ab ea secludamus) extrinseca ipsius verbi providentia, eaq. specialissima, egeret, ut infallibiliter diuinis obsequeretur præceptis, & in summo moralis rectitudinis contineretur officio. At beatifica charitatis rectificatione in Christi voluntate posita non oportet ad huiusmodi specialem providentiam verbi & curam recurrere, ut infallibilis sit in ipsa Christi voluntate omnium diuinorum præceptorum observantia. Imo & sufficiens quoque est, ut eadem Christi voluntas in omnibus diuinæ voluntati efficaci semetipsam conformet, seclusa etiam præcepti obligatione, sed id tamen

liberæ & spontaneæ arque adeo meritoria. Quod si quis contendat necessarium quoque fore ad specialissimam dei providentiam & curam recurrere, non admodum ei repugnauerim. Dum tamen simul, qui ita senserit, fateatur. Quod deus in sensu composito necessitatur ad huiusmodi specialem providentiam de beatificata voluntate gerendam, ne deficiat aliquando ab huiusmodi præceptorum totali adimplemento. Nam alias sequeretur illud intolerabile absurdum superius explicatum, nempe quod voluntas & summe diligeret deum, & ipsum simul offenderet. Quod est reipsa, diligere & non diligere simul.

Quod diximus de Christi voluntate beatificata, proportionabiliter est dicendum de voluntate cuiuscunque beati, quamvis diversa sit omnino & ab similibus ratio quod attinet ad meritum. Nam Christi voluntas viatrix erat iuxta modum superius in hoc dubio expositum & obdidit meriti fuit capax, quod tamen locum non habet in voluntate cuiuscunque alterius beati.

Hæc dicta sunt satis probabiliter, ut apparet, ad secundi principalis argumenti solutionem, quam non erit difficile ex dictis colligere, simulque solutionem confirmationis ibi appositæ, & cuiusdam alterius argumenti cum sua confirmatione cuius occasione hæc fere omnia diximus. Nam ad hæc & similia argumenta respondendum est, quod illa determinatio & necessitas voluntatis Christi ad diligendum deum super omnia, & ad non violandum eius præcepta sed seruandum potius, induxit voluntati Christi necessitatem suppositionis ad moriendum, ad acceptandumque mortem sibi præceptam, non vero necessitatem simpliciter quæ meritoriam auferet potestatem.

Sed ut tractationem istam suis numeris absoluamus, non libet tacito dissimulare silentio difficultatem, quæ ex tradita doctrina suboriri poterit. Nam sequitur ex his quæ dicebamus, quod Christi voluntas necessario necessitate simpliciter obseruasset omnia mandata iuris naturalis quibus, ut in secundo diximus notabili, Christus tenebatur, ac proinde quod in eorum obseruantia nihil meruit apud Deum. Consequens non videtur admittendum, quia tunc non meruisset per humilitatem, qua se ipsum coram Deo humiliavit, nam obligatio humilitatis ad deum non iuris est positivi, sed legis est naturalis, & in ordine naturæ, & in ordine gratiæ: Connaturalitem enim habet & cum rationali natura, & cum ipsa inclinatione gratiæ. At Paul. ad Philipe. 2. verbis illis sepe citatis humiliavit semetipsum dominus noster Iesus Christus, &c. nominis Christi exaltatione, quam loco præmii ipse Christus post suam mortem accepit, ad humilitatis meritum reuocauit: Er-

go, &c. Sequellam autem sic probō. Omnia præcepta iuris naturalis connaturalem habent & intrinsecam connexionem cum vltimo fine, & cum rectitudine charitatis circa ipsum finem, continent enim hæc præcepta necessariam rectitudinem moralem ob quam causam iuxta S. Th. doctrinam q. 12. q. 110. art. 8. in dispensabilia sunt, ergo Christi voluntas ex ipsa inclinatione charitatis determinata fuit omnino ad horum præceptorū obseruantiam, si tradita a nobis doctrina veritati consensit.

Huic difficultati explicandæ dicerent forsan autores cuiusdam solutionis quam paulo ante retulimus, quod naturalis legis præcepta sunt quidem necessaria connaturalitatis necessitate ad finem vltimum assequendum & hac ratione efficax finis amor, quem intentionem vocamus, determinat omnino & necessitat voluntatem ad horum præceptorum obseruantiam. At sine iam consequuto cessat ista necessitas, atque adeo ipsa efficax finis volitio minime voluntatem determinat ad horum præceptorum obseruationem. Verumtamen ista solutio à me probari non potest, quoniam licet hæc præcepta ex parte materiæ considerata post finem consequutum, & in statu beatitudinis necessaria non sint quo ad actualem vsum, neque ibi occurrat actualis ipsorum obseruantie necessitas, eorum tamen restitudo, & æquitas eandem semper connaturalitatem retinet in ordine ad vltimum finem, eandemque proinde continent moralem rectitudinem: atque adeo eorum obseruantia si quando in illo statu necessaria fuerit, ad inclinationem charitatis naturalem pertinebit. Missum facio, quod morales virtutes licet in statu beatifico non exeant in eos imperfectos actus quos experimur in hoc imperfecto viæ statu, habent tamen actus quosdam perfectissimos quos vocamus heroicos, qui illum statum beatificum non solum non dedecept, sed magno illi sunt ornamento. Et quidem cur in dubium reuocari debet quod beatus iure naturali in illo statu teneatur humilem se deo & reuerentem exhibere, de quo humilitatis actu quem in Christo constat fuisse disputandum erit, num ipse penitus fuerit necessarius, an liber & meritorius.

Hac ergo solutione pretermissa, aliter dicendum esse censuerim (sub peritiorum tamen censura id dixerim, nam quem sequar autorem non habeo). Dico ergo non eandem habendam esse rationem de Christo, & de cæteris beatis, quod attinet ad rem cuius disputationem gerimus. In aliis enim omnibus à Christo existimo ego prædictum argumentum conuincere quod intendit, puta, quod si quando alicui beato præceptum aliquod iuris naturalis seruandum occurreret, ita quod necessitas ex nulla positiua oriatur lege, sed ex naturali

rali tantum rationis dictamine, ipsa beati uoluntas naturali propensione, & determinatione in talis præcepti obseruantiam inclinabitur, neque ullam relinquet libertati locum, ac proinde nec merito, præsertim quod attinet ad substantiam obseruationis præcepti, nam si quæ circumstantiæ occurrerint non necessariæ, poterit inde, & libertas oriri, & nisi status termini impediret, posset quoque meriti ratio consurgere. In Christo autem specialis est habenda ratio pro eo statu quo verè fuit viator. Ad cuius discriminis intelligentiam obseruandum est, quod diuina bonitas beatifica uisione cognita inde habet omnino uoluntatem beati necessitate ad actuale sui amorem, quia intellectus beati tantam, ac talem in Deo bonitatem, & conuenientiam intuetur, quod nullam inuenire potest in ipso disconuenientiæ rationem, ob quam possit iudicare sibi bonum esse, & expediens ab actuali Dei amore aliquando cessare, & multo minus eum odio habere. At supposito, quod Christus secundum inferiorem partem fuerit uiator in statu mortali, & corruptibili perseueras, & si per uisionem beatam iudicauerit euidenter Deum summum bonum esse, summoq. proinde amore dignum, & quod nihil satius homini, aut optabilius esse possit, quam ipso Deo potiri, & frui, ac totum se ipsum in Dei gloriam tradere: iudicabat nihilominus, quod ea ratione qua Deus superior est, & legislator aliquo modo minus conueniens esset parti eius inferiori, quatenus, & ut autor naturæ, & ut autor gratiæ præcepit ei multa, quæ portioni hominis inferiori minus suauia sunt, quam ipsa sensibilis inclinatio appetat. Imo, & reuera sunt ei nociua, & cōtraria qualia fuerunt præcepta moriendi, orandi, ieiunandi, &c. quæ omnia rationi quidem valde cōsentiunt, sensitiuæ autem inclinationi parum grata sunt, & conuenientia. Ex hoc infero, quod quia Christus his incommodis sensibilibus fuit subiectus toto tempore quo in statu viæ permansit, eius uoluntas non plene, & totaliter determinabatur ad amplectendum, & obseruandum ea præcepta legis naturalis, quorum obseruantia sensitiuæ eius portioni ingrata erat, & insuauia, & ex consequenti neque plene determinata fuit ad ipsum Deum amandum, qua ratione harum legum autor erat, & legislator, nam qui potest legem refugere, non est totaliter legislatori affectus, ut ipsi nequeat displicere. Relinquebatur ergo Christo viatori libertas sufficiens ad merendum.

Sed arguis. Sequitur christum simpliciter saltem, & in sēsu diuiso potuisse suspendere amorem diuinum, beatificum, imo & odio prosequi ipsum Deum, & hoc quidem non speciali aliqua dispensatione, & supernaturali miraculosa potentia utrens, ut quidam Theologi dixerunt, quantum ad suppositionem actualis amoris, quorum sententia nobis superius displicuit, sed secundum regularem ordinem,

* aliās, supponen-

qui

qui statum viatoris per se consequitur. At consequens nulla est ratio ne admittendum: ergo nostra doctrina non veritate subsistit. Probat^{ur} sequella. Intellectus Christi creatus potuit reperire in Deo aliquā mali & disconuenientiæ rationem, quatenus, videlicet, ei præcipiebat aliquid suæ sensibili inclinationi repugnans. Ergo potuit illum hac ratione auersari, & odio habere, quid ni?

Neganda est omnino huius argumenti sequella. Cuius probationi dicitur, quod Christus secundum superiorem partem ad quam pertinet superiores rationes attendere, & consulere, sicut fuit perfectissime beatus, ita & voluntatē habuit plene & totaliter ad diuinū amorē affixam, & determinatā, & quia nunquā potuit christus animū a superioribus rationibus, earūq. attētissima cōsideratione auertere, secundum quas rationes Deus sūme bonus est, idcirco summe quoque bonus a Christo debuit iudicari: & non solum summe bonus in seipso, verum & ipsimet Christo bonus ac sūme bonus, etiā in his difficillimis & laboriosissimis quæ ei vt viatori præcipiebat, ac p̄inde dilectionis actus beatificus, qui huiusmodi superioris rationis iudiciū in Christo sequebatur, non potuit non esse omnino necessarius, & exercitij & specificationis necessitate. Cum quo tamen stat, quod voluntas Christi vt viatoris, id est, quatenus in suis operationibus sequebatur iudiciū inferioris rationis, non erat plene determinata ad amorem diuinum, sed libera erat ad refugiendum eius leges, & præcepta, propter rationem in argumento factō adductam. Cui veritati summo opere attestatur id, quod in scripturis sacris de Christo legimus, nimirum, quod acerbitate mortis præuisa quandoque perterritus patrem orabat dicens Pater si possibile est transeat a me calix iste. Quibus verbis inclinationem non solum sensitui appetitus, sed & rationalis voluntatis insinuassee prout inferioribus regulabatur rationibus, docuerunt nos patres Concilij sexti Constantinopolitani. Legatur Epistola Agathonis, a concilio summa veneratione suscepta in quarta actione, vbi reperies grauissimos patres Atha. Amb. Aug. & alios ad hanc testimonij huius intelligentiā. Sed qm̄ tota inferior christi portio tādē subiecta erat superiori parti, q̄ neq. per latum vnguē ab ipsa dei voluntate discrepabat. Idcirco cōtinuo christus subiunxit, Verum tamen non sicut ego volo, sed sicut tu vis. Igitur de libertate voluntatis christi circa naturalem præceptorum obseruantiam proportionabiliter loqui debemus, ad ea quæ de libertate in ipso christo & in reliquis beatis circa præcepta positiua diximus. Nimirum, q̄ licet voluntas non plene determinata esset ad horum præceptorum obseruationem, quatenus per iudiciū inferioris rationis dirigebatur, sed tamen deficere haud quam potuit, propter summam rectificationem superioris portionis

& rationis superioris cui omnia inferiora in Christo subijciebantur plenissime.

Est autem aduertendum, quod ad huius doctrinæ verificationem non necesse fuerit recurrere ad distinctionem supra factam, de duplici charitatis amore, quorum alter per scientiam beatam, & alter per infusam scientiā regularetur, sed de vno & eodem prorsus charitatis actu, qui beatificam cognitionem sequebatur, ista quæ diximus verificari poterūt. Nā prout ipsamet beata cognitio, ea quæ per Christum in obseruatione præceptorum tum legis naturalis, tum positiuæ gerenda erant, referebat ad inferiorem & sensitiuam portionē, causas conuenientiæ & disconuenientiæ proponens, non plene determinabat voluntatem, neque ad ipsorum præceptorum obseruantiam, neque ad ipsius dei legislatoris amorem. Vnde locum relinquebat ipsi dilectionis actui, vt hac ratione liber esset simpliciter, ac proinde meritorius, & hoc est quod dixit S. Tho. locis superius citatis quod non meruit Christus per charitatem, vt erat caritas comprehensoris, sed in quantum erat viatoris. Neque fuit sollicitus S. Doctor in distinguendo illo gemino charitatis actu inter soluendum primum argumentum à nobis exposito, quia iudicabat minime necessariam esse talem charitatis distinctionem ad Christi meritum statuendū. Non tamen quia ista dixerim, existimandum est me reprobare prædictam charitatis distinctionem, quam superius probabilem reputaui, sed tantum assero eam necessariam non esse ad saluandum Christi meritum. Et hæc de secundi argumenti solutione.

Tertium argumentum magnam à nobis disputationem efflagigaret, vt infinitatem meritorum Christi exponeremus, nisi multa quæ de infinitate satisfactionis Christi præcedenti articulo diximus, nos ab hoc onere leuassent. Nam quæ ibi dicta fuere de satisfactionis infinitate, termino satisfactionis in vocem meriti immutato huic loco penitus sunt accommodanda. Sed adhuc nonnulla erunt adiicienda, vt completa habeatur cognitio de infinitate meritorum Christi.

De qua re non omnes theologi eadem dicunt. Quidam enim arbitrantur Christi meritum infinitum fuisse, non ex parte obiecti, ita quod ius Christo contulerit ad aliquod infinitum præmium, sed tantum ex parte modi, quatenus illud finitum præmium quod meruit Christus, meruit ex toto iustitiæ rigore. Nec enim potuit esse meritum finitum in ratione meriti, cui responderet coram deo rigorosum ius, & quod potuit faceret merenti præmium debitum ex toto rigore iustitiæ. Adduntq; hi theologi, quod modus hic iustitiæ rigorosæ, qui in Christi merito reperiebatur, ad eius refundabatur præmium. Ita quod præmium debitum ex iustitiæ rigore, & si esset simpliciter res finita

*In merito Christi
in finem*

finita, induebat tamen formalem infiniti præmij rationem. Potest huic doctrinæ accommodari id quod in alio ordine, nimirum, naturæ S. Tho. 1. p. q. 45. art. 5. ad. 3. dixit contigisse. Videlicet, quod infinita primæ causæ virtus licet non se explicuerit in tota rerum huius vniuersi creatione in aliquem infinitum effectum, explicuit se tamē in modū quendā, qui proprius fuit infinitæ potentie, sic adeo vt nullus effectus quamlibet imperfectus & minime entitatis potuit sub isto modo ab alia quacunque produci causa, preterquam à prima omnium vniuersalissima. Fuit modus iste, quod creaturæ ex nihilo, ex nulloq. subiecto præsupposito producerentur. Hic modus dicendi improbabilis non est, verum diminuta quadam ratione infinitatem Christi meritis tribuit, vnde quia parum extollit meritum Christi, eiusq. excellentiam, & valorem, non satis nobis gratus est, neque libet eum, vt probabiliorem amplecti.

Alii quidam theologi dicunt, Christi meritum infinitatem quoq. habuisse ex parte obiecti, id est, ex parte præmij, eam tamen, inquit, non habuit actu sed potestate. Itaque non meruit Christus aliquod determinatum infinitum præmium, verum tantæ fuit excellentiæ meritum Christi tantique valoris, vt quodcunque signatum præmium, minus censeri debeat, quam sit valor, & dignitas ipsius meriti. Censentq. autores isti, quod sicut diuina potentia infinita quidem est simpliciter in ratione Potentiæ; infinitaque virtute actu & categorematice pollet, non tamen se potest explicare aliquando in aliquem infinitum effectum, qui totam ipsius potentiæ virtutem adæquet, nam hoc repugnat ex parte facti quod est omnino infactibile, sed satis est ad ostendendam diuinæ potentiæ infinitatem, quod infinitos sint categorematice valeat effectus producere, sic adeo q. non tot efficiat, quin plures facere queat, ita proportionabiliter de infinitate meriti Christi theologantur, videlicet, quod meritum in se actus est infinitus in ratione meriti, non tamen actu applicari potest ad infinitum præmium, quod ei adæquate respondeat, sed quocumque præmio dato, ad aliud & maius & perfectius applicari potest. Hic tamen dicendi modus multis aliis displicet theologijs & id quidem iure, quia non eadem est ratio habenda de infinitate meriti, quæ habetur de infinitate potentiæ naturalis dei. Non enim de ratione potentiæ est, quod actualem habeat aliquam cum suo effectu cōiunctionem, sed satis fuerit quod illum virtute, & potestate præhabeat, & id quidem multo altiori & eminentiori modo quam in ipso effectū exprimi possit. Effectus namque perfectius & eminentius est in sua causa, præsertim suprema, quam esse possit in semetipso. At meritum actualem importat equalitatem ad præmium, actualeque ius ad ipsum, vnde præmium adæquate respondens merito, determi-

natum esse debet, quoniam cadit sub iure ipsius meriti determinato. Nam qui meretur, ius sibi acquirit ad præmium suscipiendum. Et sicut lus determinatum esse debet, ita necessum est, & præmium sit determinatum, ut seruetur æqualitas inter meritum & præmium. Præterea, ex contraria sententia sequitur concedendum, quod plus meruit Christus quam possit Deus præmiari, consequens videtur magnā præferre absurditatem. Nam quamvis Christi meritum sit infinitum, eius tamen infinitas determinata est ad certum genus, imo ad certam speciem. Potentia autem dei præmiatiua omnimoda pollet infinitate, ad omneq. se extendit genus: est enim ipsa met Dei omnipotentia prout legibus iustitiæ remuneratiuæ se accommodat, ergo, &c. sequella veroprobat. Autores huius secundæ sententiæ fatentur Christum infinitum præmium meruisse, sed Deus non potest præmium infinitum Christo reddere, quia non est dabile infinitum præmium: ergo, &c. Quo loco aduertat theologus, ut ea quæ hic dicuntur plenius calleat, quod non eadem omnino est ferenda sententia de infinitate præmij, quam superius tulimus de meriti infinitate: meriti enim, ut diximus, infinitas non est inesse entis absolute, sed in tali specie morali determinate, eo quod valor meriti debet esse coarctatus ad moralem actionem. Infinitas autem præmij ad totum genus entis se extendit. Nam quodlibet ens in ratione entis potest cadere sub merito, & habere rationem præmij.

Non desunt graues theologi inter nouiores præsertim Thomistas, qui partim huic secundæ opinioni adhærent, existimantes quod ad rationē infiniti meriti non est necesse quod illi respondeat actu infinitum præmium, sed sat fuerit, quod respondeat in potētia, ita quod ipsum opus meritorium dignum sit præmio infinito, & in hoc casu fatentur Christum infinite meruisse, eiusq. meritum fuisse infinitum, in quo consentiunt secundæ opinioni. In eo tamen ab ea recedunt, quod existimant Deum potuisse retribuere Christo infinitum præmium quod adæquaret totam latitudinē infinitatis meritorum eius. Quod faceret, inquiunt, deus, si in remunerationem meritorum Christi Pater, aut Spiritus fieret homo, seu angelus: nam hoc beneficium infiniti esset valoris, sicut a principio huius relectionis dicebamus gratiam vnionis, quæ facta fuit Christi humanitati in incarnationis mysterio simpliciter fuisse infinitam. Hoc secundum quod dicunt ij theologi, in quo a secunda sententia dissentiūt, mihi nullatenus displicet, sed non placet eorum opinio quatenus conuenit cum illa secundā opinione, & eisdem prorsus argumentis expugnatur.

Tertia igitur sententia docet, quod meritum Christi simpliciter est in ratione meriti infinitum, & quod Christus infinite meruit, ac denique quod de facto suscepit infinitum præmium, nimirum, sui corpo-

ris resurrectionem: quæ beneficium fuit simpliciter infinitum, quatenus diuinum verbum toti integræ humanitati ex anima & corpore constanti diuina fuit virtute reunitum. Aliud etiam infinitum præmium alij assignant, scilicet, existentiam corporis Christi in Eucharistiæ sacramento, nam terminus transubstantiationis, saltem per concomitantiam, est simpliciter infinitus: diuinitas enim verbi vere per concomitantiam reperitur sub sacramentalibus speciebus contenta, vt in Conc. Trid. sess. 13. c. 3. Hæc sententia nō mihi displicebat olim sed iam non placet propter duas causas. Prima, quoniam in resurrectione non fit simpliciter communicatio diuini verbi ad humanitatem, nam in triduo mortis verbum vtrique humanitatis parti vnitum permansit, cuius oppositum integra fide dici nequit vt 3. par. q. 50. a. 2. & 3. solet ostendi, ergo ibi non fuit communicatum bonum infinitum, sed nouus quidam modus communicationis, nimirum, quod verbum partibus separatis communicatum, maneret etiam toti humanitati communicatum ipsis partibus vnitis.

Confirmatur, totum nouum miraculum resurrectionis in sola ipsa partium humanitatis reunionem consistit: nam quod verbum humanitati ex illa reunionem partium resultanti communicaretur, ipsiq. maneret vnitum, fuit consequens ad ipsam reunionem partium quasi naturali sequella: cum enim esset vnitum partibus separatis, quidni per maneret vnitum eisdem partibus coniunctis? Neque vero aliud erat necessum, vt toti vniretur humanitati, cum totum nō sit realiter aliud quam suæ partis simul sumptæ.

De sacramento Eucharistiæ multo etiā minor est difficultas, quia conuersio substantiæ panis non in diuinum verbum, sed in humanū corpus fit. Diuinitas autem est ibi per realem concomitantiam. Vnde non maiorem virtutem in Deo operante exigebat, quam si fieret conuersio in corpus puri hominis. Quocirca tam in hoc casu, quā in præcedenti re ipsa totum opus miraculosum ex parte termini formalis fuit finitum, quia in priori casu formalis terminus fuit humanitatis reintegratio, & in secundo ipsum Christi corpus secundum rationem corpoream. Et cum natura cuiuslibet mutationis iudicanda sit ex primario & formali suo termino, absolute concedendum est vtramq. istā mutationē non esse simpliciter infinitam, etsi in vtraq. aliquid simpliciter infinitum reperiatur.

Secunda ratio ob quam huic sententiæ non tantam arrego fidem est huiusmodi. Si resurrectio Christi fuit præmium simpliciter infinitum quod Christus pro suis suscepit meritis, sequitur quod per solam resurrectionem fuit totum Christi meritum plene & exacte præmiatum, ita vt nihil plus ei debeat. Consequens est falsissimum & non in fide securum, ne dicam manifeste erroneum. Nam certe ex-

rare

raret in fide, qui diceret, quod gratia & gloria, quæ vniuersis conferretur hominibus, non habet rationem præmij meritorum Christi. Concilium enim Trid. sess. 6. cap. 7. inter causas iustificationis impij christum retulit, dixitque eum causam esse iustificationis meritoriam: ergo, &c. Sequella patet, nam si illud præmium fuit simpliciter infinitum in ratione præmij, fatendum est, quod ad æqualitatem respōdidit merito Christi: Ergo Christus accepit tunc totum id quod erat ei debitum atque adeo totum aliud quod postea recipit, non respondet eius meritoriz iustitiz, cui iam plene fuit in resurrectione satisfactum: Sed ipsi solius Dei liberalitati & gratiz. Non latet me solutio qua probabiliter dissolui potest ista ratio. Nam qui contrarium senserit, ita dicit. Quod omnia que sunt extra Deum comparatione ad ipsum fere nihil reputantur, & solam extensionem in perfectione addunt, in tensionem vero nullā. Vnde meritum quod tantum valorē obtinet, ut ipsum diuinum, esse, loco præmij mereatur, nihil mirū q̃ eius meritoria vis ad quæcumque creata se extendat bona. Quo fit, vt Christus potuit suum meritū applicare, vt loco præmij responderet ei diuinum esse humanitati communicatum, vt gratiam, & gloriam & reliqua super naturalia bona conferret hominibus, & hoc totum pertineat ad Christi premium. Probabilis solutio. Sed ex eius fundamento colligo ipse probabilem facti argumēti vim, quæ in hoc sita est, quod cum diuinum esse sit totum & summum bonum, sufficientissimum premium est cuiusvis magni meriti, & quod solo ipso accepto præmiatur meritum totaliter, secundum etiam quod se extendit, ad creaturas & facit debita ipsi merenti quæcumque bona creata.

Quarta sententia docet, quod ad rationem meriti non satis est valor operationis & condignitas ad præmium, sed præterea requiritur quod vel formaliter vel virtualiter detur propter premium suscipiendum, ita quod operans operetur in commodum præmiatoris, intendens ab eo suscipere debitum premium suo operi proportionatum. Ex quo infert ista sententia, quod christi meritum, eatenus dumtaxat habuit veram & propriam meriti rationem, quatenus fuit applicatum a Christo merente ad certum premium suscipiendum, Ex quo vltèrius inferunt eius autores, quod Christi passio ea tantum ratione est proprie meritum, qua est efficax in his quibus meruit, secundum autem quod fuit tantum meritoria, quoad sufficientiam, in his videlicet in quibus nunquam sortietur effectum, non est vere & proprie meritum, quia deest illi applicatio ad premium suscipiendum, non enim fuit applicata pro his in quibus effectus non sortietur, & ob id respectu eorum sufficientiam quidem habet Christi passio, non vero efficaciam, quod colligitur ex illo quod dicit Christus, Ioan. c. 17. ego pro eis rogo, non pro mundo. Hanc sententiam docet expresse Ruardus

Taper Decanus Lonaniensis in articulo de satisfactione.

Hæc tamen sententia mihi non satis probatur, quantũ ad id quod ait, Christi passionem, non debere proprie appellari meritum, secundum eam rationem qua tantum est sufficiens, comparatione, scilicet, ad eos in quibus efficaciam non sortietur. Nõ enim mihi bene sonat dicere, quod Christus non meruit nisi tantum prædestinatis, cum pro toto humano genere passus fuerit, & mortuus: Quod tamen necessario dicendum est, si hanc quartam sequamur sententiam. Quia si ope ratio Christi non fuit vere & proprie meritum respectu eorum in quibus non habebit effectum, non potest dici, quod Christus his hominibus meruerit, atque adeo concedendum est, quod ijs solum meruit, in quibus eius passio efficax erit.

His omnibus opinionibus prætermisiss, quintam sententiam statuo quam omnibus probabiliorẽ esse crediderim, & dico duo in quibus hæc sententia consistit. Primum. Ad veram, propriãq. meriti rationem nõ suffecerit valoris condignitas ad præmium, sed necessaria est etiam applicatio operis meritorij ad certum præmium suscipiendũ. In hoc primo asserto hæc nostra sententia cum præcedenti conuenit; & constat eius veritas ex dictis circa secundam sententiam, quibus probauimus meritum non se habere admodum actiue potentiæ, sed importare ius actuale ad præmium determinatum. Ita vt qui meretur opere suo meritorio faciat sibi debitum præmium, iusque habeat ad ipsum, quod fieri nequit sine applicatione operis meritorij ad certũ præmium merito proportionatum.

Ex quo sequitur primo, quod si deesset actualis hæc applicatio, adsintque cæteræ conditiones ad meritum requisitæ, talis operatio erit quidem secundum se apta, vt habeat meriti rationem, non tamen erit formaliter meritum propter applicationis defectum.

Sequitur secũdo quod Christi passio & si ex se apta nata fuerit, vt esset meritum respectu incarnationis Patris, & Spiritus sancti, non tamen formaliter fuit meritum respectu incarnationis huius, quoniam Christus non applicuit passionem suam ad hoc præmium pro ipsa suscipiendum.

Dices, non fuit meritum formaliter respectu huius præmij, fuit tamen meritoria. Respondetur, quod aliquã operationem meritoriã esse, & quiuocationem patitur, nam si sensus fiat, quod ex se tantum habet valorem, vt ex hac parte non desit ei ratio meriti, concedendum est Christi passionem meritoriam esse prefati præmij, sed hoc non est esse meritoriam formaliter sed fundamentaliter tantum. Si vero fiat sensus, quod habet eam meriti rationẽ quæ absq. aliquo alio sufficit fundare ius meritorium, nullo modo est concedendũ, quod sit meritoria, quia semota applicatione prædicta nequit Christi passio, aut

alia

ciperetur in operatione humana, & ab humanitate elicitā, sed potissimū desumebatur ab ipso verbo ut humano supposito, nimirum, ut a terminante personaliter humanitatem, & simul cum humanitate elicitivē concutiente ad eius humanas actiones. Vnde sicut valor satisfactorius Christi infinitus, ut superius diximus, non totaliter procebat ex his quæ communia sunt verbo ut satisfaciēti & satisfactio nem acceptanti, ita neque valor meritorius assumptus fuit ex communibus verbo ut merēti & ut præmianti. Quoniā valor meritorius, ut meritorius, non pertinet ad verbum ut est præmians, sed ut est merens. Ex quibus sequitur, quod Christus meruit infinite non absolute ut homo, sed ut deus homo: Sicuti etiam satisfecit. Ex quo rursus sequitur, falsam esse quorundam theologorum sententiam asserentium, quod Christus quatenus infinite meruit, est inferior patre. Quod ipsi probant, quia Christus ut redemptor est inferior patre, sed redemit nos Christus per meritum infinitum & satisfactionem infinitā: ergo ut infinite meruit, infiniteque satisfecit minor est patre. Et confirmant. Christus in quantum mediator dei & hominum minor est deo ut ex S. Tho. 3. p. q. 26. art. 2. colligi potest. Sed in quantum mediator meruit infinite atq. infinite satisfecit: ergo ut infinite meruit inferior est deo. Sed his nihilominus non obstantibus prædicta sententia est falsa. Esset quidem vera si sequeremur modum illum dicendi quorundam theologorum a quo non longe recedit Magister à Medina 3. par. q. 26. art. 2. in. 2. exposit. dubij. Videlicet, quod sola humanitas meruerit & satisfecerit infinite, quatenus hoc habuerit ex gratia unionis. Nam si persona verbi non intrat formaliter in ratione merentis & satisfaciētis infinite, verissimum est quod Christus prout meruit infinite est minor patre, ceterum si vera est nostra sententia quam etiam Magister Medina (nisi sibi ipsi repugnet) docet expresse, videlicet, quod non sola humanitas formaliter pertinet ad rationem merentis infinite, sed etiam ipsum verbum, ita quod sicut substantia meriti ex humanitate per gratiam unionis & habitualemente eleuata formaliter sumitur, ita & infinitas meritorii valoris ex ipso verbo pensetur, modo dudum exposito, minime affirmari poterit Christum quatenus infinite meruit & satisfacit inferiorem esse deo, quia in ratione merentis & satisfaciētis infinite, intrinsece clauditur deus. Verum est quod simul includit aliud, scilicet, humanitatem ex qua meriti substantia pendet, cuius ratione inferior est deo. Sed hoc non satis est, ut absolute dicatur minor deo. Quemadmodum licet Christus formaliter importet humanitatem cuius ratione est inferior deo, quia tamen intrinsece diuinum etiam importat verbum, hæc propositio. Christus est inferior patre, est hæretica Arrianam innoluens hæresim. Ad motiva cōtrariæ sententiæ facile responderetur. Ad

primum, nego omnino illam propositionem Christus vt redemptor est in ferior patre. Nam in ipsa essentiali redemptionis ratione includitur infinitas pretii & satisfactionis, eatenus enim Christus vere nos redemit, quatenus infinitum & rigurosum prærium deo pro nostra libertate exsoluit, neque alias redemptor esse poterat: Exsoluit autem Christus hoc infinitum præriū, quatenus fuit deus & homo. Ad aliud de mediatore, dico, quod si mediator absolute summatur, nihil aliud importans quam intercessor, nullam infinitatem designat in sua formalitate, nam purus homo posset hoc modo mediatoris officium exequi. Caterum si mediator strictius accipitur, vt denotat mediatorem qui efficaciter obtinuit, & ex iustitiæ rigore veniam his pro quibus apud deum intercedebar, mediatorisque agebat officium, id ipsum de mediatore dico, quod nunc nūc de redemptore dicebā. Nimirum, q̄ fuit mediator, vt homo deus. Quāuis formalis ratio ex qua mediatoris potuit Christus officium exequi, non diuinitas est, sed humanitas, vt S. Tho. & Caiet. docuerunt. 3. p. q. 26. a. 2.

Secundum
dubium ar-
ticuli ter-
ti.

Post quam præcedenti dubio definitum & explicatum dedimus christum vere meruisse, eiusque meritum infiniti esse meritori valoris, ipsa doctrinæ ratio & consequentia postulat, vt mox examinare tenemus, quid Christus meruit, quidq. sibi, quidue nobis meruerit. Quæ res tribus sequentibus dubitationibus diligenter erit tractanda, & in hoc dubio secundo disputandum est. Num Christus suam meruerit incarnationem, id est, ipsam hypostaticam diuini verbi cum nostra humanitate vnionem. Et affirmatiua sententia sic probatur. Primum argumentum desumitur ex sacre scripturæ testimonio Apocalyp. S. Dignus est Agnus qui occisus est, accipere diuinitatem &c. At diuinitatem in ipsa incarnatione Agnus qui occisus est, id est, Christus accepit. Ad Philip. 2. propter quod deus exaltauit illum, & dedit illi nomen quod est super omne nomen &c. Hoc autem nomen Christo datum, non est aliud, quam illud de quo Paul. ad Hæbre. 1. dicebat de Christo quod tanto melior est Angelis effectus, quanto differentius nomen præ illis hereditauit: quod si à S. Paul. quæramus, quodnam fuerit istud quod Christus hereditauit nomen, quasi nobis respondens mox subiunxit. Ad quem enim aliquando Angelorum dixit deus filius meus es tu, ego hodie genui te. Ecce nomen datū, Christo est nomē Filii dei. Hoc autem nomen in ipso incarnationis momento datū Christo fuit; quæ incarnatio generationis nomine appellatur à Paulo in verbis citatis & à Regio Propheta psalm. 2. ex quo Paul. prædicta verba sumpsit. Accedit illud psalm. 44. dilexisti iustitiam, & odisti iniquitatem, propterea vixit te deus tuus oleo letitiæ præconfortibus tuis. Vbi omni dubio procul de Christi vnione fit sermo, vt constat ex Paul. ad Hæbr. 1. hoc testimo-

filium ad christum referente. Estque valde probabile, vt constat ex testimoniis superius adductis in q. 1. dub. 11. hanc vnctionem, designare ipsammet diuini verbi incarnationē seu, quod est idem, ipsam vnionis gratiam, qua ipsa christi humanitas vncta fuit substantia li quadam diuina vnctione. Sed hanc vnctionem accepit christus propterea quod iustitiam dilexit, & odio habuit iniquitatem, vt habetur in præcitato testimonio, vbi dictio, propter, meritoriam videtur importare causalitatem; ergo &c.

Secundum argumentum. Christus potuit mereri suam incarnationem; Ergo de facto meruit. Consequentia patet. Quia quod christus meruerit incarnationem suam in magnam eius dignitatem cedit: ergo si potuit mereri irrationabiliter denegabitur christo hæc tanta dignitas. Antecedens vero probatur primo. Christi meritum fuit infinitum. Ergo eius virtus & valor extendit se ad incarnationem atque adeo christus illam potuit promereri. Secundo probatur. Humanitas christi prius ordine naturæ extitit, quam hypostatica vnione diuino copularetur verbo; ergo in illo priori naturæ potuit mereri hypostaticam vnionem. Videtur hæc consequentia manifesta, si supponamus, quod in illo priori naturæ humanitas fuit exornata habituali gratia, & ceteris supernaturalibus donis. Et hoc adhuc erit certius si in illo priori naturæ humanitas non propria extitit existentia, sed per ipsam existentiam dei, vt sensit Durandus in 3. d. 1. quæst. 2. cum quibusdam aliis theologis. Probo autem antecedens. Christi humanitas prius natura fuit creata quam assumpta ad diuinam verbi subsistentiā, nam cum ibi interuenerint duæ istæ mutationes (sumimus late mutationis nomen) scilicet, productio humanitatis, & hypostatica eius vmo ad verbum, & fuerit ordo aliquis inter ipsas, non potest negari quin creatio rationalis animæ, & totius humanitatis productio præcesserit assumptionem, & non e contra. Implicat enim quod prius assumatur natura ad esse personale verbi, quam creata sit & producta. Sed creatio terminatur ad esse rei creatæ, seu quod idem est, ad rem ipsam sub esse existentie constitutam: ergo humanitas prius natura fuit constituta sub esse existentie, quam fuerit verbo hypostatice vnita.

Confirmatur. Possibile fuit quod christus per opera quæ subsequuta fuerunt incarnationem meruerit ipsam: ergo possibile fuit prædictum meritum: atque adeo non est christo denegandum. Probatur antecedens. Nō impedit rationem meriti, quod sit posterius præmio, nam christus meruit gratiam & gloriam antiquorum Patrum quæ multo tempore ipsa christi merita percellerūt, satisque fuit quod in diuina præscientia antecederēt christi merita, ex quorū præuisione deus contulit Patribus gratiā & gloriā: ergo similiter christus potuit

mereri suā incarnationē per opera quę post ipsam incarnationē fuit operatus, & satis est horū operū præcessio in diuinę mētis præsciētia.

Tertium argumentum. Christus de facto meruit suam resurrectionem: Ergo eadem ratione potuit mereri ipsam incarnationem, atque adeo ne quid perfectionis merito Christi detrahāmus, cōcedendum est de facto meruisse. Antecedens libenter admittitur a Theologis. Et consequentiam probo, quia tantū bonū fuit communicatum humanitati per resurrectionem Christi, quantum per ipsius incarnationem: Ergo eadē est ratio vtriusque premiij & si Christi meritum ad vnum se extendit, etiam ad aliud se potuit extendere.

Quartum argumentū. Si qua ratio vero similis assignari potest ob quam Christus suam incarnationem non meruerit, ea potissimum est, quod omnia eius merita fundabantur tanquā in prima merendi radice in ipsa diuini verbi incarnatione, sed hæc ratio non sufficit auferre rationem meriti a christi operibus respectu incarnationis ipsius: ergo, &c. Minor, in qua sita est tota argumenti difficultas, probatur. Antiqui patres meruerunt saltē de congruo, incarnationem christi domini, vt constat ex doctrina S. Thom. 3. p. q. 2. ar. 1. 1. quam communiter amplectuntur Theologi de qua dicemus solut. ad vlti. Sed corū merita innitebantur christi incarnationi, eiusque passioni & morti, vt habet fidei doctrina. Quia non est datum nobis aliud nomen sub cęlo in quo oporteat nos saluos fieri, vt dixit Petrus 1. ad c. 4. ergo prædicta ratio non obstat merito christi cōparatione ad ipsam diuini verbi incarnationem.

Confirmatur. Beata Virgo meruit de congruo, imo de condigno incarnationem Christi, & tamen eius meritum in Christi incarnatione & passione fundabatur & in ipsis christi meritis a deo in æternitate præiudicis. Ergo prædicta ratio nō obstat. Probatur antecedēs. Beatissima Virgo meruit de condigno esse matrē Dei. Ergo & meruit incarnationē Dei: nec enim aliter ipsa mater Dei esse poterat, nisi diuinū verbū ex eius purissimis sanguinibus carnem assumeret humanam.

In oppositum est quod meritum debet antecedere præmiū, sed omnia christi merita posteriora fuerunt eius incarnatione: ergo christus non meruit incarnationem suam, hypostaticāq. diuini verbi vnionem cum humanitate.

In hoc dubio, q. attinet ad factū nulla inter catholicos opinionū reperitur diuersitas: vniuersi. n. fatētur in 3. dist. 4. & Thomist. 3. p. q. 2. a. 1. 1. christū nullatenus suam incarnationē promeruisse: cuius oppositū docuerunt Fotiniani heretici, asserentes christū dominū per bona opera suā meruisse diuinitatē. Huius hæresis meminit S. T. 3. p. q. 2. a. 1. 1. & 4. cōtra gentes c. 28. vbi grauissimis eam & scripturę testimonijs & theologicis rōnibus cōfutat, & euertit. Tota ergo cōtrauersia theolo-

gica

gicæ in hac difficultate versanda de possibili procedit, dum quidam arbitrantur non fuisse possibile, secundum etiam absolutâ Dei potestatem, quod Christus suam mereretur incarnationem. Alijs vero e contra opinantibus. Sed & hi non eadē omnino via procedunt, nam eorum nonnulli censent, quod per opera ipsam incarnationem præcedere potuit Christus, si absolutam potentiam attendamus, suam mereri incarnationem, nonnulli vero non Christo, sed eius humanitati istud antecedens meritū concedunt. Deniq. alij hoc verumq. negāt esse possibile. Censent tamen possibile fuisse, quod Christus operibus sequentibus, quæ vel tempore, vel natura fuerunt incarnatione posteriora ipsam potuit mereri. In his & alijs inter se dissentiunt graues theologi, quæ in huius dubitationis discursu a nobis erunt adnotanda.

Pro decisione ergo difficultatis huius. Supponenda est fidei veritas, quæ aduersus antiquiores hæreticos grauissimis Conciliorum & Patrum distinctionibus constat, nepe, q̃ Christi humanitas, aut eius partes, una excepta materia prima vel pura, vel constituta sub gradu formæ corporeo (hoc enim non ad fidem, sed ad philosophicam disputationem spectat.) non extiterunt prius tempore, quā diuino verbo fuerint vnitæ, sed in eodē instanti, quo anima fuit creata, fuit etiam verbo coniuncta, & in eodē instanti, quo Christi caro fuit caro humana, fuit etiam caro Christi & dei. Vide in Concil. Ephes. 1. Constanti nopol. 5. in Lateranenſi sub Martino 1. & in alijs concilijs, & Patrum decretis, in quibus damnantur errores Nestorij, Petri Constantino-pol. episcopi, Fotini, & aliorum hæreticorum, qui diuersis modis Nestorij, & eius hæresi in Conc. Ephesino damnatæ adhaeserunt. Ex hac fidei veritate. illud confectarium manifeste deducitur, quod certa etiam est fide credendum, videlicet, Christum aut eius humanitatem non prius tempore, meruisse diuini verbi incarnationem, quam ipsa in rerum natura facta extiterit, quia neque Christus, neque eius humanitas, neque aliqua eius pars formaliter sumpta ipsi præextiterunt incarnationi secundum aliquam temporis prioritatem: quod si non præextiterunt, neq. prius tempore meruerunt. Hoc supposito fundamento prima statuitur conclusio.

Prima Conclusio.

Christus non meruit incarnationem neque (quod idem est) vnionem diuini verbi cum humanitate. Hanc cōclusionem nonnulli theologi quibus annumerandus est Medina 3. pa. q. 1. art. 11. existimant certā esse fidei veritatem, verum ego, alijs quibusdam assentiens theologis, non tantam certitudinem in ea reperio. Existimo quidem eius oppositū periculosum esse, & non satis tutū in fide, sū propter probatio-

nes mox subiungendas. Tum etiam quia periculum habet illius Foti-
niani erroris cuius paulo ante meminimus. Sed tamen censeo non
esse expressum errorem, quia vniuersa testimonia quibus ista conclusio
probatur vplurimum probant efficaciter, quod non præcesserint
aliquot merita in christo, aut in eius humanitate quibus suam metel-
retur incarnationem. Non vero tantam efficaciam habent, ad proban-
dum christum non meruisse incarnationem operibus quæ post
ipsam fuit operatus. Sed iam probatur conclusio, quæ si non
est certa secundum fidem, est nihilominus verissima, quæm docent
vniuersi theologi in dist. citata legantur speciatim Scotus. q. 2.
& Marfil. 3. p. quæst. 5. Sitque prima probatio communis ipse theo-
logorum consensus in hac veritate tuenda, qui cum sit in re grauissi-
ma non potest non magnam sententiæ contrariæ tenacitatem inducere.

Secundo probatur ex illis omnibus sacre scripturæ testimonijs in
quibus sacrum incarnationis mysterium specialissimæ Dei gratiæ, &
beneuolentiæ tribuitur, quod cum proprietate fieri non potuisset si
Christus merito de cōdigno ipsā promeruisset incarnationē, & hypo-
stheticam vniōē verbi cum humanite. Io. 3. Sic Deus dilexit mundū,
vt filium suum vnigenitum daret Luc. 1. per viscera misericordiæ dei
nostri in quibus visitauit nos oriens ex alto ad Titū c. 2. apparuit gra-
tia Dei saluatoris nostri, &c. & c. 3. apparuit benignitas & humanitas
Saluatoris nostri, ad Rom. c. 5. mysteriū incarnationis donū appella-
tur & gratia. Similiter loa. c. 1. etiam simpliciter appellatur gratia.
de plenitudine inquit eius omnes accepimus & gratiam pro gratia.
Duobus his locis non solū gratia dicitur respectu nostri, sed simpli-
eiter gratia & donū. Quo insinuat non solū comparatione ad nos
sed absolute & respectu etiā ipsius christi, eiusq. humanitatis, donū
esse & gratiā dei specialissimā. Probatur deinde expressissimis S. Aug.
testimonijs in lib. de bono perseuerante c. vltimo lib. de correctio-
ne & gratia c. 11. lib. de prædest. sanct. c. 15. cuius loci verba superius
retulimus Tractat. 105. In Ioan. lib. 13. de Trinitat. c. 17. & inchi-
ridium c. 40. his locis & alijs, quam sapius repetit nulla merita præ-
cessisse ex parte naturæ humanæ, quibus tantum hoc beneficium me-
reretur. Nam ille homo, inquit, August. vt a verbo dei patri coæter-
no in vnitatem personæ assumptus esset vnigenitus filius, vnde hoc me-
ruit? Humana merita hic conticeſcant quæ perierunt per Adam, ut re-
gnet gratia quæ regnat per dominum Iesum Christum. Aduerte quod
illa vox, homo, quæ vsitatur Aug. in citat. verbis non humanū designat
suppositum, sed ipsam naturam humanam: loquiturque August. iu-
sta modum quo in canticō quod incipit. Te Deum laudamus. ca-
nit Ecclesia: Tu ad liberandum sub capturus hominem, &c. vbi
homi-

hominem idem pollet, atque humanitatem. Hæc testimonia & alia similia sacra scripturæ, & patrum efficacissime quidē conuincunt, qd Christi humanitas nō meruit operibus prioritate, vel tēporis, vel naturæ ipsam incarnationem præcedentibus hoc tantum hypostaticę vnionis beneficium: sed sicut fuit summe gratuitum, ex summaq. misericordia ortum comparatione ad ceteros homines, ita & respectu ipsius humanitatis Christi sūme quoq. fuit liberale & gratuitū, nec vllā habuit iustitiæ rationem. Et conclusio in hoc sensu intellecta videtur esse fidei veritas. Caterum non tam certa mihi apparet, vt dixi, si ad ipsum Christum referatur & ad merita, quę ipsa incarnatione verbi fuerunt posteriora. Tum quoniam non mirum, quod incarnationis mysterium comparatum ad ipsum Christum aliquam induat iustitiæ rationem, quamvis comparatione ad omnes puras creaturas, inter quas simul connumeretur ipsa Christi humanitas, fuerit opus summę gratiæ, maximę liberalitatis, infinitęque misericordiæ. Tum etiā quia, vt ex infra dicēdis cōstabit illa ratio meriti quæ in Christi operibus ipsam incarnationem sequentibus fundaretur, non impediret rationem liberalitatis & misericordiæ, quæ in hoc sacro mysterio reperitur.

Sed iam rationibus eadem probatur cōclusio. Prima, Mereri, sicut & operari præsupponit esse, nā res omnis sicut se hēt adesse, ita & ad operari, prius adesse, deinde ad operari: Est. n. esse prima omniū actūa litas: ergo impossibile est quod Christus suum esse mereretur: atque adeo neq. potuit ipsam incarnationem mereri. Nam Christus, inquantum homo, per incarnationem verbi totum suum esse acquisiuit.

Confirmatur, christus neque in quantum, deus, neque, in quantum homo, nec denique in quantum, deus homo, suam meruit incarnationem: ergo nullo modo meruit. Antecedens quo ad singulas sui partes est ostenditur. Et prima quidem eius pars, videlicet, quod non vt deus meruerit, nulla vel explicatione eget, nam vt deus non est meriti capax. Secunda vero pars, puta, quod non vt homo meruerit, Probatur. Non meruit meritis antecedentibus ipsam incarnationem, quia certa fide aduersus Fotinjanā hæresim, credendū est, christum nō fuisse hominem ante ipsa diuini verbi incarnationem: neque meritis ipsam incarnationem sequentibus, quia meritum, si modo miracula secludimus, & ad potentiam tantum ordinariam attendimus, secundū quam hæc nostra procedit conclusio, nequit esse posterius præmio, meritum namq. constituit ius ad præmium suscipiendū: atque adeo præmium sua natura posterius est merito: ergo nullatenus eam meruit. Tertia itē antecedentis pars, nimirum, quod non meruit, vt deus homo, eodem prorsus argumento probatur quo probauimus, cum non meruisse vt hominem,

Secunda ratio. Prima radix meriti nequit cadere sub merito, sed incarnatio fuit prima radix omnium meritorum Christi, præsertim qua ratione fuerunt merita infiniti valoris, nam hac ratione prima eorum radix non fuit habitualis gratia, neque esse potuit, sed ipsa gratia vnionis. Ergo non potuit cadere sub Christi meritis, esseque eorum præmium.

Confirmatur. Ea ratione theologi 1. 2. q. 114 a. 5. docet primam gratiam non posse cadere sub merito eius hominis iusti in quo est, quia est prima radix omnium meritorum eius. Ergo eadem ratione gratia vnionis, seu, quod idem est, verbi incarnatio non potuit cadere sub christi meritis.

Dices forsan, quod hæc ratio ut plurimum procedit de merito condigno, non vero de merito congrui, quoniam prima gratia potest cadere sub merito congrui eius hominis in quo suscipitur. Ergo Christus saltem de congruo potuit suam incarnationem mereri. Huic objectioni. Primo respondetur, salsum omnino esse quod homo primam suam gratiam de congruo mereatur, de qua re. 1. 2. loco citato disputari solet a S. Tho. interpretibus, & nos in solutione ad 5. huius dubii non nihil dicemus. Secundo respondetur non esse eandem rationem de prima gratia, & de incarnatione verbi. Nam ad primam gratiam præsupponitur subiectum existens immo adiutum & eleuatum per supernaturalia Dei adiutoria, quæ Theologi vocare solent gratiam præuenientem. Cuius virtute is qui iustificatur poterit de congruo primam gratiam sibi promereri, At in christo ante incarnationem non præsupponitur ipsum subiectum meriti, nimirum Christus. Præterea, aliud est etiam discriminem inter gratiam & incarnationem. Quod incarnatio est prima radix omnium meritorum Christi siue sint de congruo, siue de condigno: quia est causa meritorum in quantum est causa omnium operationum Christi, idest, prout constituit ipsum suppositum operantis, ex cuius dignitate omnes eius actiones valorem sibi meritorium vendicant: gratia vero habitualis in puro homine radix quidem est & principium omnium meritorum de condigno, non tamen omnium meritorum de congruo, iuxta multorum theologorum sententiam, qui in operationibus præcedentibus ex gratia præuenienti, imo & in operationibus bonis moraliter, quæ ex nullo speciali supernaturali auxilio prodeunt, existimant reperiri rationem meriti de congruo, de quo alias.

Tertia ratio, incarnatio Christi fuit opus maximum & summum diuinæ misericordiæ, & quod est omnium meritorum fundamentum & radix: Ergo decuit quamplurimum diuinam prouidentiam, ut incarnatio Christi non esset præmiū alicuius meriti. sed ex summa dei liberalitate & gratia, omnino titulo iustitiæ secluso, suam omnem originem traheret.

Ultima ratio est fere eadem cum illa ratione secunda, qua probauimus precedenti dubio Christum, prout meruit resurrectionem suam, non promeruisse bonum infinitum, videlicet, ipsum esse diuini verbi humanitati cōmunicandum. Et rationis vis ad hoc reducitur. Quod si incarnatio christi fuit præmium meritorum christi, fuit sine dubio præmium adæquatum, & quo plene satisfactum est toti debito quod ex Christi meritis insurrexit, & ex consequenti omnia bona spiritualia quę nobis per christū conferuntur, non sunt debita meritis ipsius Christi sed ex sola dei liberalitate & gratia donantur. Hoc autem dici non potest salua fidei veritate, vt tunc probaui: ergo nulloatenus est dicendum Christum meruisse saltem merito de condigno incarnationem suam hipostatiticamque verbi unionem. Sed neque vero de congruo eam promeruit. Tum propter causam dudum assignatam, videlicet quia incarnatio diuini verbi fuit prima radix, primumque fundamentum omnium Christi meritorū, siue de congruo fiat siue de condigno. Tum etiam quia vt dicemus, circa solutionem quarti argumenti, omnia christi merita sunt de condigno, nullum que Christo fuit meritum tantum de congruo.

Secunda Conclusio.

Christus secundum absolutam etiam Dei potentiam non potuit suam mereri incarnationē. Hęc conclusio non tam certa est vt præcedens, quę de facto & de potentia tantum ordinaria procedebat, quā proinde negant theologi nonnulli egregie docti, sed & eam nobiscum etiam multi alij graues affirmant theologi, quam ego existimo valde consentaneam Sancti Doctoris doctrinæ 3. par. q. 2. art. 11. vbi quasi per se notum præsupponit, quod christus suam incarnationem mereri minime potuerit. Et quidem illa secunda ratio, quam præcedenti dubio formauimus, non solum procedit de potentia Dei ordinaria, verum & de potentia absoluta. Augeoque in hunc modum rationis illius efficaciam & vim, Christi incarnatio fuit causa efficiens omnium meritorum Christi: ergo non potuit habere rationem præmij respectu eorum meritorum. Probo consequentiam. Quia idem respectu eiusdem esset causa & effectus, & quidem in eodem genere causæ, nimirum, efficientis. Incarnatio enim causa fuit efficiens meritorum Christi, & si ipsa incarnatio est præmium meritorum, ipsa merita fuerunt effectrices causæ incarnationis, causa enim meritoria causa efficiens est: atque adeo incarnatio in genere causæ efficientis causa est & effectus meritorum Christi, quod nihil potest absurdius dici secundum philosophiæ principia: Ergo, &c.

*concordat hinc suadetur
dig. 10. sec. 4*

Qui contrarium nostræ opinionis opinantur, vt hoc diluant argu-
mentum: dicunt, incarnationem causam fuisse meritorum Christi effi-
cientem physicam, merita vero Christi fuerunt eiusdem incarna-
tionis causa etiam efficiens, sed moralis. At non inconuenit quod vnum
& idem sit causa & effectus respectu eiusdem, secundum has diuersas
rationes & diuersa causarum genera, ita quod sit causa physica, & ef-
fectus moralis.

Sed contra hanc solutionem sic insto. Incarnatio christi non solum
in genere physico, sed etiam in genere morali, imo potius in genere
moralis, causa fuit meritorum Christi. Tribuit enim illis valorem infi-
nitum meritorum, quod non tam fecit physice, quam moraliter, vel,
vt verius dicam, eminenti quadam ratione vtrumque complectente
genus, & physicum, & morale: ergo si fuit morale præmium eorundem
meritorum, causa fuit & effectus in eodem genere morali.

Præterea probatur ista conclusio, Christus non potuit mereri suam
incarnationem neque meritis ipsam præcedentibus, neque vero sub-
sequentibus: ergo nullo modo mereri potuit. Cōsequentia ex diuisione
sufficiens est manifesta. Antecedens vero pro prima parte est ma-
nifestissimū, nam christus non potuit præexistere ante verbi incarna-
tionem, nam si fingamus eius humanitatem præexistisse in alio sup-
posito, videlicet, supposito proprio & sibi connaturali, quod fuit possi-
bile secundum Dei omnipotentiam, ille homo non esset idem homo
personaliter cum christo, sed alius omnino: atque adeo quamuis ille
homo mereretur incarnationem christi, non inde licuisset inferre, q̃
christus eam meruerit. Probatur vero illud antecedens, quoad poste-
riorem partem quæ procedit de meritis sequentibus ipsam incarna-
tionem. Illa merita præsupponunt per se & essentialiter christi incarna-
tionem, eo quod ab ea totum suum valorem meritorium participa-
rūt: ergo impossibile est, quod ipsam meruerint: implicat enim quod
meritū per se, & essentialiter præsupponat in merente præmiū susceptū

At dices forsā cum autoribus contrarię sententię, q̃ paruit Deus
christo conferre illud beneficium incarnationis cum dependentia a
sequentibus meritis. Ita quod si christus sequentibus operibus non il-
lud promerisset, Deus auferret ab ipso istud beneficium, quod ei cū
prædicta dependentia contulerat, & sub hac lege quod ipsum prome-
reretur sequentibus meritis. Ad eum modum quo princeps potest mi-
liti dare equum & arma, ea lege & conditione, vt itenuc serui in bello
gereret, & quod alias ab ipso auferret.

Hęc solutio, meo iudicio, est satis impertinens, quia esto admitta-
mus ea omnia, quæ ipsa configit, non poterit inde aliud inferri, nisi
quod Christus in tali casu continuationem suscepti beneficii, nimirū,
incarnationis meruisset, non vero quod mereri possit ipsam incarna-

tionis

et huius substantiam, quam per se præsupponebant susceptā ipsa Christi merita, siue data esset dependenter, siue independenter, siue in perpetuum, siue ad tempus. Et quidem in hac conclusione non de incarnationis continuatione, de qua eius perseverantia tractamus, sed de substantia tantum illius loquimur, nam de continuatione, in alia conclusione dicemus.

Tertia conclusio.

Secundum absolutam Dei potentiam fieri potuit, ut ipsa Christi humanitas, animo & eius anima mereretur Christi incarnationē quantum ad eius substantiam. Ista conclusio cōmuniter admittitur a grauissimis theologis. Illam insinuat Caiet. 3. p. q. 2. art. 1. & tota eius difficultas consistit in ipsius intelligentia & explicacione. Vnde si ligil latim explicemus oportet diuersos modos, quibus hoc meritum fieri posset. Et primus modus est, quē paulo ante insinuauimus, videlicet, quod Christi humanitas prius tempore quam sumeretur a verbo fuisset in alio supposito, videlicet, in supposito sibi cōnaturali & proprio, nam tunc per opera quæ ex gratia & charitate proficerentur, speciali Dei promissione & ordinatione accedente per quam illa opera referrentur ad incarnationem tanquam ad præmiū, essent meritoria ipsius incarnationis. Hunc modum insinuauit Palud. in 3. dist. 1. q. 1. Alius modus esse posset, si supponamus veram esse sententiā, quæ non paucis theologis visa est probabilis, videlicet, quod Christi humanitas existat per propriam existentiam creatam, quamuis non per propriam substantiam, sed per substantiam diuini verbi subsistat. Tunc enim non difficile esset intelligere quod humanitas, quatenus per propriam exitit existentiam, prius natura quam assummeretur ad substantiam & personalitatem verbi, habuit actionem supernaturalem ex charitate & gratia prodeuntē, per quam interueniente speciali Dei promissione & ordinatione mereretur ipsam hypostaticam vñionem, nec in hoc ego video aliquam impossibilitatem, quicquid quidam graues theologi dicant, Caietanum, in loco citato reprehendentes, quia hunc modum secundum absolutam dei potentiam existimauerit esse possibilem. Etenim licet secundum cōmunem rerum ordinem substantia sit modus necessarius naturæ substantiali ad operandum, tamen si supponamus naturam existere absque substantiæ modo, quæ obsecro vrgens ratio prohibet, quin deus possit conferre virtutem naturæ ita existenti ad operandum? Et hoc vel ex eo suaderetur possibile, quod ratio suppositi seu, quod idem est, substantia non formaliter & intrinsece pertinet ad rationem actiui principij, sed tantum se habet ut conditio secundum naturæ ordinē necessaria, quatenus cōstituit ipsū o peras, ut Quod. Ergo modus iste nō debet impossibilis cēseri, si ad absolutā Dei potentiā recurramus.

Tertius modus fingi posset, qui etsi secundum ordinariam Dei potentiam nullatenus sit admittendus, neque bene consentiat incarnationis mysterio quicquid Durand. loco superius cit. & Dionysius Cisterciensis. in. 3. d. 1. q. 1. ar. 1. in. 20. existimauerint. de qua re 3. p. q. 3. ar. 3. differitur a S. Tho. interpretibus, & ab alijs theologis in 3. d. 1. Secundum tamen absolutam potentiam Dei non videtur esse infatuibile. Et in hoc consistit, quod prius natura vel tempore humanitas assumpta fuerit ad existentiam verbi diuinam, quam ad eius substantiam. Ita quod existat existentia Dei, non vero diuina substantia subsistat. Tunc enim non difficile intelligeremus, quod Christi anima, seu tota eius humanitas per operationes & ex gratia habituali, & ex diuina procedentes existentia mereretur unionem hypostaticam verbi cum humanitate, id est, assumptionem humanitatis ad ipsam diuini verbi substantiam.

Sed rogat quispiam, quale meritum istud fuisset, ex condigno, an ex congruo, perfectum, & ex rigore iustitiæ, an imperfectum potius? Respondeo, quod in duobus prioribus modis certum est illud meritum non posse perfectum esse & ex æq. iustitiæ, quia nec esset ex proprijs, nec ex alias indebitis: sed in Dei gratia & liberalitate fundatum. An vero posset dici de condigno, necne, non vacat in præsentia explicare, sed huius dubietatis resolutionem petat diligens lector ex quaestione sexta sequenti vbi disputabimus nunc gratia capitis committi potuit puræ creaturæ. De tertio autem modo plusculum est difficultatis. Nam ex altera parte videtur esse illud meritum perfectum & rigurosum, ac plane infinitum: quatenus fundatur in unionem humanitatis seu rationalis animæ ad verbum secundam rationem existentie, quam ab eo suscipit: Sed ex parte altera urget argumentum, quod in tali casu diuinum verbum non mereretur, neque formaliter intraret in rationem principij merentis, sed ipsa humanitas, seu rationalis anima mereretur dumtaxat, & si præsupposita diuina existentia a verbo desumpta, non tam necessaria admerendum, formali ratione meriti considerata, quam ad operandum. Vnde verbi existentia humanitati communicata parum aut nihil conferret ad illius meriti valorem, atque adeo totus aut fere totus meritorius valor ad habitualement gratiam animæ collatam esset referendus, & ex consequenti non esset meritum perfectum & rigurosum. In hanc posteriorem sententiam propendo, existimoque de illo merito eodem fore modo censendum, atque de merito puræ creaturæ. Quamuis non negauerim aliquid congruitatis maioris in illo merito reperiri propter dignitatem prouenientem humanitati ex prædicta coniunctione ad verbum. Quæ quidem coniunctio

quia

quā non esset summa quā cum Deo potest habere natura creata: maior enim esset & excellentior coniunctio humanitatis ad infinitam ipsius verbi substantiam, idcirco illa dignitas humanitatis non esset tanta, quā tribueret infinitum valorem meritorium eius operationi. Itaque meritum illud videretur quoddam medium tenere inter meritū puræ creaturæ, & meritū Christi hominis Dei. Sed cum non accederet ad infinitum & summum meriti valorem, non posset ex rigore iustitiæ mereri hypostaticam vnionem verbi cum humanitate, quæ præmium esse non potest nisi summi & infiniti meriti. Sed rogas, an saltem sufficiens esset admerendum vnionem patris, vel Spiritus sancti cum humanitate, vel alia quauis creata natura similem ei quā ipsa humanitas in illo casu haberet cū verbo, ita q̄ de rigore iustitiæ mereretur illa humanitas sic verbo vnita, quod diuinus Pater suā existentiam communicaret alicui naturæ creatæ, & si non mereretur, nec mereri posset de iustitiæ rigore communicationem substantiæ ipsius personæ patris.

Theologi qui censent infinitatem Christi meriti reducendam esse ad humanitatem Christi prout eleuatam & dignificatam per gratiā vnionis. (Cuius sententiæ memimus præcedenti articulo dubio tertio loquentes de satisfactione Christi & eius regione) consequenter, nisi ego fallor, tenerentur huic dubitationi affirmatiue respondere. Nā si dignitas humanitatis proueniens ex hypostatica vnione ad verbum sufficiens est ad tam excellenter dignificandum ipsius humanitatis operationem, vt eam constituat meritum infinitum, & sufficiens ad merendum ex rigurosa & exacta iustitia hypostaticā vnionem patris cum humanitate, quare negandum erit, hanc vnionem humanitatis ad verbū de qua loquimur, sufficientem esse ad dignificandum & humanitatem, & eius actiones, vt possint mereri ex iustitia rigurosa & perfecta similem vnionem, scilicet, quantum ad solam existentiam Patris, aut Spiritus sancti cū humanitate aut quauis alia creata natura.

Nos autem quibus illa sententia nunc citata nec in articulo præcedenti placuit quoad satisfactionis valorem, neque modo placet quā cum ad valorem meriti, sed existimamus necessarium esse & ad satisfactorium, & ad meritorium infinitum valorem quod is qui mereretur, & satisfacit sit verus Deus, & verus homo, ita vt natura humana & diuina persona simul constituent vnum merentem, aut vnum satisfaciētem; & quod dignitas humanæ naturæ, qualiscunq̄ sit & quantancunq̄ non sufficit constituere infinitam satisfactionem, aut infinitum meritum. Consequenter dicere tenemur quod illud meritum non esset sufficiens vt de rigore iustitiæ mereretur prædictam illam vnionem Patris, aut Spiritus sancti,

cum

cum natura creata solius existentiae communicatiuam. Sed hæc sunt obiter dicta, ut diligens lector ex his paucis quæ diximus plura ipse commentetur, & eam opinionem ex his eligat quæ sibi gratior fuerit, eique videatur probabilior.

Quarta Conclusio.

Christus dominus neq. meruit, neq. mereri potuit suæ incarnationis instantias, V. c. i. pris, loci, quod ex tali matre nasceretur &c. Prior huius conclusionis pars, quæ de facto procedit, à quibusdā theologis modernis negatur, sed certe nō video quæ probabili ratione in contrariam ducantur sententiam. Sed quidquid de aliorum sit opinione, neque enim omnia probate tenemur, & si graues habeant assertores, primam hanc nostræ conclusionis partem sic probō. Primo. Istæ circumstantiæ & aliz similes tenent se ex parte incarnationis, constituntque vnum opus cum eius substantia, ergo tenent se ex parte principii totius meriti Christi, & ex consequenti non cadunt sub ipsius merito. Confirmatur. Totum mysterium incarnationis cum omnibus suis circumstantiis pertinet ad diuinam prædestinationem tanquam præcipuum ipsius diuinæ prædestinationis opus: nam prædestinatio non solam rei prædestinatæ substantiam attendit, sed singulas ei circumstantias præscribit, illas præcipue sine quibus ipsa rei substantia subsistere nequit, cuiusmodi sunt circumstantiæ temporis, loci, & similes. Sed prædestinatio christi nullam omnino causam habuit præter ipsam liberalem & gratiosam dei voluntatem: ergo Christus non meruit prædictas suæ incarnationis circumstantias. Sed ex altissima dei prouidentia, nobis per eius prophetas manifestata, fuerunt ab æterno dispositæ, non habita ratione ad meritum aliquod siue puræ creaturæ, siue Christi. Probatur secundo. Circumstantiæ prædictæ non magis fuerunt libere Christo, ut homini, quam substantia incarnationis eius, non enim ipse libere elegit tempus, aut locum suæ natiuitati, aut matrem ex qua nasceretur, sed hoc totum ex ordine solius diuinæ prouidentiae dimanauit, non ergo Christus magis meruit has circumstantias quam incarnationis substantiam, eo quod omnia ista se tenent ex parte incarnationis, & vnum constituunt cum ipsa, ut paulo superius dicebam.

Tertio probatur. Si attendamus rationem propriam meriti & præmii, meritum debet præcedere præmium, & non e conuerso: ergo quando magna non fuerit necessitas, non debemus hunc ordinem immutare & inuertere, neque id patitur ea diuinæ prouidentiae suauitas quam seruat in disponendis & regulandis rebus omnibus, eorum se naturis & conditionibus accommodans, nisi quando grandis my-

sterii

sterit necessitas aliter postulauerit. Quæ necessitas in præsentī ostendi minique poterit.

Quarto probatur. Sicut homo cum iustificatur non meretur primam gratiam, neque mereri potest, sic nec meretur eius circumstantias, videlicet, quod tali tempore, tanta cum intensiōe & perfectiōe ei cōferatur: sed hæc omnia ad solam dei misericordiā & liberalē donationem sunt reuocanda, eo quod hæc circumstantiæ se tenent ex parte primæ gratiæ, quæ principium est totius meriti, & vnum efficiunt principium cū illa: Ergo ipsum dicendū est de circumstantiis incarnationis christi, quæ fuit radicale principium omnium ipsius christi meritorium. Certe in ordine gratiæ proportionabiliter loquendum est ad ea quæ contingunt in ordine naturæ, quod quemadmodum ad naturæ autorem pertinet non solum conferre potentiam quæ est operandi principium, sed etiam omnes circumstantias, quæ ex parte eius se tenent, & hoc independenter a quocunque alio extrinseco, V. c. Ad autorem rationalis naturæ non solum spectat conferre homini intellectum, & voluntatem: Sed etiam constituere has potentias in certo gradu intensiōis & perfectiōis, & hoc independenter ab omni actione hominis. Ita ad Deum auctorem gratiæ similiter spectat, ut ea quæ in isto ordinē ratione principij obtinent, ab ipso tantum conferantur ab omni merito humano independenter, & præsertim independenter ab ea operatione quæ per se pendet ex tali principio, sicut merita puri hominis pendunt ex prima gratia, & Christi merita ex eius incarnatione. Eo quod huiusmodi principium nequit exequi officium principij, imo & simpliciter esse nequit, nisi sub talibus circumstantiis aut simili bus constitutum.

Hæc argumenta efficacissime probant primam conclusionis partē quæ de facto procedit, & similiter probant secundam eius partē, quatenus de ordinatā lege & potentia loquitur. Non tamen tantam vim habent ad eius probationem, prout ad potentiam Deo absolutam se extendit. Sed suadent probabiliter, eamque efficiunt probabilem, & si non certam.

Quinta Conclusio.

Christus neque meruit, neque mereri potuit, si proprie de merito fiat sermo, ipsam suæ incarnationis continuationem. Hanc conclusionem quoad utramque partem negant quidā theologi in primis graves, putantque ad christi dignitatem eiusque meriti excellentiam attingere, quod prædictam ipse meruerit incarnationis continuationem. Sed nostra conclusio probatur, & primo quoad priorem eius partem quæ non de possibili, sed de facto procedit.

Principio, utor illo argumento iam superius bis insinuatō, nimirū, quod

*Chersonius proles sua
sec. 4. lib. 1. 81*

quod si Christus meruit suæ incarnationis continuationem, itaq; continuatio incarnationis fuit præmium meritis Christi respondens, sequeretur quod omnia alia spiritualia bona, quæ nobis per Christum obueniunt, non propter ipsa Christi merita sed ex mera dei liberalitate donentur. Hanc sequellam probaui superius ex eo, quod ipsum diuinum esse verbi humanitati communicatum præmium esset sufficientissimum, vt adæquate responderet toti valori meritorum Christi: atque adeo postquam Christus hoc præmium accepit, nihil ei amplius ex iustitia debetur. Et supponamus ad maiorem huius argumenti claritatem, ad eiusq; efficaciam ostendendam, illam sententiã quam ex quibusdam theologis superius retuli, nimirum, quod deus ex iustitiæ commutatiuæ debito teneretur remunerare & præmiare Christi merita. Qua supposita sententia, nostrum argumentum id contendit, & meo iudicio, id probat efficaciter, quod postquam deus retribuit Christo pro suis meritis loco præmii incarnationis continuationem, nihil ei amplius ex iustitia debet, cum præmium suis meritis adæquatum ei tribuerit, atque adeo totum amplius quod illi dat non ex iustitia retribuit, sed ex gratia donat. Quod tamen, vt superius adueri, nulla est ratione admittendum.

Secundo eandem cõclusionem sic probō. Id quod per se est principium alicuius meriti, nequit esse præmium meriti eiusdem, sed incarnatio Christi est per se principium primum & radicale omnium meritorum Christi; Ergo non potest esse ipsorum præmium. Dices hoc argumento tantum conuinci quod ipsa substantia incarnationis nequiuert esse præmium meritorum Christi, nihil autem de eius continuatione probat. Contra sic arguitur. Continuatio principii & radicis meritorum non magis potest respectu ipsorum habere rationem præmii, quam ipsa substantia eiusdẽ principii, ergo vera est nostra conclusio. Antecedens probatur. Continuatio talis principij, non ponit in numero cum ipsa eiusdem principij substantia. Nam sicut S. Th. loquens 1. p. q. 104. ar. 1. ad. 4. de creatione & conseruatione rerum dicit, quod conseruatio rei non est simpliciter actio distincta ab eius creatione, sed est eadem creatio continuata, ita productio substantialis principij meritorum, & eius continuatio non sunt duę distinctæ actiones, sed vna & eadem. Vnde sicut productio non potest cadere sub merito, ita neque eius continuatio.

Confirmatur primo. Prima radicalis merendi facultas nequit cadere sub merito, nam id quod secundum se principium est, nequit esse terminus & finis. Præmium autem rationem habet finis & termini, ergo cum incarnatio Christi secundum se sit prima & radicalis facultas omnium meritorum Christi, nullo modo etiã quantũ ad sui continuationem potuit esse præmium meritorum eius.

1. Confirmatur secundo manifesto, & efficaci argumento. Continuatio primæ gratiæ in puro homine iusto, non potest cadere sub merito, & oppositum asserere, esset errare in fide, secundum quam fateri tene-
mur, nullum hominem posse mereri suam perseverantiam in gratia: at qui mereretur gratiæ continuationem, mereretur sine dubio perse-
verantiam in gratia. Sed non alia ratione homo iustus non potest gratiæ continuationem mereri, nisi quia prima gratia est primum & radicale merendi principium in quocumque puro homine iusto, & nulla alia potest asserri a theologis verosimilis ratio, propter quam continuatione gratiæ nequeat esse meritorum præmium, nisi quia re-
pugnat, quod principium meriti sit ipsius meriti terminus & finis: Er-
go cum incarnatio Christi sit primum principium & radix omnium meritorum in Christo, sicut prima gratia in homine iusto, nulla vero simili ratione affirmari poterit, quod Christus de facto eius merue-
rit continuationem.

2. Ad plenam huius secundi argumenti cum suis confirmationibus intelligentiam illud est observandum. Quod sicut potentia natura-
lis intellectus aut voluntas, &c. Potest quidem se ipsam per suas ope-
rationes perficere, ita quod eius perfectio habeat rationem termini respectu suarum actionum. At non potest sui continuationem aut conseruationem causare, hoc enim non ad ipsam potentiam, sed ad eius autorem pertinet, eiusdem enim vniuersalis & primæ causæ est conseruare rem cuius est producere: atque adeo continuatio seu cō-
seruatio potentix nullatenus habet rationem termini operationum ipsius potentie. Ita primum merendi principium, primæque & radi-
calis merendi facultas potest quidem suis meritorijs actionibus pro-
prium mereri perfectionem, & ita gratia meretur proprium augmen-
tum. & Christus suis meritis promeruit quandam incarnationis suæ perfectionem, puta, immortalitatem & gloriam corporis, sui que no-
minis exaltationem. At continuationem seu conseruationem sue substantialis entitatis minime potest proprijs actionibus mereri, eo
quod continuatio, vt dixi, non ponit in numero cum ipsa principij substantia, & cum eius prima productione, atque adeo tenet se ex
parte principij meritorum, & nequaquam habere potest rationem termini.

3. Vltimo tandem probatur conclusio. Continuatio incarnationis diuini verbi perse pertinuit ad ipsam christi prædestinationem. At prædestinatio christi nullum habuit meritum, sed ad solam dei sum-
mæ gratuitæ & liberalem voluntatē est referenda. Ergo nullatenus christus suæ incarnationis continuationem promeruit. Maior pro-
batur. Christus fuit prædestinatus filius Dei, vt esset redemptor
hominum, & vt esset caput, & hominum & Angelorum & vt ho-

malum peccata sua morte destrueret, suaeque resurrectione spirituum
eorum vitam repararet, & stabiliret. Mortuus enim est, inquit
Paul. Rom. 4. propter peccata nostra, & resurrexit propter iustificatio-
nem nostram: ergo non solum ipsa incarnationis substantia quantum ad sui
primam productionem fuit independentem ab omnibus meritis prae-
destinata, & praedeterminata ab aeterno, sed etiam quantum ad sui conti-
nuationem & perseverantiam.

Confirmatur ex illo Pauli Rom. 1. Qui, scilicet, Christus praedesti-
natus est filius dei in virtute secundum spiritum sanctificationis, & re-
surrectionem mortuorum Iesu Christi Domini nostri. Ex quibus
verbis constat, quod praedestinatio Christi non in sola incarnationis
substantia terminata fuit, sed ad sanctificationem nostram, & mor-
tuum resurrectionem ipsa Christi virtute operandam pertransiit: ergo
incarnationis continuatio non ex meritis, sed ex sola dei praedestina-
tione ortum habuit.

Haecenus de prima parte conclusionis, quae de facto procedit, age-
bamus, quam argumenta proposita, nisi decipior, veram esse demon-
strant. Denique ad posteriorem conclusionis partem, quae de possibili
loquitur, transeundum est. An quia non negaverim, quod absolutam
dei potentiam attendamus, sicut homo iustus potest continuatio-
nem suae primae gratiae meritoria potuerit Christus mereri incarnatio-
nis continuationem, sed ut tamen assensum in posteriori conclusionis
parte, quod illud meritum esset quidem meritum quasi ab extrinseco
ex sola Dei acceptance & promissione, non vero suam vim meri-
toriam ex principio intrinseco, videlicet, ex gratia unionis participa-
ret. Etenim cum non fiat mutatio in ipsa gratia unionis, ut supponimus,
sed semper eandem naturam retineat, etiam si deus vellet acceptare
eius opus tanquam illius praemii meritorium, & reuera ordinaret opus
illud ad continuationem incarnationis tanquam ad praemium pro
merendum, non tamen illud opus participabit ex ipsa gratia unionis
huiusmodi vim meritoriam. Quia gratia unionis non habet virtutem
ad merendum suam continuationem, neque illam potest proinde
Christi operibus communicare: atque adeo ab extrinseco tantum, &
secundum quid Christi operatio posset esse per absolutam Dei po-
tentiam meritum continuationis incarnationis Christi. Et id ipsum
censeo dicendum de homine iusto, quod si per absolutam dei poten-
tiam, meretur suae gratiae continuationem & perseverantiam tale me-
ritum non emanabit ex ipsa gratia, sed ab extrinseco tantum dei ordina-
tione. Quae res elucidationem accipiet maiorem ex dicendis in qua-
estione sexta sequenti. Ex istis ergo in hunc modum sortito argumentum
pro secunda conclusionis parte. Gratia unionis nullam conferre po-
test virtutem, Christi operationibus, quae possint mereri continuatio-

nam incarnationis. Ergo etiam per ablo huius dei potentiam christus, proprie, & rigro se loquendo de merito, non potuit tale continuationem mereri, sed merito, dumtaxat improprie dicto, cuius tota vis meritoria fundetur in extrinseca Dei ordinatione, & non in intrinseco ipsius operis valore ex vnionis gratia delumpto.

Confirmatur. Gratia vnionis de facto tribuit operibus Christi totum illum valorem meritorium, quem secundum omnem potentiam eis potest conferri. Ergo per nullam potentiam crescere potest intrinsecus meritorum Christi valor. Patet antecedens, quia de facto conferre eis valorem meritorium infinitum. At infinito nequit esse maius, Ergo, &c.

Sed est argumentum contra utramque partem huius conclusionis. Homo iustus de facto meretur de congruo suæ gratiæ conseruationem. Ergo & Christus meruit, aut saltem mereri potuit de congruo suæ incarnationis continuationem & perseverantiam. Consequentia ex paritate rationis constare videtur: & antecedens admittunt vniuersi theologi cum tractant de merito hominis iusti. Huic argumento neganda est consequentia. Ex ratio discriminis est, quod meritum congrui, quo iustus homo suæ gratiæ continuationem meretur, non tam ab ipsa gratia, quam a voluntate operantis procedit, iuxta modum inferius in hoc dubio explicandum. At Christus non potuit habere meritum, cuius tota vis meritoria non fundaretur in gratia vnionis: quoniam totus valor meritorum Christi reducitur ad eius esse personale, in quo principaliter consistit ipsa vnionis gratia. Vt autem modo dicebamus, gratia vnionis nullam potest conferre virtutem meritoriam Christi operationibus, qua eius continuationem mereatur, sicut nec gratia habitualis operationibus iusti hominis vim meritoriam conferre valet, per quam eius perseverantiam & continuationem promereri queat.

Ad argumenta quæ a principio huius dubij informauimus, oportet deinceps respondere. Ad primum dicitur in more scripturarum sacrarum positum esse, ut tunc res dicantur fieri, quando apparent & vel in se, vel in suis manifestantur effectibus. Iuxta quæ modum, dixit Christus, post suam resurrectionem Matth. ult. data est mihi omnis potestas in celo & in terra, cum ramen ante ei data fuisset, sed quia tunc eius manifestatio inchoabat, ideo dixit tunc sibi dari. Ad eundem ergo modum dicitur Apocal. c. 5. dignum esse agnum accipere diuinitatem, id est, dignum ut eius manifestaretur diuinitas. Quam manifestationem petebat Christus Ioan. 15. cum ad patrem dicebat, Clarifica me pater apud te ipsum claritate quam habui prius quam mundus fieret. Quo loco petebat clarissimam & illustrissimam suæ diuinitatis manifestationem, quæ multis quidem claruit, sed mirabilibus, gloriosissimisque præcipue resurrectionis & ascensionis operibus. Ita interpretantur

Solutio argumentorum

Rupertus, Cartusienſ. Caiet. & alij communiter interpretes. In eodē ſenſu intelligitur Paul. in illis verbis citatis. Dedit illi nomē quod eſt ſuper omne nomen &c. Eadem etiam intelligentia a commodari poteſt illi teſtimonio adducto ex pſal. 44. propterea vnxit te deus &c. Nam tunc Chriſtus potuit dici vngi cum eius vnctio, id eſt, vnio diuinitatis ad carnem mundo innotuit, quam vnctionem ob id Chriſtus promeruit, quia iuſtitiam dilexit odioque habuit iniquitatem. Non refragatur huic intelligentiæ Hyero. in epiſt. ad Principiam. & Ambroſ. ad Hebr. c. 1. Sed huius vltimi teſtimonii alias duas repe- rias intelligentias à nobis ſuperius assignatas quæ non minus ſunt ac- commodatæ ad literalem eius ſenſum. Et potiffima, vt crediderim interpretatio eſt ea quam tunc ex S. Aug. retuli, videlicet, quod di- ctio, propter, non meritoria ſed finalem cauſam denotet, id eſt, vt di- ligeres iuſtitia, &c. Anſelmus, & Beda ad Hebr. 1. ita intelligunt. Nō diſſentit Cyril. 8. lib. theſauri. c. 1. ad fin.

Ad ſecundum argumentum negatur antecedens. Ad primam eius probationem, conſeſſo antecedente negatur conſequentia quoniam Chriſti meritum in eo ſenſu eſt infinitum quod habuit omnem cum meritorium valorem, qui neceſſarius eſt ad merendum totū id quod potuit cadere ſub merito, id eſt, illud totum quod poteſt habere rationem præmij. At incarnatio Chriſti nullatenus habere poteſt præ- mii rationem reſpectu operationum Chriſti, eo quod eſt primū prin- cipium, primaq. radix omnium earū, & totius valoris meritorij quæ eis poteſt inefſe,

Ad ſecundā probationem, Primū reſpondeo, quod licet admitta- tur totū quod illa probatio contendit, adhuc non ſequitur Chriſtum ſuam incarnationem meruiſſe. Nam totum illud meritum non ad Chriſtum, ſed ad eius humanitatem pertineret. At quod humanitas Chriſti verbi incarnationem mereretur, diximus non eſſe impoſſi- bile ſecundum abſolutam dei potentiam. Caterum quoniam argu- mentum contendit probare, quod Chriſti humanitas ſecundum or- nariam dei legem & potentiam verbi incarnationem meruerit: Id- circo ſecundo reſpondeo, quod Chriſti humanitas non prius naturæ ordine fuit præintellecta exiſtens, quam intelligeretur verbo af- ſumpta. Et primo quidem quod non præintelligeretur exiſtens exi- ſtentia diuina, ſuppono in præſentia ex his quæ 3. p. q. 3. a. 3. dici ſolēt aduerſus Duran. qui exiſtimauit humanam naturā prius rōnis ordine aſſumptā fuiſſe ad exiſtentiam dei tribus perſonis communem, quam fuerit aſſumpta ad ipſam verbi perſonalitatem. Quæ ſententia ſi,
non eſt error, eſt tamen parum in fide tuta. Quia ex illa videtur ſequi naturam humanam a tota Trinitate fuiſſe aſſumptā, atq. adeo quod Deus, vt communis toti Trinitati, eſt homo, & ex conſequenti quod

non

non solus filius sit homo. sed Pater etiam & Spiritus sanctus, quæ est manifesta hæresis. Quod autem fuerit præintellecta existens propria existentia, vt cum Scoto censuerunt, & censent multi Theologi, mihi non apparet verum. Censeo enim cum S.Th. 3. par. quæst. 17. in Christo vnicam tantum existentiam reperiri, ipsam scilicet, videlicet, diuini verbi existentiam, qua simul cum verbo existit ipsa, Christi humanitas. Quo fit vt nullatenus humana natura in christo præintellecta fuerit existens ante vnionem hypostaticam, & ex consequenti, neque in ea potuit aliquod præintelligi opus meritorium, quo ipsa humanitas verbi incarnationem mereretur. Sed illa ratio qua humanitatis christi præexistentia secundo argumento principali huius dubitationis probatur, non est omnino facilis ad dissoluendum. Cui argumento negandum est illud antecedens, nimirum, quod christi humanitas prius fuit creata quam assumpta. Admitto quidem duas ibi mutationes reperiri (si modo mutationis nomine appellari possunt) scilicet creatio animæ, totiusque humanitatis productio, & assumptio eiusdem humanitatis ad verbum. Inter quas iste fuit ordo quod creatio animæ humanitatisque productio (quæ ad vnā pertinent mutationem) præsupposita fuit vt in via & quasi inferi ad assumptionem. At in facto esse & intermino, è contra assumptio fuit præintellecta humanitatis productioni. Itaque hæc propositio est vera, prius natura humanitas christi producit, quam sit assumpta: Hæc autem falsa, humanitas prius est producta, quam assumpta. Sed è contra est concedendum, quod prius fuerit assumpta, quam producta. Ad verificandum autem illam propositionem, humanitas prius producit quam sit assumpta, non est necesse quod humanitas prius habuerit actum existendi, quam fuerit assumpta ad subsistentiam verbi, sed sat fuerit quod quantum erat ex vi creationis rationalis animæ, ac productionis totius humanitatis, ipsa humanitas tenderet ad actum existentie propriæ, & sibi connaturalis, qui tamen impeditus fuit, per ipsam verbi existentiam humanitati hypostatica vnione communicatam, quæ diuini verbi existentia præuenit ipsam naturalem humanitatis existentiam, sicut & diuina verbi subsistentia præuenit subsistentiam humanam. Et ratione huius præuentionis assumptio in facto esse & in termino prior fuit rationalis animæ creatione, ac prior itidem ipsa totius humanitatis productione, quamuis in fieri res è contra se habuerit. Neque mirum alicui esse debet, quod istæ duæ mutationes ita se haberent in excellentissimo incarnationis mysterio, quæ ea quæ prior fuit in fieri, & in via, fuerit posterior altera in facto esse & in termino ita, quod prior mutatio præueneret posteriori ex parte termini, & quasi impedita, ne proprium terminum, in quem tenderet, attingeret. Neque vero hæc doctrina ob id esset falsitatis argueri

quia, si nullum possemus simile ex ordine naturali inuenire. Nam de hoc mysterio dictum est ab August. episto. 3. ad Volus. quod si eius rationem quaerimus non erit mirabile, si exemplum vero non erit singulare. Sed nihilominus tentandum erit ad maiorem huius rei persuasionem ei aliquale in ordine rerum naturalium simile inuenire. Et mihi illud se offert, quod in intellectu nostro iuxta S. Tho. doctrinam quam eius discipuli ex ipso colligunt 1. par. quest. 27. artic. 1. Dux reperiuntur actiones formalibus rationibus distinctae, nimirum, dicere, id est productio verbi, & intelligere, quae est ipsa obiecti in verbo contemplatio. Inter quas operationes talis reperitur ordo, quod intelligere prout est in via & quasi in fieri, praesupponitur addicere. Nam ut S. Th. inquit, 1. p. q. 34. a. 1, ex eo intellectus producit verbum leonis & non equi, quia cognoscit leonem & non equum, atque adeo productio verbi per se pendet ex cognitione illius rei cuius verbum producitur. Ceterum ex parte termini, & quasi in facto esse, e contra res se habet. Nam intelligere, prout est obiecti contemplatio, praesupponit ipsum dicere, quia praesupponit verbum productum in quo fit intellectus & ipsa obiecti contemplatio. Sed in communi possumus huius rei assignare rationem, quae in eo sita est, quod prioritas naturae non est aliud quam prioritas causalitatis, ut ex Aristotelicis postpraedicamentis in c. de priori facile erit intelligere: At non est mirum quod aliqua una mutatio, prout est in via & veluti in fieri, sit causa alterius, & quod prout est in termino, in suoque complemento sit eiusdem mutationis effectus, praesertim in diverso genere causalitatis. Sicut in materia nostri secundi argumenti contingit. Nam humanitatis productio, prout in fieri & in via, est materialis causa assumptionis, eo quod assumptio est ab alio ad se sumptio, & ob id res assumenda debet praesupponi saltem in fieri ad assumptionem. Assumptio autem ex parte termini prior est humanitatis productione, & creatione rationalis animae, eo quod creatio nequit assequi suum terminum formalem, scilicet, esse, nisi dependenter ab assumptionis termino, nimirum, a verbi subsistentia: quae est formalis terminus assumptionis. Et quia terminus reducitur ad formam, idcirco humanitatis productio animaeque creatio pendet ab assumptione quasi in genere causae formalis. Et verissimum proinde est, si formalis sermo fiat, quod Christi humanitas prius assumpta fuit quam creata. Quamvis in genere materiali causae, debeat concedi quod prius creabatur quam assumpta fuisset. Non desunt theologi, qui concedant in genere causae materialis humanitatem prius fuisse creatam, quam fuerit assumpta. Verum ergo non video qua ratione hoc concedi possit, si cum S. Th. censemus humanitatem in Christo non existere nisi per verbi existentiam, & quod existentia non communicatur nisi personae,

neiseu hypostasi (verumque enim dicit 3. p. q. 17.) Nam si hæc sententia vera est, in nullo genere causæ humanitas potuit existere prius quàm esset ad verbi hypostasim assumpta. Nam alias existentia immediate fuisset communicata humane naturæ, & non immediate hypostasi, quod S. Th. doctrinæ contradicit. Cuius veritatem nunc suppono, quia in eius probatione immorari non licet, ne plus nimio ab intentione noster hic tractatus diuertat.

Ad confirmationem negatur antecedens, probationi vero dicitur. Quod si proportionatum & connaturalem rerum ordinem attendamus, præmium non debet antecedere meritum sed e contra: habet. n. præmium rationem finis comparatione ad meritum, quod proinde prius quidem est intentione, executione vero posterius. Potest tamen fieri supernaturali Dei virtute, & potentia, ut propter causam aliquā necessariam immutetur naturalis hic ordo, ita ut præmium meritum antecedit, habeatq. meritum quendam modum finalis causæ. Et ita contigit in merito Christi comparatione ad gratiam antiquorum patrum, quæ rationem habuit præmij, meritorum Christi, prout antecesserunt in divina præscientia. Sed tamen hæc mutatio fieri non potest, si id quod præcedit, habet rationem principij & radicis ipsorum meritorum. Itaque si gratia antiquorum patrum principium fuisset & radix meritorum Christi, haud quaquam esset possibile, quod ipsa gratia antecederet Christi merita. Vnde cum Christi incarnatio sit prima radix omnium meritorum Christi, & valoris meritorij infiniti quæ in ipsis reperitur, per nullam potentiam fieri potuit, quod opera Christi ipsa incarnatione posteriora eandem mererentur incarnationem. Aliiter diluere solent hoc argumentum nonnulli theologi asserentes, quod solutio anticipata non est actus iustitiæ, sed liberalitatis & gratiæ eius qui ita præmium exolvit. Vnde incarnatio considerata in ratione anticipati præmij meritorum Christi non posset habere rationem actus iustitiæ, atq. adeo neq. proprie esset præmiū. Hæc tamen solutio, nisi quid amplius ei addamus, sufficiens esse non potest. Quoniam licet in solutione anticipata aliquid gratiæ, & liberalitatis involuatur, id nempe, quod ad temporis anticipationem pertinet, est nihilominus simpliciter actus iustitiæ, quatenus præmium, quod anticipate soluitur, est ad æquatum meriti suscipiendæ. Erat autem præfata solutio, mea sententia, valde apparens, imo in ea fundabitur ratio efficax adversus sententiam contrariam, si ei addamus, quod quando solutio ex natura rei quæ aliud non patitur, aliter fieri nequit quam anticipata, non potest ibi reperiri veritas iustitiæ. Quia iam tota solutio in ratione solutionis, consideranda erit quantum ad id præcille, quod est esse anticipatam, in quo iustitia non est, sed pura liberalitas. Et quia hoc in præsentia ita contingit: non enim aliter meriti, & præmij ra-

tio constabit nisi præmiū anticipetur, ideo nulla est iustitia, atq. adeo nec meriti, neque præmij ratio.

Ad tertium argumentum concesso antecedenti, neganda est consequentia. Cuius probationi dicitur, falsum esse quod per resurrectionem per se primo & formaliter tantum bonum fuerit communicatū humanitati, quantum per incarnationem. Etenim resurrectio, ut supra dicebam, per se primo & formaliter tantum terminatur ad reunionem partium separatarum, ex quarum reunionem integra consurgit humanitas. Quod autem hæc unio partium terminetur ad diuinū verbi suppositum, habuit se ibi consequenter, & quod ad vim resurrectionis atinet, per accidens. Sed arguit quis contra hanc solutionē, resurrectio non solū est reunitio earū partiū quę fuerant separatę, sed ipso propterea requiritur quod terminetur ad idem suppositum in quo subsistebant partes ante separationem: alias enim si reunitio ad aliud terminaretur suppositum, non resurgeret ille homo qui fuerat mortuus, sed alius. Ergo in Christi resurrectione, & in eius formali & primario termino non solum ipsa partiū reunitio & naturę integritas debent attendi, sed etiam identitas diuini suppositi: atque adeo Christus, quatenus meruit resurrectionem tantum meruit bonum quantum fuit humanitati per incarnationem communicatum.

Hoc argumentum non est contemnendum, cuius difficultati viri magni ingenii & eruditionis præcipuę succumbentes, existimarunt Christum vere meruisse ipsum diuinum verbum eiusque unionem ad humanitatem, quę per Christi resurrectionem facta fuit. Nam in triduo mortis Christi sicut non erat humanitas, sed eius partes existebant separatę, ut 3. p. q. 50. a. 4. ita neq. diuinū verbū humanitati erat unitum, cuius unio facta est per resurrectionem: atque adeo hoc ipso quod Christus suam meruit resurrectionem, meruit quoque per se & formaliter ipsum diuinum verbum ut humanitati reuiniendum, ac proinde tantum bonum meruit, quantum fuit incarnationis bonum. Dicunt præterea huius sententię auctores, per accidens fuisse ad Christi resurrectionem, & similiter ad meritum quo Christus ipse suam resurrectionem promeruit, quod humanitatis Christi partes in triduo mortis unitę præextiterint diuino supposito: atque adeo, quod ita se habuit unio diuini verbi ad humanitatem in resurrectione, atque si non præexisteret unitum ipsis humanitatis partibus.

Sed his non obstantibus in nostra adhuc persistimus sententia, propter rationes superius commemoratas & expositas. Et ad argumentum modo informatum responderetur, Verum quidem esse quod ipsa resurrectionis ratio postulat, ut natura ex partibus reunitis integrata in eodem subsistat supposito, in quo subsistebat ante partium separationem, sed non est tamen de ratione intrinseca resurrectionis neces-

sarium

factum, quod natura reintegrata, alia speciali actione a reintegratione distincta, tali supposito vniatur, sed bene permittit, quod vnio reintegratione naturæ ad illud suppositum se habeat consequenter & concomitanter ad ipsam partium reunionem, ad ipsamq. naturæ reintegrationem, vt contigit in Christi resurrectione, eo quod diuinum suppositum vtrique humanitatis parti & animæ & corpori in triduo mortis permanerat vnitum. In quo casu nulla maior virtus & efficacia necessaria est ad vniendum suppositum reintegratione naturæ, quam ad ipsam reintegrandum naturam per reunionem separatarum partium: neque maius miraculum est vnio humanitatis reintegratione ad verbum, quam ipsa humanitatis partium reunitio. Neque natura proprie loquendo accipit aliquid, per illam verbi vnionem, quod ad ipsam non pertineret. Nam quatenus verbum erat vnitum ipsis naturæ partibus, ad eam pertinebat vti eius suppositum. Ita quod facta naturæ reintegratione naturaliter consequutum fuit, quod maneret tali supposito vnita. Vnde formalissime loquendo hæc reunitio verbi cum integra humanitate, non tam est tribuenda deo vt resurrectionis autori, quam eidem vt auctori incarnationis. Quoniam ex illa antiqua vnione in ipsa incarnatione facta resultauit hæc reunitio diuini verbi ad integram humanitatem, partium reunionem per resurrectionem effecta, fuitque proinde istud reunionis verbi ad humanitatem miraculum consequens ad miraculum incarnationis. Ex his manifesta superest argumenti solutio. Distinguendum est enim antecedens iuxta traditam doctrinam in hunc modum, quod si sit sensus, necessarium esse quod vnio reintegratione naturæ ad idem suppositum speciali actione ipsius resuscitantis & reintegrantis naturam, speciali. eius virtute fiat, falsum est antecedens. Nam quod ita fiat, per accidens est resurrectioni. Si vero sit sensus, necessariam esse illam vnionem naturæ ad prædictum suppositum, vndecumque talis vnio proueniat, siue fiat per se & directe, siue concomitanter se habeat, verum est antecedens: sed in hoc sensu intellectum, nihil concludit contra nostram sententiam. Quia non sequitur, quod vnio naturæ ad præcedens suppositum fiat ex vi resurrectionis. Et ex consequenti non oportet, quod is qui resurrectionem meretur, simul quoque talem reunionem ad suppositum mereatur.

Id vero quod asserunt autores sententiæ contrariæ, nimirum, per accidens fuisse ad Christi resurrectionem, secundum eum modum quo de facto contigit, quod diuinum verbum permaneret vnitum ipsis humanitatis partibus, existimo esse falsum. Quia si verbum non esset vnitum partibus humanitatis, duplex interueniret miraculum in Christi resurrectione, nempe, reintegritas humanitatis per reunionem partium facta, & iterata assumptio humanitatis

ad verbi subsistentiam, & hoc posterius esset multo maius miraculū, & excellentius diuinæ potentæ opus. Nos autem contendimus, quod de facto vnum tantum contigit in resurrectione miraculum, quod fuit ipsa humanitatis reintegratio. Aliud vero posterius consequenter se habuit & concomitanter, & potius consequutum fuit ex vi magni illius & primi miraculi incarnationis, quam ex vi resurrectionis de nouo factæ, vt dudum aduertebā. Quæ animaduersio euacuat vim huius difficultatis. Nā si miraculū istud reasumptionis totius humanitatis reintegratæ ad verbi subsistentiā, ex ipso resurrectionis opere per se fuisset consequutū, fateri teneremur, quod Christus quatenus suis operibus per se primo resurrectionis miraculosū opus meruit, mediate etiam & secundario promeruit illud consequens reunionis verbi ad humanitatem miraculum. Quod ego non libenter admitte-

Nota. rem. Sed adhuc vrget nos difficultas quæ se cuestigio opponit. Quod verbum corpori præstiteret vnitum in triduo mortis non ortum habuit ex sola verbi incarnatione, nam supposita S. Th. sententia 1. p. q. 76. a. 3. & 4. vbi legatur Caiet. quā hauit sine dubio ex doctrina Aristi. nimirum, quod resolutio fiat vsque ad materiam primam in morte cuiusuis animalis etiam hominis, necessum est fateri, quod Christo mortuo in eius materia prima nō permansit eadem corporeitatis forma, quæ fuerat ipso Christo viuentē, sed quod a forma cadaueris aliud esse corporeum acceperit. Diuinum autem verbum non fuerat nūc de materiæ communicatum, sed prout induebat gradum corporeum ab anima Christi rationali susceptum. Ergo hoc esse corporeo a materia sublato, si ordinem rerum attendamus, non persistebat diuinū esse verbi in materia illa eo quod dependenter ab anima Christi rationali, ei fuerat communicatum: atque adeo nouo opus fuit miraculo, vt in corpore cadauerico permanserit diuinū verbum hyposthatice vnitum, & ex consequenti fatendum est Christum suis meritis hoc nouum meruisse miraculum. Quod si admittimus, iam ipsa reddit argumenti prioris difficultas, nempe, quod Christus tantum promeruit bonum quantum fuit bonum incarnationis, promeruit namque diuinum verbum vt cadauerico Christi corpori vniendum. Non est leue hoc argumentum, neque facile occurrit sufficiens eius solutio. Mihi videtur dicendum cum Caiet 3. p. q. 6. a. 1. & 6. quod & si regularis naturæ ordo postulare videbatur, quod in ipso verbi incarnationis instanti diuinum ipsius verbi esse non prius partibus humanitatis, præsertim parti materiali, quam toti vniretur humanitati, quia non prius partes quam totum existunt, sed e contra totum prius natura existit quam partes, in ipso enim & ad eius existentiam existunt partes. Tamen propter mysterij rationem, eo quod verbum assumebat humanitatem nunquam dimittendam quoad essentielles eius

eius partes, immutatus fuit hic ordo, & prius natura existentia diuini verbi communicata fuit corpori, id est, materiz illi singulari quæ præparata fuit a Spiritu sancto, & ex purissimis B. Virg. sanguinibus accepta, vt ex ea simul cum anima integraretur tota Christi humanitas, quam communicaretur toti ipsi humanitati. Vnde esse verbi illi materiz communicatum non habuit in illa communicatione intrinsecā dependentiam ab eo corporeitatis gradu, quem Christi materia ab eius anima suscepit, atque adeo in morte illo sublato, alioque a cadaueris forma adueniente, permansit sine miraculo in eadem materia.

Quantum argumentum eam difficultatem elucidandam exposcit. Vtrum patres antiquæ legis meruerint de cōgruo incarnationē Christi domini.

In qua re variæ sunt theologorum sententiæ, Gab. in. 3. dist. 3. q. 1. S. Bonauent. ead. d. art. 2. q. 2. Mars. in. 3. q. 5. dicunt duo. Alterū est, quod patres antiqui, neque de condigno, neque de congruo meruerunt Christi domini incarnationem, quantum ad eius substantiam. Alterum vero est, quod meruerunt eius accelerationem: ita q̃ prius tempore verbum assumpsit humanitatem propter orationes & merita patrum, quam alias assumeret. Vtrumque assertum probatur. Orationes patrum contendebant, nō vt deus fieret homo, sed vt citius homo fieret: Ergo non meruerunt, neque impetrauerunt incarnationē Christi quantum ad substantiam: sed solum eius accelerationem. Probatur antecedens ex sacra scriptura, Exod. 4. dicebat Moyses ad Dominum. Mitte, obsecro, quem missurus es. Ecce Moyses præsupponebat diuinum decretum de incarnatione verbi futura, petebat autem, vt cito fieret. Id ipsum insinuat oratio Isa. c. 4. Vtinam dirumperes cælos, & descendens. Et Ps. 11. propter miseriam inopum, & gemitū pauperum nunc exurgam, dicit dominus. Ponderandum est illud verbum, nunc, reddit enim sensum istum, propter clamores & orationes eorum, qui se pauperes & egenos absque Christo arbitrantur, nunc, id est, citius quam disposueram, veniā in mundum in remediū illorū.

Probatur secundo ista sententia maxime quod primum assertum: Id quod est principium meriti nō potest cadere sub tali merito, alias enim idem esset principium, & terminus respectu eiusdem, idem q̃ respectu eiusdē causa esset, & effectus, quod est impossibile, vt diximus non semel. Sed incarnatio Christi domini ab æterno præuisa primū fuit omnium meritorum antiquorum patrum principium, ergo. Minor patet ex illo ad Eph. 1. elegit nos in ipso ante mundi constitutionem, vt essemus sancti & immaculati coram ipso. Ecce vbi sanctitas omnium nostrum per Christum nobis collata est, atque adeo omnia merita & patrum & nostra, quæ pertinent ad sanctitatem, ad Christum sunt referenda. Et confirmatur. Idcirco docent grauissimi theo-

logi primam gratiam non cadere sub aliquo nostro merito, quia est in nobis prima omnium meritorum radix: ergo eadem ratione incarnatio Christi domini non potuit cadere sub aliquo merito. Confirmatur secundo. Si patres antiqui meruerunt incarnationem Christi domini, sequitur quod meruerint suam primam gratiam. Consequens in errorem vergit Pelagianum, ergo, &c. Probatur sequella. Incarnatio Christi domini est causa meritoria illius primae gratiae: Ergo qui meruit incarnationem, meruit & illam primam gratiam. Patet consequentia ex regula illa vulgata, quidquid est causa causae, est causa causae.

Tertio probatur. Patres antiqui non meruerunt Christi praedestinationem: Ergo neque eius incarnationem. Consequentia videtur manifesta, nam incarnatio temporalis Christi domini fuit effectus infallibiliter consequens eius praedestinationem: Ergo qui non meruit Christi praedestinationem, neque meruit eius infallibilem effectum, nimirum, temporalem incarnationem. Probatur antecedens prius ratione fuit in diuino decreto praedestinatio Christi domini, quam praeviderentur merita patrum, quia universa merita & illorum & nostra innituntur praedestinationi Christi, ergo, &c.

Si dicas, quod incarnatio ex eo potuit cadere sub meritis patrum, quia licet fuerit praevisa & praedestinata prius ratione, quam praeviderentur patrum merita, tamen in executione fuit posterior tempore, & ita quatenus fuit posita in executione potuit habere rationem praemij respectu operum antiquorum patrum. Praedestinatio vero cum ad intentionis ordinem spectet, secundum quam incarnatio Christi fuit causa omnium meritorum, nulla ratione potuit sub eisdem meritis cadere uti eorum praemium.

Contra hoc arguitur. Sequitur quod opera antiquorum patrum non solum de congruo, sed etiam de condigno meruerint incarnationem Christi domini. Consequens non est admittendum: ergo, &c. Probatur sequella, incarnatio Christi prout in executione ponenda potuit habere rationem praemij, & nihil deerat operibus patrum, ut illam de condigno mererentur: ergo. Probo minorem. Erant opera supernaturalia & eiusdem ordinis cum incarnatione Christi, procedebant ex gratia & charitate, ordinabantur ab ipsis operantibus ad illud praemium, & nihil aliud exigi potest ad meritum de condigno: ergo, &c.

Confirmatur, saltem sequitur quod secundum potentiam Dei absolutam opera patrum Veteris testamenti potuerint de condigno mereri incarnationem Christi. Consequens non apparet verum, ergo, &c. Probatnr sequella. Si semel supponimus, quod incarnatio Christi potuit habere rationem praemij respectu illorum operum,

quae

quæ implicatio erit, ut de condigno istud præmium meruerint, si infinitam dei omnipotentiam attendamus.

Secunda sententia docet quod patres antiqui non solum meruerunt accelerationem incarnationis Christi, verumetiam inmeruerunt ipsam incarnationem quantum ad aliquem eius effectum.

Ad huius opinionis intelligentiam adnotandum est cum eius autoribus, quod duplex fuit præcipuus incarnationis christi effectus. Alter iustificatio animarum per gratiam sanantem & renouantem hominē interiorem. Alter vero a perito regni cœlestis. Dicit ergo hæc sententia, patres antiquos non meruisse incarnationem christi quantum ad priorem effectum, meruisse tamen illam, quoad effectum posteriorem. Et quoniam primus effectus fuit præcipuus & magis propinquus substantiæ incarnationis christi, idcirco absolute dicendum est, quod non inmeruerunt substantiam incarnationis, concedendum est tamen illam promeruisse secundum quid, idest, comparatione ad illum minus principalem effectum.

Hæc sententia probatur. Incarnatio christi domini quantum ad priorem effectum est prima omnium meritorum radix: gratia enim collata per christum principium est totius meriti. Quoad secundum vero effectum non est radix & principium merendi: Non enim essentialis meriti ratio, aut ipse meritorius valor ex apertione cœlestis regni per se pendet. Ergo præclara veterum patrum opera nequaquam primum incarnationis meruerunt effectum, meruerunt autem effectum secundum & minus præcipuum. Et qui non fuit illis merendi principium, nisi dumtaxat finale, quatenus cœlestis ianua apertio tenet se ex parte ultimi præmij, nempe, gloriæ. Quæ solum finalis causæ in fluxum habere poterit respectu meritorum. Ergo incarnatio christi domini quantum ad primum effectum non cadit sub merito, antiquorum patrum, bene tamen quoad secundum effectum. Istam sententiam tenet S. Bonau. ubi supra Alex. Alen. 3. p. q. 9. membro. 3. Verum est quod hi autores non omnino sibi consentiunt. Etenim D. Bonau. existimat patres antiquos meruisse de condigno incarnationem Christi quoad secundum effectum, Alen. vero tantum admittit meritum de congruo.

Vltima sententia quæ docet S. Th. 3. p. q. 2. a. 11. & in. 3. ad Anibal. d. 4. dicit patres antiquos meruisse de congruo incarnationem Christi domini, etiam secundum eius substantiam, nullatenus vero de condigno.

Pro resolutione notandum est, in duplici sensu posse intelligi patres antiquos meruisse accelerationem incarnationis Christi. Alter est quod propter merita patrum verbum citius in mundum veniret, quam per diuinum consilium fuerat dispositum priusquam nostro intelligendi modo deus merita patrum prouideret. Alter sensus est, quod deus ante prauersionem

meritorum veter. testam. Patrum decreuit quidem filium suum in mundum mittere, non autem designauit certum tempus in quo illū esset missurus, sed quantū ad hoc expectauit merita patrum, quibus in sua aternitate prauis praxiniuit determinatum tempus incarnationis filij sui. Ad eum modum, quo quidam doctissimi interpretantur sententiam Scoti asserentis christum dominum fuisse praxdestinatum ante praxiusionem peccati primi parentis. Dicunt enim quod ante praxiusionem huius peccati statuit deus vt verbum fieret caro, at vero in illo priori rationis non desinuit deus qualem carnem assumpsurū esset verbum, passibilem ne, an impassibilem, sed hoc post praxiusionē peccati originalis decreuit. Quo supposito sequentibus conclusionibus rem istam explico.

Prima Conclusio.

Si acceleratio incarnationis Christi in priori sensu sumatur, improbabiler diceretur patres antiquos accelerationē incarnationis christi, pmeruisse. Probatur primo. Hic sensus manifeste inuoluit mutationē diuinæ volūtatis & diuini consilij: Ergo improbabiler est & absurdus. Probatur antecedēs iuxta hunc sensū praxsupponimus Deū ante praxiuisa patrum merita statuisse determinatum tempus incarnationis Christi, & quod tandem meritis praxiuis, aliud tempus eidem futurę incarnationi designauit. At hæc manifesta est diuini consilij, diuinæque volūtatis mutatio: Ergo.

Secundo probatur ex illo ad Gal. 4 Cum autem venit plenitudo temporis misit deus filium suum, &c. Hæc autem temporis plenitudo quid designat aliud, quam tempus diuino cōsilio determinatum? Ergo non antea verbū carnem assumpsit, quam adueniret tempus illud, quod fuerat per diuinum consilium dispositum: atque adeo patres antiqui non meruerunt neque de condigno, neque de congruo accelerationem incarnationis Christi, in hoc priori sensu acceptam.

Ex quo sequitur, quod simpliciter & absolute negādum est, patres antiquos meruisse accelerationem incarnationis Christi. Quoniam acceleratio incarnationis, si proprie & ad rigorem sermonis sumatur, primum sensum a nobis expositum reddit. Acceleratio enim secundum nominis proprietatem, designat, quod res citius fiat, quam alias esset facienda.

Secunda Conclusio.

Si acceleratio incarnationis in posteriori sensu sumatur, cum aliqua probabilitate dici potest patres antiquos meruisse incarnationis Christi accelerationem, sed multo probabilius oppositum asseritur.

Prima pars conclusionis probatur argumento primo ex propositis à principio dubij. Et præterea probatur quoniam argumenta quæ ex aduerso obijciuntur habere possunt apparentem solutionem.

Secunda pars conclusionis probatur. Primo. Decretum de incarnatione Christi futura fuit actus diuinæ prædestinationis Christi, sed prædestinatio cum sit pars perfectissima diuinæ prouidentie disponit omnia quoad singulares etiam circûstantias, tēporis & loci &c. Ergo in illo decreto diuino de Christi incarnatione futura, quod antea præuisionem meritorum antiquorum patrum præintelligitur, dispositum fuit non solum de substantia incarnationis, sed etiam de tempore determinato in quo erat futura: atque adeo cum hoc diuinum decretum sit pænitus immutabile, patres antiqui nequaquam meruerunt: vt Christi domini acceleraretur incarnatio.

Secundo probatur, Merita patrum antiquorum præuisa in Dei æternitate fuerunt vt in christi meritis fundata, sed hoc verum esse non potest, si contraria sententia vera est: ergo: &c. Maior est fidei catholicæ veritas, vt i superius ex c. 4. actorum ostendi Et probatur minor. Non potuerunt in diuina præscientia præuideri Christi merita in aliquo rationis signo ante præuisionem meritorum patrum, si vera est sententia contraria: Ergo. &c. Probo minorem. Christi merita non potuerunt præuideri in æternitatenisi quatenus cognoscebantur vt existentia in aliqua determinata temporis differentia. Sed iuxta contrariam sententiam merita Christi non potuerunt præcognosci vt existentia in aliquo determinato tempore ante præuisionem meritorum patrum: quoniam ait ista sententia, deum non designasse determinatum tempus incarnationi Christi, nisi post præuisa patrum merita: ergo patres antiqui non meruerunt determinationem temporis, in quo futura erat incarnatio Christi.

Possit huic argumento dici, quod vt patrum merita inniterentur meritis Christi, non fuit necesse vt merita christi præuiderentur vt existentia in aliqua temporis differentia, sed satis fuerit quod præcognoscerentur adeo vt infalibiliter euentura, non determinando in hoc vel in illo tempore. Contra hoc sic arguitur, Patrum merita initebantur meritis Christi non in communi nec in confuso consideratis, sed determinate & indiuiduo, initebantur enim passioni Christi præuise pro vt futura erat sub Pontio Pilato cum omnibus singularibus circûstantiis, quibus fuit ornata: ergo præsupponebant merita Christi incerto & determinato tempore futura sub reliquis singularibus positam circûstantiis, quæ adeorum spectabant indiuiduationem. Probatur consequentia. Quoniam circûstantia temporis est vnum ex necessario requisitis ad indiuiduationem operis meritorij.

Secundo

Secundo impugnatur illa solutio. Ex ea sequitur, quod patres antiqui simpliciter meruerunt incarnationem Christi Domini, ita quod non esset homo, nisi præcesserint ipsa patrum merita. Consequens non admittetur à theologis: Ergo. Probatur sequella. Filius dei non veniret quandiu non definitur a deo certum & determinatum tempus in quo erat futurus, & oppositum diceretur improbabiliter. Sed iuxta illam solutionem definitio determinati temporis præsupponebat patrum merita: Ergo patres simpliciter meruerunt, ut Dei filius veniret in mundum: ita quod si non extarent eorum merita, nunquam de facto Verbum fieret caro.

Dux propolite conclusiones intelligendæ sunt tam de merito congrui, quam de merito condigni, nam eadem ratio est de utroque merito quod attinet ad has conclusiones, ut constat ex rationibus factis in patrum probationem. Verum est, multo certiores esse has conclusiones si de merito condigni intelligantur.

Tertia Conclusio.

Improbabiliter asseritur patres antiquos meruisse de condigno incarnationem Christi domini quoad secundum eius effectum, scilicet, apertionem regni cælestis. Statuitur ista conclusio contra Alex. Alenti. & contra S. Bonaventuram. præsertim contra S. Bonaventuram, qui meritum de condigno comparatione ad hunc effectum in patrum operibus agnuit. Probatur primo, totum opus nostræ redemptionis a Christo domino operatum fuit ex liberalissima dei misericordia, omni nostra iustitia de medio seclusa, iuxta illud Pauli ad Titum. cap. 3. non ex operibus iustitiæ quæ fecimus nos, sed secundum misericordiam suam saluos nos fecit. Sed apertio regni cælestis pertinet ad opus nostræ redemptionis tanquam vnum ex potissimis eius operibus: Ergo fuit ex liberalissima dei misericordia. Atque adeo improbabiliter asseritur, quod patres antiqui meruerint de condigno hunc effectum, quoniam meritum de condigno est meritum de iustitia.

Hoc argumentum nullam potest aliam solutionem habere, nisi quod merita patrum quæ de condigno meruerunt hunc effectum, innitebantur incarnationi Christi domini, prout fuit causa primi effectus, nimirum, iustificationis & renouationis per gratiam, & ex consequenti tota iustitia quæ inerat meritis patrum reducebatur ad liberalitatem & misericordiam dei, quæ deus fuit visus nobiscum, dando nobis filium suum, ut causam primi effectus incarnationis eius. Ad eum modum quo nostra merita, quibus meremur gloriam, reducuntur ad misericordiam dei, quæ liberaliter nobis confert primam gratiam. Et idcirco sicut gloria quæ correspondet meritis nostris de condigno,

solet

solet appellati gratia, iuxta illud Paul. ad Rom. 6. Gratia dei vita æterna, eo quod tota iustitia & condignitas meritorum fundatur in gratia & misericordia dei: ita apertio regni cælestis dicitur proprie opus diuinæ misericordiæ, quamuis respondeat patrum meritis de condigno, eo quod eorum condignitas & iustitia innitebatur diuinæ misericordiæ.

Ista solutio vtcumque effugit vim argumenti, & sufficiens est vt eximat sententiam contrariam ab omni erroris periculo: sed nihilominus non apparet simpliciter sufficiens, vt illa sententia sit probabilis.

Arguitur primo contra illam. Non apparet probabile, quod opus nostræ redemptionis in aliquo potissimo eius effectu, qualis est apertio ianuæ regni cælestis, ita sit opus iustitiæ, sicut est glorificatio iustorum. Etenim iustificatio simpliciter in sacris literis 1. ad Timoth. 4. & apud sanctos Patres appellatur merces & corona iustitiæ. At opus redemptionis nostræ, semper appellatur in sacris literis absque vlla distinctione primi effectus, & secundi effectus, opus misericordiæ, vt cõstat ex testimonio citato ad Titum 3. & Rom. 3. donum vocatur & gratia, & nusquam appellatur opus iustitiæ: ergo.

Secundo arguitur contra eandem solutionem. Apertio regni cælestis necessaria & infallibili consequutione fuit consequuta mortem, & passionem Christi, in qua Christus sanguinem suum obtulit exuberantissimū pretiū nostræ redẽptionis: sed nulla merita de condigno præcesserunt in præuisione diuina mortē & passionem Christi domini. Etenim tota sacra scriptura mortem Christi ad solam dei gratiam & misericordiam reducit, iuxta illud Rom. 9. Commendat deus charitatem suam in nobis, id est, suam misericordiam & gratiam. Cum enim peccatores essemus secundum tempus Christus pro nobis mortuus est: Ergo apertionem regni cælestis nulla præcesserunt merita de condigno in præuisione diuina. Maior est certissima veritas, & colligitur ex eo quod in Christi domini passione velum templi scissum est in duas partes, etenim eiusmodi veli scissura designauit apertionem ianuæ regni cælestis, sicut & ipsum velum operiens tabernaculum significabat nondum esse apertam & propalatam sanctorum viam, vt inquit Apost. ad Hebr. cap. 9.

Confirmatur, vt Christus mereretur nobis perfectam peccatorum remissionem & quoad culpam & quoad pœnam, nulla præcesserunt merita de condigno ex parte nostra, alias enim non gratis & misericorditer essent nobis donata peccata per Christum quod est hæresis: sed apertio regni cælestis pertinet ad remissionem peccatorum, pertinet enim ad remissionem pœnæ damni, imo est ipsa remissio huius pœnæ damni: ergo &c.

Vltimò probatur conclusio. Mereri de condigno, vt deus toto

generi humano aperiret portam cœlestem, solum pertinet ad illum qui est prœditus gratia capitis, quæ est gratia virtualiter vniuersalis & communis. Sed solus Christus prœditus fuit gratia capitis, & ois alia gratia quantacûq. sit, est gratia personalis: ergo mereri de condigno apertionē ianue regni cœlestis ad solum Christum pertinuit. Maior patet. Apertio ianue cœlestis est bonum cōmune toti generi humano: Ergo non potest esse effectus neq. inesse physico, neq. inesse morali gratiæ personalis, sed gratiæ capitis dumtaxat, cuius est proprium influere in omnia membra corporis mystici. Hoc argumentum est efficacissimum, & conuincit improbabilitatis oppositum sententiam.

Quarta Conclusio.

Patres antiquæ legis meruerunt de congruo incarnationem Christi domini, & quoad substantiam, & quoad tempus, & quoad eius effectus, & quoad omnes ipsius circumstantias. Hanc conclusionem docet S. Th. 3, p, q. 2, art. 11. & expressis in 3. d. 14. q. 3. & consentiunt vniuersi eius discipuli incitatis locis. Et probatur, incarnatio Christi cū fuerit posterior tempore patribus antiquis, potuit cadere sub ratione meriti illorum: & in operibus iustis sanctorum patrum, in corūq. orationibus & clamoribus assiduīs, quibus deum deprecabatur pro isto beneficio supremo, reperiebatur magna congruitas, vt acceptarentur a deo: erat enim valde congruum, vt Deus exaudiret clamores amicorum suorum, & eorum obsequia acceptaret vt sibi gratissima: Ergo rationi consentit, patres antiquæ legis meruisse de cōgruo Christi domini incarnationem.

Sed est argumentum contra hanc conclusionem. Ex illa sequitur, quod opus nostræ redemptionis non fuit ex summa gratia & misericordia Dei. Consequens non continet sanam doctrinam, vt constat ex dictis conclusione præcedenti ergo. Probatur sequella. Meritum de congruo importat aliqualem iustitiam: alias enim impræmissime appellaretur meritum, etenim meritum dicit respectum ad præmium & mercedem. Præmium autem & merces denotat retributionem debitam ex aliquali iustitia. Ergo si antiqui patres meruerūt de congruo incarnationem Christi, aliqua ratio iustitiæ constituenda est ex parte hominū, vt hoc beneficium incarnationis Christi a deo susceperent, & ex consequenti non fuit summe gratuitum & liberale.

Et confirmatur, quia plures grauissimi theologi in materia de gratia, hac ratione mouentur potissimum ad negandum meritum de congruo respectu primæ gratiæ. Quoniam, inquit, si admittimus eiusmodi meritum, ex necessitate tenemur admittere primam gratiam non confertur summe gratis, sed admisceri in eius collatione aliqua

rationem iustitiæ: Ergo similiter in præsentia si respectu incarnationis Christi constituimus aliquod meritum de congruo, tenemur admittere hoc beneficium non fuisse collatum ex summa gratia & liberalitate Dei.

Ad argumentum negatur sequella, pro cuius intelligētia, & explanatione quartæ conclusionis Notandum est primo, quod inter meritum de condigno, & meritum de congruo duæ potissimum versantur differentiæ ad quas quædam aliæ reducuntur.

Prima est, quod meritum de condigno induit rationem iustitiæ apud Deum imperfecte tamen, utpote fundatæ in gratia & misericordia Dei. Meritum vero de congruo nullum induit ~~meritum~~ *debitum* ex iustitia, sed tantum est amicabile debitum: regulatur enim istud meritum non per leges iustitiæ. Sed per leges amicitie secundum quas congruum est & maxime decens, quod amicus suum amicum exaudiat, eiusque opera & officia sibi grata habeat, & propter ipsa moueatur ad aliquid faciendum. Ad hanc differentiã reducitur quod meritum de condigno habet infallibilem effectum apud deum, meritum autem de congruo non ite, ut dicunt sancti. Quoniam lex amicitie non est adeo stricta atque lex iustitiæ: non enim postulat lex amicitie, ut amicus semper, & in omnibus suum amicum exaudiat.

Ex hac prima differentia sequitur, quod inter peccatorem existentem in mortali, & Deum nequit reperiri meritum de congruo. Patet, nam inter huiusmodi peccatorem & Deum non constat vera amicitia: ergo neque meritum inducens debitum amicabile, quale est meritum de congruo. Fateor quidem congruum esse, ut deus exaudiat peccatorem supplicantem & deprecantem pro uenia. Verum hæc congruitas tota se tenet ex parte diuinæ misericordie, cuius proprium est misereri & parcere. Et nullo modo se tenet ex parte peccatoris, qui quamdiu in mortali existit nihil præter infernum apud Deum meretur, ut inquit Aug. quid merebaris peccator, quid merebaris nisi infernum? Meritum autem de congruo postulat, ut congruitas teneat se ex parte utriusque extremi: Et hominis operantis ac merentis, & dei præmiantis.

Secunda differentia est, quod ad meritum de condigno requiruntur tria. Primum quod operans sit in gratia & amicitia dei. Secundum, quod operatio vel formaliter, vel virtualiter, vel saltem habitualiter fiat propter deum summe dilectum. Tertium, quod ex inclinatione gratie & charitatis dirigatur in illud bonum & præmium, quod mereretur. Neque est satis, quod dirigatur in istud bonum ex sola libertate liberi arbitrij operantis. De duobus autem primis requisitis nulla esse potest dubitatio. Probatum autem tertium requisitum. Quoniam si operatio dirigatur in præmium supernaturale non ex inclinatione gra-

tię & charitatis, sed ex sola naturali libertate operātis. Sequiturq; talis operatio nō sit oīno pportionata supernaturali prēmio, neq. deo supernaturali prēmianti. Et ex cōsequenti nō habet omnimodā dignitatem ad illud prēmium, neque illud meretur de condigno. Patet sequella. Prēmium, vt supponimus, est simpliciter & vndeque supernaturalē. At eiusmodi operatio quamuis sit supernaturalis secundum substantiam, est tamen naturalis quantum ad directionē qua dirigitur in illud prēmium: Ergo non est illi sufficienter proportionata.

Ad meritum autem de congruo necessaria sunt & sufficiunt duę primę conditiones, imo tertiā nō debēt adesse, quoniam si adsit iā non erit meritum congrui, sed condigni. Itaque ad meritum de congruo requiritur, quod operatio in qua consistit meritū, nō dirigatur in prēmium ex inclinatione gratię & charitatis, sed ex sola libertate operantis, qui pro suo arbitratu refert talem operationem in illud prēmium, ad quod ipsa operatio, prout procedit a gratia & charitate, nullam ex semetipsa relationem habet, & in hoc consistit congruitas quod Deus acceptet huiusmodi operationem, tanquam meritum illius prēmii, non propter condignitatem perfectam quam operatio habet cum illo prēmio, quia reuera non habet, sed quia est opus bonum factum propter Deum, & procedens ab amico Dei.

Hęc doctrina colligitur ex S. Tho. 12. q. 14. a. 3. Ex qua sequitur patres antiquę legis non meruisse de condigno incarnationem Christi, meruisse tamen illam de congruo. Pro quo aduertendum est, quod gratia cuiuscumque iusti, vno excepto Christo, qua ratione est gratia & forma supernaturalis ordinis, & ex intrinseca inclinatione sua refert suas operationes in prēmium supernaturale, nimirum, in vitam æternam, iuxta illud Ioan. 4. fiet in eo fons aquę salientis in vitam æternam, Vbi loquebatur Christus de spiritu gratię quem accipiunt homines iusti. Quatenus vero est gratia particularis & personalis non refert operationes in prēmium, & in bonum commune multis, sed in prēmium & bonum particulare ipsius operantis, in quo differt a gratia capitis, qualis est gratia Christi domini, quia hęc gratia, cum sit virtualiter communis & vniuersalis, ex sua inclinatione & natura refert operationes in bonum commune totius ecclesię. Tunc ergo dico, quod cum gratia collata patribus antiquis esset gratia personalis, non referebat ex se ipsa operationes patrum in Christi domini incarnationem, quę erat bonum commune totius generis humani, atque adeo operationes patrum, quantumcumque essent sanctissimę, nō valuerunt de condigno mereri Christi domini incarnationem. Ceterum potuerunt illam

mereri de congruo. Quia sancti patres ex libertate propria potuerunt referre suas operationes sanctas in illud bonum impetrandum.

Ad argumentum ergo quod fecimus cōtra quartam conclusionē, neganda est sequella, quoniam vt constat ex dictis, meritum de congruo nullum inducit debitum ex iustitia. Quod si queras. Quare ergo appellatur meritum? Respondetur q̄ impropria & lata acceptione meritum vocatur, nō ob aliud nisi quia est operatio in qua reperitur congruitas ad illud præmium, congruitatem habens non solum ex parte Dei & diuinę bonitatis, sed etiā ex parte ipsius operātis, & ex cōsequenti operans præferret quandā similitudinem merentis, & deus effigiem quandam præmiantis, & idcirco ipsa operatio habet quandam meriti similitudinem: & ob id appellatur meritum quadam cum improprietate & latitudine.

Ad confirmationem respondetur, illam rationem communiter vsurpatam a theologis, si primo aspectu consideretur parum habere momenti. Ceterum optimam habet probabilitatem si melius inspiciatur. Etenim cum supponendum sit ex necessitate, quod inter peccatorem existentem in mortali, & ipsum deum, nullum reperitur meritum amicabile, quia nulla est amicitia peccatoris ad deum, si admittimus in illo reperiri aliquod meritum, virtualiter dicimus tale meritū pertinere ad rationē iustitię. Nam cum non possit regulari per leges amicitię, regulandum erit ex necessitate, per leges iustitię. Quare merito theologi grauissimi detestantur meritum de congruo in homine peccatore, quia vident sequi illud magnum inconueniēs, nimirum, quod sit constituenda aliqua ratio iustitię in peccatore respectu suę iustificationis & suę primę gratiæ.

Ex his superest explicata quarta conclusio, circa quam breuiter aduerte, quod licet tantum procedat ista conclusio de patribus Mosaycæ legis, extendenda tamen est ad omnes iustos, etiam legis naturæ: quia cum cognouerint explicite, vel implicite diuinum consilium de incarnatione verbi futura, liberum illis fuit suas operationes sanctas in hunc finem referre, vt impetrarent adeo incarnationis beneficium, quod erat sufficiens, vt illud mererentur de congruo. Verū est tamen quod speciali ratione solent theologi tribuere hoc meritum de congruo patribus legis Mosaycæ, & illis quibus datum est signum circumcisionis, eo quod ijs patribus promissum fuit incarnationis beneficium. Nam ceteris iustis legis naturæ nulla facta fuit promissio incarnationis Christi, vt inquit Paul. ad Roman. 10. dico autem Christum Iesum ministrum fuisse circumcisionis ad confirmandas promissiones patrum, gentes autem super misericordia honorare Deum.

Ad argumenta facta pro prima sententia respondetur. Et ad primum. Dicitur primo, patres antiquos ipsam incarnationis Christi substantiam & desiderasse & petiisse, & ob id dicebatur Christus desiderium collum æternorum. Et desideratus cunctis gentibus. Neque illæ petitiones, de quibus in argumento, aliò tendebant, quàm ut Christi incarnationem impetrarent. Secundo respondetur, antiquos patres, cōsiderata miseria, quam patiebantur, desiderasse quidē conditionato quodam desiderio accelerationem incarnationis Christi. Sed tandem suum desiderium conformabant diuinæ voluntati, & dispositioni, atque adeo quamuis insinauerint deo suum conditionatum desiderium, non tamen absolute petebant accelerationem incarnationis. Ad eum modum Christus Matth. c. 26. dicebat, Pater, si possibile est, transeat a me calix iste. Sed continuo addidit: Verumtamen non sicut ego, sed sicut tu vis. Sic intelligenda sunt testimonia adducta in primo argumento.

Ad secundum argumentum posset primo responderi quod id quod est principium meriti, si est proprie & formaliter principium influens in ipsum, non potest esse præmiū eiusdem meriti, ut efficaciter ostendit secundum nostrum argumentum, quidquid dicat Franciscus a Cartagena in lib. de prædestinatione hominum & angelorū discursu. 9. ubi iste autor loquitur contra S. Tho. locis citatis, & contra communem sententiam theologorum asserentium, quod id quod est principium meriti, non potest cadere sub merito, & contra manifestam rationem superius in hoc dubio expositam. Caterum si nō est proprie principium, sed tantum requisita conditio ad meritum, non inconuenit quod sit præmiū eiusdem meriti. Quemadmodum miles strenue pugnans potest mereri a duce equum & arma, quæ fuerunt illi necessaria conditio ad strenue pugnandum. Tunc ergo ad propositum dico quod incarnatio Christi non fuit proprie principium illius meriti de congruo, quo patres meruerunt ipsam incarnationem. Sed fuit tantum conditio necessario requisita ad istud meritum.

Pro quo aduertendum est, quod quantum ad hoc idem est iudiciū ferendum de incarnatione Christi & de gratia collata patribus propter incarnationem Christi & eius merita futura. Etenim incarnatio principium fuit & causa meritorum antiquorum patrum mediante gratia ipsis collata patribus in virtute christi futuri. Gratia autem quia nō diregebat, ut diximus, opera patrum ad incarnationem christi impetrandam & merendā, non habebat propriam rationem principij influentis vim meritoriam illis operibus. Sed tantum erat conditio requisita, tenens se ex parte operationis constituens ipsum operantem in gratia & amicitia dei, quæ est conditio prærequisita ex parte

parte subiecti ad meritum de congruo. Et idcirco non inconuenit, qd christi incarnatio ceciderit sub meritis patrum, quamuis hoc modo fuerit eorum principium.

Hæc solutio olim mihi placuit, sed nūc displicet. Primo, quia sal-
sum supponitur qd gratia sit tantū conditio requisita ad meritum de
congruo, & non sit proprie principium influens in ipsum vini me-
ritoriam. Quod probō. Ad rationem meriti de congruo requiritur
formaliter & essentialiter quod opus habeat congruitatem respectu
præmiātis, & præmij, participatā ex dignitate operantis, ut iam expli-
cuius: itaq. tam in merito de congruo quā in merito de cōdigno
verum habet id quod dicitur Gen. 4. respexit ad Abel, & ad munera
eius, id est, prius quam dominus respiceret dignitatem munerum, re-
spexit ad dignitatem Abelis offerentis munera, quia dignitas mune-
rum in ordine ad meritum oritur ex dignitate offerentis: ergo gratia
quæ fuit in patribus antiquis rationem habuit principij influentis
valorem meritorium in ipsa opera patrum.

Secundo. Ex illa solutione sequeretur, quod patres antiqui merue-
runt de congruo non solum Christi incarnationem, sed etiam gratiam
illis collatam per Christum, aqua protegebant ipsa opera meritoria.
Consequens a nullo theologorum hætenus fuit assertum: ergo. Pro-
batur sequella. Illa gratia, iuxta assignatam, solutionem, non fuit pro-
prie principij meritorij, sed tantū requisita cōditio: ergo potuit sub
illis meritis cadere. Confirmatur, qm̄ ut assertit prædicta solutio, in
hac parte idem est iudicium ferendum de incarnatione Christi, & de
gratia collata per ipsum: ergo eadē est quoad meritū vtriusq. ratio.

Prætermissa ergo illa solutione, responderetur ad illud argumentū,
Quod Christi domini incarnatio fuit causa, & gratiæ & meritorum in
patribus antiquis non prout fuit posita in executione: Nam ut sic
fuit posteriora pte. & gratiæ & meritis patrum. Sed fuit causa gratiæ &
meritorum patrum, prout præcesit in diuina dispositione, & præui-
sione. Nolo dicere quod ipsa incarnatio executioni in tempore no-
stro mandata non fuerit causa gratiæ patribus vereris testamenti col-
late, hoc enim salua fide negari minime potest. Sed id assero quod
modus, sub quo fuit causa eorum, non est ipsa realis eius executio,
sed prout fuit præuisa in dei præscientia, & prout fuit acceptata a deo:
quali ex tunc pronunc. Habuitq. se deus erga antiquos patres ad eū
modum quo se haberet mercator, qui daret merces pro pretio quod
certo scit se accepturum non ab eo cui merces tribuit, sed ab alio quē
scit pro eo infallibiliter soluturū, a quo tamen non exigit obligatio-
nem vel quia absens est, vel alia ex causa, sed scit quod cum venerit &
potens erit soluere, & de facto omne soluet debitū, ab eo cui dat mer-
ces, contractum. Etenim non est commentandum, quod dei filius an-
te in-

te incarnationem suam quidquam deo promississet soluendum, cum incapax tunc esset talis promissionis faciendæ. Sed deus certo sciens verbum futurum esse carnem, & prævidens ingentes eius in sua humanitate futuros thesauros, a moremque ipsius eximium ad homines, ex quo magnum quodecunque prætium non dubitaret pro eis exsoluere, hac, inquam, certa prætiji expectatione, & omnia antiquis patribus peccata dimissit & super naturalia contulit mercimonia gratiam, videlicet, & adoptionem filiationem multis spiritus sancti donis associatam. Unde exemplum eius qui promissit prætium pro redemptione captivi non in omnibus quadrat, sed in eo solum quod is qui libertatem concedit, non facit nisi expectato futuro prætijo, & quod is qui promissit vere dicitur captivum liberare, quando prætium quod promissit persolvit, & si multo tempore ante solutionem fuerit liberatus.

¶ Quo supposito dico, quod opera antiquorum non meruerunt incarnationem Christi pro ut indiuvina dispositione & prævisione præcessit, id est, non meruerunt quod deus sua diuina dispositione prædisteret ab æterno incarnationem Christi in tempore futuram. Sed prius secundum rationem prædifferuit Christi incarnationem, quæ prævideret ipsa patrum merita. At patres antiqui meruerunt de congruo Christi incarnationem quantum ad temporalem eius executionem, nam ut sic fuit posterior eorum meritis. Et non inconuenit quod aliquo modo in esse morali, sit effectus meritorum patrum. Quemadmodum medium habet rationem effectus respectu finis pro ut est in intentione: est autem causa effectiua eiusdem finis, pro ut ponitur in executione. Igitur incarnatio Christi secundum quod fuit causa per modum finis, & gratiæ & meritorum antiquorum patrum, nullo modo fuit præmium eorundem meritorum.

¶ Sed arguitur contra hanc solutionem dupliciter. Primo incarnationis Christi & eius passio, quatenus posita in executione, fuit causa meritoria totius gratiæ collatæ patribus & omnium etiam meritorum ipsorum patrum. Etenim Christus passione sua non solum meruit gratiam conferendam fidelibus noui testamenti. Sed meruit & omnem gratiam conferendam post ipsam mortem, & antea collatam. Vnde forsitan excepta gratia, scilicet, collata Adæ in statu innocentie: ergo incarnationis Christi, domini, etiam pro ut fuit posita in executione, non potuit cadere sub patrum meritis.

¶ Arguitur secundo. Incarnatio Christi erat infallibiliter futura ex ordine diuinæ ordinationis & prædestinationis Christi. Imo erat quodammodo debita mundo ratione promissionis diuinæ; ergo etiam si non interuenirent merita patrum, incarnatio Christi de facto esset futura. Rursus: ergo impertinenter se habuerunt patrum merita ad incarnationem

tionē

tionem Christi, non autem sunt ad meritum imperfluentia apud deum, ergo, &c.

Ad primum dicitur primo, quod incarnatio Christi quamvis in executione posita fuerit causa meritoria & gratiæ & meritorum patrum, de qua re non valet in præsentia ad longum differere, satisfuerit dicere, quod sicut is quis soluit pretium quod promissit pro captivi libertate, vere tunc dicitur liberare captivum etsi iam olim in libertatem fuerit assertus, ita Christus cum exsoluit pretium, vere antiquos patres redemit & causavit eorum gratiam, quæ libertatem spiritus scilicet est formaliter. Legatur Mag. Sor. in 4. dist. 1. quæst. 2. artic. 3. paulo post principium. Nihilominus tamen quia fuit posterior tempore meritis antiquorum patrum, potuit sub ipsis meritis cadere ex quadam congruitate. Unde illa doctrina S. Tho. & communis, scilicet, quod id quod est causa meriti non potest cadere sub eodem merito, est limitanda ad id quod taliter est causa meriti, quod est prior ipso, & quod per modum efficientis principij, quod ad suam efficientiam, postulat existentiam actualem, causa est ipsius meriti. Nam si fuerit posterior tempore, relinquitur locus, ut cadat sub merito de congruo. Quamvis fortassis non possit cadere sub merito de condigno. Quem admodum si quis se obligaverit sub signato chyrographo ad dandum centum pro redemptione Petri: quamvis actualis exhibitio illorum centum sit causa moralis redemptionis Petri præcedentis, & libertatis eius, nihilominus poterit cadere sub meritis de congruo ipsius Petri redempti. Itaque Petrus postquam fuerit positus in libertate per obsequia libera, quæ exhibet ei qui se adstrinxit dare illa centum, mereretur de congruo actualem exhibitionem illorum, mereturque ut redemptor libentiori animo det, quam alias esset daturus. Ita in præsentia opera bona antiquorum Patrum meruerunt de congruo, ut deus exhiberet de facto beneficiū incarnationis, quod alias ex sui promissionis ipse exhibiturus erat, & si per impossibile diuinæ voluntati posset accidere aliqua nova affectio, merebantur illa opera quantum erat ex se ipsis, quod deus libentiori animo conferret mundo hoc beneficium, quam alias illud esset collaturus.

Secundo respondetur, quod incarnatio Christi in executione posita, si sola consideretur non habet rationem causæ meritoria gratiæ & meritorum antiquorum patrum, secundum & gratiæ & meritorum substantiam, & secundum eum modum quo præcesserunt in se ipsis. (Nam aliud est de consumatione quam per Christum post eius passionem & resurrectionem acceperunt.) Etenim meritum aliquam antecessorem debet habere respectu præmij. Unde incarnatio Christi considerata præcisse ut fuit posita in executione posterius tempore gratiæ & meritis patrum, non potuit esse causa meritoria eo-

* alijs, statum.

rum fuit autem meritoria eorum causa, quatenus consideratur sub illa praequisitione diuina quae antecessit gratiam & merita patrum. Quo fit ut in executione posita causa, fuerit meritoria gratiae collatae patribus secundum eius substantiam, non absolute sumpta, sed prout habuit vim ad implendi promissionem factam patribus, & efficacem diuinae mentis intentionem, quae ab aeterno statu fuit ut filius dei in carne veniret, ut pro omnium peccatis moreretur, omnibusque mereretur salutem, & primam & ultimam: Et quod nullus nisi per Christum gratiam assequeretur. Sicut realis pretij exhibitio in casu supraposito non aliter censeretur causa moralis redemptionis Petri, nisi quatenus est complementum necessarium illius obligationis, quae praecessit Petri redemptionem. Tunc ergo dico ad argumentum, quod patres antiqui meruerunt quidem de congruo incarnationem Christi in executione absolute consideratam, non autem meruerunt illam secundum quod fuit complementum diuinae praedestinationis & promissionis: Nam sicut non meruerunt quod praecessit in intentione dei, sed hoc ex sola dei misericordia & gratia ortum habuit, ita neque eius executionem meruerunt sub illa formali ratione, quae fuit completiua promissionis. Vnde patres meruerunt quidem christi incarnationem promissam a deo, sed non ut promissam, namque promissionis implementum formaliter ad eum spectat dumtaxat, ad quem aliqua ratione pertinuit ista promissio. Haec doctrina explicari potest exemplo ex causa finali desumpto, quod nullatenus erit ineptum, eo quod christi incarnatio ad modum finalis causae gratiam antiquorum iustorum promouit. Bene stat quod quis mereatur alicui sanitatem, & tamen quod non mereatur eidem ipsammet sanitatem quatenus in eius praesuit intentione, ipsum mouens metaphorice & per modum causae finalis. Vnde & si sanitas in executione daretur infirmo propter illius hominis merita, non diceretur dari pro meritis ea ratione quae est terminus intentionis & desiderij praecedentis, in voluntate infirmi. Quia talis intentio non pertinuit ad merentem, sed per accidens se habuit ad ipsum & ad eius merita. Et si quis effectus faceret sanitas prout intenta ab infirmo, non pertineret ad ipsum merentem. Ita in praesentia, quia christi incarnatio fuit causa gratiae antiquorum prout a deo intenta, hoc non pertinuit ad merita antiquorum patrum: atque adeo incarnatio Christi prout fuit causa gratiae & meritorum antiquorum patrum nullo modo fuit ipsorum praemium, neque de condigno neque de congruo.

* alijs & effectus quem

Ad secundum respondetur primo quod ut inquit Cassianus opusculo de fide. c. 9. nihil inconuenit quod id quod est debitum alicui uno titulo, fiat ei debitum a li. nouo titulo V. c. Christo domino debita erat gloria sui corporis debito quasi naturali propter personalem unionem naturae ad verbum: & eadem gloria fuit illi debita debito morali propter

meriti-

merita ipsius Christi. Ita dico in presenti, quod beneficium incarnationis debetur mundo titulo diuine promissionis, potuit ei fieri debitum alio nouo titulo, nimirum, propter merita patrum.

Secundo respondetur, qd quauis hoc beneficium infallibiliter esset futurum ex ui diuinæ præordinationis & promissionis, nihilominus merita patrum non fuerunt impertinentia. Nam licet non fuerint simpliciter necessaria, quia incarnatio Christi non dependebat ex merito patrū neq. cuiusuis creaturæ, sed ex sola diuina promissione, ut aperte Paul. ad Ro. 3. in illis verbis ait, nunquid Incredulitas eorū fidē dei euacuabit? ablit. Quorū planus sensus is est, qd promissio quā deus promissit patribus beneficium incarnationis, absoluta fuit omnino independens a fide & operibus hominum: sic adeo ut quauis nullus assentiret deo promittenti, neq. vlla interuenirent patrū merita, diuina promissio suum sortiretur effectum. Id ipsum insinuat ipse. S. Paul. ad Ro. 4. ideo ex fide, ut vera esset promissio. Sed tamen patrū merita habuerunt optimam decentiam, ut ex quadē congruitate impetrarent adeo illudmet beneficium, quod alias deus exhibiturus erat mūdo ex ui suæ diuinæ promissionis. Inquare optime actum est cum hominibus & cum tota humana natura, ut aliqualem gloriam possit habere super hoc diuinum beneficium, eo quod puri homines, patres scilicet, antiqui, illud ut eumq. suis operibus meruerint, suisq. orationibus adeo impetrauerint, hætenus de primo argumento.

Ad primam confirmationem iam dictum est, quod patres antiqui nullo modo meruerunt incarnationem, quatenus incarnatio est causa meritorum ipsorum patrū.

Præterea dicitur, quod inter gratiam & incarnationem Christi, qd attinet ad præsens, est latum discrimen: quoniam gratia ut sit principium & causa meriti, necesse est, quod præexistat in anima merentis. Quia est eorum causa per modum principij efficientis, & formalis. Et ita nullo modo cadere potest sub illo merito, cuius ipsa est causa & principium. Incarnatio verò potuit esse causa meritorum antiquorū patrū, ad modū causæ finalis, & ob id potuit esse tempore posterior ipsi meritis, atq. adeo potuit aliquo modo sub eisdē meritis cadere. Fuitq. proinde causa quasi in genere causæ finalis, & effectus ipsorū meritorū quasi in genere causæ efficiētis, in quo nulla est repugnātia, & implicatio: & nihilominus potuit esse tempore posterior illis, ut fuit de facto, & ex hac parte potuit cadere aliquo modo sub illis meritis.

Ad secundam confirmationem patet solutio ex dictis ad secundum argumentum. Negandum est enim omnino patres antiquos meruisse de congruo suam gratiam, quia non meruerunt incarnationem, quatenus fuit eius causa. Concedi tamen potest quod meruerunt de congruo consumationem suæ gratiæ, & gratiam omnem

collatam fidelibus noui testamenti. Hoc patet quia meruerunt incarnationem secundum quod est posita in executione, sed incarnatio ut sic fuit causa & consumationis gratiae antiquorum patrum, & omnis gratiae noui testamenti: Ergo meruerunt etiam consumationem suae gratiae, & gratiam noui testamenti, per illam regulam, quidquid est causa causae est causa causati, &c. Neque vero est inconueniens quod inaequitate antiqui patres suae gratiae consumationem mereretur, itaque meritum terminaretur directe ad incarnationem prout erat totius gratiae consumatiua in toto humano genere, & quia eorum gratia sub hac vniuersali ratione comprehendebatur, inaequitate sub ipsidem meritis caderet. Secundo responderetur, quod licet gratia per opera bona potest eam sui consumationem mereri, quae est per gloriam futura: Gratiam enim mereri ultimam hominis felicitatem, quam gloriam vocamus, non est aliud quam mereri sui ipsius consumationem, est namque gloria gratia consumata. Ita nihil repugnat, quod patres olim meruerint suae gratiae consumationem directe & ex vi meritorum.

Ad tertium argumentum negatur consequentia, & satis bene responsum est ei inter arguendum. Ad replicam negatur quod patres potuerint mereri de condigno beneficium incarnationis, propter rationem a nobis assignatam circa quartam conclusionem.

Ad confirmationem ultimam, quam plures theologi libenter admittunt, quod per absolutam Dei potentiam patres antiqui potuerunt de condigno mereri Christi domini incarnationem. Quoniam potuit deus peculiari quadam providentia dirigere & referre diuina quadam directione merita patrum ad istud bonum commune toti mundo. Qua supposita directione opera patrum essent merita de condigno huius tanti boni. Sed tamen in illo casu opera patrum non haberent ex gratia collata per Christum, quod essent meritoria de condigno incarnationis Christi, sed illud haberent ex peculiari dei providentia & ordinatione. Ita soluunt hoc argumentum plerique theologi. Et addunt nonnulli, quod ob id in tali casu, verum interueniret condigni meritum, cui ex iustitia etiam non rigurosa debita esset diuini verbi incarnatio loco praemij, quia promissio dei in tali casu onerosa fuisset, id est, exigens ad sui ad implementum opus aliquod ex parte eius cui fiebat promissio. Vnde tali opere posito insurgeret iustitiae meritoriae ius in operante, quo illi debita fieret promissionis adimpletio. Colliguntque hanc sententiam ex illo Gen. 22. quod dixit deus Abrahae. Per me, metipsum iuravi, dicit dominus, quia fecisti hanc rem, & non pepercasti vni genito tuo propter me, benedicam tibi, & multiplicabo semen tuum, &c. Ex quo loco videtur colligi, quod Abraham facto illo quo voluit Isaac filium suum immolari

deo meruit de condigno benedictionem quam ibi accepit, quæ plane benedictio fuit promissio nascituri Messie venturi, velut formalius loquar, promissio nascituri Mellie ex semine ipsius Abrahæ.

Sed breui resolutione rem istam absolnam. & primum assero. Improbabile est, quod antiqui patres aut eorum quispiam de condigno Christi incarnatione meruerint. Patet hoc ex dictis circa 3. concl. Dico præterea secundo, quod neque etiam meruerunt, ut Christus ex eorum descenderet genere, tribu, aut familia. Loquor similiter de merito condigni. Probatum primo, quia hoc meritum non pertinet ad gratiam singularis hominis, cum bonum istud quod merentur, sit bonum vniuersale & commune, ergo, &c. Secundo probatur. Istud bonum est infinitum, & summum, nam licet huiusmodi meritum supposuerit efficaciam Dei voluntatē de verbo in carnem venturo, at hoc nō tollit, q̃ familia quæ sibi hoc tantum bonū suis meritis applicaret, reuera non mereretur summū, & infinitū bonum. Quia bonum illud quod Abraham, aut David sibi suæque familia applicaret, est infinitum, & illud sibi ante non erat debitum: ergo faceret suis meritis sibi debitū infinitum bonum. Sed hoc non potest meritis puræ creaturæ competere, quia sunt valoris finiti: ergo, &c. Et id quod hic assertur in contrarium ex 23. c. Genesis, est impertinens ad id, quod probare intenditur. Etenim ibi non præcesserat Dei promissio de Messia ex semine Abrahæ nascituro si ipse Abrahā obediisset deo circa filij sui Isaac immolationem, sed post factum obedientiæ superuenit promissio, Cui deus iusiurandum præmisit, ut non in opere Abrahæ, sed in diuino verbo tam grandi iuramento firmento promissionis firmitas poneretur, iuramenti huius magnitudinem & vim penderauit Paul. ad heb. 6. expendatur loca ex Paul. adducta in solutione ad secundū huius difficultatis. Ponderandumque valde est, nusquam deum Abrahæ dixisse, si feceris rem hanc benedicam tibi, &c. Sed quia fecisti, ut ostēderet promissionis certitudinem non pendere ex aliquo facto ipsius Abrahæ, sed ex solo dei firmissimo verbo tanta iuramenti solennitate confirmato. Quamuis ipsa Abrahæ obedientia occasio fuerit diuinæ promissionis ipsi factæ: sumpsit. n. Deus ex ea promittēdi occasionē.

Dico tertio. Non est improbabile, quod secundum potentiam absolutam dei, patres antiqui potuerint de condigno incarnationem Christi promereri, nimirum, interueniente dei promissione onerosa. Sed oppositum est mihi probabilius, Priorem partem assertionis concedimus multis theologis, ita exillimantibus e quorum numero est Mag. Medina 3. p. loco citato. Posterior autem pars probatur. Posita illa dei onerosa promissione, opus præstitum ab eo cui fuisset facta promissio, non esset condignum tanto præmio, neque vllam ad ipsū intrinsecam haberet maiorem proportionem quam si promissio nō

* aliàs tota
liter,

præcesserat: ergo inter meritum illud & præmiū nō alia condignitas & proportio esset, quam quod promisserat deus se daturum. tale præmiū, sic operanti, sed hac tota condignitas solam facit fidelitatis obligationem, & non iustitiæ, quia non esset condignitas rei ad rem, sed conditionis requisitæ ex parte promittentis, adhibita ex parte eius cui facta fuerat promissio: Ergo impropriissime asseritur ibi reperi meriti de condigno, cum talis meriti ratio non ad fidelitatis promittentis, sed ad operis meritorij condignitatem, si non taliter magna tamen ex parte esset referenda. Nā inter rem & rem, puta, inter meritum & præmiū nulla esset æqualitas, aut æqualitatis proportio, nisi quæ ex pmissione & ordinatione Dei proneniret, quæ extrinseca prorsus esset, & secundum quid. Vnde & solā iustitiæ rationem secundum quid in merito posset constituere.

Ex his superest solum argumentum tertium cum suis confirmationibus. Argumenta vero quæ pro secunda informauimus conclusionem ex dictis circa quartam conclusionem poterit theologus facili opera dilluere.

Hæc omnia, quæ de meritis patrum veteris legis tam fuscè discussimus applicanda sunt ad solutionem quarti & vltimi argumenti principalis huius secundi dubij. Cuius, occasiones isthæ de antiquorum patrum meritis dicta fuere. Igitur ad quartum illud argumentum. Neganda est minor propositio maiori concessa. Eius probationi vtraque antecedentis concessa præmissa negatur consequentia, & ratio differentię inter patrum merita quibus Christi incarnationem meruerunt, & meritum illud, quod fingimus in Christo est duplex. Prima, quæ satis est manifesta, in hoc sita est, quod merita patrum fuerunt de congruo dumtaxat, quæ non tam in lege iustitiæ, quæ in lege amicitię fundatur, atque adeo non magnum apparet inconueniens, quod cum id quod est prima merendi radix, primumque principiū, posterius est ipsis operibus meritorijs, cadat sub ipsarum merito de congruo. Quia totum quod ibi est formaliter ad meriti rationem spectans, non tam in ipsa operum condignitate & æqualitate quam iustitię ratio & lex postulat, quam in speciali dei beneuolentia fundatur. Et quoniam hæc beneuolentia non tam innititur illi principio, illique primæ merendi radici, nimirum, Christi incarnationi, quam ipsi liberali Dei voluntati, idcirco meritum de congruo non repugnat, quin potius decet quamplurimum ipsam amicitię legem. Cæterum meritum Christi esset de condigno, tum, quia cum sit secundum se infinitum in ratione meriti, nihil mereri potest, quod non ex iustitia & ex vi ipsius operis mereatur, atque adeo hoc ipso quod Christi incarnatio sub Christi meriti potestate constitueretur, induereturq. præmij rationē, continuo ipsū

Christi.

Christi meritum mereretur eā de condigno. Infinitas. n. meriri postulat ut ex perfecta iustitia & exacta mereatur totum id, quod habere possit præmij rationem. Tum ē, quia si ex congruo tantum Christus suam sequentibus operibus incarnationē mereretur, oporteret dicere, q̄ incarnatio non habuit simpliciter dependentiā ab illis Christi meritis, sed quod absq. vlla dependentia diuinū verbū vnitū fuit humanitati. Et hoc est manifestum, quia cum merita de congruo non inducāt infallibilē acceptionem ex parte præmiantis, nō potuit in eis fundari incarnationis mysteriū quod perpetuū est & firmissimū, ac beneficiū penitus irreuocabile. At lex amicitia, ad quam pertinet meritum congrui, nullatenus poscit quod beneficiū iā susceptū, ut perpetuum & irreuocabile respondeat in ratione præmij operibus ipsius tale beneficium possidentis, imo hoc esset impertinens & ociosum. Et quidem officiosa illa amicitia opera, quæ beneficiū independēter & irreuocabiliter collatū sequuntur, ad amicabilē quidē gratitudinē sua natura pertinet, ad meriti autem rationem nequaquam, si ad beneficium susceptum comparentur. Vnde beneficium ipsum materia quidem est gratitudinis, non vero meriti. Quod crediderim verissimū, & si opera sequentia, nō innitarentur ipsi beneficio suscepto.

Secunda differentia quæ ex dictis colligitur ea est, quod si huiusmodi sequens meritum in Christo admittamus, consequenter esset dicendum, Christum meruisse incarnationem suam, ea ratione qua est ipsius meriti radix & causa: totus namque cuiusvis meriti Christi valor fundatur in gratia vnionis, saltē radicaliter, & si immediate a gratia habituali deriuetur. At patres antiquæ legis nō ea rōe christi incarnationē meruerunt, quā fuit cā gratia ipsorū, in qua illa fundabantur merita cum omni suo valore, meruerunt quidem Christum prout futurum suæ gratiæ suorūq. meritōrū consummatorē, non vero prout ipsammet gratiam, & merita quæ ex ea procedebant quantum ad substantiam causauit. Estq. ad plenam & nunc & superius dictorum intelligentiam aduertendum, quod etsi mente fingamus, verbum absque vlla promissione præcedenti carnem assumptisse, fateri nihilominus deberemus, quod postquā fuit caro factum, ad ipsum spectabat omnē nostrā gratiam consummare & perficere: eo quod gratia pertinet ad Christum, vti ad primam eius fontem & originem: estque in eo si cut in subiecto adæquato, cui competit quasi per essentiā, vti q. 2. a. 2. & q. 3. a. 1. dicebamus. Vnde iure optimo Chrysost. hom. 13. in Ioan. Christum fontem gratiarum omnium appellat. Et ob id, inquit, dicitur Ioan. 1. quod gratia & veritas per ipsum facta est: non data, sed facta dicitur, ut ex proprijs Christi denotaretur emanasse. Damian. n. ait Chrysost. quod ab alio accepimus, facimus vero ea quæ in nostris præhabebamus potestate. Ex quo sequitur, quod ut patres veter. testam.

meruerint Christum & consummatorem totius gratiæ non necesse fuisse, quod diuinam promeruissent de Christo venturo pollicitatione, aut eius aduentum, prout fuit diuinæ pollicitationis completius, sed satis fuit, quod absolute, & quasi materialiter ipsum promeruerint. Non nego quin promissio de aduentu Christi fuerit necessario præsupposita ad meritum de congruo veterum patrum. Nam certe illa si mota neque eorum mens ad tanti beneficii desiderium assurgeret, neque eorum opera quidpiam haberent valoris ad tam sublime, tam excellens, tamq. infinitum bonum vlla ratione impetrandū, aut promerendum. Sed id tantum affirmo, quod eorum merita, licet præsupponerent necessario incarnationis promissionem, non tamen formaliter ex parte præmij respiciebant vt promissam: ita q. mererentur eam qua ratione fuerat a Deo promissa. Nam sicut patres veteres nullatenus mereri potuerint, quod deus filij sui aduentū eis promitteret, ita neque merita ipsorum ad hoc valere, vt suam deus ipsis adimpleret promissionem, si de ipsa, deq. eius adimplemento formaliter loquamur, & si rem promissam meruerint. Quod satis superq. fuit, vt Christum mererentur tanquam gratiæ consummatorem. Ceterum vt intelligi valeat Christum meruisse gratiam patribus antiquis collatam quantum ad substantialem eius entitatem, & quantum ad formalem effectum, quem ipsis conferebat, vt reuera meruit quando nostra fuit carne indutus, duo fuerunt necessaria: Alterum quod ab æterno præcesserit promissio diuina de incarnatione verbi futura, aut saltem voluntas dei efficax, cuius virtute incarnatio verbi omni cum certitudine & infallibilitate futura esset: ita quod præcognosci possit in æterna dei præscientia, quod Christus infallibiliter exoluturus erat ipsum necessarium nostræ redemptionis pretium. Alterum vero quod verbū caro fieret, ea formali rōne, vt id quod erat præuisū in dei præscientia, & diuina prouidentia, efficaci interueniente eius voluntate, dispositū de humani generis redemptione pretioso Christi sanguine exequenda, debitum acciperet complementū. Nam alias nulla cum proprietate Christus passione sua dici potuisset mereri, causareque gratiam illam quæ iam olim præcesserat in veteribus iustis hominibus. Sicut qui post libertatem captiui pro eius redemptione promissum reddit pretium, non ob aliud tunc dicitur moraliter efficere redemptionem captiui iam prius factam, nisi quia dat pretium ex cuius promissione & expectatione præcesserat ipsa captiui liberatio. Ex quo infero, quod cum patres antiqui, vt dudum dicebam, non meruerint primum Christi aduentum ea formali ratione, qua fuit promissionis diuinæ completius, aut illius efficacis voluntatis cuius consilio dispositum fuit hoc excellens mysterium, sicut multo minus meruerūt quod Deus vellet efficaciter illud beneficium mundo conferre, aut quod

quod ipsum hominibus promissum. Ideo non merere potuerunt. Christum prout fuit causa illius gratiae quae in ipsis praecessit, & si meruerint eum prout eiusdem gratiae consummatorem. Ex quo tandem sequitur nostrae solutionis veritas, nimirum, quod non meruerint christi incarnationem prout fuit radix & principium eorundem meritum. Quia non ipsam meruerunt prout causa fuit gratiae ipsorum patrum, quantum ad ipsius substantiam, ex qua omnia eorum merita suum omne sortiebantur valorem. Et haec sufficiant ad illius quarti argumenti solutionem. Verum instat quis contra omnia quae hactenus diximus. Si Christus suam incarnationem non meruit, quam tamen antiqui patres promeruerant, sequitur, quod meritum patrum perfectius fuit merito Christi. Consequens non est ullatenus admitendum: ergo, &c. Respondeo quod Christi meritum multis partibus patrum veterum excessit merita. Nam patres de congruo, christus de condigno meruit, illi ex lege amabili meruerunt, Christus vero ex toto iustitiae rigore. Contra sequitur, quod saltem ex parte termini, id est, ex parte praemii esset perfectius meritum patrum, quia meruit incarnationem, quam Christi meritum non attingit. Negatur sequella, quia Christus ob id non meruit suam incarnationem, quia fuit causa omnium eius meritum, & ita repugnauit ei esse praemium meritum eorundem. At potuit Christus applicare sua merita ad incarnationem patris, & de rigore illam meruisse.

Sed ut intelligamus modum loquendi quo hactenus utebamur asserentes christi incarnationem per modum causae finalis promeruisse & gratiam & bona opera antiquorum patrum. Duo sunt breuiter aduertenda. Primum est, quod incarnationis christi nomine comprehendimus ipsum Christum & eius opera meritoria, praesertim passionem propriamque sanguinis effusionem, quibus totum redemit humanum genus, gratiamque meruit, & gloriam vniuersis qui iusti sunt fuerunt & erunt. Vnde Christus non solum dicitur ab origine mundi incarnatus, sed & agnus occisus. Apoc. c. 13. Secundum est, quod cum dicitur christum per modum causae finalis meruisse patribus veteribus gratiam, non debet sumi rigurose modus finalis causae. Etenim causa finalis praecedat intentione agentis mouens ipsum ad sui consecutionem. Itaque finis praecedat non quia futurus est, sed ut sit futurus, & iuxta hunc modum mouet, & causat finaliter. Ceterum christi incarnatio non ut esset futura causabat, aut mouebat (loquimur late de motione) sed quia futura erat. Itaque praevideus deus eam infallibiliter esse futuram, ipsius intuitu gratiam contulit antiquis patribus. Dicitur autem causare per modum finis, eo quod non fuit causa illius gratiae, prout existens, quae est conditio causae efficientis, & causali tatis eius, sed prout apprehensa, & per dei voluntatem, & intentionem acceptam. Qui est modus magis ad finalem causam, quam ad efficientiam pertinens.

Ad confirmationem vero illi quinto argumento suppositam, quæ de B. Virginis merito procedebat oportet deinceps dicamus. Quam rem Mag. Med. loco citato erudite & fuisse prosequitur, & ob id nos difficultatem istam breuiter versabimur. Igitur in illa dubitatione, Num videlicet beatissima Virgo de condigno meruerit esse Christi matrem, Gabriel & Almainus in 3. d. 3. partem affirmatiuam tuerentur, quibus adhærent quidam doctissimi moderni. Sententiam oppositam docent quamplures alij, existimantes metuisse quidem de congruo, vt assumeretur in Christi domini matrem, non autem de condigno. Et quidam ex his auctoribus, inter quos est Mag. Med. existimant oppositum non esse satis tutum in fide, & probant, quoniam si B. Virg. meruit de condigno vt esset Christi mater, sequitur quod meruit de condigno Christi domini incarnationem. Consequens aduersatur fidei catholica, qua confitemur incarnationem christi fuisse dei beneficium, summa liberalitate & gratia mundo collatum: ergo, &c. Probatur sequeffa: nam si meruit se esse christi matrem, meruit ex consequenti quod filius dei assumeret naturam humanam ex purissimis eius sanguinibus, in quo consistit incarnatio filij Dei.

Respondent auctores contrarie sententiæ, Virg. beatam non meruisse simpliciter & absolute, quod dei filius assumeret carnem humanam: sed supposito decreto diuino, quo deus sua liberali voluntate decreuit, vt verbum fieret caro, beata Virgo meruit de condigno, vt carnem, quam verbum assumpturum erat, ex ipsa susciperet: hoc autem non fuit simpliciter mereri incarnationem, sed dumtaxat secundum quid, quantum ad determinationem persone, ex qua verbum carnem assumeret: & ita ad argumentum negant sequeffam.

Ista solutio vehementer impugnatur a Mag. Med. & existimo eius argumenta esse adeo efficacia, vt contrariam sententiam reddant parum probabilem, & non tam contentaneam lacris literis & fidei, sicut est sententia ipsius Mag. Med. Verum crediderim, quod illa argumenta possunt habere aliqualem solutionem: & idcirco non efficiunt omnino improbabilem sententiam oppositam, quæ poterit de fendi salua fide, & absque vilo erroris periculo.

Argumenta, quibus probauimus dubio præcedenti Patres antiquos non de congruo, sed tantum de congruo meruisse incarnationis beneficium, fere omnia adduci poterunt ad probandum Virginem beatam tantum de congruo meruisse, vt assumeretur in Christi domini matrem. Illud argumentum præcipue est ponderandû. Quod mereri tantum hoc bonum ad solum infinitum meritum attingere potuit. Quia reuera quod verbum ex beatissima nasceretur Maria, infinitum fuit bonum: nam fuit ipsummet verbum nascens & natum. Vt autem, B. Virgo hoc tantum præmium sibi debitum ex non debito faceret merito

merito egebat simpliciter infinito, quale, & quantum solum ipsum Christi meritum esse potuit. Præterea, nulla vero simili ratione dicitur, quod de iustitia meruerit illud tantum, tamque excellens bonum, quod Christi merita de facto non attingere. Nam omnia bona, ad quæ Christus sua applicuit merita infra boni huius excellentiâ subsistunt.

Tertio loco disputandum succedit in hoc tertio quintæ quæstionis articulo ea difficultas quæ & grauissima est, & inter graues theologos in magna concertatione exagitur, num, videlicet, Christus gloriam essentialem animæ suæ meruerit, in qua quæstione simul explascabimus an meruerit habitualem gratiam, & immortalitatem gloriamque corporis, atque ipsam sui nominis exaltationem. Probaturnq. primo affirmatiua sententia, nimirum, quod Christus essentialem animæ suæ meruit gloriam.

Dubium tertium articuli.

Primum argumentum desumitur ex illo Esai. 53. pro eo, quod laborauit videbit, & saturabitur, &c. Ecce quemadmodum Propheta visionem, qua Christi anima diuinam intuetur essentiâ, labori ipsius Christi tribuit, vt præmium respondens merito: ergo, &c.

Secundum argumentum. Probabile est, quod Christo fuerit collata gratia per propriam ipsius Christi dispositionem, quæ ordine naturæ in genere causæ materialis ipsam gratiam præcesserit: sicut in iustificatione impij contritio in genere causæ dispositiue & quasi materialis ipsam iustificantem gratiam præcedit. Sed talis dispositio, non potuit non esse meritoria, saltem gloriæ, ad quam Christus fuit acceptatus & admissus: Ergo vera est affirmatiua sententia. Probaturn minor. Illa operatio, saltem vt fuit posterior gratia in genere causæ efficientis & formalis, & prout fuit per ipsam gratiam informata, habuit omnia requisita vt esset meritoria gloriæ. Nam fuit a subiecto omnibus modis grato & gratia vnionis & gratia habituali, fuit supernaturalis operatio gloriæ proportionata, fuitque prior secundum naturæ ordinem ipsa animæ gloriæ, quemadmodum & gratia per quam formabatur prius naturæ ordine fuit animæ Christi collata, quæ ei daretur gloria, & præterea prædicta operatio quatenus a gratia procedebat, per se tendebat ad gloriâ tanquam ad proprium finem, & ipsi operationi proportionatum. Nam gratia sua natura tendit ad gloriam, omnesque proprias actiones in hunc eundem dirigit finem. Hæ autem conditiones sufficientissimæ sunt ad constituendam rationem meriti. Ergo illa operatio vere fuit meritoria gloriæ. Consulto dixi paulo superius, saltem gloriæ, quoniâ licet, si vera est sententia quæ nobis in primo articulo huius quintæ quæstionis visa fuit probabilior, nempe, gratiam vnionis, habituali etiam gratia seclusa, sufficere ad meritum, videatur quibusdam necessario consequi descendum, quod illa supernaturalis Christi operatio, prout fuit dispositio ante-

cedens habitualem gratiam, meruit ipsammet gratiam, hoc tamen v^t postea dicemus, certum non est, neque illa consequutio tam est efficax, v^t quibusdam visa fuit. Et præterea illa sententia non est omnibus probata, idcirco in argumento facto supponendo ea quæ sunt omnibus communia, de merito tantum gloriæ loquuti sumus.

Et confirmatur hoc argumentū, ex illa cōi theologorū doctrina, quæ in præsentia non probanda est, sed supponenda, quæ asserit contritionem per quam impius iustificatur, prout est formata per charitatem & gratiam, meritoriam esse gloriæ. Et affirmat cōmunior opinio quod meretur illum eundem gloriæ gradum qui respondet ipsi primæ gratiæ, ad quam ipsa contritio disponit: Ergo eadem prorsus ratione concedendum est, quod illa Christi operatio quatenus in genere formalis causæ, posterior fuit habituali gratia, meritoria fuit eius gloriæ, quæ huic habituali gratiæ respondebat.

Hoc secundum argumentum cum sua confirmatione, quod attinet ad meritum gloriæ, non solum videtur procedere supposita sententiā, quæ docet, datam fuisse Christo gratiam ex propria dispositione ipsā in genere causæ materialis antecedente, sed etiam in alia theologorū sententiā, quæ existimat non antecedentem, sed solam concomitantē dispositionem reperiri in Christi sanctificatione. Nam supernaturalis Christi operatio, quatenus ex gratia procedebat, potuit esse prior ordine naturæ quam gloria eidem Christi animæ collata, qui prioritatis ordo sufficit ad constituendum meritum.

Tertium argumentum. Quod in eodem instanti temporis simul sint meritum & præmium, nihil detrahit a ratione meriti: Ergo quod Christus in primo suæ incarnationis instanti gloriam animæ fuerit assequutus, non impedit quo minus ea vere & proprie meruerit, atq. a deo nulla est causa sufficiens ad negandum Christum gloriam suæ animæ meruisse. Consequentia patet quoniam contrariæ sententiæ autores ea ratione tantum negant Christi meritum respectu gloriæ animæ, quia in primo instanti suæ conceptionis Christus fuit beatus. Sed probatur antecedens. In eodem instanti quo homo iustus augmentum gratiæ mereretur, recipit ipsum augmentum, quod libenter admittunt vniuersi theologi, cum de materia meriti hominis iusti in communi loquuntur: ergo verum est antecedens:

Confirmatur. Quia meritum comparatur ad præmium v^ti causa moralis ad effectum, sed non repugnat quod causa & effectus in eodem instanti incipiant esse, nam in eodem instanti quo Deus creauit solem, ipse il luminauit aerem. Nec inconuenit quod præmium
neque

neque a merente , neque a merito physice producat^{ur} , sed ab extrinseco , scilicet , a Deo præmiante . Quoniam Deus cum non a temporis successione in suis operationibus pendeat , in eodem instanti potest conferre præmium , in quo est meritum , vt Sol quo instanti creatus fuit , lumen produxit in aere . Nec etiam quicquam refert quod meritum vt quibusdam placet , neque mihi displicet , comparatur ad præmium , non solum vt causa moralis ad suum effectum , verum etiam vt via ad terminum . Nam in eodem instanti reperiri possunt via & terminus , vt patet in illuminatione diaphani , quæ s^up^{er} est mutatio quædam rationem habet viæ ad lumen , & tamen in eodem instanti sunt illuminatio & lumen in diaphano . Similiter vltima dispositio ad formam comparatur ad ipsam vt via ad terminum : sunt tamen in eodem instati vltima dispositio & substantialis forma . Constat ergo ex his omnibus non esse contra rationem meriti , quod præmium sit simul cum ipso in eodem instanti , sed quod suffecerit ex parte meriti sola naturæ prioritas .

Sed dices forsan , quod licet ad rationem meriti in communi non sit inconueniens vllum , quod præmiu^m simul sit in eodem instanti cum merito , id tamen non est admittendum de præmio vltimo , nimirum , de beatitudine & gloria . Cuius rei eam assignabis rationem , quæ ex S. Thom. doctrina colligitur , videlicet , quod meritum procedit a gratia imperfecta : præmium autem a gratia perfecta & consummata : repugnat autem simul esse in eodem subiecto gratia perfecta & imperfecta . Contra hanc rationem sic arguentor . Sitque quartum principale argumentum . Non inconuenit quod aliquid in eodem instanti perfectum sit & imperfectum , ita vt prius natura sit imperfectum , & posterius natura perfectum . Nam huius rei multa possunt ferri exempla ex mutationibus instantaneis petita . In illuminatione enim prius natura lumen est imperfectum , quam perfectum : prius est enim inferi , quam in facto esse . At res prout est inferi imperfectior est se ipsa , prout est in facto esse . Et simile exemplum habetur in productione instantanea cuiusvis formæ , siue substantialis sit , siue accidental^{is} . Item contritio iuxta communem theologorum doctrinam in eodem instanti perfecta est & imperfecta , nam prout gratiam in genere causæ materialis antecedit imperfecta est , vt pote in formis , vt autem in genere causæ formalis & efficientis est eadem gratia posterior , perfecta est & formata : ergo non inconuenit dicere Christi gratiam in eodem instanti imperfectam fuisse , & perfectam : ab eaque vt imperfecta processisse meritum , quod ad eandem gratiam , vt perfectam , fuit terminatum , tanquam ad vltimum & maximum præmium .

Confirmatur. Non poterit facile assignari ab auctoribus sententiæ contrariæ quæ nam sit illa imperfectio gratiæ ad meritum requisita, cui repugnet perfectio eiusdem gratiæ quam per se postulat ultimum præmium: ergo. Illa assignata solutio voluntaria magis, quam rationabilis apparet. Explico antecedens. Omnis imperfectio requisita ad meritum ex parte gratiæ vel se tenet ex parte ipsius habitus gratiæ, vel ex parte actus per quem meretur ultimum præmium. Sed neutra harum imperfectionū intrinseca in habet repugnantiam cum perfectione debita ultimo præmio: ergo &c. Probo minorem præmissam. Ex parte gratiæ habitualis nulla alia imperfectio considerari potest, nisi minor eius intensio, sed ad rationem præmij ultimi non per se requiritur maior intensio gratiæ, nam satis probabile est, & forsitan verum, quod gratia, quam anima deserit cum exit à corpore, non acquirit in patria maiorem sui intensionem habitualem ea quam habuit in via, & si alijs multis perfectionibus exornetur. Similiter ex parte actus siue intellectus siue voluntatis per quem Christus potuit mereri gloriam, nulla imperfectio alia intrinsece pugnans cum perfectione gloriæ fingi potest, quam quod fuerit Dei cognitio obscura & enigmatica qualis habetur per fidem, & quod ex parte voluntatis esset actus spei, aut amoris dei per cognitionē fidei regulatus, sed hi actus imperfecti non fuerunt Christo necessarii ad merendum gloriam, potuit enim mereri per cognitionem dei ortam ex sciētia infusa, quæ nullā habet cum beatifica dei uisione repugnantiam, sed potius conuentiam. Potuit itidem mereri per actum charitatis regulatum à prædicta cognitione dei per infusam scientiam habita, quiquidem actus charitatis, ut ex primo huius dubij articulo constat, simul esse potest cum actu beatificæ visionis. Denique actus spei formaliter non est omnino necessarius ad meritū, sed satis fuerit implicita & virtualis spes, quæ in ipso actu meritorio includitur, ut contingit in actu, quo homo iustus augmentum gratiæ meretur, qui non habet formalem actum spei respectu illius augmenti gratiæ in eodem instanti conferendi, nam quod quis habet, quid sperat, ut inquit Paul. Ro. 8. Ergo nulla imperfectio signabilis est ex parte gratiæ merentis, quæ simul in eodem instanti non compatiatur secum ipsam gloriam, quæ est ultimum præmium, eiusque omnem perfectionem.

Quintum argumentum. Potuit fieri, quod Christus gloriam animæ suæ meruerit, sed hoc meritum nihil derogat Christi dignitati, quinimo ad eius attinet excellentiam: ergo de facto tribuere debemus Christo istud suæ gloriæ meritum. Consequentia ex communi regula theologorum est manifesta, iuxta cuius præscriptum, ea omnia sunt Christo tribuenda, quæ magis eius dignitatem extollunt. Maior constat ex argumentis factis, quæ si non probant factū efficaciter,

probant tamen possibilitatē. Minorem vero probo. Duplex tantū imperfectio posset fingi prouenire Christo illo merito posito. Altera quod ipsa gloria animæ nō potuerit esse in Christo in primo suæ cōceptionis momento, atq. adeo quod necessum esset, vt Christus pro aliquo temporis instanti non esset secundum partem superiorem beatus & comprehensor: quod in magnam Christi imperfectionem cederet. Hæc autem imperfectio, ut constat ex duobus argumentis præcedentibus, non necessario infertur ex prædicto Christi merito. Altera quod animæ beatitudo & summa felicitas non esset Christo connaturalis, neque ei fuerit collata ex connaturalitatis debito. Sed nec etiam imperfectio hæc sequitur in Christo illo merito posito. Quod patet, quia nulla est repugnantia, quod vtroque titulo, & connaturalitatis & moralis debiti meritorij fuerit Christo data animæ gloria, sicuti fuit ei collata gloria sui corporis, excellēsque sui nominis exaltatio. Imo quod hoc duplici titulo Christus habeat animæ suæ gloriā, ad magnam eius pertinet honoris dignitatem. Nam quod ex iure connaturalitatis ei fuerit animæ gloria debita & data, & quod simul ex proprio opere, labore & merito eam habuerit, ad magnam Christi excellentiam pertinet, quod S. Tho. loquens. 3. par. q. 59. de potestate Christi iudiciaria erudite docuit. Et ratio est aperta, quia possidere aliquod magnum bonū pluribus titulis, & multiplicatis iuribus, præsertim si sint iura diuersarum rationum, possidentis honorem & auctoritatem nullatenus deprimit, quin potius extollit. Quemadmodū si quispiam Regis filius cui hereditario iure debetur aliqua ciuitas nouū ius, nouūq. titulum ad eius possessionē acquireret per victoriā ex tyranno ciuitatem occupanti reportatam, in magnā gloriam & auctoritatem eius cederet talis ciuitatis possessio, & speciali ratione illa ciuitas in toto regno ad ipsum pertinetet, magisq., & non immerito, de illius ciuitatis dominio & possessione gloriaretur princeps, quā de toto Regno sola hereditate comparato. Igitur non est dene ganda Christo specialis illa dignitas, quæ ei prouenire potuit ex eo quod gloriam suæ animæ mereretur. Sexto arguitur Christus meruit gloriā sui corporis. Ergo meruit similiter gloriam animæ.

In oppositum est quod in illo nostro antiquo prothotemate habetur Ioan. 1. vidimus gloriam eius, gloriam quasi vnigeniti a patre, vbi expendendum est non dixisse Euangelistam gloriam excellentibus Christi operibus promeritam, sed quasi vnigenito a patre illi datam, id est, quia vnigenitus est Patris. Supponimus probabilem intelligentiam S. August. quod gloriæ nomine Ioānes ipsam animæ Christi gloriam intellexerit.

In hac dubitatione exponenda diuersæ sunt sententię theologorum, quæ, vt nostram statuamus opinionem, necessum fuerit eas breui enu-

ui enumeratione colligere : Prima ergo sententia in vno extremo affirmat Christum non solum gloriam animæ suæ mereri potuisse, verum quod & ipsam de facto meruit. Docuerunt istam sententiam Altisiodorensis lib. 3. tract. 1. c. 7. Albert. magnus in 3. distinct. 18. a. 4. & 7. Maioris, Giulielmus de Rubione, Basolis & alij quidam in eadem distinctione. Alex. Alensis 3. part. q. 17. membr. 4. art. 1. ad vltimum, reputat hanc sententiam probabilem, quamvis contrariæ vt probabiliori adheret. Vnde immerito hic autor a quibusdam S. Th. interpretibus solet pro hac sententia absolute citari. Huius sententiæ autores de gloria tantum loqui videntur vno excepto Alex. de Ales qui de gloria & de gratia hanc sententiam censuit probabilem. Secunda sententia in alio extremo docet, quod Christus neque de facto meruit, neque vero mereri potuit animæ suæ gloriā. Ita docuit Scotus in 3. distinct. 18. in quam sententiam inducitur quia gloria, inquit, animæ Christi est tam sublime & excellens bonum, quod sub nullo merito cadere potuit. Verum quicquid sit de huius sententiæ probabilitate, de qua in huius dubitationis discursu dicemus, ratio Scoti est impertinens. Quoniam, vt probatum reliquimus, christi meritum fuit in ratione meriti simpliciter infinitum : atq. adeo sub eius meritorio valore potuit cadere gloria animæ Christi quantacūq. polleat excellentia. Hanc eādem secundam sententiam docuit Henricus de Gandauo, sed falso etiam innititur fundamento, dicit enim fuisse impossibile quod deus humanitatem assumeret, nisi ex vi assumptionis gloria communicaretur eius assumptæ animæ. Id autem quod omnino necessarium est non cadit sub aliquo merito, neque vero cadere potest. Verum superius. q. 1. & 2. probauimus falsum esse istud Gandauiensis fundamentum; & q. potuit verbum humanitatem in puris naturalibus assumere, & quod non fuerit omnino necessaria resultantia gratiæ & gloriæ in humanitate assumpta. Eidē secundæ sententiæ fauet Sanctus Thomas 3. par. q. 19. art. 3. & ex eius discipulis plerique isti adherent sententiæ. Sed sunt alię sententiæ quę inter has duas extremas medium tenent.

Est ergo tertia sententia quæ cum secunda docet Christum de facto neque gratiam neque gloriam animæ suæ meruisse, sed cum sententia prima fatetur quod potuit mereri Christus gloriā animæ suæ. Ita docent S. Bonauentura Ricardus & alij quidem in 3. distinct. 18. Quarta sententia docet cum secunda opinione, Christum haud quaquam meruisse de facto gloriam animæ suę, asseritque cum sententia prima, quod si absolutus sermo fiat, potuit Christus essentialē animæ suæ beatitudinem mereri. Et in his duobus consentit tertię opinioni, sed ab ea tamen differt simul & a prima, in eo quod ait Christum nullo modo potuisse, etiam secundam absolutam dei potentiā, essen-

essentialē animæ gloriā promereri, supposito quod eam habuerit ex primo suæ incarnationis instanti per modum propriæ passionis ex hypostatica vnione deriuatæ, vt eam habuit de facto. Docuit istā sententiā Mag. a Medina, quæ & doctissimis alijs S. Tho. interpretibus non displicet 3. par. q. 19. art. 3.

Quinta sententiā admittit Christum neque gratiā, neque gloriā animæ suæ promeruisse, affirmat tamen quod meruit vtriusque continuationem. Ita docet Gabr. in 3. d. 18.

In huius propositæ difficultatis decissionem supponendum est, id quod superius q. 1. & 2. explicuimus, & dudum aduersus Henricum de Gand. aduertimus, fieri potuisse secundum absolutam dei potentiam, quod verbum humanam naturam omni supernaturali ornamēto destitutā sibi hypostatice copularet. De facto tamen id non effecit, sed humanitas a verbo assumpta ab instanti incarnationis excellentissimis gratiæ & gloriæ donis semper fuit exornata. Quæ dona etsi per simplicem resulantiam non emanauerint ex ipsa vnionis gratia, vt in art. 2. q. 3. multis ostendimus, fuerunt tamen Christo quodam iure cōnaturalitatis debita, eo q̃ naturalis est dei filius. Hoc supposito ad quæstionis propositæ resolutionem accedo, quam sequentibus conclusionibus terminandā fore existimaui.

Prima Conclusio.

Si potentiam Dei absolutā contemplemur potuit Christus & gratiā & essentialē animæ suæ gloriā promereri. Aduersus quartā sententiā præsens statuitur conclusio, quam tamen affirmant cæterarum opinionum auctores, præsertim quod ad gloriā attinet. Nā de gratia, theologi illi qui existimant vnionis gratiā in Christo nō esse sufficiens principium meriti, sed necessariā ei fuisse ad merendum habituali gratiā, non facile hanc conclusionem concedunt. Et loquentur quidem consequenter, quia primum meriti principium minime potest sub aliquo merito cadere. Verum nobis hæc sententiā nō placuit superius in 1. art. huius 1. q. existimauius enim probabiliorem esse sententiā affirmantem, q̃ gratia vnionis in Christo, aliqua cognitione supernaturali interueniente, sufficientissimum principium fuit ad satisfactionem & meritum. Quo supposito probatur hæc prima conclusio, quoad vtramque sui partem, nimirum, vt procedit de gratia, & de gloria. Potuit verbum humanam assumere naturam absque gratia & gloria cum aliqua cognitione supernaturali ex parte intellectus, quæ vel esset cognitio fidei, vel luminis Prophetici, aut denique infusæ scientiæ. Sed tali casu posito facillimum est intelligere, q̃ Christus & gratiā & gloriā animæ suæ meruerit:

SSS Ergo

Ergo vera est hæc prima cōclusio. Probatur minor. Illa hypothēsis
 ia poterat Christus studiosam exercere operationē, quā eius volun-
 tas, referret in supernaturalē finem ex aliquo Dei speciali auxilio ad-
 iuta, & applicare ad gratiam & gloriā loco præmij suscipiendā, sed ta-
 lis operatio esset meritoria, & quidem valoris infiniti, quatenus præ-
 cōcedebat ab operante infinite grato per gratiam vnionis: Ergo &c.
 Hæc ratio est manifesta, quæ sola proinde sufficeret ad huius conclusio-
 nis primæ confirmationem. . Verum qui maiorem comprobationē
 postulauerit, recurat ad argumenta quæ in fronte quæst. pro affirma-
 riua sententia informauimus, quæ vt minimū conc. istam efficaciter
 probant.

Sed aduertendum est circa rationem modo factam, & circa ipsam
 r. conc. Quod hæc conclusio poterit verificari, etiam si supponamus
 quod Christi anima in primo incarnationis instanti, gratiam fuerit &
 gloriā adeptā. Sed tunc necessum erit dicere, quod illa cognitio
 supernaturalis, quam diximus Christo esse necessariam ad merendū
 supernaturale præmium, non poterat procedere a lumine fidei, aut a
 quouis alio lumine intrinsecam obscuritatem & inevidentiam ha-
 bente: repugnat enim obscura & ineuidens cognitio in eodem tem-
 poris instanti in eodemque subiecto cum visione Dei faciali & intui-
 tiua, in qua consistit essentialis animæ gloria. Quocirca necessaria tūc
 esset cognitio ex infusa scientia procedens, nam hæc nullam habet cū
 visione beatifica impossibilitatem. Sicque intelligeremus chri-
 stum & gratiam & gloriā animæ mereri, quatenus prius natura quā
 illi infunderetur gratia & daretur gloria infusum esset eius intelle-
 ctui scientificum lumen, præsticumque voluntati eius speciale au-
 xilium, quorum principiorum virtute Christus insupernaturalem
 prodiret actionem, qua gratiam & gloriā antea mereretur.
 Ecce cum diuina actio, qua gratiam & gloriā loco præmij christi ani-
 mæ deus infunderet, non exposcat temporis succellionem, in eodem
 instanti quo christus mereretur gratiam & gloriā, a Deo premiante
 reciperet.

His quæ nunc diximus non omnes consentiunt theologi: arbitran-
 tur enim nonnulli & hi quidem egregie periti, quod lumen infusæ
 scientiæ, nisi consequenter se habeat ad lumen gloriæ ad ipsamque
 beatificam Dei visionem, minime potest euidentem intellectui præ-
 stare cognitionem mysteriorū gratiæ Trinitatis, incarnationis, &c.
 Ex qua doctrina inferunt contra sententiam nostram, quod illud
 lumen infusæ scientiæ collatum animæ Christi prius natura quam ei
 lumen gloriæ infunderetur, non posset facere euidentem supernatu-
 ralium mysteriorum notitiam in Christi intellectu, sed ineuidentem
 & obscuram, quæ cognitio cum non possit esse simul in eodem instā-
 ti cum

scilicet beatificam visionem, oportet dicamus, quod operatio meritoria ex tali cognitione proveniens nequiret in eodem instanti esse cum essentiali gloria animæ Christi, atque adeo necessum fuerit, quod meritum Christi præcederet tempore ipsam eius animæ gloriam. Et ita præfati theologi resolutorie dicunt, impossibile simpliciter fuisse, quod Christus ipsam animæ suæ mereretur gloriam, & quod eam in primo instanti incarnationis acceperit. Quod tamen de habituali gratia non dicunt, quia cognitio inevidens non ei repugnat.

Cæterum nos aliter existimamus de lumine scientiæ infusæ: censemus enim illud ex natura sua consequenter se habere ad lumen gloriæ, ad beatificamque visionem (si modo ut quibusdam placet non est idemmet gloriæ lumen) nec enim ad statum viæ lumē istud pertinet, in quo statu per fidem, per obscuram enigmaticamque cognitionem ambulamus & non per speciem, ut Paulus 2. cor. 5. testatur. Vnde per accidens esset omnino & præter regularem rerum ordinem, quod huiusmodi infusæ scientiæ lumen prius vel tempore vel natura intellectui conferatur, quam eidem intellectui infundatur gloriæ lumen. Et hoc est summopere observandum pro hisq. sequenti conc. dicemus Existimo tamē quod lumen istud infusæ scientiæ, etsi magnam in sua claritate a beatifica visione perfectionem sumat, non tamen eius claritas essentialiter ab ipsa pendet beatifica visione, ab ipsoque gloriæ lumine. Sed si in intellectu seorsum ponatur, evidentiam ei supernaturalium mysteriorum faciet, non solum in attestante (quæ evidentia forsitan non pugnat cum Dei visione) Sed etiam evidentiam a posteriori ex supernaturalibus effectibus desumptā. Nam ex his effectibus, quorum quidditatiua, imo & forsitan comprehensiva cognitio haberi potest extra verbum, oriri valet evidens cognitio mysterij Trinitatis, qua evidentia supposita, facillimum erit evidenter nosse per scientiā infusam reliqua gratij mysteria. Hæc insinuari quidem isto in loco potuerunt, ut diligens lector eorum examen adhibeat, ad longum autē tractari non poterunt: sed eorum disputatio ad proprium locum est reservanda, scilicet, ad q. 10 & 11. 3. p. Qua sententia supposita facile intelligitur nostræ conc. veritas, nimirum, quod in eodem primo christi incarnationis instanti, potuit ipse Christus & gratiam & animæ suæ gloriam mereri, & utramque ei loco præmij a deo collatam suscipere.

Nonnulli theologi ex his qui censent habitualem gratiam non fuisse Christo simpliciter necessariam ad merendum, dicunt potuisse Christum mereri ipsam gratiam habitualement, & similiter essentialē gloriam per actionem procedentem ab ipsamet gratia, si in genere causæ dispositivæ, & materialis eandem gratiam antecederet, quia a gratia ipsa habituali, in illo naturæ instanti virtutem participaret me-

ritoriā, qua posset mereri habitualem gratiā posterius natura susci-
piendam. Quæ sententia insinuata etiam fuit a nobis supra q. 4. in
quodam argumento pro 2. conc. facto. Et reuera nō est improbabilis,
sed vt verum fatear, multo probabilius est oppositum. Quia de ratio-
ne præmii est (miraculis seclufis) q̄ sit omnino posterius merito, præ-
sertim in genere causę efficientis. Et forsan est insæctibile secundum
omnē potentiā, quod aliqua actio mereatur illud principiū a quo per
se & in rōne meriti procedit effectiue, & quod necessario præsupponi-
tur in ipso merente. De quare sufficiant, quę diximus præcedēti dubio.
Quocirca impossibile apparet, q̄ Christus habitualē suam gratiam ea
operatione meruerit, quę ab ipsamet gratia in genere causę effectiue
& formalis procederet. Ista sufficiant pro 1. conc. in quibus nonnulla
habentur quę sequentis conc. probationi quamplurimum referent.

Secunda Conclusio.

Christus de facto non meruit gratiam habitualement, nec essentialē
animę suę gloriam, cuius oppositum existimo parum esse probabile,
sed nec erroris nec temeritatis cuiuspiam vllum habere periculū. Exi-
stimo conclusionē hanc quo ad eius primā partē, quę affirmat christū
nec gratiam, nec gloriam meruisse, vniuersis fere nouioribus theolo-
gis esse probatam, quam cum magistro in 3. d. 18. & cum S. Tho. in lo-
co circa 2. sententiam citato docuerunt fere oēs antiqui theologi gra-
uioris præsertim autoritatis, illis exceptis, quos pro 1. opinione retu-
limus. Probaturq. hæc primę cōc. pars. Et principio, ne quidpiā in no-
stra doctrinā cōfusionis misceatur, p̄bāda est quatenus de gratia ha-
bituali, p̄cedit. Oīs christi operatio & præsertim illa prima, quā ingre-
diens in mūdū habuit, & qua testāte Pau. ad heb. 10. Christus nos ian-
ctificauit, p̄cessit ex virtute charitatis, ex alijsq. infusis virtutib⁹ humi-
litis, obediētę, religionis, &c. sed hę virtutes ex natura ordinis gra-
tiz, & magnis semotis miraculis. habitualē gratiā in subiecto præsup-
ponunt, eo q̄ gratia est prima earum radix, & comparatur ad ipsas vt
essentia ad proprias passiones naturalesq. potētias: ergo oīs Christi su-
pernaturalis & meritoria operatio præsupposuit gratiam habitualē,
ex qua tanquam ex prima radice effectiua processit, & ex cōsequenti
nō potuit esse meritoria primæ gratiz, iuxta ea q. circa finē præceden-
tis cōc. dicebamus. Cōsequētia negari nequit, & minor a grauissimis
suscepitur theologis cum S. Th. 1. 2. q. 110. a. 3. maior vero probatur.
Omnis operatio animę christi fuit perfectā, imo perfectissima in suo
genere: Ergo supernaturalis operatio & præsertim illa prima, quę
fuit quasi radix totius meriti christi, processit ex supernaturalibus
virtutibus ipsius animę Christi infusis. Probatur consequentia (nam

ante-

antecedens iniuriosus esset Christo, eiusque dignitati) qui negaret. Operatio supernaturalis, quæ nō procedit ex habitu infuso in operāte potentia residente, imperfecta est, perfectio enim operationis requirit, ut potentia operetur per formā sibi intrinsecam: alias enim non operabitur modo sibi connaturali, & proportionato, sed quasi ab extrinseco: Atque adeo eius operatio non potuit non esse imperfecta: Ergo, &c. Confirmatur. Voluntas Christi humana non potuit viribus naturæ in actum supernaturalis dilectionis dei prodire, quod secundum fidei doctrinā debet esse nobis certissimum, nec vero ex sola gratia vnionis vim habuit ad eliciendum huiusmodi charitatis actum, ut in 1. art. huius quæst. ostendimus. Ergo necessarium illi fuit supernaturale aliquod principium, ut se in prædictum actum exereret. Hoc autem principium, si non fuit habitus charitatis humanæ Christi voluntati infusus, debuit esse speciale auxiliū supernaturale. Sed operatio voluntatis ex huiusmodi proueniens auxilio, nequit esse in suo genere, in suaque specie perfecta, quoniam auxilium istud non habet rationem principij effectiui pure intrinseci, admodum formæ actūs & perficientis voluntatem, ut a seipsa operetur, sed potius operatur ut ab extrinseco mota, & per modum instrumenti dei ipsam speciali suo auxilio mouentis. Auxilium namq. actuale non est aliud quam motio quædam supernaturalis dei, in voluntate operante suscepta: ergo ut operatio Christi meritoria perfecta fuerit necessum omnino fuit, quod ex habitu charitatis infuso procederet.

Secundo probatur Gratia habitualis immediatiorē habuit habitudinem ad Christi animā, quā omnis operatio intellectus aut voluntatis Christi: Ergo prius ordine naturæ habitualis gratia infusa fuit animæ Christi, quam ipsa anima in operationem aliquam supernaturalem prodijset: & ex consequenti cum meritum, ut sæpe diximus, nequeat esse posterius præmio, fateri tenemur gratiam, absque vilo merito fuisse christo collatam. Consequentia est manifesta. Quia illud prius ordine temporis conuenire debuit christi animæ, quæ immediationem ad eam habitudinem habuit ex vi hypostaticæ vnionis. Antecedens vero constat ex dictis a nobis q. 1. art. 2. nam ex illius artic. doctrina manifestum fiet legenti, quod gratia habitualis vel fuit propria passio hypostaticæ vnionis, per modumq. propriæ passionis simplici emanatione resultauit, ut graues fatentur theologi, vel ut nobis magis probatum fuit, non per simplicem resultantiam emanauit, sed noua Dei actione fuit infusa, admodum tamen proprietatis naturalis, eo quod fuit ei debita connaturali iure, ratione hypostaticæ vnionis. Ex hac immediata gratiæ ad christi animam habitudine probauimus in 1. art. illius 2. q. nullam præcessisse operationem dispositiuā in christi anima ad eius habitualem gratiam. Et quamuis huiusmodi admit-

teremur dispositionem ordine naturæ, & priorem ipsa gratia in genere causæ materialis, concedendum esset nihilominus, gratiam priorem esse eadem operatione in genere causæ efficientis & formalis, ac proinde fatendum est, talem operationem nullatenus fuisse ipsius gratiæ meritoriam. Iuxta ea quæ circa finem primæ conclusionis dicebamus. Neque relinquitur locus solutioni, quam posset quis adhibere asserens, operationem istam non ab ipsa procedere habituali gratia, sed ab auxilio speciali, atque adeo in nullo genere causæ gratiam habitualement fuisse in christi anima præsuppositā. Huic, inquam, solutioni non est locus, eo quod præsupponimus ex superius dictis satis probatum, quod gratia habitualis simpliciter est immediatio animæ christi quam quælibet operatio, unde saltem in genere causæ formalis debet præcedere ipsam operationem.

Hac eadē ratione fit manifestum, quod non solum illa prima christi operatio non fuit habitualis gratiæ meritoria, verum quod nec etiam meruit virtutes supernaturales infusas. caritatem religionē &c. Quoniam virtutes istæ immediatiorem habent ad christi animam habitudinem, quā quælibet supernaturalis Christi operatio. Etenim facultas operandi supernaturaliter & consentanee ad naturam gratiæ, quam facultatem virtutes præstant, prius pertinet ad potentias animæ Christi quam ipsa supernaturalis operatio, nam actus primus immediatus pertinet ad operatiuam potentiam quam actus secundus. Ergo supernaturales Christi operationes per se & ex natura rei præsupposuerunt in Christi anima virtutes infusas: supposito quod tam virtutes infusæ quam eius actiones sint Christi animæ connaturalles, ut in hac ratione supponimus. Ita quæ is fuit connaturalitatis & consecutionis ordo inter supernaturales Christi animæ perfectiones, quæ ex ipsa unionis gratia quæ fuit prima omnium supernaturalium perfectionum radix, immediate oriebatur connaturalitatis habitudo in Christi animæ ad habitualē gratiā, ut ad formā perfectiūā & eleuatiuam essentia ipsius animæ ad supernaturalem finem & ordinem. Ex gratia vero habituali in essentia animæ Christi suscepta tamquam ex proxima & formaliori radice consequutæ fuerunt in potentijs ipsius animæ super naturales infusæ virtutes. Ex quibus tandem processerunt supernaturales & meritorie christi actiones. Hunc ordinem inuerrere quidem potuit deus sua vtens infinita potentia, ob quam dei potestatem concedi debet prima nostra præcedens conclusio. verum quod de facto hac absoluta & infinita potestate vsus non fuerit, nulli sapienti poterit esse dubium. Cum deus nisi magna & vrgens causa extiterit, suauiter vniuersa disponat, & iuxta modum ipsis rebus proportionatum. Quæ vrgens fuerit causa propter quā deus illū ordinē gratiæ unionis connaturalem immutauerit, assignare erit difficillimū. Quia

reueſa nulla extat.

Probatur deinde eadem conſuſionis pars quatenus de gloria pro-
cedit. Lumen gloriae immediatiorem habuit habitudinem ad Chriſti
animam, quam quæuis ipſius animæ ſupernaturalis operatio. Ergo
Chriſtus accepit lumen gloriae abſque aliqua interueniente operatio-
ne, atque adeo ſine proprio merito. Euidens eſt conſequentia quate-
nus de facto & de potentia ordinaria procedit, vt ex dictis conſtat.

Antecedens vero patet ex ratione quam paulo ante fecimus ad pro-
bandum chriſti animam accepiſſe gratiam ſine meritis. Etenim glo-
riae lumen neq. minorem ad gratiam neque remotiorem ſortitur ha-
bitudinem, quam caritas & ceteræ ſupernaturales virtutes, imo pri-
ma virtus ſeu primus habitus, qui competit gratiae ſecundum ſuam
naturam, eſt lumen gloriae, ſicut viſio beataque eſt propria luminis
gloriae operatio, eſt potiſſima gratiae conſumatio & perfectio. Naſc
licet in puro viatore, in quo gratia imperfectum habet ſtatum, prima
virtus quæ ex eius ſequitur eſſentia, ſit lumen fidei, at hoc per accidens
eſt gratiae, ex imperfectione q. ſtatus prouenit: In Chriſto autem in-
quo gratia eſt tanquam in ſuo præcipuo, imo & adequato ſubiecto, ac
proinde ſibi magis cõaturali, iuxta ſuperius dicta q. 2. nõ debet con-
ſiderari in ſtatu imperfecto, ſed potius perfectiſſimo, ſuæq. naturæ
magis proportionato, & in quo ipſa gratiae vis & poteſtas explicetur
perfecte, & ſecundum modum ſibi magis connaturalem. Ergo ex ip-
ſa Chriſti gratia primo & immediate abſque vlla interueniente a-
ctione, reſultauit in intellectu Chriſti gloriae lumen, atque adeo abſ-
que vilo merito Chriſtus lumen obtinuit beatificũ, & ipſam proin-
de eſſentialem animæ beatitudinem.

Probatur ſecundo. Omne Chriſti meritũ habuit ortum ex eſſentia
li gloria animæ. Ergo ipſa gloria non fuit præmium alicuius Chriſti
meriti. Hæc conſequentia maniſeſtiſſima eſt ex his quæ ſepe repetui-
mus & inculcauimus, nimirum, quod meriti principium nullatenus
poſeſt ſub ipſo merito cadere. Antecedens vero probatur. Prima ope-
ratio quam habuit Chriſtus ex parte intellectus, in qua potuerit totũ
eius meritum fundari, fuit viſio beatifica: quod ſic oſtendo. Non fuit
actus fidei nec alia quæcunque ineuidens & obſcura dei cognitio, nõ
cum tali dei cognitione non ſepoterat compati ipſa eſſentialis ani-
mæ gloria, quam ſupponimus datam fuiſſe Chriſti animæ in primo
incarnationis inſtanti: Nec vero fuit cognitio dei habitæ per ſcientiã
inſuſam, quoniam huiusmodi ſciẽtia, vt explicauimus circa præcedẽ-
tem conc. per ſe conſequitur lumen gloriae & viſionem beatam: nec
potuit vllatenus precedere naturę prioritate, niſi deus connaturalem
ærum ordinem abſoluta ſua potentia immutaſſet, quam immutatio-
nem ſine vrgenti cauſa ſapientiores theologi non admittent. Ergo

eſt

necessum fuit, ut prima operatio esset visio dei clara et facialis. Dicit quispiam. Ipsa dei visio, prout est principium dilectionis dei cum respectu ad creaturas, potuit esse principium meriti sui ipsius, prout est principium amoris dei ut est in se ipso summum bonum, omni respectu ad creaturas secluso, sed visio dei clara hac posteriori ratione, considerata essentialis est animæ gloria. Ergo formaliter gloria animæ potuit cadere sub merito Christi.

Respondetur primo, quod hæc solutio & obiectio ut plurimum procedit de potentia dei absoluta, nam certum est, quod secundum regularem & naturalem ordinem, clara & facialis dei visio prius ratione fertur in deum prout est in semetipso summum verum & summum bonum, quā prout est ratio & causa bonitatis creaturarum. Nos vero de facto loquimur naturalemque rerum ordinem sequimur in hac conc. & non absolutam dei potentiam attendimus.

Secundo respondeo, quod nec etiam secundum absolutam dei potentiam apparet factibile, quod visio dei clara & intuitiva non prius attingat deum prout est in se summum verum, summumque bonum, quā attingat ipsum, ut est ratio & causa bonitatis creaturarum: eo quod per clarā visionem videtur deus sicuti est in se ipso, iuxta illud 1. Ioan. 3. videbimus eum sicuti est. Igitur nullus potest fingi modus quo tueri possint aduersarii sententiam suam, puta, Christum per meritum proprium essentialera animæ suæ fuisse gloriam assecutum.

Confirmatur. Ea animæ beatitudo de facto est Christo tribuenda, in qua magis deo assimiletur. Sed Christi anima in eo assimilatur magis deo, quā per modum naturæ absque alia præsupposita actione ipsam divinam intueatur essentialiter, secundum quod est summum ens, summum verum, summumque bonum: nam potissima dei perfectio in eo sita est, quā naturali quadam necessitate suā in tuetur essentialiter, suamque ipsam bonitatem necessario prosequitur amore. Ergo similes actiones in Christo sunt constituendæ, non alijs prioribus vel temporis vel naturæ ordinis præsuppositis, sed quasi per modum naturalis inclinationis, habite.

Hæc quæ instruximus præcipua sunt & magis fundamentalia argumenta ad huius veritatis probationem, alia minutiora passim reperies apud classicos theologos. Vnde ad alias nostræ 2. conc. partes transeamus. Et quidem in secunda parte, quæ contrariam sententiam parum esse probabilem affirmat, qui attente argumenta quæ pro prima parte fecimus considerauerit, & ea æqua libauerit lance, parum repperiet difficultatis. Sunt enim argumenta illa adeo manifesta, ut nullum bene dispositum intellectum non conuincant. Missum facio paucissimos esse autores quibus contraria sententia probetur. et si olim non nulli graues eam fuerint tutati. Quidam ut verā. Quidā, ut aliquantum probabilem.

Tertiam vero conclusionis partem, quæ ab omni erroris & temeritatis nota contrariam eximit sententiam, negavit mag. Medina citato in loco, verum posterioribus S. Thom. interpretibus tam grauis hæc censura non probatur. Et quidem merito, nam sine vrgentissima causa non sunt damnandi graues autores, qui, hanc tenuerunt sententiam vel eam probabilem reputarunt. Albert. Mag. Alcius. Ale. Alen. & alij. Præsertim quod rationes a nobis pro nostra sententia factæ, quæ vt dicebam sunt ad eius corroboracionem præcipuæ, eam solutionem admittunt, quæ aliquantulum potest censerī probabilis, nimirum, quod per actum scientiæ infusæ ex parte intellectus, & per actum dilectionis Dei, ab eadem scientia regulatū, meruerit Christus ipsam essentialē animæ suæ beatitudinem, quæ in eodem instanti temporis esse potuit cum prædictis actibus meritoriis ordine naturæ præcedentibus. Itaque autores qui statuunt meritum essentialis gloriæ in Christo, non negant quin talis gloria esset Christo debita ex vi natiuitatis, & quasi proprietas in primo incarnationis instanti ipsam hypostaticam vnionem consequens, quod qui negaret temere satis loqueretur, & forsan in fide erraret. Sed admissa ista veritate, dicunt hanc gloriam fuisse datam Christo domino duplici titulo. Altero ex vi natiuitatis, quia erat vnigenitus Patris. Altero ex vi meriti, quod etiam pertinet ad Christi dignitatem, supposito quod sine carentia gloriæ potuit mereri illam, vt præcedenti diximus conclus.

Tertia Conclusio.

Supposito illo modo quo Christus defacto essentialē animæ suæ gloriā accepit, per nullam potentiam fieri potuit, vt illam mereretur. Statuit hanc conc. Med. loco citato, quem sequuntur nonnulli ex nouioribus S. Thom. discipulis, quæ & mihi placet, sed non in eo fortassis sensu in quo ab ipsis asseritur. Etenim eorum quidam, ob id negant, Christum potuisse animæ gloriā ex propriis meritis accipere, secundum eum modum quo ipsam habuit defacto, quia arbitrantur gloriam animæ Christi per simplicem resultantiam ex hypostatica vnione promanasse per modum propriæ passionis, nulla vera interuenienti dei actione. Quæ ratio apud me parum habet momenti, quia non admitto huiusmodi naturalem promanationem. Nam superius quæst. 2. art. 2. eam negavi respectu habitualis gratiæ Christi, multo maiori ratione debeo illam negare, cum loquor de essentiali animæ Christi gloria. Quoniam cum gloria non tam in habitu luminis aut charitatis, quàm in ipsa actuali Dei intuitiua visione essentialiter consistat, manifestum apparet non potuisse simpliciter sequi per naturalem aliquam resultantiam. Tum quia actus vitalis a viuente potètia elicitus, improprie dicitur simplici resultantia,

114 RELECTIO DE CHRISTI GRATIA

& effluxu procedere, quantumcumque naturaliter & necessario sequatur. Tum præcipue, quia ad facialem Dei visionem, iuxta probabilissimā & forsan certissimā Angelici Doct. sententiam 1. p. q. 12. a. 2. vñū principium necessario requiritur, quod ad naturālē resultantiam & effluxum minime pertinere potest, hoc aut principium est ipsa diuina essentia per modum speciei intelligibilis humano intellectui vnita. Equis vero dicat, quod hæc diuinæ essentię intellectualis vnio consequuta fuerit in Christo p simplicē emanationē, nulla noua dei actione interueniente, ex ipsa verbi ad humanitatē hyposthatica vnione, ego vero aduersus ita dicentē nō argumento, sed risu contenderē. Nō negauerim, imo tota mente crediderim, hāc intelligibilē vnionē quodam iure connaturalitatis humano Christi intellectui fuisse debitā, repugno tamen dicenti eam effluxisse ex hyposthatica vnione quadā naturali & simplici resultantia, ad eum modum quo rēfibilitas rationalem consequitur essentiam.

Alij vero theologi illam impossibilitatem, de qua loquitur nostra conc. inde sibi persuadent, quod putant nō potuisse simul stare in eodē temporis instāti animæ christi gloriam, & eius meritum. Quoniā, inquiunt, omnis supernaturalis cognitio, iu qua illud posset fundari meritum, etsi ab infusa scientia procedat intrinsecā tamen obscuritatem inuoluit, & ineuidentia supernaturaliū gratię mysteriorū, cū qua proinde stare nequit facialis Dei visio. Verū nos longe probabilius, ni fallimur, existimauimus circa primā con. cognitionē supernaturalem a scientia infusa elicitam, euidentem esse & claram in quocunq. constituatur intellectu, nam ratio scientię infusę intrinsecā postulat euidentia: alias enim nō scientia, sed fides aut quid simile esset. Vnde meritum in hac cognitione fundatū non impossibile fuit in eodem tēporis instāti cum beatifica Dei visione reperiri, quam tamen ordine naturæ præcederet, quæ præcessio, vt inter arguendum ostendimus, sufficiens esset ad meriti rationem.

His igitur prætermisissis nostræ conclus. fundamentis, quæ minus sufficiencia sunt ad fundandam prædicti meriti impossibilitatem. Sensus quem nos in tertia conclusione intendimus is est, quod nulla ratione fieri potuit, vt Christus essentialē animæ suæ beatitudinem mereretur, supposito quod eam acceperit modo connaturali, & proportionato ipsi hyposthaticæ vnioni. Qui modus in hoc consistit, quod beatitudo esset prima perfectio & operatio, quam habere Christiana anima verbo vnita. Ita quod nec ordine temporis nec ordine naturæ alia quæuis ipsam præiret operatio, sed ipsa potius esset omnibus prior, primaque aliarum omnium operationum Christi radix. Et quidem cum beatitudo essentialis debita esset Christo iure connaturalitatis, eo modo quo circularis motus debitus est corpori

cœlesti, (quo exemplo in quaestione 2. utebatur) vt seruaretur hæc connaturalis proportio, naturaleque ius beatitudinis essentialis ad hypostaticam vnionem; necessum fuit, vt prima operatio animæ Christi a verbo assumptæ ipsa esset facialis dei visio, nec aliqua alia actio inter animam assumptam a verbo, & ipsam beatificam dei visionem intercederet, sicut inter corpus cœleste, & circularem motum, nulla alia intercessit mutatio. Et reuera si actio illa medians inter Christi animam & essentialem eius gloriam, non esset eidem animæ connaturalis, & necessaria, sed ab eius libertate procedens, qualis esse debuit operatio meritoria, nullus sanę mentis dicere posset, quod Christus acceperit beatitudinem animæ admodum naturalis proprietatis, & vt sibi iure cōnaturalitatis debitam. Opponuntur. n. modi isti, scilicet, libertatis & cōnaturalitatis. Non nego intelligi posse, quod animæ gloria fuerit Christo data duplici titulo, nempe, vt debita iure connaturalitatis propter hypostaticam vnionem, & iure morali ex proprijs Christi meritis resultanti, nā hoc in gloria corporis ipsius met Christi fateri tenemur, vt inferius dicemus: sed id tamē affirmo, quod si ita data fuisset gloriæ aīæ Christi, minime fuisset seruatus ille modus, qui requiritur ad hoc, quod gloria detur animæ per modum naturalis proprietatis, & vt perfectio sibi debita connaturalitatis iure, sed potius indueret modū cuiusdam aduentitiæ & extraneæ perfectionis, etsi reipsa connaturalis esset perfectio, naturali que iure Christo debita. Et quoniam S. Thom. iudicauit, & quidem rationabiliter, non fuisse decens vt in glorificatione animæ christi, non fuisset seruatus modus iste connaturalitatis, idcirco asseuerauerit dixit, non potuisse christum essentialem animæ suæ gloriam mereri: quia, posita prædicti modi obseruatione, repugnabat tale meritum.

Sed dices, quare fuit indecens christo talis modi prætermisio, cū potius videatur decentissimum, quod christus sua operatione meritoria gloriam animæ sibi compararet, vt gloria rationem præmij, & coronæ haberet in Christo, sicuti habet in reliquis beatis. Et præterea, quia hoc modo christus aliququaliter a semetipso essentialem suæ animæ beatitudinem habuisset, & non totaliter ab extrinseco susceptam, quod non poterat non cedere in magnam ipsius christi dignitatem, grandemque suæ animę excellentiam.

Respondetur, quod cum creaturæ rationalis perfectio in assimilatione ad deum potissimum consistat, vt prædicant passim sacre literę imo & ipsi Etnici agnouerunt philosophi, Plato, Seneca, Plinius, &c. ob id essentialis animæ christi felicitas eo suam præcipue perfectionem sortitur, quo magis dei beatitudinem & felicitatem imitatur. Deus autem idcirco summa cum perfectione beatus est, summeque felix, quod non libertate, sed necessitate naturali suam omnem possi

det beatitudinem, perfectionem, & gloriam. Essentialis ergo animæ Christi felicitas eo quoq. perfectior est, quo ipsi animi est connaturalior, minuscq. ab eius libertate pendēs. Præterea cum Christus sit valde proportionatū & adæquatū gratiæ subiectū, non debuit gratia in ipso nec secundū ordinē temporis, nec secundum naturæ ordinē, ab ipsa perfecta ad perfectam progredi, sed ex vi suæ productionis, seu infusionis, vel ut alijs placet, emanationis, debuit esse summe perfecta. At si eam Christus suis actionibus promeruisse, gratia prius ordine naturæ imperfecta fuisset quam perfecta, quia quamdiu non intelligitur consummata per gloriam, necessū est imperfecta præintelligatur. Quā imperfectiōne, ut S. Th. & alij graues doctores, qui eius sententiæ subscribere a Christi gratia penitus eliminarent, asseuerantissime docuerunt, Christum dominum gloriam animæ suæ nequaquam meruisse. Iudicantes valde fuisse Christo indecorum, & indecens ab imperfecto ad perfectum in ordine gratiæ progredi, quia tam grandis, tamque excellēs huius subiecti gratiæ, nempe, christi perfectio, hunc progressum non patitur. Namque progressus iste a statu imperfecto ad perfectum, ex subiecti imperfectiōne, & potentialitate prouenire solet. Perfectio autem quæ ex ratione præmij & coronæ delumi posset in christi gloria, facis superque saluatur in gloria corporis christi: quam ipse post multa, magnaue suæ virtutis opera, ut eximium & præclarum suorum laborum præmium reportauit. Quin & addiderunt quod titulus hic præmij & coronæ non tam gloriosus fuisset christo, quā per modum solius connaturalitatis, absq. vllis meritis gloriam & immortalitatem corporis recipere, nisi ad humani generis reparationem fuisset necessarius, valdeq. expediens ad ipsam gloriam Dei exaltationem. Nam absolute & simpliciter multo maior perfectio est, & dignitas, tantam & animæ, & corporis gloriam ex seipso, & quasi ex principijs sibi intrinsecis habere, quam per modum præmij, & coronæ ab alio expectare. Nam qui expectat meritiq. ac laboribus aliquid querit, factō ipso protestatur bonum, quod ita insequitur, sibi suæq. naturæ debitum non esse, sed eius dumtaxat præmiatoris propriū esse apud quem illud meretur, & recipere conatur per modum præmij. Verum dicit quispiā & quidem nō irrationabiliter, quod hæc oīa, q̄ actenus diximus, nihil amplius efficiunt, q̄ q. christus meritis ordine naturæ præcedentibus aīæ gloriā non ipsā meruerit, verum nihil probant de operibus, q̄ vel tpe, vel naturæ posterioritate eandem animæ gloriam fuerunt consequuta. Nam ij qui ex nouioribus theologis arbitrantur, christum vel meruisse, vel potuisse mereri essentialē aīæ suæ gloriā, non tam ad præcedentia merita, quam ad subsequētia reeurrunt, affirmātes quod operibus sequentibus potuit christus gloriā ipsam mereri. Quare ut nostro plenè satisficiamus officio, hunc etiā merendi

*in ad potuisse gloriā
reale mereri potest
in subsequētia*

merendi modū oportet secludamus, & efficaciter expugnemus. Contra quē sic argumentor. Primo. Opera subsequētia essentialē animę gloriā, non aliter potuerunt illam mereri, quam si singamus eam fuisse collatā animę Christi dependentē a subsequētibz meritis eiusdem Christi, sed quod gloria ita fuerit data Christo, non consistit modo, quem diximus in conclusione precedenti, decere Christi dignitati, ac proinde de facto fuisse seruatum in ipsius animę glorificatione: nam sicut Christo ratione hypostaticę vnionis debita fuit iure connaturalitatis gloria animę, ita fuit ipsi debitum, quod independentē ab omni merito & prætérito & futuro conferretur. Id enim quod per modum naturę datur, absolute datur, & absq. vlla conditione interueniente, & absque dependentiā ab aliqua operatione libera, quia libertas, vt dicebam, naturę contra ponitur. Ergo, &c.

Præterea. Et si singamus eum tali operū subsequētiū dependentiā collatā fuisse Christi animę essentialē eius felicitatē, adhuc non sequitur q. operibus illis subsequētibz Christus mereretur, aut merere potuerit ipsam animę gloriā simpliciter, & quoad substantiā consideratam, sed eius dumtaxat continuationē: quia gloria in tali casu secundū substantiam suam præcederet in anima realiter suscepta omne eius meritum, vt necessarium ipsius meriti principiū. Et quamuis cōmentemur, animo q. singamus, quod nisi Deus præuideret, q. Christus bene vsurus erat & gratia & gloria sibi datis, quodque in multa bona opera proditurus esset, non conferret ei gratiam & gloriam, adhuc etiam non sequitur, quod propter opera subsequētia tanquam propter merita Deus contulisset christo gratiam & gloriam, quia illa operum subsequētiū præmissio tantum haberet rationem conditionis requisitę, & ipsa præuisa opera haberent, dumtaxat rationem effectus infallibiliter futuri. Nam quod effectus per se pendens ex animę Christi gloria tanquam ex principio a quo & substantialem meriti rationem, & meritorium valorem sortitur, vere eandem animi gloriam mereatur, ego propter solam ecclesię auctoritatem id definiētis crederem, solaque eius auctoritas suadere me poterit, quod in hac meriti ratione non inuoluatur manifesta contradictionis implicatio. Scio, dicit Franciscus a Cartagena discursu nono citato, id ipsum quod ibi de prima gratia dicebat, Inimirum, quod potuit Deus dare homini gratiam primam non absolute, sed quasi mutuatam, vt eam ipse postea suis operibus mereretur. Exemplum illud afferens de duce dante equum & arma militi: cuius exempli meminimus præcedenti dubio.

Idque ipsum dicere poterit de gratia vnionis, quod veluti mutuatione quadam daretur Christo cum dependentiā a futuris eius operibus & meritis. Miror plane virum ingeniosum quod videns & prudens

dens non solum a sententia S. Thomæ, sed a conuentioni Theologorum doctrina discesserit propter tam futilem, tamq. innanem sui discursus imaginationem, absque yllo fundamento & auctoritate confictam. Et primo quidem fictio illa de prima gratia non admodum grata apparet sanæ doctrinæ. Nam cum chatolica veritate reneamur credere, primam gratiam non cadere sub merito de condigno eius in quo suscipitur, imo nec alterius cuiusvis puræ creaturæ, illa doctrina magis erit consentanea huic chatolicæ veritati quæ impossibilitatem talis meriti fundare conatur. Quia si tam facile possumus adinuenire modum, quo prima gratia cadat sub merito, certe non erit ita valemus assignare rationem, propterquam deus non conferat homini primam gratiam propter huiusmodi meritum.

Dices, sufficere nobis scripturæ sacræ auctoritatem, ex qua constat gratiam primam non ex operibus nec ex meritis cōferri, nam vt Paulinus vtamur verbis si ex operibus gratia iam non gratiæ Ro. 1. Bene habet. Nam hac responsione euadent citatus author, & alii quibus eius sententia summo opere placet, omne erroris periculum, nec enim ego vt periculosam infide eorum doctrinam reprehendo, sed vt minus sanæ doctrinæ consentaneum auersor. Et rogo. Ex quo sacræ scripturæ testimonio conuincere me poterit contrariæ sententiæ author, vt constanter affirmem primam gratiam non conferri de facto homini vt mutuata & propter merita sequentia. Nam quid aliud habemus ex factis literis, nisi quod gratia prima nondatur ex operibus vt nunc nunc ex paulo referebam? At quis non videat non omni cum improbabilitate, sed magna cum aparentia dici posse, Paulum ibidem sola antecedentia opera exclusisse, quæ in ipsa dei gratia nō fundantur. Nam ad literam de operibus Mosaycæ legis sub quibus, vt grauissimis placet authoribus, opera etiam naturæ legis comprehendit, loquebatur dumtaxat. Præterea quid amplius in isto loco Paulus intendebat, quā q. alio dixit in loco ad tit. 3. Non ex operibus iustitiæ quæ fecimus nos, sed secundum suam misericordiam saluos nos fecit per lauacrū regenerationis, & renouationis, quem effudit in nos abunde, Ecce uides de quibus operibus loquatur Apostolus, & quæ opera a nostra iustificatione & renouatione eliminet, certe non alia nisi ea quæ fecimus nos ante susceptam iustitiam. Nec ei in mentē venit, quod opera gratiam subsequentiā meritoria esse poterant ipsius gratiæ. Quæ ob id a nostra iustitia non excludit.

Præterea, non cogit nos omnino ad excludendū istud sequens meritū primæ gratiæ, quod in scripturis sacris non iustitiæ, sed soli Dei misericordiæ in pijs iustificatio tribuatur, vt tribuitur certe non semel aut bis, sed millies, suntq. tam perula cunctis huius rei testimonia, vt non sit necesse ea in præsentia referre. Sed id est a nobis ostendendum,

dendum, quod is modus loquendi scripturæ sacræ non penitus elimi-
 nat a fidelium mentibus, illius subsequents meriti existimatio-
 nem. Quoniam illa gratiæ primæ mutuatio, quam prædictus auctor
 fingeat, nõ est opus iustitiæ, sed diuinæ liberalitatis & misericordiæ.
 Quod vel ipsa ratio mutui nobis manifeste ostendit, mutuari enim
 non iustitiæ, sed liberalitatis & gratiæ opus est, & ob id theologi, & iu-
 ris periti Carolo Moline in vsurarum materia contra fidem erranti
 non consentientes, dicunt non licere quidpiam ratione mutui ultra
 sortem recipere aut expectare, quia cum mutuum opus sit non iusti-
 tiæ, sed gratiæ, gratis dandum est, & absque vlla cõmoditatis expec-
 tatione, quæ gratiæ & gratitudinis limites exeat. Et ob hanc eamde
 causam non desuerunt quidam graues theologi, e quorum numero
 fuit Adrianus Pont. Max. in 4. tract. de eleemosyna, qui putauerunt,
 quod per mutuum adimpleri potest præceptum de elargienda elec-
 mosyna: quod sane præceptum non est iustitiæ, sed puræ misericor-
 diæ. Ergo cum illa primæ gratiæ mutuario reuera sit diuinæ miseri-
 cordiæ opus, facile interpretaremus scripturas sacras, quæ iustificatio-
 nem impij ad solam Dei reuocant misericordiam, quamuis admittā-
 mus illud subsequens meritum. Quoniam tota iustitia, quæ in ipso
 fundari potest, non valet auferre veram liberalitatis & misericordiæ
 rationem ab illa gratiæ antecedenti collatione, quæ cuiusdam mutua-
 tionis rationem induit. Dices vltcrius his omnibus, quod etsi scri-
 pturis sacris prædictam solutionem apparenter accommodare possi-
 mus, non tamen ecclesiæ definitionibus, & grauissimis sanctorum pa-
 trum decretis, quibus aperte definitur nullam iustitiæ interuenire rō-
 nē in opere iustificationis impij. Sed huic solutioni duo obstant, pri-
 mum, quod cum scriptura sacra sit vnum ex præcipuis totius nostræ
 religionis, & veritatis catholicæ fundamentis, & ex qua potissimum
 renincendi sunt Hæretici, quia & ipsi nobiscum sacram scripturam
 admittunt, debet theologus, si bene sapiat, suos omnes extendere ner-
 uos, vt ipsas nostræ fidei veritati ad scripturam sacram, quantum fie-
 ri poterit, reducat, eiusq. testimoniis corroboret. Secundo obstat, q
 omnes ecclesiæ definitiones, quæ in Conciliis & patrum decretis de
 hac re aduersus Pelagianos extant, in sacris fundantur scripturis, & ni-
 hil aliud definirunt, quam id quod ex scripturis sacris colligi sancti
 patres censuerunt. Legantur concilia Affricana omnia quæ aduersus
 Pelagianos fuerunt coacta. Legaturq. Innocentius primus in episto-
 la quam rescripsit ad patres Conc. Mileuitani quæ habetur inter epi-
 stolas Augustini epist. 93. & in episto. 91. ad patres Carthaginens. Con-
 ciliij, & legantur etiā epistolæ quas patres vtriusque Concilij ad ipsum
 Innocentium conscripserunt, quæ sunt 90. 92. inter Aug. epistolas. Ex
 quibus omnibus constabit, verum esse id quod nunc dicebamus. Ergo

*ut ad hunc alij
 de ius mutui*

eandem explicationem patitur Ecclesiæ definitio quæ de primæ gratiæ habetur in ecclesiâ, quâ admittit ipsa scriptura sacra. Et hoc ipsum vel ex eo confirmo, quod patres in Conc. cit. & alijs in locis in quibus de hac re tractauerunt, aduersus tantum hereticos Pelagianos instigebant sermonem, qui nihil de operibus gratiam subsequenter, sed totum iustificationis negotium ad naturalem humani arbitrij facultatem reuocabant: & in huius pestilentissimi dogmatis extirpatione laborauerunt, & quidem satis feliciter, præsci illi ecclesiæ patres. Hæc tam minutatim sum persecutus, quia vellem suadere nouioribus theologis, ut omnia inconuenientia attentissima consideratione meditentur, priusquam a communi theotogorum doctrina recedant, & quod magis ipsas fidei veritates rationibus ex principiis theologiæ peritis contentur stabilire, quam quibusdā metaphisicis argucijs infirmare. Et licet non ego tātus sim, ut theologos vel mediocriter doctos docere debeam, & valeam ipsa tamen rei veritas in hac parte se prodit, & quod ego vel inchoare in huius rei persuasionem nequeo, ipsa sola perficit.

Sed iam rationibus agamus contra illam doctrinam de gratiæ mutatione. Vel illa primæ gratiæ collatio tribuit dominium aut quasi dominium gratiæ ei cui confertur, ita quod vere & proprie dicatur illam gratiam propriam esse eius cui est collata, vel nullum constituit gratiæ dominium in ipsam suscipiente. Si dicas primum, ergo iam vere datur prima gratia homini absque dependentia ab eius meritis, quia illud dominium, quod acquirit gratiæ ex vi infusionis eius, sine merito datur, atque adeo sine meritis fit illa prima iustificatio. Item si per illam gratiæ collationem transfertur in suscipientem ipsius gratiæ dominum, ad quid obsecro confingitur illa mutatio gratiæ? Dices, quod vocatur mutatio, eo quod suscipiens accepit illam cum dependentia ab operibus sequentibus, ita quod deus repetet eandem illam gratiam ab ipso, si operibus sequentibus non eam mereatur. Contra vel illa opera sequentia sunt adhibenda ex ui precepti, vel ex consilio tantum: Si ex ui precepti. Ergo gratia aufertur ab illo non bene operanti, non quia illam suis operibus non meretur, sed potius quia non operando, cum teneatur, ipsam demeretur. Si uero ex consilio. Ergo ibi nullum mutationis reperitur vestigium, nam is qui mutuo aliquod accipit bonum, tenetur reddere aliud eiusdem speciei, vel saltem aliquid ei æquiualens. &c. Hæc dicta sunt de prima parte illius principalis antecedentis, ad secundum deinceps transeamus. Si igitur secundum admittis, nimirum, quod illa gratiæ collatio non conferat ipsius dominium ei cui confertur, sequitur quod opera quod ex illa gratia procedunt, non sint coram deo

Deo meritoria, neque valorem meritorium ab ea participant & ex consequenti, quod neque ipsam gratiam mereri possint. Sequellam probo. Nullus meretur nisi ex his quæ propria eius sunt, & quorum habet dominium seu quasi dominium; est enim de intrinseca meriti ratione, ut qui meretur, aliquid proprium exhibeat ei apud quem meretur, in cuius reciprocam æquivalentiam recipiat præmium ex bonis ipsius præmiantis desumptum. Si ergo gratia non sit propria ei cui confertur, non poterit esse principium merendi, nec poterit valorem meritorium operibus ex ipsa procedentibus præstare.

Simile omnino argumentum ei quod nunc de prima gratia informauimus, fieri potest de gratia vnionis, prout est principium meritorum Christi. Nam vel gratia hæc propria est Christo, ut hominibus, vel nō. Si primum, Ergo in dependenter ab omni merito collata fuit hæc gratia Christi humanitati. Si secundum. Ergo nō potuit esse principium cuiuspiam meritis: atque adeo nec Christus, ut homo, mereri potuit ipsam vnionis gratiam sibi collatam.

Secunda ratio quæ communis est, & ad primam gratiam & ad incarnationem Christi: sumitur ex eo quod dubio precedenti insinuauit videlicet, quod præmium anticipatum, si aliter non potest præmij rationem fortiri, nisi anticipare & ante meritorum existentiam conferatur, præmium reuera non est. Sicq. in forma constituo argumentum. Incarnatio non aliter potest esse premium meritorum Christi, nisi quatenus ipsa merita vel tempore vel natura præcedunt, nam est impossibile quod sit ipsis meritis posterior, cum sit primum eorum efficiens principium, primaque radix: ergo ab intrinseco repugnat ei, quod sit vere & proprie meritorum Christi præmium Probo euidenter consequentiā. Cui ab intrinseco repugnat habere locum proportionatum præmio, & quem premium ex natura præmij postulat, repugnat quoque & ab intrinseco ipsa essentialis præmij ratio. Et in omnibus iustitiæ commutationibus, existimo hoc argumentū esse demonstratiuum & manifestariū. Itaque si constituamus rem aliquā cui ex natura rei, & ab intrinseco repugnat aliter vendi, quam solutio ne anticipata, talis res sua natura est inuendibilis, & inepta venditioni, sed necessum est titulo gratuito conferatur. Quod ostendo primo. Anticipata solutio, ut dicebam superius, formaliter considerata prout anticipata est, nihil habet quod ad rationem attingat iustitiæ, sed opus dumtaxat est liberalitatis & gratiæ. Ergo res illa quæ non aliter emptionis & venditionis contractui afferri potest, quam sub anticipata solutione, inuendibilis prorsus est secundum regulas iustitiæ. Patet hæc consequentia. Quoniam anticipata solutio, ut anticipata, nequit regulari & mensurari per iustitiam, & per eius leges & regulas, quia non ad iustitiam, sed ad gra-

tiam & liberalitatem pertinet. Vltcrius. Ergo talis res sua natura est inuendibilis. Probatur hæc posterior consequentia. Quia venditio & emptio nõ per leges liberalitatis, & gratiæ, sed per leges tantum iustitiæ regulantur, atq. adeo inuendibilis cēferi debet res illa, cui ab intrinseco & ex propria sui natura repugnat prætium nisi anticipata solutione consignatum, cum talis prætii exhibitio non nisi per liberalitatis leges, quæ sunt ad emptionem & venditionem impertinentes, possit regulari, & iustitiæ legibus nullatenus subiiciatur. Confirmatur. Si oppositum demus, sequeretur quod ex parte vendentis reperiretur tantum opus iustitiæ commutatiuæ, & quod huic iustitiæ operi deberet necessario ex parte euentis respondere opus simul iustitiæ & liberalitatis, ac gratiæ. Consequens est chimericum & dictu absurdissimum. Quoniam gratia & liberalitas, non iustitiæ, sed gratiæ, & liberalitati respondent: ergo, &c. Loquor in hac ratione & in tota hac doctrina de repugnantia, quæ, ab intrinseco & ex natura rei quæ venditur, prouenit. Nam si ab extrinseco proueniret, nempe ex defectu emptionis, præsentis pecuniæ, &c. illud non inconueniret, nec redderet res huiusmodi inuendibilem.

Probatur secundo. Quod res aliqua non aliter possit contractui venditionis subijci, nisi sub anticipata prætii solutione, non aliunde prouenire potest, quam ex eo quod talis res sua natura inepta est emptionis & venditionis contractui, ad solamque potest gratuitæ donationis pertinere, nec assignabilis est alia causa, etiam si fingendi detur licentia. Ergo vera est illa doctrina a nobis præsupposita. Ex qua ad nostrum intentum manifeste deducitur, quod nec incarnatio Christi habere potuit rationem præmii respectu meritorum eius, nec prima gratia respectu meritorum alterius cuiusvis hominis iusti, nec denique essentialis animæ Christi gloria comparatione ad ea opera quæ ipsam gloriam fuerunt consecuta, & vim omnem meritoriam ab ea participarunt, & si non ut a radicali & primo, a proximo tamen & immediato principio Quo fit Christum nullatenus mereri potuisse essentialē gloriam animæ suæ, quoad eius substantialem entitatem.

De continuatione autem eiusdem essentialis gloriæ existimo proportionabiliter esse loquendum ad eum modum, quo dubitatione præcedenti de incarnationis continuatione loquebamur, nimirum, quod de potentia ordinaria tale meritum non decebat, quia non est bene proportionatum naturæ ipsius gloriæ Christo debite ex ui hypotheticæ unionis. Quoniam non solum est ei debita quantum ad sui inchoationem, verum etiam quoad perseverantiam & stabilem continuationem: quam & ipsa gloriæ natura per se postulat, eo quod est perfecta vltimi finis affectio. Vnde debuit conferri animæ Christi non in transcurso & per transenam, ut data fuit Paulo, in illo suo mirabili

raptu,

scriptu quē Aug. & Th. alijq. auctōres clarissimi non sine magno fundamento docuerunt, sed dari debuit Christo permanenter per modū eternæ vitæ & inuariabilis status: atq. adeo non fuit relicta sub dependentia meritorum Christi sequentium. De potentia vero absoluta non repugnat Christum meruisse huius gloriæ continuationē. Nō quidē quod ipsa Christi opera ex principio intrinseco, a quo procedebant, meritoriam hanc haberent virtutē. Nam totam eam, quam ab huiusmodi principio habere potuerūt, habuerunt de facto, eo q̄ infinitum sortita sunt valorem: sed ab extrinseca dei ordinatione, & promissione, quē vt superius dicebam, nequit constituere perfectam & intrinsecam rationem meriti.

Argumentis a principio huius tertij dubij propositis deinceps satisfaciamus oportet. Ad primū respōdetur, in illo Isaïæ loco nō fieri sermonē de beatificatiōe Christi visione. In quo conueniunt vniuersi illius loci interpretes. Quāuis non omnino sibi ipsis cōsentiant in assignando literalī eius sensu. Conueniunt quidem omnes, Vaticinium illud Isaïæ ad Christi resurrectionem, vel ad ea quę Christo post gloriosam sui corporis immortalitatem contingere, referendum esse. Consentiant enim vniuersi interpretes Iustino mart. in 2. dial. pro Christianis. dicenti quod cū Isaïas a principio capitis manifestā de christi passione tractationē instituisse: ab illis tamen verbis, Generationem eius quis enarrabit, ad Christi resurrectionem sermonē conuertit, & ad ea, quę post resurrectionem, & christo, & eius ecclesię acciderunt. De qua re legatur etiam Aug. l. ib. 1. de consensu Euā. c. 31. Ad quę tamen bona visio, & saturitas debeant referri, nō tam apud omnes constat: quāuis ea diuersa, quę dicunt, nullatenus sibi ipsis repugnent. S. Hieronymus refert christi visionem & saturitatem ad fructum passionis eius, qui in militanti ecclesiā resultauit: dicit enim, Videbit, scilicet christus post resurrectionem, & ascensionem suam ecclesiam in toto orbe diffusam & multiplicatam, eiusq; fides saturabitur. Non refragatur huic interpretationi Cyril. Alex. eundem versans locum, quāuis 70. interpretum sequatur versionem secundum quam non est legendum videbit & saturabitur, sed ita legitur. Et vult dominus auferre laborem animę eius, ostendere ei lumen: & formare intelligentia, &c. Itaq; illud verbum, Videbit, in versione 70. explicatur illis verbis, ostendere ei lumen: aliud verbū, Saturabitur, exponitur verbis sequentibus, Formare intelligentia. Sicq; ait Cyril. vult. n. deus pater auferre laborē animę eius, scilicet christi, id est, crucis tristitiā commutare gaudio, monstrando illi translatos in lucē, qui quondā erant tenebrę, id est, qui quondā errauerunt, quibus etiā sapientissimus Pau. in epi. ad Ephes. c. 5. scribit, qui quondā tenebrę,

Argumentorum solutiones.

nunc autem lux in Domino. Et paulo inferius, exponens Cyril. quid designent verba illa, Formare intelligentia, ita inquit, qui versantur in peccatis & creaturam p[er] creatore colunt, deforme habent cor, & animi seditionem, ad quendam enim dictum est voce Hierem. c. 22. Ecce non sunt oculi tui, nec cor tuum pulchrum. Sed cum fidem in Christo amplectuntur, transformantur intelligibiliter ad divinam eius & excellentem pulchritudinem. Et fere statim subdidit. Vult autem Deus & pater intelligentia, idest, sapientia sua. eos qui in ipsum credunt formare, ipsique conformes reddere per sanctificationem in spiritu. Hæc interpretatio ex antecedentibus, ibidem verbis constat, ex illis, videlicet, Si posuerit pro peccato animam suam, videbit semen longeuum, & voluntas domini in manu eius dirigetur, idest, prosperabitur in eius longeuo semine, nimirum, in fidei ecclesiav[is] que ad finem seculi duratura opus sanctificationis, in quo dei consistit voluntas, ut dicebat Pau. 1. ad Thesal. 4. Hæc est voluntas dei sanctificatio vestra. Et hoc quidem in manu Christi. Quasi diceret propheta, virtute passionis, & meritum eius hæc prosperabitur fidelium sanctificatio. Quam prosperitatem nunc Christus intuetur, eaq[ue] saturatur. i. magno gaudio, magnaq[ue] delectatione ipsam intuens perfunditur. Quod sane gaudium essentiali christi felicitati magnum, etsi accidentarium, ornamentum affert. Nō. n. deneganda est christi animæ huiusmodi accidentalit[er] suæ gloriæ perfectio; cuius totale complementum tunc habebit, quando seculi huius rebus omnibus peractis, & ad consummationem deductis, tradiderit regnum Patri & Deo, quando & ipsi o[mn]ia, plene erunt subiecta. Quando, videlicet, iusti omnes summo ei amore, ut cælesti Regi & capiti, plenissima obedientia parebunt, & humili ei seruientes affectu, gloriose cum ipso regnabunt. Et cū vniuersos sui populi, militantis. s. ecclesiæ hostes pedibus suis conternatos perfundabit, æternisq[ue] supplicijs addictos in inferni carceribus positos irridebit. Nec. n. ante accidentaria christi gloria suum omne sortietur adimplementum. Quod non obscure insinuauit Chrys. super c. 25. Matth. in imperfecto. Versans illa verba, Peregre perfectus est. Ad regna cælestia inquit ascensurus, & ad patrem suum, peregre se ibiturū dicit, propter charitatem sanctorum, quos relinquebat in terris. Et subdit, Christum maiori dilectione teneri in terris, dilectione gloriæ quam habebat in cælis. Et alia ibi dicit quamplurima, ex quibus constat felicitatem christi non omne suum complementum adhuc accepisse, quamdio sancti, qui sunt eius corporis membra in terris militant, & grandes propter ipsum persecutiones tolerant. Et quidem, quid ni hoc verum sit, cum sanctorum labores & persecutiones christus proprias, & sibi ipsi reputat illatas? Ut Act. 9. dixit Paulo quid me persequeris?

Aliter interpretantur alij verba illa, Videbit & saturabitur. Vide licet, quod illa visio ad ipsam Christi resurrectionē referatur. Quæ interpretatio satis aperte colligitur ex illis verbis 70. interpretum. Ostendere ei lumen. Nam quandiu Christi corpus exanime iacuit in sepulchro, in mortis erat tenebris constitutum: tunc autem vidit lucem, cum fuit resurrectionis gloria donatum. Cui veritati consentit id, quod Micheas cap. 7. in persona Christi mortem alloquens dixit, Ne lateris inimica mea super me, quia cecidi, consurgam, cum sedero in tenebris, Dominus lux mea est. Quasi diceret, cum mortuus in sepulchro iacuero, Dominus mihi lucē restituet, me ad immortalitatis vitam suscitando. Etenim non ob id tantum Christus e mortuis suscitatus dicitur vidisse lucem, quia hoc corporeum intueatur lumen: sed potissimum quia immortalitatis, & exaltationis suæ gloria potitur, innumerisque gloriosissimis exornatur & animæ, & corporis dotibus: omni ab anima passibilitate, omnique mortalitate a corpore seclusis. Satis namque consuetū est literis sacris, ea quæ felicia sunt ac prospera, & quæ præcipui gaudij & lætitiæ materiam præstant, lucis nomine compellare. Sicut e contra infelicia & calamitosa tenebræ vocari solent. Multa huic rei attestantia loca in sacris scripturis passim reperies, quæ non vacat in præsentia recensere, sufficiat illud quod habetur Esther c. 8. vbi de populo Iudaico, qui beneficio Regis Assueri, Regina Esther interuentu & magna sollicitudine impetrato, extremi supplicij, cui ex Regis sententia tenebatur addictus, timorem a se repulit, in hunc modū dicitur. Iudæis autem noua lux oriri visa est, gaudium, honor, & tripudium. Et illud Isa. 9. Populus gentium qui ambulabat in tenebris, vidit lucem magnam. Vnde merito Christus a mortuis resurgens dicitur vidisse lucem, & quod ei Deus lumen ostendit. Sed & saturitatem quoque tunc eatenus acceperit, quatenus & summa fuit fruitione perfusus, suæque omni felicitate absque villo humanarum passionum impedimento potitus. Sed & ipsa quoque vnde quæque perfecta corporis suscitari immortalitas & gloria non inepte Saturitatis voce nuncupatur, id est, omnimoda gloriæ plenitudo. Quam Deus sapientia sua in ipsa Christi humanitate effecit, formans gloriosissimum Christi corpus omni pulchritudine ornatum, vt 70. interpretū verbis vtamur, Et formare, inquit, intelligentia. Ad cuius similitudinem reformabit ipse Christus aliquando corpus humilitatis nostræ configuratum corpori claritatis suæ, vt Paul. ad Philip. 3. nos admonitos esse voluit. Non refragatur huic intelligentiæ Cyril. loc. cit. Ad quam intelligentiam pertinet versio alia quæ loco illius verbi, Videbit, ita habet. Textet gloriose. Quæ versio ab hebræorum mente non dissentit. Et horum verborū is est sensus. Textet opere picturato, ostro,

auro, & imaginibus corpus suū sacrū. Qua sane ornatiſſima, glorioſa q; textura artiſcioſe nobis & graphice Propheta depinxit ipſam Chriſti corporis e ſepulchro ſurgentis immortalitatem & gloriam.

Ad ſecundum argumentum Magiſter Med. cui fuit perſuaſum habituaſem gratiam fuiſſe Chriſto collatā ex diſpoſitione ordine naturę in genere cauſę materialis præcedenti, reſpōdet, quod ideirco per illam ſupernaturalem aſtionem, quę fuit diſpoſitio ad gratiā, Chriſtus nec gratiam nec gloriam meruit, quia fuerunt ſimul in eodem inſtanti temporis cum ipſa ſupernaturali aſtione. Caterū hec ſolutio probabilis eſſe poteſt, qua parte de gratia procedit, quāvis non ob id, quod illa operatio & gratia fuerint ſimul tēpore in Chriſti anima: quia, vt ex dictis conſtat, non eſt contra rationem meriti & præmij eorum ſimultas in vnico temporis inſtanti, nam ſatiſfuerit quod meritum ordine naturę præcedat. Sed quoniam illa operatio, eſſi præcederet gratiam in genere cauſę materialis, præſupponerat eandem in genere cauſę efficientis & formalis. At præmium, vt ſæpe dixi, non debet, neque vero ſine miraculo poteſt meritum antecedere, ad ipſum q; præſupponi: præſertim ſi præſupponatur vt eius cauſa, vt hic contingit. Verum qua parte de gloria procedit iſta ſolutio, merito diſplicuit poſterioribus S. Tho. interpretibus. Quia ex ea tantum ratione quod illa operatio fuerit ſimul tempore cum animā Chriſti gloria, nullatenus ſufficienter colligitur, eā non fuiſſe ipſius glorię meritoriā. Nam cum gratia in Chriſto fuerit prior gloria ſecundum naturę ordinē, commodè intelligitur, quod operatio illa, etiam prout informata gratia & charitate, fuit prius ordine naturę, quam ipſa animę gloria, atque adeo eius meritoria.

Igitur illa prætermiſſa ſolutione, reſpondeo iuxta ea quę dixi ſuperius q. 4. Chriſtum non accepiſſe habituaſem gratiā aliqua diſpoſitione mediāte, quę prior eſſet ipſa gratia. Eſti, vt ibi aduertit, diſpoſitio eandem gratiā cōcomitans in Chriſti ſanctificatione rationaliter conſtituatur. Quę tamen concomitans diſpoſitio vel fuit amor viſionem beatificam cōſequens prout liber & meritorius, iuxta modum in primo dubio huius articuli expoſitum, vel fuit aſtus charitatis perſequentiā inſuſam regulatus. Et ſive vno, ſive altero modo fuerit: præſupponebat viſionem beatificam, imo & amorem Dei beatificum & neceſſarium vt in illa 4. q. expoſui, in quibus aſtibus eſſentialiter conſiſtit animę gloria. Et quidem ſicut ad aſtū fidei ſupernaturalē non ponitur in alijs hominibus viatoribus aliqua præcedens diſpoſitio, eo quod per ſe loquēdo eſt primus hominis viatoris aſtus, quem habet erga Deū: ita in Chriſto ad primū ſupernaturalē intellectus aſtū non debet poni aliqua diſpoſitio præcedens. Hic vero primus aſtus in Chriſto nō fuit aſtus fidei, vel ſcietię inſu-

sz, vt ex antedictis constat, sed visio facialis & intuitiua diuinæ essentia, in qua essentialiter sita est animæ gloria, iuxta illud Ioan. 17. hæc est vita æterna, vt cognoscant te verum Deū & quem misisti Iesum Christum.

Ad confirmationem facile responderetur, non esse eandem rationē de contritione, & de prima operatione Christi supernaturali. Quoniam contritio est dispositio ad gratiam, prout in genere causæ materialis ipsam gratiam præcedit, & quia vt formata gratia & charitate tempore præcedit gloriam: idcirco potest esse, & est de facto ipseus gloriæ meritoria, siue mereatur eundemmet gloriæ gradum, qui primæ gratiæ respondet, siue alium nouum, vt quibusdam placet, de qua re alias est disputandum. Prima vero Christi operatio neq. gratiam, neque gloriam vlla ratione antecedit, sed vel est ipsa gloria secundum substantiam, vel est operatio ipsammet gloriam ordine naturæ præsupponens. Et ex hoc supersit explicatum reliquum quod in eodem secundo argumento ad eius finem additur.

Ad tertium argumentum breuiter dico. Ita se res habere, quod simultas temporis meriti & præmij non tollit essentialē meriti aut præmij rationem. Nec ob id negauimus Christum meruisse gloriam animæ suæ, quia non possent in eodem stanti simul esse meritum & præmium: nam hoc falsum esse crediderim, etiam si sermo fiat de vltimo præmio, nec S. Thom. vnquam contrarium asseruit, quidquid dixerint nonnulli thomistæ. Nam cum prima parte quæstione 62. ar. 4. dixit: Adgelum in primo instanti sui esse non potuisse simul mereri gloriam, & eam assequi, quia non possunt esse simul gratia imperfecta, quæ est principium inerendi, & gratia perfecta, quæ est principium fruendi: de eo tantum loquebatur merito, qui in fide & spe fundatur, & eam vocauit imperfectam gratiam, cui actus fidei & spei associantur. Quod sane meritum nequit esse in eodem temporis instanti cum vltimo præmio, videlicet gloria. Nos vero cum meritum & præmium vltimum in eodem instanti posse reperiri diximus, haudquaquam de isto merito loquebamur: sed de illo quod fundatur in cognitione per scientiam infusam habita, quæ cognitio, etsi imperfectior sit visione beata, non tamen cum ea pugnat.

Sed dices. Omne meritum includit spem consequendi præmij, sed spes nequit esse simul cum præmio, præsertim vltimo, ex quo formaliter pēdet ipsa spei ratio: nam quod habet quis, quid sperat? Ergo meritum nequit simul esse cum vltimo præmio: Responderetur, q. si legem regularem & ordinariam attendimus, ita plane est, quod meritum vel formaliter includit spem, speiq. actum, vel illam præsupponit ordine temporis vel naturæ priorem (loquor de spe largo modo prout extenditur ad desiderium vt Christi meritum quo sui corporis me-

ruit gloriam comprehendam) at si potentia dei absolutam contem-
plemur, non est necessaria spes ad meritum, nisi quatenus ipsemet
actus meritorius est implicita quedam expectatio premij, ea ratione
qua naturæ ordine ipsum præcedit. Et hoc modo posset contingere
meritum in Christo, secundum absolutam dei potentiam. Concedi-
mus ergo illi. 4. argumento, omniaque assumit, quatenus de absolu-
ta lege & potentia procedunt. Probat enim efficaciter illud argu-
mentum cum sua confirmatione, non repugnare merito ex intrinse-
ca meriti ratione, q. sit in eodem instanti temporis cum premio etiã
ultimo & maximo.

Ad quintum argumentum neganda est minor. Probationi dici-
tur, quod si Christus animæ suæ gloriam meruisset, nõ quidem seque-
retur illud primum inconueniens Christi dignitati cõtrarium, quod
in illo argumento explicatur, sequeretur tamen inconueniens aliud
secundum. Quoniam gloria non daretur animæ Christi modo sibi
debito. Debetur enim ei qua ratione est naturalis dei filius, quod pri-
ma eius operatio esset summe perfecta in suo genere, eo quod Chri-
stus est operans summe perfectus, ac proinde in sua operatione
non debuit procedere ab imperfecto ad perfectum, etiam secundum
ordinem naturæ, sed ab operatione summe perfecta inchoare debuit,
quæ esset prima radicalis causa aliarum omnium operationum, quæ
non tam essent perfectæ. Hæc autẽ perfectissima animæ Christi ope-
ratio, ipsa eius fuit essentialis gloria. Ita que si Christus ipsam animæ
suæ gloriam meruisset, non operaretur ut agens summe perfectũ, sed
ut imperfectũ potius, cuius propriũ est ab imperfecto ad imperfectũ
procedere, eiusq. gratia non esset omni ex parte perfecta, pleneq.
actuata, sed potentialitatis admixtionem haberet inibitam, ex qua
sola prouenit hic modus procedendi ab operatione, nempe, minus
perfecta ad magis perfectã, ob id enim agens sic operatur, quia exit
de potentia ad actum ut S. Tho. dixit 1. p. q. 85. art. 3. Ut hanc ergo im-
perfectionem a christi anima, & ab eius gratia auferamus, omnis ra-
tio meriti respectu essentialis gloriæ animæ releganda est a Christo,
cui sũma in ordine gratiæ tribuenda est perfectio. Nescio plane an in-
conuenientia alia, quæ theologi assignare solent ad excludendũ hu-
iusmodi meritum a Christo, sufficiant (si res bene expendatur) ad to-
talẽ huius meriti eliminationẽ.) Istud autẽ inconueniens, quod est iu-
dicio meo manifestissimum, existimo sufficiens esse ad fundandã hanc
theologicam veritatem. Ad illud autem quod in hoc 3. argumento
de iudiciaria Christi potestate intermiscetur, num videlicet, eam me-
ruerit, & quo tempore ei fuerit concessa, dicam in solutione argumen-
ti sexti.

Difficultas
de gloria
corporis.

In sexto & ultimo huius tertij dubij argumento ea difficultas exa-
minanda

minanda proponitur, quæ nisi ab alijs me prioribus & doctioribus, præsertim a Magist. Med. magna cum diligentia, & eruditione fuisset examinata, non possem non in eius explicatione longam disputationem texere, sed breuiter agam, quoniam ad alia neque minus vtilia, neque minus difficilia propero. Ergo ea est huius sex-
ti argumenti dubitatio. Num Christus gloriam sui corporis, sui-
que nominis exaltationem meruerit. Quæ in re & cum hæreticis &
cum catholicis nobis sunt manus conferendæ & si compendioso cer-
tamine. Ab hæreticis ergo inchoandum esse censeo, ut pestilenti pri-
mum euulsa radice saluberrimum fructum colligere possimus, sa-
nam, videlicet doctrinam statuere. Igitur Caluinus, in ea fuisse
videatur sententia, quod Christus nihil sibi meruerit, sed quod om-
ne eius meritum ad nos, ad nostramque vtilitatem sit referendum,
Quod ex duobus sibi persuadet. Primo, quia in scriptura sacra nul-
quam fit mentio de merito Christi comparatione ad præmium ip-
si Christo conferendum, sed totum refertur ad nos. Neque vñ-
quam legitur Christum aliquid pro se ipso petisse a Patre, sed to-
tum pro nobis, ut constat, Ioannis 17. per totum capitul. ad Ro-
man. 4. ibi, qui traditus est propter delicta nostra, & resurrexit
propter iustificationem nostram, & ex sequenti capitulo quinto, id
ipsum colligitur. Secundo probat, si Christus meruit gloriam sui cor-
poris, suiq. nominis exaltationem, sequitur, quod nō tantū debeamus
Christo in opere redemptionis nostræ, quātum sacræ literæ prædicāt,
quia non tam propter nos, quā propter semetipsum, propterque glo-
riam suam humiliatus fuisset, & mortuus, Ut in simili argumentaba-
tur Cyril. aduersus hæreticos Arrianos in lib. 3. thesauri cap. 2. Ita in-
quiens. Sin vero (ut ipsi dicunt) exaltatus post incarnationē est filius
Dei, & factus sublimis, quod ante non habebat, pro se magis
incarnatus esset quam pro hominibus. Sibi enim magis secundum
nos profuit quam hominibus. Ita non pro nostra salute magis
quim ut ipse exaltaretur, nomenque maximum assequeretur, hoc
factus esset. Et fere statim inquit, quomodo pro nobis mor-
tuus est, si ea pro morte Deus ipse ac filius Dei appellatus est?
His similia reperies apud Athanasium in oratione secunda contra Ar-
rian. ex qua oratione violentū videtur desumi argumentum pro sen-
tentia Cal. Sæpius enim ibi repetit Athan. exaltationem christi quam
Paul. commemorat & claritatem, & gloriam, quam christus petijt a
patre Ioan. 17. non ad ipsum christum, sed ad nos pertinere. Et inter
alia hæc dicit Athan. frustra innititur Arriani coniunctio isti Ideo,
dum a Paul. dicitur, Ideo & Deus exaltauit illum. Non enim præ-
miū virtutis nec præstantiam in proficiendo verbis significauit; sed
causam sublimationis, in nos redundantis. Ecce quemadmodum

his denotant, ex nullo earum loco posset colligi, christum hominibus quidpiam meruisse. Quod asserere manifestus esset in fide error: ergo, &c. *Isaia* 53. Si posuerit pro peccato animam suam videbit semē longeuum, & voluntas domini in manu eius dirigetur. Et multa alia in toto cap. residuo habentur, quæ nihil aliud designant, quam gloriā & exaltationē nominis christi, eiusq. externū splendorem, mirabilēq. gloriā, quam Christus laboribus & passione sua obtinuit. *Apoc.* c. 5. dignus est agnus qui occisus est, accipere diuinitatē, gloriā, & fortitudo diem. Diciturq. christus accepisse diuinitatē, quatenus passione sua meruit suæ diuinitatis manifestationē, itaq. & angelis & hominibus constaret, in ipsisq. infernis locis esset manifestum, quod christus est verus Deus, vnigenitusq. Dei filius, ac omnis proinde lingua siue sua sponte, siue coacta & inuita confiteatur, quod dominus iesus Christus in gloria est Dei patris. In hoc enim consistit gloriosa nominis Christi exaltatio, & donatum ei esse nomen, quod est super omne nomen, nimirum, vnigeniti filij Dei: quod sanē nomen, vt *Ambr. cit.* in loco & vnuerſi Patres aduertunt, datum fuit Christo per vnionis gratiam, in ipso suæ incarnationis instanti, sed manifestationem prædictā accepit postquam resurrexit a mortuis. Vnde *August. tract. 104. cit.* inquit. Hæc est glorificatio domini nostri iesu Christi, quæ ab eius resurrectione sumptis exordium. *Ioan.* 17. in hunc modum Christus Patrem orabat, Clarifica me pater apud te ipsum, claritate quam habui priusquam mundus fieret, hanc claritatem, seu, vt alij legunt, gloriam, ipsam esse christi diuinitatem, cuius manifestationem in sui corporis glorificatione, in suiq. nominis exaltatione christus petebat, docent vnanimiter ecclesiæ Patres, quoties de re ista eis incidit sermo, Legantur speciatim *Aug. in tract. cit. super Ioan.* *Athan.* & *Cyrl. loc. cit.* Deficeret me dies in referendis scripturæ sacræ pro ista veritate testimonijs. Circa sequentem conclusionem adducam alia quæ ad hanc primā conclusionē comprobandā valde conferre poterunt.

Probatnr secundo conclusio ex grauissimis Patrum testimonijs, qui hanc apertissime veritatem vnanimi consensione docuerunt. *Cyrl. lib. 4. the. c. 2.* *Basil. 4. lib. contra Eunomium.* *Ambro. & Aug. loc. cit.* Legatur etiam *Aug. lib. 3. contra Maximianum c. 2. & lib. 1. de consensu Euang. c. 31. & super illud Psalm. 109. de torrente in via bibit, propterea exaltauit caput.* Qui locus scripturæ sacræ etiam est inanis festissimus pro hac veritate confirmanda. *Athanasius* in oratione citata hanc apertissime veritatem docet, cuius & *Cyrl.* mentem aperiemus continuo. Denique vnuerſi Patres hanc veritatem vel expresse docent, vel cum de hac re eis incidit sermo, tanquam certam in veritate catholica præsupponunt. Legatur *Hugo de sancto Victore lib. 1. de sacramen. par. 2. c. 6.* *Theologi & Scholastici omnes cū suo*

magistro in 4. distinctione 18. hanc veritatem vt certam & indubitam
vnanimi consensione docuerunt.

Ratione tandem theologica hæc veritas manifeste probatur. Chri-
stus secundum fidem fuit viator, ac proinde meriti capax, & eius
operationes fuerunt proportionatæ huic præmio, omnesque alias cõ-
ditiones ad meritum requisitas habuerunt. Ergo de facto christus
hoc præmium sibi inuinit, minor quoad secundam partem, puta,
quod Christi operationibus non deessent conditiones requisi-
tæ ad meritum, constat ex retro à nobis disputatis, & assertis.

Quod vero proportionem habuerint cum hoc præmio, scilicet,
gloriosa nominis christi exaltatione, probatur. Humilitatis virtus
eiusque operatio magnam habet proportionem cum præmio, quod
exaltatione & claritate constat, iuxta id quod christus dicebat, Luc.
capit. 7. omnis qui se exultat humiliabitur, & qui se humiliat exal-
tabitur; sed christus valde se, coram deo humiliavit, humillimam
que ei fuit obedientia subiectus in omnibus suis actionibus. Er-
go omnimodam habuerunt proportionem christi operationes cum
præmio exaltationis & gloriæ sui nominis. Quod non latuit Pau-
lum, cum loco citato christi exaltationem ad humilem ipsius obedi-
entiam reuocauit, & non ad charitatem, nec ad religionem, nec ad alia
virtutum opera, cum tamen potuisset, multo exaltationem, & gloriam
sui nominis, multoque magis ad charitatem, & religionem, & ad alia
virtutum opera.

SECVNDA ASSERTIO, quod christus propter meritum suum
in gloriam suam exaltatus sit.

CHRISTUS V. S. V. & proprie sup. corporis immortalitatem, &
gloriâ promeruit. Ista assertio quibusdâ theologis apparet nõ
tã certâ vt præcedens, atque adeo dicunt eam quidem verissimam esse,
ad fidem tamen non pertinere. In hanc sententiam ob id ducuntur,
quia omnia, inquit, scripturæ sacræ, & Patrum testimonia in quibus
de christi merito, quod gloriam suam, & claritatem ipse pro-
meruit, sit sermo, commodam habent intelligentiam si ad exalta-
tionem & glorificationem christi nominis, de qua in assertionem
præcedenti, referantur. Verum alijs theologis & ijs quidem gra-
uissimis aliud apparet, consent enim hanc secundam assertionem
non inter probabiles theologorum opiniones connumerandam
esse, sed vt certam fidei veritatem fore credendam. Ita censet
inter alios magister Med. loco superius citato & mihi ita dicendum
apparet. Et probat primò ex quibusdam scripturæ sacræ locis, qui
non commode interpretari possunt, nisi de gloria, & immortalitate
corporis christi. Lucæ 24. Nonne hæc oportuit christum pati, & ita
intrare in gloriam suam. Quod si velimus scire, quænam fuerit hæc
gloria, & vnde inchoauit, explicuit nobis ipse christus, eodem

cap. fere ad finem. Quoniam sic scriptum est, inquit, & sic oportebat Christum pati & resurgere a mortuis tertia die. Quod prius dixerat intrare in gloriam suam, nunc dixit resurgere a mortuis tertia die. Ad Hebræos ca. 5. qui, nempe, Christus in diebus carnis suæ preces supplicationesq; ad Deum qui possit illum saluum facere a morte cū clamore valido & lachrymis offerens, exauditus est pro suæ reuerentia. Huius loci memini superius in 2. art. huius 5. q. dubio 1. cui duas expositiones adhibuimus, quoad illam eius partem qua dicitur, exauditus fuisse pro sua reuerentia. Nunc vero ponderandum est manifeste colligi ex hoc testimonio Christum orasse ac deprecasse deum; ut ipsum a morte liberaret, id est, per gloriosam resurrectionem eum a mortis potestate, & vinculis erueret, pro qua re fuit exauditus a deo pro sua reuerentia, id est, vel quia reuerentiam humilem ipse exhibebat Patri, vel quia merebatur exaudiri, eo quod omni reuerentia & honore esset dignissimus. Cuius exauditionis meminit regius Vates psalmus 15. vbi in persona Christi loquens sic, inquit, propter hoc lætatum est cor meum & exultauit lingua mea; insuper & caro mea requiescet in spe. Quoniam non derelinques animam meam in inferno, nec dabis sanctum tuum videre corruptionem: Ergo Christus pro gloria sui corporis orauit patrem, ipsamque proinde, & impetrauit, & meruit.

Sed hoc testimoniū & ab hæreticis qui hanc cōci, 2. omnino negāt, & a catholicis theologis qui eam non esse in fide certam existimant, diuersis modis infirmari potest. Calu. enim illud, pro sua reuerētia, sic debere intelligi, ait. Exauditus est a suo metu. Ita q; Christus ex metu æternæ damnationis oraret patrem, non pro gloriosa corporis resurrectione, sed ne ab æterna vita excluderetur, perpetuisque addiceretur supplicijs, in quo fuit a patre exauditus. Hæc intelligētia plena est hærico, blasfemo, & sathanico spiritu, quam erudite satis confutauit Robertus Bellarminus in 1. Tom. suarum controuersiarum. Controuersia secunda generali lib. 4. c. 8. ad finem. Cui nihil mihi se offert addendum, quod alicuius possit esse momenti ad prædictam intelligētiā confutandam. Reuisat lector, quæ loc. cit. dixi circa huius testimonij expositionem, ex quibus constabit hanc stultissimam Caluini intelligētiā contrariam esse patrum menti.

Catholici autem theologi id nobis possunt opponere, quod ex hoc loco colligitur quidem Christum & impetasse & meruisse resurrectionem sui corporis, non vero eius immortalitatem, & gloriam. Verum hæc obiectio & euasio parum videtur habere fundamenti, cū quia Christus orabat patrem, ut eum absolute a morte saluū faceret, id est, ut ipsum immunem redderet a tota mortis potestate.

At si solam resurrectionem, absque corporis immortalitate peteret, certe non absolutā a morte libertatem desiderasset, neque eam impetrasset oratione sua. Nā si resurrexisset mortalis & iterum moriturus, nō esset saluus a morte factus simpliciter & absolute, sed secundum quid duxat, scilicet, p̄ illa vice. Tum, quia certū est christū petiisse eam resurrectionem quā impetravit a patre, impetravit autē resurrectionem immortalis & gloriosi corporis, resurrexit enim Christus, ultra non moriturus. Christus enim resurgens ex mortuis, inquit Paulus, iam non moritur, mors illi ultra non dominabitur. Certē negari non potest, quin hanc totalem, & plenariam exemptionem à mortis dominio Christus petierit, pro ipsaque orauerit. Sed est & aliud testimonium pro hac veritate luminopere expendendum. Ad Hebręos. 2. Videmus Iesum propter passionem mortis gloria & honore coronatum. Et ferē statim subdit Paul. decebat enim eum propter quem omnia, & per quem omnia, qui multos filios in gloriam adduxerat, authorem salutis eorum per passionem consummare. Seu vt alij legunt, consumari. In quo testimonio in priori eius parte expresse asseritur, quod propter passionem suam Christus gloria & honore fuit coronatus. At certum est, quod gloriosa corporis Christi immortalitas comprehenditur sub corona honoris & glorię, qua Christus decoratus est & coronatus. Ergo hanc Christus fuit assecutus per suam passionem, id est, propter meritum suę passionis, hoc enim dissignant illa verba Pauli propter passionem mortis. Præterea ponderandum est in 2. parte eiusdem testimonij. Illud verbum consummare seu consumari denotat enim consumationem glorię. Quę consumatio sine dubio facta fuit, in ipsa corporis immortalitate, & in alijs dotibus ad ipsam pertinentibus. Christus enim a primo suę conceptionis instanti fruebatur essentiali animę gloria, quę tamen ob id non erat consummata, quia nec ipsam animam penitus impassibilem, nec Christi corpus reddebat immortale, omnique glorioso ornamento decoratum. Vnde cum in puncto resurrectionis hunc omnem glorię effectum Christus fuit assecutus, simpliciter fuit consumatus, id est, consumata gloria præditus. Quartum testimonium est, illud quod ex Apoc. c. 5. retulimus pro conclusione præcedenti, in quo ponderanda sunt illa verba, accipere diuinitatem. Etenim Christus non aliter diuinitatem accepit, quam exuens seruilem modum, quem in corruptibili carne assumpserat: Nam hac ratione Paul. ad Phil. 2. dixit, quod Christus in incarnatione, exinaniuit semetipsum formā serui accipiens, id est, quatenus corruptibili corpore ad seruiendum idoneo & parato ipsam diuinitatis maiestatem occultauit, quę tunc manifestata fuit cum interna Christi animę gloria, quam exui hypostaticę vnionis à primo suę conceptionis instanti habuerat latrantem & reconditam, semet-

ipsam

ipsam in gloriosam corporis immortalitatem & impassibilitatem explicuit. Neque vero alia ratione potuit cum proprietate Christus dici diuinitatem accepisse. Nam quamdiu in natura corruptibili & mortali persisteret, quantacumque alia & honoris, & auctoritatis gloria splendesceret, semper esset seruilis forma indutus, semperque exinanitus diceretur. Vnde quando Christus voluit tribus selectis discipulis, quoddam suæ maiestatis & diuinitatis vestigium ostendere, nō solo magnifico patris testimonio a lucida nube delato contentus fuit, sed quandam immortalitatis & impassibilitatis corporeæ eis simul speciem exhibuit. Nam integra Christi gloria & eius humanitatis manifestatio, hoc vtrumque postulat, nimirum, & ipsam corporis immutationem, quæ proportionata sit internæ animæ gloriæ, & ipsi christi diuinitati, & illud idem manifestum Patris testimonium, quo christum verum esse dei filium patrisque charissimum vnigenitum constet, & hanc gloriam Petrus 2. can. c. 1. intendebat nobis explicare cū dixit. Sed speculatores facti illius magnitudinis, accipiēs enim adeo patre honorē & gloriam voce de lapsa ad eum &c. Et fere statim subiunxit. Et hanc vocem nos audiuius de cœlo allatam &c. Duo pertinebāt ad christi gloriam & magnitudinem. Alterum quod corporeis oculis cernebatur. Quod Petrus insinuauit illis verbis, speculatores facti illius magnitudinis. Et Alterum quod corporeo percipiebatur auditu. Quod Petrus vltimis illi verbis denotauit, scilicet, quam vocem nos audiuius &c. Et hanc gloriam seu claritatem petebat Christus a patre loa. 17. illis iam citatis verbis, clarificame pater &c. Expendenda præterea sunt oīa verba citati testimonij, ex Apoc. 5. Dignus est agnus qui occisus est, accipere virtutem & diuinitatem, & sapientiam, & fortitudinem, & honorem, & gloriam, & benedictionem. Denique vniuersa scripturæ sacræ testimonia ex quibus constat Christum suam exaltationem meruisse, confirmant hanc assertionem secundam. Quoniam totius exaltationis Christi exordium a resurrectione incepit, vt Aug. expressis verbis superius citatis dixit. Et Athan. oratione citata his verbis docet. Et si sicut homo mortuus fuerit, attamen vt vita exaltatus sit resurrectione. Et certe isti patres & quos superius pro assertionem præcedenti citauī, illam exaltationem, quam Paulus ad Philip. 2. dixit christum humilitate, obedientia, & morte promeruisse, ad eius resurrectionem reducunt, qua Deum christum exaltauit. Expendatur hic ille locus ex Isa. cap. 53. conclus. præced. citatus. Præterea ratione in scripturis sacris fundata hanc eandem confirmo veritatem, simulque illam apparentem solutionem impugno, qua theologi contrarium nostræ conclusionis sentientes, hæc omnia labefactare suo iudicio poterunt, videlicet, christum resurrectionem quidem suam meruisse, immortalem autem vitam & glo-

passibilis & iterum moriturus resurgeret, non constitueretur extra statum viz, quia semper maneret secundum inferiorem animæ partionem aptus ad satisfaciendum, & merendum, ergo illa perfectio per quam per se primo constitutus fuit Christus in statu perfectissimi cōpræhensoris, & omni ex parte felicitis & beati, fuit corporis immortalitas, & gloria. Et de hac loquebatur Christus Luc. 24. cum dixit, hæc oportuit Christum pati, & ita intrare in gloriam suam. Nam tunc cū adhuc non splendisset ascensionis gloria, non in aliam videtur intrasse gloriam quando hæc dicebat. Derivatio igitur & redundantia gloriæ animæ ad corpus fuit terminus propriissimus viz christi, qui solus sufficeret eum plene beatum constituere, & nihil aliud sine ne illo. Ex his omnibus aliisque similibus, quæ contulito prætermitto. Existimo hanc secundam assertionem certam esse fidei veritatem.

Ad argumēta quæ pro Cal. sententiæ vel blasfemo potius errore propositum, non difficile respondebitur. Et primo quidē argumento dicitur, manifeste constare ex testimonijs scripturæ sacræ quæ in probatione conc. adduximus Calvinum mentitum fuisse in caput suum: sunt enim multa innumera scripturarum testimonia ex quibus aperitissime constat Christum pro gloria sui corporis, proq. sui nominis exaltatione, quam sæpius Patrem orasse. In cuius rei confirmationem adduci potest illud ex Psal. 2. Dominus dixit ad me filius meus es tu, ego hodie genui te, postula a me & dabo tibi gentes hereditatem tuā, &c. Quo loco diuinus pater non aliter voluit Christo gentilem populum in hereditatem tribuere, quam præsupposita ipsius Christi petitione & oratione: atque adeo fatendum est christum orasse patrem, eiq. propria obtulisse merita, vt extensionem imperij & regni spiritualis ad gentilitatem acciperet. Neque enim christus absque obsecrationibus & meritis calciamentum suum in Idumeam extendidit. Missum facio illud argumentum esse satis debile, etsi hæreticis valde familiare, Non habetur in scriptura expressum: Ergo non est certum secundum fidem. Nam sufficit haberi ex certissima ecclesiæ traditione patrum monumentis testatam.

Secundo argumento dicitur, quod quamuis admitteremus christum essentialem suæ animæ gloriam meruisse, illud argumentum nullas haberet vires. Quia cum diuinum verbum nullam in se ipso perfectionem acquireret ex huiusmodi gloria, eo quod in semetipso ab æterno præhabet eminentissima quadam continentia eam omnē perfectionem, quæ & in gloria animæ, & in gloria corporis reperiri potest. Nullatenus debet dici ipsum venisse in mundum propter aliquam perfectionem sibi acquirendam, sed tota sui aduentus utilitas ad nos, ad humanamque nostram naturam pertinet. Non tamen

negandum est, quin postquam Deus propter nos homines, & propter nostram salutem humanam assumere naturam decreuit, voluerit eam ijs supernaturalibus exornare muneribus, præclarissimisq. & gratiæ & gloriæ dotibus illustrare, quæ ipsam a diuino verbo in vnitatem personalem assumptam naturam quamplurimum decerent. Hoc enim ad ipsam diuini verbi maiestatem pertinuit, fuitq. omni rationi consentaneum, vt postquam Euang. Ioan. in prioribus nostris prothematis verbis dixerat, Verbum caro factum est, posset mox subiungere, Et vidimus gloriam eius, gloriam quasi vnigeniti a Patre plenum gratiæ & veritatis. Sed hæc omnis perfectio, quam verbum vt suæ dignitati decentissimam assumpsit, in spiritualem nostrâ & dignitatem & vtilitatem cessit. Sicut honor & gloria capitis ad eius membra refunditur. Si quidem, vt olim multi putauerunt hæretici, christus non esset verus deus, vnum ac idem suppositum cum diuino verbo, sed per gratiam aut per merita propria, vel ipsam cum diuinitate realem vnionem, vel alium quemdam conuinctionis modum ad ipsam diuinitatem fuerit assecutus, tunc illud argumentum efficacissimam vim haberet. Nam homo ille Christus ab hæreticis confictus, venisset certe per se primo propter maximam sui vtilitatem, propter acquirendum illud tantæ tamq. excellentis dignitatis fastigiû, quod ex seipso non habebat, & cuius tanta esset dignitas, vt infinito excessu superaret omne illud bonum, quod nobis ex christo potuit pueniri. Et in hoc posteriori sensu argumentabantur Cyri. & Ath. contra hæreticos Arria. loco in hoc 1. arg. cit. Non uacat in præsentia in speciali recensere modum illum hæreticum vnionis christi ad deum, quem patres isti prædicta argumentatione confutarunt. Quem vix ipsi intellegebant, vt pote in intelligibilem, & inconstantem. Quoniam autem testimoniû Atha. magis aliquantisper nos vrget, duo sunt aduertenda in eius doctrina, quam in oratione prædicta secunda, & in oratione 4. vel sermone 4. sequenti tradidit. Alterum est, quod cum illam particulam, Ideo, in illis Pau. verbis. Ideo, seu vt nos legimus, ppter quod & deus exaltauit, negat importare virtutis premium, non absolute negare inrendit causam meritoriam denotare, cum expressis uerbis ibidem eam fateatur: sed tantum negauit Christum propter sua opera humilitatis, obedientiæ & c. diuinitate profecisse, aut aliquid obtinuisse perfectionis, quam in semetipso excellentissime non præhaberet. Quæ intelligentia manifesta est ex ipsis Ath. verbis supracitatis, ponderandum est illud verbum, Proficiendo. Alterum vero in doctrina Atha. adnotandum illud est, quod cum omnem humanitatis Christi exaltationem & excellentiam ad nos, ad nostramque vtilitatem referendam, esse dixit, & quod nobis & pronobis eam postulauit a patre, minime negauit, ipsam christi humanitatem fuisse per resurrectionem exaltatam & ad

& ad magnificam gloriam euectam, nam hoc verbis expressissimis in utraq. oratione affirmat. Sed id tantum magnus hic pater Atha. intendit, quod Christus eam exaltationem & gloriam non accepit vt sibi simpliciter necessariā, quia cum esset verus Deus, diuina infinitaque gloria & maiestate præexcellēs, nulla creata glorificatione indigebat, sed illam accepit propter ipsius humanitatis quam assumpsit indigentia, quæ ex sua specie considerata egena erat, & pauper, et si omnis peccati expers, & vt ex ipsa humanitate in oēs homines deriuaretur. Ita q. in ipso tamquam in capite tota humana natura exaltata fuit & glorificata, iuxta eum modū quo Pau. ad Ephes. cap. 2. dicebat, ediuificauit nos, cōresuscitauit, & confedere fecit in cælestibus in Christo. Quo loco ad literam loquebatur Apostolus de ipsa humanitatis Christi exaltatione per resurrectionem & ascensionem facta. Vt hanc fuisse mentem Atha. aperte cognoscamus, notentur illa verba orationis 2. Sed caro assumpta ab ipso illa est, quæ in eo & ab eo innungitur, vt sanctificatio quæ in dominum, vt in hominem inferitur, in homines deinde ab eo dimanaret. Quod in ijs verbis de sanctificatione expræsit, quam sapius ibidem de exaltatione dixit.

Ad confirmationem negandum est antecedens. Nam Christi charitas, vel ex eo in hominum redemptione, excellentissima quadā claritatis irradiatione emicuit, quod eam sui corporis exaltationem, & gloriam, quæ eius humanitati ex vi hypostaticæ vnionis propria erat, & cōnaturalis, atque adeo debita, noluit sibi assumere, nisi magnis & vitæ & mortis suæ laboribus interuenientibus, quos pro ipsa humani generis redemptione & salute ferre voluit & tollerare. Vnde re ipsa Christus nihil sibi acquisiuit, quod aliās ad eum etiam vt hominem, propter hypostaticam vnionem non simpliciter attineret. Solumq. nouum titulum, nouumq. ius meritorium sibi comparauit, sine quo mediante noluit eorum bonorum, quæ sibi tam erant debita & cōnaturalia, vsum & possessionem accipere. Quare si cum rigore loquamur, concedi debet quod Christus nec vt Deus, nec vt homo propter vtilitatem propriam nostram fuit salutem operatus, sed totus eius labor, omnisque operatio ad ipsam humani generis spiritualem vtilitatem spectauit. Et ob id Christus in sacris literis non semel nostrum semetipsum appellauit seruum, nobisq. seruientem, vt Isaïe c. 53. adnotauit Cyril. Quia proprium serui est, omnes suas operas, omnesq. labores non impropriū commodum, sed in solam domini sui vtilitatem expendere. Et hætenus dictum sit de hac disputatione, quatenus cum hæreticis erat tractanda.

Cum catholicis theologis deinceps agendum est. Nam licet omnes in ea conueniant sententia, quod christus sui corporis meruerit gloriam, non omnes tamen eundem in hac veritate explicanda modū

seruant. Scotus namq. in 3. distinct. 18. q. vnica. docet christum non immediate per se, sed indirecte sui corporis gloriam promeruisse, nō directe & per se primo solum meruit remotionem illius impedimenti, quo ex peculiari dispensatione gloria animæ detinebatur, ne refunderetur ad corpus. Magist. sentent. in ead. dist. quem S. Thom. & plerique secuti sunt theologi, absolute fatetur quod meruit per se & directe ipsam corporis gloriā, & nō alicuius impedimenti remotionē.

Ad intelligendam harum opinionum diuersitatem, & ad veritatē statuendam, notandū est. Quod quamuis vniuersi theologi in ea cōueniant sententia, quod ea est natura & ratio essentialis animæ beatitudinis siue in Christo, siue in alio quocunque homine beato, quod cum anima corpori coniungitur, non se contineat intra ipsam animam, sed ad corpus coniunctum deriuetur, illudque immortale impassibile, ac denique gloriosum efficiat. Quo autem modo id fiat, non satis constat: nam multi Theologi opinantur, quod hæc corporis glorificatio, facta reuisione ipsius corporis ad animam, resultat simplici quodam effluxu & emanatione ex ipsa animæ gloria, sicut risibilitas oritur ex rationali hominis essentia. Alij vero non pauci arbitrantur hanc corporis glorificationem per se actinere ad gloriam animæ, esseque illi quoddam iure connaturalitatis debitam non vero simplici emanatione ex ipsa deriuari sicut dicebamus gloriam animæ deberi Christo ratione hypostaticæ vnionis. Vtra sit harum opinionum probabilior, non vacat in præsentia discutere. Mihi quidem prior sententia ob id gratior est, & plausibilior quod magis extollit vim & efficaciam essentialis gloriæ, quæ in beatifica Dei visione consistit: Et quoniam Sanct. August. hanc sententiam docuisse videtur epist. 56. ad Discipulorum in his verbis. Tam potenti natura Deus fecit animam, vt ex eius plenissima beatitudine, quæ in fine temporum sanctis promittitur, redundet etiam in inferiorem naturam quod est corpus. Ex pendendum est illud verbum, redundet, denotat enim diffusionem quæ simplici sit resu'tantia. Huic opinioni videtur adhæsisse Scotus d. cit. Quoniam si sententiam, quam secundo loco retulimus, veram esse putaret, non posset consequenter loquens dicere, Christum meruisse remotionem impedimenti, quo gloriam animæ Christi detinebatur ne refunderetur ad corpus. Nam si per simplicem resultantiam non esset apta nata effluere, nullo egeret appposito impedimento, vt non deriuaretur ad corpus. His suppositis hanc statuo conclusionem, quæ sit prima huius cū catholicis disputationis.

Prima Conclusio.

Christus non remotionem impedimenti cuius piā per se primo & directe meruit. sed ipsam sui corporis gloriam. Ista conclusio primo

primo probatur ex communi theologorum sententia, rarissimi enim sunt theologhi quibus arrideat Scotica illa opinatio. Probatur secundo. Gloria animæ christi nullo extrinseco appposito impedimento ditinebatur, ne se diffunderet ad corpus, etiam supposita sententia quam probabiliorem esse censui, nimirum, quod ex natura sua gloria corporis simplici resultancia ex animæ gloria detiuetur. Ergo christus non meruit alicuius impedimenti remotionem, sed eius meritum tendebat ad ipsam corporis gloriam.

Probatur antecedens. Non egebat Deus aliquod impedimentum opponere, ut impediret gloriæ corporis ab animæ gloria emanationem & fluxum, sed per solam diuini sui concursus subtractionem potuit facillime naturalem illum effluxum suspendere. Ergo non est absque rationabili causa fingenda alicuius extrinseci impedimenti appositio: præterquam, quod vix possi assignari impedimentum, quod vim haberet ad impediendum illum gloriæ corporis effluxum. Ergo, christus per se primo meruit, ut deus influeret cum ipsa animæ beatitudine gloriam immortalitatis in corpus.

Tertio probatur. Esto gloria corporis aliquo extrinseco fuisse impedimento detenta, non inde vllatenus colligitur, quod christus per se primo & directe illius impedimenti remotionem mereretur. Ergo Scoti sententia nullo modo est admittenda, sed sententia potius contraria quam nostra statuimus conc. Probatur antecedens, Meritum per se primo, & directe respicit, ut præmium, illud bonum, quod est proportionatum ipsi merito, & est propter se ipsum appetibile tamquam vltimum & finis, huiusmodi autem bonum fuit gloria corporis Christi secundum se ipsam, ablatio vero impedimenti tantum erat appetibilis & desiderabilis propter ipsam corporis gloriam. Ergo Christus gloriam sui corporis per se & directe meruit, impedimenti vero remotionem indirecte tantum & secundario. Ad eum modum quo is qui offert prætiū pro libertate captiui, qui vinculis detinetur, non per se primo solutionem intendit vinculorum, quod sunt impedimenta libertatis, sed ipsam captiui libertatem querit, & pro ipsa prætiū offert, vinculorum vero solutionem indirecte & secundario, quatenus medium est necessarium ad finem per se primo intentum, libertatem, nimirum, captiui. Ex his etiam quæ in natura contingunt, aliud huius rei desumi potest exemplum. Cum ignis calefacit aquam, non per se primo intendit remotionem impedimenti, videlicet, frigiditatis exclusionem, sed directe intendit calorem introducere, & si fieri nequat, nisi prius in aliquo genere capse impediens frigiditas ab aqua excludatur. Sed contra hanc conc. præsentiam contra sensum in quo hæc vltima conclusionis probatio procedit, duo se offerunt argumenta, quæ difficultate non carent.

Primum: Christus id tantum meruit respectu gloriæ sui corporis consequendæ, quod illi dandum erat a Deo; & fuit datum de facto loco præmii. Sed deus nihil aliud Christo dedit: comparatione ad gloriâ sui corporis, præter impedimenti extrinseci remotionem: Ergo id tantum Christus meruit, saltem per se primo & directe. Maior apparet manifesta, quia meritum deditur per respectum ad præmiû, quod est a præmiante recipiendum. Minor vero probatur. Si supponamus derivationem corporeæ gloriæ in Christo ab extrinsecò provenire impedimento, impedimento sublato gloria corporis naturali & necessario effluxu redundavit ad corpus absq. speciali dei concursu, sed solus generalis, & ordinarius cõcursus fuit sufficiens. At id quod necessario cõsequitur ex intrinsecis ipsius merentis principijs, improprijssime dicitur dari a præmiante per modû præmij: Ergo id tantum Christus loco præmij suscepit, illa hypothesi data, quod pertinuit ad impedimenti remotionem, nam totum aliud a semetipso habuit.

Secundum argumentum. Cum duæ perfectiones ita se habent, quæ una pender intrinsece ab alia, ab eaque naturaliter dimanat, impossibile est, quod quis secundam perfectionem mereatur, quin prius naturæ saltêm prioritate mereatur primam, eo quod secunda nequit haberi nisi dependenter a prima, sicut nullus posset mereri fieri risibile, quia prius natura mereretur fieri rationale. Sed gloria corporis in christo, iuxta sententiâ quam ut probabiliorē acceptavimus, per se & intrinsece pender ex gloria animæ, ex ipsaque naturali consequitio resultat: Ergo non potuit Christus gloriâ corporis mereri, nisi prius naturæ ordine ipsam animæ suæ promerisset gloriâ. Quam tamen, ut superius definiuimus, nullatenus meruit: atque adeo nec videtur meruisse corporis gloriâ, nisi ut plurimum indirecte, quatenus, videlicet, meruit impedimenti remotionem.

Primum argumentum non tam facile habet solutionem, quàm nonnulli arbitrantur theologi, qui si in formâ illud & proponerent, & dissoluerent, maiorem fortassis difficultatē experirentur. Utuntur duobus illis exemplis adductis in vltima conclus. probatione quorum posterius est valde impertinens ad huius argumenti solutionem: quia ignis effectiue producit calorem expellendo frigiditatem, atq. adeo quid mirum, quod ipsa introductio caloris sit per se, & principaliter intenta ab igne ut vltimus suæ operationis finis? Caterum ipsa corporis gloria non aliter a præmiante tribuitur Christo merenti, quam remouendo eius impedimentum, quo sublato ex intrinsecis animæ christi gloriæ principijs, sequitur plenissime ipsa corporis gloria. Aliud simile de captiui redemptione eandem fere difficultatē habet, quædo is qui captiuus detinetur, est simpliciter persona libera, cuius proinde libertas vinculis sublati in spem se ætèrnum exierit. Nam si condi-

tionis esset seruilis, præter vinculoſum ſolutionem reſtaret adhuc ipſa libertatis facultas.

Igitur vt incamur Chriſtum directe & per ſe primo ipſam corporis gloriam meruiſſe, ſatius erit recurrere ad illam conſeſionis proba- tionem, qua oſtendimus ibi nullum fuiſſe extrinſecum impedimentũ appoſitum. Ceterum huiusmodi impedimento admiſſo reſpondendũ cenſeo, quod ſi inter meritum & præmiũ phyſica eſſet cõſideranda effi- cientia, & proportio, veriſſima eſſet Scoti ſentẽtia, quæ aſſerit pũm p- fo & directe merito Chriſti reſpondens, non corporis eius gloriam ſecundum ſubſtantiam, ſed remotionem prædicti impedimenti dũ- taxat fuiſſe; & ipſam corporis gloriam ea tantum ratione fuiſſe ſe- cundarium & indirectum præmium, quatenus ex remotione impedi- menti dependebat. (Nam totum aliud non a præmiante, ſed ab ipſo Chriſto merenti, id eſt, a gloria ſue animæ proueniret. Verumtamen proportio & effieientia reſpectu præmiij non phyſice, ſed moraliter eſt conſideranda, nimirum, vt cadit ſub intentione vtriuſque & me- rentis & præmiantis. Qua ratione quamuis Deus per modum præ- miantis non aliter concurreret ad conferendum Chriſto gloriam cor- poris propter eius merita, quam auferendo impedimentum extrinſe- cum, quod emanatio gloriæ corporis & effluxus impediabatur, vere ni- hilo minus diceretur, quod per ſe primo in ratione præmiij contuliſ- ſet Chriſto ipſam corporis gloriam; eo quod Chriſtus per ſe primo intendebat ſuis meritis eam comparare, & non per ſe primo & dire- cte remotionem cuiuſpiam impedimenti curabat. Nam ſi per poſſi- bile vel impoſſibile eodem perſeuerante impedimento, Deus contu- liſſet Chriſto gloriam corporis, & principali intentioni ipſius Chriſti merentis, & eius meritis ſine dubio ſatiſfecifſet. Et quidem quod ab- ſimilis omnino poſſit eſſe cauſalitas moralis, a cauſalitate phyſica, ita vt cauſa quæ in eſſe phyſico cauſa per accidens eſt reſpectu alia cuius effectus, ſit per ſe moralis cauſa effectus eiufdem, res eſt cunctis ſapientibus manifeſta. Nam qui ignem applicaret ad vrendam vici- ni ſui domum, cauſa quidem eſſet per accidens vſtionis domus in eſ- ſe phyſico, eſſet tamen cauſa per ſe in ratione moralia. Proportiona- biliter ad ea quæ diximus de merito gloriæ corporis Chriſti, dicendũ erit ad illud ſimile de redemptione captiui. Quod qui pecunias pro redemptione offert, non per ſe primo intendit ſolutionem a vinculis, ſed captiui libertatem quomodocumque fiat, ita quod ſi fieri poſſet abſque vinculoſum ſolutione, qui tali modo libertatem integranda- ret captiuo, faceret ſatis redimentis intentioni. Quod manifeſtum argumentum eſt, redemptorem non per ſe intendere ſolutionẽ a vin- culis, ſed ipſam captiui libertatẽ: quamuis is qui liberatẽ dat capti- uo, phyſicẽ loquendo, nihil aliud faciat, quam eum ex vinculis erueret.

Ad secundum argumentum respondetur per distinctionem maioris præmissæ, quæ distinctio ad hoc reducitur, quod is, qui caret vtrâque perfectione, non potest posteriorem mereri, quin prius natura priorem mereatur. At si per accidens supponamus, quod quis primam, & radicalem perfectionem habeat, secunda vero careat perfectione, commode intelligitur, quod possit mereri perfectionem secundam, quæ caret, & quod non mereatur primam. Et tunc dicendum est, quod non meretur perfectionem secundam, prout in prima radicitur, ex ipsa quoque oritur. Sed quatenus prouenit a præmiante extrinseco, quomodo cumque proueniat, iuxta hunc modum contigit Christi meritum respectu gloriæ corporis sui. Hæc dicta sufficiunt ad solutionem 6. arg. principalis huius 3. dubij, cui argumento neganda est consequentia. Et ratio distinctiōis inter gloriam animæ & gloriam corporis duplex est, quod ad præsens atinet. Prima, quod gloria animæ est beatitudo essentialis & potissima perfectio Christi ut hominis, atque adeo non debuit Christus per aliquod tempus ipsa carere, sicut caruit gloria corporis. Nec ordo debitus ipsius gloriæ naturæ debuit inuerti, ita quod scientia infusa, aut aliud quod vis supernaturale lumen, vel tempore, vel natura anteuertat ipsum gloriæ lumen, beatificamque visionem. Secunda, quod ad opus redemptionis nostræ non fuit necesse, ut Christus animæ gloria careret, quod tamen necessarium fuit respectu gloriæ corporis. Nam si Christus gloria animæ, & gloria simul corporis præditus fuisset a primo suæ incarnationis instanti, viator non esset, sed omni ex parte beatus, & comprehensor: atque adeo nec nobis quicquam mereri possit, nec pro nobis satisfacere, nec præciosus eius sanguis infinitum fuisset nostræ redemptionis pretium. Unde actum esset de nobis, & de nostra salute, ut Aug. super cap. 8. Ioan. tract. 38. mirabili consecutione his verbis deducit. Si pati noller non pateretur, si non pateretur, sanguis ille non funderetur, si sanguis ille non funderetur, mundus non redimeretur. Agamus itaque gratias & potestati diuinitatis, & miserationi infirmitatis eius.

Quamuis ex his argu. 6. difficultas exhausta, relinquatur, ad cōplementum tamen doctrinæ duas adhuc assertiones statuendas esse duxi, ex quibus consent ea omnia quæ Christus sibi promeruit.

Secunda Conclusio.

Christus non solum meruit eam sui nominis exaltationem & gloriam, quam post mortem fuit assecutus, sed eum omnem honorem, eamque omnem suæ dignitatis manifestationem, quam, dum mortalem vitam ageret, fuit assecutus, siue hunc honorem hancque claritatis excellentiam immediate acceperit a deo, siue ab Angelis, siue

ab hominibus, siue a quauis creatura. V.c. testimoniū quod de Christo Salvatore recenter nato angeli præstiterunt, humilis pastorum Christi paruuli in præsepio iacentis visitatio, magnifica orientalium, sapientiumq. regum in Bethlem adoratio, ipsum diuini patris testimonium, quo & in Iordane, & in Monte Tabor Christū vt verum vni- genitum & dilectissimum filium agnouit, cunctisq. magistrum & doctorem fidelissimum proposuit, aliaq. huius generis opera, quæ ad excellentiam & dignitatem Christi manifestandam contulerunt, præmia fuerunt meritorum eius. Prior conc. pars constat ex prima assertionem ex duabus, quas contra Calu. & alios hæreticos proposuimus. Posterior vero pars probatur. Omnia illa quæ recensuimus in conc. potuerunt habere rationem præmij: Ergo Christi meritum cum esset simpliciter infinitum, extendit se ad hæc omnia. Consequentia patet, quia infinitas meriti in hoc cōsistit, quod conferat ius merenti ad totum illud quod, per se loquendo, induere potest præmij rationem. Antecedens vero probatur. Honor & dignitas, quæ ex prædictis gestis & operibus sequebantur non dimanarunt ex vnione hypostatica, nec ex ipsa gloria animæ Christi, sed ab extrinseco prouenerunt. Quare ergo nō poterant præmij rationem sortiri comparatione meritorum Christi? Confirmatur, honor sua natura est virtutis præmiū. Ergo totus honor qui ex illis omnibus proueniebat Christo, præmiū fuit virtutis eius, idest. operum quæ ab hæroicis Christi virtutibus emanarunt.

Secundo probatur eadem conc. pars. Illa manifestatio & claritas dignitatis Christi non solum ad ipsum attinebat, sed etiam ad homines, vt facilius & promptius ei fidem adhiberent, sed ea omnia quæ spiritualement nostrā vtilitatem promouent, meruit Christus, ergo, &c.

Tertio probatur ex illo Ioan. 12. Et clarificaui iterum clarificabo. Quæ verba dixit pater Christo petenti suam sanctificationem; & sensus est quod iam antea eum clarificauerat à tempore natiuitatis suæ, & quod deinceps in morte & post mortem ipsum quoque clarificaturus erat. Ergo cum Christus peteret suam clarificationem, eam etiam quam ante resurrectionem fuit assecutus, negari nequit, quin ipsam fuerit ex rigore iustitiæ pro meritis.

Tertia Conclusio.

Christus meruit regiam dignitatem, supremi capitis auctoritatē, summum sacerdotium, ac potestatem itidem iudicariam, denique meruit omnem eam perfectionem & excellentiam & spiritualement, & temporalem quæ christo potuit competere exceptis dumtaxat gratia vnionis, gratia habituali, essentiali animæ gloriæ & virtutibus ac do-

nis infusis, vltima pars conclusionis in qua fit exceptio a Christi meritis, satis constat ex superius dictis, Et nonnihil ad maiorem eius explanationem paulo inferius dicemus. Quoad reliquas vero partes. Ista conc. in communi posita inde suadetur, quod, hæc omnia quæ diximus, habere potuerunt rationem præmij cōparatione ad iperita christi: Ergo asserendum est Christum, cuius meritum fuit simpliciter infinitum, ea omnia meruisse. In speciali vero de regia dignitate Magist. Sot. in 4. d. 47. q. 1. a. 2. existimat Christum proprijs meritis acquisisse ius, vt nostrum esset caput, & Iudex, Regiam vero dignitatem, regalem que Regni cœlorū titulū nullis meritis sibi cōparauit, sed ex vi hypotheticæ vnionis iure naturali ei cōpetit. Hanc sententiā ego improbabilem non reputo, sed contrariam, quā in conc. proposita affirmavi, longe probabiliorē cum plerisque recentioribus theologis esse crediderim, Primo propter idemmet testimonium ex Lucæ ca. 1. desumptum, quo ipse magis Sot. suam confirmauit sententiā. Sic dixit Angelus Beatissimę Virgini. Lucæ primo, de nascituro Christo loquens. Dabit ei dominus Deus sedem David Patris eius, & regnabit in domo Iacob in æternum. Cui testimonio aliud adiungo ex c. 7. Danielis, vbi de æterno Christi regno vaticinans Propheta, sic ait. Aspiciebam ego in visione noctis, & ecce cum nubibus cœli quasi filius hominis veniebat, & vsque ad antiquum dierum peruenit, & in cōspectu eius obtulerunt eum, & dedit ei potestatem, & honorem, & regnū, & omnes populi tribus, & lingue seruient ei, &c. Ex his locis colligo, Christū ius & titulū regnādi suis meritis impetrasse, & accepisse a deo p modū præmij. Quod colligo primo, ex eo quod in testimonio Danielis sub eodem verborum tenore dicitur, antiquum dierum, scilicet, Patrem, seu Deum tribus diuinis personis communem dedisse filio potestatem, honorem, & regnum. At honorem & excellentiam suis operibus Christus promeruit: honor enim, vt retro dicebam, præmium virtutis est. Ergo similiter regnum ex proprijs accepit meritis. Colligo secundo ex illis verbis, dedit dominus Deus, designant enim non cōsequutionem naturalem in Christo, sed specialem traditionem a Deo factam per modum præmiantis, nam illa vox, deus, designat deū, vt gubernatorem, & prouisorē vniuersalem, ad quem proinde spectat & mala plectere & bene præmiare. Et vox alia, dominus, designat auctoritatem, quæ requiritur in præmiante: qui enim meretur subijctus ei a quo meretur, præmiator vero officium quasi domini obsequia sibi exhibita remunerantis exequitur. Colligo tertia ex illis verbis Danielis, & in conspectu eius obtulerunt eum, Nam hæc verba videntur designare præsentationem Christi, & operum, ac meritorum eius in conspectu patris, quorum intuitu quasi motus ipse Pater, dedit ei potestatem honorem & regnum. Consentit illud Psal. 2. postula a me

& dabo tibi gentes hereditatem tuam, & possessionem terrarum terminos terrarum. Ex quo testimonio constare videtur, patrem non dedisse Christo, ut homini, regiam potestatem super vniuersum orbem nisi præsupposita eius postulatione & oratione, quæ non potuit non esse meritoria. Dicitur forsitan, quod in hoc loco non sit sermo de regno christi absolute, sed secundum eius extensionem ad populum gentilicum, quam christus a deo impetrauit & meruit. Non tamen meruit absolute ius ipsum regium super specialem dei populum iudaicum, qui erat sedes David patris eius. Nam de hoc regno, in alio verso præcedenti eiusdem psal. dixerat ipse christus. Ego autem constitutus sum rex ab eo super Syon montem sanctum eius. Hoc regnum non precibus, & postulationibus impetrauit, sed ab ipso deo iure naturalis filij accepit, a quo fuit rex constitutus, eum primum eum hominem conspexit, tunc nimirum, dum verbum caro factum est. Et ut angelus significaret hoc regnum christo competere non ex meritis & ex vi postulationis & orationis cuiuspiam, sed solo iure hereditario, dixit beatissimæ virginis quod erat daturus ei dominus sedem david patris eius, id est, succedere in regia sede david patris sui per modum naturalis hæredis. Non est hæc inerudita solutio, ex qua probabiliter inferendum erit, quod regalis christi auctoritas respectu israelitici populi, ad quem fuit specialiter missus ut minister circumcisionis, & quasi seruus, ut in externa apparebat forma, sed secundum sibi debitam auctoritatem, verus & naturalis rex, respectu, inquam, huius populi iure tantum hereditario, & non meritorio regiam obtinuit dignitatem. At comparatione ad populum gentilicum, qui ante christi aduentum non vocabatur populus dei, & quod non erat speciale dei peculium, & patrimonium, non tam hereditario iure (quamuis nec hoc ius totaliter sit excludendum a christo) quam orationibus & meritis obtinuit. Sed nihilominus oppositum verius apparet. Vnde sic argumentor contra assignatam solutionem. In eodem signo naturæ & rationis, quo fuit christo datum ius regnandi supra iudaicum populum, fuit & datum simile ius supra totum vniuersum. Nam ex eodem principio, scilicet, ex vi gratiæ vniionis vtrunque ius æqualiter dimanauit, & non vnum dependere ab alio, non enim ex iure regnandi quod christus habet supra israeliticam plebem, ortum habuit in eo ius regnandi supra gentile populum, sed vtrumque ei competit, quia verus & naturalis est altissimi filius, cui ex æquo omnes populi omnesque subiiciuntur nationes. Ergo si christus ius regnandi super gentilicum populum merito & oratione obtinuit a patre, fateri debemus, quod absolute & sine distinctione ulla ius & potestas regnandi ex meritis competit christo. Hanc sententiam videtur docuisse Paul. ad Rom. 14. in hoc enim christus mortuus est & resurrexit, ut & mortuorum & uiuorum dominetur. Po-

testas enim dominatiua non est alia in Christo, quam ipsa regia potestas, & hic modus loquendi viuorum & mortuorum vniuersos homines, & vtrumque populum Iudaicum, & gentilem complectitur. Fateor posse hoc testimonium explicari, de externa manifestatione. De qua intelligitur illud Matt. vlt. Data est mihi omnis potestas in caelo & in terra.

Probatur ratione hæc eadem conc. pars: Quod Christus absque meritis regiam obtinuerit dignitatem, non potest colligi ex eo quod regnandi ius sit ei naturale, nam auctoritas sacerdotalis, iudiciaria potestas, supremi capitis excellētia iure quoque naturali cōpetunt Christo. Et tamen excellentissimæ hæc dignitates ex meritis sunt Christo collatæ, quod & Magist. Sotus, libentissime cōcessit, & expresse docuit S. Thom. de potestate iudiciaria 3. p. q. 59, artic. 3. Nec vero repugnat huic regiæ dignitati, quod haberet in Christo rationem præmij, ex eo quod fuerit ei data in primo suæ conceptionis instanti, quia, vt ex superius dictis constat, sufficit in merito prioritas naturæ. Nec vero appetenti aliqua ratione dici potest, quod ius regium fuerit in Christo principium & radix merendi, ob quam causam incapax esset rationis præmij. Ergo nulla est ratio ob quam non potuerit sub meritis christi cadere eius regia dignitas. Rursus. Ergo cum ad Christi dignitatem spectet, ad eiulque meriti excellentiam, quod hæc dignitas & vniuersæ aliz, quibus non repugnat ab intrinseco cadere sub merito, fuerint datæ Christo duplici titulo ac iure, & connaturalitatis & meriti, sine causa rationabili asseritur, Christum non fuisse proprijs meritis assecutum ipsam regiam dignitatem. Confirmatur primo. Christus meruit dominium rerum omnium præsertim hominum. Sed eadē ratio est de potestate regia, quæ de potestate dominatiua, Si modo nō est eadē oīno potestas, ergo, &c. maior probatur: primo ex testimonio Paul. dud. cit. ex c. 14. ad Ro. Secūdo. Emptio tribuit ius dominatiuū ementi, sed Christus magno nos prætio emit, dicente Paul. 1. Cor. 6. Ergo hoc titulo competit Christo ius dominatiuum super vniuersos homines. Sed Christus, cum nos emit, meruit coram Deo, ergo, &c. Cōfirmatur ex doctrina S. Tho. qui 3. p. loco cit. docet & probat, quod christus iudiciariam potestatem ex proprijs meritis fuit adeptus, in q. autem præcedenti 22. a. 1. ad. 3. videtur docere, in christo eandem esse secundum rem potestatem regiam sacerdotalem & legislatricem, sub qua sine dubio legislatrice potestate iudiciaria comprehenditur. Ergo S. Thom. qua ratione dixit christum meruisse iudiciariam potestatem, diceret id ipsum de potestate Regia, quod & non obscure insinuat in illo art. 3. q. 59. ad primum, legatur Augu. pro ista sententia lib. de vnit. eccles. c. 7. & 8. Ex istis que de regia dignitate diximus, facile erit coniectari, quid de reliquis dignitatibus & excellentiis, quas

in conclu.enumerauimus, sic dicendum. Nam eadem prorsus est de eis omnibus ratio. Hoc loco id est obseruandum, quod licet absque lure loquendo maior perfectio sit excellentiorque dignitas, quod hæc simileque dignitates connaturali modo habeantur, quam ex meritis, vt de corporis gloria dixi superius, tamen suppositio semel, quod subiectum cui tribuuntur est in statu merendi, vt reuera fuit christus, ad perfectionem maiorem, maioremque gloriam pertinet, & duplici titulo habeantur, & naturali, & meritorio, præsertim ex iure meritorio riguroso, & infinito, quale fuit ius meritis christi respondens.

Sed quærit quispiã. Quo tempore accepit christus has dignitates & potestates, vt suorum meritorum præmium. S. Thom. Opusculo 20 lib. 3. c. 12. & 13. & 14. expresse docet christum ab ipsa sua temporali natiuitate accepisse potestatem regiam: & cum hæc potestas annexas sibi habuerit reliquas potestates, vt ex eodem S. Thom. paulo ante referebamus, & de potestate iudiciaria dicit quod regiam consequitur dignitatem in 3. p. q. 59. ar. 4. ad. 1. Videtur consequenter dicendum ex mente S. Thom. quod christus cum primum fuit natus has omnes potestates accepit, quas ante natiuitatem in vtero matris existens suis humanis meruerat actionibus, illa præsertim actione cuius meminit Paulus ad hebreos. 10. & meminerat prius Propheta regius psal. 39. & nos eius in superioribus non semel tantum meminimus, quæ fuit illa prima voluntatis actio, qua, christus præceptum dei de morte pro hominum redemptione subeunda sibi impositum, acceptauit. ceterum hæc sententia difficultatem patitur nõ leuem. Et sic arguo, Christus in primo instanti suæ conceptionis meruit potestatem regiam, & potestates alias, quæ huic fuerunt annexæ. Ergo tunc accepit illam & non debuit expectari tempus natiuitatis eius. Eo vel maxime quod hæc regia dignitas, cum suis annexis potestatibus non solum comperit christi ex vi meriti, sed potissimum ex vi hypostaticæ vnionis, quæ facta fuit in ipso incarnationis instanti. Posset huic argumento responderi si propositam vellimus tueri sententiam, quæ prima specie apparet S. Tho. doctrina in citat. opusc. 20. Quod cum hæc regia potestas cum suis annexis essentialiter pertineret ad actus exteriores, ad externamque gubernationem in homines exercendam, neque conueniebat christo, nec fuit ei danda, vsque dum prodiret in hanc visibilem lucem, & esset a matre separatus. Nam dum erat in sacramento purissimoque sue genitricis vtero reputabatur secundum humanitatem, quasi pars eius, & ita nondum erat pro illo statu capax, vt deputaretur Princeps, caput, Sacerdos & Iudex omnium hominum. Quoniam hæc dignitates expascunt personam in visibili & tractabili statu positam, & quæ per se ipsam operari possit vt persona totaliter ab alijs omnibus

ligamus aliquam præcessisse operationem. Consequens autem aduersatur his quæ diximus. Ergo falsa est hæc nunc tradita doctrina, vel saltem non coherens his quæ diximus antea. Sequella patet. Regia potestas, non in actu, sed in subiectuali deputatione considerata, non pendet per se ab aliqua actione suscipientis eandem potestatem. Sed a sola suscipientis capacitate, iure sufficiens posita. Ergo si potestas hæc conuenit Christo, ex vi hypostaticæ vnionis, dici debet quod ipsam nulla eius expectata operatione accepit, acque adeo quod fuit ei data antequam in actualem prodiret actionem, quæ tam promereri posset. Minor etiam probatur. Præmium, miraculis seculis quæ non sunt sine vrgentissima causa admittenda, neque ordine naturæ antecedere mericum. Igitur si Christus hanc potestatem accepit prius natura quam in actualem eriret operationem, potestas hæc non potuit esse præmium cuiuspiam meritoriz Christi actionis.

Confirmatur. Si regia potestas debita fuit Christo ex vi hypostaticæ vnionis, sequitur quod resultauit per simplicem emanationem & effluxum ab ipsa hypostatica vnione, seu ex humanitate verbo hypostaticæ vnita, & ex consequenti quod prius ordine naturæ conuenit Christo, quam in aliquam ipse prodiret actionem. Ea enim quæ simplici emanatione ex principis intrinsecis alicuius subiecti dimanant, non pendunt ab aliqua ipsius subiecti actione: quin potius omnem præueniunt & anteferunt. Ergo regia potestas omnem in Christo actionem præcessit, acque adeo non ei fuit ex meritis collata. Sequella videtur manifesta quia nulla apparet ratio ob quâ potestas hæc tam connaturalis & debita Christo ratione hypostaticæ vnionis, non fuerit in eius humanitate admodum propriæ passionis per simplicem effluxum & resultantiam consequuta, qui cum non tam esset physicus quam moralis effluxus, non necesse fuit, quod oriretur ex formali aliquo Principio actiuo, sed optime reducietur ad suppositum & ad infinitam eius dignitatem: sicut dicebamus superius de valore meriti infinito.

Hoc argumentum cum sua confirmatione, easdem fere vires habet de reliquis potestatibus sacerdotali & iudiciali, acque etiam de auctoritate & excellensia capitis. Sed de potestate sacerdotali speciale se offert argumentum, quod sit secundum.

Per illam primam actionem qua Christus mortem pro nobis subeundam accepit, quam vt sepe diximus, habuit in primo incarnationis instanti, vsus fuit sacerdotali potestate, nam vt ex S. Tho. 3. p. q. 22. a. 2. ad 3. colligitur, Christus se metipsum Deo obtulit. Vnde inquit quod in passione non primum se ipsum immolauit & sanctificauit, sed nouo modo, puta, cruento. Ergo illa operatio præsupposuit in Christo sacerdotalem potestatem. Rursus. Illa operatio fuit pri-

formaliter a potestate sacerdotali, neque fuit proprie actus sacerdotij Christi. Pertinet enim ad potestatem sacerdotij non qualecumque sacrificium, sed sacrificium externum & visibile, & si protestationum inuisibilis & spiritualis sacrificij, vt ex S. Tho. 22. q. 85. art. 1. colligere licet. Neq; vnquam S. Tho. docuit, quod illa spiritualis Christi sanctificatio & immolatio fuerit sacerdotalis actus, sacerdotaleque officium. Vnde non fuit necesse, quod illa operatio præsupponeret sacerdotalem potestatem in Christo. Quo fit, vt satis inefficaci argumento quidam Theologi probent, Christum ex primo suæ incarnationis momento sacerdotali fuisse potestate præditum, ex eo quod seipsum sanctificauerit & immolauerit in illo primo instanti: Quia illa spiritualis immolatio non fuit actus sacerdotalis potestatis.

Secundo, si quis contendat illum actum pertinuisse ad potestatem sacerdotalem, eo quod fuit sanctificatiuus totius humani generis, poterit aliter respondere ad argumentum factum, sitque eius secunda solutio. Quod in illa operatione Christi potuit considerari gemina virtutis ratio. Altera pertinens ad charitatem: & altera ad religionem spectans. Secundum quod ad charitatis virtutem pertinebat ille actus, seipsum præcessit, prout ad religionem pertinuit, & in illo priori quo actus ille perfectionem charitatis participauit, inuenit potestatem & regiam & sacerdotalem, quæ & data fuit Christo prius ratione quam ipsemer actus formalis virtutis religionis rationem induceret. Atque adeo quatenus prima illa Christi operatio religionis relictitudinem, & formalem rationem importauit, præsupposuit in Christi humanitate sacerdotalem potestatem. Et quidem cum sacerdotis potestas non fuerit qualitas aliqua realiter infusa Christi animæ, sed quædam moralis deputatio (realis tamen) ad sacerdotalis munia exequenda, non erit difficillimum intelligere, quod potuerit mediare inter duas illas rationes formales, quæ in vna & eadem Christi operatione reperiebantur. Et cum sacerdotalis potestas iuxta doctrinam a sancto Thoma traditam, Regalem potestatem fuerit consequuta aut saltem ei annexa, fatendum erit quod Regia quoque potestas, præsupposita fuit in Christo, ad illam primam eius operationem quatenus ad religionis virtutem spectat. Et hæcenus de 3. dubio.

Deuentum tandem est ad dubium quartum & vltimum tertij articuli quæstionis quintæ. In quo disendum est, quid nobis Christus meruerit. Explicuimus quidem superius in 2. art. eiusdem quæst. 5. Christum satisfecisse Deo ex toto iustitiæ rigore pro vniuersis hominum peccatis & criminibus, diximusque ibidem, satisfactionem Christi perse primo non tam nostrum spirituale commodum quam ipsum dei honorem, eiusque maiestatem attendisse: quamuis secun-

dub. 4. articuli.

dario multa inde commoda, spiritualiaque bona nobis euenerint. Addidimusque præterea Christi meritum e contra se habuisse, ita quod Christus prout meruit, non aliquod deo acquisiuit bonum, sed sibi ut homini, & nobis quibus meruit, in duobus autē dubiis præcedentibus huius 3. art. ut cunque exposuimus quæ nam fuerint, illa bona, quæ Christus sibi proprijs meritis comparauit, quæ vero illa quæ nullatenus sub eius meritis cadere potuerunt, aut saltem non debuerunt, secundum connaturalem meriti & præmij ordinem. Superest tandem, ut in hoc postremo dubio diserte exponamus, quæ bona Christus suis nobis acquisiuerit meritis, quæ vero absque Christo eiusque meritis nobis obuenant. Quam sanè tractationem non ad longum versari decreui, tum quia maiori materiæ grauitate quam difficultate polleat, tum potissimum quia magna cum doctrina & eruditionis copia ipsam pertractant ante nos viri doctissimi, & si non æqua felicitate omnes, quia eorum nonnulli & christi meritis, & supernaturalibus quæ nobis conferuntur dona, non parum excellentiæ & dignitatis subtraxerunt, ut adnotabimus inferius in huius disputationis progressu.

Prima 4 du Prius quam ad explicandum accedam quæ bona christus nobis
bij pars. meruerit, opere præuium duxi recensere & exponere, quæ sint ea supernaturalia dona, quæ iuxta communem omnium aut fere omnium Theologorum sententiam, sub Christi meritis non cadunt.

Notandumque est primo quod illa bona quæ nobis quidquam conferunt ad æternam comparandam salutem, non eodem modo se habent. Quædam enim sunt nobis intrinseca cuiusmodi sunt habitus gratiæ & infusarum virtutum specialia Dei auxilia & his similia: Inter hæc intrinseca bona connumerari debent sacramenta, quæ licet ab extrinseco ministro conferantur in nobis tamen suscipiuntur. Quædam vero extrinseca ut prædestinatio nostra, incarnatio Christi &c. Hæc itidem extrinseca bona non omnia pariformiter se habent, nec vnum, & idem de ipsis omnibus ferendum est iudicium. Vnde est secundò notandum. Quod inter bona hæc extrinseca quædam sunt quæ possunt simpliciter induere rationem mediorum comparatione ad æternam nostram salutem, vel quia sunt omnino inferioris ordinis, puta, naturalis, quæ eleuari possunt, etsi per accidens & extrinseca ordinatione, ad supernaturalem gratiæ finem, ut diuitiæ, honores &c. Vel quia non ascēdunt ad ordinem supremum, sed intra ipsum gratiæ ordinem continentur ut quædam eius partes, nam quæ in eodem ordine continentur, mutuo esse sibi possunt officio, & quodammodo obsequio. Huius generis sunt orationes sanctorum, quæ nos iuuant coram deo ad gratiam & gloriam comparandam, siue sint orationes sanctorum in termino existentium, siue eorum qui adhuc in statu viæ inter nos

com-

commemorantur. Prodest enim multum, ut inquit Iacob. in sua. can. c. 5. Oratio iusti assidua, lupo & ministeria sanctorum angelorum quibus assidue nobis bona procurant, tuentes nos & defendentes ab ipsis nostrarum animarum hostibus, orationes & preces nostras coram deo presentantes similiaque valde utilia nobis officia impendentes. Nā Paul. ad hebr. c. 1. dicente. omnes sunt administratores spiritus, in ministerium missi, propter eos qui hereditatem capient salutis. Quaedam vero alia bona extrinseca sunt, quae ad nostram salutem & primam & ultimam comparata, non tam habent rationem medij quam causae: Imo & eorum quaedam nullatenus queunt medij rationem induere propter eorum excellentiam maximam. Ad hoc genus pertinent praedestinatio nostra, quae causa est omnium spiritualium effectuum omniumque super naturalium bonorum, quibus praedestinati ad vitam aeternam consequendam iuvantur, Christi praedestinatio, eius incarnatio, vita, passio, mors, eius merita, & satisfactiones, ipsorum meritorum, earumque satisfactionum determinata & efficax applicatio ad eos in quibus efficaciam habent.

Prima Conclusio.

His Ergo suppositis primam statuo conc. Nō meruit nobis Christus ea bona extrinseca, quae potius rationem causae sortiuntur respectu salutis nostrae, quam medij, vna excepta praedestinatione nostra, de qua sequenti dicemus conclusione. Itaque non meruit nobis suam praedestinationem, incarnationem, passionem, &c. Hae conclu. communis est apud omnes Theologos, nec vero negari ulla ratione potest, praesertim de praedestinatione & incarnatione ipsius Christi. Quae bona sicut christus sibi ipsi mereri non potuit, ut ex dictis in secundo dubio manifestū relinquitur, ita nec nobis potuit mereri. Quoniam bona ista, cum fuerint principia, & quidem radicalia, omnium christi meritorum nullatenus potuerunt esse praemia meritorum eorundem. Et constat manifestissimis illis sac. scrip. testimoniis, in quibus incarnationis mysterium ad solam dei misericordiam reuocatur. Ioan. 3. sic deus dilexit mundum, ut filium suum unigenitum daret. Paul. rom. c. 8. Si deus pro nobis quis contra nos? Qui etiam proprio filio non pepercit, sed pro nobis omnibus tradidit illum &c. Praeterea quod nec meruerit bona alia suam vitam, passionem virtutum opera &c. Res etiam est manifesta. Et probatur primo, haec bona fuerunt ipsamet Christi merita, atque ipsae itidem eius satisfactiones. At merita non cadunt sub merito respectu eiusdem merentis, nullus enim meretur, quod sibi mereatur aut alteri. Ergo &c. Secundo. Nullus a seipso meretur, sed ab alio, alias idem esset merens & premiator respectu eiusdem, quod impossibile a sapientibus

Venit de facto passibilis & mortalis, in nostram salutem, venit destina-
tus: Et quod propter nos & ipse se tradidit, & Deus tradidit illum. Si
quidē prādictus auctōr velit dicere, quod incarnatio & merita Chri-
sti data sunt nobis a Deo vt causā nostrę salutis, & hoc absq. vllis me-
ritis, sed quod Christus meruit vt assumeretur in ratione mediōrū
ad salutem eandem, quod plane auctōr ille in lib. cit. non semel asse-
rere videtur, prāsertim in discurs. 3. eius sententia nihil erroris conti-
net: Sed superest ei explicandū quid aliud Christi merita ad nostrā sa-
lutem cōtulerint vt media, prāter id quod vt causā efficiunt. Et si hoc
non constet, quid obsecro nobis profuit illud Christi meritum. Nam
qd ad nos duplex illā formalitas & causā, & mediū, si nihil est utilita-
tis in vna, q̄ non sit in alia. Missum facio, quod illa solutio fundatur for-
san in quadam opinione de prouidentia generali, quā valde placuit
prādicto auctōri, quā est sine dubio falsissima, essetque ab scholis ex-
plodenda, Præbet enim occasionem dicendi multa in materia de pro-
uidentia & prādestinatione Dei, quā scripturis sacris sunt parum cōn-
sentanea. Sed de hac opinione non vacat in prāsentia amplius quid
dicere. In libris de origine & potestate gratiæ diximus multa, quibus
hæc doctrina apertissime confutatur. Ad nostram ergo reuertamur
conclusionem.

Circa hanc igitur primā conc. quam ita in communi proposui,
ne accommuni theologorum, prāsertim Thomistarum vsu familiari-
que modo loquendi, recederem, aduertendum esse censeo, hanc con-
clusionē vniuersaliter verā esse de omnibus Christi actionibus, & de
his omnibus ad Christū pertinentibus quā ipse sibi mereri non potuit,
qualia fuerunt ea oīa quā circa conclusionem recensuimus. Cæterum
in his quā sunt circa Christum gesta, quā ipse suis sibi meruit actioni-
bus, cuiusmodi fuerūt resurrectio, corporis immortalitas, sui nominis
exaltatio, confessus ad dexterā Patris, & si quā fuerunt alia eiusmodi,
aliud est iudicium ferendum. Nā hæc omnia quā numerauimus, Chri-
stus non solum sibi meruit, sed & nobis simul, vt præcedenti dubio ex
Athana. oratione secūda contra Arrianos dicebamus. De quibus ho-
nis ita dicit theologus. Quod nō meruit illa Christus, vt essent nobis
media ad salutē suę primā suę ultimā cōparandam. Quia diuina hæc
bona ppter excellentiam eximiam, quā & nos & nostram etiā salutē
exuperant, eo qđ transcendūt gratiæ habitualis ordinē, & ad ordinem
gratiæ hypostaticæ vnionis pertinet, nequeūt si cū rigore loquamur,
mediōrū induere rationem ad nostrā salutem cōparata: meruit tamē
Christus vt essent causa exēplaris, imo & forsan efficiens, physica effi-
cientia, salutis nostræ. Itaq; Christus non solū sibi meruit vt a mortuis
excitaretur, fuissetq; inter mortuos liber: sed & meruit qđ resuscitaretur,
vt primitiæ dormitiū, & vt exēplar ad cuius similitudinē iusti om-

nes resurgens, eorumque in extremo die reformabitur corpora. De
 effectiva causalitate q. se q. nonnulla dicemus. Non negaverim posse
 probabiliter dici, quod non solum Christus suam resurrectionem &
 & ascensionem meruit nobis in ratione causæ exemplaris & effectivæ,
 sed etiam in ratione mediæ. Itaque meruit ut sua resurrectio confer-
 ret ad nostram iustitiam, & resurrectionem tamquam medium ad finem,
 non ultimum, & præcipuum, nam hic finis est gloria Dei, sed ut finem
 immediatum & minus principalem, & qui tandem ordinetur, ut me-
 dium ad ipsum principalem finem, dei scilicet gloriam, atque item
 ad gloriam Christi. Nam sicut est valde probabile, quod Christi incar-
 natio habuit rationem mediæ ad salutem nostram iuxta modum ex-
 positum, quod ex illis symboli apostolici verbis, propter nos homines
 & propter nostram salutem, &c. rationabili potest coniectione dedu-
 ci. Et idipsū proportionabiliter dicendum est de passione & morte chri-
 sti. Ita nihil dicit improbabile, qui asseruerit Christum propter nos
 homines resurrexisse, propter nostramque iustitiam, ac resurrectionē
 futuram tamquam propter immediatum, & proximum finem, & simi-
 liter ascendisse ad dexteram patris propter nostram glorificationem
 & ascensionem in cælum. A qua locutionis phrasi non abhorret mo-
 dus loquendi S. Paul. ad Rom. 8. traditus est propter delicta nostra, re-
 surrexit propter iustificationem nostram. Non latet me magnum ver-
 sari discrimen inter ea Christi opera & mysteria, quæ ad eius humilita-
 tem pertinent, qualia fuerunt passio, & mors, & ea quæ ad ipsius exal-
 tationem & glorificationem spectant, puta, resurrectio, ascensio in
 cælum, &c. Nam cum ut modo ipse dicebam, & nos docuit S. Sy-
 nod. Trid. sess. 6. cap. 7. Christi gloria finalis sit nostræ iustificatio-
 nis & salutis causa, non apparet valde consentaneum rationi, quod il-
 la Christi mysteria, quæ directe ad eius gloriam, & exaltationem spe-
 ctant, vocari debeant media ad nostram iustitiam, nostramque salutē
 ut ad finem ordinata. Propter quam causam, illam christi exaltationē
 quæ in manifestatione sui nominis, illius, videlicet, quod est super om-
 ne nomen, quam sibi Christus humilitate & morte promeruit tanquā
 excellentissimum & supremum omnium suorum laborum præmium,
 ego nullatenus auderem dicere eam nobis christum meruisse tanquā
 medium ad nostram salutem ordinatum. Meruit quidē, ut esset quod-
 dam excellens eius exemplar. Nam filiatio adoptiva per filiationem
 christi naturalem, in cuius manifestatione consistit illa sublimis eius
 exaltatio, regulatur, & mensuratur iuxta illud Paul. Rom. 8. quos præ-
 destinavit conformes fieri imaginis filij eius, nullatenus tamen me-
 ruit, ut esset medium, ut ad finem in nostram salutem ordinatum.

Secunda Conclusio.

§ Non meruit nobis christus prædestinationem nostram, si sumatus pro actu ipso, qui est in mente prædestinantis, non solum secundum eius entitatem, verum neque secundum respectum quo effectus ipsius prædestinationis respicit. Oppositum huius conclusionis quoad priorem eius partem nullus theologorum actenus docuit, scilicetque iudicandus esset, qui id vel leuiter suspicaretur. Nam quam causam habere poterit actus diuinæ voluntatis entitatiue sumptus, cum non sit aliud quam ipsemet deus, qui prima est omnium rerum causa. Ita dicit S. Thom. 1. p. 23. ar. 5. loquens de actu prædestinationis, quo deus homines ad gloriam prædestinauit. Secunda vero pars conclusionis contrarios habet aliquot theologos præsertim ex nouioribus, inter quos vnus est Franciscus Cart. qui lib. cit. discut. 11. non solum docet nostræ conc. contrarium: verum & absolute dicit, quod per modum causæ finalis & meritoria christi merita mouere potuerunt dei voluntatem, ad conferendum hominibus gratiam & gloriam. Hec tamen huius authoris sententia ex quibusdam pendet principiis quæ, & si nobis vehementer displiceant, non vacat tamen in præsentia non modo impugnare, verum nec referre. In primo lib. de origi. & potestate gratiæ tract. 3. rem istam accuratiori qua potuimus diligentia pertractauimus. Vnde breuissime exponam præsentis conclusionis intelligentiam, cuius exacta probatio illo in loco erit videnda.

In secunda igitur nostre conclusionis parte minime negare intendo, quod bonitas creaturæ sit quandoq. ratio diuinæ voluntati volendi & amandi aliquid, ita quod vnum obiectum sit diuinæ voluntati ratio volendi aliquid. Duo tamen affirmo, alterum, quod nullatenus potest esse causa quæ vere moueat voluntatem diuinam, nec vt finalis causa, nec meritoria, nec alia ratione vlla. Talis namq. motio & causalitas derogat quamplurimum summæ diuinæ voluntatis perfectiōni. Quoniam subijcit voluntatem diuinam creatæ causalitati & motioni. Alterum, quod nulla creata bonitas potest esse prima & principalis ratio diuinæ voluntati, ad volendū aliquid obiectum, nec ex ipsa tanquā a ratione prima vel per modum excitantis ipsam dei voluntatē, vel alio quouis modo potest, nostro modo loquendi, incipere volitio diuinæ voluntatis circa aliquid obiectum, sed sola ipsa summa dei bonitas potest esse prima ratio diuinæ voluntati ad aliquid bonum amandum. Et hoc est quod S. Thom. dixit 1. p. q. 19. art. 1. ad 3. quod primi effectus ex sola voluntate dei pendent. Caterum sub diuina bonitate, quæ primaria est & formalis ratio voluntati diuinæ, propter quam omnia quæ extra ipsam sunt amat & diligit, nō inconuenit

uenit inuenire aliquam particularem rationem, propter quam deus aliquid velit. V. c. Supposito, quod deus propter suam bonitatem voluit conferre homini vitam eternā, ipsa æterna vita, vt volita a deo, est ratio eius voluntati ad volendum, & determinandum media, quæ ipsi æternæ vitæ consequendæ sunt necessaria. Imo in sensu composito necessitatur diuina voluntas ad volendum huiusmodi media. Quæ necessitas primam originem habuit, non ex ipsa beatitudine, & ex necessaria conuenientia, quæ inter ipsam vt cōsequendam, & inter illa media reperitur, sed ex ipsa dei bonitate, quæ fuit prima & principalis ratio voluntati diuinæ ad volendum conferre homini beatitudinē. Verum hac prima & radicali ratione supposita, eademmet diuinæ voluntatis necessitas summitur, vt a ratione secundaria & minus principali, & subordinata rationi principaliori, scilicet, bonitati diuinæ, ex illa intrinseca & necessaria conuenientia, quæ inter beatitudinem & illa determinata media reperitur. Et existimo quod hoc est adeo certum, vt theologi qui negant, verbis potius quam re ab hac sententia discedant, quæ fufius & accuratius lib. cit. collimauimus. Quibus ita suppositis id assereram in 2. par. conclu. quod Christus non fuit causa nec finalis, nec meritoria, quæ diuinam voluntatem ad prædestinandum homines moueret, nec reali & vera, nec metaphorica motione, quæ est propria finalis causa. Nec vero fuit ratio formalis & principalis ipsi voluntati Dei, vt homines prædestinaret & ad vitam æternam eligeret. Sed totum prædestinationis negotium reuocandum est ad ipsam dei bonitatem, tanquam ad primam & radicalem rationē, & ad libertatem diuinæ voluntatis. Ita vt quilibet prædestinatus si radicem suæ prædestinationis inquirat, nullam inueniet aliam, præter illam quam propheta regius agnouit, cum dixit, Et saluum me fecit, quoniam voluit me. Cum hoc tamen libentissime fateor, quod christi opera fuerunt ratio secundaria diuinæ voluntati ad prædestinandum homines. Qam rationem ob id reduximus ad ordinem causæ meritorie, quia christus vt dicemus postea, meruit prædestinatis omnes prædestinationis eorum effectus, quamuis reuera respectu ipsius dei prædestinantis, & respectu ipsius prædestinationis actus, etiā prout quandam rationis importat habitudinem ad homines prædestinatos, nullam omnino causalitatis vim exercuerit, sed tantum se habuerit per modum secundariæ rationis. Sed hæc præstius & limatius explicabuntur infra q. 7. cum disputabimus: an prædestinationis christi causa fuerit prædestinationis nostræ.

Ex his sequitur intelligētia illius vulgati dubij, scilicet, an Christus meruerit nobis gratiam increatam, id est, diuinæ voluntatis amorem & benevolentiam erga nos, ex qua proueniunt vniuersa dona gratuita, quæ nobis deus confert. Constat, inquam, ex dictis, Christum non meruisse.

meruisse hanc increatam gratiam, si proprie & rigurose demeritoria causalitate loquamur. Fuerunt tamen christi merita ratio secundariæ diuinæ bonitati, vt primariæ rationi sub ordinata, respectu increatæ beneuolentiæ, seu aliis verbis increatæ gratiæ, ex qua ois creata gratia originatur, & dimanat. Doctrinæ series suo iure postulare videbatur, vt hoc loco differta & dilucida tractatione explicarem, an in aliquo sensu vero & proprio concedi possit, & debeat, christum meruisse hominum prædestinationem. Verum ne sæpe eadem repetamus res ista explicabitur in quæst. 7. cum tractabitur de christi prædestinatione, & explicabitur, an fuerit hominum prædestinationis causa.

Tertia Conclusio.

Christus. Dominus non meruit ea quæ præsuppositiue tantum & materialiter necessaria sunt hominibus ad salutem vt. non meruit creationem mundi, aut creationem hominis, neque naturalem hominum generationem, nec actualem eorum in rerum natura existentiam, nec quod habeant intellectum, & voluntatem & alia huiusmodi. Ista conclusio vt iacet communiter est a theologis recepta. Probatur vniuersa ratione, quæ familiaris quoque est apud theologos. Christus tantum meruit hominibus eorum salutem, & ea quæ rationem aliquam medij induunt ad eam comparandam, sed res istæ quas numeramus & alia similes nullam habet rationem medij respectu vitæ æternæ consequendæ, sed pure materialiter & præsuppositiue se habent. Ergo non cadunt sub Christi meritis. Confirmatur, Esto concedendum sit Christum meruisse prædestinationem Petri, non ob id tamen est concedendum, meruisse sum esse, ipsumque existere Petri, nec ullus theologorū id vnquam concessit. Quoniam Christus meruit id quod pertinet ad perfectionem supernaturalem Petri, & non quod pertinet ad eius esse naturale, quia conferre Petro esse naturale, non ad ordinem gratiæ, si per se loquamur, sed ad ordinem spectat naturæ, & ad Deum non vt sanctificatorem & glorificatorem, sed vt creatorem cœli & terræ pertinet Christus autem vt homo non subseruit, nec subministravit deo, vt auctori naturæ per se loquendo, sed vt auctori gratiæ, & vt glorificatori & sanctificatori hominum: Ergo non meruit nobis illa quæ tantum pertinent ad naturæ ordinem, & præsuppositiue se habent ad sanctitatem & gratiā. Ex istis infero christum non meruisse sibi naturalem humanitatis suæ vitæ, neque eius conseruationem, cuius oppositum docent nonnulli theologi. Probat, & primo quod non meruerit animæ vitam, eiusque conseruationem, manifestum apparet, quoniam anima immortalis est sua natura, atque adeo quod eius vita imperpetuum duret, cum sit res, secundum naturæ

ordinē necessaria, non cadit sub merito: non enim meremur ea quę necessario contingunt. Quod vero neque corporis meruerit vitam, probo ex dictis. Vita corporis Christi erat aliquid pertinens ad ordinem naturę, pręsuppositiue se habens ad gratiam & meritum: Ergo non cadebat sub Christi meritis, neque per se loquendo habebat rationem medię ad humani generis reparationem, sed erat quid materialiter pręsuppositum, & ad hominum redemptionem, & ad omnia Christi merita. Secus autem dicendū est de reparatione vitę Christi per resurrectionem factę, nam hoc bonum non naturalis, sed super naturalis simpliciter fuit ordinis, non materialiter pręsupponebat ad merita Christi, sed fuit eis omnibus posterius, acque adeo rationē premij habere potuit, comparatione ad ipsa Christi merita.

Obseruandum est tamen, quod ista conclusio debet intelligi per se & regulariter, nec enim negandum est, quod per accidens aliquod eorum quę recensuimus ad ordinem naturę spectantium, cadat sub meritis Christi. Nam quod aliquis aliquando non moriatur, & liberetur ab infermitate, quę secundum naturę facultatem exitialis est & mortalis, propter bonum spirituale ipsius hominis infirmi, vt videlicet, de bitam pęnitentiam de suis peccatis agat, aut propter bonum reipublicę, seu alterius priuatę personę, non semel ex Christi meritis tantum contigit. Et hanc virtutem ex Christo deriuatam tribuunt theologi in 4. dist. 23. sacramento extremę unctionis. Itaq. per accidens quandoque contingit, vt huiusmodi naturalia bona, quę pręsuppositiue se habent ad ordinem gratię, induant rationē mediorum ex diuina ordinatione ad æternam vitam, vel aliqua ratione etsi remota ad gratiā, ad ipsumq. gratię finem referantur, & hoc modo considerata cadunt sub Christi meritis.

Hęc mihi se obtulerunt dicēda circa ea bona, quę sub Christi meritis non cadunt. De bonis autem alijs, quę ad Christi merita pertinent, & quę nobis propter Christi merita conferantur, agendum est deinceps.

Secunda 4. re iudicauit, primum proponere diuersa theologorum placita, quę in dubij pars. hac disputatione versantur, prętermisiss Pelagianorum & aliorū hæreticorum erroribus, qui, cum christum humani generis redemptorem minime fuisse crediderint, consequenter negauerunt gratiam & iustitiam, & reliqua supernaturalia dona nobis per christum obuenuisse. Et alia multa dixerunt, quę iam olim iustam ab ecclesia acceperunt damnationem. & patres antiqui in eorum extirpatione & eradicatione felicissime laborarunt, legantur omnia Africana concilia & epistolę illę Innocentij primi, & patrum qui prędictis ad fuere coneljs de quibus dubio pręcedente mentionem fecimus. His igitur præter-

prætermiſſis hæreticorum deſirahentis, quæ non oportet iam olim conſopita e cineribus ſuſcitare, ad catholicorum ſententias conuincendas conuerſamur.

Quatuor inter theologos de hac re ſententiæ reperio. Quarum prima affirmat quidẽ (in quo & omnes catholice ſententiæ cõueniunt) Chriſtum meruiſſe hominibus & gratiam & gloriam, ac proinde vniuerſa opera meritoria quæ ex iuſtificante gratia procedunt, & ad beatificantem tendunt gloriam, ac meruit itidem vltimam diſpoſitionem ad primam gratiam, qua ratione eandem gratiam concomitatur. ipſamque naturæ prioritate ſupponit in anima, vt efficientem & formalem ſui cauſam. Ceterum addit hæc ſententia, Chriſtum non meruiſſe fidem, ſpem, auxilia & diſpoſitiones, quæ primam gratiam ante vertunt, imo neque vltimam diſpoſitionem, quatenus primam gratiam in genere cauſæ materialis, & diſpoſitiuæ præcedit. Sed hæc omnia accipit homo qui iuſtificatur ex ſola Dei liberalitate & gratia. Hanc ſententiam docuit Capre in 3. diſt. 18. quæſt. vnica, ad argumenta Scotti contra quartam conc. quem alij nonnulli ſcholæſtici in eadem diſtinct. ſequuntur. Potiſſimum huius ſententiæ fundamentum illud eſt, quod adnotauit Driedo. in lib. de capti & redemp. gen. huma. tractat. 2. cap. 2. artic. 4. Nimirum, quod Paulus Apoſt. paſſim iuſtificationem noſtram ſimul & Dei gratiæ, diuinoque beneplacito, & Chriſti ſanguini, redemptionique per Chriſtum ſanctæ adſcribit; copulatque ſapiſſimè iſta duo, ſcilicet, dei gratiam, & Chriſti iuſtitiam. Ad Rom. 3. iuſtificati gratis per gratiam ipſius per redemptionem quæ eſt Chriſto Ieſu ad Eph. 1. benedictus Deus & Pater Domini noſtri Ieſu Chriſti, qui prædeſtinauit nos in adoptione filiorum, per Ieſum Chriſtum in ipſum, ſecundum propositum voluntatis ſuæ, in laudem gloriæ gratiæ ſuæ; in qua gratificauit nos in dilecto filio ſuo, in quo habemus redemptionem per ſanguinem eius (remiſſionem peccatorum) ſecundum diuitias gratiæ, quæ ſuper abundauit in nobis in ſapientia & prudentia, vt notum faceret nobis ſacramentum voluntatis ſuæ. Ac ſi diceret Paulus, facti ſumus adoptionis filij per Chriſtum Ieſum, tanquam median-tem, & per meritum eius, ſed quod ſumus ſic prædeſtinati per Ieſum Chriſtum, cauſa eſt non ipſum Chriſti meritum, ſed propositum diuine voluntatis in laudem gloriæ gratiæ ſuæ; & ſimiliter quod ſumus ad Chriſtum vocati & tracti, vt eius participemus gratiam, quam ſuis operationibus & meritis nobis promeruit, & remiſſionem accipiamus peccatorum, quam nobis Chriſtus ſuo pretioſo ſanguine emit, non ex ipſius Chriſti meritis habemus, ſed ex ſola Dei miſericordia, & ex proſpectu voluntatis eius. Ergo ea omnia quæ iuſtificantem gratiam antecedunt, ſiue fides, ſiue diſpoſitiones, ſiue auxi-

lia non ex Christi meritis sed ex sola Dei misericordia & gratia hominibus conferuntur. Confirmatur primo. Nam alias non diceretur (si proprie loquendum est) gratis & misericorditer iustificari, sed potius ex iustitia debita Christi meritis: præsertim si vera est, ut est cerse probabilis, sententia quæ affirmat Deum ex relicitudine commutativæ iustitiæ necessitari, & quasi obligari ad acceptandum Christi merita, & ad debitum pro illis præmium reddendum. Nam hæc supposita sententia, necessario consequio dicendum apparet, quod si fides, vocatio, cætera auxilia prævenientia & ipsæ omnes ad gratiam dispositiones proveniunt ex Christi meritis, ita quod Christus applicuit sua merita pro his bonis accipiendis, Deus ex iustitia hæc omnia tenetur præstare homini cui Christus sua applicuit merita: atque adeo minus proprie dixit Paulus iustificati gratiis per gratiam ipsius &c. & dixisset multo proprius, iustificati iuste per iustitiam Christi. Confirmatur secundo illud argumentum, quæ parte procedit de vltima dispositione ad gratiam, quatenus gratiam eandem ordine naturæ antecedit. Gratia infallibiliter, imò, necessario, posita hac vltima dispositione consequitur. Ergo si vltima dispositio datur ex meritis Christi, ei qui iustificatur, applicatis, prima gratia, ex operibus erit & meritis; atq; adeo rationem amittet gratiæ. nam si operibus gratia iam non gratia dicebat Paul. Rom. 11. Ut ergo veram gratiæ rationem in ipsa impij iustificatione saluemus, necesse est, vera sit hæc prima sententia quam retulimus ex Capre.

Secunda sententia in omnibus cum Capre. opinione consentit, Vno tantum excepto, docet enim quod vltima ad gratiam dispositio non solum prout concomitans, verum etiam ut gratiam præcedens, ex meritis christi provenit: & in hoc solum a Capre. sententia hæc opinio secunda dissentit. Pro hac sententia secunda solet citari Driedo. loco cit. Verum ego ex eius doctrina collegio ipsum in omnibus Capre. sententiæ adhæsisse, nam ea tantum virtutum opera meritis christi tribuit accepta, quæ ex gratia iustificante virtutem accipiunt; ac proinde contritio, prout est dispositio ad gratiam ordine naturæ præcedens, cum non ab ipsa gratia, sed vel ab auxilio speciali vel immediate a Deo suam omnem vim dispositivam suscipiat, iuxta huius auctoris sententiam non habetur ex meritis christi. Docent tamen eam expressè Ferr. libro. 4. cont. gen. cap. 55. Franciscus Somni. lib. de myst. christ. Religi. tract. 6. cap. 19. & Adamus super Epist. ad Roman. cap. 5. & eiusdem sententiæ esse videtur deca. Louaniensis Ruardus Tapper. 1. tomo. suorum articulorum in 6 artic.

Tertia sententia asserit, quod licet ex christi meritis conferantur homi-

hominibus gratia, gloria, supernaturalia omnia auxilia, & ipsa denique peccatorum remissio, aliquot tamen pœnas pro peccatis debitas mere liberaliter condonat nobis deus, nullo habitu respectu ad christi merita. Docet hanc sententiã Paludanus in 4. distin. 20. quæst. 21 & Sancti Antoninus 1. p. summæ Theolog. tr. 10. cap. 3. §. 1. Ob id hæc sententia illam pœnarum remissionem eximit a christi meritis, quia alias, inquit, in nullo dei liberalitatem erga nos expectaremur.

Quarta sententia affirmat omnia supernaturalia bona nobis obuenire per christi merita. Est intelligenda hæc sententia illis exceptis bonis, de quibus in prima huius dubij parte disseruimus. Nonnulli, ex huius quartæ sententiæ auctõribus, videntur eam limitare ad illa supernaturalia dona, quæ nobis sunt intrinseca: ita vt non comprehendant orationes sanctorum & satisfactiones, quas vnus homo iustus alteri potest applicare, nec diuitias, honores, & similia extrinseca bona quæ adiumento esse possunt ad gratiam acquirendum, & in acquisita perseverandum. Vnde hi authores quintam videntur introduxisse sententiam, quæ inter bona extrinseca, & intrinseca distinguit, ita videtur distinxisse Mag. medina. 3. p. quæst. 19. artic. 4. dub. 6. & ex nouioribus Theologis plerique iuxta hunc modum loquuntur, a quo modo loquendi non recedit Carthagena lib. cit. discurs. 11. Veruntamen nobis ob id non placuit hanc quintam ab alijs distinxisse sententiam, quoniam existimo Theologos qui distinctionem illam introduxerunt, sola tantum voce differre ab ijs auctõribus, qui absque vlla distinctione quartam sententiam docuerunt. Crediderimque quod per extrinseca bona ea tantum intellexerunt, quæ nos in prima parte huius dub. a christi meritis subtraximus. Quartam igitur hanc sententiam docent communiter Theologi, quidam expresse, quidam vero ipsam, vt indubitatam præsupponentes, in 3. distinct. 18. & 19. Sancti Thomæ tertiam parte quæst. 7. & 8. & vniuersi eius interpretes ibidem. Et idem S. doct. tertia parte quæst. 1. artic. 2. 12. quæst. 14. artic. 6. & quæst. 19. de veritate ar. 6. Soto in 4. dist. 19. art. 2. Osius Car. in confessione fidei c. 71. & 73. Lindanus libro tertio Panopliæ c. 16. & Casalius lib. 1. de quadripartita iustitia c. 4. & communiter alij theologi.

Prima Conclusio.

Ad huius quæst. resolutionem primam hanc conclusionem statuo. Quod Christus meruerit nobis omnia supernaturalia bona, quodque ea ex ipsis Christi meritis accipiamus, nihil minuit a summa liberalitate & gratia dei, quæ in opere iustificationis impij reperiri potest,

Quin

Quin potius dei gratiam & misericordiam extollit. Sed & in maximâ nostram dignitatem & spirituales utilitates cedit. Hæc conclusio quoad priores eius duas partes destruit fundamentum primæ sententiæ, cui etiam opiniones secunda & tertia, qua parte cum prima conveniunt innituntur. Probaturque primo. Illud debitum quod interuenit in iustificatione impij ex Christi meritis derivatum, non pertinet ad eum qui iustificatur, qui nullam potest coram deo iusticiam prætere- dere, neque vero capax est iusticiæ cuiuspiam, nisi ut in inferno seuerè ob commissa scelera puniatur: Sed totum debitum est respectu Christi cuius merita deus præmiat iustificando impiû. Ergo respectu ipsius qui iustificatur, iustificationis gratia & misericordia nullatenus minuitur. Dices, quod licet ex ipso qui iustificatur nullû possit insurgere iusticiæ debitum erga iusticiam & gratiam accipiendâ, terminatur tamen ad eum iusticia Christi, & debitum meritorum eius: ita quod supposita efficaci meritorum Christi applicatione ad ipsum, debita sit ei iustificationis gratia. Huic obiectioni responderi potest, quod etiam supposita applicatione Christi meritorum, non sit debita impio iustificationis gratia, est enim in capax talis debiti; sed Christo debetur, ut deus eius merita præmiat iustificando impium. Et quod dixi de impio comparatione ad primam gratiam, dico de homine iam iustificato, quantum attinet ad iusticiæ rigorem, quamvis enim & gloria & augmentum gratiæ illi conferantur ex meritis Christi, quæ iusticiam induxere coram deo rigurosam, non tamen vlla ratione concedendum est, quod ipsi homini iustificato debentur ista ex iusticiæ rigore, quia nulla creatura capax est talis iusticiæ coram deo, quamvis increatur de condigno hæc commemorata bona, nam tota puri hominis iusticia in magna dei fundatur gratia.

Secundo probatur conclusio. Quod deus nobis daret Christum, ut redemptorem & autorem, ac nostræ salutis consummatorem, maxima fuit gratia, quæ inbibita manet in omni supernaturali dono, quod nobis deus propter Christum & eius merita tribuit. Ergo quamvis in actuali exhibitione gratiæ & donorum supernaturalium aliquid iusticiæ & debiti admisceatur, est nihilominus simpliciter liberalis & gratuita talis supernaturalium donorum collatio. Imo multo magis gratuita & liberalis, quam si ex sola gratia absque interuentu meritorum Christi fieret, quia huiusmodi ius habet in suis visceribus clausam eâ gratiam & misericordiam, qua maior & excellentior neque fieri, neque excogitari potest. Eo vel maxime, quod non solam in eo deus munificus, & liberalissimus erga nos fuit, quod unigenitum suum nobis tradiderit, verum etiam in eo quod ex liberalissimo diuinæ voluntatis eius consilio ortum habuit efficax illa meritorum Christi applicatio, ex qua nobis ius aliquod ad celestia bona provenit. Iis enim Christus sua me-

vita efficaciter applicuit, quos ei designauit pater, & quos ei tradidit, ut cum effectu ad eternam vitam perducendos, iux illud quod dixit Christus Ioan. 17. Ego pro eis rogo, non pro mundo rogo, sed pro his quos dedisti mihi, quia tui sunt. De qua re dicemus inferius.

Confirmatur. Quod homo iustus de condigno aeternam promeretur vitam, nihil detrahita ratione gratiae, & misericordiae Dei, quin potius eam valde eleuat & amplificat, nam multo abundantior & vberior gratia collata est homini, in eo quod data est illi vis, & facultas ad aeternam vitam condignis meritis promerendum, quam si nullis ipsius meritis intercedentibus, ex mera Dei liberalitate & misericordia eadem aeterna vita ei donaretur. Itaque illa iustitia quae in merito condigni reperitur, & si vera iustitia meritoria sit formaliter loquendo, virtute tamen excellentioris & vberioris gratiae rationem complectitur, quatenus ipsa met est magnum diuinæ misericordiae & liberalitatis beneficium. Et ob id Paul. ad Rom. c. 6. dicebat, quod gratia Dei est vita aeterna: Ergo ius illud, quod in puro homine confurgit ex Christi meritis, non solum non euacuat diuinæ gratiae liberalitatem & magnificenciam, verum & illam summo opere extollit. Quod loco dudum citato insinauit ipse Paul. dum verbis relatis addidit ista. In Christo Iesu domino nostro. Insinuans quod vita aeterna ex Christi meritis habita, quamuis corona sit ex iustitia debita, est nihilominus simpliciter & ore pleno appellanda gratia, & eo maior & liberalior, quo in perfectiore, exactioreque Christi iustitia fundatur.

Respondebis forsitan, quod idcirco in meritis hominis iusti non euacuatur gratia Dei, quia etiam supposita gratia, quae est principium meritorum, & ex qua ut ex prima radice ipse in eis pullulat meritorius valor, pendet homo a Dei misericordia continuante & conseruante ipsam gratiam, & multis non debitis auxilijs ad operandum eidem homini opitulanti. Vnde etiam gratia supposita, eget homo ad merendum specialiori Dei misericordia & gratia, & ob id merita nostra appellatur ab August. dona Dei. Ceterum facta applicatione meritorum Christi, absque alio opere diuinæ misericordiae & gratiae interueniente, confurgit in homine cui sit applicatio ius ad gratiam, & ad reliqua caelestia bona. Et supponamus probabilem sententiam, cuius saepe meminimus, nimirum, quod deus non possit non acceptare Christi satisfactionem & meritum, & conferre premium illud, propter quod accipiendum Christus suum applicuerit meritum. Nam hac sententia supposita, iniustus esset Deus, si non iustificasset eum hominem, ad cuius iustificationem obtinendam Christus sua merita, suasque satisfactiones, efficaci intentione prae applicuit.

Posses primo huic obiectioni responderi. Quod adhuc stante probabilitate sententiae nunc praesuppositae. non omnino adstringeretur Deus

Deus iustificationi in illo homine faciendæ. Nā cum Christus, ut superius dicebam, non meruerit illius hominis naturalem vitam, & existentiam, quia hæc bona naturalia non sunt media ad æternam vitam, sed sunt infra totum gratiæ ordinem ad ipsum materialiter præsupposita, liberum ius, liberaque facultas relinquitur Deo, ad annihilandum illum hominem, & ex consequenti ad non iustificandum ipsum. Et idcirco, etiam supposita efficaci meritorum Christi applicatione, locus relinquitur diuinæ misericordiæ, & gratiæ circa impii iustificationem, quia non annihilare ipsum, opus est misericordiæ & gratiæ. Verumtamen hæc solutio apud me parum probabilitatis habet, quia quod deus possit illum hominem in nihilum vertere non pertinet ad ipsum Deum ut est auctor gratiæ, sed ut est auctor naturæ, quæ ratione ad ipsum merita Christi non pertinent. Christus. n. tantū meruit apud Deum, ut est auctor gratiæ & collator cœlestium bonorum, saltem directe, & per se. At obiectio facta contendit, quod posita meritorum Christi applicatione, deus ut gratiæ auctor non possit non iustificare illum hominem, præmiando Christi merita in eius iustificatione, quamuis ut naturæ auctor posset si vellet, plenario, & vniuersali suo vtens dominio, totum illum, hominem annihilare. Quocirca cū iustificatio simpliciter sit opus dei auctoris gratiæ, absolute videtur appellanda opus iustitiæ dei, & non opus gratiæ, & misericordiæ, si debetur ex iustitia, facta meritorum Christi determinata applicatione. Præterea. Quamuis ita sit quod Christus nō meruerit illa bona naturalia, quæ omnino naturaliter & præsuppositiue se habent ad ordinem gratiæ, non tamen est negandum, quod satisfecerit plenissime pro humanis hominum peccatis, non solum prout sunt offensiuæ dei, ut est auctor gratiæ, sed etiam prout offendunt ipsum ut naturæ auctorem, ob id quod hæc posterior offensa priorem inducit, eamque secum, si non formaliter, saltem concomitanter affert. Quo fit ut supposita prædicta meritorum & satisfactionum christi applicatione, libere possit deus, ut naturæ auctor suo vniuersali dominio vti illumque demolliri & annihilare hominem, non tamen hoc fieri potest in vindictam, & punitionem peccatorum, etiam ut fuerunt offensiuæ maiestatis dei, ut est auctor naturæ. Quare aliter oportet oppositæ obiectioni satisfacere.

Et primum dico, quod illa ratio differentiæ inter merita condigni quæ præcedunt ex gratia, & inter iustificationem respondentem christi meritis non apparet adæquata, nam quamuis verum habere videatur in multis operibus meritorijs hominis iusti, non tamen in omnibus. Etenim contritio per quam impius iustificatur, ab ipsa gratia sola, quæ in genere efficientis & formalis causæ præcedit, habet quod sit meritoria gloriæ, ita quod ipsa gratia ex natura sua, illam consti-

quit meritoriam, & inter gratiam & ipsam operationē, nō mediat ali-
quod diuine misericordię opus, cuius ratione quidpiam iustitię meri-
torię ab illo opere detrahamus. Præterea quid quid sit de hac differē-
tia, quæ fortassis adęquata potest cēseri, & extendi ēē ad illud primū
meritū, quod reperitur in contritione, aliter respondendū esse cēseo.

Secundo igitur respōdetur in hīstēdo in doctrina paulo ante tradita,
videlicet, qđ iustitia, q̄ oritur ex meritīs Christi, aut ēē ex gratia iustifi-
cāte, nullatenus excludit, sed euehit potius & extollit ipsā Dei miseri-
cordiam. Eo q̄ iustitia hęc & est materia, & effectus diuinę miseri-
cordiæ & gratię. Nā qđ misericors dei gratia ita se homini accomodet,
ut cum in eo nullum reperiat iustitię fundamentum, ipsius operatio-
nes intra ordinem iustitię corā deo reponat, valde excellēs est, & p̄cla-
rissimus ipsius diuinę gratię effectus. Vnde & ipsamet iustitia magna
est in homine dei gratia. Ex naturalibus afferri solet exemplū quod
hoc loco meditare est ponderādū. Docēt peritiores philosophi (quod
non intelligentes negauerunt quidā & male philosophi, & non bene
theologi) Vniuersalissimā, & primā causę concursū quo cum secun-
dis, & intermedijs causis naturales producit effectus, non sufficere se-
solo ad eorundē effectuum productionē, ita quod si deus veller in-
mediate & se solo horū aliquē effectum efficere, alium concursū, seu
aliter attemp̄ratum oporteret adhibere. Nunquid quia ita se hēt con-
cursus dei, quod sine consortio secundarū causarū, nullū naturalē pro-
ducit effectum, cēseri debet, impotens aut minus potens concursus,
aut impotentię & infirmitatis potest conuinci? Nequaquam. Quia
potius ad potentiam & virtutē dei, eiusq̄ concursus spectat, illa tamē
inexplicabilis accommodatio, & at rēperatio ad causas secundas, ut qua
si vnū efficiat cū earū concūso ad operandū, & producendū naturales
effectus, quodq̄ ipsas secundas causas actuet, cōpleat, perficiat, earūq̄
virtutem reducat ad actū. Vnde maius est diuinę potentię, & virtutis
opus simul cū secundis causis effectū productionē attingere, q̄ si se-
solo deus absq̄ cuiuspiā effectricis causę adminiculo, ipsos causaret
effectus. Sic ergo in nostro proposito theologari debemus, maius &
excellētius esse diuinę gratiæ & misericordię opus, hominē ad eternā
vitā, suis proprijs meritis interueniētibus, aut, qđ amplius est, simul ex
meritis Christi deducere, quā si absq̄ vllō intercedente merito, & gra-
tiā & gloriā ei cōdonasset. Id ergo deus & sūma misericordia, magna
que sapiētia fecit, ut iustitia q̄ & in christi meritis, & in iustificāte gra-
tia fundatur, in hōis dignitatē, & gloriā, ac itidē in magnā ipsius gra-
tię exaltationem cederet. Cū ergo obijciatur quod iustitia minuit gra-
tiā & misericordiā rationem, id omnino est negandū de illa iustitia,
quam misericordia & gratia constituunt, & quæ proinde inuiscerata
habet plenam, vt vtriusque & misericordię, & gratiæ naturam.

Sed cui hæc non placuerint (quamvis nescio qua ratione displicere debeant) dicat aliter. Ad cuius solutionis intelligentiam, supponendum est excommuni theologorum doctrina, quod actus qui indi-
uina voluntate formaliter resident, quâvis more nostro, & significen-
tur & concipiantur vt præteriti, eo quod coexistunt nostris præteri-
tis actibus & operibus, re ipsa tamen non sunt præteriti, nam cū æter-
nitate mensurentur, in præsentī semper duratione permanent, in ip-
so, videlicet, inuariabili, Nunc, æternitatis. Quotīca cum hi diuini
actus ad externos comparantur effectus, si ad rem ipsam attendimus,
non sunt vt præteriti, sed vt præsentēs considerandi, itaque non di-
cendum est deum voluisse, sed velle, non disposuisse, sed dispone-
re. Ex qua doctrina infero, quod illa liberalissima & summe gratiosa
voluntas, qua deus ab æterno voluit nobis dare Christum vt redemp-
torem & mediatorem, & qua voluit Christum merita sua efficaci in-
tentione certis hominibus applicare, numquam transiit, sed semper
præsentialis persistit, semperque per modum præsentialitatis hanc
deus nobis summam confert gratiam. Vnde illa iustitia quæ ex appli-
catione meritorum Christi in nobis consurgit, non præsupponit gra-
tiam quasi olim factam, & quæ iam, in præteritum trāserit tēpus, ad
eum modum quo illa iustitia quæ reperitur in solutione qua Petrus
ex pecuniis dono acceptis a Paulo soluit ipsi debitum: sed præsentis-
simam sibi habet coniunctam ipsam dei gratiam & misericordiam,
inqua fundatur. Nec tam illam præsupponit, quam intrinsece elau-
dit. Atque adeo quemadmodum fingamus quod illa donatio pecu-
niarum facta a Paulo, coexistit simul omnino solutioni, quam eidem
Paulo Petrus ex acceptis pecuniis exhibet, illa Petri solutio ita perti-
neret ad iusticiam, quod nullatenus excluderet rationem gratiæ, eo q̃
pendet ex actuali gratia & liberalitate quæ intrinsicè cum ipsa solu-
tione concurrat: ita iustitia puri hominis fundata in meritis Christi nul-
latenus gratiæ & misericordiæ minuit rationem, quia habet sibi con-
iunctam, & in sua ratione intrinsece conclusam, ipsam actualem meri-
torum christi applicationem, quatenus in præsentī est volita & dispo-
sita ex gratuito diuinæ voluntatis consilio, atque adeo nihil derogat
diuinæ gratiæ, & excellētīæ, sed eam potius attollit & magnificat. Et
hec suffecerint ad priores duas conclusionis partes comprobandum.
Probe nouerim, quemdam alium dicendi modum recentē a quibus-
dam nouioribus theologis introductū, qui initium efficacis applica-
tionis meritorum Christi, & ad primam iustificatiōē & ad operatio-
nes meritorias gratiæ & gloriæ, affirmat se tenere non ex parte Chri-
sti sua merita applicantis, neque ex parte dei ipsorum applicationem
disponentis, sed ex parte voluntatis humanæ volentis sibi applicari
eadem christi merita. Verum ab hac solutione, & ab omni doctrina cui

na cui innititur, aduocatum penitus habemus animum, cuius nonnullam facimus mentionem, q. 7. cum illam difficultatem versabimur. Nū christus causa fuerit hominum prædestinationis. Sed præstus, hanc doctrinam regemus, in nostro primo lib. de origine & potestate gratiæ tra. 3.

Tertia & vltima pars cōclusionis nō aliter probanda est, quam explicando quæ sint spiritualia commoda quæ nobis obueniunt, ex eo quod & prima gratia & tota iustitia nostra ipsi Christi meritis, & satisfactionibus innititur, quæ sunt plane innumera, sed ea tamen ad paucissima reducemus capita. Primum caput est multiplicatio auxiliorum, multo enim plura nobis deus auxilia confert, & ad primam gratiam assequendam, & ad perseverandum in ipsa assequuta, propter exuberantissima christi merita, ut nos christo coniungat, & membra perfectæ spiritualis vitæ motibus proportionata efficiat, quam si absque ullis meritis iustificationem, & gratiam acciperemus; clamat enim pro nobis sanguis christi, qui non ut effusus Abelis sanguis vindictam petit, sed multā assidue nobis misericordiam poscit & impetrat, ad hab. 12. Et de ipso christo Iesu dicebat Ioan. 1. can. 2. Sed et si quis peccauerit aduocatum habemus apud patrem Iesum Christum iustū. Expendatur illa vox, iustum, significationem enim reconditam habet. Insinuauit enim hac voce Apost. dilectissimus Christo Ioannes, quod efficacia interpellationis Christi pro nobis corā patre, innititur iustitiæ ipsius Christi, illi videlicet quæ eius meritis & satisfactionibus inesse credimus. Vnde certior nobis sit fructus interpellationis christi, eo quod non solum pro sua reuerentia, sed & pro sua iustitia exaudietur a patre, multa que nobis impetrabit adiutoria, quibus deo possimus reconciliari, peccatorumq; impetrare veniam, cum nos peccare, ipsumque deum offendere contigerit.

Secundum ea patet est, Efficacia gratiæ quæ nobis per Christum confertur (gratiæ nomine, non solum habitualement gratiam, sed omnia supernaturalia adiutoria quibus deus nobis opitulatur, comprehendimus) est enim multo efficacior & valentior gratia collata per Christum, eiusque iustitiæ meritis innixa, quam alias esset si ex sola dei voluntate dimanaret. Nam ex coniunctione ad Christum, qui est ipse totius gratiæ fons, eiusque proportionatum & adequatum subiectū, gratia quæ nobis ut Christi membris datur, specialissimum quendam vigorem participat, qui alias ei non competere. Non inepta erit ad hoc propositum ponderatio illorum verborum quæ ex christo retulit Palu. 2. corint. 12. sufficit tibi gratia mea. Etenim christus non solum gratiæ sufficientiam tribuit, sed gratiæ suæ, id est, gratiæ ab ipso deriuatæ, in eiusque fundatæ meritis. Hanc christi gratiæ vim & efficaciam, quæ plurimum excellit gratiam primi parentis Adæ, quæ non christi pas-

fioni & meritis; sed soli dei liberalitati, eiusque voluntati gratia in-
nitebatur; agnouit August, toto libro de perfectione iustitie, in illis
præsertim verbis, Adz dictum est, ne pecces quia morieris, Martiri ve-
ro dicitur, morere ne præces. Docetq. August, his aliisque multis ver-
bis, quod incussus mortis terror fuit magno adminiculo & adiumento
Adz primi parentis gratia, quod adhuc sufficiens non fuit ad eius
conseruationem & tuitionem, nam defecit tandem & neque multo
tempore firma subsistit. At martiri & cuilibet iusto Christiano per
Christi gratiam iustificato, gratia seipsa sufficiens est, neque admini-
culo cominata mortis eger, sed ipsa potius mortem facit continere, ne
propter incussum mortis metu iustus debito virtutum dehi officio, a
suaque iustitia cadat. Athana. Oratio. 2. contra Arrianos, manife-
stis & si paucis verbis hanc gratia habitæ per Christum vim, & formi-
tatem expressit, quam & gratia primi parentis defuisse testatur. Tan-
tam, hanc gratia Christi virtutem agnoscens Pauli quam & in seip-
so assidue experiebatur, dixit ad Roman. 8. verba illa diuinæ confi-
dentia plena. Quis ergo nos separabit a charitate Christi? tribula-
tio? an angustia? &c. Et subdit, certus sum enim, quia neque mors,
neque vita &c. neque creatura alia, poterit nos separare a charitate
dei quæ est in Christo Iesu domino nostro. Ponderentur hæc vltima
verba, ex quibus constabit, quod iuxta mentem Pauli, ob id tantam
virtutem, tantamque potentiam & firmitatem in iustificatorum cha-
ritate prædicabat, quia est in Christo Iesu, id est, eius passioni, &
meritis innixa, ab ipsoq. ad nos deriuata. Huic consentit quod Isai.
cap. 50. dicebat, dominus Deus auxiliator meus, & ideo non sum
confusus, ideo posui faciem meam vt petram durissimam, & scio
quoniam non confundar. Iuxta est qui iustificat me, quis contradi-
cit mihi? Itemus simul, quis est aduersarius meus? accedat ad me,
&c. Quo loco Isa. virtutem Christi Domini, quem dominum deum
auxilatorem appellat, quia in die salutis adiunxit nos, virtutemque
& fortitudinem gratia eius agnoscens, desiderabat eius aduen-
tum, vt starent simul dexteramque adungerent dextra, vt inde eius
virtus fortior esset & potentior, hostiumq. nullum timeret incursum.
Quo loco illud se mihi aduertendum offert, quod licet 3. par. q. 62.
2.2. cū 9. Thom. docent graves Theologi sacramentorum gratias & ali-
quid addere super gratiam absolute sumptam, & inter sese quandam
habere specificam distinctionem. Non ita quidem quod simpliciter
specie differant, nam huiusmodi specifica diuersitas in gratia forsan
est impossibilis, vt superius adueri, sed differunt modaliter, quatenus
gratia collata per vnum sacramentum, modum quandam specialem
intra genus gratia participat, cuius ratione aliquem peculiarem ef-
fectum efficit in anima, qui non per se respondet gratia per aliud sa-
cra-

sacramentum datæ, & hoc quidem potissimum contingit ex aliquo speciale dei auxilio, quod secundum ordinem sacramentalē, necessario, vel vt proprius dicam infallibiliter, cum gratia vnius sacramenti coniungitur, quod ad alterius sacramenti gratiam minime pertinet. V. c. gratia quam confert Eucharistiz sacramentum, qua ratione habet sibi adiunctum speciale Dei auxilium sibi proprium, & ex propria ratione Eucharistici sacramenti debitum, habet excitare charitatis feruorem & affectum, animamque deo summo bono speciali firmitate coniungere, in quo potissimum consistit spiritualis animæ resectio. Gratia vero quæ effectus est sacramenti confirmationis, adiutorium speciale Dei sibi habet adiunctum, quo peculiari quodam vigore confortat animam ad robustam & constantem fidei confessionē. Ita quod alterius sacramenti gratia per se primo charitatem perficit, altera vero Christianam tuetur fidem. Similiter in præsentia commendandum esse crediderim, quod gratia nobis per Christum data, in eiusque fundata meritis, differt specie a gratia absolute considerata, & secundum eum modum quo fuit in primo parente, non quidem differentia simpliciter essentiali, sed modali duntaxat. Ita quod specialem vim habet Christi gratia, ad continendum hominem in officio virtutum, & ad resistendum tum intrinsecis, tum extrinsecis tentationibus, vniuersisque hostilibus incurfibus. Quæ virtus & potestas nō est debita gratiæ secundum rationem communem gratiæ: sed hoc habet gratia collata per Christum, ex ipsomet Christo, & eiusque virtute derivatam, & participatam, debeturque huic gratiæ, quam ex Christi meritis accepimus speciale auxilium Dei & ad adiutoriū, ex quo tantus ille vigor in hac gratia reperitur. Et quidem cum gratia, cœlestis quædam sit aqua, ex aquis quæ supra firmamentum sunt collecta, & ab inferioribus aquis secreta, ad nos vsque descendens, quam & ex fontibus saluatoribus in gaudio & lætitia, quoties volumus, haurimus Isa. 12. cuius quælibet gutta fons fit a quæ salientis in æternam vitam, vt Ioan. 4. dicebat Christus, nihil mirum, quod sicut in materiali aqua contingit, vt diuersas sibi imbibat qualitates, non solum ex fontalibus principiis ex quibus dimanat, verum etiam ex locis per quæ decurrens fluit, ita & gratia diuersas condiciones, diuersosq. modos participet iuxta diuersitatē principiorum ex quibus effluit, & dimanat, atq. etiā intermediarum per quæ ad nostras peruenit animas. Quocirca satis consentaneum est nature gratiæ, vt qualitatem aliquam seu, vt proprius dicam, diuinam aliquam perfectionem participet, per Christum nobis communicata, quam non haberet si immediate ab ipso Deo ad nos descenderet. Quoniam Christus, & si in genere efficientis causæ, secundum causalitatem physicam, instrumentariam tantum vim habeat ad efficiendum gratiam, in genere

tamen

tamen morali causa eius est per se & principalis. Imo & si instrumentarium dumtaxat esset principium, adhuc id quod diximus, veritati posset esse consentaneum. Tum quia, ut dicebam aqua, eius est nature, & subit qualitatem etiam instrumentarii vasculi, per quod descendit & communicatur. Vnde quamuis sacramenta instrumentaria tantum principia sint gratiæ, specie nihilominus, ut dixi, differunt sacramentales gratiæ. Tum præcipue, quod Christi humanitas, qua ratione instrumentum est verbi coniunctum, specialissimam accepit viuificatricem virtutem, quam iustificanti communicat gratiæ, per ipsam Christi carnem passionem vulneratam, & attritam, ex ipsisque Christi passi & mortui meritis nobis misericorditer communicatæ.

Tercium caput, est excellentia maioris meriti, perfectiorisque satisfactionis. Sed est aduertendum circa hoc caput, non in eodem sensu ab vniuersis theologis hæc maiorem meriti, & satisfactionis perfectionem explicari. Nam quidam ita exponunt, quod opus profectum ex gratia per Christum participata cæteris paribus maioris meriti est, maiusque meretur præmium, quam si a gratia non habita per Christum, qualis fuit gratia Adæ, efficeretur. Itaque existimant crescere valorem meritorium in bonis operibus respectu præmij essentialis, taliter ut opus, quod a gratia Adæ profectum mereretur gloriam, ut quatuor, illud met omnibus inuariatis cum æquali intensiōe, extensione, &c. Si a Christi gratia proficiscatur merebitur gratiam, ut quinque. Hanc sententiam scio placuisse, & placere quibusdam non in doctis modernis theologis. Sed certe in antiquorum theologorum doctrina nullum, quod ego scierim, fundamentum habet. Neque vero efficax eis suffragatur ratio, quin potius refragare videtur. Sicque argumentor contra præfatam sententiam. Supposito quod in utroque operante gratia esset æqualis intensiōis, & operatio tam ex parte obiecti, quam ex parte intensiōis, & aliarum circumstantiarum esset similiter æqualis. Vterque homo esset æqualiter deo amicus simpliciter loquendo, & æquali deum uterque diligereet substantiali dilectione: Ergo æquale in utroque esset substantiale meritum, & æquale proinde utrique præmium responderet, saltem præmium substantiale. Nam de accidentali præmio alia forsitan est ratio, de quo dicemus statim. Confirmatur. Gratia per Christum accepta est eiusdem essentialis speciei, cum gratia absolute assumpta: Ergo operatio quæ oritur a gratia data per Christum, si in alijs non excedit operationem quæ procederet a gratia communiter sumpta, non poterit illam excedere in substantiali ratione meriti. Sed ut plurimum in ratione accidentali, & comparatione ad accidentarium præmium. Patet consequentia, quia eadem debet esse proportio inter operationes meritorias

ritorias in valore meritoriorum inter se comparatas, qualis est inter unam & alteram gratiam, ex quibus oritur, & ex quibus meritorius valor dimanat.

Alij Theologi libenter nobiscum fateantur, quod operatio procedens ex gratia per Christum accepta non est magis meritoria comparatione ad essentiale primum, sed inquirunt eam esse multo magis meritoria ex parte modi. Quia meritum nostrum fundatum in Christi meritis induit qualitatem meritum Christi ab ipsis participatam. Ita quod est meritum rigurosum, cui ex iustitiae rigore debetur illud particulare primum ei correspondens, sicut merito Christi ex rigore iustitiae fuit debitum totum illud vniuersale primum, de quo egimus superius. In hac sententia videtur fuisse Caieta. 3. par. quest. r. art. 2. Afferuit enim quod nostra operatio, ex quantacumque procedat gratia, si per se & seorsum consideretur, imperfecta est & in ratione meriti & in ratione satisfactionis. si tamen consideretur et fundata in meritis Christi; & prout ipsis innitur, secundum utramque rationem perfecta est, & ad aequalitatem satisfaciens, & ex perfecta iustitia debitum faciens primum. Videtur sequi eandem sententiam Magister Medina in commentarijs ad eundem secundum articulum. Sed fuit sine dubio auctor huius sententiae Pighius Capen. in 2. controuersia, putat enim iste auctor, quod licet quilibet nostrum per propriam & sibi inhaerentem iustitiam & gratiam iustificetur: Omnes tamen iustificamur etiam formaliter per ipsam Christum gratiam nobis imputatam. Dixitque vir iste doctissimus, quod si nostra iustificatio non compleretur formaliter per ipsam Christi iustitiam & gratiam nobis imputatam, iustitia nostra imperfecta esset, & quae non posset nos simpliciter iustos coram Deo constituere, verum completa per Christi gratiam & iustitiam nobis imputatam, iustitia redidit perfecta, & consummata, & opera nostra sunt perfecte meritoria, & satisfactoria coram Deo.

Hae sententia quantum ad id quod affirmat, meritum nostrum secundum quod innitur Christi meritis perfectum esse, & exacta iustitia, mihi falsa apparet omnino, quod & apparet grauissimis Theologis modernis. Quoniam, ut diximus a principio huius primae conclusionis in cuius expositione versamur, nulla pura creatura capax est meriti perfecti, & rigurosi, & quod perfectam coram Deo iustitiam inducat ad aliquod primum obtinendum: quia omne tale meritum in gratia necesse est fundari & in Dei misericordia. Vnde repugnat ei iustitiae rigor. Verum quantum ad id quod Campensis addit, nimirum, nos iustificari per formalem imputationem iustitiae Christi, & quod intrinseca nobis inhaerens iustitia non sufficit nos iustificatos simpliciter constituere, praedicta sententia maiori censura, nisi fallor, digna

digna est, habet enim manifestum periculum illius Lutherañici erroris in Conc. Trid. sess. 6. can. 10. & 11. damnatus, qui nos iustificari dicebat per solam imputationem iustitiæ christi, quam fide, seu potius fiducia, quadam quasi manu apprehendimus. Nec esset res ista a me tam leuiter attingenda, nisi in nostro primo libro de origine & potest. grætiæ, fortè brachio contra ipsam pugnassemus. Vnde satis hoc loco iusticiæ lectorem aduertere, ne huic Alberti Pighij sententiæ libenter animum admoueat, sed graui disputatione & matura resolutione pensata rem definiat.

Igitur vt ab hac nos difficultate expediamus, dicendum arbitror cum communij nouiorum theologorum sententia, quod homo per gratiam ex meritis christi habitam iustificatus dupliciter considerari potest. Primo vt persona quædam particularis ab alijs omnibus, etiam a christo, distincta, a quo tamen velut a causa vniuersali & gratiam & omnia supernaturalia suscipit bona: ad eum modum quo omnes iusti gratiam ab ipso deo, ab eiusq; virtute deriuatam suscipiunt. Et si hoc modo consideretur gratia cuiuscunq; hominis iusti, certum esse debet apud vniuersos theologos, quod non est sufficiens ad conferendum tantum valorem meritorium, aut satisfactorium ipsis hominis iustis operationibus, vt eas constituat perfecte meritorias, aut satisfactorias. Quoniam alias meritum hominis puri, etiam vt condistinctum a meritis christi, & secundum particularem suam virtutem esset rigorosum, & exacte iustitiæ: atque adeo & infinitum saltem ex parte modi: quod non bene consentit cum limitata puri hominis perfectione.

Secundo potest homo per gratiam a christo susceptam iustificatus considerari pro vt est membrum corporis christi, & prout est vitaliter & perfecte vnitum christo capiti eiusq; corpori mystico, quod est ecclesia. Ex quo capite actualè suscipit influxum ad bene & studiose operandum, ad satisfaciendum deo pro præteritis offensis, & ad promerendum sibi coelestia æternæ vitæ bona. Sed hic secundus modus adhuc potest dupliciter intelligi. Primo, quod homo iustus consideretur quidem vt viuum christi membrum, actualè ab ipso influxum spiritualis vitæ participans, sed nihilominus consideretur vt membrum condistinctum, & a cæteris corporis christi membris, & ab ipso christi capite. Etenim vt constat ex Paulo ad Rom. 12. & 1. corint. 12. & ad Ephs. 4. In corpore christi mystico diuersa sunt membra, distinctaq; exaquantur officia: & ex his omnibus vnū corpus mysticū intergratur ad similitudinē physici, & naturalis, quod ex distinctis cõponitur partibus & mēbris. Secundo, considerari potest homo iustus, quatenus est membrū corporis christi, non vt condistinctū a capite & a cæteris membris, sed potius vt constituit vnum & cū capite & cū mēbris.

Hac

Hac distinctione supposita dico primum. Meritum hominis iusti priori modo ex his duobus considerari, non est perfectum, & ex rigurosa iustitia. Patet. Quoniam totus influxus derivatus a Christo capite in huiusmodi membrum, quamvis ut procedit a Christo, possit inducere perfectam iustitiæ rationem, non tamen prout in ipso Christi membro suscipitur. Nam omne quod recipitur (ut vulgatum philosophorum habet proverbiū) ad modum recipientis recipitur. At nulla pura creatura capax est suscipiendi influxum, qui conferat eius operibus tantum meritorium, aut satisfactorium valorem, qui constituat perfectam, & rigurosam iustitiam inter ipsum operantem, & Deum. Cuius rei ea est ratio, quod talis influxus non potest competere puræ creaturæ, nisi præsupposita gratia Dei ex parte ipsius puræ creaturæ. Nam, ut superius in isto dubio dicebam, applicatio meritorum Christi ad purum hominem, & quicumque influxus virtutis Christi ad ipsum derivatus, ex Dei misericordia, & gratia procedit: imo & intrinsecam sibi habet ipsam Dei gratiam, & misericordiam. Meritorius autem aut satisfactorius valor in gratia fundatus, nullatenus inducere potest rigorem, & perfectionem iustitiæ. Secundo probatur. Si oppositum admittamus, sequitur magnum illud absurdum, quod ex Lutheranica sententia, quæ iustitiam nostram ad solam imputationem iustitiæ Christi reducit, solet inferri. Nempe, quod omnia merita iustorum sint æqualia, æqualisque valoris. Probatur sequella. Quia omnia sunt perfecta, & ex iustitia rigurosa, propterea quod omnia æque meritis Christi innituntur. Quam vero sit falsum istud consequens, quis non videat? Cum Christus Ioan. c. 14. dixerit, in domo patris sui multas esse mansiones. De qua alias.

Dico secundo. Si homo iustus posteriori modo consideretur, puta, ut membrum constituens vnum cum Christo capite, & cum cæteris mystici corporis membris, eius meritum perfectum est & rigurosum imo & infinitum. Probatur. Si hac ratione consideretur homo iustus, vere dicitur, quod ipsum Christi meritum pertinet ad ipsum, sicut perfectio capitis pertinet ad reliquum corpus, & ad singula eius membra, quatenus constituunt vnum cum ipso capite: Ergo sicut Christi meritum perfectum est, & infinitum, ita & meritum cuiuscunque particularis iusti hominis infinitum est & rigurosum. In hoc sensu citra dubium intellexerunt Caietanus, & Medina illam sententiam, pro qua eos citavimus. Nihilque aliud isti auctores, & alij qui eundem sequuntur dicendi modum, docere intendunt, quam quod in Ecclesia, quæ est corpus Christi mysticum, reperitur rigurosa satisfactio, perfectumque meritum: eo quod huiusmodi satisfactio, istudque meritum pertinent ad Christum, quod

est caput Ecclesiæ, & imo & prout est caput Ecclesiæ. Quoniam, ut cum Athanasio superius diximus, Christus neque sibi soli mortuus est, aut resurrexit, aut in cœlos ascendit, ad dexteramque Patris sedet: sed hæc omnia ad nos quoque pertinent, & propter nos sibi Christus illa assumpsit. Vnde vere & proprie dicitur, quod satisfecit, & meruit, ut caput Ecclesiæ. Quod vel ex eo manifeste constare potest, quod Christus, ut diximus, q. 1. huius relectionis, dicebat se pro suis peccatis satisfacere, cum pro peccatis nostris satisfaciebat. Peccata autem nostra ob id peccata Christi dicebantur, quia erant peccata eius corporis, cuius ipse Christus est caput. Quod si peccata membrorum dici potuerunt peccata capitis, cum ipsa ratio peccati nullo modo ex mēbris ad caput deriuaretur, neque vero deriuari, aut refundi posset neque fideles cum peccant se gerant ut membra Christi, quamuis re ipsa sint eius membra: quare ipsum perfectum Christi meritum, rigurosaque eius satisfactio non accommodabuntur ad corpus Christi mysticum, & ad singula eius membra, prout vnū constituunt cum Christo capite, cum Christus & meruerit, & satisfecerit secundum quod huius corporis, horumque membrorum capitis gerebat officium? Et cur virtus meriti, ac satisfactionis Christi non ipsis communicetur membris? Hanc sententiam in hunc sensum a nobis explicatum intellectam probat satis erudite Mag. Med. loc. cit. ubi refert testimonia Patrum. Precipue est ponderandum testimonium Augustini, quod ibi refertur ex Encherid. c. 41. ex quo loco, si debita et intelligentia adhibeatur, colligi potest hæc ratio, quam ipse nunc formaui pro ista sententia. Quæ confirmari potest non leuiter ex Paul. ad Ephes. 2. dicente, quod cū essemus mortui peccatis, conuiuificauit nos in Christo, nempe, Deus, & conresuscitauit, & consedere fecit in cœlestibus in Christo Iesu. Ex quo testimonio in hunc modum deduco argumētum. Paulus affirmat quod Christo resurgente a mortuis, nos quoque resurreximus, Christo ascendente in cœlum, nos quoque ascendimus. Ergo eadem prorsus ratione concedendum est, quod Christo perfecte satisfaciente, nos quoque perfecte satisfecimus, & Christo ex iustitiæ rigore merente, & nos similiter meruimus. Patet consequentia. Quoniā ob id Paul. fatetur nos resurgente Christo surrexisse, quia surrexit ut caput nostrum, & ut primitiæ dormientium: & quod cum ipso consedemus ad dexteram Patris: quia ipse ut caput nostrum illum possidet, supremum gloriæ locum. Sed similiter meruit, & satisfecit ut caput nostrum, & propter cōmodum nostrum: Ergo par est, imo & eadem vtroque ratio.

Tertio denique dico. Quamuis homo iustus consideratus ut est membrum corporis Christi particulare, & a capite, & a cæteris membris condistinctum, non mereatur, neque satisfaciat perfecte, & se-

cundum

condum iustitiæ rigorem, magna tamen perfectio eius meritis & satisfactiombus accreuit, ex eo quod innituntur meritis, & satisfactiombus christi, & pendent ex actuali christi influxu, tanquam ex influxu capitis. Hoc affectum communiter admittitur a theologis quamvis non omnes satis explicant, in quo ista perfectio consistit. Ego vero breuiter dico in duobus consistere hanc perfectionem. Primum est, quod meritum hominis iusti quamuis imperfectum sit, reducitur tamen ad meritum perfectum, quod in humana natura reperitur, & quod fundamentum est omnium supernaturalium meritum, quæ in tota ipsa humana reperiuntur natura. Quod quidem sicut primario in ipsam naturam humanam in cõi consideratæ dignitatem cessit. Ita & secundo etiam cedit in dignitatem & gloriam cuius cumque particularis eiusdem naturæ indiuidui, & in excellentiam meritum eius. Hæc dignitas etiam competit meritis hominis iusti, quamuis consideretur ut est quædam particularis persona, & non formaliter ut est Christi membrum, quæ erat prima consideratio ex superius positis.

Secunda perfectio consistit in hoc, quod hominis iusti meritum non ut cunque reducitur ad perfectum & infinitum meritum in natura humana existens, sed ut ad meritum sui capitis christi, qui prout capitis exquebatur officium, ita meruit, & satisfecit, ut utraque & meriti, & satisfactionis virtus ad ipsa sui corporis redundaret membra, cuiusque capitis virtutem, & influxum ipse iustus homo dum satisfecerit, & meretur participat. Ex his perfectionibus quæ se tenent ex parte principij meriti, & si extrinseci, consurgit alia perfectio tenens se ex parte premij. Nam maius præmium (pertinens tamen ad accidens talis gloriæ) respondet meritis iusti hominis, quæ fundantur in meritis christi, quam responderet meritis quæ ortum haberent ex gratia communiter sumpta, qualis fuit gratia primi parentis Adæ. Nam quod homo ad celestem patriam, per propria merita in Christi meritis fundata, perveniat, speciale ei, & non quidem vulgare, præstabit gaudium in patria. Quod accipiet loco specialis premij, respondentis eius meritis, prout innitebantur meritis Christi, ex eiusque præcesserunt gratia. Neque mirum quod beatus hoc accidentarium gloriæ gaudium accipiat, specialique perfruatur lætitiâ, cum videat, sua merita magis placere deo, ei que magis esse grata, quam si ex communi gratia suam duxissent originem.

Ecce ad tria reduximus capita eam perfectionem præstantiorem, & excellentiorem quæ in gratia hominis per Christum redempti & iustificati reperitur, quæ non esset in gratia, si ex sola Dei voluntate absque Christi meritis, & absque virtute passionis & sanguinis eius daretur: qualis, ut dicemus postea, fuit gratia primo parenti in statu innocentie collata, in qua proinde ita parum fuit firmitatis, ut cõto in-

trinseca sibiq; adiuncta haberet subsidia, omniq; fuisset ex parte munita, primo tamen inimicorum cesserit telo, in primoq. fuerit congressu deuicta. Sed iam oportet, vt quādā accomodationem faciamus inter hęc maioris virtutis & perfectionis gratię ad ipsum Christum, vt plene sciamus cui tanta debetur gratię perfectio.

Primum ergo caput, quod ad multiplicationem & pręuenientiũ, & subsequentiũ auxiliorum dei pertinet, & ad dei misericordiam, & ad Christi iusticiam simul reuocari debet. Ad misericordiam quidē dei, quoniam vt dicebat Paul. ad Rom. 8. qui proprio filio suo nō perpercit, sed pro nobis omnibus tradidit illum, quomodo non etiam cū illo omnia nobis donauit? Expendatur illud verbum, donauit, quod cum pręteritam donationem importet, insinuat non obscure, quod in ipsa gratia nobis per Christum collata, tanquam in semine & in radice prima, donauit iam nobis deus omnia, quę ad nostrā salutem consequendam quidpiam possunt vtilitatis conferre, donauitque proinde specialissima adiutoria & auxilia, quibus ipse optim. ac max. deus nobis assidue opitulatur. Quę plane auxilia, & si rationi gratię absolute consideratę debita non sint. Gratię tamen collatę per Christum magna ex parte debetur. Sicut gratijs sacramentalibus debita sunt illa specialia dei adiutoria, quę necessaria sunt ad speciales sacramentorũ effectus, exequendos. Ad iusticiam vero Christi idem primum perfectionis caput reducitur, quatenus ad ipsum pertinet virtute passionis suę, pręcedentiũque meritorum multa nobis a deo beneficia, vbertimaque auxilia aduocati nostri officio fungens impetrare.

Secundum caput perfectionis gratię per Christum acceptę, quę ad eius vigorem, potestatem & firmitatem attinet, reducitur ad hoc quod gratia nobis confertur ex virtute carnis Christi vulneratę, & acriter magnisque passionis tormentorum confectę. Quę sane Christi caro & si prout externis oculis obieciēbatur, debilis & infirma omniue virtutis & roboris expers iudicaretur: ita vt verissime Paul. dixerit, Christum mortuum fuisse ex infirmitate carnis, latentem tamen, & intra se reconditam, mirabilem, ac ipsis etiam spiritalibus nequitijs formidabilem continebat virtutem & fortitudinem, quę ad gratiam nobis virtute passionis Christi datam derivatur. Quia ipso Paulo aduertente Ephes. 1. Membra sumus corporis eius de carne eius, & de ossibus eius. Quam plane firmitatem efficacissimamque vigorem, ipsa infirma Christi caro, tunc fuit mirabiliter assecuta, cum verbo caro facta est. Infirmitas enim carnis solidissimę diuini verbi firmitati, & virtuti cōiuncta, fortis, firma, potēs, & vigorosa facta est, sic adeo vt ipsa et iustificanti gratia, q̄ ex suo genere forma est multo excellentior, multoq. fortior, & valentior, Vt potē q̄ forma est diuini generis, vim & fortitudinem

titudinem, specialissimumque vigorem conferre potuerit. Vt verū sic illud quod Paul. 1. Cor. c. 1. dicebat, quod infirmum est dei fortius est hominibus. Gratia namque absolute sumpta quamdiu in puro homine fuit, in primis, videlicet, parentibus, & si ex suo genere perfectissima fuerit, non eam tamen virtutis, & vigoris attingit perfectionem quā in Christo & ex Christo fuit adepta. Et non solum ex Christi supposito, & si hinc tota emana uerit gratiæ virtus vta radice & origine primaria, neque a sola eius anima in qua vt in proximo subiecto gratia Christi exitit, verum & ab infirma ipsa Christi, sed viuificatrice, carne hanc tantam perfectionem accepit.

Tertium tandem illius nostræ gratiæ excellentiæ caput, quæ in satisfactiones & merita nostra se explicat, ad ipsum infinitum satisfactorium & meritorium valorem operationum Christi, & ad exuberantissimum nostræ redemptionis præcium, necesse est reducat. Ob id enim satisfactiones nostræ, & merita nostra tantam illam vim & efficaciam a nobis expositam sortiuntur, quia perfectissimis innituntur Christi satisfactionibus & meritis, in eorumque rigurosa iustitia fundantur. Et hæcenus de prima conclusione. Ex cuius probatione & explanatione manifestum relinquitur, quam ob causam Paul. cum ei de nostra iustificatione incidit sermo, ipsam dei gratiam, ipsumque liberale, & gratuitum diuinæ voluntatis propositum & placitum, cum redemptione per Christum facta, cumque ipsa Christi iustitia coniungat & componat. Constat enim ex dictis, quod rigurosa Christi iustitia nullatenus impedit ipsam dei misericordiam, & gratiā, summamque eius liberalitatem, qua nobiscum in nostra iustificatione vritur, quin potius illam magnificat & exaltat. Ex quo ruunt omnia fundamenta, quibus innituntur illæ Theologorum opiniones, quæ in negotio iustitiæ nostræ, & inchoandæ, & consumandæ, aliquid eximunt à Christi passione, ab eiusque meritis ac rigurosa iustitia. Neque alia noua solutione egent. Nam omni ex parte manent soluta, & penitus enervata. Quare ad sequentes transeamus assertiones.

Secunda Conclusio.

Christus Dominus meruit nobis gratiam, & gloriam, fidem, spem, omnes dispositiones ad gratiā, siue remotas, & imperfectas, siue perfectas, & propinquas, omnia auxilia siue preuenientia, siue subsequētia, ac vniuersa illa bona quæ rationem induunt mediōrum ad nostram iustitiā & gratiā, etsi bona sint nobis extrinseca, illis exceptis de quibus in prima huius difficultatis parte tractauimus, & de quibus diximus, nō habuisse rationē præmij respectu meritorū Christi. Hæc conclusio, quod

quod attinet ad illam partem in qua fit sermo de gratia & gloria, à deo certa est, ut oppositum sit hæresis manifesta, & idiplum censendum est de continuatione gratiæ, quæ pertinet ad magnum perseverantiæ donum, quod ut sancta Synodus Tridentin. sess. 6. c. 13. Docet, sub nostris meritis cadere nequit. Eadem enim est ratio de infusione primæ gratiæ, & eius cōtinuatione, & perseverantia usque ad ipsius conjunctionem cum gloria. Nam si Christus gratiæ perseverantiam nobis non meruisset, non perfecte & omni ex parte nobis promeruisset gloriam, quam solus is assequetur, qui usque in finem perseveraverit Christo dicente, Matth. cap. 10. Similiter supernaturalia merita & satisfactiones, quæ in ipsa gratia fundantur, ab eaque suum omnem suscipiunt valorem, ad Christum ad eintque merita secundum fidem sunt reuocanda, neque vlla vnquam huius rei fuit apud Catholicos dubitatio. Vniuersi namque nullo excepto pro constanti semper habuerunt, quod prima gratia, eiusque infusio, & omnia quæ deinceps usque ad ipsius gloriosam consummationem inclusivæ sequuntur, ex Christi meritis nobis obveniunt. Quæ res ad huc amplificabitur magis in solutione cuiusdam argumenti, quod post hanc conclusionem, & probationes eius inferius cum alijs proponam. Sed iam probatur conclusio, quoad hanc primam partem, prout isthæc omnia quæ diximus comprehendit. Neque vero hanc veritatem multis comprobabo, passim enim reperiet quisque & in sacris literis, & apud grauissimos Ecclesiæ patres innumera testimonia, ex quibus ipsa huius conclusionis veritas efficacissime confirmatur. Sed quædam selectiora propter doctrinæ ordinem, & si vulgata satis, testimonia proferam. Probatur ergo primo ex illo Pauli ad Ephes. 1. benedictus Deus & Pater domini nostri Iesu Christi, qui benedixit nos in omni benedictione spirituali in cælestibus in Christo. Hoc testimonium, & si de omni supernaturali dono, quod nobis ad cælestis vitæ consecutionem adiuuat, manifestam habeat intelligentiam: ut non obscure dixerunt Ambrosi. & August. in eiusdem loci explicatione, & itidem Augustin. libro de bon. perseverant. cap. 7. Multo tamen apertius & manifestius de gratia & gloria, de dono perseverantiæ, de hisque meritis quibus de condigno, & ipsam gloriam, & gratiæ meremur augmentum, intelligi debet. Quoniam hæc bona ad perfectam spiritualem benedictionem in cælestibus pertinent. Et quidem si bona hæc sub cælestis benedictionis nomine non comprehenduntur, cedo alia de quibus prædicta Pauli verba possint verificari. Sed iam speciatim de his bonis agamus in hac primæ parte conclusionis connumeratis. Et primo de gratia iustificante, apertissimum est illud Pauli testimonium ad Roman. 3. Iustificati gratis per gratiam ipsius, per redemptionem, quæ est in Christo Iesu

Legatur totum caput 5. eiusdem epistolæ, in quo manifestissimis verbis nostram iustitiam & gratiam ad Christum reuocat Apostolus Paulus. De gloria probatur conclusio ex Paulo ad Hebr. 9. ubi inquit quod priore perseverante tabernaculo nondum erat propalata sanctorum via. Et multis verbis significauit ibidem, quod per Christi mortem hæc cælestis via propalata fuit, & aperta. Quod & manifestum habuit significationem in illa veli legalis templi scissura, quæ in puncto mortis Christi contigit. Id ipsum Apostolus significauit ad Hebræos 11. dum dixit, antiquos patres defunctos esse iuxta fidem non acceptis repromissionibus, sed à longe eas aspicientes, & salutantes: Deo pro nobis nichil aliud providente, vt non sine nobis consummarentur. Sine nobis, idest, sine iustis noui testamenti, quibus per Christi passionem reueratus fuit patriæ cælestis aditus, & ianua regni cælorum aperta. Tuncquæ & antiqui patres cælestes, quas à longe salutantes expectauerant promissiones, pro suis votis receperunt. Et ob id Baptista Ioânes homines per penitentiam ad Christi aduentum præparans, & dispones dicebat: appropinquabit Regnum cælorum Matth. 3. Cui attestatus fuit ipse Christus cū dixit, à diebus Ioannis Baptista Regnum cælorum vni patitur. Ex quo fit, quod explicita Regni cælestis promissio, vix facta reperitur in libris quæ ad verum pertinent testamentum: missum facio prophetas qui de tempore legis gratiæ vaticinantes mentionem quandoque de cælesti Regno fecerunt. Legantur pro hac re Ambrosi. & Chrysost. & alij sacrorum bibliorum interpretes in hæc Pauli testimonia. S. Hieronymus in epistola ad Dardanum de terra promissionis, & august. lib. 19. contra Faustum, c. ultimo. Vbi fatetur, se in veteri testamento legisse multa, quæ vitam æternam designant, imo & resurrectionis mortuorum dicit meminisse Prophetas: At Regni cælorum, inquit, primū in Euāg. facta est mentio. Et ita plane est: nā licet in Proph. legamus Regnū datū esse Christo, aut ei promissū. Vt Dan. 7. & Christi i ps. 44. vocetur Rex. ibi Dico ego opera mea Regi. Quæ plane de Regno cælorum intelligi debet. At explicita nusquam reperitur ante Euang. hæc vox Regnum cælorum.

Probatur deinde ex illa communi Theologorum doctrina, quæ affirmat Christum aperuisse nobis ianuam cælestis Regni. Ita cum magistro docent scholastici in 3. dist. 18. & in 4. dist. 2. & S. Thom. 3. par. q. 49. art. 5. & ibi vniuersi eius interpretes. At non alia ratione Christus dici potest aperuisse ianuam cælestis Regni, nisi quatenus sanguinis sui exhibitio prætio nos perfecte redemit, pleneque pro peccatis nostris Deo satisfacit: ac ipsam æternam vitam nobis ex perfecta iustitia promeruit. Huc attinet quod Athanasius in oratione secunda sæpe citata contra Arianos in hæc verba dicit. Si enim dominus homo factus non fuisset, numquam nos à peccatis vindicati

ex mortuis resurrexissemus, sed sub terris mortui relinqueremur, neque ad cœlos euecti essemus, sed adhuc in orco remaneremus. Ecce ubi euectio nostra ad cœlos, Christo tribuitur à grauisimo Athanasio.

Rom. 8.

Item probatur hæc veritas. Christus secundum fidem nobis meruit iustificantem gratiam: Ergo & meruit, ut acceptaremur ad gloriam. Patet manifeste consequentia. Quia per gratiam acceptamur ad gloriam. Efficimur enim per gratiam filij Dei, ut à principio huius relectionis ostendimus. At si filij & hæredes, ut inquit Paulus, coheredes autem Christi: Ergo, &c.

Tandem hanc veritatem habemus expressam in Sancta Synodo Trident. sess. 6. cap. 16. in hæc verba. Atque ideo bene operantibus usque in finem, & in Deo sperantibus, proponenda est vita æterna, & tamquam gratia filijs Dei per Christum Iesum misericorditer promissa. Ecce apertam S. Synod. sententiam.

Quod vero meruerit ipsa opera meritoria quibus in spirituali vita promouemur, & perficimur: ac quibus de condigno, & gratiæ, & gloriæ meremur augmentum, docuit aperte Paul. ad Ephes. 2. illis verbis. Ipsius enim iumus factura, creati in Christo Iesu in operibus bonis, quæ præparauit Deus, ut in ipsis ambulemus. Ecce bona in quibus ambulamus, quæ sunt ipsa meritoria opera, in Christo Iesu, ex meritisq; ipsius habemus. Sumus enim creati, inquit Paulus, in Christo Iesu in operibus bonis. Constat hoc etiam, ex his quæ nunc dicebamus. Nam si Christus nobis meruit æternam vitam, necessum est dicamus, quod meruit etiam bona opera, quibus vitam æternam promeremur, & ad ipsam ambulamus. Si Christus enim nostra meritoria opera nobis non meruit: neque etiam meruit totam illam gloriam, quam per nostra opera nobis facimus debitam. Nam si facimus nobis debitam gloriam absque Christi meritis, Ergo etiam si ipsa non extarent Christi merita, nobis esset conferenda gloria: quod est manifeste contrarium catholicæ veritati. Sed denique hæc veritas definita habetur expresse in Concil. Trid. sess. 6. can. 16. & præcipue can. 32. definitur hoc loco. Opera hominis iustificati quæ sunt æternæ vitæ merita, fieri per Dei gratiam, & Iesu Christi meritum, cuius homo iustus est membrum viuum. Ex cap. 16. eadem aperte constat veritas.

Quod donum perseverantiæ ex Christi meritis nobis conferatur, paulo superius ostendimus. Et certe Concilia & Patres in eisdem locis quibus definiunt gratiā iustificantē nobis cōferri ex Christi meritis, definiunt simul, ad Christi merita pertinere ipsam nostram in gratia- & sanctitate suscepta perseverantiā. Videnda sunt Concilia Mileuitan. & Arausican. secundū, per multa decreta, quæ erudite pōderauit Andreas de Vega, lib. 4. super Concil. Trid. c. 3. & seq. Et quidē hæc

Conci-

concellia grauissima gratiam iustificanti, omnemq. gratiam ad salutem necessariam appellant gratiam Christi. In Conc. Trident. sess. 6. passim habetur gratiam iustificanti nobis dari per Christum. Speciatim legatur c. 7. vbi Christus asseritur causa meritoria nostræ iustificationis. Et hæc sufficiant pro prima parte conclusionis quartæ, quæ est certa fidelis veritas.

Probanda est deinceps conclusio, quatenus procedit de vniuerso alijs supernaturalibus donis, quæ intrinseca sunt homini cui conferuntur. Et probatur primo vniuersaliter de his omnibus spiritualibus donis, fide, spe, dispositionibus auxilijs, &c. Vocatio primum locum tenet inter omnia bona supernaturalia hominibus intrinseca, & ita Paulus ad Rom. 8. vocationem primo loco numeravit inter omnes prædestinationis effectus. Quos prædestinauit, inquit, hos & vocauit, &c. sed vocationis nostræ Christus fuit meritoria causa. Ergo meruit omnia bona supernaturalia nobis intrinseca. Consequentia apparet manifestatum ex paritate rationis, imo & per locum a fortiori, nam si ad eos qui non sunt actu Christi membra, sed omnino sunt ab ipso remoti, ipsius Christi virtus & meritum extenditur, cur non in eis, qui sunt vocati, & sunt actu membra, & si nondum perfecta, non habebit effectum? Tum etiam, quia vocatio est causa illorum supernaturalium effectuum, ex ipsa enim pendent vniuersa alia spiritualia hominis bona. At qui est causa causæ, est causa causati. Probatur vero minor ex illo Pauli 1. Thimot. 1. qui nos liberauit & vocauit vocatione sua sancta, non secundum opera nostra, sed secundum propositum suum, & gratiam, quæ data est nobis in Christo Iesu. Ergo gratia qua primum nos Deus vocauit ad fidem, & spirituales vias colendam, ex meritis christi fuit, ut ibidem exposuit S. Ansel. Quod si gratia vocationis ad fidem ex meritis christi est, quis negare poterit & ipsam fidem, & omnes dispositiones ad gratiam, quæ ex ipsa vocatione oriuntur, ex eisdem christi meritis provenire. Neque hoc solum ex Ansel. auctoritate habemus, nam Si Synod. Trid. sess. 6. c. 5. in hunc modum docet. declarat præterea sancta Synodus, ipsius iustificationis exordium in adultis ad per Christum Iesum perueniente gratia sumendum esse, hoc est, ab eius vocatione, qua nullis eorum meritis existens vocatur, &c. Præterea, illud testimonium ex Paul. ad Ephes. 1. citatum. nonne manifestum est pro hac veritate confirmanda? Nam quo pacto verificari poterit, Deum benedixisse nos omni benedictione spirituali in Christo si uel fidem, vel dispositionem, vel auxilium aliquod a christi meritis subtrahimus? Nonne hæc omnia, & eorum singula ad spirituales pertinet benedictionem? Sed specialiter adhuc de fide hæc ostenditur veritas ex illo Pauli ad Philippen, 1. Vobis donatum est pro Christo, non solum ut in ipsum credatis, sed etiam

& pro ipso patiamini. Ecce ubi pro christo, adest, pro Christi meritis donata dicitur fides, sicut etiam & ipsa tri bulationum & passionum pro fide tollerantia. Aug. tract. 3. in Ioan. initium fidei christi meritiq. adscribit. Quod colligit ex illo Ioan. 1. Veritas per Christum facta est, id est, vera fides per Christum est. Et ut ibidem ipse August. aduertit, non solum tanquam per doctorem, & veritatis magistrum, sed etiam tanquam per auxiliatorem. Auxilium ergo ad credendum ex meritis Christi est. Docet eandem veritatem Paul. dum ad Heb. 10. de Christo ait, quod initiavit viam novam, &c. Initium viæ nouæ ipsa fides est. Nam & ipsa est totius spiritualis viæ initium, fundamentum & radix, ut S. Synod. Trid. sess. 6. c. 8. nos docuit, & Paul. 1. ad Thimo. 3. vocat ecclesiam firmamentum veritatis, eo quod veram Christi fidem retinet. Tandem in Concil. Trident. c. 7. sess. 6. citat. ita dicitur, In ipsa iustificatione cum remissione peccatorum hæc omnia simul infusa accipit homo per Iesum Christum, cui inseritur fides, spes & charitas tenet. Ecce quanta parte Concilium doceat fidem nobis per Christum dari. Neque satis fuerit dicere, Concilium ibi tantum de fide per charitatem formata loqui, quoniam absolute Conc. ipsam fidei substantiam per Christum dicit conferri. Neque tantum ibi de informatione fidei, sed de ipsa quoque eius infusione S. Synodus loquitur. Quamvis principaliter de ipsa fide, quatenus per gratiam & charitatem formata ad impij iustificationem concurrit.

De dispositionibus ad gratiam probanda est, deinde statuta conclusio. Et primo de dispositione ultima seu illius verbis de dispositione proxima ad gratiam advertendum est, quod hæc dispositio potest considerari, velut ordine naturæ gratiam, in genere causæ materialis antecedit, vel prout in genere efficientis & formalis causæ eadem gratia posterior est secundum naturam ordinem. Si quidem posteriori modo consideretur, extra omnem contrarietatem positum est, eam nobis ex christi meritis conferri neque id ullus theologorum hactenus negavit. Et satis probatum relinquitur ex his quæ diximus circa primam conclusionis partem. Si vero priori modo sumatur, auctores primæ sententiæ huic conclusioni refragantur, sed refragantur etiam manifestissimæ veritatē, & si libere loquendum est, contrarietur fidei. Et probatur primo testimonijs ex S. Paulo deductis ex illo preteritum ad Ephes. 1. in quo quædam benedictionem spiritualem, qua benedicimur a deo, Christi meritis adscribit. At statim esset is, qui ultimam ad gratiam dispositionem, quam gratia ipsa, & formalis animæ iustitia infallibiliter sequitur, inter præcipuas spirituales dei benedictiones non computauerit. Sed & aliud testimonium ex 2. ad Timoth. c. 1. de sumptum in quo prima nostra ad iustitiam vocatio christi meritis tribuitur, magnū quoque habet ad huius veritatis persuationis momen-

rum. Nam si prima vocatio ex meritis christi est, quis obsecro id ipsum non facietur de vltima ad gratiam dispositione? Præterea probatur. Vltima dispositio ad gratiam, ut colligitur ex Concl. Trident. sess. 6. c. 7. & can. 3. constat adhiberi fidei, spei, charitatis & penitentia. Sed hos adus accipit homo a deo ex Christi meritis. Ergo vltima dispositio ex meritis christi est. Minor probatur ex eodem concilio sess. cit. c. 7. dicit, quod per Iesum christum accipit homo eum iustificatur fidem, spem, & charitatem. De penitentia autem sic probatur. Detestatio peccatorum, & propositum emendandi vitæ, & alia quæ ad penitentiam pertinent, per se consequuntur ex charitate dei. Ex eo enim is, qui iustificatur, detestatur peccatum, ut summum detestabile, quia diligit deum, cui peccatum opponitur, ut summum diligibile. Ergo si actum charitatis habet homo ex christi meritis, etiam actum penitentia ex eisdem meritis christi necessum est habeat. Confirmatur. Contritio, quæ præcipuus est penitentia actus & quæ vltima est ad gratiam dispositio, prout ex fide spe & charitate procedit, non iustificat animam, nisi quatenus votum sacramenti vel baptismi, vel penitentia formaliter, aut saltem virtualiter includit, ut Sancta Synodus Tridenti. sess. 14. capit. 4. expresse nos docuit. Sed sacramenta & omnis eorum virtus ex christi meritis pendet. Ergo manifestum est, vltimam dispositionem ad gratiam non iustificare, neque reconciliare animam Deo, nisi dependenter ex meritis christi. Quia non minus pendet, sed multo magis a christi meritis, quam a sacramento. Imo ob id pendet a sacramento, ita ut sine eius voto nihil posset efficere, quia pendet a christo, & a meritis eius. Neque alia huius dependentia fingi potest causa. Probatur præterea eadem veritas. Posita vltima dispositione ad gratiam, necessario aut saltem infallibiliter sequitur gratia iustificans animam: ergo si vltima dispositio, ut gratiam præcedit, non est ex christi meritis, neque etiam gratia, quæ ipsam infallibiliter consequitur, ex meritis christi est. Quod asserere, esset errare in fide, essetque manifesta heresis. Antecedens a nullo theologorum negatur. Quamvis in assignando modo quæ debet habere ipsa vltima dispositio, non omnes conveniant. Aliter enim Scotus, aliter Caietanus, & aliter communior & vera theologorum procedit sententia, de quare alias. Consequentia vero probatur. Posita vltima dispositione ad gratiam, ponuntur omnia quæ necessaria sunt, ut infallibiliter, & statim sequatur gratia. Ergo si contritio, independenter a Christi meritis, est vltima dispositio ad gratiam, is qui contritus, independenter quoque a meritis christi obtinet omnia quæ sunt ei necessaria, ut gratiam iustificantem consequatur: atque adeo non eget Christo, neque eius meritis ut iustificetur, & ut iustificationis gratiam accipiat a Deo principali iustificante. Hoc

argumentum videtur violentum & inevitabile. Nam si quis dixerit ut Capreoli sententiam defendat, contritionem non in esse naturæ, sed in esse moris, ultimam esse dispositionem ad gratiam: atque a deo quod contritione posita non est, necesse quod infallibiliter sequatur gratia, nisi iuxta modum à Deo dispositum. Disposuit autem Deus, ut non nisi mediantibus Christi meritis ei qui contritur iustificationis conferatur gratia. Si quis, inquam, ita dixerit, effugiet fortassis manifestum contra fidem errorem, Sed reuera non soluet argumentum. Et sic arguo contra hanc solutionem. Quod posita contritione non infallibiliter sequatur gratia, non poterit absque manifesto errore affirmari, quoniam ex concil. Trid. loco proxime citato aperte constat contritionem sufficientem esse ad reconciliandam animam Deo, ergo fateri tenemur quod ipsa contritio siue physice siue moraliter continet omnia, quæ requisita sunt, ut iustificationis gratia infallibiliter sequatur. Ergo vel hoc habet ex meritis Christi, vel non. Si non habet, argumentum factum remanet insolutum, si habet, habemus & nos intentum, nimirum, quod contritio ex Christi meritis habet esse dispositionem ultimam quam iustificationis gratia infallibiliter comittatur. Et confirmo. Hæc infallibilis coniunctio quæ inter contritionem, & gratiam iustificantem reperitur, vel ortum habet ex meritis christi, vel non. Si non habet, ergo independentes à Christi meritis gratia iustificationis sequitur posita contritione in anima. Si habet, ergo contritio ex meritis christi pendet, si non materialiter & entitative, saltem formaliter in ratione ultimæ dispositionis ad gratiâ. Probatur evidenter hæc consequentia. Nam Quod contritio ultima sit ad gratiam dispositio, in eo formaliter consistit, quod proximam habet habitudinem ad gratiam, ita ut sit infallibilis connexio inter ipsam, & gratiam, siue hæc connexio ad ordinem spectet physicum, siue ad ordinem pertineat morale. Alias enim improprijssime vocaretur ultima ad gratiam dispositio. Confirmatur. Iustificatio impij, ut concilia & Patres imo & scriptura sacra de ipsa loqui solent, non solum importat infusionem gratiæ & virtutum, sed ipsam actualem conversionem animæ in deum, actualemque peccati detestationem, qui sunt actus in quibus consistit ultima dispositio ad gratiam, sed christus, ut habemus à concilio Tridentino sess. 6. cap. 7. est causa meritoria iustificationis impij: ergo meretur iustificationem, etiam ut includit hos actus: atque adeo meretur ultimam dispositionem. Authores qui magna cum probabilitate sentiunt, contritionem effectius à gratia percedere, efficque proinde posteriori ipsa gratia in genere causæ efficientis, in promptu habent argumentum efficacissimum ad probandam istam veritatem; quia si aut gratia est ex meritis christi, ita contritio ex eisdem meritis pendere debet

te debet si effectus est iustificantis gratiæ. Caterum quoniam multi auctores probabiliter quoque opinantur, contritionem non effici à iustificante gratia, sed ab speciali dei auxilio, quod in nullo genere causæ gratiam iustificantem præsupponit. Idcirco non oportet hoc argumentum magni facere. Argumenta, quibus mox probabimus dispositiones antecedentes & remotas ad gratiam haberi ex christi meritis, probabunt id ipsum per locum a fortiori, de vltima & proxima dispositione.

Probatur ergo quod ois dispositio ad gratiā quamlibet remota, si tamē nomen dispositionis meretur, ita q̄ sit operatio supernaturalis utcunq. præparans ad iustificantē gratiam, ex meritis Christi ortum habeat. Et quidē posset hoc primū probari ex testimonijs quæ ex Paulo adduximus ad Eph. 1. & 2. ad Tim. 1. nam illa testimonia de omni supernaturali dono quodcunq. illud sit manifeste procedere vidētur, sed illis prætermisissis, seu, ut melius dicam, præsuppositis. Probatur primum hæc veritas ex Conc. Trid. sess. 6. c. 5. citato, in quo ut constat ex verbis quæ paulo superius retulimus, declarat. 5. Synodus iustificationis impij exordium, adeo per Christum Iesum præueniente gratia sumendum esse, hoc est, ab eius vocatione &c. Ergo qualibet dispositio ad gratiā, etiam prima & magis remota, ex qua initium iustificationis delumitur, per Christū est, id est, ex meritis Christi oritur. Ego sane nō video modum, quo bona cum probabilitate possimus auadere huius argumenti vim. Nam valde vrget hæc concilij declaratio.

Secundo probatur eadem veritas. Eiusdem agentis est disponere ad formā principalem, cuius est eandē formam introducere. Sed ad Christum ad eiusque merita pertinet introducere gratiam iustificantem, quæ in ipsa impij iustificatione rationem habet principalis formæ. Ergo ad ipsum Christum ad eiusque merita pertinet omnis dispositio, qua impij anima ad gratiam suscipiendam disponitur & præparatur. Confirmatur. Sequeretur ex contraria sententia concedendum esse, Christum non mereri totam impij iustificationem, sed eius partem dumtaxat. Consequens non consentit modo loquendi sanctorum Patrum, imo nec sacrarum scripturarum, Paul. enim alias, tum præcipue Rom. 3. absolute dicit impium iustificari gratis per redemptionem quæ est in Christo Iesu. Ergo &c. Patet sequella. Sicut generatio naturalis non solum dicit, iuxta communem modum loquendi philosophorum, ipsam instantaneam substantialis formæ introductionem, sed etiam totam dispositionem præcedentem, quia est via ordinata ad introductionem substantialis formæ, sicut ad proprium terminum: ita tota dispositio ad gratiam à prima vsq; ad vltimā clauditur sub iustificationis nomine & ratione. Ergo sicut agens naturale, quod non attingeret omnem dispositionem concurrentem ad sub-

stantialis

stantialis formæ introductionem, partiale generans effect & non totale, ita Christus secundum illam sententiam partiale tantum iustificans est, & non totale.

Tertio probatur, & procedit argumentum specialiter de illa dispositione remota quæ præsupponit idem in eo qui disponitur. Omnis motus & operatio fidelium supernaturalis provenit à christo tanquam à capite influente in sua membra. Ergo omnis dispositio ad gratiam, quæ est motio supernaturalis, habetur ex influxu Christi tanquam ex capite, & ex consequenti procedit ex ipsius Christi meritis. Probatur antecedens. Per fidem incorporamur Christo, & constituimur membra corporis Christi mystici sub ipso capite Christo, estque Christus caput nostrum in ordine supernaturali: Ergo influit in nos tanquam in membra omnem supernaturalem motum, vel vitam qualis est omnis operatio ex gratia procedens, vel tendens ad vitam, qualis est dispositio remota ad gratiam. Confirmo, Nam alias sequeretur, quod sola fides non sufficit nos constituere membra Christi, & corporis eius mystici. Consequens autem est hæreticum: Ergo, &c. Probo sequellam, christus non influit aliquem motum in peccatorem fidelem, neque aliquem influxum in eum potest habere iuxta contrariam sententiam, præsertim iuxta sententiam, primam, quæ neque etiam ultimam dispositionem ad gratiam, prout est in formis, meritis christi tribuit. At quale caput esse potest, quod nullum habet in sua membra influxum? Video quod recurras ad distinctionem membri, & partis, dicesque peccatorem partem potius esse corporis Christi mystici, quam membrum. Bene habet, nolo in præsentia in extirpanda hac distinctione immorari, etsi mihi non satis grata sit, sed placuit alijs multo me dictioribus, quorum princeps fuit Magister Cano in lib. de locis. Quamvis crediderim quod nullus theologorum, ex his qui hanc distinctionem admittunt, excludant totaliter influxum Christi capitis in hæc mortua membra, qui certe nulla ratione excludi debet. Non enim ita sunt mortua & arida partes corporis Christi mystici, ut non sint capaces alicuius supernaturalis motionis, quæ est sub ordinata fidei, per quam efficiuntur huius corporis partes, ipsique capiti Christo uniuntur. Ex quo sic formo argumentum, omnis illa motio quæ pertinet ad partem alicuius corporis, secundum quod est eius pars ipsi totius corporis capiti subordinata, habetur ex influxu ipsius capitis. Et ista propositio adeo est manifesta, ut appareat stultum illam negare. Sed dispositio imperfecta & remota ad gratiam est motio supernaturalis, conveniens peccatori, prout est fidelis, & ex consequenti prout est unitus christo capiti, eiusque influxui subiectus: Ergo hanc dispositionem fidelis peccator accipit a christo, ut a capite in ipsū influente. Et ut evidentior appareat vis huius argu-
menti,

menti, procedat de ipso fidei informis motu, qui, citra dubium, aliquis habet rationem dispositionis ad gratiam. Et inquirō, an iste motus sit ex influxu capitis christi, vel non, siquidem primum dixeris, intentum habeo, si vero dicas secundum: ergo motus fidei non sufficit constituere hominem unitum christo, illique subditum ut capiti. Probo consequentiam. Illa motio per quam fit actualis coniunctio, & subordinatio membri ad caput est primus actualis influxus capitis in ipsum membrum: nec enim fingendum est, quod in membro sit aliqua motio per quam actu subiiciatur capiti, & quod non sit ab ipso capite, quod per talem motionem actu sibi subiicit membrum. In ipsumque tanquam in subiectum influit: & hoc potissimum erit manifestum sapientioribus Theologis, si supponamus hominem peccatorem iam esse coniunctum christo capiti per fidem habituales, quae se explicet in proprium actum, in quo consistit actualis, & quasi completa coniunctio per fidem.

Sed iam probanda est deinceps conclusio, quatenus procedit de auxilijs supernaturalibus. Et quidem probatur primo de auxilijs praeuenientibus, & antecedentibus gratiam. Et principio probo ex illo Ioan. 14. nemo venit ad patrem, inquit Christus, nisi per me. Sed primum auxilium, ut ipse Christus explicuit Ioann. 6. consistit in tractatione, qua pater trahit hominem ad christum, ad eius, scilicet fidem, & obedientiam. Nemo inquit Christus potest venire ad me, nisi pater qui misit me traxerit eum; quae tractio re ipsa non est aliud, quam ipsa vocatio efficax: Ergo de primo ad ultimum nemo potest venire ad christum, nisi per ipsummet christum, atque adeo ipsa prima tractatio ad christum, ad eiusque fidem ex meritis christi est. Et ob id christus semetipsum vocavit ostium, quia per illum, & per eius merita fit primus ingressus in ecclesiam. Sed ut plenius vim rationis huius percipias, adverte, quod venire ad patrem, & venire ad christum idem est omnino, & uterque pater, scilicet, & christus ex parte eiusdem termini ad quem se tenent, huiusmodi ipse christus non solum se viam esse dixit, sed & vitam, & hoc non solum, ut deo, competit christus, sed etiam ut homini, nam aeterna vita, ut dixit ipse christus Ioan. 17, consistit in visione dei, & christi. Unde si ad patrem non possumus venire nisi per christum, neque possumus ad eundem venire christum, nisi per ipsummet. Et similes, sicut non possumus ad christum nisi per christum venire, ita neque ad patrem, nisi per christum. Unde tota coelestis via per christum est, & ob id, merito, & ostium, & viam ipse vocavit seipsum. Dices quod ut plurimum hoc argumentum convincit de tractione ad fidem, quae est auxilium efficax, id est, quae effectum sortitur in eo, qui trahitur. Bene quidem, nam qui ita dixerit, iam nobiscum satebitur, quod non solum

lum habemus fidem ex meritis Christi, verumetiam & illud efficax auxilium, quo ad fidem trahimur. Et qui hoc concesserit, qua ratione negabit, quod auxilia omnia quę præcedunt gratiam & fidem, quantumcūque sint in efficacia, nō habeantur ex meritis christi? Cum reuera sint sufficientia trahendi nos ad fidem, nisi nostra voluntas eorum virtuti obstitere. Vnde sic informa construo argumentum. Nemo potest venire ad patrem, nisi per Christum, quia Christus est ostiū per quod necessum est ingrediatur, quicumque ad Patrem transierit, sed virtute illius præuenientis auxilij inefficacis posset homo si vellet, peruenire ad patrem: Ergo illud auxilium est ex meritis christi, alias verificaretur, quod posset quis venire ad Patrem, & non per christum, atque adeo quod christus non esset ostium vnicum & solum, per quod transeundum sit ad patrem, quod est erroneum dicere, imo & hereticum. Quia vt Petrus act. 4. dixit, non est aliud nomen, nobis datum sub cælo, in quo oporteat nos saluos fieri, nec est aliud ostium per quod possimus inire in ciuitate christi, præter ipsum christum, neque via alia per quam transeamus ad vitam: ergo hæc.

Ad Rom. 1.
1. Cor. 1.

Probatur secundo eadē veritas. Primū auxilium quod a deo accipimus, est vocatio ad fidem, & idcirco Apostolus ipsos fideles quandoque appellat, vocatos, quia ex vocatione tanquam ex primo auxilio dei fidem accepimus, sed hanc vocationem habemus per christū, vt constat ex testimonio supra citato 2. ad Timoth. 1. & ex Conc. Trident. sess. 6. c. 5. cuius verba superius relata, sunt manifestissima pro hac veritate. Ergo id ipsum est dicendum de reliquis omnibus auxilijs.

Tertio probatur ex communi sensu ecclesię, omnes enim tam iusti, quam peccatores quaecumq. & quod cumque auxilium petant, siue ad resistendum tentationibus quę insurgunt contra fidem, siue, ad habendum bonum aliquem, supernaturalem motum, petunt per christum, eius mortem & sanguinem interponendo, vt impetrent a deo. Cui fidelium intelligentię & religiosę deuotioni fauet id quod Augustinus in enarratione prima Psalm. 108. inquit, quod oratio quę non fit per christum, non solum non potest delere peccatum, sed & ipsa fit in peccato. Ergo communis ecclesię sensus est, omne auxilium supernaturale quodcunq. fuerit, siue præueniens, siue subsequens, non aliter quam per christi merita esse impetrandum a Deo.

Tandem probatur conclusio secundum quod procedit de bonis externis siue sint spiritualia, cuiusmodi sunt orationes sanctorum, siue temporalia vt honores, diuitiæ, &c. Hęc bona sunt quandoque prædestinationis effectus, vt docent peritiores theologi cum de hominum prædestinatione differunt cum S. Thom. 1. p. q. 23. art. 8. possunt
que

que esse media convenientia, & sunt quam sepius ad finē supernaturalem acquirendum, ut eodem loco S. Tho. agnouit: ergo ex meritis Christi hæc bona etiam nobis proueniunt. Probatur consequentia. Quoniam ad eundem pertinet omnia media, tū necessaria, tum convenientia ad aliquem finem, tribuere, ad quem per se spectat inducere ad ipsū finē. Sed ad christum attinet perducere nos ad eternam vitam: ob id enim appellatur autor ac consumator fidei & salutis: ergo oīa media, quæ conducunt nobis ad æternæ vitæ consequutionem, ad christū pertinet, & ex christi meritis, & nō aliter habēda sunt a nobis.

Confirmatur illo argumento dudum facto, nimirum, quod hæc ē bona omnes fideles petunt a Deo per Christum, & per eius passionē, & sanguinem: Ergo, &c.

Ista dicta sunt sigillatim enumerando oīa bona, q̄ nobis per Christū obueniunt in ordine ad æternā vitam consequendā. Deinceps in cōi probo verā esse cōclusionē absolute, & ut iacet consideratā: cōmunitioribusq. proinde utar rationibus. Prima. Meritū christi fuit infinitū, infinitiq. valoris: ergo ad hæc oīa bona promerēda se potuit eius virtus extēdere. Et antecedēs, & consequentia constant ex dictis superius in hoc 3. ar. q. 5. Sed rursus infero: Ergo non est subtrahendū aliud quod bonum istorum a christi meritis, nisi fuerit vrgentissima causa, quæ nos ad huiusmodi exceptionē faciendā vrgeat, ac plane necessitet: sed talis causa non est in præsentia, nam potius in oppositum vrgent, & quæ dicunt scripturæ, & quæ definiunt Cōcilia, & quæ docent patres, & quæ sentiunt peritiores theologi, & quæ fidelis populus vniuersi consensione recipit: & denique ratio vero similis suffragatur potius, quam aliqua ex parte refragetur: Ergo, &c.

Secundo. Ad dignitatem Christi pertinet, ad excellentiāq. passionis & meritorum eius, ut vniuersa supernaturalis ordinis bona, & quæcunq. ad æternæ vitæ asssecutionem conducunt, nobis per Christum, & virtute meritorum eius donentur: Ergo cum non sit vrgens ratio aliud postulans, ita est omnino dicendum.

Tercio. Christus in scriptura sacra multis comparatur, multa que ei tribuuntur nomina, quæ denotant vniuersalem dependentiam, quam in ordine gratiæ omnes habent a Christo. Comparat enim christus seipsum viti, & nos palmitem vocat. At palmitem quid habere possunt, quod a vite non participant? Vocatur fundamentum totius spirituales ædificij. Quid autem esse potest in tota ædificij structura, quod fundamento non innitatur? Sed & sol iustitiæ ipse christus, & minime quidem improprie, vocatur. Nam creauit Deus cælum nouum, & terram nouam in nouo isto, & mirabili Ecclesiæ mundo ex nouis creaturis cōstitui: cui ipsum præposuit christum ut radiantē solē, qui gyrum cæli ambiens igneos exussat radijs. Quid autem ab amplissima solis luce

103. 15.

1. cor. 3.
Malach. 4.

Isai. 60.
Eccle. 43.

Pl. 18.

E ph. 1.

Isai. 9.

in toto vniuerso occultatur? Quid vero est in orbe toto, quod ad sui esse, ad sui que conseruationem & augmentum, fecundissimam solaris lucis virtutem non experiatur? Caput in scripturis sacratis christus ipse dicitur, & reuera est. Officium vero capitis nonne est influere in omnia membra omnem virtutem, omnem motum, omnem denique actionem? Neque vero sacra littera caput duntaxat Christum vocant. Verum & patrem futuri seculi: ad quem proinde non solum pertinet in membra supposita & constituta influere, sed eadem etiam formare membra, & inesse membrorum constituere, sola ipsa informi materia prae-supposita. Nam hoc est proprium patris officium. Quocirca christus, quia ratione vniuersalis est futuri seculi pater, vim habet generatiuam, qua potens est informem materiam, id est, hominem omnis supernaturalis boni expertem varijs transmutationibus, supernaturalibus immutare, & ad vitam gratiae tandem perducere. Neque plane mirum, cum ad hoc ipsum christus in mundum venerit, ipso Ioan. cap. 10. dicente. Ego veni vt vitam habeant, & vt abundantius habeant. Tandem haec omnia, & alia, quae scripturae sacrae christo accommodant, ipsi iure redemptionis conueniunt: quia noster fuit vniuersalis redemptor, nostraeque fuit operatus salutem, quae ipse solus suo potuit virtute effigere, & reuera effecit, vt Esai. 63. ipse his verbis dicebat. Torcular calcavi solus, & de gentibus non fuit vir mecum. Haec aut copiosa per christum facta redemptio non limitata est, sed vniuersalissima ad omne se effectum extendens propter magnitudinem & infinitatem exhibiti pretij, pretiosissimi, videlicet, sanguinis christi. Ergo christus, huius tam amplae, tamque excellentis redemptionis iure, vniuersalem acquisiuit potestatem supra totum gratiae ordinem, quae, per peccatum in humana natura destructum, eximia virtute reparauit. Nihilque proinde fingi potest intra totum ipsum gratiae ordinem ad hominis salutem spectans, quod sub potestate christi, sub amplitudine redemptionis per ipsum factae, sub infinito denique meritorum eius valore non comprehendatur. Inuiolosusque est christo, humiliterque de virtute redemptionis eius sensit is, qui minimum quid ex toto supernaturali ordine gratiae ab infinitis christi meritis subtraxerit. Quare cum utroque Ioanne faciamur omnes, quod Verbum caro factum est, cuius gloriam, gratiaeque & veritatis plenitudinem vidimus, atque de ipsius plenitudine omnes accepimus gratiam pro gratia, id est vniuersa gratiarum generatynam, scilicet, gratiam, & aliam gratiam, ac omnem denique gratiam. In quo sensu haec verba intellexit Chrys. hom. 13. in Ioan. vocans christum, omnium gratiarum fontem. Aliiter illa verba Ioan. de plenitudine eius, &c. Explicat Augustin. tractat. 3. in Ioan. sed ad nostrum intentum non dissimuliter. Dicit enim ita esse intelligenda, quod quicquid gratiae accepimus

mus, per Christum accepimus. Hic modus loquendi de præterito, & præsens & futurum tempus complectitur. Nam res futura in scripturis sacris, propter maximam euentus certitudinem, vt præteritæ recensentur. Huic eidem sententiæ adstipulatur Hieronymus, in illa vetba Esai. 53. & voluntas domini in manu eius dirigetur. Ita explicat Hieronymus, vt quicquid gratiæ Deus voluit conferre hominibus illius meritis impleatur.

Quarto probatur. Quod christi meritis tribuamus vniuersa hæc quæ nobis conferuntur bona, cedit & in maiorem perfectionem operis diuini in iustificatione & glorificatione nostra. Nam quod Deus opus aliquod mediante christi humanitate vt instrumento & organo sibi coniuncto, & vt natura diuinita verbo personaliter copulata efficiat, valde extollit ipsam operis dignitatem. Nam Christus, vt homo, brachium domini ob id in scriptur. sacr. vocatur Isai. 53. Luc. 2. quia eximia diuinæ virtutis opera per Christum patrauit deus, & ita Beatif. virg. dicebat. fecit potentiâ in brachio suo. Cedit etiam in magnam Christi commendationem & gloriam & in præcipuam hominum dignificationem, nullaue ex parte Dei misericordiam & gratiam imminuit, quin potius multis partibus augeat. Ergo absolute fateri debemus ita esse.

Quinto, Christus vt habetur Ioann. 17. rogauit specialiter pro prædestinatis, & pro eis qui cum effectu christi fidem suscepturi erant, & in eius obedientia permansuri, & assequunturi tandem eius redemptionis fructum, Ergo impetrauit eis, & quod vocarentur & traherentur ad fidem, & quod ipsam susciperent: ac vniuersa denique cœlestia dona, quæ ipsis Deus æterna sua prædestinatione præparauerat. Confirmatur Christus ibidem orabat patrem pro his hominibus, vt vnum fierent cum patre & cum ipso christo, vt omnes sint, inquit christus patrem rogans, sicut tu pater in me & ego in te, & vt ipsi in nobis vnum sint. At prima vniō quæ incipimus fieri vnum cum patre & cum ipso christo, est fidei vniō, ergo pro hac vniōne rogauit christus, ipsamque meruit & impetrauit. Vt hoc argumentum dissoluat Driedo loco citato, multa prodigit verba, sed certe inmaniter, quia nihil proficit, imo vt constabit legenti sibi ipsi repugnat. neque mirum quidem, cum repugnet etiam meritum christi dignitati, eorumque plenitudinem & infinitatem coartare velit.

Sexto, christus in ipso suæ passionis tempore, imo & in tota laboriosa & mortali vita, in conspectu mentis suæ præsentem habuit vniuersos homines, & omnia quæ circa eorum salutem per diuinam preuidentiam ab æterno fuerunt disposita, Ergo rationi consentit asserere christum in particulari sua applicuisse merita, vt fin-

gulis hominibus ea conferrentur omnia supernaturalia beneficia, & dona, quæ Deus ipsis conferre decreuerat. Hoc enim ad perfectiorem & sapienterem modum operandi Christi, propriaque distribuendi merita, plurimum refert. Et propter haec fortassis singularem & particularem applicationem, quam Paulus ad seipsum factam cognouit, dicebat ad Gal. 2. de Christo, dilexit me, & tradidit semetipsum pro me. Et quidem quod nobis sit persuasum Christum illam particularem applicationem, & distributionem suorum laborum & meritum fecisse, summopere in nobis charitatis excitat affectum, dum unusquisque nostrum dicere valet cum Paulo dilexit me, &c. Denique ultimo ista veritas confirmatur grauissime ex modo quo sacra concilia, grauissimique Patres loquuntur, Nam si bene aduertimus, in conciliis Meleuitano cap. 3. & 4. & Araus. 1. cap. 5. 7. 15. 22. 24. & 25. & concilio Tridentino sess. 6. pro eodem reputantur gratia ad salutem necessaria, & gratia Christi. At sub nomine gratiæ necessariæ ad salutem, omnia gratuita dona, & supernaturalia beneficia siue actualia, siue habitualia comprehenduntur, imo, & ipsæ quoque gratiæ gratis datæ, quæ licet non sint in singulis necessariæ ad salutem, sunt tamen necessariæ in tota Ecclesia, & ita Paulus ad Ephes. 4. dicit de Christo, quod ascendens in altum dedit dona hominibus. Vbi de his gratijs loquebatur Apostolus. Neque ex hoc leue sumitur argumentum, quod si omnis gratia gratis data, Christo debet accepta referri, licet quoque, eiusque meritis tribuenda omnis gratia particularis, omneque supernaturale donum. Et augeo huius rationis vim. Fundare totam Ecclesiam, designando Apostolos, & Euangelistas, doctores &c. Et conferre omnes gratias gratis datas, ad hanc foundationem, & erectionem Ecclesiæ necessarias, ad Christum ad virtutemque passionis eius attinuit; Ergo fundare spirituale ædificium in quolibet nostrum a primis initijs, ad eius usque consumationem, & oëque supernaturale donum ad huius ædificij constructionem necessarium cõferre, quare Christo, & passioni eius ascribi non debet? Et quo pacto Christus Matth. ultimo post resurrectionem suam dixit Apostolis. data est mihi omnis potestas & in cælo, & in terra, si multo quæ ad huius particularis ædificij constructionem spectant, sub potestate passionis, & meritum eius non cadunt? Dixisset plane melius, aliqua potestas. quam omnis. Sed Paulum audiamus, qui non obscure veritatem hanc insinuauit ad Ephes. 2. in illis verbis iam non estis hospites, & adueniæ, sed estis ciues sanctorum & domestici dei, super ædificati super fundamentum Apostolorum, & Prophetarum, ipso summo angulari lapide Iesu Christo, in quo omnis ædificatio constructa crescit in templum sanctum in domino, in quo & vos cõdifica-

mini in habitaculum Dei, in Spiritu sancto. Ecce quemadmodum Apostolus dicit nos cōdicari in Christo, vt particulare templum domini, & habitaculum Spiritus sancti, proportionabiliter ad eum modum quo ipsum commune dei templum, scilicet, Ecclesia, ædificatum est, & constructum in ipso Christo. Quid clarius obsecro dici potuit, pro hac catholica veritate? Quam sane non immerito catholicam voco, quia iudico contrariam sententiam plusquam falsam esse, & merito a probabilibus catholicorum opinionibus eliminandam. Non seuiorem volo contrariæ sententiæ censuram adhibere, quatenus de imperfectis, & remotis dispositionibus, de fide, de spe, de præuenientibus & excitantibus auxilijs, alijsque donis vltimam ad gratiam dispositionem præuenientibus procedit: quoniam decreui iudicium Ecclesiæ in hac parte expectare. Quamuis non errabit, qui dixerit in concilio Tridentino sess. 6. cap. 5. sententiam illam fuisse damnatam, quatenus declarat S. Synodus. Exordium iustificationis in adultis à dei gratia per Iesum Christum sumendum esse. Nam qua obsecro ratione verificari potest cum proprietate, exordium iustificationis per Christum desumi, si omnia quæ vsque ad vltimam gratiæ dispositionem concurrunt, ad Christum non attinent, neque ad merita passionis eius? Existimoque hanc sententiam, si non expresse, implicite tamen docuisse Innocentium Primum in epistolis superius citatis, quibus respondit Patribus Conciliorum Miliuitan. & Carthagen. Et Celestinum Pontif. in epistola ad Episcopos Galliarum cap. 4. 9. & 10. & Augustinum libro de prædestin. sanct. cap. 2. & lib. 1. contra duas epistolas Pelagianorum c. 9. & epistola 106. Nam ij patres contententes contra Pelagianos, initium fidei ex dono dei esse, & non ex nobis, eodem modo quo fatentur ex gratia, & dono Dei esse fidei initium, docent esse per Christum & in Christo. Itaque indifferenter dicunt esse ex dono Dei, & ex meritis Christi: atque adeo, sicut omnia supernaturalia bona ex gratia & dono dei nobis competunt, ita & ipsa omnia ex Christi meritis habemus. Vide S. Bernard. sermone 13 in cantica, ubi mire de hac re loquitur. Hieronym. in illa verba ad Ephes. 1. benedixit nos omni benedictione spirituali, & Chrysost. ad Ephes. 4. versans illa verba dudum a nobis relata. Certè qui hos Patres, & alios qui de hac re loquuntur, legerit attente, non poterit non contrariam sententiam, vt viro Catholico indignam auersari.

Sed quædam sunt leuia argumenta soluenda, vt nonnulla eorum quæ diximus, maiore accipiant firmitatem. Primumq; argumentum sit cōtra id quod circa primā conclusionis partē diximus, nempe, Christum meruisse nostra merita, ea videlicet quibus de cōdigno gloriā & augmentum gratiæ mereremur. Sic argumentor. Merita nostra sunt opera

meritoria

meritoria quæ a nostra libera voluntate pendent, sed qua ratione pendent a libertate nostra non sunt ex meritis Christi, ergo absolute merita nostra non cadunt sub christi meritis. Probo minorem. Si christus sua merita applicuisset ad nostra opera meritoria, necessum esset nostram voluntatem omnino prædeterminari a Deo, ut infallibiliter hæc meritoria exequatur opera, ne Christi meritum a præmio sibi debito frustreretur aliquando. At hæc prædeterminatio stare non potest cum nostræ voluntatis libertate, neque proinde cum merito nostro, quod essentialiter postulat in opere meritorio libertatem: Ergo, &c.

Secundo, supposita gratia iustificante in anima, habet homo in se ipso sufficiens principium merendi de condigno: ergo non eget extrinseca applicatione meritorum Christi, & cooperatione ipsiusmet ad merendum gloriæ, & gratiæ augmentum, Patet consequentia. Quoniam alias non esset concedendum quod habet iustus habet intrase sufficiens merendi principium. Confirmatur. Homo qui meretur, est causa totalis sui meriti. Ergo Christus non cooperatur illi in opere meritorio: alias enim haberent se ut dux causæ partiales meriti.

Tertio arguitur contra id quod in alia conclusionis parte dicebamus, Christum meruisse nobis auxilia subsequenti gratiam. Huiusmodi auxilia sunt debita gratiæ secundum naturalem ipsius gratiæ ordinem, Ergo hoc ipso quod nobis christus meruit gratiam, meruit implicite omnia hæc auxilia, & ex consequenti non debet specialis ratio meriti in christi operibus respectu huiusmodi auxiliorum constitui. Confirmatur. Nō potest esse quod eadē res quæ alicui debetur, fiat denuo ei debita eodem titulo, sed hæc auxilia sunt debita homini iusto ex vi meritorum christi, quorum virtus applicatur in gratia iustificante. Ergo nequeunt fieri denuo ei debita ex applicatione speciali eorundem christi meritorum.

Primum argumentum magnam nobis occasionem offerebat disputandi grauem illam ac molestant quæstionem, num, videlicet, Deus præcedenti aliquo efficaci auxilio, nostram ad operandum prædeterminet voluntatem, vel in omnibus vel in aliquibus actionibus: & an ab eterno prædefinierit in particulari aliquot humanæ voluntatis actiones. Verum nec temporis neque loci commoditas hanc in præsentia disputationem admittit, quam tamen ad longum prosecuti sumus in nostro primo libro de origine & potestate gratiæ tract. 3. Vnde in præsentia breuiter est illud primum argumentum diluendum. Et prima solutio iuxta mentem eorum qui prædefinitionem & prædeterminationem humanorum actuum negant, sit in hunc modum. Quod christus meruit hominibus iustis totum id, quod pietatis est,

& su-

& supernaturalis bonitatis in eorum meritorijs actionibus. Quod satis est, vt simpliciter dicatur meruisse merita iustorum, & si non meruerit actualem determinationem voluntatis ipsorum ad operandū meritorie: sed relictā sit hęc libera determinatio in facultate humani arbitrij posita. Nam quod iustus homo de condigno mereatur, & gratię & glorię augmentum, non prouenit formaliter ex hac libera voluntatis determinatione, quę tantum habet requisitę conditionis rationem; sed ex bonitate & perfectione operis, quę tota est ex his meritis.

Sed sit secunda solutio iuxta sententiam contrariam, quę apud me certa est & indubitata, quia non solum Deus nobis potestatem ad bene operandum, & merendum confert, sed etiam ipsum actualem bene operandi vsum. Quod luce clarius expressit A post. in illis verbis ad Philippen. 2. Deus est enim qui operatur in nobis, & velle, & perficere pro bona voluntate. Non solum posse velle, sed ipsum velle operatur in nobis. Et non dixit nobiscum, sed in nobis: vt præantecessione & eminentiam ex parte dei agnoscamus in actuali bono nostrę voluntatis vsum. Quę sententia supposita, ad argumentum neganda est minor. Ad probationē concedatur, cuiusuis iusti voluntatem efficaciter prædeterminari a Deo ad bene, & studiose, & meritorie operandum. Sed hęc efficax determinatio suauius est, & proportionata naturę voluntatis. Quia est ab eius naturę auctore, qui nouit, & potest ipsam mouere, & determinare proportionabiliter ad modū eius: & rāta cū suaui tate, vt voluntas tam libere operetur, atque si ipsamet esset prima, & sola suę determinationis causa, ab omni superiori prædeterminante independens. Nam quia Deus tam scit, & potest suum concursum accommodare proprijs inclinationibus, & naturis omnium secundarum causarum: ideo dictum est de illo sapientię cap 8. Quod attingit à fine vsque ad finem fortiter, & disponit omnia suauiter. Fortiter, inquit Bernard pro se, suauiter vero pro me. Sed de hac re copiosius, & dilucidius tractauimus in lib. citato.

Ad secundum argumentum, non desunt, qui putent christum non aliter meruisse augmentum gratię, & glorię cuiuscunque iusti, quā merendo illi iustificantem gratiam: in qua virtualiter, & radicaliter præhabetur istud augmentum, quatenus in ipsa gratia includuntur radicaliter, & virtute ipsa opera meritoria, quibus iustus verumque istud augmentum potest mereri. Vnde dicunt, christum meruisse quidem nobis omnem gratiam, & gloriā, omneque nostrum meritum: sed id tamen intelligendum esse inquit in hoc sensu. Quod meruit gratiam iustificantem, quę sub ea ratione qua christus eam promeruit virtute & radicaliter continet & merita, & augmentum glorię, ac ipsiusmet gratię.

Ceterum

Ceterum hæc solutio nullatenus placet. Et primo quidem ea non est vero similis, si sermo fiat vniuersaliter de omnibus meritis, de omnibusque meritorijs actionibus hominis iusti. Certum est enim, quod ille operationes meritorias, quæ excedunt totam intensionem & gratiæ & charitatis ex quibus procedunt, non continentur simpliciter in virtute talis gratiæ, & ex consequenti neq; augmentum illud gratiæ & gloriæ, quod iustus homo per huiusmodi meretur operari; atq; adeo saltem quantum ad ista merita, & hoc gratiæ, & charitatis augmentum, necessum est dicamus, Christum non radicaliter tantum, sed formaliter sua merita iustis applicuisse.

Præterea, neque vera est hæc sententia de alijs etiam meritis, quæ non excedant intensionem & valorem gratiæ. Quod probo. Primum ex illa doctrina Conc. Trid. c. 16. sess. 6. quæ in hunc modum habet, Cum enim ille ipse christus Iesus tamquam caput in membra, & tamquam vitis in palmites, in ipsos iustificatos iugiter virtutem influat: quæ virtus bona eorum opera semper antecedit, comitatur, & subsequitur, & sine qua nullo pacto Deo grata & meritoria esse possent. Ex qua S. Synodi doctrina manifeste constat, christum actualiter influere in omnia opera meritoria cuiuscunque hominis iusti. Fateor quidem hoc testimonium, sicut & alia quam plurima, quæ & ex scripturis sacris, ex alijsque grauissimis concilijs, atque sanctorum etiam Patrum doctrina afferri possunt, commodam explicationem habere, si dicamus, hunc christi influxum, ex quo pendent bona iustificatorum opera, esse illum, quo Deus vt autor gratiæ concurrit cum ipsa gratia & cū supernaturalibus virtutibus ad spiritualia, & meritoria opera: ad eū modū quo vt autor naturæ concurrit cū causis naturalibus ad producēdos naturales effectus. Qui sane supernaturalis dei concursus tribuitur etiam christo vt causæ meritoriar, & forsan etiā vt efficiēti efficientia physica instrumētali: ita quod christi meritū applicetur ad actum, & non formaliter ad præmium ipsius meritorij actus. Volo dicere, quod meritū christi concurrit ad hoc, vt homo iustus exeat in talē actū meritorium V. e. in actūalem dei amorem: quem meruit christus homini iusto secundum meriti efficaciam, & implicite ineurit quoq; secundū efficaciam eandē præmium correspondens huic operi. Formaliter vero non applicatur meritum christi, vt sibi correspondeat idem præmium, quod respondet huic operationi hominis iustificati. Estq; notandum quod licet secundum fidem credendum sit, quod christi meritum quantum ad sufficientiam formaliter extenditur ad omnē gratiā & gloriā oībus hominibus collatā & conferendā, verumtamen de efficaci applicatione res aliter se habet. Quia non certa fide tenemur credere, quod formaliter, & immediate christi meritum fuerit applicatum ad singulos gradus gratiæ & gloriæ.

Sed

Sed probabiliter dici posset, quod formaliter fuit applicatū, ad aliquē certū gradū gratiæ, & ad aliquā determinatā operationē. Implicitē vero & virtualiter ad illud prēmīū, qđ tali operationi, a tali gratiæ gradu emananti, respondet. Et iuxta hunc modum posset procedere probabilis ille dicendi modus, quem nunc referebam. Vnde qui ita diceret, nihil assereret improbabile. Quoniam reuera saluat actualē Dei influxum efficiētē physicum, & moralē Christi meritum. Sed qm̄ S. Trid. Synodus virtutē, quā Christus in sua membra influit, dicit nō solum esse antecedentē, & concomitantē, sed et subsequētem, amplius quid nobis videtur esse dicendum. Nimirum. Quod non solum iustus ex influxu & virtute capitis Christi habet bene, & meritorie operari, verum etiam, quod simul cum ipso iusto merente Christus meretur, idest, applicat sua merita ad illudmet prēmīum, quod correspondet operi meritorio hominis iusti. Itaque Christus non solum meruit, vt homo iustus talem haberet meritoriam actionem, sed etiā meruit illudmet prēmīum, quod pereandem actionem ipse iustus meretur, & quantum ad hoc vtrumque applicat Christus suam, virtutem, actuque influit in ipsum iustum, & in eius operationem. Diciturque Christi influxus ea ratione subsequens opus bonum hominis iusti, quatenus prēmīum operi correspondens, etiam responderet Christi, quatenus applicuit actu in illo opere suam meritoriam virtutem. In hoc sensu intelligenda sunt multa, quæ habentur in Concilio Arausican. præsertim in capitul. 24. & 25. In eodemque sensu intelligenda est illa compatio, qua Christus se comparauit viti, nosque palmites eo esse dixit, quia non minus ab ipso pendemus, quam palmites a vire. Et ita ibidem christus concludit sententiam illam celebrem, sine me nihil potestis facere. Super quem locum legendus est Augustinus in tractat. 80. & 81. super Ioan. Sed legatur præcipue in tractatu 86. ad fin. vbi dicit quod gratia christi, quæ nobis necessaria est, & sine qua nihil possumus facere, non inuenit, sed efficit merita. Nam hæc merita sunt fructus ille de quo ibidem dicit christus. Ego elegi vos vt eatis & fructum afferatis, & fructus vester maneat. Estque aduertendum quod permanentia fructus ad influxum christi subsequētem pertinet. Tum quia transacto bono opere perseverat illud ius ad gloriā promeritā, qđ eatenus fuit in meritis christi fundatū, quatenus ipsa christi merita fuerūt applicata illi bono operi actuali. Tū etiā quatenus virtute meritorū christi ipse iustus, qui virtute christi meruit gloriā, seu augmentum eius, conservatur in gratia, vt sit bene dispositus & aptus ad percipiendū prēmīum sui meriti. Quæ sane perseverantia ad solum christi pertinet meritum & nullatenus ad meritum ipsius hominis iusti pertinere potest.

Secundo probatur id ipsum. Primum capitis officium est actu influere in sua membra, ita quod non solum influit in ea virtutem quæ sint, sed etiam qua operentur. Sed christus est caput, cui perfecte vniuntur homines iusti, ergo actualia bona & meritoria hominis iusti operatio, ex actuali Christi influxu habetur. Hac ratione sumpta ex capitis naturalis analogia vtitur S. Synodus Tridentin. loco dudum citato, atque etiam Paul. ad Ephes. 4. cuius verba referam, quia nostro intento valde conducunt. Veritatem autem, inquit, facientes, in charitate crescimus in illo per omnia, qui est caput christus, ex quo totum corpus compactum, & connexum per omnē iunctionem subministrat, secundum operationē, immensuram vnius cuiusq. membri, augmentū corporis facit, in ædificationem sui in charitate. &c. Ecce quemadmodum Paul. omnē membrorum corporis Christi mystici perfectionem, omneq. spirituale augmentum actuali influxui Christi capitis tribuit.

Tertio probatur. Quod christus prædicto modo suum nobis applicet meritum, ita ut præmium quod actu meremur respondeat etiam meritis Christi actu nobis applicatis, cedit in magnam excellentiā meriti nostri, ergo amplecti debemus hanc sententiam, ut magis contingant redemptioni nostræ per Christum factę. Quia tanto dignior & augustior æstimanda est Christi redemptio, quanto abundantior gratiam & perfectiora merita in nobis causat & efficit. Perfectior enim modus iustificandi nos, perducendiq. nos ad æternam salutem, christo tribuendus est: cum ipse ad hoc immundum venerit, ut nos saluos faceret a peccatis nostris, ut nostramq. curaret salutem, essetque omnibus obtemperantibus sibi, ut Paul. ad Hebr. 5. inquit, causa salutis æternæ.

Explosa igitur prima illa solutione secundi argumenti, aliter respondetur. Et dico, quod sicut hæc consequentia non valet, sol habet in se virtutem efficientem ad illuminandum. Ergo potest illuminare sine actuali dei concursu, & independenter a prima causa. Ita non valet in præsentia ista consequutio. Homo iustus habet intra se sufficientem virtutem, ad merendum, & satisfaciendum coram deo, ergo poterit satisfacere, aut mereri independenter ab actuali influxu dei auctoris gratiæ & Christi, qua ratione est vniuersalis causa meritoria & satisfactoria. Et ratio huius est. Quoniam concursus actualis vniuersalis causę computatur inter per se requisita intrinseca ad operationem causę secundæ. Nam licet ab extrinseco proueniat concursus iste, attamen sicut est omnino necessarius ad operandum, ita & secundum talis naturæ ordinē, debitus est ipsi formę per quam secunda causa operatur, & cum ea coniungitur, & efficitur quasi vñ quid cum proprio ipsius secundę causę concursu.

Ad confirmationem respondetur ex doctrina S. Thom. 3. parte quæst. 39. arti. 5. ad 3. & quæst. 49. arti. 1. ad 4. quod licet homo iustus per modum causæ particularis sit totale operans, eget tamen moralis Christi, ac passionis eius actuali influxu. Eo quod christus passus & mortuus est causa vniuersalis in ratione merendi, & satisfaciendi beneque & fructuose operandi ad eternam vitam: quæ vniuersalis causa in suo genere est etiam totalis & completa. Cuius rei habetur manifestum exemplum in causis naturalibus. Ad omnem enim effectum causæ secundæ, concurrunt causæ vniuersales, vt minimum prima & vniuersalissima, cuius causalitas a nullo effectu potest excludi. Vnde non superfluit moralis causalitas Christi simul concurrrens cum causalitate hominis iusti merentis & satisfaciensis: Quin potius est sumopere necessaria.

Hoc loco occasio se offerebat succensendi illum lutheranicum errorem: qui existimauit iustorum merita obscurare & minuere passionis Christi meritum, & quod infinitas Christi meriti excludit totaliter merita iustorum. Cuius erroris assertum vtrumque, præterquam quod catholicæ veritati aduersatur, manifestam falsitatem, appertumque errorem, contra doctrinam in philosophia notissimam subindicat. Equis enim, vel mediocriter in philosophicis instructus non probe nouit, quod omnipotentia & infinita virtus primæ causæ, non modum non destruit, neque euacuat virtutes & potestates inferiorum causarum: verum ipsas confirmat, & perficit: & quod virtutes & facultates causarum inferiorum, non arguunt vllam indeficientiam, aut infirmitatē in virtute vniuersalissimæ & primæ causæ, quod paulo superius, & si aliud a gentes, declarauimus. Cur ergo id ipsum proportionabiliter non dicemus aduersus insanientes hæreticos, & in media luce palpantes tenebras. Nimirum, quod infinita & præ excellens virtus infiniti meriti & satisfactionis christi, non modo non impedit, neque dissipat merita & satisfactiones iustorum: verum perficit potius, auget, & amplificat. Et quod illa meritoria & satisfactoria ratio, nullatenus obscurat Christi meritum. Sed si verbis San. Synod. tud sess. 6. cant. vlt. vti licet, illus trat potius, & extollit. Ad eum modum quo excellens causæ virtus dum exprimitur in suis effectibus, extollitur & magnificatur, seque illustriorem efficit, & augustiorem. Sed de his alias copiosius erit dicendum.

Tertium argumentum non aliqua difficultate caret, sed ab ea nos facile expediemus. Et primum dico, illud argumentum non procedere vniuersaliter de omnibus auxilijs gratiam subsequenter. Nam multa sunt subsequenteria auxilia, quæ nullatenus sunt debita gratiæ: quæ tamen nobis sunt omnino necessaria ad salutem eter-

nam, Quorum præcipuum est auxilium ad perseverandum in gratia, quod, ut superius ex sacro concil. Trid. referebamus definitum, sub nullis potest nostris meritis cadere. Specialia itidem dei adiutoria non pauca, quæ ad hoc præcipuum reducuntur auxilium, sunt necessaria nobis, propter naturæ nostræ infirmitatem ex originali peccato contractam. De his igitur auxilijs argumentum nullatenus procedit, sed constantissimum est & certa fide tenendum, ut ex dictis constat, quod hæc auxilia accipimus, ex Christi meritis nobis misericorditer ad actualiter operandum applicatis. De auxilijs vero regularibus quæ in ordine supernaturali debita sunt gratiæ, & virtutibus infusis, ut se possint in suas actiones exercere, aliqualis est difficultas. Nam cum sint debita homini iusto, quatenus iustus est, non videtur esse necessaria nova meritorum Christi applicatio, ut isthæc homini iustificato conferantur auxilia, Cui difficultati duo arbitror fore dicenda. Primum, Meo iudicio, quod subijcio meliori, non pertinet ad fidem dicere quod ad hæc auxilia suscipienda sit necessaria, aut de quæ factō cōtingat, specialis applicatio meritorū Christi: sed satis fuerit illa applicatio, quæ facta est ad ipsam gratiæ infusionem. Nam ex vi illius antecedentis applicationis debita sunt hæc auxilia homini iustificato propter ipsa Christi merita. Et si vera est illa sententia quæ asserit, Deum necessitari ad acceptandum merita Christi, consequenter dicendum erit, quod tenetur deus dare hæc auxilia homini iustificato.

Sed dico secundo: probabilius esse & magis consentaneum modo loquendi sacrarum literarum, Conciliorum, & patrum, quod respectu horum auxiliorum interuenit specialis applicatio meritorum Christi. Voluit enim Christus facere nobis debita hæc auxilia pluribus modis & titulis. Ita quod non solum sint debita ex connaturalitate quæ reperitur inter ipsa & gratiam, sed etiam ex debito moralis iustitiæ rigurosa per ordinem ad Christum nobis sua merita applicantem. Voluit præterea, ut non solum fierent debita ex implicita & quasi præterita ipsorum meritorum applicatione facta in actuali infusione gratiæ, sed etiam ex applicatione explicita & formali & actualiter concurrente cum nostris operationibus. Nam hunc actualem influxum moralem postulat ex parte Christi ipsa ratio capitis, pertinet enim ad proprium capitis officium, & munus, ut membra nullum habeant motum, nullamue actionem, absque actuali ipsius capitis influxu. Atqui in Christo perfectissima moralis capitis inuenitur ratio, ac proinde omnia quæ perse ad officium perfectissimi moralis capitis attinent, sunt ei tribuenda. Et ob id forsan dicebat Paul. Gal. 2. viuo ego iam non ego, viuit vero in me Christus. Ipse enim oia nostra operatur bona, actu influens ut caput in membra, & sicut in membris

bris explicatur vita capitis, & magis pertinet membri motus ad vitam capitis, quam ad vitam particularis membri. Ita Christus magis viuit iniustis, quā ipsi viuāt. An vero in esse physico Christus sit caput hominū & Angelorum, physicūq; habeat influxum, sequenti questione explicabitur. Confirmatio tertio argumento supposita ex his facile dilluitur. Diciturque illi, quod primum auxiliij necessarij debitum, quamuis radicaliter funderetur in ipsis christi meritis, sitque ex consequenti debitum morale, si eius radicem contemplemur, ac proxime & ex immediato principio consideratum, non tam est morale quam physicum debitum istud. Oritur enim ex natura ipsius gratiæ, quatenus ad naturæ eius autorem attinet, conferre omnem illum supernaturalis ordinis concursus, sine quo in operationes sibi connaturales prodire nequit. Vt ergo, illud debitum quod radicaliter tantum morale est & meritorium, sit quoque formaliter & proxime meritorium, & morale, necessaria est actualis merito rum christi applicatio iuxta modum superius expositum facta.

Tertia Conclusio.

Christus meruit nobis remissionem omnium peccatorum, remissionem æternæ pœnæ, ac denique remissionem omnis pœnæ temporalis. Prima pars conclusionis, si de peccatis mortalibus intelligatur, certa est secundum fidem. Nam eadem testimonia scripturæ sacræ Conciliorum & Patrum, quibus probauimus christum meruisse nobis iustificationem & gratiam, probant efficacissime christū meruisse remissionem horum peccatorum; una enim pars iustificationis est peccatorum remissio, Nam ita dicit concil. Trid. sess. 6. cap. 7. vnde in ipsa iustificatione cum remissione peccatorum, hæc omnia simul infusa accipit homo, fidem, spem, charitatem &c. Et præterea proprius effectus iustificacis gratiæ est peccatum ab anima expellere, & hominem constituere formaliter reconciliatum deo, quæ sine peccatorum remissione constare nequeunt. Probatur præterea ex illo Paul. ad Ephes. 2. cum essemus mortui peccatis, conuiuificabit nos in christo, item Paul. ad Rom. 4. pro eodem reputat hominem iustificari, & ei remitti peccata: loquens enim de felicitate eius qui sine meritis iustificatur, affert illud psalm. 31. Beati quorum remissa sunt iniquitates, & quorum tecta sunt peccata, Ergo eadem fide qua credimus Christum meruisse iustificationem nostram, tenemur credere meruisse peccatorum mortalium remissionem.

De peccatis aut venialibus non eadem est ratio, quoniam non priuāt gratia, & amicitia dei, neq. nos reddūt simpliciter iniustos. Vnde ex eo quod Christus nobis meruit gratiam & iustitiam non efficaciter colligitur

colligitur meruisse peccatorum venialium remissionem. Est tamen conclusio adeo certa, ut non solum temerarium, sed periculosum in fide censeam illam negare, imo, si manifestus non esset error, esset tamen errori proximum. Et si nonnulli theologi dissentiant. Et primo non poterit non esse temeritas, quoniam opponeretur in re graui communi theologorum sententiæ, in 4 distinct. 19. & colligitur ex S. Thom. 3. par. q. 48. art. 2. & 49. art. 1. sed quod sit periculosa, imo proxima errori probo. Apocalip. cap 7. habetur, quod sancti lauerunt & dealbauerunt stolas suas in sanguine agni. Illud verbum, dealbauerunt, denotat omnem animæ mundiciem, cum qua non compatitur veniale peccatum 1. Ioan. 1. dicitur, quod sanguis Christi mundat nos ab omni peccato. Certe hæc verba totalem designant mundiciem, etiam a peccato veniali, quoniam peccatum in sacris literis nō solum mortale, sed etiam veniale designat, & qui totum dicit nihil excludit, ut regula iuris habet. Præterea ostendo quod in hoc testimonio peccatum comprehendat etiam veniale. Nam S. Ioan. intendens ibi probare, quod egimus christi sanguine, cuius proprium est mundare ab omni peccato, post illa verba mox subiunxit. Si dixerimus quod peccatum non habemus, ipsi nos seducimus &c. Si Apost. Ioan. verbis precedentibus de mortali tantum peccato loqueretur, impertinentissime adderet hanc sententiam nunc relatam; quia hæc sententia, secundum fidem catholicam, intelligenda est de peccatis venialibus, sine quibus humana vita transigi nequit, absque speciali dei priuilegio, quale concessum fuit Beatissimæ Virgini. Hoc argumentum apud me est magni momenti, propter quod existimo contrariam sententiam proxime ad errorem accedere, si modo non est error. Et adhuc magis vim eius ex præcedentibus verbis cōfirmo. Si autem, inquit Ioan. in luce ambulamus, sicut & ipse est in luce, societatem habemus adinuicem. Et mox addit. Et sanguis Iesu Christi filij eius emundat nos ab omni peccato. Et continuo subiungit. Si dixerimus quod peccatum nō habemus, &c. Manifestissimum apparet. Ioannem loqui de emundatione, quam deus facit in iustis, qui habent societatem cū ipso in luce ambulantes. Et ne quis existimaret, quod eo ipso, quo quis iustus est, & in luce ambulans, non eget Christi sanguine qui eum munder, idcirco addidit Ioan. illa verba. Si dixerimus &c. Ego plane solutionem non video, & ob id tandem vincor, ut affirmem hanc veritatem esse in fide certam. Etenim horum verborum S. Ioan. consequentia aperte demonstrat, ipsum de peccatis quoque venialibus sermonem ibi fecisse. Fauet illud Apocal. 1. dilexit nos, & lauit nos a peccatis nostris in sanguine suo. In definita, a peccatis, pro vniuersali ponitur, Et quidem tam grandis Christi dilectio, non potuit non omnium peccatorum absolutionem facere. Quid ni? Præterea ad

Hebr.

Hebr. 9. aperte docet Apostol. quod neque in veteri, neque in nouo testamento contigit peccatorum remissio, absque sanguine: & loquitur absolute de peccatis, in abstractione a peccatis siue mortalibus, siue venialibus. Et confirmo vim huius argumenti. Virtus sanguis Christi omnia illa delet peccata, pro cuius remissione offerebantur olim in veteri testamento sacrificia legalia, prae-signabant enim sacrificia illa magnum crucis sacrificium, sed illa sacrificia offerebantur etiam pro remissione venialium, quod vel ex verbis Paul. loco dudum citato non obscure colligitur sic ait, semel in anno solus Pontifex non sine sanguine quem offerret pro sua & populi ignorantia. Hoc verbum, ignorantia, certe omne peccatum comprehendit, etiam veniale, nam in omni peccato aliqua ignorantia, seu inconsideratio interuenit, est enim omnis peccans ignorans: ergo, &c.

Colligitur praeterea haec veritas ex concil. Tr id. sess. 14. c. 8. vbi expresse Concil. dicit: Christum pro nostris peccatis satisfecisse, cui nos dum pro nostris satisfacimus peccatis assimilamur, & conformamur. Quod vero concil. de omnibus peccatis etiam venialibus sermonem fecerit, sic colligo. Concil. loquebatur ibidem de satisfactione, quae tertia pars est sacramenti poenitentiae, sed haec satisfactio non solum est pro mortalibus, sed etiam pro venialibus. Nam licet venialia peccata non sint necessaria materia huius sacramenti, sunt tamen materia sufficiens, ergo ne diminutus fuerit sacri concilii tractatus, de satisfactione pro vniuersis peccatis, quae ad poenitentiae sacramentum asserri possunt, eius doctrina accipienda est.

Sed iam rationibus eadem probatur sententia. Christi satisfactio fuit infiniti valoris, pretium similiter pro nostra redemptione oblatum, preciosissimum, nempe, sanguis eius, infinitum fuit, ergo vtraque & satisfactio, & redemptio, omnimodam habuit vniuersalitatem, & ad omnem culpam & mortalem & venialem se extendit. Confirm. Christus fuit vniuersalis redemptor, fuitque eius redemptio copiosa, ut dicitur psa. 129. ergo ad omne se extendit peccatum, alias vniuersalis non fuisset.

Secunda ratio. Ad Christum pertinet homines quos redemit ad gloriam perducere, quod patet, tum ex officio redemptoris, quod ad sui perfectionem hoc exposcit. Tum ex illo Pauli ad hebr. c. 1. qui multos filios in gloriam adduxerat. Sed peccata venialia impediunt introitum ad gloriam, in celestem enim illam Hierusalem, in qua deus se exhibet omnium bonorum praeiatorum magnificum, nihil introibit co inquinatum, & immundum, ergo ad Christum spectat venialia peccata delere, & remittere, ut hoc impedimentum perueniendi ad gloriam ab hominibus iustis a se redemptis auferat, vide Tho. 3. p. loc. ci. vnde possunt rationes istae amplificari & extendi. Ex quibus omnibus. & ex communi fidelium consensu, quibus haec veritas semper fuit

fuit persuasa existimo non posse absque erroris periculo, imo & absque manifesto errore oppositum huius tertie conclusionis affirmari. Cui sententie non refragatur Magister Sotus in 4. dist. 19. quest. 1. ar. 4. in quodam secundo argumento, quod pro conclusione quadam secunda ibi informavit.

Quarta Conclusio.

Christus meruit nobis æternæ pœnæ remissionem. Ista conclusio est certa secundum fidem, eadē certitudine credenda, qua credimus christum fuisse redemptorem & iustificatorem hominum, meruisseque eis omnem iustitiam & gratiam, ac denique meruisse peccatorum remissionem. Probatur, remissio pœnæ æternæ per se & intrinsece consequitur remissionem mortalis culpæ. Ergo qua fide credimus Christum meruisse nobis peccatorum mortalium remissionem, tenemur credere meruisse remissionem æternæ pœnæ. Probatur secundo. Pœna æterna essentialiter consistit in priuatione æternæ vitæ, in perpetuaque diuinæ visionis carentia. Sed Christus meruit nobis eternam vitam, Ioan. 10. veni ut vitam habeant, & ut abundantius habeant ergo & remissionem æternæ pœnæ, Tandem confirmatur ex illo Ioan. 3. ubi explicans christus potissimum sui aduentus fructum, ita inquit. Ut omnis qui credit in ipsum non pereat, sed habeat vitam æternam. Non perire quid aliud est, quam non æternaliter damnari. Per christum ergo ab æterna damnatione liberamur, atque adeo æternæ pœnæ remissionem nobis promeruit. In hac conclusione vniuersi Theologi vnanimi cōsensione coeunt. vide S. Thom. 3. p. q. 39. art. 5. ad. 3. Et alijs locis in quibus docet Christum meruisse apertionem iannuz celestis.

Quinta Conclusio.

Christus meruit nobis temporalis pœnæ remissionem. Illa tempo-
ralis pœna vocatur, ad quam subeundam vel in hoc seculo, vel in pur-
gatorio, obligatus manet pœnitēs post remissā culpam. Hāc conclu-
sionem nonnulli Thologi putant non pertinere ad fidem. Verum
ego existimo tam certam esse, quam certam esse dixi conclusionem
tertiam, in qua fit sermo de peccatis venialibus. Et omnia argumen-
ta quæ pro illa conclusione feci, accommodari possunt ad huius con-
clusionis probationem. Et quidem cum sacrę scripturę dicunt san-
guinem Christi emundare nos ab omni peccato, intelligendę sunt cū
hac extensione, ut peccati nomine etiam pœnæ peccatorum intelli-
gantur. Quæ intelligentia non est a nobis conficta, sed in sacris li-
teris fundata, ex quibus constat pœnas quibus subeundis is q̄ iustifica-
tur

tur manet astrictus peccata vocari, & earum remissionem appellari remissionem aut solutionem peccatorum. In hoc sensu dicitur 2. lib. Machab. 12. sancta ergo & salubris est cogitatio pro defunctis exorare ut a peccatis solvantur. Paul. ad rom. 7. v. pcat per carum pœnalitates, quæ ex originali culpa dimanarunt. Sed præter argumenta quibus probauimus tertiam conclusionem, nouum se argumentum offerre pro hac quinta conclusione, quod etiam potest conferre ad tertie conclusionis confirmationem. Thesaurus ecclesiæ qui ex Christi meritis & satisfactionibus conflatus fuit in ecclesia relictus, applicari potest, & de facto applicatur per auctoritatem Pontificiam ad remissionem pœnarum, quæ debentur post mortalem culpam condonata, ergo necessum est fateri, christum meruisse harum pœnarum remissionem, & satisfecisse pro peccatis quantum ad culpam & pœnam. Antecedens est fides catholica definita in extrahanti vniuersus de penitentijs & remiss. & habetur ex certissima ecclesiæ traditione, de qua re non est in præsentia disputandum. Legatur Caiet. in primo tom. opusc. tract. 13. a principio. Consequentia vero probatur, quia si christus non meruit harum pœnarum remissionem, neq. plene pro vniuersis peccatis satisfecit quoad culpam & pœnam, actum esset del thesauro ecclesiæ. Non enim vlla possent extare Christi merita aut aliquæ ipsius satisfactiones, quæ remanerent repositæ in ecclesiæ thesauro ad has pœnas delendas & remittendas. Certe eadem certitudine qua credimus thesaurum indulgentiarum ecclesiæ, credere debemus Christum meruisse remissionem hatum temporalium pœnarum. At dicit Palud. quod saltem aliquot pœnas ex his temporalibus christus reliquit nobis, ut nos pro ipsis satisfaceremus deo, ut in earum liberalissima remissione omnimodam ipsius dei liberalitatem & gratiam experiamur. Verum hæc limitatio cum nullum habeat fundamentum, magna temeritate catere nequit. Ratio vero cui innititur, est impertinens & ut crediderim iniuriosa deo, qui ut nobis maximam gratiam & misericordiam suam ostenderet, christum dedit mediatorrem, & vniuersalem redemptorem. Qui abundantissima pretiosi sui sanguinis effusione nos ab omni vana nostra conuersatione plene redimeret (ut S. Petri verbis vtamur) cui eximie dei misericordiz non potest non esse iniuriosus, qui dixerit, quod in ea peccatorum aut pœnarum remissione, quam sine meritis christi impetrassemus à deo, splenderent magis misericordia & liberalitas dei, quam in ea, quæ sit per christi merita & per redemptionem quæ est in christo Iesu. Quod ex cont. Trid. sess. 6. can. vlt. non obscure colligitur, imo definitur aperte.

Ista omnia quæ diximus de remissione peccatorum & pœnarum procedunt quantum ad sufficientiam, nam quantum ad efficaciam non omnibus prosunt christi merita, eiusque satisfactiones, quia non om-

nibus Christus efficaciter applicuit.

sexta conclusio.

Quoties homo iustus satisfacit vel pro culpa veniali, vel pro peccatis temporalibus quibus propter mortalia iam remissa tenetur, accipit actualem influxum a Christo, actualiterque ipsi applicantur & merita & satisfactiones christi, ista conclusio colligitur aperte ex his quæ diximus præcedentibus conclusionibus. Ex quibus constat Christum meruisse omnium harum poenarum remissionem, sicut nobis meruit gratiam & gloriam. Ergo sicut in omni opere meritorio quo gloriam & augmentum gratiæ meremur, adeest nobis actualis christi influxus, actualiterque applicantur eius merita ad illud mercedem quod nostris meritorijs operibus responderet: ita cum satisfacimus pro hæc poenis, aut pro venialibus culpis, actualiter applicantur Christi merita ad harum poenarum aut culpæ remissionem, ad estque nobis ipse actualis christi influxus. Omnes rationes & omnia testimonia quæ adduximus in prima conclusione adduci poterunt, ad huius sextæ conclusionis comprobationem. Nam fere eandem vim habent ad eam comprobandam, atque habent ad probandum illam conclusionem primam. Et quidem cum huiusmodi satisfactio sit opus membri vivencis, & perfectæ committitur Christo capiti, adhuc mihi certius apparet (si maior esse potest certitudo) quod hanc satisfactionem habet homo iustus ex christi meritis & ex actuali eius influxo, quam quod habet auxilia prævenientia gratiam, & dispositiones imperfectas, & remotas ab ipsa. Circa has omnes conclusiones lege Calæ. 3. tomo opul. tract. 20. 11. & 12. c. 8.

Consulto in hac conclusione nullum feci verbum de remissione peccatorum mortalium, aut æternæ poenæ, quia decrevi in hoc loco non disputare difficultatem illam, cuius disputationem iam superius repudiai. Nimirum, an cum homo iustificatur satisfaciat deo per contritionem pro offensa mortali. Siquidem aliquis hanc satisfactionem admiserit, dicat proportionabiliter ad ea quæ diximus de satisfactione pro poenis, & pro venialibus culpis. Qui vero contrariæ adheferit sententiæ, dicat, quod contritio sic comparatur ad hominem qui iustificatur nullam habet satisfactionis rationem, sed est tantum dispositio, qua homo auxilium dei prævenit, & aditus se præparat & disponit ad gratiam suscipiendam. Comparatione vero ad Christum habet rationem mediæ, quo applicatur homini ipsa christi satisfactio ac eius meritum, ita quod remissio peccatorum quæ respectu hominis penitentis est summe gratuita, ad Christum comparata, & ad eius merita rigorem habet iustitiæ. Quo loco advertendum est, quod sicut causæ universalis influxus ad naturæ ordinem spectans, quandoque determinatur causis efficientibus secundis inferioribus,

bus. ut solis concursus ab igne determinatur ad producendum calorem, & à concursu effectiuo aquæ determinatur ad producendam frigiditatem: Quandoque verò determinantur à causis materialibus, ut à materiali dispositione terræ determinatur solaris virtus ad producendum murem, aut aliud quodpiam imperfectum animal, neque vlla ibi interuenit causa particularis actiua, quæ determinet vniuersalem solis virtutem ad huiusmodi effectus, sed tota est passiuæ & materialis determinatio. Ita in ordine supernaturali quid simile contingit. Et ut omittamus alia, ea dicamus quæ nostro intento deserviunt. Dico ergo, quandoque contingere vniuersalem Christi Redemptoris virtutem, quæ est ipsa solis iustitiæ virtus determinari, (sic ita se est loqui cum ipsa se potius determinet & accommodet) per concursum effectiuum nostrum, nimirum, per opera nostra meritoria, aut satisfactoria ad supernaturales effectus, ad augmentum, videlicet, gratiæ, aut gloriæ, vel ad remissionem pœnarum quæ debita sunt post peccata, quoad culpam condonata & remissa: etenim operatio nostra satisfactoria, aut meritoria effectiuum habet moralem concursum, & qui moraliter insluit effectiue in prædictos effectus. Quandoque verò, ipsamet Christi virtus determinatur tantum a causa materiali, nimirum, ab operatione, quæ neque meritorie, neq; satisfactorie concurrat ad supernaturalem effectum, quem ipse virtutis Christi concursus attingit, & efficit, sed dispositiue duntaxat. Et hoc modo determinatur ad nostram formalem iusticiam causandam ab vltima dispositione ad gratiam, quam Theologi contritionem appellant. Quæ nullatenus effectiue concurrat ad ipsam gratiæ productionem. Quam tamen ipsa Christi virtus efficit, non solum moraliter, sed & physice fortassis, de quo in quæstione sequenti.

Septima Conclusio.

Christus dominus vera fuit causa meritoria gratiæ Patribus antiquis collatæ, & omnium etiam supernaturalium donorum, quæ illis fuerunt à Deo concessa. Ista conclusio certa est secundum fidem, quam vniuersi Theologi, imo & antiqui Patres asseuerantissime docuerunt. Et primo hanc conclusionem probant efficacissime vniuersa testimonia scripturæ sacre Cōciliorum & Patrum, quorum in hac tota quæstione meminimus. Ex quibus constat Christum fuisse vniuersalem totius humani generis redemptorem, & salutis omnium hominum autorem & consummatorem: Sed probatur speciatim ex illo ad Tom. 3. quem proposuit Deus propitiationem per fidem in sanguine ipsius propter redemptionem præcedentium delictorum. Quæ nam autem fuerint hæc præcedentia delicta, quæ per Christi sangui-

681 RELECTIO DE CHRISTI GRATIA

nem remissa fuerunt & condonata, explicuit ipsemet Paul. ad Hebr. 9. ita inquit. Et ideo noui testamenti mediator est, ut morte intercedente in redemptionem earum prauaricationum, quæ erant sub priori testamento, emissionem accipiant, qui vocati sunt æternæ hereditatis. Ecce quemadmodum prauaricationes, quæ fuerunt sub veteri testamento, id est, peccata eorum qui fuerunt sub lege Mosai- ca, morte & sanguine Christi abolitæ sunt & remissæ. Huc attinet, quod Ioan. Apocalip. 7. Christum vocat agnū occisum ab origine mundi. Quod ideo dixit Euangelist. Ioan. quia iusti omnes, qui fuerunt ab origine mundi, virtute sanguinis Christi in eius passione effusi iustitiam sunt; & Dei gratiam adepti. Ex Paul. 1. ad Corinth. 10. eadem colligitur veritas, ubi de antiquis Patribus loquens ita inquit. Omnes eundem potum spiritualem biberunt, bibebat autem de spiritali consequente eos petra, Petra autem erat Christus. Itē constat ex eo, quod fides antiquorum, & nostra eadem est secundum substantiam, etsi quasdam accidentarias tēporis diuersitates admittat, quod docuit Paul. ad Eph. 4. vnus deus vna fides. Solum tempus variatum est, inquit August. Sed per fidem applicantur nobis Christi merita & pretium sanguinis eius ut Paul. tertio quoque verbo in epistola ad Rom. dixit. Notentur illa verba c. 3. quem proposuit Deus propitiationem per fidem in sanguine eius. Docuit hanc veritatem August. super psal. 86. versans illa verba. Iunior fui etenim senui. Caput nostrum, inquit Christus est, corpus capitis illius nos sumus, nunquid soli nos, & non etiam illi qui fuerunt ante nos? Omnes qui ab initio sæculi fuerunt iusti, caput Christum habent.

Quamuis hæc septima conclusio certa sit, & indubitata, non tamen est omnino facile ad intelligendum quo pacto Christus mereri potuerit gratiam & iustificationem antiquorum Patrum, cum necessum sit; ut meritum antecēdat præmiū. Multa diximus supra in secundo dubio huius tertij articuli, quæ ad hanc difficultatem explicandam non parum possunt conferre, imo sufficiens, nisi fallor. Sed non grauabor aduertere, displicere mihi modum loquendi quorundam Theologorum, qui absolute & sine distinctione dicunt, Patres olim non accepisse gratiam à Christo, ut à causa meritoria, sed ut à causa duntaxat finali. Qui melius, omni dubio procul, dicerent, eos accepisse gratiam à Christo ut à causa meritoria, habente tamen modum causæ finalis. Etenim si ita antiqui Patres accepissent gratiam, ut esset medium ordinatum, ad hoc ut Christus in mundum veniret, utque verbum fieret caro, & habitaret in nobis, vera esset illa theologorum sententia. At contra se res habuit. Non enim data fuit gratia antiquis Patribus, ut Christus veniret, & ut ipsa conferret aliquid ad hoc, ut verbum caro fieret, sed potius, quia Christus venturus erat; & ver-

bum

hum carnem erat allumpturum, & in ea, & per eam communem totius humani generis salutem suis laboribus & meritis erat operaturum, & exoluturum pro humana redemptione exuberantissimum pretium: ideoque gratia, & sanctitas data fuit antiquis Patribus. Itaque in hunc modum loqui debet Theologus, vt nec ab ipsa veritate, neque a communi modo dicendi Patrum recedat. Quod antiqui Patres acceperunt gratiam & peccatorum remissionem propter Christi merita in diuina præsciencia, & præuisa & acceptata à Deo, & quod Christus habuit rationem causæ meritoria præuisa & acceptatæ. Quod non est extra rationem causæ meritoria; Nam cum sit causa moralis, quæ operatur iuxta intentionem & liberam conventionem merentis & præmiantis; nihil inconuenit quod antequam existat suum sortiatur effectum, induens modum causæ finalis, cum tamen vere sit causa meritoria & non finalis. Causa enim quæ mouet operantem, non vt futura sit, sed quia futura est, non est vere & essentialiter causa finalis, & si modum quendam eius induat. Vnde autem prouenerit, quod Deus propter Christi merita in æternitate præuisa gratiam & sanctitatem veteribus contulerit Patribus, non vacat in præsentia ad longum examinare. Sufficiat pro nunc dicere, quod Deus prædestinauit Christum, vt esset causa non solum exemplaris, sed etiam meritoria totius sanctitatis, & iustitiæ, Imo & forsitan prædestinationis omnium hominum, Vnde & disposuit vt ipsa Christi opera, quæ in tempore ex diuinæ voluntatis consilio determinato, & præscripto futura erant, meritoria essent omnium cælestium bonorum, quæ Deus decreuit hominibus, saltem post Adæ peccatum, conferre, ita vt vere potuerit Paulus dicere, quod benedixit nos, id est, totam humanam naturam omni benedictione spirituali in Christo. Ex quo factum est, vt cum ipse Christus in mundum venit, antiquis Dei consiliis annuens, & quæcumque ab eo circa humanam salutem fuerant olim disposita approbans, sua merita, propriaeque satisfactiones, non solum pro præsentibus aut futuris hominibus, sed & pro præteritis, & pro toto denique humano genere obtulit. Qua ratione vere dicitur tunc meruisse gratiam, quæ præteritis temporibus Deus intuitu meritorum eius, vetustis parentibus contulerat.

Sed insurgunt quidam ingeniosi Theologi in hunc modum argumentantes, Merita Patrum etsi intentione posteriora fuerint in diuino intellectu incarnatione Christi & meritis, fuerunt tamen executione priora, ergo prius ordine rationis fuerunt a Deo in æternitate per scientiam visionis præuisa, quam incarnatio Christi, cuiusque merita: atque adeo Patrum merita non habuerunt dependentiam à Christi meritis, neque etiam vt præuisis, & præacceptatis.

Hoc

Hoc argumentum illam insinuabat difficultatem, num, videlicet, visionis scientia Dei, qua res omnes quæ in aliqua temporis differentia habebunt esse, in sua æternitate ab æterno ut præsentēs intueretur, ita sit conformis ipsarum rerum existentijs, & durationibus, ut Deus rem illam prius ordine rationis cognoscat, quæ prius existit extra suas causas producta. Cæterum hæc difficultas eiusque examinatio ad alium pertinet locum. Ego quidem in lib. 1. de origin. & potest. grat. tracta. 3. hanc controuersiam in partem negatiuam me reuoluisse memini, in cuius persuasione adhuc perhæsto. Existimo enim quod tota successio creaturarum in suis temperarijs durationibus, materialis est omnino, per accidensque se habet comparatione ad excellentissimam illam æternamque diuinæ intellectus visionem, atque adeo crediderim, quod omnia præsentia, præterita, & futura in vno & eodem rationis signo præsentata fuerunt diuino ipsi æternitatis oculo, & absque vlllo successione vestigio nuda sunt omnia & aperta in oculis dei. Non negauerim tamen, quod respectu scientiæ approbationis, aliq̃ res prius rationis ordine obijciantur diuinæ cognitioni, quam res aliæ. Nam finis priusquam media per hanc scientiam cognoscitur. Et ita in præsentia dico, quod incarnatio Christi, quia rationem habuit finis, prius fuit cognita a deo, quam gratia & merita antiquorum Patrum. Quæ antecessio diuinæ cognitionis sufficiens est ad veritatem doctrinæ traditæ, quicquid fuerit de cognitione pertinente ad visionis scientiam, siue simul fuerint visa gratia Patrum & incarnatio Christi, siue rationis ordine præcesserit visio gratiæ. Nam cognitio scientiæ visionis dei non est per se requisita ad certitudinem diuinæ providentiæ, sed satis superque fuerit approbationis cognitio; quæ est scientia veluti practica in diuino intellectu, quoniam est dispositiua, & prædefinitiva rerum futurarum. Et huic scientiæ innititur tota certitudo, & infallibilitas diuinæ providentiæ, & non in ipsa scientia visionis si formaliter & rigurose loquamur. Quicquid non pauci theologi in contrarium pugnent, cum quibus in libro citato fortes conseruimus manus. Et hæc dixisse sat fuerit pro hac quinta satis prolixa questione. In qua illud exponendum restat, an satisfactio, vel satis passio animarum existentium in purgatorio ex christi meritis valorem aliquem & fructum sortiatur. Sed hoc explicabitur questio. sequen.

dub. 2.

fol. 718

Q V A E S T I O S E X T A .



VAESTIO iam sexta suo loco disputanda succedit, in qua id proposuimus ad disputandum; num habitua-
lis Christi gratia sit gratia capitis angelorum, & ho-
minum. Ad quam disputationem inchoandam illud
se mihi aduertendum offert. Quod si probatum dederi-
mus Christum, ut hominem caput esse angelorum, & hominum. Con-
sequenter fateri tenebimur, capitis excellentiam, & dignitatem non
competere per se primo & principaliter Christo ratione habitualis
gratiae, sed ratione potius gratiae vnionis, quae prima radix est omnium
perfectio, quae Christo, ut homini conueniunt. Sed tamen pro-
xime, & immediate competit Christo haec supremi capitis autoritas,
virtute etiam ipsius habitualis gratiae, quae ex ipsa hyposthatice vnio-
nis gratia tantam vim & dignitatem participat, ut gratiae capitis no-
men absque improprietate mereatur accipere. Ipsumque Christum,
ut hominem vere constituat caput, per modum proximi & immedia-
ti formalis principij. Et quidem si verum est id, quod in tertia quae-
stione probare conati sumus, habitualem, nimirum, Christi gratiam
moralem ex hyposthatice vnione infinitatem in ratione gratiae sortiri, id quod
nunc dicebamus, nullam habere poterit improbabilitatis effigiem. Nam quod
virtus infinitae gratiae ad omnes & homines, & angelos, & gratificandos,
& perficiendos se extendat, quid mirum? Cum ergo ex utraque gra-
tia & vnionis, & habitualis ratio capitis in Christo consurgat, ut exa-
cta & completa huius quaestiones haberi possit resolutio non possu-
mus non ad utramque gratiam attendere; quamuis praecipua intentio-
nis disputatio eo tendat, ut omnem habitualis Christi gratiae digni-
tatem & perfectionem studioso lectori ob oculos proponamus. Imita-
bimurque proinde S. Thom. qui 3 p. q. 8. cum de gratia Christi pro-
ut est gratia capitis tractare instituisset, de ipso Christo disseruit, an
esset caput; permixtisque de Christo, & eius habituali gratia egit, ut
in eius habituali gratia rationem capitis inuestigaret. Sed iam ad re-
istam distincta explicatione pertractandam nostra se conuertat dispu-
tatio.

Quam ut suis numeris absoluiamus necessum erit a gemino ovo, ut
aiunt, tractationem istam inchoare. Ita ut primum omnium exami-
nemus. Num Christus caput sit omnium rerum. Neque vero haec tam
generalis disputatio ab ipso nostrae quaestiones propositae intento lo-
ge recedit; Non enim absoluta potest resolutione definiri, an Christus
angelorum, & hominum pro omni eorum statu, et innocentiae originali-
que iustitiae, veram habeat capitis rationem, nisi prius generalem istam
dispu-

disputationem absoluiamus Quod ex ipso tractationis eius, & totius quæstionis sextæ discursu manifestum esse poterit consideranti.

Ad tria principalia dubia totam huius sextæ quæstionis disputationem reducendam esse duxi. In primo disputabitur illa generalis nunc proposita quæstio, an scilicet, Christus supremum sit omnium rerum caput. In secundo. An caput sit omnium hominum, secundum omnem eorum statum. In tertio tandem. Vtrum caput sit Angelorū & quem habeat in eos influxum.

Primum dubium.

Primi dubij difficultas explicatione primum indiget, vt plene intelligatur quid nam illud sit quod ad disputandum proponitur, Et quidem quamuis sequenti quæstione septima de christi domini prædestinatione specialis sit a nobis habenda disputatio, non poterimus in hoc dubio non aliqua attingere, quæ ad ipsam Christi prædestinationem attinet. Non quidem ad eius substantiam, nam hoc reseruatibitur ad sequentem quæstionem, sed ad ordinem, & antecessiōnem quam nostro more intelligendi, qui in re tamen fundamentum habet, sortita fuerit in intellectu diuino, comparatione ad dispositionem & prædefinitionem omnium aliarum futurarum rerum.

Igitur id proponitur ad disputandum in hoc primo dubio. Num christus prius ordine rationis prædestinatus fuerit, quam deus de aliarum omnium rerum creatione & dispositione quicquam tractauerit, aut cogitauerit. Prædestinationis Christi nomine intelligo in præsentia decretum intellectus diuini de incarnatione verbi futura. Ita quod in primo æternitatis signo, in quo deus bonitatem suam communicare decreuit, statuerit se communicare mirabili hipostaticæ vnionis communicatione. Et quod omnia quæ postea in aliis posterioribus signis facere proposuit ad Christum in primo signo prædestinatum retulerit tanquam ad finem, & omnium eorum caput. Quo loco antequam vltius progrediamur, obseruandum esse censeo. Nos ita de actibus diuini intellectus, diuinæq. volūtatis loqui, atque si reuera ī eis successio prioris & posterioris reperiretur. Nā loquimur ad modum nostrū. Qui tamen non fictitiū est, neq. impertinens ad explicandum id, quod vere & realiter in diuino intellectu diuinæque voluntate versatur. Quoniam & si in deo omnia sint simul, in ipsis tamē rebus intellectis & volitis, ordo verus est. Ita quod vna realiter ad aliam ordinatur. Vnde sicut inter ipsa dei attributa doctissimi theologi dicunt reperiri rationis ordinem, & si nullum sit ibi causali-
tatis vestigium: Ita quod vnū attributum sic est ratio alterius vt si in

In phi 6. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.

Deo locus esset causalitati alicui, vnum attributum esset vera & realis alterius causa. Causalitate tamen, propter summam Dei simplicitatem sublata, relinquitur inter attributa eadem verus rationis ordo, sic dici solet, immutabilitatem naturæ diuinæ rationem esse æternitatis Dei. Ad eundem ergo modum, quamuis volitio vnius rei non sit causa volitionis alterius, eo quod in voluntate diuina vnica tantum est & simplicissima volitio. Sed tamen, ipsamet voluntatis diuinæ volitio, prout attingit vnum obiectum, est sibi ipsi ratio attingendi obiectum aliud. V. C. volitio qua Deus vult homini æternam vitam, est ratio diuinæ voluntati volendi eidem homini gratiam, charitatem, & reliqua supernaturalia dona, quæ necessaria sunt ad æternæ vitæ consecutionem. Imò vt quæstione præcedenti art. 3. dicebam, ipsamet æterna vita prout volita à deo, potest esse secundaria ratio diuinæ voluntati volendi gratiam & charitatem, Neque hoc quicquam derogat perfectioni diuinæ voluntatis: quidquid graues quidam theologi, absque sufficienti tamen fundamento, contendunt. Neq. ista sententia cōtraria est S. Th. doctrine, quin potius est ei valde cōsentanea, vt puto me sufficienter ostendisse in lib. de origin. grat. tract. 3. Ad rē igitur rediēs dico, quod ad plenā cognitionē habendam eius ordinis, quæ habet obiecta inter sese, prout cognita & volita a deo, per ipsiusq. prouidentia disposita, necessū nobis est loq. more nostro, atq. si in diuina intellectu i diuinæq. volūtate verus successionis ordo reperiretur.

Sed est secundo notandū, triplicem in diuino intellectu nostro more intelligēdi reperiri cognitionem & scientiā. Prima est scientia simplicis intelligentiæ. Secūda scientia approbationis. Tertia scientia visionis (loquimur tantū de scientia dei qua cognoscit creaturas.) Per primā scientiā nouit Deus res vt possibiles fieri, & est ob id scientia pure speculatiua. Per secundā cognoscit res vt faciēdas ab ipsomet Deo vel imediate, vel medijs secundis causis, vnde hæc scientia, practica est, ad quā pertinet ipsa Dei prouidentia. Vnde satis ineruditē quidā moderni hanc scientiā cōfundunt cū scientia simplicis intelligentiæ, quæ, vt dixi, est purē speculatiua. Ad hanc scientiā quam diximus esse approbationis reducitur scientia permissionis seu permissiua, qua deus cognoscit mala culpæ, vt futura per malitiam humani, aut Angelici arbitrij: quod ex permissione Dei sua abutitur libertate. Per tertiam autem scientiam cognouit Deus ab eterno res omnes in aliqua temporis differentia futuras, vt coexistentes suæ æternitati, ac proinde vt sibi præsetes. In hoc loco suppono id quod latissime, & nisi decipior, efficacissime alio in loco probaui, videlicet, quod futura omnia cōtingentia, etiā ea quæ a libertate arbitrij pendēt, cognouit Deus ab eterno vtraq. ista cognitione, scilicet approbationis, & visionis certo & infallibiliter. Ita q. ad certitudinē diuinæ prouidentię statuendam &

Dei sua gl

saluandam circa huiusmodi contingentia, non est necessarius recursus ad scientiam visionis: Cuius oppositum censent non pauci theologi, cum quibus dimicauimus lib. 1. de origin. grat. sed satis superque fuerit certitudo quæ in est scientia approbationis. Et de hac scientia in præsentia loquor, nam patrum reuelat ad ordinem diuinæ providentiæ statuendum, quod Deus ab æterno cognouerit res vt præsentēs, sed satis fuerit, quod primum cognouerit vt possibiles fieri, & deinde cognouerit easdem vt faciendas, vel ex Dei ordinatione, & prædefinitione, si fuerint res bonæ & rationi conformes, vel ex ipsiusmet Dei permissione, si fuerint prauæ & rationi dissidentes. Et ne sæpe eadem repetamus, supponamus cognitionem pertinentem ad scientiā simplicis intelligentiæ præsupponendā esse ad omnem aliam cognitionem: Quoniā est cognitio necessaria oēm libertatem diuinę voluntatis nostro modo cōcipiendi anteuertentem. Nec de hac cognitione vllatenus loquimur in præsentia, cū quærimus quidnam fuerit prius cognitum in Deo, quid prius volitum, aut intentum, sed de cognitione scientiæ approbationis totus hic noster tractatus versatur.

Tertio notandum, tres dumtaxat esse rerum ordines, intra quos potuit Deus suam bonitatem creaturis communicare, Primus est ordo nature. Secundus ordo gratiæ. Tertius deniq. hypostaticę vnionis. Si ad ordinē creationis attēdamus, res est cunctis mediocriter sapientibus nota, primum ordinem præsupponi ad secundum & ad tertium, esseque vtriusque fundamentum. Secundū verō ad tertium etiā fuisse præsuppositum. De ordine autem intentionis non tam inter sapientes cōstat. Nam quis ordo horum trium prior fuerit in intentione Dei, quisue prior fuerit volitus & intentus: atq. adeo & præcognitus per approbationis scientiam, sub lite adhuc positum est. De qua re nostra præsens instituitur disputatio. in qua simul examinabimus celebrē illam difficultatem, quæ inter S. Thom. & Scotum eiusque discipulos valde semper fuit controuersa. Num videlicet Christi, prædestinatio, seu, quod idem est, decretum de incarnatione verbi futura præsupposuerit in mente diuina peccati originalis præscientiā, sic adeo quod hoc non extante peccato, verbum caro non fieret, Et ex omnibus tandem colligemus id quod a principio proposuimus disputandum, an, videlicet, Christus caput sit totius vniuersi, ac denique rerum omnium. Referam primum eas Theologorum sententias quæ de hac re communiter solent circumferri, Et circa quamlibet sententiam ea proponam argumenta, quæ tali sententiæ fuerint propria, & ei magis accommodata.

Est ergo prima sententia, quæ docet Deum prædestinasse christum prius quam decreuisset creare hominem, Angelum, aut aliam quamlibet, vel spiritualem, vel corporalem creaturam. Itaque in illo primo

mo rationis signo, Deus nihil decreuit de productione alicuius puræ creaturæ, sed de ipsa dumtaxat communicatione diuini verbi ad humanitatem per hypostaticam vnionem. In secundo vero rationis signo, intelligimus decretum diuinum prædestinationis Angelorum & hominum, quos in Christo prædestinauit. In tercio vero signo decretum creationis omnium rerum naturalium: quas omnes Deus reulit in Christum tanquam in finē, in quem & propter quem vtrumque ordinem & naturæ & gratiæ disposuit. Estque aduertendum, quod ad secundum decretum prædestinationis hominum, & Angelorum pertinuit totus ordo gratiæ, in quo, etiam includimus permissionem peccatorum omnium, quatenus gratiæ opponuntur. Ad tertium vero decretum pertinet etiam permissio peccatorum, quatenus rationi naturali per se & formaliter aduersantur. Igitur iuxta hanc sententiam intentionis ordo totaliter fuit oppositus ordini executionis. Nam primum locum in diuine mentis intentione habuit ordo hypostaticæ vnionis, secundum ordo gratiæ, tertium denique ordo naturæ. Sed est præterea notandum, quod tria hæc diuine mentis decreta, quæ in tribus signis rationis considerantur, ita se habuerunt, quod primum decretum absolutum omnino fuit ab alijs duobus dependens, ita quod in Christi prædestinatione nulla fuit facta mentio prædestinationis hominum & Angelorum, aut creationis vniuersi, & multo minus dependentiam habuit in aliquo genere causæ, vel ab ordine naturæ, vel ab ordine gratiæ. At duo posteriora decreta dependentiam habuerunt ex parte rerum decretarum a primo decreto in genere causæ, finalis, quia Christus finis fuit in intentione Dei totius vtriusque ordinis, & naturæ & gratiæ. Docent hanc sententia Ambros. Catarinus in lib. 1. de eximia Christi prædestinatione. Albert. Pighius in lib. 8. de liber. arbit. cap. 2. & 3. Gulielm. Parisiens. lib. 2. de vniuerso. Viguer. in institut. theologiæ in materia de incarnatio. cap. 3. & 20. Petrus Galatin. lib. 7. De Archan. Catho. verit. a cap. 3. vsque ad 9. dicit hanc fuisse olim, doctissimorum Hebræorum sententiam, Melchior flauius lib. de regn. Christi, Iacobus de Valentia psalm. 81. Alphonsus de Mendoza in quodlibetis q. 1. Scholastica. Verum est quod hic autor in aliam sententiam videtur paulo inferius propendere. Hæc sententia sic explicata quædam habet fundamenta communia cum alijs quibusdam sententijs postea referendis, suntque omnia illa quæ sumuntur ex parte ordinis causæ finalis, quæ ego quoque primo loco volo proponere, cum quia communiora sunt, tum etiam quia præcipua.

Primum igitur argumētum desumitur ex illo Paul. ad Colosen. cap. 1. vbi Christum appellat primogenitum omnis creaturæ, & loquebatur de Christo secundum eius humanitatem. Quamuis in

verbis precedentibus, quibus ipsum imaginem Dei inuisibilis appellat; ipseus diuinitatem explicaret. Ita intellexerunt Hieronym. & Anselm. super eundem Paul. locum. Ex quo testimonio sic arguitur. Christus non est primogenitus omnis creaturæ in tempore, cum post multos annos a seculi creatione, verbum factum sit caro, Ergo ordine prædestinationis & intentionis vocatur à Paul. primogenitus omnis creaturæ. Et confirmatur ex his quæ in contextu sequuntur. Sic enim habent. Quoniam in ipso condita sunt vniuersa in cælis, & in terra, visibilia, & inuisibilia, &c. Omnia per ipsum & in ipso creata sunt, & ipse est ante omnes, & omnia in ipso constant. Et ipse est caput corporis Ecclesiæ, qui est principum, primogenitus ex mortuis, ut sit in omnibus ipse primatum tenens. Ex quibus verbis nonnulla ad propositum colliguntur. Primum est, Paul. ibi loqui de Christo ut homine, Nam hac ratione Christus est caput corporis Ecclesiæ, Estque primogenitus ex mortuis, id est, primus qui ad immortalē vitam resurrexit, Estque principatum in omnibus tenens. Secundum est quod ob id omnia in ipso creata esse, & constare dicuntur, quia ex vi decreti primi, quo Deus decreuit verbum fieri hominem, omnia, tam quæ pertinent ad ordinem naturæ, quam quæ ad ordinem gratiæ, creata sunt & disposita, ut permanenter in suo ordine peristerent, & ut ipsi Christo primò prædestinato omnium rerum finis & capiti deseruirent, Tertium colligitur antecessio diuini decreti de Christi prædestinatione ad decretum vtriusque ordinis & gratiæ & naturæ, hoc enim designant illa verba. Et ipse est ante omnes. Nam supposito quod de Christo, ut homine sint intelligenda, ut diximus, non aliter potest verificari Christum esse ante omnes creaturas, id ipsum colligitur, ex alijs verbis, scilicet, ut sit in omnibus ipse primatum tenens. Quæ verba ad Christum ut hominem fore referenda, docuerunt Chrysostom. Theophipa. & docent communiter illius loci interpretes. Quod si Christus ut homo, in omnibus principatum tenet, Ergo etiam in diuinæ mentis intentione, diuinæque voluntatis amore, inter omnes creaturas primatum tenet. Ponderant præterea alij illud verbum primogenitus, quod dicunt, non solum designare Christum primum locum obtinuisse in diuina intentione, inter res omnes quas Deus decreuit efficere, sed etiam insinuat creaturas omnes quasi genuisse Christum ipsum, quia fuit finis omnium earum & fructus, ac communis quidam earum partus, in quem à Deo omnes primo fuerunt ordinatæ, & institutæ: ad eum modum quo Christus in sacris literis germen vocatur, & fructus terræ sublimis. Sed hæc intelligentia, & ponderatio si quidem referretur ad Christum quatenus in tempore, & in sacro virginis utero natus est, & ex

mortuis

mortuis potest tertiam diem surrexit, præclaram & optimam rationem haberet, & in sacris scripturis bene fundatam. Verum quod hac ratione christus primogenitus dicatur, secundum quod in diuinae mentis decreto antecessit omnem creaturarum dispositionem, frigide satis & impertinenter asseritur. Quoniam finis prout antecedit in intentione, potius rationem Patris respectu mediorum posset induere, quam aliquam filij effigiem habere: cum finis in intentione posset omnia media præcedat, & ita sit eorum causa, vt nullatenus sit ipsorum effectus, filius autem, fructus, & partus, effectum designant, non causam, finis vero in executione consideratus rationem potest effectus sortiri respectu mediorum in genere causæ efficientis, sunt enim causæ sibi inuicem causæ. Et hoc modo consideratus finis & filij & fructus, ac denique partus, rationem aliquem posset accipere.

Secundum argumentum sumitur ex illo Paul. ad Ephes. i. elegit nos in ipso ante mundi constitutionem &c. Vbi Paul. loquebatur de Christo vt homine, vt ex contextu liquet, & ibidem aduertit Hieronym. Dicit ergo Paul. Deum elegisse prædestinatos in Christo ante mundi constitutionem. Quod plane non ita debet intelligi, quod elegerit prædestinatos antequam crearet mundum. Hac enim electio nihil magnificum designaret, & in quo prædestinari excederent reliquas mundi creaturas, vniuersæ namquam dispositæ fuerunt in diuina præordinatione, ante actualem mundi creationem. Tum sic: Ergo. Electio prædestinatorum in Christo præcessit in diuino intellectu ipsam mundi constitutionem, id est, ipsum diuinae mentis decretum de temporali mundi fabricatione, atque adeo habemus, quod totus naturæ ordo in intentione diuina posterior fuit decreto incarnationis Christi. Et quod id ipsum sit de ordine gratiæ dicendum, constat similiter ex eo quod Paul. dixit, homines fuisse in christo prædestinatos, ex quo manifeste colligitur Christi prædestinationem, seu, quod idem est, decretum de incarnatione verbi, præcessisse in ipso dei intellectu.

Occasione huius testimonij & aliorum quæ mox referam ex Paul. tertium de summo pro conclusione argumentum. Prædestinatio hominum & angelorum, prior fuit in diuino intellectu, decreto creationis omnium rerum ad naturæ ordinem spectantium, sed prædestinatio hominum, & Angelorum: posterior fuit decreto prædestinationis christi, ergo de primo ad vltimum, decretum creationis rerum posterius fuit decreto prædestinationis Christi. Minor constat ex testimonio in præcedenti argumento citato, quatenus in eo dicitur Deum elegisse nos in Christo, id est, homines in Christo prædestinasse. Neque enim potest intelligi quod homines in
Chri-

Christo fuerint prædestinati, quin ipsa Christi prædestinatio antecefferit, Maior vero probatur ex illo Palu. 1. Corinth. 3. omnia vestra sunt, siue Paulus, siue Cephas, siue Apollo, siue mūdus siue præsentia, siue futura, omnia vestra sunt. Vos autem Christi. christus autem Dei. Ex quo loco colligitur, quod sicut Christus est dei, id est, propter deum ut finem. Nam caput Christi, deus, dicit alio loco Paul. Ita prædestinati sunt Christi, id est, propter Christum ut propter finem, & omnia denique alia sunt prædestinatorum, id est, propter prædestinatos, ut propter finem. Rursus, ergo decretum prædestinationis christi præcessit ordine intentionis & electionem omnium prædestinatorum, & decretum, creationis omnium naturalium rerum. Electio vero prædestinatorum præcessit ipsum rerum creationis decretum. Patet consequentia, quia id quod habet rationem finis, necessum est præcedat in intentione electionem omnium eorum, quæ ad ipsum ut ad finem ordinantur. Et quidem nisi in intentione præcedat finis, non potest ex ipso ratio mediorum sumi, neque respectu ipsorum mediorum exercere potest finis causalitatem. Causa enim finalis mouet, & causat prout in intentione præcedit. Confirmatur ex illo Paul. ro. 8. Expectatio creaturæ reuelationem filiorum dei expectat. Quæ verba, cum alijs quæ ibi sequuntur, non facilem habent intelligentiam ut visum est August. lib. 83. q. 67. quorū verborum sensus legitimus is esse videtur, quod omnis creaturæ, id est tota mundi fabrica ingemescit, & expectat quasi parturiens gloriam consumatam prædestinatorum, quæ futura est in vltima corporum resurrectione. Eo quod ab ipso deo in primo creationis mundi decreto vniuersæ creaturæ propter electos, & propter eorum gloriam institutæ sunt, & conditæ, & ita per quandam prosopopeiam dicuntur hunc finem expectare. Et quoniam spes quæ differtur affligit animum, ingemiscere dicuntur. & electorum gloriam quasi parturire. Eo plane orationis schemate, ut bene super hunc locum aduertit Adamus, quo psalmo. 97. flumina plaudere & montes exultare dicuntur. Hoc autem manifesto nobis argumentum est, vniuersas creaturas, totumque nature ordinem ad ipsos prædestinatos ordinari tanquam in finem. Atque adeo electorū prædestinationem antecessisse in mente Dei decretum constitutionis mundi, & totius ordinis naturalis. Et cum decretum prædestinationis christi hominum & angelorum prædestinationem anteverterit, fateri tenemur, ipsum simpliciter præcessisse, fuisseque primum decretum ipsius diuinæ mentis. Quarto probatur ex Paul. ad Ephes. cap. 1. vbi non solum dicit homines in esse gratiæ & gloriæ prædestinatos fuisse ad christum, & propter christum, & ut essent in laudem gloriæ eius. Verum etiam aperte insinuat, omnia quæ sunt in vniuerso, fuisse a deo condita propter ipsius christi gloriam, Siquem dicit.

Pro-

Proposuit in eo indispensatione plenitudinis temporum, instaurare omnia in christo, quæ in cælis & quæ in terra sunt in ipso. Illud verbum, Instaurare, vt communiter expositores huius loci aduertunt, idem pollet quod recapitulare, & quasi in epilogum reducere. Vnde sensus is esse videtur, voluisse Deum omnia quæ sunt in cælis & in terris, siue quæ ad ordinem naturæ, siue quæ ad ordinem gratiæ pertinent, reducere in Christum dominum, tanquam in egregium & excellentem quendam epilogum, præclarissimumq. omnium eorum finem. Confirmatur hoc argumentum saltem vt procedit de ordine gratiæ ex concil. Tri. sess. 6. c. 7. dicente, gloriam Christi finalem causam esse iustificationis nostræ; Ergo &c.

Quintum argumentum, quod ex doctrina Scoti inferius referenda desumitur, est veluti confirmatio omnium eorum quæ argumentis factis proposuimus. In hunc modumque habet. Omnis ordinate volens, prius vult finem, quam media, & ex mediis prius & magis vult illa quæ sunt fini propinquiora & magis proportionata, ergo Deus in toto ordine dispositionis rerum ambientis tres illos supra connumeratos ordines, prius voluit manifestationem suæ gloriæ suæque bonitatis, quæ est finis vltimus, quem deus intendit, & post manifestationem suæ gloriæ immediate voluit Christum, ipsumque prædestinavit. Quia certum est Christum, vt hominem, perfectius medium esse, & magis proportionatum ad manifestationem diuinæ bonitatis & gloriæ, quam totus vterque ordo, & naturæ, & gratiæ simul, atque adeo decretum prædestinationis Christi absolute præcessit in diuino intellectu decretum vtrumque & ordinis naturæ, & gratiæ. Confirmatur. Incarnatio Christi est bonum per se amabile, & quidem multo magis, quam creaturæ omnes collectiue sumptæ, siue ad ordinem naturæ, siue ad gratiæ ordinem spectent, ergo non decebat perfectionem sapientiæ diuinæ, quod verbi incarnationem Deus non propter semetipsam vellet, sed propter creaturas inferiores. Et præsertim hæc repugnantia appareret magis, in eo quod Deus occasione peccati ipsam verbi incarnationem voluisset. Nam tunc non per se, sed per accidens esset volita, quod valde apparet rationi dissentaneum.

Omnia argumenta quæ hæcenus informauimus, de summi videntur ex ratione finis. Ita quod christus fuerit prædestinatus vt finis & caput rerum omnium, & quod omnia in ipsum & propter ipsum instituta fuerint a deo, & cōdita. Deinde eadem sententia aliis modis probanda erit. Sed primum hæc omnia argumenta facta confirmanda sunt autoritate Ruperti Abbatis, qui eundem prorsus sensum intendens, quem argumenta facta prætendunt, in lib. 3. de glor. Trinita. & processio. Spiritus sancti, c. 19. 20. & 21. hanc sententiam aperte docuit

cuit, dicens inter alia homines & angelos creatos esse propter Christum hominem, ut haberet preparatam ex utroque latere familiam. Idem in substantia dicit q. 13. super Math. de gloria & honore filii hominis. Eidem sententiæ fauet Alelm. versans illa verba ad Hebr. 2. propter quem omnia. Omnia propter Christum, inquit, quia propter eius laudem & gloriam omnia creata sunt.

Sexto probatur eadem sententia ex illo prouerbio. 8. Dominus possedit me in initio viarum suarum, antequam quicquam faceret, à principio, seu ut alia lectio habet. Dominus creauit me, &c. ubi sermo sit de sapientia incarnata. Quam Spiritus sanctus introducit, ibi loquentem secundum humanitatem assumendam, quod asseruerunt Clemens Pontifex lib. 5. institut. Apostolica c. 21. Basil. contra eunomium lib. 4. Athanas. sermon. 3. contra Arianos, Gregor. Nazianze. in oration. 2. de filio Cirill. Alexandri. in lib. 5. thesauri c. 8. August. sermon. 58. de verbis domini & lib. 1. de Trinitate. c. 12. Ambros. lib. 1. de fid. & gratia. c. 7. Hilar. 12. de Trinitate. Gregor. Nisenus de fide ad simplicianum. Cæsarius dialog. 2. Chrysost. de sancta & mirifica Trinitate. Hierony. super episto. ad ephes. 2. dicit in Hebræo non haberi Creauit me, sed Possedit me, utrumque tamen verbum referendum esse ad sapientiam incarnatam. Damasco. lib. 4. cap. 19. Eadem amplectitur intelligentiam Concil. Ispalen. 2. cap. 13. Quæ intelligentia sine dubio est valde consentanea textui. Et aliis omissis expendenda sunt illa verba, & delitiz meæ esse cum filiis hominum, Quæ verba ad incarnationem referenda, & ad ipsam Christi humanitatem, res ipsa prodit, & explicuit Iustinianus in sermone de Eucharistia. Similia verba iis quæ nunc retulimus, habentur Eccles. 24. ab initio & ante secula creata sum, & usque ad futurum seculum non desinam, &c. Ex toto contextu capitis, & ex interpretatione Patrum, qui in eodem sensu hæc verba, in quo præcedentia intelligunt, constat fieri ibi sermonem de sapientia diuina incarnata. Quæ idcirco ab initio ante secula creata dicitur, quia antequam Deus quicquam facere decreuisset, verbi incarnationem futuram disposuit, Diciturque creata in initio viarum Dei, quia fuit primum initium operum Domini, non in temporaria executione, sed in æterna eorum prædefinitione & dispositione. Et quidem opera domini vltas domini iuxta phrasim scripturæ sacræ vocari, nullus est qui ignoret Isai. cap. 55. sicut exaltati sunt cæli & terra, ita exaltatz sunt viæ meæ à viis vestris dicit Dominus, id est, opera mea ab operibus vestris, psalm. 144. Iustus dominus in omnibus vijs suis, & sanctus in operibus suis. Et quidem non in merito opera Dei viæ eius vocantur, quoniam opera Dei sunt veluti quedam eius vestigia.

Septimum argumentum. Ex his quæ referuntur Genes. 2. & ad

Ephes.

Ephes. 5. contigisse in formatione Eug. ex costa quam tulit ex Adam dormiente, colligitur quod Christi prædestinatio ordine rationis præcessit hominum prædestinationem, sed verosimile satis est prædestinationem hominum antecessisse in Dei mente ipsum creationis totius vniuersi decretum; Ergo absolute decretum de verbi incarnatione futura præcessit in ipsa Dei mente decretum productionis rerum omnium, siue ad ordinem naturæ, siue ad ordinem gratiæ spectantiū. Minor constat ex dictis. Probatum est enim prædestinationem hominum finis rationem habuisse, propter quem Deus totum hoc creauit vniuersum: finis autem necessum est in intentione operantis præcedat. Maior vero, probatur ex illis verbis Adæ, hoc nunc os de ossibus & caro de carne mea. Propter hoc relinquet homo patrem, & matrem, & ad hereditatem vxori suæ. Ad quæ verba, & ad coniunctionem materiale inter Adam & Eam ibi contractam alludens Paulus ad Ephes. c. 5. inquit. Sacramentum hoc magnum est, ego autem dico in Christo & in Ecclesiā. Quibus verbis Apostolus materiale illā coniunctionem inter primos nostros parentes Dei autoritate celebratā, præfigurasse docuit coniunctionem Christi cum Ecclesia: atque adeo & ipsam verbi incarnationem; fuit enim hæc coniunctio in incarnatione facta quæ in Christi passione suā consumationē accepit, vt ex S. Leo. epist. 22. & August. tract. 9. in lo. colligitur. Nec enim admittenda est Driedo. explicatio, qui in lib. captiuita. & redempt. generat. human. cap. 2. dicit hanc coniunctionem Ecclesiæ spiritualem, non ad Christum vt hominem, sed vt ad Deum esse referendam. Falsa est hæc expositio. Etenim cum Paul. citatis in verbis vsus fuerit hoc nomine, Christus, quod non solam diuinitatem, sed simul humanitatem suā complectitur significatione, vt aduertunt Cyrill. lib. de incarnatio. cap. 1. & Anathematis. 9. & Damascen. libr. 1. 3. de fid. cap. 3. aperte ipse insinuauit Paulus non de Christo tantum vt Deo, sed vt Deo homine sermonem fieri. Et ita communiter intelligunt sancti Patres exponentes illa verba Paulus speciatim Ambros. Chrysostom. & Anselm. & Tertull. contra Martionem August. tracta. 9. in Ioan. & sermo. 6. de tempor. & Bernard. in sermon. quodam de natiuitate Christi, Estque ex contextu intelligentia hæc manifesta Narrantur enim in illo capite beneficia præclara, quæ Christus vt homo suæ dilectissimæ exhibuit Ecclesiæ. Et quidem quod ipse Prothoparēs noster Adam hanc cognouerit significationē, vel cognitione fidei, vel reuelatione prophetica, vel vt quibuscūq; (etiam minus probabiliter) visum fuit, per manifestam diuinæ essentiæ visionē, negari non debet. Primo quoniam cōmunis est Theologorum sententia ex doctrina Patrum desumpta, & a S. Doctore 22. q. 17 3. ar. 4. explicata, quod boni & sancti prophete intellexerūt substantialiter

ea, quę propheticę pronunciarunt, Et si non semper caluerint omnes sensus ab spiritu sancto intentos, & hoc pertinet ad dignitatē domino prophetę debitam. Constat autem ex Paul. citato loco illa verba quę tunc protulit Adā, propter hoc relinquet homo patrē & matrē &c. Prophetica fuisse, quia pręsignabant magnum illud sacramentū spiritualis & indissolubilis futuri cōiugij inter Christum, & Ecclesiā. Non ergo fas est dicere Adam nullatenus intellexisse hūc mysticum & propheticum suorum verborum sensum, quodq; non cognouit in carnali suā matrimonio cum vxore Eva celebrato, pręfigurati sacrū illud spirituale coniugiū, quod erat inter Christum & Ecclesiam futurum. Pręterea Patres grauissimi hęc expresse docuerunt sententiā. Hieronym. exponens illa Paul. verba S. Leo Epist. 22. August. lib. 9. super Genes. ad liter. c. 19. Prosper lib. de promission. & prædiction. Dei 1. par. c. 1. S. Bernard. sermo. 2. in septuages. & denique S. Tho. 2. 1. q. 2. art. 7. & 3. par. q. 1. art. 3. ad 5.

Ex his omnibus de sumo argumentū ad probandam illam maiore præmissam in sexto argumento propositam. Ante peccatum Adę, & ante ipsius præscientiam Christus fuit prædestinatus, præcessitque in diuina mente decretum incarnationis eius, sed prædestinatio hominum præsupposuit in diuino intellectu originalis culpę præscientiā. Ergo præcessit Christi prædestinatio ipsam hominum prædestinationem. Minor, communiter solet admitti a S. Thom. discipulis qui in hac parte sequuntur apertam & August. & Thom. doctrinam, Maior probatur. Adam, antequam peccaret, præsciuit verbum incarnandum: atque adeo & præcognouit ipsam Christi prædestinationem, ergo manifestum signum est quod Christi prædestinatio in diuino intellectu antecesserat ipsius peccati præscientiam. Consentaneum enim est rationi dicere, Deum in manifestatione quam fecit prædestinationis Christi, eum seruasse ordinem, quem in ipsa prædestinatio habuerat in diuino intellectu. His & alijs argumentis solet probari hæc prima sententia. Quam eius autotēs sibi etiam ex Augustin. colligere videntur in lib. 1. de nupt. & concupiscent. ca. 2. r. ubi inquit, matrimonium Adę quod fuit Christi eius coniugij cum Ecclesia sacramentum, eandem habiturū dignitatem, etiam si non sequeretur originale peccatum. Ex quo manifesta consequutione deducitur, decretum incarnationis Christi non præsupposuisse in diuino intellectu culpę originalis præscientiam. Alias enim non extrante peccato connubium Adę nō posset retinere dignitatem sacramenti præsignantis Christi cum Ecclesia matrimonium.

Ex hac sententia inferunt quidem ex eius autoribus, quod quāuis neque homines, neq; Angeli prædestinati fuissent, neq; extra ret decretum creationis mundi, verbum incarnatum fuisset, humanamq; natu-

ram indueret, eo quod Christi prædestinatio nullam in diuino intellectu dependētiā habuerit ex parte obiecti ex ordine naturæ, vel ex ordine gratiæ, quia decretū prædestinationis Christi absolutum fuit & independens a præscientiā vtriusq; ordinis & gratiæ, & naturæ, & eorum omnium quæ ad vtrumque istum ordinē pertinent. Neq; ordo naturæ, neque ordo gratiæ extare potuerunt nisi dependenter ab incarnatione Christi, quia omnia quæ, siue ad gratiā, siue ad naturam spectant, ordinata fuerunt & disposita a Deo vt media ad Christum, tanquā excellentem omnium eorū finem. Et decretum vtriusq; ordinis & gratiæ & naturæ præsupposuit decretum prædestinationis Christi & incarnationis eius. Hoc consēctarium scio nō omnes eius autores admitterent, admittunt tamen aliqui, & qui non admittunt non satis loquuntur consequenter, nam reuera transeunt ad aliam sententiā quam sumus iam iam applicaturi.

Est ergo secunda sententiā, quæ cum præcedenti fatetur Christum fuisse primum omnium prædestinatorum, decretumque prædestinationis eius antecessisse vtriusq; ordinis & gratiæ, & naturæ productionis decretum, Addit tamen hæc sententiā, in quo a prima dissēdit, decretum incarnationis Christi non fuisse omnino absolutum & independens ab vtroq; ordine, & naturæ, & gratiæ, quin potius non potuit executioni mandari nisi dependenter ab vtroque isto ordine quæ dependentiā intrinsece claudebatur in ipso christi prædestinationis decreto. Hæc sententiā non in vno & eodem sensu ab omnibus suis autoribus intelligitur. Nam quidam eorum dicunt, dependentiā illam in prædicto Christi incarnationis decreto clausam, totam se tenere ex parte executionis: ex parte vero intentionis nequaquam. Voluntque dicere autores isti, quod tota hæc dependentiā est dependentiā finis a suis medijs, ad eum modum quo sanitas, quam infirmus intendit comparare per medicamenta, pendet in executione ab ipsis medicamentis. Quæ dependentiā licet inuoluatur in intentione qua infirmus sanitatem desiderat, & intendit, tota tamen se tenet ex parte executionis, quatenus non aliter infirmus assequi potest sanitatem nisi medicamenti appositis. Ita ergo dicunt huius sententiæ autores, Sic Deum decreuisse verbum fieri carnem, quod simul voluit vt non aliter fieret quam vtroque illo ordine & naturæ & gratiæ præsupposito, ita tamen quod vterque haberet tantum rationem medij ad ipsam verbi incarnationem destinati, imo nonnulli eorum libenter admittunt, quod non solum ab ordine naturæ, & gratiæ dependentiā habuit incarnatio Christi ex vi ipsiusmet Christi prædestinationis decreto, verum a peccato originali habuit quoque dependentiā, quoad sui executionem. Non quidem quod ex intrinseca rerum connexionē hæc proueniret dependentiā, sed ex

ipso tantum libera diuinæ voluntatis consilio, cui placuit res ita ordinare & disponere. In quo illud exemplum, quod attulimus de sanitate per media acquirenda magnam habet dissimilitudinem, quia dependentia sanitatis à medicamento, non ex libera egroti intentione consurgit, sed ex intrinseca rerum habitudine, & connexione.

Fundamenta huius sententiæ quoad primam partem, in quo cum præcedenti congruunt eadem illa argumenta, quæ in comprobationem præcedentis sententiæ informauimus. Posteriores vero partem probant iisdem fere rationibus, quibus Thomistæ probare solent Christum non venturum, si non exaret originale peccatum. Quarum præcipuæ referendæ sunt à nobis in huius disputationis discursu.

Alij autem Theologi in alio sensu hanc secundam tuerentur sententiam. Dicunt enim, quod licet Christus in genere causæ finalis præcesserit in diuina intentione utrumque ordinem, & naturæ, & gratiæ. In genere vero causæ materialis opposito contingit modo, Quoniam Deus non prædestinauit Christum, neque verbi incarnationem futuram esse voluit, nisi habita consideratione dependentiæ ad utrumque ordinem & naturæ & gratiæ, non solum, ut a medio necessario requisito, secundum executionem ipsius verbi incarnationis, sed ut materia circa quam, & à qua per se pendet in genere causæ materialis, ipsa diuini verbi incarnatio, non solum ut in executione ponitur, sed etiam ut in intentione Dei præhabetur. Adhibeo huius rei exemplum, antequam dilucidiores explicationem apponam. Qui intendit aliquod totum quod ex materia, & forma intrinsece componitur, etsi per se primo non intendat materiam aut formam, sed ipsum totum dumtaxat, secundario tamen materiam quoque intendit & formam, à quibus ipsum totum, & ipsa forma totius compositi, quasi in genere causæ materialis dependet. Et sicut totum quod est primum intentionis obiectum, ea ratione qua ipsius obiectum est, non solum quoad executionem pendet a materia, & forma, verumetiam quoad intentionem. Ita materia & forma, sunt partiales ipsius intentionis obiectum, materiale tamen. Et non inrant in intentione totius compositi, ut media extrinseca quibus finis intentus, scilicet, ipsum totum habendus est, & comparandus, ut medicamenta inrant sanitatis intentionem, sed tanquam id ex quo ipsa finis intenti forma, & ratio per se, & essentialiter pendet ut a propria materia. Ad eundem ergo modum contendit ista sententia, quod ordo naturæ & gratiæ inrat decretum prædestinationis Christi, Quoniam Christus, quatenus obiectum formale talis decreti, intrinsecam habet & necessariam dependentiam tanquam a

mate-

materia ab utroque isto ordine, eo quod Christus non absolute fuit prædastinatus, sed in elevationem & exaltationem naturæ humanæ, ut quibusdam placet, vel ut alij censent, in reparationem eiusdem naturæ per peccatū infestæ, Vnde per se loquendo decretū prædestinationis Christi respiciebat utrumque & gratiæ & naturæ ordinem ut reparabilem, imo ut reparandum per ipsum Christum. Et ita Christus fuit prædastinatus secundum accommodationem ad hanc materiam, scilicet, naturam reparandam aut exaltandam; & ad hunc effectum, scilicet, reparationem aut exaltationem naturæ: imo & utriusque ordinis, puta, naturæ & gratiæ. Supponit hæc sententia, quod vel exaltatio, vel reparatio naturæ rationalis, imo & totius naturalis ordinis fuit finis immediate & proxime intentus per incarnationem Christi. Ita quod Christus prædastinatus fuit ad hunc finem, ut ad immediatum & proximum: Nam finis præcipuus & principaliter intentus, fuit ipsa Dei gloria, ad quam & Christi incarnatio, & reparatio, atque etiam exaltatio totius naturæ ut ad supremum & ultimum finem ordinantur. Quibusdam autoribus huius sententiæ non libet naturæ exaltationem seu reparationem appellare finem incarnationis Christi, eo quod finis excellentiam debet habere supra media quæ ad ipsum ordinantur, quæ in præsentia nō reperitur, sed potius è contra Christi incarnatio multis partibus excedit totam ordinis naturæ & gratiæ exaltationem & reparationem. Vnde reparationem & exaltationem naturæ vocant, effectum per se intentum in Christi prædestinatione, & qui ordine executionis per se pertinet ad Christi incarnationem, vel ut formalius loquar ad Christum incarnatum. Et quod ad præsens attingit, parum retulerit hoc, vel, illo modo dicere. Nam siue finis sit, siue effectus per se intentus, infert id quod intendimus, nimirum, quod ipse naturæ ordo ut reparandus, materia est circa quam incarnatio christi, prout adeo intenta, suam explicuit virtutem. Hæc posterlor secundæ sententiæ intelligentia mihi gratior est & plausibilior quam explicatio præcedens. Iuxta quam dicendum existimo, in eo sensu intelligendum esse, quod decretum prædestinationis christi ex parte rei prædestinatæ dependentiam habuit in genere cause materialis ab ordine naturæ, & gratiæ, quod non potuit constare decretū istud nisi præsupposita in aliquo priori signo præscientiæ utriusq. prædicti ordinis. Quæ dependentia non pertinet ad rationē mediorum ex quibus assecutio finis dependet. Quoniam finis dependentia à medijs non postulat præscientiam & præuisionem mediorum, nam totum mediorum esse ex finis volitione pendet, & nulla genus finis volitio pendet ex medijs, neque ex ipsorum præscientia, quamuis

quamuis pendeat in executione, Vnde prædicta dependentia prædestinationis Christi a præscientia ordinis naturæ aut gratiæ, ad rationem spectat cuius piam causalitatis, quam nos dicimus esse materiale. Et concedimus; quod cum causæ sint sibi inuicem causæ, nihil inconuenit quod cum uterque ordo naturæ & gratiæ per se pendeat in genere causæ finalis a Christo & ab eius prædestinatione: quod contra Christi incarnatio ipsaque prædestinatio christi ex parte termini (Nam ex parte actus à nullo pendere potest) pendeat ab utroque ordine naturæ & gratiæ, ab cuiusque præscientia in genere causæ materialis. Ita quod illa duo rationis signa, ad quorum alterum pertinet præscientia ordinis naturæ & gratiæ, & ad alterum ipsa Christi prædestinatio, modo nostro cōcipiendi, & loquendi integrat vnum signum rationis totale, & completum, in quo fuit celebrata tota Christi prædestinatio, Quemadmodum instans introductionis formæ substantialis in materia, imbibit in se ipso duo instantia naturæ, in quorum altero dispositio in genere causæ materiatis præcedit formam, & in altero ipsa forma in genere causæ formalis dispositionem antecedit. Quoniam vero hoc posterius naturæ istans formalius est & principalior, Idcirco ei absolute loquendo tribuimus totā substantialem generationem, & aliud naturæ istans quod ad dispositionem pertinet, consideramus vt extrinsecum ipsi generationi, & quasi ei præsuppositum, quamuis reuera vtrumque illud naturæ instans intrinsece claudatur in ipsa substantiali generatione. Ita proportionabiliter in Christi prædestinatione dicimus, quod licet tota ipsa substantialis Christi prædestinatio duo illa iam exposita rationis signa complectatur, quia tamen illud signum, quod pertinet ad Christum & ad eius incarnationem formalius & principalius attinet ad ipsam Christi prædestinationem, idcirco quamuis aliud rationis signum pertinens ad præscientiā ordinis naturæ & gratiæ per se quoque spectet ad eandem prædestinationem, consideratur tamen quasi extrinsecum & materialiter præsuppositum ad ipsam prædestinationem Christi. Et loquimur de illo, atque si esset aliud rationis istans ab instanti prædestinationis distinctum. Hoc loco sermonem facimus de Christi prædestinatione, non ut poruit a Deo fieri, poterat enim Deus Christum prædestinare nullo ad ordinem naturæ & gratiæ habito respectu, sed loquimur de ipsa vt contingit de facto secundum consilium liberę voluntatis Dei.

Quod autem ea quæ diximus rationi consentiant, sic ostendo. Impossibile est quod quis intendat subiectum aliquod exornare & perficere, altiorique forma & dignitate illustrare non præuisa ipsius subiecti existentia, vel saltem non præscita vt infallibiliter futura, ergo impossibile fuit quod Deus prædestinasset Christum ad reparandum

vel

vel eleuandum naturę & gratiæ ordinem, nisi vtriusque ordinis præscientia supposita. Confirmatur, Nulla potest ratione comprehendere, quod quis velit alicui bonum, præsertim bonum quod non est primum, sed superadditum substantiali bono eius cui confertur, nisi præsupposita præscientia & præuisione illius subiecti cui tale bonum est conferendum, sed bonum quod Christus contulit rationali creaturę imo toti vniuerso, non fuit primum bonum, id est, ipsum esse substantiale creaturę rationalis, sed fuit bonum supradditum, & quasi supererogationis bonum. Ergo necessum fuit quod Christi prædestinatio, per quam Deus illud bonum contulit rationali naturę, totique vniuerso, supponeret præscientiam ipsius naturę rationalis. Quidam grauis modernus autor in questione quadam quodlibetica neque istam rationem probauit, & absque vlla vel apparenti ratione hanc totam improbauit sententiam, asserens quod finalis causa a subiecto & materia potest in executione pendere, & reuera pendet, quia causę sunt sibi inuicem causę. At in intentione nullo modo pendere potest, sed simpliciter finis est intentione prior, sicut est prior electione mediorum. Vnde colligit Doctus iste auctor gloriam christi, atque etiam prædestinatorum intentam fuisse & volitam absque vlla præscientia subiecti supposita, & similiter docet in nullo genere causę præscientiam ordinis naturę & gratiæ christi prædestinationem antecessisse, sed quod tota eius antecessio ex parte executionis se habet.

Verum hæc doctrina (nisi me quicquam fallit) nulla verisimili ratione fulcitur, falsum est enim illud cui innititur fundamentum, puta, finalis causę intentionem tam esse absolutam & independentem à subiecto & materia, quam est in de pedens à medijs ad finis asscutionem ordinatis, cuius oppositum est sine dubio verissimum, Et colligo eius veritatem ex illa finis distinctione ab Aristot. lib. 2. de anima tex. 37. facta, inquit, enim quod iuxta antiquam textus translationem, duplex est id cuius causa cetera fiunt, vnum est, Quod, & alterum, Quo: Argyropilus & quidam alij, aliter vertunt, sed idem est sensus, ille, vbi dicitur, quem intendunt S. Thom. super illum locum Aristot. & Themist. in suo paraphrasi, geminum, inquit, esse finem, Alter est illud bonum quod directe intendit operans, & propter quod operatur, vt sanitas finis est in quem directe tendit medici intentio, & istum finem vocat Aristotelis finem, Quod. Alter vero est subiectum illud cui intenditur tale bonum, vt finis medici non solum est sanitas, sed etiam homo cui conferenda est ipsa sanitas. Et hunc finem Aristotel. appellauit finem, Quo, quem alij appellant finem Cui, ex qua doctrina sic argumentor. In intentione finis non solum explicatur finis Propter quod, sed etiam finis, Quo: itaque ex vtroque fine integratur totale intentionis obiectum. Ergo in intentione qua Deus voluit christi

Christi incarnationem ,ad extollendum aut reperandum vtrumque ordinē & naturę & gratiæ,nō solum ipsa Christi incarnatio rationem habuit obiecti, Verum & vterque ipse naturę & gratiæ ordo Includebatur in intentione illa in ratione finis, Quo,veluti partiale eiusdem diuinę intentionis obiectum.Imo in genere causę materialis prius ad ipsam Dei intentionem pertinuit,quam christi incarnatio . Vbi verum esse censeo,quod Francisc. a Carthagenā lib.citat. discursu 4. non indocte insinuauit,quod aliter finis comparatur ad media per quę acquirendus est , & aliter comparatur ad subiectum ipsius finis. Nam relatus ad media omnimodam habet prioritatem in ordine intentionis, eo quod media respectu finis , prout est in intentione, solam rationem effectus sortiuntur , & nullatenus rationem causę. At finis ad subiectum comparatus & si ordine intentionis prior sit in suo genere , scilicet, causę finalis, non tamen omnimodam prioritatem habet , quin potius est posterior in ordine materialis causę . Est enim subiectum formaliter in ratione subiecti consideratum, materialis causa à qua pendet finis, non solum, vt assequendus, sed etiam vt intendendus ab operante, quia finis non intenditur, nisi per ordinem ad subiectum. Vnde per se pendet à subiecti præscientia. imo & ab aliquo eius amore . Nam quod quis intendar, alicui bonum aliquod super erogationis exhibere , præsupponit aliqualem dilectionē eius, cui tale bonum intenditur . Et ita ad nostrum propositum Christus Ioan.3. dicebat, sic Deus dilexit mundum, vt filium suum vnigenitum daret . Prius dilexit mundum , quam intenderet illi & veller tantū hoc bonum incarnationis Christi. Et quidem subiectum, cui intenditur finis, non solam causę materialis rationem induit, verum & quodammodo causę finalis, Quia non solum consideratur in ratione subiecti, in quo ipse finis, suscipitur, sed etiam consideratur per modum termini in cuius perfectionem ipse finis, Quod, ordinatur. Si quidem sanitas, quam medicus intendit, per se refertur , & destinatur ad perfectionem hominis sanandi. Vnde homo ipse finis est eiusdem sanitatis . Itaque homo absolute consideratus subiectum est sanitatis, sed ipsemet homo vt reparandus & sanandus rationem habet finis, respectu sanitatis eiusdem. Et ob id intentio sanitatis non solum præsupponit præscientiam hominis infirmi tanquam subiecti in quo est suscipienda sanitas, sed etiam amorem ipsiusmet hominis, vt sanandi, reparandi, & perficiendi, qua ratione est ipsius sanitatis & medicationis finis. Ita ergo in præsentia censuerim, quod mundus reparandus secundum ordinem naturę & gratiæ: atque itidem eleuandus & extollendus per incarnationis beneficium, non solum in diuina præscientia fuit præsuppositus vt subiectum & materia circa quā, sed etiam in diuino amore, ut reparandus & perficiendus per christi

incar-

incarnationem, ut ipsius incarnationis finis. Non quidem finis est principalis, nam hic fuit ipsa Dei gloria, ipsaque diuine bonitatis manifestatio, sed finis immediatus & proximus, qui tandem rationem habet medij, non solum respectu gloriæ Dei manifestationisque bonitatis diuinæ, sed etiam respectu ipsius Christi incarnati, & eius gloriæ. Ut enim libere dicam quod sentio, Christus & rationem medij, & rationem finis habuit respectu redemptionis, & salutis nostræ. Consideratus quidem sub statu humilitatis, & seruitutis, quatenus, videlicet, fuit in corpore mortali, serui indutus forma, rationem habuit medij: quatenus vero deus exaltauit illum gloriosumque reddidit, dans illi nomen quod est super omne nomen, finis fuit totius nostræ reparationis, exaltationis, & salutis. Quod volens insinuare Concili. Tridentin. sess. 6. cap. 7. non dixit absolute (& si posset) quod Christus est nostræ iustificationis finis, sed gloria Christi, id est, Christus glorificatus, & exaltatus, & prout illi donatum est nomen, quod est super omne nomen. Itaque Christus mortalis. Seruilique vestitus habitu, (& ut Zachariæ verbis utar.) propter nostrorum scelerum imputationem sordido, ministravit nobis. Non enim, ut sic ministrari venerat, sed ministrare ut ipse Matth. 20. dicebat. At postquam Matth. ultimo. data fuit ei omnis potestas in cælo, & in terra, iam non ministrat, sed ministratur ei, id est, omnis nostra salus, nostra iustitia, nostraque glorificatio, quæ ex ipso Christi ministerio nobis ab eo exhibito, dum mortalem agebat vitam, originantur & dimanant, ipsam Christi iam exaltati gloriam tamquam in finem redeunt, æquitate namque plenum est, ut inde reuertantur, vnde exierunt flumina.

Sed obseruandum est omnino, quod ipsamet humilitatis obsequia, quæ Christus nobis inter nos viuens præstitit, quæ materialiter considerata, & secundum eam formam, in qua fuerunt exhibitæ rationem fortiebantur mediorum, iam nunc eademmet, post Christi exaltationem, & glorificationem, talem adepta sunt excellentiam, & dignitatem, ut rationem quoque finis habeant, respectu nostræ redemptionis, & salutis. Itaque ipsa Christi passio quæ tam in se fuit infirmitatis, & humilitatis plena, nunc mira illustratione, illustrissimoque splendescit honore: summaque à nobis veneratione colitur. Testes sunt ipsæ vulnerum Christi cicatrices, quæ non aliter in glorioso eius corpore, atque pulcherrimæ stellæ in cælesti corpore emicant, testisque erit crux ipsa cum præclarissimi tenens vexilij locum in die aduentus domini, ipsum contremiscere faciet infernum, & Christi militibus gaudiū afferet in enarrabile. Quo fit ut incarnatio Christi, & si secundum quid, id est, ratione

humilitatis, & infirmitatis Christi, quam in eo apparuit dum inter homines vixit, interque ipsos & ab ipsis est passus & interfectus, rationem habuerit medij, ad nostram redemptionem & salutem comparata, absolute tamen & simpliciter loquendo finis est & non medium. Nam Christus in statu sibi connaturali & constitutus, nimirum, in statu exaltationis & gloriæ, finis est nostræ iustificationis, nostræ gratiæ, totiusque nostræ salutis. Cumque iste status sit simpliciter proprius Christi status, ille vero infirmitatis, & passibilitatis (qui via potius appellari debet) secundum quid tantum ad eum pertinet, ex divina scilicet, dispositione, ut nostræ redemptionis ministerio aptus esset, & idoneus, quod ipse Christus psalm. 39. illis verbis Paulo ad Hebræos 10. referente, insinuat, sacrificium & oblationem noluit, corpus aptasti mihi aptasti, id est, fecisti aptum morti, & Crucis sacrificio. Idcirco simpliciter concedendum est, quod incarnatio Christi finis est, & fuit salutis nostræ, atque ipsius nostræ redemptionis, & quod secundum quid duntaxat rationem habuit medij respectu redemptionis eiusdem. Ex quo rationabili, imo, & evidenti, consecutione infertur, quod nostra redemptio simpliciter, & absolute est medium ad Christum incarnatum, & ad eius gloriam, sed tamen nihilominus finis secundum quid, quem appellamus immediatum, & proximum. Et hac ratione qua finis fuit, eius amor & intentio, præsupposita fuit ad Christi prædestinationem, ad ipsumque incarnationis Christi decretum: sed quamvis hæc prioritas, & præsuppositio non nihil induat causæ finalis respectu prædestinationis Christi, & decreti incarnationis eius, simpliciter tamen rationem habet effectus consequentis ipsam Christi prædestinationem, & incarnationem, atque itidem rationem medij ut ex dictis constat. Quocirca, ut hæc tandem resolutorie dicamus: Id assero, quod ordo naturæ absolute habuit rationem materiæ, & subiecti illius effectus, qui fuit proprius effectus incarnationis Christi, seu Christi incarnati, nimirum reparationis, & exaltationis humanæ naturæ, & sub hac materiali ratione eius præscientia necessario debuit præsupponi ad Christi prædestinationem; Nisi placuerit magis dicere, ordinis naturalis præscientiam inclusam potius fuisse in ipsa Christi prædestinatione, iuxta modum superius expositum, quam præsuppositam. Caterum ipsa naturalis ordinis reparatio, siue exaltatio rationem simpliciter habuit effectus incarnationis Christi, ipsiusque Christi incarnati; habuit autem secundum quid rationem finis, & sub hac diminuta finis ratione, eius præscientia præsupposita fuit ad illud primum Christi prædestinationis decretum, imo & fuit præsupposita ipsa divinæ voluntatis dilectio, qua totam humanam naturam, ut reparandam, &

glorificandam prædilexit, in quo sensu procedunt verba illa ex Ioan. citata, sic Deus dilexit mundum.

Sed obseruandum est omnino, nos idcirco non absolute dixisse, quod subiectum non habet rationem mediij, sed addimus illa verba, formaliter & in ratione subiecti cōsideratum. Quoniam perspectum habemus, posse contingere, quod illud ipsum, quod est subiectum alicuius finis, potest respectu eiusdem finis mediij rationem inducere & quod sub hac posteriori ratione non antecedit eius præscientia finis intentionem, sed sequitur potius. Et ita in præsentia contigit, nam totus ordo naturæ, & gratiæ quæ in ratione subiecti præsuppositus fuit in diuina præscientia ad Christi prædestinationem, habet quoque simpliciter rationem mediij respectu prædestinationis eiusdem. Non enim sola exaltatio aut reparatio prædicti ordinis in Christum, & in eius gloriam fuit, ut in finem destinata, Sed ipsa quoque ~~veriusque ordinis substantia~~, ipsumq; totum eius esse in christi gloriâ, ~~ut in finē à Deo fuit ordinatus, & proportionabiliter ad ipsam Christi gloriam ab æterno dispositus.~~ Et idcirco merito Paul. 2. ad Cor. 3. ~~loco iā citato dicebat, oīa vestra sunt, vos autem Christi.~~ Omnia, idest, totus naturæ ordo propter vos o electi, & prædestinati Deus fundauit, & disposuit, vestram autem prædestinationē, & gloriam, totumq; ipsum gratiæ ordinem, in quo vos o prædestinati principem tenetis locum, ad Christum eiusque gloriam retulit Deus, & ordinauit tanquam in finem, & præclarissimum omnium vestrum caput, vnde tandem omnia Christi sunt, ad ipsum ad eiusque gloriam, ut in excellentem finem destinata. Quare autem Paul. non utrumque ordinem & naturæ, & gratiæ Christo immediate subiecerit, sed prædestinatos ~~dumtaxat, & iplis mediantibus naturæ ordinem, inferius explicabimus.~~

~~Hæc dicta suffecerint pro hac posteriori secunde opinionis~~ ~~explicatione, quæ accommodari potest ad utramque illam extremam sententiam, quarum altera docet Christum nisi extaret originalis culpa non in mundum venturum.~~ Altera vero contrarium docet omnino. Nam siue supponamus Christum venisse ad reparandam naturam humanam per peccatum infectam, & laceratam, ut prima harum opinionum intendit, siue cum multis secunde opinionis autoribus dicamus, Christum non prædestinatum fuisse, per se primo ad huiusmodi reparationem faciendam, sed in magnificam, & gloriosam eiusdem naturæ exaltationem; præcedere potest hæc secunde opinionis intelligentia. Quæ præclara eruditione saluat Christum, prædestinatum fuisse, ut finem excellentissimum vtriusque ordinis, & naturæ & gloriæ, & quod fuit simpliciter primus prædestinatus,

& causa prædestinationis nostræ. Imo quod fuit simpliciter finalis causa omnium rerum, quantum ad primam earum entitatem, & existentiam. Quamvis secundum quid, id est, in genere causæ materialis, vtriusque ordinis & naturæ, & gratiæ existentia supposita fuerit in diuina præscientia ad Christi prædestinationem. Et quoniam secunda sententia sic exposita deferuire potest ad duas extremas illas opiniones nunc nunc insinuat, idcirco hoc loco proposui hanc sententiam, illamque tam late exposui, priusquam examinarem duas illas opiniones extremas, de quibus, de earumque intelligentia deinceps agemus.

3^a sententia
 Est igitur tertia sententia, quæ iam propius accedit ad famosam illam Scot. opinionem, quæ docet Christum etiam non existente peccato venturum esse in mundum ex vi prædestinationis suæ. Afferit hæc tertia sententia Christum de facto principaliter venisse in mundum propter ipsam humani generis redemptionem, sed quod veniret nihilominus, etiam si non existeret originale peccatum, quoniam etiam remedium humanæ naturæ causa fuerit Christi aduentus, & ut dicebam principalis, non tamen ipsa sola fuit causa aduentus Christi, ac proinde, neque causa adequata. Nam manifestatio diuinæ bonitatis, diuinæque omnipotentis & sapientis, ipsaque etiam exaltatio humanæ naturæ, imo & totius vniuersi eleuatio, atque iidem perfectio, & consummatio ordinis gratiæ sufficientes erant causæ ipsius Christi incarnationis, & aduentus. Hanc sententiam docet Albertus Magnus in 3. dist. 2. art. 9. & solent moderni Theologi illam adscribere Alexand. Alenf. 3. par. q. 7. membr. 13. Sed Alexand. si attente legatur hanc sententiam minime docuit, quia licet diuersas enumerauerit incarnationis causas, omnes tamen reducit ad remedium peccati, ad humanique generis redemptionem. Quam proinde causam censuit adequatam fore, aut ita præcipuam ut illa de medio sublata, nulla sufficeret alia; argue adeo a sententia, quam inferius ex Sanct. Thom. referimus, non videtur recedere. Sed quicquid sit, de autoribus huius sententiæ, ad eius intelligentiam breuiter est ad notandum. Primo, duplicem esse posse causam, quæ liberum operantem ad aliquid efficiendum inducat. Altera est motiua, & altera impulsiva. causa motiua ea dicitur, à qua ita pendet operatio, ut illa sublata agens non operaretur. Impulsiva vero causa illa est, quæ mouet quidem operantem, ut citius aut promptius maioriue conatu effectum producat, nõ tamen ita necessaria est, quod illa sublata cesseret agentis operatio, atque adeo tolleretur effectus, sed cessaret dumtaxat illa effectus, & operationis cõditio, quæ ex tali causa ortu habuisset, respectu cuius causa motiua dici potest.

poterat. V. c. quod citius fieret promptius, aut cum aliqua circumstan-
tia particulari &c. Posset asserri exemplum in medico cui instat necessi-
tas tractandi aliquod negotium in aliquo opido, qui cum iam sit pa-
ratus illuc ire, casu nouit amicum ibi infirmari, & tunc libentius adire
opidum illud, vt infirmo exhibeat medendi officium, quod vt me-
lius exequatur deferret secum medicamenta quae iudicat necessaria. In
hoc casu visitatio infirmi non fuit medico motiua causa assumendi
iter in illud opidum, quia paratus erat illuc adire propter instans ne-
gotiū, sed fuit impulsiva, & potest appellari motiua, secundum quid,
respectu, scilicet, illius effectus, quod est medicamenta parare & secum
deferre.

Secundo est aduertendum, quod causa motiua duplex esse potest,
Altera adaequata, & quasi totalis, Altera vero inadaequata & partialis.
Volo dicere quod si contingat assignare causā, quae ita moueat agentē
ad operandum, vt illa sola sit sufficiens, & illa sublata nulla sufficiat,
talis causa potest dici adaequata & totalis. Nam licet alię concurrant
propter quas agens operetur, omnes tamen censentur quasi extrinse-
ca & impulsiva causę. Si vero contingat quod aliqua causa ita sufficiens
est ad mouendum ipsum agens ad operandum, quod tamen illa sub-
lata remanere possit alia causa, quae sit sufficiens vt moueat illud in eo
agens ad operandum, talis causa motiua potest appellari, eo quod
sufficiens est se sola ad mouendum agens, vt operetur effectum, non
tamen adaequata potest vocari, cum non sit necessaria ad effectum in-
ducendum, quia illa sublata alia causa potest remanere sufficiens.

Hoc quibusdā theologis non apparet possibile, putant enim quod
si altera causa sufficit, omnes alię impulsivę, dumtaxat censerī debēt,
& quod non concurrunt ad effectum simpliciter, sed ad aliquem mo-
dum eius dumtaxat, sicut de causa impulsiva dicebamus. Sed ego hu-
ius rei impossibilitatem non video. Nam vt in posito sistamus exem-
plo. Quis verat, quod medicus propter causam illam vtramque iter
illud opidum, ita quod vtrāque vt sufficientem assumeret, sic adeo vt
sola causa visitandi infirmum, etiam si alia non exaret sufficiens ei ef-
fet causa motiua ad tale iter agendum, & similiter q. negotiū instaret
illi taliter quod quamuis de infirmo nihil sciret, iter nihilominus me-
dicus ille arriperet ad suū tractandum negotium, & per accidens due
illę causę, quę sorsum sufficerent, concurrūt simul, & vtrāque vt suffi-
ciens & quasi totalis. In effectibus naturalibus forsā hoc esset impos-
sibile, aut saltem nō esset factibile sine magno miraculo. Nam quod
vnius effectus a duabus per se pendeat totalibus causis non subordina-
tis, apparet impossibile. Ceterum in effectibus liberis, hęc impossi-
bilitas non est. Quia causa libera sic potest ad duo motiua atten-
dere.

vere in aliqua operatione, ut sit parata operari propter alterum eo-
 rum, altero deficiente. Verum est quod in tali casu. lato quoddam voca-
 bulo quolibet earum ad alteram comparata posset appellari causa
 coadiuvans & impulsiva. Quia cum quolibet seorsum sufficiat de-
 terminare agens ad operandum, Altera concurrere videtur quasi
 coadiuvando & impellendo duntaxat. Vtraque autem simul ratione
 habet causae totalis, & adaequatae. Quando igitur duae causae aut plu-
 res in hunc modum concurrunt, nihil inconuenit quod cum quali-
 bet earum sit sufficiens, una sit principalior alijs, & nihilominus illa
 cessante non cesset operatio agentis, ac proinde neque effectus. Nam
 alia causa, quae minus principalis est, sufficiet ad mouendum ipsum
 agens, ut eundem effectum operetur, quem operaretur si omnes hu-
 iusmodi causae simul adessent. In illo exemplo medici constare hoc
 poterit. Nam quis prohibet, quod instans gerendum negotium sit
 causa principalior, & quae illum magis moueret, etsi infirmi visitatio
 esset ei sufficiens motiui arripiendi iter. His ergo suppositis, auctores
 huius tertiae sententiae existimant remedium originalis culpa fuisse cau-
 sam motiuam, ut Deus mitteret filium suum in mundum, non quidem
 adaequatam & totalem, sed parrialem & in adaequatam, verum suffi-
 cientem, seorsum consideratam, & propter quam solam veniret, si sola
 occurreret: & hoc considerata actuali diuinae voluntatis intentione,
 quae parata erat propter eam solam operari eundem effectum. Vti so-
 lent dicere concionatores, & nescio an insinuauerit S. Chrysost. ex-
 ponens illa patris verba. dilexit me & tradidit seipsum pro me. Quod
 ita deus misit filium suum in remedium commune totius humani ge-
 neris, quod paratus erat mittere, etiam cum si vnus duntaxat homo
 tali ratione egeret remedio. Et dicunt praeterea huius tertiae opinio-
 nis auctores quod assumpsit deus causam istam, ut magis principalem
 & praecipuam inter omnes causas propter quas deus misit filium suum
 (vna tamen excepta, nimirum. Manifestatione suae bonitatis & gloriae.)
 Quae tamen si cessasset non ob id cessaret effectus, puta incarnatio
 verbi, quia remanerent aliae causae, quae essent simpliciter sufficientes, ut
 verbum fieret caro, etsi congruentius fuerit, quod propter eas omnes
 simul verbum naturam humanam assumeret. Praecipuum pro hac
 sententia argumentum est primum quod pro quarta sententia infor-
 mabimus. Nam ex illo videtur constare, quod deus simul aliam cau-
 sam ut sufficientem etiam consideraret, & non solum peccati reme-
 dium. Quod vero remedium peccati sit principalior causa, probatur ex
 scriptura sacra quae aperta pro hac veritate apparet. Cuius testimo-
 nia referemus pro sententia S. Tho.

Sed adest iam quarta sententia, quae non solum docet, quod etiam
 non extante originali peccato filius Dei veniret in mundum, verum
 etiam

etiam addit, quod remedium peccati originalis non fuit de facto. principalis causa incarnationis Christi, sed impulsiva duntaxat iuxta modum paulo superius in 1. notabili expositum. Et in hoc secundo hæc quarta sententia differt à præcedenti. Et differt præterea in hoc, quod tertia sententia non admittit Christum in aliquo signo rationis fuisse prædestinatum, quod non presupponit, et originale peccatum in aliquo priori signo rationis præsumit, quia reuera præcipientia originalis peccati, & si non concurrunt tanquam necessaria ad Christi prædestinationem, quia redemptio humani generis non fuit causa ad æquata, neque necessaria, ut Deus Christum prædestinaret, concurrunt tamen de facto, ut causa motiva coadiuvans iuxta superius dicta in notabili 2. At quarta quæstio facit, ut quidem, quod redemptio humani generis impulsiva fuit causa incarnationis Christi, eo quod aliquam conditionem habuit Christi incarnatio, quam non haberet ista causa se motiva. Non enim Christus venisset in carne mortali nisi propter peccati remedium. Ceterum remedium peccati nullatenus fuit causa concurrrens ad ipsam Christi prædestinationem secundum eius substantiam, neque præcipientia peccati in aliquo priori rationis signo antecessit Christi prædestinationem, sed illam potius præsupposuit. prius enim iuxta hanc quartam sententiam, Deus prædestinavit Christum venturum, quam videret ipsum Adæ peccatum. Et in hoc conveniunt cum Scoto omnes fere huius sententiæ auctores, quamvis in multis aliis dissentiant, neque in uno & eodem sensu Scoticam opinionem interpretantur. Sed antequam diversa huius sententiæ interpretationes afferamus, opere præcium esse duxi, præcipue argumenta hoc loco insinuare, quæ istam Scoti sententiam probabilem efficere videntur.

1. Sæpe ergo primum argumentum ex sacris literis desumptum, quo probatur causam præcipuam prædestinationis Christi & incarnationis eius ipsam humanæ naturæ exaltationem fuisse, ac proinde non eius a peccato reparationem & redemptionem. Paulus 1. ad Corinthios 2. ita inquit, loquimur sapientiam, quæ in mysterio abscondita est, quam prædestinavit Deus ante secula in gloriam nostram. Loquebaturque ibi Paul. de Christo incarnato, quod appellat Dei sapientiâ, quam dicit prædestinatam fuisse in gloriam nostram, id est, ut nostram extolleret, dignificaret, & glorificaret naturam. Et nullum verbum de peccati remedio, de nostraque redemptione fecit, ergo manifestum inde argumentum desumimus, Christi prædestinationem prius in ipsa Dei mente celebratam fuisse, quam fuerit præsumptum originale peccatum: atque adeo quod non in remedium peccati Christus fuit prædestinatus, sed ad sanctificandam, & exaltandam humanam naturam. Confirmatur ex illo quod Christus dixit Ioan. 10.

Ego veni vt vitam habeant, & vt abundantius habeant. Ecce quem modum causa ob quam christus in mundum venit, non fuit peccati remedium, sed ipsa anima nostræ viuificatio. Hoc argumentum sic confirmatum accommodari poterit ad probandum tertiam præcedentem sententiam, videtur enim probabiliter suadere quod redemptio humani generis non fuit adæquata & totalis causa aduentus Christi, sed causa veluti coadiuuans & partialis. Nam in his sacræ paginæ testimonijs videtur designari alia causa tanquam sufficiens, vt Deus propter ipsam Christum in mundum mitteret, quæ causa fuit ipsa humane naturæ exaltatio & glorificatio.

Secundum argumentum desumptum etiam scripturis sacris, probat Christum fuisse prædestinatum ante peccati præscientiam. Et in hunc modum formo argumentum. Christus ex primaria suæ prædestinationis ratione, prædestinatus fuit venturus in carne impassibili, immortalis, & gloriosa. Hæc autem prædestinatio neque præsupponebat originalis peccati præscientiam, neque eius attendebat remediū nam vt Christus remedium afferret peccati, humanumq. genus ab originali culpa redimeret, oportebat vt mortalis esset & passibilis, atque itidem viator: alias enim neque satisfacere, neque mereri posset. Ergo &c. Maior probatur ex illo Ioan. 17. vbi Christus patrem orans in hunc modum dicebat. Clarifica me Pater apud te ipsum, claritate quam habui priusquam mundus fieret. Petebat autem ibi christus, eam corporis sui claritatem, quam post resurrectionem obtinuit simul cū ipsa nominis sui exaltatione. Et postulabat a Patre vt eam tandem post mortem claritatem acciperet, in qua ex vi suæ prædestinationis erat venturus. Nam quid aliud designare possunt illa verba. Claritate quam habui priusquam mundus fieret, nisi claritatem quam ante mundi constructionem, id est, in primo decreto diuine mentis habuerat. Ita quod priusquam quicquam Deus de mundi creatione tractaret, prædestinauit Christum in carne impassibili, immortalis, & gloriosa venturum, quam proinde Christus dicebat se habuisse priusquam mundus fieret: quia habuit illam in dei prædestinatione.

Confirmatur ex illo quod Christus Ioann. 8. dicebat Iudeis. Pater vester Abraham exultauit vt videret diem meum, vidit & grauisus est. Cuius sententia is videtur esse sensus, quod Abrahamo primo reuelatum est decretum illud antiquum, quo decreuit Deus filium suum in mundum mittere in carne immortalis, gloriosa, & impassibilis. Et tunc exultauit Abrahamus nimio gaudio repletus, tale enim exuberans gaudium denotat verbum. Exultauit, desiderans videre ipsum Dei filium iam existentem in mundo. Deinde facta speciali reuentione qua vidit Christum in carne mortali & passibili natum, crucifigque addictum patibulo, vt ibi humane redemptionis præteritum exol-

ueret

neret, iam non exultauit, sed gauisus est, id est, non tantopere lætatus fuit, sed moderatiori gaudio, & temperatiori lætitia fuit affectus. Quia & si humani generis redemptio per Christi mortem facienda, grandis erat lætitia causa, at Christi passibilitas, mortalitas, & ipsa denique Crucis passio, ipsum temperabāt gaudium, neque permittebant nimiam illam animi exultantis lætitiam, quam prima reuelatio in ipso Abrahamo causauerat.

Tertio arguitur ex diuersis Patrum testimonijs, quæ huic sententiæ attestari videntur. Cyrill. li. 5. Thesaur. c. 8. inquit, quod sicut sapiens Architectus profunda iacit fundamenta propter suspicionem ruinæ; Ita Deus prædestinauit Christum propter suspicionem peccati futuri Adæ. Id ipsum dicit Bernard. in sermone primo Aduentus & serm. 17. super cantica. S. August. lib. de spiritu & anima c. 9. & in manuali cap. 26. docet verbum fuisse incarnatum, vt homo tam in anima, quam in corpore beatificaretur, & vbique inueniret Pasqua. Hęc autem Augustini ratio eamdem vim habet sine peccato in natura humana, atque ipso existente. Eamdem sententiam docere videntur Sanct. Anselmus. ad Hebr. 2. & expresse Rupert. Abba. locis citatis.

Quartum argumentum. Prius Deus absoluta voluntate voluit gloriam animæ Christi, quam gloriam hominum, & Angelorum, & quā reparationem humani generis, sed absoluta Dei voluntas semper impletur, absque dependentia ab aliquo alio. Ergo quamuis nō extaret peccatum originis in natura humana, imo, quamuis nullus Angelorum aut hominum beatificandus esset, verbum nihilominus humanā assumeret naturam. Maior probatur. Gloria animæ Christi est maius bonum quam gloria oīum hominum, & Angelorum, magisq; proinde Deo propinqua: Ergo primum debuit esse volita Deo absoluta voluntate, & ab omni alio independenter, eo vel maxime, quod ipsa est totius humanæ, & Angelicæ gloriæ finis.

Quintum argumentum. Si prædestinatio Christi præsupposuit præscientiam originalis peccati, & Christus prædestinatus fuit dependenter ab ipso originis peccato, sequitur quod fuit per accidens & occasionaliter prædestinatus, & non per se, & ex primaria Dei intentione. Consequens non apparet rationi consentaneum. Ergo &c. Sequella videtur manifesta, quia peccatum per accidens se habuit in natura humana, & nullatenus pertinet ad intentionem Dei, eius autem permissio pertinet quidem ad Dei intentionem, non vero per se primo, sed secundo & quasi indirecte, primaria enim Dei summi boni intentio, ad promotionem boni, & non ad permissionem mali, & peccati pertinet. Minor vero probatur. Rationi dissentaneum est asserere, quod illud quod maximum

bonum est inter vniuersa diuinæ prouidentię opera; per accidens & occasionaliter tantum fuerit à Deo dispositum & factum. Et præsertim occasione peccati, quod est malum, valde displicens Deo: Ergo, &c.

Confirmatur primo, argumento satis apparenti. Peccatum originis, non alia ratione potuit a deo permitti, nisi vt virtus incarnati verbi in eius remedio manifestaretur, & splenderet. Ergo voluntas Dei peccati originalis permissiua præsupposuit Christi prædestinationem: atque adeo Christi prædestinatio non occasionata fuit ex originali peccato, quin potius ipsa permissio peccati ex Christi prædestinatione ortum habuit. Probatur antecedens. Deus nullum permittit malum nisi vt inde aliquod eliciat bonum, quod docuit expresse August. in Eocheryd. & post ipsum S. Thom. 3. par. quæst. 1. art. 3. ad 3. Ergo tam grande illud malum, totius humanæ naturæ infectiuum, Deus non permisit, nisi vt magnum illud bonum redemptionis, per Christum factæ, ex eo eliceret. vt vere posset dicere Paul. Ro. 4. vbi abundauit delictū superabundauit gratia. Nec enim in toto diuinæ prouidentię ordine bonum aliquod aliud inuenire possumus, propter quod prudenter & rationabiliter tantum malum esset permittendum.

Confirmatur secundo. Si Christus in remedium originalis peccati prædestinatus fuit, sequitur quod eius prædestinatio præsupposuit præscientiam peccati, vel vt infallibiliter futuri, vel vt iam existentis, seu alijs verbis, vel præsupposuit cognitionem peccati pertinentem ad diuinam scientiam permissionis, quæ tenderet in peccatum vt futurum, vel pertinentem ad scientiam visionis, quæ peccatum vt præsens Deo, & eius æternitati coexistens respiceret. Sed vtumque horum falsum est omnino, ergo prædestinatio Christi nullatenus præsupposuit peccati præscientiam. Probatur minor. (Maior enim est manifesta ex diuisione scientię diuinæ a nobis superius facta.) Et primo, quod non præsupponeret cognitionem peccati ad scientiam visionis spectantem, Probatur, quoniam si ita dicamus, necessum est fateri, quod Christus, nec etiam in genere causæ finalis, prius prædestinatus fuit, quam Deus statueret naturā humanam producere. Nam tunc necesse esset quod prædestinatio Christi præsupponeret cognitionem naturæ humanæ vt existentis & creatæ, quia non potuit præcedere cognitio visiva peccati in existentis humanæ naturæ, quin præcederet etiam visio ipsius naturæ humanæ existentis. At si prædestinatio Christi hanc præsupposuit cognitionem, nequit intelligi, quo pacto in genere causæ finalis præcederet decretum creationis humanæ naturæ. Probatur præterea, quod nec præsupponeret cognitionē peccati pertinentem ad scientiam permissionis. Peccatum non est cognoscibile vt infallibiliter futurum: Ergo per illam scientiam quæ respiceret

eretur originis peccatum vt futurum, non potuit Deus cognoscere certo & infallibiliter ipsius peccati euentum, sed cognitione tantū coniecturali & fallibili. Quæ cognitio & diuino intellectui propter sui imperfectionem repugnat, & ipsi etiam Christi prædestinationi, quæ absoluta debuit esse & efficax, minimeque a coniecturali, & fallibili cognitione pendens. Antecedens probatur. Peccatum quamdiu intelligitur vt futurum, consideratur vt quodam futurum contingens, quod neq; in seipso neq; in aliqua sui causa determinatū esse habet. Ergo incognoscibile est per determinatam, & infallibilem cognitionem. Res enim quælibet non aliter cognoscibilis est, quam secundum eum modum, quē res ipsa habet: aut saltem non potest cognosci sub modo contrario: Ergo Deus per scientiā permissionis non potuit certa & determinata notitia originis peccatum, vt futurum præcognoscere. Tandē tertio confirmatur. Nam ex opposita sententia sequitur, quod debeamus gaudere, & lætari quod Adam peccauit, cum ex eius peccato tantū reportauerimus bonū: consequens non est admittendū. Et augeo vim huius argumenti ex eo quod August. lib. de nat. & gra. c. 15. inquit. Non dicimus vt esset causa misericordiæ Dei, necessariū fuisse peccatum. Vtinam non fuisset miseria, neque ipsa fuisset misericordia necessaria: Ergo, &c.

Sexto arguitur. Sequitur ex contraria sententia, quod Christi prædestinatio præsupposuit in mente Dei hominum prædestinationem; consequens non apparet admittendum, quoniā sacre literæ manifeste insinuant Christū fuisse primum prædestinatum, & quod cæteri homines in Christo sunt prædestinati. Elegit nos in ipso inquit, Paul. Ephes. 1. ante mundi constitutionē. Ergo, &c. Probatur sequella. Prædestinatio hominum nullum præsupposuit peccatum, neq; eius in diuina mente præscientiā: vt cōiter solent docere Thomistę 1. p. q. 13. & colligunt ex Pau. Ro. 9. vbi sub figura Iacob, & Esau, oīum prædestinatorum, & reprobatorum causam præponens, inquit, quod antequā quicquam boni, aut mali egissent, prædestinauit Deus Iacob, & Esau reprobauit, Ergo hominū prædestinationē non præcessit intellectu Dei originalis culpæ præscientia. Ergo si prædestinatio christi præsupposuit præscientiā originalis peccati, nō potuit nō esse posterior hominum prædestinatione. Cōfirmatur, primo saltem sequitur ex contrariā sententia, quod detur causa reprobationis hominum ex parte reproborum, cōsequens non admittitur a multis grauissimis Theologis propter illud testimonium ante adductum, ex Paul. Rom. 9. in quo Paul. omne demeritum ex parte reprobatī, excludere videtur ab eius reprobatione. Ergo, &c. Probo sequellam. Certum est reprobationem hominum præsupposuisse in ipsa Dei mente prædestinationem Christi, Ergo si Christi prædestinatio præsupposuit originalis peccati cogi-

tionem, necessum est fateamur, reprobationem hominū præsupsisse quoque ipsam eiusdem peccati præsicientiam. At peccatum originis sufficiens causa fuit demeritoria ad hominum reprobationem. Ergo reprobatio præsupsit de meritum ex parte reprobatorum. Confirmatur secundo. Si Christus prædestinatus fuit in remedium peccati Adæ, sequitur quod prædestinatio Adæ præcesserit Christi prædestinationem: atque adeo quod primus prædestinatus non fuit nouissimus & cœlestis Adam, sed Adam primus & terrestris, quod rationi & scripturæ sacre dissentire videtur: Ergo, &c. Probatum sequela. Si Christus prædestinatus fuit, ut Adæ remedium afferret, ergo prædestinatio Christi præsupsit absolutum & efficacem amorē Adæ, in voluntate diuina. Hic autem amor ad prædestinationem pertinet: Ergo, &c. Confirmatur tertio. Non consonat rationi, quod Deus maius bonum amauerit propter minus bonū, & quod ex amore minoris originaretur in Dei voluntate maioris boni dilectio. Sed contra se res debuit habere, ut rectus seruaretur ordo. Ergo Christi amor & prædestinatio non habuit ortum ex amore Adæ, aut ipsius humanæ naturæ, sed contra humana natura, & Adæ, amor ex ipsa Christi absoluta, & efficaci dilectione, quæ comitem habet ipsam prædestinationem. Colligitur hæc ratio ex Ireneo lib. 3. cap. 33.

Septimo arguitur Prædestinatio Christi ortū habuit ex summa Dei bonitate, Deus enim eo se voluit communicare tam excellenti cōmunicatione, qualis est communicatio hypostaticę vnionis, quia summum bonum est. Nam sicut pertinet ad bonum qua ratione bonum, communicare seipsum (est enim bonum diffusiuum sui dicente S. Dionysio c. 1. de diuinis nominibus) ita ad summum bonū pertinet, summo modo se cōmunicare. At hæc ratio eandē omnino vim haberet, originali culpa de medio sublata, atque nūc habet originis peccato supposito: Ergo rationabile est asserere, quod Christus etiā non extante peccato, in mundum veniret. Confirmatur. Quamquam non extaret redemptionis & remedij peccati causa, aliæ essent rationes & causæ, propter quas conuenienter verbum humanam carnem assumeret. Ergo valde rationabilis est sententia quæ docet, verbum non exstante peccato, humanam carnem assumpturum. Probatum antecedens. Illa causa semota incarnatio diuini verbi valde conduceret ad manifestationem diuinæ bonitatis, ut & homines, & Angeli cognoscerent, quam bonus est Deus, qui tam excellenti modo seipsum communicasset, & non esset cōtentus minore suæ bonitatis cōmunicatione: Et ad extollendam & exaltandam rationalem naturam, imo & totum ipsum vniuersum plurimum quoque conferret. Nam quod diuinum verbum intra rationalis naturæ, & totius vniuersi limites, seipsum secundum naturam assumptam concluderet, summo opere totum naturę
ampli-

simplificaret ordinē. Contulisset etiam, quam maxime ad perficiendum & consumandum totum gratiæ ordinem, gratia enim, ut sæpe diximus, nullum habet extra Christum proprium & adæquatum subiectum, neque in nullo subiecto alio qualiscunque & quantæcunque sit excellentiæ, sortiri potest totam sibi debitam plenitudinem. Præterea. Quod ordo gratiæ terminaretur ad Christum, ut ad supremum sui caput, ad magnam eius perfectionem, præcipuumque suæ dignitatis complementum attineret. Imo videretur accephalus gratiæ ordo, & tota similiter gratificatorum, & iustorum congregatio ac cephalæ esset sine christo capite. Denique non alia commodior via inueniri potuit, ut altissimum Trinitatis mysterium, & profundissima & occultissima diuini consilij sacramenta mundo manifestarentur, quā si diuinū verbum caro fieret, ut vnigenitus qui in sinu est Patris hæc tam sublimia, & abscondita nobis enarraret arcana. Hæc & aliæ causæ, & quidem grauissimæ se nobis offerunt, ob quas valde rationabilis fuisset Christi aduentus, & si nullum in natura humana extaret peccatum. Ergo sententia quæ id affirmat valde est rationabilis.

Octauo arguitur. Prædestinatio christi antecessit præscientiam peccati Angelorum. Sed præscientia peccati Angelici antecessit in intellectu diuino cognitionem originalis culpæ: Ergo Christi prædestinatio prior fuit præscientia originalis peccati. Maior præsupponitur ex probabilitate illius sententiæ quæ docet peccatum Angeli fuisse inuidiam Christi, atque odium eius. Minor vero patet. Primum hominis peccatum præsupposuit peccatum Angelicum, quia ex iniqua suassione Demonis ortum habuit ipsum primum Adæ peccatum. Ergo &c.

Huc potest accersiri illud argumentum quod in confirmationem primæ sententiæ fecimus, desumptum ex cognitione, quæ Adam priusquam peccaret, Christum venturum cognouit. Non enim rationabile apparet, quod Adamo ante peccatum Christi in carnatio reuelaretur, si Christus nullatenus ad innocentie statum pertinebat, sed ad statum duntaxat naturæ per peccatum infectæ. Huic argumento annectitur confirmatio desumpta ex gratia quæ in statu innocentie fuit Adæ collata. Nam illa gratia videtur habuisse ortum ex christo, ex ipsiusque meritis, ac proinde Christus ad statum innocentie attinebat: atque adeo eius prædestinatio non præsupposuit peccati originalis præscientiam, nec Christus per se primo fuit prædestinatus in huius peccati remedium.

Hæc sunt argumenta, quæ præcipuum videntur habere momentum ad confirmandam quartam sententiam sic in communi sumptā, ut fuit a nobis proposita. Sed iam deinceps magis in particulari proce-

procedamus oportet in huius sententiæ explicatione. Et hoc loco multis prætermiſſis, & ad conclusiones inferius ponendas reſeruatis, Ad duo capita decreui reducere diuerſas huius quartæ Scoticæ ſententiæ intelligentias, quod miror non aduertiffe viros doctiſſimos, cum de hac Scoti ſententia, de varijsque eius intelligentijs ſermonem fecerunt.

Primum ergo caput in hoc conſiſtit, quod incarnatio Chriſti non fuerit per ſe primo conſiderata per ordinem ad naturam humanam, vel reparandam, vel exaltandam, nec Chriſtus per ſe primo prædeſtinatus fuerit in beneficium totius humanæ naturæ, vel totius vniuerſi. Ex quo capite proceſſit intelligentia illa, quæ Lichetus in 3. diſt. 7. q. 3. ſuum explicuit Scotum, quæ in hunc modum habet. Inquit iſte autor, quod in primo rationis ſigno natura humana a verbo aſſumenda fuit perfecte præſens, vt cognita, diuinæ voluntati, & ſimiliter beatitudo, quæ glorificanda erat Chriſti anima, fuit eidem diuinæ voluntati præſens vt cognita. Illa reduplicatio, vt cognita; idem importat quod ſecundum eſſe poſſibile cognitum, vel quod magis crediderim, importat illud eſſe fictitium ab Scoto inuentum, quo res omnes in ordine ad diuinum intellectum habuerunt in eſſe cognito, antequam ad extra producerentur. De qua re nihil aliud in præſentia diſſinio, quæ quod eſt merum ſigmentum. In ſecundo ſigno ordinauit & prædeſtinauit Deus naturam illam ad gloriam absolute, non certum eius determinando gradum. In tertio ſigno ordinauit ipſam naturam vniri verbo in vnitate ſuppoſiti. Et in hoc ſigno diuinus intellectus agnouit, q̃ maior gloria debebatur ex congruitatis debito illi naturæ verbo vnitæ, quam alii cuiumque. Vnde in quarto ſigno deus naturam illam ordinauit ad tantam gloriam, quanta ei de congruo debebatur, & ita ordinata fuit deſactò ad ſummam gloriam, quia tanta ſibi erat de congruo debita, In quinto tandem ſigno ordinauit, ſeu prædeſtinauit verbum eſſe hominem, & hunc hominem eſſe verbum: Quia ex eo quod humana natura vnienda erat verbo in vnitate ſuppoſiti, ſequetur verbum eſſe hominem, & hominem eſſe verbum. Iſta eſt ſententia quam Lichetus, quod attinet ad Chriſti prædeſtinationem, ex doctrina Scoti deducit. Et exiſtimo hunc autorem, Scoti mentem fuiſſe aſſequutum, & ſi non omnibus ita appareat.

Veruntamen ſententia Scoti ſic intellecta, præter id quod ad præſentem diſputationem attinet, multa continet falſa. Falſum eſt enim, naturam humanam prædeſtinatam fuiſſe ad gloriam. Natura enim non per ſe primo prædeſtinatur, ſed ſuppoſitum in natura ſubſiſtens, Imo probabimus quæſtione ſequenti, Chriſtum non fuiſſe prædeſtinatum ad gloriam, quoniam gloria per ſe conſequitur in chriſto ad ipſum eius prædeſtinationis terminum. Item etiam falſum eſt quod

prius

prius humanitas fuerit ordinata ad gloriam, quam ad vnionem hypostaticam. cum verbo, nam gratia & gloria in humanitate Christi, non ad personale præsупponuntur vnionē, sed consequuntur potius. Quid est quod in tertio signo deus humanitatem ad personale cum verbo vnionem ordinauit, & quod postea in quinto signo prædestinauit verbum esse hominē, & hunc hominem esse deum? Non ne ex terminis prioris prædestinationis hic terminus per se & necessario cōsequitur? Quare ergo noua eguit prædestinatione, & cum tam intrinsece sequatur, cur. 4. signum inter hos duos ponitur terminos?

Ad hoc primum caput reducit interpretatio alia sententiæ Scoticæ, nimirum, quod in primo instanti Deus prædestinauit Christum. In secundo prædestinauit in ipso omnes homines & angelos, in tertio denique propter Christum principaliter, & propter ipsos etiam prædestinatos, vt propter finem, decreuit totum vniuersi ordinem producere: in quo signo voluit etiam peccata & naturæ & moris permittere. In quarto vero, præuiso peccato originali, decreuit vt Christus veniret in carne mortali & passibili, vt totū humanum genus a peccato liberaret, & a seruitute quam incurrerat per peccatum, redimeret. Hoc instans in duo distingui solet, quartum datur præuisioni originalis peccati, & quintum christo in passibili carne venturo. Sed parum retulerit sic vel aliter dicere. Hæc secunda interpretatio, quæ coincidit cum cum prima sententia superius relata, præsупponit, quod in ipso prædestinationis christi decreto, nulla fuit habita consideratio ad humanam naturam, ad communemque eius perfectionem & exaltationem, sed ad ipsam duntaxat singularem Christi humanitatem, quam Deus decreuit ad summum dignitatis fastigium euehere, illam vniens personaliter diuino verbo.

Secundum caput, ad quod interpretationes alie Scoticæ sententiæ reducuntur, in hoc consistit. Quod Deus intendens naturam humanam, & in ea totum vniuersum perficere & dignificare, decreuit filium suum mittere in mundum verum hominem factum. Vnde decretum prædestinationis Christi non fuit totaliter absolutum, sed vel præsупposuit decretū creationis vniuersi, vel quod verosimilius est iuxta Scoti sententiam, aliqua ratione præsупposuit voluntatem creandi totum vniuersum, & præsertim naturam humanam, & eleuādi ipsam ad supernaturalem finem & ordinem.

Ad istud caput pertinet id quod plerique Scoticæ scholę discipuli dicere solent, Christum ex primaria suæ prædestinationis intentione, venisse in mundum, non ad redimendum naturam humanam, sed vt ipsam perficeret, exornaret, & extolleret. Neque enim posset aliter verificari ista doctrina, si diceremus decretum prædestinationis Christi absolutum fuisse, & nullatenus præsупposuisse voluntatem creandi

homi-

hominem, & totum hoc vniuersum, est enim impossibile quod quis velit perficere aliquod subiectum, quin aliqua ratione præsupponat esse tale subiectum, vt ostendimus superius circa posteriorem sensum secundæ opinionis. Ad idem caput pertinet alii modi dicendi, qui præsupponunt istum finem modo expositum, scilicet, naturæ humanæ exaltationem, fuisse intentum a deo, in Christi prædestinatione.

Quartam istam sententiam his modis expositam, docuit Scotus in 3. dist. 19. q. vni. s. in ista questione & dist. 32. q. vnic. art. 3. In substantia sequuntur illam omnes autores, quos supra retulimus pro prima sententia. Tenet illam Cartusi. & Maioris in 3. dist. 1. q. 2. Gabriel in 3. dist. 2. dub. 3. hanc sententiam probabilē reputat, sed non firmiter ei adhæret, quia contrariam etiam reputat æque probabilem. Sed inferius dist. 32. quæst. vni. arti. 1. nota. 3. magis in hanc Scoti sententiam propendit. Quam pro viribus vniuersi Scotici defendunt.

Sed sit iam quinta sententia, quæ absolute affirmat verbum non esse in carne venturum, nisi extaret peccatum. Itaque docet hæc sententia, quod Christus ex vi suæ prædestinationis venit in mundum ad reparandum naturam humanam. Hanc sententiam ita propositam docet S. Thom. 3. par. q. 1. art. 3. Et quamuis in 3. sentent. dist. 1. q. 1. contrariam sententiam dixerit esse probabilem, in hoc tamen citato loco, absolute definit veram esse hanc sententiam quinto loco a nobis propositam. Sequuntur ipsum Capreol. in 3. dist. 2. Richard. d. 1. q. 4. art. 2. Marsil q. 1. art. 3. Ferrarien. 4. contra gentes c. 55. & Caiet. 3. par. q. 1. art. 3. Driedo lib. de capt. & redempt. gen. hum. tract. 2. c. 2. art. 6. sentent. 3. vbi oppositam non reputat improbabilem. S. Bonau. in 3. dist. 27. dicit quod si attendamus rationem & subtilitatem, probabilius diceretur Christum venturum esse in mundum, etiam si nulum extaret in humana natura peccatum. Ceterum consulendo scripturas sacras, & sanctorum Patrum doctrinam, probabilius dicitur oppositum, in quam sententiam S. Bonauent. propendit Franciscus à Christo lib. 1. de incarnat. q. 2. Hanc sententiam, quam vniuersi S. Thom. discipuli incunctanter tuentur, diuersis ipsi modis explicat, quos referemus paulo inferius cum hanc sententiam probauerimus.

Igitur ad huius difficultatis resolutionem exactam, illud est præsupponendum, quod a principio huius disputationis aduertimus, in diuino intellectu distinguenda esse diuersa rationis signa, seu instantia, quæ non desumuntur ex ipso actu diuini intellectus, qui respectu omnium obiectorum vnus est simplicissimus, & indiuisibilis, sed ex parte rerum obiectarum, quæ inter se se dependentiam habent, etiam in ordine ad attingentiam diuini intellectus. Ita quod vna non est attingibilis nisi sub alia, vt medium non est attingibile nisi sub fine, & quo habet totam suam appetibilitatem, & a quo pendet in ordine ad dispo-

dispositionem intellectus practici) de quo intellectu nunc loquimur & non de speculativo) non enim intellectus quidquam iudicat, aut decernit de medijs formaliter vt media sunt, nisi per habitudinem ad finem ad quem ordinantur. Quod diximus de intellectu Dei practico, dicendum est de ipsa diuina voluntate. Oppositum censuit Gabr. in 3. dist. 2. quast. vni. dub. 3. ad tertiam rationem Scoti, existimauit enim non esse distinguenda rationis instantia in diuino intellectu, eo quod Deus omnia simul & vnico videt intuitu, absque vlla prorsus successione. Sed deceptus fuit Gabriel non aduertens ad modum loquendi theologorum, qui signorum aut instantium rationis diuersitatem non non considerant in Deo ex parte actus intellectus diuini, sed ex parte obiectorum, inter quæ reperitur ordo & dependentia, vt nunc nunc explicabamus. Ocham in 1. dist. 9. quast. 3. similiter negauit instantia rationis in Deo, & nonnulli putant Ferrarien. in 4. contra gentes cap. 55. in eadem fuisse sententia. Sed manifestum est ex eodem capite, in 5. ad euidenciam. Ferrarien. non recessisse a communi theologorum doctrina, quæ & in diuino intellectu & in diuina voluntate diuersa multiplicat rationis signa. Hoc supposito.

Prima Conclusio.

Prima sententia falsa est, & apud me parum probabilis, quatenus affirmat decretum prædestinationis Christi ita habuisse primum locum in intellectu Dei, quod fuerit totaliter absolutum, nullum habens respectum ad ordinem naturæ & gratiæ, & quod in illo nec formaliter nec virtualiter nec alio quouis modo, præhabita fuerit dispositio ordinis naturæ & gratiæ, Ita quod ex vi illius primi decreti nulla insurgebat suppositionis necessitas creationis vniuersi, aut creature rationalis. Quod in hac conclusione dixi de prima opinione superius relata, similiter est dicendum de opinione Scoti in primo sensu intellecta, quia, vt superius aduertit, primus ille sensus coincidit cum opinione prima. Ad hanc conclusionem probandam poteram asserere omnia illa, quæ asseremus postea ad probandam veritatem quintæ sententiæ, quam ex S. Thom. retuli. Sed illa asseram suo loco, nunc enim non intendo probare falsitatem huius primæ sententiæ, nisi quatenus ponit decretum illud prædestinationis Christi totaliter absolutum, & absque ullo respectu ad ordinem naturæ & gratiæ, quod falsum esse sic ostendo. Primo. Illa sententia nullo probali inicitur fundamēto, sed volutarie est introducta, neq. bene cū sacra. scripturarū & patrum cōi loquēdi modo cōsentit. Ergo &c. Probo antecedēs quoad vniuersa quæ assumit.

N n n n Omnia

Omnia testimonia scripturæ sacræ quibus eius auctores præcipue confidunt non solum eam non probant, verum manifeste improbant. Quoniam si attente legamus, illa omnia testimonia docent Christum prædestinatum fuisse cum habitudine ad ordinem naturalem & ad ordinem gratiæ, nam in eis habetur Christum fuisse prædestinatum ut esset caput, ut principem teneret locum super omnes res mundi, ut esset initium viarum Dei, id est, primum opus unde inchoavit deus omnia opera: denique ut finis esset rerum omnium. Hæc & similia colliget lector facillima opera ex omnibus sacræ scripturæ testimonijs, quæ pro prima illa opinione adduximus. At quo pacto ista verificari poterunt de prædestinationis Christi decreto, si penitus fuit absolutum, nullum respectum habens ad ordinem naturæ & gratiæ. Nam cuius corporis Christus caput esset, cuius ordinis esset finis, quarum viarum esset initium, & quale denique primatum teneret. Certe qui testimonia prædicta considerauerit, non poterit non sententiâ illam primâ tota mente detestari. Itē secundo argumentū ex revelatione facta Adæ, in qua prima illa sententia non leue suæ probabilitatis fundamentum ponit, manifeste eandem infirmat sententiâ, falsitatisque conuincit. Nam Christus reuelatus fuit Adæ ut consumator gratiæ ipsi primo parenti collatæ, & ut sponsus futurus fidelis ecclesiæ. Quod non latuit S. Thom. locis inter arguendum pro prima opinione cita, ergo ex illa revelatione facta Adæ: colligitur apertissime decretum prædestinationis Christi intrinsecum habuisse respectum, & ad ordinem naturæ & ad ordinem gratiæ, ita quod uterque ordo ex vi illius primi decreti necessario, suppositionis necessitate, erat futurus, quia licet non formaliter, virtualiter tamen & radicaliter uterque ordo in illo primo decreto erat dispositus & constitutus. Quatenus de perfectione & consummatione eius per Christum facienda in tali decreto tractabatur. Preterea illud testimonium sapien. 8. Dominus creauit me &c. quod est vnum ex potissimis fundamentis illius sententiæ, a sanctis Patribus quos referemus in solutione argumentorum primæ opinionis, intelligitur per comparisonem & respectum ad ecclesiā. Et denique nullus est ex antiquis Patribus & doctoribus qui prædestinationem Christi non explicuerit per respectum ad humanā naturā & ad eius sanctificationē & exaltationē. Quæ doctrina non leue fundamentum habet in Paul. ad Ro. 1. in illis verbis, Qui prædestinatus est filius dei in virtute, secundum Spiritum sanctificationis. Non enim Paul. prædestinationem Christi absolutam esse docuit, sed cum respectu ad naturam humanam perficiendam & sanctificandam, quem respectum denotant illa verba. In virtute secundum Spiritum sanctificationis. Sed de huius loci intelligentia dicemus sequenti quæstione. Confirmatur hæc omnia,

nia. Incarnatio christi fuit actio dei in qua diuina & summa bonitas magis splenduit, ergo ita fuit ab eterno disposita in ipso prædestinationis christi decreto. Sed bonitas dei in hoc potissimum apparet, quod ad multos diffundatur, & pluribus communicetur, Ergo christus ex vi primariæ prædestinationis in communem rationalis naturæ utilitatem, imo & in bonum totius vniuersi, prædestinatus est. Et ista nisi fallor, sufficiunt ad ostendendam illius primæ sententiæ falsitatem, & ad extirpandum illum primum Scoticæ sententiæ sensum, ex Licheto relatum qui ut iam superius aduertimus mille scaturit alijs falsitatibus.

Secunda Conclusio.

Secunda sententia quantum ad primum eius sensum non est improbabilis, sed longe probabilior est in secundo sensu intellecta. Hanc conclusionem quoad priorem eius partem damnus i ipsius autoribus, eo quod decretum prædestinationis christi non reputarunt pure absolutum, & independens: sed dixerunt quod in executione penderet ab ordine utroque & naturæ, & gratiæ. Itaque decretum illud non comparauit volitioni finis, ut fecit sententia prima, sed intentioni qua voluntas non amat absolute finis bonitatem, sed vult eam ut comparandam & acquirendam per media. Quoad secundam vero partem probant mihi sufficienter ea quæ diximus in explicatione secundi sensus illius opinionis secundæ, requisit illa diligens lector. Constat enim, legenti, quod ordo naturæ & gratiæ perficiendus, magnificandus, & extollendus non solum habuit rationem mediij in ordine ad christum & ad decretum prædestinationis eius, sed habuit simpliciter rationem materiæ & subiecti perficiendi & eleuandi per christi incarnationem, & ipsa vtriusque ordinis perfectio & eleuatio, aliqualem habuit rationem finis, respectu incarnationis Christi, id est, comparatione ad christum in statu infirmitatis & humilitatis constitutum. Quamuis simpliciter ipse christus finis fuerit totius perfectionis, & glorificationis humanæ naturæ. Et præter ea quæ ibi diximus, ad huius rei explicationem breuiter est aduertendum, quod quamdiu christus fuit in statu humilitatis & viatoris constitutus, quamuis re ipsa deus esset, naturalisq. dei filius sicuti est modo, fuit tamē deus exinanitus, ut inquit Paulus. & ut dixit Propheta quasi Paulus. explicans, fuit deus absconditus. Vnde nihil mirum quod secundum modum quem Christus habuit in statu illo, non tam sortiretur finis rationem, quam mediij, comparatione ad humanam salutem & gloriam. At postquam deus dedit illi nomen quod eo super omne nomen, id est, postquam miraculis quæ in eius passione contingerunt, postquam gloriosa eius resurrectione, postquam mirabili denique ipsius ascensione declaratum

est christum verum esse Deum, vnigenitumque Patris filium; iam indecens erat vt medij locum teneret, sed excellentissimi omnis nostre redemptionis, nostreque salutis & gloriæ finis ei debetur locus, & vt omnia ad ipsum ad eiusque gloriam, vt media illi subordinata referantur. Nam postquam Iſaias cap. 6. vidit gloriam domini, quam vt ex cap. 6. Ioann. colligitur & incarnatione & passionis sua ipse fuit affecutus, postquam illum vidit super solium excelsum & eleuatum sedentem ad dexteram, videlicet, Patris sui; omnia quæ sub ipso erant replebant templum, id est, omnis perfectio, omnis dignitas, omnis excellentia & naturæ & gratiæ quæ ipsa christi Ecclesia, quæ verum Dei templum est mirifice perficitur, extollitur & repletur, sub christo sunt constituta, ei subordinantur, &que deseruiūt. Et omnes lingua & verbo & veneratione cōfiteritur, quod dominus Iesus Christus in gloria est dei Patris. Imo omnia quæ Christus iure redemptionis suæ ecclesiæ acquisiuit, linguæ quædam factæ sunt ad hanc mirificam christi gloriam predicandam & enarrandam, sicut cæli & opera ad naturæ ordinem spectantia, enarrant nobis gloriam Dei ps. 13. Nam hac ratione Spiritus sanctus in linguis igneis super Apostolos primos ecclesiæ fundatores descendit, vt eos & totam in ipsis ecclesiam, in ardentibus linguis ardore charitatis succensas & inflammatas transformaret, vt essent in laudem gloriæ Christi, in quem finem deus hunc nouum creauit populum, in laudem, ipse inquit, meam creauit eum.

Tertia Conclusio.

Sententia quam tertio loco proposui, & si non tam sit falsa quam illa Scoti opinio, quæ Christum affirmat prædestinatum absque vlla peccati præscientia, & quæ similiter dicit communem humani generis redemptionem non esse connumerandam inter præcipuas incarnationis Christi causas, est tamen falsa, & non tam consentanea doctrinæ Patrum, atque sententia ei opposita. Non de sunt theologi qui ob id falsam illam sententiam reputant, quia persuasam sibi habent sententiam quandam, quam ego impugnaui superius, nimirum, quod non possunt simul dari plures causæ motiue & principales, propter quas voluntas moueatur, ad aliquid operandum, & ad aliquem vnum effectum agendum: Sed quod si semel assignemus vnā causam principalem, quæ sit sufficiens se sola ad mouendum voluntatem, vt talem effectum operetur, omnes aliæ causæ sunt minus principales & impulsivæ dumtaxat, & quibus nō debent adscribi ipsæ operationis & effectus substantiæ, sed aliquæ circumstantiæ extrinsecæ erunt eis tantum attribuendæ.

da, verum hæc sententia mihi non satis est probata, quam superius & si breuiter, efficaciter tamen confutauimus. Vnde aliter est probanda hæc nostra tertia conclusio, & illa sententia tertia cui opponitur improbanda.

Est autem præsupponendum, vt dilucidiora fiant ea quæ dicemus. Quod cum affirmamus aduersus tertiam illam opinionem, quod unica fuit & sola causa incarnationis Christi, scilicet, humani generis reparatio & redemptio, qua proinde semota Christus non veniret in mundum, neque decretum prædestinationis eius suum sortiretur effectum: non negamus plures posse distingui & numerari prædestinationis Christi, ex parte rei prædestinatæ, rationes, & causas. Fateri enim tenemur, quod deus prædestinauit Christum propter gloriam suam, quæ consistit in præclara diuinæ bonitatis manifestatione, omnia enim propter semetipsum operatus est dominus proverb. 18. & quod ipsum prædestinauit, ad viuificandum, ad exaltandum, & glorificandum hominem. Sed id asserimus, quod omnes causæ & omnia motiua, propter quæ Deus Christum prædestinauit, fundata fuerunt in humani generis redemptione. Itaque omnem vitam, omnem gratiam, omnem gloriam omnem denique rationalis naturæ magnificationem & exaltationem, propter quam Christus prædestinatus fuit, intendebat Deus per modum integri, & totalis effectus consequentis ipsam humani generis redemptionem, Christi vitæ & mortis comparatam. Imo neque ipsam gloriam suam, quam principaliter Deus intendebat, voluit aliter assequi, nisi ipsa mediante humani generis redemptione. Vnde Paulus ad Eph. 1. ita dicebat. Qui prædestinauit nos in adoptionem filiorum per Iesum Christum, in ipsum, secundum propositum voluntatis suæ, in laudem gloriæ gratiæ suæ, in qua gratificauit nos in dilecto filio suo; in quo habemus redemptionem per sanguinem eius remissionem peccatorum, secundum diuitias gratiæ eius, quæ superabundauit in nobis. Expendantur illa verba, in laudem gloriæ gratiæ eius. Ecce finem prædestinationis nostræ in Christo, & per Christum, & finem prædestinationis ipsius Christi, qua prædestinatus est, vt esset splendidissimum exemplar, & supremum caput prædestinatorum omnium. Hic est finis, vt simus omnes prædestinati in laudem gloriæ gratiæ eius. Non dixit solum in laudem gloriæ eius, sed gloriæ gratiæ eius, id est, gloriæ resultantis ex gratia eius, & fundamentum habentis in ipsa eius gratia. Et si quæramus a Paulo, quænam sit illa gratia ex qua resultauit gloria, in cuius laudem, & commendationem prædestinati sumus in adoptionem filiorum Dei per Iesum Christum. Respondens subiunxit. In qua gratificauit nos in dilecto filio suo. Et si iterum curiosius inuestigemus, quænam gratia sit

ista, & vnde habuerit ortum; respondet nobis illa sequentia verba, in quo habemus redemptionem per sanguinem eius, remissionem peccatorum secundum diuitias gratiæ eius quæ superabundauit in nobis. Vides quod gratia ex qua oritur gloria, cuius laudem Deus à nobis exposcit, tota tandem in redemptionem per Christum, & eius sanguinem fundatur, ex qua tanquam ex fonte dimanant, & esluunt omnes diuitiæ gratiæ Dei, quæ superabundat in nobis. Et hæc fortassis est causa propter quam Ecclesia in illo solemnis missæ Cantico, quod incipit, Gloria in excelsis Deo, agit gratias Deo propter magnam gloriam eius, Agimus inquit tibi gratias propter magnam gloriam tuam. Magna Dei gloria illa est, quam Deus per mysterium incarnationis, & per redemptionem nostram eius virtute faciam, sibi comparauit, & Christus ipsi Deo acquisiuit: iuxta id quod ipse dicebat Ioan. cap. 17. Pater clarifica filium tuum, ut filius tuus clarificet te, id est, glorificet te. Ita enim habet alia lectio S. Aug. adnotante tract. 104. super Ioa. Propter hanc igitur gloriam magnam, & excellentem Ecclesia gratias agit Deo tanquam pro immenso beneficio (nam solum beneficium susceptum est propria gratiarum materia) quoniam ipsammet Dei gloriam reputat magnum sibi exhibitum beneficium, quatenus Deus non aliter voluit hanc sibi gloriam reportare, quam fundatam in gratia nobis per Christi redemptionem exhibitam. Neque alterius gloriæ à prædestinatis per Christum efflagitat laudem, quam gloriæ gratiæ eius, quæ gratificauit nos in dilecto filio suo, in quo habemus redemptionem per sanguinem eius. In hoc igitur sensu nos intelligimus, & sancti Patres mox referendi docuerunt, nostram redemptionem vnicam fuisse prædestinationis Christi causam: Quia omnes aliæ causæ quas distinguere, & numerare possumus, in ipsa fundantur redemptione, ex eaque tanquam ex prima radice dimanant: ac proinde vnum cum illa faciunt, & omnes simul vnica reputantur causa. De qua re non nihil amplius dicemus infra in solutione primi argumenti pro quarta sententia informati.

Sed iam ex grauissimis Patrum testimonijs ostenditur ista veritas, & tertiæ sententiæ falsitas. Gregor. Nazianzen. oratio. 36. num. 6. Ita inquit, Quæ autem humanitatis a Deo propter nos suscepta causa extitit? profecto ut nobis salus pareretur. Quid enim aliud causæ afferri possit. Athanas. lib. de incarnatione verbi Dei eiusque corporali ad nos aduentu, non longe à princio sic ait: Sed fortassis admireris, cum prosita mentione de incarnatione verbi, nunc de principio hominum verba faciamus. Verum id non alienum est a scopo institutæ orationis. Necessè est enim nobis differentibus de saluatoris nostri ad nos aduentu, etiam differere de hominum principio, ut cognoscas nostram culpam illi dedisse occasionem, ut descenderes nostram-

noſtramque prauaricationem verbi Dei humanitatem eliciſſe, vt ad nos contenderet, vt inter nos appareret dominus: Illius enim in corporationis nos cauſam dedimus, & ob noſtram ſalutem ita humanus exitit, vt in humano corpore, & eſſe vellet & apparet. S. Ambroſ. lib. de incarnatio. domini. ſacramento cap. 6. Didiciſtis igitur quia ſacrificium de noſtro obtulit, nam quæ erat cauſa incarnationis, niſi vt caro quæ peccauerat, per ſe redimeretur. Auguſt. lib. 1. de peccator. meritis & remiſſion. cap. 26. vnde commodius eſſe arbitror inquit, acceruatim cogere quæ occurrere potuerint, vel quæ ſufficere videbuntur, quibus appareat dominum Jeſum Chriſtum non aliam ob cauſam in carne veniſſe, ac forma ſeui accepta factum obedi-tem vſque ad mortem Crucis, niſi vt hac diſpenſatione miſericordiſſimæ gratiæ, omnes quibus tamquam membris in ſuo corpore conſtitutis caput eſt, ad capeſſendum regnum cælorum viuificaret, ſaluos faceret, liberaret, redimeret, &c. Et in ſermon. 9. de verb. Apoſt. ita inquit. Nulla cauſa fuit veniendi Chriſto domino, niſi pec-catoris ſaluos faceret, tolle vulnera & nulla cauſa eſt medicinæ. Ecce quemadmodum Patres expreſſis verbis docent, nullā aliam cauſam fuiſſe incarnationis Chriſti, præter remedium peccati. Qui ergo multiplicat cauſas aduentus Chriſti, & incarnationis eius, Patrum doctrinæ aduerſatur. Alia multa in ſequenti cōcluſione ex Patribus teſtimonia referam, quæ, ad hanc veritatem comprobandam, valde poſſunt conducere.

Ratione præterea hæc ſententia probatur: Scripturæ ſacræ hanc unicam dumtaxat incarnationis Chriſti cauſam assignarunt, vt ex teſtimonijs circa concluſionem ſequentem referendis conſtabit. Ergo ſine fundamento conſinguntur aliæ. Probatur conſequentia. Ea quæ ex ſola libera Dei voluntate pendent, non poſſunt nobis innotefcere niſi ex reuelatione in literis ſacris facta, aut in Eccleſiæ traditione. Ergo ſine fundamento & irrationabiliter aſſeritur Deum in negotio redemptionis, aliam intendiſſe cauſam, præter eā quæ nobis ſacræ literæ manifeſtant, (ſuppono quod in hac parte non poſſu-mus ad Eccleſiæ traditionem recurrere) cum nullum habemus principium ad iudicandum de huiusmodi intentione Dei. Nam quæ ſunt Dei quis nouit niſi ſpiritus Dei, qui in ipſo eſt, nobis autem reuelauit per ſpiritus ſuum dicebat Paul. 1. Cor. 2 Et certe non irrationabilius accommodari poterit, iis qui tam libere de diuinis conſilijs, & cauſis a Deo intentis diiudicant, id quod Paul. Rom. 11. poſt Iſaiam dicebat, quis adiunxit ſenſum Domini, aut quis cōſiliarius eius fuit?

Ex hac eadem ratione colligitur falſitas ſententiæ quorundam aſſerentium, quod de facto Deus non decreuit mittere filium ſuum in mundum

mundum nisi in peccati originalis remedium, neque actu habuit voluntatem mittendi nisi propter hanc causam. At si peccatum originis non extaret, haberet Deus voluntatem mittendi filium suum, propter alias causas quæ culpa sublata, exstarent. Hæc sententia aperte confutatur ex dictis. Nam quis potest certam, & determinatam proferre sententiam de his quæ à libera tantum voluntate Dei pendent. Harum opinionum auctores ita iudicant de Deo, de diuinisque consilijs, atque si adstrictus esset Deus conformari rationibus quæ a nobis excogitantur, & quæ rationabiles censentur, cum tamen dixerit August. Epist. 3. ad Volusianum, quod in huiusmodi supernaturalibus effectibus, tota ratio facti est libera potentia facientis, quæ nullis legibus, nullisque nostris rationibus coarctatur, nam in omnibus, & in his maxime, operatur Deus omnia iuxta Consilium voluntatis suæ, ut inquit Paulus ad Ephes. 2. Qui consulto non dixit secundum consilium rationis suæ, sed secundum consilium voluntatis. Ut infinuaret, seu, ut verius dicam, manifeste diceret, omne consilium diuini intellectus in libera ipsius Dei voluntate fundari, ab eiusque libertate pendere: neque posse proinde humanis rationibus inuestigari. Sed iam ad ultiores transeamus conclusiones, ex quibus fiet manifestior huius tertie conclusionis veritas.

Quarta Conclusio.

Non extante originali culpa Christus non veniret in mundum, ac proinde nec fuisset prædestinatus. Ista conclusio est expressa S. Thomæ sententia, eorum omnium auctorum quos pro quinta opinione regulimus, & pugnatque e diametro cum Scot. sententia in quarta opinione superius exposita. Vnde simul probabitur sententia S. Thomæ & improbabitur Scot. opinio.

Probatur ista conclusio vnica ratione, quæ est vnicū, & totale sententiæ S. Thomæ. fundamentum, in cuius proinde persuasione nobis est incumbendum. Deus prædestinauit Christum in remedium peccati; & in communem humani generis redemptionem, ergo cessante necessitate redemptionis humanæ Christus non veniret, ex vi decreti quo fuit prædestinatus. Atque adeo fateri absolute debemus, quod peccato originali non extante Christus non veniret in mundum.

Consequentia euidens est. Quoniam si Christus non aliter fuit prædestinatus, nisi ut esset humani generis redemptor, ex vi talis prædestinationis non potuit venire, nisi ut Redemptor. Sed probatur antecedens Primo ex diuersis sacrarum literarum testimonijs Luc. 19. Ipse Christus dicebat, venit filius hominis quærere, & saluum facere, quod perierat. Ad Galat. 4. vbi venit plenitudo temporis misit Deus filium

filium suum factum ex muliere, factū sub lege, ut eos qui sub lege erāt redimeret, ut adoptionem filiorum reciperemus 1. ad Thimo. 1. fidelis sermo, & omni acceptione dignus, quod Christus Iesus venit in hunc mundum peccatores saluos facere Ioan. 3. sic Deus dilexit mundum; ut filium suum vnigenitum daret, ut omnis qui credit in ipsum non pereat, sed habeat vitam æternam. Similia in scripturis sacris passim reperies testimonia, in quibus aperte asseritur in hunc finem deus misisse filium suum ut humanum repararet, & redimeret genus. Deum autem filium suum misisse in mundum, denotat ipsam verbi in carnationem factam in tempore iuxta decretum æternæ prædestinationis. Missio enim actiua Dei non solam temporalem denotat actionem, qua verbum caro factum est, sed respectum importat ad æternū prædestinationis decretum, cuius virtute & facta fuit ipsa temporalis Christi incarnatio, & missionis nomen induit. Illud vltimum testimonium ex c. 3. Ioan. est omnino ponderandum, in quo non solum fit sermo de ipsa missione in tempore facta, sed eius radicem sacer textus nobis explicuit, amorem, nimirum, quo Deus ab æterno dilexit mundum. Exponenda valde est. Illa parabola, quæ in Euan^g aliās, Exgelio Luc. 15. narratur, de illo qui relictis noningenta nouem ouibus, quætere abiit vnā quæ perierat. Hæc enim perditā ouis humanum genus est, ut ex text. constat, & Patres tertio quoque verbo nobis aduertunt. Pastor autem qui tam solícite hanc ouem quætere venit, ipse est Christus, qui quasi relictis nouem Angelorum ordinibus, humanum genus quætere, id est, redimere venit. Illa itidem parabola, quæ de filio hærede ad agricolas misso habetur Matth. cap. 21. non aliena est ab hoc intento. Præterea probatur illud antecedens, ex illis verbis symboli Niceni, quod in aliis quoque habetur grauissimis Concilijs approbatum Ephesin. Calcedonen, Toletan. 6. & 11. Qui propter nos homines, & propter nostram salutem descendit de cælis, &c. Ecce finem descensus Christi, & aduentus eius in mundum, propter nos homines, & propter nostram salutem. Non facio vim in hac voce finis, parum enim retulerit quod salus nostra finis fuerit incarnationis Christi, quod nos superius in hac quæstione verum esse iuxta modum ibi expositum admisimus, vel quod ut alijs verosimilius appareret, effectus fuerit per se intentus, seu ut dicunt alij finis effectus. Ad vim namque huius argumenti, parum retulerit isto vel illo modo loqui.

Sed iam probatur tertio idem antecedens ex multis sanctorum Patrum testimonijs. Athanas. loco pro. 3. conclu. cita. hanc sententiam verbis docuit apertis. Et apertissimis, in sermo. 3. contra Arrian. Sic ait. Indigentia nostra, anterior est quam Christi natiuitas, Et paulo

O o o o

inf. *hæc enim perditā ouis humanum genus est, ut ex text. constat, & Patres tertio quoque verbo nobis aduertunt. Pastor autem qui tam solícite hanc ouem quætere venit, ipse est Christus, qui quasi relictis nouem Angelorum ordinibus, humanum genus quætere, id est, redimere venit.*

inferius. Vt fieret homo numquam prædestinatum fuisset, nisi hominum necessitas huic rei causam præbuisset, Irineus lib. 3. contra hæreses. c. 20. & 21. & expressius lib. 5. cap. 14. ita enim dicit. Si non haberet caro saluari, nequaquam verbum Dei caro factum esset. Et multa subiungit verba, quæ eandem confirmant sententiam, dicit enim in substantia, quod ob nullam causam humanum assumpsit sanguinem, nisi ut ipsum effunderet. Idem docuerunt Gregor. Nicenus de baptismo, & in sermon equedam de natali domini. Gregorius Nazianzen. cuius verba conclusio. præceden. retuli. Chrysostom. homil. 2. & 3. in math. Cyrillus Alexand. libr. 8. contra Iulian. Et libr. 5. thesaur. cap. 8. cuius verba habentur in 3. argum. pro 4. sententia. Cyrill. Hierosoli. Catechesi. 3. & 6. Theodor. epithome diuinorum decret. cap. de incarnatione. Epiphani. lib. 1. contra hæres. versus fin. Sanct. Leo in sermoni. de Natiuitat. & de passioni passim hanc docuit veritatem. Sed præsertim in sermon. 3. Pentecosten. sic enim inquit. Si enim homo ad imaginem, & similitudinem Dei factus, in sue honore naturæ mansisset, & nec diabolica fraude deceptus a lege sibi posita per concupiscentiam deuiasset, creator mundi creatura non fieret, neque sempiternus temporalitatem subiret, aut æqualis Deo Patri filius Dei formam serui, & similitudinem peccati assumeret. Augustin. in hac doctrina asserenda perpetuus est, lege loca circa præced. concl. citata. Lege illum in concio. 2. super psalm. 36. versantem illa verba. A domino gressus hominis dirigentur. Sic dicentem. Si tu homo non dimitteres deum, non fieret pro te Deus homo. Et in sermon. 8. de verb. Apostol. statim post principium. Si homo, inquit, non periisset, filius hominis non venisset. Ad eundem fere modum loquitur Gregorius libr. 4. reg. cap. 1. Nisi Adam peccaret redemptorem nostrum carnem suscipere non oporteret, non enim venit vocare iustos, sed peccatores ad poenitentiam, lege eundem libr. 17. moral. cap. 18. Ambrosius loco, in conc. 3. citat. Tertuli. libr. de incarnat. Christi S. Bernard. sermo. 1. in vig. Natiuit. Et epist. 109. ad Innocent. vbi sic ait. Quid lex, quid Prophetæ, quid Apostoli aliud nobis Euangelizant, quam Deum factum esse hominem, ut hominem liberaret? Et si Angelus Dei de cælo aliud nobis Euangelizauerit anathema sit. Nonnulla ex ijs patrum testimonia, si bene expendantur verba a nobis ex eis fideliter relata, non admittunt expositionem illam, quæ autores sententiæ contrariæ afferre solent ad ipsorum explicationem, Nimirum, quod non intendunt docere, Christum nullatenus venturum si homo non peccaret, sed quod non veniret passibilis & mortalis. Nō, inquam, hanc interpretationem admittunt. Nam qua obse

cro ratione illa Atſanaſij verba, Vt eſſet homo nunquam prædeſtinatum fuiſſet, accommodari poterunt huic intelligentiæ. Sed & verba Irinei, & Sancti Leo valde vrgent, neque gratanter hanc interpretationem admittunt. Imo neque Auguſt. & Gregor. Verba quæ non iſto, vel illo modo negant Chriſtum homine non peccante venturum, ſed absolute non venturum affirmant, ideſt, nullo modo venturum. Nam cum negatio omnia poſt ſe poſita neget, idem pollet, non veniret, atque nullo modo veniret, ſed iam rationibus agamus.

Prima. Scripturæ ſacræ non ſolum huius tam grandis myſterij ſubſtantiam nobis reuelarunt, ſed ſæpe repetunt prædictam cauſam, neque vllam vſquã in tota ſacra pagina vel inſinuatam reperimus. Ergo non eſt credibile, quod hæc cauſa non fuerit præcipua, imo ſola. iuxta modum a me circa. 3. conc. aſſignatum. Mirabilis proſecto res, quod ſcriptura tanta cû attentione alias celauerit cauſas. Cû ad huius myſterij excellentiam earû manifeſtatio nõ poſſet non valde referre. Confirmatur Deus non ob aliud hoc tam ſublime decreuit opus efficere, niſi vt eius bonitas, ſapientia, potentia, &c. nobis fierent manifeſtæ. Ergo ſi nulla præuiſa culpa, ſtatuit ab æterno, vt humanam naturam Dei filius aſſumeret, qui fieri potuit, vt nobis non manifeſtauerit: & rationes ob quas tam mirabili decreuit communicatione ſuam mundo manifeſtare bonitatem, tam reliquerit occultas, vt vſque ad Scoti tempora nulli vnquam patuerint.

Dices ſcio, quod vt magis innoteſceret Dei erga hominem peccatorem miſericordia, noluit Deus cauſas alias ſui aduentus exprimere, neque illud primum prædeſtinationis Chriſti decretum propalare. Friuola plane ſolutio, & cui nullus debuiffet ſapiens acquieſcere. Nam ad eximiam Dei manifeſtandam erga homines charitatem, nonne ſatis eſſet dicere q̃ Chriſtus mortalis venerit, & paſſibilis vt pro inimicis moreretur. Et magna certe cum exaggeratione Dei commendaret erga homines miſericordiam, ſi reuelatum fuiſſet eis, quod cum alias impaſſibilis, & glorioſus eſſet venturus, & in forma ſuæ mageſtati proportionata: vt propter homines mori poſſet, ſemetipſum exinaniuit ſeruile corpus induens, ac formam ſerui accepit. Miſſam facio, quod non decebat ſummam ipſam Dei veritatem, vt vellent quaſi fingere, veritatem occultando, & diſſimilando, maius, exuberantiuſque beneficium ſe in ſacramento incarnationis hominibus præſtitiffe, quam præſtitit de facto: non enim decebat Deum hæc diſſimulatio, vt homines plus exiſtimarent ſe illi debere, quam re ipſa debeant.

Secunda ratio. Quoties ſacræ literæ certam designant cauſam aliquius facti, aut determinate vnumquid affirmant, inſallibili argu-

*et ad magis huius
liber. 3. 12.
m. 12.*

mento colligimus illam esse solam causam, aut saltem principalem sine qua res non fieret, & quod ita est illud vnum in scriptura reuelatum, quod non alio modo se habet quam vt reuelatum est: Ergo cum scriptura sacra tam frequenti repetitione dicat causam Christi aduentus ipsam humani generis redemptionem fuisse; colligere debemus, hanc solam fuisse causam, vel saltem ita præcipuam, vt illa non stante Christus minime veniret in mundum. Antecedens explicatur exemplis. Ex eo quod scriptura dicit, mortem per peccatum fuisse in humanam naturam introductam, efficaci deductione colligimus, quod sola culpa fuit causa mortis, & quod si homo non peccaret, immunis esset a morte. Et quia sacre literæ, cum tam expressam de mundi creatione mentionem fecissent, non multos, sed vnicum tantum expresse-
runt mundum; solidum inde argumentum sumimus, vnicum dumtaxat mundum adeo fuisse creatum. Et quia scriptura tres tantum nominauit in Deo personas, & nusquam dixit quartam, aut plures reperiri, certa credimus fide non esse quaternitatem personarum in diuinis ponendam. Itaque argumentum negatiuum ex sacra pagina assumptum, tunc est efficacissimum, quando res est grauis & magni momenti, & scriptura nõ obiter & in transensu, sed ex professo & magna ex consideratione de tali re loquitur, nam tunc negatiua affirmatiuæ æquipollet, vt in exemplis positis constat, & alia eiusmodi reperiri poterunt in literis sacris non pauca.

Tertia ratio. Sequitur ex contraria sententiâ absolute concedendū esse, quod Christus non venit in mundū, vt redimeret humanū genus. Cōsequens aduersatur modo loquendi scripturæ sacre, in qua passim asseritur Christum ad hoc venisse, vt peccatores saluos faceret: Ergo, &c. Probo sequellam. Priusquam Deus decreuerit hominē redimere, imo priusquā eius nosset peccatum, decretum habebat filium suum in mundum mittere: Ergo cum alias esset venturus, & alia fuisset principalis causa sui aduentus, qua proprietate dici potest ad hoc in mundum venisse? Moderni quidam docti, equibus vnus est Fran. Cartagena, libenter admittunt huius argumenti sequellam. Dicunt enim concedendum esse, Christum in remedium peccati mortalem venisse, & passibilem in mundum, quod scripturæ sacre tantum dixerunt, non autem quod venit simpliciter propter hunc finem, vt probat factum argumentum, Verum cum ecclesia in fidei simbolo ex sacris scripturis desumpto, absolute fateatur dei filium propter nos homines, & propter nostram salutem de cælis descendisse, nescio plane qua ratione tolerari possit ista doctrina, ex qua colligitur, quod Christus non simpliciter, sed secundum quid dumtaxat propter humanam salutem de cælis descenderit.

Quarta ratio. Quod deus humanam potius naturam quam angeli
cam

cām assumeret, nullam possumus aliā verosimilem assignere rationē, nisi ea quæ desumitur ex necessario humani generis remedio, nā hac ratione semota, omnes aliæ expostulare videntur quod verbum assumeret angelicam naturam, & quidem inspecie perfectissima, quæ esset deo secundum perfectionem propinquior, & quæ tam ex parte suppositi diuini. quæ ex parte naturæ assumptæ christus (sic enim nominemus deum creatæ naturæ hyposthatice vnitum,) eminentiam supra totum ordinem creaturarum haberet, omniumque earum supremi capitis mereretur dignitatē. Item si humani generis secludamus peccatum, atque eius iidem remedium: Quis probabilem poterit rationem, asserere, ob quam potius diuinum verbum humanam assumpsit naturam, quam Pater aut Spiritus sanctus? Cum tamen posita necessitate humani generis multæ, exq. gratissimæ congruentiæ huius facti assignentur a patribus, ergo &c.

Quinta ratio quæ & probatur hæc S. th. sententiā, & fortiter expugnatur ipsa contraria Scoti opinio. Si intelligimus christū prædestinatum ante peccati præscientiā, vno extrinsecus modis necessario debet intelligi eius prædestinatio. Primo quod fuerit prædestinatus in carnem passibilem & immortalē venturus. Secundo quod prædestinatus fuerit, venturus in carne mortali, ut de facto venit. Tertio denique quod in illo primo signo rationis, in quo intelligimus primariæ christi prædestinationis decretum, sola incarnationis eius substantia prædestinata fuerit. & nihil de circumstantiis intelligamus statutū & dispositū. Ita quod decreuit deus filium suum in carnem, mittere non autem statuit in qua esset carne venturus, mortali aut immortalī, passibili aut impassibili, vel in quo tempore, & quo loco, & sub quibus circumstantiis veniret. Sed hæc omnia indecisa permanserunt & indeterminata, & ad aliud reservata diuine mentis decretū: Sed nullo modo istorum intelligi potest christi prædestinatio ante peccati præscientiam: ergo christus non fuit prædestinatus, nisi peccato præuiso: atque adeo in ipsius peccati remediū, Maior ex sufficite diuisione apparet manifesta, Minor vero probatur. Et primo quod christus fuerit prædestinatus in carne in mortali & impassibili venturus. Quanquam videatur ab Scot. discipulis communiter affirmari, adeo falsū esse puto, ut existimē esse manifestū errorē in fide, quod sic ostendo. Si christus ita fuit prædestinatus ante peccati præscientiā, sequitur, quod interueniret realis mutatio in dei intellectu, & voluntate at: manifestus est aut contra fidē error, mutationem aliquā in deo ponere, apud quem nulla est mutatio, neque vicissitudinis obumbratio iacob. c. i. dicente. Ergo &c. Probo sequellam. Deus ante peccati originalis præscientiam, absoluto statuerat decreto, ut filius dei carnem immortalem & gloriam assumeret. Post peccati vero præuisionem decreuit, ut non in carne impassibili sed in carne mortali &

aliās, impassibilem

aliās, gloriosam

passibili

passibili veniret, ut venit de facto. Hęc autem manifesta mutatio est diuini decreti, atque adeo & intellectus & voluntas dei realem subiectionem mutationem. Hoc argumentum adeo est efficax, ut otiosum sit eius querere solutionem. Constat igitur Christi prædestinationem ante præscientiam peccati non fuisse primo modo celebratam. Quod vero neque secundo modo, nimirum, quod esset Christus in carne mortali & passibili venturus, constabit ex dicendis in quinta conclusione, in qua probabitur non posse integra fide dici, quod ante peccati præscientiam Christus fuerit prædestinatus in mortali carne venturus. Quod vero neque tertio modo Christus ante præscientiam peccati fuerit prædestinatus, Probo primo. Prædestinatio est prouidentia perfectissima, quæ omnes singularissimas circumstantias attendit: Ergo si illud primum decretum fuit decretum prædestinationis Christi, necessum est fateamur, quod ex vi illius decreti determinatū fuit, in qua carne esset Christus venturus passibili, aut impassibili, quo loco, quo tempore, & sub quibus circumstantijs. Non desunt viri egregie docti, quibus hęc tota argumentatio debilis appareat & infirma. Arbitrantur se facillime eius difficultatem euadere. Si dicant, quod in Christi prædestinatione, & fuit substantia incarnationis disposita, & fuerunt præterea circumstantiæ illi adiunctæ temporis, loci, passibilitas, & mortalitas carnis, &c. Substantia incarnationis respondet Christi prædestinationi, prout attendit vniuersaliores causas, manifestationis, scilicet, gloriæ Dei, glorificationem, exaltationemq. humanæ naturæ, ac totius vniuersi. Imo & perfectionem, & consummationem vtriusque ordinis naturæ & gratiæ. Circumstantiæ vero sub quibus comprehenditur passibilitas carnis christi pertinent ad aliam specialiores causam, ad ipsam, nimirum, humani generis reparationem. Vnde Christus non fuit prædestinatus ut veniret in carne humana abstrahendo a mortali & immortalī, passibili & impassibili, & ab alijs circumstantijs, sub quibus Christus de facto venit. Sed eius prædestinatio fuit ex propria & primaria sui ratione consummata, & completa, ac modis omnibus determinata. Ceterum hæc solutio probabilis esset, si sequeremur opinionem illam a nobis tertio loco propositam, quæ asserit Christum non prædestinatum fuisse in aliquo rationis signo, ante originalis peccati præscientiam. Sed quod isto præuiso peccato fuit prædestinatus principaliter quidē in ipsius peccati remedium, & minus principaliter propter alias causas, quæ, etsi minus principales, essent tamen sufficientes. Nam hac supposita sententia, optime fieri posset illa accommodatio ad diuersas causas, ex quibus consurgeret totale, & determinatum prædestinationis christi complementum. Nam in ordine naturæ Aristotelicam sequentes doctrinam similem solent accommodatione in facere. In generatio-

ne namque hominis, ratio hominis geniti tribuitur generanti quatenus est homo, & ratio animalis geniti eidem generanti prout est animal respondet. Ita quod homo generat hominem, & animal animal, & vnica tamen est simplicissima generatio. Verum de hac opinione in presentia non instituitur sermo. Nam illam confutauimus sufficienter circa conclusionem tertiam. Et nunc obiter sic expugno. Si in signo rationis, precedenti peccati originalis præscientiam sufficientes Deo se obtulerunt incarnationis Christi causæ, propter quas etiam non extante peccato Christus veniret in mundum, Quare in illo priori signo Deus non prædestinauit Christum, sed peccati præscientiam expectauit. Certe nulla alia potest assignari ratio, præter quam quod non voluit Deus, prædestinare Christum, nisi in peccati remedium. Sed hac opinione prætermissa, ad opinionem Scoti, quam nunc extirpare contendimus, nostra redeat disputatio. In qua manifestum est solutionem assignatam locum non debere, Scot. enim & omnes, qui eius subscripsere sententiæ, aperte docent quod in instanti rationis primo, in quo non intelligitur in diuino intellectu peccati originalis præscientia, Christus fuit in mundo prædestinatus nullo habito respectu ad peccatum & ad eius remedium, ex quo inferunt, quod in ordine ad prædestinationem christi per accidens se habuit peccatum, & ita Christus homo fieret, quamuis nullum extaret peccatum. Huic doctrinæ quo pacto poterit accommodari assignata solutio: quæ nullam habet verisimilitudinem, nisi præsupposito quod in vnico signo rationis omnibus simul præiis causis, christus fuerit prædestinatus, quantum ad substantiam & quantum ad circumstantias omnes. Ita vt substantia vni causæ, & circumstantiæ alij corresponderent. Prætermissa ergo hac solutione tanquam insufficienti, vltius progredior in confirmanda prædicti argumenti difficultate.

Si in illo primo rationis signo, in primoque prædestinationis christi decreto, non fuit determinatum de qualitate carnis Christi, an futura, videlicet, esset passibilis, aut impassibilis, neque statuta fuerunt aliæ necessariæ circumstantiæ. Sequitur quod si peccatum non extaret, Christus ex vi suæ prædestinationis non veniret in mundum. Consequens aduersatur sententiæ Scoti quam impugnamus: Nam in hoc præcipuus versatur controuersiæ punctus, num, videlicet, peccato secluso, christus ex vi decreti prædestinationis suæ in mundum veniret? Quod affirmat Scot. & negat S. Thom. Ergo solutio illa destruit opinionem Scoti. Sed proba sequellam. Necessum erat, vt christus in mundum veniret, quod assumeret carnem secundum determinatam qualitatem, passibilem, videlicet, aut impassibilem. Sed neutrum horum præscriptum fuerat & determinatum in illo primo prædestinationis christi decreto: Ergo ex vi eius non veniret christus in mundum.

Respon-

Respondebis forsan, quod ex vi illius primi decreti assumeret quidem verbum carnem humanam, eo modo quo ipsa humana caro se haberet a parte rei, Et quoniam inueniret illam mortalem & passibilem sic eam assumeret. Itaque formaliter Christus non fuit prædestinatus passibilis, aut impassibilis, sed hæc determinatio qualitatis carnis Christi relicta fuit desumenda ex parte ipsius carnis. & ex modo quem haberet caro humana in semetipsa. Ista solutio aliquā præ se fert probabilitatem, Sed neque vero satis argumenti difficultatem euacuat. Primo quoniam cum prædestinatio, vt dicebam, sit perfectissima prouidentie pars, & præsertim quod attinet ad Christū, primum & potissimum prædestinatum, non verosimiliter asseritur, quod ex vi prædestinationis eius, non fuerit cōplete & totaliter determinata qualitas carnis a verbo assumendæ, sed quod hoc fuerit relictum materiali rerum dispositioni. Secundo, adhuc superest solvenda difficultas argumenti, quatenus ex aliis circumstantiis temporis, loci, modis incarnationis &c. oritur. Quoniam quandiu istæ circumstantiæ non fuissent determinatæ, & dispositæ a Deo, verbum incarnari non poterat: dependet enim necessario ab istis circumstantiis ipsa verbi incarnatio, & præsertim ab illa quæ est ex parte modi. Si enim non erat determinatum an Christi caro assumenda esset mediante generatione in muliebri utero facta, aut per immediatam creationem a Deo factā, vel alio modo, quo pacto potuit verbum carnē assumere: ergo impossibile fuit quod ex vi illius primi decreti prædestinationis Christi diuinum verbum humanam assumeret naturam, præterquam quod est chimericum & mere fictitium decretū prædestinationis vocare illud, in quo non disponuntur, & determinantur singulares circumstantiæ, & omnia media necessaria, vt sequatur ipse prædestinationis terminus. Nam cum prouidentia disponat de mediis ad finem intentum necessariis, quo pacto decretum illud, quo huiusmodi media non disponuntur, censeri poterit perfectæ prouidentie (qualis est prædestinatio) decretum, & opus?

Præterea ad huc amplius rem istam vrgeo. Et inquirō ab auctoribus contrariæ sententiæ, Si Deus nullo habito respectu ad humani generis remedium & redemptionem Christum prædestinauit. Quare in illo primo prædestinationis decreto totum negotium incarnationis christi non definiuit & absoluit. Et quare aliud sequens rationis signum expectauit, vt totum illud negotium absolueret & compleret, & circumstantias singulares mediaque necessaria disponderet. Nam certe huius rei aliqua exitit causa. Neque enim casu & temere conrigisse credendum est. Nam qui ita crederet, magnam diuinę prouidentie, summeque sapientie Dei irrogaret iniuriam. Si dixeris in illo primo rationis signo fuisse præuisa omnia singularia ex parte hu-

manæ

* alias, modi

non

manæ naturæ, & totius vniuersi, ex quibus dependere poterat ipsa verbi incarnatio, atque adeo quasi expectauit Deus aliud rationis instans, in quo præuideret omnia contingentia singularia, vt ipsam Christi incarnationem ipsis accommodaret. Contra ergo irrationaliter Scot. & eius Affecclæ dicunt duo. Alterum quod in primo rationis signo fuit celebratum prædestinationis Christi decretum. Nō enim est prædestinatio, vbi non est efficacium mediorum dispositio. Alterum vero est quod ex vi illius decreti Christus veniret in mundum, cum necessarium fuerit decretum aliud, quod singulares circūstantias mediaque ad incarnationem Christi necessaria disponeret. Hæc sunt argumenta præcipua quæ in huius conclusionis confirmationem possunt afferri. Decreti enim alia leuiora prætermittere.

Sed priusquam ad sequentes transeamus conclusiones, necessum erit exponere modum, in quo intelligenda est hæc S. Thom. sententia, quam stabiliri conabamur in hac quarta conclusione. Nec enim in vno & eodem sensu ab vniuersis S. Thom. discipulis explicatur.

Est ergo prima intelligentia, quam assignauit Caiet. 3. par. q. 1. ar. 3. vbi præsuppositis tribus illis modis superius explicatis, quibus Deus se potuit creaturis communicare, nimirum, ordine naturæ, ordine gratiæ, & ordine hyposthaticæ vnionis, Inquit, quod ordo gratiæ præsupposuit ordinem naturæ, & vterque naturæ & gratiæ ordo præsuppositus fuit ad ordinem hyposthaticæ vnionis. Et hoc quidem, inquit Caiet. verum habere non solum in executione (quod non potest in dubium verti, vt superius tractauimus) sed in ipsa etiam dei intentione. Ita quod Deus præuidit prius ordinem naturæ, quam ordinem gratiæ, illumq. totum per quandam communem naturalem prouidentiam prædisposuit, & præordinauit (& comprehendit Caietan. sub hoc naturæ ordine ante gratiæ ordinem præuiso & præordinato omnia peccata & monstra siue physica, siue moralia). Post naturæ ordinem prædefiniuit Deus ea quæ ad ordinem gratiæ spectant. Et tandem ad tertium ordinem vnionis hyposthaticæ accessit, quem ad reparationem & consummationem vtriusque ordinis & naturæ & gratiæ ordinauit & disposuit.

Hanc Caieta, intelligentiam valde irridet Ambros. Catarinus in quadam annotatione ex his quæ contra Caietan. fecit. Inquit enim hanc Caiet. interpretationem valde iniuriosam esse, & ignominiosam incarnationis christi dignitati. Nam quid magis indecens Christo dici poterit, quam quod Deus diuina sua prouidentia præuiderit, & præordinauerit naturæ monstra, antequam Christum prædestinauerit. Verum hæc irrisio Catarini irridenda est & parui pendenda: quoniam impugnatio ab ipso facta est impertinens.

Nam eadem ratione succenseret Sanct. Thom. & grauissimos auctores cum ipso dicentes, Deum non prædestinasse Christum nisi præsupposita peccati originalis præscientia, & præsupposita similiter ipsius peccati permissione, quæ ad prouidentiam generalem spectat. Namque si ignominiosum est Christo, atque eius in carnationi, quod eius prædestinatio præsupponat monstra naturæ præuisa & præordinata, quanto magis indecorum esset & indecens, quod permissionem tam grandis monstri moralis, puta originalis culpæ, præsupponeret, ipsiusque peccati præscientiam.

et scia qd pugn.
Sed nihilominus graues theologi etiam S. Thom. discipuli hanc Caiet. intelligentiam merito reprehendunt propter alias causas. Prima. Quoniam irrationabiliter Caiet. originale peccatum inter ea quæ ad ordinem naturæ spectant connumerauit: cum fuerit priuatio iustitiæ originalis & gratiæ. Imo si vera est eius sententia quam docuit, 1. 2. quæst. 113. ar. 2. videlicet, quod per peccata quæ committuntur contra supernaturalia præcepta non violatur lex, aut rectitudo ordinis naturalis, nec offenditur deus ut autor est & finis naturæ, consequenter esset dicendum quod primum Adæ peccatum, quod in tota eius posteritate originale dicitur, non ipsum violauit naturæ ordinem. Quoniam lex quam fuit Adam transgressus de non vescendo de ligno vetito, non pertinebat, si proprie loquamur, ad naturalem rationis ordinem, nec statuta fuit a Deo ut autor est naturæ, sed ut autor potius est gratiæ: qui illam legem imposuit primis parentibus, ut vice totius suæ posteritatis debitam Deo autori gratiæ, originalisque iustitiæ obedientiam præstarent, de quo alias.

Secunda, Quoniam Caiet. non solum originale peccatum, sed omnia peccata sub ordine naturali comprehendisse videtur, quod falsum esse nullus est qui non videat. Nam peccata quæ sunt contra fidem, & quæ commissa fuerunt contra christi personam, manifestum est non pertinere per se primo ad naturæ ordinem. Et quidem si vera esset opinatio Caiet. fateri tenemur Deum prius rationis ordine præuidisse peccatum crucifigentium Christum, quam ipsum Christum prædestinasset in carne venturum. Item prius præciseret Deus omnium prædestinatorum peccata, illa etiam quæ contra fidem & super naturalem admittuntur ordinem quam ipsos prædestinaret ad gloriam. Imo & priusquam naturam humanam ad supernaturalem ordinem eleuaret, quæ omnia & alia eiusmodi quæ inferre possemus absurda, sua sponte sunt falsa.

Tertia causa Quoniam Caiet. tres prædictos deuinæ communicationis ordines plus nimio distinguit & ab inuicem separat. Res enim est cunctis theologis manifesta, quod tres hi ordines quandam inter se habent permixtionem. Ita quod, quædam eorum quæ secundum

dum ordinem naturæ præcise consideratum tali modo se haberet, alium de facto induunt modum secundum exigentiam ordinis gratiæ, aut vnionis hypostaticæ. Certum est enim aliquos homines procreatos fuisse & progenitos propter orationes iustorum, qui ipsorum generationem & natiuitatem impetrarunt Et de Ioanne Baptista nemo non nouit, quin eius generatio minime fuerit secundum ordinem naturæ disposita, sed potius secundum ea quæ pertinebant ad ordinem hypostaticæ vnionis. Progenitus enim fuit ex parentibus multis titulis ad generandum ineptis, vt esset christi venturi percursor. Multæ præterea egritudines & mortes quas naturales causæ paratas & in promptu habebant, impeditæ sunt sanctorum orationibus & Dei autoris gratiæ beneficio concessæ. Constatque inter graues theologos, multa bona naturalia effectus esse prædestinationis, quæ proinde ad ordinem gratiæ necesse est pertineant Quocirca & si ordo gratiæ præsupponat naturæ ordinem quantum ad eius substantiam & primariam constitutionem, gratia enim naturam præsupponit, & perficit: non tamen præsupponit totum ipsum ordinem, quoad omnia eius singularia, & particulares rationes: quin potius per mixtim se habent in huiusmodi singularibus tres illi ordines numerati.

Propter has & alias similes causas, graues theologi hanc Caieta. intelligentiam carpunt, Nō desunt qui Caiet. velint defendere asserentes ipsum non omnia peccata intra ordinem naturæ comprehendisse, neque de omnibus peccatis fuisse loquutum, sed de peccato tantum originis, & ea tantum ratione qua repugnabat naturali rectitudini, & Deum finem naturalem offendit; Verum aliis omisis in quibus non saluatur Caiet. doctrina ab his autoribus. Nec etiam quod attinet ad peccata hæc mihi placet explicatio. Quia peccatum originale secundum propriam & specificam sui rationem, non offendit Deum per se primo vt finem & autorem naturæ, sed vt super natura le m gratiæ autorem & finem. Sed quicquid de hoc fuerit, nec enim displicet doctissimi. Caiet. doctrinam tueri, alia mihi non minoris momenti, & quæ magis huius difficultatis punctum attingit, se offert causa improbandi hunc Caiet. discursum. Et est illa quatin superius in confirmatione cuiusdam argumenti insinuaui nimirum, Quod non est verosimile tantum illud malum quod peccatum originis rationali naturæ attulit, fuisse permillum a Deo, nisi propter ali-
quod magnum bonum. Quod aliud esse non potuit, quam incarnatio Christi & eius gloria, bonūq. illud extellens ac sublime quod ipsa rationalis natura ex Christi incarnatione reportauit. Quod tantū fuit, vt non dubitaret Magnus, doctissimus ac proinde Sanctissimus Gregorius dicere, o felix culpa quæ talem ac tantum meruit habere

redemptorē, idest, ò felix Adā peccator, non quia peccator, sed quia peccati occasione tantum ac talem ei Deus Redemptorem destinavit. Ergo voluntas Dei originalis peccati permissiva non totaliter antecessit Christi prædestinationem, quin potius præsupposuit Christum prædestinatum, saltem in ordine finalis causæ. Nec satisfaciet solutio dicentis, quod permisit Deus illud peccatum non ob aliquem specialem finem, sed ut suæ providentiæ suauitatem & seruaret & ostenderet, ad quam pertinet in illis rebus defectum permittere, quæ sua natura sunt defectibiles. In qua providentiæ diuinæ suauitate S. Thom. 1. parte quæst. 23. artic. 3. fundauit primam reprobationis rationem & originem.

Caterum hæc ratio insufficiens apparet, quoniam ut S. Tho. eodem loco aduertit, ad officium prudentis gubernatoris pertinet permittere, ut natura quæ ex se defectibilis est, deficiat & cadat, non tamen totaliter, sed in aliquibus indiuiduis. Nam ipsius interest gubernatoris pro suo posse curare, ut talis natura in aliquibus saltem indiuiduis, & quidem non paucis, ad vltimum perueniat finem, propositamque sibi felicitatē vltimam assequatur. Supposito ergo quod tota causa humanæ naturæ, ex diuina lege ex speciali que dei ordinatione, posita fuerat in sola primi parentis voluntate, ita quod cum ipso primo homine cadente tota rueret rationalis natura; ad optimum prouisorum & gubernatorem deum, ad prouidamq. eius ac suauem prouidentiam spectabat, ut sollicitam de illo primo homine curā gereret, ne a recto iustitiæ statu laberetur & caderet. Nisi forsā ex eius ruina magnum aliquod intenderet emolumentum elicere. Et hoc argumentū ex eo maiores accipit vires, quod illud primū peccatū erat ex se irreparabile. Non solū quia mortale delictum, quod principiū spiritualis vitæ, & totius moralis rectitudinis aufert, nimirum, charitatem dei, & ordinē ad vltimum finem, sed præsertim quia pro illo statu nō erat ad huc institutus penitentię modus. Nihil enim aliud primus ipse parens a Deo super hoc negotiū audierat, quam illam terribilis pene comminationē. Gen. 2. factā, in qua cumq. die peccaueris, morte morieris.

Sed iam Caietan. sententia prætermittā, ad alium dicendi modum quorundam Thomistarum accedamus, qui libenter Scot. concedunt, quod præscientia originalis peccati non antecessit Christi prædestinationem, nec in decreto incarnationis Christi futurę explicita fuit ipsa humani generis redemptio. Sed nihilominus addunt, uerā esse S. Thom. sententiam asserentis quod si homo non peccaret, Christus homo non fieret. Multa commentantur ad huius sententię fundamentum statuendū, & corroborandū ex Arist. in post prædicamentis in c. de priori desumpta. Vbi inquit, aliā esse prioritatē causæ: & aliam prioritatē a quo, ad prioritatem causæ requiritur quod vnum sit causa alterius,

& quod

& quodd sua natura ad illud præsupponatur. Prioritas autem à quo, est prioritas consequentiæ, illudque dicitur prius à quo, ex quo nō conuertitur consequentia, & quod potest esse sine altero. Illud autem dicitur posterius a quo, ex cuius esse infertur aliud prius, sine quo nō potest esse. Et hoc modo animal est prior homine, & homo posterior est animali. Quia ex animali ad hominem non valet consequentia. Non enim sequitur est animal ergo est homo, valet autem ex homine ad animal. Sequitur enim bene quod si est homo, est animal, neque homo sine animali esse potest. Ea autem dicuntur esse simul modo opposito huic prioritati, nimirum, consequentiæ simultate, inter quæ est mutua consequentiæ conuersio, vt pater & filius simul hoc modo esse dicuntur. Quia valet consequentia a patre ad filium, & e contra.

Aduertunt præterea hi Theologi ex doctr. Aristor. in eodem cap. quod inter ea quæ sunt simul simultate consequentiæ, contingere potest quod vnum sit causa alterius V. C. Album esse, & hanc orationem album est, esse veram, simul sunt simultate consequentiæ, & tamen album esse a parte rei, causa formalis est, etsi extrinseca, veritatis orationis huius. His ergo suppositis dicunt, quod prædestinatio Christi, causa finalis est redemptionis humani generis, Sunt nihilominus simul simultate consequentiæ, prædestinatio incarnationis Christi, & redemptio humani generis. Vnde dicunt non valere hanc consequentiam, Incarnatio Christi prius fuit præordinata in genere causæ finalis, quam Deus quicquam de peccati remedio cogitaret: Ergo incarnatio Christi erit sine remedio peccati. Nam licet prius fuerit præordinata, non tamen vt futura sine remedio peccati. Quemadmodum, inquit, & si artifex prius in genere causæ finalis præordinauerit superpositionem tecti in aliqua fabricanda domo nihil cogitans de fundamentis & parietibus, non tamen superponet tectum in executione, nisi iactis fundamentis, & parietibus erectis. Igitur hoc modo procedit ista sententia, quod postquam Deus scientia simplicis intelligentiæ cognouit tres illos modos precipuos iam connumeratos, quibus suam poterat communicare bonitatem, in primo signo rationis practicæ decreuit communicare se summo modo illorum trium, nimirum, per hypostaticam vnionem, in quo signo nulla fuit facta mentio, neque peccati, neque remedij eius: Imo, inquit, quod neque alicuius puræ creaturæ producendæ. Sed in secundo signo decreuit Deus secundum vtrumque ordinem naturæ & gratiæ suam communicare bonitatem, decreuitq; proinde totum hoc vniuersum constituere cū his omnibus perfectionibus, & naturæ & gratiæ, quibus fuit de facto productum, ipsumq; cū omnibus suis & partibus & perfectionibus ad Christum vt ad finem retulit. In
tertio

tertio denique signo vidit Deus creaturam rationalem collapsam, originalique culpa infectam. Ac tandem in quarto signo explicite designauit Christum in redemptorem & saluatorem naturæ prolapsæ.

Hanc sententiam, quæ fundamentum habere videtur in Caiet. 3. par. q. 1. art. 3. ad 3. impugnant viri doctissimi non in efficacibus argumentis, si facere nris considerentur, Et tota argumentorum vis ad hoc reducitur. Quod simulcas consequentiæ, inter ea quorum vnum est causa alterius, nequit locum habere, nisi, vel quia illa causa necessario inducit talem effectum: vt in exemplo posito existentia albedinis inducit necessario veritatem illius propositionis, vel quia, & si vnū sit causa in vno genere, pendet tamen ab alio saltim quoad executionem in alio genere causæ. vt super positio tecti, quæ in genere causæ finalis est prior, per se pendet a fundamentis & parietibus in genere causæ materialis. Aut denique quando illud quod in genere causalitatis posterius est, habet rationem mediij necessarii ad consecutionem alterius, quod prius in genere causæ finalis præintendum fuit, & præordinatum. Quemadmodum si ad consequendam sanitatem quam infirmus primum intendit, nulla facta mentione meditentorum, fuerit necessarium medium sumptio præciosi cibi, talis cibi sumptio erit in executione simul simultate consequentiæ cum ipsa sanitate, quæ in genere finalis causa fuit prius intenta, imo, & præuolita absque vlla cibi huius mentione facta. Eo quod in volitione efficaci finis, virtualiter clauditur voluntas mediij necessarii ad finis acquisitionem. Sed in casu nostræ disputationis remedium originalis peccati, neque est causa prædestinationis Christi, vt autores huius sententiæ libenter admittunt, neque est effectus, qui necessario consequatur ipsam Christi prædestinationem, vt est res manifesta. Neque vero est medium necessarium vt in executione ponatur ipsa Christi incarnatio, vt etiam est manifestissimū. Poterat enim diuinum verbū humanā carnem assumere, quamuis nullum in rationali natura peccatum existeret. Ergo si Christus prædestinatus fuit absque præsciētia peccati, & absque vlla facta mentione redemptionis humanæ naturæ, nulla est verosimilis ratio obquam dicere possimus, quod Christi Incarnatio nequit esse absque humani generis redemptione.

Huic tamen argumento quod funditus videtur Prælatam Thomist. sententiam euertere, responderi probabiliter posset, quod in illo decreto prædestinationis Christi quamuis nulla fuerit facta expressa mentio originalis peccati, & remedii eius, continebatur tamen ibi implicite, & voluntas permittendi originale peccatum, & redimendi humanum genus eodem peccato infectum: Eo quod in illo signo Christus fuit prædestinatus vt in ipso manifestaretur diuina bonitas in summo manifestationis gradu, & vt in ipso ostenderentur diuitiæ bonitatis & perfe-

perfectiōnis, Dienon poterat a se hęc manifestatio commode fieri, nisi originis peccatum in humana extaret natura, in cuius remedio & diuina misericordia, & ipsa idem Dei iustitia, ineffabili quadam complexione coniuncta in summo gradu ostenderentur, vt sunt de facto manifestata. Nam misericordia, & veritas obiauerunt sibi, Iustitia & pax osculata sunt. Idcirco sicut in prædestinatione Petri ad gloriam, implicite clauditur gratia, Petro conferenda, ita in prædestinatione Christi, implicite continebatur voluntas efficax permittendi originis peccatum, & humanam naturam peccato xfam & infectam redi mendi & reparandi.

Hanc solutionem nullatenus probabunt autores, qui negant peccatum infallibiliter sequi posita eius permissione in diuina voluntate. Nam hi autores dicere tenentur, quod si posita explicita voluntate permittendi peccatum, non sequitur infallibiliter ipsum peccatum, multo minus affirmari poterit hęc infallibilis peccati cōsecutio, posita tantum implicita voluntate peccatum permittendi. Atque adeo nisi Deus præuidisset ipsum peccatum vt coexistens æternitati; nullatenus incarnationis Christi prædestinatio posset in executione habere dependentiam ab originali peccato, neque infallibilem connexionem cum ipsius peccati remedio. Cum non posset per diuinam prouidentiam disponi infallibile peccati remedium, quia neque haberi poterat infallibilis cognitio quod esset futurum in natura humana.

Sed nihilominus hęc solutio non est omnino improbabilis, neque ego nullatenus illam improbarem propter nunc assignatam rationem. Existimo enim, quod posita efficaci permissione peccati, infallibilis quoque erit ipsa peccati positio. Censeoque Deum posse certam & infallibilem cognitionem habere futuri peccati, posita efficaci voluntate permittendi peccatum. Quæ res alio in loco a nobis est ad longam pertractata, neque possumus in præsentia immorari in eius disputatione. Propter alias tamen rationes quæ magis ad præsentem tractationem attinent, non mihi placet hęc Thomistarum intelligentia, Quæ sine dubio coincidit cum secunda sententia superius posita, in priori explicata sensu. Vnde eisdem argumentis quibus ibi sensum illum improbauimus explicando sensum posteriorem, impugnanda quoque est & confutanda ista solutio.

Arguitur præterea contra hanc sententiam. Si ante prædestinationem Christi non fuit præuisum originale peccatum, non potest cum proprietate dici, quod Christus fuerit prædestinatus in remedium originis peccati: quod tamen intendit S. Thom. in hac famosa sua sententia. Ergo explicatio ista pugnat cum sententia cuius explicationem intendit Sequella a parerit euidens. Nam si Deus cum prædestinauit Christum, nihil adhuc de humana cogitauerat natura, neque de remedio

medio eius, imò neque de necessitate quā peccando incurrerat. Quō pacto proprie dici potest, quod in remedium eius Christum prædestinauit? Secundo, Si in prædestinatione Christi non fuit facta expressa mentio peccati originis, & remedij eius, non satis commode possunt explicari literæ sacræ asserentes, quod Deus ex dilectione humani generis, & ex affectu misericordiæ erga ipsum, miserit filium suum in carne, iuxta illud Ioan. 3. sic Deus dilexit mundum, &c. & Paulus ad Roman. cap. 5. Commendat autem Deus charitatem suam in nobis. Quoniam seclusa præuisione miseræ humanæ naturæ, non potest intelligi affectus diuinæ misericordiæ erga naturā humanam. Præterea S. Thom. 3. par. q. 1. art. 3. ad 4. docet quod præscientia peccati futuri fuit præsupposita in mente diuina ad Christi prædestinationem. Hæc verò sententia, contra quā, differimus, non admittit præscientiam futuri peccati ante prædestinationem. Non ergo consentanea est S. Thom. doctrinæ.

Scio modernos quosdam autores, quibus hæc sententia, quam impugnamus, non displicuit, dicere S. Thom. intelligendum esse de futuri peccati præscientia, pertinente ad scientiam Dei simplicis intelligentiæ. Sed hoc esse falsum multis possem probare. Sed breuiter eius falsitatem quasi ad sensum ostendo. Per scientiam simplicis intelligentiæ cognoscitur res tantum ut possibilis, & non ut existens, neque ut futura, & qui hoc negauerit, non est arguendus, sed relinquendus ut prima in Theologia negans principia. Erit autem manifestum legenti S. Thom. loqui de præscientia peccati, qua vel præuideatur, ut existens, & coexistens æternitati, vel qua præscitur ut infallibiliter futurum. Non ergo de scientia simplicis intelligentiæ illa Sanct. Thom. doctrina potest intelligi. Alij etiam ex nouioribus dicunt quod S. Thom. non loquitur ibi de præscientia peccati, quæ pertinet ad intentionis ordinem, sed de ea quæ ad executionem spectat. Hæc solutio est sine dubio probabilis, quia exemplum quod ibi S. Tho. adducit, valde ei suffragatur. Sed si perspecte legamus illam solutionem ad 4. S. Tho. non irrationabiliter colligemus, illū permixtum loqui & de ordine intentionis & de executionis ordine. Et quod exemplum ibi adductū de orationibus sanctorum, quibus mediis prædestinatio alicuius hominis suū accipit adimplementum, suamq; assequitur certitudinem, non adducitur ut ad adæquatum exemplum ad explicandā præscientiam peccati originalis quæ Christi prædestinationem antecessit: sed ad explicandum præscientiam, illam secundum quod pertinet ad executionis ordinem. Existimo quoque S. Tho. loquutum fuisse ad eum modum quo communiter loquuntur Patres, qui ut partim constat ex testimonijs citatis pro conclusionibus tertia & quarta, & partim constabit ex infra referendis potissimum in solutionibus argumen-

gumentorum primæ sententiæ, ut rem sibi statutam, & persuasam docuerunt, decretum incarnationis præsupposuisse præscientiam originalis peccati in cuius remedium, & in humanæ naturæ reparatione, decreuit Deus filium suum in mundum mittere, eumque humanam assumere naturam. Huic opinioni, quam hisce argumentis reprobare conamur fauet Capreo. in 3. dist. 1. q. 1. Quæ sententia etsi veritatem non attigisse videatur, proximius tamen ad eam accedit, quam omnes sententiæ aliz, quæ Christi prædestinationem constituunt, totaliter a peccato & eius remedio independentem.

Sed adest iam tertia expositio & intelligentia sententiæ S. Th. Quæ consistit in hoc q̄ in genere causæ finalis Christi prædestinatio antecessit simpliciter decretum creationis vniuersi, & eleuationis naturæ rationalis ad finem supernaturalem, & ad gratiæ ordinem. In genere vero causæ materialis res ē contra se habuit. Et hoc quidem non solū executionis ordine, sed etiā ordine prædestinationis. Hęc intelligentia explicanda est ad eum modum quo superius in hoc dubio collimauimus, & elucidauimus posteriorē sensum opinionis secundæ, hoc vno addito, quod ex parte materiæ etiam debent comprehendī peccata, & præsertim originale. Itaque præcessit in hoc causalitatis ordine in Dei præscientia non solum ordo naturæ & gratiæ, sed & omnium moralium defectuum, quæ vtriusque ordinis rectitudinem obsecrant & offendunt, & præsertim originalis ille defectus qui totam humanam læsit & deturpauit naturam. Nam distinctam aliorum peccatorum præscientiam, forsam pertinuit ad 2. Signum. Estque aduertendum, q̄ natura humana, & ipsa mediāte, prout est virtualiter creatura omnis, totum vniuersum rationē habuit materiæ, & ex qua, & in qua. Ex qua, quoniam humanitas, quam verbum sibi copulauit, desumpta fuit ex ipsa humana natura, atque adeo ex ipso ordine naturali, & si temperata fuerit, præparata, & disposita modo longe excellentiori, qui totum naturæ ordinem exuperauit. Materia in qua, eatenus fuit, quatenus in ipsa vniōis hypostaticæ beneficium, & quoad substantiam, & quoad eius effectus susceptum est & participatum. Ordo vero gratiæ habuit rationem materiæ circa quam, habuit enim rationem materiæ reparabilis & perfectibilis, eo quod per incarnationem reparatus fuit hic ordo in natura humana. Et in tota creatura intellectuali natura perfectionē, & consummationem fuit assecutus. Peccatum deniq; materiæ exa rationem obtinuit, & potest similiter vocari materia, circa quā, sed ab simili prorsus causa ab ea ob quam ipsum gratiæ ordinem materiam circa quam fuisse diximus. Nam ordo hic fuit materia, quia reparandus, & perficiendus peccatum vero quia destruendum, & auferendum iuxta illud Zach. 3. & auferam iniquitatem in die vna, vna hæc dies fuit tempus incarnationis Christi.

sti, quæ dies durauit ab instanti primo conceptionis eius usque ad instans mortis. De qua re ibi propheta, inciderat sermo. In quo sensu dicebat Christus Io. c. 12: ambulate dum lucem habetis, ne tenebræ vos comprehendat, vitæ suam lucē appellauit, id est, diem, vt ibi dicitur. Et quia peccatum hæc habuit materiæ rationem, idcirco eius præscientia in hoc causæ ordine præcessit Christi prædestinationem. Unde hæc propositio, peccatum præuisum est a deo ante prædestinationem Christi, vera præpositio est absolute loquendo, quia prioritas causæ materialis est sufficiens ad eius verificationem. Quamuis tutum erit semper explicare rationem prioritatis, nimirum, quod fuit præuisum ingenere materialis causæ, vt prioritati causæ finalis debitum deferamus honorem, in quo ordine prædestinatio Christi præcessit.

Sed rogat quis, Vtrum hæc propositio Christus prædestinatus est ante præscientiam peccati, sit absolute concedenda? Ratio dubitandi pro affirmatiua sententia hæc est, qd si prioritas causæ materialis sufficit ad veritatem illius propositionis, peccatū præuisum fuit ante prædestinationem, cur prioritas finalis causæ non sufficiet ad istius posterioris enunciationis verificationem. Respondeo negandam esse absolute & simpliciter hanc propositionem de qua dubitatio procedit. Et ratio est omnino ad notanda, quæ desumitur ex superius dictis circa posteriorem sensum opinionis secundæ. Afferoque quod licet peccatum ad Christi incarnationem comparatum solam habuerit rationem materiæ circa quam, ipsū tamen peccati remedium fuit non solum effectus in Christi prædestinatione, per ipsam eius incarnationem per se intentus, sed & nonnullam quoque finis induit rationem comparatum ad Christum, non absolute consideratum, sed secundum illum statum humilitatis, & infirmitatis, in quo nostram in medio terræ salutem est operatus. Quæ ratione fuit vere humanæ naturæ reparator, & medicus. Et quia non aliter fuit prædestinatus, nisi vt medicus, non solum morbi præuisio in genere causæ materialis eius prædestinationem præcessit, nam tolle morbos & tolle vulnera, dicebat August. & non est necessarius medicus; sed etiam ipsum peccati spiritualis morbi remedium præcessit in Dei præscientia in genere causæ finalis Christi prædestinationem, prout Christus ratione prædicta in statu humilitatis medici officium erat gesturus. Et vt superius aduertit, nihil inconuenit, vt id quod simpliciter est finis, secundum modum aliquem induat respectu eiusdem rationis mediæ. Quia ergo Christus fuit prædestinatus, vt esset filius Dei per gratiam vnionis, hac cōditione appositā, nimirum, quod esset redemptor & medicus humile gerens medicantis officium, infirmis deseruiens, & ministrans, idcirco peccati remediū, in genere causæ finalis, præcessit ipsam Chri-

sti præ-

fit prædestinationem. Et ob hanc causam et si prædestinatio Christi absolute, & simpliciter prior fuit in genere causæ finis, non potest tamen absolute concedi, q̃ Christus fuit prædestinatus ante peccati præscientiam. Quia peccatum vt excludendum præuisum fuit per modum materiæ circa quam, & ipsum peccati remedium fuit præuisum per modum finis intenti, & præordinati, in quem prædestinatio Christi illo modo exposito fuit ordinata.

Sed obseruandū est, discriminē esse magnum, inter præscientiam peccati in genere causæ materialis præsuppositam, & præscientiam remedi eiuldem peccati in genere causæ finalis antecedentem. Quod præscientia peccati, iuxta probabilissimam Thomistarum sententiā, peruenit ad visionis scientiam, itaque Deus præsupposuit peccatu, vt in existens naturæ, & non vt futurum infallibiliter: eo quod peccatum habuit præsuppositæ materiæ rationem, quæ secundum præexistentiam debet præsupponi. Ceterum peccati remedium non antecessit in Dei præuisione vt præexistens, sed vt infallibiliter futurum. Et ratio est, quia et si præcesserit vt finis, est tamen finis effectus, id est, qui efficiendus erat ab ipso Christo incarnando, atque adeo neque debuit, neque potuit præsupponi in ordine intentionis, vt præexistens, sed vt futurum infallibiliter.

Ex his possumus colligere modum, quo iuxta hanc S. Th. doctrinæ explicationem intelligere debemus ordinem quē ex parte rerum seruauit Deus in Christi prædestinatione. Qui ita poterit exponi, quod postquam Deus scientia simplicis intelligentiæ triplicem illum superioris positum suę communicationis modum agnouit, mox in primo signo rationis practicæ decreuit verbum fieri carnē, vt & in ipso excellentissimo quodammodo diuina manifestaretur, & glorificaretur bonitas, & vt omnia quę ad naturę & gratię ordinem spectant, ei subseruirent, & in eū vt in finē destinarentur, Et vt deniq; Dei gloria, & diuitias gratię eius in ipso redēptionis humane naturę opere mire splenderent. Vnde omnium horum cognitio & præordinatio secundū quandam generalem prouidentiam, ad hoc primum rationis signum spectarunt. Quāuis specialiter hoc signum detur solius Christi prædestinationi. Quā idcirco sit nō irrationabiliter, quia in hoc insitanti Christus specialissima prouidentia prædestinatus fuit, & eius prædestinatio fuit absoluta & cōsummata prout ad ipsum Christum pertinebat. At in hoc signo neq; ordo naturę, neq; ordo gratię cōsummatū habuerunt prædestinationis, & prouidentię cōplementum; sed quantum ad id dūtaxat quod necessariū erat, vt Christi prædestinatio cōpleta esset, & cōsummata. Nā alia quę nō ad Christū, sed in particulari ad vtriusq; huius ordinis cōplementum pertinebant, in posterioribus signis præordinata fuerunt & disposita. Quoniam ergo ad prædestinationem

Christi, quatenus prædestinabatur ut medicus & redemptor, & ut in eo multiformis Dei appareret gratia & iustificans & sanans, & ut iustitia & misericordia inter alia Dei splenderent attributa; (Nam hoc totum spectabat ad perfectam Christi prædestinationem) necessarium fuit, ut præordinatio utriusque ordinis, naturæ, scilicet, & gratiæ, quoad primariam utriusque substantiam antecederet, quorum prior exposita angelorum, & hominum, & visibilis huius mundialis machinæ consilientiam, & posterior ut in omnibus Angelis sigillatim, quia omnes sunt secundum speciem differentes, & unus non pender substantia liter ab alio, & in aliquo vno homine, ut in primo totius rationalis naturæ principio & capite, & vice naturæ ipsius fundaretur ordo ad supernaturalem finem, dando prius supernaturalem cognitionem, spem, & amorem, quæ Dei gratiæ inhiherentur. Idcirco omnia hæc secundum generalem hanc rationem ad illud primum rationis instans in Deo attinuerunt, & attinuit etiā peccatum prout huic utriusque ordinis dispositioni repugnauit. Et ita existimo quod non solum spectauit ad illud instans & permissio & præscientia originalis culpæ humanæ, verum & peccatum angelicū secundū quod ex eo occasionaliter ortum habuit primum illud hominis peccatum, quod ad primariam ordinis gratiæ constitutionem pertinuit. Nam sicut pertinet ad suauiterum dispositionem quod inferiora S. Dionysio autore, per superiora gubernentur, unde in ordine gratiæ homines angelorum ministerio & præsidio debuerunt gubernari, etiam si in statu primæ innocentie permansissent, ita attinebat ad eundem primarium rerum ordinem, ut permitteret Deus quod naturæ superioris, scilicet, intellectuales, peccatum, occasionem peccandi afferret inferiori naturæ rationali, & quod hoc totum præiudicaretur adeo ad Christum prædestinandum, ut redemptorem humanæ naturæ, ut iam ex illo primo signo constaret a cuius seruitutis iugo homo esset redimendus, nimirum, a demonis tyrannide, cui homo subiectus ex Dei iustitia permanserat propter peccatum in quo ab ipso demone fuit detentus. Nā qui sua se sponte vincti permittit talem sibi promeruit miseram subiectionis, & captiuitatis sortem. Præterea non reputo in cōueniens affirmare, quod inter alias causas, nisi proprius occasiones appellemus, ob quas Deus non Angelos sed semen Abraham apprehendit ut dicebat Paulus, id est, non Angelicam sed humanam assumpsit naturam, hæc quoque computetur, Quod Angelus sua prorsus spontanea malitia absque vlla extrinseca persuasione peccauit, ipsumque offendit Deum, cui tanto erat & in ordine naturæ, & in ordine gratiæ debito adstrictus. Homo vero ex alterius, & quidē superioris & callidioris astuta persuasione captus, & partim deceptus, mulier enim quæ viro grandis fuit occasio peccandi seducta fuit, ut inquit Paulus, 1. ad Timoth. 2.

Hæc igitur omnia ad illud primum rationis signum reducenda fore arbitror : Omniaque propter Christum vel preordinata, vel permissa. Et ob id in illo met signo, Christi prædestinatio præcessit simpliciter in ordine causæ finalis omnium aliorum quæ diximus præscientiam, sed in ordine materialis causæ, præscientia istorum omnium e contra antecessit. Superius cum sensum posteriorem secundæ sententiæ exponerem, exemplo generationis instantaneæ rem istam explicavi, relegat diligens theologus.

Sed iam ad secundum signum transeamus. In quo deus in christo capite in primo signo prædestinato elegit homines ut ei perfecte incorporarentur, ut capiti membra, in perpetuamque eius laudem essent futuri. Tertiū rationis instans distinguere solent cōiter theologi, in quo deus rerū naturalium ordinē prouideret. Sed ego cum bona eorū venia, nullā video huius tertiij signi aut rationis instantis necessitatem. Quoniā ad primariam rerū naturalium constitutionē necessarium nō est, cum in primo signo fuisset disposita : particularia vero & ea quæ secundariū in vniuerso locum tenent, existimo nō posse ad aliud tertiū signū pertinere, sed quod ad hoc secundū eorum dispositio, & Dei prouidentia spectauit. Quoniā prædestinatio electorū in hoc signo secundo celebrata, constare nō potuit, nisi certa esset & statuta horū omnium singulariū ordinis naturæ dispositio. Quia ex eorū quamplurimis pendebat prædestinationis ordo, qui nō in electione hominū ad gloriam essentialiter consistit, ut 1. p. q. 23. ex S. Tho. doctrina solet ostendi. Sed in efficacium mediorū absoluta & determinata dispositione & præordinatione, quibus certissime saluatur quicumque saluatur, ut verbis vramur Aug. Hæc autē media haudquaquam disponi & præordinari potuerunt, nisi præuisis ijs singularibus indiuiduis operationibus & factis, &c. quæ ad ordinem spectant naturæ. Itaque sicut primaria rerum naturalium constitutio in genere causæ materialis præscientia christi prædestinationem in primo signo antecessit, ita in secundo signo ea quæ secundo ad eundē naturalem spectant ordinem, prædestinationem præcessit electorum, ita ut electio ipsorū absolute fuerit prior, eo quod prædestinatio eorum finis rationem habuit comparatione ad ordinē naturalem, prædestinatio vero, quæ formaliter est efficax mediorum præordinatio, in genere causæ materialis supposuit horum, quæ diximus, præscientiam. Imo & præscientiam omnium singularium peccatorum, quia ex eorum multis occasione assumit Deus saluandi prædestinatos.

Ad hoc secundum signum existimo attingere ea quæ in particulari pertinebant ad Christi vitam & mortem. Quia licet in primo signo fuerit prædestinatus redemptor per mortem & sanguinem suum, at quæ, qualisue futura esset eius mors, imo & vita, quas quantasque a pec-

caroribus passurus esset contradictiones nō potuerunt euidenter præuideri, nisi dependenter in ordine causæ materialis ab horum singularium præscientia, possemus quidem horum præscientiam ad primū signum reducere, sed suauiori modo reponitur in secundo signo, ad quod reduximus ea quę pertinent ad secundariū vniuersi ordinem.

Id tamen aduertendum censeo, quod præscientia omnium singulorum quę necessario fuerunt præsupposita ad christi in carnationem, in primo rationis signo habita fuit. Interquę singularia præcipuum habuit locum Beatiss. Virgo & eximia eius sanctitas, quę fuit necessaria, secundum decentiam erga vnigenitum dei filium seruandā, ad Christi incarnationem. Imo existimo quod prædestinatio B. Virginis fuit celebrata in illo primo rationis signo, cum quia eius tanta ad Christum coniunctio hoc postulabat, cum etiam quia B. Virginis sanctitas requisita secundum decentiam ad Christi incarnationem debuit esse firma, stabilis, & perseverans, atq. adeo ad prædestinationis spectans ordinem. Et ita crediderim, quod in genere causæ materialis præuisa fuit B. Virginis gratia & sanctitas vt effectus prædestinationis. Dices. Beatiss. Virgo in Christo & per christi merita fuit prædestinata. Ergo impossibile fuit quod in aliquo genere causæ christi prædestinationis antecederet præscientiam. Respondeo quod aliter antecessit sanctitas virginis in præscientia dei Christi in carnationem, & aliter res omnes aliæ. Et enim res aliæ antecesserunt vt materia quali aliunde præsupposita, nimirum, ex prouidentia generali dei siue naturali, siue super naturali: Cæterum sanctitas B. Virginis antecessit vt dispositio tenens se ex parte materiæ propriæ ipsius Christi. Nam cum Christi caro ex purissimis Mariæ sanguinibus fuerit desumpta, ipsa eius sanctitas erat veluti dispositio præparans & disponens propriam Christi materiam. At dispositio quę in genere materialis causæ formam præcedit, eandem subsequitur in ordine causę formalis, estque in vno genere effectus, & in alio est causa. Et illud genus in quo est causa, effectus est alterius generis. Nam cum Arist. dixit, quod causæ sunt sibi inuicem causę, in hoc formali loquebatur sensu, videlicet, quod pro ut vnū est in vno genere causa effectus est, alterius secundum aliud causalitatis genus. Dico ergo in præsentia quod illa B. Virg. sanctitas quę a christo in genere causæ finalis & meritorie, fuit effectus incarnationis Christi, potuit esse prior eadē etiā ordine intentionis Dei, in genere causę materialis & dispositiue.

Dico secundo, q. etiā vterq; ipse naturę & gratie ordo, qui in genere causæ materialis præsupponebatur in dei præscientia, in genere finalis causę, vt ex dictis constat, pendebat a Christo & a præscientia in carnationis eius. In hoc autem excelluit B. Virginis sanctitas, quod non solum fuit effectus Christi, & incarnationis eius in genere finalis

malis causæ, sed etiam in genere causæ meritorie.

Sed contra hanc sententiã S. Thom. intelligentiam duo se offerunt argumenta. Primum est. Illud dumtaxat fuit prius altero ordine intentionis diuinæ, quod ab eo per se pēdet in ordine ad finem, quem Deus per se primo intendit: sed in ordine ad finem per se primo a Deo intentum ordo naturę non pendet ab ordine gratię, neque ordo naturę & ordo gratię pendent ab vnione hypostatica. Ergo non prius fuit in genere causæ finalis intenta adeo hypostatica vnio verbi cum humanitate, quam fuerit intentus vterque ordo naturę & gratię. Maior ex superius dictis manifeste constat, Diximus enim, quod prioritas intentionis diuinæ non ex parte diuini actus, sed ex ipsis obiectis, & ex ordine quem inter se habent, debet pensari. Minor vero probatur: Ordo naturę ex sua propria ratione & intra proprium genus habet quod sit manifestatiuus diuinæ bonitatis, diuinæq. maiestatis & glorię absque coniunctione ad superiorem, vel gratię, vel hypostaticę vnionis ordinem. Nam quamuis Deus non decreuisset se communicare gratię, aut vnionis hypostaticę cōmunicatione, posset nihilominus suam bonitatem suamque gloriam in bonorum naturalium cōmunicatione manifestare & ostendere, & si minus perfecte: & simile argumentum de ordine gratię fieri potest imo & erit adhuc efficacius. Quia per gratiã multo perfectus dei bonitas ellucescit & apparet, quam per naturam, totūq. eius ordinem. At finis quem per se primo deus intendit ipsa est suę bonitatis & glorię, suarumque perfectionum manifestatio, & ostensio. Ergo vera est minor propositio. Confirmatur. Ordo naturę ex se non ordinatur, vel ad ordinem gratię, vel ad hypostaticam vnionem: Ergo ad manifestandum diuinam bonitatem & gloriam, eo modo quo in bonorum naturalium cōmunicatione manifestabilis est, non pendent ab ordine gratię aut hypostaticę vnionis. Dices. Quod licet ordo naturę ex se non sit ordinatus ad ordinem hypostaticę vnionis, est tam en ordinabilis, & rescribilis, sicut omne imperfectum ordinabile est ad id quod perfectius est: & ita Deus de facto ordinauit totum naturę ordinem ad ipsam diuini verbi cum humanitate hypostaticam vnionem. Contra sic argumentor. Et si ita potuerit fieri, quis nouit an ita factum sit? nam quis consiliarius dei fuit? Præterea & si rationabiliter colligatur ex maiori perfectione, quæ in cōmunicatione per hypostaticam vnionem reperitur, quod Deus in executione vtrumq. ordinem naturę & gratię ad ipsam hypostaticam retulerit vnionē, tanquam in finem proximum quo mediante tandem retalit in finem picipue intentum, in ipsam, videlicet, dei gloriam: In illo tamen primo diuinę intētionis signo, ordo prioritatis & posterioritatis nō debet attendi, nisi ex ipsa dumtaxat obiectorum dependentia. Quo-

niam

niam sola maior aut minor perfectio non sufficit hunc prioritatis ordinem constituere. Recurrere autem ad libertatem diuinæ voluntatis dicendo, nimirum, quia Deus ita voluit. Diuinare potius erit, quam scientificè loqui. Et quidem ex hoc quod hypostatica unio sit perfectior diuinæ bonitatis communicatio, nihil infertur aliud, quam quod fuerit magis a Deo volita, quam fuerint voliti ordo naturæ & ordo gratiæ. De prioritate vero nihil.

Secundum argumentum. Scripturæ sacræ aperte dicunt incarnationis verbi beneficium ortum habuisse ex amore quo Deus humanum genus dilexit, & ex misericordia qua commotus fuit, extremam eius miseriam intuens. Sed iuxta hanc doctrinam S. Thom. intelligentiam hoc eximium dei beneficium non tam ex amore humani generis, & ex misericordia, qua Deus voluit uti cum hominibus, originem duxit, quam ex dilectione christi, & ex intentione manifestandi eius gloriæ. Non ergo hæc interpretatio acceptanda est, & ceteris præferenda. Manifestum apparet antecedens pro maiori. Sunt enim innumera scripturæ sacræ testimonia ex quibus eius colligitur veritas. Ex multis duo tantum adnotemus. Alterum Ioann. 3. Sic deus dilexit mundum ut filium suum unigenitum daret, Et alterum Luc. 2. per viscera misericordiæ dei nostri in quibus visitauit nos oriens ex alto &c. Minor vero probatur. Nam primum mouens est finis, & ex amore finis oriuntur omnia quæ ad ipsum referuntur, finis autem quem deus intendit in incarnationis mysterio Christus fuit, & ipsa Christi gloria. ut ista docet sententia, ergo ex amore Christi & gloriæ eius totum in incarnationis beneficium dimanauit, & non ex amore humani generis. Confirmatur. Nam ista intelligentia S. Thom. manifeste coincidit cum doctrina antiquorum Hebræorum Qui Petro Galatino loco superius citato referente, dicebant, Deum propter amorem Messis vniversa fuisse operatum. Hæc autem sententia eadem est cum illa opinione quam in prima conclusione reprobauimus: Ergo &c.

Ad primum argumentum respondetur primo. Quod scripturæ sacræ non obscure nobis insinuant, deum in primo prædestinationis decreto Christum prædestinasset ut, esset caput & finis rerum omnium, utque super omnes & homines & Angelos principatum teneret. Ac proinde virtualiter nobis dicunt, quod prius ordine finis intendit Deus Christi prædestinationem, quam utrumque ordinem naturæ & gratiæ, & quod utramque istum ordinem retulit in ipsam christi incarnationem.

Secundo respondetur. Quod ipsa ratio postulat, ut supposito quod Deus voluit, tribus illis supradictis modis se ipsum communicare: duos modos naturæ & gratiæ referret, & ordinaret imperfectissimum

commu-

communicationis modum, scilicet, hypostaticę vnionis. In quo ipse semet deus semetipsum immediate communicauit. Omnia etenim donā & naturā & gratiā per se ordinantur in Deum tanquam in finem. Vnde eo ipso quod deus semetipsum voluit constituere intra rerum ordinem, se ipsum immediate naturę creatę communicās, omnis alia diuinę bonitatis communicatio induit continuo rationem medię per se ordinatę in Deum sic communicatam. Quia deus ita se communicans autor est, & naturę & gratię. Vnde & natura & gratia in ipsum per se referuntur. Dices forsan, quod gratia & natura ordinantur quidem per se in deum, qui se ipsum humanitati personā liter communicat, non vero ordinantur in ipsummet, ea formali ratione quā se communicat. Hac enim ratione non pendent a deo, & si omnimodā ab ipso simpliciter loquendo dependentiam habeant. Quod præsertim de naturę ordine manifestam videtur habere veritatem. Quia cum illa communicatio sit supernaturalissimi ordinis, non potest naturę ordo, nisi ab extrinseco iuuetur, ad tam sublimem finem ascendere. Respondeo huic obiectioni. Quod citra dubium probat, quod hi duo ordines naturę & gratię, & præsertim naturę, neque per se referuntur, neque per se pendent ab ipsa hypostatica diuini verbi vnione cum humanitate. Sed nihilominus ratio a nobis insinuata in secunda solutione suadet, ad diuinam providentiam expectasse, vtrumque ordinem subordinare totaliter & subijcere hypostaticę vnioni, ita vt non solum ordine executionis, sed etiam ordine intentionis, ipsa hypostatica verbi vnio rationem sortiatur finis respectu ordinis vtriusque & naturę & gratię. Exemplum aliquale huius rei ex sacramentis Euangelicis potest de sumi. Quæ cum ab Eucharistię sacramento in suis institutionibus, & in propriis materijs & formis non pendeant, tamen quia in Eucharistia realiter & vere est ipse Christus totius sacramentalis gratię fons & autor, omnia destinantur in hoc sacramentum, vti in omnium sacramentorum finem. De quo. 3. p. q. 65. a. 3.

Ad secundum argumentū respondetur, qđ quemadmodū in omni theologorum sententiā fateri tenemur, incarnationis beneficium nō habuisse ortū per se primo ex amore quo Deus humanū prolequitur genus: sed ex amore potius suę bonitatis, & ex intentione bonitatē ipsam diuinā manifestandi, & eo modo quo fieri potest amplificandi: quoniam omnia propter semet ipsum operatus est Dominus. Imo esset manifesta ordinis peruersio si aliter fieret, nam cum deus sit ipsum summum bonum, omnia ad illum debent referri & ordinari. Ita neque sacris scripturis, neque rectę rationi derogat, quin potius consentit quā plurimū, asserere, hoc beneficiū potius ex amore christi & glorię eius, quā ex amore humani generis, aut totius vniuersi

dimanasse. Neque hoc quicquam detrahit ab excellentiæ diuini amoris, quo Deus humanum genus dilexit, quin potius ex hoc crescit magis, & extollitur ipsa diuini amoris erga homines declaratio. Nam quod Deus cum tam vnice dilexisset Christum: tamque sibi habuisset carissimum, ipsi tamen non pepercerit, sed pro nobis tradiderit illum, in eoq; constituerit infirmitatis & humilitatis statum, in quo hominibus ministrare, & inservire posset, suasq; operas, ac labores in hominum salutem, vt in finem referre, valde eximiam Dei erga homines charitatem commendat. Et hoc satis superque fuerit, vt vere dicamus, quod ita Deus dilexit mundum, vt filium suum vnigenitum daret, & quod per viscera misericordiæ suæ visitauit nos oriens ex alto. Et quidem quod Deus daret nobis Christum, vt finem & scopum nostræ salutis & gloriæ, cum simul eum dedisset, vt medium ad nostram salutem ordinatum, in magnam cedit hominum exaltationem & gloriâ, totumq; ipsi Deo, eiusq; diuino amore debemus. Sed & debemus aliud, quod cū naturâ angelicâ potuisset Deus hypostatica vniōe sibi copulare, & in ea diuitias gratiæ suæ & bonitatis ostendere, humanâ tamen delegit naturam, quia maiori, & vniuersaliori miseria tenebatur; & non Angelos apprehendit, sed semen Abraham apprehendit, Cuius electionis, qua nostram Angelicæ prætulit naturâ, quam obsecro aliam valemus reddere causam, nisi quam reddidit Euangelista Ioa. illis iam citatis verbis. Sic Deus dilexit mundum? &c. Itaq; & quod Deus nobis filium suum dederit, & quod ita dedit, quod nostram naturam Angelicæ prætulit, totum eius bonitati, & amoris, quo nos spontaneæ dilexit, debemus. Quoniam & si ipse suam gloriam, filijq; Iesu Christi honorem cunctis nostris bonis & commoditatibus anteposuerit, nihil tamen sibi acquisiuit, neq; filio suo quod illi esset necessarium, sed totum tandem cessit in vtilitatem, & commodum nostrum. Neque pro se, pro suaue priuata vtilitate acciperet, nisi ad nostram attineret vtilitatem. Neque vnquam humanam sibi associaret personaliter naturam, nisi vt eam repararet, & exolleret. Vt Achanas, sermo. contra Arrian. non paucis verbis dixit. Ad confirmationem respondetur, nobis neque primam opinionem, neque Hebræorum sententiam eatenus displicuisse; quatenus docet Deum dilexisse Christum, eiusque exaltationem & gloriam præceteris omnibus rebus ipso Christo inferioribus. Nam in hoc & auctores primæ sententiæ, & illi antiqui Rabini à nobis sunt, id ipsumque sentimus omnes, nam dignitas & excellentia Christi, vt aliud sentiamus, non permittit. Displicuit tamen nobis sententia illa, & displicent Rabini, si cū ipsa sentiunt, quatenus insinuat, quod in decreto prædestinationis Christi, & in amore quo Christum dilexit, neque formaliter, neque virtualiter quicquam disposuit, quod ad nos, ad nostramque salutem perti-

pertineat. Arbitramur enim Deum nihil vnquam de Christi incarnatione aut gloria cogitasse, quin simul de nostra salute & gloria mentionem fecisset. In quo mire splendet amor Dei erga nos.

Hæc tertia S. Tho. doctrinæ intelligentia, tam multis a me explicata, egregiam sane probabilitatem obtinet, & cæteris & a nobis assignatis explanationibus, & quæ solent vulgariter circumferri, iure suo est præferenda. Sed sub peritiorum censura alium modum intelligendi hanc S. Thomæ sententiam in hunc locum afferre decreui, quem insinuatum quidem reperio, sed exili certe eruditione expositum, & idcirco merito a quibusdam egregie doctis improbatum.

Igitur vt mentem nostrâ aperiamus, hunc ordinem circa Christi prædestinationem & aliarum rerum præordinationem in ipsa dei mente seruatum esse opinamur, vel supicamur potius, nec enim statutam audeo in hac parte proferre sententiam. Quod postquam deus speculatrice cognitione nouit tres illos commemoratos modos quibus se poreat creaturis communicare, suamque manifestare bonitatem & gloriam: continuo in primo præctice rationis signo efficaci decreto, absolutaque noluntate tres illos communicationis modos acceptauit, decreuitque seipsum triplici illo possibili modo communicare. In quo decreto nullam prioritatem formaliter intelligimus inter tres illos communicationis modos, sed per modum vnius integræ & totalis communicationis voluit Deus tribus illis modis suam communicare bonitatem, suarumque perfectionum manifestationem facere. Non negauerim, placuisse deo magis communicationem per hypostaticam vñionem faciendam, quam quæ alijs duobus modis fieri porerat. Quia id quod melius est, & perfectius, magis debuit placere Deo. eique gratius esse & carius. Sed tamen cum inter illos tres diuinæ communicationis ordines non reperiatur formalis habitudo & ordinatio, neq. necessaria dependetia vnius ordinis ab alio in ordine ad finem per se primo intentum a deo, scilicet, manifestationem bonitatis diuinæ, vt paulo ante efficaci argumentuo demonstraui, rationabiliter asseritur, quod in illo primo decreto, quod fuit immediatum cognitioni speculatiuæ, qua deus nouit tres hos communicationis modos inter se independentes, & quod quilibet eorum per se appetibilis est absque alterius adiutorio & consortio, nulla formalis facta fuit comparatio & relatio vnius ordinis ad alium secundum habitudinem medij ad finem. Sed per modum vnius integræ & totalis communicationis decreuit Deus se ipsum triplici illi modo communicare. Consulto dixi non reperiri ibi expressam & formalem comparisonem medij ad finem. Quoniam de virtuali & implicita aliter res se habet. Nam cū deus voluerit per vñionem hypostaticam taliter se communicare,

*Augustinus in Genia & Pro
geni ord. de*

ut manifestaret, & ostenderet in superuenientibus seculis superabundantes diuitias gratiæ suæ. Implicite voluit, ut tam ordo naturæ, quam ordo gratiæ ipsi hypostaticæ vnionis communicationi deferrent, ad hanc tam eximiam & excellentem suæ bonitatis & gratiæ manifestationem efficiendam. In qua etiam voluntate continebatur implicite voluntas permittendi defectus & peccata circa utrumque ordinem naturæ & gratiæ, & in utraque natura intellectualem & rationabilem, quorum occasione deus excellentiori modo amplissimè gratiæ suæ thesauros diffunderet. Vbi citra dubium implicabatur ipsa originalis peccati in natura humana permissio. Ita ut tam simulatas esset consequentiæ ex ui illius primi decreti, inter hypostaticam vnionem & originalis peccati remedium, iuxta tradita a nobis in secunda intelligentia opinionis S. Thom. Sed neq; hæc simulatas, neque aliqua prioritas in illo primo decreto explicata fuit & expressa, sed implicata tantum & virtualiter inuoluta.

Dico præterea. Quod in illo primo decreto non fuit in particulari definitum, quænam ex tribus sanctæ Trinitatis personis assumptura esset creatam naturam, sed duntaxat quod deus se ipsum communicaret in vna persona, vel in alia, aut vero in tribus. Quia hoc totum erat ipsi deo possibile. Item neque in indiuiduo, neque in specie, determinata fuit natura creata in qua deus se ipsum erat communicaturus. Sed in illo decreto tantum fuit dispositum, quod deus sibi vniret naturam tali vnioni congruam, qualis est natura angelica, atque itidem humana. Non vero præordinatum fuit, quod esset hæc in indiuiduo, aut quod esset humana vel angelica, sed hoc totum disponendum reseruabatur in alio posteriori signo.

Sed antequam ulterius pergreddiar in huius sententiæ expositione, Aduersus hunc modum dicendi ea se offert difficultas, quod istud diuine mentis decretum vniuersali breuit, ne dicam confusorem, inuoluit rationem, quam deceat ipsum dei intellectum, qui minutatim & exactissime vnico simplicissimo intuitu simul vniuersa conuertitur, atque adeo non videtur ponendum esse in deo tam commune & vniuersale decretum.

Respondetur. Nos in hac parte conformari sententiæ & modo loquendi grauissimorum theologorum, qui modus in doctrinâ Patrum non leue fundamentum habet. Qui non semel nos docuerunt, deum prius ordine rationis efficaci voluntatis consilio decreuisse humanam sedimere naturam, eamque ad supernaturalem finem euehere, quam aliquot homines in particulari ad æternam vitam eligeret, & prædestinaret. Nec in hoc quippiam imperfectionis Deo, diuinæque eius cognitioni & prouidentiæ se putant tribuere. Et id quidem rationabiliter, quoniã cū ita theologamur, nõ ordinè proueniẽtẽ ex parte diui-

næ ope-

ne operationis consideramus, in qua, cum sit simplicissima, & perfectissima, nullum est successionis vestigium; sed ordinem dumtaxat obiectorum attendimus, & rationes secundum quas obiecta apta sunt offerri, & presentari intellectui, & voluntati. Et quidem ratio vniuersalior & communior apta nata est sua natura se prius intellectui presentare, quam semetipsam obijcere singularibus rationibus & circumstantijs vestitam & exornatam. Et hinc est, probabiliter satis, & quantum existimo consentanee ad Sanct. Thom. doctrinam 1. par. quæst. 19. articu. 6. affirmari a peritis Theologis, reperiri in Deo formaliter voluntatem antecedentem, quæ re ipsa est potius velocitas, quam voluntas, qua voluit Deus omnes homines saluos fieri. Quatenus Dei voluntas illud amittit bonum, quod esset presentatum in comuni omnium hominum salutem, non consideratis singularibus circumstantijs, sed sola ipsa ratione communis salutis. Proportionabiliter ergo in presentia dicimus, quod supposita illa voluntate qua Deus voluit seipsum communicare, suamque manifestare maiestatem & gloriam, primum quod se illi obtulit, fuit triplex ille modus in ratione cuiusdam totalis & integræ communicationis, nam in eo reperiebatur tota possibilis diuinæ communicationis ratio. In qua vniuersali presentatione neque ex parte intenti finis, puta, manifestationis gloriæ & maiestatis diuinæ: neque ex parte ipsius hypostaticæ vniionis, aliqua se obtulit Deo specialis ratio, ob quam illa potius diuina persona, quam ista, naturam creatam assumeret. Nam ad manifestandum Dei maiestatem, & gloriam, æquam vim habebant tres ipsæ diuinæ personæ. Similiter neque tunc se offerebat ratio specialis, propter quam assumenda potius esset, ad hypostaticam vniionem natura humana, quam Angelica; cum ad finem à Deo intentum vtrique hæc natura sufficientem habeat proportionem, quatenus vtrique in eodem intellectualis gradus collatur. Quod existimo esse verissimum, etiam si in illa prima Dei intentione inclusa fuisset siue implicite, siue explicite voluntas exaltandi, & magnificandi totam creaturarum vniuersitatem, consummandique & perficiendi vtrumque, & naturæ & gratiæ ordinem, quod affirmare non displicet. Nam & in natura Angelica, quæ in rerum vniuersitate supremum tenet apicem, & in qua proinde, iuxta S. Dionys. sententiam, res omnes inferiores eminenti quadam ratione comprehenduntur: & in natura rationali quæ totum ipsum vniuersum quasi breui quodam & artistico epilogo complectitur, commode fieri potuit hæc vniuersarum rerum exaltatio, atque vtriusque ordinis naturæ & gratiæ adimplementum.

Sed iam ulterius pergo meum explicare discursum. Et assero quod
post

post primum illud vniuersale decretum continuo se obtulit Deo ratio tractandi de singulis modis communicationis. Incepit autem ab infimo ordine, quia erat aliorum fundamentum, decreuitque totum ordinē creaturarum constituere, secundum primariā saltem vniuersi constitutionē, quæ præcipuis cōstat partibus. In quibus primum locū tenent intellectuales & rationales creaturæ. Quo peracto ordine naturali ad gratiæ ordinem transijt (loquimur ad modum nostrum cum transitum nominamus) & tunc decreuit singulis Angelis propria gratiæ supernaturalia conferre dona, iuxta proportionem naturalis perfectionis Angeli cuiusque: vt cum S. Thom. 1. par. quæst. 62. petiores arbitrantur Theologi. Naturam etiam humanam clarissimis gratiæ donis exornati statuit in vno totius naturæ capite primo parente Adamo. Sed iam tunc in huius gratiæ ordinis dispositione & in homine & in Angelo defectum reperit. De Angelis enim in promptu est illud Iob. 4. Ecce, inquit, qui seruiunt ei non sunt stabiles, & in Angelis suis reperit prauitatem. De homine autem ibidem subiungitur. Quanto magis hi qui habitant domos luteas, qui terrenum habent fundamentum, consumuntur velut atinea. Et sap. 2. & Ecclesiast. 17. multa habemus expressa, vidit ergo Deus Angelum peccantem, & eius peccatum, iniqua & callida supremi cacodemonis suasionem ad hominem transfusum. Et ob id cessauit tractatus de ordine naturæ & gratiæ: & iam ad tertium & summū communicationis modum diuina peruenit sapientia. Cepitque Deus deinceps de sui vtriusque & naturæ & gratiæ operis reparatione cogitare. Neq; enim tantū decebat artificē, vt imperfectum suum relinqueret opus, sed quod maiorem potius in reparatione sapientiam & virtutem, quam in prima constitutione ostenderet. Et quoniam in virtute primi vniuersalissimi decreti tertius hic communicationis modus non erat separatim & seorsim considerandus a primis duobus, vt dixi, sed prout vnum facit cum eis, integram, nimirum, & consummatam diuinæ bonitatis communicationem. Idcirco hunc vltimum & maximum communicationis gradum decreuit Deus accommodare duobus inferioris communicationis gradibus, ad reparandum videlicet, malum illud quod primi hominis peccatum ex Angelorum culpa occasionatum, per se primo in ordine gratiæ, & secundario in ordine naturæ intulerat. Ad cuius reparationem non angelicam, sed naturam elegit humanam assumendam, quæ funditus erat per peccatum euersa; vt in ipsa & per ipsam repararet, non solum dānum, quod ipsa rationalis natura per peccatum incurrerat, sed ipsas etiam Angelorū ruinas, vt nihil nō resarcitū & refectū: ac nō valde proinde perfectū remaneret. decreuit enim terrestres homines cœlicolas facere, & similes Angelis constituere, qui angelis in cœlestibus succedi sedibus neque

neque ederent, neque nuberent, sed veluti purissimi spiritus diuina contemplatione satia rentur. Qua in te ostendit Deus, quam vnice disteret rationalem naturam, quamque eam sibi caram haberet, illam Angelicis spiritibus præferens, ei que meliora & excellentiora ex abudantissimis thesauris suis bona præparans. Quorum illud fuit summum omnem & hominum, & Angelorum admirationem excellens, quod ipsam rationalem naturam sibi decreuerit hypostaticè copulare, seque per omnia humanis accommodare officiis, & vñibus, vna peccandi ratione prætermissa. Sed adhuc restabat illud quod maximum erat, maiori que consideratione dignissimum, quænam ex tribus sanctissimæ triadis personis hoc sibi tam grande munus esset assumptura. Certè vsque ad istud rationis signum nullam fere possumus inuenire congruentiæ rationem, quæ se posset offerre Deo, ob quam filius potius, quam pater, aut Spiritus sanctus naturam & formam creatam indueretur. At deinceps cæteruatim Deo congruentiæ quamplurimæ se obtulerunt. Iam enim æquum erat, vt sapientia, per quam Deus humanam condiderat naturam & vtrumque naturæ, & gratiæ constitueret ordinem, omnes sui operis ruinas, mirabili sapientissimoque artificio repararet. Et quod inordinato, & supbo appetitu, Deo reuerentiam sapientiam affectauerat, ipsam Dei sapientiam nube humilitatis contextam, ad sui reparationem, & remedium acciperet. Et quod filius qui in sanctissima Trinitate medius est inter patrem & Spiritum sanctum, natura indutus humana medium inter Deum & hominem teneret, mediatoris que officium ageret. Et quod is qui in sinu integerimi patris filius est sine matre, homo factus, filius sit virginis sine patre. Et quod verbum patris cuius diuinæ voci non obtemperauerat primus homo, voces vere former humanas homini accommodatiores, & quibus homo obtemperare assuescat. Et denique vt hominem in tenebris peccatorum latitantem, ipse splendor patris in humana natura quasi lampas accensus humanis in cordibus mira radiatione illustraret. Deficeret me dies in huiusmodi congruentiis, optimisque, accommodatis rationibus enerrandis. Quæ continuo vt peccauit homo diuino se potuerunt consilio offerre, vt vnigenitus Dei filius præceteris diuinis personis humanam carnem assumeret. Et ita in hoc potestremo rationis signo prædestinatus est Christus, non solum, vt esset homo, sed & vt esset hominum redemptor, & ægrotantis naturæ humanæ medicus peritissimus, ac valde pius & sollicitus. Vnde prædestinatus est filius Dei in virtute & in spiritu sanctificationis, in resurrectione mortuorum. In virtute, ad redimendum, fuit enim redemptio eximie virtutis opus, in spiritu sanctificationis, ad sanandum animarum ægitudines, exitialesque morbos, qui nouo vitæ spiritu ab ægrotis animabus depellendi erant. Et quia contagio infirmitates illæ

Athan. lib.
de incarnatione.
verbi.

Bernar. ser.
mone primo.
Aduert.

antiquæ ortum habuerant in natura humana, necessarius fuit spiritus sanctificans, qui ipsam mundaret a terra, terrenos ab ea affectus euellens, cœlestiaque illi desideria imprimens. Sed quoniam peccatum nō solam animam infecit & leſit, agramq; reliquit & miseram, sed & corpoream etiam acersiuit mortem, prædestinatus fuit Christus in resurrectione mortuorum, idest, cum virtute reparandi corpus ad Phil. 2. ream vitam. Quod & tunc mirabili exequetur artificio, incredibiliq; potentia, cum reformabit corpus humilitatis nostræ, configuratum corpori claritatis suæ. Quod fiet in illa die. Quando alligauerit Dominus vulnus populi sui, & percussuram plagæ eius sanauerit. Huc peruenit ratiocinationis nostræ decursus & hic plane sistet. Nam quæ ad prædestinationem hominum, qua in Christo, & per Christum prædestinati sunt, non libet descendere, dicam nonnulla sequenti questione.

Ex dictis infero primo, quod si ad illud decretum, quod in diuino intellectu primum esse diximus, attendamus: Deus quidem non veniret in mundum, si homo non peccasset propter causam iam expositā; non tamen veniret propter remedium peccati, si summo cum rigore dictionem, propter, sumamus. Quia peccati remedium medijs quidem rationem haberet ad perfectam manifestationem diuinæ gratiæ, non vero finis rationem indueret: cum nullatenus fuerit præintendum, sed dumtaxat implicitum & inuolutum in illa prima diuinæ voluntatis intentione, ut medium ad perfectam intenti finis consecutionem necessarium.

Infero secundo, quod ex vi solius primi decreti iam expositi, infallibiliter quidem Deus veniret in mundum, non vero esset infallibilis filij Dei aduentus. Quoniam ex vi illius primi decreti non magis aduentus in mundum ad Dei filium, quam ad patrem, vel ad spiritum sanctum attinebat. Neque vero esset infallibilis humanæ naturæ assumptio, si ad formalem præsertim illius decreti dispositionem tantum attendamus. Quoniam formaliter, & explicite nulla fuerat facta mentio naturæ humanæ assumendæ, sed naturæ dumtaxat ad assumptionem congruæ. Virtualiter tamen & implicitè dicendum erit id ipsū, quod de remedio originalis peccati diximus, nimirum, quod assumptio humanitatis medium erat requisitum, ut perfectā fieret diuitiarum gloriæ, & gratiæ Dei communicatio & ostensio. Nam perfectio consummata ostensionis diuinæ iustitiæ, diuinæque misericordiæ, in remedio originalis peccati faciendæ, suo iure postulabat, ut Deus reparaturus & redēpturus naturā humanā, non angelicā naturam sed ipsam assumeret humanā. Ut homo qui peccauerat, satisfaceret Deo, & hanc iustæ satisfactionis & cōpensationis gloriā, exuberans Dei misericordia, nō Angelicæ, sed ipsi eidem humanæ naturæ concederet.

Tertio

Tertio infero quod non solum est concedendum esse, quod filius Dei non assumeret humanitatem, nisi originis extiteret peccatum, verum absolute, & omni cum sermonis rigore concedi debet, filium Dei in mundum venisse propter remedium peccati, & ex amore, quo Deus humanum dilexit genus, quæ duo affirmant scripturæ sacræ, & passim inculcant. Probatur istud consuetarium. Iuxta doctrinam a nobis statutam prius ordine rationis, quam decreuisset Deus filium suum in mundum mittere præerant in diuino intellectu originalis peccati præscientia, & in diuina voluntate intentio redimendi genus humanum, & reparandi totum illud malum, quod originalis intulerat culpa: Ergo verissime asseritur Christum prædestinatum fuisse, filiumque Dei incarnatum, & propter remedium peccati, & ex specialissimo amore, quo Deus spontanea voluntate humanam prædilexerat naturam. Neque obstat huic veritati, & proprietati loquendi, quod ex vi primi decreti, in quo nulla remedij originalis expressa fuerat facta mentio Deus infallibiliter veniret in mundum, cuius aduentus non esset in rigore sermonis propter peccati remedium. Non inquam, obstat hæc obiectio, quo minus Christus proprie dicatur venisse propter remedium peccati, quoniam in illo primo decreto non fuit prædestinatus Christus nisi inchoatiue. Ad eum modum quo electorum prædestinatio inchoationem accepit in illa voluntate, qua Deus absolute voluit naturam humanam redimere, & homines aliquot ad æternam vitam deducere. Ipsam autem Christi prædestinationem præcessit expressa originalis culpæ cognitio, & explicita voluntas humanum genus reparandi, atque adeo verissime asseritur Christum prædestinatum fuisse propter nos homines, & propter nostram salutem. Ita vt dictio propter finem, importet, non quidem præcipuum, sed proximum & & intermedium, quod iam superius explicuimus satis. Vnde hæc nostra interpretatio proprietatem loquendi sacræ scripturæ Conciliorum & patrum optima ratione saluat & tueretur. Et notandum est obiter, quod in sacris literis nusquam, quod ego scierem, habetur, Deum in mundum uenisse, vt hominem a peccatis seruitute redimeret, sed in particulari de ipsa secunda Trinitatis persona semper loquuntur scripturæ sacræ, quod vel ex circumstantijs ex antecedentibusque, & consequentibus colligitur, vt sunt multa quæ habentur in illo Zachariæ Cantico, quod incipit. Benedictus Dominus Deus Israel, vel expressis continetur verbis, vt ex locis supra citatis colligi potest, vbi dicitur, quod venit filius hominis quærere quod perierat, & quod misit Deus filium suum factum sub lege, vt sub lege existentes redimeret. Et quod sic Deus dilexit mundum, vt filium suum vnigenitum daret. Et denique, quod proprio filio suo non pepercit, sed pro nobis

omnibus tradidit illum. Quæ omnia maxima cum proprietate sermonis accipi debent, & iuxta ea, quæ nos diximus ita sunt accipiendæ. Non tamen tanta cum sermonis proprietate acciperentur, si non de filio in particulari, sed de Deo ut tribus personis comuni procederetur. Nam primum illud decretum, quo dispositum fuit, ut deus creaturam assumeret naturam, non præsupposuit, ut diximus intentionem redimendi humanum genus: quamuis illam voluntatem inuoluit & implicauit. Fateor quod posset verificari talis loquendi modus ad Deum tribus personis communem comparatus, quatenus electio illa a sumenda naturæ, qua Deus humanam Angelicæ prætulit, utrumque præsupposuit, & peccati præsentiam, & redimendi voluntatem. Sed adhuc prior est illa loquutio, cum ad Dei filium in speciali refertur. Et ob id hæc a nobis excogitata sententia tantisper placet, quia videtur magis accomodata, ad saluandum rigorem, omnemque sermonis proprietatem in modo loquendi scripturæ sacræ, Conciliorum, & Patrum, & ad explicandum, quantopere Deus dilexit hominem, & ad manifestandum ipsa viscera misericordiæ eius, in quibus visitauit nos, oriens ex alto.

Sed non libet eas difficultates dissimulare, quæ huic sententiæ obstare possunt. Nam primum posset obijci nouitas, quæ regulariter solet esse de veritate suspecta. Secundo obijci poterit, id quod opponunt communiter nouiores Theologi Caietani. Quod in illa sua interpretatione a nobis superius relata, ordinem intentionis, cum executionis ordine confundat, cum tamen intentionis ordini contrarius sit ordo executionis. Intentio namque a fine incipit, & ad media terminatur, contra vero executio inchoat a medijs, & in ipsa finis assécutione sistit. Hoc namque vitium, noster hic discursus incurrisse videtur. Quoniam intentionis ordo postulare videbatur, ut post illo primo communi, & vniuersali decreto in Dei mente, non de ordinis naturalis dispositione primum tractaret Deus, sed mox disponeret ea, quæ ad hæc posthaticam vniouem attinebant. Tertio denique illud ipsum argumentum nostram hæc labefaciat intelligentiā, quod nos Caiet. doctrinæ opposuimus, videlicet, quod permissio originalis peccati non potuit esse rationalis, si leges communis & suavis prouidentie consulamus, nisi præsupposuerit Christum prædestinatum in remedium ipsius peccati, & in humani generis redemptionem. Eo quod tantum illud malum non debuit permitti nisi propter maximum aliud bonum, quod iam Deus haberet dispositum, & paratum. Hæc argumenta suo ordine sunt à me dissoluenda.

Primum quidem argumentum facilis est expeditionis, tum quia, ut superius adueri, etsi sententiam istam non legerim expressam, debitaque ratione expositam, legi tamen & audiui à viris doctis in-

finuatam, & quasi in suo primo fœtu constitutam, quam proinde, vel clamando, vel lamendo, inanimatam formam deducere, sumus conati. Tum præterea, quod modum quidem nouum præsefert hæc nostra explicatio, sed veterem, & antiquam doctrinam amplificat. Magnus autem ille & antiquitate, & autoritate perillustis Vincen- tius Lyrenensis in suo aureo libello, quod aduersus prophanas hæ- zesum nouitates inscripsit, noua prohibuit dicere, nouiter autem dicere, consuluit. Et hæc primo argumento sufficiant.

Ad secundum respondeo. Quod neque Caiet. discursus, qui, nisi fallor, cum hac nostra interpretatione omni fere ex parte coincidit, neq; nostra præsens ratiocinatio vitio illo inculari debent, nimirum, quod ordinem intentionis cum ordine executionis cōfundant. Nam præsupposita illa communi intentione, qua Deus bonitatem suam, maiestatemque & gloriam summo decreuit modo & manifestare, & communicare. Quam intentionem Caiet. implicite exposuit, & nos explicuimus in ipsa Dei mente reperiri, continuo licuit Deo ad ordinem executionis disponendum transire. Quoniam communi- catio tribus illis modis sæpe connumeratis facienda, rationem for- tiebatur totalis medij sub illa cōi intentione contenti. Qui autem de medijs tractat, ordinem executionis necesse est attendat. Neque quic quam aduersus nos efficiet, qui, huic insistendo difficultati, dixerit. Quod licet tres prædicti ordines ad illum communem finem compa- rati vnus totalis medij conditionem induant, debuit tamen inter ip- sos partialiter consideratos debitus seruari ordo, ita vt is qui perfe- ctissimus est, finis teneat locum ad alios comparatus. Atque adeo vo- luntas ab eius intentione ad alios descendat, vt à fine ad media. Huic enim obiectioni sic respondeo. Quod ille supremus communicatio- nis modus, qui hypostatica fit vnione, non ita finis est alterius vtriuf- que communicationis, qui ad naturæ ordinem & gratiæ spectat, quod ab eo sit necessario desumenda ratio bonitatis & conuenientiæ per comparisonem ad finem præcipuum & vltimum à Deo intentum. Nam, vt ostendi superius, in quolibet istorum ordine potuit diuina bonitas & maiestas demonstrari absque dependentia ab hypostatica vnione, saltem substantialiter. Vnde non fuit necesse quod post pri- mam illam communem intentionem, post primumque illud vniuer- sale decretum, Deus inciperet suæ communicationis negotium ab or- dine hypostaticæ vnionis, cum illa communis intentio non esset ne- cessario accommodanda ad inferiores gratiæ & naturæ gradus me- diante vnione hypostatica, sed immediatam ad quemlibet gradum istorum trium habitudinem haberet, & sine dependentia ex par- te finis vnus ab alio. Non ineptum huius rei afferri potest exem- plum in principe, qui vt magnificentiam suam, magnamq; diuitiarū

copiam ostendat, insigne pararet conuiuium tribus distinctum ordinibus. In quorum infimo vulgares, & plebei locarentur homines, in secundo viri nobiles ciuitatis, in tertio tandem & supremo Principes & Magnates Regni. Certum est quod supposita illa intentione magnificentiam gloriæ suæ ostendendi, non esset necesse, ut inchoaret dispositionem conuiuij faciendi a supremo gradu, a mensa q; præcipua magnatum; quantum huius mensæ dispositio magis sine dubio esset a Principe intentata: sed quia nulla est dependentia aliorum gradum ab isto primo, neque aliarum mensarum ab ista, nulla esset necessitas inchoandi ab hac præcipua conuiuij parte. Similiter est in præsentia dicendum imo multo cum maiori ratione. Nam conueniens procedendi ordo ipsisque rebus accommodatus postulabat, ut primum inchoaret Deus ab infimo naturali ordine, quia ab ipso pendebat tanquam a fundamento tota diuinæ bonitatis communicatio per gratiam, & per hypostaticam vnionem faciendam: Inde enim debuit totus dispositionis rerum ordo desumi, unde se offerebat dependentiæ habitudo. Dixi quod secundum substantiam iste ordo debuit seruari. Nam si perfectionem diuinæ communicationis attendimus, vterque ille ordo naturæ & gratiæ ab hypostatica vnione pendebat. Sed quoniam non a perfectione accidentaria, sed a substantia erat inchoandū: Idcirco ita nostro more & concipiendi & loquendi diuinæ mentis processum disponimus. Quod post illud generale & commune decretum immediate tractauit Deus de communicatione pertinente ad ordinem naturæ, disponendo non omnia quæ ad huius ordinis perfectionem attinebant, sed ea dumtaxat ex quibus primaria & substantialis vniuersi, tum visibilis, tum inuisibilis constitutio necessario pendebat. Nam hæc erat fundamentum necessarium ad gratiam, imo & ad hypostaticam vnionem, quia Deus non intendebat illam separatim & seorsum à naturæ & gratiæ ordine, sed ut vtrique potius coniunctam, & ut perfectiorem & consummatioram vtriusque. Et similiter conueniens fuit, ut post hanc primariam vniuersi dispositionem, immediate tractaretur de ipso gratiæ ordine. Tum quia proximior est ordini naturali. Cum etiam quia ordo hypostaticæ vnionis illum ut perficiendum præsupponebat. Et tandem vltimo deueniretur ad tractandū ea quæ vnionē hypostaticā cōcernūt. Hic fuit debitus procedendi ordo, ut apparet, immediate post illud cōe duceretū & post inzeptionē illius finis, qui est cōmunissimus sit, & vniuersalissimus, est tamen propriissimus Deo. Sed hoc peracto discursu, qui substantialem tñ attentionem debet dispositionē, ordine retrogrado procedendū erat ad perfectionē, & cōsumationē in prædictis diuinæ cōicationis gradibus cōstituendā. Nā in huiusmodi pfectione ordo naturæ gratiæ ab hypostatica pendent vnione, atq; adeo sub hac perfectionis ratione vnio hypostatica

locum debuit habere finis prelatenti ad utrumque ordinem & naturam & gratiam. Ceterum illud primum originale peccatum, quod deus prout substantiali ordini gratiae imo & naturae contrarium, interclusit diuino intellectui aditum, quo pertransiret ad hunc perfectionis statum & progrediret. Sed necessario fuit Deo (si ita nobis fas est loqui) gradum sistere, & aliam tendere viam, viam nimirum reparationis. Vnde prius tractauit de reparatione in utroque ordine & gratiae & naturae faciendae, quam de superaddenda aliqua perfectione operi constituto. Fatetur quod talem voluit reparationem adhibere, ut simul esset & completa reparatio, & consumatissima absolutissimaque perfectio: ut posset doctissimus Apostolus rom. 5. dicere non sicut delictum ita & donum. Et paucis interiectis. Vbi abundauit delictum, superabundauit & gratia: Et ex his superest plene solutum argumentum secundum nostrae intelligentiae & interpretationi obiectum.

Sed iam tertio argumento occurramus, quod nonnulla nos difficultate praebet. Cui primum respondeo, quod cum in illo, primo communi decreto implicite & virtualiter comprehenderetur voluntas efficax redimendi genus humanum, & quidem redemptione superabundanti & copiosa, iam fuit locus permissioni diuinae qua originale permisit peccatum. Quod citra dubium Deus non permisisset, nisi in illo primo decreto praeclusum habuisset tale remedium. Sed respondere secundo, vel potius explicare solutionem priorem. Quod in ipsa primauitiusque ordinis naturae & gratiae substantiali constitutione voluit deus ostendere quid possit natura, quidque possit gratia. Decretumque & Angelis & hominibus ob oculos ponere suae utriusque naturae debilitatem erga diuinam: & ostendere quanta eis sit indigentia diuini adiutorij & auxilij, quamque verum sit id quod postea dixit Apostolus non longe ab hoc intento loquens. Itaque qui stat videat ne cadat. Et ut hoc deus luce clarius ostenderet, tam grandem in angelis permisit ruinam, & quidem non in inferioribus tantum spiritibus, sed in eorum supremo, ac proinde naturae & gratiae donis omnium excellentissimo, ut ego cum Magno Gregorio & alijs clarissimis auctoribus, sentio, ut qui in officio perseverarunt, & ad eum peruenerunt finem, quem deus omnibus eque proposuerat angelis: non sibi ipsis suaeque naturali virtuti tantam tribuerent perseverantiam, atque in semet ipsis gloriarentur, sed sub potenti manu dei humiliati omnia bona ei referrent accepta, & in maximas gratiarum eius prorumperent laudes. Hominem autem misere exornatum clarissimisque donis praeditum, quae ecclesiasti. 17. connumerantur, ita reliquit in manu consilij sui positum, quod dedit ei tamen sufficientissimum auxilium vnde perseverare posset, si vellet, & se in officio virtutis continere, sed quoniam, ut Augustinus verbis utamur, vnde perseveraret illi non est datum, id est, non fuit illi concessum efficax

Hieronim.
Olex 2.

auxilium quo actu vellet Dei gratia, diuinisq. donis, & adiutorijs vt breuissimo stetit tempore, citissime ruit, & ab illo felicissimo eminenteque innocentie & iustitie statu, in miseram & calamitosam descendit inferni seruitutem. Ita vt non immerito Christus ipsum comparauerit ei, qui a Hierusalem in Ierico descendens (qui plane de census in sacris scripturis in malū quā sæpius sonat) in latrones incidit, qui eum gratuitis spoliauerūt donis, & in naturalibus lacerauerūt miserē. Ita vt plagis impositis semiuiuum relinquerent. Quod eo sane factum est, ob idque deus maxime sua prouidentia vtens tantum permisit malum, vt cælo, terræque constaret, quam debiles sint vniuersi rationalis naturæ conatus, vt, deo non specialissime opitulanti, assurgere valeant ad cælestia insequendum bona: quamque parum felices necessum est habeant exitus hi vitæ æternæ candidati, qui suæ naturæ viribus, suæq. industriæ freti aliquid moliantur & tentant. Et vt cognoscerent homines ex primo parente propagandi, quod si homo in terra pacis vndiquaque vallatus, munitus, & circumseptus, securus non fuit, quid poterit illis accidere, qui sunt in superbia Iordanis constituti, nisi specialissima dei ope defendantur. Sed ad solutionem præcedentem reuertamur, quam minime excludere, sed præsupponere intendimus, iuxta quam credimus, illud quoque deum voluisse, saltem implicita voluntate, vt cum deus homo factus gratiam conferret hominibus, virtus gratiæ per ipsum donatæ manifestior appareret: mirisque splenderet modis, cum ad ipsam protoparentis gratiam innocentie, iustitieque præsidij munitam comparata, multo excellentior, illustrior, potentior ac fortior vel ipso experito monstrante cognosceretur. Quam rem insinuare tantum decreui, quia memini me superius quæstione præcedenti articulo tertio dubio ultimo, non nihil amplius de excellentia gratiæ per Christum collatæ dixisse. Propter has omnes igitur causas rationabilissima, prudentissimaque, ac omni iustitia & æquitate plena fuit illa diuina primi peccati permissio, quæ & in eximiam, augustissimamq. Dei gloriam, & in magnam naturæ humanæ utilitatem præclaramque ipsius dignitatem cessit, de qua re relegatur Cyri. li. 8. thes. c. 1. & Ath. or. 2. cōt. Arri. ex quibus hæc nostra intelligentia poterit facili opera de sumi: & ex contione etiam 3. Athanas. contra Arrian. Præsupponunt enim hi patres Christum non propter se primo, sed propter nos venisse, id est, propter remedium nostrum, quod aliquo modo etiam per modum finalis causæ præcessit in dei mente ipsum Christi aduentum.

Et hæc enas dictum fuerit de sententia S. Thom. & ipsius intelligentia. Illud duntaxat aduertere oportet, nos in conclusione quarta, in cuius expositione tam late nostra diffusa est disputatio, non casu, & temere, sed consulto potius de originali tantum peccato men-

clonem fecisse. Quia licet christus non solum voluerit nos ab originali culpa redimere, sed ab vniuersis & mortalibus & venialibus, vt ex his quæ diximus versus fidem præcedentis questionis poterit constare. pro quare lege concil. 6. Toler. c. 1. & S. Leon. epist. 8. Et ijs. quæ superius dixi, hanc vnam addam rationem quæ conuincit falsitatis & erroris contra fidem, sententiam quæ negauerit christum pro venialibus & pro poenis satisfecisse. Sacramenta secundum fidem applicante nobis virtutem passionis christi, meritum eius, & satisfactio. Et ob id fontes saluatoris II. c. 12. appellantur. Sed sacramenta præsertim baptisimus & penitentia vni habent ad mortalia & venialia remittenda, atque itidem penas omnes. Quod in Conc. Trid. & in ecclesiæ traditione, & in patrum doctrina reperiet facile theologus esse manifestum. Ergo. &c. Præcipue tamen in remedium originalis peccati, quod totam naturam infectit, Christus in mundum venit. Et ita Ioan. 1. vbi nostra lectio habet. Ecce qui tollit peccata mundi. Græci Patres communiter legunt, peccatum mundi, videlicet originale. Quod S. Thom. 3. par. q. 1. a. 3. docuit, & clarius in 3. dist. 17. & opusculo 102. c. 18. & opusculo 22. cap. 13. Et quidem licet alia sint peccata intensius grauiora, & tota peccatorum mortalium collectio maiorem malitiz grauitatem importet, quam sola originalis culpa: nihilominus conuenienter asseritur, Christum propter remedium originalis peccati potius venisse, quam in remedium omnium aliorum, etiam si collescerent sumantur. Quia fuit peccatum commune, vt dicebam, totam humanam inficiens naturam. Et ita sicut bonum genericum, magis est procurandum & promouendum, quàm particulare & priuatum quodcunque bonum. Ita malum commune maiori cura repellendum est, quam quodcunque priuatum malum, etiam si intensius maius sit & grauius. Tum etiam, quia originis peccatum radix fuit & seminarium omnium peccatorum, & ex hac parte multo perniciosis quocunque alio peccato, quantumcunque graui & enormi. Et ob id in scriptura sacra appellatur quandoque peccata, psal. 50. Ecce in iniquitatibus conceptus sum, & in peccatis concepit me mater mea.

Præterea id volui dicere in conclusione, quod christi prædestinationem antecessit quidem peccati originalis præscientia in diuino intellectu, non vero necessum est dicere, quod præcessit etiam præscientia aliorum peccatorum. Posset hic disputari, an si Adam non peccasset, incarnatus esset filius Dei in remedium peccatorum alicuius vel alio quorum hominum. Cui dubitationi respondeo. Satis esse vero simile; & quantum opinor certum, quod si vera est S. Thom. doctrina asserentis Christi prædestinationem non factam fuisse per se primo in exaltationem & gloriam humanæ naturæ, sed in remedium naturæ eiusdem per peccatum infectæ, Christus, nõ veniret nisi originali pecca-

Dubium.

to extante; Quia remedium naturę ab originali peccato fuit totalis causa aduentus Christi, totalem voco causam, in sensu quem exposui superius, nimirum, quod alię omnes quęcunque numerari possint, ad hanc causam tanquam ad primam & radicalem reducantur. Si vero Christi prædestinatio alio modo fuisset facta, ita quod Christus venisset nullo extante peccato, ego censerem quod non mutaret incorruptibilitatem corporis, eiusque immortalitatem toti naturę communem: corpusque mortale & corruptibile assumeret propter remedium alicuius hominis vel aliquorum, qui in illo statu peccassent. Quoniam tam excellens beneficium, putā quod Dei filius seipsum exinaniret, servilem formam accipiens, ut in ea moraretur, non debuit fieri nisi propter excellens bonum, quale est bonum gentis & toti naturę cōe, ne scilicet tota gens pereat. Iuxta notissimū Caiphę vaticinium, & si verū sui decreti sensum ignorantis. Et quidem in illo statu, in quo perseverasset innocentia & originalis iustitia in paucioribus, ut rationabiliter apparet hominibus, peccatum contingeret. Quia ab intrinseco nulla, ab extrinseco vero nō tot se offerret homini ad peccandum occasiones, quot se illi incorruptę naturę statu passim offerunt. Sed censeo præterea, & si cum formidine, quod si supponamus Christū in illo statu venturum ita quod esset viator, capaxque proinde meriti: offerret sua merita in sufficiens remedium pro peccatis eorum hominum, qui in statu illo deliquerent. Quod quidem ego asseueranter dicerem, & non sub ea formidine qua reuera dico, si Christus in illo statu capax esset satisfactionis offerendę deo. Sed satisfacere non posset, quia ratio satisfactionis, non solum operis bonitatem, sed aliquam etiam penalitatem exposcit, ut communiter Theologi in 4. dist. 19. dicere solent, cuius pœnalitatis Christus tunc non esset capax, cum immortale corpus & incorruptibile indueret. At remedium pro peccato, non tam constat merito, quā satisfactione, per quam fiat compensatio pro iniuria Deo illata. Unde non possum certam in hac parte proferre sententiam. Quamvis non improbabile censeam, quod Christi meritum in illo statu æquivaleret, propter sui infinitatem, satisfactioni debitę pro peccato.

multid. S. Chrysost. & Theophylact. super illa verba Paul. dilexit me, & tradidit semetipsum pro me ad Gal. 2. videntur dicere quod etiam si unus tantum homo peccasset, Christus pro ipso moreretur. Ceterum non a peccato id dicunt, neque vero illa Paul. verba ad id dicendum nos cogunt. Habet enim illam explicationem legitimam, quod Christi passio tam prodest cuiusque nostram, atque si Christus pro quolibet nostro in particulari mortuus esset ut S. Thom. 3. par. 9. q. 1. art. 4. ad 3. post Chrysost. lib. 2. de compunctio. cordis luculenter explicuit.

Explēuit. S. Dionys. in Epist. ad Democrit. mentionem facit reuelationis factae cuidam S. Carpo, in qua Christus ei dixit, se paratum esse iterum ad moriendum pro hominibus, si oporteret. Verū hāc reuelatio, si vt certa admittitur, eam habet sufficientem explicationem, quod christus erat paratus mori pro hominibus, si alia similis superueniret eis necessitas, videlicet peccatum, quod totam iterum inficeret naturam, sicuti eam originale peccatum infecit. Sed de ijs quae tā incerta sunt rebus, de quibus non possumus certum & determinatum proferre iudicium, quia principijs adiudicandum sufficientibus caremus, hēc pauca dixisse sat fuerit.

Quinta Conclusio.

Non licet affirmare Christū in carne passibili & mortali venturū, sicut venit de facto, non exstante originis peccato: absque vilo tamen erroris aut temeritatis periculo dici potest, quod alio modo, puta, in passibili veniret: sed absolute nihilominus cōcedere debemus quod Christus propter hūmani generis redemptionem & salutem in mundum venit. Prima huius conc. pars. adeo est certa, vt oppositum esset manifestus error in fide. Docent eām vniuersi theologi, quae manifesta est ex testimonijs sacrarum literarum Conciliorum & Patrum quae ad probandas duas praecedentes conclusiones attulimus, quae si non probant christum absolute non venturum nisi extaret originale peccatum (quod satis probabiliter suadent) probant tamen efficacissime, quod saltem non veniret in forma seruili & in mortali corpore. Neque oportet huius veritatis maiores aut plures probationes asserere, quoniam testimonia citata illam probant sufficientissime, aliquot in 3. huius conc. parte ex patribus addam loca, quae adnotari debent pro ista 1. con. parte.

Secunda vero pars conclusionis ab vniuersis doctissimis conceditur. Quam vnus Vldericus, quem refert Dionys. Cartusian in 3. dist. 1. quēst. 3. negauit, asserens S. Thom. sententiam adeo certam esse, vt eius oppositum sit plusquam temerarium, sed hic autor singularis fuit in hac rigurosa sententia. Nam omnes alij theologi ipse etiam S. Thom. vt supra retulimus, docet illam sententiam, quam postea affirmauit Scot. esse probabilem. Et quidem rigorosum esset plus nimio, non probabilem eam censere sententiam, quam viri grauissimi vt veram: vel, vt valde probabilem teneant. Inter quos anumerari debet. Alex. Alen. Nā licet aliquādo uisus fuerit sententiae S. Th. adhēsisse, aut saltem non repugnasse, sed tandem in sententiam propendit Scot. in 3. par. q. 2 membr. 13. Si autem queras in qua Christus veniret carne, si non peccaret homo. Aliqui dicūt

quod in carne impassibili & gloriosa qualis est ea in qua resurrexit & ad dexteram patris sedet, ac proinde fatentur quod christus neque viator esset, neque mereri potuisset. Alij vero, & probabilius mea sententia, dicunt, quod veniret in carne eo modo impassibili quo homines eam habuissent in primo longiternitatis statu, atque adeo capax esset meriti, si cur fuit Adam. Ob id censeo hoc secundum dici probabilius, quia primum accedit ad sententiam, quæ dicit christum fuisse prædestinatum in carne gloriosum venturum. Quod est dictu intolerabile, ut superius ostendi.

Tertia vero eiusdem cõclusionis pars mihi apparet omnino vera, quoniam siue scriptura sacra, Cõcilia & Patres isto, siue illò modo probabiliter explicentur, oportet tamen ut non discedamus modo loquendi ipsius sacre scripturæ Cõciliorum & Patrum. Constat autem ex præcatis testimonijs in sacris his omnibus libris absolute & simpliciter proferri, christum venisse in mundum in peccati remedium. Nam cum dixit Ioan. Sic deus dilexit mundum ut filium suum unigenitum daret, ut omnis qui credit in ipso non pereat &c, non dixit passibilem aut mortalem daret, sed absolute daret. Præter ea Patrum testimonia quæ superius in huius veritatis confirmationem retulimus, legendi sunt Hieronym. in c. 7. ecclesiast. ubi ita inquit, Quia homo infixus peccatis maiori indiguit auxilio, venit ipsa sapientia &c. Chrysost. homil. 3. in Luc. circa parabolam de Samaritano Greg. Nazianze. in oratione. 38. fere per totam Damasce. lib. 3. c. 1. & lib. 4. c. 4. Theophilat. in illud Ioann. 3. deus dilexit mundum &c. Iustin. de vera fidei expositio. S. Dionys. lib. 3. cœlest. hierar. par. 3. versus finem Lactant. lib. 4. de vera sapientia c. 24. & 25. & denique nullus est inter patres & autores graves, vno forsitan excepto Ruperto Abbat. (qui non immerito inter graves autores est recensendus) qui doceat sententiam Scot. Imo nullus est qui non expresse affirmaverit sententiam S. Thom. Non desunt qui Ireneum pro sententia Scot. Idcirco referant quia lib. 3. c. 3. ita dixit. Prædestinante deo primum animalem hominem, ut a spiritali saluaretur. Nam cum præexisteret saluans, oportebat quod & qui saluarentur fierent, ut non vacuum esset saluans. Quibus verbis dixisse videtur Christum prius fuisse prædestinatum, quam deus decreverit efficere primum hominem: atque adeo quod fuerit prædestinatus ante originalis peccati præscientiam. Sed certe Ireneus in locis supra citatis manifeste suam explicuit mentem pro S. Thom. sententia. & verbis nunc citatis eandem insinuat, in eo, quod dicit christum prædestinatum saluatorem, id est, redemptorem, loquebatur enim de illa salute ex qua Christo impositum fuit saluatoris nomen, nimirum Iesus, quod nomen vocatum fuit ab Angelo, quia ipse saluum facturus erat populum suum a peccatis eorum. Cui autem

autem Irineus dixit, quod oportebat fieri qui saluarentur &c. hæc verba vel non referuntur ad primum hominem, sed ad alios ipsius primi hominis filios, vel, si de primo homine intelliguntur, illud verbum, fieri, idem pollet, quod prædestinari, nam quia reprobis nihil sunt in dei estimatone, neque eos nouit dominus approbationis noticia. Idcirco grauissimus iste pater pro eodem reputauit fieri homines, qui saluarentur per Christum, atq. prædestinari in Christum, & per Christum. Colligitur hæc explicatio ex illis verbis. Prædestinante Deo primum hominem animalem vt a spiritali saluaretur. Vel tandem dici posset sensum Irenei hunc esse, quod postquam deus ab æterno Christum prædestinauerat saluatorem, necessum erat necessitate consequentiz, quod in tempore produceret homines saluandos, siue primum hominem siue alios. Qui sensus est verissimus. Sed adhuc non caret difficultate explicatio sanctorum Patrum, Nam si Patres nihil aliud intellexerunt, quã quod christus propter peccatũ & in eius remediũ in carne venit mortali & passibili, qua ratione tam sine distinctione tamq. ore pleno dixerunt Christum non venturum, nisi homo egeret remedio? Dicunt aliqui docti, quod certe Patres tam sunt in hac parte absolute & indistincte loquuti, tamque in fauorem sententiæ S. Thom. quod si scriptura sacra tam aperte in eius fauorem loqueretur, non possemus integra fide ab ipsa S. tho. sententia recedere, verum hic modus dicendi a me nullatenus probari potest. Nam qui fateretur omnes Patres, quorum retulimus testimonia, sententiam S. Tho. affirmanter docuisse, valde temerarius esset si contẽarium eius asseueraret. Imo & erraret in fide. Cõcõrs enim Patrum sententia in explicatione alicuius scripturę sacrę testimoniij certum in fide facit illum sensum fuisse a Spiritu sancto intentum. Si ergo Patres tam vnanimi cõsensione illa superius a nobis citata scripturę sacrę testimonia in eo sensu explicuere, quod non extante hominis peccato filius Dei nullo modo in humanam carnem veniret, certa fide teneremur credere hunc esse legitimum illarum scripturarũ sensum, Quocirca dicendum est, quod sancti Patres in omnibus illis locis, in quibus fauere videntur sententię S. Thom. nihil aliud docuerunt, quam quod Christus originali peccato non extante, non moreretur neque carnem proinde passibilem & mortalem indueret. Et cum in scripturis sacris hoc nomen, caro, regulariter designet carnem non absolute, sed subiectam passionibus & miserijs per peccatum originale introductis, in quo sensu communiter factorum bibliorum interpretes intelligunt accipi carnem in primis verbis nostri prothematis, scilicet, verbum caro factum est. Hinc fit, quod sancti Patres intendentes docere Christum non venturum in carne passibili originali peccato semoto putauerunt se hunc sensum sufficienter explicare, vtendo hoc nomine carnis

aut nomine sanguinis, quod similem etiam intelligentiam habet. Quibus vocibus Patres quam sepius vtuntur aut alijs similibus, ex quibus hæc eorum intelligentia satis potest verosimiliter colligi. Verum quare tam absolute & tam absque aliquo distinctionis limite affirmant, Christum, nisi peccaret homo, non venturum in mundum, non satis adhuc est explicatum. Dicunt aliqui theologi, quod quemadmodum si quis statuto decreto efficacieque voluntate decreuerit Romam venire, præsciens tamen quod vocandus esset ab amico Romæ existenti: & ob id differret Romam venire, vsque ad ipsam amici vocationem, quam certo scit esse futuram, vere diceretur venire quia vocatus, & quod alias non veniret. Ita Christus dicitur venisse propter nostram salutem & in peccati remedium: & non venturus nisi instaret remedij nostri necessitas. Quia licet decretum & statutum apud se habuisset in mundum venire, nulla consideratione habita ad peccatum humani generis, ad eiusque reparationem & remedium, præsciens tamen futuri casus totius humanæ naturæ distulit aduentum vsque ad tempus opportunum, in quo homines a peccato redimeret, ab eiusque miseria liberaret. Cæterum hæc expositio non nihil apparet violenta. Quoniam certe valde improprie homo ille, de quo exemplum procedit diceretur venire Romam causa amici vocantis, cum nulla vocationis eius consideratione habita efficaci voluntate decreuerit Romam proficisci. Et adhuc improprie loqueretur qui diceret, hominem illum non venturum esse Romam, nisi fuisset, ab amico vocatus: cum antequam præsciens esset future vocationis decretum haberet Romam pergere.

Dicunt alij idcirco tam absolute Patres dixisse, & scripturam insinuasse, quod ita Christus venit in peccati remedium, quod peccato semoto non venisset in mundum. Quia ita Christus animatus erat adhuc in sinu Patris existens, itaque affectus ad hominum gloriam & exaltationem, vt cum primum originale maculam in humana natura existentem præuidit. Ita decreuit venire in mundum, vt remedium afferret homini, quod si in alio priori signo non habuisset apud se statutum & decretum hominem fieri, tunc primum illud ipsum statuisset, & decreuisset, & ita quasi denuo statuit. Verum hic dicendi modus sufficientissimus plane est ad saluandum proprietatem sermonis illius qui familiaris est scripturis sacris, nimirum Christum in remedium peccati venisse, & propter hominum redemptionem. Nam illa animi preparatio, quam modus iste dicendi non irrationabiliter commentatur in Deo, (dum tamen omnis successionis & mutabilitatis secludatur imperfectio) sufficiens est ad hunc modum loquendi omni cum proprietate verificandum. Quemadmodum Philosophus cui ratione naturali antequam ad fidem veni-

ret, constabat Deum esse omnipotentem & vnum, postquam fidem Christi accipit, non improprie dicitur fide tenere veritatem eandem: quatenus paratum habet animum, vt quamvis cessaret omnis ratio ex lumine naturali desumpta, quæ illi prædictam veritatem ostenderet, eam nihilominus certa fidei persuasione amplecteretur. Caterum præfata illa animi præparatio in Deo, & noua complacentia decreti præhabiti, ex cuius vi Christus in mundum esset venturus: nullatenus sufficit vt cum proprietate dicamus, Christum non venturum in carne, si natura humana non indiguisset peccati remedio. Quoniam indigentia naturæ humanæ consequenter & per accidens omnino se habuit ad decretum illud primum, ex quo necessarius fuit, suppositionis necessitate, ipse Christi in carne aduentus.

Hæc eadem ratione impugnatur id quod dicunt alij. Nimirum, quod postquam Deus in primo illo decreto statuit, vt Christus in mundum veniret, in alio rationis signo efficaci voluntate voluit originale peccatum permittere, vt esset occasio ipsius Christi aduentus, quod satis est, vt Christus dicatur venisse in peccati remedium. Afferunt exemplam, qui ita dicunt, ex illo 1. Reg. 16. vbi postquam Dominus Samueli præcepit, vt iret Betleem, vt ibi David in Regem yngeret, Samueli dicenti quomodo vadam, audiet enim Saul, & interficiet me? Respondit Dominus. Accipe vitulum, & dic ad sacrificandum Domino veni. Quod ipse Samuel fecit, & respondit, & id quidem sine mendacio: eo quod licet sacrificium non esset prima, & præcipua causa, erat tamen immediata, & proxima respectu aduentus Samuelis in Bethleem. Hic modus dicendi primo non adhuc tanta cum proprietate, atque modus præcedens saluat proprietatem sermonis illius, quo scripturæ sacræ dicunt Christum venisse in peccati remedium, Quia sicut sacrificium Samuelis non erat assumptum à Deo, vt sufficiens causa itineris in Bethleem, neque enim Deus illum ad sacrificandum mitteret, nisi extaret causa regalis vñctionis. Ita iuxta hunc dicendi modum peccati remedium rationem tantum habuit impulsivæ causæ, & non motivæ & sufficientis: neque enim sufficiens causa esset propter quam Deus filium suum in mundum mitteret, nisi decretum iam, & statutum habuisset in primo signo, ipsum in humanam carnem mittere. Autores autem præcedentis solutionis libenter fatentur, quod peccati remedium, & si non fuerit prima causa, fuit tamen vere sufficiens, ita vt si alia prius non occurrisset Deo, propter quam decrevit filium mittere mundum, ipsa sufficeret sola ad huiusmodi diuinum decretum. Sed quicquid de hoc sit, illud tamen est certum, quod neutra ratio harum sufficit ad verificandum id quod Sancti dicunt, puta, quod Christus non

Itus non veniret in mundum nisi instaret humani generis necessitas.
 Nec enim posset dicere Samuel absque mendacio, quod si non esset
 sacrificaturus Deo, non veniret ad Bethleem, cum priusquam tra-
 ctatum fuisset de sacrificio, præceptum iam erat illi a domino ut in
 Bethleem proficisceretur. Missum facio, nulla ratione fieri verosimile,
 quod eo modo scriptura sacra incarnationis Christi causam nobis
 exponat, quo Samuel volens iniustam Saulis iram effugere, prædicta
 fuit equiuocatione usus, quæ ob Saulis malitiam Samueli fuit lici-
 ta, quamvis inde Saul occasionem deceptionis acciperet, occasio-
 nem, scilicet, existimandi illam esse præcipuam causam. Nam talis
 deceptio ipsius Saulis malitiæ erat imputanda. At scriptura sacra ve-
 ram nobis voluit rationem & causam Christi incarnationis expo-
 nere, & non errandi occasionem præbere. Nulla enim ex parte ho-
 minum malitia est commentanda, propter quam licita esset talis equi-
 uocatio. Missum præterea facio, illud Samuelis exemplum valde ef-
 se dissimile; Quoniam postquam Deus præcepit Samueli, ut in Beth-
 leem sacrificium offerret. æque tenebatur obedire Deo in oblatione
 sacrificij, atque in vñctione Dauidis in Regem, atque adeo respectu
 eius sufficiens, & efficax causa erat offerendum sacrificium, ut Beth-
 leem adiret. Dicunt tandem alij, quod sancti patres executionis ordi-
nem, non intentionis considerant. Et secundum executionis ordi-
 nem decrevit Deus filium non mittere, nisi in peccati remedium.
 Quod ob id permisit, ut in eius remedium veniret Christus, et non
 alias. Hæc interpretatio haberet locum in illa priori intelligentia
 opinionis secundæ, quam non penitus superius improbauimus, se-
 cundum quam in ipso Christi incarnationis decreto implicite inuo-
 lubantur, & peccati permissio, & humani generis reparatio, tanquã
 media ad executionem necessaria. Cæterum sententia Scoti hanc vir-
tualiter continentiam non admittit. Vnde non potest ei ista accomo-
 dari solutio & doctrina. Quod vero non procedat solutio ista, si Chri-
 sti prædestinatio non includit virtualiter peccati permissionem, eiusque
 remedium, patet. Illud prædestinationis Christi decretum fuit absolu-
tum & efficax, & totaliter independens a peccati permissione, quia
 neque illam in aliquo genere causæ præsupposuit, neque ut necessa-
 rium mediũ virtualiter inclusit. Vnde ergo, ab ea in executione pen-
dere potuit? nisi per accidens forsan ex voluntate Dei supervenien-
te & id ordinante, quæ constare nequit nobis. His ergo & alijs præ-
 termisiss. Dico primũ in huius rei expositionem. Absolute & sine di-
 stinctione fatendũ est (etiam supposita Scoti opinione) quod Chri-
 stus venit in modum in peccati remedium, Patet, quia ita loquuntur
 scripturæ sacræ, a quarum loquendi modo nemini recedere licet.
 Non enim per hyperbolem, aut per figuram ita loquuntur, sed proprio
 & plano

& plano ac eis familiari sensu, quem proinde loquendi modum & possumus, & debemus imitari. Et mihi quidem valde placet secundus ille modus dicendi relatus ad proprietatem huius scripturarum loquutionis tuendam, videlicet, quod præuiso peccato Deus paratum habuerit animum & ita expeditum ad mittendum filium suum in mundum, atque si ante illud facere non decreuisset.

Dico secundo. Supposita Scot. opinione non esset absolute concedendum, quod Christus non veniret in mundum nisi exstaret humanae naturae necessitas, sed hoc dicendum esset aliquo addita mento apposito, ex quo, vel formaliter, vel virtualiter daretur intelligi, quod Christus non veniret in carne passibili, & mortali crucisque morti adiectus, nisi talis instaret necessitas, & ita loquuti sunt Sancti Patres, ut superius aduertit. Qui tamen prætermisere disputationem de qua nunc agimus, an scilicet, Christus non extante peccato aliter veniret, & quia nihil certum ad eius resolutionem poterant ex sacris scripturis asserere, & quia eius resolutio parum referebat ad fidem & mores. Iuxta hæc, quæ diximus, intelligenda est tertia quintæ conclusionis pars.

Solutionibus argumentorum deinceps insistere oportet. Et primo quidem soluenda sunt argumenta, quæ pro prima informauimus sententia.

Ad primum igitur argumentum principio assero. Non esse certum quod illa Paul. verba, scilicet, primogenitus omnis creaturæ, referri debeant ad Christum ratione humanitatis eius, quamuis sit valde probabile. Quia præter autores quos in argumento pro hac retuli intelligentia, docent id ipsum Athanas. in sermo. 3. contra Arianos, & in tractatu de definitio. & Cyrill. in lib. de incarnatio. vni geniti c. 1. & Dialo. de trin. li. 4. Et Concil. Sardicense in Epist. ad omnes episcop. Dico tamen non esse certam hanc Paul. intelligentiam, quoniam alij quidam Patres & grauissimi biblyorum interpretes censent illa verba ad Christi diuinitatem fore referenda ita Ambros. super illum Paul. locum & S. August. lib. 1. de Trinic. cap. 12. Chrysostom. super hæc verba. Pauli. Etsi in 1. cap. ad Hebr. tantisper uisus fuerit priori interpretationi fauere. Et Basilii lib. 4. contra Eunomi. inquit. quod sicut Christus dicitur primogenitus ex mortuis, quia est causa omnibus mortuis resurgendi, ita ipsemet Dei filius ut patris verbum dicitur primogenitus omnis creaturæ, quia est omnibus causa essendi. Cæterum supposita priore intelligentia, quæ ad humanitatem Christi illa verba accommodat, respondeo primum, quod in eo sensu Paul. Christum appellauit primogenitum omnis creaturæ, in quo vocauit illum primogenitum ex mortuis, cui intelligentiæ fauet Cyrill. citato in loco. Et multo clarius Concil. Sardic. in epist. citat.

Solutiones
argumento-
rum primæ
opinionis.

Summ. 3. p. 11. 29

citat. & colligitur aperte ex Athanas. locis citatis, & quidem in tractat. de definition. quærens quare Christus dicatur primogenitus, nihil aliud respondet, quam quod eo quia primus ab inferis surrexit non amplius moriturus. Et sermo. 3. citato exponens illa verba Paul. Ita dicit. Veritas ipsa docet eum primogenitum inter multos fratres appellatum fuisse ob carnis nostræ cognationem, Primogenitum quoque ex mortuis eo quod per eum & cum eo resurrectio mortuorum inceperit. Primogenitum, porro omnis creaturæ eo quod pater suo in homines amore per verbum suum non solum omnia condere, Verum etiam quia creaturam, de qua loquitur Apostol. accepta reuelatione filiorum Dei liberare voluerit ab omni seruitute corruptionis in libertatem gloriæ filiorum Dei, atque ita creatura in libertatem vindicata futurum est vt & sit dominus noster, & istius, & omnium adoptiuorum primogenitus, & vt in ipso qui primus dicitur hi qui post ipsum subsequuntur, quasi suo principio conferti, coaptatique perdurare queant. Et paucis interiectis sic ait. Ita vt patris quidem vnigenitus quoniam ex eo solus & vnicus est, Creaturæ autem primogenitus, quoniam omnes per eum ius filiorum adoptionemque adipiscuntur, Ex his verbis & alijs multis quæ ibidem habentur, manifeste colliguntur duo, Alterum quod nomine creaturæ in illis verbis. Primogenitus omnis creaturæ. non omnis creatura, vt insensibile & brutam cōprehendit, sed homo duntaxat intelligitur qui à S. Paul. ibidem aduertente Athanas. noua creatura vocatur. si qua inquit in Christo noua creatura, &c. illa interposita Athanasij verba. Creaturam de qua loquitur Apostolus, istud primum insinuant. Sed expressioribus verbis id asserit ibi Athanas. reputans magnum absurdum quod Christus cōparacione ad bruta animantia, & ad res insensibiles primogenitus dicatur. Quia non debet neque potest harū rerū frater vocari. Et in eadem fuit sententia Hiero. versans illud Pauli Ro. 8. expectatio creaturæ, &c. Alterū quoque ex Athan. verbis colligitur, Christū scilicet, ob id primogenitū omnis creaturæ vocari, quia primus fuit prædestinatus, & in ipso prædestinati sunt omnes, qui perfectam & consumatam filiorum Dei adoptionem accipient: quæ tūc erit vndiquaque perfecta, quando in vltimo die Beatorum animæ reassument corpora in glorioso immortalitatis statu constituta, ad instar resurrectionis Christi qui fuit primitiæ dormientium. Ex hac autem Athanas. intelligentia, nullatenus inferri potest, Christum fuisse prædestinatum prius ordine rationis, quam Deus totum istud creaturarum vniuersum futurum præordinaret. Sed colligitur duntaxat quod prius ratione Christus prædestinatus fuit, quam cæteri prædestinarentur homines. Posset etiam dici (& non longe à mente Athanas. in eodem loco) quod Christus dicitur primogenitus om-

his creaturæ non comparatione ad ipsam primam creaturatum productionem & creationem. Hæc enim non ad Christum, vt hominē, sed ad ipsum, prout Dei verbum, est referenda. Sed dicitur omnium creaturatum primogenitus, comparatione ad eam reformationem & nouitatem, quam omnis creatura accipiet, cum in vltima hominum resurrectione reuelabitur gloria filiorum Dei. Tunc enim, vt Paul. Rom. 8. dicit, omnis creatura liberabitur a corruptione seruitutis. Nam tunc Deus cælum nouum, & terram nouam faciet, non secundum substantiam, sed secundum nouam eorum perfectionem. Et omnis creatura in ipsa hominis renouatione (qui Marci cap. vltimo. ois dicitur creatura) reformabitur, & renouabitur, ac simul cum homine resurgente in nouam resurget vitam. Ac proinde quasi de nouo generabitur, sicut ipsa hominis resurrectio, regeneratio in scripturis sacris vocatur. Respectu igitur huius nouæ totius creaturæ naturalitatis Christus dicitur primogenitus omnis creaturæ. Chrysost. hom. 11. Ad popul. hanc interpretationem verbis expressissimis docuit.

Tercio respondēri potest cum Hier. exponēte eadē illa Pau. verba: Primogenitus ois creature, qđ primogenitus appellatus est Christus non duratione præcessionis, sed dignitatis prioritate. Itaq. nō vocatur primogenitus ratione æternæ prædefinitionis, sed rōe tēporalis generationis, in qua nō tpe, sed dignitate creaturas oēs antecessit.

Quarta respondetur, Argumentum illud primum nullatenus procedere aduersus S. Thom. sententiam, in illo sensu quem cæteris esse dixi præferendum, nimirum, quod licet in genere causæ materialis, præcesserit etiam intentionis ordine ipsa totius vniuersi, totiusq; & naturæ, & gratiæ ordinis constitutio, in genere tamen formalis causæ præcessit simpliciter ipsa Christi prædestinatio. Dixi simpliciter, quia secundū quid, humanæ naturæ redemptio, etiam in genere finalis causæ, vt superius exposui, eandē præcessit Christi prædestinationem: secundum quod Christus prædestinatus fuit non absolute, sed vt vērū in carne passibilis, & mortali humanæ redemptioni accommodatæ. Iuxta hanc sententiā argumētū illud nullā vim hēt. Nā concedimus ei, quod intendit, Christū, scilicet, primogenitum esse ois creaturæ. Quia decretū incarnationis eius, quæ generatio in literis sacris quā doq. vocatur, vt ps. 2. ego hodie genui te, prius fuit, prioritate causæ finalis, quæ est prioritas simpliciter, quam totius vniuersi constitutio. Non autem tam facile soluitur hoc argumētū, si sequamur modum alium a nobis excogitatum, & vltimo loco in quinta conclusio ne positum: iuxta quem in primo decreto non fuit facta expressa incarnationis Christi mentio. Posset tamen dici, quod ex vi illius primi decreti, in quo Deus voluit se communicare triplici

illo possibili communicationis modo, & potissimum summa cōmū-
 nicatione, quæ est vnio hypostatica, ortum habuit specialis illa
 Christi prædestinatio, quæ in alio signo, & alio decreto cōstituta est.
 Nam in illo primo decreto, vt superius dixi, implicabatur efficax vo-
 luntas permittendi originale culpam in natura humana, ac proinde,
 & assumendi eandem naturam per hypostaticam vnionem.
 Imo, & quod persona hanc naturam assumens, ipse esset Dei filius. Et
 hoc vltimum probatur. Quia posita originalis peccati præsciencia,
 continuo insurgebant congruentiæ illæ superius a nobis expositæ, &
 aliæ innumeræ, ob quas conueniens erat, vt potius diuinum verbum
 negotium reparationis humanæ sibi assumeret, quàm alia diuinæ Tri-
 nitatis persona. Et inter alias congruentias, quarum non meminim⁹,
 quæ sunt innumeræ, de quibus legatur Alexan. Alens. 3. part. quæst. 1.
 membr. 5, art. 1. Illa est præcipua. Congruum fuisse & diuinam sa-
 pientiam decens, vt filius, qui est figura & substantialis imago patris
 repararet, & reformaret illam Dei imaginem & similitudinem, in
 qua homo a principio ex præcipua ipsius Dei consideratione fuerat
 conditus, vt constat ex illo Genes. 2. faciamus hominem ad imaginē
 & similitudinem nostram. Quam similitudinē peccatum abstulerat,
 ipsamq; deturpauerat & sedauerat Dei imaginē. Huic cōgruentiæ at-
 testatur Paul. ad Ro. 8. illis verbis. Quos prædestinavit cōformes fieri
 imaginis filij eius. Cum ergo in illo primo communi diuinæ men-
 tis decreto, implicita fuerit Christi incarnatio, quamuis explicita, &
 formalis eius prædestinatio non intelligatur nisi post decretum crea-
 tionis mundi: non improbabilius dici potest, quod, christus hac ra-
 tione potuit primogenitus omnis creaturæ vocari. Sed cui hæc solu-
 tio non placuerit, recurat ad alias præcedentes, quæ sunt sufficientis
 firmæ, & in ipsa Patrum doctrina fundatæ.

Ad secundum argumentum omnino negandum esse censeo, quod
 Paul. per illa verba, Ante mundi constitutionem, non intellexerit ip-
 sam realem productionem creaturarum, sed æternam eiusdem pro-
 ductionis dispositionem, & præordinationem. Neque reperiō in Pa-
 tribus illam intelligentiam huic Paul. textui accommodatam: sed pla-
 no sensu procedentes intelligunt Pau. fuisse loquutū de illa externa
 mundi constitutione, quā Moyf. Gen. 1. factā descripsit, In principio
 inquit, creauit Deus cælum & terrā. Legantur sacri expositores su-
 per illum locum, speciatim Hieron. & Ambr. Legantur patres locis
 in hac quæstione citatis. Et qui legerit, videbit hanc fuisse Patrum
 sententiam. Ad impugnationem autem eius in argumento
 insinuatam dicitur eam fuisse Paul. mentem in illo loco, quod
 antequam Deus in tempore crearet mundum, ab æterno nos ele-
 git in Christo principali electione. Ita quod aliarum rerum crea-
 ndarum

darum electio huic comparata, pro nihilo reputabatur in ipsa Dei æstimatione. nec creaturæ aliæ, quamlibet perfectæ pertinerunt ad principalem & potissimam dei electionem & prædestinationem solis prædestinati concessam. Nam quamuis voluit fuerint & electæ à Deo res omnes aliæ, quas produxit in tempore, in earum tamen electione quasi ludēs, & fere nihil agens se gessit Dei sapiētia. Cū vero ad electorum prædestinationem peruentum fuit, serio & magna consideratione tractatū est negotiū, agebatur enim de re valde chura Deo. Vt pote de mēbris Christo capiti miro vnionis glutino incorporādis, & indissolubili vinculo cōiūgēdis. Solet adhuc notari, id qđ diuina sapiētia Prou. 8. dicit. Eram ludens corā illo per singulos dies, id est, ludebam in dispositione earum rerum, quæ spacio sex dierum Genes. 1. narrantur à Deo creatæ, & subiungit. Et delitiæ meæ esse cum filiis hominum. Notetur verbum, esse, denotat enim permanentiam, & perpetuitatem quæ ex ipsa oritur prædestinatione. Expendatur præterea illa dictio. Et, quæ causalem, vel quasi causalem reddit sensum, hunc, scilicet, idcirco in aliarum rerum dispositione ludebam, quia delitiæ meæ nō illis in rebus, sed esse cum filiis hominū. Legatur ad pleniorē huius solutionis intelligentiam S. Thom. 1. pa. q. 2. 3. artic. 7.

Secundo respondetur eidem argumento, quod si vellimus intelligere illa Paul. verba, in sensu quem argumentum contendit, ita quod constitutio mundi non ad externam & temporalem eius creationem, sed ad in æternam, & internam ipsius in Dei mente præordinationem sit referenda, facilius dici potest, quod illa particula. Ante, non denotat ante cessionem durationis, aut naturæ prioritatem, sed auctoritatem & dignitatem electorum in Christo, in quo sensu Ioan. Bap. Ioan. cap. 1. dicebat qui post me venit, ante me factus est, ante me, id est, dignior me, mihiq; prælatus est, vt inquit, Augustin. Itaque sensus Paul. est, quod in illa æterna rerum omnium constitutione, & præordinatione, prædestinatorum electio multis partibus in dignitate, & excellentia præstat constitutioni, & præordinationi aliarum rerum, consideratis ipsis obiectis diuinæ præordinationis, & inter se comparatis. Nam ex parte diuini actus omnia sunt æqualia. In hoc sensu referebam paulo superius S. Hyeron. exponentem illa verba. Primo penitus omnis creaturæ. Ita vt primogenitus solam dignitatis prioritatem & antecessionem in humana Christi generatione importet.

Tertio denique respondetur illud argumentum, vt plurimum probate Christi prædestinationē in genere causæ finalis præcessisse æternam eorum omnium præordinationem: quod nos libenter admittimus. Sed quod attinet ad ordinem prædestinationis electorum,

per comparationem ad constitutionem totius vniuersi, nisi duas supra positas solutiones amplectamur, hoc argumentum non facilem in doctrina Sanct. Thom. solutionem habebit: secundum quam non possumus negare, quin hominum prædestinatio præsupponeret originalis peccati præscientiam, ac præscientiam proinde hominis creati, & totius vniuersiconstitutionis. Possemus quidem dicere hac stante Sanct. Thom. doctrina, quod sicut de Christi prædestinatione dicebamus, eam præcessisse in genere finalis causæ præordinationem ordinis vtriusque & naturæ & gratiæ, fuisse autem in genere materialis causæ posteriorem: ita hominum prædestinatio in genere causæ finalis antecessit æternam vniuersi totius constitutionem, quam tamen prioritatem causæ materialis præsupposuit, quantum ad primariam saltem eius constitutionem, Nam multa singularia, quæ effectus sunt prædestinationis, in nullo genere causæ ipsam præcesserunt in diuina præscientia. Hæc solutio est satis accommodata ad multa soluendum argumenta, & existimo esse valde rationabilem ac proinde amplectendam, iuxta quam ita tenemur procedere in disponendo ordine diuinæ præordinationis: quod post quam Deus specularice notitia tres nouit ordines sæpe connumeratos, quibus suam poterat bonitatem diffundere, mox in primo signo rationis prædictæ prædestinauit Christum, ut esset filius Dei naturalis atque itidem redemptor, & saluator hominum, principatumque super omnia teneret. In secundo vero eiusdem rationis signo quidam homines Deus in Christo, & per Christum elegit, ac iane prædestinauit, quos præfecit & miseris reprobis, (quorum reprobatio ad idem signum reduci potest) atque cunctis alijs rebus homine inferioribus. Nam sic ut oia propter semetipsum operatus est dominus, & impium quoque in diem malam, ita & eadem omnia sibi dilectissimis prædestinatis subiecit, neque plane mirum, nam cum sint coniunctissima Christo capiti membra: eaque capiti deseruiunt, equum erat in seruitium quoque & obsequium corporis destinarentur. In tertio tandem signo præordinauit totam earum rerum dispositionem, quæ ad ordinem spectant naturæ. Cæterum hæc dispositio, quæ simpliciter pertinet ad tertium signum, secundum quid, id est, secundum ordinem causæ materialis pertinet ad duo priora signa, estque prior in isto materiali genere vtraque prædestinatione & Christi, & sanctorum.

Tertium argumentum nunc nunc assignata solutione diluitur: neque oporteret vllum verbum addere; nisi nos cogeret noster ille vltimus dicendi modus circa quintam conclusionem excogitatus. Iuxta quem sanctorum prædestinatio præsupposuit absolute decretum constitutionis mundi secundum ordinem naturæ, & gratiæ dispositum. Imo & ipsa Christi prædestinatio formaliter

sumpta

sumpta istud præsupponit decretum, iuxta modum declaratum ibidem. Vnde aliter oportet hoc argumentum diluere, vt illud dicendi modum probabiliter tueamur.

Secundo ergo responderetur huic argumēto tertio per interemptionem præmissæ maioris. Probationi dicitur, quod ex Paul. testimonio ibi citato colligitur, & id quidem non infirma deductione, Christum finem esse rerum omnium. Prædestinatos similiter, omnium eorū finē esse quæ sub ipsis cōtinētur. Ad hanc autē subordinationem saluandam, non est necesse, vt in prædestinatione & prædefinitione in dei eternitate constituta, prius rationis ordine christus fuerit Prædestinatus, quam fuerit ordinata rerum naturalium creatio. Nam cum ad manifestandam Dei bonitatem & gloriam, qui est vltimus finis, & precipue a Deo intentus, rerum naturalium creatio, ipseque naturalis ordinis constitutio non per se pendeat a Christi prædestinatione, & multo minus a prædestinatione sanctorum, nulla est necessitas constituendi illam prioritatem & antecessorem finalis causæ in decreto prædestinationis christi, aut sanctorum respectu decreti creationis rerum. Sed potius ratio probabilis postulat, vt cum Christi prædestinatio, atque etiam sanctorum per se pendeant in genere cause materialis ab ipsa vniuersi constitutione, quod tota Dei præordinatio & rerum dispositio inchoauerit simpliciter a decreto constitutionis mundi, tanquam a fundamento omnium disponendorum. Non me latet, hanc dependentiam prædestinationis Christi, & sanctorum a mundi constitutione, vt a fundamento non esse sufficientem ad inducendam prioritatem simpliciter: quia poterat esse ex alio extremo maior dependentia, videlicet, formalis aut finalis, & ita tantum induceret prioritatem secundum quid, id est, in suo materiali genere, quod iam superius ipse dixeram. Sed tamen supposito quod non sit, vt superius probaui, dependentia ordinis naturalis & constitutionis mundi a prædestinatione Christi aut sanctorum in genere formali aut finali respectu diuinæ providentiæ, quæ licet magis respiciat Christi prædestinationem, & sanctorum quam totam rerum vniuersitatem, non tamen prius nec immediatius: idcirco illa fundamentalis dependentia inducit prioritatem simpliciter in diuinis decretis. Quia ex alio extremo non est vnde coarctetur & limitetur hæc prioritas: atque ita manet prioritas simpliciter a nulla prioritate alterius generis pendens. Vt autem vere, & proprie dicamus, quod omnia naturalia ordinantur in christum & in prædestinatos tanquam in finem, satis fuerit dicere cum Siluestro in q. 1. primæ dominicæ Aduentus. Quod & alij grauissimi docuerunt theologi, quibus annumerandum censeo Caiet. 3. p. loco citato, quod postquā deus tribus decretis in sua æternitate statuit mundum

creare, Christum incarnari, electos saluari. Inter quæ decreta primum fuit creationis mundi, secundum prædestinationis Christi, & tertium electorum prædestinationis, quæ ab vno primo vniuersalissimo decreto quasi primam traxerunt originem, in quo Deus voluit se summo possibili modo communicare, quæ communicatio consistit triplici illo ordine superius expositio. Inuensq; excessum perfectionis quo Christus res vniuersas, & naturalis & sup̄ naturalis ordinis superabat: eas omnes in Christum reducit vt in finem, eumque ipsis omnibus prætulit, & præposuit, & eas omnes ipsi Christo subiecit. Prædestinatos quidem immediate tanquam præcipua christi capitis membra, & quæ præcipuum ab ipso influxum participant: res autem alias omnes mediate & remotius, & ipsis medijs prædestinatis: quibus, tanquam præcipuæ post Christum totius ordinis a deo prouisi parti, subiecit & submitit res alias omnes, & ad ipsos vt ad finem proximum ordinauit, quo mediante in Christum, & Christo mediante in deum referrentur, quia Deus est Christi, vt hominis, caput. Hunc discursum seruauit Paul. in loco qui in tertio argumento refertur.

Sed dices quare deus hunc ordinem quem inter Christum, prædestinatos, & res alias omnes iam præordinatas constituit, non seruauit in printa harum omnium rerum præordinatione. Ita vt a decreto prædestinationis Christi totus ordo diuinæ præordinationis inchoaret? Respondetur consentaneè ad ea quæ iam diximus. Quod primus præordinationis ordo non debet attendi secundum rerum perfectiones, sed secundum dependentiam & habitudinem quam habent inter sese in ordine ad finem quem per se primo & principaliter prouisor intendit, quia tunc non attenditur ad perfectiones ipsarum rerum, quæ vt media ad illum finem assumuntur, sed ad habitudinem quam habent ad ipsum finem. Vnde si immediate & ex æquo hæc omnia media illum præcipuum respiciunt finem, quem prouisor intendit, & sine dependentia vnius ab alio, quamuis sint disparis & inæqualis perfectionis, ex æquo tamen, id est, independenter, omnes acceptantur, vt media ad illum finem. At postquam iam cessauit illa immediata consideratio vltimi finis, & agitur de ipsis rebus ad illum finem acceptatis & ordinatis, considerari debet particularis earum perfectio: & quæ perfectior fuerit & excellentior, potiori loco debet haberi & reponi.

Ad confirmationem tertij argumenti respondetur eisdem solutionibus quibus diluimus ipsum tertium argumentum. Concedimus enim prædestinatos habere rationem finis cōparatione ad res omnes alias ipsis inferiores, & quod ipsa infensibilis creatura suam tunc omnem consumationem accipiet, quando consumata fuerit & reuelata ipsorum prædestinatorum gloria. In solutione primi diximus nonnulla

quæ ad

quæ ad huius confirmationis solutionem valde expediunt. Hieron. super hæc Pau. verba, varias refert eorum intelligentias, & tandem in eâ propendit, quæ creaturæ nomine solam intelligit rationalem, quæ omni eâ parte cōsumabitur in die generalis resurrectionis. Eandem sequuntur expositionem. Au. lib. 83. q. in. q. 67. & lib. 1. retract. c. 26. & Gregorius. lib. 4. moral. cap. 42.

Quærum argumentum ex duobus etiam solutionibus tertio argumento assignatis diluitur. Concedo enim Christum esse omnium rerum egregium & excellentissimum epilogum, in quo deus omnia recapitulauit, & in quem retulit & ordinauit omnia, tanquam in excellentem finem: Siue hoc fuerit in primo decreto, siue in secundo, siue in tertio, nam de hoc nihil ibi dixit Paul. sed theologico reliquit discursui, & disputationi sapientum.

Quintum argumentum quod tantopere magnificat Scotice scholæ Primipini & Antesignani, & quo putant se rem efficere aduersus Thomisticam doctrinam, valde ex dictis infirmum, & penitus enervatum relinquitur. Nam primum concedimus Scoto, deum prius in ordine causæ finalis Christum dilexisse & prædestinasse, quam prædestinauerit sanctos, quamque præordinauerit ipsam totius vniuersi siue visibilis, siue inuisibilis machinam. At quod in ordine materialis causæ non deus præscierit, & approbauerit res ad naturæ ordinem spectantes, vnde probat Scotus? Atque adeo neque probat, quod præscientia originalis peccati non antecesserit secundum ordinem materialis causæ Christi prædestinationem.

Dico præterea, illud argumentum nec etiam sufficienter probare, quod Deus prius ordine causæ finalis Christum prædestinauerit, quam mundi constitutionem disposuerit. Nam illa Scot. propositio. Omnis ordinate volens magis & prius vult ea media, quæ sunt fini propinquiora. Habet verum quando media sunt propinquiora in hoc sensu, quod prius & immediatius, atque independentius participant ipsam finis bonitatem, & convenientiam, & dependent ab ipsis alia media participant eandem finis convenientiam & bonitatem. Falsa autem est illa propositio, si intelligatur de medijs, quæ propinquiora sunt fini ratione perfectionis duntaxat, vt in præsentia contingit. Dicere solent Dialectici (quod non erit extra causam referre) species quæ sub genere continentur, non esse perfectionis æqualis, neque equaliter secundum perfectionem ipsam generis essentiam participare, quia vt Arist. 7. Phys. tex. 17. & 18. dicebat, in genere latent multa, seu, vt alia versio habet, latent æquiuationes, id est, multæ species perfectionis inæqualis. Sed nihilominus omnes species æqualiter participant essentiam & rationem sui generis: æqualiter, id est, immediate & siue dependentia vnus ab alia. Itaque maior perfectio in vno extremo

extremo non infert alterius extremi dependentiā ab ipso, neq. dependentiā vtriusq. extremi ab aliquo superiori, cui vtrūq. subordinatur. Quare ex eo quod christi prædestinatio lōge sit perfectior, quā tota vniuersi visibilis, & inuisibilis constitutio, nō legitima consecutione deducitur, quod in ordine ad illū yltimū finē, quē deus intendit, ipsā nempe, suæ maiestatis & gloriæ manifestationem, res ordinis naturalis, & quæ ad constitutionem vniuersi spectant, aliquam habeant dependentiam, præsertim quoad substantialem sui dispositionem, a christi prædestinatione & gloria, & a prædestinatione sanctorum. Vnde ex toto Sco. discursu tantū colligitur, quod deus magis amat christū & eius gloriā, quā res alias vniuersas. Non tamen infert discursus ille, quod prius in primo præordinationis ordine ipsū. Deus amaue- rit, & prædestinauerit, quam totam ipsam mundi constitutionem ordinauerit & dispulerit faciendam.

Ad confirmationem responderetur primo, quod si Christus ex vno extremo, & res aliæ omnes ex altero seorsum sumantur, & non per respectum & subordinationem ad vnum: bene concluderet illa confirmatio, concedendaq. proinde esset eius consequentia. Ceterum consideratis & christo & rebus alijs omnibus per modum vnius totalis medij vnico supremo fini & vltimo subordinati, non oportet, imo vix fieri potest, quod prius christus diligatur & ametur, quā res aliæ: nisi aliæ res ab ipso christo pendeant secundum habitudinem ad illud finem. Nam si ex quo aliquid finem se habent, & non res aliæ mediante christo, nulla ratio est propter quam aliæ res postea- tius diligantur & amantur, quamuis diligantur minus, quia sunt minus perfectæ, & imperfectius participant finis bonitatem, & convenientiam.

Secundo respondeo, quod etiā si christus, & res aliæ omnes seorsim considerentur quasi duo extrema nulli superiori rationi subordinata: adhuc non est necessarius ordo inter amorem christi, & amorē caliarum rerum. Nā ut inter se hæc extrema essentialiter non pendent, quod vñ sit perfectius altero tantum infert, quod sit magis diligibile, nō vero q. sit prius diligibile. Quoniā & si leo sit perfectior equo, non subinde dicere tenemur, quod deus vt autor naturæ in prima rerum constitutione prius leonē quam equum voluerit, & amaue- rit, & si magis amauerit: quia deus magis diligit quæ meliora sunt, & perfectiora. Ecce quomodo modū tota illa Sco. argumentatio debilis est, & plus verborum habens, quam roboris. Et illud habet ambiguum peccatum, quod pro eodem reputat aliquid magis diligi, & prius diligi: quæ est manifesta & vocis & mentis æquiuocatio.

Ad auctoritatem Ruperti Abbatis qui in huius sententiæ confirma- tionem adducebatur responderetur, Rupert. nihil dixisse aliud, quam id quod

id quod nos libenter fatemur, videlicet, christi prædestinationem in ordine finalis causæ & hominum & Angelorum prædestinationem antecessisse, & totam vniuersi constitutionem. Quod si quid aliud docuit, singularis fuit in hac scētētia inter oēs graues autores et patres.

Ad sextum argumentum. Non possum non mirari quo pacto auctores graues, & in Patrum lectione versatissimi huic argumento tantum deferant, vt ipsum fere palmare, vt aiunt, & efficacissimum esse crediderint. Cum inter omnia argumenta quæ pro hac sententia solent afferri, sit debilissimum, & quantum opinor, est impertinens. Primo, quoniā adhuc non est res omnino constans num in illo loco prouerb. 8. Salomon de sapientia increata sermonem instituerit, an potius de illa creata sapientia, quam ipse & petiuit & impetrauit à Deo 3. Reg. c. 3. Nam quod hoc testimoniū de creata sapientia possit intelligi; illudque sic intellexerint olim multi doctissimi viri, docent August. sermon. 58. de verbis domini & Hierony. versans illa eadem verba & Grego. Nazianze. oration. 36. num. 5. Quod si posteriores Patres hunc locum de creata sapientia intelligendum esse tam libenter dixerunt, eo plane fuit, vt ex August. & Nazianzen. colligitur, ne Arriani hæretici qui ex hoc loco prouerb. 8. suum conabantur errorem alicere, Christum creaturam esse asseuerantes, putaret Catholicos ecclesiæ Patres & doctores suorum argumentorum difficultates effugere, deesseque illis modum quo possent eorum argumenta manifestis solutionibus diluere. Et obid probabilem scripturæ sacræ negarent intelligentiam. Nam quod locus iste de increata possit sapientia intelligi, nemo est qui ambigat. Nam huic intelligentiæ valde fauent multa quæ in contextu illius loci habentur, quæ multo suauius ad increatam quam ad creatam sapientiam accommodantur, vt legenti fiet manifestum. Deinde secundo, supposito quod de increata sapientia hoc testimonium debeat intelligi, & quod referendum sit ad humanam naturam, quam ipsa Dei sapientia sibi in tempore copulauit (nam vtrumque ego libenter admitto quia vtrūque grauissimi docuerunt in eodem sexto argumento citati Patres) nulla potest verosimili ratione ex antiqua Patrum doctrina colligi, quod illa sapientiæ creatio, de qua ibi fit sermo, fuerit disposita & præordinata ante omnem mundi constitutionem & præordinationē. Quoniam omnes fere Patres, quibus de interpretatione huius loci incidit sermo, dicunt sapientiam fuisse creatam, id est, præordinatam ab æterno in humana carne venturam, vt initium esset viarum Dei, id est, operum euangelicæ doctrinæ quæ sunt propria Dei opera speciali consideratione ab ipso præordinata. Et quod fuit incarnata sapientia initium viarum Dei. In eo sensu in quo Christus Ioan. 15. seipsum appellauit viā. Ego sum, inquit, via, veritas, & vita. Quod si

ista est Patribus familiaris illius loci intelligentia, ut est reuera, quæ probabilitate colligunt contrariæ sententiæ autores, quod ante decretum diuinum constitutionis mundi, Deus præordinauerit futuram increata sapientiæ humanationem. Nam solum potest colligi hanc humanationis & incarnationis prædefinitionem præcessisse decretum Euangelicæ legis, & doctrinæ, quæ disponit vias, id est, opera dei, de quibus ibidem loquebatur Salamon.

Quod autem hæc quam retulimus fuerit ipsa Patrum intelligentia, in dubium verti non potest. Quoniam non obiter & in transcurso, & quasi aliud agentes hanc interpretationem testimonio præfato adhibuerunt Patres, sed cum ex professio huius loci intelligentiam quæ rebant, ut Arrianis hæreticis responderent & satisfacerent. Legantur ex Græcis Patribus Athanasius, in sermo. 3. contra Arrianos, ubi non solum prædictam adhibuit huius loci intelligentiam, verum expressissime docuit, Christi prædestinationem, & præordinationem incarnationis sapientiæ increatæ præsupposuisse in diuino intellectu originalem peccati præscientiam & præuisionem. Nam tractans de explicatione huius loci, Dominus creauit me &c. post sermonis medium hæc inter alia dicit. Caterum cum iam opera extarent, & necessum erat ea alicuius administratione castigari, tunc demum verbum se se dedit, ut condescenderet, & operibus simile efficeretur, quod nobis per hanc vocem, Creauit, indicatum esse voluit. Cyrillus Alexandr. lib. 5. thesaur. c. 7. & c. 8. multa dixit eaque lectione & consideratione dignissima in huius intelligentiæ prosecutionem. Notentur inter alia verba illa c. 7. Dominus creauit me in opera sua & initium viarum suarum: Quarum porro viarum? Virtutum profecto & euangelicæ vitæ, quam prius ille iussit & nos docuit. Grego. Nazianze oration. citata nu. 7. Creauit, inquit me, principium viarum suarum ad opera sua. Opera autem ipsius, veritas & iudicium, quorum causa diuinitate delibutus est. Inter Patres Latinos Hieronymus, exponens illam et verba prouerb. 8. Primum refert ad æternam verbi generationem, Quæ intelligentia nihil improbabilitatis habet: & si aliquantisper infirmari videatur ex verbis quæ habentur c. 9. sequenti, nimirum, sapientia edificauit sibi domum excidit columnas septem &c. ut ad notauit Ambrosius statim referendus, quæ videntur accommodanda ad sapientiam incarnatam. Post prædictam, inquam, explicationem & intelligentiam, adhibet aliam secundam, qua illa verba dominus creauit me &c. ad incarnationem prædestinationis referantur. Et subdit, quod diuinum verbum secundum diuinitatem principium fuit omnium operum dei ad ordinem vniuersi spectantium, sapientia vero incarnata fuit initium operum dei quæ ad gratiam & euangelium attingit, & ob dicitur creata initium viarum Dei. Eandem intelligentiam multis

multis & apertis verbis nos docuit August. in sermon. citato 38. & Ambros. lib. de fide ad Gracian. cap. 7. & eadem intelligentia colligitur ex eodem in epistol. ad Colos. capit. 1. versans illa verba. Quia in ipso condita sunt omnia, noventur illa verba. Ideo autem quæ ab ipso (scilicet vt diuino verbo) factæ sunt, per ipsum, facta dicuntur, quia ad hoc natus est, vt faceret creaturam. Et loquitur sine dubio, vt ex antecedentibus & subsequētibz constat, de euangelica creatura noua de qua dicebat Paul. si quæ in Christo noua creatura. Basil. lib. 4. ad Eunomiū apertissime eidem intelligentiæ fauet, & si non tam expressis verbis id dicat, atque alij Patres quos retulimus. Constat igitur ex dictis, argumentum illud sextum, quod tam magnificant contrariæ sententiæ autores, nihil aduersus S. Thom. doctrinam difficultatis habere. Alia verba quæ in eodem argumento referuntur ex Ecclesiastic. capitul. 24. similem prorsus habent intelligentiam, ei quam adscripsimus ex doctrina Patrum verbis citatis ex capitul. 8. prouerb. Quod insinuant aliqui ex patribus quos retulimus, mentionem facientes illorum verborum Ecclesiastic. 24. ab initio & ante secula creata sum &c. cum de illis verbis prouerb. 8. Dominus creauit me &c. ex intentione tractabant. Et ex multis quæ dicuntur in illo c. 24. manifeste constat, quod sapientia dicitur ab initio & ante secula creata, quatenus in æterna humanationis eius præordinatione fundata fuit tota Ecclesia, & euangelica vita, quam Christus inter nos viuēs instituit & fundauit.

Ad septimum argumentum respondetur admittendo id quod locis ibi citatis S. Thom. concessit, nimirum, quod Adæ in statu innocentie reuelata fuerit Christi incarnatio, fuisseq. ei reuelatum, quod Christus futurus erat totius gratiæ consumator. Non vero ostensus illi fuit modus, quo Christus gratiam erat consumaturus. Ex hoc autem debile satis argumentum colligitur, ad probandum quod Christus fuerit prædestinatus absque præscientia peccati. Sed solum sequitur, quod quando facta fuit Adæ hæc reuelatio, Christus iam erat prædestinatus, & prædefinita erat incarnatio eius. Quam Deus voluit manifestare Adæ, quantum ad id quod. non derogabat integritati illius status, in quo adhuc non erat aliquod peccatum reparandum, sed gratia quæ poterat consumationem accipere. Neque vero debuit manifestari Adæ præcipuus finis incarnationis christi, qui totus fundabatur in remedio originalis culpæ, ne ipse Adam præsciū fieret sui futuri casus. Talis enim præscientia magna ex parte deturbaret & impediret suauissimam illius status foelicitatem.

Sed rogas. Si Christus nullatenus ad illum statum pertinebat, sed ad statum futurum naturæ corruptæ, & per peccatum lesæ, quæ nam fuit illa congruentiæ causa, ob quam Deus in illo innocentie

statu reuoleret Adæ futuram christi incarnationem, Respondeo.
 Et primum dico, satis esse verosimile, quod gratia quæ fuit data
 Adæ in statu innocentie, ad Christum & ad eius merita pertinebat,
 de qua re non nihil dicemus ad finem huius quæst. Secundo re-
 spondeo. Communem esse apud Theologos doctrinam, quod li-
 cet illa gratia non fuerit Adæ collata per Christum & eius merita,
 erat tamen per Christum consummandæ in hoc sensu quod merita quæ ha-
 buit Adam in statu innocentie viuificanda erant per Christi gratiam,
 & suam consumptionem acceptura. Et hoc satis est ut Christus pertineret
 aliqua ratione ad illum statum, & fuerit eius incarnatio Adæ reuela-
 ta. Tertio tandem dico. Quod Christus ex vi suæ prædestina-
 tionis reparaturus erat totum illud damnum quod peccatum origi-
 nis intulit innocentie statui, & in animam, & in corpus: quæ re-
 paratio integram habebit consummationem in statu resurrectionis
 futuræ. Vnde satis fuit conueniens ut ille innocentie status Chri-
 stum recognosceret, illique subijceretur tanquam suo reparatori
 & consummatori. Quamuis tunc non cognosceretur ipsa reparationis fu-
 turæ causa, neque vero Christus in ratione reparatoris. Quarto tan-
 dem dico quod iuxta interpretationem tertio loco superius adhibi-
 tam doctrine S. Thom. quam valde probabilem reputauimus, Chri-
 stus Prædestinatus fuit ut finis totius ordinis naturalis & supernatura-
 lis, & cuiuscunque status rationalis nature. etiam status innocentie
 & originalis iusticie, quamuis in genere causæ materialis Christi præ-
 destinationem antecesserit præscientia status originalis culpæ, &
 specialiter fuerit Christus illi statui deputatus. Ita enim debemus
 intelligere prædestinationem Christi, quod ante eius decretum
 præcessit in genere causæ materialis cognitio totius ordinis natura-
 lis, & utriusque status scilicet, innocentie & originalis culpæ. Quæ
 præscientiam antecesserat in genere finalis causæ Christi prædesti-
 natio. Vnde Christus fuit prædestinatus ut finis, utriusque status
 prædicti. Sed specialiter fuit accomodatus secundo statui, & ita
 Christus per se primo & ex vi suæ prædestinationis, nullum influxum
 habuit, neque habere potuit in statum innocentie, nisi dependenter
 ab statu originalis culpæ. Igitur cum Christus fuerit prædestinatus ut
 finis, etiam illius innocentie status, quamuis tunc propter assignatam
 causam nullum influxum in eum haberet. Conueniens fuit nihilo-
 minus, ut Adæ in illo statu existenti manifestaretur Christus ut fi-
 nis totius ordinis nature & gratie. Et hæc dicta sufficiant
 in solutione argumentorum primæ sententiæ. Deinceps dilue-
 re admitteretur argumenta quæ in confirmationem quartæ opinionis
 adduximus. Ex quorum solutione, & solutione præcedentium argu-
 mentorum manebunt soluta & explicata omnia argumenta, quæ ad
 uersus

versus S. Thom. sententiam in quarta conclusione superius exposita, solent obijci a peritis Theologis.

Ad argumenta igitur quartæ opinionis, quæ est ipsa Scoti sententia. Respondetur. Et ad primum dicitur. Christum incarnatum & vniuersa incarnationis opera, in hominum quidem celsisse gloriâ, mirificamque humane naturæ exaltationem, nam erit germen Do-

Solutio argumentorū opinionis quartæ.

mini in magnificentiâ & gloriâ: prædixit Isa. capitul. 4. Sed in eam tamen exaltatione & gloriâ, quæ ipsius humane naturæ redemptio nem & reparationem præsupposuit. Atque adeo, huiusmodi humani generis glorificatio non ponit in numero cū peccati remedio, cum ip saque humani generis per Christum facta reparatione, iuxta ea quæ diximus superius circa conc. 3. huius dubij. Eadem est confirmationis solutio. Nam vita quam per Christum accepimus, mortem per peccatum illatam præsupposuit. Et de hac vita dumtaxat loquebatur Christus Ioan. 10.

Ad secundum respondetur nullatenus esse admittendū interpretamentū illud ad testimonium Io. quod in hoc argumento insinuat: isset. n. vt sup. dixi manifestus error dicere, quod Christus efficaci voluntate, absolutaq; prædefinitione prædestinatus fuit in carnes passibili, & immortalis venturus. Quare vera illius loci Ioann. 17. intelligentia ea est, quam assignarunt Athanas. conclus. 2. & 3. contra Arria. & Cyril. lib. 3. The. cap. 2. & in li. 11. in Ioan. c. 18. nimirū, quod Christus ibi petebat a patre illam suæ humanitati gloriâ, quam ipse vt Deus, ab æterno possederat apud patrem. Et id quidem, vt in summa dicamus, petebat, qd manifesta heret vniuersis creaturis ipsa eius diuinitas, & qd notū heret oībus ipsū verū esse Deū, & qd ille qui est homo, simul est verus & naturalis Dei filius: In hac enim diuinitatis manifestatione consistit potissima Christi vt hominis, gloria, vltimaque ac suprema ipsius humanitatis exaltatio. Et ad hoc pertinet quod Deus dedit Christo nomen, quod est super omne nomen, id est, manifestum fecit cælo, & terra, atque ipsis etiam infernorum habitatoribus, competere Christo verum naturalis filij Dei nomen, quod illi non extraneum est & aduentitium, sed iusta hereditate habitum. Hoc enim est illud excellens nomen, quod differentius præ angelis Christus hæreditauit, vt dixit Pau. Heb. 10. Vel potest intelligi cum August. tractat. 105, in Io. quod petebat gloriâ, quæ ex prædestinatione Dei æterna ei debebatur post passionem & mortem, diciturque eam habuisse, in eo sensu in quo omnia quæ sunt futura in tempore, Deo sunt in eius eternitate coexistentia, eiusque oculis aperta, & præsentia.

Ad confirmationem dicitur, intelligentiam ibi assignatam minime attinere ad illud testimonium Ioan. 8. quamuis explicationem aliam

VIB RELECTIO DE CHRISTI GRATIA

aliam huius affigere non incongrue ei possumus accommodare, nisi-
rum, quod Abraham primum facta fuerit Christi in humana carne uen-
turi reuelatio, nulla expressa facta mentione passionis & mortis eius,
sed substantiæ dūtaxat incarnationis & finis eius proximi, puta, humane
naturæ reparationis & redēptionis. Et hinc exuberās illa exultationis
letitia exorta fuit in corde Abraham. Sed specialiori tandem facta re-
uelatione de Christi laboribus & triumphis, de ipsa que eius passione
& morte pro humani generis redemptione tolerandis, moderatus in
eo fuit letitiæ affectus, & non exultauit ulterius, sed gauisus fuit dum-
taxat. Vide alias huius loci expositiones apud S. Aug. sermo. 70. de
tempore, & lib. 2. de gratia Christi seu de peccato originis contra Pe-
lagi. & Cēlestium cap. 27.

Ad tertium. Respondetur quod prædestinatio Christi non solum
cognitionem peccati infallibiliter futuri præsupposuit in diuino in-
tellectu, sed & præscientiam ac præuisionem eiusdem peccati, ut iam
existentis in natura humana, quod explicabitur in solutione confir-
mationis primæ sexti argumenti: nec hoc negauerūt grauissimi Patres
Cyrill. & Bernard. Explicant autem peccatum originis ut futurum
in diuina præscientia, eo quod in ordine ad nostram temporariam
mensuram adhuc reuera futurum erat, cum Christus in eius remediū
fuit prædestinatus. Sed præsupponebant isti patres id quod ipsi alias
expresserunt, imo & ibidem Cyrill. dixit, & verbis apertis Ambros.
lib. de fide ad Grati. cap. 7. de hoc eodem incarnationis misterio id-
quens, quod ea quæ nobis futura sunt, iam Deo sunt facta, id est, eius
æternitati coexistunt, atque adeo diuino sunt præsentia conspectui.
August. vero locis citat. præsertim in manuali, suam memēti expli-
cuit aperte, se videlicet, loqui de felicitate & pascuis quæ redemptio-
nem per Christum factam præsupponunt. Anselm. & Rupert. expli-
cari poterunt, præsertim Anselmi. in præcipuo quintæ nostræ conclusi-
onis sensu, videlicet, Christum in genere causæ finalis prædestina-
tum fuisse ante præscientiam peccati, & omnium aliarum rerum, secū-
autem in genere materialis causæ.

Quarto argumento. Primū dico, nulla posse veritate subsistere id
quod opinatur Scotus, gloriam videlicet, Christi animæ, quæ in diui-
na essentię visione eiusq; fruitione consistit, esse vltimū & præcipuū bo-
num, quod deus in Christi incarnatione intendit & amauit, fuit enim
multo excellentius; multoque Augustius bonum ipsa incarnationis
substantia, cuius vltimum complementum, (cui vltimi finis locum
dare solemus,) non fuit ipsa Christi animæ gloria, sed illa gloria in se
cundo argumento a nobis exposita, quæ sita est in præclara Christi
nominis exaltatione. Gloria namque animæ Christi, sicut & gratia &
cetera spiritalia charismata, locum habuerunt in Christo cuiusdam
disposi-

dispositionis perfectæ istam hypostaticam unionem concomitantis : & minime rationem obtinent ultimi finis respectu ipsius incarnationis Christi. Quam tamen rationem habet in nobis, quia per gloriam consumatur, & manifestatur ipsa Opus adoptiva in nobis filiationis, ut Ieron. 1. canon. cap. 3. magnificis verbis exposuit. Christi autem dignitas non filiationem adoptivam admittit, sed consistit potius substantialiter in naturali filiatione, quæ tunc fuit perfectæ & consumatæ declarata, quando datum fuit Christo nomen, quod est super omne nomen. Ad Philip. 2.]

Sed respondeo secundo. Quod gloria Christi siue hæc, siue illa fuerit, prius fuit in genere causæ finalis adeo volita & intentæ, quam fuerit prævitium originis peccatum, & quam fuerit volutus, & intentus totus ordo, & naturæ & gratiæ. In genere vero materialis causæ & conuerso, dicebamus superius, contigisse, & nunc similiter affirmamus.

Denique tertio dico. Quod tota Scoti argumentatio, ut superius aduertit, id tantum conuincit, quod magis intentæ fuerit & volita gloria Christi, quam uterque totius & naturæ & gratiæ ordo. Non vero, probat quod fuerit prius volita, & intentæ.

Ad argumentum quintum. Respondetur primo, per distinctionem primi consequentis. Si enim illud aduerbium, occasionaliter, idem denotet, quod per accidens, seu quod casu & fortis fortuna, neganda est omnino sequella, fuerunt enim ex summa Dei providentia, perse intentæ, & reparatio humani generis, & incarnatio diuini verbi. Si vero sensus fiat, quod summum incarnationis beneficium non fuit homini collatum, nisi præsupposita & præuisa necessitate remedij quam per originis peccatum humana incurreret natura, concedenda est sequella, neque derogat quidpiam incarnationis Christi maiestati, quod non aliter fuerit præordinata, quam occasione sumpta ex tam grandi, tamque virgensi humani generis necessitate, quin potius ad magnam pertinet congruitatem, quod tantum hoc, tamque indicibile beneficium non aliter conferretur mundo, nisi propter tam urgentem necessitatem, tamque communem humani generis causam. Sed præterea ad solutionis complementum illud est addendum, quod ex superius dictis manifeste colligitur, ipsam, videlicet, peccati originalis permissionem per se fuisse in Christi incarnationem ordinatam, & in intimam gratiæ Christi manifestationem. Illud item aduertat theologus, quod nulla ratione concedendum est, incarnationem Christi esse bonum occasionatum, nam licet ex occasione peccati, & eius remedij hoc beneficium nobis fuerit donatum, non tamen incarnationis Christi bonitas, & convenientia ex hac occasione pendeat, sed per se, & secundum se ipsam.

ſan bonum quodam eſt excellens, propter ſe amabile & appetibile, imo vt eius granditas & excellentia fieret manifeſtior, eiusque eminentiſſima virtus explicatio, non fuit conſeſſum humanę naturę, niſi eius indigentia & neceſſitate ſuppoſita, ad cuius remedium Chriſtus immenſas ſuę gratiæ diuitias diffunderet: ita vt eius gratia non ſolum iuſtificans eſſet & ſanctificans, ſed ſimul purgans & ſanans, reſtaurans, & pacificans, ac totum tandem perfecte conſumans. Niſi enim extaret morbus, medici & peritia & virtus occultę permanerent.

Ad primam confirmationem ſuperius reſpondimus ſufficienter circa interpretationem vltimam quartę conſuſionis & S. Thom. ſententiam, Vbi explicuimus rationes & cauſas, ob quas ſecundum leges ſuauiſſimę prouidentię Dei, expediens fuit peccati originalis permiſſio: & tandem quod præcipua cauſa, quã vel explicite vel implicite intendit fuit incarnatio Chriſti, vt ſcilicet, in ipſo originalis culpę remedio Chriſtus inenarrabiles gratiæ ſuę theſauros & effunderet & manifeſtaret, Quę ſane manifeſtatio & effuſio haud quaquam fieri potuiſſent, niſi comuni culpę originalis miſeria in humana præexiſtiſſet natura, vt dudum aſſeruimus.

Hanc verum tamen ſolutionem & doctrinam labefactare videtur modus loquendi & ſcripturę ſacrę & ſanctorum Patrum quo ſæpe ſepius dicitur Chriſtum propter nos in mundum veniſſe, propterque humani generis reparationem & remedium. Omnesque fere Patres vel dicunt, vel inſinuant, imo, niſi fallor, in ſua doctrina vcertum præſupponunt, id quod ex Athan. & Cyril. referebamus ſuperius, nimirum, Chriſtum non propter ſeipſum & propter cõmodum proprium in carne veniſſe, ſed propter nos homines & propter noſtram ſalutem. Quod non ſolum eſt intelligendum de ſuppoſito diuino: quamuis id potiſſimum intenderent cit. patres, ſed etiam de eius humanitate debet accipi. Nam quod Deus illi ſingulari humanitati quam verbum ſibi perſonaliter vniuit, tantum veller bonum tamq. excellẽs & diuinũ cõferre, non fuit per ſe primo propter illã ſingularem humanitatem, (nam quę ratio erat vt ei tantum Deus exhiberet amoris affectum?) ſed tota ipſa fuit humana natura, ob cuius amorem Dei filius illam particularem aſſumpſit humanitatẽ. Quod dixit Ioan. verbis illis ſæpe citat. Sic Deus dilexit mundum, id eſt totũ humanũ genus, vt filium ſuum vnigenitum daret, ſcilicet, ipſi humano generi eius aſſumens naturam. Et notandum nõ eandem poſſe rationem haberi illius humanitatis ſingularis poſtquã fuit aſſumpta, vel vt ſic adeo præmiſa, & eiufmet antequam aſſumeretur, præſcirturq. adeo vt aſſumptibilis, & non vt aſſumpta. Nã poſtquã eſt aſſumpta ſpecialiſſimus ei diuinus debetur amor, & quod in eius gloriã oĩa

Deus destinaret & transferret. Cui fortassis accommodari potest illud
 Isa. c. 43. postquam gloriosus & honorabilis factus es in oculis meis,
 ego dilexi te, & dabo hoīes pro te, & populos pro aīa tua, ceterū ante
 assumptionem nihil horum ei debebatur. Neq; vlla erat congruitatis
 ratio; ob quam tantopere diligeretur, nisi quia erat pars quzdam to-
 tius humanæ naturæ, quam Deus mire amauit, ad vnicę dilexit, & ita
 totū singularis huius humanitatis bonum in totā retulit humanā na-
 turā. At si vera est illa solutio, totum redēptionis beneficium tandem
 reducitur ad magnum Christi vt hominis commodum, & ad eius nimis
 humanitatis gloriam, quā Christus per incarnationem, vt homo
 fuit assecutus. Et augeo huius difficultatis vim. Si Deus ex amore Chri-
 sti & gloriæ eius, & ad diuitias gratiæ ipsius manifestandas originale
 permisit humana natura peccatum; amor quo deus dilexit Christum,
 eiusque gloriam, non solum non cessit in commodum & utilitatem
 naturæ in humanā, verū & contra, in magnum eius detrimentum, &
 incommodum. Quoniam originale peccatum magnam attulit na-
 turæ humanæ incommoditatem: atque adeo eius permissio non de-
 bet inter beneficia humano generi adeo collata connumerari.
 Ergo, quæ cum proprietate concedi potest Christi prædestinatio-
 nem, ex nimio quo nos Deus amore dilexit, ortum habuisse intra
 ipsa diuinæ misericordiæ viscera, si potius Christi prædestinatio
 attulit voluntatem permittendi originale peccatum in humana na-
 tura, quo nihil deterius, nihilque perniciosius humano generi po-
 tuit accidere? Dices forsā, quod incarnatio Christi attulit nobis
 multo maiorem & præstantiorem gratiam, quā fuit illa quam ac-
 cepit primus homo, vt toti suæ simul cum originali iustitia commu-
 nicaret naturā. Et licet non extensius sit maior, sed minor potius;
 quia pauciores saluantur homines post peccatum originis quā
 in illo saluarentur innocentie statu, vt ego admissi superius, in-
 tensius tamen est longe præstantior, & excellentior: atque adeo
 simpliciter est maior. Nam intensio præferenda est extensioni. Vnde
 de permissio peccati originalis, secundum quod processit ex inten-
 tione Dei, nihil nobis incommodauit, sed multam potius & magnam
 nobis attulit commoditatem.

Sed contra hanc solutionem adhuc procedit ex animo non quie-
 to minime contemnenda replica. Dicebamus superius, & id qui-
 dem verissime, quod quamuis tota peccatorum actualium colle-
 ctio sit sine dubio grauior, & deformior, quā vnicum illud ori-
 ginale peccatum, Christus tamen principaliter in remedium ori-
 ginalis peccati venit, quoniam potius est attendenda peccati com-
 munitas, quā grauitas. Nam sicut bonum gentis præferendum
 est cuiusque priuato bono, quamlibet excellentiori, ita & ma-

lum commune, & si minus graue sit, minusque deforme, eo tamen quia commune est, multo magis est vitandum & repellendum, quam quodlibet malum particulare, quia perniciosius est. Ergo ad propositum colligo, quod etsi gratia innocentiz, & originalis iustitiz status secundum intensiorem minus perfecta esset, quam gratia per Christum collata: optabilior tamen nobis fuit secundum rectam, & prudentem rationem, potiusque prudenter & cordate cum Augustino lib. de natur. & grat. cap. 16. dicere. Utinam non fuisset miseria; neque ipsa fuisset misericordia necessaria. Etenim licet Christi gratia intensiorem excedat, excedebat tamen extensione status innocentiz gratia: ac proinde erat maius bonum commune, & ob id excellentius, & optabilius. Neque satis fuerit dicere ad huius difficultatis euersionem, quod Christi gratia quantum est ex se communis est toti humano generi, ita quod tam de intensiorem, quam de extensionis perfectione verum habeat, id quod Paulus Roman. 5. dicebat. Vbi abundauit delictum, superabundauit, & gratia. Non, inquam, hoc dixisse sufficiet, quia supponimus quod innocentiz gratia nisi in primo fuisset perire de perdita, non modo quoad sufficientiam toti esset naturae communis, in qua ratione ad paria videntur se habere gratia Adae, & gratia Christi, verum etiam quod esset generalis & communis vniuersis fere hominibus ex Adae propagatis, quantum ad efficaciam; paucissimique essent qui delinquerent, & qui iustitiae & virtutis officio deessent: in quo gratia Adae videtur quam plurimum superare ipsam Christi gratiam, quae nec in omnibus nec in pluribus, neque vero, si comparatiue ad eos qui pereunt, loquamur; in multis efficaciam habet: nam multi sunt vocati, dixit Christus Matth. 20. pauci vero electi. Neque valet etiam si dixeris, quod illud est maximum naturae bonum Christum caput habere, tantoque potiri honore, ut Deus homo sit, & homo Deus. Neque, inquam, hoc valet, dicent enim hi qui si innocentiae status peruenisset saluarentur, & modo pereunt. Quid nobis prodest Christus, si damnati in aeternum sine Christo manebimus.

Non possum his consideratis non inscitiam meam libenter sateri, Nam postquam saepe mecum de hac re, & nunc, & olim ad legendum ad disputandum, ad intelligendum, ac denique ad scribendum cogitauit, vix quicquam inuenire potui, quod meum in hac parte animi quietum redderet. Credo è quidem libentissime submisso ac humillimo corde Christo Io. 3. dicenti, quod sic Deus dilexit mundum, ut filium suum unigenitum daret, & Paul. etiā ad Eph. 2. praedicanti, quod propter nimiam charitatem suam qua dilexit nos Deus, cum essemus mortui peccatis conuiuiscant nos in Christo. Non tamen plene rem istam calleo, ac penitus percipio, Si quidem vera es-

set

set eorum sententia, qui putant peccata, antequam existant, non esse penitus Deo perspecta, & quod posita permissione Dei non est infallibilis eorum perpetratio; & quod Deus non aliter peccata, neque specialiori providentia permittit, quam relinquendo humanum arbitriū operari iuxta leges libertatis suae, quod cum imperfectū sit, non potest non quam sapius deficere & labi. Si hæc inquam vera essent, facillima opera, & ego intelligerem, Deum non aliqua speciali permissione originale peccatum permisisse, sed quod absque vlla specialī Dei providentia, ex labili humanæ naturæ conditione dimanavit, & quod Deus illud iā perpetrātū videns, totamq; cōvulsā & laceratā naturā, tam gradūq; peccato maculatā, cōspiciēs visceribus suæ infinitæ misericordiæ cōmōtus de remedio adhibendo cogitavit; & ut nobis mederetur, nostrosq; exitiales curaret langores proprio filio suo non peperit, sed p nobis omnibus tradidit illū. Quid quæso suavius, quidū ad Dei misericordiā amptificandā, & extollendā accōmodatius dici poterat, si ea quæ retulimus veritati cōsentirēt? Verum quis illa credet? Ego vērō tunc credā cū Ecclesia sua auctoritate definierit, nam quævis alia inferior auctoritas ad horum persuasionem, quæ tam apparent diuinæ providentiæ, & scientiæ iniuriosa, me nullatenus commouebit. Quare alia nobis est tērenda via. Et primo quidem his, quæ superius circa finem conclusionis quartæ diximus, insistendum erit. Quæ, ne fastidium mentis generent, duxi non repetenda, reusit illa, qui nostram voluerit mentem capere. Sed secundo aliam mihi viam stravi, quam plæne stratam non reperi, & nescio an bene, composite, & aduertenter gradientibus suavis erit, & grata, quam certe si ingratam esse nouerim facillime ab ea pedes auertam, nollem enim a semitis, & vestigijs antiquorum Patrum, & eorum, qui in Ecclesia vere sunt sapientes, & docti, neque per latum, ut aiunt, vnguē diuertere. Sed ad rem.

Censeo igitur non esse veritate constans, id quod, ipse superius communiorem sententiam secutus affirmavi, videlicet, quod si persisteret ille innocentiae status, in quo primum creatus fuit Adam, multo pauciores perirent homines, quam nunc pereunt, multique similiter pauciores a iustitiæ rectitudine caderent, quam modo cadunt. Existimo enim oppositum esse verius, & si paradoxica sit existimatio (Quādoq; ingenio permittendū est spaciari cārisper, nisi vel fidei, vel sanæ doctrinæ ratio cōtrariū efflagitet) Et quidem in hac parte non licet recurrere ad ordinem ordininae providentiæ præscriptum, quoniam certo certius est, nullum alium ordinem a Deo fuisse dispositum, & prædefinitum circa hominum salutem, præter illum quem de facto seruari conspiciamus, neque

*multo plures pereunt
in eam maledictam
quam perirent*

alia fuit prædestinatio, neq; alia p̄definitio: Non, n. mutatus est Deus; mutataue fuere æterna ipsius decreta, quia homines fuerunt mutati. Quare ad ipsas rerum natras & cōditiones recurrendū erit, & admodum, quem in ipsis reperimus rebus constitutum: hinc enim venari fortassis poterimus aliquale huius rei iudicium. Ob id ergo crediderim, quod illo innocentia statu perseverante in natura humana, multo plures perijissent homines, quam nunc pereunt, multoq; plures sufficientibus Dei abuterentur auxiliis, quam nunc abutuntur. Quoniam licet in hoc statu, ex parte inferioris naturæ multo plura ad virtutum officia impedienda occasiones & alleclamenta subministrantur. Imo in illo statu inferior hominis portio nullo esset ei ad bene operandum impedimento. Sed tamen ex superiore portione, & parte multo grauiora, efficacioraque, ac violentiora in illo statu orirentur impedimenta: Vel vt verius & dilucidius dicam, vnum insurgeret impedimentum, quod esset virtute, & fecunditate multiplex. Illud autem esset ingens superbix, & elationis appetitus, qui omnium est malorum fertilissima radix. Qui in in gribus fundaretur. Primum in excellentia donorum quibus esset status ille speciali Dei munificentia exornatus, est namque excellentia quasi superbix & elationis nutrimentum. Nam sicut tinea in delicatiori, & nobiliori nutritur veste, & panno, ita vanitatis & elationis appetitus, excellentia & virtutum gloria vt proprio pascitur pabulo, & quanto fuerit maior, & præstantior excellentia, tanto illi maior, & periculosior insidiatur superbix, & elationis cupiditas. Secundo ipsa humanæ naturæ fragilitas, ac debilitas rationis eius, quæ & si iustitiæ originalis atque itidem innocentia, & gratia donis esset reformatâ, semper tamen inter suos debilitatis limites contineretur conclusa. Neque ascenderet ad fortitudinem Angelicæ rationis si cæcra sint in donis gratuiti paria, quamuis, & in ordine ad supernaturalia, neque ipsa Angelorum ratio fortis esset, & valens. Tercio denique ipsa naturalis inclinatio intellectualis naturæ, quæ alta petit, ad superiora & eminentiora aspirat, omnemque quasi sine termino (nisi ratio appetitui præscribat limitem) excellentiam affectat. Vnde sicut portio inferior corporea ad inferiora & humiliora propendit, pronaque est & decliuis ad ea quæ ex vili terra originem ducunt. Ita superior & rationalis hominis portio non minori, sed rapidiori impetu superiora, & altiora petit, & ad ea in quibus quidpiã eminentiæ & excellentiæ splendescit, toto impetu & conatu fertur. Eâq; in hoc breui p̄rimundo in homine, videlicet, inferior & superior portio dispositionem obtinent, quam in toto visibili yniuerso tenent terra & ignis, extrema huius visibilis orbis elementa. Quanto enim pondere terra ad

Infernū inclināt locum, tanto tamq; concito impetu ignis ad supernū locū ascendit. Quo circa tanta potest homini esse occasio deficiendi, & peccandi innatus aīa ad excellentiā intellectualis appetitus, quanta est eidem sensibilis inferioris portionis inclinatio. In hoc quidem corruptionis statu non tam experimur nimiam hanc superbiendi affectionem. Neque tantam nobis occasionem peccandi offert. Quo-^{Sapient. c. 9} niam corpus quod corrumpitur agrauat animam, & terrena inhabitatio deprimat sensum multa cogitantem. Pondus, namque inferioris partis animum ad vilia & humiliora declinat, & in sensibilibus occupatum detinet. Hęc enim sensibilis inferioris portionis deflexio non solum ipsa cum virtute pugnat, verum & cum ista de qua loquimur, eleuatione superioris partis cupiditate. Quocirca in illo statu originalis iustitiæ & innocentie, in quo anima à terrenis curis & affectionibus libera prorsus esset & expedita, non posset non in magno esse periculo constituta, plus nimio se exaltandi & indebitam sibi excellentiam appetendi, seu plusquam par esset de sui status eminentiā gloriandi, ita vt sui conditoris oblitus homo in seipsum gloriam haberet, propriamque oscularetur manum, quæ vt sanctissimus dicebat Iob. c. 31. est iniquitas maxima, possetque Deus quam sepius de illius status hominibus illam formare quærellam, quam Isa. cap. 1. de filiis Israel hisce verbis pposuit. Filios enutriui, & exaltaui, ipsi vero spreuerunt me. Et expendenda sunt illa verba enutriui. Et exaltaui. Quæ secundum Hebraici sermonis rigorem reflexionem quandam in ipsum Deum creatorem denotant, ita quod sit sensus, filios enutriui mihi, & exaltaui mihi, idest, in honorē, & gloriā meā, ipsi vero huius finis oblitī, alium sibi præstituentes, propriam videlicet excellentiam, spreuerunt me. Si a posteriori & ab effectu rem istam licet librare, & perpendere, nonne Angeli, & inter eos, vt supra decebam, omnium eorum supremus nimio excellentiæ affectu, quo Deo semetipsos æquare seu assimilare cupiebant è celestibus deturbati sunt sedibus. Quoniam Deus resistit superbis. Sed quid extra causam ad Angelos ascondimus. Nonne ipse primus homo cum tantis se erga Deum beneficijs deuinctum deberet agnoscere, suæ conditionis oblitus, similis esse voluit Deo, scientiamque soli Deo reservatam attingere. Habuit Angelus, & habuit homo egregium Dei adiutorium & sufficientissimum auxilium, quo possent si voluissent stare, in propriisque perseverare gradibus, si debitum, vt paterat, Deo deferrent honorem. Sed appetitu inordinatæ excellentiæ deuicti, dum altiora quesierunt, è proprijs deiecti sunt locis, e suisq; gradibus exciderunt. Et reuera vtraque natura Angelica & humana si suis tantum innitatur viribus, magnaue dei non iuuetur ope, impar est ad sustinendum tam excellens bonorum celestium pondus, & vt ordinato affectu, &

appetitu in eorum se contineat complacentia & vsu, ita vt se altiora non quæreat, sed his sit cōtentus, quæ supra proprium sensum diuinitus ei fuerunt reuelata. Et hoc fortassis insinuauit Iob. c. 4. illis verbis. Ecce qui seruiunt ei non sunt stabiles & in Angelis suis reperit prauitatem: quanto magis hi qui habitant domos luteas, qui terrenum habent fundament, consumentur veluti a tinea. Ponderentur illa verba. Non sunt stabiles. Designant enim consistentiæ defectum in Angelis, insinuantque Angelicam naturam imparē esse ad fermiter, stabiliterque sustinendum grande illud cœleste eleuationis pondus: quod, Deus supernaturalis auctoris officio fungens ipsi Angelicæ superimposuit naturæ, miris eam donis externans, clarissimisque gratiæ & gloriæ excollebat dotibus. Vnde factum est, vt stabiles coram Deo non essent inuenti. Ponderanda sunt præterea illa verba, Terrenum fundamentum. Denotant enim infirmitatem & debilitatem rationalis naturæ erga maxima & præciosa supernaturalis ordinis bona. Quæ nisi efficacissimis iuuetur adiutorijs, citissime corruet, ac plane euanesceat. Sed iam ex his omnibus sic colligo in forma argumentum, ad ostendendum quam parum consistentiæ haberet natura humana in statu illo innocentie constituta, & quā facilis esset eius defectus & casus. Sic arguo. Non minus est naturalis homini excellentiæ appetitus erga res p̄claras & eninētis honoris, quam est illi naturalis appetitio sensibilis ad bona proportionata sensui. Ergo tantum illi periculum immineret in illo statu inordinate appetendi indebitam sibi excellentiam, quantum in statu naturæ corruptæ imminet ei periculum inordinate appetendi bona sensibilia, sensibusque vicina, & grata. Rursus. Inclinatio spiritualis est multo maior & uehementior si libera relinquatur, & non aliunde steneretur & deprimatur, quam inclinatio & appetitio corporalis & sensitua: ergo cum superior hominis portio in statu innocentie non corporis deprimeretur grauedine, & ad sensibilia distraheretur obiecta, necessum est dicamus, quod in illo statu maius homini imminabat periculum superbiendi & excellentiam supernaturalium bonorum inordinate affectandi, quam sit periculum in hoc naturæ corruptæ statu, ad sensibilia bona inordinata concupiscentia appropinquandi. Cōfirmatur. Primus homo, in summa dignitate positus, magnisq; dei suffultus auxilijs per breuissimum tempus stetit: Et mulier quidē ad vnā serpentis vocem in superbiam eleuata, & desiderio sibi improporionate excellentiæ seducta, illam dei legem fuit transgressa cuius ad implementū erat facillimū, & ipsis adeo specialissime comēdatū. Vir autē leui mulieris suasionē, & nescio qua importunitate victus, superbo quoque appetitui locum dedit. Et neque timor subeundæ mortis, cuius comminationis non poterat esse oblitus, neque ma-

gnum illud detrimentum quod suo peccato toti humano generi inferrebat, quodque ipsum minime latuit, valuerunt retrahere ab illo superbiae vitio, quod non tam verbū mulieris suadentis, quam ipsa quā naturalis animi eleuatio eius impressit cordi. Ergo signum est manifestum, quod si primi homines in quibus, & rationis vsus, & ipse tum corporis, tum mentis vigor tam excellenter vigeabant, & quibus tam cumulate gratuita & supernaturalia concessa sunt dona, tanta cum facilitate prolapsi sunt. tamque subito ad affectum ascenderunt superbiae, vt quasi ex adipe videretur iniquitas eorum prodire: quod si status ille diu perseuerasset, simile quid accidisset omnibus fere illius status hominibus, nisi Deus speciali fauore (qui tamen illi statui nouerat debitus) non ipsis misero cōditer opitularetur. Valet enim argumentum a maiori ad minus, a perfectiori ad minus perfectum, a potentiori & robustiori ad minus potentem, minusque robustum & fortem. Si tam facile victus est primus homo sapientissimus, potentissimus & corpore & animo robustissimus: quid de alijs minus sapientibus, minus valentibus minusque robustis & fortibus censere debemus, si prudenter, & rationabiliter rem istam perpendimus & iudicamus? Docet enim prudentiae regula, vt ex prioribus, & quae antecesserunt, ea coniectemur, quae in posterum possunt contingere.

Dicit quispiam. Primi hominis casum speciali Dei prouidentia fuisse permissum: atque adeo non posse ex eo sufficiens indicium desumi comparatione ad alios homines, qui in illo statu successissent. Hae solutio alijs me doctoribus probabilis esse poterit, mihi vero apparet impertinens. Quoniam quaecumque ibi admittatur specialis Dei permissio, non tollit quo minus primus homo fuerit constitutus in apice totius innocentiae status, & quod aderat illi omnia sine intermissione, siue extrinseca Dei adiutoria, quae debita erant innocentiae statui, imo quae debebantur homini, qui primus fuit & princeps illius status, & qui non priuatam, sed communem totius generis humani causam gerebat. Si ergo homo hic tantis praesidijs & adiutorijs munitus, tam cito defecit & corruit, in superbumque fuit affectum tam arroganter elatus, quid de alijs iudicare debet, qui rem istam aequali lance librauerit?

Scio obijcies mihi originalis iustitiae virtutem, quae nullum inordinatum in anima permittebat affectum; ac proinde dices, quod nisi ab extrinseco praua homini imprimeretur suggestio minime in affectum superbum & deordinatum incideret. Ita obijcienti sic respondeo. Me non videre causam quare supremus Angelus nullo extrinseco suggerente, in superbissimum ascenderit affectum, & quod primus homo originali iustitia ornatus non posset à semetipso in similem appeti-

appetitionem prorumpere, absque vlllo extrinseco suggerente, aut excitante. Nunquid originalis iustitia perfectiorem reddidit primum hominem, quam esset ille supremus omnium Angelorum spiritus, omni virtutum decore ornatissimus, qui in scriptura sacra signaculum similitudinis idcirco appellatur, quia tota Dei similitudo cæteris creaturis communicata, in ipso quasi quodam epologo fuit collecta, & tamquam in supremo diuinæ virtutis opere consignata. Censeo igitur originalem iustitiam, ita primi hominis animam composuisse, quod posset, si vellet, vniuersa vitare peccata, & quod ita omnes animæ vires inferiores comprimebat, & frenabat, ut à rationis dictamine minime exorbitarent; neque ipsum rationis iudicium præuenirent, & anteuertent, quandiu superior ipsa ratio Deo permanisset coniuncta. Verum quod ipsa superior animæ portio, non posset ex se ipsa absque aliquo extrinseco suadente deficere, & per superbiam, & inobedientiam sua male vtens libertate peccare: nullatenus intelligere valeo, neque pro contraria sententia rationem vllam video. Fateor quidem, quod primum cuiuscunque hominis illius status peccatum deberet esse mortale, quia esset deuiatio ab ultimo vero fine. De qua re non est in præsentia disputandum. S. Tho. tract. de originali iustitia, cū de primi hominis statu disputationē instituit 1. p. q. 95.

Sed iam vltetius progredior in huius paradoxicæ sententiæ confirmationem. Homines in illo statu non habuissent auxilia ita efficacia, atque habent homines per Christum redempti, quod colligitur ex S. Thom. 1. par. q. 95. art. 4. Estque doctrina apud Theologos recepta communiter. Item extrinseca motiua & incitamenta ad peccandum, & ad perpetrandum peccatum illud quod esse poterat in illo statu puta, peccatum inobedientiæ & superbiz, haud quamquam deessent. Nam ad innatam Demonis inuidiam attinebat, non permittere hominem vllum in statu innocentiz persistere, si astutis, calidisque suasionibus, id posset efficere. Ad resistendum autem illis extrinsecis suasionibus parum erat potens homo in illo constitutus status, ut rei probauit euentus. Si ergo Dei auxilia debiliora erant, & ad peccandum incitamenta fortissima; quare non dicemus, quod homines illius status non magis, quin potius minus in virtutis officio perseuerassent, quam homines per Christum redempti? Fateor quod status ille non erat expositus periculo tantorum criminum immedie, & primario, quā est noster hic status naturę corruptæ. Sed peccatis tantum spiritualibus patebat aditus in statu illo, & præsertim superbiz vitio, quod erat quasi illius status proprium. Dixi formaliter & primario: quoniam postquam quis originalem iustitiam per peccatum spirituale deperderet, continuo maneret expositus sensualibus etiam vitijs: Et ita videmus contigisse primis parentibus, qui mox, ut in superbiam

perbiam fuerunt elati, & esse sicut Di, stulte appetierunt, in gulæ
inciderunt peccatum, de pomo sibi vetito comedentes. Con-
 nuoque matri Euz pomum visu pulchrum, & delectabile apparuit.
 Præterea ex ijs quæ contingunt nobis colligo quā potens esset in illo
 statu superbix appetitus. Experimento didicimus, quā sit difficilis hu-
 militas in hominibus, qui vel ditione & imperio, vel auctoritate in
 Rep. vel sapientiæ, & prudentiæ splendore emicant, & ita de scientia 1. Cor. c. 8
 dicebat Paul. q. scientia inflat. Item viri spirituales experiuntur, qd̄
 postquam carnis conculuauerunt affectus, magnū eis instat & ingens
 certamen cum spiritu elationis & superbix, ergo, quid censendum est
 de hominibus in tam excellenti constitutis status dignitate.

Hac igitur sententia supposita, quam vix possum ab animo eu-
 lere, optime actum est a Deo cum humana natura, permittendo in
primo homine primum illud peccatum quod totam ipsam infecit, vt
esset occasio incarnationis Christi & aduentus eius, vt per ipsum susci-
peret homo duplicia pro omnibus peccatis suis, gratiam, videlicet,
quæ & intensione, & extensione multis partibus excederet gratiā iu-
stitiæ originalis & innocentie status. Vnde siue ad prædestinationē
 Christi, qua originali peccato præuiso Christus prædestinatus est re-
 demptor, & reparator humani generis, siue ad præuiam Dei volunta-
 tem, qua istud primum voluit peccatum permittere, vt Deo occasione
 offerret Christū prædestinandi occurras, nihil inuenies in Deo aliud,
 quā summā erga homines misericordiam, præcipuumq; humani ge-
 neris amorem, qui sic mundum dilexit, vt filium suum vnigenitum
 daret.

Existimo hanc doctrinam fundari posse, in his quæ in tertio argu-
 mento retulimus ex Cyril. Alexan. lib. 5. Thes. c. 8. Ita inquit, præui-
dit Deus peccaturum hominem, & in mortem casurum, præiudicet etiā
conferentia generi eius, & quomodo reuocaretur, & ad immortali-
tatem rediret. Ideo quasi radices huius spei in filio suo nobis de-
 posuit, per quem ad adoptionem nos vocauit, & omni benedi-
 ctione spirituali nondum factos muniuit, vt quando præuaricatio-
 ne in morte caderemus ex prisca illa radice in vitam rursus resurge-
 remus, & veluti iam benedicti non omnino semperque iacere posse-
 mus. Et paucis interiectis verbis, quæ ad hoc propositum sunt etiam
 valde ponderanda, subiunxit alia, quæ in quinto argumento referun-
 tur, quæ sunt cum alijs quæ in textu habentur omnino legenda.
 Ex quibus tamen auferenda sunt illa verba, propter suspitio-
 nem peccati, quæ per errorem fuerunt ibi imposita, nec enim in tex-
 tu habentur, nullam namque Cyrill. in Deo suspicionem agnouit,
 sed certam, & determinatam futuri peccati præscientiam. Sed
 iam sic expendo hæc Cyrilli verba. Nam si attente legantur

eam apparebit mentem huius doctissimi, & sanctissimi patris fuisse præcipuam, ac radicalem incarnationis Christi, & prædestinationis eius occasionem, ipsam fuisse defectibilitatem humanæ naturæ, quæ in quocunque statu constituta facillime in peccatum rueret, in iploque perseveranter iaceret, nisi tam excellens architectus Deus solidissimum suæ structuræ iaceret fundamentum, Christum, videlicet, in quo homines radicati, & fundati & stare possunt, & si quando caderent huic fundamento innitentes possent resurgere. Itaque non reuocat decretum prædestinationis Christi ad specialem permissionem, quæ Deus eo tantum sine ut diuitias gratiæ suæ & magnificentius communicaret, & per illustrius ostenderet, originale permisit peccatum, quæuis neque hoc negauit, neque vero nos negamus, sed admittimus libentissime, verum contendimus cum hoc sine a Deo principaliter intento simul occurrisse diuinæ menti aliud, puta maius & excellentius humanæ naturæ bonum, quod illi erat ex Christi meritis obuenturū, præstantioremque gratiam non intentione solum, sed intensione, & extensione simul: sine qua multo pauciores saluarentur homines, etiā si innocentæ status perseverasset, quam saluantur in hoc statu naturæ corruptæ Christi tamen sanguine reparatus. Bernard. in locis tertio argumento citatis tantisper huic fauet sententiæ. Sed fauet quamplurimum Aug. in illis citat verbis, utinam non fuisset miseria, &c. Qua ratione pater hic totius sapientiæ lumen prudenter potuit, tam detestari originis culpam, & desiderare illius miseriæ carentiam, & eam misericordiæ per Christum acceptæ præferre, cum Grego. ab vniuersis tum alias, tum præcipue in hac parte laudatus dixerit, O felix culpa? &c. Ego sane in hoc sensu illam August. citata verba intelligo, quod optauit August. ut non esset miseria, id est, quod ille status in quo fuit Adam constitutus, cum primum fuit conditus, non tam fuisset labilis, tãq; facili ruinæ expositus, ut ei non fuisset necessaria originalis culpe permissio, ut tandem per Christi misericordiā & gratiam repararemur. Et hanc status infirmitatem, vocauit August. miseriam.

Ad secundam confirmationem dicitur, quod vtroque modo potuit præsciri peccatum in genere causæ materialis ante prædestinationem Christi, & ut præexistens per scientiam visionis, & ut infallibiliter futurum, per scientiam permissionis. Et quidem de priori modo satis constat ex dictis. Nam sicut totus ordo naturæ, & gratiæ potuit ex parte materiæ, ut fundatus, & existens præintelligi ad Christi prædestinationem, ita & peccatum originis potuit eo modo præsciri, ut humanæ naturæ inexistentis. De secundo modo maior esset difficultas, si in præsentia foret pertractanda, sed non est locus, tam prolixæ disputationi, quam exacte differui in primo libro de origin. grat. tract. 3. Nunc autem præ supponendum esse duxi posse Deum cogno-

secere peccatum futurum vt in fallibiliter futurum, siue isto siue alio modo fiat, quod in intraclatu illo tertio explicui latissime.

Ad tertium argumentum Respondetur, nos minime posse complacere in peccato Adæ, quia sicut non sunt facienda mala, vt veniant bona. Ita neque licet complacere in malo propter bonum subsequutum euentum. Licet tamen de ipso euentu bono latari. Et ita fas est nobis gaudere de Christi prædestinatione, & in eius gratia latari, quamuis ex peccato occasionata fuerit iuxta modum superius expositum. Imo existimo quod possumus latari de permissione, qua deus ipsum permittit originis peccatum, quia illa permissio bona fuit & nobis valde utilis. August. vero ibi citatus rationabiliter de siderabat, vt non fuisset miseria. Quo loco, vt nunc nunc dicere ceperam, miseria non ne originis duntaxat culpam intellexit August. sed & totam humanæ naturæ, quam cognouit, instabilitatem erga cælestia. Quæ tanta est, vt etiam in felicissimo illo innocentie statu (si felix is dicit potest cuius instabilis est felicitas) nõ solidum gratia reperiret in homine fundamentum. Neque plane mirum. Nā Ecce qui seruiunt ei non sunt stabiles inquit. Sant. Iob. Expende particulam, Ecce, nam rem admiratione dignam subinducat. Neque vero admiratione vacat, vt ij qui ad hoc sunt in cælo Empyreo creati, vt coram deo starent, non sint stabiles. Cur quæso deus non stabilis condidit naturæ, vt sine cadendi periculo in tam sublimi loco constituti coram ipso adstarent, ei que indeficienter deseruirent.

Respondent nobis Patres. Quia omnis creatura ex nihilo est, & ad defectum proinde & ad nihilum respicit. Nulla ergo stabilis esse potuit creata natura. Quid igitur de illa quæ creata ex nihilo in terreno stabilita est fundamento. Nisi deus ei fundamenti loco lapidem electum, substituerit Christum, vt Cyr. dicebat. Quo pacto Iacob securus dormiret, nisi lapidem illum supponeret capiti, quem ipse in titulum erexit, postquam scalam cæli cacumina attingentem ex loco vbi lapis ille fundatus erat, conspexit ascendere. gen. 28. Non ergo sine tam firmo, tamque solido hoc fundamento firma potuit in statu aliquo consistere salus. Quia fundamentum aliud nemo potest ponere dicebat Paul. 1. corinth. 3. præter id quod positum est Christus Iesus.

Sed obijcis mihi ruinam angelorum quæ paucis contigit, si ad millia millium & decem cætena millia angelorum deo ministrantiū comparatio fiat. At si natura angelica ex se tam fuit, vt insinuabamus instabilis, multo plures oportuisset cadere.

Respondeo quod cum conderentur a Deo vt coram illo starent, Deum ipsum intererat auxilia efficacissima eorum multis præstare, ne cælum Empireum ipsis dei ministris locum aptissimum di-

catum, vacuum aut fere vacuum relinqueretur. Neque enim proba-
 bo aliquando, id quod nouiores quidam theologi, tam sine fundamē-
 to vllō constantissimum esse putant, nimirum, efficacia auxiliorum in
 angelis ex libera eorum voluntate pensari debere. Et quod prædesti-
 natio angelorum ad bonum ipsorum vsum reuocanda est. Nam in
 cælesti Hierusa. eandem esse mensuram hominis & angeli dixit Sa-
 loa. A poc. ca. 21. & omnem creatam naturam debilissimū esse censeo
 gratiæ fundamentum. Neque pedes, id est, affectus creaturæ cuius-
 spiam sufficiunt non moueri in loco tam prominenti locati. Altius
 ergo & firmitus fundamentum in angelis est quærendū, quam sit libe-
 rum eorum arbitrium: quod ex se vanitati subiectum est, sicut &
 humanum. Et ad specialem dei misericordiā & gratiam recurramus,
 qua deus cum angelis, qui in suis domicilijs permanserunt, gratuita
 sua uoluntate vsus est. Quæ plane specialis dei misericordia dece-
 bat quam plurimum primo illos cælicos, Quia, vt dixi, non ad pa-
 radisum voluptatis custodiendum, & ad laborandum in eius terra
 conditi erant, vt primus fuit terrenus Adam, sed vt starent coram
 deo: eique, vt par erat, seruirent. Verum vt cognoscerent Angeli,
 quibus tanta hæc affuit dei misericordia, suæ naturæ conditionem,
 ex omnibus ordinibus & gradibus permisit non paucos ruere, imo
 & eorum supremum, vt iam me cum Gregor. Magno opinari di-
 xi. Cuius sententiæ in scripturis sacris non leue reperimus funda-
 mentum. Cum homine vero proportionabiliter quodam modo
 se gessit deus. Nam sicut cecidit primus in dignitate Angelus, ita
 cecidit primus origine homo, & in quo tota innocentia status
 splenduit excellentia. Sed in eo fuit ab similibus casus, quod An-
 geli casus singularis fuit. Casus vero hominis toti fuit humanæ na-
 turæ communis.

Sed hæc disparitas aliunde fuit cum fœnore reparata, & resarci-
 ta: cum tam excellens humano generi beneficium fuit exhibi-
 tum, vt verbum fieret caro, & in hominibus habitaret, esset-
 que caput totius ecclesiæ supremum, miraque ad influendum
 in membra virtute fecundissimum: esset & primum totius cæle-
 stis ædificij firmissimum fundamentum. Angelis quidem specialem
 tribuit præseruationis gratiam, & id quidem vt dicam, 3. dub. sine
 Christo. Homini vero resurgendi per Christum, in eoque standi
 misericordiam concessit. Et omnibus deus perspectum esse voluit,
 quod gratia etsi natura sua firmitatem habeat & robur, quia generis
 est diuini, quod nō ex nihilo suā traxit originē, sed est ipsum esse. Sū
 qui sum, dicebat deus. exod. 3. Est tamen in creaturis suscepta quasi ar-
 ma Saulis Dauidi, & suscipitur in creaturis ad modum earum, vide-
 licet, defectibiliter. Nam licet ipsa gratia minime desit alicui, omne

autem creatum arbitrium facillime poterit ei de esse, & ob id hortabatur Paul. ad Hebr. cap. 12. contemplantes nequis desit gratiæ Dei. Voluit ergo Deus in his quæ Angelis & primo homini contingere, significatione huius rei facere, vt omnes quibus stabilitas in gratia, in eiusque rectitudine quasi diuina sorte contingerit, agnoscat erga se summam Dei misericordiam, & nihil sibi referuans, soli Dei misericordiæ, specialissimæ eius nulli debita gratiæ, omnia sua bona referat accepta, & dicat cum Regio Propheta, saluum me fecit quia voluit me. Hæc tã late dixi, vt non nihil adijcerem roboris illi singulari nostræ existimationi, qua existimauimus præsentem hunc, quem ex Christi dono, colimus statum, non sola dignitate capitis, & efficaciz gratiæ, quam in quibusdam exequitur, innocentiz statui præstare, sed & in securitate & firmitate, ac in ipsa proinde formali status ratione: ita quod multo securius in hoc viuimus statu, etsi tantis inimicorum telis expositi, quam in statu illo, qui Adã non peccante, perseverasset viuerent homines. Qui pleno ore dicere possent, id quod Paul. cum Christianis omnibus, sed cum viris præsertim qui ad perfectionem aspirant, ad Ephe. 6. cap. dicebat: Non est nobis colluctatio aduersus carnem & sanguinem, sed aduersus principes & rectores tenebrarum harum in celestibus: tunc enim non cessasset inuidia spiritualium inimicorum super celestia, inuiderent enim quam plurimum hominibus innocentiz custodiam. Et eo magis curarent eos ab innocentiz fastigio deicere, quanto periculosiorem agnoscerent esse causam. Nam firmissimo huius nostri status sublato fundamento, nimium Christo, semper aut fere semper iacerent, qui caderent, vt Cyrill. Loc. cit. non obscure insinuauit. Etsi ab extrinsecis inimicis tantum hominibus tunc immineret periculum: neque intra semetipsos & ex ipsis securitatem sibi ipsis rationabiliter polliceri possent. Nam etsi originalis iustitia rationi erga inferiora compescenda magnum homini præstitit vigorem: at erga superiora, id non valuit efficere. Vnde non firma erat mentis ad Deum adhæsiõ per gratiam: etsi ipsa perseverante, portio hominis inferior plene & in omnibus ei obediens subsisteret, itaque iustitia originis cum substantialiter ordinem & limites non transiret rationalis naturæ, neque supernaturalem ipsum attingeret finem, nisi ex gratiæ consortio ad iuncta: nullam erga supernaturalia vim conculit, & si inferiora abstulerit impedimenta. Quocirca rationalis natura solis viribus gratiæ erga supernaturalem finem tunc fidere poterat, quæ in illo statu inferiores multo essent, quam sunt ex, quas confert gratia nobis per Christum donata. Atque adeo erga finem hunc rationali naturæ altiolem, multo firmitior est status hic noster infirmissima fundatus petra, quam esset status ille in quo primus homo positus

fuit. Qui status erat quoque primus in ordine gratiæ. Cum enim ordo gratiæ inferior sit, ordine hyposthatice vnionis, non habuit a Christo primum in choari, sed per ipsum consumari & perfici, & si opus fuisset (vt reuera fuit) reparari. Et hæc sufficiens dixisse occasione illorum August. verborum. Vtinam non fuisset miseria, id est, vtinam tam labilis non essemus conditionis, sed in illo possemus scilicet statu perseverare. Et posset quidem primus homo: quia vnde perseverare posset accepit, vt August. ipse dicebat. Sed poterat vt lolemus dicere theologi, in sensu diuiso, non vero in sensu composito, id est, gratia sufficiens ad perseverandum præstabat auxilium: sed quamdiu solidiori non innitebatur fundamento, puta, Christo tandem ex nostræ naturæ debilitate infallibiliter omnia ruerent. Et hæc ruinæ infallibilitatem August. vocauit miseriam, quam designauit alibi cum dixit, Quod primus homo vnde perseverare nō accepit, sed accepisse tamen vnde potuisset perseverare si veller; Accepit quidem posse, sed non accepit velle. Quod puto designatum fuisse in illis verbis Eccles. cap. 15. reliquit illum, scilicet, primum hominem in manu consilij sui, itaque non solam libertatē vtrumque designant, verba ista, sed libertatem non a deo confirmatam & stabilitam in bono, sed sibi totaliter commissam, quod sane ad magnam hominis miseriam pertinet.

Ad sextum argumentum neganda est sequella. Ad probationem dicitur, Quod prædestinatio & Christi & sanctorum originalis culpa supposuit præscientiam, neque huic veritati contradicit Paul. in argumento citatus, Quoniam de actuali tantum merito loquebatur. Apost. de quare, 1. par. q. 23. artic. 5.

Ad primam confirmationem, primum respondeo non esse vllum incoueniens admittere originis peccatū causam fuisse reprobationis, quod concessit Aug. & forsam S. Doct. non negauit, sed si vellimus contrariam sibi sententiam, maiorem patiemur difficultatem. Mag. Med. 3. par. quest. 1. artic. 3. multa dicit in huius argumenti solutionem, & tandem vt tueatur nullam dari reprobationis causam, dicit, quod ante prædestinationem Christi Deus non præuidit peccatum primi hominis vt commissum, & actū in humana natura existēs, sed præsciuit illud vt infallibiliter futurum. Vnde nullum demeritum præcesserat ex parte hominum, etiā originale, in diuina præscientia antequam prædestinaret electos, & malos homines reprobareret. Hæc tamen sententia alijs omissis quæ ei possent opponi, propter duas causas non placet. Prima, quia sequeretur ex hac solutione Christum non fuisse formaliter prædestinatum, vt redemptorem, consequens est falsum: Ergo &c. Sequella probatur, in illo signo, in quo fuit prædestinatus, nulla erat seruitus in natura humana, nullumque seruientis

contra-

contrahendæ debitum. Ergo pro illo signo Christus non potuit habere formalem rationem redemptoris. Imò videtur sequi, quod quatuor postea nullum sequeretur peccatum, Christus venisset in mundum ex vi decreti prædestinationis suæ, quia prædestinatus fuit non præsupposito peccato. At prius non pendet à posteriori.

Secunda causa est. Quoniam si Deus præsciuit peccatum infallibiliter futurum, iam datur sufficiens reprobationis causa. Vniuersi enim Theologi cum de reprobatione tractant, admittunt, quod si Deus antequam reprobareret homines certo præsciuit eos male vsuros esse sua vocatione & gratia, ex causa eos reprobauit & non ex mera voluntate sua. Nam diuinæ voluntatis, qua Deus vellet reprobare illos homines, veram assignaremus causam, scilicet, malum eorum vsus futurum à Deo præscitum. Si reprobatio esset formaliter iustitiæ vindicatus opus, ita quod esset vera punitio; necessarium esset, vt eius causa esset peccatum actu commissum & perpetratum. At reprobatio formaliter non est punitio, sed opus providentiæ specialissimæ permittentis defectum in natura defectibili & subtrahentis auxilium mere liberale, & nulla ratione debitum. Vnde sufficientissima causa erit ad reprobandum aliquem, eius peccatum præsumptum vt infallibiliter futurum. Non ergo Mag. a Medina hac via argumentum dissoluit, sed dum Scyllam fugit in caribidem incidit.

Prætermissa ergo hac solutione dico, reprobationem præsupposuisse peccati originalis actu existentis præscientiam: neque inde tamen sequitur dari reprobationis causam. Quoniam licet illud peccatum ex se sufficiens esset causa reprobationis, non tamen Deus illud assumpsit vt causam.

Sed rogas, vnde scimus Deum illud non assumpsisse, vt reprobationis causam, cum ex natura sua verum esset demeritum, & sufficiens promde causa vt Deus reprobareret non aliquos, sed etiam homines vniuersos. Respondet. Quod primum hoc scimus à posteriori: quia, videlicet, si Deus illud vt causam assumeret, oēs reprobos propter illud peccatum reprobareret, quod tamen falsum est. Nam multis reprobis per baptismum remissum est originis peccatum: atque adeo non potest in eis dici reprobationis causa. Secundo id ipsum scimus à priori, nimirum, quia Deus dedit Christi passionem toti naturæ humanæ, vt per se primo sufficiens esset remedium in omnibus pro originali culpa, ex quo probabiliter colligimus, quod si Deus toti naturæ dedit hoc commune & sufficiens remedium, & ex primaria intentione ad originalis peccati remissionem, quod non voluit assumere hoc peccatum pro sufficienti reprobationis causa, sed de hac re copiosius disputatur prima par. q. 23. art. 3.

Ad secundam confirmationem nego sequellam. Ad probationem dicitur

dicatur primo quod non ex amore Adæ, vt singularis erat personæ, Deus factus fuit homo, sed ex amore naturæ humanæ, quæ in Adam, vt in primo capite præfuit tota. Et quidem si vera sunt, quæ paulo ante dicebamus, postquam intelligimus Deum propter seipsum, propterque suam amplificandam & illustrandam gloriam, voluisse se tribus illis supra connumeratis modis communicare, prius rationis ordine quam voluisset verbum hominem fieri, humanam conspexit naturam, eiusque ex vna parte dignitatem, & ex altera necessitatem intuens, ipsam prætulit Angelicæ naturæ, & semetipsum ei communicare decreuit, eo modo quo eius communicatio fructuosior, & gloriosior eidem naturæ esse posset, qui modus fuit iste quæ Deus elegit de facto, originis peccatum permittens, vt in eius reparatione, & Christi dignitas & eius gratiæ virtus splenderent magis, & natura humana pluribus exornaretur donis, excellentioribusque donaretur beneficijs. Itaque licet independenter ab amore naturæ propter suam gloriam manifestandam decreuisset per vñionem hypostaticam seipsum communicare, verum quod fieret homo & quod passibilem & mortalem carnem assumeret dispositum fuit & decretum dependenter (si ita licet loqui) ab amore naturæ humanæ, non tamen ab eius prædestinatione: illa enim voluntas qua Deus humanam dilexit naturam, antecedenter se habuit ad sanctorum prædestinationem: quæ posterior fuit ipsa Christi prædestinatione.

Secundo responderetur iuxta alium dicendi modum, qui forte gratior erit Theologis quia communior est & antiquior (etsi nescio an verior) quod Christus in genere finalis causæ fuit simpliciter & prædestinatus & prædilectus, antequam quicquam Deus de natura humana, deque eius amore, ac de hominum prædestinatione tractasset: quamuis in genere causæ materialis, vt sæpe dixi, antecederet præscientia naturæ humanæ, & originalis peccati, &c. Sed tamen diximus quod quæ superius, quod secundum quid reparatio humanæ naturæ finis rationem habuit respectu incarnationis Christi: quatenus Christus passibilem carnem & mortalem, aptamque nostræ redemptioni assumpsit. Itaque cum hic non alia prioritas sit inquirenda, nisi quæ consistit in causalitate & dependentia, quæ inter res ipsas à Deo prequisas & prædefinitas reperitur, singula erunt singulis accommodanda; vt hanc causalitatis dependentiam inueniamus, ac ordinem proinde prioritatis in æterna Dei præordinatione. Dico ergo quod si natura humana, omni cum naturali & supernaturali perfectione sua absolute consideretur respectu Christi, non determinando hunc, vel illum statutum, in quo Christus esset, mortalem, videlicet, aut immortalem, rationem habuit medij: & Christus præintensus fuit, & præuolens per modum finis. Et id ipsum, & fortiori ratione dicendum est, si confide-

consideretur natura humana cum omni sua perfectione per comparationem ad Christum in statu glorioso constitutum, Cæterum si natura eadem humana eiusque reparatio & redemptio comparentur ad Christum, consideratum in carne mortali & passibili, in humilique viatoris statu, Christus secundum hunc modum consideratus rationem habuit medij, comparatione ad naturam humanam, ad eiusque redemptionem & salutem, ipsa autem natura eiusque salus rationem induit finis proximi & immediati, ac proinde prædeterminatio & prædestinatio Christi, ut futuri in carne passibili, & in carne proportionata humanæ redemptioni, præsupposuit ipsius humanæ naturæ dilectionem, & intentionem redemptionis & salutis eius. Neque tamen hinc licet inferre, quod Christus prius fuerit prædestinatus absolute venturus, quam prædestinaretur venturus in carne mortali. Quia in unico instanti rationis, prædestinatus fuit venturus, & taliter venturus: Et fuit prædestinatus ut esset immortalis & gloriosus, qui est status connaturalis & debitus ipsius Christi dignitati, dependenter tamen ab eius passione & morte: sed ea quæ in illo simplicissimo rationis signo contingere, nos rationabiliter distinguimus, & per nostrum intellectum secernimus accommodantes singula singulis. Quod explicari poterit, exemplo naturalis generationis superius adducto, circa quandam similem huic solutionem, quam ob id tunc probauimus, quia in sententia Scot. de qua tunc fiebat sermo, hæc solutio locum non habet.

Ad tertiam confirmationem, suppositis his quæ nunc dicebamus, quæ sunt veluti fundamenta totius doctrinæ S. Thom. in hoc tractatu supponenda: Responderetur. Nullum esse inconueniens, imo esse rationabile, quod maius bonum quandoque referatur ad minus bonum ut medium ad finem, quando minus bonum non propter se principaliter appetitur, sed propter bonum aliud altius & eminentius. Ita quod habet rationem finis non ultimi & principalis, sed proximi & immediati dumtaxat. Potest enim prudenter Princeps totum exercitus robur periculo exponere, propter cuiusdam parui Castri expugnationem; quatenus Castrum per se ordinatur in totius Regni bonum. Sed aliud exemplum huic intento est accommodatius. Potest homo iuste & rationabiliter propriam vitam alicui periculo exponere propter comparandas diuitias, ut faciunt hi mercatores, qui mare navigant. & exteras peragant regiones: quatenus diuitiæ eadem ordinantur, & tandem cedunt in eiusdem vitæ sustentationem & splendorem. Ex his duobus exemplis colligo integram confirmationis tertiæ solutionem. Ex primo infero, quod nulla esset ordinis peruersitas, si Deus Christum, ut hominem, & omnia quæ ad ipsum ut hominem spectant, in humani generis redemptionem & salutem, ut in quendam

finem ordinasset, quatenus ipsa redemptio generis humani, atque omnibus itidem eius salus cedunt tandem in manifestationem, & exaltationem diuinę bonitatis & glorię, qui est finis præcipuus à Deo in omnibus eius operibus præintendus. Ad hunc modum Angelos hominibus & natura, & statu præstantiores humanis Deus obsequijs destinauit, ita ut Paul. ne quis Angelorum dignitatem eximiam Christi æquaret excellentiæ Hebr. 1. Ipsis spiritibus Angelicis opposuit. Quod Christo ad Patris dexteram sedenti, ipsi tamen omnes administratorij sint spiritus, propter eos qui hereditatem capiunt salutis. Et hoc plane quatenus Deus prudenter ordinauit, quatenus hominum salus, quam Angeli suis promouere ministerijs curant, in ipsam dei gloriam tandem, ut in finem potissimum destinatur, & cedit. Infero ex secundo exemplo, quod Deus laboriosam Christi vitam, eiusque passionem & mortem, eo destinauit in hominum redemptionem & salutem, ut in finem proximum, quia ipsa humana redemptio & salus non solum refertur & cedit in magnificam ipsius Dei gloriam, sed in gloriam etiam & exaltationem præclaram ipsiusmet Christi: eam, videlicet, quam post mortem fuit assequutus. Et hoc quidem re ipsa non est aliud, quam quod laboriosa Christi vita, atque itidem eius passio, & mors referantur, ut in finem intrinsecum, in gloriosam ipsiusmet Christi exaltationem, augustissimamque gloriam: assumendo, ut quoddam inter medium ipsam hominis redemptionem, & salutem. Et ob id nulla hic interuenit ordinis peruersio.

Septimo argumento facile dicitur (multis prætermisiss alijs) quod hoc argumentum cum sua confirmatione probat sufficientissime, potuisse rationabiliter fieri, quod Deus mitteret filium suum in mundum, etsi nullum existisset in natura, vel humana, vel Angelica peccatum: non vero probat ita factum fuisse. Immo (ut plene euacuaturn maneat argumentum) neque probat congruentius fuisse, quod sine præuisione peccati originalis Deus decreuerit filium suum in mundum mittere. Nam multo congruentius fuit oppositum.

Quia secluso originali peccato, neque efficacia & virtus gratiæ Christi, neque ipsa diuina bonitas tam apertam manifestationem accepissent, nec tam copiose Deus supereminentes diuinæ gratiæ suæ diuitias suis communicaret & diffunderet creaturis, nec tam se liberalem ostenderet & magnificum: neque humanæ naturæ, imo nec ipsi creaturarum vniuersitati tantam contulisset extellentię dignitatem.

Ad argumentum octauum conceditur maior, si intelligatur in genere causę finalis, nam in ordine materialis causę, etiam ipsum peccatum Angelicum præuisum fuit ante prædestinationem Christi, ut constat ex supradictis.

Ad alia quæ ultimo tandem loco ex innocentiz statu obijciuntur, primum, quod atinet ad cognitionem, quæ Adam in illo statu Christum agnouit. satis est superius expositum, Vnde id tantum explicandum superest. Num gratia Ade fuerit ei in illo statu ex Christi meritis collata. Et breuiter dico, utramque sententiam esse probabilem. Et quidem licet Christus absolute in scripturis sacris vocetur auctor salutis, & gratiæ totiusque spiritualis benedictionis, & alia similia habeantur passim in sacra pagina, & apud sacros auctores, & patres, qui dicunt Christum fontem esse omnium gratiarum; ex quibus videtur colligi gratiam, quæ fuit in statu innocentiz, Christi meritis & sanguini tribueudam esse. Sed tamen satis probabiliter hæc omnia explicantur de gratia sanante, quæ a Christo, ut redemptore, & saluatore humanæ naturæ per peccatum infectæ ortum habuit. Atqui cum Christus nullum habuerit meritum, quod non spectauerit ad redemptionis ordinem, cuius oppositum nullus theologorum audebit dicere; quia omnia Christi merita referebantur ad Crucis mortem, ut colligitur ex illis sæpe citatis Pauli verbis. Humiliauit semetipsum factus obediens, usque ad mortem, &c. Et colligitur ex illa prima voluntate qua Christus nos sanctificauit, de qua Paul. ad Hebræos 10. Nam per illam seipsum obtulit in oblationem & sacrificium pro hominum peccatis. Cum, inquam, omne Christi meritum, ad humani generis redemptionem spectet, vix vlla cum probabilitate dici potest, Christum aliquā promeruisse hominibus gratiam, quæ ad ordinem redemptionis non spectaret. Vnde neque dici debet, quod meruerit simpliciter gratiam primo parenti in statu suæ creationis collatam. Hoc argumentum, quod nunc insinuat, non omnino debile est ad confirmandam S. Thom. sententiam, quæ docet Christum non esse prædestinatum ante peccati præscientiam. Nam si fuit prædestinatus, non præuiso peccato, sed ipso non extante veniret in exaltationem, & glorificationem rationalis naturæ: cedo merita, quæ respondeant illi prædestinationi. Nam si ad glorificandam naturam humanam fuit prædestinatus, aliquot debuerunt prædefiniri merita, quibus hanc humanitatis exaltationem Christus ipse promereretur. Quod si nulla signari possunt, voluntarie & sine fundamento talis configitur prædestinatio. Hæc dicta sunt ad probabilitatem explicandam sententiæ asserentis gratiam Adæ ad statum innocentiz pertinentem, reparationem quidem per Christum accepisse, ac reuiuiscantiam etiam in suis operibus meritorijs, quæ in illo statu Adam effecit, non tamen ipsam secundum substantiam suam ex Christi meritis ortum habuisse, sed ex sola Dei liberali voluntate dimanasse.

il. fol. 715

Sed cui placuerit sententia contraria dicat, quod supposita S. Tho. sententia in cuius expositione hactenus versabamur. Ita dicendum est. Quod gratia collata fuit Adæ duplici titulo. Alter quidem liberalissimæ fuit donationis Dei, qua in ipso voluit totam rationalem naturam, ad supernaturalem finem ordinare, & disponere. Et hic titulus non Christo, sed communi, & generali Dei providentiæ est ad scribendum ad quam pertinet res omnes in suos fines dirigere, mediisque ad eorum assecutionem sufficientia præstare. Alter vero fuit titulus iustitiæ, passionis, & meritorum Christi. Ita ut titulus liberalitatis præcederet iustitiæ titulum. Et quidem cum uterque titulus iam fuerit multo ante præfusus, quando Adam gratiam illam accepit, nullum est inconueniens, ut titulum utrumque in ipsa actuali gratia collatione reperiamus. Dices, quod secundus iustitiæ titulus non bene cohæret cum primo liberalitatis titulo. Iustitia enim liberalitatem euacuat. Respondeo dupliciter. Primo, quod si iustitia esset ipsius Adæ suscipientis gratiam, forsan hæc obiectio alicuius esset considerationis. Cæterum iustitiæ titulus cui correspondet collatio prædictæ gratiæ, nullam iustitiam ponebat in Adamo gratiam suscipiente, sed potius augebat liberalitatis & magnificentiæ diuinæ titulum, quod præcedenti q. artic. 3. dubio ultimo copiosa resolutione demonstraui. Tota autem iustitia ex parte Christi se tenebat. Secundo respondeo, repugnare quidem, ut id, quod ex dono liberalitatis iam quis accepit & actu possidet, denua recipiat ex iustitiæ titulo. Verum non implicat, quod cum aliquod bonum, liberali promissione fuerit alicui oblatum, quod antequam is, cui oblatum fuit, ad actualem eius possessionem perueniat, nouum iustitiæ titulum acquirat ad eiusdem boni perceptionem, siue ex proprijs, siue ex alienis operibus. Exemplum habetur in gloria, quæ respondet primæ gratiæ in iustificatione impij. Nam valde probabile reputant sapientiores etiam theologi, quod eo ipso, quod is, qui iustificatur accipit gratiam, designatur, & acceptatur ad eum gloriæ gradum, cui illa gratia est proportionata. Nam si Dei filius, & hæres gloriæ per Christum: quem tamen gradum gloriæ meretur ipse qui iustificatur per proprium actum, per illum, videlicet, quem habet in ipso iustificationis instanti, prout est dispositio concomitans gratiam, ipsam in genere efficientis & formalis causæ ordine naturæ præsupponens. Similiter ergo in præsentia dico, quod innocentie gratia ex prima, & generali Dei ordinatione data fuit Adæ sine Christi meritis, ut in ipso totus ordo gratiæ primo fundaretur, & simul cum natura ad totam eius deriuaretur posteritatem, quod ante præscientiam meritorum Christi in ipsa fuit Dei æternitate dispositum. Sed quoniam priusquam æterna hæc Dei

* aliàs, de
nuo

Rom. 8.

præor-

præordinatio ad effectum peruenisset, præuisum fuit a deo originale peccatum, fuitque etiam prædestinatus Christus in eius remedium, intuens Deus totam ipsam meritorum Christi infinitatem, decreuit ut eadem ipsa gratia, quæ Adamo in ipso suæ creationis momento ex vi generalis antecedentis prouidentia conferenda erat, esset simul præmium meritorum Christi: ut Christus omni cum proprietate & sermonis rigore dici posset agnus occisus ab origine mundi, id est, a primo instanti creaturæ rationalis, quod fuit primum instans, in quo mundi constitutio fuit consummata. Et hæc sententia inde magnam probabilitatem accipit, quod matrimonium in statu innocentie inter primos parentes celebratum, ex Christi meritis accepit signum esse spiritualis matrimonij Christi cum Ecclesia. Nam quod illa significatio non pertineret ad innocentie statum, si Christus per se primo prædestinatus fuit venturus in peccati remedium, manifestissimum est: atque adeo significatio illa non ad prouidentiam illi statui debitam pertinere potuit, sed ad ordinem prædestinationis Christi, & ex consequenti ex eius meritis ortum habuit. Quod vero matrimonium Adæ in ipso innocentie statu prædictam habuerit significationem, & quod Adam non cognouerit illam quasi pro alio statu futuram, ut quidam arbitrantur, sed pro tunc iam existentem, docuit expresse August. lib. de nupt. & concup. c. 21. quem locum retuli superius in calce argumentorum quæ pro prima opinione informavi. Cuius solutione consulto ad hunc locum distuli: ne sæpius eadem repetere esset necessum, in quo loco nihil aliud Aug. docuit, quam quod in statu innocentie independenter ab existentia peccati matrimonij primorum parentum mysteriosam & quasi sacramentalem matrimonij Christi significationem accepit. Non vero Aug. dixit, quod ante præscientiam peccati præordinasset Deus, ut matrimonium Adæ signum esset prognosticon, spiritualis matrimonij Christi cum Ecclesia.

Sed iam ad rem dico, quod si matrimonium primorum parentum hanc ex Christi meritis sortiebatur in illo statu spirituale significationem, cetera vllâ improbabilitatem dici poterit, quod gratia Adæ rationem quoque induit præmij meritorum Christi. Hæc autem perfectio nullatenus ei inerat ea præcisa ratione, qua gratia erat innocentie status: Nam status hic formaliter consideratus, ad Christum non spectauit: sed quia aliquo modo pertinebat ad futurum statum redemptionis per Christum faciendæ, prout in diuina præscientia præuidebatur reparanda per Christum.

Ecce multa diximus in huius primi dubij expositione, & plane laborauimus (nescio an feliciter) ut ipsam attingeremus veritatē. Sed non adhuc distincte explicauimus id, quod explicandum in quæstionis titulo

tulo proposuimus, nimirum, an Christus verè & proprie dici possit omnium rerum caput, nam si vera sunt quæ in explicatione S. Tho. diximus; Christi videlicet, prædestinationem in genere finalis causæ ordine rationis omnium præordinationem in dei mente præcessisse, ita videtur fore dicendum. Sed nihilominus ut huic prolixæ quæstioni ultimam imponamus manum sit.

Quinta Conclusio.

Christus non debet appellari caput rerum omnium naturalium secundum eorum esse naturale. Potest tamen, & si non ad modum proprie, vocari caput omnium naturalium rerum comparatione ad supernaturalem finem. Primam partem conclusionis negasse videntur aliqui theologi, ex illis præsertim qui putant Christum venturum in mundum, & si nec primus homo, nec quiuis alius peccasset: Sed tamen hæc conclusionis pars mihi apparet adeo certa, ut nemo possit eam probabiliori ratione inficiari. Probatur. Ad rationem capitis per se requiritur influxus in membra, si non actualis, saltem aptitudinalis. At Christus, ut homo, non habet influxum aliquem in omnes creaturas vniuersi huius, qui spectet ad naturalem ordinem, neque ullus unquam theologum docuit christum influere creaturis motum, aut perfectionem aliquam, quæ ad eorum esse naturale spectent. Nam finis, quem christi aduentus intendit, non naturalis est, sed supernaturalis. Et sicut ipse tempore suæ passionis instanti dixit, Regnum suum non esse de hoc mundo, id est, principatum quem tenet & exequitur in homines, non ad finem naturæ spectare: ita dicere potuisset, quod illa suprema auctoritas, quam supra omnes obtinet creaturas, non est de hoc mundo, id est, non secundum naturæ leges pensanda est, neque ex fine naturali regulanda. Ergo nullatenus dici potest Christum capitis rationem sortiri supra totum vniuersum secundum eius esse naturale. Neque valet illa consequentia dudum insinuata. Christus est finis omnium rerum naturalium quantum ad totum illarum esse, ergo est ipsarum caput. Quoniam ad rationem finis non est necessarius influxus ille, quem ad rationem capitis diximus esse necessarium. Vnde nisi deus influeret in creaturas perfectiones earum naturales, & nisi vere potuisset dicere Paul. ad Rom. 17. quod in ipso viuimus, mouemur & sumus, nullatenus caput vniuersi posset appellari. Secunda vero pars conclusionis probatur. Et primo de partibus vniuersi quæ, vel ad mores solent conferre, ut honores, diuitiæ &c. vel quæ sunt quædam contingencia, quæ ad primariam & principalem vniuersi constitutionem non pertinet, ut generatio ali-

cuius

culus individui, mors, sanitas, egritudo, &c. Probatur; hec conc. pars. Res istae omnes possunt cadere, & cadunt quam saepius sub Christi meritis. Sunt enim multoties praedestinationis effectus: ergo participant influentiam christi in ordine ad supernaturalem finem: atque adeo christus aliqua ratione potest earum dici caput, comparatione ad istum finem. Probatur etiam haec conclusionis pars, de partibus uniuersi praecipuis & quae ad primariam eius constitutionem spectant. Partes istae ex christi meritis accipient perfectionem magnam, & renouationem in die ultimo, cum consumabitur totus humanae uitae cursus. Nam superius explicantes illa verba Pauli ad Colosscen. 1. Pr. mo genitus omnis creaturae, & illa rom. 8. ipsa creatura liberabitur a seruitute corruptionis, diximus secundum intelligentiam Chrysostomi, a qua non recedunt Ambrosius, S. Thom. & alij non pauci graues S. Pauli interpretes, quod in ultima hominum resurrectione totum ipsum perficietur vniuersum, & a seruitute corruptionis liberabitur. Hanc autem perfectionem accipiet ipsa creaturarum vniuersitas, ex Christi meritis prouenientem, est enim velut quid consequens ad ipsam filiorum dei manifestationem, quae tunc & consumabitur & reuelabitur, estque veluti praemium & merces seruitutis quo omnis creatura seruauit Christo in expeditione negotij praedestinationis filiorum dei: qui in ipso christo ab aeterno fuerunt electi & praedestinati, & in christo & per christum suam in tempore certam fecerunt vocationem, & ipsam adoptionem filiorum dei fuerunt assequuti. Hac igitur ratione, omnis creatura sub christo non solum tanquam sub fine, sed etiam, tanquam sub capite comprehenditur: estque proinde Christus totius vniuersi caput per comparationem ad supernaturalem finem. Dixi tamen non omnium proprietate christum irrationalium & insensibilium creaturarum caput vocari. Quoniam ut S. Thom. 3. par. q. 8. art. 4. ad 1. insinuat, caput debet esse homogeneum, id est, eiusdem rationis cum membris. Vnde propter huius conditionis defectum, christus non multa cum proprietate poterit caput harum creaturarum vocari; sed appellabitur tamen aliqua bona ratione, quia, videlicet, eminentiam habet & excellentiam supra totam creaturarum vniuersitatem, & insluit praeterea in ipsas creaturas perfectiones aliquot, quae ad ordinem pertinent supernaturalem. Et haec tenus dictum fuerit de hoc primo dubio.

Secundum dubium.

Verum Christus caput sit omnium hominum secundum omnem eorum statum. Hoc dubium & si propter rationem a principio huius quaestionis insinuatam, in prima sui specie de christo procedat, praeci-

præcipue tamen instituitur ad inuestigandum ipsam gratiæ habitus-
 lis christi perfectionem, An videlicet, vere & proprie appellanda sit
 gratia capitis. Et id circo tota huius dubij disputatio incipiet ab
 huius rei examinatione: Est igitur primum argumentum quo pro-
 batur gratiam habitualement Christi non esse capitis gratiam. Habitua-
 lis christi gratia eiusdem est speciei simpliciter loquendo, cum gra-
 tia aliorum iustorum vt superius quæst. 3. art. 2. diffiniuimus ex com-
 muni Theologorum doctrina, sed gratia aliorum iustorum non po-
 test ex se referre bona operantis opera in spirituale cōmodum alio-
 rum, sed in priuatam duntaxat ipsius operationis vtilitatem, neque
 vllam habet vim, vt possit efficaciter spirituale aliquem influxum
 in alios causare. Ergo neque competit habituali Christi gratia, atq-
 adeo nequit esse gratia capitis. Ratio enim capitis exigit vim ad in-
 fluxum in tēbra. Maior patet. Tū quia alias quælibet gratia cuius-
 libet iusti, esset appellanda gratia capitis, Tum quia purus homo ius-
 tus non ob aliud nequit mereri alteri de condigno, nisi quia eius
 gratia ex se non habet vim referendi sua opera in alterius commo-
 dum. Vnde si quando referantur, talis relatio non erit a gratia, sed
 a voluntate operantis, & consequenter poterit ibi meritum congrui
 interuenire, minime vero meritum condigni. Namque condigni
 meritum postulat supernaturalitatem proportionatam præmio, &
 in substantia operis meritorij, & in relatione quæ in ipsum præmiū
 referatur, neque alia apriori poterit assignari ratio meriti de condi-
 gno, quod erudite docuit S. Doctor 1. 2. q. 114. art. 3.

Dices quod hæc vis referendi opera in spirituale aliorum utili-
 tatem, non conuenit quidem essentialiter gratiæ habitui Christi:
 conuenit autem ei ex subiecto in quo residet. Contra. Superius præ-
 fertim q. 3. art. 2. & q. 4. art. etiam secundo ostendimus, quod ex rea-
 li coniunctione ad diuinum verbum nulla physica virtus aut virtu-
 tis modus resultat in habitualement christi gratiam, eo quod verbum
 qua ratione exequitur officium suppositandi & personandi humani-
 tatem, nihil effectiue operatur in ipsa humanitate, aut in eius acci-
 dentibus, sed tantum vnitur ei per modum terminantis ipsam perso-
 naliter & complentis illam eius dependentiam, qua pendet a pro-
 prio supposito. Sed si qua ponenda esset in gratia vis referendi opera
 christi in aliorum commodum, illa deberet esse physica. Nam hoc
 quod est ordinare & referre proprium opus in alium, & si moralita-
 tis habeat admixtionem: reale tamen quid est & physicum, & quod
 proinde physicam vim in ipso referente præexigit: Ergo &c.

Confirmatur. Vel ista vis & perfectio, qua habitualis christi gra-
 tia potest ipsas christi operationes in spirituale hominum utilita-
 tem ordinare, residet inherenter in ipsa gratia, vel in eius subiecto
 dunta-

* alias, in
 fluendum

damtaxat. Si in subiecto tantum. Ergo ipsa reuera, nihil in se habet quo intrinsece constituatur in ratione gratiæ capitis: atque adeo denominatione tantum extrinseca capitis gratia vocatur: & ex consequenti, non est simpliciter, sed secundum quid gratia capitis. Si vero in semetipsa vim illam & perfectionem participat: oportet explicare ex quo principio ei competat: cum neque ex intrinsicis sue naturæ principijs, eo quod est eiusdem speciei cum gratia nostra, neque, ut sufficienter probauimus, ex Verbo cui realiter coniungitur, ei conueniat. Ergo, &c.

Secundo arguitur. Gratia capitis specie differt a gratia personalis: Ergo si in Christo constituamus gratiam capitis, affirmare tenebimur, vel quod in ipso duplex est gratia, quarum altera est personalis, & altera gratia capitis, vel quod vna, & eadem gratia in gemina substantiali specie reponitur. Sed utrumque falsum esse apparet: Ergo, &c.

Tertium argumentum. Habitualis Christi gratia, neque ob id esse potest gratia capitis, quia est accidens Christo Ecclesiæ capiti, inexistens. Nam hac ratione quodcunque accidens Christo inherens diceretur, & esset capitale. Neque vero quia est instrumentum coniunctum Christo capiti, quo vitur ad gratificandos & sanctificandos homines. Nam hac ratione caro Christi & eius passio, imo & ipsa corporis Christi membra manus, pedes, &c. essent capitalia, quia Christus Ecclesiæ caput his omnibus, uti diuinæ suæ virtutis, diuiniq; verbi instrumentis vitur ad sanationem, & gratificationem animarum. Igitur nulla est in habituali Christi gratia specialis aliqua ratio, ob quam cum proprietate vocari debeat gratia capitis.

Quartum argumentum. Christus non est caput Ecclesiæ: ergo nec habitualis eius gratia debet censerī gratia capitis. Huius conseruationis vim a principio huius quæstionis ostendimus. Antecedens vero probatur. Christus non est caput Ecclesiæ in quantum homo: quod vero sit caput in quantum Deus, est ad propositum impertinens. Quia etiam Pater ut Deus esset Ecclesiæ caput, & similiter Spiritus sanctus: nos vero loquimur de Christo secundum specialem rationem, quæ non est ei communis cum alijs sanctissimæ Triadis personis: Ergo, &c. Probo maiorem, & ostendo, quod etiam si illa dictio, in quantum, specificatione sumatur, falsum sit, quod Christus in quantum homo est Ecclesiæ caput. Christus in quantum homo non habuit meritum infiniti valoris, neque satisfecit satisfactione rigurosa. Nam valoris meritorij infinitas, & satisfactionis rigor, non ex humanitate, sed ex diuino tantum verbo delumebantur, & participabantur. In huius

manis Christi operibus. Ac si huiusmodi valorem ab humanis Christi operibus secludamus, nequaquam nobis proderunt: Neque enim alia ratione Christi meritum & satisfactio ad nos pertinet, nisi quia perfectum fuit meritum, & perfecta exactaque fuit satisfactio: ergo in quantum homo non influit Christus in ipsos Ecclesie fideles communicans eis suorum meritorum, suarumque satisfactionis virtutem: atque adeo non est eorum caput.

Quinto arguitur & probatur itidem Christum dominum non esse Ecclesie caput. Si Christus est caput Ecclesie, sequitur eum esse quoque ipsius Ecclesie membrum & partem. Consequens non apparet admittendum. Quia esse partem, aut membrum imperfectionem importat. Ergo, &c. Sequella probatur. Caput in naturalibus (ad quorum analogiam Christus caput Ecclesie dicitur) membrum est, & pars totius suppositi cuius est caput, & reuera membrum essentialiter est superius ad caput, & ad ceteras corporis partes, atque adeo hæc prædicatio, caput est membrum, essentialis est: ergo, &c. Bene valet consequentia illa, Christus est Ecclesie caput: ergo est eius membrum & si præcipuum.

Confirmatur, sequitur ex contraria sententia concedi posse hanc propositionem Christus est caput, imo & membrum Christi. Consequens autem manifestam præferrat absurditatem. Ergo, &c. Probatur sequella Paul. 1. Corinthios 12. Ecclesiam appellat Christum illis verbis. ita Christus. Vbi liquet ex contextu illam vocem, Christus pro Ecclesia accipi: Ergo si Christus caput est Ecclesie, poterit & caput Christi vocari.

Sextum argumentum extra rationem capitis est, quod per suum influxum constituat in actu substantiali ipsa membra corporis cuius est caput: ita quod ex membris in potentia efficiat membra actu. Proprium enim capitis officium est, influere motum, & sensum in membra iam constituta in actuali esse membrorum, & vnita ipsi capiti & toti compositio per substantialem generationem. Quod ex capite corporis naturalis constat, ad cuius similitudinem Christus caput sui corporis mystici, nimirum, Ecclesie, vocatur. Sed Christus propria virtute efficit membra Ecclesie in actu substantiali membrorum, eaque sibi vnit, & copulat, quod est certa fide tenendum. Ergo non potest nisi magna forsitan cum improprietate caput Ecclesie dici.

Septimum argumentum. Gratia Christi habitualis non causat efficienter, saltem physica efficientia, spiritualis vitæ motum, & influxum in omnes homines qui Christi virtute sanctificantur, ac proinde neque influit in omnia corporis Christi mystici membra. At proprium capitis officium est, efficienter influere in omnia corporis membra. Ergo improprie appellatur a theologis gratia caput. Maior probatur. Primo de illis

hominibus, qui in statu legis Moysæ in fide christi venturi salutē fuerunt assecuti. In quibus christi gratia, cum non adhuc extraret, nō potuit ullam efficientiam præsertim physicam habuisse. Nulla enim causa operari potest nisi prout existit actū. Quod verō neque in homines qui in præsentī statu salutem assequuntur eiusmodi habeat efficientem influxum. Probatur. Quia cum nullo eos physico attingat contactu, nulla potest physica eius actio circa hos homines consistere. Ergo. Christi gratia nullum habet influxum, qui ad rationem capitis pertineat.

In oppositum autem militat communis theologorum doctrina in 3. dist. 13. vbi S. Tho. & 3. par. quæst. 8. per totam sed præcipue art. 5. eam luculenter amplificat.

Ad propositæ quæstionis decisionem illud est præula observatio: ne præmittendum, quod licet ratio capitis non proprie, sed metaphorice & similitudinariè Christo! cōmparatione ad Ecclesiam accommodetur: Sicut & ratio corporis de ecclesia siue militanti, siue triumphanti, non nisi metaphorice dicitur & per similitudinem ad naturale corpus. vt ex paulo 1. corin. 12. colligitur in illis verbis. Sicut enim corpus unum est &c. Quamquam hoc ita sit, nihilominus tamen hæc figurata, & similitudinaria locutio magnam vim habet ad explicandum eum superioritatis modum, quo Christus suæ Ecclesiæ præeminet. Qui non tam in externa præminentia & gubernatione consistit, etsi hanc cognoscamus, (& ob eam S. Thom. 3. par. quæst. 8. articul. 1. ad 3. dicat Christum potius caput ecclesiæ, quam eius cor appellandum fore) quam in spiritali & interno in animabus fidelium influxu. Quem vox ista, Caput, nobis denotat, proportionē desumpta ex his quæ in capite naturalis corporis contingunt. Cuius proprium officium est in omnia viuētis corporis membra motum & sensum, iuxta membrorum proportionem, assiduo influxu operari. Scio equidem persuasum fuisse grauissimis philosophis cum Aristot. lib. de somno & vigili. cap. 2. & lib. de communi motu animal. cap. 4. & 5. & lib. 2. de generatione animal. (alijs & non paucis, ijsque in philosophia & medicina peritissimis reclamantibus) caput in animali non esse principium totius vitæ, sed vitæ, tantum sensitiuæ, nam primum vitæ gradum cordi tribuit, Verum hæc limitatio id tantum efficit, quod sicut infinitam dei perfectionem, quamlibet simplicissima sit, non valemus, Dionysio in lib. de diuin. nomin. adnotante, vnica voce, non modo comprehendere (est enim & nomine, & intellectu creato incomprehensibilis) verum neque aliquali significatione attingere, sed quamplurimis oportet vocibus vtamus. Ita spiritalis Christi virtus, quam fidelibus communicat, & modus

quo in ipsa corporis sui mystici membra influuit, neque vna simplici voce, propter grandem, & eximiam tantæ virtutis, tamque vniuersalis, efficacissimique influxus excellentiam, exprimi potest, neque vna tantum similitudine ex creaturis desumpta sufficienter explicati. Quo fit, ut sacræ literæ diuersis appellationibus fecundissimam, multiformemque christi virtutem nobis insinuent. Appellatur quoque Radix Isai. i. radix Jesse, qui stat in signum populorum, ipsum gentes deprecabuntur. Vbi obseruatione dignum censeo, quod Spiritus sanctus hoc in loco dupliciter insinauit, & fere explicuit, quæ in christo, prout est supremum, & vniuersale ecclesiæ caput, reperiri extra fide credimus. Alterum est secreta quædam spiritualis viuifica virtus, quam interno quodam, & inuisibili influxu christus in sua membra, diuersorum membrorum porportionem seruata, assidue influit. Quam virtutem Paulus ad Eph. 4. grauissimis verbis expressit. Vexillatam, inquit, facientes in charitate crescimus in illo per omnia, qui est caput, Christus: ex quo totum corpus compactum, & connexum per omnem iuncturam subministrationis, secundum operationem in mensuram vniuscuiusque membri, augmentum corporis facit in edificationem sui in charitate, occultam hanc spiritualem christi virtutem insinuat illa dictio. Radix. Arboris enim radix occultata est & recondita, neque hominum conspectui patet: sed ex ea latenti quadam diffusione viuificatrix virtus ad totum arborem, ad vltimum vsque eius folium deriuatur. Alterum vero quod ad caput pertinet, est visibilis eminentia in corpore, in quo principem locum tenet; & quasi visibile exercet totius corporis gubernationem. Quod Isai. illis verbis subnotauit conuenire christo. Qui stat in signum populorum, &c. Quem radicem vocauerat, ac proinde occultatam, & inuisibilem, mox dicit stare in signum populorum. Vt ad ipsum in conspectu omnium gentium positum oēs confugiant tanquam ad militare principis vexillum. In quo similiter alia duo, quæ inter caput & corpus cōtingunt, significantur. Vexillum namque seu militare signum defensionis militum præcipue deseruit. Nam sub ipso adunati et aggregati defenduntur, & impetuoso hostium incursum facilius obstant, ac vltimam tandem victoriam reportant. Et milites primario eo potissimum contendunt in prælio, ne ipsum principis aut ducis signum periclitetur. Quæ duo in corpore erga suum caput ipsa ducente natura obseruata reperimus, sub capite enim adunata corporis membra & capitis influxui bene coaptata facile conseruantur, & coalescunt. Et in conseruando, ac tuendo capite vniuersa membra maxime sunt intenta; sic adeo, ut propter capitis conseruationem alia particularia membra manifesto se exponant discrimini. Hæc mutua & vicaria capitis, & corporis officia, in Christo, & ecclesia conspiciet, is qui attente rem consideraue-

rit. Christus enim signum est, & princeps militare vexillum, sub quo saluantur, quotquot in spirituali huius vitæ militia saluantur. Estq; caput, cuius influxu cessante, cessaret ipsa omnium ecclesiæ fidelium spiritualis vita. Quod propheta magis adhuc explicuit verbis mox adiunctis, Ipsum gentes deprecabantur. Sed præterea in eius gloria tuenda, & amplificanda laborant vniuersi fideles, illi præsertim qui in præcipuo ecclesiæ loco sunt à Spiritu sancto, vt robustiores & valentiores milites collocati. Et qui potiora sunt huius mystici corporis membra. Cuiusmodi sunt illi de quibus Paulus meminit 1. Cor. 12. Ibi, diuisiones vero gratiarum sunt &c. Et ad Ephes. 4. Et ipse dedit quosdam quidem Apostolos &c. Hæc obiter sunt adnotata, non solum vt exacta citati ex Isai. testimonij habeatur intelligentia, sed potissimum vt rationem capitis, quæ in Christo comparatione ad ecclesiam reperitur, aliquo modo insinuemus.

Quandoque vero vitis vocatur. Ioan. 15. Ego sum vitis vera, & vos palmites. Vbi non solum viuificum ac secundissimum influxum, enimque apprime necessarium, quem Christus in suos influit fideles, nobis designat: verum & externam etiam coniunctionem, quam cum Christo, & in Christo habemus aperte, declarat. Sed quoniam vnio vitis ad palmites, ad fructuositatem potius, quam ad superioritatem pertinere videtur, idcirco hæc similitudo tantisper apparet deficiens. Cuius deficientiæ supplet similitudo alia, qua se Christus comparauit luci, & illum scriptura sacra soli comparat. Sol enim eminentissimum tenet in toto orbe locum, ac per modum eminentissimæ superioritatis in hunc visibilem mundum mira virtute & potestate influit. Sed neque comparatio ista satis est adæquata, Nam & si Aristot. lib. 1. Meteor. dicente, necessum sit mundum istum visibilem contiguū esse lationibus superioribus, vt inde tota eius virtus gubernetur: at nō tanta, tamque intranea est inter hunc inferiorem mundum & cælestes orbes coniunctio, neque tam intrinseca vnio, vt exacte nobis referre possit eam, quæ inter Christum & eius fideles reperitur.

Vocari etiam solet Christus Ecclesiæ fundamentum, vt a Paul. 1. Cor. 3. vocatur. Qua plene assimillatio exprimit satis, qua ratione totam huius spiritualis Ecclesiæ ædificationis firmitatem ad solum Christum reuocare debeamus, vt ad firmissimum & solidissimum fundamentum: ad quam similitudinem pertinet ea, qua Christus in script. sac. petra vocatur. Verum isthæ comparatio exacta non est. Fundamentum namque ædificium inchoat & sustentat, at non ipsum perficit, exornat & consumat. Vnde vt scrip. sac. alia comparatione huius deficientiam compensaret, Christum lapidem angularem vocauit: cuius proprium est claudere, perficere, ac summa cum firmitate ædificium consummare, atq; omnia quæ dispersa videbantur, in vnum

colligere, ac consummatim copulare.

His & alijs figuratis locutionibus, spiritus sanctus in sacra pagina utitur, ut vnionem Ecclesiæ ad Christum explicet, mirabilemque ac fructuosam virtutem & vim, quam ab ipso suscipit, & qua se mota, tota eius & pulchritudo & substantia euanesceret. Sed efficacioribus ad huc comparationibus utitur, quæ licet cum referuntur ad ea ex quibus fuerunt desumptæ, figuratam & methaphoricam acceptionem importent: subindicant tamen vere & proprie ea quæ Christo, & Ecclesiæ contingunt. Et prætermisiss alijs, duæ sunt præcipuè. Altera qua Christus sponsus & vir Ecclesiæ vocatur, & ipsa Ecclesia Christi sponsa, agnique vxor. Nam ut vir & vxor duo sunt, ut inquit Paulus Ephes. 5. in carne vnarita Christus & Ecclesia in carne vna sunt, non solum specificæ naturæ vnitate, sed & specialiori alia coniunctione, quæ sponsalicio affectu, & officio conciliatur. Vnde factum est, quod Christus nihil sibi proprium seruauerit, sed totum quod ad ipsum pertinet autoritatis, dignitatis, gloriæ, & excellentiæ atque itidem potestatis, suæ sponsæ dilectissimæ communicauerit Ecclesiæ. Neque enim & ipsam potestatem, quæ propria esse videtur viro, & marito digna, sibi seruauit Christus, sed & eam quoq; suæ charissimæ sponsæ voluit esse communem. Quod Christus Ioan. 14. se facturum illis promisit verbis. Qui credit in me, opera quæ ego facio & ipse faciet, & maiora horum faciet. Quam rem attigit August. hæc versans verba, & longo mirabilique discursu digessit Chrysostomus in hom. 55. ad populum. Et quoniam nemo carnem suam odio habuit, ut Paul. ad Ephes. 5. dicebat, sed nutrit, & fouet eam. Ita & Christus & nutrit, & fouet, dicit, nobilitat, & amplificat Ecclesiam. Et neque eius carnem odio habet, sed amat & diligit, ex cuius amore tandem corpus humilitatis nostræ reformabit configuratum corpori charitatis suæ.

Verum etsi excellens hæc sit comparatiō, Ecclesiæ dignitatem magnifice ex tollens, & dilectionem Christi erga Ecclesiam mirifice commendans: sed neque tamen sufficiens spiritui sancto visa est ad intimam & mirabilem Christi cum Ecclesia vnionem, ut par erat, explicandam. Quoniam etsi maritalis hæc coniunctio carnis vnitatem inducat, duo tamen adhuc sunt vir & vxor, tametsi in carne vna. Vnde tandem eo deuentum est, ut omnimodam vnitatem spiritus sanctus inter Christum & Ecclesiā exprimeret, ut Ecclesiam christi corpus, & Christum Ecclesiæ caput vocaret, qua plane methaphorica & similitudinaria locutionis phrasi, veram realemque spirituales vnitatem, quæ inter Christum est & Ecclesiam, mire nobis spiritus sanctus exposuit: illam videlicet, quam Christus optabat & petebat a patre Ioan. 17. cum dicebat, Pater serua eos in nomine tuo quos dedisti

mih

mihi, ut sint vnum sicut & nos. Et paucis interpositis. Sed & pro eis rogo, qui credituri sunt, ut omnes vnum sint, sicut tu pater in me, & ego in te, & ut ipsi in nobis vnum sint. Sed & eadem similitudine manifesta significatione insinuat eminentia qua Christus Ecclesie præsedit, quæ tam amabilis est, utilis, & suavis Ecclesie, quam Christo præclara & gloriosa. Quid enim corpus vite, motus, sensus & perfectionis habet, quod a capite non participet? Quam vero caput dignitatem, excellentiam ac virtutem sortitur & obtinet, quam corpori non communicet? Et quæ denique maior, intimior ue vnitas & coniunctio esse dignoscitur, quam ea quæ inter corpus, & proprium eius ac congenerum reperitur caput? Non libet amplius spaciari in his referendis & ponderandis eius vnionis titulis, quæ inter Christum & Ecclesiam verius & proprius inuenitur, quam inter res ipsas ex quibus hæc figuratæ & methaphoricæ comparationes desumuntur. Sed ad nostrum deueniamus intentum, & quibusdam subiunctis conclusionibus breuiori & strictiori orationis, stilo propositæ quæstioni satis faciamus.

Prima Conclusio.

Fide Catholica tenendum est Christum caput esse Ecclesie: Ecclesiamque corpus esse Christi. Nisi noster hic institutæ relectionis de gratia Christi tractatus ad desideratum properaret finem, multa hoc loco nobis se, & disputanda & tractanda offerebant, & cum hæresicis Christi, & Ecclesie hostibus exagitanda, quibus amussim explicatum daremus: quo nam hæc spiritali glutino Christi cum Ecclesia coniunctio, & incipiat & perficiatur. Nam incipit a fide, & charitate quæ vinculum est perfectionis consumatur. Et num in sol a inuisibili spiritus sancti directione, suggestionequæ & impulsu, an vero visibili etiam & externa subordinatione constet. Nam præcipuum quidem quod ad hanc spectat vnionem, interna, spiritalique vnctione & influxu constituitur: sed externa quoque, & visibili specie apparet. Visibilibus enim legibus sub vno visibili Romano Pont. capite gubernatur Ecclesia: sed inuisibili fauore spiritalique gratia, nobis Christus supremum caput, occulta quadam subministratione, ad harum legum obseruantiam opitulatur, & fauet: spiritualemque influxum suis ingerit membris, quibus ad præcepta virtutum officia coalescât, & valeant. Sub visibilibus quoque sacramentis adunatur Ecclesia, sed sub tegumento visibilium rerum diuina Christi virtus secretius operatur, ut Mag. Greg. 1. quæst. 1. cap. multi. doctissimis verbis dixit. Visibilia & externa sunt in Ecclesia ministeria Apostolorum, Pastorum, Doctorum, &c. quæ tamen ad opus ministerij, quod potissi-

potissimum spiritu constat, perficiendum, & consumandum destinatur, ut ad Ephes. 4. Egregius minister Paul. dicebat. Valeat ergo inordinata Lutheranorum Caterua, quæ cum vero spiritu penitus vacua sit, totum suæ Sathanicæ Synagogæ ordinem, seu ut verius dicam confusionem, ad phanaticum quemdā spiritum reuocat. Et nos in nostra visibili gloriemur Ecclesia, sub vno Christo supremo capite constituta: cuius visibilem locum Rom. Pont. tenet in terra. Et sub hoc externo, visibilique tegumento, verum ab ipso Christo quæramus participatum spiritum, & ad nostræ conclusionis probationem reuertamur, Quæ certam esse in fide veritatem docuerunt vniuersi theologi scholastici in 3. dist. 13. ad cuius explicationem legatur. S. Thom. 3. par. quæst. 8. artic. 1. & 2. ex quibus constabit Christum caput esse Ecclesiæ, & secundum corpus & secundum animam; ita quod tota ipsa humanitas Christi ad rationem capitis in Christo constituendam concurrat. Et similiter Ecclesia secundum vtrumque & corpus & animam Christi corpus est: singulares itidem fideles anima & corpore constantes particularia sunt huius corporis membra, influxumque recipiunt a capite, qui non solum animæ, sed etiam corpori prout & ipsi animæ, ac Dei subest spiritui, quamplurimum virtutis confert. Regius enim vates Psalm. 33. dicere solebat, cor meum & caro mea exultauerunt in Deum viuum. Communis hæc vtriusque humanæ partis lætitia ex communi in fluxua capite christo suscepto suam deducit originem. Legantur etiam S. Thom. q. 29. de verit. artic. 4. Alex. Alen. 3. p. q. 12. memb. 2. & Altfiod. lib. 3. tract. 1. c. 4. 5. & 6. Et Driedo. lib. de captiui. & redemp. tract. 2. c. 2. art. 5. Testimonia script. sacr. pro hac veritate confirmanda sunt multa & manifestissima, præsertim in Paul. ad Ephe. 1. Ipsum dedit caput super omnem ecclesiā, quæ est corpus ipsius, plenitudo eius cui omnia in omnibus adimpletur. Quibus verbis exprimit Apost. abundantiam influxus diuini quo corpus suum, singulaque eius membra perficit, & adimplet omni spiritali plenitudine, ut sit perfectum & plenum corpus, & dignum tanti capitis coniunctione; in quo & ipse adimpletur, sicut & euacuari dicitur in eis, qui ab ipso recedunt. Legatur super ista Pauli verba S. Ambros. c. 5. vir, inquit, caput est mulieris, sicut christus caput est ecclesiæ. Ad Colos. 1. ipse est caput corporis Ecclesiæ. 1. cor. 6. Nescitis quia corpora vestra membra sunt christi ad rom. 11. & 1. cor. 12. diuersa munia variasque functiones, alternaque officia, quæ ipsa diuersa huius corporis membra exequuntur spiritali christi capitis influxu gubernata, & confortata mirifice & luculenter Paul. exposuit. Explicuerunt hanc veritatem Patres grauissimi. Aug. ps. 130. a principio & Epil. 57. & potissimum legatur in lib. de Agone christiano, cuius verba referunt Dried. loco citato. & Medina. 3. par. quæst. 8. artic. 1.

Basil. lib. de Spiritu sancto. c. 5. Hilar. lib. 8. de Trin. & lib. de synod. c. 38 & super ps. 139. Et denique hæc veritas constat ex his duobus notabilibus & ex scriptis sacris ibi adnotatis, quæ paulo ante amefuerunt præsupposita. Ex quibus theologicæ congruentiæ, quæ ad hanc veritatē exponendam afferri solent, facillima opera colligi possunt. Vnde ad sequentes pergamus conclusiones.

Secunda Conclusio.

Christus (ut in præsentia de capite loquimur) non in quantū Deus in sua puritate naturæ cōsideratus, sed in quantū Deus homo, caput est sui corporis, quod est Ecclesia. Ad intelligentiā huius cōclusionis aduertendū est, nos minime negare christū ut Deū caput esse ecclesiæ: est enim & ecclesiæ & totius creaturarum vniuersitatis caput omnem vitam, & motum, ac totum idem esse omnibus creaturis influens: Nec enim longe est ab vnoquoque nostrū, actor. 17. Multoq; intimius nobis ac vniuersis creaturis assistit, quā caput sui corporis mēbris. Sed loquimur in præsentia de capite visibili, & homogeneo, id est, similis formæ cum mēbris, quod inter oīa mēbra præcipuum tenet locum, eminenti virtute cōplectens oīem vitā, sensum, & motū omnium sui corporis mēbrorum. Qua ratione Deus in puritate suæ diuinæ naturæ consideratus, non est in hoc sensu Ecclesiæ caput. Nam est caput inuisibile alterius rationis, & formæ a corpore cui præest.

Secundo notandū est & ad memoriā reuocandū id, quod dixerūt illi theologi, quorū sententiā præcedenti quæst. a. 3. retulimus, qui dicebant, Christum neq; meruisse, nec satisfecisse, neq; vero redemisse nos prout est Deus homo, sed prout est homo dūtaxat, & si virtutē satisfaciendi, merendi, ac redimendi, a diuino acceperit supposito: nā si humanitas non esset vnita verbo non hac tanta polleret virtute. Vnde gratia vniōis antecedenter fuit necessaria, ut Christi humanitas nostram operaretur redemptionem: formaliter tamen gratia vniōis supposita, verbum non concurrit, ad nostram redemptionem operandam, sed ipsa sola Christi humanitas, & si quadam denominatione, quasi extrinseca diuinū verbum nos redemisse dicatur; quatenus eam personaliter sustentat humanitatem, quæ nos redemit, sicut aqua calorem sustentās dicitur calefacere. Theologi qui ita tunc dixerūt, dicerent similiter in præsentia, quod Christus ratione tantum humanitatis caput est ecclesiæ, & si diuinū ipsum verbum quadam denominatione veluti extrinseca, caput quoque nostrum dicatur. Ceterum nos, quibus ille modus dicendi tunc non placuit, aliter dicimus cum sententiā communiori, quæ in modo loquendi scripturæ sacræ, & Patrum magis videtur esse fundata. Nimirum, quod Christus sicut ex humanitate habuit formalem rationem.

merendi & satisfaciendi, valorem autem meritorium, & satisfactorium, à verbo diuino personaliter suppositante naturam humanam, & aëlu cum ipsa concurrente ad operationem meritoriam & satisfactoriam. Sic adeo vt totus Christus Deus homo per se intraret rationem principij totalis satisfactionis & meriti: ita ipsemet Christus Deus homo per se pertinet ad rationem capitis Ecclesiæ.

Est quidem humanitas formalis ratio, Christo per quam sit Ecclesiæ caput. Diuinum autem verbum, vt suppositans, & terminans naturam humanam per se concurrens ad constituendam capitis rationem. Mutuoque pendent verbum, & humanitas (si licet vti dependentiæ nomine) ad constituendam essentialem capitis rationem: verbum enim accipit ab humanitate requisitam essentiam & formam, qua possit capitis officium generare humanitas vero accipit a verbo totam illam perfectionem, totumque valorem illum, qui per se & essentialiter ad supremi capitis Ecclesiæ dignitatem, & officium requiritur. Et quidem ista sententia consequenter se habet ad aliam de merito, & satisfactione. Quoniam influxus huius capitis in membra satisfactorius est & meritorius: atque adeo, quod de principio meriti & satisfactionis diximus, dicendum est similiter de capite. Quod hæc sententia conformis sit modo quo scriptura sacra, & sancti patres loquuntur, ex eo constat, quod Paulus prima conclusione citatis, absolute vocat Christum Ecclesiæ caput, & Ecclesiam appellat corpus Christi, Christus autem, vt superius aduertimus, neque solā diuinitatem, neque solam humanitatem importat, sed ipsum Dei verbum in humana natura subsistens. Patres etiam tertio quoque verbo repetunt, quod si Christus non esset verus Deus, neque nos potuisset redimere, neque proinde rationem capitis Ecclesiæ habere meruisset. Et ita Aug. in lib. de Trin. inquit Christus non esset Dei hominumque mediator, nisi esset idem Deus & homo. Relegantur quæ superius diximus in confutationem prædictæ sententiæ. Sed aduertendum est, quod quia humanitas, vt dixi, formale principium est Christo, vt caput Ecclesiæ dicatur, & sic, ipsumque capax reddit denominationis huius. Idcirco absolute solet, & potest dici quod Christus, in quantum homo, est Ecclesiæ caput. Et ita Paulus ad Ephes. i. dicit, quod Deus ipsum dedit caput super omnem Ecclesiam. Qui modus loquendi designat officium & rationem capitis competere Christo vt homini, ea scilicet ratione, qua subiectus est Deo, vt ab ipso possit dari, & præfici Ecclesiæ, honoremque dignitatem capitis ab ipso recipere.

Confirmatur Christus meruit sibi supremam capitis dignitatem. Vt questione diximus præcedent. Ergo hæc dignitas simpliciter competit Christo vt homini. Sed obiter notetur, p. his quæ ibi dicebamus quod

cum

* alias ge
tere.

ſum dicimus Chriſtum meruiſſe capitis dignitatem, non ſit ſenſus, quod Chriſtus meruerit virtutē, quā poſſet influere in reliquos hoīes gratiam, & gloriam, & reliqua ſupernaturalia dona: Nam hæc virtus ſue radicaliter conſideretur, quæ eſt ipſa vnionis gratia, ſive ſumatur pro immediato, & proximo principio formali, quo Chriſtus inſiit in membra, abſque vllis meritis Chriſtus accepit. Sed meruit ipſam formalem capitis dignitatem, & quod nullus vniretur Deo niſi prius ſecundum rationis prioritatem ipſi, vt homini, per fidem copularetur, cuiusque actuale ſuſciperet influxum, ipſumque vt principē paſtorem, & caput recognoſceret. Meruit etiam, quod Deus eius humanitate vt inſtrumento vteretur, ad influendum in ſua membra phyſico influxu ſupernaralem vitam & motum. Sed ad rem. Et ſimili ratione conceditur à S. Tho. 3. q. 26. art. 2. quod Chriſtus ſecundū quod homo mediator eſt Dei, & hominū. Ex dictis ſequitur quod hæc propositio, Chriſtus in quantū homo eſt Eccleſiæ caput, vera eſt, ſi dictio, in quantum, ſpecificatiue ſumatur, quæ tamē eſſet falſa, ſi reduplicatiue ſumeretur. Non libet immorari in his terminis explicandis, tum quia ſcientibus dialecticam ſunt manifeſti, tum etiam quia ſuperius à nobis fuerunt explicati, cum de Chriſti adoptione in q. 1. loquebamur. Satis fuerit nūc dicere, quod ſi dictio, in quantum, denotet adæquatam & totalē rationē capitis, falſa eſt illa propositio, quomodocumque ſumatur etiā ſpecificatiue, quia dignitas capitis poſtulat per ſe & neceſſario diuinum ſuppoſitum, eſt autem vera, ſi denotet principiū formale ſpecificam rationem capitis conſtituens, ſub illo tamen dignitatis modo, qui ex diuino ſuppoſito dimanat. Et hic, ſpecificatiuus ſenſus, in quo iſta admittitur propositio.

* alias hæc virtutem.

* eſt

Tertia Concluſio.

Chriſtus caput eſt, non ſolum fidelium qui in noui teſtamēti ſtatui commorantur, ſed omnium fidelium qui poſt & dæ peccatum Chriſti præceſſerunt aduentum. Hæc concluſio eadē eſt tenenda certitudine, qua verſus finem q. 5. diximus credendum eſſe, quod Chriſti fideles, qui Chriſti anteceſſerunt incarnationem, gratiā, & iuſtitiam ex Chriſti meritis acceperunt. Et eodem modo quo ibi explicauimus veritatē illam, explicanda eſt hæc noſtra præſens concluſio. Iſque in ſumma legitimus eſt noſtræ cōcluſionis ſenſus, qd Chriſtus vt præuiſus & præcognitus a Deo in ipſa æternitatis præſcientia, propter homines & eorum ſalutem homo futurus in tempore, caput fuit antiquorum fidelium. Ita quod omnis ſpirituallis influxus, quem a Deo acceperunt, non aliter ad eos peruenit, neque aliter à Deo fuit d' cœlo demiffus, quam habito reſpectu ad uenitū Chriſtum, vt ad ſupremum om-

nium credentium caput. Et ob id in loco superius ex Isaac. 11. citat. Eri⁹ radix Iesse, &c. Christus Iesse, id est, Dauid radix appellatur, etsi multo tēpore fuerit ipso Dauid posterior. Et ob hāc causā patres in limbo sustentati fructū perceperunt illius victoriā, quā Christus de suis hostibus magno peractō bello reportauit, pugnauitq; Christus etiā pro eis. Vt ex illo Zach. Cantico Luc. 1. colligitur. Et erexit cornu salutis nobis, salutem ex inimicis nostris, ad faciendam misericordiam cum patribus nostris, qui iam, scilicet, olim erant defuncti. Hāc veritatem mire docuit August. qui nihil non profunda semper eruditione, & sapientia dixit, lib. de Catechizandis rudibus c. 3. Cuius verba quia digna sunt consideratione decreui ad hunc locum transcribere. Sic inquit. Neq; enim ob aliud ante aduentum domini scripta sunt omnia quæ in sanctis scripturis legimus, nisi vt illius commēdaretur aduentus, & futura præsigharetur Ecclesia: id est, populus Dei per omnes gentes, quod est corpus eius: adiunctis acque annumeratis omnibus sanctis, qui etiam ante aduentum eius in hoc seculo vixerunt, ita eum credentes venturum esse, sicut nos venisse. Sicut enim Iacob manum prius dum nasceretur emisit ex utero, qua etiam pedem prænascens fratris tenebat, deinde utique secutum est caput, tum demum necessario membra cetera: sed tamen caput non tantum & membra, quæ secuta sunt, sed etiam ipsam manum quæ in nascendo præcessit, dignitate ac potestate præcedit, & quamuis non tempore apparēdi, tamen naturæ ordine prius est, ita & dominus Iesus Christus, etsi antequam appareret in carne, & quodāmodo ex utero secreti sui, ad hominum oculos mediator Dei & hominum homo procederet, qui est super oēs Deus benedictus in secula, prænisiit in sanctis Patriarchis & Prophetis quandam partem corporis sui, qua velut manu se nasciturum esse prænunciāns, etiam populum præcedentem superbe, vinculis legis tamquam digitis quinque supplantauit: quod & per quinque temporum articulos prænunciari venturus, prophetarique non destitit: & huic rei consonans per quem lex data est, libros quinque conscripsit. Et superbi carnaliter sentientes, & suam iustitiam volentes constituere, non aperta manu Christi repleti sunt benedictione, sed constricta atque conclusa retenti sunt, itaque illis obligati sunt pedes & ceciderunt, nos vero surreximus & erecti sumus. Quamuis ergo, vt dixi, præniserit dominus Christus quandā partem corporis sui in sanctis, qui eum nascendi tempore præierunt, tamen ipse est caput corporis Ecclesiæ, illiq; omnes eidem corpori, cuius ille caput est, coheserunt, credendo in eum quem prænunciabant. Non enim præcurrendo diuulsi sunt, sed adiuncti potius obsequendo. Nam etsi manus a capite præmitti potest, connexio tamen eius sub capite est. Hæc Aug. In quibus perpendendum est, quā citra improprietatem vllam Aug. ipsam

æternam

æternam Dei præscientiâ diuinum quasi vterum appellauerit, in quo diuina præfinitione & prædestinatione totus ipse ab æterno Christus, & in capite & in membris fuit præconceptus. Ita quod prædestinatio Christi capitis & membrorum eius perfecta quædam fuit ipsius Christi in diuino vtero conceptio. Cuius cōceptionis fetus, quasi immaturus tempore demonstratus fuit in illa manus ex vtero emissionem, quæ in antiquo fidei populo facta est. Voco immaturum tempus totum illud, quod eâ tēporis plenitudinē præcessit, de qua Paul. ad Gal. 4. dicebat. At ubi venit plenitudo tēporis, misit deus filiū suū factū ex muliere, factū sub lege, &c. tunc æterna illa Dei præconceptio suum habuit ad implementum, cum deus filium suum in mundum misit. Et quemadmodum dicebamus superius cum Paul. ad Ephes. 1. quod resurgente Christo resurreximus oēs, id est, resurrexit corpus in suo capite, & Christo cælos penetrante & ascendente, nos quoque cum illo cælos conscendimus, id est, corpus ascendit in capite: ita Christo capite nostro ex diuino æternæ præscientiæ vtero tūce egrediente & nascente, & nos quoque nati sumus, corpus videlicet fidelium in suo capite natum est, & exortum. De hac forsitan natiuitate, & diuini vteri partu explicari poterunt non incommode illa vaticinantis Esa. verba cap. 66. Nunquid ego, qui allos parere facio; ipse non pariam dicit dominus? Ego qui generationem cæteris tribuo, sterilis ero dicit dominus Deus tuus? Certe si sequentia in contextu adnotentur verba illa scilicet letamini cum Hierusalem & exultate, &c. non poterit hæc intelligentia non videri textui consentanea. Exhortabatur enim propheta Hierusalem ad letitiam, eo quod Diuinus hic æterni vteri partus tandem erat in hac lucem incommodum ipsius Hierusalem futurus. Hæc eadem veritas constat ex illo prouerbo. 8. Nondū erant abissi, & ego iam concepta eram. Quo loco de incarnata sapientia sermo erat Salomoni, Eamque ab æterno conceptam vocat, quia in æterna Dei prædestinatione & præordinatione ipsam quasi in pulcherrimo Dei vtero ad partum properantem contemplabatur. Et quod properaret ad partum, illa sequentia indicant verba. Et delitiæ meæ esse cū filiis hominum. Et hæc dixisse sat fuerit ad huius tertie cōclusionis explicationē, nā ex his, quibus cōprobaui superius veteres Patres ex Christi passione & meritis fidē accepisse & gratiā, poterit quisque petere aliā quæ sunt necessaria ad huius cōclusionis probationē quæ probatio ad formam redacta talis est. Antiqui Patres ex influxu Christi fidem acceperunt, & cætera supernaturalia dona, quæ ad eorum iustificationem attrinuerunt. Christus ergo capitis rationem habuit comparatione ad fideles illius præsciti & veteris status.

Quarta Conclusio.

Christus caput est iustorum fidelium in loco purgatorij existentium.

Hæc

Hæc conclusio si materialiter intelligatur, in hoc videlicet sensu, quod illi qui in purgatorio existunt, sunt vera christi membra, & christus eorum caput, non potest reuocari in dubiū. Sunt enim coniuncti christo per fidem & charitatem, & ex influxu christi & virtute meritorum eius gratiæ confirmationem, & stabilitatem in illo statu accipiunt. Atque itidem ex thesauro ecclesiæ, qui meritis & satisfactionibus christi potissimum constat, per modum saltem suffragij a debitis releuantur pœnis. At si formaliter sumatur conclusio, ita ut sensus fiat, quod secundum quod animæ iustæ in illo loco purgantur, influxum participant a christo capite, & quod capitis officium in eorum purificatione exequitur, rationem aliquam habet dubitandi quarta ista conclusio. Quoniam animæ in purgatorio non satisfaciunt, sed satis patiuntur, ita quod iuxta rationem tormentorum, & propriæ passionis quantitatem a suis purgantur debitis, & non virtute applicationis meritorum, & satisfactionum christi. Sed hac ratione non obstante, existimo statutam conclusionem veram esse in hoc formali sensu, quæ sic probatur. Quod illæ passionibus, illaque tormenta acceptentur a deo per modum sufficientis satisfactionis, sintque gratæ & acceptabiles deo purgatorii pœnæ, quibus iustæ purgantur animæ, totum reduci-
tur ad dei gratiam, & misericordiam; ergo & ad christi passionem & meritum. Quia omnis gratia dei nobis collata nō nisi per Christum ad nos descendit: nam benedixit non deus inquit Paul. omni benedictione spirituali in christo. Antecedens constat, primo. Quia si extra gratiam & charitatem, quæ per christum habentur, animæ sensibiles illas pœnas, grâtiæque pateretur tormēta, nihil reuera prodesset illis, ut debitis per peccata cōtra deū liberarentur. Sicut nō profunt dānatis inferni tormenta, ut a pœnarum tēporalium liberentur debitis. Quod probat grauissime Mag. Scot. contra Scot. in 4. dist. 19.

Secundo ad specialem dei gratiam & misericordiam spectat, qui instituerit locum illum pœnarum, in quo animæ possent se ipsas expedire a debitis, quibus propter culpas transactas deo obligantur. Ergo & hoc etiam beneficium ad christi merita pertinet. Tertio denique Quoniam si deus magno vellet rigore uti, postquam animæ sunt extra viæ statum constitutæ, posset ad nullum earum opus respicere, nullamque vel satisfactionem, vel satis passionem earum acceptare, sed propter illas debitas pœnas, & maxime propter veniales culpas, si quas secum deferunt, eas in perpetuum a regno exclusas detinere. Nam licet hoc ad rigorem pertineret, non tamē ad iniusticiam, & hoc intelligo considerando deum, non solum ut dominum vitæ & mortis, qui absolutus, & plenarius suo vteretur iure: Sed etiam considerando ipsum, ut legislatorem & gubernatorem. Nam cum ipsæ animæ in statu viæ non se purgauerint sufficienter, cum possent ex vi gra-

tiæ & charitatis & auxiliorum dei, nulla eis interrogaretur iniustitia, si
via cursu peracto, neque ad satisfaciendum, neque ad satisfaciendū
eis daretur locus. Sed propter impedimentum quod secum defer-
rēt, extores in perpetuum manerēt & exules a regno celesti. Ergo
quod earum acceptetur satisfactio in purgatorii loco, vndiqueq; spe-
ctat ad dei gratiam, ad ipsaque proinde christi saluatoris nostre me-
rita, qui saluatoris officium & in omnibus, & vbiq; in suis membris
operatur. Et in illo tormentorū loco sua ipsis merita, & sua passionis
virtute adu applicat. Ita quod sicut paulus ad Gal. c. 2. dicebat, qd in
eo vivebat christus. Et 2. cor. c. 13. quod in ipso loquebatur christus.
Et nos vt bene Caiet. opu. de hde & op. c. 9. dicere possumus quod in
nobis meretur, & in nobis satisfacit christus. Ita & ille iustorū animæ
quæ in purgatorio detinentur, dicere quoque possunt, quod in eis sa-
tisfacitur christus. Quia eorum passionibus inutiles profus essent, nisi
christi passioni inniterentur. Paterentur illæ quidem, si christi ef-
ficerentur passionibus alienatis, vt miseri in inferno patiuntur: at satis non pa-
ti potuissent. Vsq; ad statum ergo gloriæ inclusiue nihil nobis con-
tingere potest, quod conuenientia quidpiam, & utilitatis spiritualis
conferat, quod præciosissimo christi sanguine, eiusque passioni, & me-
ritis nō debeamus. Et ob id in omnibus & pro omnibus gratias aguer
sancti in celo deo &agno Apoc. c. 5. nō soli deo, sed simul &agno,

Quinta Conclusio.

Probabile est, christum fuisse caput primorum parentum in statu
innocentiæ existentium. Hęc conclusio explicatione potius indiget,
quam probatione suppositis his quæ diximus & superius in hoc du-
bio, & dubio itidem præcedenti. Vnde primo aduertendum. Hanc
conclusio nem procedere supposita S. Thom. sententia, quæ docet
christum non venturum, si nullus peccaret homo. Secundo est aduer-
tendum. Non eodem modo loquendum esse de primis parentibus
dum extiterunt in statu originalis iustitiæ, & de ipso originali iustitiæ
statu: ac de his quæ formaliter ad ipsum spectabant. Supposita nam-
que prædicta S. Thom. opinione, ego non reputo probabilem, senten-
tiam quæ docuerit, christum fuisse caput status innocentie formaliter
sumpti. Nam cum gratia christi sit redemptoris gratia, per se & ex
vi prædestinationis christi, neque christus aliter fuerit prædestinatus,
quam vt redemptor, & in remedium originalis peccati, & in repara-
tionem ruinarum quæ fuerunt ex peccato relicta: nequit probabili-
ter dici (si consequenter est loquendum) quod status innocentie
formaliter sumptus ad christi gratiam, & ad eius merita spectauerit.
Nam status ille & quæ formaliter ad ipsum pertinebant, non tam ha-
buerunt

buerunt ad peccatum, nec ad remedium eius habitudinem: ac proinde neque ad Christum, ut reparatorem naturæ per peccatum infectæ. Et ita dicebā superius prope finē præcedētis, quæst. quod gratia collata hominibus in statu innocentiz per se primo non attinuit ad Christum, nec ad eius merita. Sed ex sola Dei gratuita & liberali voluntate fuit donata. Cæterum si non formaliter de illo statu loquebamur, sed materialiter potius, non reputo improbabile, sed valde mihi probabile est, quod, infinitas meritorum & satisfactionum Christi ad illum etiam statum se extendit: quatenus status ille potuit subijci Christo ut redemptori & reparatori, id est, prout consideratus tanquam reparandus per Christum. Et hac ratione superius dicebam, quod eadem met gratia, quā primus parens in instanti suæ formationis accepit, quæ fuit innocentiz & originalis iustitiz gratia, primo quidē & formaliter cōsiderata, ut erat gratia innocentiz, sine Christo, & ex sola dei voluntate fuit ipsi primo homini data. Sed eadem met prout reparanda per Christū, & ex merito passionis eius collata quoque fuit, ac ex gemino proinde titulo primi parentes gratiam illam acceperūt, quod ibi explicatum dedimus. Neque misetur quisquam, quod dicamus innocentiz statum reparatum fuisse per Christum. Quia licet ad innocentiz statū reuocari nequeat, is qui semel nocens fuit & peccator, qua ratione irreparabilis est innocentiz status, sicut status virginitalis. Sed nihilominus eatenus absque impropriate vlla status ille reparatus per Christum dicitur, quatenus homo & secundum animam, & secundum corpus eam omnem per Christum recuperaturus est perfectionem, quam peccando perdidit, imo & multo vberiorē perfectionem. Quod apparebit in illa die cum alligauerit dominus vulnus populi sui & percussuram plagæ eius sanauerit Isai. 30. Qui erit dies gloriosæ filiorum dei resurrectionis. Cui proinde diei christus redemptionis nomē accommodauit, cum Luc. 21. dixit, ijs autē fieri incipientibus, respicite, & leuate capita vestra, quia appropinquat redemptio vestra. Resurrectionem simul cum finali sententia, quam iustitia dextris christi in iudicio stantes audient, Christus dominus redemptionem vocauit, quia tunc plene apparebit totus factus per ipsum redemptionis fructus. Mitto explanationes alias.

Igitur nostra conclusio in hoc posteriori sensu materiali est intelligenda. In quo ægregiam habet probabilitatem et si non certitudinē. Quia probabilis est etiam sententia contraria, quæ docet statum innocentiz, neque formaliter neque materialiter ad Christum pertinuisse. Ita ut gratia & supernaturalia illius status dona ad præciosum Christi sanguinem, & ad ipsa christi merita referri possent. Quia sententia supposita, christus minime posset dici illius caput, quia nullum influxum habuit in totum statum illum, quamuis iuxta su perius

dictam

dicta precedenti quaestione, Christus cum proprietate appellandus esset illius status finis. Eo, quod omnia, quae ad naturae ordinem, & gratiae pertinent, praedeterminata fuerunt ad Christi gloriam.

Sexta Conclusio.

In statu glorioso futurae beatitudinis Christus perfectissime caput erit hominum beatorum. Haec conclusio non ob id a me statuta est, quia non ea eget probatione; cum ex dictis constet, quod in illo statu in quo Christus omnia sibi subiecta habebit, cum totum suum regnum in unum corpus collectum tradiderit Deo & Patri, maxime splendescet in ipso Christo, supremi Ecclesiae capitis ratio, auctoritas, & potestas. In illo, nam, statu summa erit conformitas inter corpus, & caput, inter Ecclesiam gloriosam non habentem maculam, neque rugam & ipsum innocentissimum & purissimum Christum: sancti, nam, perfecte erimus sicut & ipse sanctus est. Tuncque reformatum erit corpus humilitatis nostrae, & configuratum corpori claritatis eius. Erit & tunc corpus plene & in omnibus suo capiti Christo subiectum: atque omnia membra summa unionem, maximoque spiritus glutino inter se coalescent, unumque corpus efficient, ac tunc denique summum a suo capite, & supremum suscipient gloriae influxum. Haec cum tam manifesta, & ex superius dictis facili possint opera colligi, sexta nostra conclusio eo tantum fuit proposita, quo distinctius ob oculos poneremus diligenti lectori omnem illum statum, in quo Ecclesia Christo, ut vero suo capiti coniungitur, & in quo particulares homines membra sunt huius corporis actu Christo copulata. Et cum contrariorum eadem sit scientia, & ratio: ex his facillimum erit cuique deducere, quinam sint miseri illi status, in quibus homines ad Christum non pertinent, ut membra corporis eius. Nam si fides primum vinculum est, quo huius corporis membra inter sese, & capiti suo Christo copulantur, propterea erit cuique inferre, infideles non actu, sed potentia tantum membra esse, & Christi, & corporis eius. Qui ob id in potentia membra dicuntur, quia Christi virtute ad actuale membrorum formam, & unionem venire possunt. Per Christum namque, ut dubio ultimo quaestionis praecedentis dicebamus, ad ipsum venit Christus: Est, nam, Christus ostium, per quod ad eius intratur ovis, ad eiusque pastoralem curam pervenitur. Si vero totus influxus Christi capitis excedat, ut nos sibi perfecte in statu gloriae coniungat, omnesque in una regale coactos Rempublicam, in unumque corpus perfecte adunatos, Deo tradat & patri: Quis, nullo et monstrante deducet, miseros illos homines in extrema infelicitatis miseria constitutos, a caelesti regno, a Dei quae favore in perpetuum exclusos & relegatos, teterrimisque inferni carceribus addictos, omnino separatos esse a Christo capite, & neque actu, neque potentia ad ipsum, ad eiusque corpus attingere.

Quod in primis illius sententiae verbis quā hi miserrimi & sinistrae is-
cences in finali a Christo audient iudicio, nō obsecrare demonstratur. Itē
dicet, maledicti Patris mei, &c. Nā illud verbū ite, perpetuū designat
recessum, ite nūquā ad me reuersuri. Alia verba. Maledicti Patris mei
exclusionē a Patris misericordia denotant, q̄ elongationē & separatio-
nem eorū a Christo necessario consequitur. Quia si per Christū & in
Christo, vt Pau. Eph. 1. ait. & ad huc nos Pater oī benedictione a Chri-
sto copulater separatiss, & in perpetuū elegatis, quid potuit supesse
aliud quā sola patris maledictio? Noq; iā ut Blaua patre ista e in pio-
guodine saltem terrae & in eode cepi benedictionē accipit, quā accepe-
runt dū immortalē carne viderēt. Quia cōpōratia fuit benedictio illa &
celi motu orbiculati, & reuolutione pōdēs. At tūc iā amplius nō erit re-
pus, accipiet. n. sibi Deus ē pus totū, vt iudicet iustitias, & reddat vni-
cuiq; iuxta ea q̄ fecit in corpore, siue bene, siue male. Sed iā hos miserrī-
mos homines in perpetuū sine Christo, & in exterioribus iacētes tene-
bris relinquamus, & ad Christum caput nostrum: ad suauissimamque
teius gratiam, nōstra redeat disputatio.

Gen. c. 17.

Septima Conclusio.

Habitualis Christi gratia vere, & propriē dicitur gratia capitis. Hec
conc. quā S. Th. 3. p. q. 8. a. 5. verbis expressis docuit, eōs est apud theo-
logos in 3. d. 13. & in 4. th. p. & cōstat eius veritas, ex his, q̄ diximus q.
3. a. 12. & q. 5. a. 1. quibus locis explicauimus quo pacto habituali Chri-
sti gratia cōpetat principiū esse infiniti meriti, infinitiq; satisfactio-
nis. Ex quibus sic argumentor, p. veritate cōcluli, p. a. lenis. Christus
per gratiā tanquā personale effectiū principū p. xianū influit su-
pernaturalē vitam, & mēbus virtutem in ipsa sui corporis mēbra, ni-
mirū in homines fideles: Ergo vērē & propriē gratia capitis appella-
tur. Consequentia est manifesta, & a. tecedens probatur. Christus me-
rito & satisfactioe potissimū influit in mēbra sua, sed gratia est for-
male principū satisfaciendi & merendi. Ergo influxus capitalis, quo
Christus in suos fideles spiritalē vitā & motum influit, referendus est
in habitualē Christi gratiam, ac proinde merito debet gratia capitis
vocari. Confirmatur, Gratia infinita est inesse gratiae secundum ordi-
nem moralis perfectionis. Ergo omne meritū, omnisque satisfactio
Christi, quo merui nobis, & qua pro nobis satisfecit, clauditur sub
potestate & virtute habitualis Christi gratiae. Atque adeo vere
dicitur gratia capitis. Et ista pro hac conclusiōe sufficiant.
Nam cetera, quae ad eius explicationem sunt necessaria, in solutio-
nibus argumentorum adnotabimus.

Ad argumenta, quae a principia dubitationis huius fuerunt propo-
sita necesse est respondemus. Ad primum argumentū eiusq; cōfirma-

tionem

tionem in summa respondeo. christi gratiam non perfectione aliqua physica eius essentiae superaddita constitui in ratione gratiae capitis, nec habere virtutem referendi ipsa christi opera satisfactoria & meritoria ad nostram utilitatem, nostrumque commodum. Sed totum hoc illi competere ex infinitate perfectionis moralis, quae exponitur relatione ad diuinum verbum in ipsa, coniungit. Cum autem argumentum instat, quod referre operationes meritorias, & satisfactorias in commodum alterius cuiuspiam ab ipso operante distincti, physicum quid est. Ergo necessum est perfectionem aliquam physicam. specialem in Christi gratia inuenire, ut Christi operationes in nostram utilitatem referret. Respondetur. Quod ipsa habitualis christi gratia, non refert christi operationes ad spirituale hominum utilitatem. Sed hanc relationem ipse Christus sua voluntate fecit. Ea tamen fuit habitualis gratiae virtus & perfectio in Christianis, ut operationibus ad nostram utilitatem a Christi voluntate relictis, vim conferret meritoriam & satisfactoriam, tantumque valorem, ut non solum de condigno, sed & de rigurosa iustitia eas efficeret meritorias eius praemij, ad quod per Christi voluntatem destabantur. Et hoc quidem specialissimum fuit in christi gratia, propter infinitatem quam sortitur in ratione gratiae, ex qua provenit, ut opus ab ipsa dimanans dignum sit secundum se omni eo bono, quod induere potest rationem praemij, siue sit bonum ipsius christi, siue bonum alienum, nihilque ei deest aliud ut actu totum huiusmodi mereatur bonum, nisi determinata applicatio ex voluntate christi operantis facienda: quae conditio tantum est requisita ad rationem meriti. Et in hoc quamplurimum Christi gratia a nostra differt. Nostra enim gratia, cum limitata sit & finis virtutis in ratione gratiae, operi meritorio quod ex ipsa proficiscitur, non praestat valorem quod extendatur ad praemium alteri conferendum, sed limitata est ad bonum operantis, quem disponit & perficit in ordine ad gloriam, & ultimam ipsius felicitatem. Vnde si operans opus suum meritorium in alterius hominis commodum refert, gratia materialiter tantum se ad talem relationem habet, in hoc videlicet, sensu, quod tantum habet illud opus constituere bonum, & deo gratum, ac proportionatum proinde, ut a deo per modum cuiusdam meriti de congruo acceptetur. Nullam ei tamen vim conferre meritorium de condigno in ordine ad bonum alterius hominis, ad quod ordinatur. Etenim gratia consideranda est, ut forma constituens in quolibet nostrum participatione diuinae naturae, quae nos ordinat & refert in ultimum & nostrum, & ipsius gratiae finem: quae est ipsa met gratia per diuinam visionem consummata, quam communiter appellamus gloriam. Et cum natura sit determinata ad vnum, ipsa naturalis inclinatio gratiae tota sub hoc fine comprehenditur, sicut inclinatio naturae

cuiuscunque substantialis, non egreditur sui ultimi finis terminos, sed intra ipsos continetur conclusa. Quo fit, ut gratia nostra nostris operationibus nullum conferat valorem meritorium, nisi per respectum ad prædictum finem. Et sicut natura creata substantialis quæcunque in quolibet individuo determinationem habet individualement ad finem particularem & proprium talis individui, neque se valet extendere ad alterius cuiusquam individui petiam eiusdem speciei finem, & bonum ita quælibet singularis gratia in quolibet nostrum consimili individuali determinatione finem tantum particularem respicit, gloriam, videlicet, eius hominis in quo residet. Unde habitualis Christi gratia, si secundum essentiam tantum physicam consideretur, consimilem habet determinationem. Estque determinata ad propriam gloriam animæ Christi, neque gloriam alterius cuiusque hominis respicit, neque opera Christi ad alium quempiam refert finem. Caterum quia est in subiecto in quo eminentissime, & infinite tota hominum & Angelorum præhabetur gloria, omnisque itidem eorum perfectio: eam induit moralem infinitatem ex rãta subiecti dignitate participatam, quæ potest ad bonum cuiuscunque & hominis & Angeli extendi, & valorem conferre humanis Christi operibus, quo omnem & gloriam, & gratiam hominum & Angelorum promereri possint, si ex ipsa Christi voluntate ad ipsos homines & Angelos referantur, & applicentur. Et de hoc habitualis Christi gratia rationem fortitur gratiæ capitis. Quæ ratio minime potest competere alicuius puræ creaturæ gratiæ. Quod adeo verum esse existimo, ut crediderim, non posse fieri per absolutam etiam Dei potentiam, ut aliqua pura creatura sit caput in ratione gratiæ hominum vel Angelorum. Ita quod de condigno proprie & rigurose loquendo, mereatur ipsis gratiam & gloriam. Quoniam non est factibile, quod gratia puræ creaturæ, quantumcumque sit, conferat suis operationibus valorem meritorium, quo aliquid mereantur de condigno alteri distincto ab ipso operante: eo quod sua natura, ab intrinseco est determinata, & coarctata ad proprium operantis finem: neq; aliud bonum potest intendere nisi istum finem, neque alia media disporre, & ordinare aut mereri, nisi quæ ad hunc finem referantur. Et sic in forma propono argumentum in huius rei confirmationem. Gratia puri hominis, aut Angeli, quantumcumque crescat intra limites suæ naturæ, non aliam perfectionem intrinsecam habere potest, quàm sit intensiva perfectio; sed ex hac perfectione non competit gratia, conferre meritorium valorem operationibus ad bonum alterius distincti ab operante: ergo absolute est concedendum, quod gratia puræ creaturæ nequit simpliciter esse gratia capitis.

Graues quidem theologi e quorum numero fuit Magister So-

tus in 4. distinctione prima, quaestione quinta, articulo quarto, fatentur, posse Deum communicare puræ creaturæ gratiam capitis. Sed certe ista sententia, non video quo pacto sustineri possit, nisi recurramus ad acceptionem, & ordinationem Dei extrinsecam, qua Deus vellit acceptare opera bona puræ creaturæ, tanquam merita propter quæ conferret gratiam & gloriam alijs hominibus. Qua supposita ordinatione, & acceptione Dei extrinseca, deberetur illi homini ex vi talis promissionis, & ordinationis, q̄ eius opera acceptarentur, vt merita, quibus bona spiritualia aliorum hominum gratia, scilicet, & gloria, loco præmij respondeant. Hæc autem ordinatio Dei, & promissio non constituunt meritum de condigno, nisi secundum quid, & de nominatione quadam extrinseca. Neque talis meriti ratio ex ipsa gratia & intrinseca eius virtute pensanda esset, sed ex illa tantum extrinseca dei promissione & ordinatione. Atque adeo cum ad rationem capitis necessarius sit moralis & meritorius influxus in mēbra (nam physicus, si quis reperiri potest instrumentalis tantum est) sateri tenemur, gratiam capitis nulli puræ creaturæ communicabilem esse, si proprie loquamur. Quia non est communicabilis gratia puræ creaturæ, quod operationibus a se elicitis, aut imperatis valorem conferat meritorium respectu alterius ab ipso operante distincti, vt diximus.

Quod si quispiam in hunc modum opponat. Meritum quo iustus homo sibi gloriam, & augmentum gratiæ mereatur, meritum est de condigno, & tamen in extrinseca dei ordinatione fundatur. Nam S. Thom. 1. 2. quest. 114. arti. 1. dicit quod nostrum meritum apud deū est ex ordinatione ipsius dei, Ergo si ex dei ordinatione & acceptione pura creatura potest alteri mereri gratiam & gloriam, absolute concedendum est, quod potest ei hæc bona de condigno mereri: atq. adeo concedendum etiam est, posse illi gratiam capitis communicari. Huic obiectioni negandum est omnino, quod nostrum meritum in extrinseca dei ordinatione fundetur. Neque S. Thom. ad extrinsecam dei ordinationem nostrum, vsquam meritum reuocauit, sed ad intrinsecam potius, ad eam, videlicet, qua per gratiam & charitatem nos intrinsece disponit, & ordinat ad gloriā, quam nostris operationibus in gratia & charitate fundatis promeremur. Et puto esse merā fictionē in theologia, ad extrinsecam dei ordinationē & promissionem nostrorum meritorum condignitatem, & iustitiam reuocare. Quoniam tam proprium est & natium gratiæ, nos nostraque opera ad supernaturalem finem, gloriam, videlicet, efficaciter ordinare & referre, atque proprium est cuiuscumque substantiali naturæ referri ad connaturalem sibi finem, & opera individui in ipsa natura subsistentis ad eundem finem ordinare. Vnde sicut
opera

opera, quæ Petrus secundum rationem efficit, ex ipso met principio: quo procedunt in rationalem finem destinantur absque speciali vlla Dei ordinatione: Ita & opera hominis iusti quæ ex gratia & charitate prodeunt, in ultimam felicitatem, scilicet, gloriam ipsius operantis per se & ab intrinseco referuntur, absq; aliqua speciali Dei ordinatione. Et sicut homini bene secundum rationem operanti, debita est secundum naturam ordinem asecutio naturalis finis: ita & homi iusto bene operanti secundum charitatem & gratiam debetur ultimus ipse gratiæ finis, nimirum, gloria. An vero hoc debitum absq; speciali Dei ordinatione ad iustitiam pertineat, nec ne, non est huius loci explicare, propriam sedem habet in 12. q. 114. art. 1. & 3. existimo quidem (ut meam obiter insinuem sententiam,) quod ex se ipso habet opus hominis iusti facere debitam gloriam operanti, debito pertinente ad distributivam iustitiam. Sicut opera bona rationali bonitate simile intra naturæ ordinem debitum inducunt, ut ex doctrina S. Tho. 1. p. q. 21. Et 12. q. 21. facillima opera colligi poterit. Et cum alia iustitia, puta commutativa nullatenus sit admittenda in nostris meritis erga Deum, consequenter cogor dicere, iustitiam nostram ex condigno meritoriam nullam extrinsecam Dei ordinationem aut promissionem exposcere, sed in ipsa gratiæ & charitatis natura fundari.

Potest secundo, ad eiusdem argumenti solutionem dici, quod cum homines & Angeli ad Christum attingant, ut membra ad caput, vnumque corpus integrum cum ipso constituent: quod Christus hominibus & Angelis mereatur, non est mereri alteri, sed mereri sibi, id est, corpori suo, suisque membris. Atque adeo non eadem est ratio de Christi gratia, & de gratia nostra, quod atinet ad meritum, prout refertur ad alterum ab operante distinctum.

Ad secundum argumentum S. Thom. 3. p. q. 8. art. 5. dicit in Christo triplicem reperiri gratiam Unionis, personalem, & capitis. Gratia quidem unionis realiter differt a gratia personali & capitis. Gratia autem personalis eadem est secundum essentiam cum gratia capitis, ratione tamen ab ipsa differt. Itaque est vnus, & idem habitus; qui tamen, prout actuat, informat, & perficit Christi animam gratia est personalis, prout vero est principium formale, quo Christus vitam spiritualem & motum in sua influit membra, gratia est capitis. Sicut lux Solis, qua ratione actuat & perficit ipsum solare astrum, particularis quædam est qualitas: est autem vniuersale quoddam principium, qua ratione est virtus & formale principium quo Sol varios in his inferioribus producit effectus, multiformemque influit virtutem. Disputant autem theologi nonnulli, an hæc distinctio gratiæ formaliter consideratæ diuersas constituat species essentialiter distinctas. Et quidam affirmantem sequuntur sententiam. Alij vero negatiue respondent.

Respondent. Ego vero breuiter dico; distinctione utendum esse in hac parte nimirum, in Christi gratia posse considerari rationem causæ formaliter: posse etiam considerari formam ipsam in qua ratio causæ inuenitur. Tunc assero. Quod si formalem causæ rationem attendamus, duplex in Christi gratia reperitur causæ species. Comparata namque gratia ad subiectum cui inest, formalis causa est, formalemque effectum animæ tribuit. Comparata vero ad extrinseca membra homines videlicet, & Angelos prout in ipsa spirituales vitæ motum induit, efficientis causæ rationem sortitur. Hæc autem genuina causæ ratio non vnius & eiusdem est speciei, sed duas, ut liquet species constituit, essentialiter differentes. Si vero ipsa met forma & qualitas consideretur, in qua prædicta duplex causæ fundatur ratio, minime commentari debemus in ea essentialem aliquam distinctionem. Volo dicere, quod sicut nullus philosophorum hactenus dixit, Solis lucem in ratione lucis in duplici specie reponi, aut quod scientia quæ prout in doctore est & magistro doctrinæ nomen accipit, in duplici sit simpliciter specie. Ita nulla ratio est dicendum, quod gratia Christi in ratione gratiæ ad geminam pertineat speciem. Nam utraque illa ratio quam in ordine causalitatis diximus reperiri, in vna simplicissima specie gratiæ fundatur. Ecce ita S. Thom. loco proxime citato ad 3. dicit, quod gratia capitis, & gratia personalis in Christo est vna secundum essentialiam.

Sed est omnino aduertendum, nos in hac parte non recedere ab ea sententia, quam superius q. 3. art. 2. exposuimus, nimirum Christi gratiam in duplici specie collocari, altera physica, & altera moralis: sed id tantum asserimus, quod secundum utramque speciem, & est gratia personalis, & est gratia capitis. Quamuis, si formalissime & rigorose loquamur, capitis gratia ad moralem tantum pertinet rationem, quia influxus moralis quem Christus habet in membra sua, non ex physica perfectione gratiæ provenit, sed ex illo tantum morali valore, quem ex coniunctione ad verbum participat, ut ex ante dictis facile potest constare.

Ad tertium argumentum respondetur, quod omnia quæ sunt in Christo, sunt capitalia: Nam sunt vel partes integrantes ipsum caput, vel accidentia ipsum caput exornantia. Verum hac ratione non ponunt in numero cum ipso capite, sed omnia comprehenduntur sub appellatione Christi capitis. Habitualis vero gratia non ea solum ratione capitis gratia dicitur, quia est qualitas ipsum caput perficiens & exornans. In qua ratione conuenit cum alijs Christi accidentibus, siue corporalibus, siue spiritualibus. Sed specialiori ratione gratia capitis vocatur, quatenus, videlicet, est principium formale proximum effectuum, Quo, gratificandi & sanctificandi ipsa Christi membra. Quod est ipsi

est ipsi gratiæ peculiare. Nam & si accidentia alia spiritualia virtutes, videlicet, infusæ ad hunc effectum concurrant, vt plane concurrunt, id tamen non habent secundum specificas rationes & differentias ex proprijs obiectis desumptas. Quia inde nullum habent infinitatis valorem vt q. 3. art. 2. diximus, sed id totum habent ex gratia in qua radicantur, & ex qua fluunt.

Quartum argumentum plene superest solutum ex conclusione secunda. Et negandum est, quod hæc propositio specificatiue sumpta, Christus in quantum homo est caput, non sit absolute vera. Nam ad hunc specificatiuum sensum verificandum, satis superque sunt ea que circa prædictam secundam diximus conclusionem, sensus namque specificatiuus, vt ex dialecticis patet, valde amplius est, & non vnā & eandem acceptionem habet. Satisque esset, vt hæc propositio in sensu specificatiuo sit vera, quod in hac verificaretur intelligentia, putà, quod Christus in humanitate assumpta capitis exequitur officium, & non alias. Sicut Petrus in quantum capillatus dicitur crispus, quia in solis capillis crispitudinem habet, Sed aliquid amplius ad hanc propositionem in specificatiuo sensu verificandā concurrat, nimirum quod humanitas est ratio formalis & proxima, in qua fundatur tota substantia influxus, quem Christus influit in membra sua; legantur dicta circa secundam conclusionem. Ex quibus etiam cōstabit, quod hæc propositio Christus in quantum Deus homo est caput ecclesiæ formalior est ista, Christus in quantum homo est ecclesiæ caput. Posterior namque propositio in sensu tantum specificatiuo vera est, & propria: posterior vero etiam in reduplicatiuo sensu veritatem habet.

Ad quintum argumentum, non desunt theologi graues qui concedunt, Christum dominum appellari debere membrum & partem Ecclesiæ. Ita docent Athanasiodoren. loco citato q. 6. & Turrecremata lib. 1. summ. Ecclesiast. & S. Thom. 1. ad Corinth. 12. Lectio. 3. quæ sententia probatur ex illo Paul. loco nunc citato. Vos estis corpus Christi, & membra de membro, id est, de Christo qui est potissimum Ecclesiæ membrum.

Sed contraria sententia est longe probabilior & vera, quam docuit S. Thom. in 3. dist. 13. q. 2. art. 1. ad 4. vbi mutans sententiā quam loco proxime citato docuerat dicit, Christum neque membrum, neque partem Ecclesiæ appellandum esse. Et ratio est manifesta, quoniam membrum, & similiter, pars dependentiam importat a capite, & a cæteris membris & partibus eiusdem corporis; vt constat ex membris corporis physici, ex quo capitis metaphora ad Christum est deriuata. Huiusmodi autem dependentia auferenda est omnino à Christo. Ab ipso enim totum pendet Ecclesiæ corpus, ac Christus ipse nullam ab Ecclesiā dependentiam habet, quia nullam ab ipsa perfectionem

fectionem suscipit. Quo circa ad argumentum neganda est sequella. Ad probationem dicitur, quod in locutionibus metaphoricis illa cōsequentia ab inferiori ad superius non semper valet. Ex eo. n. qđ scriptura sacra Christum Leonem, & Agnum appellat, non licet nobis inferre Christū appellandum esse brutum, quod ad Leonem, & Agnum superius est essenziale prädicatum. Et quia Deus ignis consumens appellatur, non idcirco licebit eum corpus, aut elementum vocare. Et ratio est in promptu. Quoniam in ratione inferiori quandoque explicatur aliquid pertinens ad metaphora aliquam nimis, proportionalis similitudo, ex qua ipsa metaphorica denominatio sumitur, quæ tamen in ratione superiori minime explicatur, sed aliquid potius ipsi metaphoricæ appellationi repugnans.

Ad illud vero, quod ex Pau. nunc obijciebamus. Respond. primo. Quod in Græcis codicibus, nō legitur mēbra de mēbro, sed mēbra ex partibus, vt legunt Chrysostom. & cæteri patres Græci. Similiter si vellimus, vt æquum est, imo & necessarium, vulgatam nostram lectionem amplecti, quæ pro autentica est in omnibus habenda illa dictio Mēbro, iuxta hanc lectionē græcā, potest optime explicari in hoc sensu, vt idem polleat de membro, qđ ex parte, idest, vos estis aliqua pars membrorū corporis Christi. Ita hunc Pau. locū interpretatur Caiet. quæ interpretatio placet etiam alijs doctissimis. Potest etiam in aliū sensum (si alius dici potest, & nō præcedentis explicatio) hoc testimonium intelligi, vos estis membra de mēbro, idest, membra ad inuicem diuisa, & ad diuersas functiones, & operationes destinata. Quæ interpretatio minime a Pau. intentione desentit. Sed potest tertio tandem explicari locus ille Paulinus, quod Corinthij dicerentur membra Christi capitis de membro, idest, non coniuncta Christo per immediatam ipsius Christi prædicationem. Sed per prædicationem ipsius Apostoli, qui erat membrum Christi & Ecclesiæ. Vnde illud verbū, de mēbro, idem pollet quod per ministeriū, & prædicationē, particularis membri corporis Ecclesiæ. Legatur S. Th. in explicatione eiusdem testimonij, & in 3. loco citato.

Ad confirmationem posset quispiam dicere, quod cū Pau. Ecclesiā appellauit christum, accepit Ecclesiā cum suo capite christo, atque adeo non potest dici, quod Christus sit caput christi in hoc sensu, sicut non est caput sui ipsius. cæterum si expendantur verba Paul. & sensus quem in illo loco intendit, manifestum erit legenti, quod ipsi Ecclesiæ, quæ est corpus christi Pau. hanc dignitatem tribuit, vt etiā seorsum a christo cōsiderata sicut corpus consideratum absq; formali, & intrinseca capitis inclusione, christus appellatur, eo quod corp' christi est. Præterea quāuis hanc admittamus intelligentiā, argumentū eadē prorsus vires retinet, ut ex nunc dicendis manifestū fiet.

E e e e

Vnde

Vnde ad argumentum, negatur, Christum appellari debere caput Christi ad æquiuocationem tollendam, quamuis si Christus accipitur pro Ecclesia, siue includente caput, siue seorsum ab ipso considerata, re ipsa Christus dici possit caput Christi. Sicut caput in Petro dicitur caput totius Petri, considerando Petrum, ut includit caput, ad eum modum, quo dicimus albedinem esse formam albi. In his plane metaphoricis locutionibus valde sunt consulendæ aures, neque valent multi modi argumentandi, qui in proprijs locutionibus sunt efficacissimi.

Ad sextum argumentum, respondetur primo. Quod in naturalibus animalis caput non alia generat, aut constituit membra in proprijs membrorum formis, sed ipsum simul cum membris alijs accipit esse a generante. At in moralibus nihil inconuenit, quod caput taliter influat in membra, quod det illis omnem vitam, omnem rationem & formam membrorum. Sicut Princeps, qui fundaret aliquam ciuitatem personas in eius habitatione adunans, nouas condens leges, & formam tribuens viuendi, vere diceretur constituere ea membra, quorum est caput. Et ita Christus omnem vitam, & motum spirituales influit in membra sua, ipsaq; constituit in formali ratione membrorum: & ex membris in potentia, efficit membra in actu. Et ob id Paul. ad Ephes. i. electos vocat creatos in Christo Iesu in operibus bonis. Quoniam sicut in creatione nihil præsupponitur, quod pertineat ad rem creandam: sed totum a creatore producit, & fit ex nihilo. Ita ad nostram iustificationem nihil ex parte nostra præsupponitur, quod ad spirituales vitam cuiuspiam esse possit momenti, sed totum nobis aduenit de nouo, & id quidem per Christum.

Secundo respondetur. Quod ut superius dicebamus, Christus in scriptura sacra non solum caput, sed & Pater appellatur: & ita non solum habet influere in membra actu constituta, verum & ipsa efficere, & generare. Et quidem licet in naturalibus nequeat intelligi, quod vnus & idem sit pater, & caput. At cum in superioribus adunentur, ea quæ sunt in inferioribus dispersa, optime intelligitur quod vnus & idem Christus, sit pater inesse spirituali generans homines iustos, ipsosque efficiens actu membra corporis sui, & sit etiam eorum caput in ipsos influens. Vnde ad argumentum concedo, quod si formalissime loquamur, constituere membra in esse membrorum, extra rationem capitis est, & ita pertinet ad Christum, non ut caput, sed ut pater est. Quo fit, ut respectu angelorum quibus non meruit gratiam iustificantem, & gloriam, Christus in rigore sermonis non est pater: est tamen caput simpliciter, ut postea dicemus.

Septimum & vltimum argumentum, grauem illam & difficilem dubi-

dubitationem nobis ad disputandam, & definiendam offert. Num ^{Dub graue} Christus physico influxu, physicaque efficientia, in membra sui corporis vitā & gratiam influat? Quod Christus morali influxu, merito, *Na. v's in Saman*
 rio, videlicet, in nobis efficiat gratiam & omnia supernaturalia cha- *re causa efficiens*
 rismata, satis superque probatum & explicatum dedimus quæstione *p'a et m'e.*
 præcedenti articul. 3. dubio 3. Quocirca in præsentia id à nobis expli-
 candum superest. Vtrum eandem gratiam quam suis operibus pro-
 meruit, physica in nobis efficientia causet? Et pars negatiua pro-
 batur.

Primum argumentum. Patres varijs in locis loquētes de miraculis
 a Christo æditi, dicunt quod in sanationibus, & curationibus fa-
 ctis à Christo, humanitas tantum attingebat id quod erat humanum
 contactū, videlicet, externam: verborū prolationē, & similia. Et quod
 diuinitas exequabatur, id quod diuinum erat & miraculosum, ipsam
 scilicet, curationem & sanitatem. Sed eadem, omnino ratio est de spi-
 rituali curatione, & sanitate quæ fit per iustificantem gratiam. Imo
 & ipsi patres fere indifferenter de vtraque curatione, & sanitate lo-
 quuntur, Ergo Christus vt homo non physica causalitate nostram ef-
 ficat sanctitatem & gratiam, Probatum maior. Athanas. serm. 4. contra
 Arrianos. Humano, inquit, modo Christus manum extendit, diuinitas
 autem morbum compescuit. Damasc. in lib. quomodo ad imaginem
 Dei facti sumus, versus finem, loquens de huiusmodi sanationis mira-
 culis, ita inquit. Sicut quando ferra ignita scindendo vrunt, altera est
 actio secandi, & altera vrendi, & à diuersis principijs sunt: sic quando
 diuinitas tactu carnis sanabat infirmum, alia erat propria humanita-
 tis actio, & alia diuinitatis. Et finis humanæ actionis in manus exten-
 sione & tactu positus erat, Diuinæ aut naturæ in excitatione puellæ,
 & sanatione infirmi. Huc attinet quod dicebat Sophron. in epistola
 quæ habetur 6. Synodo actione 11. vbi ita inquit. Christus secundum
 humanā naturam humana patiebatur, secundum vero diuinam signa
 faciebat. Ad eandē etiam sententiā pertinet quod habetur in Concil.
 Lateranen. sub Martino. 1. consultatio. 5. canon. 15. Si quis secun-
 dum scelerosos hæreticos Dei virilem operationem Theandrichan,
 vnam operationem insipienter suscipit, non autē duplicem esse con-
 fiteatur secundum sanctos Patres, hoc est, diuinam & humanam: con-
 demnatus sit. Ecce quemadmodum S. Synod. operationem huma-
 nam Christi V. C. contactum in firmi, ab operatione diuina, sci-
 licet, infirmi sanatione secundum rem distinguit. Quod fieri non
 posset, si ipsa humanitatis actio sanationem tāgeret vt instrumentum
 operationis diuinæ. Actio enim instrumenti non distinguitur ab
 operatione principalis agentis. Nam vbi est vnum propter aliud, ibi
 est vnum tantum. Et ad eundem fere modum loquitur S. Leo epist. 11.

Ergo non est admittenda physica efficientia in Christi humanitate respectu gratiæ, quæ nobis per Christum confertur.

Confirmatur. Omnia Patrum testimonia, atque itidem scripturæ sacræ, in quibus dicitur Christum iustificare nos, gratiamque & sanctitatem nobis conferre, satis commode intelligi possunt de causalitate morali, quæ sit merito & impetratione. Ergo sine fundamento confingitur hæc physica causalitas, quæ fere est in intelligibilis, Antecedens patet. Quoniam causalitas moralis est vera efficientia, & effectiua causalitas. Ergo si recurramus ad hanc efficientiam moralem, absque vlla improprietate & violentia, sacras literas, Patrumque testimonia interpretabimur. Præterea, idem antecedens sic probō. Eadem locutionis phrasi quo Patres & scripturæ sacræ dicunt Christum iustificare & sanctificare nos, Dicunt etiam sanctos fecisse miracula V. C. suscitasse mortuos, infirmos curasse, &c. At sufficientissime explicantur locutiones istæ scripturæ & Patrum per moralem efficientiam, ut aperte Augustinus docuit libr. 21. de ciuitat. Dei cap. 9. his verbis. Ut quæ per martyres fieri dicuntur (& loquebatur de miraculis) eis orantibus tantum, & impetrantibus non etiā operantibus fiant, siue alia fiant istis, alia, illis modis, qui nullo modo comprehendī a mortalibus possunt: ei profecto attestantur hæc fidei in qua carnis in æternum resurrectio prædicatur. Ecce quemadmodum August. nihil referre dicit, quod isto vel alio modo facta fuerint miracula: atque adeo sensit, quod modus loquendi scripturæ, & Patrum, per solam moralem causalitatem potest conuenienter explicari. Confirmatur 2. ex Concil. Triden. Scol. 6. c. 7. Vbi referens causas iustificationis impij, Christū, dixit causam esse meritoriā, neque de physica efficientia meminit. Ergo ut minimum ex S. Conc. doctrina constat, quod ad verificandā oīa, quæ in script. sacr. dicuntur de efficiētia qua Christus nostrā iustitiā causat, sufficiens est moralis efficientia.

Secūdum argumentum. Instrumentum nequit attingere effectum principalis agentis, nisi duplici actione ad ipsum effectum cōcurrat. Altera quæ sit ex participatione actionis, & virtutis agentis principalis & altera quæ sit proportionata formæ naturali ipsius instrumenti, quæ dispositiue se habeat ad actionem principalis agentis. Quod docuit S. Thom. 1. par. quæst. 45. artic. 5. & lib. 2. contra gentes cap. 21. ratione 2. sed in Christi humanitate nulla potest inueniri actio eius naturæ proportionata; quæ dispositiue se habeat ad effectū principalis agentis Dei, nimirū, ad gratiam. Neque vero actio quæ sit participata à principali agenti, ab eiusque actione & virtute. Igitur Christi humanitas nō potest instrumentum esse physicum diuinæ virtutis ad gratiam in animabus nostris efficiendam. Minor propositio probatur. & primo de priori operatione videtur manifesta, quoniam nulla

opera-

operatio humanitati Christi propria potest quidquam conferre ad productionem gratiæ in anima, Nam vel est operatio spiritalis, vel corporalis, si corporalis improporcionata est omnino adhuc spiritali effectum, neque potest animam quæ est subiectum in quo gratia producitur realiter contingere. Si vero est spiritalis, non potest non esse actio immanens, Actio vero immanens non transit in externum subiectum: neq; illud potest disponere ad aliquam suscipiendam formam. Ergo, &c. Si dixeris, quod diuina virtute hæc spiritalis actio Christi potest contingere animam hominis iustificandam, iam non saluas illam priorem actionem prærequisitam. Quoniam talis contactus, talisque dispositio non est ex proportionem naturalis formæ humanitatis Christi, sed ex virtute principalis agentis: atq; adeo assignata solutio non est conformis S. Tho. doctrinæ, geminam illam postulantem actionem in instrumento. Sed iam probatur secunda pars illius propositionis minoris. Nimirum quod Christi humanitas per actionem communicatam a Deo principali agenti non attingat animam, neq; productionem gratiæ. Et formo argumentum de Christi humanitate secundum partem corpoream & materialem. Nam si huic operationi non tribuimus sanctificandi virtutem physicam, nulla est ratio propter quam tribui debeat alicui ipsius operationi. Sancti enim patres, virtutem sanctificatiuam potissimum tribuunt Christi carni, cuius passione & vulneribus redempti sumus. Sed sic arguo. Operatio carnis & corporis Christi, etiam si sit communicata ex actione, & virtute principalis agentis, materialis esse debet & corporea: ergo nequit attingere animam, quæ est gratiæ producendæ subiectum, neque etiam ipsam gratiam, qui est spiritalis effectus. Consequentia est manifesta; nam cum inter agens, & patiens, necessaria sit proportio: actio materialis, & corporea, neque spirituale subiectum, neque spirituale poterit effectum attingere. Antecedens vero probatur. Actio à principio corporeo producta necessum est corporea sit, & materialis: Nam debet esse proportionata principio à quo dimanat: Ergo, &c.

Dices forsan, quod ex virtute supernaturali communicata carni Christi domini potest ipsa caro in spirituale operationem prodire, & attingere spirituale subiectum, & effectum quoque spirituale producere. Contra. Virtus spiritalis non potest subiectari in corporeo & materiali subiecto, quia non potest extensue se habere, ita quod vna virtutis pars sit in vna parte subiecti, & alia pars eius sit in alia subiecti parte: talis enim extensio solis corporeis accidentibus competere potest: Ergo, &c. confirmatur ex illo vulgari philosophorum axiomata. Omne quod recipitur, ad modum recipientis recipitur: Ergo virtus suscepta in subiecto corporeo ad modum eius se habere debuit,

resurrexit propter iustificationem nostram. Minor vero probatur. Id quod actu non existit, nullam physicam potest efficientiā exequi, causa enim efficiens operatur prout est in actu. At passio & resurrectio Christi, cum iam olim transierint, non actu existunt, ergo &c.

Quintum argumentum. Christus inter omnes viuens non operabatur miracula efficienter physice: ergo neque iustificationem & gratiam physica causat efficientia. Consequentia ex paritate rationis constat, & præterea quia sacra scriptura & sancti Patres eodem modo loquuntur in vno casu, quo in alio. Nam sicut dicunt Christū nos iustificare & viuificare, dicunt similiter ipsum suscitasse mortuos ægros curasse &c. Antecedens probatur. Christus dum viueret multa operabatur miracula absq; aliquo interueniente contactu, vt patet in salute quā contulit Centurionis seruo, qui distās erat & longe a Christo: Ergo signum est, nullam ibi interuenisse physicam efficientiam, sed moralem duntaxat. Confirmatur primo. In euangelio legimus scriptum, orasse, præesque fuisse ad Patrem, cum aliquot miracula edidit: manifestum ergo indicium est, ipsum non physice, sed moraliter talia patrasse miracula. Ita quod, oratione impetrabat à patre, vt ipse pater illa efficeret miracula. Confirmatur secundo. Aliquot miracula edidit christus in quibus nulla potuit interuenire physica eius efficientia, sed omnia miracula in scripturis sacris eodem modo tribuuntur christo, ergo ex modo loquendi scripturarum sacrarum inualidum prorsus argumentum desumitur, ad probandam efficientiam in miraculis a christo patratis. Imo volūtarie & absq. rationabili fundamento id asseritur: atque adeo irrationabiliter. Nam res tantimomenti, tamque difficilis ad intelligendum, non debet affirmari absque grauissimo & solidissimo fundamento. Antecedens probatur. Expulsio demonum a corpore nō postulabat efficientiam physicam: nam solum Christi imperium, cui cælum & terra parere tenebatur, sufficiens erat ad expellendum demonem a corpore. Huiusmodi autem imperium moralem & non physicam efficientiam denotat. Item cum Christus Math. 8. permisit demones porcos intrare, certū est in illa permissione magnum interuenisse miraculum, sed certum est etiam, quod permissio non ad physicum, sed ad moralem tantum pertineat ordinē. Præterea cum sol fuit in Christi passione obscuratus, miraculum interuenit grande, a Christo patratum. At ibi nulla potuit ex parte humanitatis christi physica interuenire efficientia. Quod sic probo. Tenebrosa illa solis obscuritas tantum processit ex subtractione generalis diuini concursus, qui necessarius est ad operationem secundarum causarum, quo subtracto, sol radios suos necessum fuit occultaret, vel vt proprius dicā, in se contineret, & ad extra nō emitteret: In subtractione aut huiusmodi concursus nulla efficien-

factus est nobis sapientia, iustitia, sanctificatio, & redemptio. Vbi expendendum est, quod omnem efficientiam & causalitatem meritoriam respectu iustitiæ & sanctitatis nostræ sub illis tribus rationibus sapientiæ, iustitiæ, & redemptione comprehendit. Nam sub nomine Sapientiæ, comprehendit omnem eruditionem ad salutem nostram necessariam, quæ non solum doctrina, sed & legibus quoque & mandatis constat. Lex, n. lux est, & lucerna mandatū Prou. 6. Sub nomine Iustitiæ & meritum & satisfactionem Christi completur Paulus. Nomine vero Redemptionis, ipsam præij exsolutionem, quam Christus pro nobis in Cruce pendidit, suū prætiōsissimum offerens sanguinem, chyrographum debiti nostri cruci affigens. Et quoniam, vt superius me dixisse memini, totum redemptionis nostræ opus a cruento crucis sacrificio inchoauit: Idcirco rationabiliter asseritur, quod nomine Redemptionis Apost. comprehendit ipsum Crucis Sacrificium: atq. adeo sub ratione Sanctificationis ipsam nostræ sanctitatis, & gratiæ physicæ efficiētiā subindicauit. Quæ efficiētiā cū sanctificatiua sit animarū nostrarū, merito Christus nostra sanctificatio a Paul. vocatur.

Varie in hoc dubio circūferuntur theologorū sententiæ. Prima in vno extremo dicit Christi humanitatem nullā physicā efficiētiā habere, aut in miraculis, aut in iustificatione animarum, sed solam morālē causalitatē. Sic docet Dur. in 3. d. 14. q. vi. & in 4. d. 2. Sco. ibi dē q. 1. & in 2. d. 37. Palu. d. 14. q. vi. & multi doct. extra scholā S. Th. consentiunt in hac sententiam. Ex S. Th. discipulis tuetur hanc sententiam Mag. Cano. in relectione de sacramentis in genere, in 4. par. circa finem. Et Caiet 22. q. 178. a. 1. circa solutionem ad 1. id ipsum sentit, quod attinet ad miracula.

Secunda sententia in alio extremo docet, Christi humanitatē concurrere ad omnia miracula, & ad iustificationem animarum, non solum per modum causæ morālīs, sed etiam vt instrumentum physicū verbi diuini: quam causalitatem habet etiam nunc existens in cælo. Hanc sententiā docet S. Th. 3. p. q. 13. a. 3. quod attinet ad miracula. Et q. 6. de pot. art. 4. licet olim in 3. d. 14. q. 3. consenserat primæ opinionī. De causalitate gratiæ 12. q. 112. a. 1. Caiet. quīs 22. vbi sup. primā sententiā probauerat, at in 3. p. & 12. loc. nūc cit. illām retractat. sequutus hanc sententiā, & alijs ēē in locis relatis a Ma. Med. 3. p. q. 23. a. 2. Denique hæc sententia est communis apud Thomistas.

Tertia sententia, hanc secundam extendit opinionem. Docens Christi humanitatem fuisse causam effectricem iustificationis antiquorum patrum quatenus apprehendebatur per fidem. Itaque dicit hæc opinio, quod Christi humanitas, antequam in mundo existeret, effectiue instrumentaliter causauit gratiā & iustitiā in patribus antiquis, quatenus eius apprehensio p fidē assumebatur a deo. vt instrumē

tum effectiuium iustitiæ & gratiæ. Quemadmodum quidam metaphysici docent, quod finis apprehensio, seu finis, ut est sub apprehensione, effectiue voluntatem mouet. Istā sententiā refert Mag. Med. lo. cit. & p. ea citat Capr. & Scotū, & non reputat improbabilem. Quam alij extēsius adhuc eam intelligunt. Non curantes de fidei apprehensione, sed absolute affirmantes, Deum assumpsisse humanitatem futuram, ut in instrumentum physicum ad iustificandos veteres patres.

Quarta sententia docet, Christi humanitatem, esse quidem per se doquendo effectiuium instrumentum verbi, ad omnia miracula, & ad iustificationem animarum, & ita de facto effectiue concurtebat ad omnia miracula, quæ Christus fecit in hac vita mortali: Et ad iustificationem illorum quos Christus dū erat in hac vita mundauit a peccatis, ut Magdalenam, & Latronem: At modo humanitas Christi non concurret efficienter ad animarum iustificationem, eo quod est magna distantia, & interuallum inter humanitatem Christi, & animas iustificandas. Nam licet instrumentum diuinæ virtutis (dicit hæc sententia) ad quamcumque distantiam possit operari. Sed tamen non est credibile, quod verbum vratur sua humanitate ad operandū physice in tam distantem materiam: quoniam Deus absq; magna necessitate non soluit legem communem, secundum quam causa effectiua, & instrumentalis non potest operari nisi circa subiectum sibi proximum. Ex quo infert hæc sententia, quod cum Christi humanitas in sacramento Eucharistiæ proximam habeat habitudinem ad animam eius, qui hoc sacramentum suscipit, consequenter est concedendum, quod effectiue physice concurret ad gratiam sacramentalem. Hanc sententiam docet And. de Vega. lib. 7. super sessio. 6. Concil. Trident. 14. & ut fertur hæc sententia non displicuit Magistro Victoriz.

Vltima sententia docet, quod Christi humanitas in cælo existens non causat physice immediate gratiam in animabus nostris propter maximam distantiam, causat tamen mediate, mitens imperio suo angelos, qui instrumentaliter efficiant gratiam, & iusticiam in nobis: sic docent quidam moderni theologi.

Ad exactā huius questionis resolutionem, Primum omniū decreuimus theologorum opiniones refellere, quæ minus mihi probabiles visæ fuerint, ut tandem in referenda doctrina S. Thom. in eiusque explicatione tantisper liceat immolari. Estque aduertendum, ne sæpius eadem repetamus, quod si quando in sequen. dixerimus Christum instrumentaliter gratiam causare, aut prodigiosa opera efficere, Christi nomine ipsam eius intelligimus huminitatem. Nam certum est, & indubitatum, Christum ratione suppositi principalem horum effectuum causam esse, instrumentalem vero nequaquam. Posita autē

hac intelligentia indifferentem utemur in sequen. nomine Christi, & humanitatis eius.

Prima Conclusio.

Sententia quę docet, Christum gratiam effectiue in nobis efficere angelorum ministerio, parū habet probabilitatis. Probatur primo. Illa sententia a nullo theologorum antiquorum cognita fuit, neque ullum in antiquiore Patrum doctrina fundamentū habet, neque in modo loquendi scripturę sacrę, sed quorundā nouitiorum theologorum fuit adinuentum, Ergo non debet inter opiniones vere probabiles recenseri. Secundo probatur. Quod Angeli immutent realiter hominum mentes, & intra hominum corda efficaciter operentur, non est hactenus auditum in theologorum schola: Ergo impertinenter asseritur Christum Angelorum ministerio gratiam & sanctitatē in nostris animabus efficere: Tertio. Fundamentum præcipuum cui inicitur cōtraria sententia, nimirum, quod Christi humanitas propter localem distantiam nequeat per modum instrumenti diuinę virtutis gratiam efficere in nostris animabus falsum est, supponitque falsum, videlicet, quod diuina virtus instrumento communicata pendeat a distantia loci. Ita quod non possit operari nisi in subiectum propinquum. Etenim coniunctio agentis ad passum conditio tantum est secundum ordinem naturę requisita, & non est principium a quo formaliter vel effectus, vel operatio pendeant. At huiusmodi secundum ordinē naturę requisita conditio, supplebilis est a deo, imo dicam verius, quod non ab ea necessario pendet operatio, quę non secundum naturę leges fit, sed iuxta infinitum & absolutum diuinę potetię modum. Ergo cum magis ad dignitatem humanitatis christi pertineat, quod ipsa immediate gratiā & sanctitatem in nobis efficiat, quam quod Angelorum ministerio id ipsum operetur si nihil aliud obstat quam loci distantia, irrationabiliter hanc dignitatem a christi humanitate adimimus, & Angelicis tribuimus spiritibus. Misū facio quod etiā intra naturę ordinem Scot. & quidā alij graues theologi docuerunt loci distantiam inter agens & passum, minime operationem impedire. Quod si hoc a viris doctis probabile creditur, quia ratione negandum erit, quod Christi humanitas in cœlo existēs possit gratiam in nobis instrumentaliter efficere, si nihil aliud quam loci distantia obstat.

Ex his sequitur falsam esse aliam sententiā, quā retulimus quarto loco. Quia sine ratione denegatur humanitati Christi efficiencia gratię in animabus nostris, ad euitandum illud miraculum; quod nō est tam grande miraculum, quin graues theologi existimauerint de facto contingere, secundum ordinem a natura præscriptum. Et

quidem cum fateantur illius 4. opinionis autores deum per Christi humanitatem multa patrasse miracula, quæ totam superant naturæ facultatem: non satis rationabiliter denegant hoc speciale miraculū Christi humanitati in animarum nostrarum iustificatione: cum neque sit magnum miraculum, & ad Christi humanitatis excellentiam commendandam, inter omnia Christi miracula magis sit accommodatum. Eo quod iustificatio & salus nostra finis fuerit incarnationis Christi, quam Christus tot, tantisque suis laboribus fuit operatus.

Sed antequā ulterius progrediamur, ne nostra vel obscuritate, vel equiuocatione disputatio laboret, aduertendum est. Quod cum dicimus præsentiam inter agens & passum, seu quod idem est, contactum agentis ad passū nō esse intrinsece & essentialiter necessariū, ut cōstet operatio, sed ad requisitā duntaxat conditionē attinere: quæ proinde iuxta naturæ leges necessarius esse poterit, nō vero si absolutā dei potentiam contemblemur. Cum hoc, inquam, dicimus, non loquimur de contactu & præsentia virtuali, quæ reperitur in ipsa actuali effectus productione, de isto enim contactu non fit sermo, quia nō ponit in numero cum ipsamet actione. Nam hoc ipso quod agens operatur in passum, coniungitur illi virtualiter, suam ei virtutem in actu ultimo applicans. Quocirca tantum loquimur de contactu præuio, qui naturæ ordine ipsam præcedit actionem: qualis est quantitatiuus contactus, quo agens corporeum passum quoque corporeum attingit. Qui plane contactus operationem anteuerit, & secundum naturæ leges necessario prærequiritur. Et hunc contactum præuium, siue quantitatiuus sit, siue virtualis, credimus non tā esse ad operationem necessarium, quin operatio, diuina virtute facta, possit sine ipso constare. Atque adeo omnes theologorū opiniones, quæ idcirco negant physicā efficientiam humanitati christi respectu gratiæ nobis conferendæ, quia talis efficientia nō potest sine præuio contactu, & siue reali præsentia constare, debili fundamento innituntur, parūque proinde probabiles censi debent. Et ob id opiniones 4. & 5. non in magno præcio habentur inter theologos: quia tota eorum probabilitas ad prædictum reducitur fundamentum. Et de opinione quinta hoc præsertim verificatur. Quæ absolute putat prædictum contactum omnino esse ad operationem necessarium.

Secunda Conclusio.

Illā sententia, quæ docet Christū physicā efficientia, antequā ueniret in mundum antiquorum Patrum gratiam causasse, parum quoque probabilis habet. Probatur. Manifesta est implicatio quod res quæ

quæ non existit, physica efficientia aliquem producat effectû, neque id valet intellectus percipere: parum ergo prababilis esse poterit sententia illa. Probo antecedens. Efficere est aliqua ipsius effectricis causæ actualitas, ergo cum non sit prima, necessum est præsupponat primam omnium actualitatem, quæ est ipsa rei existētia. Et est sine dubio mera fictio dicere, quod deus rem nullatenus existentem assumat ut instrumentum physicum ad effectum aliquem efficiendū. Imo nescio quid male sonantis doctrinæ sese mihi in hac sententia offert. Nā qui absolute concedit, Christi humanitatem ante eius incarnationē fuisse instrumentum physicum divinæ virtutis ad gratiam antiquorum patrum efficiendam, tenetur secundum legem bonæ consequentiæ concedere, Christi humanitatem ante eius assumptionem creatam existisse. Videtur enim ineptissimum, & rationi naturali contrarium, hanc consequentiam negare. Christi humanitas ante assumptionem physica efficientia produxit gratiam, Ergo ante assumptionem existit extra suas causas producta. Dices divina virtute effici posse, ut id quod in se non existit, vere & physice operetur ut instrumentū diuinæ virtutis; quatenus id quod futurū est, iam præsens existit diuino conspectui, eiusque coexistit æternitati. Hęc tamen solutio apparens quidem est, sed nulla probabilitate fulcitur. Contra quam sic argumentor. Res futura, & si coexistat diuinæ æternitati, quatenus æternitas summa cum simplicitate & præsentialitate omnes temporis differentias ambit, at cōparatione ad nos, ad omnesque creatos effectus, quādiu nō est extra suas causas producta, nō maius esse habet, quā habēt res aliæ possibiles fieri, quæ nunquā erūt intra rerū ordinē productæ. Quoniam futurum ut futurum, præsertim si est futurum contingens, nullum esse determinatum habet in toto rerum ordine. At res, quæ physice operatur, prout sic operatur, non ad æternitatis mensuram est comparanda, sed ad temporariā & extrinsecam, per quam mēsuratur eius operatio. Ergo nihil refert, quod Christi humanitas ante assumptionem coexistisset æternitati, ut posset assumi a deo tanquam physicū instrumentum in productione gratiæ. Patet consequentiæ. Quia illa operatio, ut dixi, nō est mēsuranda per æternitatē, imo ad ipsam formaliter consideratā, per accidens est omnino, quod res futuræ æternitati coexistent, ut S. Tho. censuit, vel quod iuxta multorū theologorum sententiam, nō coexistent. Confirmatur. Res quæ physice operatur, sub eadem mensura debet existere, sub qua operatur. Nam cum existentia per se & intrinsece ad operationem pertineat, consideranda est necessario intra ipsam operationis mensurā. At dicere, quod Christi humanitas ante assumptionem, existentiam habuit tempore mēsuratā, error esset & hæresis manifesta in 6. Synodo generali, & alias non semel damnata: Ergo, &c.

Hæc quæ diximus, non immediate procedunt contra sensum illū, in quo autores citati pro 4. sentent. illam probabiliter sustinent. Sed aduersus quosdā nouiores theologos, qui vt se methaphisicos ostētent Chimericis quibusdam opinionibus libenter præbēt assensum quas nec ipsi intelligunt, neque aliter aliis explicare possūt, quā dicētes, quod secundum methaphysicam considerationem, quæ ab omni materia abstrahit, nulla in rebus similibus implicatio reperitur: sed sunt vere possibiles diuinę virtuti, quæ in suis operationibus a tēpore, & loco, & ab alijs circumstantijs abstrahit. Et nō aduertunt, quod dum abstrahere volunt considerationem ab omni materia, etiam ab omni intelligentia abstrahunt. Neque aduertunt, quod licet Dei operatio ex parte sui prædictam habeat independentiam: ex parte tamen vel actionis transeuntis, vel effectus producendi, vel instrumēti quod assumitur, necessum est, vt aliquā habeat ad extrinsecā mēsurā accomodationem, quā res istę intrinsicēce postulant. Manifestū enī est, quod si ad infinitam tantum Dei omnipotentiam attendamus, nullum effectum poterimus impossibilem iudicare, sed tota impossibilitas pēlanda est ex ipsis effectibus. Sed iam ista missa faciamus, & ad expugnandum sensum, quē intendunt graues theologi pro 4. sententia citati, totam nostrę disputationis vim conuertamus. Sed prius aduerto. Mag. Sot. minime pro hac sententia fuisse referendum, cum ille alium longe ab similem sensum intendat, quando asserit Christū gratiam veterū patrum effecisse. Loquebatur enī de efficiētia quā habuit Christus iā natus, & postquā verbū caro factum est, & habitauit in nobis: & postquā suam in re passionem exhibuit. Nā quia peccatorum remissionem antiquorum patrum consummauit, eos erūēs a lybo, infernisque carceribus, & ipsām eorum gratiam vltimę glorię complemento perfecit: idcirco dixit Soto Christum & meruisse. & effecisse gratiam veterum patrum. Expressis autem verbis in 4. d. 1. quæst. 2. art. 3. dixit, quod perfidem eos iustificauerat ante suum aduentum, per modum finalis causę. Sed cuiuscumque fuerit prædicta sententia, sic argumentor aduersus illum sensum, Fides Christi venturi quæ in erat intellectu antiquorum fidelium, non erat virtus ipsius Christi, ab ipso videlicet, producta vt a causa principali, sed à solo Deo immediate, etsi intuitu meritorum Christi venturi. Ergo quamuis gratis concedamus, quod ipsa fides Christi effectiue cōcurreret ad gratiæ productionem; non inde tamen verosimili consecutione inferri potest, quod illa gratiæ efficiētia esset Christo tribuenda. Ita quod Christus vere efficeret gratiam secundum physicam efficiētiā. Patet manifeste ista consequentia, quia si Christus neque per se, neque per suam virtutem illam produxit gratiam, non potest verosimiliter dici, quod fuit effectiua eius causa

Antecedens vero conceditur ab autoribus illius 4. sentent. & poterit probari eisdem argumentis, quibus nunc nunc probauimus Christū ante incarnationem non potuisse physice gratiam efficere vt instrumentum diuinæ virtutis. Nam qua ratione gratiam non effecit, eadē prorsus neque fidem potuit efficere.

Dices. Quod vt Christus diceretur gratiā physice causare, satis esset qd ipse Christus vt apprehensus per fidem eam efficeret. Contra Christus vt per fidem apprehensus nullam realem acquirit entitatem & existentiam, quamuis ipsa fidei apprehensio sit vera realis entitas. Ergo non est satis hæc fidei apprehensio, vt Christus sit realis, & physica causa efficiens gratiam. Igitur si Christus secundum se non physice causauit gratiā antiquorum Patrum, neque vero ratione apprehensionis fidei eam effecit, cum fides non esset virtus quæ realiter dimanasset a Christo, sed a solo Deo fuit immediate collata: nulla probabili ratione affirmari potest, quod Christus per modū physici instrumenti priscorum fidelium gratiam, & sanctitatem causauerit. Quod vero apprehensio Christi per fidem effectiue produxerit illā gratiam per modum physici instrumenti, neque affirmare possum neque negare. Quia ad neutrā partem possumus asserre sufficientes rationes. Libentius in negatiuā propendam sententiam, eo quod non sunt admittenda hæc miracula, quæ regularem & naturæ & gratiæ transcendunt ordinem absque magno, aut saltē valde probabili, fundamento. Quod in hac parte asserre nullus poterit. Quoniam ille modus efficiendi nec in scripturis, nec in patribus, fundamentū habet. Quidquid in contrarium Medina conetur: Neque vero quicquā refert ad dignitatem Christi amplificandam & extollendam, Quoniam Christus obiectum quidem erat antiquæ illius fidei, non vero eius efficiens causa: atque adeo efficientia, quæ esset in illa fide ad Christum non attineret: sed ad solum Deum, qui fuit immediata causa illius fidei. Et ex consequenti nihil ad Christi humanitatis dignificationem referret illa gratiæ efficientia.

Contra istam tamen conclusionem vnum argumentum insurgit. Existencia non est de intrinseca & formali ratione causæ efficientis, prout efficiens est, sed tantum est necessaria quædam & requisita conditio. At conditio necessaria supplebilis est a Deo, si rationem formalem nō intrat, vel vt propitius loquar, potest constare operatio, & produci effectus, absque tali præsupposita conditione secundum ab solutam, & infinitam Dei potentiam. Quod circa præcedentem conclusionem aduertimus, cum de contactu ad actionē prærequisito loquebamur: Ergo potuit Deus Christi humanitatem antequam existeret assumere, vt instrumentum physicum ad producendam patrum antiquorum gratiam. Hoc argumentum exacte dissolueretur, si lice

ret hoc loco amussim explicare & probare, quam sit falsa eorum sententia, qui docent: Esse existentie in causa efficiendi rationem tantum conditionis requisitae habere respectu physice efficientie. Existimo enim ego, nulla ratione negari posse, quod sicut calefacere præsupponit per se, & essentialiter calorem, vel formalem, vel eminentem in causa efficiendi, & frigefacere præsupponit frigiditatem: ita agere, seu facere secundum rationem communem, & quasi genericam præsupponit in agente esse existentie. Nam sicut proprius terminus & formalis calefactionis est calor, ita proprius terminus actionis, vel actio, est esse vel substantiale, vel accidentale: & quaecumque & quocumque illud sit, præsupponit per se & formaliter esse substantiale in agente. Quod si hæc sententia vera est, quam credo verissimam (ut alias probabitur.) argumentum factum suis manet viribus destitutum. Neganda est enim eius maior propositio. Sed quoniam huius rei non possumus in præsentia longam texere disputationem: Idcirco hac solutione prætermissa, quæ non omnibus fortassis placebit, etsi mihi sit valde grata, aliter respondeo ad argumentum. Et dico, quod actio potest considerari dupliciter, & formaliter in ratione actionis, & secundum quod est actus quidam, & actualitas operantis, Siquidem priori modo consideretur, transeat id quod assumitur in argumento: Nimirum, quod existentia sit tantum prærequisita conditio ad agendum. Si vero posteriori modo consideretur, eum non sit prima actualitas causæ operantis, necessum est, quod præsupponat existentiam in causa agente, quæ est prima simpliciter actualitas, qua se mota omnia sunt pure potentialia, imo sunt nihil. Dependens autem secundæ actualitatis a prima adeo est intrinseca & essentialis, ut nulla ratione possit suppleri. Hæc solutio, quantum opinor, est sufficientissima. Sed quoniam posset quis eam labefactare dicens, quod actio est actualitas non agentis sed passi. (Nam loquimur de actione transeunte.) Vnde in passopreæsupponit quidem actualitatem primam, puta existentiam, in agente vero præsertim instrumentario, id non est omnino necesse. Idcirco tertio ad illud idem argumentum respondeo, quod terminus actionis quicquid sit de ipsa actione debet præhaberi, vel formaliter, vel virtualiter in causa effectiva, quod habet verumetiam in causa instrumentali, quicquid nonnulli obmurmurent, & absque ullo fundamento contradicant. Nam vulgatissimum est illud proloquium lumine nature constans, Nemo dat, quod non habet. Impossibile est autem, quod Christi humanitas, si non existat, præhabeat in se vel formaliter, vel virtualiter gratiam, quæ est proprius terminus actionis, de qua loquimur. Vnde ad argumentum dicitur, quod licet existentia ratione sui tantum considerata non exeat limites requisitæ conditionis ad agendum, tamen prout est neces-

saria

saria ad hoc quod causa agens præhabeat in actu, vel formali, vel virtuali, terminum actionis. Imo & ipsam actionem necessario, & essentialiter pertinet ad agendum. Nec est intelligibilis actio causæ non existentis, vel in seipsa, vel in sua virtute, ut generans existit virtualiter in semine ab ipso generante deciso, Ex hac solutione potest desumi efficax argumentum pro nostra secunda cōclusionē, & cōtra sententiam illam, aduersus quam ista conclusio procedit, in hunc modū. Nō potest constare actio, quin agens respectu ipsius actionis, & eius termini sit prius in actu primo constitutum: sed hoc fieri nequit absque ipsius causæ existentia, Ergo, &c. Et in hac ratione sermo fit in abstractione a causa principali, & instrumentali.

Tertia conclusio.

Probabilis est prima sententia quæ docet Christum non physica, sed morali tantum efficientia nostram gratiam, & sanctitatem causas se. Hanc conclusionem suadent argumenta a principio huius dubij pposita, q̄ certe probabilem eā efficiunt. Non me latet quosdā doctissimi mos existimasse, sacramenta nouæ legis causas esse effectrices gratiæ in genere physico: quodq; tā verū esse putāt, ut existimēt oppositū nō bene cōsērire catholicæ fidei: Est aut eadē ratio de Christo. Imo, & multo maior, & efficacior. Quia si instrumentis separatis, & q̄ in virtute Christi operātur, physicā cōcedimus efficiētiā, & causalitatē, quæ frōte illā denegabimus Christi humanitati, q̄ instrumentū est Dei cōiunctū, eiusq; p̄priū organū ad opandū diuinā? ob quā causā brachiū domini in sacris scripturis sæpe vocatur. Verūtamen hæc sententiā nimium est rigurosa, & paucissimis theologis tantus hic rigor placet.

Isai. 53.
Rom. 10
Luc. 2.

Quarta conclusio.

Secunda sententia, quæ docet Christi humanitatem ad omnia miracula, & ad iustificationem animarum, non solum per modum causæ moralis, sed et per modū physici instrumenti cōcurrere, lōge pbabilior est sent. cōtraria. Auctores huius sēt. quorū princeps est S. I. cuius loca inferius referemus partim superius habētur citat. Sequuntur hæc sēt. Dried. li. de captiuit. & redempt. tract. 2. cap. 2. p. 3. a 6. Et licet, alias hic auctor visus sit hanc negare sententiam, ut plane visus est p. 2. c. 1. memb. 2. loquitur tamē sine dubio de causa principali. Docent id ipsum Capreo. Palude. Ferrar. locis inferius citandis. Et ista sent. nunc communiter versatur in præcipuis Theologorum gymnasijs. Duo inuoluit ista cōclusio. Primum pertinet ad causalitatē morālē, de qua causalitate nullus est, qui dubitet, neq; vero dubitari potest.

Gggg Pro-

probauimus. n. prope finē præcedentis quæst. secundum fidem credēdū esse, Christū meruisse nobis oēm gratiā, & gloriā. Et credendū ē est qđ sacramenta virtutē nobis applicant meritorum Christi, & qđ virtute passionis eius nobis conferunt gratiā. Vnde circa hoc primū, quod in nostra inuoluitur conclusione, non est cur amplius immoremur. Satis fuerit aduertere, quod Christus, qua ratione cā moralis est nostræ sanctitatis & gratiæ, & miraculorū, q̄ dum viuēs apud nos gefit, eius humanitas non instrumentaria causā, sed principalis potius forma debet vocari. Qm̄ Christus quatenus homo cā fuit principalis ad merendū, & satisfaciendū, de qua re satis diximus quæst. præce. Quocirca ad aliud secundum, quod in conclusione habetur transcamus, in quo de physica causalitate fit sermo.

Probaturq; primo hæc ueritas ex multis sacre scripturæ testimonijs. Primū ex illo Io. 1. Gratia, & ueritas per Iesum Christū facta est. Ponderandū est illud verbū, facta est: denotat. n. physicā efficiētīā & legēdus est Chry. in huius loci expositione, magnifice. n. de uirtute Christi gratiæ productiua loquitur. Ponderanda ē sunt illa uerba in eodē ca. 1. de plenitudine eius oēs accepimus, & in utroq; testimonio manifestum est sermonē fieri de Christo, ut homine. Ad Ephe. 1. in qua .s. gratia, gratificauit nos in dilecto filio suo. Ioan. 20. data est mihi, inquit Christus, oīs potestas in cælo in terra, accipite spiritū sanctū, &c. Vbi etiam manifestum est sermonem fieri de Christo homine. Et ibidē habetur, quod Christus insuflauit in discipulos suos, & flatu suo eis spiritum sanctum contulit infundens, scilicet, gratiā, & charitatē. Itaq; ex plenitudine potestatis, quā tunc Christus accepit, id est, q̄ fuit tunc in Christo declarata, eius humanitas vim habuit effectiua gratiæ & sanctitatis in nobis. Habuerat iam prius illam a primo suo incarnationis instanti, sed non fuerat ita plene declarata, & expressa: atque ita nec tam aperte Christus suis discipulis spiritum sanctū, tanta cum auctoritate & plenitudine cōtulerat Matt. 9. Vt sciatis, qđ filius hominis habet potestātē in terra remittēdi peccata, &c. Durand. dixit hunc locū ad Christi diuinitatem debere referri, qđ vel ex eo est improbable, qđ cū Christus, se filium hominis vocat, sēper de seipso ut homine loquitur. Alia ē sunt innumeræ in script. sac. auctoritates ex quibus magna cū probabilitate colligitur, Christi humanitatē physicū fuisse diuine uirtutis instrumentū. Ad miracula, & prodigia efficiēda Luc. c. 6. Virtus de illo exibat, & sanabant oēs, & c. 8. Christus dicebat. Ego senū uirtutem de me exiisse. Luc. 5. dixit Christo leprosus quidā, si vis potes me mundare, & extendens Christus manum, tetigit eum dicens, uolo, mundare, & capitul. 8. dixit Christus puellę mortuę. Puella tibi dico, surge. Matth. capitul. 8. referuntur multa miracula a Christo patrata, non oratione & deprecatione, sed aucto-

ritate.

itate & imperio, ac proinde non morali solum, sed physica efficien-
tia apparet fuisse edita.

Secundo probatur hæc veritas ex modo loquendi Conciliorum. In
Concil. Ephesin. primo canon. 11. definitur, carnem Christi domini
uiuificatricem esse, propter vnionem ad verbum quod vitam habet
diuinam. Et id ipsum definitur in Epist. Synodali eiusdem Concil. ad
Nestor. At caro Christi non est uiuificatrix secundum esse morale,
nam tota moralitas actionum Christi ad eius animam pertinet. Ergo
in esse physico, uiuificatricem habet virtutem ipsa Christi domini ca-
ro. Item in epist. Sophron. recepta in 6. Synodo generali actione 11.
dicitur Christi operationes in triplici fuisse differentia, quasdam pu-
re diuinas, in quibus non communicat humanitas (nisi per commu-
nicationem idiomatum) vt conseruatio vniuersi. Quasdam pure hu-
manas, ad quas non concurrit diuinitas secundum propriam & infi-
nitam diuinitatis virtutem: quæ sunt ille quas posset Christi huma-
nitas exercere, etiam si existeret in supposito creato, vt exurire, fle-
re, orare, vigilare, &c. Quasdam vero medias, ad humanitatem & di-
uinitatē simul pertinentes, quæ proprie appellantur Teandricæ actio-
nes: & istæ fuerunt operationes miraculosæ ad quas simul cōcurrebant
diuinitas & humanitas. Eadem autem est, vt diximus, ratio de opera-
tionibus miraculosis, & de iustificatione, & sanctificatione animarū.
Nam si diuinitas humanitatem assumpsit vt physicum instrumentum,
ad sanitatem corpoream efficiendam, multo potiori ratione dicen-
dum est, eam assumere ad efficiendam spiritualem salutem in anima-
bus nostris. Item in Concil. Trident. Sess. 6. cap. 7. dicitur baptismi
sacramentum causam esse instrumentalem in iustificatione impij. &
certe Concil. videtur loqui de instrumento physico, in quo multo
euidētius apparet vera instrumenti ratio: Ergo à fortiori dicendum
erit, Christi humanitatem cuius virtute omnia sacramenta nostram
operantur salutem: instrumenti physici in ipsa iustificatione impij ra-
tionem sortiri.

Tertio probatur hæc veritas ex Patrum testimonijs. Quorum non-
nulli expresse de sanctificatione & iustificatione loquuntur. Alij
vero de miraculis a Christo perpetratis. Et cum argumentum, vt di-
xi a miraculis ad iustificationem manifesta ductione sumatur, non
inepte huiusmodi testimonia afferemus, indiscriminatimque no-
stra disputatio de sanctificatione animarum, & de operatione mira-
culorum procedet.

Dyonys. Arcopagita in epist. ad Caium, aperte constituit illam
distinctionem operationum Christi quas ex epist. Sophron. paulo an-
te referebamus. Athanas. in sermon. 4. contra Arrian. sæpe repetit
Christi humanitatem miracula effecisse. Hæc enim inter alia dicit,

Quin & ea opera, quæ sunt propria verbi, qualia sunt mortuos excitare, cecis visum reponere, hæmorrhoidissimam sanare, ea quoque omnino corporis ministerio peragebantur: Et quemadmodum Verbum carnis infirmitates baiulabat ut suas, neque id mirum, erat enim caro ipsius: ita rursus, quum caro suo ministerio Diuinitatis operibus in seruiet, illa opera in carne fiebant, quia caro illa erat corpus Dei. Cyrill. Alexandr. multa dicit, & de miraculis Christi, & de animarum nostrarum viuificatione, & sanctificatione. De miraculis quidem libr. 2. in Ioann. cap. 15. inquit. Nam quemadmodum ad faciendâ signa diuina verbis suis inerat virtus, sic etiam ad persuadendum magnas vires habebat, & in libr. 4. cap. 14. inquit. Non verbo solum semper, verum etiam tactu, mortuos excitabat, ut ostenderet corpus quoque suum viuificare posse. Extendens autem Cyrillus hanc Christi virtutem ad animarum sanctificationem, & viuificationem, dialectica consequutione vtens, ita subiungit. Quod si solo tactu suo corrupta reintegrantur, quomodo non viuemus qui carnem illam gustamus, & manducamus? In Exegetici de verbi incarnatione ad Valerian. Et habetur 6. tom. act. Concil. Ephesin. cap. 17. inquit. Nobis autem ad pietatem, id sat sit, ut cogitemus, seduloque animo versemur carnem, quæ Dei omnia viuificantis peculiaris effecta est, viuificam ipsius verbi virtutem, & operationem obtinere, gloriamque ineffabilem nulloque tempore defecturam sortitam esse. Similia dicit in Anathematismo 11. Et in Dialogo 6. de Trinitate & lib. 1. de fide ad Reginas, & alias quam sæpius. Chrysostom. homil. 26. in Matth. versans illa verba. Si vis potes me mundare, aduertit non dixisse leprosum Domine si oraueris, sed si vis. Omnia eius arbitrio & potestati committens. Quod Christus ipse, & assensione, & operatione confirmans ait, volo, mundare, & voluntatis statim sanitatis donum consequutum est. De gratia, & sanctificatione animarum legatur ipse Chrysostom. loco supra citato. August. tractat. 24. in Ioan. dicit potestatem multiplicandi panes, in manibus Christi positam esse. Euseb. libr. 4. de demonstration. Euangelii. cap. 23. huic alludens sententiæ, vocat Christi humanitatem, organum diuinitatis, quem loquendi modum usurpauit etiam Theodoret. in Dialog. in immutabili Greg. Nazianzen. in carminibus de Christi miraculis quam sæpius huic alludit sententiæ, & in miraculis Christi secundum Marcum dicit inter alia. Viribus ei ieiatur Christi cum Demone febris.

Possẽm hoc loco innumera Patrum testimonia asserre, in quibus sacramentis nouæ legis, virtutem tribuunt sanctificatricem animarum gratiæque effectricem: quæ testimonia sunt innumera. Legantur speciatim Iustinus Martyr de baptismo in Dialogo contra Triphonem.

nem, & Apologia. 2. vbi loquitur de virtute baptismi & Eucharistia Cyprian. in sermone de cena domini Gregor. Nissenus lib. de baptismo, vbi multa de virtute baptismatis, & Eucharistia docet, Cyrillus Alexandr. lib. 2. in Ioann. cap. 42. lib. 7. contra Iulian. circa fin. Theodoret. in Epitom. diuinor. officior. Ambros. lib. de his qui initiantur, & lib. 3. de sacramen. c. 1. Chrysostom. homil. 25. in Ioann. & August. tractat. 80. in Ioan. Damasc. lib. 5. de fide cap. 10. & 14. Denique communis est loquendi modus apud sanctos Patres, Christi humanitatem instrumentum esse, & organum diuinitatis, & quod sacramenta Christi virtute in nobis efficiunt gratiam & iustitiam. Quæ loquutiones designant efficientiam, non solum moralem verum etiam physicam. Quibus tandem accedit S. Thom. 3. p. quæst. 13. artic. 2. Et quæst. 48. art. 6. & quæst. 52. art. 1. & 2. & quæst. 56. art. 1. & q. 62. art. 1. & 4. & in locis alijs supra citat. Expendantur ea quæ in oppositum proposuimus.

Sed iam rationibus hanc confirmemus, sententiam. Sitque prima ratio. Hic modus causandi gratiam, & sanctitatem in animabus nostris, potuit secundum Dei omnipotentiam humanitati Christi communicari, & cedit in magnam humanitatis Christi dignitatem, & gloriam: Ergo rationabilis est sententia, quæ hanc physicam efficiëntiam docet, Secunda ratio. Hæc sententia est valde conformis modo loquendi scripturæ sacræ Cōciliorum, & Patrum, vt ex dictis constat, & ex alia parte nullum ex ea sequitur inconueniēs, vel impossibilitatis, vel absurditatis, & indecentiæ. Ergo admittenda est hæc sententia, vt longe probabilior opposita. Tertia ratio. Christi meritum fuit infinitum in ratione meriti: Ergo Christus meruit suæ humanitati hanc dignitatem, & excellentiam, vt assumeretur tamquam instrumentum physicum diuinitatis, ad efficiendam & causandam eam gratiam, & sanctitatem, quam ipsemet Christus nobis de rigore iustitiæ meruerat, Probatur consequentia. Nam si Christus, suo infinito merito suæ humanitati pro meritis excellētijs alias, immortalitatis, exaltationis, &c. Quare negandum est, hanc quoque ei excellētiā meruisse: cum meritum ob sui infinitatem potuerit istud præmium Christo debitum facere? Quarta tandem ratio, Christus secundum humanitatem est caput totius Ecclesiæ, & hoc tenemur secundum fidem credere. Ergo valde rationabiliter, & consentaneè ad hanc fidei veritatem asserit, ista sententia, Christum physico influxu gratiam, & sanctitatem, omnemque spirituales vitæ motum influere in ipsa sui corporis membra. Probatur consequentia. Quoniam hoc modo maiori cum proprietate saluatur in Christo proprius capitis influxus: atque adeo, & ipsa vera ratio capitis.

Proba-

modo iuxta subiecti conditionem. Neque iuuat Ferrarien. solutio videlicet, hanc spirituales qualitates eū habere modū intentionalē, quem habet species visibiles in corpore diaphano subiectata. Vnde sicut huiusmodi species, & quaecumque alia accidentia, quae habent esse intentionale, indiuisibiliter existunt in subiecto corporeo. Ita haec spiritualis qualitas, similiter se habet in Christi corpore, secundum modum intentionalem, & indiuisibilem. Haec inquam solutio, non placet propter duo, quae mihi in ea apparent falsa. Primum quod haec qualitas habeat esse intentionale, non satis apparet intelligibile. Nam cum se habeat permanentem & per modum habitus, & non influxu & intendencia, nulla est ratio propter quam, non habeat esse perfectum simpliciter in suo genere. Et inquirō: si haec qualitas in Christi corpore habet esse intentionale, ubi nam, & in quo subiecto habet suum verum esse & perfectum? Et quodnam est verum & perfectum esse huius qualitatis? Nunquid est ipsamet gratia producta in nostris animabus? Vnde tale informo argumentum contra hanc sententiam. Omnis forma habitualis & permanens habens in aliquo subiecto esse imperfectum & intentionale, ordinatur ad semetipsam ut habet esse perfectum in suo genere in alio subiecto: ut in speciebus visibilibus in aere vel in aqua existentibus, huius rei habetur exemplum. Nam totum esse intentionale, & imperfectum quod habent species visibiles in his subiectis, per se refertur & tendit ad easdem species ut sunt in potentia visiva, in quo subiecto consequuntur totam sui esse perfectionem. Et huius rei ratio a priori est, quod res quaelibet in statu imperfecto constituta, ad semetipsam ordinatur in suo statu perfecto positam & consummatam. Si dixerint Capre. & Ferrarien. quod virtus haec, & spiritualis qualitas, sua natura postulat hunc imperfectum & intentionalem statum: illis obijciemus communem illam calumniam, cui ipsi tamen satisfacere tenentur nimirum, quod pro arbitrio suo, & absque fundamento hanc intentionalem confinxerunt qualitatem.

Secundum quod mihi in illa solutione non placet, illud est, quod qualitas habens esse intentionale indiuisibiliter suscipitur in subiecto corporeo. Hoc enim apparet omnino falsum. Quoniam qualitas habens esse intentionale, est verum & reale accidens: ergo vere & realiter inexistit. Sed nequit in existere subiecto corporeo; & extenso, nisi diuisibiliter & extensive ad modum eius. Ergo &c.

Sed adhuc contra eandem sententiam sic argumentor. Esto qualitas haec ab istis autoribus conficta, in sanctissima Christi carne reperiatur, siue diuisibili, siue indiuisibili modo suscepta, impertinens omnino esset, ut Christi caro gratiam & sanctitatem in nostris animabus efficiat; ergo sine causa confingitur spiritualis illa qualitas.

Probo

modari. Vnde argumentū istud lāguescit, Sed adhuc amplius vrgeo. rē istam. Nā sequitur quilla qualitas vim habeat superiorē, & si instrumentalem, supra totū gratiæ ordinē, quā est productiua gratiæ, & oīum supernaturaliū habitūū, quā ipsamet gratia ex se nequit efficere. Imo posset esse supior ad oīa miraculosa opera. At incredibile est, quā unica qualitas tāā vim possit habere, Ergo, &c. Sed iā p̄termittamus Capr. & Fer. sent. & ad Palud. opinionē reuerramur, quā affirmat hanc supernaturalē qualitatem materialē esse & corporeā. Cui opinioni ego non oppono id quod ei obijciunt aliqui: nimirū non posse cōmode intelligi, quod illa qualitas sit corporalis, & sit simul supernaturalis ordinis. Etenim constat est, & doctoribus Theologis manifestū, reperiri posse in appetitu sensitiuo virtutes, & motus supernaturales, & operariē fortitudinis, timoris, &c. qui tū cū subiecto corporeo inexistant corporea sunt accidentia. Sed illud tamen Palud. sententiæ oppono, quod in secundo argum. insinuaui, videlicet, quod si hæc qualitas corporea est, non constituere potest sufficientē proportionem inter sanctissimā Christi carnē & gratiā spiritualem, qui est effectus producendus, & animam similiter spirituale, quæ est subiectum, in quo producit gratia: atque adeo sine causā confingitur hæc supernaturalis qualitas. Vtrique vero sententiæ. Et Capreol. & Pal. opponere possumus S. Th. doctrinam, in 2.2. q. 178. ar. 1. ad. 1. Vbi negat possibilem esse qualitatem in anima permanentem habitu aliter, quā sit principium faciendi miracula. Ergo in Christi humanitate, siue in parte spirituali, siue in parte corporea, nō est ponēda qualitas miraculorū factiua, & productiua gratiæ, & sanctitatis in aīabus nostris, Dicent auctores isti, quod S. Th. doctrina procedit tantū in qualitate permanente habituali ter. ut ipse dicit aperte in solut. præfata, & in qualitate habēte esse p̄fectū, & nō esse intētionale, ut hēt qualitas hæc supernaturalis, quā ipsi ponūt. Sed prima euasio, in Christi humanitate nō hēt locū, in qua potestas faciendi miracula, & sanctificandi aīas permanens est, & stabilis. Secundo vero ex eo videtur falsa, quod S. Thom sine vlla distinctione loquutus fuit. Vnde illo non distinguēte, neq; nos distinguere debemus. Et præterea meus eius fuit, quod qualitas permanens esse habens, non habet esse intentionale, sed perfectum in suo genere. His a iōnibus prætermisissis.

Est alius tertius dicendi modus, nouiter inuentus a quibusdā viris doctissimis. Qui ita explicat S. Th. sent. quod sicut in rebus creatis reperitur obedientialis potētia passiua, ut in eis, & ex eis faciat De⁹ quicquid contradictionis non implicauerit. Ita est etiam in eisdem creatis rebus obedientialis potentia actiua, ut efficiant, vel potius Deus ipsis mediantibus, & instrumentaliter concurrentibus causet, quicquid fieri non repugnat. Quæ quidem actiua potentia sola

*Summa moralis et p̄. moralis
3. p. 13. d. 13. q. 13.*

ratione ab ipsa creaturarum entitate scernitur: estque ipsi innata, & ingenerata. Et hæc actiua obedientialis potentia reperitur in christi humanitate, tum in aia, tum in corpore. Vnde Christi humanitas per hæc potentiam a diuina voluntate applicatam, speciali q; Dei concursu adiutam, potest efficere gratiam & sanctitatem in animabus nostris. Et quidē hæc obedientialis actiua potentia non est sufficiens se sola cōstituere Christi humanitatē, aut quāuis aliā creaturā potentē simpliciter ad operandū supernaturalē effectū, sed tm̄ constituit creaturā in p̄xima potētia eleuabilē ad operandū effectus huiusmodi. Quæ eleuatio non fit per aliquam superadditā formā, aut qualitatem, sed p̄ solam applicationem diuinæ voluntatis, & per specialissimum dei cōcursum. Et quatenus prædicta obedientialis potentia coniungitur cū hac Dei applicatione, & speciali concursu, virtus est supernaturalis: & sufficit constituere in actu primo ipsam Christi humanitatem, etiā secundum partem corpoream, ad efficiendum gratiam, aut effectus alios supernaturales, & miraculosos. Hæc obedientialis potentia speciali Dei auxilio adiuta appellatur a S. Thom. (inquiunt hi theologi) virtus spiritalis, & supernaturalis, & quandoque etiam intentionalis, quia est imperfecta in genere supernaturali. Huic sententiæ tātis per fauere videtur Caietan. 3. part. q. 13. art. 2. & q. 78. articul. 4. nam obiter meminit in istis locis huius obedientialis potentiæ, & si non expresse eam vocauerit actiuam. Exemplum accomodat prædicti theologi huic explicandæ doctrinæ, qđ satis apparet idoneū. Intellectus sua natura determinatus est ad cognitionē naturālē, & obiecti naturalis, neq; viribus suis altiorē potest cognitionem efficere. Est tamen in potētia obediētiā actiua cōstitutus, cuius rōe eleuabilis est per speciale dei auxiliū, absq; aliqua superaddita qualitate ad cognoscendū supernaturale obiectū, & eliciendā cognitionē supernaturālē. Et simile exemplū potest proportionabiliter afferri ex parte voluntatis. Quod ergo communiter sapientes theologi de intellectu, & voluntate dicunt. Quare non poterit rationabiliter extendi ad omnes creaturas comparatione ad supernaturales operationes, quæ non repugnat fieri ipsis creaturis mediātibus, & instrumētāliter cōcurrētibus?

Hæc vero sententia nulla a me potest ratione probari. Neq; repertio firmū fundamentum cui eius probabilitas possit inniti. Et primo quidē præsuppono, vt ratione indubitanter cōtra istā sententiā ostendā, quod eius auctores quid amplius docere intendunt, quam doceant alij theologi, præsertim Thomistæ, qui libere fateantur in omni creatura reperiri obediētiāle potentiam, vt diuina possit virtute eleuari ad operandum effectus supernaturales, & miraculosos ad modum instrumēti physici. Id autem dicunt amplius huius sententiæ auctores: quod communis Thomist. doctrina hanc potentiam obediētiāle

talem non vocant actiuam, neque illam distinguunt a potentia obedientiali passiuā, de qua communiter solet fieri inter theologos sermo: Non enim eam constituunt, vt sit virtus efficiua, sed vt eius ratione creatura possit eleuari per diuinā potentiam, & virtutem ad operandum supernaturales actiones, & effectus. Caterum præfatæ sententiæ autores hanc obedientialem potentiam, actiuam vocant, virtutemque in ea actiuam agnoscunt. per quam creatura operari potest supernaturales actiones, & efficere supernaturales effectus. Imo ad hoc illam commentantur, vt creatura per hanc obedientialem potentiam, adiuncto specialissimo dei auxilio, constituatur in actu primo: vt possit exire in actum secundum supernaturalem, & simul cum deo instrumentaliter concurrere ad actuale productionem supernaturalis effectus. Existimant enim, & mea sententia verissime, quod nulla causa siue principalis sit, siue instrumentalis in actum secundum prodire potest, quin prius naturæ ordine fuerit constituta in actu primo: est enim manifesta implicatio, quod causa efficiua operetur, nisi secundum quod est in actu vel formali, vel virtuali constituta. Nequit enim quis dare, aut efficere, quod in se vel formaliter, vel virtualiter non præhabet. Et qui oppositum dicunt, propriam vocem ignorant. Non enim intelligunt, quid sit efficere, seu efficienter producere. Quod certe non est aliud, quam extra se ipsum propria efficientia reponere, quod intra se reconditū habebat. Hoc ergo supposito sic primo argumentor contra statutam sententiam. Potentia obedientialis passiuā, iuxta sapientium theologorum mentem, non est aliud in creatura quam non repugnantia ad deum, vt in ipsa creatura, vel ex ipsa faciat quicquid contradictionem non implicauerit: quod etiam nobiscum fatentur autores huius sententiæ, quam expugnare adnitimur. Neque vero probabili ratione posset aliud dici: quia esset manifesta fictio & chimericum commentum, comminisci entitatem aliquam positiuam supernaturalem creaturæ congenitā & innatam: quæ esset potētia obedientialis passiuā, vt alio in loco a nobis est manifeste demonstratum: Ergo si ex proportionē ad potentiam passiuā obedientialem, colligimus actiuā obedientialem potentiam in creaturis, minime licebit fingere obedientialem potentiam, quæ sit vera virtus actiuā supernaturalis, per quam creatura constituatur in actu primo ad supernaturales actiones: Sed erit tantum non repugnantia ad operandum supernaturales actiones ex diuina eleuatione & virtute. Sicut potētia passiuā obedientialis est non repugnantia ad suscipiendum supernaturales actus. Omnia argumenta, quibus probare solent theologī, non reperiri potentiam obedientialem, quæ sit aliqua vera entitas supernaturalis, quæ vere præhabeat in sua potestate passiuā supernaturales effectus & actus: probant per

locum a fortiori, nullam huiusmodi reperiri obedientialem actiua potentiam, quæ verâ habeat actiuitatem erga supernaturales actiones & effectus. Et breuiter sic istam veritatem ostendo. Et inquiri, an hæc actiuitas sit supernaturalis, an potius naturalis, si naturalis: ergo improporcionata est omnino ad supernaturales actiones & effectus: atque adeo impertinenter asseritur. Si verò supernaturalis est: ergo fateri tenemur, quod ab autore naturæ, & a principijs creaturæ naturalibus oritur virtus actiua supernaturalis, ac supernaturalium effectuum & actionum productiua. Imo & effectiua miraculorum & prodigiorum quæ totum naturæ ordinem exuperant. Et quod natura virtutem conferret supra seipsam, & virtus a natura data superior esset tota ipsa met natura aqua oritur. Quod sane nulla potest probilitate sustineri. Scio dices, quod nisi accedat speciale Dei supernaturale adiutorium, obedientialis illa potentia nihil poterit operari. Sed tunc argumentor in hunc modum, vel illud speciale Dei auxilium confert totam vim actiuam creaturæ ad supernaturalem effectum producendum, vel partem confert, & partem præsupponit in ipsa obedientiali potentia præhabitam: aut denique nullam confert virtutem, sed virtutem præsuppositam in potentia obedientiali complet, actuat & ad secundum actum reducit: vt concursus generalis Dei auctoris naturæ se habet ad omnes causas naturalis ordinis, & concursus generalis Dei autoris gratiæ se habet ad omnes formas & habitus operatiuos ordinis supernaturalis. Et præter hæc tria membra, non potest aliud fingi quantum. At si adiutoriū dei speciale, totā vim confert actiuam, impertinenter dicitur quod illa potentia obedientialis ex parte creaturæ præsupposita est actiua, cum nullā ex se ipsa vim habeat actiuā, nullamq. conferat actiuitatē ad super naturales effectus efficiendos, sed necessum erit asserere, potentiam hanc obedientialem, in eo duntaxat sensu actiuam esse, quod constituit creaturam capacem suscipiendæ virtutis supernaturalis ad operandum supernaturales actiones, & ad producendum effectus ordinis supernaturalis. Et ex consequenti ruit tota machina illius tertiæ sententiæ quam impugnamus. Non enim habet locum, id quod illa sententia affirmat. Nimirum obedientialem potentiam esse illā supernaturalem virtutem, quam S. Thom. constituit in instrumento assumpto a deo ad supernaturalem effectum, & per quam instrumentum constituitur in actu primo ad operandum. Si uero dei adiutorium non totam virtutem confert, sed partem eius duntaxat, & partem præsupponi præhabitam per obedientialem potentiam. Ita quod deus & creatura concurrant quasi duo partialia agentia ad supernaturalem effectum: Sequitur illud inconueniens paulo ante insinuatū, nempe, ex principijs naturalibus oriri super naturalem actiuam virtutem,

tutem, supernaturalis actionis & effectus productiuā. Patet hoc manifeste. Quia illa partialis virtus præsupposita ex parte creaturæ, ex solis principijs naturalibus ipsius creaturæ oriri potest, & procedit a deo, non vt autore gratiæ, sed vt autore naturæ. Et mirabile quidē esset, q̄ ex naturæ principijs dimanaret virtus quæ supra totum gratiæ ordinē, & supra omnia miraculosa & prodigiosa opera, se ipsam extēderet. Multo plane suauius diceremus cum sentētia Capr. aut Palud. quod talis virtus esset qualitas quædā, a deo autore gratiæ infusa, & naturæ superaddita. Hoc argumētū adhuc maiores habet vires, si tertium membrū factæ distinctionis admiratur. Nam qui admisit, teneatur fateri, q̄ ita se habeat obedientialis potentia actiua ad producendum gratiā & supernaturales omnes effectus, atq; se habet charitatis habitus ad dilectionem dei super omnia eliciendam. Ita q̄ ex se sufficientem habet virtutem, eget tamen auxilio & concursu generali primæ causæ, a qua omnis causa inferior pendet, vna quæque in suo genere & ordine. Qui autem ita diceret, confunderet naturæ ordinem cum ordine gratiæ, & ordinem supernaturalem cum ordine naturali, nihilq. eius sententia ab errore Pelagiano differret. Imo neque tutum existimo partialem virtutem super naturalem in potentia obedientiali naturæ congenitā & naturalitus inditā ponere, quā non longe hæc sententia ab errore Pelagiana. dissentit, cum supernaturalē ordinem gratiæ ad naturæ facultatem & vim, bona ex parte reducat.

Sed vltius progredior in huius sententiæ expugnationē. Si potentia obedientialis quæ in creatura reperitur, vim habet actiuā ad supernaturales effectus causādos. Sequitur q̄ sit virtus actiua principalis, & non pure instrumentalis. Censuens nullus Theologorum admittet, quoniam maior & præcipua eorum pars docet, non esse factibile, vt aliqua creatura per modū causæ principalis super naturales attingat effectus; ergo &c. Sequellam ita probo. Virtus illa actiua in obedientiali creaturæ potentia præexistens, nō procedit a deo vt autore supernaturali, vt probatū est, & adhuc breuiter ostenditur, ex eo quod anteuertit omnem actionem dei autoris supernaturalis, & ex solis naturæ principijs oritur. Ergo non est virtus instrumentalis, respectu dei supernaturalis autoris. Neq. vero esse potest instrumentaria virtus respectu dei autoris naturæ. Deus enim prout naturæ autor, non est principale agens supernaturalium effectuum, neq. ei subordinatur illa virtus, quæ productiua est effectuum supernaturalium.

Vltimo tandem sic arguo contra eandem sententiā. Potentia obedientialis quæ reperitur in sacra Christicarne, materialis est & corporea, sicut & ipsa caro: Ergo nulla in ea actiua virtus reperitur, quæ possit attingere productionem spiritualis effectus, qualis est gratia, et spirituale subiectum, cuiusmodi est rationalis anima.

Propter hæc argumenta, & alia similia, quæ consulto prætermitto, quia facile oïa possunt reduci, ad ea quæ facta sunt & proposita; reputo hanc sententiam parum probabilem, & alijs omnibus quæ retulimus, & quæ referemus improbabiliore. Quia vel nihil dicit speciale, in quo differat ab alijs opinionibus: vel si quid speciale asserit, necessarium est, constituat actiuam virtutem ex principijs naturalibus ortam; quæ productionem gratiæ, & aliorum supernaturalium effectuum attingat. Quam virtutem ego plane non auderem admittere, putarem enim me Pelagiano errori, plusquam par est, fauere. Illud vero exemplum de operationibus supernaturalibus elicitis ab intellectu, & voluntate; parum iuuat ad huius sententiæ probabilitatem tuendam. Quoniam alijs omissis in quibus latissimum poterat assignari discrimen: ego nullatenus admitteam, neque admittentibus aliquando consentiam, quod intellectus siue humanus, siue Angelicus vim aliquam, & actiuitatem conferat ex se ipso ad supernaturalem actionem eliciendam, ea ratione qua supernaturalis est: Sed tota actiuitas ad actum credendi supernaturalia mysteria pensanda est, vel ex fidei habitu, vel ex supernaturali Dei adiutorio. Et actiuitas tota quæ ad beatificam visionem concurrit, ex sola luminis gloriæ quantitate provenit. Non sum nescius opinionis Caieta. existimantis perfectiorem intellectum cum æquali gloriæ lumine præstantiorem dei visionem efficere, ea quam efficere valeat intellectus minus perfectus. Sed & scio quoque Caiet. sententiam displicuisse vehementer, & quidem merito, vniuersis fere theologis ipso Caiet. posterioribus. Sed de modo quo intellectus creatus ad supernaturales actiones eliciendas eleuari potest, non vocat in præsentia disputare.

Hac ergo sententiâ se mota, alius sequitur 4. loco dicendi modus, qui inter grauissimos S. Tho. discipulos circumferri solet, & vt valde probabilis acceptari. Et asserit, quod Christi humanitas, & quælibet creatura alia potest assumi vt instrumentum diuinæ virtutis ad supernaturalia opera efficienda: quatenus prius vel tempore, vel natura præmouetur motu aliquo, Qui vt a Deo procedit, est quædam supernaturalis virtus instrumentalis, constituens creaturam in actu primo ad productionem actualem gratiæ, vel alterius supernaturalis effectus. V. C. cum Christus verbo remisit peccata Magdalenz, dicens ei, remittuntur tibi peccata, &c. priusquam intelligamus internam peccatorum remissionem instrumentaliter à Christo in ipsius Magdalenz anima factam per actualem gratiæ, & charitatis infusionem, præintelligimus illum motum linguæ christi exprimentis verba prædicta: qui motus specialiter fuit à Deo ordinatus ad illam gratiæ infusionem, & ad Magdalen. iustificandam. Et prout sic specialiter ordinatus, virtus erat instrumentalis gratiæ, & charitatis productiua. Si-

mile

mile quid in sacramentis est dicendum V. c. absolutio exterior a ministro facta ex motione, & intentione speciali Dei procedens, habet quod sit instrumentalis virtus regenerantis gratiae productiva. Et proportionabiliter dicendum erit in omnibus instrumentis assumptis a Deo ad aliquem supernaturalem effectum. In artificiosis effectibus habetur exemplum: ad quos artifices quaedam assumunt instrumenta, quorum virtus in quadam artificiosa motione consistit.

Sed contra hanc sententiam, ut maiorem explicationem accipiat, difficilia oppono argumenta Primum. Motus iste, de quo ista sententia loquitur, nequit esse spiritualis, quia materialis est, & corporeus: ergo impertinenter se habet ad productionem gratiae, quae est actio spiritualis simpliciter, sicut & ipsa gratia, quae in anima producit. Secundum argumentum. Motus est quid imperfectissimum, estque multo imperfectior, quam res ipsa quae movetur. Ergo non est illi tribuenda supernaturalis instrumentaria virtus respectu gratiae, & effectuum excedentium totum naturae ordinem, qui sunt valde perfecti & excellentes.

Tertium argumentum. Explicandum superest huius sententiae autoribus, qui motus debeat esse iste, in quo instrumentariam virtutem constituunt. Nam si dicant esse motum localem, sequitur quod Christi humanitas modo existens in caelo non causet efficienter in nobis gratiam, & sanctitatem: quia nullo motu locali movetur ad hunc inducendum effectum. Si vero dixerint non esse necessarium motum localem, sed sufficere motum quemcumque, si tamen speculiter praeordinetur & referatur a Deo in supernaturalem effectum efficiendum; & ita Christi humanitas per actum voluntatis humanae, aut intellectus practici, quem in caelo habet erga hominem iustificandum, concurrat instrumentaliter physice ad eius iustificationem, & ad ipsam productionem gratiae. Contra. Motus huiusmodi est spiritualis a Christi anima immediate effectus: ergo eius ratione sacra Christi caro non operatur gratiam, & iustitiam instrumentaliter in animabus nostris: cum talis motus non attineat ad ipsam Christi carnem, sed ad eius animam dumtaxat. At patres & Concilia, ut ex testimonijs superius adductis constat, vivificandi, & iustificandi virtutem non soli Christi animae, sed eius carni sacratissimae tribuunt, quam vivificatricem, & sanctificatricem non semel appellant. Ergo, &c. Confirmatur. Christi corpus in sacramento Eucharistiae nullo prorsus movetur motu, quia est ibi modo indivisibili, & quasi pure spirituali: & tamen, ut ibi est, gratiam, & sanctitatem in anima suscipientis Eucharistiae sacramentum instrumentaliter confert. Igitur instrumentalis virtus non est ad motum ipsius instrumenti reducenda.

Quarto arguitur. Sequitur quod Christi humanitas non concurrat.

rit instrumentaliter per modum instrumenti physici ad ipsam animarum sanctificationem, & ad productionem iustificantis gratiæ: sed ille dumtaxat ipsius humanitatis Christi motus, in quo posita est ipsa virtus Dei mouentis & principaliter iustificantis. Consequens est falsum, Quoniam Patres non motui, aut operationi humanitatis Christi, sed ipsi humanitati, imo & Christi carni, hanc iustificandi, & sanctificandi dignitatem tribuunt: ipsamque viuificatricem appellant, id est, vim habentem viuificandi. Ergo virtus instrumentalis viuificatiua & productiua gratiæ, non in aliquo humanitatis Christi motu: sed in ipsamet humanitate consistit. Sequella patet. Illud dumtaxat est instrumentum ad principalem effectum concurrens, quod per virtutē principalis agentis in se susceptam, ipsum attingit effectum, Sed iuxta istam sententiam Christi humanitas non habet in se, susceptam virtutem gratiæ, & sanctitatis productiuam, sed in eius motu suscipitur tantum hæc virtus. Hoc argumentum maiores adhuc habebit vires, si supponamus, id quod in Arist. doctrina est valde probabile, videlicet, motū non in agente, sed in passio recepti. Hoc enim supposito, manifesta deductione sequitur, quod cum Christus liniuit oculos cecī, tota virtus illius miraculi patratiua non in Christi humanitate, sed in ipsis oculis cecī linitis resedit, in quibus susceptus fuit ille linitionis motus. Et si id, quod satis est credibile, dicamus, simul cum visu animæ iusticiam & sanctitatem suscepisse, (Dei enim perfecta sunt opera) consequenter fateri tenebimur, virtutem sanctificatiuam, & productiuam gratiæ, non in Christi humanitate, sed in ipsis cecī oculis susceptam fuisse. Confirmatur. Hac ratione virtus productiua gratiæ sacramentalis magis tribuitur sacramento, quam eius ministro; quia virtus productiua gratiæ per se primo residet in ipso sacramento instituto a christo ad causandam & efficiendam gratiam. Ergo si virtus spiritualis instrumentaria in motu humanitatis Christi per se primo, imo totaliter residet, ipsi motui, & non humanitati tribuenda est animarum iustificatio.

Quinto arguitur. Sequitur ex ista sententia, quod sacrum Christi corpus dum mortuum, & exangue in sepulcro iacebat, aut pendeat in Cruce post mortem, non fuit instrumentū diuinum ad productionem cuiuspiam supernaturalis effectus: imo quod neque fuit satis aptum, & idoneum vt assumeretur, tamquam instrumentum physici ad aliquem supernaturalem diuinæ virtutis effectum. Consequens est falsum: Ergo, &c. Sequella patet. Nam christi corpus tunc nullum motum habuit, neque a semetipso habere poterat. Si ergo motus necessarius est ad rationem instrumenti, mortuum christi corpus non fuit idoneum, vt esset diuinæ virtutis instrumentum. Falsitas vero consequentis probatur. Illa inaudita lapidum commotio, & con-

cussio

cussio quæ accidit in christi morte, quare non debet adscribi carni Christi vulneratæ, & in Cruce pendenti? Similiter Centurionis poenitentia, & vera pectoris contussio, quæ post Christi mortem contigit, quare deneganda est Christo in cruce suspenso, cum esset (vt Moysis vtamur verbis) ipsamet vita ante oculos hominum pendens, & in patibulo manens suspensa? Ergo, &c.

Sexto & ultimo arguitur. Et speciatim contra exemplum, quod afferunt huius sententiæ autores in eius confirmationem. Illud exemplum de instrumentis artificialibus nihil ad propositum refert.

Quoniam hæc instrumenta ab artificibus admota, nihil efficiunt, quod superet uim instrumentorum, & materialem ipsorum rationem. Nam illorum motus tantum est applicatio instrumenti ad diuersa loca, à quibus vel expelluntur aliqua corpora, vel in eis alia introducuntur, ex quibus resultant diuersæ figuræ, per quas res artificiatæ constituuntur. Igitur ex huiusmodi artificiosis instrumentis insufficiens omnino argumentum desumitur, ad explicandum rationem, & virtutem instrumentariam, quam sancti patres in Christi humanitate agnoscunt, & venerantur: quæ reuera ipsam nostram gratiam, & sanctitatem attingit.

Hæc argumenta difficilem sine dubio postulant solutionem, adeo quæ hanc urgent sententiam, vt grandem præbeant viris quibusdam doctissimis occasionem dicendi, non esse vlla ratione necessarium aliquem præuium instrumenti motum ad actionem instrumentariam: atque adeo dicunt Sanctissimam Christi humanitatem omnino quiescentem, & immotam assumi posse a Deo, vt physicum instrumentum ad efficiendam gratiam in animabus nostris: & ad quemcumque alium supernaturalis ordinis effectum causandum. Iuxta quem modum fuit fortassis assumpta ipsa Christi mortui caro in sepulcro iacens, vt S. Thom. visus est insinuare 3. par. q. 55. a. 1. ad. 2. Et idem iudicium ferendum est de quacunque alia re creata, siue spiritalis sit, siue corporea.

Quod si quis urgeat huius sententiæ autores, vulgato illo, sed minime facili argumento: nempe, quod in Christi carne ita quiescente nulla præintelligitur spiritalis virtus, nec habitualis, nec actualis, nec per modum permanentis, nec per modum transeuntis, qua possit in actu primo constitui ad efficiendam in actu secundo gratiam instrumentali actione. Ergo impossibile est, quod Christi caro ita quiescens gratiam instrumentaliter efficiat. Patet consequentia. Quia actus secundus necessario, & essentialiter præsupponit actum primum in causa efficiente siue principali siue instrumentaria. Respondent prædictæ sent. auctores, quod vt christi humanitas, aut quæuis alia creatura assumatur, vt physicum Dei

instrumentum ad productionem gratiæ, aut cuiusvis alterius supernaturalis effectus, non est necesse, quod ante ipsam actualem gratiæ, aut alterius spiritualis effectus productionem præhabeat in se formaliter virtutem aliquam supernaturalem creatam, cui ipsa instrumentalis actio. V. C. gratiæ productio adscribatur. Sed satisfuerit, quod operetur, ut subest increatæ Dei virtuti, & illi diuino imperio, per quod Deus, & principaliter efficit gratiam: & quo concurrit cum ipsa creatura ad illam instrumentalem actionem. Itaque supernaturalis diuina virtus creata non formaliter instrumēto communicatur nisi in ipsa actuali gratiæ, aut alterius effectus supernaturalis productione.

Ex istis inferunt primo huius sententiæ autores, non esse necessarium ad instrumentalem actionē, quod instrumentū præmoueat a Deo principali agente, motione aliqua, siue spirituali siue corporea: sed satisfuerit qđ habeat Deus illi quasi virtualiter præapplicatā in creatam sui ipsius virtutē: ita ut in ratione agendi creatura, quæ assumitur ut instrumētū, induat modū quendā vnius causæ cum Deo principali agente; ei instrumentaliter subseruiens ad effectum ab ipso intentum. Ad hoc aut suffecerit subordinatio illa insinuata superius ad increatam Dei virtutem, & ad efficacissimum illud Dei imperium, quod; se ipsum media actione instrumentaria; creaturę ad executionem deducit.

Secundo inferunt, quod instrumentum Dei nō constituitur in actu primo per aliquam virtutem creatam: sed per ipsam increatam Dei virtutem, vel ut proprius loquar; per subordinationem ad ipsam increatam virtutem, & ad imperium Dei practicum, quod videtur eadem creatura ad superius executionem.

Ista sententia est sine dubio valde probabilis, & eius probabilitatis fundamentum ad illud principium, nisi fallor, est reuocandum; quod ita natura comparatum est, ut causa inferior ex coniunctione, & subordinatione ad superiorem in semetipsa perficiatur in ratione causę absq; aliqua superaddita qualitate, aut virtute. V. C. Color per coniunctionem ad lucē vere, & realiter perficitur in ratione causę immutatiuę visus, absque aliqua entitate, quæ ipsi colori realiter inhæreat. Nam ex coniunctione ad lucem, quæ non inest colori, sed illi coassistit, color potest emitteere species visibiles; realiterque visiuam immutare potentiam: quod antea non poterat in proxima potētia efficere. Similiter phātasina in potētia sēitiua, puta, in phātasia productum, propter solā coniunctionem realē ad intellectum agentem absq; qualitate ab ipso intellectu recepta, & participata, cōstituitur in actu primo ad immutandū intellectum possibilem, & ad producendum in ipso intelligibiles species. Et hoc quidem non

ob aliud nisi propter immediatam subordinationem, & coniunctionem phantasie ad intellectum agentem. Ergo cum creatura omnis immediatam habeat & proximam subordinationem ad Deum; quatenus habet esse participatum ab ipso Deo, & res ita se habeat ad operari, sicut se habet ad esse: comode intelligi potest, quod in ordine ad operationem constituatur in actu primo ex immediata coniunctione, & subordinatione ad Dei virtutem, absque qualitate superaddita. Potest etiam colligi huius sententiae probabilitas ex illa satis communi, & multis probata theologis sententia, quae affirmat intellectum creatum absque alio superaddito habitu, aut qualitate posse per solum speciale Dei auxilium, quod non praecedit ipsam intellectus operationem, in actum supernaturalem prodire. Et idem de voluntate dicunt, quod absque ullo praeiudicio habitu, aut forma per quam constituitur in actu primo ad actualem actionem potest supernaturaliter operari. Quae sane sententia nulla alia potest ratione defendi, nisi dicamus, quod intellectus per subordinationem ad in creatam Dei virtutem constituitur in actu primo, ut possit exire in actualem firmissimum fidei assensum. Et voluntas per consimilem subordinationem constituitur in actu primo, ut exire possit in supernaturalis ordinis operationem V. C. in dilectionem Dei super omnia.

Præterea alia posset etiam ratione huius sententiae probabilitas defendi, si dicamus; quod practicum divini intellectus imperium, quamvis formaliter sit actio immanens, est tamen virtualiter & eminenter transiens. Et quia divina virtus, ita infinite est actiuitatis, quod est etiam summæ suavitatis, ac proinde valde accommodabilis creaturis, Hinc est, quod ipsa Dei virtus per divinum imperium applicata creaturæ, constituit illam in actu primo ad operandum per modum instrumenti operationem supernaturalem divino imperio, divinæque virtuti proportionatam, absque vlla creata interueniente virtute. Quod quidem non est omnino ad intelligendum impossibile. Quoniam cum instrumentum non operetur virtute propria, sed virtute principalis agentis: satis fuerit ad hoc, ut instrumentum sit in actu primo constitutum, quod habeat hanc immediatam coniunctionem ad virtutem causæ principalis, etsi nulla alia interueniente virtute inferiori eleuetur, & perficiatur. Vbi illud est omnino aduertendum, quod in productione gratiæ, quam Deus efficit in anima mediante creatura ut instrumento, non duplex interuenit actio, sed vna simpliciter, quæ gratiæ productio est, & vocatur. Quæ quidem duplicem rationem induit. Nam prout refertur ad Deum, est actio principalis, relata autem ad creaturam est actio instrumentalis. Quæ proinde

cum vnica sit, & si simplex actio, non duas virtutes exposcit, sed vnā & eandem virtutem dei principalis agentis: quæ vt exit à Deo principalem constituit actionem, vt autem attingit effectum mediante creatura, & vt creaturæ communicata actionem constituit instrumentalem.

Ista quæ diximus probabilia sunt comparatione ad quodcumque instrumentum creatum, sed multo probabiliora si ad Christi humanitatem accommodentur. Quæ ex ipsa reali coniunctione ad verbum, est quasi constituta in actu primo, saltem radicaliter: ita vt absque aliqua superaddita virtute creata possit exire in actum secundum. Vnde corpus Christi exangue, & exanime in Cruce pendens, & in sepultura iacens absque aliquo actuali motu, & absque vlla superaddita qualitate, potuit efficere supernaturalem aliquem effectum, vt instrumentum diuinæ virtutis.

In summa ergo hanc sententiam amplectendam esse duxerim; eam tamen lege, vt præcedentem sententiam quam sine dubio docuit Sanct. Thom. nullatenus reiiciamus. Docuit quidem Sanct. Thom. hanc sententiam cum de inefficientia sacramentorum loqueretur verbis expressis tertia parte quæstion. 62. articul. 1. in toto, sed præsertim solutione ad secundum. Et inulto expressius articul. 4. ad 3. & in his locis Caiet. & quæstion. 13. articul. 2. eiusdem omnino est opinionis. Et quidem nisi fallor Sanct. Thom. in ea fuit sententia, quod regulariter loquendo: Deus non assumit creaturam quiescentem, & non operantem, vt instrumentum suæ diuinæ virtutis, sed in actuali operatione constitutam. Et ipsum actualem creaturæ motum, quatenus ex Dei actione, & intentione procedit, vocat S. Doctor supernaturalem Dei virtutem: quam appellat quandoque intentionalem, quandoque spiritualem: Instrumentalem vocat quatenus illa mediante ipsa Dei virtus, ipsumque efficax diuini intellectus imperium ad effectum peruenit. Ita quod Deus præmouendo creaturam, prædicum & efficax intellectus imperium ad executionem deducit. Et hac ratione sine dubio Caiet. dicebat instrumentum præsentare, & deferre ad creaturam diuinum imperium: neq; aliud quicquam dicere voluit vt ex eius cōtextu liquet in 3. par. quæst. 13. art. 2. Intentionalis vero idcirco vocatur illa virtus, quia recipitur in creatura modo quodam imperfecto: non per modum permanentis, sed per modum fluxus, & tendentiæ ad terminum principalem, ad effectum, scilicet, principalis agentis: spiritualis denique idcirco vocatur, quia virtus est spiritualis agentis, & ad spiritua-lem destinatur effectum. Sed est aduertendum quod motus seu mutationis voce indifferenter complectimur actionem, & passionem. Et enim motus qui ex parte instrumenti prærequisitus est ad actionem
princi-

principalis agentis, non est necessarius formaliter in ratione actionis, & ut est instrumenti actio: sed ut in ipso quasi determinetur, & coarctetur virtus principalis agentis, & non aliter ad effectum attingat nisi ut in tali instrumento determinata, seu, ut dicam proprius, tali instrumento accommodata. Et quod ista fuerit mens S. Thom. colligitur ex his quae dicit in 22. q. 178. artic. 1. ad 1. Vbi inquit, quod Deus utitur instrumentaliter interiori actu hominis, vel eius locutione, vel actu interiori, vel contactu alicuius corporis etiam mortui. Ex quibus verbis inferuntur duo quae diximus. Alterum, quod saltem regulariter Deus non utatur creatura quiescente ut in instrumento virtutis suae, sed prout posita est in aliquo actuali motu, siue spirituali, siue corporali. Alterum vero est, non esse necessarium, ut talis motus sit vera instrumenti actio, sed satis fuerit mutatio quaecumque in instrumento, siue actio sit, siue passio, ut constat ex illis verbis ultimis, vel contactu alicuius corporis etiam mortui: Qui sane contactus ex parte corporis mortui, quod assumitur in instrumentum diuinæ virtutis, passionis tantum rationem habet. Quoniam ergo præcedentem sententiam veram esse crediderim in sensu exposito, videlicet, eam seruari regulariter: quamvis non sit necesse, ut in vniuersum seruetur, sed possit Deus, ut instrumentum physicum assumere, & quandoque de facto assumere, rem emortuam, & in esse quieto constitutam. Oportet dissoluimus argumenta quae aduersus illum dicendi modum obiecimur.

Ad primum igitur argumentum. Respondeo, virtutem illam quae in motu instrumenti corporei reperitur, non esse rem ab ipso motu distinctam: atque adeo non potest non esse formaliter corporea. Sed est nihilominus spiritualis virtualiter, eo quod est à Deo, ut à principali agente, & mouente, qui est summe spiritus. Et hoc est satis, ut possit efficere spirituale effectum, nempe gratiam; & attingere spirituale subiectum nempe animam. Ad huius rei explicationem multa possem asserre exempla, sed duo mihi apparent præcipua. Alterum habetur in motu cœli, qui ut docet Sanct. Thom. prima parte quæstion. 70. articul. 3. ad 3. formaliter quidem non est vitalis motus, quoniam non procedit ab intrinseco principio, coninecto viuente. Sunt enim cœli inanimata corpora: At virtualiter vitalis est, vitamque habet in sua virtute imbibitam: quatenus procedit ab intelligentia extrinsecus mouente ipsum cœlestem orbem; Et hac ratione potest vitam causare in his inferioribus rebus. Ita nos proportionabiliter dicimus, creaturæ corporeæ motum formaliter quidem materiale esse, & corporeum, virtualiter vero spirituale & im-

illum

illata in spiritualem, & immaterialem effectum. Alterum exemplū ex phantasmatibus potest desumi. Phantasma etenim materiale est, & corporeum, ex coniunctione tamen, & subordinatione ad intellectum agentem virtutem; habet spiritualement, & intelligibilem: ob quam efficere potest intelligibiles species, iuxta sententiam valde probabilem, possibilemque potest intellectum immutare.

Ad secundum argumentum respondetur, quod licet motus in ratione entis longe sit imperfectior re ipsa, quæ mouetur, in ratione tamen supernaturalis virtutis, & quatenus procedit a superiori mouente deo, multo est ipsa perfectior. Quemadmodum semen ab homine descissum formaliter in ratione entis imperfectius est leone, aut equo: ac in esse virtuali longe est perfectius. Quatenus videlicet est & ab homine descissum, & hominis productiuum.

Ad tertium argumentum respondetur, sufficere quemcumque motum, siue localis sit, siue alterius rationis, ut bene dictum est inter arguendum. Ad replicam ibi factam respondetur. Quod quamuis intellectus Christi humanus eo quod beatificatus est, ad cognoscendum hæc inferiora siue practica siue speculatiua cognitione, non egeat conuerti apud phantasmata; potest tamen se ipsum conuertere pro ipsa operantis libertate, ut docet S. Thom. 3. part. q. 1. art. 2. ad 3. Vnde credibile est, quod cum Christi humanitas in cælo existens instrumentaliter concurrat ad nostram iustificationem & gratiam efficiendam, intellectus Christi seipsum ad phantasma conuertit. Vnde deus simul & actu intellectus Christi, & eius singulari phantasmate, seu actione phantasiae vitur quali unico instrumento ad nostram iustificationem efficiendam, ut Christi humanitas secundum animam, & corpus verum sit & totale nostre iustificationis instrumentum.

Hæc diximus probabiliter & coniecturaliter, nam modus quo tota Christi humanitas nostram sanctitatem & gratiam physice operatur nunc in cælo existens, soli deo, ipsique Christo potest esse perspicuus. Nobis quidem constat, et si non fidei aut euidentiæ certitudinis, valde tamen probabili & in scripturis sacris benefundata ratione, Christi humanitatem & secundum animam, & secundum carnem, verum, realem, & physicum influxum habere spiritualis vitæ in ipsa corporis Christi membra. Quo autem modo id fiat, nequit nobis ex acta ratione constare: quocirca suffecerit probabili coniectura procedere.

Ad confir. Primo dicitur posse nos proportionabiliter dicere de Christo in sacramento Eucharistia existente, ad eum modum quo diximus ipsum existentem in cælo nostram sanctitatem & iustitiam operari,

ubi dicitur Summus
in celo existens
et nra iustitia
conferens & gratia
et in anima

reſi, per operationem, videlicet, utriusque parti, & ſuperiori, & inferiori communem; Chriſtus enim prout in Euchariftia exiſtit, non ſolam intellectualem exercere poſſet actionem: Verum etiam ſenſibilem & materialem, à ſenſitivis inferioribus potentijs elicitam. Secundo reſpondetur, quod vñio ſacramentalis Chriſti corporis ad viſibiles ſpecies tanta eſt, tanque intimo & ſi ineffabili modo facta, ut motio quæ in iſtis ſpeciebus contingit, non extranea & aliena cenſeri debeat ab ipſo Chriſti corpore. Quod erudite Caſer. adnotavit 3. q. 76. ar. 6. Unde ipſa ſpecierum motio, quæ in ſumptione Euchariftiæ reperitur, ſufficiens erit ad verificandum carnem Chriſti actualem virtutem ad deo ſuſcipere, qua phyſica efficiencia gratiam & ſpiritualem vitam, in animam ſuſcipientis efficiet.

Tertio denique reſpondetur. Satis probabiliter dici poſſe conſentaneæ ad ſententiam paulo ſuperius explicatam, atque ibidem à nobis approbatam, carnem Chriſti abſque villo interueniente eius motu, poſſe aſſumi, & aſſumi de facto per modum instrumenti phyſici, ut vitam ſpiritualem in anima hoc ſacramentum ſuſcipientis efficiat.

Ad quartum argumentum negatur ſequella. Probationi dicitur, quod illa diuina virtus quæ in motu humanitatis Chriſti à nobis cū S. Tho. conſtituitur, non competit ipſi motui abſolute, prout quidam motus eſt, ſed prout eſt moruſ talis ſubieſti, nimirum, Chriſti humanitatis: atque Deo illa instrumentalis virtus non tam ad ipſum motum, quam ad eius ſubieſtum eſt referenda, & ſi formaliter immotu reperiatur.

Ad illud vero quod dicitur, de motu & actione tranſeunte in paſſo ſuſcepta. Reſpondetur, quod motus ille in quo virtutem instrumentalem gratiæ productiuam conſtituimus, non tam debet conſiderari, ut actio humanitatis Chriſti, quam ut motio a deo in ipſa humanitate ſuſcepta. Vbi obſeruandum eſt, quod hæc motio de qua loquimur, non eſt ipſa actualis gratiæ productio: Etenim productio gratiæ, actio ſpiritalis eſt, quæ cū gratia ipſa identificatur, & in anima quæ ſubieſtum eſt gratiæ ſuſcipitur. Et eſt illa operatio quam nos vocamus instrumentalem actionem ex principali agente instrumento communicatam: eſtque ipſe actus ſecundus & vltimus instrumentariæ cauſæ. Nos vero in præſentia de illa instrumenti motione tantum loquimur, quæ naturæ ordine præuia eſt, ad ipſam actualem gratiæ productionem, & per quam instrumentum in actu primo conſtituitur, in ratione formali instrumenti. Quoniam vero instrumentum non a ſemetipſo conſtituitur in actu primo, ſed a principali agente, idcirco motio hæc, de qua hic ſermo, non eſt conſideranda, ut actio humanitatis Chriſti, ſed potius ut motio quædam a deo in ipſa

in ipsa humanitate suscepta. Et quamvis contingat, quod sit realiter actio humanitatis extrinseci subiecti immutatiua, non tamen ea ratione qua actio est, ei competit spiritualis instrumentaria virtus, sed tantum prout est motio, qua deus ipsam humanitatem mouet & immutat. Et quidē licet transiens actio in extrinsecū recipiatur subiectum, semper tamē interuenit contactus aliquis corporeus, qui in agente suscipitur, nam omne agens in agendo repatitur: cuius ratione Christi humanitati inesse potest instrumentalis virtus. Missum facio longe probabiliorem esse sententiam Alber. Mag. Caiet. & aliorum non paucorum Philosophorū, qui censent in omni actione siue immanente, siue transeunte, aliquid recipi in ipso agente, quo formaliter denominatur agens: & quo perficitur intrinsece, & ex his superest solum argumentum quartum.

Sed respondetur secundo, quod licet actio transiens nullo modo sit in agente, neque realis aliqua immutatio ex contactu corporeo in ipsum agens resulet, ipsa tamen motio in passio suscepta vim habet instrumentariam ad efficiendum supernaturalem effectum; non vt suscipitur in passio, sed vt ab agente procedit: & non vicumque considerato: sed quatenus præapplicatur & præmouetur iadeo ad talem actionem. Vnde tandem tota virtus instrumentaria radicatur in ipsa passiuia instrumenti applicatione adeo principali agente facta, & ratione illius constituitur in actu primo respectu instrumentaria actionis: quæ est ipsa actualis productio effectus, quem actio & virtus principalis agentis intendit. Itaque cum Christus cæci oculos luto a se facto linit, ipsa actualis linitio in oculis cæci suscepta virtus fuit instrumentaria, ad miraculosum visum conferendum. Hæc tamen instrumentaria virtus dimanauit ab applicatione, qua Christi humanitas fuit adeo mota, & præapplicata ad linitionem istam actualem faciendam.

Confirmationi respondetur, quod sacramentalis virtus non tam ministris quam ipsis sacramentis fuit a Christo concessa, & virtus quæ ministros pertinet, tota est ad sacramentales actiones reducenda, vt suo loco explicandum erit. At in presentia contra res se habet. Nō enim hæc spiritualis virtus humanis Christi actionibus principaliter est concessa, sed ipsimet humanitati, & ab ipsa ad eius operationes refundebatur.

Ad quintum argumentum respondeo, quod si cadauerico Christi corpori aliquod miraculosum opus vt diuino instrumento tribuimus, necessarium est sequamur sententiam probabilem; quæ affirmat non esse necessarium aliquem motum ipsius instrumenti præuiui ad actionem ex principali agenti ipsi instrumento communicatam. Neque enim oportet fingere aliquem motum, aut mutationem miraculose

facilior in Christi corpore facta, per quam constituitur in actu primo ad instrumentaliter operandum diuinos & miraculosos effectus. Probabilitate huius sententiae, q̄ docet Christi humanitate non egere alio quo motu, ut in actu primo constituitur ad miraculosa, & supernaturalia operandum, colligat lector ex dicendis circa solutionem sexti principalis argumenti huius dubij.

Ad sextum argumentum respondetur, Primo falsum esse, qd̄ autores contrariae sententiae affirmant de instrumentis artificiosis: qd̄. scilicet non attingunt effectum principalis agentis. Et certe si rō, quae id probant cuiuspiā esset momenti, probaret et, quod neq, ipse artifex per artē suā ipsū artificiosū effectū contingeret. Sed de hac re nō est locus in praesentia disputandi. Unde secundo dico, qd̄ licet ex artificiosis instrumentis nō sumeretur sufficiens exemplū ad nostrā explicandā sententiā: alia tamen nobis exempla suppetunt, quae rē istam sufficientissime elucidant. Quale est illud exemplū de motu caeli superius commemoratū. Et ista sufficiant ad huius rei explanationem, Nam inter soluenda argumenta a principio huius dubij posita dicemus alia, quae visa fuerint ad huius doctrinae amplificationem necessaria.

Ad primum igitur argumentum. Quod grauissimis Patrum testimonijs innitebatur. Respon. Patres illis locis minime negasse christi humanitatem concurrere ad eas actiones, quae sunt propriae diuinitatis. Nimirum ad miracula, & ad gratiae, sanctitatisq; productionē. Sed distinguēbāt in ipsis operationibus rationes diuersas, q̄ ex diuersis principijs effectiuis principalibus desumebantur. Itaq; in miraculoso ope, quo Christus homini a natiuitate caeco visū dedit, eius tāgens, & liniciens oculos, reperiēbatur contactus ille visibilis, ipsaq; oculorū linicio à Christo facta: Fuit etiam ibi ipsa miraculosa visus reparatio. Et ad utrūq; concurrebāt Christi humanitas, & verbi diuinitas. Nihil enim operabatur humanitas quod simul non operaretur verbum, ut eius suppositum: nihilq; verbum in illo opere effecit, ad quod eius humanitas non concurreret. Sed aliter tamen & aliter, ista se habuerunt. Etenim contactus ille sensibilis ex humanitate refundebatur ad verbum. Volo dicere, quod formale principium, & propriū illius contactus, externaeque oculorum linicionis, ipsa fuit christi humanitas: cū ipsa tamen verbum concurrebat per modum suppositi eius; non aliter, atque si esset proprium & connaturale ipsius humanitatis suppositū: supplet enim exactissime diuinū verbū rationē humani suppositi. E contra vero de ipsa miraculosa visus reparatione censendum est, non enim humanitas fuit formale eius principium, & propriū, sed ipsa potius verbi diuinitas tribus diuinis personis cois. Quae tamē nō immediate illū attigit effectū, sed mediante ipsa christi humanitate: quam assumpsit ut instrumentum applicatiuum, & delatiuum virtutis

diuina, diuinitq; & efficacis imperij ad ipsum miraculosum op^{us} pertinet. Ita sane, qd si diuina ipsa virtus se habere, vt virtus natura-
 linoceatarius, quæ posset non diuinitate, lumina, & quomodo im-
 mediatione propriū effectū contingere, absolute fatore teneremur qd
 instrumentalis actio humanitatis Christi, immediatius illū conginge-
 bat effectū, quā ipsamet Dei operatio. Et de facto concedere tenemur
 ipsā Dei virtutē non aliter attigisse effectū illum, quā prius ordine
 naturæ, seu rationis modificata, vel quasi modificata in ipsa Christi
 humanitate, vt in proximo miraculosa actionis instrumento.
 Et istum concursum humanitatis Christi instrumentarium appella-
 uit calet. delationem, & intimationem imperij diuini. In quo non sa-
 tis bene a quibusdā intelligitur, inter quos debet annumerari Andr.
 Veg. li. 7. in Conc. Trid. c. 12. Arbitrantur. n. Caiet. loqui de illa in-
 strumentū motione, q̄ præuia est ad actionē principalis agentis, cū di-
 xit instrumentū deferre & intinere creaturæ efficac. Dei imperium.
 Quod quidem neque somniāuit Caietan. quoniam motio hæc præ-
 uia instrumenti ad actum primum pertinet, & non actum instrumenti
 secundum. Constat enim. ex dictis, quod per illam actionem, vt
 est a Deo confluatur instrumentum in actū primo ad operandum
 instrumentalitē. Vnde motio illa, eum præsupponatur naturæ
 ordine ad propriam instrumenti actionem, minime vocari po-
 tuit a Caietani. diuini imperij delatio, & applicatio. Sed iam
 reuertamur ad explicandum sanctorum patrum testimonia: in
 quibus nihil aliud asseritur, quam quod operatio miraculosa,
 quæ naturales humanitatis Christi vires superabat, non ad ipsam
 humanitatem, sed ad formale principium effectiū erat redu-
 cenda. sed ad verbi potius diuinitatem. Non tamen negauerunt
 Patres, quin affirmarunt quæ sæpius, Christi humanitatem
 ad easdem miraculosas operationes concurrere. Vnde licet Da-
 mascen. loco in primo argumento citato, duas videatur actiones
 inter sese distinctas in miraculosis operibus a Christo patris consti-
 tuere. Ita quod exterior contactus ad humanitatem esset referendus, mi-
 raculosa vero actio ad diuinitatem pertineret. In li. tamen 3. de fid.
 capit. 15. postquam dixit humanitatem Christi organum fuisse, &
 diuinitatis instrumentum ad miraculosa opera, mox subiunxit
 Aliiter passiones humanitatis tribui Christo Deo, & aliter opera
 diuinitatis Christo homini. Nā primū quidē fit propter solam com-
 municationem idiomatum; & non quia passiones illę transirent vsq;
 ad diuinitatem. Secundū vero non solū est p. communicationē idiom-
 atū, sed quia illa opera per ipsā humanitatem perfecta sunt: neq; vero
 in sequētib; eiusdē lib. capitibus ab hoc sēsu recessit Dam. cū c. 18.
 & 19. multa de his miraculosis dixit actibus: quas theandricas, id
 est,

est, Dei viriles appellat. Et si quandoque verbis tantisper dissimilibus usus fuit. Et hæc eadem intelligentia aliorum Patrum dictis est accommodanda, & quidem vere & absque violentia vlla eorum, vel menti vel verbis illata, quod manifeste constat ex his quæ Sophron. in citata episto. dixit, dum omnes Christi operationes ad triplex caput seu genus reduxit, quæ doctrina habetur in verbis præconclusionis ne quarta citatis.

Sed & illud præterea obseruandum esse censeo. Idcirco Patres quandoque distinxisse has Christi operationes, & considerasse dumtaxat principia formalia earum effectiua ex quibus harum actionum specifica ratio desumitur: ut non solum re, sed & verbis discederent ab heretica sententia Euthichetis, & aliorum hæreticorum confusione tum in Christo naturas diuinam & humanam, atque earum similiter operationes. & in hoc sensu debet intelligi definitio Concil. Lateranensi in primo argumento citata. Nimirum, non negasse operationes Christi miraculosas instrumentaliter ab humanitate effici, sed quod sola diuinitas erat formale principium illarum operationum effectiuum, quæ humanitate ut instrumento utebatur. Et similiter non negauit Concilii operationes pure humanas ut ieiunare, orare, &c. non esse a verbo concurrente cum humanitate, ut verum eius suppositum. Sed negauit quod diuinitas concurreret ad eas, ut formale principium earum effectiuum. Et sic sensus erat sufficientissimus ad saluandam realem duarum naturarum distinctionem in Christo: & ad confusionem earum euitandum. Quod intendebant illius S. Concilij patres.

Ad secundum argumentum. Multa à nobis essent dicenda, nisi circa conclusionem quartam dixissemus non pauca, Quæ necessaria fuerunt ad explicandum, quæ nam sit illa supernaturalis virtus, quæ in instrumento Dei effectiuo graues constituunt Theologi. Nunc vero illud tantum à nobis exponendum superest quod ad S. Thom. doctrinam attinet, qui non solum locis in secundo argumento citatis, sed etiam tertia parte q. 62. art. 1. ad 2. Exposcit in instrumento actionem quandam quæ præuia est & antecedens ad ipsam instrumentalem actionem, quæ ei competit ex virtute principalis agentis. Et quidem si modus ille noster dicendi quem vltimo loco sequuti sumus circa conclusionem quartam certus esset, & firmus, nullam in hac re difficultatem pateremur: neque quid aliud ad doctrinam Sancti Thom. exponendam & illustrandam addendum superesset: quam quod nomine actionis S. Thom. intelligit quamcunque instrumenti motionem, siue actio sit, siue passio, siue quicquid aliud in quo ipsa principalis agentis virtus modificari, siue quasi modificari possit, & determinari. Veruntamen si verus est alius dicendi modus quem ibi

dem exposuimus, & quem vere probabilem, et si non omnino facile ad intelligendum esse diximus; difficilius redditur ad explicandum, & intelligendum prædicta S. Thom. doctrina. Vnde nonnulli ex nouioribus Theologis illam S. Tho. sententiam reijciunt, existimantes creaturam posse assumi vt diuinæ virtutis instrumentum ad creatum. Quia impertinentem esse iudicant, præsupponi aliquid ex parte instrumenti ad ipsam instrumentariam actionem. Cæterū quicquid sit de creatione, extra chorum enim saltarem, si in isto loco hanc de creatione intermiseremus disputationem: quod attinet ad illam S. Thom. doctrinam, ego ita opinor dicendum. Quod S. Thom. nomine actionis præuiz ex parte instrumenti prærequisitæ non ita strictè loquitur, vt necessario debeat præcedere ipsius instrumenti motio: quamuis regulariter ita contingat, & ob id S. Thom. eam vocat actionem & motionem. Sed satis tuerit quod ex parte instrumenti præsupponatur habitudo aliqua, ad subiectum in quo, vel ex quo producendus est effectus, quem intendit principale agens: cui subiecto instrumentum præsentet & deferat virtutem principalis agentis, ipsumque efficax Dei imperium, vt Cætera dixi, & nos iam explicauimus. Etenim nisi huiusmodi habitudo præsupponatur ex parte instrumenti ad subiectum operationis, & effectus producendus, productio effectus tantum erit actio principalis agentis, & nullatenus erit operatio ipsius instrumenti creati. Eo quod creatura ex propria sui ratione habet modum determinatum, & contractum operandi circa subiectum ad quod proportionem aliquam habeat, saltem in ratione entis. Neque vllus Theologorum & Philosophorum negare potest hanc determinationem propriam esse, & connaturalem creaturæ. Sed dicunt nonnulli hanc determinationem, & contractionem, locum habere in his operationibus, quæ sunt virtute creata, & ipsius creaturæ propria. Secus autem in illis quæ diuinæ & increate virtute efficiuntur. Nam per hanc virtutem eleuatur creatura super totum operandi modum creaturarum: & induit modum operationis diuinæ, quæ ab omni abstrahit materia, & supra omne subiectum eleuatur. Sed contra istam doctrinam, & pro sententia S. Thom. primum oppono illud vulgatum Philosophorum proloquium: Omne quod recipitur, ad modum recipientis recipitur, Ex quo infero, quod diuinæ virtus communicata creaturæ vt instrumenti physico, & quasi in ipsa creatura recepta, debet recipi ad modum ipsius creaturæ: id est, oportet quod aliquo modo ei proportionetur & accommodetur: atque adeo impossibile est, quod diuinæ virtus tam eleuet creaturam ad modum operandi diuinum, vt totaliter eius actionem extrahat ab omni materia & subiecto cum quo ipsa creatura ex propria forma aliquam habeat proportionem, saltem se-

cun.

secundum communem rationem entis creati & participati à Deo.

Secundo pro eadem S. Thom. doctrina sic argumentor. Si diuina virtus nullatenus accommodatur creaturæ, & ad naturalem modum eius operandi, sequitur quod ipsa sola diuina virtus immediate & se ipsa producit effectum, & non prout recepta in creatura, & ei communicata. Consequens autem falsissimum erit, si vellemus tueri creaturam concurrere, vt Phisicum Dei instrumentum ad eundem effectum: Ergo &c. Minor est manifesta, quoniam creatura non aliter potest concurrere vt instrumentum Dei Phisicum, quam operando per virtutem Dei vt sibi accominodatum, & quasi participatam in ipsa met creatura. Sequella vero probatur. Impossibile est quod diuina virtus recipiatur in creatura, aut ei accommodetur: quin in ordine ad effectum producendum aliquam subeat determinationem, & contractionem ex ipsa creatura, cui accommodatur, desumptam. Nam alias in quo accommodatur creaturæ? Inexplicabilis certe erit illa accommodatio. Et hoc est quod dicebat S. Thom. 1. par. q. 45. ar. 5. quod si creatura nihil ibi ageret secundum illud quod est sibi proprium, frustra adhiberetur ad agendum, id est, nihil ibi ageret, sed solus Deus immediate operaretur effectum absque vlllo instrumento: Nisi, ego fallor, ista ratio in doctrina S. Thom. fundata est manifesta pro eius sententia demonstratio, Vnde qui contrarium dicunt non plene callent instrumenti rationem: & quæcunque & quantacunque verba multiplicent, non valebunt explicare quo pacto, sublata prædicta determinatione, creatura vere exequatur officium instrumenti Phisici.

Ex his quæ diximus sequitur, certissimam esse, & pene demonstratam illam S. Thom. Sententiam, quæ docet creaturam non posse instrumentum esse Dei phisicum ad creandum.

Sed creatione prætermissa ad miraculosam operationem redeamus, in qua ex parte creaturæ regulariter præcedit aliqua actio seu motio cui accommodetur diuina virtus, vt mediante creatura, vt instrumento phisico effectum attingat miraculosum. Quod si quando huiusmodi operatio præuia non fuerit, necessum saltem est, quod ex parte instrumenti præcedat habitudo aliqua determinata, & propria creaturæ ad subiectum operationis, & effectus producendi. Et hanc proportionem ad subiectum operationis instrumentariæ S. Thom. comprehendit nomine actionis præuiæ, & prærequisitæ ex parte instrumenti: & dispositiue cōcurrētis ad effectum principalis agētis. Dicitur enim hæc proportio dispositiue se habere, quatenus ex ipsa sumitur determinatio virtutis diuinæ, & eius accommodatio ad effectum per tale instrumentum efficiendum: lata enim assertionem S. Tho. ibi de dispositione loquebatur: Ita vt totum id quod per modum causæ materialis determinat, & modificat, dispositio censeatur. Et quæ ista fuerit, Sanct.

Sanct. Thom. mens inde constat, quod ut ostendunt verba paulo ante ex 1. par. citata San. Thom. nihil intendebat aliud, quam quod ex parte instrumenti aliquid præsupponatur, cuius ratione possimus saluare in ipsa creatura veram instrumenti physici rationem, & essentiam. Poterat hoc loco nobis quispiam obijcere, Christi humanitatem non posse instrumentaliter gratiæ productionem attingere per physicam efficientiam, eo quod gratia vere creatur in anima: Sed exacta huius difficultatis explicatio ad alium locum spectat. Nunc satis fuerit dicere, quod siue gratia creetur, siue non, eo tamen quod accidens est, per se pendet in sui productione à subiecto, nempe ab anima, & hac ratione creatura potest instrumentaliter eius productionem attingere.

Ad tertium argumentum (quod ex preli errore inter arguendum appellatum est quintum.) Respondetur quod ut superius in hac questione diximus, contactus præuius siue physicus, siue virtualis, non est essentialiter necessarius ad operationem: sed tantum habet modum conditionis requisitæ, qui proinde non est necessum interueniat in operatione instrumenti physici, quod diuina virtute ad operandum super omnes naturæ vires eleuatur. Præterea, cum ipsa diuina virtus secundum seipsam intime adsit cunctis creatis rebus, non omnino in proprie dici possit, quod ad operationem huiusmodi instrumenti physici, præsupponitur contactus virtualis eiusdem instrumenti circa subiectum operationis. Quoniam instrumentum huiusmodi non alia operatur virtute, quam ipsamet virtute diuina. Fateor quod iste contactus virtualis præcedens, non se tenet formaliter ex parte instrumenti, eo quod diuina virtus prout accommodata, & quali modificata in ipso instrumento, non attingit subiectum nisi in actuali effectus productione: atque adeo ut sic accommodata non præattingit subiectum: & ex consequenti neque in rigore potest dici, quod virtualiter instrumenti contactus præsupponitur, ad instrumentariam actionem.

Dubium.

In quarto argumento ea nobis se offert breuiter explicanda difficultas. Quam versant Medina. 3. par. quæst. 8. artic. 6. & Andreas a Vega. lib. 7. cita. a cap. 15. Num Christi passio, eiusque resurrectio nostram per modum instrumenti physici operentur salutem. Qua in re diuersa sunt theologorum placita, etiam eorum qui Christi humanitatem physicum instrumentum gratiæ, & sanctitatis productiuum cum Doctore sancto censuerunt, Quidam enim absolute negant Christi passionem in animarum iustificatione physicā aliquam efficientiam habere: sed hanc efficientiam solis tribuunt sacramentis, quibus ipsa passionis virtus nobis applicatur. Huic sententiæ quidam graues subscribere theologi, qui ea potissimum ratione ducuntur,

quam

quam in argumento quarto infirmavimus. Videlicet, quod Christi passio & resurrectio, cum non existant, nequeunt quidpiam efficere propria & physica efficientia. Ita docent Bonavent. in 3. dist. 19. q. 1. & Andr. à Vega loco citato, Sed ex Thomistis multi conantur contrariam sententiam defendere, quam inter omnes expressus docet Mag. Medina 3. par. q. 48. artic. 6. Cui fauet quamplurimum S. Thom. docens in illo articulo, quod Christi passio operata est nostram salutem per modum efficientiae. Ad argumentum autem quod pro contraria sententia infirmavimus, Respondet gravissimus, iste autor: quod quando agens principale per se ipsum coniunctum est passio contactu physico, non est opus, quod instrumentum illius per semetipsum idē contingat passum simili contactu physico. Afferit exemplum in anima sensitiva bruti, quae per actum aestimativae potentiae in solo capite subiective existens, movet reliqua corporis membra. Quod idcirco contingit, quia anima quae est principale movens, intime assistit ipsius omnibus corporis membris. Caterum hæc solutio & expositio displicet multis hisque gravissimis theologis, & ut puto, non irrationabiliter. Et primo, exemplum adductum apparet impertinens: quoniam & si actus aestimativus non immediate contingat universa animantis membra, quae eius virtute movetur, existit tamen in rerum natura. Imò & in ipso animali, & in præcipua eius corporis parte. Verum passio Christi nusquam existit, sed transijt totaliter, & id ipsum de Christi resurrectione dicendum. At tota huius rei difficultas non in contactu consistit, sed in defectu existentiae. Non ergo exemplum istud huic proposito quadrat. Item actus aestimativus, etiam non formaliter attingat omnia animantis membra, attingit tamen virtuali contactu, sicut & ipsamet potentia aestimativa, & ipsum caput in quo residet; & sicut cor indeterminata corporis parte existens physico contactu actuali contingit reliquas totius suppositi partes. Præterea in intelligibile prorsus est, quod instrumentum aliquod physica efficientia producat effectum, quem neque propria virtute, neque virtute ab agenti principali participata contingit, Quoniam quod aliqua causa siue principalis siue instrumentalis, aliquem efficiat effectum, & non ipsum attingat: nescio qua ratione valeat intelligi. Ipsa namque productio, & actualis efficientia est verus & realis contactus. Neque hic agitur de contactu prævio, sed de ipso etiam qui actionem comitatur. Qui rei non existenti minime valet competere. Si quidem pro libito confinimus instrumentalem efficientiam physicam, facillimum erit omnia instrumenta, quaecumque sint, physica appellare. Attamen si ratione agendum est, non licet cuique dicere, quod aliquod instrumentum producit efficientia physica effectum aliquem, quem neque formaliter, neque virtualiter contingit. Hac ergo explicatio-

ne præ-

ne prætermiffa, Alij dicunt quod passio Christi & similiter rerurrectio contingunt animam mediante actu fidei, vel sacramentorum susceptione, eo quod manent virtualiter in sacramentis, & in fidei confessione: atque adeo passio Christi per fidem, & sacramenta virtualiter potest animam attingere. Habet hæc solutio aliquale fundamentum in doctrina S. Tho. 3. par. q. 59. art. 1. ad 4. & 5:

Sed hæc solutio apparet difficilis, & arguitur contra illam Primo. Quamvis admittamus, quod passio Christi apprehensa per fidem effectiue causat gratiam, non inde potest colligi, quod ipsa passio Christi simpliciter sit instrumentum physicum gratiæ. Etenim passio Christi, vt apprehensa non habet verum esse reale, sed esse rationis. Ergo quamvis apprehensio fidei effectiue ad gratiam concurrat, quod gratis conceditur huic sententiæ, non subinde simpliciter est concedendum ipsam Christi passionem effectiue aliquid causare.

Secundo arguitur. Et si Christi passio permanferit quidem virtualiter in esse moris in fide, & sacramentis, quatenus videlicet, meritoria fuit & satisfactoria, exuberantissimumque nostræ redemptionis præcium: applicantur enim nobis per sacramenta merita, & satisfactiones Christi. At nullatenus fingi potest modus, quo passio Christi secundum esse physicum virtualiter in fide, & in sacramentis perseueret, Ergo ex virtuali permatuntia passionis Christi in sacramentis, non licet inferre physicam eius efficientiam in nostra iustificatione & sanctificatione per gratiam: sed moralis dumtaxat causalitas in ferri potest, quam admittimus omnes, & quidem secundum fidem tenemur admittere.

Est tertia aliorum theologorum solutio, quæ ea ratione contendit Christi passionem, atque itidem resurrectionem eius physica efficientia ad nostram iustificationem concurrere: quatenus aliquando extiterunt in rerum natura. Itaque dicit ista solutio, quod res illa quæ nec existit modo, neque vñquam extitit, non potest physica efficientia quidpiam efficere. Potest tamen si extitit aliquando: saltem per absolutam Dei potentiã. Nulla enim est repugnantia, quod rem, quæ extitit aliquando Deus assumat, vt instrumentum physicum effectiuum ad aliquem effectum causandum.

Hæc etiam solutio nulla verosimili fulcitur ratione. Nam quid refert rem olim extitisse, si modo neque in se, neque in virtute à se relicta realem, & physicam existentiam habet: certe res huiusmodi ita se habet, ac si nunquam extitisset. Nisi vellis dicere, quod Deus reprodúcit rem illam sub eadem existentia, quam prius habuit. Quod in præsentia nullus theologorum, qui non desipiat, dicere audebit.

Denique illi theologi qui dixerunt Christum physica efficientia priusquam veniret in mundum gratiam antiquorum Patrum causas,

fasse, dicere tenentur per locum à fortiori, quod passio Christi pcedens simili efficientia nostram causat iustitiā, & gratiā. Sed hæc eorū sententia eisdem omnino cōfutatur argumentis. Nā qđ actus secundus, cuiusmodi est physice causare, & efficere, actū oīm primū, & potissimū, puta, existentiā non præsupponat, est prorsus in intelligibile, & dictū absurdissimū. Itē qđ causa efficiens, ē instrumentalis nō prius, vel temporis, vel naturę ordine constituta sit in actū primo, quā ad secundū actū reducat, intellectus vix apprehendere, nedū credere valer, qđ res aliqua sit in actū primo ad operandū cōstitutā absque formali seu virtuali existentia, stultū esset affirmare. Quoniam existentia seclusa omnia sunt pure potentialia, neq; actus secundus, neq; actus primus intelligi potest sed pura potentia, imo purū nihil.

Vera ergo solutio & intelligētia huius doctrinę S. Th. qđ passionē & resurrectionē Christi dicit esse causas effectiuas nostrę iustificatiōnis, & salutis secundū physicā efficientiā, est illa quā assignauit Caie. 3. p. q. 36. a. 1. solut. ad 3. qđ sine dubio magnū hēt fundamentum in illa S. Th. solutione, inquit Caier. Quod humanitas Christi, quæ est organū coniunctū personaliter verbo Dei, est velut vniuersale instrumentū Dēi ad miracula faciendā. Determinatur autē ad esse instrumentū ad hoc, vel illud opus miraculosum per aliquam ipsius conditionem. Ita quod ex hoc, quod passa est, intelligimus communicatam sibi, per quandam appropriationem, virtutem remissiuam peccatorum, & ex hoc, qđ resurrexit, cōmunicata similiter est sibi virtus resuscitatiua mortuorum, & sic de alijs similibus instrumentālibus actionibus, qđ humanitati Christi tribuuntur instrumentāliter, Deo autē principaliter. Sic enim resurrectio Christi dicitur causa nostrę resurrectionis. Qm̄ per ipsam Christus, vt homo, instrumentū efficax constitutus est ad resuscitandū homines in vitā æternā. Hæc Caie. In quibus posset aliquē offendere, id qđ Caie. dicit, Christi humanitati p passionē fuisse cōmunicatā virtutem peccatorū remissiuā, & per resurrectionē fuisse constitutam in ratione efficacis instrumenti ad homines resuscitandos. Arguitur quæ contra istam doctrinam, vt veritas argumēto exagitata elucescat magis. christi passio suam omnē virtutem a christi humanitate accepit: Inde enim habuit virtutem iustificatiuam, & remissiuam peccatorum, quia fuit passio humanitatis personaliter verbo coniunctæ: Ergo falso asseritur a caietan. quod humanitati christi, eo quod passa est, fuit communicata virtus remittendi peccata. Et idem omnino argumentū fieri potest de resurrectione. Sed breuiter respondetur pro doctrina caietan. quæ verissima est. Et dico caietan. satis mentem suā explicuisse, cū a principio solutionis psupposuit, humanitatem christi vniuersale esse instrumentum Dei ad omnia miraculosa, & supernaturalia opera efficiendā. Nam ex hoc

§18 RELECTIO DE CHRISTI GRATIA

bene colligitur, id docuisse Caietan. quod nos superius dicebamus: nempe Christi humanitatem vniuersalissimam in se præhabere virtutem, esseque vniuersalem causam totius gratiæ reparantis, & sanantis. Quocirca cū dicit Caiet. quod accepit virtutē remissiua peccatorū, eo qđ passa est, & mortua. In eo sensu est intelligendus, in quo dicimus communiter causā vniuersalē determinari per causas particulares, ad particulares effectus. Quo loquēdi modo nolumus dicere causā vniuersalē virtutē accipere a cā particulari, sed qđ eius vniuersalitas, & amplitudo coarctatur, & determinatur ad effectū particulare. Ne aut Christi passionē causā particularem vocemus, cū sit vniuersalissimū animarum nostrarum medicamentum, exemplum accomodatus huic rei proportionatū. Philosophi cum Astrologis dicere solēt, & id quidem vetissime, quod sol qui est valde vniuersalis cā in hoc visibili vniuerso, secundū quod varijs accomodatur celestibus Zodiaci signis, varios, & diuersos operatur effectus in hæc inferiora pro diuersa signorum qualitate & virtute. Ita similiter Christus, vt homo, sol iustitiæ ad diuersa suę vitę, mortis, resurrectionis, & ascensionis signa accomodatus in varios diuersosq; suę virtutis se explicat effectus: Quod quidem nullam arguit virtutis Christi, & eius humanitatis limitationem: sed vniuersalitatem potius, & amplitudinem.

Nonnulli theologi, quorum sententia mihi non displicet, addunt huic Caieta. doctrinā, quod Christi humanitas quatenus fuit realiter per passionē immutata, & ipsa passio identice & secundū rē, fuit ipsamet Christi humanitas. Ideirco passio Christi, censetur virtualiter in ipsa humanitate permanere; & quatenus Deus assumit humanitatem vt instrumentū effectiuū ad nostram iustificationem, virtualiter quoq; ipsa passio assumit. Et proportionabiliter est de resurrectione dicendū, Fateor quidem, qđ hæc efficientia physica fundatur in aliquo morali principio, in eo videlicet, quod voluit & decreuit Deus Christi humanitatem ad diuersos effectus assumere, prout realiter fuit immutata istis diuersis immutationibus: habita pportione eorū q̄ in christi corpore acciderunt, ad ea q̄ in animabus, & corporib⁹ nostris cōtingunt. Quā proportionē illis cuiusdam præfationis verbis explicuit Ecclesia, qui mortem nostrā moriendo destruxit, & vitā resurgēdo reparauit. Sed & Paul. Rom. 8. huius proportionis, & accomodationis meministi: traditus est, inquit, propter peccata nostra, resurrexit p iustificationem nostrā. Hac ergo supposita Dei Institutione, vere dicitur assumere Deus passionē Christi, vt instrumentū effectiuū remissionis peccatorum, quando ipsam humanitatem prout passa fuit, & realiter per passionē immutata, ad hunc effectū efficiendum assumit. Affertur solet exemplum non ineptum, sed difficile, & ob id fortassis nō admodum idoneum ad huius rei explicationē. Sacramentū baptismi in forme

informe, fitione recedente: effectiue confet gratiam, quatenus Deus ipsum actum per quem recedit fictio assumit, vt instrumentum effectiui iustificationis: eo quod est actus anime que realiter fuit immutata per sacramentum, sulcepiendo caracterem à sacramēto causatum. Et si de sacramento pœnitentiæ proportionabiliter vellimus loqui. Assumit Deus vt instrumentum iustificationis effectiuum actum illum per quem auferitur fictio, & impedimentum sacramentalis gratiæ, eo quod est operatio voluntatis, quæ immutata fuit realiter per aliquem imperfectum peccatorum dolorem, quæ pars fuit sacramenti pœnitentiæ informis, sed de his exemplis alias est copiosius dicendum.

Sed dicet quispiam. Remissio peccatorum consistit in condonatione, qua diuina voluntas misericorditer condonat, & remittit offensam, & iniuriam sibi per peccatum irrogatam, Huius autem condonationis nulla potest esse effectiua causa præter solam Dei voluntatem: Ergo passio Christi non est effectiuum instrumentum remissionis peccatorum. Respondetur hoc argumentum easdem vires habere de humanitate Christi, & de ipsius passione: cui breuiter respondetur, quod peccatorum remissio non est sola prædicta iniuriæ condonatio, sed est etiam expulsio maculæ, quam peccatum reliquit in anima per quam simpliciter est in peccato, vt ex S. Synod. trident. Sessio. 6. est manifestum. Et hanc expulsionem efficit Christi passio, quatenus causat gratiam sanantem & iustificantem in anima. Multa obiter diximus, quæ maiori egebant explicatione, sed non vacat amplius in eis immorari. Vnde hæc sufficiant dixisse ad quarti argumenti solutionem.

Ad quintum argumentum negandum est antecedens, imo est valde probabile, & longe probabilius sententia contraria, Christum physicæ efficientiæ operatum fuisse omnia miracula, quæ inter nos viuens patrauit, Quoniam si valde probabile est, vt reuera est, sanctos viros secundum efficientiam physicam multa edidisse miracula cur id Christo denegandum erit? Quod vero sancti ad hunc modum miracula ediderint, probabile reputauit August. lib. 21. de ciuitate. c. 9. Cui sententiæ adhuc magis adhæsit versans illud Psal. 138. Mirabilia opera tua, &c. & psal. 130. Et Gregor. in 2. Dialog. cap. 30. Et sequenti. Ambros. sermon. 90. & 91. Chrysostom. homil. 1. in acta Aposto. & S. Thom. q. 6. de potent. art. 4. Igitur ad argumentum negandum est antecedens probationi dicitur, Christum varijs modis diuersa patrasse miracula, quandoque solo verbo, quandoque contactu, & aliquando verbo, & contactu, imo & spūto, & veste, vt ex Evangelica hystoria constat: vt ostenderet se totū aptum esse ad viuificandum, & sanandum, & quod eius verba, ipsiusque carnis contactus, ac

denique omnia quæ ad ipsum pertinent, virtutem sanatricem obtinent. Quandoque etiam circa personas absentes miracula fecit, ut magis extenderetur ipsius potentia, & virtutis ostensio, illimitatio, & independentia, a tempore & loco.

Ad primam confirmationem respondetur, quod cum Christus oratione fuit usus ad aliquod miraculum faciendum, id egit vel ad præbendum nobis exemplum, ut in omnibus necessitatibus, ad Deum per orationem confugiamus. Vel ad manifestandam diuini Patris gloriâ, quia propter causam a nobis in quæstione præcedenti art. 3. dub. ultimo assignatam, valde fuit conueniens, ut Christus opera sua in gloriam Patris referret. Vel etiam quandoque ad ostendendum difficultatē, quæ reperitur in curatione illius spiritualis infirmitatis, cuius typū illa gerebat infirmitas, cuius sanationi intēdebat Christus. Iuxta id quod ipse dixit Matth. 17. hoc Demoniorū genus, &c. vel propter alios huiusmodi fines id Christus effecit: Et non quia ipse oratione indigeret ad patrandum miracula. Posset secundo ad eandem confirmationem dici, Christum per illam orationem quam ad Deum fundebat, impetrasse ab illo, ut eius humanitatem per modum physici effectiui instrumenti assumeret ad miraculum, & prodigium patrandum. Vnde ex illa Christi oratione nullum sumitur contra nostram sententiam efficax argumentum, præsertim quod sæpe autoritative miracula edidit, ut patet cum dixit Lazaro, Exi foras, &c.

Ad secundam confirmationem: Primo negatur maior. Ad probationem dicitur, quod in expulsiōe demonum interuenire potuit efficientia Christi physica, qua ipsos necessitaret dæmones, ut exirent à corporibus humanis, pellendo illos non solum morali imperio, sed & physico impulsu. Ad illam permissionem, quā ipsi impetraverunt a Christo, ut irent in porcos, dicitur, quod licet permissio fuerit moralis, Expulsiō tamen a corpore in quæ erant, physica fuit. Vnde in illo miraculo utrumque interuenit, & physicum & morale. Imo forsitan neque illa fuit pura permissio, sed & coactio physica, qua coegit ipsos abire in porcos. Verum est quod hoc non potest sufficenter fundari in Evangelica historia, ex qua tantum colligitur concessa permissio. Aliud miraculum de Solis obscuracione fieri potuit non solum subtractione generalis Dei concursus: sed & aliqua extrinseci impedimenti appositione, qua Sol impediretur lumen suum ad nos diffundere.

Sed respondetur secundo eidem confirmationi. Quod ut simpliciter & absolute dicamus Christi humanitatem per modum instrumenti physici prodigiosa edidisse miracula: non est necesse quod in omnibus & singulis miraculis physicam adhiberet efficientiam. Sed in illis tantum, quæ ipsam expolcebant. Ita quod Christus eam adhiberet

beret efficientiam, quæ ad patrandum miraculum erat requisita, & sufficiens. Si moralis requirebatur, illaque sufficiebat, non erat necesse, sed esset potius impertinens physicam adhibuisse causalitatem, etsi miraculum illam non admittebat certum est, non debuisset à Christo apponi. Satis ergo superq; fuit, ut Christus omnia edidisset miracula, iuxta eorum exigentiam, & aliud postulare, ad contentionem potius, quam ad Christi dignitatem spectat.

Sextum argumentum eam postulat difficultatem breuiter a nobis pertractandam, Vtrum virtus operatiua miraculorum reperitur in Christo per modum formæ permanentis, an potius per modum transeuntis: sicut S. Thom. 22. quæstion. 178. articul. 1. ad 1. dicit reperiri in cæteris sanctis, quam doctrinam desumpsit ex Gregor. 2. Dialog. cap. 33. In qua re sunt tres sententiæ, Prima quam (ut fertur) docuit Victorius dicit hanc virtutem non inesse humanitati Christi permanentem, sed per modum transeuntis, ut inerat cæteris sanctis. Vnde Christus non operabatur miracula quando sibi placebat, sed quando verbum utebatur humanitate, ut instrumento sibi coniuncto; verum est (inquit hæc sententia) quod Deus sapius utebatur humanitate Christi ad patrandum miracula, quam vteretur cæteris sanctis. Potissimum fundamentum huius sententiæ est. 6. argumentum à nobis propositum. Theologi qui dicerent instrumentariam Christi virtutem supernaturalem in motu aliquo sitam esse, facile possent in hanc primam induci sententiam. Quia iuxta istum dicendi modum, Christi humanitas non est in actu primo constituta, priusquam hoc speciali motu adeo moueatur. Sed nihilominus propter rationem primam in priori confectatio huius dubitatiunculæ assignandam, etiam supposita hac sententia de virtute supernaturali per motum communicanda, & non alias, neganda est ista prima opinio. Et quidem licet hypostatica unio non constituat Christi humanitatem formaliter, & complete in actu primo ad miraculose operandum: constituit tamen radicaliter, itaque debetur ei, ut quoties illa operari voluerit miraculose, præsertim erga redemptionis finem, accipiat virtutem qua formaliter, & complete ad actum primum reducat. Vnde hæc prima opinio. Neque sufficienter amplificat Christi dignitatem, neque redemptoris officio est satis conueniens, cui debetur, ut in ordine ad suum finem omnia, quamlibet miraculosa, possit cum voluerit exequi. Et puto hoc attinuisse ad potestatem excellentiæ Christi. Ad quam pertinuit quod Christus, instituere posset sacramenta gratiæ causatiua, & inter ea Eucharistiæ sacramentum, in quo fit prodigiosissima transmutatio. Et cui debetur virtus ad efficiendâ hanc transmutationem, & ad instituendum instrumentum cum virtute eam faciendi, quæ nam potestas ei rationabiliter est deneganda?

Dub de virtute miraculorum operatrice.

Secunda sententia in alio extremo docet. Virtutem miraculorum operatricem, esse qualitatem supernaturalem permanentem in christi humanitate. Solet adscribi hæc sententia Paluda. in 4. dist. 1. sed non reperio apud ipsum. Hæc sententia non est cōsentanea S. Tho. doctrinæ. qui 22. q. 178. art. 1. negat hanc qualitatem esse possibilem. Et huius doctrinæ ratio ea videtur ex ipso colligi, quod talis qualitas si daretur exstenderet suam vim instrumentariam supra totum naturæ ordinem, & ad omnia opera prodigiosissima ad opus etiā consecrationis, imo & incarnationis patris & spiritus sancti se extenderet. Nā quæ ratione potest in vnum miraculum posset in omnia. At hæc tanta virtus non apparet possibilis. Ego tamen crediderim S. Tho. non de potentia absoluta loquutum in hac parte fuisse, sed de ordinaria dum taxat. Etenim, ut supra ex ipso retuli, character est potentia effectiua magis miraculi conuersionis. Quare ergo non potuit dari qualitas alia ad omnia miracula Excipio incarnationem: nam hoc attingit immediate deum, & ex hac parte repugnat. Sed tamen talis qualitas & si possibilis, non decet creaturam.

Est tertia sententia media quæ nobis placet, & docet eam, Magister, Vega loco citato c. 14. dicit virtutem miraculorum pertinere ad Christi humanitatem per modum formæ permanentis, sed non esse aliquam qualitatem superadditam: Sed ex eo quod humanitas est coniuncta verbo, habet diuinitatem sibi infallibiliter assistentem ad operandum miracula, quoties ipse Christus voluerit miracula patrare. Itaque non sola hypostatica unio sufficit constituere in actu primo Christi humanitatem ad operandum miraculose: Quod patet, nam tunc ad omnia miracula se extenderet eius virtus. At S. Tho. non ad omnia, sed ad ea quæ ad redemptionis opus attinent, miraculorum potestatem Christo concessit. 3. p. q. 13. art. 2. Præterea. Quia valde est probabile Christum hanc potestatem miraculorum effectiuam sibi meruisse. Igitur hypostatica unio radicaliter tantum, ut nunc nunc dicebam, constituit eam in actu primo, & non formaliter, aliàs enim sine ullo merito haberetur. Vnde formaliter constituitur in actu primo, seu in potentia proxima per immediatam assistentiam, qua diuinitas ipsi humanitati assistit, & eam habet ut subordinatam suæ infinitæ virtuti ad huiusmodi miraculosa opera, iuxta modum superius a me expositum. Et quod sola hypostatica unio non sufficiat, citra hanc specialem subordinationem ex parte humanitatis, & assistentiam prædictam Diuinitatis, probō. Quia ex vi hypostaticæ unionis formaliter tantum prouenit, quod humanitas sit verbo subordinata ut supposito, idest, ut natura perquam verbum operetur iuxta vim & potestatem naturalem ipsius naturæ & potentiarum eius; & verbum assistit humanitati in ratione suppositi, idest, ut suppositi gerat officium in his omnibus

omnibus, quæ ad naturalem, & moralem ipsius humanitatis perfectionem attinent. In hoc autem nulla est virtus faciendi miracula, sed operandi & physicè, & moraliter iuxta naturalem ipsius humanitatis perfectionem & virtutem. Et ut plurimum confurgit ex parte suppositi dignitas & valor moralis in operationibus, quo meritoria & satisfactoria de rigore iustitiæ constituuntur. Ergo præter unionem personalem, quid amplius commentari debemus, ut Christi humanitas sit formaliter in actu primo, & in potentia proxima constituta ad miraculosè operandum. Dicunt quidam moderni Theologi, quod hoc additum, non est aliud, quàm potentia obediēcialis actiua, quæ in humanitate Christi, & in eius potentijs reperitur ad operandum supernaturalia, si speciali Dei auxilio iuuentur. Sed de hac potentia actiua satis diximus. Est enim conficta a suis authoribus, nisi in hoc sensu capiatur, videlicet, creaturam eleuabilem esse per Dei virtutem ad operandum & supernaturalia, quæ non repugnant a creatura fieri. Præterea, si nihil aliud ponimus in Christi humanitate, ut sit in actu primo ad operandum miraculosè, sequitur quod Petri humanitas similiter sit in actu primo ad operandum omnia miracula: quia confimilem. habet potentiam. Sed hoc dicere stultum esset. Item non posset limitari potestas Christi miraculosa ad ea miracula, quæ fini redemptionis conueniunt, ut illam S. Tho. limitauit. Pater. Quia hac obediēcialis potentia & quæ se extendit ad omnia: etiam ad creandum secundum sententiam eorum qui hanc obediēcialem potētiā commendantur. Hæc ergo opinio veritate non subsistit.

Sed iam probatur tertia sententia Primo ex definitione citata à nobis supra Concil. Ephesini dicentis Carnē Christi esse viuificatricem ex viuente verbo. Quibus verbis duo insinuatur. Alterum est, quod virtus viuificatiua inest carni Christi permanēter. Hoc enim designat illa dictio Viuificatricem. Alterum est, quod illa virtus non est superaddita qualitas, sed conuenit humanitati ex unionē hypostatica ad verbum. Nam si ratione superaddita qualitatē viuificatricem vim haberet, & non alias potius esset illa qualitas viuificatrix vocanda, quam ipsa Christi caro. Et præterea qualitas illa esset corporalis cum existeret in Christi carne. Ergo non se extenderet ad spirituales effectus. Antecedens pater. Quia tam repugnat spirituali qualitatē inherere corpori, quam spirituali substantiæ v. c. angelicæ recipere in se corporeā qualitatem. Præterea. Concil. Ephes. & Cyril. reddunt pro causa viuificatricis virtutis unionem ad verbum, quod est essentialis vita. Non ergo ad qualitatem est recurrendum.

Secundo pater. Proprium est instrumenti coniuncti, quod absque aliqua superaddita qualitate vim habeat instrumentalem per modum permanentis, ut brachium respectu totius suppositi, calor natu-

ralis respectu formæ viuētis, carnis, & sanguinis, sed Christi humanitas est instrumentum verbi coniunctum: Ergo, &c.

Ex hoc sequitur primo, quod Christus potuit miracula facere quosvis volebat, quod non est concedendum cæteris sanctis. Et ratio discriminis inter Christum & sanctos hæc est. Quod volitio, qua Christus vult efficere miraculum, est operatio elicitæ non a sola humanitate, sed etiā a verbo, & ita decens erat, quod illi assisteret infallibiliter vis operatiua miraculorū, quæ ratio non militat in cæteris sanctis. Est etiam alia ratio: quæ ex dictis colligitur, nempe, quod unio hypostatica radicaliter constituēbat in actu primo ad operandum miraculosa opera ipsam Christi humanitatem. Quod intelligo partim physicè, & partim moraliter. Physicè quidē, quod ipsa unio nature humanæ ad verbum reddit illam proportionatam, vt assumatur ad propria diuinitatis opera efficiendā, vt coniunctum eius instrumentum, eique plenè in omnibus subordinatum. Ex qua plena subiectione & subordinatione scriptura sacra vocat Christum seruum Dei: & hæc quidam appellatio datur Christo a Spiritu sancto, non ad eum humiliandum & deiiciendum, sed ad magnificandum potius, & ad extollendam & amplificandam eius dignitatem & excellentiam. Constat ex illo. Isai. c. 49. parum est, vt sis mihi seruus ad suscitandas feces iacob, & tribus Israel cōuertendas. Dedi te in lucē gentiū, &c. Moraliter vero, titulus triplex intelligi potest, primus ipsa dignitas infinita, quæ ex vnione hypostatica in natura humana consurgit, cui debetur specialissima virtutis diuinæ assistētia, per quā dignificetur, in eo q̄ assumatur vt Dei cooperatrix in ijs operationibus, quæ sunt Deo magis propriæ: cuius modi sunt actiones miraculosæ, & effectiua supernaturalium effectuum. Esse enim Dei coadiutricem ad præclaram attinet excellentiam vt Dionysius Areopagita dixit. Secundus titulus est ipsum vniuersalis redemptoris officium, cui tanta hæc debebatur excellentiæ potestas, vt dudum asserēbā. Tertius denique est titulus meritorius. Meruit enim sibi Christus hæc potentiæ & virtutis miraculosæ dignitatem, sicut meruit excellentias alias, capitis, regis, sacerdotis &c. Eadem enim est de omnibus ratio. De quibus lege dicta superius. q. 5. ar. 3. dub. 2.

Secundo sequitur, quod si humanitas Christi relinqueretur à verbo cum omnibus donis supernaturalibus, quibus modo exornata pollet vnita verbo, non esset in ea virtus miraculorum per modum permanentis, sed per modum transeuntis dumtaxat. Patet quia tota ratio, quare hæc virtus inest permanenter humanitati, est unio ad verbum, & non aliud supernaturale donum: Ergo vnione dissoluta, hæc virtus nullatenus in humanitate persisteret. His consentit, id quod docuit Ricard. in 3. dist. 14. art. 2. q. 2. quod humanitas

Christi

Christi relicta a verbo non operaretur miracula, quando ipsa vellet, sed cum placuisset Deo uti illa, ut diuinæ virtutis instrumento. Ex quo etiam per locum a contrario sensu colligitur, id quod in præcedenti corollario dicebatur. Videlicet, humanitatem verbo coniunctam posse cum vellet miracula operari. Et hoc debebatur ei ex omnibus titulis, quos recensebam circa præcedens corollarium. Quorum primus, in quo fundantur reliqui, physicus est, ceteri vero morales, Ex quibus superest argumentum sextum plene solutū. Sed aduertendum esse censeo, quod quanquam Christus potuit pro suo arbitrato miracula edere propter assignatas causas: non ob id concedendum videtur, id quod asseruit Med. 3. p. q. 13. ar. 2. Nimirum, quod sicut in diuino intellectu reperiuntur Ideæ, & exemplaria rerum omnium factibilium, ita in intellectu Christi humano sunt Ideæ, & exemplares rationes omnium rerum, quæ pertinent ad mundi renouationem, & reparationem, per quas Christus, nō solum, ut Deus, sed etiam ut homo operabatur, tanquam per instrumenta. Hæc sententia non apparet vera. Quoniam istæ Ideæ & exemplares rationes ad causam principalem spectant, & non ad instrumentariam, etiam si libera sit, & possit quoties voluerit miraculose operari. Sicut potest facere dos cū ei libitū fuerit characteris vti potestate. Exemplares enim istæ, idealesq; rationes tantū pertinet ad causam cuius interest rem faciendam disponere, & per modū principalis artificis & causæ re efficere. Ad confirmationem. Resp. Concedendum esse, totam trinitatem, uti Christi humanitate ut instrumento diuinæ virtutis. Etenim, virgus, quæ principaliter operatur miracula, toti trinitati est cōmunis, & ut communis concurrit ad miraculum patrandum, & non ut ad verbi personam specialiter attinet. In his namq; operationibus dumtaxat virtus diuini verbi concurrit ut verbo appropriata, in quibus humanitas eius concurrit per modum naturæ, & formæ principalis, & ab ipsa, ut a principio formali operatio communicatur verbo ut supposito per suam naturā operanti: & in quibus actionibus, ita concurrit verbum, quod non solum effectiue, sed & elicitiue operatur. In operationibus autem miraculosis humanitas non est principium formale operandi, sed diuinitas. Quæ cum communis forma sit toti trinitati, necesse est reddat ipsam operationem communem. Itaque cū Christus aliquod edidit miraculum, etsi totum id, quod miraculum præcedebat, faceret verbum ut humanitatis suppositum, ipsum tamē miraculum formaliter cōsideratum ex æquo a tota Trinitate fiebat, si physice loquamur, nūm de morali efficientia alia est ratio. Sed cū his quæ diximus, oportet concedamus humanitatem Christi organū verbi fuisse, & coniunctum eius instrumentum: quod docuerunt Sancti patres, & præsertim Damascen. lib. 3. cap. 15. Cuius rei duplex est

tatio. Altera propter immediatam verbi vnionem cum humanitate, ex qua, vt dixi, radicaliter prouenit, quod sic in actu primo constituta, vt per modum instrumenti ad miraculosos assumatur effectus. Et altera, quia id quod ex parte instrumenti praequisitum est, & praesuppositum ad actionem Dei principalis agentis, siue sit operatio, siue quidpiam aliud, pertinet ad humanitatem, vt est verbo hypostaticè coniuncta. Et haec rationes sufficiunt, vt specialiter humanitas verbi instrumentum dicatur. Et totum miraculum specialiter tribuebatur Christo, quia per liberam voluntatem humanam seipsum determinabat ad tale patrandum miraculum. Sicut consecratio ista ratione tribuitur sacerdoti, veluti causa principaliter operanti, cum sit tamē minister, & instrumentum.

Dubium
graue

Sed vt haec doctrina debitum accipiat complementum. Adhuc explicemus oportet. Num Christus vt homo, seu, quod est idē, eius humanitas causet in nobis gratiam per modum causae principalis. An vero vt instrumentale, distingat effectuum principium: & sic sermo non de morali, sed de physica causa. Et principio ad partem affirmantem sic arguētor.

Probaturnq. primo ex doctrina D. Tho. 3. p. q. 13. ar. 2. Nam a principio art. docet expresse, quod Christus per propriam virtutem, & plenitudinem gratiae, & scientiae illuminauit homines. Deinde vero tantum tribuit Christi humanitati rationem instrumenti respectu immutationum, quae sunt miraculose, iustificatio autem non est opus miraculosum. Ergo respectu illius non habet Christi humanitas rationem instrumenti. Et idē dicit S. Doct. in 4. d. 5. q. 2. a. 2. q. 2. docet enim expresse, quod agens principale in baptismo est ipse Deus per auctoritatem, & Christus secundum quod homo, cuius meritum operaretur in baptismo.

Secundo arguitur. Illa est causa principalis cui assimilatur effectus. Sed in iustificatione per gratiam assimilamur Christo: Ergo est causa principalis iustificationis. Mi. probatur ex illo ro. 8. Quos praesciuit, & praedestinauit conformes fieri imaginis filij sui: Ergo terminus praedestinationis, & iustificationis hominum est ipsorum conformitas & similitudo ad Christum in quantum est homo. Cōfic. Id quod est tale per essentiam, non est causa instrumentalis, sed principalis eius, quod est tale per participationem: Sed Christus dominus est gratus per essentiam: ergo non est causa instrumentalis, sed principalis in ratione gratiae.

Tertio, Gratia est forma connaturalis Christo, & debita illi ex vi naturae, vt supra ostendimus, ex illo Ioann. 1. Vidimus gloriam eius, gloriam quasi vnigeniti a patre, &c. Ergo non est causa instrumentalis tantum respectu nostrae gratiae.

Confir. Christus satisfecit ex omni rigore iustitiae, quia gratia erat propria ipsius, vt supra ostendimus: Ergo quicquid operatur Christus per talem gratiam, operatur ex proprijs, & consequenter tanquam causa principalis, & non instrumentalis tantum.

Quarto

Quarto arguitur, christus est causa exemplaris nostrae iustificatio-
nis, quod est certissimum: est etiam finalis causa, ut S. Syn. Trid. sess.
6. c. 7. decernit. Ergo non est causa instrumentalis, sed principalis. A

Quinto. Quia alias sequeretur non esse necessarium, quod Chri-
stus esset gratus, ut gratificaret nos: non enim est necessarium, quod
in causa praestitae instrumentali formaliter praexistat ipsa forma pro-
ducenda. Item sequitur, quod gratia nostra, & iustificatio sint maioris
perfectionis quam operationes & gratia christi. Nam effectus perfe-
ctior est in seipso, quam sit causa instrumentalis.

Sexto argumentor sic. Potuit deus conferre christi humanitati vir-
tutem, qua ut causa principalis secunda gratiam efficere. Et hoc ad
eximiam Christi excellentiam attineret. Ergo collata est ei talis
virtus. Consequentia ut manifesta debet admitti. Quia deus haudqua-
quam per invidiam christi honorē, & dignitatem minuire, & obscurare
affectat, sed amplificare potius, & illustrare intendit: est enim dilectis-
simus dei filius, in quo ipse sibi bene complacuit. Neque vero tanta hec
humanitatis Christi excellentia ipsam dei in conspectu hominum,
& angelorum gloriam minueret. Nam causa principalis secunda cum
subordinata sit primae, & actuali eius in omni sua efficientia accipiat
influxum: nihil a maiestate, & amplitudine ipsius primae causae detra-
hit. Sed eam potius illustriorē efficit, & angustiorē, ut ex Amb. colligi-
tur ser. 91. Minor patet, nam si instrumentale causā esse gratiae pluri-
mū dignificat Christi humanitatem, quid censendum erit de principa-
li efficientia, & causalitate? Maior vero inde constat, quod nulla se of-
fert implicatio, in hoc quod deus infundat christi humanitati quali-
tatē supernaturalis ordinis, cui sit tam propriū gratiam efficere, atque
propriū est calori calefacere, Vel cedere repugnantia. Confirmatur:
Potuit Deus tribuere Christo virtutem efficiendi miracula per mo-
dum causae principalis. Ergo & potest virtutem conferre, qua gratia
etiam possit efficere. Consequentiam probat ipsa rationis paritas:
Et antecedens probatur. Deus virtutem habet supra totū naturae or-
dinem. Ergo potest illam creaturae communicare. Sed talis vir-
tus est miraculorum factiua. Ergo, &c. Probo secundo idē ante-
cedens. Potest Deus producere creaturam, quae sit perfectior & emi-
nentior his omnibus quas produxit. Tali ergo creaturae poterat
vim praestare supra totum huius universi ordinem. Sed talis vis & po-
testas esset miraculorum factiua. Ergo eandem vim potuit christi hu-
manitati communicare. Nam virtus, quae in alia esse posset creatura,
quare communicabilis christi humanitati non erit?

In hac dubitatione communis theologorum responsio solet esse
negatiua. Et quidam ex nouioribus tam huic adhaerent sententiae, ut
contrariam temerariam, & periculosa in fide tutam esse dixerint. Sed

Magist. Medicina 3. p. q. 13. a. 2. in sententiam affirmatiuam propendit, eam probabiliorē esse censens, & rationi magis consentaneam. Ad quæstionis huius decisionem.

Prima Conclusio.

Implicat quod Christus dominus, inquantū homo, sit causa principalis physica gratiæ. Hæc conclusio primo est S. Th. 3. p. q. 64. art. 1. & 12. q. 112. a. 1. & alijs in locis allegatis a Ma. Me. 3. p. q. 13. a. 5. in argumento vltimo contra suam doctrinam, vbi semper asserit S. Th. solum deum esse causam principalem gratiæ: Christum autem, vthominem, siue eius humanitatem, quod est idem, tantū esse causam eius instrumentalem. Nec valet solutio, quam huic argumento adhibet Ma. Med. quod B. Th. aliquando omnem creaturam appellat instrumentum Dei, ipsas etiam causas secundas principales in suo genere, quia omnes operantur motū a deo tanquam a prima causa. Licet. n. hæc doctrina vera sit absolute, tamen ad propositum non potest accommodari: quia ex professo S. Tho. contendit demonstrare, solum deum posse esse causam principalem gratiæ, humanitatem autem Christi tantum esse instrumentale principium.

Secundo probatur conclusio. Implicat quod aliqua natura inferior Deo possit tanquam causa principalis causare participationem perfectissimam ipsius esse diuini, per quam homo deificatur, & vere efficitur dei filius: sed gratia est participatio perfectissima diuini esse, per quam homo deificatur, & vere est filius dei. Hanc enim charitatē contulit nobis pater, vt filij dei nominemur & simus: nō quidā per extrinsecam relationem, vt contingit in filiatione adoptiua hominum, sed per quandam formam supernaturalem intrinsece receptam in nobis, quæ est ipsa gratia: Ergo implicat quod Christus, inquantū homo, sit causa principalis gratiæ. Neque valet solutio quam huic argumento adhibet Mag. Med. negat enim antecedens & adducit instantiā. Nā homo factus est, inquit, ad imaginem, & similitudinē dei & tamen vnus homo generat alium hominem, qui est imago dei: Et go a simili non erit inconueniens, quod aliqua creatura possit esse causa principalis gratiæ, & assimilationis ad deum, quæ sit per ipsā gratiā. Sed nostri argumenti maior est expressa S. Th. 1o. cit. maxime 1. 2. q. 112. a. 1. & probatur clara ratione. Nam ignire non potest conuenire tanquā causæ principali nisi igni, vel alicui nature superiori ipso igne, vt constat ex ratione naturali, nā a proportionē enim minoris inæqualitatis nequit operari ignis vt causa principalis: vnde natura inferior igne non potest esse causa principalis generandi ignem, neque producendi semen ipsius ignis. Sed per gratiam deificantur homines, & vere generantur in filios Dei, secundum adoptionem, qua ratione. Ioan. 1. canon. cap. 3. appellat gratiam semen dei:

dei, & iacob c. 1. dixit, quod voluntarie genuit nos Deus, &c. Ergo nulla creatura potest esse causa principalis eius. Ex qua ratione, inter alias, colligitur manifesta implicatio, ad ostendendū gratiā nō posse esse connaturalē alicui substantiæ creatæ. Exēplū aut quod adducit Mag. Med. nihil ei fauet. Tū quoniā hęc ratio imaginis est nimis imperfecta, & remota, neq. per illā dicitur homo Dei formis, aut filius dei; Tum etiam quia anima est in qua residet principaliter ratio imaginis, quia secundū animā dicitur homo factus ad imaginē dei ut est certissimū, animā aut nō producit generās, sed solus de illā creatur. Secundo arguitur per gratiā realiter immutatur, & mouetur voluntas hominis: Ergo repugnat, quod aliqua creatura sit causa principalis gratiæ: ut enim ostendit S. Th. 12. q. 9. solius dei est mouere, & immutare voluntatem hominis; Ergo si per gratiam realiter mouetur & immutatur voluntas, hoc debet fieri a solo deo, & non a creatura: Christus autem humanitas non deus est, sed creatura. Ergo, &c.

Neq. valet solutio prima quā adhibet huic argumēto Ma. Med. si Christū esse Deum, & ita non esse inconueniens, quod immutet voluntatē hominis. Hęc. n. solutio nō est ad propositū, neq. n. disputam⁹ de Christo inquātū Deus est, sed de Christo, inquātū est homo: cui secundum quod homo est, non potest conuenire quod propria voluntate ut agens principale hominis voluntatem immutet. Neq. et valet solutio secunda, quā adhibet eidē argumēto, puta, quod voluntas nō immutatur a Christo inquātū est homo immediate, sed mediātibus habitibus gratiæ, & charitatis, & aliarū virtutum, quod non est inconueniens. Sed certe si gratia, & istæ virtutes realiter immutant voluntatē, quod est certissimū, qui fuerit causa principalis effectiua physica gratiæ, & charitatis, erit etiam causa physice, & instrumentaliter immutans hominis voluntatē. Vnde si angelus haberet virtutē physicā producendi in voluntate mea aliquē habitum, consequenter ei cōpeteret virtus immutandi voluntatē meam: imo instrumenta physica causatiua gratiæ, & charitatis, instrumentaliter, & physice agunt ipsam animā, & voluntatem, atq. immutationē illius. Et nob id S. Th. 3. p. q. 44. a. 3. ad 1. & ad 3. istā immutationē animarū tribuit præcisse Christo, in quantum est Deus, & nō ut est homo. Ait. n. quod Christus virtute diuina quando voluit aīas hominū immutauit: non solū iustificando, & sapientiā infundēdo, sed etiā exterius alliciendo.

Vltimo arguitur. Gratia, & charitas atq. aliæ virtutes nō sunt formæ actiue in exteram materiam, licet possint esse principia effectiua actuum immanentium: Ergo per se non possunt habere actionē circa exterā materiā nisi tantū ut instrumenta Dei. Respondet primo Med. huic argumento, quod Christus non operatur gratiā nostrā ut causā principalis, per propriā gratiā sibi inherētē tanquā per formam, sed

solum

solū per imperiū. Ex hac tamen solutione destruitur tota vis principalis fundamenti, cui innititur eius scē. videlicet, illa est principalis cā quæ assimilat sibi effectū. Christus autem in gratia sibi assimilat homines iustos. Ergo Christus principalis est causa gratiæ. At si Christus nō operatur per gratiā tanquā per principiū formale acti uū, sed tantū per imperiū, cessat tota huius argumenti vis. Nā ex vi operationis christi nō assimilabimur ei inesse gratiæ, exui. n. operationis tantum assimilatur effectus agentis secundū formā, per quam operatur: Ergo si Christus non operatur per gratiā, nō assimilat sibi effectum in gratia exui operationis. Præterquā quod agens tantū per imperiū, & nullo modo per formā aliquā physicā, non est causa principalis physica, sed tantū moralis. Neq. ēt valet secūda solutio: quod, nimirū, Christus causat in nobis gratiā per rationes, & ideas: quia probandū superest, in Christi aīa idz as exēplares, & artificiosas residere. Nō loquor de rationibus speculatiuis, hoc enim extra propositū est, sed de practicis, q̄ proprię Idzæ vocātur. Vnde si de rationibus speculatiuis solutio, pcedat, est oīno impertinēs. Et ita docet S. T. 3. p. q. 13. a. 1. q. licet Christus habeat speculatricē creationis sciētiā, q̄a tamē non habet sciētiā eius practicā, non potest creare.

Confirmatur hoc argumentum. Christus, inquantum homo, non est causa principalis miraculorum, quæ ordinantur ad gratiam, & iustificationem tanquam media in finem: Ergo neque etiam erit causa principalis gratiæ: solum ergo Christus, inquantū homo, est vniuersale instrumētum Dei ad iustificationem hominum. Qua ratione, inter alias, eius virtus iustificatiua comparatur virtuti solis vniuersalis simæ, simul etiam propter rationem meriti.

Secunda Conclusio.

Non contrariatur fidei sententia opposita, neque vllam in ea reperio temeritatem. Ad huius conclusionis probationem notandum, quod autores, qui docent sententiā nostræ primæ conclus. contrariam, reipsa dicunt Christi humanitatem, neque esse simpliciter principalem gratiæ causam, neque vero pure instrumentalem, sed medio quodam modo se habere. Qui modus reducitur ad rationem causæ principalis, asseruntque, quod sicut illuminatus aer illuminat, non simpliciter vt principalis causa, eo quod illuminatiua virtus non est ei cōnaturalis, & propria, sed ab extrinseca solis impressione ei cōueniens: neq; tamen est causa pure instrumentalis, quia per formā, & virtutem sibi inhærentem operatur, sibiq; effectum assimilat: quod conditioni instrumentariæ causæ repugnat, quæ operatur vt mota, & non per virtutem sibi formaliter inhærentē, cui assimilatur effectus. Sic in præsentia, inquit, Christi humanitatē gratiam in nobis medio modo efficere. Quatenus enim operatur gratiam per similitudinem

mam

nam sibi inhærentem, per gratiã, videlicet, habitualẽ secundũ quod est in eo gratia capitis, & nos sibi per gratiam efficit similes, causã principalis modum induit. Qua ratione vero habitualis hæc gratia, non est connaturalis Christo, ad instrumenti rationem accedit.

Ex his probo conclusionem hanc secundam. Sententia contraria non docet Christi humanitatem gratiam efficere per virtutem sibi connaturalem, & propriam, sed virtute a Deo autore gratiæ participata, & suscepta. Ergo quare tam rigurosa ei censura est adhibenda: præsertim cum script. sacr. Christum, vt hominem, fontem, & autorem gratiæ, & salutis appellent, per ipsumque dicat Ioan. cap. 1. gratiam factam fuisse. Præterea. Quid habet fidei contrarium dicere, quod licet in puro homine gratia non sit virtus alterius gratiæ factiua, in Christo tamen virtutem hanc participet? Nam cum Christus sit proprium & connaturale gratiæ subiectũ, virtus quæ ex tali subiecto conuenit ipsi gratiæ, quare non erit ei cõnaturalis & propria? Atque adeo Christi humanitas ratione gratiæ cur non habeat modum quendam causę principalis respectu nostræ gratiæ? Neq; vero vlla esse potest temeritas, vbi nec apparens ratio deest, & modus loquẽdi scripturarũ fauet. Expendatur, inter alia, illud, Vt sciatis quia filius hominis habet potestatem in terra dimittendi peccata. Pondera, dictionẽ. Potestatem, denotat enim amplius quid, quã instrumentalẽ virtutẽ. Fateor intelligi posse de morali potestate, sed cur nõ etiam de virtute physica, de qua cætera script. testimonia, quæ de hac re loquuntur, intelligi solẽt? Ad argumẽta in oppositũ. Ad primum ex S. Tho. auctoritate depromptũ, respondetur. Quod inter illas actiones de quibus a principio Artic. 8. Doct. loquebatur, & alias de quibus postea, hoc versatur discrimẽ. Quod priores operationes quãtũ ad aliquid à Christo, vt homine, procedebãt, tanquã a principali operante: Doctrina enim qua docebat, & illuminabat homines ab ipso oriebatur, vt a principali causa, nimirum, vt a doctore, & Magistro principaliter operãte, per sciẽtias sibi infusas, sicut & ego per qualẽcũq; sciẽtiã meã causa sum principalis docẽdi discipulos meos. Similiter etiã actus charitatis in Christo domino, & aliarũ supernaturaliũ virtutũ, erãt a Christo tanquã a principali operãte physice; quia operabatur per proprias formas virtutũ, quæ licet nõ essent sibi vt homini cõnaturales, erãt tamẽ intrinsece subiectatę in ipso. Et ita operationes procedẽtes ab huiusmodi virtutibus secundũ propriã naturã illarũ, erãt à Christo tanquã a causa principali physica: effectus vero, quos istæ operationes causabãt in alijs hominibus, nõ erãt à virtutibus Christi domini, neq; ab operationibus illarũ tanquã a principalibus causis: sed respectu horũ effectũ ad extra, concurrebat Christus dominus instrumentaliter per tales operationes.

In ope-

In operationibus vero miraculosis, de quibus in fine eiusdem articuli, nullo modo operabatur Christus per aliquam formam sibi inhaerentem, sed præcisse tamquam instrumentum Dei. Esto exemplū. Prædicator causa principalis est disponendi doctrinam, quam prædicat & docet: conuersionis autem peccatoris, quæ fit tali prædicatione & doctrina, non est causa principalis physica, sed instrumentalis duntaxat. Similiter etiam aqua semel calefacta per calorem sibi intrinsicè inhaerentem causa est principalis calefactionis, præcisse ut calefactio est: Aquæ enim calefactæ naturale est calefacere, inquit S. Thom. 1. 2. q. 31. art. 7. Si tamen hæc eadem calefactio consideretur secundum quod est dispositio ad formam ignis, non est principaliter ab aqua calefacta, tamquam a principali agente; sed est ab aqua tamquam ab instrumento ignis: Cuius ratio est, quia calor per se est principium calefactionis: vnde subiectum habens in se talem calorem, operatur principaliter per ipsum. Quod vero calor sit dispositio ad formam ignis, non habet per se præcise in quantum calor est, sed in quantum est virtus ignis. Et ita qui operatur per talem calorem dispositiue ad formam ignis, operatur in virtute ignis: & non tamquam causa principalis. Sic ergo gratia, & charitas, & aliæ virtutes ordinantur per se ad actus immanentes, & ad perfectionem intrinsecam habentis tales habitus virtutum supernaturalium. Et quantum ad istos actus operatur principaliter homo per istas virtutes, quod tamen isti actus causent gratiam, & iustificent alios homines, non habent ex se, sed tantum ut sunt instrumenta Dei.

Secundo respondetur, quod S. Thom. actionem iustificandi alios homines, & causandi gratiam in eis, & immutationem creaturæ, quæ fit secundum illam rationem, comprehendit sub immutationibus miraculosis. Istæ enim immutationes non comprehenduntur sub primo genere immutationum, quas S. Tho. explicuit in principio articuli. Illæ enim sunt immutationes naturales, quæ fiunt ab agente naturali & virtute naturali: iustificatio autem neque fit ab agente naturali, neque virtute naturali: vnde pertinet ad secundum genus immutationum, quæ sunt immutationes miraculosæ. Licet enim iustificatio regulariter loquendo non sit miraculum, si strictè, & rigurose utamur nomine miraculi, ut docet S. Doct. 1. 2. quæst. 113. art. vlt. tamē aliquando appellatur miraculum. Tum quia est omnium miraculorum finis, tum etiam quia est opus supernaturale, & factum virtute supernaturali: licet non præter consuetum operandi ordinem, quod pertinet ad miraculum proprie, & rigurose dictum.

Ad secundum testimonium S. Thom. in 4. distin. 5. Respondetur, quod loquitur manifeste de causalitate morali, & non de physica: dicit enim, quod Christus est principale agens in baptismo, quia eius

meritum

meritum operatur in illo. Causa autem meritoria, nō physica est, sed moralis.

Ad secundum argumentum Respondetur primo: Quod in justificatione homo non assimilatur Christo in quantum homo est, neque in quantum habet gratiam, & alias virtutes in anima, sed in quantum est vnigenitus patris, & imago substantialis illius. Et ita explicant communiter sancti illud ad Ro. 8. quos praeiuit, & praeordinauit cōformes fieri imaginis filij eius, de quo legatur ibidē S. Th.

Secundo respondetur: quod licet assimilentur iusti Christo in gratia, hoc non est ex vi ipsius gratiae, quae per se facit homines similes Deo, cuius naturam participant immediate per ipsam gratiam, & non naturam siue gratiam Christi. Cōtingit autem hēc assimilatio de facto ex beneplacito Dei ita ordinantis. Qui constituit Christum supremum inesse gratiae. Et voluit, quod praefer assimilationem, immediatam ad ipsum Deum, quae est connaturalis gratiae, & inseparabilis ab ipsa, assimilarentur et homines Christo in quantum est homo, secundum quod est perfectissime gratus. Sicut etiā statuit, vt in vita qua ad gloriā redimus, & disponimur ipsi assimilamur Christo. Imitatores mei stote, sicut ego Christi dicebat Pau. 1. cor. 4. & 11 & Petrus. 1. can. c. 2. Christus passus est pro nobis, vobis relinquens exemplum, vt sequamini vestigia eius. Et Roman. ca. 8. Si tamen compatimur, vt conglorificemur. De assimilatione ad Christum vt hominem, intelligi etiā solet, illud Rom. 8. conformes fieri imaginis filij eius.

Ad confirmationem respondetur. Negando quod christus dominus in quantum homo sit gratus per essentiam, vt vberius ostendetur in solutione tertij argumenti.

Ad tertium argumentum dicitur, quod gratia non est forma connaturalis Christo, neque illi debita praecisse in quantum est homo, sed in quantum est simul Deus: sic enim dixit lo. c. 1. vidimus gloriā eius gloriā quasi vnigeniti a patre. Et ita diximus supra, potuisse fieri incarnationē sine tali gratia. Ex quo etiam respondetur ad confirmationē satisfactio enim Christi fuit ex proprijs ipsius & rigurosa, nō tamen erant ista propria Christo in quantum est homo, sed in quantum Deus homo. Et ita supra quēst. 5. diximus, quod substantiam satisfactionis, siue actionis satisfactoriae habebat Christus in quantum homo: valorem tamen satisfactionis & rigorem habuit in quantum Deus. Sed instas: Ergo saltē vt deus homo causat Christus physice in nobis gratiam, ad eum modum quo illam causat moraliter, Nego hāc cōsequentiā. Quia meriti, & satisfactionis substantia sumitur ex humanitate, quae constituit Christum meriti capacem. At ex humanitate nulla sumitur ratio, neque fundamentum efficiendi gratiā physice. Sed

tandem dicitur. (& hæc solutio euacuat argum. uim.) Quod in rigore Christus, ut deus homo non dicitur gratus per essentiam, quia in hoc complexo De^o homo. Deus habet rationem suppositi, & non denotat essentiam. homo vero formaliter importat & essentialiter rationem. Unde licet quæ ratione Christus est Deus propria sit ei, & conaturalis gratia, non tamen simpliciter Christus, ut De^o homo dici potest gratus per essentiam. Denique dicitur quod cum gratia ex natura sua non sit operatiua forma circa exterius subiectum, et si Christus, ut deus homo sit gratus per essentiam, non inde colligitur, quod causet gratiam in alijs, ut principalis causa. Ad quartum argumentum responderetur. Quod etiam in instrumentis unum potest esse exemplar secundarium alterius: Vnus enim maleus potest esse exemplar secundarium formandi alterum maleum. Secundo dicitur, sufficere ad causam exemplarem & finalem secundariam, quod sit instrumentum præcipuum & principali agenti coniunctum, secus aut si esset primum exemplar, & finis primarius. Tertio tandem dico, hoc argumento probari, Christum esse principale agens nostræ iustificationis morale quod omnes credimus.

Ad quintum resp. Ad primam sequellam. Concedo absolute non fuisse necessarium, quod Christus haberet gratiam, ad hoc quod posset esse instrumentum gratificationis nostræ. Immo ipse mag. Med. docuit alias non esse necessarium de potentia Dei absoluta, quod Christus haberet habitualement gratiam, ut posset mereri, & satisfacere pro nobis, sed sufficere gratiam unionis hypostaticæ.

Ad secundam sequellam. Nego illam, nam licet in instrumento, et præcise ratione qua instrumentum est, non requiratur tanta perfectio, quanta reperitur in effectu, ex alia tamen parte potest idem instrumentum habere multo maiorem perfectionem, quam effectus ipse, ut constat in operationibus miraculosis, quarum Christus erat causa tantum instrumentalis, & tamen habebat ipse multo maiorem perfectionem, quam haberent effectus producti per talia miracula.

Ad sextum negandum est antecedens, & alijs prætermisiss de quibus libro 1, de origin. gratiæ late tractauimus, ratio a priori ob quam illa repugnat qualitas, seu virtus, ea est. Quod nulla forma creabilis est, quæ tam sit perfecta ut gratia, nedum perfectior, eo quod gratia, ut a principio relectionis huius breuiter insinuauimus, & latius libro 1. de origin. grat. tractat. secundo explicauimus, est totalis participatio diuinæ naturæ; qua proinde nulla, qualitas potest creari perfectior. Ut autem Christi humanitas constitueretur in ratione principalis causæ effectiuæ gratiæ, oporteret, eleuaretur per formam, quæ esset gratia perfectior, aut saltem æquæ illi perfecta.

Sed dices, ipsamet Christi gratia poterit esse sufficiens virtus, ad causandum in nobis gratiā eiusdem speciei, præsertim cū ex subiecto competat ei specialis perfectio cuius virtute in nobis poterit gratiam efficere. Respondeo, quod gratia non est forma operativa in exterum subiectum. Quod vel inde constat, quod in nullo iusto et iustissimo, & in quo gratiam magnam obtinet intensiorem, & perfectionem, virtutem habet aliam producendi gratiam: at si gratiæ hæc virtus connaturalis esset, sicut calori est nativa vis alium efficiendi calorem. Deus non impediret gratiam iustorum, ne se aliquando in hunc explicaret effectū. Deus enim non invidet iustis, neque debet tam eorum iustitiæ perfectionem impedire, aut limitare; sed promouet potius, & amplificat. Illa autem perfectio quæ in Christo accrescit gratiæ ex subiecti perfectione, moralis potius est, quam physica, ut constat ex dictis supra q. 3. art. 2. Et si ad physicū pertinet ordinem, instrumentalis virtus est, & non causam principalem constituit. Fateor tamen, quod, sicut de Christi carne, & de tota eius humanitate paulo superius dicebam: ex coniunctione reali, & physica ad verbum conuenit gratiæ Christi, ut assumatur ad causandum in nobis lustritiam & gratiam per modum physici instrumenti, & ut sit permanenter ad actum primum redacta: ut ex libera Christi voluntate possit absque sui mutatione in actualem gratiarum productionem prodire. Et hoc pertinet ad dignitatē gratiæ Christi prout est Capitis gratia. Omnia quæ diximus in hac quæst. præsertim in conclus. prima. Confirmantur ex eo quod in concil. Trid. sess. 6. c. 7. solus deus vocatur causa efficiens gratiæ. A si Christus esset causa eius principalis, diminuisse docuisset Conc. Ergo &c. Dices ex hac corroboracione 1. conc. videtur infirmari, 2. conc. quia ex hac probatione constat non effecturū in fide negare conc. 1. Respondetur, quod christus idcirco causa principalis gratiæ effectiua a S. Synod. non vocatur: quia non propria humanitatis virtute causare potest in nobis gratiam, sed ut plurimum virtute adeo suscepta, ut aer illuminat sicut, dixi in conc. 2. lege. Præterea argum. negatiuum non satis firmum est.

Ad confirmationem nego antecedens, probationi dico, posse quidem Deum efficere creaturam, quæ sit perfectior ijs omnibus quas creauit, verum illa non haberet superiorem virtutem actuam supra totum naturæ ordinem. Esset enim intra limites naturæ tota eius potestas comprehensa. Ratio autem a priori, ob quam non sit communicabilis creaturæ illa excellens virtus miraculorum per modum causa principalis factiua, ea est. Quia talis virtus haberet potestatem supra totum naturæ ordinem, acque adeo, & supra seipsam. Dices quod illa esset alterius ordinis, & ita licet haberet vim supra totum naturæ ordinem, non tamē supra seipsam. Cōtra: Etiam si fingamus

pertinere ad gratiæ ordinē hanc potestatem non obtineret, quod patet. Gratia est forma oīum perfectissima, quæ potest dari intra totum gratiæ ordinem. At gratia, ut cōstat, hanc vim supra totam naturam non habet, ergo nulla qualitas eā potest habere. Deinde explico eamdem illā rationem, quā dixi procedere a priori. Illa virtus esset omnipotentia, & constitueret creaturam omnipotentem, non autem talis virtus in creaturis est admittenda: Ergo, &c. Probo antecedens, illa virtus haberet vim, & potestatem supra totum ens, non enim alia ratione potest intelligi talem virtutem esse effectivam omnium miraculorum, nullamque alligationem habere ad naturæ ordinem, nisi quia potestatem habet supra totū ens creabile. Posset proinde talis virtus ad creationem se extendere: & creatura ratione eius posset esse principalis causa creandi, & annihilandi. Item talis virtus subijceret sibi omnem potentiam obedientialem, quæ inest creaturis, ut in eis, & ex eis fiat quidquid contradictionē non implicat. Etenim miracula ad hanc obedientialem potentiam pertinent: Et qua rationē virtus illa potestatem conferret creaturæ supra potentiam obedientialem respectu vnius supernaturalis effectus, tribueret etiam potestatem supra omnē obedientialem potentiam creaturarū, respectu omnium possibilium effectuum supernaturalium. At potentia obedientialis, quæ creaturis inest, soli earum creatori, eiusque potestati subijcitur. Creatura enim non nisi creatori suo plene obedit, & hoc quidem ex eo, quod creator plenam habet supra totum ens potestatem, quæ potestas creaturæ repugnat. Ergo impossibilis est virtus, quæ constituat creaturam in ratione causæ principalis ad facienda miracula. Hæc argumenta, quæ ita indigeste, & inordinate proposui, quia rē hanc insinuare decreui, & nō pertractare, nō procedū de instrumentaria virtute, siue per anēs sit, siue transiens. Nam quod potentia obedientialis vnius creaturæ subijciatur alteri creaturæ, ut instrumentū creatoris, non est aliud quā plene subijci ipsi creatori, ut non solum per seipsum, & immediate, sed per assumpta instrumenta possit facere, ex creaturis suis, & in eis totum quod contradictionem non inuoluit. Præterea: Neque valet illa consequentia in virtute instrumentali. Hęc virtus potest in vnum miraculosum effectum: ergo potest in omnes. Nam cum totam suam potestatem sortiatur ex principali agente, determinatam vim habebit iuxta eius voluntatem, & determinationē. Potest enim Deus communicare partem suæ virtutis alicui qualitati, & nō omnem ad vnum effectum, & non ad alios. Vnde character sacerdotalis potest instrumentaliter concurrere ad transmutationem sacramentalem, quæ in sacramento Eucharistiæ interuenit, & nō valet ad alios effectus etiam minus prodigiosos, & miraculosos se extendere.

tentiz Aug. in Enchyridiom c. 56. illis verbis. Qui, id est, filius Dei etiam de corpore suo per quod factus est caput ecclesie, quæ in hominibus est, ut sit ipse in omnibus primatum tenens. Ecce dicitur factus caput Ecclesie, quæ est in hominibus: Et cum ibi August. etiam loqueretur de Angelis, ut patebit legenti, eosque dixerit esse partes cælestis ecclesie, manifeste videtur condistinguere Angelos ab hominibus, solosque homines membra Christi constituere. Hæc sententia probatur duplici ratione. Prima. Angeli non habent conformitatem cum Christo in natura humana, sed ad veram & propriam capitis rationem necessaria est hæc conformitas, nam alias impropissime saluabitur ratio capitis: Ergo.

Secunda ratio. Christus non influit in Angelos gratiam & gloriam: Sed hæc omnia acceperunt immediate a deo asque christi meritis, Ergo non est proprie illorum caput. Confirmatur. Christus influit in homines spiritualem animæ vitam, gratiam scilicet & gloriam: hanc autem non influit in Angelos: Ergo non est caput Angelorum eadem ratione quæ est hominum caput. Et ex consequenti non est proprie caput eorum, sed ut plurimum diminuta, & imperfecta ratione, quatenus gloriam quandam accidentalem in eos influit. Et augeo vim huius argumenti. Influxus quem Christus influit in angelos, imperfectus est, & secundum quid: non enim influit essentialem spiritus vitam, sed accidentalem quandam perfectionem, quæ non per se pertinet ad conseruandam ipsam spiritualem vitam. Influxus autem, eius capitis quod vere caput est, per se requiritur estque simpliciter necessarius ad substantialem membrorum conseruationem. Ergo ratio capitis vel nullo: vel imperfectissimo modo competit Christo ut homini comparatione ad Angelos.

Secunda sententia in alio extremo docet, Christum ut hominem: simpliciter esse caput hominum, & Angelorum, & si perfectiori modo posset dici hominū caput: tum propter maiorem conformitatem quam cum ipsis habet per humanam naturam, Tum præcipue, quia in homines influit spiritualem animæ vitam, quantum ad eius essentiam & substantialem perfectionem, influit enim gratiam, & essentialem gloriam. In Angelos vero gloriam tantum influit accidentariam. Docet hanc sententiam S. Thom. 3. par. q. 8. art. 4. quam communiter eius sequuntur discipuli, & antiqui, & moderni. Sed alij etiam quam plures Theologi in 3. dist. 13. huic adherent sententie. Fauent huic sententie August. in enarratione psal. 138. versans illud Qui cogitauerunt supplantare gressus meos &c. ita enim dicit. Sicut bonorum caput Christus est, sic malorum caput Diabolus. In Enchyridio loco pro contraria sententia citato aperte fauet huic sententie Sa. legatur attente. Et in psal. 36. hanc sententiam aperte docet. Inquit enim quod

quod est caput totius Iherusalem adiunctis etiam legionibus, & exercitibus Angelorum, ut fiat illa vna ciuitas sub vno Rege &c. Non potuit hæc veritas ab August. clarius exprimi. Cui fauet Hylar. super psalm. 139. in illa verba Caput circuitus eorum & lib. de synodis c. 28. Hæc sententia colligitur ex Paul. ad Ephes. 1. ibi. Et ipsum dedit caput super omnem Ecclesiam, quæ est corpus eius. Ponderanda sunt illa verba, Super omnem Ecclesiam. Nam qui omne dicit nihil excludit. Cum ergo angelorum beatorum respublica sub ecclesiæ nomine comprehendatur, fatendum est Christum esse angelorum caput. Quod ibi Paul. de Christo ut homine loqueretur: apparet manifestum. Loquebatur enim de christo a mortuis suscitato, & ad dexteram Patris sedente. Quæ Christo, tantum ut homini, competunt. Et hoc ipsum colligitur ex illo verbo, dedit, quod iam superius ponderauimus. Ad Coloscen. 2. videtur hæc veritas expressa illis verbis. Qui est caput omnis principatus & potestatis. Vbi etiam ex contextu liquet de Christo, ut homine sermonem fieri.

Ratione præterea probatur ista sententia, Christus in ordine gratiæ est perfectior Angelis, etiam in quantum homo (licet ratione nature sit aliquantum inferior) influat in ipsos spiritualem motum, nimirum, spirituales reuelationes, & illuminationes, ut docent. Dionysius c. 7. cœlestis hierarchiæ exponens illa verba Isai. 103. Quis est iste qui venit de Edom, & Hieronym. super c. 3. ad Ephes. versans illa verba. Ut innotescat principatibus, & potestibus &c. Gaudia etiam specialia per Christum competunt Angelis iuxta illud Luc. c. 15. Gaudium est Angelis in cælo super vno peccatore poenitentem agente. Item Christus ut homo, & ut hominum redemptor gubernat Angelorum rempublicam, eorumque disponit ministeria. Sunt enim omnes, ut inquit Paul. ad Hebr. 1. ministratorij spiritus, propter eos qui hæreditatem capiunt salutis. Recognoscunt Angeli Christum, ut hominem tamquam superiores, quem venerantur, & cui seruire tenentur: iuxta illud ad Hebr. 1. Et cum iterum introduxit Primogenitum in orbem terræ dixit Et adorēt eum omnes Angeli eius. Et Matth. c. 4. dicitur quod Angeli accesserunt, & ministrabant ei. Istæ autem proprietates sufficiunt constituere simpliciter rationem capitis. Nam in capite, naturali ex qua hæc denominationis metaphora ad Christum deriuatur, hæc reperiuntur potissima, scilicet, eminentia, influxus, & corporis gubernatio. Ergo, &c.

Confirmatur, Christus ut homo conformitatem habet sufficientem cum Angelis, ut possit absque improprietate vlla caput eorum vocari: cōuenit enim cum eis in gratia, & cæteris supernaturalibus charismatibus. Sed hæc conuenientia sufficientissima est. Nam cum Christus non sit caput Angelorum in ordine nature, sed in ordine gratiæ
sufficit

sufficit conformitas in gratia, & spiritualibus donis ad gratiæ ordinem spectantibus, ut vere & proprie angelorum caput dici possit. Imo ut S. Th. 3. p. q. 8. ar. 4. ad 1. aduertit, etiã in esse naturæ reperitur conuenientia inter Christum & Angelos, secundum ipsam Christi animam, ex qua principalis influxus ad angelos prouenit. Et licet ex Christi corpore aliquid quoque perfectionis ad angelos descendat: Vnde Christus etiam secundum corpus caput sit angelorum, hoc tamen totum radicaliter ex anima prouenit, ex cuiusque beatitudine & gloria, quæ ad ipsam Christi carnem deriuatur. Hac utraq. conformitate præsupposita inter Christum & angelos, & priori præsertim, quæ est secundum ordinem gratiæ, nulla videtur posse probabilis ratio negari, quin Christus vere & proprie (seruata tamen metaphora ad caput naturalem) debeat vocari angelorum caput, cū aliæ conditiones, quæ requiruntur ad capitis rationem, nõ desint, ut constat ex paulo antedictis.

Hæc posterior sententia est sine dubio vera. Cuius tanta est certitudo, ut nõ defuerint viri doctissimi quibus contraria sententia non modo improbabilis, verum & temeraria visa fuerit. Ita censuit Mag. Medina 3. par. q. 8. ar. 4. Cæterum hæc censura nimium apparet rigurosa. Quoniam graues auctores, quos superius retuli, contrarium docuerunt, quos non licet tam graui subnotare censura, nisi efficacissima causa urgeat. Et quidem non tam virgens est in præsentia ut Mag. Medina visum est Quoniam testimonia scripturæ sacræ, in quibus Christus caput supra omnem ecclesiam & omnes principatus & potestates asseritur, cū aliquali apparentia explicationem admittunt. Et quidem libentius ego dicerem hanc secundam sententiam esse certam secundum fidem, & oppositam fidei contrariam (quamuis hoc reputo falsissimum) quam dicerem sententiam primam temerariam esse. Etenim rationabilius diceretur materialiter & in culpato errore deceptos fuisse auctores qui prædicta Paul. testimonia explicauerunt de Christo, prout est Deus, aut eius superioritatem in ratione capiti ad ecclesiam ex Iudeis & gentibus tantum, & non etiam ad Angelos rerulerunt: quam quod theologi, qui modo tantorum virorum antiquorum sententiã secuti hanc tuerentur doctrinã, temere loquantur: Temeritas enim consistit in hoc, quod quis in re admodum graui sine fundamento, & autoritate loquatur, a communi omnium aut fere omnium sententia recedens. Quod plane in præsentia non contingit. Sunt enim viri grauissimi, ut ex his quæ circa primam sententiã diximus, constat, qui arbitrati sunt in illis Paul. testimonijs nullatenus de Angelis sermonem fieri, neque oppositum poterit demonstrari. Præterea nõ desunt apparentes rationes, quibus innitatur illa sententia. Cur ergo temerarius censeri debet qui docuerit sententiam

viris doctissimis probant, & apparentibus fulcitam rationibus. Cesset ergo iste tantus rigor, & satisfuerit dicamus, secundam sententiam esse longe probabiliorē opposita: imo absque dubio veram.

Et antequam dissoluamus contrariā sententiā argumenta, aduertendū est, q̄ in præsentia non tam de re ipsa agimus; quam de sermonis proprietate. Fateri enim tenemur omnes, in Christo domino reperiri illa omnia, quæ in rationibus pro secunda sententia factis exposuimus. Nimirum, excellentiam, superioritatem, influxum, atque itidem conformitatem secundum ordinem gratiæ. Imo & in ordine naturæ, iuxta modum ibi expositum. Tota tamen controuersia est, An ista sufficiant, vt omni cum proprietate, & rigore sermonis capitis metaphora accommodanda sit Christo comparatione ad angelos. Et hinc constat, hanc controuersiam non esse tam grandis momenti, vt auctoribus contrarię sententię temeritatis notā imponere debeat: cum de voce potius quam de re ipsa tota sit fere disceptatio. Et si neque hac de causa sit contemptenda: debent enim proportionata verba rebus grauissimis accommodari. Sed iam ad argumenta contrarię sententię respondeamus. Et ad Patres, qui contrarium docuisse videntur, dicitur, quod forsitan nihil intellexerunt aliud, quā quod non tanto cum rigore, tantaque cum proprietate capitis metaphora accommodatur Christo respectu angelorum: atque illi competit comparatione ad homines. Quod est verissimum. Tum propter maiorem conformitatem ad homines: Tum quia non influit in angelos gratiam, & gloriam essentialē, vtramque tamen in homines influit.

Ad primam rationem dicitur, quod si illa ratio aliquid efficere, probaret similiter, Deum non esse caput rerum omnium: imo neque angelorum. Quia sola analogica conuenientia reperitur inter Deum, & creaturas omnes. Quocirca responderetur, sufficere conuenientiam quam Christus habet in gratia, & gloria cum angelis, vt absque vlla improprietate dici possit eorum caput. Sed & inesse naturali aliqua etiam est conuenientia, quam ex sanct. Thom. superius retuli, & declarati.

Ad secundam rationem. Responderetur, quod in naturali capite requiritur ille influxus substantialis conseruatiuus membrorum in naturali, & substantiali vita totius suppositi. Ad caput vero morale, & q̄ per analogiam ad caput naturale vocatur caput, non est necessarius tam substantialis influxus, etiam in illo ordine in quo est caput. Sed satisfuerit, quod reperitur verus influxus ad morālē ordinē spectās, cum superioritatis, & eminentiæ dignitate. Et vtrunq̄ in Christo comparatione ad angelos inuenimus, quod est ex dictis manifestum.

Illā veritate supposita, quam precedenti difficultate exposuimus.

O o o o o Christum

In. A. p. g. m. c.

Rem. 8.~

propter peccata nostra. Confirmatur. superius diximus & probauimus. Quod erraret in fide, is qui diceret Christum venturum esse in carne passibili & mortali, etiam si nullum extraret in natura humana peccatum. Ergo passio Christi per se & primo destinata fuit in remedium peccati: atque adeo cum omnia merita christi in passione vel inchoata, vel consummata, fundamentum habuerint, per se referuntur ad remedium peccati: & ex consequenti virtute illorum angeli non perseuerauerunt in sua innocentia & prima gratia. Et quamuis quidam ex Patribus huic sententiæ de præseruatione angelorum a peccato fauere videantur, vt fauet Cyril. Alexand. lib. 5. in isa. tom. 2. scire a principio his verbis. Per ipsum scilicet Christum omnis fructificatio spiritualis, tum in sanctis angelis, tum in nobis ipsis, insita est & Grego. hom. 4. in Ezech. dicens. Quod vnigenitus Dei est firmitas angelorum & lib. 1. Reg. c. 12. inquit: angelos & homines sanctificatos fuisse per christum S. Bernard. sermo. 22. in cantica, dicit Christum præseruasse angelos a peccato. Fauet denique Hierony. in illa verba ad Ephes. 1. instaurare omnia, &c. Sed reuera hi Patres non de christo vt homine. Sed de ipso vt diuino verbo loquebantur cum ista dixerunt. Ita que intendunt angelos debere christo vt Deo omnem suam spiritualement vitam & gloriam, cui nos vt Deo homini cuncta nostra bona debemus. Ex his colligitur veritas sententiæ propositæ ex communi theologorum doctrina: Christum videlicet neque mortuum fuisse pro angelis neque eos redemisse. Fatetur quidem August. christum morte sua reparasse angelorum ruinas ex hominibus quos passione sua, & precioso redimit, & ac quasiuit sanguine, qua ratione Deus instaurauit omnia in christo, quæ in cœlis & que in terra sunt in ipso, vt Paul. inquit ad Ephes. 1. in quo loco Thodoretus, Eucumenus, Venera. Beda, S. Ansel. & alij, idem cum August. docent. Quod docuit etiã Magnus Gregorius in suis moralibus, versans illa verba Iob c. 38. Vbi eras cum me laudarent cœstra matutina & iubilarent omnes filij Dei: at quod ipsos sanctos Angelos Christi passio redemerit, Patres hi grauissimi non dixerunt, sed solus Origenes cui Hieronym. non consensit, quamuis eius sententiam loco citato retulerit. Imo neque dixerunt eos a peccato præseruasse. Quia vniuersi patres & Greci & Latini in ea sententia perpetui fuere, Vnigenitum dei filium non nisi in peccati remedium humanam assumpsisse naturam.

In alio etiã consentiunt graues theologi, & si dissentiant nonnulli, Nimirum angelos in prima sanctificatione, quam in primo suæ creationis instanti simul cum natura acceperunt, infusa fide cognouisse Christum in carne venturum, futurumque esse caput totius cœlestis reipublicæ, totiusq. angelicæ gloriæ consummatore, & si accidentaria consumatione. Hanc sententiam multis effecit valde probabilem Sa-

pientissimus noster Banes in egregijs suis ad primam partem S. Th. comentarijs. q. 57. art. 4. neque libet ad hunc locum rudiori stilo trāsferre, quæ Doctissimus hic Pater eximia cum eruditione illo in loco pertractauit. Theologi qui cum S. Bernard. sermon. 17. in cantica, dixerunt angelos peccasse ex inuidia & odio, quod contra Christū conceperunt, fate ri tenentur hanc sententiam. Quam ego libentissime amplector: & consentio quoque libenter dicentibus in peccato angeli interuenisse Christi odium eiusq. inuidiam. Sed ita tamen hanc doctrinam intelligendam esse arbitror, quod primum simpliciter angeli peccatū fuit formaliter superbia illa, qua angelus plus nimio coram deo factore suo elatus est, honorem suum propriamque gloriam Dei gloriæ & honori præferens. Ita quod primum eius peccatū non Deum ut hominē, sed Deum ut deum respexerit. Vnde superbus angelus aduersus ipsum Creatorem suum supremumque spiritualis gratiæ omnis autorem, manum leuauit suam, propriumque voluit extollere manipulum, supra omnia cæli astra solium suum fundare superbissima elatione affectauit, ut omnibus præesset, & ut rex esset & caput super omnes filios superbiæ. Cuius peccati exactissimam rationem. S. Thom. 1. par. q. 63. artic. 3. nos luculenter docuit. Mox tamen ex hoc peccato in aliud incidit superbiæ quoque crimē, aduersus Christum ut hominem, ipsum contemnens. Et quoniam vidit eum futurum esse in tota cælesti republica caput & principem, magnam eius auctoritatis & gloriæ concepit inuidiam, instantinoque ipsum odio semper fuit persecutus, ita ut non inepte hac ratione intelligamus S. Ioann. cap. 8. homicidam ab initio vocasse. Sed sat fuerit breuiter hæc insinuauisse, & ad vltiora deinceps progrediamur, diuersaq. theologorum referamus placita.

Est ergo prima theologorum opinio, Quæ docet angelos & omnē suam gratiam & essentialē gloriam ex Christi meritis fuisse sequuta, fateturque absolute ista sententia Christum fuisse causam prædestinationis angelicæ. Quamvis in modo explicandi hanc causalitatem, non omnino huius sententiæ auctores inter se conueniant. Sed quod ad prædestinationem attinet, præmittendum est a nobis. Probatur autem vera sententia ista: qua ratione docet angelos gratiam & gloriam ex Christi meritis accepisse. Primo probatur ex illo Paul. ad Hebr. 2. decebat eum propter quem omnia, & per quem omnia: qui multos filios in gloriam adduxerat auctorem salutis eorum per passionem consumari. Ex quo loco sic argumentor. Priusquā Christus per passionem consumaretur, neminem ex hominibus in gloriā adduxerat. Ergo filij de quibus hic loquitur Paul. ipsi fuerunt angeli. Neque sufficit solutio a quibusdam adhibita, qui dicunt non de Christo, sed de æterno Patre intelligendā esse, qui multos filios, &c.

Et dicunt consequenter, non esse legendum consumari, sed consummare. Non sufficit inquam, hæc solutio ad vim argumenti euacuandā. Quoniam re ipsa idem est sensus huius testimonij, & eandem ingerit difficultatem. Nam licet de patre aeterno intelligantur illa verba, Multos filios in gloriam adduxerat, &c. Sed tamen Christus assertur auctor salutis eorum. Ergo Christus auctor fuit angelorum salutis.

Secundum argumentum sumitur ex illo Rom. 5. Non sicut delictum ita & donum. Si enim vnus delicto multi mortui sunt, multo magis gratia dei & donum in gratia vnus hominis Iesus Christi in plures abundauit. Ex quo testimonio tale induco argumentum. Nō vere diceretur Christi gratiā in plures abundasse, quā peccatū primi hominis, nisi ad angelos extenderetur. Nam respectu hominum nō ad plures se extendit, cum peccatum illud primum totum humanū genus inuaserit. Ergo &c. Et confirmatur. Peccato originis non solum quoad sufficientiam, sed quoad efficaciam etiam inficiuntur omnes. At Christi gratia eiusq. redemptio non ad omnes homines secundum efficaciam se extendit: Ergo vt gratia Christi abundantior sit, & quoad sufficientiam, & quoad efficaciam, oportet dicamus angelos & iustificatos & glorificatos fuisse ex Christi meritis, ex ipsiusque gratia.

Tertium argumentum, Christi prædestinatio in diuina præscientia antecessit prioritate finalis causæ & gratiæ & gloriæ omnium hominum & angelorum præscientiam, & prædefinitionem. Imo & præordinationem constitutionis totius vniuersi: Ergo meritō christi præscientia antecessit angelorum prædestinationem: atque adeo ex meritis christi in aeterna præscientia præhabitis & præiis prædestinati fuerunt angeli & consequenter iustificati, & glorificati. Cum enim christi merita infiniti fuerint valoris, nulla est ratio ob quam eorum virtus non se ad hæc omnia extenderet. Confirmatur. In præclaram christi dignitatis excellentiam quam plurimum cedit, quod virtus eius & meritū ad gratiam & gloriā angelorum se extendat, præsertim si id fieri potuit ipsa redemptoris ratione seruata, Sed supposito quod christi prædestinatio in ordine finalis causæ singulorum prædestinationem antecesserit, hoc fuit possibile, cum christus cum suis omnibus meritis præiis fuerit antequam prædestinarentur Angeli, Ergo &c.

Quartum argumentum. Angeli fuerunt iustificati ex fide christi. Ergo ex eius meritis per fidem applicatis iusticiam acceperunt, & gloriā: consequentia apparet manifesta, Antecedens vero constat ex his quæ in secundo fundamento a principio supposuimus.

Denique ultimo argumento confirmantur hæc omnia ex doctrina S. Thom. super cap. 1. 10a. lectio. 10. in illa verba de plenitudine ipsius nos omnes accepimus. Vbi ait, quod de plenitudine christi acciperunt omnes Patriarchæ Prophetæ, & etiam Angeli, Et mox subiunxit, quod gratia Christi principale principium est omnis gratiæ, quæ in vniuersis intellectualibus creaturis reperitur. Ecce manifestam S. Thom. sententiam. Hanc opinionem sic confirmatâ docent graues theologi. Ruardus Taper Decanus Louanien. in articulo de iustificatione non longe a principio, Vigherius in lib. de theologis. instit. c. 3. 5. 2. & cap. 20. 5. 1. Catharin in lib. de glor. Angelorum. Petrus Galatinus lib. 3. de Arcanis Catholicæ veritatis c. 4. Ioann. Arboreus lib. 3. theosophiæ c. 13. & nouissime Franciscus de Carthage na lib. de prædest. & reprobatione angelorum discursu 6. Et deniq; omnes illi theologi, qui existimant christum absque vlla dependentia a præscientia peccati fuisse prædestinatum, in hanc sententiam pedibus eunt ac manibus.

Est secunda sententia, quæ docet gratiam & gloriâ collatâ fuisse angejls duplici titulo. Altero summæ liberalitatis & gratiæ Dei absque habitudine aliqua ad christi merita. Altero vero ex iustitiæ rigore, id est, ex Christi meritis ipsis angelicis spiritibus applicatis. Itaq; ista sententia eo modo procedit de gratia & essentiali angelorû gloria: quo supra in hac quæst. dub. 1. nos diximus esse probabile collatam fuisse gratiam Adæ in statu innocentie constituto.

Tertia deniq; sententia docet angelos non accepisse ex christi meritis gratiam, & essentialem gloriam, sed ex sola Dei voluntate ex qua prædestinati sunt ad æternam vitam. De gloria tantum essentiali in hac conclusione fit sermo. Fatentur enim vniuersi theologi, vt constat ex dictis circa difficultatem præcedentem, accidentariam gloriam ex christo, & per christum angelis obuenire. Quæ & specialibus reuelationibus & gaudijs constat, quæ circa creaturas verarum sanctorum, præsertim circa humanæ redemptionis opera. Docuit sine dubio hanc sententiâ. S. Th. Tū alias. Tū. præcipue 3. p. q. 8. a. 4. Sequuntur Sanct. Tho. omnes fere eius discipuli è quorum numero non est Caiet. excipiendus. Nam licet 3. par. q. 7. artic. 11. dixerit christi gratiam, & meritum prodesse etiam angelis. Intelligendus tamen est non de gloria essentiali angelorum, sed quod profuit eis quantum ad consummationem accidentariam gratiæ & gloriæ ipsorum. Quæ intelligentia violenta non est, cum Caiet. ipse in eadem 3. part. quæst. 1. a. 3. expresse docuerit Deum absq; præuisione meritorum christi decreuisse conferre gratiam, & gloriam angelis. Omnes theologi qui consentiunt Sanct. Thom. docenti, christum non venturum nisi exaret in humana natura peccatum, hanc docuerunt sententiam, paucis

paucis exceptis, qui secundæ adhæserunt opinioni. Pro decisione igitur huius difficultatis, sequentes statuo conclusiones.

Prima Conclusio.

Supposita S. Thom. doctrina quæ docet Christum non venturum si non peccaret primus homo, & quæ docet Christum per se primo fuisse prædestinatum in peccati remedium, non apparet vera neque multum probabilis sententia quæ docet ex Christi meritis Angelos & suam gratiam, & essentialem accepisse gloriam: neque etiam in sensu explicato in secunda sententia. Probatur hæc conclusio. Primum. Omnis gratia ex Christi meritis promanans est gratia redemptoris, & gratia sanans. Sed Angeli non sunt participes redemptionis factæ per Christum. Non enim ipsos redemit Christus, neque pro ipsis mortuus est, ut a principio huius difficultatis probauimus, & ut communem præsupposuimus Theologorum sententiam. Non ergo Angeli gratiam ex Christi meritis prouenientem acceperunt.

Sed arguit quispiam. Adam in statu innocentiae accepit gratiam ex Christi meritis, etiam supposita prædicta S. Thom. sententia. Eadem igitur ratione potest, imo debet concedi Angelis similiter ob præuisa Christi merita gratiam fuisse datam: ita ut duplici illo titulo per secundam sententiam explicato gratiam acceperint, ipsamque iidem essentialem gloriam. Quod vero sit eadem ratio patet. Nam sicut Angelorum prædestinatio non præsupposuit præscientiam originalis peccati, neque in Christi meritis fundamentum habuit: ita neque gratia in statu Innocentiæ Adæ collata præscientiam peccati præsupposuit, aut ex Christi meritis per se primo habuit ortum.

Huic argumento neganda est consequentia. Illud autem assignandum est discrimen inter gratiam Adæ, & Angelorum gratiam, & gloriā quæ insinuauimus superius dub. 1. huius quæstionis, Videlicet, quod gratia Adæ, quatenus fuit principium meritorum, quæ per Christi gratiam reuixerunt, & tandem peruenerunt ad præmium, debuit pertinere ad Christum; licet secundum substantiam suam non attineret ad redemptionem per Christum factam: plurimum enim vniuersaliter gratiæ Christi dedeceret, quod quis in gloria præmium reciperet propter merita, aliter quam ex Christi meritis habita. Ad hanc primam rationem reducuntur aliæ duæ, quæ in hac prehabentur inclusæ. Altera, quia illa gratia per Christum, & eius merita essentiali sui erat consumatione assequutura. Et altera, quia ex ipsius Christi virtute, & meritis tandem erat reparanda. Istæ autem rationes totaliter defuerunt gratiæ angelorum: quæ neque in sui reparatione, neque vero in essentia

li con-

li consumatione ex Christi meritis dependentiam habuit.

Verum dices, gloria Angelorum perfectionem acceptura erat, & ultimatam consumationem per Christum, & ex meritis eius. Igitur hac ratione potuit cōferri ex Christi meritis: ita quod Angeli duplici illo supradicto titulo utramq; istam perfectionem acciperēt. Respōdetur, quod hæc perfectio, & consumatio glorię quę per Christū aduenit Angelis, accidentalis prorsus est, & quę essentialē ipsam eorum beatitudinem non immutat. Consistit enim in operationibus omnino distinctis ab his in quibus sita est essentialis eorum gloria: atque adeo assignata ratio insufficiens prorsus est, ut dicamus Angelos gratiam, & gloriam ex Christi meritis accepisse.

Hanc conclusionem aliter probant theologi graues, in hunc videlicet, modū. Prædestinatio est efficax transmissio creaturę intellectuales ad beatitudinem per certa & determinata media; quę proinde est omnino inuariabilis: Ergo si angeli in primo signo, antequā, scilicet, præviderentur Christi merita, prædestinati fuerunt ad gloriam essentialē, eorum prædestinatio omnino fuit inuariabilis: atque adeo in alio signo, in quo præiussa fuerunt merita Christi, nullum aliud medium fuit superadditum, neque quicquam aliud per quod ad beatitudinē inducerentur, alias enim variationem admitteret primū illud Angelicę prædestinationis decretum. Hæc tamen ratio apparet in efficax. Nam qui contrariam tenent sententiam, non dicunt quod ex Christi meritis aliquē gradū gratiæ, aut glorię acceperint Angeli illi superaddito quem acceperunt ex vi primi decreti prædestinationis eorum: sed quod nouo superueniente meritorum Christi titulo, eiusdem gradus gratiæ, & glorię collatio ad iusticiam Christo debitam attinuit. In hoc autem nulla interuenit mutatio. Nisi mutationem vocas subordinationem inferioris gradus ordinis gratiæ ad superiorem ordinem hypostaticę vnionis. Et quidem si non censendus est diuinus intellectus mutari, ex eo quod prius rationis ordine ea præscie rit, & præordinauerit, quę ad ordinem gratiæ pertinent, quam ea quę pertinent ad ordinem vnionis hypostaticę: nec etiam debet censeri mutari decretum prædestinationis Angelicę in primo rationis signo habitum: eo quod in secundo signo tota Angelorum prædestinatio ex parte effectus Christo subijciatur, eiusque glorię, & meritis.

Franciscus à Carthagera alijs duobus argumentis eandem illam secundam sententiam se validissime expugnare arbitratur loco superius citato. Altero. Quia titulus iustitię titulo gratiæ ediam: et repugnat. Sed hoc argumentum dissoluimus ad finem primi dubij huius quæstionis, cum de gratia, quę data fuit Adā in statu innocentię, loquebamur.

Altero

Altero argumento videtur, quod in hunc modū hēt. Sequeretur, inquit, quod possemus probabiliter dicere, conferri homini primā grātiā duplici titulo cū primū iustificatur, titulo videlicet, diuinæ misericordiæ, & liberalitatis: atque titulo itidem iustitiæ fundatæ in merito eius, qui iustificatur. Nam posset dici, quod per opus contritionis, vt gratia formatum, meretur de condigno eandemmet gratiam, quam prius natura ex Dei liberalitate, & misericordia accepit. At consequens nullatenus est admittendum, erraret enim In fide, qui illud admitteret; ergo. &c.

Huic argumento duplex se offert solutio, & vtrāq; sufficientissima Altera colligitur ex doctrina Caieta. in opusculo de fide, & operibus contra Lutheranos capitu. 9. & dico, quod vt haberet locum hæc doctrina de duplici titulo, necessum erat, quod gratia non prius conferretur de facto ex titulo misericordiæ, quam eam, is qui iustificatur, de condigno mereretur. Nam si est habita, & consecuta gratia, quando intelligimus actum sufficientem ad merendum, iam gratia nequit habere rationem præmij: ac proinde neque potest sub merito cadere. Etenim nemo, id quod iam habet, & actu possidet rāquam proprium bonum, potest expectare ab alio, vt præmiū sui meriti recipiendum, neq; ēt implicita & virtuali expectatione, quæ intrinsicē clauditur in merito. Quod. n. quis habet quid sperat, dixit Apo. Rom. 8. Cum ergo prima gratia necessario præsupponatur in anima ad contritionem formatam, consequens fit, ipsam nullatenus posse induere præmij rationem, respectu eiusdem contritionis.

Secunda solutio colligitur ex dictis a nobis quæstione præcedenti. Et dico breuiter, nam multa ibi diximus de hac re, quod id quod est proprium, & per se principium alicuius meriti, nequit vlla rōne esse eiusdē meriti præmium. At ille contritionis actus omnem meriti rationem ex prima gratia, vt a proprio merendi principio sortitur; ynde non potest esse eiusdem gratiæ meritorius.

Secunda Conclusio.

Prima sententia quæ absolute fatetur Angelos ex Christi meritis gratiam accepisse & gloriā. probabilis est. Patet nā superius diximus esse probabilē sententiā affirmantem, quod Christi prædestinatio non præsupposuit originalis peccati præscientiam, & quod Christus fuit prædestinatus ante præscientiam, & præordinationem omnium rerum naturalium. Hac autem sententia supposita, non difficile erat intelligere Angelos fuisse ex Christi meritis prædestinatos.

Sed rogat quispiam, quibus meritis Christus angelorum gratiam, & gloriam promeruit. Nam omnia Christi merita ad opus redemptionis spectarunt. Quoniam omnia, ut dicebamus superius, fundata fuerunt in illa prima voluntate, qua Christus ingrediens in mundum seipsum obtulit in sacrificium, & hostiam, ut Deum humano generi placatum redderet, & beneuolum. Et cum redemptionis autem opus ad Angelos non attineat: nullum Christi meritum relinquitur. Quo Christus gratiam & gloriam promeruerit. Respondeo. Hoc argumentum esse satis difficile, & ut adueri superius, magnam affert probabilitatem sententiæ S. Th. dicenti Christum prædestinatum fuisse, supposita originalis peccati præscientia. Nam res est mirabilis, quod Christus fuerit prædestinatus non præiudicio originis peccato, neque in eius remedium, sed in exaltationem creature intellectuales, & rationales, quodque ante eiusdem peccati præscientiam Deus prædestinauit Angelos ex Christi meritis, & quod nulla fuerint præordinata neque præscita Christi merita, Non ignoro communem huius argumenti euasione, nimirum, quod Deus confusa quadam ratione cognouerit merita Christi, quia vngendus erat oleo lætitiæ, & exultationis præparticipibus suis, ut diligeret iustitiam, & odio haberet iniquitatem, atque adeo non poterat esse non evidens deo morali euidencia, eum aliquot, & multa habiturum merita. propterque Deus angelos prædestinauit. Verum tamen hæc solutio minime satisfacit. Nam quod Deus in illa rationis signo non determinatam præscientiam, & providentiam habuerit meritorum Christi: sed confusam, & saltem ex parte obiecti imperfectam, quæ potuit esse congruentiæ causa, & quæ obsecro probabilè possumus assignare rationem? & cum posset Deus determinata aliquot Christi prævidere merita; Quare hæc præuisione inexpectata continuo de Angelorum prædestinatione tractauit? Nonne conuenientior erat providentiæ ordo, quod prius definiret & præordinaret Deus, ea quæ ad Christum attinebant, quam quod quidpiam, vel de angelis, vel de hominibus tractaret? præsertim cum tam sit his theologis persuasum, omnia propter Christum ex primaria dei intentione fuisse præordinata, & disposita. Sed his omiſſis ad insinuatū argumentū, sic respondit theologus, cui sententia prima grata fuerit, & probata. Quod per eadem opera quibus Christus hominibus redemptionis, & sanitatis promeruit gratiam, meruit quoque angelis gratiam, & æternalem gloriam. Alia tamen, & alia ratio: etenim quatenus illa opera aliquo modo attinuerunt ad passionem & mortem Christi profuerunt hominibus, ut redemptionis opera, quatenus vero procedebant ex charitate, & ex virtutibus, quæ poterat conuenire Christo etiam si impassibile, & immortale corpus assumeret, gratiam, & gloriam Angelis meruerunt. Et hæc solutio non est cur improbabilis habeatur,

vnde

vnde illa prima sententia non debet censeri improbabilis.

Tertia Conclusio.

Probabilior est tertia sententia, quæ negat Christum Angelis gratiam, & essentialem gloriam promeruisse. Docet hanc conclusio. S. Thom. loco ibi citato. & in 3. dist. 13. q. 2. ar. 2. quæstion. 1. & q. 29. de veritate ar. 7. & quidē si quando S. Th. oppositā sententiam docuit; vt plane docuisse videtur in loco superius citato super Ioan. non in ea sententia persistit, sed locis nunc citatis eā re ipsa mutauit, Et aduertat Thomistacui placet S. Th. mentem radicitus penetrare, quod cum S. Tho. 3. p. q. 7. art. 9. dixerit Christum esse vniuersalem causam totius gratiæ. Quæ verba ad angelos quoq; extendi videbantur, postea in art. 1. mentem suam exponens, hanc sententiā his verbis limitauit. Gratia collata est aīe Christi sicut cuidam vniuersali principio gratificationis in humana natura. Ecce quemadmodum non appellauit Christum vniuersale principium gratificationis absolutē: sed cū illa limitatione, in natura humana. Eandem sententiam docent grauissimi theologi in 3. dist. 13. S. Bonauent. art. 2. quæst. 3. Durand. q. 2. Palludan. q. 1. Insinuat Alexander Alen. 3. par. q. 12. membr. 3. art. 2. & 3. docent etiam Abulen. in cap. 17. Matth. q. 107. Driedo lib. citato tit. 4. cap. 2. par. 8. Fauent quam plurimum sancti Patres in locis quibus eis sermo incidit de parabola centum ouium. Quæ habetur Matth. 18. & Luc. 15. colligitur hæc sententia ex literis sacris 2. Corinth. 5. si vnus mortuus est pro omnibus: ergo omnes mortui sunt. Sēsus est quod ij pro quibus mortuus est Christus mortui fuerūt per peccatum; quod Angelis conuenire non potest. Hoc testimonium fateor non magnam vim habere ad huius sententiæ, & conclusionis persuasionem. Diceret enim quis in fauorem alterius sententiæ, quod sicut Christus non propter seipsum mortuus est, neq; pro se Crucis sacrificiū obtulit, vt in Concil. Ephe sin. primo can. 10. definitur: & tamen per mortem meruit sibi exaltationem sui nominis, & ipsam corporis gloriam: ita morte sua meruit Angelis essentialē gloriam, non tamen pro ipsis mortuus est. Paul. vero in citato testimonio non de omnibus quibus Christi passio profuit loquebatur, sed de his tantum pro quibus Christus mortuus est. Sed ad sit iam secundum testimonium, quod magis ad rem attinet, ex eodem Paul. desumptum ad Hebr. 2. Qui enim, inquit, sanctificat, & qui sanctificantur, ex vno omnes, id est, ex vno primo parente scilicet Adam. Et idein sensus fiet, si in singulari legamus qui sanctificatur, vt legit Dionys. Alex. Epistol. contra Paul. Samos. quæ habetur in Biblioth. sanctorum Patrum. Insinuaturque illa lectio a Dionys. cap. 4. cælest. hierarch. Et

tunc sensus fit, quod Christus qui sanctificat, & qui sanctificatur, & omnes, qui ad ipsum, & ad eius sanctificationem pertinent, ex vno primo parente deriuantur? Et quod in hoc loco de hominibus tantum loquatur, & non possint hæc verba intelligi etiam per extensionem, ad Angelos; ita quod sensus fiat; Ex vno omnes, id est, ex vno Deo. omnium conditore, (quem tamen sensum graues insinuant auctores) constat ex sequentibus verbis. Quia ergo pueri communicauerunt carni, & sanguini, & ipse similiter participauit eisdem. Quibus verbis Paul. videtur exponere id quod antea dixerat, ex vno omnes, id est, omnes, carni, & sanguini participant ex vno primo, & communi parente acceptis. Et quod non de Angelis loqueretur Apostol. adhuc magis constat ex verbis mox sequentibus. Nusquam eniam inquit Angelos apprehendit, sed semen Abraham apprehendit. Probatum tenet ex illo Apocalip. 7. vbi dum Angeli, & homines agunt gratias pro sua beatitudine, & æterna consequuta salute, homines & Deo, & agno gratias agunt; Angeli vero soli Deo nulla agni mentione facta. Quod signum est Angelos ob id non agere gratias Agno, quia gloriam suam essentialem non recognoscunt ab ipso acceptam. Deinde probatur ratione iam insinuata, videlicet, quod virtus Christi domini est virtus redemptoris. Et ita dicebat Paul. ad Ro. 3. quod Deus propter posuit Christum proportionem per fidem in sanguine eius, Angeli vero redempti non sunt, neque ad Christi redemptionem eorum gratia, & essentialis gloria attinent. De gloria essentiali limitato loquor, nam accidentalis gloria, quæ ex Christi meritis accersit Angelis, ad virtutem, quæ redemptionis pertinet, non ex parte recipientis subiectionis, Angeli enim redempti non fuerunt, sed ex parte principij & ex parte obiecti. Ex parte quidam principij, quoniam huiusmodi accidentalis gloria, ex beneficio redemptionis humanæ ad Angelos per modum cuiusdam redundantie deriuatur, eo quod deseruiunt Christo redemptori, & quæ ministrant in opere redemptionis nostræ, quia omnes sunt administratores spiritus propter eos, qui hæc redemptum capiunt salutis. Et ita conueniens fuit, vt aliquem fructum ex Christo, & ex virtute eius reportarent. Immo neque est omnino improbabile, quod hæc accidentaria gloria rationem præmij, sortiatum respectu obsequiorum quæ Christo hominum redemptori exhibent, in opere redemptionis humanæ. Hoc quibusdam improbabile apparet, eo quod, qui ita dicat, constituit Angelos viatores, cum sint tamen in termino, ac proinde extra viam statum. Sed nihil inconuenit asserere Angelos esse simpliciter beatos & in termino, & secundum quid viatores respectu accidentalis gloriæ. Quia ex Christo accipiunt. Et sicut non dedecet beatum, quod eius felicitas accidentaliter perficiatur, ita neque cum dedecet hanc perfectionem mereri. Sed oppositum est probabilius. De quare in i. par. q. 62.

63. & solet etiā versari q. 64. cum agitur de pēna dēmonum accidentaria. Ex parte vero obiecti quoniam omnes reuelationes, quas Angeli nouiter accipiunt, vniuersaque accidentaria gaudia, quibus denuo perfruuntur, circa mysterium humanæ redemptionis versantur.

Denique hæc eadem sententia à posteriori probatur. Si contraria sententia vera esset, dicendum consequenter foret, quod Angeli non consequuti sunt essentialē gloriam vsque ad Christi mortem: sicut neque Patres veteris testamenti eā fuerunt assequuti: Non enim decens videtur, quod per Christum Angeli ad essentialē gloriam inducantur, & quod prius ipsi beatificarentur quam Christus, prius membra quā caput. Consequens autē aduersatur fidei. Quam docuit Christus Matth. cap. 18. angeli eorum vident faciem patris mei, qui in celis est. Vera ergo est hæc sent. quam nostra. 4. conclus. docet.

○ Dux præterea aliæ congruentiæ ad huius veritatis persuationem sese mihi offerūt. Prior est. Angeli per se primo, & directē creati sunt, vt seruirent Deo: essentque ministri eius in his quæ sunt propria Dei, qualia sunt spiritualia omnia ministeria, & quæ non tam exterius quā interius geruntur, cuiusmodi sunt illuminationes, mysteriorum reuelationes, &c. Nam quia angeli sunt spirituales creaturæ, sunt ad hæc officia, & ad obsequia Deo, vt Deo, exhibenda valde proportionati. Potest colligi hæc veritas ex illo Iob 4. Ecce qui seruiunt ei, &c. Et ex illa Psal. 103. Qui facit angelos suos spiritus, quorum verborum is est sensus: quod Deus spiritus facit angelos, id est, ministros suos, & nuncios, angelus enim idem pollet, quod nuntius. Et colligitur ex locis omnibus scripturæ sacr. in quibus sermo fit de assistentia angelorum coram Deo. Et de promptitudine qua sunt parati ad ministrandum Deo. Daniel. cap. 7. Tob. 12. Iſa. 6. fateor quod in hoc vltimo loco de Christo potius, vt homine quæ de Deo, vt Deo fit sermo. Sed vltimius pergo in hac exponenda congruentia: Etsi fateamur Christi prædestinationem ordine causæ finalis antecessisse decretum, & prædestinationis, & creationis angelorum, Fateri quoq; debemus, quod per se primo creati sunt, & prædestinati in Dei ministerium, & obsequium, & vt Deus ministros sibi proportionatos, suis haberet paratos obsequiis. Et quod secundo, & quasi consequenter ad Christum, & propter Christum fuerunt, & creati, & prædestinati. Quod colligo ex illo Paul. ad Hebr. 1. Et iterum introducens primogenitum in orbem terræ dicit. Et adorent eum omnes Angeli eius. Pendero hæc verba Angeli eius, hunc enim sensum mihi reddunt, quod spiritus qui olim erāt angeli eius, id est, ministri eius prout erat verbū & splendor Patris & figura substantia eius, atque patris etiam vnigenitus, de quo Paul. ibi loquutus fuerat. seruiant quoque illi in humana existente natura, in qua primogenitus est in multis fratribus, vt Cyrill. Alex. sæpe & alij

alii nonnulli patres explicuere. Quod non ita est intelligendum, ut illud dei imperium, quo præcepit Angelis ut seruirent Christo, tunc primum fuerit eis denuntiaturum, & intumatum, nam ex instanti sue iustificationis, ut superius dicebam, ipsum cognouerunt ut futurum eorum caput, & Dominum. Sed denotat hic modus loquendi Paulinus, quod Deus, qui ut deus, est proprius Angelorum dominus: & in cuius ministerium, ex primæua creatoris intentione fuerunt creati: subiecit ipsos Christo ut homini: quasi designans eis principale ministerium quod ab ipsis exigeret. quod, scilicet, filio suo homini factio summa cum diligentia assisteret & inserviret, haberentque seraphim alas duas paratas ad volandum in exequendis mandatis christi. Colligo præterea hanc sententiam ex eo quod Apocalix. 7. Angeli non Agno, sed Deo soli gratias egerunt, quasi recognoscentes ipsum ut proprium Dominum, in cuius obsequium, & gloriam per se primo conditi fuerant. Et Christo, ut homini, quasi per redundatiam deseruiunt. Quia videlicet, in ipso seruiunt ipsi deo domino suo. Homines autem, & si secundum communem creaturatum rationem, deus propter seipsum condidit, specialiter tamen creati sunt christo accommodati, ut eius essent & fratres & serui. Ut nimirum seruiret ei tanquam primogenito, quem deus dominum eorum constituit. Sicut sanctus ille cæcus Isaac Iacob electione dei primogenitum dominum fratrum suorum constituit. Gene. c. 27. Et hinc est, quod licet ipse non confundatur nos vocare fratres suos, ut aduertit Paul. ad Hebr. 2. nos tamen non regulariter eum vocamus fratrem, sed Dominum potius: & ita Paulus quem ecclesia in assiduis præcibus imitatur, tertio quoque verbo Christum appellat dominum nostrum. Et discipuli quos ipse & sermone, & opere ut fratres tractabat, ut pater ex illo Matth. cap. ult. nunciate fratribus meis, &c. cum tamen spiritu dei inspirati & directi, vocabant dominum, agnoscentes se ad hoc vocatos, imo & conditos ut ei seruirent, fraterna tamen amore ducti. Et notandum quod etiam ante quod Christus per passionem & mortem homines redimeret, Apostoli ipsum vocabant dominum, ut non solum iure redemptionis, sed etiam & titulo primogenituræ intelligamus Christum deberi speciale dominium. Et ita ipse Ioan. 13. dicebat vos vocatis me Magister & domine, & benefacitis, sum etenim. Itaque homines conditi sunt & prædestinati ut Christo deservirent, quia sunt proportionati eius ministri, & ita in negotio foundationis & erectionis ecclesiæ non Angelos elegit Christus cum posset, sed homines.

Ephes. c. 4. Quosdamque ex eis dedit Apostolos, quosdam euangelistas &c. in opus ministerij. Olim autem priusquam deus esset homo in illa antiquiore ecclesiæ, in eiusque foundatione Angelico ministerio usus fuit: Lex enim per Angelos data est. Acto. 7. & ad Galat. 3. Ex his ergo colli-

colligo. Rationabiliter dicendum esse, quod Angeli non a Christo
ut homine, sed immediate a deo & gratiam & premium assentiale
suorum meritorum & obsequiorum quibus deseruiunt, receperunt,
tanquam a proprio Domino, & cui per se primo dicata habent & se
ipsos & omnia sua. A Christo vero acceperunt accidentariam gloriam,
veluti secundarium quoque, & accidentarium premium: eo quod se
cundario ei dati sunt ut ministri, & ut ei in negotio salutis nostrae
peragendae obsequia praestarent. Neque erraret, ut dixi, qui diceret.
Gloriam accidentalem, quam angeli a Christo, & ex eius meritis ac
cipiunt, rationem sortiri accidentarij praemij, etsi probabilius opposi
tum esse crediderim: de quo alias. Homines autem in suo essentiali
praemio a Christo domino nostro pendemus, & omnia spiritualia bo
na per ipsum accipimus: neque Pater benedicere nos voluit spiritua
li paterna benedictione, nisi in primogenito fratre nostro Christo,
quem nobis praefecit in caput & dominum. Hoc adeo verum est, ut
sit probabile, ut diximus, quod etiam gratia Adae collata, etsi primū
respectum habuerit ad solum Deum tanquam ad vniuersalem totius
ordinis gratiae auctorem, nō tamen sine Christo fuerit accepta, iuxta
modum superius expositum.

Altera & posterior congruentia sumitur ex ratione finis. Nam
quia Angeli creati sunt propter Deum, ut propter finem praecipuum
& primarium. Christus vero ut homo fuerit secundarius finis, & mi
nus principalis. Idecirco congruum apparet, quod gloriam praecipuā
& essentialē a solo deo acciperent, a Christo vero minus principalem
& accidentariam. Quae ratio fortassis haberet etiam locum in homi
nibus, nisi titulus interueniret redemptionis, propter quem omnia
sua Christo ut homini debent. Et ita gratia collata Adae ad Deum
reducimus, & non ad Christum, per se loquendo. Nam licet ex meri
tis Christi fuerit collata. hoc vero non fuit, ut erat illius status gratia
Sed quatenus reparanda per Christū, & in suis meritorijs operati
onibus, in quas Adā in statu illo se exeruit, viuificanda. Et haec sufficiāt
in tertiae conclusionis corroboracionem.

Ad argumenta a principio dubitationis huius proposita, respon
deamus deinceps oportet. Et quidē de intelligentia & explicatione
illius Paulini testimonij, ex quo tota vis primi argumenti conficitur,
memini me superius dixisse. Vnde nunc breuiter dico. Ibi de homi
nibus tantum fieri sermonem a Paulo. Et illud verbum, Adduxerat,
idem pollet, quod adducturus erat. More namq. prophetico loqui
tur ibi Pau. Prophetis enim mos est, ea quae futura sunt praeterita nun
cupare propter euentus certitudinem. Nam ea quae diuina sunt pra
ordinatione disposita tam infallibiliter euenient, atque si extarent
olim facta, vnde ab aeterno sunt diuino conspectui praesentia.

Ad

Ad secundum argumentum. Respondetur secundum intelligentiam August. S. Th. & aliorum sacrę paginę interpretum: dictionē. Plures, non esse ibi accipiendam comparative, sed positive, ita ut sit sensus: Quod ex delicto Adę multi moriuntur, & ex Christi gratia multi etiam iustificantur. Iuxta quod subdit statim Apost. quod sicut per vnius in obedientiam peccatores constituuntur multi, ita & per vnius Christi Obedientiam iusti constituuntur multi, respectu quorum abundat gratia Christi, supra delictum Adę: quia peccatū Adę tantum se extendit ad peccatum originale aliorum. Gratia autem Christi extendit se etiam ad delenda peccata actualia, ut explicat ibidem. S. Thom. S. Amb. in coment. huius testimonij, eos appellat mortuos ex peccato Adę, qui eius prævaricationem peccatis mortalibus imitantur. Sed hæc intelligentia cum attentione est suscipienda, ne occasionem præbeat hæreticis Pelagianis, & alijs negandi peccatum originis, quod minime Ambros. negavit, sed affirmavit, & prædicavit quam sæpius: sicut, & alij Patres, qui quandoq; etiam peccatum Adę ad nos transfusum explicant permutationem, qua nos ipsum peccantes imitamur. Quod ob id fecerunt. Quia originis peccatum primum est omnium peccatorum actualium seminarium, primaq; radix, sed de hoc alias.

Possit secundo responderi iuxta prædicta. Quod gratia Christi etiam se extendit ad plures comparative quam peccatum Adę: Eo quod peccatum originis nullatenus attingit Angelos. Gratia autem & virtus Christi, ad ipsos etiam se extendit Angelos, eorum gloriam accidentaria perfectione consumans. Quæ licet comparative ad essentialē gloriam donum sit minoris momenti, absolute tamen & secundum se considerata, magna perfectio est, & præclarum donū.

Ad tertium argumentum respondetur Christum rationis ordine prædestinatum fuisse, prius quam prædestinarentur angeli, & quam totius orbis machina fuerit a deo præordinata. Hoc autem non fuit in ratione causę meritorię, sed in ratione tantum causę finalis: quatenus omnia fuerunt ordinata & disposita ad Christi gloriam, & Angeli prædestinati fuerunt, ut Christo deseruirent. Etenim Christus, ut causa meritoria per se primo fuit datus humano generi in remediū originalis peccati. Itaque Angelis fuit finis, hominibus vero finis, & redemptor, causaque meritoria & satisfactoria. Vnde non est concedendum, si formaliter, & rigore loquamur, præscientiam meritorū Christi antecessisse prædestinationem Angelorum: nec quod Christi prædestinatio, qua ratione fuit prædestinatus redemptor, præcessit Angelorum prædestinationem. Quoniā tota antecessio inter ea quę ab æterno fuerunt à Deo præordinata, & disposita, considerata est secundum dependentiam, quam res præordinate inter se habent.

Vnde

Vnde quia angeli non pendunt a Christo, vt a causa meritoria, neque vt a redemptore, sed tantum, vt a fine cui subijciuntur, & in quem ordinantur: Hinc fit quod Christus, vt redemptor humani generis, & vt causa meritoria salutis humanæ nō antecessit prædestinationem Angelorum in Dei præscientia, sed solum antecessit secundum substantiam incarnationis sue.

Et eadem ratione posset dici, quod præscientia originalis peccati non antecessit angelorum prædestinationem, eo qđ Christus, quatenus fuit prædestinatus in remedium peccati, non attinuit ad angelorum prædestinationem, neq; fuit eius causa: atque adeo neque præscientia peccati quicquam retulit ad prædestinandos angelos.

Sed dicitur etiam satis probabiliter, qđ licet Christus per se primo tantū fuerit causa meritoria cōparatione ad homines in quorū redemptionem prædestinatus est, sed nihilominus ipse Christus vt redēptor humani generis, & vt causa meritoria prædestinationis hominum, habuit rationem finis gloriæ angelicæ, & prædestinationis angelorum. Ita quod angeli prædestinati sunt ad Christum, & propter Christum redemptorem hominum, ut ei deseruirent, assiduaq; præstarent obsequia in opere redemptionis nostræ. Itaque ipsa ratio causæ meritorie intrat rationem finis prædestinationis angelicæ, veluti quædam pars, seu conditio ipsius finis. Ex quo tamen non sequitur, quod Christus fuerit causa meritoria respectu angelorum.

Ad confirmationem. Responderetur non pertinere ad dignitatem Christi extollendā, & amplificandā, quod gratia, & gloria angelorū habita sit ex Christi meritis, quoniā tota virtus gratiæ, & meritum christi cōsiderāda est intra latitudinē redemptionis humanæ. Est. n. gratia Christi gratia redēptoris, saluatoris, & spiritualis medici, atq; adeo proprie vocatur gratia sanās. Et qm̄ in sanitate quā efficit gratia in medio originalis peccati splēdescit tota ipsa diuinę gratię virtus. rū extensiuē quia totam integram humanam naturam respicit. Tum intensiuē, quia omnes effectus gratiæ possibiles attingit. Idcirco christi gloria in ostensione & manifestatione sanantis gratiæ posita est. In ea enim ostendet Deus in superuenientibus seculis superabundātes diuitias gratiæ, & gloriæ suę.

Ad quartū argumentum Mag. Med. sentire videtur angelos nō cognouisse per fidem incarnationis mysteriū. Sed iā dixi a principio huius difficultatis contrariā sententiā cōmuniore esse. Qua supposita ad argumentū negatur antecedēs. Estq; aduertendū, qđ fides infusa in duplici sensu pōt fides christi vocari, altero ex parte obiecti quatenus, videlicet. p hāc fidē creditur ipse Christus, estq; christi obiectū eius, altero vero ex parte principij. i. qđ sit fides ex christi virtute, & meritis habita. In priori ergo sēsu angeli christi fidē habuerunt, minime tū in

sensu posteriori. Et quoniam antecedit argumenti hunc posteriore
sensum reddere videtur. Idcirco absolute, id negauimus. Posset
tamen clarioris causa distingui iuxta predictā fides, distinctionem.

Hinc sequitur, quod in illo ligno rationis in quo angeli prædesti-
ti sunt ad essentialē gloriam, Christus finis quidē fuit angelorū, &
ipsorū gloriæ, non vero fuit eorū caput, quia licet cognouerint chris-
tum per fidem, ut finem totius angelicæ gratiæ, nullum tamen in eis
influxum habuit.

Si autē quæras, quando incepit christus caput esse angelorū. Resp.
quod continuo, ut homo peccauit, angeli, ut ministri christi, tractare
ceperunt de negotio reparationis humani generis: atq; adeo ex tunc
ceperunt membra Christi vocari, & esse, & tunc acceperunt influxum
pertinentē ad christi merita. Quo fit, ut si vera est illa sententia, quā
superius valde probabilem reputauimus, gratiam, videlicet, collatā
Adm. in statu innocentiz ex Christi meritis acceptam fuisse, consequē-
ter dicendū esse apparet, Christum prius fuisse caput hominum, quā
angelorum. Quia christus pro illo statu fuit caput hominū, influens in
eos gratiā, & cetera supernaturalia charismata. Non vero fuit angelo-
rum caput, quia nullum in eos habuit influxum antequā primi homi-
nes peccassent, & de remedio peccati ipsorum tractaretur. Influxus &
remediū, qui ex virtute christi derivatus fuit ad homines in statu innocē-
tiz cōstitutos, nō pertinuit ad angelorū ministeriū, saltem ut erant mi-
nistri christi: quia totū ministeriū ipsorum Christo subordinatū, cir-
ca peccati remediū est considerandū. Etenim licet homines in illo
statu gratiā ex christi meritis acceperint, nullis tamen legibus & ce-
remoniis, in illo statu utebantur. Specialiter dicatis christi obsequiis
& cultui, sed oia, quæ ad christum pertinebant, peragebantur inter
inter. Deum, & hominem: atq; adeo cessabat necessitas angelici mi-
nisterij erga christum. Quæ tamen continuo post peccatum incepit.

Sed iam ad vltimum argumentū respondeo, quod ut dixi superius,
S. Th. multis in locis nostrā hanc apertissime sententiā docuit: quāuis
super hoc in contrariā opinionē inclinauerit. Quia probabilis sententiā
est, & visa tunc fuit S. Th. idonea ad cōmendationem, & exaltationē
gratiæ christi. Sed reuera magis, & excellentius eā cōmendat nostra
sententiā, secundum quam gratia christi, ex vi prædestinationis ipsius
christi, se explicat in in omnes effectus gratiæ possibiles, & in suā om-
nem excellentem perfectionem: sanat enim & sanctificat simul: quod
in angelis locum non habuit.

Posset dici secundo, S. Th. nihil aliud docuisse, quam quod gratia
christi extenditur ad angelos, quate-
us eorum gloriā perficit, & cō-
sumat, iuxta modum a nobis superius expositum.

QVAESTIO SEPTIMA.



De ultimam tandem, & septimam nostrae relectionis
questionem deuentum est, in qua id proposuimus ad
disputandum & definiendum, num habitualis Christi
gratia ex vi praedestinationis ei competat. Quae rem
ut exacta resolutione definiamus, necessarium fuisse
exponere, quisnam fuerit terminus praedestinationis Christi, & an
vnicus fuerit, an potius multiplex? Et denique incidenter explicare
oportebit, ea quae ad exactam intelligentiam praedestinationis Chri-
sti pertinent. In tria ergo dubia totam huius septimae questionis se-
riem distribuendam fore putauit. In primo tractabo de obiecto prae-
destinationis Christi. In secundo de proprio & formali eius termi-
no. In tercio denique, ad doctrinae complementum de ipsius prae-
destinationis Christi virtute & causalitate in nobis differendum erit, vn-
de dubium tertium illud erit, An Christi praedestinatio causa fuerit
praedestinationis nostrae.

Primum Dubium.

Ad inchoationem ergo primi dubij, in cuius enodatione tantisper
erit immorandum, principio illud est animaduertendum, certum esse,
& statutum apud vniuersos theologos, mirabilem duarum naturarum
diuinæ & humanae vnionem in vna eademq. persona praedestinatam
fuisse ab aeterno, specialiq. Dei consilio & decreto praedestinata. Quod
S. Tho. 3. p. q. 24. ar. 1. satis considerate animaduertit. Cuius rei ea est
ratio, quae ex doctrina S. Tho. ibidem colligitur: quod ineffabilis
haec & mysteriosa vnio maximum opus est, summeque gratuitum,
quod Deus ab aeterno efficiendi voluntate decreuit in tempore acce-
ptabili, & in die salutis efficere. Hoc autem decretum, quid aliud esse
potuit, quam aeterna praedestinatio? Et confirmatur ex Paul. qui 1.
Corinth. 2. & ad Ephes. 1. & 3. vocat hoc sacramentum absconditum
in saeculis a Deo, vocatq. praedestinatam sapientiam, quam Deus an-
te saecula in gloriam nostram praedestinauit.

Secundo est notandum bifariam aliquid praedestinatum dici pos-
se: vno modo absolute, ita ut neque explicetur obiectum, neque ter-
minus, sed res ipsa praedestinata & praordinata efficaci praordina-
tione, aeterna. In quo sensu vnio duarum naturarum diuinæ & huma-
nae in vno supposito, quae dicitur hypostatica vnio, praedestinata fuit
ab aeterno. Secundo modo dicitur aliquid praedestinatum habito re-
spectu ad obiectum, & terminum, ut cum dicimus, Petrum esse prae-
destinatum ad gloriam. In quo sensu quatuor inuoluntur, scilicet,

Actio prædestinantis, subiectum prædestinationis, illud, videlicet, in quo subieciatur prædestinationis actio, obiectum prædestinationis, id est, persona aut res quæ prædestinatur, vocatur enim obiectum prædestinationis, quatenus est obiectum circa quod versatur ipsa prædestinationis actio. Et denique terminus ipsius prædestinationis puta bonum illud, ad quod quis prædestinatur V. c. in prædestinatione Petri omnia ista quatuor reperiuntur. Deus prædestinās, actio qua prædestinavit, obiectum prædestinationis, puta Petrus, terminus denique, scilicet, gloria. Et in hac secunda consideratione in præsentia tractamus de prædestinatione Christi. Et quidem de eius subiecto non est in præsentia tractandum. Esset enim valde vniuersalis & extensa disputatio. Sed supponendum est ex his quæ dicuntur theologi cum S. Thom. 1. par. q. 23. Subiectum proximum prædestinationis ipsius esse dei intellectum: quoniam prædestinatio est actio intellectus practici diuini. De prædestinationis actione per pauca dicemus, & ea duntaxat quæ necessaria erunt ad exactam præsentis disputationis intelligentiam. De duobus ergo postremis de obiecto, videlicet, & termino in hac septima questione potissimum differitur. Et in hoc primo dubio de obiecto potissimum est disputandum, dixi, potissimum. Quoniam non poterunt non aliqua internis certi, quæ terminum huius ineffabilis prædestinationis attingant. Sed priusquam aggrediar aliquot erunt dicenda de ipsa prædestinatione, secundum communem rationem consideratam: quibus explicabimus secundum illud membrum factæ destinationis, quod pertinet ad ipsum prædestinationis actum.

Quocirca tertio est aduertendum cum durando in 3. d. 7. q. 3. Tria necessario, requiri ad veram prædestinationis rationem. Primum quod illud ad quod quis a Deo prædestinatur, sit infallibiliter aliquando futurum. Alias enim Dei prædestinatio neque infallibilis esset, neque vero efficax. Quod circa magnam errorem dici non potest. Nam prædestinatio, & præscientiam futurorum includit, & efficace a Dei voluntatem secundum rationis ordinem præsupponit. Et licet ex priori omnimodam habeat infallibilitatem. Ita & ex posteriori maximam efficaciam sortitur. Secundum est, ut id ad quod quis prædestinatur, non ex naturali debito, sed ex dono gratiæ ei competat. Nam licet iuxta sermonis latini proprietatem verbum hoc Prædestinare, tam ad ea quæ ex naturali rerum ordine, quam ad illa quæ ex speciali Dei gratia proueniunt, posset extendi: ut scriptura sacra, sacriq; & ecclesiastici auctores limitatiùs hac vratur voce, videlicet, ut Dei prouidentiam & præordinationem eorum bonorum denotat: quæ ex liberali dei donatione, & gratia promanant. Ex quo sequitur, quod prædestinatus aliqua ratione debet esse prædestinante inferior, eiq; subie-

biedus & subordinatus. Tum quia subest eius prouidentiz & prazordinationi. Tum prazcipue, quia speciale beneficiũ & donum ab eo ſuſcipit. Tertiũ deniq. eſt vt, & prazdeſtinatio, & prazdeſtinatus, & prazdeſtinationis obiectum antecellionem aliquã habeant reſpectu eius ad quod prazdeſtinatur, quod diximus terminum prazdeſtinationis vocari. Et hoc quidem de prazdeſtinatione ſatis eſt manifeſtum. Nã cũ ſit actus diuini intellectus, non poteſt non eſſe eternus & increatus: ac proinde neceſſum eſt antecedat creatum bonũ, quod diuinæ prazdeſtinationis ordini ſubest. Sed & illa dictio, Præ, ex vi ſuæ ſignificationis antecellionem denotat. Quod vero prazdeſtinatus, ſeu, quod idẽ eſt, prazdeſtinationis obiectum aliqua debeat ratione ad ipſum prazdeſtinationis terminum prazſupponi, facile ex eis quæ ad prazdeſtinationem diximus eſſe neceſſaria, in hunc modum probatur. Id, ad quod quis prazdeſtinatur, non ex connaturalitatis debito, ſed ex dono, & gratia debet ei conuenire. Ergo prazſupponit ipſum prazdeſtinatum, ſecundum aliquod eſſe ſibi naturale & proprium. Nam gratuita & liberalis donatio neceſſum eſt prazſupponat ſubiectum, cui ſit. Verũ eſt, quod hæc antecellio ſiue prazdeſtinationis, ſiue prazdeſtinati non oportet quod ſit ſecundum temporis durationem: poſſibile nãque fuit Deo Angelum Gabrielẽ ab æterno producere, & ipſum ad gloriam, ei ab æterno ſimul cum natura conferendam prazdeſtinare, quæ hypotheſi data, nullã tẽporis ibi interueniret antecellio. Satis ergo fuerit ad rationem prazdeſtinationis ſeruandam, vt hæc antecellio ſecundum verum naturæ ordinem, intelligatur. Intellectus namq. diuinus, cuius opus eſt prazdeſtinatio poteſt; prazordinare, & diſponere, ea quæ non teporis duratione, ſed naturę ordine inter ſe ſe cõparantur.

Quarto notandũ. Duplicem eſſe prazdeſtinationẽ. Alteram ſimpliciter. Alteram vero ſecundum quid. Cuius diſtinctionis ratio exterminiorum diuerſitate penſatur, Illaque ſimpliciter & proprie prazdeſtinatio cenſenda eſt, cuius terminus eſt bonum ſupernaturale, quod in ſupernaturali ordine vltimum bonum eſt, & maximũ eorum omnũ ad quæ rationalis creatura iuxta communem dei legem ordinari poteſt & referri, cuiusmodi eſt vita æterna. Loquor de bonis quæ intrinſecam in ipſa creatura perfectionem conſtituunt, & non de vltimo & optimo illo bono extrinſeco, quod eſt ipſa dei optimi max. gloria: quæ eſt vltimus & hominis & omnium creaturarũ finis. Illa vero eſt prazdeſtinatio ſecundum quid, cuius terminus eſt quodã particulare bonum, quod ad bonum aliud excellentius, tanquam ad vltiorem finẽ ordinatur; cuiusmodi fuit prazelectio & prazordinatio qua S. Petrus prazdeſtinatus fuit a deo in Apoſtolorum Principem, & maximũ eccleſiæ paſtorẽ. Nã hoc bonum particulare fuit, in communem eccleſiæ vtilitatẽ, atq. in vltimam animarum ſalutem deſtinatum.

His

His ita suppositis examinare tentabimus in hoc primo dubio. Quod nam sit prædestinationis christi obiectum. Et quidem cū tria in Christo reperiāmus, Diuinum suppositum, humanitatem. atq; ipsum denique totum Christum diuino supposito & humanitate constantem. De diuino verbo nulla potest suboriri dubitatio, si secundū se ipsum consideretur: cum enim sit incapax suscipiendę gratiæ in ea pax quoque est prædestinationis. Deest enim illi secunda conditio: ex his quę diximus ad prædestinationem esse requisitas. Quocirca tota dubitatio est de alijs duobus. Et quid de utroq; sentiendum sit, in huius disputationis discursu est a nobis examinandum. Primum autem tractabimus de Christo: An, videlicet, sit vere & proprie prædestinatus, sitque proinde prædestinationis obiectum.

Sed priusquam hanc præcipuam difficultatem aggrediamur, oportet scire, quid Christi nomine in præsentia intelligamus, quod licet explicandum videbatur a principio relectionis huius, consulto tamen ad hunc locum remissimus, quoniam disputatio de prædestinatione Christi huius rei intelligentiam potissimum ei inagitat. Et præterea locus ille non tam erat idoneus ad pertractandum, id totum quod in præsentia circa hoc nomen Christus est differendum.

Principio igitur si ad primariam huius vocis, Christus significationem attendamus, vulgatum est, & cunctis manifestum, vocem hanc, Christus, idem significare, quod vnctus. Vnde scriptura sacra: Reges, & sacerdotes, quia sacro vngebantur oleo Christos quam sepius appellat. Ob quam autem causam ih regibus, & sacerdotibus vñtata fuerit vñctio: non vacat in præsentia dicere. Dixit autem præclare sancti. Thom. super caput primum. Epist. ad Hebr. lect. 4. Quoniam autem summa vñctio, quæ & esse, & intelligi potest, est illa qua christi humanitas in hyposthatice vnione ad verbum vñcta fuit, & delibuta, idcirco verbum caro factum, quasi per Anthoniam, hoc nomen Christus, sibi suo iure arrogauit. Possem in huius rei confirmationem innumera cōgerere patrum testimonia: Sed iudicaui lectori sufficere ea, quæ in quæst. 1. relectionis huius, animaduerti: cum de Christi sanctitate tractarem. Et quidem in re tam manifesta non oportet testibus non necessarijs vri. Legantur patres locis in quibus interpretantur illud psalm. 44. Vñxit te Deus tuus oleo lætitiæ, &c. Et super 1. cap. Epist. ad Hebr. Vbi Apostolus hoc psal. testimonium de christo domino interpretatur. Vnde hæc dixisse sufficiant circa primariam huius nominis significationem, & de re ipsa deinceps agamus, & explicitemus, qd a parte rei hæc vox, Christus, incarnato verbo accommodata, delignet.

Ad rem igitur attendentes hæc vox, Christus, totalem, & integrum incarnationis, vnionisque hyposthatice terminum importat:

& idem pollet, quod diuinum verbum in humanitate subsistens. Hic enim fuit illius ineffabilis nouitatis terminus, quem Ioann. in primis verbis nostri prothematicis diuino spiritu afflatus expressit. Verbum, inquit, caro factum est, &c. Ita docuit S. Thom. 3. par. q. 2. art. 6. & seq. & clarius in 3. distin. 2. q. 2. artic. 2. quaest. 3. estque satis communis apud theologos sententia in illa dist. Quam etiam Scot. & Dur. re ipsa ibidem docuerunt, etsi in modo loquendi tantisper ab alijs theologis discessisse videantur. Non desunt tamen theologi praesertim ex nouioribus, qui ab hac communis doctrina recedunt: quorum opinionem paulo post referemus; Nunc enim breuiter probandam esse duxi hanc communem theologorum sententiam.

Probatur ergo primo. In omni substantiali vnione, terminus totalis & per se primo intentus est totum ipsum compositum ex vnione resultans, seu vnione constans, sed vnio hypostatica fuit vera, & essentialis vnio: ergo proprius eius terminus est ipsum totum, nimirum, verbum in humanitate subsistens. Maior inductione potest manifestari, in generatione enim humana terminus substantialis est homogenitus: in resurrectione terminus erit compositum substantiale ex anima, & corpore reunitis consurgens, & in alijs omnibus substantialibus vnionibus idem est omnino dicendum. Minor certa fide tenenda est: definitur enim in grauissimis antiquis Concilijs, contra Nestori, Entichet, & alios haereticos, qui in mysterio incarnationis errarunt, sed potissimum definitur. 6. Synod. Gene. actione. 8. cap. 3. Et in Conc. Tolet. 6. & 11. Docuit illam Cyrill. Alex. Anathemate. 3. habetur in tomo. 5. actorum. Conc. Ephesi. vbi hanc vnionem vocauit, naturalem vnionem: & suam mentem exponens in defensione ab obiectionibus Orientalium, dicit in eo sensu eam vocasse naturalem, in quo naturale idem pollet, quod verum, & reale, & non imaginatione confictum: atque adeo hac vnio naturalis est, nempe vera, quatenus ex duabus rebus dissimilibus, deitate, scilicet, & humanitate vnus factus est Christus. Est autem hoc loco aduertendum, quod Graeca Concilia; hanc vnionem dicunt factam fuisse secundum hypostasim, quod latine saepius vertitur secundum substantiam, & interdum secundum substantiam, & aliquando substantialiter facta dicitur. In Concil. autem latinis communiter appellatur substantialis vnio. In conc. Lateran. sub Matt. in consultatione. 5. can. 6. ex duabus naturis substantialiter vnitis, &c. & cano. 8. vocat eam substantialem vnionem, & secundum substantiam. Verum est quod in antiquioribus impressionibus non habetur secundum substantiam, sed secundum hypostasim. At in correctioribus impressionibus non secundum hypostasim, sed secundum substantiam dicitur. Vnde Ioan. Maxentius in confessione fidei, quae habetur in Bibliotheca. sancto. Patrum

tomos. 5. secundum traditionem Patrum, inquit, duas naturas substantialiter cōfitemur vnitas, & in hunc sensum interpretatur Cyrillus. Greg. Nazianz. & alios Patres quorum ibi meminit. Damasc. lib. 3. cap. 3. hanc vnionem vocauit, substantialem, iuxta Fabri versionem, nam in versione alia, naturalis, vocatur ista vnio, sed idem prorsus est sensus, & vt ex ipsomet cōtextu liquet, naturalis enim idem est quod realis, vera, & non ficta vnio. In quo sensu Cyri. vt nunc dicebam vocauit eam naturalem vnionē. Imo aliquando in eodem fere sensu vocata est essentialis: ita eam appellauit Petrus Damia. libr. de incarna. verbi. ca. 3. dicitur essentialis, id est, veram habens essentiam. Sed hic loquendi modus, veneratione potius, quam imitatione est suscipiendus: quamdā enim videtur improprietatem præferre. Sed est hic breuiter aduertendum: non esse idem dictū, aliquam vnionem substantialem esse, & esse substantiarum vnionem. In domo enim ex diuersis partibus constructa reperitur substantiarum vnio, non vero substantialis. Et ratio huius discriminis est, quod substantiarum vnio nihil importat aliud, quam distinctarum substantiarum ad vnationem, & copulationem, qualiscumque illa sit. Ad vnionem vero substantialem requiritur, vt vnita conueniant in vno, & eodem esse substantiali. Vnde duarum naturarum vnio in Christo, non ex eo solum substantialis dicitur, quia est duarum substantiarum adunatio, & coniunctio: sed potissimum quia vniuntur in vno esse substantiali personali.

Non consentio quibusdam theologis quibus est anumerandus Michael de Palacios in 3. dist. 6. disput. 4. qui hanc vnionem nolunt absolute appellare substantialem, sed dicunt eam esse substantialem, & accidentalem, quia veriusque vnionis substantialis, & accidentalis naturam sapit. Non, inquam, his theologis vlla ratione consentio, quia a comuni modo loquendi veterum Patrum recedunt. Constat enim excelsis testimonijs, & ex alijs quam plurimis, quorum nonnulla refemus postea, hanc vnionem vocari substantialem, & nusquam de accidentaria ratione meminerunt Patres, nisi vt eam ab hac inenarrabili vnione reiicerent.

Sed vltcrius secundo probatur, quod Christus sit totalis terminus hyposthatice vnionis. Terminus vnionis substantialis non sunt partes, quæ præintelliguntur vnioni, aut ea quæ admodum partium ad ipsam concurrunt, sed est ipsum totum ex illis constans: Ergo huius substantialis, & ineffabilis vnionis terminus totalis & integer, neque verbum est, neque humanitas, sed ipse Christus, id est, verbum in humanitate subsistens, qui est Deus homo.

Non desunt, qui dicant hanc mirabilem vnionem non habere terminum productum & factum, sed terminum terminantem, qui est ipsamet

ipsamet verbi psona. Vnde aiunt, q̄ totalis huius vnionis terminus est ipsa persona verbi, quatenus terminat dependentiam naturæ humanæ. Ita qđ non includit formaliter, & in recto humanitatem, sed quasi extrinsece, & in obliquo connotat. Hanc sententiam alij ex nouioribus putāt se manifestē falsitatis cōvincere tali argumento. Vnio hæc substantialis non pro relatione accepta, sed pro immediato proximo relationis fundamēto, seu cōditione fundandi relationem, est vera & realis actio, vnde & solet quā sepius a patribus vnio vocari, vt cit. verbis eā appellauit Cyr. Sed oīs actio suum agit & efficit terminum, seu, vt proprius loquamur, agens per actionem ipsum terminum efficit. Quia enim proprietate vocari poterit actio illa, perquam nihil agitur nullusque efficitur terminus. Ergo necessum est dicamus, quod hæc actio egit & effecit suum totalem terminum, scilicet, Christum. Verū hæc argumentatio, etsi contemnenda non sit, non tā efficax est, vt suis apparet autoribus. Nā primo posset quispiā vim eius effugere dicens Per hanc actionē vere, & realiter effici quemdā modū realē supernaturalē in humanitate assumpta: secundū quā ipsa naturæ humanæ dependentia realiter est terminata a diuino verbo, qui modus saltē formaliter ab ipsa humanitate distinguitur. Nā est passiuā ipsius humanitatis terminatio, passiuūq; suę dependentiæ cōplemētū, & naturalis inclinationis, & appetitus, q̄ inest naturæ ad ppriā psonalitatem, & subsistētiā, plena satietas, intrinsecā habēs depēdentiā ab actiua verbi terminatione: sic adeo, vt si verbū (qđ timēdū nō est,) ab humanitate recederet, haud quaquā modus iste terminationis passiuę in ipsa humanitate permaneret. Et hoc satis fuerit, vt hæc vnio verā sortiatur actionis rationē. Hæc solutio nō facile poterit impugnari, verū in sufficiens apparet, Qm vnio ista nō tēdit per se primo in hæc humanitatis terminationē, in istumq; passiuę terminationis modū, q̄ consequēter, & concomitanter se videtur habere ad terminū primario intērū, qui est verbum in humanitate subsistens. Vnde non est id quod per hanc vnitionem agitur, & efficitur. Sed aliud est quærendum, qđ ipsā vnionē in rōne actiuę vnitionis per se primo terminet. Video solutionem se insinuātem, nimirum, quod primarius vnitionis terminus, scilicet, diuinū verbū vt cōmunicat personaliter hæmanitati subsistentiā suā, nō est, vtcūq; terminus, sed prout inducit in humanitate prædictā terminationē passiuā, & hoc est satis, vt vnio, prout actio, ad ipsū terminetur. Propter hanc euasione[m] dixi, non facile expugnari posse solutionem præcedentem. Sed reuera non satisfacit.

Possent autem alia forsā probabiliori solutione factum arguendū illi. Nam dicerem ego, ex propria sententia loquens, illā propositionem, omnis actio agit & efficit, nō esse vniuersaliter verā. Sunt. n. aliquę actiones non factiuę, sed vniuius, ex quibus nnn resultat aliq̄s

terminus productus, & de nouo factus. V. c. visio, & aliæ immanentes actiones exteriorū sensuum, quibus iuxta communiorē, & veriorē sententiam, nullus producit terminus, neque etiam formaliter ab ipsis actionibus distinctus, & similiter actio voluntatis humanæ, iuxta probabilem non paucorum theologorum opinionem, nullum intrinsecum efficit terminum. Sed sunt istæ actiones, & alię similes tantum vniū: copulant enim & vniunt potencias cum suis obiectis, & ex potentia & obiecto efficiunt vnum, non simpliciter, sed ordine vnum. Ita diceret quispiam in præsentia, quod hæc substantialis vniō actio est vniū humanitatis ad verbum, & non est productiua termini cuiuspiam.

Sed hæc omnia veritate constare non possunt, nā licet hæc nunc assignata solutio satis sit vero similis, quatenus de actionibus potentiarum viuētiū immanētibz procedit, inter quos & ipsorum obiecta sola vnitās secundum quid constituitur: at in præsentia locū non habet: verbum enim & humanitas in christo non habet vnitatem secundum quid, & ordinē tantum, sed veram, & propriam vnitatem, & ob id Cyril. Damascen. & alij Patres, vt retro dixi hanc vniōnem, naturalem appellauerunt, quia verā est & propria, ac veram proinde, & propriam vnitatem inter extrema, quę vniuntur, constituit. Et quidem dicere, quod Christus est vnus ordinē, & non vnus simpliciter, hæreticum est.

Præterea virgo theologos qui nunc commemoratā adstruxerunt sententiam, De termino terminante. Totalis terminus huius substantialis vniōis est Christus, Christus autem, non solum connotat in obliquo naturam humanam, sed illam formaliter includit: christus enim importat suppositū subsistens in natura humana, sicut Petrus, aut Martinus. Et ob id Christus vniūque dicitur homo cū ceteris hominibus. Ergo terminus totalis huius vniōis non est solum verbum terminans, & complens humanitatis dependentiam.

Confirmatur. Ex opposita sententia sequitur, quod Christus non fuerit per se primo & principaliter intentus per hanc ineffabilem vniōnem, sed potius se habuerit consequenter ad eius primarium terminum: Consequens videtur falsissimum: Ergo Falsa est illa præfata sententia: Sequella apparet euidentis. Quoniam Christus, vt nunc dicebam, includit intrinsece, & formaliter naturam humanam: terminus autem per se primo intentus, & assequutus per hanc vniōnem, non formaliter includit humanitatem, vt inquit, prædicta sententia. Sed est ipsa diuina persona connotans humanitatem, cuius dependentiam terminat. Cum ergo Christus non sit primarius huius vniōis terminus, necessum fuerit quod sit terminus secundarius & primarium terminum consequens,

Falsi-

Falsitatem vero consequentis, probo ex verbis paulo superius ex Cyri. citatis, quibus dicit quod in hac ineffabili vnitione, ex duabus rebus dissimilibus vnus factus est Christus. Ecce primarium vnitionis terminum, ipsum, videlicet, Christum, factum. Quem terminum. S. Ioan. illis designauit verbis. Et verbum caro factum est. Hæc dicta sint de totali vnionis termino, de quo adhuc paulo post plura dicem⁹. Sed nunc breuiter explicemus oportet, quis sit vnionis huius formalis terminus, in omni namque substantiali vnione, oportet signare terminum, qui in ipso termino totali locū habet formalem, qui proinde formaliter per vnitionem intenditur. Sicut in generatione naturali, etsi totalis terminus, & vltimate intentus sit homo, ex humana carne & rationali anima constans: formalis autem terminus ipsa est rationalis anima.

Dubitatio.

Res ista difficultate non caret, Nam ex vna parte videtur, quod formalis terminus sit humanitas. Christus enim formaliter humanitatem importat, quam verbum: importat enim verbum vt suppositū, & humanitatem, vt naturam in ipso suppositatā. Natura autem cōparata ad suppositum rationē habet formæ: Ergo humanitas formaliter terminus fuit hyposthaticæ vnionis. Secundum argumentum per hanc vnionem per se primo intenditur. vt verbum, quod suppositum erat diuinum, esset per incarnationē suppositum humanū, Ab humanitate autem tamquam à forma habet diuinum verbum, quod sit suppositum humanum, loquendo formaliter de supposito humano, vt est humanum, Ergo humanitas formalior fuit huius vnionis terminus.

Sed pro alia parte ratio dubitandi se offert, videlicet, quod diuinū verbum in hac vnione est quid præcipuum, & principaliter intentum: ergo formalior eius terminus est. Præterea S. Thom. tum alias, tum præsertim 3. p. q. 2. art. 6. videtur præsupponere tamquam rem certam: principalem, & primarium huius vnionis terminum esse diuinam verbi hypostasim, cum ergo hoc non sit intelligendum de termino totali, quia hic terminus est ipse Christus, vt ex dictis constat, necessum est, intelligatur de primario, & formali termino: Ergo, &c.

Breuiter huic dubitationi respondeo, primarium terminum, & formalem ineffabilis huius vnionis non humanitatē esse, sed ipsum diuinū verbum, quod probant argumenta pro secunda parte posita, & ex solutione argumentorum contrariæ sententiæ magis elucescet ista veritas. Vnde ad argumenta pro parte contraria facta in cōmuni primū respondeo, quod si hæc vnio tantū consideraretur in ratione substantialis vnionis per quā constituitur humanum suppositum, secundum formalem humani suppositi rationē, argumentum cōuinceret intentum. etum tamen hæc mirabilis vnio est si impliciter & formaliter assum-

prior per quam humanitas assumitur, & trahitur ad ipsum esse personale verbi, in quo præclaram, & excellentem dignitatem acquirit. Vnde terminus primario, & formalissime intentus est ipsum esse personale diuini verbi: non quidem absolute consideratum, sed vt terminans, sustentans, complens, perficiens, & eleuans ipsam humanitatem,

Ad primum igitur argumentum. Respondetur, quod hæc vox Christus incarnato verbo accommodata, vt illam accipimus in præsentia, importat quidem humanitatem per modum naturæ, ac proinde per modum formæ: & importat diuinum verbum, vt eius suppositum. Et ob id homo vniuoce de Christo, & de cæteris hominibus prædicatur. Et hac ratione humanitas formalior locum tenet in significato huius vocis, Christus. Sed nihilominus simpliciter, & absolute verbum est principalius, & formalius significatum huius vocis. Quoniam Christus importat quidem de formali naturam humanam, non vt cumque, sed vt assumptam, & eleuatam ad esse personale verbi. Et hoc vel ex ipsa primaria vocis significatione colligitur, secundum quam Christus vnctum significat. Ex hac enim significatione constat, quod hæc vox Christus importat quidem humanitatem, non absolute, sed vt diuino oleo exultationis, & lætitiæ vnctam, & delibutam, id est, vt eleuatam ad esse personale verbi, ex quo ipsa valde perficitur, eximiamque dignitatem comparat, & excellentiam: multoque formalius, & actualius esse, quam ei possit competere ex proprijs, & essentialibus principijs: Ita que verbum secundum rationem humani suppositi præcise consideratum, & in ipsa vnione, & in significatione vocis huius Christus, se habet quasi materialiter, cæterum consideratum, vt ad eius excellentissimum, & formalissimum esse assumpta est, & euecta humanitas, contra res se habet, & humanitas materialem, aut quasi materialem, & in vnione, & in vocis significato locum tenet.

Ad secundum argumentum. Respondetur hanc ineffabilem hypostaticam vnionem eo quidem tendere, vt verbum, quod tantum erat diuinæ naturæ suppositum, simul esset suppositum humanum, Eleuans tamen, & trahens ad se ad suamque dignitatem ipsam humanam naturam, a qua habet formalitatem humani suppositi, vt humanum est: quæ tamen formalitas, comparata ad eam perfectionem, quam ipsa natura humana accipit ex vnione ad verbum, potentialitas est, & materialitas. Vnde tandem ipsum diuinum verbum prout suppositum perfectiū, & eleuariū humanitatis formalius est, & perfectius significatum huius vocis Christus.

Possent præterea ad vtrumque argumentum dici, quod licet secundum modum significationis huius vocis, Christus, formalius significetur humanitas: eo quod per modum naturæ, ac proinde per modum formæ significatur: Significamus enim nos verbum in humani-

tate subsistens, ad eum modum, atq; si esset suppositum pure humanum; Et ad eum modum quo significamus Paulum, aut Martynum. Eo quod diuinum verbum perfectissime supplet totum, quod pertinet ad humanum suppositum, etsi altiori & eminentiori modo illud exequatur. Cæterum si de re ipsa fiat sermo, & contra res se habet: multo enim principalius, & formalius est ipsū diuinū suppositū, non solū entitatiue, & materialiter consideratū (hoc enim nō vertitur in dubium) sed etiam, nostro more loquendi, secundum quod intrat compositionē Christi, qui est totalis vnionis hypostaticæ terminus.

Ex his facile potest sumi resolutio ad illam dubitationem quæ Dubitatio multos male vexat. An videlicet, terminus vnionis hypostaticæ, creatio is idē sit, an increatum. Cui dubitationi consentaneè ad superius resolutio. dicta, Primum respondeo, quod si de termino totali sermo fiat, nec creatum quid est, neque increatum, si rem ipsam attendamus. Quoniam iam includit verbum, & humanitatē; quorum alterum creatura est, & alterum creator. Suntq; simul in vnum diues, & pauper. Dixi tamē secundum rem, nam si ad prædicationem attendamus, cum Christus sit Deus, & imo, & ipsa deitas: vere de illo dicitur, quod est creator, & subinde quid increatū, in huiusmodi enim prædicationibus, Christus accipitur quasi materialiter pro supposito. Quod sine dubio increatum est, & ipsissimus rerum omnium creator.

Respondeo secundo, quod si de termino formaliori, & principaliori sermo fiat, absolute fateri oportet, quod huius vnionis terminus increatum quid est. In quo sensu intelligendus est Caiet. 3. p. q. 2. art. 6. & intelligendi sunt alij qui cum Caiet. absolute dicunt, terminum huius vnionis increatum quid esse. Loquuntur enim, non de totali, sed de formali termino: Et quidē hic loquendi modus nullam habet improprietatem, satis enim vsitatus est apud philosophos, qui cum Arist. 2. physic. Formam terminum, & finem generationis appellant.

Habemus ergo ex omnibus dictis ad nostrum intētum, quod obiectum prædestinationis Christi est ipse totalis hypostaticæ vnionis terminus, scilicet, Christus. Verum non adhuc quiescit animus. Nam rogat nos quispiā, an totalis hic hypostaticæ vnionis terminus, quē vocamus prædestinationis obiectum, sit aliquid ex ipsa vnione resultans: nā videtur ita esse, si vera sunt quę diximus: Affirmauimus enim paulo superius, quod hæc ineffabilis vnio est vera actio, per quā Christus, vt est totalis eius terminus, factus est: quod etiam a pertis verbis docuit Cyrill. supra citatus. Et ratio manifesta suffragatur, nam Christus nouum quodam est à Deo factum, non habens esse ab æterno secundum quod ex diuinitate, & humanitate constat. Hęc est enim illa nouitas de qua dicebat Hieremias. c. 31. nouū creauit dominus super terrā mulier circundauit vir. At quod nouū est, & factū est, & creatum est.

est Christus: ergo, prout totalis terminus hypostaticæ vnionis per ipsammet vnionē factus est, & ex consequenti resultauit ex eadem, vnione. Confirmatur nam hæc propositio deus factus est homo, est vera & Catholica, ergo similiter & ista, deus factus est Christus, antequam dens est communis theologorū sententia cum S. Th. 3. p. q. 16. ar. 7. ad 4. Imo & habetur expresse in symbolo Concil. Niceni.

Sed in oppositum pugnat quod non satis apparet intelligibile, quid sit illud vnum, quod resultat ex prædicta vnione. An, videlicet, sit aliquid vnum tertium distinctum ab humanitate & diuinitate. An vero ipsa diuinitas & humanitas tantum. Nam si primum dicamus vix explicare poterimus, quid sit illud tertium, creator ne sit, an creatura, creatum, an in creatum potius. Si autem secundum dixerimus. Tunc obstat nobis quod licet ex illa vnione resultare posset humanitas, essetque ipsius vnionis effectus: id ramen de diuinitate minime dici potest. Atque adeo neq. potest dici, quod resultat ex vnione totalis eius terminus, sed pars eius duntaxat. Vt huic dubitationi satisfaciamus & radicis explicemus, quis nam fuerit totalis vnionis hypostaticæ terminus, quodue christi prædestinationis obiectum: oportet grauem illam, & difficilem disputationem differamus, cuius Graue dubium. S. Thom. meminit in 3. p. q. 2. art. 4. An Christus videlicet sit persona vere, & proprie composita. Et partē negatiuam, sequentibus ostendo argumentis. Primum in omni compositione necessum est, ut altera pars se habeat ut actus, & altera ut potentia. Hoc autem in persona Christi locum non habet. Quoniam diuinitas, neque potentia esse potest: quæ est res constantissima, & omnibus impropatulo, neque vero rationem potest actus sortiri respectu humanitatis, non enim informare valet, aut aduare ipsam: quia esset imperfectio magna diuinitatis, talis actuatio & informatio, non enim fieri posset absq. ipsius diuinitatis limitatione, forma enim per potentiam quam informat limitatur, & coarctatur. Ergo neque in christo reperitur vera & propria compositio: atque adeo Christus nequit proprie dici persona composita. Confirmatur. Omnis compositio imperfectionem inuoluit. Tum in partibus componentibus, quæ sunt imperfectiores toto composito: & quia ad ipsum ordinantur ut ad finem, & quia cōparatione ad ipsum se habent ut potentiales, totum enim est suarum partium forma. Tum etiam in ipsomet toto composito. Quia a partibus pendet & ab eis accipit esse. Hæc autem omnis imperfectio penitus est a diuinitate releganda, ut pote quæ cum sit ipsa essentialis perfectio, nullius est imperfectionis capax. Ergo diuinitas non habet rationem partis componentis Christum: atq. adeo Christus nequit esse persona ex humanitate & diuinitate composita.

Secundum argumentum. Diuinum suppositum non potest habere ratio-

rationem partis componentis christum. At si Christus est persona composita, necessum est componatur ex verbo diuino tanquam ex supposito & ex humanitate tanquam ex natura: Ergo Christus nequit esse persona composita. Maior probatur. Suppositum est totum perfectum & completum: non ergo potest cōpositio constare ex supposito tanquam ex parte componentis.

Tertium argumentum. In nullo composito altera pars componens est idem realiter cum toto. Quoniam totum adidit realitatem vnius partis super alteram partem. Vnde in philosophia, vt primū habetur principium, quod omne totum est maius qualibet sua parte. Sed Christus est omnino idem cum natura diuina & realiter & formaliter: hæc enim prædictio est verissima, Christus est Deus. Imo & ista: Christus est veritas: christus est deitas. Et ita ipse Ioan. 15. de semetipso dixit: Ego sum via, veritas, & vita. Idem autem est dictū, veritas, vita, quod deitas: Ergo in Christo non vera, & propria interuenit compositio.

Quartum argumentum. Istæ propositiones sunt in rigore falsæ, & absolute negandæ, Christus est factus, Christus est creatura. Ergo Christus non est compositus. Antecedens asseritur ex S. Thom. 3. p. q. 16. art. 8. & constat ex eo quod istæ propositiones pertinent ad sectam Arrianorum, qui Christum facturam & creaturam esse dixerunt. Consequentia vero probatur. Nam omne compositum factum est, & creatum: sola enim simplicissima entitas & perfectio diuina increata est & non facta: Ergo vera est pars negatiua dubitationis propositæ. In oppositum est S. Thom. in illo art. 4. a principio huius dubij citato, ubi expresse fatetur, quod Christus dicitur persona composita, in quantum vnum in duobus subsistit, id est, vnum suppositū in duabus subsistit naturis.

Ad huius controuersie decisionem præsupponendum est, in præsentia non disputari: an Christus aliquam compositionem includat. Constat enim quod humanitas Christi vere & realiter est composita, est enim Christus verus homo ex corpore & ex anima rationali constans, vt in symbolo Athanasij definitur. Et similiter fatebimur omnes, Christum vt hominem, genere & differentia constare, quæ est metaphysica compositio, Constat enim ex animali & rationali. Est namque Christus animal rationale sicut Petrus. Vnde huiusmodi compositiones quæ ad solam Christi humanitatem referuntur, minime ad præsentem attinet disputationem. Quocirca in præsentia de illa tantum compositione disseritur, quæ pertinet ad personam Christi, prout in gemina subsistit natura, diuina, scilicet, & humana.

Secundo est notandum: quod cum inquiritur de compositione personæ Christi, prout in duabus subsistit naturis, vtraque natura in

qua

qua Christi persona subsistit, consideranda est formaliter & intrinsece in ipsa Christi persona: alias enim nulla ratione poterit appellari composita: & grauer errant qui oppositum censent. Hoc animaduertimus propter quosdam S. Tho. discipulos, qui arbitrantur, quod, ut Christi persona composita dicatur, non oportet, quod humanitas formaliter intret in ratione compositionis tanquam alterum extremum componens. Sed ipsamet Christi subsistentia censetur composita, quatenus geminam induit subsistendi rationem. Alteram per ordinem ad naturam diuinam, & alteram per respectum ad naturam humanam, quam actu terminat. Nam de hoc actuali respectu loquuntur docti hi theologi. Dicuntq. q. quatenus persona Christi, hanc duplicem subsistendi rationem, includit, persona composita vocatur. Itaque humanitas in hac compositione non intrat formaliter, sed terminatiue tantum. Sed & dicunt præterea hi theologi, quod illa subsistendi ratio, quæ in Christi persona consideratur per respectum ad naturam humanam, in qua subsistit, non aliquid reale est, sed respectus rationis. Vnde tandem asserunt, quod illæ duæ rationes subsistendi in Christi persona dicuntur ad eum modum, quo materia prima & priuatio appellantur ab Aristot. lib. 1. physic. duo principia rerum. Hanc sententiam veram esse probant ex S. Synodo generali c. 7. decernenti, quod hypostasis Christi sola consideratione multiplicatur. Sed hæc duo mihi apparent falsa: & ut ob hoc secundo incipiā, illud, nisi fallor, laborat manifesta æquiocatione. Aliud est enim considerare distinctionem inter duo extrema, aliud utriusque extremi realitatem. Contingit enim quod duo extrema sint realia, & tamen quod eorum distinctio sit ens rationis formaliter sumpta. Homo enim & animal in Petro sola ratione distinguuntur, & ita eorum distinctio formaliter est ens rationis. Sed tamen utrumque istud extremum est ens reale: & his similia reperiemus innumera exempla. Ad propositum ergo dico, quod in Christo, etiam si humanitas non intrinsece consideretur in humana Christi subsistentia, sed tantum extrinsece eius habitudinem terminans: Duplex est nihilominus ratio subsistendi vera & realis: non tamen realiter, sed sola ratione distincta. Etenim eadem personalitas verbi, quæ est realiter subsistentia diuina comparata ad diuinitatem, est etiā subsistentia humana ad humanitatem relata. Quatenus supplet vicem subsistentiæ humanæ in Christi humanitate eius dependentiam terminans, & complens, & seipsa, suæque entitate relatiua diuina verbi proprietates, imperfectionibus sublati, exequitur in omnibus officiū humanæ subsistentiæ. Et quamuis ex hoc consurgat in ipsa quidem respectus rationis ad humanitatem, non tamen ex illo respectu formaliter habet, quod sit humana subsistentia: etsi explicari non possit

ratio subsistentiæ humanæ in Christi personalitate nisi cum tali respectu. Etenim verbi personalitas seipsa, eo quod infinita est ratione personalitatis complet, & terminat humanitatis dependentiam, atque humanæ existentiae officium exequitur. Respectus autem rationis concomitanter, & consequenter se habet: neque formalem humanæ subsistentiæ rationem ingreditur. Quemadmodum Deus non per respectum aliquem rationis, sed per suam omnipotentiam, & per diuinum intellectus sui practici imperium creaturas produxit, & creauit: quamuis rationem creatoris non possimus explicare, neque vero mente nostra concipere, nisi adhibito respectu rationis ipsius Dei ad creaturas. Ethoc exemplo creationis amplius explico rem istam. Dico. n. quod sicut Deus per eandem omnipotentiam, per quam in semetipso omnipotens est, creaturas produxit, & creauit ex nihilo: ita diuinum verbum per eandem personalitatem relatiuam, qua in seipso, & ex semetipso est diuina persona, terminat naturam humanam, eiusque dependentiam complet. Vnde & rationem humanæ subsistentiæ sortitur. Quæ quidem ratio vera est & realis, quia est ipsa verbi personalitas terminans, & complens humanitatem. Quod totum est reale: Erraret enim in fide, qui diceret, hoc quod est verbi personalitatem terminare & complere humanitatis dependentiam, esse tantum respectum, & habitudinem rationis. Quoniam verbum non esset vere, & realiter homo sicut Petrus. Nam suppositum, quod realiter non terminat naturam alicuius dependentiam, non vere, & realiter in ipsa subsistit natura. Igitur fateri tenemur, quod illa duplex subsistendi ratio, quam S. Th. 3. p. q. 2. a. 3. & 4. contra gentes, c. 49. & alij in locis in Christi persona commentatur, vera est, & realis: non tamen realiter, sed sola ratione inter sese distincta, Et ita intelligitur doctrina ex S. Synodo generale adducta. Non dico ad fidem pertinere quod in Christo sit duplex ratio subsistentiæ. Nam qui concederet, verbi personalitatem vere & realiter terminare, & complere humanitatis Christi dependentiam, & que perfecte, imo multo perfectius, quam si esset, propria & connaturalis eius personalitas: non erraret in fide, si negaret, reperiri ibidem geminam subsistentiæ rationem, ut affirmavit Dionys. Carthusianus in 3. distinct. 6. q. 8. cui in hac parte consentit Medin. 3. p. q. 2. artic. 4.

Sed arguit quispiam in Christo est gemina hypostasis secundum rationem distincta, ut constat ex verbis paulo antecitatis: Ergo fide tenemur credere, quod est in Christo duplex subsistendi ratio. Pater consequentia. Quoniam impossibile est, quod sit duplex hypostasis: id est, duplex persona secundum rationem distincta: quin etiam distinguamus ibi duplicem subsistentiæ personalis rationem. Subsistentia enim personalis est proprium personæ constitutum: quo sublato persona non remanet. Respondetur. Et

Synod. 5.
General.

primū dico qđ hic modus distinguendi duplicis subsistentiæ rōnem qui habetur in S. Th. doctrina, est sine dubio valde conformis, & consensaneus doctrinæ fidei. Et si contrarius dicendi modus non simpliciter fidei veritati opponatur.

Sed secundo dico, quod aliud est considerare ipsam verbi subsistentiam ab humanitate christi distinctam, & aliud considerare ut eandem humanitatem includit. Si quidem priori modo consideretur, etiam si intelligamus ipsam, ut actu completam, & terminantem humanitatis dependentiam, non est necesse dicamus in ipsa reperiri geminam subsistentiæ rationem: eo quod verbi personalitas seipsa, propter sui infinitatem, humanitatis terminat dependentiam. Ceterum si consideretur, ut formaliter includit ipsam humanitatem, quæ terminat: negari non possumus, quin hac ratione appelletur subsistentia humana: atque adeo quod ratione distinguatur a semetipsa, prout est subsistentia pure diuina. Nam sicut ipsum verbi suppositum in concreto consideratum, prout includit formaliter humanitatem vere est homo, & ratione distinguitur a seipso, ut est pure diuinū suppositum. Include enim aliquid in suo formali conceptu, quod non includitur in conceptu ipsius verbi, ut pure diuini. Ita suppositalitas verbi in abstracto sumpta, prout humanitatem terminatam, & completam includit, non potest non ratione distingui a seipsa pure considerata. Et qui hoc negaret, quantum opinor, erraret in fide. Et in hoc posteriori sensu explicanda est definitio ex Syn 5. generali adducta. Nos autem in priori sensu hactenus loquebamur, ut ex ipso doctrinæ discursu liquet.

Sed iam reuertamur ad illud primum, quod referebamus ex sententia quorundam Thomista, qui dicebant in christi persona veram intelligi compositionem, propter illam duplicem subsistendi rationem, ita, quod ex vna habet Christus, quod sit humana persona, & ex altera, quod sit diuina, quamuis in altero extremo, scilicet subsistentia humana nō includamus formaliter humanitatem, sed respectū dumtaxat rationis ad ipsam, Hac doctrina mihi vera non apparet. Primo quoniam Concilia grauissima, & antiqui Patres, ex quorum doctrina, & verbis colligitur illa sententia, quæ constituit in Christi persona veram compositionem, ad duas naturas, diuinitatem, scilicet, & humanitatem recurrunt: Ex quibus dicitur Christi personam constare, & componi. Præterea si secludamus humanitatem ab altero extremo, scilicet, a subsistentia humana, nihil manet reale in vno extremo, quod non sit in alio. Nam humana subsistentia in hoc sensu considerata, nihil includit reale, quod non includat subsistentia diuina, sed tantum superaddit respectum rationis ad humanitatem, quam terminat: Ergo

impossibile est, quod ibi intelligatur vera, & realis compositio, de qua in praesentia loquimur. Non enim disputamus, an in Christo reperiatu[r] compositio per intellectum & rationem factam. Sed querimus, an sit ibi vera & realis compositio, sicut concedimus veram in Christo vnitionem duarum naturarum reperiri. Ita vt Christus vere & realiter sit persona composita. Nec oppositum docuit S. Th. cum in 3. par. loco citato dixit haec verba, ex quibus graues quidam eius discipuli praecitatam hauserunt sententiam. Vnde licet, inquit, vnū sit ibi subsistens, est tamen ibi alia & alia ratio subsistendi & sic dicitur persona composita. Haec verba nisi quidpiam adderet S. Th. fundamentum prestare possent praefatae sententiae, sed mox & immediate Doctor sanctus addidit alia, scilicet, in quantum vnum in duobus subsistit. Ecce manifestam vtriusque naturae & diuinæ & humanae inclusionem requisitam a S. Th. vt Christus dicatur persona composita.

Sed iam tertio notandum est. Quod compositio, quae in Christi persona intelligitur, tripliciter potest considerari. Primo, quod extrema compositionis sint ex vna parte humanitas: & ex alia parte diuinitas. Secundo, quod compositionis extrema sint ex vna parte humanitas, & ex alia ipsa personalitas verbi, quae est proprietas relatiua constituens ipsam diuinam verbi personam. Tertio denique, quod humanitas sit vnum extremum, & ipsum suppositum diuinum, scilicet, verbum, sit extremum aliud.

Quarto est notandum, quod licet in re sint omnino idem persona verbi, seu verbum, filius Dei, & Christus, secundum tamen rationem & modum significandi differunt. Nam verbum & filius Dei ex modo significandi, significant suppositum diuinum praecise vt subsistit in natura diuina. Christus vero significat idem suppositum diuinum formaliter, prout in duplici natura humana & diuina subsistit. Diximus superius nonnulla quae valde conferunt ad intelligentiam significationis huius vocis Christus, sed adhuc amplius quid necessum est dicamus, quod & significationem huius vocis magis explicabit, & ad praesentis dubitationis decissionem valde conducet. Summopere ergo obseruandum est, quod vt S. Th. 4. contra gentes c. 49. in solutio ad 3. & 5. dicit: humanitas in Christo trahitur ad ipsammet verbi subsistentiam. Quorum verborum iste est sensus, quod non debemus commentari ex ipsa personalitate verbi vt accommodata humanitati, & ex ipsa humanitate consurgere nouum suppositum, atque consurgeret ex eadem humanitate & ex personalitate propria & naturali ipsius humanitatis. Haec enim imaginatio esset omnino falsa, & huius mysterij dignitati iniuriosa. Sed debemus intelligere q[uod] humanitas ita vnitur personalitati verbi, per ipsamq[ue] terminatur & completur, q[uod] simul assumitur ad ipsum suppositum verbi praexistens. Ita

quod non intelligimus etiam secundum formalissimam rationis considerationem, quod ex illa vnione resultauit aliquid nouum suppositum, quod esset & appellaretur homo. Sed ipsummet antiquum suppositum diuini verbi est humanum, & est homo, ac vocatur homo. Itaq. verbi personalitas non concurrit in hoc mysterio per modum proprietatis constitutiue noui suppositi, quauis vere terminet & cōpleat, & id quidē excellentissimo & ineffabili modo humanitatis dependentiā, sed terminando & cōplendo humanæ naturæ dependentiā: trahit, per modū mediij formalis, Quo, imperfectionibus sublatis naturam humanam ad ipsum, verbi suppositum. Quod, illudq. verū hominē constituit, & ipsum hominē verum deum. Et quidem si commisceremur ex personalitate verbi & ex humanitate cōstitui quoddam nouum suppositum: atq. constitueretur ex eadem humanitate & ex propria eius personalitate, certe si rigorem sermonis attendamus, neq. Deus esset homo, neq. homo esset Deus. Nam illud suppositū nouum resultans, neq. Deus esset, neque vero esset homo, sed esset quasi mixtum quoddam ex humanitate & diuinitate. Ad constitutionem enim suppositi per se concurreret utrūque, & humanitas & diuina personalitas verbi. Huius rei exemplum adæquatū querere impertinens esset, imo & ineptum: nam vt grauissime August. in Epist. 3. quæ est ad Volusianum, inquit, si in hoc mysterio rationem querimus, non esset mirabile, si vero exemplum, nō esset singulare. Veruntamen nostri intellectus imbecillitati deseruiet exemplum imperfectum, quod ex compositione accidentis corporei cum subiecto desumitur. Ex accidenti enim & subiecto non consurgit aliquid nouum esse, ab esse subiecti & accidentis distinctum: sed accidens trahitur ad ipsum esse antiquum subiecti, in quo suscipitur. Hæc autem vnio & quasi tractio accidentis ad esse substantialis subiecti, fit mediante quantitate: quæ vt subiectum. Quo, terminat immediate vnionē, seu inhesionem accidentis, & ipsam quasi deferat ad substantiam. Vbi obiter adnotetur. (deseruiet enim quamplurimum inferius dicendis) quod accidens proprie loquendo non facit compositionem cū quantitate, quia quantitas non habet rationem extremi componentis cum ipso: sed rationem mediij, quō accidens trahitur ad esse alterius extremi, nimirum, substantialis subiecti.

Sed aduersus hanc doctrinam tale argumentum informo. Si ex personalitate verbi terminante humanitatem, & ex humanitate ipsa nō consurgit nouum suppositū. Sequitur falsum esse illud quod dudum asseruimus, puta, in Christo geminum esse suppositum, & si sola ratione inter se se distinctū. Alterum diuinum, & alterum humanum, Consequens nō potest vlla veritate subsistere. Ergo &c. Sequela probatur. Ante vnionem humanitatis ad verbum nullum erat suppositum

positum humanum in deo. Ergo si non confurgit de nouo, nullū erit etiam post vnionem hypostaticam humanū suppositum in ipso deo.

Confirmatur. Sequitur ex eadem sententia, quod in deo non fide duplex ratio substantiæ, consequens etiā his quæ diximus aduersatur. Ergo &c. Patet sequella. Verbi personalitas non est constitutiuā humani suppositi, iuxta doctrinam assignatam. Ergo neque est formaliter substantia humana; manifesta videtur hæc consequentia. Quia sicut ad rationem substantiæ pertinet, quod sit proprietas substantialis suppositi constitutiuā: ita de ratione humanæ substantiæ est, quod sit constitutiuā suppositi humani.

Ad argumentum respondeo: quod in humano supposito duo per rationem distinguimus, & id quidem verissime. Alterum est, quod sit suppositum substantiale: & alterum quod sit humanum: quæ intellecta & supposita distinctione, dico. Quod in mirabili incarnationis sacramento nulla fuit nouitas, quod attinet ad rationem suppositi substantialis. Nam quantum ad hoc antiquum illud verbi suppositum inuariatum prorsus mansit: neq. nouum aliud suppositum deo fuit adiunctum, neque secundum rem, neq. secundum rationē. Sed humanitas cleuata est & assumpta ad illud antiquum suppositum, & ad eius esse personale. Et ob id magna, imo & summa cum proprietate, hæc vnio hypostatica a sacris theologis vocatur. Cæterū illud meq. antiquum substantiale suppositum ab ipsa humanitate, quam personaliter & suppositaliter terminauit, nouam denominationem, & rationem accepit. Vnde & vere & proprie appellatur humanum suppositum. Confirmationi negatur sequella. Probationi dicitur, quod verbi personalitas verbi humana substantia vere dicatur, satis superque fuerit, quod terminet, & compleat humanitatis dependentiā: ipsam quasi per modum formalis mediij trahendo ad ipsum esse personale verbi. Nam hac ratione simpliciter constituit suppositum humanū, multo altiori & eminentiori modo, quam ex humana natura, & ex propria & naturali eius personalitate constitueretur humanum suppositum. Nam ipsum verbi suppositum in se sustentās, & suppositās humanitatem, & quæ perfecte, imo & longe perfectius, & præstantius est suppositum humanum, & est homo, quam esset homo ille ex humana natura, & ex propria eius personalitate constitutus.

Quarto est notandum, quod suppositum alicuius naturæ duplex est. Alterum materiale siue physicū. Estq. illud, quod reuera sustentat talem naturā, vel formā, licet non explicet formaliter rationem talis formæ. V. g. Corpus est suppositum albedinis, quia sustentat albedinem, & subijcitur illi. Aliud vero est suppositum formale, quod non solum sustentat naturam, sed etiam in sua significatione explicat rationem illius formaliter. V. g. Albus non solum est suppositum
physicum.

physicum, & materiale albedinis, ipsam sustentans: sed etiam est suppositum formale, quia in ipsa significatione explicat naturam albedinis & sustentationis illius, & hoc suppositum solet appellari metaphysicum, siue logicum: eo quod secundum illud attenditur ordinatio prædicamentorum series, & coordinatio. Sic ergo filius Dei est suppositum naturæ humanæ, physicum tamen & quasi materiale tantum, quia de facto sustentat naturam humanam, sed non est metaphysicum suppositum; quia ipsam sua significatione, & in suo significato non explicat. At Christus formale suppositum est eiusdem naturæ humanæ, quia & de facto illam sustentat, & explicat formaliter substantiam in tali natura.

His suppositis, ut rem istam delucidus absoluamus, opere præteritum erit referre diuersa quæ de hac re circumferuntur theologorum placita. Est ergo prima sententia, quæ in vno extremo docet, Christi personam non esse compositam, neque id affirmari posse absque magna impropriate. Ita Scot. in 3. dist. dist. 6. q. 3. Gabr. eadem dist. quæst. 1. Marfil. in 3. q. 6. art. 3. Durand. ead. dist. 6. q. 3. Albertus Magnus ead. dist. art. 6. Ricard. art. 6. q. 3. Carthusian. q. 8. fauet Alex. Alen. in 3. p. q. 6. membr. 2. art. 4. 5. Inio & S. Tho. in ead. 6. dist. q. 1. in hanc sententiam propendit. Dicit enim quod compositio, quæ in Christi persona reperitur, non propria est, sed secundum quid.

Secunda opinio est, quod Christi persona composita quidem est, sed compositione tamen longe alterius rationis, ab ea quæ in omnibus rebus creatis reperitur. Vnde non debet, neque potest absolute cõcedi Christum esse personam compositam, sed cum addito nimirum. Si dicamus esse personam compositam ineffabili compositione, omnibusque imperfectionibus semotis. Docet hanc sententiam Caiet. 3. q. 2. art. 4. & ex theologis nouioribus reperiuntur non pauci, quibus eius sententia non displiceat.

Tertia denique sententia in alio extremo docet, Christum esse personam compositam: & ita absque vlla formidine & limitatione, Christum compositam personam esse appellandam.

Deinceps per subiunctas propositiones explicanda erit huius dubitationis veritas. Simulq; explicabimus quid de re ipsa censendum sit. Et quem loquendi modum in hac materia seruare debemus.

Prima Conclusio.

Non est contra fidem absolute negare Christum esse personam compositam, neque vero in hac sententia vlla erit temeritas. Censent huius conclusionis oppositum nonnulli ex modernis theologis, sed nimio certe cum rigore procedunt. Nam cum multi graues theolo-

gi, quos

gi, quos retulimus pro prima sententia, negent verā, & propriam, compositionem in Christi persona reperiri; nimius sane rigor est, tam graui censura illam sententiam subnotare. Sed dicunt autores quibus hæc tam grāvis censura placet, Concilia antiquiora grauissima sanctissimosque Patres verbis expressis docuisse, Christum ex duabus naturis humana & diuina esse compositum, vt ex referendis pro conclusione. 2. *hæc manifestum*. Ergo non poterit non esse ingens temeritas, si modo non est manifestus error, compositionem in Christi persona negare. Autores primæ sententiæ dicunt, Concilia, & Patres in illis loquutionibus, & definitionibus non rigurose de compositione definisse, sed in lata quadam & ampla, & minus propria acceptione, cōpositionis nomen vsurpasse. Pro vera, scilicet, & reali vnione duarum naturarum in vno, eodemque supposito, Et quidem quod hæc solutio non sit voluntaria, & irrationalis. Colligo ex concil. 1. Lateran. sub Maximo consultat 5. can. 6. sic definiente, Si quis non cōfiteatur secundum patres, proprie & secundum veritatē in duabus naturis substantialiter vnitus, in confuse, & indiuisē, vnum eundemque dominum, & Deum Iesum Christū, condemnatus sit. Et can. 8. Si quis secundum Patres non confiteatur, proprie, & secundum veritatem naturarum substantialē vnitionem, indiuisē & in confuse in eo cognitam, condemnatus sit. Et idem forte habetur in can. 7. præced. Ex quibus constat, quid debeamus credere, secundum Patrum doctrinam, & definitiones, & quæ fuerit eorum mens, cum dixerunt Christum personā esse in duabus, & ex duabus naturis compositam. Et quidem Sanct. & grauis hoc conc. intēdebat proponere, in hac parte patrū sententiā, & eam per modum explicationis denuo definire. Constatque ex his, quod patres, & concilia in loc. inferius citandis non de proprietate cōpositionis tractabant: sed id aduersus hæreticos Eutichetē, & alios grauissime definebant, in vna eademq; Christi persona duas reperiri naturas diuinā, videlicet, & humanā, & hoc quidem citra vitā ipsarum naturarum cōfusionem, sed seruatis omnibus vniuersque naturæ proprietatibus. Qui ergo hoc catholice confiteatur, nihil errabit aduersus fidem, neque contrarium quidpiam menti concilio, & Patrum dicet: si propter metaphysicas rationes, & quidem non in apparentes, asserit, in persona Christi non reperiri propriam cōpositionem: atque adeo nec Christum cum proprietate appellari debere personam compositam.

Sed & vltimus in defensionem primæ sententiæ, & autorum eius addendum esse de creui ex doctrina S. Thom. in prologo opusculi contra errores Græcorum, quod in definitionibus conciliorum debemus attendere finem concilij, & contra quas hæreses intendant concilia aliquam veritatē definire. Et ea quæ spectant ad cōsutationem ta-

lium hæresum, debent accipi vt definita secundum fidem. Alia vero, quæ asserunt concilia nõ necessario ad eas fidei veritates spectantia, quarum determinationem intendunt, non sunt accipianda, vt determinata secundum fidem? sed relinquitur semper aliqua probabilitas in opposito, si ex alia parte sint autoritates Doctorum, vel sãctorum. Prædicta ergo concilia directe intendebant damnare hæresim asserentium, vel duas personas in Christo, vel negantium duas naturas inconfusas in vnica subsistentia, & persona verbi: Et ita certum est secundum fidem, & quod in Christo est vnica tantum persona, & quod in hac vnica persona est duplex natura inconfusa diuina, & humana. Quod vero ex hoc resultet aliqua compositio, quæ sit vere, & proprie compositio, ad mentem conciliorum non attinet, Quia siue asseramus istam esse veram compositionem, siue negemus, semper manet integra veritas fidei, quod in vnica persona verbi vniuntur duæ naturæ realiter distinctæ, diuina, & humana. Quod ad Conci. & Patrum mentem per se, & directe tantum attinebat. Et quod hæc fuerit dumtaxat Sac. concil. intentio, ostendunt nobis definitio. eiusdem S. Synod. Lateran. 1. consulta. 4. can. 4. sed non consentitur sicut S. patres docuerunt vnitatem Dei verbi ad carnem, animatam anima rationali, & intellectualem secundum compositionem, id est, secundum subsistentiam factam. Ecce patrũ doctrinam, & mentem, quod, nimirum, compositionem vocant subsistentiæ vnitatem: ita quod duæ naturæ in vna persona, & secundum substantiam eandem subsistant. Expendatur illa declaratiua, Id est.

* aliàs, subsistentiam

Secunda Conclusio.

Christus vere, & proprie est persona cõposita ex duabus naturis humana, & diuina. Hæc cõclusio, quæ tertie opinionis autoribus grata est & probata, est sine dubio valde probabilis, quã re ipsa nõ negauerunt Cate. & alij qui eius sententiæ adhererunt: quin potius fatentur apertissime: de quorũ sententiã, postea dicemus nõ nihil. Estq; ista sententia ob id valde probabilis: qm̃ fauent ei sacra cõcilia, factiq; Patres: conuenitq; cū ipsis in ipso loquendi modo, In conc. enim generali 5. collati. 8. can. 4. sic habetur sancta Ecclesia vniõnem verbi Dei ad carnem secundum cõpositionem fatetur, quæ est secundum subsistentiã, & can. 7. dicitur, Christus duas habet naturas, ex quibus est compositus, & in Epist. Agathonis Papæ quam Patres in Concil. 6. generali actio. 4. magna cum veneratione susceperunt, expresse definitur christum esse ex duabus naturis compositum, Actio. 1. 1. in epist. Sophronij passim repetitur hæc veritas: vbi Sophronius Nestoriũ subcensuit, quod timens vbi non erat timor, formidauit vocare christum cõpositam subsistentiã, nos vero inquit, sensu viuiddistantes supra petram pietatis, fatemur Christum

Christū esse cōpositū, & act. 13. can. 6. vniuersi concilij Patres in hāc cōfluxere sententiā. In Cōc. cyr. Lac. hęc veritas sæpe repetitur. Consulta 4. can. 4. cuius verba ex parte retulimus, & can. 7. apertissimis verbis id definit. Et expēdatur, qđ cū multa dixisset de substantia verbi, in duab⁹ naturis humanitate, & diuinitate, quasi nouū aliquid addēs subiunxit. Ex quibus & cōpositus est: Ergo de vera cōpositione sunt accipiēda ista verba, alias non tam considerate addita fuissent. Quia totum, quod ad confutandas hęreses Nest. & Eut. necessariū erat, in p̄cedentibus expressum habebatur verbis. Sed quoniā hęc ponderatio videtur labefactare p̄cedentis conc. veritatē, Idcirco aduertendū esse duxi circa hęc Conc. verba, quod quia duo extremi errores in his Conc. cōfutabantur, Nest. qui personas distinguebat, & Eutich. qui confundebat naturas; ideo quibusdā verbis Conci. Eutich. dānabant, & alijs quibusdā Nest. Illa verba, Ex duabus naturis, & Eutich. respiciebant. Illa aut, ex quibus & compositus, Nest. vnde sēsus illorū verborū, qđ vltimo loco retulimus, is est, qđ vtraq; natura in vna eadēq; subsistit persona, & eadē subsistentia. Pōderētur ad huius persuasione postrem⁹ verba can. 4. Vnitio per cōpositionē in mystērio Christi non solū cōfusa, ea quę conuenerunt, cōseruat, sed nec diuisionem suscipit. Hęc S. Sy. Vide Consu. 5. can. 7. & 8. Patres grauissimi expressis sere verbis eadē sententiā docuerūt. S. Le. in Ep. ad Iul. dicit Christū cōstare ex tribus substantijs verbo, aīa, & carne. Christ. ho, 10. in Io. Iustin. lib. de recta fid. expos. Huic sēctię fauet Au. 13. de Tri. c. 17. aiens, qđ ex duabus substantijs facta fuit vna p̄sona, facta. i. cōposita. Et tract. 78. super Io. idipsū insinuat. Non dissentit magn. Greg. ho; 38. in Euang. S. Dionys. lib. 2. de diuinis nominib⁹ vocat hanc cōpositionem ineffabilē. Deniq; Cyr. Alex. in li. de inca. verbi. hāc ineffabilē vnitionē vocat adunationē. In Ep. vero ad Nest. cōpositionē, & copulationē appellat. S. Aug. nō modo cōpositionē, sed & Ep. 3. misturā eā vocat Dei & hominis, qđ modus dicēdi metaphoricus est, & nō admodū p̄prius, & ob id nō frequēti vsu p̄bāndus: ne occasionem quandoq; afferat errādi. Et idē est cēsēdū de modo quo Ter. li. de car. Chris. vtitur, vocās Christū hominē mixtū deo. Dam. li. 3. c. 3. 4. & 7. libentissime fatetur christū esse personā cōpositā. Sed rationibus cōfirmatur. Prima ratio. In christo est vnica persona, in qua realiter conueniunt duę naturę, humana, & diuina, nō confuse, & inordinate: Ergo faciūt verā, & propriā cōpositionē: atq; adeo christus est p̄sona vere & p̄prie ex duabus naturis cōposita. Probat urconsequentia. Nā vbi est multitudo rerū absq; cōpositione, nō pōt nō esse inordinata confusio: & res huiusmodi sua multitudine nihil aliud quā inordinatū, & confusum acerbū constituere poterunt. Secunda rō. Humanitas simplicior est quā Christus. Ergo Christus

compositam importat personam ex humanitate, & diuinitate. Nam diuina persona, nulla in ea cōpositione intellecta, multo simplicior est, quam humanitas. Antecedens vero videtur ex modo loquendi Concil. & Patrum citatis in locis colligi.

Tercia ratione id ipsum probō. Persona christi vna cū sit, si simul est diuina, & humana, quod sit diuina a deitate habet, quod vero sit humana ab humanitate: Ergo est vna persona ex humanitate & diuinitate constans: atque adeo composita.

Sed pro rationis huius intelligentia, & ad maiorem veritatis elucidationem in hunc modum argumentor. Ex natura humana & diuina non resultat vna persona, quæ sit omnino, & secundum rationem vna: nam est in christo duplex ratio subsistendi, duplexq; proinde ratio personæ, & ex consequenti sunt duæ personæ secundum rationem distinctæ, altera humana, altera diuina: Ergo formaliter loquendo, & considerando ipsam personarum rationem, non est in christo vna persona composita, nisi tantum materialiter: ad eum modum quo albedo, & dulcedo, eum reperiuntur in eodem subiecto, cōponunt vnum quale, quod est tantum materialiter vnum, & formaliter multiplex.

Per pauci sunt theologi ex quorum doctrina possit desumi exacta huius argumenti solutio. Quia paucissimi sunt, qui modum huius inefabilis compositionis explicent sufficienter: neque etiam secundum eam qualemcūq; rationem, quæ potest a nobis intelligi, & explicari: & si multi dicant eam esse veram & propriam compositionem. Ad eam explicandam vtuntur quandoq; illo exemplo a nobis nunc insinuatō de albedine, & dulcedine eodem subiecto inexistentibus. Quod certe exemplum plurimum est deficiens, & nescio an sit aliqua ratione conueniens. Nam cum manifeste constet, nullam ibi formalem compositionem reperiri, sed potius quandam adunationem, & coadunationem duarum qualitatum impertinenter se habentium inter sese, & quæ ex sola materiali identitate vnitatem participant: nullatenus exemplum illud potest accommodari huic compositioni, quæ perfecte distincta est, & non solum materialiter, sed secundum formales extremorum rationes est consideranda.

Quare ad argumenti solutionem, & ad explicandam hanc veritatem recurrendū est, id quod in 4. dicebamus notabili. Nimirū humanitatem ex vi hypostaticæ vniōnis assumi ad illudmet esse personale antiquo & æternū, qd̄ erat in diuino verbi supposito: Ita qd̄ verbum ea rōe qua suppositū diuinū est ex diuinitate & relationali verbi proprietate, vt morte nostro loquimur, constitutū, terminat vniōnem humanitatis ad ipsū. Quod sit, vt persona diuina, & persona humana in christo, & si rōe distinguatur nō tamē se habēt, vt personæ oī cōdistinētæ, nullū formale ordinem inter sese habentes. Sed seipsas in hac cōpositione mutuo includunt,

Personæ

Personae enim diuinae, dicere secundum se consideratae, non includat humanam: post hanc tamen indicibilem factam unionem, secundum illud, inter personale esse, quo est diuina persona, est etiam & humana: illud esse secundum propriam personalem subsistentie rationem, ita humanitati communicans, atque si esset forma & natura, sibi propria, & connaturalis. Non enim accidentalis ibi, sed pure substantialis, & unio & assumptio, & naturae per subsistentiam terminatio, interuenit. Personae vero humanae in Christo secundum propriam rationem talis personae diuinam intrinsece personam includit. Itaque non solum claudit intrinsece ipsam verbi personalitatem, ut terminum complementem, & terminantem humanitatis dependentiam: sed etiam includit ipsum diuinum verbum: prout est suppositum in diuina natura subsistens. Eo quod humanitas, ut dicebamus, ex vi unionis assumpta est, & quasi attrita ad ipsum inter esse personale verbi antiquum inconcreto consideratum. Supposita hac ergo coordinatione, quae inter ipsasmet formales rationes humanae personae, & diuinae personae reperitur, non erit admodum difficile aliquantulum intelligere modum, quo formaliter constat haec compositio, de qua loquimur. Consistitque, non in eo quod ex duobus naturis aliquid vnum tertium formaliter constitutum resultet, quod sit quantum totum quoddam formaliter ambiens, & complectens utramque naturam uti partes tui ipsius. Neque vero in eo quod personae, quae sunt secundum formales rationes duae, materialiter in vna entitate, aut in vna persona diuina copulentur. Sed consistit in quadam mutua, & reciproca communicatione utriusque naturae in eodem supposito. Quatenus, videlicet, diuinum suppositum, quod intrinsece in ratione talis suppositi claudit naturam diuinam, & prout illam includit, in eaque subsistit, induit ab humanitate formalem rationem humani suppositi: ita quod verbum, secundum quod in humanitate subsistit, specificatione loquendo, est humanum suppositum, & est homo. Natura autem humana habet à diuino verbo, in natura diuina subsistenti, & prout subsistenti, quod sit terminata, completa, & personaliter perfecta. Itaque diuinum verbum, prout in diuinitate subsistit, tribuit personae humanae rationem personae, & suppositi substantialis. Ab humanitate vero habet, quod sit suppositum humanum formaliter in ratione humani. Quocirca Christus absolute loquendo utrumque complectitur, & quod si diuinum suppositum à diuinitate, & quod sit humanum ab humanitate: & haec mutua commixtio (si ita fas est loqui) constituit perfectam compositionem. Quae tanta est, & ita intima, ut patres grauissimi. Tertul. & Aug. quos retuli paulo ante. Et Sophr. etiam praecipat eam ob istam causam misturam Dei, & hominis nuncuparent. Estque adeo excellens compositio ista, ut sit ineffabilis, & ab intellectu creato vix intelligibilis, etsi utrumque de illa ad modum nostrum, altiore qua possumus ratione, loquamur.

Ex his sequitur. Primo quod in hac cōpositione non intelligitur aliquod totū, quod per modum formalis rationis superioret, duas, has complectatur naturas diuinam, scilicet, & humanam. Patet quoniam cōpositio non consistit in hoc quod ex duabus naturis, humana, & diuina, resultet aliquod totū cōpositum, superius ad utramque naturam; sed in eo, quod utraq; natura per se concurrat ad cōstitutionē vnius humani suppositi, secundum quod est tale suppositū humanum.

Secundo sequitur quod tota cōpositio, quæ in Christi persona reperitur, cōsideranda est in ipso Christo prout est talis persona humana, quatenus, videlicet, à diuinitate habet quod sit subsistēs persona, ab humanitate vero quod sit humana, itaq; nō cōsideratur cōpositio in eo solū, quod in Christo reperitur duplex ratio, subsistentia, & duplex ratio, personalis; sed in eo quod utraq; ratio est inter se secundo prædicto cōnexa, secundū proprias personalitates, & subsistentia rationes, & sic vñ cōstituant Christū: qui dū sit simpliciter vnus, duas prædictas interinsec, claudit subsistentia rationes. Et hoc in sinuauit Later. Concil. verbis illis dudum citat. ex canon. 4. cōsul. 4. Sed neque diuisionem suscipit, &c. Itaque etiam si formalissimè loquamur non ita sunt distinguendæ duæ subsistentia rationes, vt totaliter secundum rationem, separentur, sed mutuum potius inclusionem habent in Christo. Et ex hoc cōtrollatio constat argumenti facti solutio. Dicitur enim quod tota cōpositio cōsideratur in vna Christi persona, scilicet, in persona humana, secundū quod est talis humana persona, quæ in suo esse personali intrinsece claudit personam diuinam, & subsistentiam diuinam, imo & naturam diuinam. Et in hoc sensu est intelligenda secunda ratio, quam pro conclusione fecimus.

Quarto sequitur ex omnibus dictis, quod in formali significato huius vocis, christus, importatur tota hæc cōpositio à nobis explicata. Quoniam hoc ipso, quod Christus importat totale suppositum humanum, necessarium est, quod per modū naturæ denotet humanitatem, & ex parte suppositi per se includat diuinum verbum, vt absolute & simpliciter subsistens in natura diuina suam subsistentiam humanitati cōmunicans. Vnde vere dicitur quod totale significatum huius vocis, Christus, est diuinum verbum homo, seu Deus homo. Et etiā verissimū est, quod Christus importat formaliter vñctū diuino substantiali oleo: quia importat in suo significato, verbum diuinum prout communicat suā subsistentiam humanitati, eamq; in semetipso personaliter sustentat. In quo sita est excellens, & ineffabilis vñctio.

Tertia Conclusio.

Vere & proprie dici potest, reperiri in Christo cōpositionem ex diuino

diuino supposito & ex humanitate, vt ex duobus extremis. Ista conclusio magna ex parte constat ex dictis circa conclusionem precedentem, in qua totam compositionem, quæ est in persona Christi ex diuinitate tanquam ex vno extremo, preduximus ad hoc, quod diuinitas ex eo est per se extremum compositionis, quatenus est forma substantialis diuina in qua verbum subsistit, & ex qua, (vt ita more nostro dicamus) verbum habet eam subsistentiam, quam humanitati communicat: ergo compositio præcipua, quæ in Christi persona reperitur, immediate consideranda est, non ex diuinitate tñ humanitate, sed potius ex diuino verbo, vt est in diuinitate subsistens. Confirmatur: humanitas nō vnitur immediate diuinitati sed verbo: ergo verbū est extremū ex quo immediate cōsurgit cōpositio, q̄ in Christo reperitur.

Secundo probatur: Inter formam accidentariam, & subiectum reperitur compositio quædam, quatenus accidens sustentatur in subiecto: ab ipsoque recipit esse, & subiectum recipit qualificationem, & denominationem ab accidenti: Ergo in mysterio incarnationis reperitur compositio inter humanitatem & diuinum verbum, quatenus humanitas sustentatur supposititaliter in verbo in ipsoque & ab ipso habet totum suum personale complementum: & diuinum verbum habet ab humanitate, quod sit suppositum humanum, & quod sit homo.

Sed aduertendū est primo, cōcilia & patres duplici ex causa olim nō meminisse huius compositionis, sed de ea tantum fecisse mentionem quæ ex humanitate, & diuinitate constat, Prima. Quoniam non tam attendebant ad explicandam compositionē, quæ in Christi persona reperitur: quam ad confundendos hæreticos, qui vel duas in Christo constituebant persona humanam scilicet, & diuinam realiter inter se distinctas. Vel duas naturas humanam, & diuinam in vnam confundebant. Et vt errorē vtrumque simul extirparent, desinuerunt vnam & eandem christi personā cōpositam esse ex duabus naturis humanitate, scilicet, & diuinitate. Secunda. Quoniam compositionis proprietas in eo magis apparet, quod ex duobus extremis vnum constituatur, quod ab vtroque extremorum aliqua ratione distinguatur. Hoc autem in compositione qua vna Christi persona ex duabus constat naturis omni cum proprietate reperitur, sunt enim duo extrema realiter distincta, humanitas, nempe, & diuinitas. Estque vnum qualiter tertium, puta, persona christi, quæ ab humanitate realiter distinguitur, humanitas enim non est christus. Et a diuinitate eatenus differt, quatenus humanitatem includit. Quæ distinctio non potest appellari realis, est tamen ad veram & propriam compositionem sufficiens. In compositione quæ est inter humanitatem, & verbū, & si reperiamus duo extrema realia &

realiter distincta: non tamen inuenimus vnum ex duobus constant. Sed reperimus duntaxat, vnum extremum ad alterius esse elenacū & assumptum. Sed est nihilominus hoc sufficiens ad veritatem compositionis, quatenus ita vnum extremum ad alterius esse assumitur, scilicet, humanitas ad esse verbi, quod verbum ab ipsa humanitate accipit etiam quod sit humanum suppositum, & quod sit homo. Et in hac mutua acceptione vnius extremi ab alio, vera cōstat compositio. Acceptionem voco, ne dependentiam appellem.

Secundo est aduertendum, quod hæc secunda compositio nō est simpliciter distinguenda a compositione prima: nam verbum & diuinitas ex vno extremo se tenent. Diuinitas enim, vt circa primā conclusionem dicebam, ad compositionem personæ Christi concurrit, quatenus cum ipsa personali verbi proprietate vnam diuinam personam constituit: datq. ipsi personæ infinitam vim personalem, quæ potens est extraneam naturam, humanam scilicet, personare & sustentare.

Tertio notandum, quod nisi verbum ab humanitate acciperet quod esset humanum & homo, quantumcumque humanitas a verbi substantia perficeretur, non esse posset vera compositio inter humanitatem & verbū. Quia totum compositū postulat, vel, quod ex veroq. componentium vnum tertium resultet, vel, quod extremum vnum aliquid ab alio accipiat, & e contra: nam hac reciproca dependentia semota perficeretur: quidem vnum ab altero, sed compositio non erit.

Quarta Conclusio.

Inter humanitatem Christi & diuinam verbi personalitatem non est propria compositio. Contrarium huius conclusionis docent quidam graues theologi ex modernis, quorum sententiæ olim ego libenter annuebam, vt ex cōmentarijs nostris ad 3. S. Tho. p. quæ in quotidianis prælectionibus edidimus in insigni nostra Salamanticensi Academia constare poterit. Sed re melius perspecta, quartam hanc decreui conclusionem statuere quam probo. Primo, ex eo quod huius compositionis apud theologos antiquiores vix aliqua reperitur facta mētio. Duran. in 3. dist. 6. q. 4. eius obiter meminit. Quam tamē propriam compositionē esse negauit. Concessit quidem in Christo compositionem personalitatis verbi cum humana natura: quam ipse se vocat compositionem cum ijs, negauit tamen compositionem ex humanitate & ex personalitate verbi, quam appellauit compositionem ex ijs. Loquiturq. proportionabiliter ad eorū modū, quo Ferrariens. lib. 2. contra gentes. c. 54. docet reperiri compositionem in

qualibet natura creata inter essentiam, & esse: quam dicit esse compositionem Cum ijs, & non Ex his. Sed quicquid sit de hoc dicendi modo Durandi, quem magis probabilem reputarem, si de sola compositione ex humanitate & verbi personalitate loqueretur, & sermonem non extenderet ad compositionem ex humanitate, & diuinitate. Probatur secundo nostra conclusio. Personalitas verbi non habet rationem extremi in compositione, qua Christus dicitur persona composita: non ergo proprie in Christo reperitur compositio ex humanitate & personalitate verbi. Consequentia est manifesta: & antecedens probatur. Personalitas verbi tantum se habet ut medium, quo humanitas trahitur ad ipsum verbum, quod est suppositum humanitati sustentans: Ergo non habet rationem alterius extremi componendi cum humanitate. Confirmatur. Et si inter accidens, & subiectum cui inhaeret vera reperiatur compositio, non tamen inter ipsum accedens, & quantitatem, qua mediante inhaeret subiecto: eo quod quantitas non est subiectum sustentans ipsum accedens, & a quo accipit esse, sed est medium quo accedens coniungitur, & copulatur substantiali subiecto, cuique inhaeret. Sed, ut dicebamus superius, ad eum modum se habet personalitas verbi in hac substantia, & mirabili vnione humanitatis ad verbum, quo se habet quantitas in materiali, & imperfecta vnione accidentis ad substantiam: ergo proportionabiliter loquendum est de utraque vnione, quod attinet ad compositionis rationem. Itaque personalitas terminat humanitatem in hypostatica vnione ut Quo, verbum autem ut Quod. Compositio autem non cum terminante, Quo, sed cum terminante, Quod, considerata est. Quia terminus, Quo, non tam extremi quam formalis, aut quasi formalis medium rationem sortitur. Qui tamen contenderet non nihil compositionis inter humanitatem, & verbi personalitatem reperiri, neque quidpiam diceret improbabile, nec ego ei refragarer. Quia tantum contendo non ibi proprie, & simpliciter inueniri compositionem.

Est tamen aduertendum, quod siue compositionem inter humanitatem, & verbi substantiam & personalitatem admittamus, siue non: absolute tamen fateri debemus, quod humanitas & diuinitas vniuntur secundum substantiam. Ita quod eadem substantia utraque natura subsistit.

Hactenus explicauimus quid de Christi compositione secundum rem considerata censeretur debeat. Necessum est deinceps explicemus, quem modum loquendi in hac materia seruare debeamus. Oportet enim in re tan gratui magna cum proprietate loqui. Quia in re tres inuenio sententias. Prima dicit negandas esse absolute has propositiones, Christus est compositus, Filius Dei est compositus. Ita sentit Caiet. 3. par. loc. cit. & multi docti cum eo, & probant, Hac regula, quam

quam dicunt esse omnino obseruandam in incarnationis mysterio, atq. mente reponendam. Quando aliquod prædicatum indifferenter potest conuenire naturæ & supposito, si includat repugnantiam ad diuinum suppositum, non potest affirmari de Christo, & multo minus de filio Dei, nisi reduplicetur ex parte subiecti humanitas propter quam conuenit. V. c. Non potest concedi, quod Christus incipit, vel incepit esse, nisi dicamus in quantum homo. Ex hac regula sic arguitur. Esse compositum indifferenter potest conuenire naturæ & supposito: & intrinsecam dicit repugnantiam ad simplicitatem suppositi diuini: Ergo, &c.

Secunda sententia, quam sequitur Mag. Medina 3. par. q. 3. art. 4. dicit, quod hæc propositio, Christus est compositus, est absolute concedenda. Ista vero, filius dei est compositus, absolute est neganda. Probat, quia hæc vox, compositus, appellat superformale significatum subiecti: Ergo in hac propositione Christus est compositus, appellat supra humanitatem, & ex consequenti est vera propositio. In hac vero, filius Dei est compositus, appellat supra deitatem, atque adeo est falsa.

Tertia sententia docet in alio extremo ytramque propositionem esse concedendam. Ita docent quidam moderni theologi. Ad huius rei explicationem sit.

Quinta Conclusio.

Hæc propositio Christus est compositus, seu est persona composita, vera est & propria, atque adeo absolute concedenda; quamuis sapienter & prudenter faciet qui addiderit limitationem explicitam a Caiet. nimirum, quod est compositum eminenti & ineffabili compositione. Prior conclusionis pars contraria videtur sententiæ Caiet. & si fortassis Caiet. non tam ad rigorem sermonis attenderit, quam ad optimam cautelam, quam cum loquimur de diuinis, consilium est adhibere: vt non solum re ipsa, sed explicatione etiam adhibita omnem a rebus, de quibus loquimur, imperfectionem auferamus. Sed iam probatur prima conclusionis pars. Concilia & Sancti Patres absque vlllo additamento, & citra limitationem vllam concedunt Christum esse compositum. Et esse personam compositam. Et frequenterissime tum Concilia, tum Patres dicunt Christum esse vnum ex & diuinitate & humanitate constantem. At imitari debemus modum loquendi Conciliorum & Patrum. Neque vero credendum est in eorum loquutionibus, in illis præsertim, quibus tam frequenter, tamque ex professo veuntur, vllam interuenire sermonis impropriatatem: Ergo &c.

Secundo probatur. In Christi persona reperitur vera & propria compo-

compositio: Ergo absque vlla improprietate dicere possumus, Christum esse personam compositam, quid ni? Nam ab eo quod res est, vel non est, propositio dicitur vera vel falsa, & similiter ex reali proprietate rerum, proprietas loquutionum consurgit, si terminis accommodatis utamur.

Dices, quod quia omnis compositio, quā in creaturis inuenimus, potentialitatem & imperfectionem habet admistam: idcirco nisi addamus aliquid, quo imperfectionem totam, & totaliter ab hac compositione secludamus: non possumus dicere Christum esse compositum. Quia sermo fiet de compositione imperfecta, eo quod termini nostri accommodati sunt ad significandas res, secundum eum modum quo ipsas in creaturis experimur. Respondetur, quod ex hac obiectione colligi potest satis verosimiliter secunda nostræ conclusionis pars. Non autem sufficit hæc obiectio ad hanc primam partem infirmendam. Nam certe si hæc argumentatio aduersus conclusionem nostram quicquam efficeret, probaret etiam nullum nomen ex creatis desumptum effectibus accommodari posse ad significandum diuinum. Itaque non proprie diceremus in Christo esse iusticiam, misericordiam, sapientiam &c. Quoniam hæc omnes perfectiones in rebus creatis imperfectiones & potentialitates habent admistas. Quo circa ad argumentum respondetur ex doctrina S. Thom. 3. par. quæst. 13. artic. 3. ad 1. quod licet nomina quibus utimur, ex effectibus creatis imperfectis sumantur, quædā tamen sunt quæ ex parte rei significant nullam imperfectionem intrinsecam designant: eo quod rationes importatæ per eiusmodi nomina abstrahunt a deo & creaturis; vt entitas, bonitas, &c. Vnde nomina quæ has rationes in comuni, & absolute significant, prædicari possunt de Deo. Proportionabiliter ergo in præsentia dico, quod licet compositio hominis quæ in puris creaturis reperitur imperfecta sit, non tamen est de esse compositionis hæc imperfectio: atq. adeo poterit in Christo reperiri compositio sine imperfectione, & ista vox, compositum, abstrahit in suo significato a composito perfecto & imperfecto, & ita vere & proprie dicitur Christum esse compositum. Non negauerim in hac compositione imperfectionem aliquam inuolui, sed illa tota setinet ex parte humanitatis, quæ perficitur. Quamuis qui velit negare in perfectionem vllam hic reperiri, nihil dicere improbabile. Quia licet humanitas imperfectionem in suis ratione claudat, eam tamen ad hanc compositionem minime refundit: quoniam humanitas in altero compositionis extremo nullam ponit imperfectionem, & si denominationem imperfectam ei tribuat, scilicet, esse humanum. Ipsa vero a diuini verbi substantia perficitur quam plurimum, & nullam imperfectionem accipit.

Secunda pars conclusionis noua probatione nō eget. Nam ex obiectione facta manet comprobata, si tamen addamus, quod compositio vt in plurimum videtur designare vnionem factam ex partibus, quarum altera est potentialis, & altera formalis. Vnde compositio solitarie sumpta videtur malum, idest, imperfectum, sonare: atque adeo optima cautela erit per aliquod additamentum hanc imperfectionem penitus a Christo secludere.

Ad illud argumentum ex regula a Cajet. præsutura desumptum. Respondeo, quod illa regula non est accipienda in sensu a Cajet. & ab alijs primæ opinionis auctoribus exposita. Sed verus sensus est iste, quod quando prædicatum aliquod non potest verificari de Christo nisi ponendo in perfectionem in supposito, tale prædicatum non potest absolute de Christo affirmari, sed vtendum est illa specificatiua, secundum quod homo, V. c. non possumus absolute concedere, illam enuntiationem, Christus incepit esse. Quoniam illud verbum, Incepit, absolute prolatum denotat totalem inceptionem: quæ magnam in diuino supposito imperfectionem ponit. Vnde dicendū est, quod Christus in quantum homo incepit esse. Cæterum illud prædicatum compositus absolute prolatum non inducit imperfectionem diuino supposito. Nam ea imperfectio, quam importat verificari potest sufficientissime ex parte naturæ humanæ, quæ per hanc ineffabilem compositionem mutatur. Imo, vt dixi, satis est probabile nullā etiam ex parte naturæ imperfectionem interuenire. Quia mutatio naturæ humanæ perfectionem ei affert, & nequaquam imperfectionem, et si ipsa natura imperfecta sit, & quidquid mutationis est in ipsa ex parte eius imperfectioni sit obnoxia. Sed hæc imperfectio materialis est & non pertinet ad formalem huius compositionis rationem. Ex qua totum quod resultat in humanitate magnam ei perfectionē inducit. Et cū fiat sine informatione & inhaesione, nulla ex parte alterius componētis, puta, diuinitatis seu verbi, imperfectio contingit. Sed inenarrabilis & intelligibilis ab humano intellectu perfectio, & mirabilis consummatio, & vltimum humanitatis adimplementum.

Sexta Conclusio.

Probabilis est sententia, quæ dicit hanc propositionem, filius Dei est compositus, veram esse & absolute concedendam, sed probabilior apparet sententia opposita. Probatur prior concl. pars. Per cōmunionē idiomatū ea quæ dicuntur de Christo, dicuntur de filio Dei, sed de Christo cōceditur, quod est persona composita: ergo id ipsum absolute concedi potest de filio Dei. Argumentum quod auctores secundæ sententiæ ex appellatione huius vocis, compositus, contra hæc senten.

Sententiam informā, facile dissolui potest ex regulis dialecticis, quibus perscribitur inter terminos a parte diuersorum extremorum locatos appellationem non fieri. Sed aduertat is cui hęc placuerit sententia, quod illa cautela, quam diximus conclusionē pręcedenti cōuenienter esse adhibendam in illa propositione Christus est compositus, multo cōuenientius (si non necessario) apponenda est huic nunciationi, filius dei est compositus.

Secunda pars conclusionis Probatur, istud nomē, compositus, etiā positum a parte alterius extremi, appellat, seu applicat compositionem ad formale termini supra quem fertur. Ergo in hac propositione, filius dei est compositus, applicatur cōpositio ad formale significatum huius termini, filius dei : atque adeo ista propositio falsa est & heretica. Probatur a. recedens. Hęc propositio est verissima, Homo est compositus ex corpore & anima rationali, hęc autem animal est compositum ex corpore & anima rationali, vel est falsa, vel saltem omnino impropria. Hoc autem non est propter aliud, nisi quia illud prędicatum, compositus, in priori enunciatione applicat compositionem ad formale significatum hominis, & in propositione posteriori ad formale significatum animalis. Et quidem licet secundū regulas dialecticas non contingat appellatio inter terminos diuersorum extremorum, contingit tamen formalis applicatio, quę appellationi æquiualeat. Vnde concederent dialectici hanc propositionem in Petri generatione, Petrus est terminus generationis, negabunt tamen istam, homo est terminus generationis, propter diuersam applicationem quam facit illa vox, terminus.

Argumentis a principio positis oportet satisfaciamus, vt hęc disputatio de compositione Christi maneat absoluta.

Ad primū argumentum varie respondent theologi : Quidā enim absolute negant, in hac compositione alteram partem habere rationem actus, & alteram potentię : Et dicunt hoc minime necessarium esse ad compositionis essentiam, nisi quando compositio fuerit omnino imperfecta, id est, ex partibus cōstans : ex quibus aliquod vnum totum tertium resultat. In hac autem compositione non resultat aliquod totum, quod, vel realiter, vel formaliter a componentibus distinguatur, & quod se habeat vt totalis, & superior forma respectu componentium : sed vnum componentium trahitur ad esse alterius. Et non solum hoc, sed, vt dicebam. superius, ipsi cōponenti ad cuius esse trahitur communicat suum esse formale. Humanitas enim verbū a quo assumitur, humanum constituit. Et in hac mutua & alterna cōponentium communicatione consistit proprietas huius ineffabilis & indicibilis compositionis. Aequiualeat enim resultantię qua totū ex utraque parte resultat, & confurgit. Nam sicut vtręq. pars com-

ponens totū entitatem propriā ad esse totius accommodat. Et singulæ partes seipsas mutuo in toto perficiunt. Ita in hac mirabili cōpositione alterum componens confert alteri suam entitatem, & perfectiōnē, & si non se mutuo perficiant. Quia licet humanitas det verbo, quod sit humanum, & homo: non tamen illud perficit. Sed hoc non tollit rationem cōpositionis, quia non ex eius defectu prouenit, sed ex maxima verbi perfectiōne. Hæc autem communicatio ex utraque parte contingit absque vlla imperfectiōne, Quoniā verbum accipit esse humanum abq. vlla informatione, & absque vlla perfectiōne sibi intrinseca nouiter acquisita: humanitas similiter, & si valde perficiatur ab ipso personali esse verbi, ad quod assumitur: nō tamen perficitur per inhærentiam & informationem: in qua ipsa humanitas rationē habeat materiæ, aut potentiæ. Sed mirifica & inexplicabili vnione soli purissimo actui, infinitoq. esse, propria.

Ceterum alij theologi dicunt cum Caiet. 1. par. q. 3. art. 8. ad omnem veram cōpositionem quatuor requiri. Primum, quod cōponentia sint realiter distincta, Secundum quod realiter vniantur & cōpulentur. Tercio quod realis eorum vnio non sit, vel, secundum extrinsecam habitudinem, vel, secundum situalem dispositionem duntaxat: sed in aliquo vno esse reali. Quarto deniq. quod alterum cōponentium rationem habeat actus, & alterum rationem potentiæ. Tunc dicunt hi theologi, quod diuinitas habet rationē actus in hac cōpositione & humanitas rationem potentiæ: eo quod humanitas vere perficitur per diuinum esse. Sed duo addunt isti autores. Primum, quod nomen actus in præsentia accipitur largo modo, vt non solum designet actum per informationem actuātem: sed etiam actum per realem & intimam assistentiam perficientem, terminantem, & complentem: & qui proprius habet rationem termini, quam rationem actus. In quo posteriori sensu diuinitas locū actus habet in hac cōpositione, & humanitas locum potentiæ. Quatenus ab isto actu terminatur, completur, eleuatur, & perficitur. Secundum est, quod diuinitas non immediate & se ipsa in ratione diuinitatis est actus humanitatem perficiens, sed mediante supposito verbi quod est terminus terminans, & complens humanitatem communicans illi suum esse personale. & mediante personalitate verbi vt termino, Quo. Hæc posterior solutio mihi magis placet: & si prior non sit contemnenda, Nā cum tota perfectiō, qua humanitas perficitur in vnione ad verbum, non informet ipsam humanitatem, sed se habeat per modum terminantis: non oportet constituamus rationem potentiæ in humanitate, quæ per verbi subsistentiam perficiatur & actuetur.

Ad confirmationem ex dictis constat solutio. Dicitur enim, quod hæc cōpositio non constat ex partibus, quæ, vel, inter se se mutuo

pendeant, vel, ab ipsis pendeat compositum ex eis resultans; quoniam non reperitur hic tale compositum. Sed hæc compositio fit ex eo, quod Deus, qui purissimus est actus, seipsum humanæ naturæ communicat citra informationem ullam; atq; adeo omni imperfectione semota.

Ad secundum. Respondeo primum, quod suppositum nequit componere cum ea natura, quæ simul cum personalitate ipsum intrinsece constituit. Vnde verbum cum diuinitate nullam facit compositionem. At non repugnat supposito in ratione suppositi, quod cum alia extrinseca natura compositionem faciat. Communicando ei proprium esse personale, & accipiendo ab ipsa essentialem ipsius naturæ rationem, & ita in præsentia contingit, vt ex dictis constet. Quod vero suppositum creatum huiusmodi compositionem constituere nequeat: non prouenit ex ratione suppositi, vt sic. Sed ex tali ratione, quæ propter sui imperfectionem, & limitationem, nequit extraneâ terminare, & suppositare naturam. An vero possit secundum absolutam Dei potentiam, non vacat hoc loco definire. Affirmauit Scot. in 3. d. 1. quæst. 4. & cum eo non pauci. Negauit vero S. Doct. 3. p. q. 3. art. 1. ad 3. Et eius sententiam probant grauissimi theologi. Quibus ego libenter assentio: Eo quod terminare, & personare naturam non est opus instrumenti, sed termini, qui sua virtute substantiali vim habeat non limitatam, & coarctatam ad certum entis genus, & speciem, quod soli deo competere potest. Hæc ratio quæ pro hac sententiâ apparet mihi præcipua, nõ est a calumnia immunis, sed de hac re alias.

Ad tertium. Respondetur Primo quod in compositionibus accidentalibus subiectum absolute est idem cum toto composito, & de illo præcidatur, album enim componitur ex corpore, & albedine, & tamen hæc est vera, album est corpus. Hæc autem compositio in incarnacione, licet non sit facta secundum vnionem accidentalem duarum naturarum, sed potius secundum vnionem substantialem, vt superius grauissimis Patrum testimonijs ostendimus. Absque dubio tamen habet aliquam effigiem vnionis accidentalis. Eo quod natura humana vnitur verbo diuino complete subsistenti in sua natura.

Secundo Respondetur & melius, quod in compositione, quæ tantum fit secundum rationem numeri, non est inconueniens quod aliqua ex partibus numeratis sit omnino idem cum composito, quia compositio tantum consistit in numero, id est, in hoc quod duæ naturæ realiter distincte vniantur, & numerentur in vnico supposito. Hæc autem numeratio duarum naturarum equaliter fit, siue natura diuina realiter distinguatur a supposito christi siue non, & quia neq; realiter, neq; formaliter ab ea secernitur, idcirco, & inconcreto & in abstracto de ipso prædicatur.

Ad quartū argumentū sigillatim dicendū est, de illis duabus propositionibus in antecedenti assumptis. De priori quidē. Christus est factus, dicendum est eam non esse catholicā, atq; adeo absolute fore negandam. Et ratio falsitatis propositionis huius ea est, qd terminus a parte subiecti positus, materialiter est accipiendus: atque adeo factio applicatur ad materiale illius termini, Christus, vnde fit sensus quod suppositum Christi est factum, qui sensus est hæreticus. Sed instat quispiam. Hęc propositio est vera, Christus fit, considerando instanti generationis humanæ Christi: Ergo hæc etiam erit vera, Christus est factus, transacto illo primo generationis Christi instanti: id enim quod fit, transacto ipso factionis instanti factum est, & dicitur. Similiter hæc propositio, Deus factus est Christus, est vera, ergo & ista Christus est factus. Item hæc propositio homo Deus est factus, est vera: ergo & ista est vera Christus est factus. Patet consequentia. Nam Christus, idem importat quod Deus homo.

Huic argumento oportet respondere explicando breuiter singulas propositiones. Primam quidem propositionem, Christus fit, concedunt aliqui theologi, sicut concedunt istam, Christus generatur, pro eodem illo instanti incarnationis Christi. Alijs vero theologis hæc propositio apparet omnino falsa. Quoniam, inquit, qui hæc propositionem concesserit, necessum est etiam concedat aliam, scilicet, Christus est quid factum. Quæ propositio est omnino falsa: Quoniam Christus a parte subiecti positus, sumitur materialiter supponiturque pro Christi supposito, quod improductum est, & increatum. Sed breuiter dico, quod hæc propositio in rigore sermonis non apparet falsa. Quoniam reuera eadem omnino videtur ratio de ista propositione, Christus fit, atque illa Christus generatur, vt autores primæ opinionis dixerunt. Est enim generatio, quædam species factionis (loquimur namque de generatione christi humana.) Fateor non esse ineptum discrimen illud, quod inter has duas propositiones assignant theologi, qui censent propositionem istam falsam esse, & absolute explodendam, videlicet, quod generatio sua natura importat mutationem, quæ se tenet ex parte formæ, & naturæ, quæ de nouo acquiritur: christus autem humana generatione acquisiuit sine dubio formam nouam, & naturam, nimirum, humanam. Fieri vero denotat totalem subiecti acquisitionem, & productionem: quæ non potest Christo competere. Sed quamuis hoc discriminē bonam habeat apparentiam, non tamen videtur necessario admittendum. Quoniam fieri, generaliter sumitur, amplamque habet acceptionem; neque necessum est, vt importet totalem subiecti mutationem. Alias enim cum Petrus, qui ante existerat, de nouo albescit, non vere diceretur fieri albus. Dices quod limitatur factio, & mutatio importata per verbum

*De hoc vult respondere
et de lege etc. ad h.
3. q. 1. ibi dicitur qd
factio. Generatur
factio. i. q. 4. dicitur
non potest huiusmodi
fieri*

in prædicta enunciatione sumitur formaliter, ut importat naturam humanam. Et hoc præcipue ob id verum esse crediderim, quia hæc vox Christus, & si terminus sit singularis, sicut Petrus, habet tamen quandam modum termini connotatiui, qui a parte, subiecti positus materialiter sumitur, a parte vero prædicati sumitur formaliter. Et quod præfata propositio sit vera, ex eo etiam colligo: quod ista propositio est falsa: Deus ab æterno fuit Christus: Ergo ista debet esse vera, Deus incepit esse christus, & per locum a fortiori erit vera ista, Deus factus est christus.

De tertia propositione, nimirum, Deus homo factus est, non conuenit inter graues theologos, vera ne sit, an falsa. Caiet. 3. p. q. 16. artic. 7 quem sequitur Medina ibidem, putant hanc propositionem esse falsam; & conantur dissoluere argumentum, quo in hunc modum probatur vera illa propositio. Si demus Petrum antea extitisse in rerum natura, & quod modo per primum sui esse sit albus, bene valet hæc consequentia, Petrus sit albus, Ergo Petrus albus sit, Verificatur enim istud consequens, eo quod subiectum non est solus Petrus, sed Petrus albus, qui modo sit de nouo, quoniam Petrus albus antea numquam fuit. Ergo similiter bene valet: Deus factus est homo. Ergo Deus homo factus est atque adeo sicut antecedens est verum, ita & consequens, Hoc inquit argumentum autores prædicti dilluere admittuntur, neuter tamen in eius solutione proficit, sed uterque vim argumenti eludit. Vnde ego cum quibusdam alijs theologis existimo hanc propositionem re ipsa veram esse, & catholicam. Sed nihilominus arbitror non esse, hac & similibus propositionibus libere vtendum, quoniam præferunt prima specie consideratæ sensum parum catholicum, & ad Arrianum errorem tendentem.

Circa aliam propositionem, Christus est creatura. Notandum, quod quamuis vtrumque possit defensari in rigore sermonis, ut existimat Caiet. 3. p. q. 16. a. 10. multo tamen probabilius asseritur, illam esse falsam secundum rigorem sermonis, ut docuit S. Tho. Et probatur hoc, quoniam hæc dictio, creatura, secundum proprietatem vocis, idem pollet, quod ens non habens esse ex semetipso, sed ab alio; hæc autem negatio inclusa in ista voce habet magnam repugnantiam ad illud subiectum, christus, de quo fatendum est, quod est ens habens esse a semetipso: Ergo, &c. confirmatur. Creatura in suo conceptu formali denotat ens, quod non habet esse per essentiam, sed per participationem, christus autem simpliciter est ens, habens esse per essentiam. Ergo, &c.

Sed est argumentum pro sententia opposita. S. Thom. 3. p. q. 16. a. 10. ad. 1. ait quod hæc vox, creatura, communis est ad naturam, & ad suppositum: ita quod vtræque hæc propositio est vera, humanitas est creatura,

creatura, & homo est creatura. Ergo illa propositio Christus est creatura, potest verificari, quatenus dictio, creatura, accommodatur ad naturam humanam Christi, sicuti hæc propositio, Christus est mortuus, verificatur ex eo, quod mori accommodatur Christo ratione humane nature.

Respondetur, quod, creatura, est quasi nomen transcendens, designat enim ens non habens esse a seipso. Ex quo sequuntur duo ad nostrum propositum. Primum, quod potest convenire substantiæ, & accedenti, concreto & abstracto, eo quod est terminus transcendens oë genus. Secundū est, quod negatio inclusa in hoc termino, creatura, fertur supra totum significatū illius vocis, de qua prædicatur. v. g. In hac propositione, Petrus est creatura, negatio inclusa in illo termino creatura, scilicet, non habens esse a seipso, fertur supra totum Petrū, id est, supra naturam, & supra suppositum Petri. Probatur hoc, quia illa negatio cadit immediate supra transcendentem entis rationem, quæ complectitur, & naturam, & suppositum, accidens, & substantiam, & omnia: Ergo negat totum significatum illius vocis, de qua prædicatur hic terminus creatura.

Ex his tandem sequitur, qđ in hac propositione, Christus est creatura, negatio inclusa in termino creatura, negat totum, quod importatur per subiectum, Christus, siue suppositum, siue naturam, atq; adeo propositio illa falsa est, & Arriana.

Ad argumentum ergo, negatur consequentia, nam ille terminus creatura, licet indifferenter possit prædicare de supposito & de natura propter sui transcendentiam, tamen propter eandem transcendentiam cuicunque termino adiungatur, applicat totaliter suam negationem: itaque negatio æque cadit supra suppositum, & supra naturam.

Multa possemus huic addere disputationi, præsertim circa ipsam unionis hypostaticæ terminum, & circa propriam unionis ipsius rationem. Et ad exponendum relationem ibi interuenientem, quæ ex parte nature realis est, & ex parte verbi tantum rationis. Verum hæc tam minutatim discutere, alienum a nostro intento esse videntur. Non enim nostra præsens disputatio aliud tendit, quam vt exponamus, quod nam sit Christi prædestinationis obiectum. Cuius quasi materialem rationem nunc inuestigamus: Nam postea ipsum formalius conbderabimus comparative ad prædestinationem.

Verum his expositis, & præclatis adhuc explicandum superest, id vnde tota hæc disputatio defluxit. Num, videlicet, concedendum sit, christum, quem diximus totalē esse hypostaticæ unionis terminū, ac vere compositum, resultasse ex hac ineffabili unionē. Be quidem ita

videtur concedendum, cum, quia per unionem Christus est indur,
id autem quod fit, resultat ex facitione. Tum etiam, quia ita dicunt
quandoque Patres locis superius citatis. Sed nihilominus existimo, non posse cum proprietate concedi, Christum
resultasse ex vnione hyposthatice: Ratio est, quoniam his modis lo-
quendi denotat Christum, id est esse compositum, quod importat aliq-
d totum a componentibus distinctum: totalemque materiam includens, sub
qua continentur ipsa composita, vel partes materiales, quoniam
& potencialitate inuolucris. Hoc autem nullatenus est ad inuolucrum
dum in Christo, ut ex dictis patet. Ergo, &c. *Ad motum autem*
Ad motum pro altera parte responderetur facile. Ad primū dicitur,
quod resultantia non habet locum nisi in eo tantum composito, qd ex
partibus constat, ex quibus quasi oritur vna forma ipsis partibus cō-
munis. Neq; vero terminus actionis, seu facitionis proprie dicitur resul-
tare ex ipsa actione, per quam fit. Vnde qui conderet Christum resul-
tasse ex vnione, resultantiam non tam referret ad ipsam vnionem,
quam ad humanitatem, & diuinitatem vnitas, ex quibus de signaturis
surgere aliquod totum ipsis commune, & superius. Ad id vnde dicitur,
Patres rarissime vltos fuisse hoc dicendi modo, quod si quando ita
dixerunt, ut certe dixerunt quandoque, largo modo acciperunt resul-
tantiam, eam vsurpantes pro compositione constitutiva Christi in ra-
tione humani suppositi.

Dubium
grauē de
existētia
humanita-
tis Christi

2. Hæc quæ diximus sufficere videbantur ad explicandum prædestina-
tionis obiectum secundum eius realitatem, ut possemus deinceps ipsā
prædestinationis formalitatem ad ipsam comparare. Nam ex dictis
latis constat, quid, quodve sit huius vocis, Christus, significatum,
quod putamus esse Christi prædestinationis obiectum. Verum
enimvero ipsa doctrinæ consummatio stricto a nobis iure effagi-
tat: ut ea, quæ pertinent ad Christi compositionem, totaliter ab-
soluamus, & explicemus. Num in Christo sit compositio ex humanita-
te, & ex ipsa increata verbi existentia. Ita ut in Christo reperiat
vera compositio ex essentia creata, & increata esse. Neq; vim facio in
præsentia, an talis compositio debeat censeri ex his, ut censuimus de
humanitate, & diuinitate, aut potius debeat dici compositio cum
his, ut præceat Ferraricus, vocat eam omnem compositionem, quæ est
ex essentia, & esse. Sed illud inquirimus: An vere humanitas existat
per existentiam verbi, nullam creatam retinens existentiam, sique
proinde in Christo compositio ex essentia creata, & increata esse,
ut ex duobus extremis componentibus vnum existens, siue compositio
ne cum his, siue ex his. Probaturq; primò, pars negatiua, minimeq; in-
firmis suadet argumentis humanitatem in Christo propriam retinere
existentiam, ac proinde non esse locum compositioni prædictæ.

Primum argumentum. Christi humanitas propriam habet singularitatem à verbi singularitate distinctam, neque enim humanitas Christi per idem est singularis per quod diuinum verbum est singulari, sed singularitate creata singularis est: ergo & habet propriam existentiam humanitas in Christo. Probatur consequentia: quoniam existentia intrinsece pertinet ad singularitatem, ita quod implicat intelligere rem aliquam singularem absque singulari existentia. In hoc enim consistit rem esse singularem, quod singulariter existat, atque adeo singulari existentia: Ergo, &c. Confirmatur primo. Humanitas Christi prius intelligitur singularis, quam assumpta à verbo. Ergo & prius etiam intelligitur existens, atque adeo existit per existentiam propriam, & non per existentiam verbi. Verbum enim in athomo, id est, singularem humanitatem assumpsit, ut dixit Damasc. lib. 3. cap. 14. *... humanitas assumpta à verbo, & non à verbo assumpta à humanitate.*

Secundo confirmatur. Si verbum humanitatem relinqueret, eadem numero perseveraret humanitas, quæ antea erat in verbo: Ergo permaneret etiam eadem humanitatis existentia: atque adeo humanitas in Christo propriam hunc existentiam retinet. Consequentia probatur, quoniam manifesta apparet implicatio, quod permaneret eadem humanitas, & non cum eadem existentia. Corrupta enim, vel, substracta existentia ab aliqua re, necesse est, quod res ipsa, quæ existeret per eadem existentiam, desinat esse. *... existentia humanitatis non potest esse sine verbo.*

Secundum argumentum. Unio humanitatis cum verbo est vera, & realis unio: & quidem duorum extremorum realium: Ergo prius nata quam humanitas uniretur verbo, vere intelligebatur esse alia quod ens reale. At impossibile est quod res aliqua intelligatur in esse vero & reali, quin intelligatur existens: Ergo prius natura quam humanitas uniretur verbo, existit. Et cum in illo priori naturæ signo non existeret per existentiam verbi, necessum est dicamus, quod existit per existentiam propriam, quam verbum non destruxit humanitatem assumendo. Ergo retinet illam in Christo. Confirmatur primo. Humanitas prius natura, quam uniretur verbo præintellecta fuit per modum actualis entitatis, etenim verbum aliquam actualem entitatem sibi assumpsit, & non purum nihil: sed nulla res potest intelligi per modum actualis entitatis, quin intelligatur existens, & in eius conceptu formali intrinsece claudatur existentia. Ergo in illo priori rationis signo, quo humanitas præintelligitur unioni in ratione actualis entitatis, præintelligitur etiam existens, & in eius conceptu claudatur existentia. Probatur minor. Prima omnium rerum actualitas est esse existentie. Ergo illo ab aliqua re sublato, impo-
 & non formaliter intellecto, realis res manet pure potentialis, & nul-

latenus est intelligibilis per modum actualis entitatis. Confirmatur secundo. Christi humanitas, sicut quælibet res alia, quandiu non intelligitur extra suas causas, nequit intelligi in ratione actualis entitatis: nam est purum nihil, sed per existentiam tanquam per formam seu actum formalem, res quælibet primo extra suas causas constituitur, nec enim aliud formale principium fingi potest, quo res extra suas causas formaliter constituitur, præter existentiam. Sed Christi humanitas præintellecta fuit unioni per modum actualis entitatis, id est, ut extremum actualitatem habens, qua posset terminare unionem cum verbo: Ergo præintellecta fuit extra suas causas posita. Rursus: ergo fuit præintellecta existens.

Tertium argumentum. Humanitas prius natura fuit producta, quam verbo uniretur. Ergo prius natura existit. Antecedens videtur affirmari a S. Thom. 3. parte quæstion. 6. articu. 4. ad 3. consequentia vero probatur. Nam productio rei ad rem ipsam existentem, imo ut existentem terminatur: productio enim per se intendit rem de potentia ad actum existendi deducere.

Confirmatur. Humanitas in Christo vere terminat realem conservationem Dei, sicut eam terminant aliæ creaturæ, imo dum Christus mortalem vitam degit à celestibus influentijs, & ab alijs naturalibus causis conservabatur: Ergo terminat huius conservationem ratione propriæ existentie. Nam existentia divina verbi non conservatur, neque ut Quod, neque ut, Quo, est enim totaliter conservationis incapax, sicut & dependentiæ ab aliqua causa.

Quartum argumentum. In Christo secundum fidem sunt duæ naturæ actuales, & secundum proprias actualitates distinctas, fide enim credere tenemur, non esse in Christo naturarum confusio, sed quod utraque natura humana, & divina retinet in Christo suam propriam essentiam, & formalitatem, & exequitur ea quæ sibi propria sunt. Ut in Concilio Calcedon. Constantinop. 2. & 3. Lateran. 1. & in alijs Concil. & in graviss. Patrum decretis definitum habemus: Ergo quælibet earum existit sua propria existentia. Probatur consequentia, quoniam per existentiam formaliter constituitur prima rei actualitas. Ergo si quælibet natura in Christo retinet suam primariam actualitatem, necessum est retineat suam propriam existentiam.

Confirmatur. Posset Deus conservare humanitatem cum illa actualitate per quam in verbo est entitas actualis. Sed non est entitas actualis nisi per existentiam. Ergo in verbo retinet propriam existentiam, alias enim inseparabilis esset humanitas à verbo, secundum quod est actualis entitas.

Quintū argumentū, Angelus naturaliter cognoscebat existentiam humanitatis

manitatis Christi. Sed non cognoscebat existentiam diuinam, & increatam: Ergo creatam: atque adeo erat ibi. Patet maior. Cognoscebat humanitatem Christi existentem: ergo & eius existentiam. Patet consequentia, quia non potest cognosci formalis effectus alicuius forma, quin cognoscatur ipsa forma, sed facere existentem est formalis effectus existentiae: Ergo, &c.

Sextum argumentum. Si humanitas existit immediate per existentiam verbi, sequitur quod unio est immediate facta non in persona, sed in natura. Consequens aduersatur fidei. Definitum enim contra Eutichetem habemus in persona, & non in natura factam esse hanc ineffabilem unionem: Ergo, &c. Probatur sequella. Existentia non est propria solius verbi, sed toti Trinitati communis. Est enim essentiale, & quidditatum Dei pradicatum. Ergo si humanitas unita est diuinæ existentiae, seu verbo ut existenti, necessum est dicamus; quod humanitas fuit unita diuinitati, ut est communis tribus personis, id est, secundum quod habet existentiam tribus personis communem:

Denique ultimo hæc omnia confirmantur ex eo, quod in Concilio generali Actio. 6. Epiphanius quidam, cuius sententia minime fuit à Concilio reprobata, distinguit naturam ab hypostasi, quod natura dicit entitatem existentem, hypostasis vero substantiam addit. Igitur humana natura in Christo existens est existentia propria. Confirmatur autoritate Damasceni. libr. 3. capit. 3. ubi iuxta versionem Fabri dicit verbum assumpsisse humanitatem non existentia priuati. Ex cap. 11. & 12. eadem sententia colligitur: nam distinguit existentiam, assumptionem, & deificationem, ubi cum distinguat existentiam ab assumptione, & deificatione manifeste sentire videtur, quod existentia humanitatis non est ipsamet verbi existentia, alias qua ratione distinguenda esset à deificatione, & assumptione.

In oppositum est, quod S. Thom. 3. parte quæstion. 17. artic. 2. docet in Christo vnicum tantum, Esse, reperiri, & loquitur aperte de esse existentiae. Violenter enim aliqui de, Esse, substantia. Sancti Thom. explicant, cum ipse dicat ibi personam substantiè esse primum susceptiuum ipsius Esse. Quod non habere potest locum respectu substantiae, per quam subsistens persona constat.

In hoc dubio duæ sunt theologorum extremæ sententiæ. Altera est Sancti Thom. loco nunc citato asserentis Christi humanitatem existere diuinæ verbi existentia. Sequuntur Sancti Thom. vniuersi eius discipuli, sed præcipue videndi sunt Ferrariensis. lib. 4. contra gentes. cap. 41. Capreol. in 3. distinct. 6. & Caietan. in commentario articulo secundo citato ex Sancti Thom. Docuit eandem sententiam

Henri-

Henricus Gandavensis quodlib. 3. questione secunda. Altera sententia in alio extremo asserit Christi humanitatem existere naturali & sibi propria existentia. Ducunt hanc sententiam Scotus in 3. dist. 6. Albertus magnus eadem dist. q. 2. art. 4. & 5. Ricard. art. 2. q. 2. S. Bonaventura dist. 5. art. 2. q. 1. Gabriel Almainus & Paludanus dist. 6. Altisiodoren. lib. 3. summæ tract. 1. cap. 1. q. 8. & ex nominibus theologis illi omnes quibus parum sunt gratæ S. Thom. placita. Et fere omnes huius sententiæ auctores ob id præcipue in hanc sententiam ducuntur, quia non valent intelligere, quo pacto res aliqua aliter existat, quam per existentiam sibi propriam & intrinsecam, & quasi inherentem. Unde tot existentias multiplicant, quod sunt rerum essentialium, siue totales, siue partiales. atque dicunt, quod in homine alia est existentia materiæ, & alia existentia formæ, & alia existentia totius suppositi, & alia existentia personalitatis terminantis naturam humanam, & constituentis humanum suppositum, seu personam, neque illis restat aliud, quam dicere, quod existentia etiam suâ propriam habeat existentiam. Dicuntq. præterea, quod sicut partes substantiales suppositi cuiuspiam imperfectæ sunt in esse substantiali & essentiali, ita & earum existentia imperfectæ quoque sunt. Et sicut partes substantialiter consideratæ perficiuntur & complentur per formam substantialem totius suppositi, & ultra ipsam continentur, ab eaque aliqua ratione informantur. Ita partiales existentia partium earundem secundum rationem existentia perficiuntur & complentur per existentiam totius suppositi, ab ipsa q. pendent, secundum quod exequuntur existentia officium: atque adeo quæcunque existentia partialis modum quendam habet in existentia. Nam sicut in existentia accidentis non sufficit ipsum extra suas causas reponere: sed dependentem a substantia & ab eius existentia. Ita partialis existentia nequit ipsam substantialem partem in rerum natura statuere, nisi dependenter a toto composito, & a totali eius existentia. Itaque in Leone & materia & forma suas habent existentias partiales: sed neq. materia potest existere nisi dependenter a forma & ab existentia eius, neque materia & forma existere valent, nisi dependenter a toto composito, scilicet, Leone.

Proportionabiliter ad ista, quæ in communi dicunt auctores citati, procedunt in particulari circa incarnationis mysterium. Dicuntque humanitatem propriam existentia existere in Christo: sed quemadmodum existentia ipsa secundum naturæ ordinem complenda erat, & determinanda per propriam & naturalem personalitatem humanæ naturæ debitam, imo & per existentiam propriam ipsius humanæ personalitatis, quæ est existentia communis totius humani suppositi, neque aliter (miraculis exceptis) humanitas existere posset in rerum natura.

Incarnatio. Ita cum personalitas divini verbi in hoc profundissimo incarnationis sacramento suppleat, perfectissime vicem personalitatis humanae, existentia propria humanitatis per se pendet ab ipsa verbi personalitate, ab eiusque existentia: atque adeo modum quendam existentiae induit in Christo. Et ex hac doctrina eius auctores sufficienter, suo iudicio, explicant omnia quae in Concilijs, & Patribus reperiantur. In quibus quandoque affirmari videtur in Christo humanam reperiri existentiam, quandoque verò quod Christi humanitas existit per existentiam verbi. Nam cum primum dicunt, aut saltem insinuant, docent se ipsa, id quod haec sententia affirmat. Cum vero secundum asserunt, intelligendi sunt in hoc sensu quod existentia humanitatis completur & terminatur per existentiam verbi tantumquam per existentiam totius suppositi: atque adeo reuera humanitas existit existentia verbi. Quod etiam in supposito humano contingit; nam licet humanitas ex corpore & anima constans propriam habeat existentiam, per quam existit, ut per existentiam sibi propria, & sibi intrinsecam, existit nihilominus per existentiam totius suppositi. Denique auctores praedicti, aut saltem eorum aliqui arbitrantur, quod in re qualibet, existentia ita habet rationem primi actus, & primae formae, quod est impossibile, ut res aliqua aut sit, aut intelligatur ut entitas actualis, nisi per existentiam: ita quod nec conceptu etiam praesens intelligi potest, & concipi res aliqua in ratione actualis entitatis, quin in tali conceptu intrinsece, & formaliter claudatur existentia. Quoniam actualitas cuiuscumque entitatis est effectus formalis existentiae. Comparatur enim esse ad essentiam, sicut actus ad puram potentiam in ratione entis. Haec & alia nonnulla discunt praesentibus theologicis & omnia haec adeo vera esse sibi persuadent, ut eorum opposita vix probabilia reputent. Imo & quidam eorum absque formidine dicunt, sententiam S. Tho. parum obtinere probabilitatis. Cum tamen omnia quae ex ipsis retulimus sint falsa, & nescio an deberent censeris probabilia. Suntque huic sacro incarnationis mysterio parum digna, neque admodum consentanea modo loquendi Conciliorum, & Patrum. Vnde non satis queo mirari, quo pacto viris doctissimis & excellenti ingenio praeditis haec, quae retulimus, tantum potuerunt placere, ut gravissimam S. Tho. doctrinam huic tanto mysterio consentaneam, & eius excellentiae condignam, tanta cum libertate contemplerint. Non vacat in praesentia immorari in referendis omnibus, & explicandis in quibus ista sententia magnam continet falsitatem. Aduertam tamen nonnulla. Et priusquam in particulari descendam ad probandam S. Tho. sententiam, quae docet humanitatem Christi non propria, sed existentia verbi tantum existere. In eodem munus cohabor breviter ostendere huius sententiae falsitatem. Neque

vero hoc censendum est a nostro instituto alienum, cum sit admodum necessarium, ad intelligendum id quod proposuimus in hac dubitatione explicandum.

Sed tamen prius advertere oportet, existentiam substantialem nullatenus esse cum subsistentia confundendam: distinguuntur enim, vel, realiter, & inter se se & a substantiali natura, ut placuit Caiet. 3. p. q. 4. art. 2. vel ut placet alijs quibusdam etiam grauissimis solis distinguuntur rationibus formalibus. Quæ res quod ad præiens attinet, non est magni ponderis. Quamuis suauiori modo explicari possit incarnationis mysterium si cum Caieta. & alijs theologis non paucis, qui ei adhæserunt realem, ut res ad re, distinctionem inter ista constituiamus. Quo supposito.

Prima Conclusio.

Falsa est secunda sententia, quatenus docet in rebus omnibus proprias & particulares reperiri existentias. Probatur hæc conclusio Primo. Per existentiam, ut autores contrarij fatentur, res constituitur formaliter in actu: Ergo si in composito substantiali V. c. in Petro Partes eius substantiales existunt proprijs existentijs, omnes etiam seorsum consideratæ sunt formaliter in actu constitutæ. Ita quod materia prima est formaliter in actu, & forma similiter est in actu. Hoc autem consequens est omnino falsum. Ergo falsa est sententia ex qua inferitur. Probatur falsitas consequentis vulgatissimo illo argumento ex Aristotelica doctrina desumpto. Ex pluribus entibus in actu non potest effici vnum ens simpliciter, sed vnum duntaxat secundum quid, nimirum, per aggregationem: Ergo si partes substantialis suppositi V. c. Petri sunt formaliter in actu constitutæ, prius natura quæ intrent compositionem totius suppositi. Petrus non erit ens simpliciter vnum, sed aggregatione duntaxat. Et idem argumentum fit de quocumq. substantiali composito. At quod huius compositum non sit vnum simpliciter, nullus philosophorum nisi desipiat, dicere audebit. Contemnunt hoc argumentum quidam theologi ex nouioribus, diuersasque ei solutiones accommodant: sed tota earum probabilitas, si hoc nomine digna est, reducitur ad doctrinam illam paulo superius commemoratam, videlicet, quod existentia partialis non est existentia completa in ratione existentiz, sed comparata ad existentiam totius compositi, seu substantialis suppositi potentialis est, & modum habet in existentiz: atq. adeo omnes partes cum suis existentijs partialibus ad vnum concurrunt suppositum, & vnico eius esse existunt simpliciter, & ob id ipsum totum suppositum simpliciter est vnum. Hæc solutio vehementer placet suis autoribus, mihi ta-

hi tamen vehementer displicet, multisque illam impugno. Primo. Existentiæ ex propria sua ratione ita est actualitas, quod nullam habet potentialitatem terminabilem, & actuabilem per superiorem formam. Nam Esse ex proprio suo conceptu actualitatem dicit, nihilque potentialitatis admittit, nisi ratione essentia, & naturæ, cui adiungitur: aqua materialiter modificatur, & determinatur in qualibet recreata: Sicut omnis forma determinatur, & contrahitur materialiter a potentia, quam aëquat, & informat. Vnde Esse existentia secundum suam rationem perfectior est simpliciter quacunque substantiali forma, ut doctè San. Tho. advertit 1. par: quæst. 4. ar. 2a. d. 3. Et hinc est, quod essentialissima perfectio Dei est ipsum. Esse. Quod non est in præsentia probandum, sed ex multis q̄ in lib. de orig. & potestate gratiæ tractat. 2. diximus, præsupponendum: Ergo irrationabiliter Aduersarij dicunt existentias partiales actuari, & informari per communem totius suppositi existentiam. Et quantum ego coniectura assequi possum, hæc ratio a nobis facta potissimum fundamētū est illius Peripatetici p̄loquij. Ex duobus entibus in actu nō potest fieri vnum ens simpliciter. Nā duæ entitates cōstitutæ in proprijs essendi actualitatibus, nō possunt actuari per aliud esse eisdem commune: Quoniam repugnat existentiam actuari, vel per aliam existentiam superiorem, vel per aliam quancunque formam. Eo quod existentia ut sic summæ tenet actualitatis apicem, nec aliū de potest determinari, quam ex parte subiecti, idest, essentia, quam terminat & aëquat. Itaque illa repugnantia, quam Arist. tel. & qui eius sequuntur doctrinam inuenerunt in hoc, quod ex pluribus entibus in actu fiat vnum simpliciter, non ex alijs formis, & actualitatibus potissimum pensatur, sed ex ipsa actualitate existendi. Nam certum est, quod gradus formales inferiores actuantur, & perficiuntur per superiores: corporum per vegetatiuum, vegetatiuum per sensitivum sensitivum denique per rationale. Et quidem nullum ego reputarem inconueniens, quod in homine multæ essent formæ, ex quibus diuersi illi gradus desumerentur: & quod inferior forma se haberet potentialiter, & materialiter respectu superioris, nisi obstarat actualitas existendi. Volo dicere, quod tota repugnantia huius rei inde sumitur, quod istæ formæ tribuerent diuersas existentias, & est impossibile, quod existentia, quam tribuit inferior forma, possit in ratione existentia per superiorem formam, aut superiorem existentiam actuari, & formaliter perfici. Vnde si essent in vno supposito diuersæ formæ, essent simpliciter plura entia in actu, & non esset vnum simpliciter. Hæc doctrina non est voluntaria, quia si gradus substantialis inferior

ferior perfici potest, & actuari per superiorem: quare non poterit, forma inferior, cui ille gradus respondet, actuari similiter & perfici per formam superiorem. Vnde nisi obstarct actualitas existentie quam secum affert quaelibet substantialis forma, nulla esset ratio, propterquam non multiplicarentur substantiales formæ in eodem supposito. Scio autores quosdam ex his quibus secunda sententia placuit, libenter admittere hanc multiplicationem formarum, sed alij multi etiam ex eis, qui doctius loquuntur, eam nullatenus admittunt.

Sed iam secundo contra hanc solutionem sic argumentor. Partiales istæ existentie non sufficiunt constituere ipsas substantiales partes extra suas causas; Ergo improprie, imo falsissime appellantur existentie; & summa cum proprietate dicitur eas habere modum existentiarum. Imo est inexplicabilis iste modus. Quod sic ostendo. Cū dicimus materiam primam propria terminari existentia, inquirō, an existentia hæc sufficiens sit, ut materia prima per ipsam solam existat extra suas causas constituta, vel non. Si dicas primum. Quare ergo, dicis, quod existentia materie primæ habet rationem inexistentie, cum se sola sufficiat ex equi proprium existentie officium. Si dicas secundum: Ergo non est existentia. Probo euidenter consequentiam. Quoniam proprius effectus formalis existentie est existens seu existere. Itaque tam proprium est, & formale existentie facere rem existentem: atque est proprium albedini facere album. Ex confirmo, Vel hæc existentia materie primæ est existentia per se, vel existentia in alio. Si est existentia in alio: Ergo non habet modum in-existentie, sed vera est in-existentia: atque adeo est actus. quidam accidentalis, per quem substantia quæcunque illa sit nullatenus existere valet. Si vero est existentia per se: Ergo materia prima per hæc solam substantialem existentiam separata ab omni forma poterit sine miraculo existere. Ita quod miraculum consisteret tantum in separatione materie ab omni forma, non vero in eo quod separata existat. Urgeo amplius rem istam, & inquirō, utrū in illo priori, quo materiam præintelligimus formæ, & cōposito, m̃a vere existat per hanc suā partialē existentiam. Ita quod vere præintelligatur existens, & ut existens ad cōpositionē cōfluat, ad eū modū quo sol prius natura existit quæ illuminet, & licet in eodē instanti quo existit, illuminet, prius tamē intelligitur existēs, eo qđ secūdu qđ existit actu lucid⁹ illuminat. Sic queritur: an m̃a cōcurrat ad cōpositionē totius cōpositi, ut existēs propria existentia, vereq; præintelligatur actu existēs. Vel nūquā intelligitur existens, quādiu nō intelligitur informata, & intra totū cōpositū cōstitutā. Si cōcedas eā præintelligi existentē cū prius nō pendeat in
trin.

arriſce a poſteriori, manifeſte ſequitur, quod materia prima ſi per miraculum ab illa omnis ſeparetur ſubſtantialis forma, abſque nouo miraculo permanebit exiſtens, & exiſtet quandiu ab ea non fuerit per aliud miraculum ſeparata illa partialis exiſtentia, ſicut præintelligitur exiſtens per eandem exiſtentiam, prius natura quam vnitur formæ. Sic adeo vt ſicut exiſteret ſol, etſi eius actualis totaliter in pediretur illuminatio, vt impedita videtur in Chriſti morte, & homo etſi per miraculū ab eo riſibilitas ſepararetur: ita exiſteret materia, & ſi omnis ſubſtantialis forma excluderetur ab ipſa. Et quidem mirum eſt, quod a materia prima non ſeparetur exiſtentia, per quam potuit præexiſtere vnioni ad formam, & quod deſinat eſſe. Si vero non præexiſtit vnioni ad formam, neque concurrit vt exiſtens ad cōpoſitionem totius compoſiti, explicandum reſtat, quare natura talē partialem exiſtentiam materiæ primæ conceſſit: quia videtur omnino impertinens. Nam ſi materia nequit extra ſuas cauſas actu exiſtere niſi dependenter a forma, imo & a toto compoſito, & actuata & terminata per exiſtentiam totius compoſiti; quæ nam erat neceſſitas talis exiſtentia partialis? Sufficiebat enim exiſtentia totius compoſiti, per quam & materia & omnes eius partes exiſtāt. Niſi autē ocioſum eſt, & fruſtraneum in naturali ordine ſtatuendum. Si quidem præexiſtentia partium neceſſaria eſſet, hoc argumentum leues obtineret vires. Verum ſuppoſito quod partes non præexiſtant toti compoſito, manifeſtariū argumentū apparet. At dicēs. Partialē exiſtentiā in partibus eſſe neceſſariā, vt partes ſint entitates actuales: quoniā ſeclufa exiſtēcia nulla intelligitur actualitas. Magnificatur hæc ſolutio a ſuis auctoribus, ſed ego cauſam non video: video potius ragnā eius inſufficientiam. Et primo quod ab iſtis theologis dicitur, nullā eſſe aliam entitatiuam actualitatem niſi exiſtentiam, quis non videt eſſe falſiſſimum, & veræ philoſophiæ contrarium, Gradus enim formalis, quem forma preſtat V. c. ſenſitiuum, rationale &c. non ne formalis actualitas eſt? Fateor libenter, quod exiſtentia conditio eſt neceſſaria, vt formalis quæcunque actualitas ſuum habeat complementum, & actualitatis modum: vnde exiſtentia ſeclufa omnia ſunt potētia, ſed nihilominus ipſa exiſtentia non conſert rei creatæ actualitatem ſiue ſubſtantialem. Sed hoc ad formam pertinet concurrente ſimul ipſa exiſtentia actualitate per modum neceſſariæ conditionis. Exiſtentia enim non eſt forma rei, in rigore loquendo, ſed quidam terminus ſubſtantialis, ſicut de ſubſiſtentia dici ſolet. Sed hoc prætermiſſo, de quo ſtatim, assignatam ſolutionem ſic impugno ſecundo, Materia prima priuſquam ſit vnita formæ non eget actualitate eſſendi, neque oportet quod præintelligatur per modum, exiſtentis quia vt antecedit cōpoſitionem actualem cum toto com-

posito, & vt naturæ ordine præcedit totius compositi forma in, non præexistit, neq; præintelligitur vt existens: (nam hæc suppositione facta procedit hæc argumentatio) quia alias, vt dicebam, sine miraculo posset existere ab oi forma seperata. At præintellecta forma totius, eiusq; existentia, per ipsammet existentiam totius constituetur materia, & qualibet alia pars compositi in ratione actualis entitatis.

Hæc argumentatio nõ potest non esse euidēs, nisi dicatur, id, quod aduersarij contendunt verum esse, & nos falsissimum arbitramur, videlicet, quod existentia sit forma essentialiter, & intrinsece constituens actualitatem cuiuscunque rei. Quam sententiam ego vix possum intelligere: neque scio quid dicat. Vnde sic argumentor. Etsi etia & formalis ratio naturæ humanæ non est existere, hoc enim cõmunē est homini, equo, & lapidi: sed est esse animal rationale. hoc autē homo non habet ab existentia, sed a sua forma rationali. Non ergo existentia est forma constituens essentialē rei actualitatem, sed, vt dudum dicebā, est terminus quidam essentię & formæ necessario requisitus, vt forma actu conferat suam entitatiuam actualitatem. Neque sufficit dicere, quod existentia est actualitas entis cuiuslibet secū dum rationem entitatis: a forma vero sumitur actualitas specifica, quæ sub formalitate entitatis debet contineri, quia alias neq. actualitas erit, neq. aliquid extra nihil. Non sufficit, inquam, hoc asserere. Quoniam forma, quæ dat actualitatem specificam confert etiam omnem actualitatē essentialē, quamlibet genericam, & cõmunē. Non enim geminam formam, sed vnicam duntaxat in re qualibet peritio res philosophi constituunt, ex qua tota rei formalitas & actualitas provenit: Et ob id in homine omnis ratio quantumlibet communis perfectior est, quā in equo, quia a perfectiore specifica forma provenit ab anima nempe rationali, & in equo propter eandē causam omnis actualitas perfectior est, quam informica. Præterea inquirō, an actualitas, quæ ab existentia desumitur essentialis sit homini, nec ne? Si essentialis est: ergo homini essentialiter cõpetit existere sicut deo; atque edeo cum essentiæ rerum inuariabiles sint secundum essentialē rationes, concedendum est, hominem ab æterno extitisse. Imo & est concedendum, quod a se ipso existit, sicuti Deus: quoniam existere est ei essentialē, sicut deo, Nec vero deus alia ratione ex se ipso existit, nisi quia ex sua essentia existit. Si vero non est essentialis actualitas prædicta, Ergo aliam debemus commentari actualitatē in ratione entis homini essentialē, ab existentia vel realiter, vel formaliter saltem distinctā. Res enim certa est, & ab omni formidabili opinione secreta, quod homo, & qualibet res alia actualitatem habet aliquam sibi propriam & essentialē intra genus entis & in

& in ratione entis. Nam si hanc non habet actualitatem, nullam sane habere poterit, siue in ratione substantiae, siue in ratione animalis, siue in quavis alia, vel, generica, vel, specifica ratione. Nam si, cur id quod ens non est, nihil est: ita quod actualitatem entis essentialiter non continet, nullam habet actualitatem. Neque hoc maiori probatione indiget, cum sit ex se manifestissimum.

Sed iam vltterius nostram primam conclusionem Tertium, & id quidem non debile, argumentum confirmat. Et si praecipua eius vis ad praecedens argumentum debeat reuocari, sequitur ex contraria sententia, quod Equus, Leo, & aliae omnes inferiores creaturae formas habeant sua natura immortales, & incorruptibiles, sicut homo formam habet sua natura, & absque speciali dono Dei incorruptibilem, & immortalem, quod in Conc. 3. Lateran. definitum habemus. Consequens manifestam habet absurditatem, nulli, vel mediocriter sapienti incognitam: Ergo, &c. Probatur sequella, Leonis formae propria, & particularis competit existentia, sicut competit formae hominis, animae, videlicet, rationali. Ergo eodem modo forma Leonis incorruptibilis est, sicut anima rationalis. Et idem argumentum sit de formis aliarum rerum.

Dices. Non eodem modo competere existentiam formae Leonis, atque rationali animae, quia existentia formae Leonis est imperfecta, existentia autem animae rationalis simpliciter est perfecta, per quam subinde rationalis anima a corpore separata potest realiter existere. Contra. Vel imperfectio existentiae, quae propria est Leoninae formae consistit in hoc, quod partialis est, & sua natura ordinata ad totum compositum: vel quia non potest per se constituere formam Leonis existentem, nisi dependenter ab alia existentia, nimirum, ab existentia totius. Prior imperfectio nihil ad rem attingit, quia communis est etiam animae rationali, quae sua natura pars est totius hominis, & eam ob id, quae ad ipsam pertinet, ad totum hominem essentialiter ordinatur: sic adeo ut quidam ex doctioribus modernis (& si mea sententia saltem) dixerint, in sui productione per se a toto pendere composito. Secunda vero imperfectio, ut praecedenti argumento probavi, est fere inintelligibilis. Tum quia est contra rationem existentiae, quod non possit facere per se existentem formam cui adiungitur. Tum etiam quia auctores contrarii hactenus non explicuerunt, an prius natura, quam intelligamus existentiam totius compositi. V. C. Leonis, substantialis eius forma praexistat per suam existentiam partialem, necne. Nam si non praexistit, impertinens est partialis illa existentia. Si vero praexistit, sequitur inconueniens illatum, videlicet, quod forma Leonis possit sua natura existere a corpore separata, sicut existit rationalis anima. Item sequitur inconueniens aliud non minoris

confi-

considerationis, nimirum, quod forma leonis, incipiat esse, per creationem, sicut rationalis anima. Quod sic probatur: forma Leonis non pendet in sui productione a toto composito: Ergo, vere producitur per se, ipsa que immediate suam terminat productionem. Et producitur secundum se totam, & secundum omnem sui entitatem: Ergo creatur. Prior consequentia est evidens, quia id quod independentem ab alio producitur, per se producitur. Et consequentia posterior cunctis vere doctis est inproposito: productio enim, qua producitur totum aliquod ens, siue, partiale sit, siue totale, creatio est. Nam creatio quid aliud est, quam totius entis productio? Antecedens vero probatur. Nō pendet a toto composito in suo esse: quia prius natura esse habet, ut dicunt auctores contrarii, quam totum compositum esse habeat. Res autem quolibet sicut se habet adesse, ita se habet ad produci, & fieri, & a quo non pendet inesse, non potest per se pendere in fieri, nisi ut plurimum tanquam a dispositione quadam, & quidem remota, quod non est ad propositum, Ergo, &c.

Forlan, recitres ad operationem, quam habet rationalis anima a corporeo organo, & instrumento independentem; quam operationem in Leonis anima minime reperimus. Sed hoc impertinet ad propositum adducitur, ubi causam inquirimus, ob quam cum Leonis anima propria sortitur existentiam, sicut anima hominis, non cōpetat ei similis operatio. Et sicut ex operatione, quam habet rationalis anima a corpore independentē, a posteriori colligimus, eam propriam pollere existentia, in qua non pendet a corpore, neque a toto cōiuncto: ita ex eo quod in Leone nullam huiusmodi experimur actionem, efficaci consequutione deducimus, eius animam nō actuari propria, & partiali existentia, qua prius natura existat, quam totus Leo. Sed quod existit potius per existentiam communem totius compositi; & non aliter.

Quarto tandem, & ultimo probatur conclusio statuta. Et specialiter argumentum procedat in homine. Si in homine præter existentiam animæ rationalis aliam existentiam tota humanitati communem commentamus, vel illa existentia corporea est, vel incorporea: sed neutrum horum dici potest. Ergo, &c. Propositio Maior apparet evidens, nisi dicamus, quod illa existentia est composita, sicut & ipsa humanitas, cuius altera pars est corporea, & altera incorporea. Et ita iam ab intento recedimus, quia non constituimus aliquam existentiam communem, sed duas partiales: atque adeo tota contraria doctrina rueret. Omnes enim existentia in homine essentiales, & non responderet toti cōposito sua specialis existentia, ut adversarij contendunt. Probatum autem minor. Et primo quod non sit corporea videtur manifestum. Nam anima rationalis, quæ spiri-

tualis

etalis est & incorporeus, nequit existere per corpoream, & materialem existentiam. Quod praecipue est manifestum in horum theologorum doctrina, quae docet existentiam esse verum actum, veramque formam vereque actuare, & informare illam essentiam cui dat existere. Praeterea secundo, quod non sit spiritualis illa communis existentia. Sic probatur. Primo totum compositum ex corpore, & anima resultans non est pure spirituale: non ergo actuabile est per existentiam pure spirituales, quae per se primo proportionata sit ipsi toti composito. Hoc autem addiderim propter existentiam animae rationalis, quae toti composito humano communicatur, cum sit spiritualis. Sed hoc non mirum, quoniam eius spiritualitas non ex toto composito, sed ex ipsa rationali anima, ad quam per se primo pertinet, pensari debet. Deinde secundo. Si illa esset spiritualis, sua natura incorruptibilis esset: atque adeo redderet totum compositum incorruptibile, & immortale. Vel, ut minimum, inferret magnum absurdum, nempe, quod quoties corrumpitur homo, destruat aliquam entitatem substantialis, & spiritualis: magnamque videtur praesferre absurditatem dicere, quod substantialis entitas spiritualis, & immaterialis per se pendeat in sui conseruatione ab entitate corporali, ita quod destructo corpore humano necessum sit, ut ipsa quoque destruat, & quod sua proinde natura sit corruptibilis. Nam cum totum corruptibilitatis fundamentum materia sit, quae ob suum vagum, & insatiabilem appetitum, veluti adultera viro, formae, & composito machinatur malum, ut Aristoteles philosophus dixit: res spiritualis quae omnis est materiae expers, nequit non esse sua natura incorruptibilis, & immortalis. Ex his omnibus, quae diximus, infero veram esse conclusionem primam, veramque proinde S. Thome sententiam, quae docet totum compositum, & omnes eius partes, ac omnia quae ad ipsum intrinsece pertinent, unice & eadem existere substantiali existentia. Et praeternitto innumera, quae fieri possent pro hac conclusione argumenta, Nam quae propositi videntur esse praecipua, continereque capita aliorum argumentorum omnium,

Secunda Conclusio.

Humanitas in Christo non propria, sed verbi existentia existit. Nulatenus de subsistentia loquor in hac conclusione, sed de existentia dumtaxat, prout a subsistentia distinguitur. Nam si de subsistentia praesens intelligeretur conclusio, non probabilem opinionem, sed certam fidei contineret veritatem.

Probat hęc conclusio. Primo ex Concilio generali Actio. 11. in Epistola Sophronij Hierosolymitani valde grata, & probata vniuersis S. Concilij Patribus. In qua hęc habetur. In illa itaque, scilicet, in verbo,

non

non in semetipsa habuit: existentiam vnam. Loquebaturque grauissimus hic Pater de Christi humanitate, ve legenti constabit. Ergo non propria, sed verbi existentia substantiali humanitas Christi existit. Non satisfacit quorundam solutio dicentium, existentie nomine subsistentiam intelligi. Nam licet negare non debeamus, quod potissimum intendebatur ab illo Concilio, & ab vniuersis eius Patribus definire aduersus Nestorium, & alios hæreticos duas naturas vere & realiter vna, & eadem subsistentia verbi personaliter subsistere. Voluntarie tamen asseritur, quod non aliquando saltem incidenter Patres illius Concilij de ipsa loquerentur existentia. Et cum verbum, existentia, habeatur expressum irrationaliter ad subsistentiam confugitur. Presertim cum Nestorij error multo apertius, & euidentius confutetur, si dicamus Christi humanitatem non solum subsistere diuina verbi subsistentia, sed & increata quoque eius existentia existere. Nam hac ratione maiorem, & strictiorem, magisque substantialem vnionem inter verbum, & humanitatem constituimus, ac proinde magis à Nestoriano errore auocamur. Neque vero satis explicat Sophronij mentem, qui dicit, nihil aliud ibi intendi, quàm quod humanitas non prius tempore existit, quam verbo fuerit vnita. Nam licet ipse non negauerim, hanc veritatem fuisse ab idem per se primo intentam: assero tamen Sophronium inde hanc veritatem maxime confirmasse. Quoniam, inquit, humanitas nullam propriam vnquam existentiam habuit, sed per verbi existentiam semper existit. Vnamque communem cum verbo existentiam sortitur. Sed dicunt tandem, autores nonnulli, quod Christi humanitas etiam si propriam habeat existentiam, existit nihilominus per existentiam verbi, quatenus verbi personalitas per quam terminatur peculiarem habet existentiam, quam ipsi humanitati cõmunicat. Quæ doctrina superius iam fuit a nobis insinuata.

Verumtamen hanc solutionem expugnant omnia illa, quibus ostendimus circa conclusionem præcedentem non esse multiplicandas parciales existentias, neque vnam existentiam compleri posse, & actuari per aliam, Sed specialiter hanc solutionem impugno. Et inquirō ab autoribus huius solutionis, Num humanitas per propriam existentiam prius natura extiterit, quam fuerit verbo vnita, & quam extiterit per verbi existentiam, vel non. Si primū dicant, manifeste loquuntur contra Sophronij sententiam grauissimò Concilio probatam, quoniam fatentur re ipsa quod humanitas propria existentia existit, cum non pendeat ab existentia verbi, in hoc quod actu extra suas causas existat. Nam si in primo vnionis instanti fuit verum dicere, humanitatem existere propria existentia prius natura, quam verbi personalitate terminaretur: necessum est concedamus, quod humanitas, in hoc quod est actu extra suas causas existere, improprie pendet à verbo. Nam

si pen-

si penderet, non prius existeret, quam ei esset communicata propria verbi existentia: atque adeo si tunc non pendeat, neque modo pendet. Et ex consequenti non vere dixit Sophronius, Christi humanitatē non in seipsa, sed in verbo existentiam habere. Hic enim dicendi modus manifeste designat dependentiam humanitatis a verbo in hoc, quod est actu existere. Si uero respondeant, non prius natura humanitatē extitisse, quam fuerit a verbo assumpta, & quod existentia humanitatis non fuit sufficiens eam constituere in actu extra suas causas, nisi ut coniuncta personalitati & existentia diuini verbi. Si hæc, inquam, dixerint, ruit præcipuum eorum sententiæ fundamentum. Ob id enim contendunt humanitatem propria existentia existere, ut tueantur humanitatem prius natura, quam assumeretur a verbo fuisse veram realem, & actualem entitatem, ut posset habere rationem extremi assumendi a verbo. At si dicant humanitatem non prius natura extitisse quam verbo fuerit unita, ruit hoc fundamentum, funditusque eorum sententia subuertitur. Non enim saluant quod intendunt, videlicet, humanitatem, priusquam assumeretur fuisse actualem entitatem. Item sic urgeo. Si doctissimus Sophronius dixisset dumtaxat humanitatem vnā habere existentiam in verbo, aliquid apparentiæ solutioni præfate tribui posset. At non solum hoc dixit, sed quod non in semetipsa, sed in illo vnā existentiam habet. Excludit his verbis omnem aliam existentiam ab humanitate præter illam quæ ipsi est communis cum verbo, & in verbo: Ergo non est rationalis illa solutio. Inferius ad huc pressus & urgentius ex hoc testimonio contrariam sententiam confutabo.

Sed iam secundo probatur eadem sententia ex S. Leone Episto. 11. ita dicente. Natura quippe nostra non ita assumpta est, ut prius creata post assumeretur, sed ut ipsamet assumptione crearetur: Quid clarius pro hac veritate dici potuit? Nā ex his verbis constat, quod creatio. i. productio humanitatis christi, assumptionē præsupposuit: Ergo christi humanitas nullū accipit esse nisi dependenter ab assumptione. Ex quo rursus colligitur, quod non propria, sed existentia verbi existit. Nam totum esse, quod ex vi assumptionis humanitati competit, est ipsum esse verbi. Dices. S. Leonem nihil aliud intendere prædictis verbis, quam quod humanitas non prius tempore extitit creata, quam fuerit a verbo assumpta. Admitto libenter hanc fuisse præcipuam S. Leonis mentem, sed quod de Sophronio dicebam, nunc de Leone doctissimo dico. Nempe, quod ad intentum præcipuum probandū: assumpsit doctrinam & rationem communiorem & magis generalē, nimirū, quod creatio humanitatis in suo termino & in facto esse ab assumptione dependentiā habuit, quod nos sup q. 5. a. 3. du. 3. in solu. ad. 2. adhibito quoddā exemplo yberius exposuimus: hoc enim manifeste denotat

illa Leonis verba nisi proprio sensu distrahantur, scilicet, ut assumptione crearetur, puta, humanitas. Non dixit, in assumptione, sed assumptione, ut denotaret creationis dependentiam ab ipsa assumptione. Espendantur etiam illa verba, Ut prius creata. Sensum enim formalem reddunt istum, scilicet, quod non fuit assumpta ut præexistens secundum existentiam propriam per creationem acceptam, Ego plane nescio, quibus verbis potuit S. Leo. sententiã istã apertius exprimere. Eisdem fere verbis usus fuit Fulgentius lib. de incar. c. 3 quæ paulo post referemus. Hanc denique sententiam docuit expresse Damascen. lib. 3. cap. 22.

Sed iã rationibus agamus, sitq; prima ratio. Si humanitas christi, propria existentia & sibi connaturali existit, Sequitur, quod B. Virgo non est formaliter appellanda Dei genetrix, & mater. Consequens est heresis in Con. Ephes. 1. canon. 1. & can. 13. & in Conc. 2. & 3. Constantin. quæ 5. & 6. generalia dicuntur, & in conc. Lateran. 1. De qua re legitur S. Tho. 3. p. q. 3 s. a. 4. & 5. Ergo contraria sententia non tã consentit fidei & sacro incarnationis mysterio; atque S. Thom. doctrina quã in nostra conclusione proposuimus. Probatur sequella. Tota Christi humanitas secundum animam, & secundum corpus præexistit assumptioni. Ita quod anima prius natura fuit creata, & tota humanitas prius natura fuit concepta, quam assumeretur a verbo: & hoc totum concedunt auctores contrariæ sententiæ, ut tueantur humanitatem priusquam assumeretur a verbo, veram & actualem fuisse entitatem, actualeq; assumptionis extremum: Ergo prius natura, quam Deus esset homo, & homo Deus, peractum fuit & absolutum totum officium & Dei creantis animã, & B. Virginis totam humanitatem concipiẽtis & generantis. Probatur euidenter hæc consequentia. Quia totum officium maternum a B. Virgine in Christi generatione exhibitum nõ attingit assumptionem humanitatis cum verbo, hoc enim nõ ad Virginem generantem, sed ad Deum mirabilia operantem attinuit, Sed totum eius officium substitit in productione humanitatis, Quæ vera idcirco fuit generatio: quia ipsam humanitatem produxit tali productione, quæ nisi diuina præueniretur actione, humanum etiam efficeret suppositum. Sed tota productio humanitatis fuit absoluta & consummata ante assumptionem: Eo quod humanitas habuit totum esse & essentiã, & existentiam sibi debitum in ratione humanitatis priusquam assumeretur a verbo: Ergo antequam humanitas assumeretur a verbo cessauit tota humane generationis actio. Sed tunc neque erat Deus, neque Christus, sed humanitas: Ergo Beatissima Virgo humanitatem genuit, non Christum, neque sua actione ipsum christum attingit. Confirmatur. Si fingamus per aliquod temporis instans humanitatem a B. Virgine productam extitisse

tisse absq; aliquo supposito, sed propria humanitatis existentia terminatam, nullatenus dici potestet Beatiss. Virginem genuisse Christum & Deum, sed eius dumtaxat humanitatem. Sed idem proflus est quod præcedat, vel duratione temporis, vel ordine naturæ: Ergo ex illa sententia prædictum sequitur inconueniens. Probo minorem. Supposito quod prius naturæ ordine fuit consummata humanitatis generatio, quam ipsa humanitas assumeretur a verbo, per accidens fuit eiusdem humanitatis generationi, quod humanitas in eodem instanti, vel in tempore postea sequenti a verbo assumeretur: Ergo non magis B. Virgo potest nunc Dei mater appellari, quam vocaretur in illo casu conficto, videlicet, si non in eodem instanti, sed in tempore sequenti verbum humanitatem assumeret.

Si dixeris, quod si in illo met instanti, verbum non assumpsisset humanitatem, actio Beatiss. Virginis qua concurrat ad generationem Christi terminatur ad proprium suppositum eiusdem humanitatis ab assumptione autem quasi impedita fuit eius actio, & humanitas non proprium, sed aliud suppositum fuit adeptæ, nimirum, ipsum verbi suppositum. Bene hæc se habent: sed quid obsecro ad argumenti facti solutionem conferunt? Ex his enim nihil habemus aliud, quam quod impedita fuit actio generatiua B. Virginis, ne proprium terminum vltimum, humanum, scilicet, suppositum attingeret, non vero quod ipsa sua actione, quid amplius effecerit quàm humanitatem præexistentem assumptioni. Et in illo conficto casu etiam supponimus, quod impediretur virginis actio ne ad suppositum humanum perueniret, hoc ergo impertinens est ad veram generationis Christi saluandam. Neque vero quidquam refert asserere quod Virgo sanctiss. non actiuitatem aliam habuit in Christi generatione quàm ministrare, & præparare materiã. De qua re alibi est tractandũ. Non inquam, hoc refert. Nam siue hanc solam, siue aliam etiã actiuitatẽ habuerit, necessũ est, quod circa, verbũ, imo, & in verbo, habuerit eã. Nã si circa solã humanitatẽ Virgo Beat. officium genitricis exercuit, qua proprietate potest concedi, quod Christus conceptus est ex Maria Virgine, & quod Maria Virgo concepit Christũ, & ipsum Deum genuit. Expendat theologus hoc argumentũ, & solutionẽ eius probabilem quærat. Ego enim non inuenio, sed euasiones quasdam friuolas, quas consulto propter grandem earum insufficientiam prætermitto. & absque vlla dubitatione existimo, Sophr. & Fulgent. loc. cit. intellexisse hoc esse necessariũ ad saluandum hanc veritatem, quod B. Virgo, vere, proprie, & formaliter genuit Deum. Legantur attente verba Sophronij, & eorum consequentia, & apparebit quam sit verum id quod diximus. Inter alia hæc dicit Sophronius. Simul quippe caro, simul Dei verbi caro, simul caro animata rationalis, simul Dei verbo caro

animata rationalis, simul dei verbo caro animata rationalis. In illo itaque & non in semetipsa habuit existentiam vnam. Et paucis interiectis, quæ a proposito nõ diuertunt, subiunxit. Ex inuiolabili nãq. & virginali sanguine sanctæ atque immaculatæ Virginis Mariæ verbum vere factum est incarnatum, & veraciter homo &c. Et paulo post addidit. Nasceitur Deus homo humano corpore, similiterque & habitu animam rationalem & incorpoream habens, quod ipse in semetipso & nequaquam aliter rationali animauit spiritu. & Virginẽ generantem conseruauit, & theotocon, id est, Dei genitricem eam proprie & veraciter demonstrauit. Omnia hæc verba sunt ponderanda, sed hæc vltima præcipue, scilicet, quod ipse in semetipso rationali animauit spiritu &c. quibus verbis constat, sacrum Christi corpus in ipso met verbo fuisse anima rationali animatum. Hanc enim vim habent illa verba, In semetipso, id est, non prius quam assumeretur, sed in assumptione humanam effecit carnem, & rationali spiritu animauit. Et hinc, mox. Sophronius intulit B. Virginem proprie & veraciter Dei genitricem fuisse vocatam. Intelligens plane improprie Dei genitricem appellandam fore, si humanitatis generatio & productio, non in ipso verbo facta fuisset. At sine dubio non caro Christi in verbo animata, si verum est, quod dicunt autores contrarij, scilicet, humanitatem prius quam assumeretur creatam seu productam propria existentia substantiali extitisse. Nam tunc infra verbum, & extra verbum animatio fieri debuit: siue prius tempore, siue prius natura hoc contingeret. Nam hoc est per accidens, & illud per se, & necessario est requisitum quod christi caro, non nisi in verbo fuerit animata, neque extra verbum fuerit caro animata rationalis: Imo, neq. fuerit caro simpliciter. Nam simul inquit Sophronius, caro, & simul, inquit, Dei caro. Et non de sola temporis simultate, sed de simultate omnimoda, etiam secundum naturæ ordinem loqui Sophronium ex verbis citatis, & ponderatis est manifestum. Neque aliud intellexit Fulgentius iam citatus cum dixit, Acceptio carnis fuit conceptio virginalis. Acceptio carnis, idem pollet, quod assumptio carnis, vt ex contextu liquet. Et in eodem formalissimo & punctualissimo sensu loquutus fuit. S. Leo cum dixit, Christi humanitatem assumptione fuisse creatam, Creationis nomine comprehendit & animæ creationem, & totius humanitatis generationem.

Non possum non fateri, hoc argumentũ apud me adeo esse magni pōderis, vt nisi autoritas theologorum qui contrarium dixerunt, quæ magna est & grauis, me in debito modestiæ officio contineret: contrariam nostræ conclusionis sententiam, & improbabilem, & parum fidei consentaneam censerem. Sed neq. licet, neque liber tanto rigore vti, vnde fat fuerit dixisse nostram sententiam (seu vt dicam verius)

verius) S. Tho. esse valde probabilem, & quamplurimū fidei Catho-
licę consentaneā. An vero maiori digna sit certitudinis qualitate, &
contraria sententia acerbiorē mereatur censurā; aliorū esto iudiciū.

Secunda ratio. Fieri potuit secundum absolutā dei potentiā, q̄ hu-
manitas existeret non propria, sed verbi tantum existentia: Ergo cre-
dendū est, ita de facto contingisse. Patet consequentia. Quia ex hoc
q̄ humanitas existat per existentia verbi, quam plurimum ipsa hu-
manitas dignificatur: ac pro inde christus in quantū homo, imo & to-
ta ipsa natura humana per christum reparabilis in suo capite christo
præclaram indueret excellentiam. Ergo valde rationabile est crede-
re, ita factū esse, si fieri potuit. Nam credibile est, imo oppositū nulla
ratione est credendū, voluisse deum in hoc mysterio naturā humanā
miris modis dignificare, & extollere: & q̄ in ipsa summo modo possi-
bili habitaret omnis plenitudo diuinitatis corporaliter. Antecedens
vero probatur. Existentia non est essentialis perfectio naturę creatę:
sed terminus quidā complens & terminans ipsam naturā, sicut per-
sonalitas seu subsistentia. Ergo sicut potuit verbū vicē subsistentiæ crea-
tę supplere per suā increatā subsistentiā, potuit etiam supplere vicē
existentiæ humanę per increatā & infinitā existantiam.

Tertia ratio. Ex contraria sententia sequuntur aliquot inconueni-
tia quę non videntur bene consentire cū doctrina sana & cū modo
loquendi Conciliorū, & Patrū. Ergo falsa sententia est, & longe pro-
babilior est S. Tho. doctrina. Probo antecedens. Sequitur ex illa sen-
tentiā debere cōcedi, quod in christo est duplex esse, creatū, scilicet, &
increatum: atq. adeo quod Christus nō sit vnus simpliciter, sed duo,
vt optime deducit S. Th. 3. p. q. 17. ar. 2. in toto articulo, sed præser-
tim in argumento sed contra, Hoc autem vltimū qui assereret erraret
in fide. Eset enim hæreticū dicere christū non esse vnū simpliciter.
Ad huius primi inconuenientis exacā cōprobationē recurrat dili-
gens lector ad illā rationē pro cōclusionē prima informatā, quę inni-
titur illi vulgato principio, nimirū, q̄ ex duobus entibus in actu nō
potest fieri vnum ens per se. Et ex omnibus quę in huius principi
corroborationē ibidem diximus, inferat Christum non esse simplici-
ter vnum, si in eo constituitur duplex esse existentiæ.

Sequitur secūdo ex eadē sententiā concedendū esse, Christi humani-
tatē nō existere in verbo, sed in semetipsa. Theologus qui cōsequens
istud cōcederet audacissim⁹ haberetur ab his qui de sana doctrina, p
dignitate cēsent. Qua. n. rōne cōcedi debet, hominē simpliciter esse
deū, ac deū simpliciter esse hominē, si absolute cōcedam⁹ humanita-
tē nō in deo, sed in se ipsa existere: ergo &c. Autores cōtrarij cū sint ve-
re docti, & sanę doctrinę valde affecti, istud cōsequēs nō admittūt.
Sed ego illud manifeste probo. Humanitas nō existit existentia verbi,

Ergo

Ergo non existit in verbo: nam quid est existere in aliquo, quā existere per existentiam eius, & dependenter ab eius esse? Dicunt prædicti theologi, quod existentia humanitatis habet modū existentie in Christo. & ita subordinatur existentie diuinæ, ab ipsa que quodāmodo actuatur. Et ita humanitas tandem existit per ipsam verbi existentiam.

Sed hæc solutio impugnatur efficacissime ex his quæ diximus circa primam conclusionem, quibus probauimus existentiam minime posse inexistentiæ rationem subire. Vnde omnia quæ ad hoc propositū ibi diximus, huic loco sunt accommodanda, ad probandū quod cōtraria sententia supposita consequenter debeat cōcedi, christi humanitatem non in verbo, sed in semetipsa existere.

Denique pro ista conclusione legatur S. Thom. loco proxime citato, & expēdatur ratio ab ipso ibidē exposita, quæ huic innititur principio, videlicet, Esse, existentie non ad naturam immediate, sed ad suppositum pertinere. Quæ propositio magnum habet in philosophia fundamentum. Concedunt enim peritiores philosophi & theologi substantialem naturam neque Esse, neque operari posse, nisi in supposito terminatam & completam. Ergo consequenter dicere tenentur; quod natura miraculis seculis, non est capax existentie, nisi præintelligatur terminata & completa in supposito.

Et confirmo. Sequitur ex cōtraria sententia quod natura prius quā sit in supposito terminata & completa possit operari, imo & de facto operetur operationes instantaneas, quæ sequuntur necessario ad ipsas formas naturales. Probatur. Subiectum quod est capax existentie potest esse operationis principium, secundum quod est existentie capax, quia sicut res se habet ad esse, ita se habet ad operari. Ergo cum nullus mediocriter doctus dixerit vnquam, naturam prout anteuertit suppositalem terminationem esse principium operandi: fatendum est consequenter naturam non esse immediatum existentie susceptiuium, sed existentiam ad suppositum, vt ad immediatum & proximum subiectum fore referendā. Aduertat theologus Thomisticæ doctrinæ bene affectus quod Doct. Sanct. in hoc 2. ar. q. 17. 3. p. retractasse sententiam quā docuerat in q. de vnion. verb. art. 4. ibi enim sententiam secundo loco a nobis propositam docuisse videtur. Sed in hoc 2. ar. adeo aperte contrariam docuit, vt cæcus sit qui nō videat, & imponit S. Thom. crimen magnum qui eum facit oppositæ opinionis auctorem.

Sexta Conclusio.

Possibile fuit secundum absolutam Dei potentiam, quod diuinū verbum

verbum assumeret humanitatē existentem per propriam, & sibi con-
naturalem existentiam. Hanc conclusionem intelligo in hoc sensu,
quod humanitas assumpta retineret hanc naturalem existentiam. Ita
quod subsistentiam tantum à verbo susceperet. Negant hanc conclu-
sionem nonnulli S. Thom. interpretes: quamvis non omnes propter
eandem rationem. Quidam enim id circo negant hanc conclusionē,
quia existimant non esse possibile, quod humanitas existat nisi prius
sit completa & terminata aliqua personalitate & subsistentia, si-
ue creata & propria, siue increata & diuina. Arbitrantur enim hi theo-
logi, quod sicut inter potentiā visuam & visionem est intrinseca &
essentialis habitudo, sic a deo quod visio in nulla potentia alia rece-
pi potest: Ita inter suppositum & existentiam intrinseca & essentia-
lis est habitudo. Vnde censent suppositum esse vnicum & solum exi-
stētię susceptivum.

Alij vero alia ratione mouentur, videlicet, quia non est factibile
vt verbum communicet subsistentiam humanitati, non communicā-
do ei suam diuinam existentiam.

Alij denique theologi eo mouentur, quia existentia est vltimus
terminus, vltimumque naturę complementum, presertim secun-
dum S. Thom. doctrinam. Nam Scot. & alij quos pro secunda
opinionē superius circa principium huius dubitationis citauimus
non existentiam, sed subsistentiam dicunt vltimum esse naturę ter-
minum. Vnde colligitur quod si humanitas per absolutam Dei
potentiam ab omni supposito separata existeret: existentia consti-
tueret illam vltimo complemento terminatam: atque ad eo redde-
ret incommunicabilem interminabilem & in assumptibilem: Et
confirmant. Subsistentia idcirco reddit naturam omnino incom-
municabilem, & in assumptibilem, quia est terminus totaliter,
complens, & terminans ipsam naturam. Ergo si existentia est vltimus
naturę terminus, vltimumque eius complementum, formaliter con-
stituit naturam plene terminatam. atque adeo interminabilem &
in assumptibilem a verbo.

Sed his omnibus non obstantibus, Nostra tertia conclusio nobis
probabilior apparet. Et primo quod humanitas capax, sit immēdia-
te existentię, nec ne, ad verificandam nostram conclusionem non ad
modum refert. Quoniam in conclusione conditionatim loqui-
mur, si daretur humanitas ita existens. Sed præterea existimo satis
esse probabile, non tam intrinsecam habitudinem inter suppositum
& existentiam reperiri, atque est inter potentiā visuam, & visionē:
visio enim cum sit actus vitalis formalem importat habitudinem ad
visuam potentiam, à qua vitaliter elicitur. Quæ ratio inter supposi-
tum & existentiam locum non habet. Est quidem habitudo secun-
dum

dum ordinem naturæ proportionata & necessario seruanda: eo quod natura quandoque non est per substantiam terminata, incompleta est, & imperfectum habet statum. Et ex consequenti non satis est proportionata ad suscipiendum existentiam actum, qui est omnium actuum perfectissimus, postulatq. proinde susceptiuium perfectum, & completum. Sed tamen infinita Dei omnipotentia fieri potest, ut hic ordo mutetur, quia solum sumitur ex ratione debitæ proportionis, ex parte subiecti præsupponendi, poteritq. diuina omnipotentia fieri, ut existentia immediate in ipsa suscipiatur substantiali natura. Et quidem si anima rationalis, quæ neque suppositum est, neque completa natura, sed substantialis naturæ pars, absque miraculo, imo secundum ipsas naturæ leges capax est existentiam suscipiendæ: quare integra & totalis natura, humanitas, scilicet, a supposito secretata non poterit miraculose per existentiam terminari, & actu extra suas causas constitui.

Hoc ergo supposito probatur conclusio. Humanitas sic existens terminabilis manet, & complebilis per substantiam personalem. Ergo quid impedit quominus terminetur, & compleatur per diuinam verbi substantiam. Siquidem existentia auferret ab humanitate dependentiam, quam habet a propria personelitate: suppleretq. vicem personalitatis, complendo illam naturæ dependentiam, quam habet a supposito: libentissime ego faterer quod redderet humanitatem ulterius interminabilem, atque adeo inassumptibilem. Cum tamen reliquat in humanitate dependentiam naturalem, quam habet a supposito, necessum est illam ulterius terminabilem & complebilem esse fateamur. Et ex consequenti cum ex parte diuinæ substantiæ nihil desit, quominus possit illam naturæ dependentiam complere, & terminare, rationabile est dicamus, illud esse possibile. Vel quod ostendamus repugnantiam, quæ ex parte ipsius creatæ naturæ reperitur.

Secundo probatur ista sententia. Bene intelligitur posse Deum communicare substantiam, & non existentiam. Ergo intelligi quoque valet communicatio substantiæ personalis in humanitate per existentiam creatam præexistente. Antecedens probatur. Communicatio substantiæ præcedit naturæ ordine existentiam communicationem secundum S. Thom. doctrinam in cit. q. 17. Ergo cum prius non pendeat necessario a posteriori, saltem secundum absolutam Dei potentiam commode possumus intelligere, quod diuinum verbum suam illi præexistenti humanitati communicaret substantiam, non communicando ei existentiam.

Ex his motiua contrariæ opinionis absque difficultate manent soluta, si legantur hæc attente. Ad tertium motiuum specialiter dicimus, quod existentia est ultimus terminus, ultimumq. complementum naturæ secundum S. Thom. in hoc sensu, quod ex naturæ ordine præsup-

præsup-

præsupponit naturā completam, & terminam in supposito. Non autē quod ipsa existentia substantialem naturam compleat, & terminet. Hoc enim officium est subsistentiæ, & non existentia. Nam existentia nullum aliud complementum præstat, quam ipsam naturam, & omnia quæ ad eam pertinent, constituere simpliciter in actu extra suas causas. Vnde si fingamus humanitatem existere ab omni separata supposito, dicere consequenter debemus, eam non esse plenè terminatam, & completam: atque adeo permanere terminabilem per subsistentiam diuinam. Posset hæc solutio, & doctrina iuari ex eo quod existere diuinum, qd participatur in existentia creata nō red dit diuinam naturam in communicabilem, communicatur enim existens Deitas tribus diuinis personis. Ergo creata existentia ex propria existentia ratione, nequit reddere naturam creatam incommu nicabilem suppositaliter. Nam si hoc non competit existentia di uina, quæ est perfectissima in ratione existentia, non est cur com petat existentia creata, secundum propriam existentia rationem. Sed necesse est illi conueniat, prout coniungitur cum personali, seu suppositali existentia.

Sed obseruandum est, quod assumptio humanitatis ad verbum in tali casu alterius esset rationis, ab assumptione quæ de facto contingit. Quod est manifestum: cum illa assumptio in sola subsistentia cō municatione sisteret, ea autem quam de facto veneramur, & credi mus, ad communicationem etiam existentia pertingit. Et præterea il la data hypothesi, ego nullatenus concederem, quod humanitas existeret per existentiam verbi: & quod propria humanitatis existentia haberet in existentia modum, vt concedunt secundæ sententiæ au tores de facto contingere. Nam talis inexistentiæ modus non est ex plicabilis, neque intelligibilis: neque vero substantialis existentia capax est vltioris actualitatis in ratione existentia: atque adeo ne quit actuari, & terminari per existentiam diuinam. Quocirca in illo casu humanitas subsisteret quidem subsistentia diuina, existeret ta men dumtaxat per existentiam humanā. Nec esset concedendum sim pliciter, quod in illo homine esset vnicū tantū esse, sicut S. Th. conce dit de Christo, sed distinctione vtendum foret. Nimirum, quod habe ret vnum esse personale, duplex autē esse existentia. Vnde non esset tanta vnitas in illo homine Deo, quanta nunc reperitur in Christo.

Argumenta a principio huius dubitationis informata peculiari bus indigent solutionibus, quæ magna ex parte desumi poterunt ex doctrina circa conclusiones primam, & secundam tradita. Vnde ad primum argumentum, responderetur, Concedendo singularitatem hu manitatis in Christo distinctā esse a singularitate verbi: Nego tamē humanitatem constitui singularem per existentiam. Existentia enim

non pertinet ad indiuiduationis principium, nisi forsan extrinsece, ut putauit Capreol. id est, quod ordo ad existentiam, & non ipsa existentia singularitatem naturæ, & indiuiduationem constituit. De principio indiuiduationis non vacat in presentia disputare. Disputant Gaetan. & alij S. Thom. interpret. de hac re satis copiose 3. par. q. 4. & 1. p. q. 3. Verior sententia in hac parte mihi apparet, quod materia prout radicaliter præhabet quantitatem, Primum est indiuiduationis principium. Sed de huius sententiæ intelligentia, & de principio indiuiduationis, nullum aliud hic verbum addam: vocat enim me huius operis exitus, quem attingere festino.

Ad primam confirmationem respondetur, quod singularitas, quæ præintellecta fuit in humanitate ad assumptionem hyposthaticam, non ex aliqua proueniebat existentia, sed ex prædicto indiuiduationis principio.

Ad secundam confirmationem dicitur, quod humanitas a verbo separata eandem quidem retineret singularitatem, quam nunc habet unita: non tamen eandem conseruaret existentiam. Sed continuo in ea insurgeret propria & ipsi connaturalis existentia. orireturq; ad modum simplicis resultaret ex vi actionis, qua humanitas fuit a B. Virgine concepta, simulque ex vi creationis qua Christi anima fuit a deo creata. Quæ actiones per hyposthaticam unionem fuerunt quasi impeditæ, ne ad hunc pertingeret terminum. Quo impedimento sublato continuo humanitas se explicaret in propriam existentiam. (Voco impedimentum, ut clariori verbo utar: sed res ipsa potius ibi fuit excellens beneficium humanitati collatum, quam aliquod appositum impedimentum.) Et quamuis illo casu admissio separaretur a Christi humanitate illa existentia per quam nunc existit, puta, existentia verbi: non tamen ipsa humanitas corrumpetur, aut destrueretur: eo quod in eodem instanti separationis existentia verbi, resultaret propria ipsius humanitatis existentia. Itaque primum non esse existentie verbi in humanitate, esset primum esse existentia naturalis in humanitate eadem. Iuxta modum quo Peripathetici philosophantur de materia prima ad quam fit in substantiali generatione resolutio, Neque autores contrariae sententiæ, etiam si in materia prima partialem existentiam commententur possunt ab hac solutione recedere. Quoniam nisi improbabiler prorsus loquantur fateri tenentur materiam primam absque miraculo non posse per solam illam existentiam partialiter existere, sed quod necessario pendet a forma & ab actuali eius existentia, ut actu extra suas causas existat. Qua supposita sententia, ut sustineant eandem materiam primam quæ incorrupto fuit, ingenito permanere (quod est omni dubio procul certissimum) necessum habent ad solutionem a nobis assignatam recurrere.

recurrere. Nisi fortassis cum Scot. dixerint coceam esse materię substantialem corporeitatis formam.

Ad solutionem secundi argumenti illud præmittendum esse censeo, quod inter causam efficientem ex vno extremo, & alias causas ex alio hoc differt (alijs differentijs prætermisiss) quod causa efficiens debet præcedere suum effectum ordine naturę, secundum actualem existentiam : ita, quod prius existat causa quam eius effectus. In alijs vero causis non est necessaria præexistentia causę ad effectum, sed satis fuerit, quod præintelligantur secundum verum esse essenziale. Ad huius rei exactam assignandam rationem præsupponendum est ex Aristot. in capitul. de priori, quod in his, quę sunt simul tempore, naturę prioritas solum attenditur secundum causalitatis exigentiam. Ita quod causa ea sola ratione prior sit suo effectui, quę necessaria est ex parte ipsius causę ad inducendum effectum. In alijs autem omnibus causa & effectus omnimodam habeant similitudinem. Quo supposito ad propositum dico, quod cum causa efficiens producat effectum a seipsa realiter distinctum, necessum est vt prius in semetipsa virtute & in actu, primo effectum præhabeat, quam ipsum extra se efficiat. Præhabere autem hoc modo effectum, minime potest efficiens causa, nisi & ipsa actu præexistat, vt iam superius dicebamus, & si aliud agentes. Causa vero formalis & materialis (nam de finali non est locus hic dicendi) non causant effectum totaliter a se ipsis distinctum; Ita vt sit necesse præhabere illum in actuali virtute. Sed causant seipsis intrando compositionem rei, in qua re ipsęmet causę permanent in sua perfectione, in suoque complemento constitutę. Et compositum ex his partialibus causis resultans ab ipsis quidem pendet in suo toto esse substantiali, & essentiali: non enim substantiale esse compositi est aliud secundum se, quam ipsę coniunctę partes. Et si totum formalitatem quandam supra partes importet. Non autem pendet formaliter a partibus in sua existentia, sed potius e contra, partium inexistencia pendet a toto composito, quod ex parte admittunt etiam aduersarij. Quoniam fatentur, totum habere propriam existentiam per quam existit. Et dicunt totum non existere formaliter per existentiam partium, sed potius partes in actualitate existendi pendere ab existentia totius, sic adeo, quod sublata existentia totius partes actu existere nequeunt, vno excepto homine cuius anima est immortalis. Nos vero amplius quid dicimus, etsi proportionabiliter ad ista. Dicimus enim, quod vt partes causent totum, necessum quidem est, vt in eodem instanti in quo illud causant, existant. Nam sine existentia, nulla causalitas esse potest. Sed tamen quia non

causant quatenus existunt, quia in existentia ipse pendet a toto composito, & non e conuerso. sed quatenus sunt entitates substantiales, ex quibus confurgit tota substantialitas & essentia totius. Idcirco non prius natura existunt quam componant totum & ipsum causent. Præintelliguntur tamen secundum veram entitatem substantialem, in qua totum compositum ab ipsis pendet.

Dices. Nisi materia & forma præintelligantur existentes, non præintelliguntur in aliqua actualitate, quia prima actualitas est ipsa existentia. Ergo non præintelliguntur in ratione sufficienti ad causandum. Causare enim, aliquam in ipsa causa actualitatem importat, imo & præsupponit; nam cum causare sic actualitas quadam, supponat necesse est primam actualitatem, quæ est existentia.

Ad hoc argumentum, in quo punctus difficultatis huius consistit. Respondeo, quod idcirco istud argumentum tam difficile visum est contrarijs auctoribus, quia persuasum habuerunt, solam existentiam esse actualitatem & formalitatem entis. Ex quo principio optima consequutione deduxerunt, quod non potest haberi conceptus alicuius entitatis, secundum esse actuale eius & formale, in quo non formaliter includatur actualis existentia. Nos autem sufficienter, ni fallimur, probatum reliquimus istud principium falsum esse. Vnde consentanee ad ea quæ diximus, respondeo huic argumento. Existentiæ conditionem, quidem esse necessariam per modum termini, ut ens quodcunque entitatem habeat actualem. Cæterum hac conditione existentie actualis extante, quælibet res ex sua specifica forma actualem habet entitatem etiâ in ratione entis. Neq. oportet ut in cōceptu, in quo explicatur hæc rei actualitas, explicetur ipsa eius actualis existentia. Sed satis superq. fuerit, quod realiter interueniat ipsa actualis rei existentia, & quod ut plurimum inuoluatur in ipso conceptu, ut requisita conditio. Quo supposito ad solutionem argumenti propius accedens dico, quod ut præintelligantur partes in ratione cauandi totum cum sufficienti actualitate ad causandum in suo genere, necessum est, ut in eodem instanti in quo causant, existant: non tamen est necesse, quod hæc existendi actualitas explicetur in conceptu illo partium, quo præintelliguntur toti componendo. Nam ipsa inet essentialis ratio partium est vera actualitas, secundum quam partes præsupponunt toti composito.

Sed dices: Existentiæ ut minimum est conditio necessaria, ut partes & quælibet res actualitatem habeant entitativam. Ergo nisi in conceptu explicetur actualis existentia, non concipietur res formaliter in ratione actualis entitatis: quia deest illi conceptui conditio sine qua, neque esse, neque intelligi potest entitatis actualitas.

Respondetur, quod ad actualitatem entitativam, secundum quod est in

est in conceptione mentis, existentia non est necessaria in actu, sed tantum est necesse q. res concipiatur vt potens existere, ita quod a conceptu actualis entis nequit excludi. Esse: Sed non oportet quod includatur vt actu terminans entitatem conceptam, sed quod ipsa entitas concipiatur per modum terminabilis per existentiam. Hec solutio sufficit ad soluendum argumentum si tantum procedat de actualitate entitatis vt concepta: quoniam tunc concipitur vera entitas essentialis secundum actualitatem essentialem, quae in genere entis est implicita actualitas, quando concipitur per modum entitatis aptae natę existere: de qua re non est locus amplius dicendi. Solent illam tractare theologi cum de abstractione intellectus differunt, & cum obiectum intellectus comparant voluntatis obiecto, vt ex obiectiua perfectione colligant vera sit perfectior potetia, intellectiua, an volitiua. Resoluntq. peritiores Thomistae cum Caiet. 1. p. q. 82. ar. 3. quod obiectum intellectus est essentia seu quidditas rei, sic adeo quod ipsa etiam existentia pertinet ad obiectum intellectus, quia ratione est essentia quaedam, & non prout exequitur existentie officium. Nam hac ratione ad voluntatis obiectum potius attinet. Voluntas enim fertur ad res vt existunt actu extra suas causas. Legatur illo loco Caiet. & ad nostrum nos redeamus intentum, asserendo, quod ipsa rei quidditas & essentia est vera actualitas, si tamen cum ordine ad existentiam concipiatur.

Maiores autem difficultas est, si de actualitate entitativa loquamur secundum quod in causis, materiali, & formali fundat actualitatem causandi, de quo potissimum tota haec argumentatio procedit. Hoc enim non ad ordinem conceptionis, sed ad realem executionem spectat. Vnde sicut omnis actualitas in conceptione intellectus postulat habitudinem ad existentiam, ita in executione posita exigit saltem vt necessariam conditionem actualem ipsam existentiam, actualem existentiae officium exequentem. Vnde cum concipitur res aliqua per modum actualis entitatis ad executionem attinentis, debet necessario intelligi vt existens.

Huic difficultati breuiter dico, satis superq. esse ad hanc actualitatem, quod in eodem instanti, in quo materia & forma per suas entitates essentielles cooccurrunt ad constituendam essentiam compositi, actu existant in rerum natura. Nam cum earum actualitas, vt dixi. non consistat formaliter in actuali existentia, non est necessarium ad exercitium causalitatis harum causarum, quod actualis earum existentia praesupponatur ordine naturae; sed sat fuerit, quod in ipso actuali exercitio causalitatis eam habeant adiunctam, sitque simul in eadem durationis mensura. Et quidem si auctores contrariae sententiae, vt par est, fatentur, quod partes in actuali existentia pendunt necessario ab existentia totius, etiam si existentijs partialibus existant.

existant: eodem fere modo debet soluere hoc argumentū; quod nōs illud solimus: Necessum enim habent concedere, quod partes substantiales non prius natura existunt, quam existat totum. Alias enim falso dicent & irrationabiliter, quod partes in actuali existentia pendunt per se & essentialiter ab existentia totius. Ad argumentum ergo tandem dico, quod etiam si partes essentielles, scilicet, materia & forma intelligantur in ratione actualitatis secundum executionem realem causalitatis proprię, non est necesse quod concipiantur ut existentes: sed satis est quod non intelligantur ut non existentes, ita quod ex vi cognitionis relinquatur locus ut in eodem existant instanti. Et quod existentia nō est necessaria ad causalitatem materię & formę per modum pręrequisitę conditionis: sed per modū cuiusdā actualitatis concomitantis. Totumq. huius doctrinę fundamentū est id quod supposuimus: nempe, has partes essentielles nō ut existentes ad compositionē totius concurrere, neque ei conferre suas existentias, sed suas dumtaxat essentias partiales, & proinde actualitas causalitatis materialis & formalis solam pręsupponit entitatem essentialē requirit tamen ut conditionem necessariam actualitatem existentię simul tempore concomitantem & concurrentem.

Ex his omnibus quę tam late diximus, facillimum erit secundū argumentum dilluere. Dico enim quod Christi humanitas pręsupponitur ad vnionem cum verbo, ad eum modum quo diximus partes essentielles pręsupponi ad compositionem: quę pręsuppositio sufficientissima est, ut ipsa humanitas dicatur assumptio: cum assumptio non sit qualiscunq. sed ad suppositum in quo humanitas assumpta acquirit esse, & in sensu in quo partes dicuntur prius vnitz quam existant per existentiam totius. Dicitur etiam humanitas prius assumpta ad esse personale verbi quam existat per eius existentiam. Prioritas autem partium ad totum non secundum esse existentię attenditur, sed secundum esse dumtaxat substantiale & essentialē, ut ex dictis constat. Et solam simultaneam & concomitantem existentiam postulat. Et posset addi his quę diximus, quod hæc si mustanea actualis existentię duratio, in voluitur in conceptu quo partes pręintelliguntur ut componentes, per modum necessarię conditionis. Quod & a principio solutionis argumenti huius insinuauimus. Ex his superest soluta prima confirmatio. Constat enim ex dictis, humanitatē fuisse pręintellectam assumptioni in ratione actualis entitatis: non quidem, ut actualiter existentis, sed ut entitatis formalis aptę natę conferre, diuino verbo formalem de nominationem humani suppositi. Hoc dictum est quod attinet ad pręconceptionem. Nam si de exercitio actualis assumptionis loquamur, factis fuit actualis existentia quam habuit in ipso assumptionis instanti, neq. alia fuit pręrequisi-

ta, vt de partibus nunc nunc dicebamus, proportionabiliter etiam de humanitate Christi loqui debemus ad ea quæ de partibus diximus, imperfectionibus tamen semotis.

Secundæ confirmationi dicitur, quod cum res præintelligitur vt apta nata existere, non intelligitur vt purum nihil. Sed per modum veræ & formalis essentia. Ex quo tamen non licet inferre, quod a parte rei sit aliquid. Non enim valet argumentatio a re vt concepta ad ipsammet vt existentem, Quamuis si ad id de quo loqui nunc attendamus, etiam concedo quod in illo instanti in quo concipiebatur humanitas per modum entitatis assumenda a verbo, existebat a parte rei & assumebatur, & erat assumpta a verbo: quia in instanti simul est fieri, & factum esse.

Ad tertij argumenti solutionem sufficiunt quæ dixi superius q. 51 art. 3. dub. 2. illud tantum superaddendum duxi, quod terminus assumptionis, & terminus creationis, seu productionis humanæ naturæ, ratione differunt in isto mysterio, Assumptio enim per se primo nõ terminatur ad esse existentia, sed ad esse personale, seu quod est idem, ad esse substantia. Creatio vero non esse personale respicit, sed esse existentia: Est enim productio entis de non esse, ad esse. Sed licet hoc verum sit de creatione, de productione tamen seu generatione qua B. Virgo Christum genuit aliter est dicendum. Generatio enim per se primo respicit formam vt terminum, Quo, respicit autem per se suppositum vt terminum, quem, Vnde terminus, qui generationis factæ materno B. Virginis officio ipse fuit Christus pro ut humanum suppositum. Ex licet ipsa sacra Virgo sua genitrice actione nullatenus effecerit assumptionem secundum assumptionis rationem, ipsam tamen humanitatem quam vere effecit communicauit verbo, id est, ministravit deo in eius assumptione quatenus humanitas non habuit esse nisi in ipso verbo, vt superius ex gratissima Sophronij Hierosolimita. Epist. referebā. Vnde Beatissima virgo verum habuit concursum vt verbum humanum esset suppositum, & vt esset homo. Quo fit vt terminus generationis humanæ virginis ministerio factæ, non fuit humanitas vt assumpta secundum formalitatem assumptionis, nam solum verbum assumpsit ad se naturā, & tota trinitas absque vllō instrumento medio ipsam assumptionem effecit, fuit tamen ipsamet humanitas vt in tali supposito constituta, vt autem Virginis actio attingeret humanitatem vt in tali supposito, habuit ex eo quod simul cum eius actione concurrebat assumptio, imo prius naturæ ordine ex parte termini præintelligimus assumptionem, nam quia verbum assumpsit ad se humanitatem, ideoque actio generatiua Beatæ virginis attingit humanitatem in tali supposito constitutam, & sibi suum applicauit concursum. Ego

hoc

hoc est, quod non semel dicunt graues Auctores verbum Beatæ virginis actione inducū fuisse & vestitū carne nostra. Et ob id summa cum formalitate concedunt Conc. & Patres, Beatam virginem Christum & deum genuisse. Esseque proinde appellandam vere & proprie theotocon, idest, dei genitricem. Hæc autem omnia quæ ad hanc fidei veritatem elucidendam tam aperte conducunt, cessarent pænitus, si vera esset sententia contraria, quæ dicit humanitatem Christi assumptioni præexistisse. Nam totum immaculatæ Virginis officium præsuppositum fuisset ante assumptionem, & totaliter consummatum & absolutum, & pure materialiter ipsa suo officio & ministerio cocurreret, imo & omnino peraccidens, vt superius dicebā, ad hoc vt verbum esset caro: atque ad eo minus proprie Christi & Dei Genitrix diceretur. Ad exactā huius tertij argumenti solutionē quam desumat lector ex loco citato, expendantur omnino verba quæ circa primam huius dubij conclusionem ex S. Leo. retulimus, quibus dicit, Christi humanitatem assumptione fuisse creatam. Quibus verbis designat manifeste generationis Christi ab humanitatis assumptione dependentiam. Quoniam creationis nomine generationem humanitatis Christi Doctissimus hic & sanctiss. Pater comprehendit.

*alijs Deo

Ad Confirmationem Respondetur. quod conseruatio siue ab eo immediate fiat, siue causarum secundarum ministerio, non oportet quod ipsam existentiam immediate attingat: sed satis fuerit, quod attingat dispositiones quæ ex parte naturæ conseruandæ requiruntur, vt ipsa debite sit proportionata & disposita vt in tali esse conseruetur. Itaque proportionabiliter loqui possumus de conseruatione humanitatis Christi, præsertim si de conseruatione facta causis naturalibus sermo fiat, atque loquebamur modo de actione generatiua Beatæ Virgi. quæ non attingit formaliter vnionem humanitatis cum verbo, sed ipsam effecit proportionatam tali vnioni, ea proportionē quæ ex parte rationalis naturæ potuit reperiri: & hoc non solū antecedenter ad vnionem, sed etiam concomitanter & quasi consequenter, quatenus in ipsomet verbo fuit formata Christi caro eius quæ producta humanitas.

*vniō

Secundo respōdetur, quod si loquamur de conseruatione formaliter sumpta, a solo deo esse potest, a quo solo potuit effici. Attingit autem actio dei diuinum esse verbi, nō vt faciendum sed vt vniendum, vel vr proprius loquar, attingit humanitatē vniendo illam verbo substantialiter & eodem modo eius conseruat vnionem. Quia sicut creatio & conseruatio non sunt duæ actiones, sed yna continuata & solū differunt in quadam nouitatis ratione, quam importat creatio, ita & vnio actualis & eius conseruatio in hoc mysterio eadem simili-

ter est

ter est Dei actio. Est autem hoc loco aduertendum, ad rationem generationis non esse necessarium, quod generans producat de nouo existentiam rei genitæ: sed satis fuerit, producat essentiam rei sub existentia præexistenti. Nam cum existentia non sit intrinseca rei actualitas, sed terminus & complementum eius, parum retulerit ad generationem, quod generans producat de nouo existentiam, aut quod producat substantiam rei genitæ sub existentia antiqua: & ita contigit generationi, qua Beata Virgo Christum genuit: produxit enim humanitatem sub diuini verbi existentia, per quam terminatur & completur. Imo & probabilis est sententia, quam Sap. Bañes in comment. ad 1 p. S. Tho. docuit, quod existentia in omni generatione cuiuscumque particularis substantiæ, non a generante particulari, sed a solo Deo immediate efficitur, qua probabili sententia supposita, satis fit verosimile id quod nunc dicebamus. Et proportionabiliter est dicendum de conseruatione, non esse necessarium vt conseruans rei substantiam attingat conseruationem existentia rei in semetipsa.

Ad quartum argumentum respondeo quod humanitas suam habet in Christo essentialē actualitatem, ab actualitate essentiali diuinitatis distinctam. Hæc autem humanitatis actualitas, non est actualis eius existentia, vt ex dictis constat: etsi requirat existentiam tanquam conditionem necessariam, non tamen vt ingredientem ipsam essentialis actualitatis rationem: sed vt requisitum quandam terminum: Si semel animum ab illo falso principio auocemus, videlicet, existentiam esse formalem cuiusuis rei actualitatem, omnia contraria sententia euanescunt argumenta. Ex his superest soluta huius argumenti confirmatio. Constat enim posse Deum conseruare humanitatem cum omni actualitate eius essentiali, non vero cum actualitate ab existentia proueniente. Quæ non est necessaria, vt vere dicamus Deum conseruare humanitatem cum omni eius intrinseca & essentiali actualitate, quæ tamen conseruaret sub alia existentia. Ex quo aperte colligitur existentiam quali extrinsece se habere ad propriam naturæ humanæ actualitatem, & essentialē perfectionem, cum ad eius conseruationem quæcumque siue creata, siue increata existentia sufficiat.

Ad quintum argumentum respondetur. Eodem argumento posse probari, Angelum euidenter cognouisse diuinam verbi substantiam. humanitati communicatam: quoniam videbat Christum subsistere. Nam sicut existere effectus est formalis existentia, ita & subsistere est effectus formalis substantia. Sicut ergo theologi omnes enentur soluere hoc argumentum de substantia desumptum: grauitè enim erraret qui diceret Angelum proprio & naturali lumine euidenti potuisse notitia cognoscere diuinā substantiam, qua ipsa subsistit humanitas, ita & nos dissoluemus similiter argumentum de existentia factum.

Respondetur ergo: Angelo notum quidem fuisse illum hominem actu in rerum natura existere. Veruntamen non in particulari cognouit ipsum formale eius existere: neque nouit: an diuinum esset, vel humanum. Sed in confuso a posteriori & ab effectu certe iudicabat illum hominem existere, ac similiter subsistere. Vnde rigurose loquendo non euidenter cognouit formalem effectum existentiae qua Christi humanitas existeret, atque adeo neque mirum, quod ipsam formam non cognosceret. Autores contrarij suo fundamento inhaerentes, nimirum, quod Christi humanitas non nisi per existentiam constituitur in ratione actualis entitatis, non probabunt istam solutionem. Sed necessum habent illi theologi suum prius probare fundamentum, quod nisi ego cecutio, & in philosophia, & in theologia est parum probabile.

Ad sextum argumentum facile respondetur, quod vnio humanitatis ad verbum non primo terminata fuit ad existentiam: sed ad ipsam personalem subsistentiam verbi, atque adeo non in natura, sed in persona facta est. Qua in re valde errauit Durand. cuius sententiam superius q. 5. ar. 3. insinuauimus a qua non longe recedit alia Dionisij Cisterciensis. ibidem quoque in sinuata, de qua re non vacat in praesentia amplius quid dicere. Sed illud tantum addiderim, negandum non esse, sed potius certa fide credendum, Christi humanitatem mediate & quasi secundo vnitam quoque fuisse diuinitati: & ita superius distinximus ex humanitate & diuinitate Christum constitui, & vere componi: atque adeo valde rationabiliter asseritur quod humanitas habet existere a diuinitate. Ita quod subsistentiam a verbo, existentiam vero a diuinitate suscipit praesupposita tamen ipsa verbi subexistencia humanitati communicata: & ob id vnio non in natura sed in persona a grauissimis Concilio & Patribus dicitur facta. Mihi facio quod mens Conciliorum & Patrum in hac doctrina, in qua aduersus Eutychetem potissimum desinebant, ea fuit, quod ex duabus naturis non vna resultauit natura, neque est in Christo naturarum confusio, sed quaelibet natura retinet quae sibi secundum rationem naturae propria sunt & connaturalia. Posset quoque ad istud sextum argumentum dici: quod humanitas a verbo accipit personalem existentiam, quae propria est verbi & non toti Trinitati communis. Neque quicquam retulerit quod sit relatiua, & humanitas sit natura substantialis absoluta. Nam sicut relatiua verbi subsistentia personaliter potest terminare & complere naturam humanam, subsistitque humanitas in Christo ipsa relatiua subsistentia, potest similiter existentia verbi relatiua eandem humanitatem terminare, potestque humanitas per hanc verbi existentiam actualiter existere.

An vero in Deo existentiae sint relatiuae, vel vnica tantum existentia
essentia.

essentiali tres sanctissime Trinitatis personæ existant, alienum esse arbitror a præsentī disputatione. Disputavi copiose difficultatem istam in lib. 1. de originī gratiæ tractatu. 2. ibi poterit nostra sententia videri, nec enim mei moris est, vel aliena, vel propria transportare & transcribere.

Ad ultimum tamen argumentum, ad verba ex septima generali synodo desumpta, quibus Epiphanius ille humanitatem Christi vocauit entitatem existentem. Respondetur alijs omīssis, quæ non tam apparet verosimilia. Primo. Quod cum Epiphanius humanitatem appellauit entitatem existentem, nihil aliud intellexit quam quod humanitas est vera entitas propriæ existentiæ capax, & non sola imaginatione conficta. Et quod hæc intelligentia sit menti Epphanij cōsentanea constabit legenti. In hunc enim modum dicit. Phisum vero, idest, naturam rem per se existentem, & nō indigentem altera vt subsistat. Vbi manifestum est non loqui de actuali subsistentia, quia natura humana in christo propriam subsistentiam non retinet, sed eget potius subsistentia dei, qua actu subsistit. Quo circa sensus Epphanij est: illam vere appellari naturam quæ propria subsistentia potest subsistere. In eodem ergo sensu, non irrationabiliter dicemus Epyphanium vocasse naturam existentem, idest, ex seipsa potentē existere absque adminiculo existentia alterius cuiuspiam naturæ.

Secundo respondeo quod Epiphanius dixit humanitatem in christo vere existere, esseque proinde rem per se existentem, minime autem explicuit qua existeret existentia, creata ne, an increata: vnde facilius est dicere: Epiphan. non venisse in mentem Christi humanitatem sibi propriam & connaturalem retinere existentiam.

Ad Damasceni auctoritatem dicitur, quod in versione Bilij mens Damasceni apertissime exprimitur, nam quod in versione Fabri dicitur, Christi humanitatem non esse per assumptionem existentia priuatam: Bilius vertit, quod non fuit nihilum redacta, quod verissimū est, cum fuerit ei communicata infinita verbi existentia. Præterea dico: quod cum in christi humanitate nullus sit appetitus ad propriā vel subsistentiam vel existentiam, quia vberrime & totaliter satiatur totus eius appetitus per subsistentiam & existentiam verbi, quamuis propriam existentiam non habeat, nullatenus debet dici existentia priuari, aut esse priuatam: sed potius valde perfectam esse, & eleuatam etiam in ratione existentis. Quis enim priuari dicitur aliquo bono, cum illud in excellentius & alius commutat: Igitur ex eo quod Damascenus humanitatem Christi non priuatam existentia dicit, nullatenus inferri potest ipsam non existere diuina verbi existentia. Ad illam autem distinctionem quam Damascenus numerat, quasi res distinctas, existentiam carnis, assumptionem, & desiccationem

Respondeo debile satis argumentum ex hac distinctione desumi, in ea enim non res, sed rationes distinxit Damascenus: alias enim etiā esset dicendū quod assumptio & deificatio sunt res distinctę realiter in Christo & in sacra eius carne, quo nihil falsius dici possit: tandem. Damasceni sententia est manifesta pro doctrina S. Thom. vt constat ex c. 22. Sed ex eodem capite obijciunt nobis aduersarij, quia in qua dam translatione dicitur, quod verbo est vnita caro extremę existētię, idest, caro in altero extremo existens. Sed respondetur. Et primo admittendo hunc sensum expositum, dico quod humanitas est alterum exeremum in Christi compositione vere existens, non tamē propria existentia, sed existentia verbi. Nam vere dicuntur extrema existentia alicuius compositi, quamuis vtrumq. extremū eadem existat compositi existentia. Secundo respondetur sensum illorum verborū alium esse fortassis ab eo quem argumentum contendit, neq. aliud Damascenus dicere per illa verba extremę, Existentię, voluit quam quod humanitas non prius exitit, quā diuino esset verbo vnita, sed ibi habuit initium existendi, hoc enim primum existendi initium intellexit Damascenus illis verbis Extremę existentię. Quocirca hæc verba potius fauent Sanct. Thomę doctrinā, quam ei aliqua ex parte repugnent, & hactenus de ista difficultate, Et his omnibus ita suppositis ad primi dubij disputationem & explicationem accedamus.

Primum principale Dubium.

Dubitatio igitur est cui in hac septima. quæstione primum tribuimus locum. Num Christus sit prædestinationis obiectū, id est An sit prædestinatus. Et partem negatiuā sequentibus argumentis probō.

Primum argumentū sumitur ex autoritate quorundā Patrū, Origines enim super Paulū versans illa verba Ro. 1. Qui prædestinatus est filius Dei in virtute &c. Ita inquit, destinatur qui est, prædestinatur qui nōdū est, & Aug. explicans illud Ro. 8. Quos præsciuit & prædestinauit &c. inquit, Vocātur existentes, prædestinantur nō existentes. Ex his testimonijs colligitur, quod obiectū prædestinationis debet intelligi nō existens ante prædestinationē, sed de Christo non potest affirmari quod non est, ve l aliquando non fuerit: Iesus Christus, enim heri, & hodie, vsq. in seculum, dicente Pau. ad Hæbr. vltimo: ergo Christus non potest dici alicuius prædestinationis obiectum.

Secundū argumentū. Christo nulla potest aut potuit vnquam fieri gratia: ergo incapax est prædestinationis atq. adeo nō erit eius obiectum. Consequentia euident est, ex quodam notabili ex his quæ a principio supposuimus, in quo diximus ex communi theologorum sententia, quod prædestinatio non est nisi in bonis quæ gratuito & libera-

bèraliter conferuntur ei qui prædestinatur. Antecedens vero probatur, & primo quidè, christus secūdū personā diuinā cū sit dñs omniū atq; omniū bonorū plenus, vt docte animaduertit Aug. tractās illa verba psal. 49. & pulchritudo agri mecū est. Nullius passiuæ donationis, nulliusque beneficij suscipiendi capax esse potest. Secūdū vero humanitatem probo quod nulla ei possit fieri gratia. Omnia supernaturalia bona ad ordinem gratiæ spectantia, debita sunt humanitati Christi ratione hyposthacæ vnionis, quod superius quæst. 2. art. 2. longa disputatione versati sumus: At ei cui debentur omnia, nulla potest fieri gratia. Confirmatur. Christus vt homo est hæres vniuersalis omniū bonorum Dei. Itaque debentur ei omnia bona, præsertim supernaturalis ordinis titulo filiationis diuinæ: quia, videlicet, filius est Dei naturalis. Et ita Pau. ad heb. 1. dicebat, Quem constituit hæredem vniuersorum. Ergo nulla ei potest fieri gratia.

Tertium argumentum. Christus non est obiectum prædestinationis in quantum Deus, aut in quantum homo: Ergo nulla ratione potest appellari prædestinationis obiectum. Videtur euidentis consequentia. Et antecedens pro prima parte ex dictis est manifestū: pro secunda vero probatur. Christus secūdum quod homo: neq; potest prædestinari, vt sit Dei filius naturalis, neq; vero filius Dei adoptiuus. Ergo nullius prædestinationis est capax. Consequentia apparet manifesta: quia omnis diuina prædestinatio ordinatur ad diuinam filiationē vel naturalem, vel adoptiuam. Antecedens vero quoad neutram partē videtur posse negari, nam de filiatione adoptiua superius in prima quæstione multis probauimus, adoptiuam filiationem esse Christo repugnantē: de filiatione vero naturali pater, ex eo quod Christus inquit nū homo non est Deus, si proprius fiat sermo, vt constat ex S. Th. 3. p. q. 16. art. 11. Atq; adeo neq; potest filius Dei naturalis appellari.

Quartum argumentum. Istæ propositiones sunt falsæ. Christus incepit esse, & Christus est factus: Ergo & ista propositio est falsa, Christus est prædestinatus, & ex consequenti Christus non est prædestinationis obiectum, ex paritate rationis constat bonitas huius consequentia. Confirmatur. Si de Christo vere concedimus esse prædestinatum, similiter debemus concedere, Dei, filium prædestinatum esse propter communicationem Idiomatum. Nāque prædicantur de Christo dicuntur etiam de filio Dei quamuis sint prædicata que defectum aliquē ratione humanitatis importent, vt pati, mori &c. Sicut enim cōcedimus Christū passū fuisse, & mortuū. Ita concedimus similiter filium Dei passū fuisse & mortuum. At hæc propositio filius Dei est prædestinatus, nullatenus est concedenda Ergo &c.

Quintū argumentū. Tota gratia quæ reperitur in mysterio Incarnationis facta est humanitati, & non Christo, Ergo obiectū prædestinationis

nationis non est Christus: sed humanitas. Est euidentis cōsequētia, quia obiectū prędestinationis est illud cui tribuitur bonū, vel beneficium in quod tanquā in terminum ipsa prędestinatio tendit. Probatur antecedens. Potissimum beneficium quod interuenit in mysterio incarnationis fuit vnio seu assumptio hypostatica. Hęc autē vnio nō Christo, sed humanitati cōpetit: Ergo humanitas est cui ex vi prędestinationis facta est gratia: atq; adeo ipsa fuit prędestinationis obiectum.

In oppositum est Paul, ad Rom. 1. in hunc modum de Christo loquens. Qui factus est ei ex semine Dauid secundum carnem qui prędestinatus est filius Dei in virtute &c.

Quamuis diuersa sint theologorum placita in modo explicandi prędestinationem Christi: Nullus tamen absolute negat, Christum fuisse prędestinatum, quamuis nonnulli videantur proprietatem negare; existimantes largā & ampliā assertionē sumi hoc nomen Prędestinatio, cum Christo accommodatur. Sed ad veritatis intelligentiam, & quęstionis resolutionem sit.

Prima Conclusio.

Christus secundum quod Deus seu naturalis Dei filius non est prędestinationis obiectum. Hęc conclusio certa est secundum fidem, quam definiuit Concilium Toletan. 11. in pręfatione fidei in hunc modum. Hic tamen, scilicet, Christus, per hoc quod de Deo Patre sine initio prodijt natus tantum, nam nec factus, nec prędestinatus accipitur. Colligitur pręterea hęc veritas ex illo testimonio Paul. nunc citato: nam, vt eruditē S. Th. aduertit 3. p. q. 24. ar. 1. ad 2. Priusquam Paul. Christū prędestinatum esse diceret, pręmisit illa verba, quę ad eius humanitatē pertinet, videlicet, Qui factus est ei ex semine Dauid secundum carnem. Vt ostenderet quod non attribuebat prędestinationē Christo vt Deo, & secūdu q in diuina subsistit natura Ergo &c.

2880
Tertio probatur. Christo prout in diuina natura subsistit, id est secundum quod est naturalis Dei filius, non competunt conditiones quas ex communi theologorū sententiā pręsupposuimus à principio esse simpliciter ad prędestinationem necessarias: Non ergo Christus prout in diuina subsistens natura potest esse prędestinationis obiectum. Antecedens probatur. Nam prima conditio erat quod ex vi prędestinationis aliqua fieret gratia ei qui prędestinatur. At Christo sub hac ratione considerato, nulla potest gratia fieri, nullūq; ei valet donū aut beneficiū conferri. Itē necessū est iuxta cōditiones supra positas quod prędestinans superioritatem aliquā habeat supra prędestinatū: Christus autē vt Deus cui potest subijci? aut quam potest superioritatem recognoscere? Deniq; ista conclusio ab vniuersis theologis est recepta in 3. dist. 7. & 10. Neq; vero illam vt probabilem sententiam docent, sed vt certam fidei veritatem.

Est tamen hæc conclusio cum duplici limitatione accipienda. Prima, quod procedat de re ipsa. Non enim in præsentia definitio. An hæc propositio, filius Dei est prædestinatus possit verificari propter communicationem idiomatum, sicut verificatur ista filius Dei est mortuus, de qua restatim.

Secunda limitatio est, quod intelligatur de prædestinatione, quæ est simpliciter prædestinatio. Et in qua servantur leges quæ communiter censentur necessariae ad veram, & propriam prædestinationem, quæ sunt illæ, quæ in fundamentis superius prædictis continentur. Hoc dixerim propterea, quod quibusdam theologis egregie doctis visum est aliqua ratione concedere hanc propositionem, filius Dei prædestinatus est ut esset homo, eo quod in tempore ita contingit, quod filius Dei factus est homo: Idem quod sit in tempore, si ad supernaturalem ordinem spectet, æterna dei prædestinatione fuit dispositum. Præterea quia Paul. 1. Corinth. 2. sapientiam dei prædestinatam dicit in gloriam nostram, & per sapientiam Dei videtur ipsum dei filium qui est ipsa Patris sapientia intellexisse. Ne hæc sententiam videamur excludere secundam limitationem primæ conclusionis apposuimus. Nam licet ego huic sententiæ non libenter assentiam, sed assentio potius S. Tho. expresse contrarium dicenti. 3. p. q. 14. a. 2. ad 3. nō tamen in ea aliquid vel temeritatis, vel periculi reperiō. Nam potissimum argumentū, quod illam impugnat, apparentem habet solutionem, argumentum autem hoc desumitur ex illa conditione ad prædestinationem requisita, videlicet, quod prædestinato aliqua debet fieri gratia ex vi prædestinationis: filio autem dei nulla fuit facta gratia in hoc, quod esset homo, & quod natura humana ipsi personaliter copularetur: Ergo, &c. Huic argumento apparenter dicunt, qui prædictam sententiam tuentur, satis esse, ut ibi aliqualis ratio prædestinationis reperiatur, quæ fuit facta gratia humane naturæ. Imo & ipsi filio Dei, quatenus in termino huius posthaticæ unionis in ipsa humana subsistit natura. Nam cum hæc gratia filio dei sic considerato exhibita, inuoluatur in æterna illa præordinatione quæ dispositum est ut filius dei fieret homo, non sine probabilitate dicitur, quod præordinatio illa ad ordinem pertinet prædestinationis, ita quod filius dei dicatur prædestinatus, ut fieret homo. Sed quicquid de hac opinione fuerit, quod attinet ad omne erroris periculum evitandum, si de eius tamen veritatis probabilitate tractetur, mihi non apparet vera, quoniam tota gratia, quæ in hac prædestinatione implicatur, tener se ex parte termini, & nullatenus ex parte obiecti, quod necessarium erat ad veritatem & proprietatem prædestinationis salvandam. Præterea vehementer urget illa definitio quam ex Concil. 11. Tolætan. pro conclusione adduximus, neque ei sufficientem contrariæ

sen-

sententiæ auctores videntur adhibere solutionem. Quocirca fatendum est prædestinatum fuisse ab æterno, quod filius Dei fieret homo, non vero est concedendum quod filius Dei fuerit prædestinatus, ut fieret homo. Et hoc satis est ad 1. argumentum, quod pro illa insinuauimus sententia: saluamus enim prædestinatum fuisse ab æterno id totum, quod in tempore fuit factum. Ad illud testimonium ex Paul. 1. Corin. 2. adductum circa sequentem conclusionem respondebim⁹. Interim legatur S. Thom. loco citato: ex quo petenda sunt multa, quæ ob fastidiosam euitandam prolixitatem ad hunc locum non transtulimus, quæ tamen digna sunt ut legantur, & summa enim diligentia notentur, ad exactam eorum, quæ diximus, intelligentiam habendam.

Secunda Conclusio.

Christus quatenus subsistit in humana natura obiectum est prædestinationis. Hæc conclusio colligitur ex Paul ad Rom. 1. ubi postquam dixerat Christum factum esse ex semine Dauid secundum carnem, mox subiunxit, qui prædestinatus est filius Dei, &c.

Secundo eadem veritas colligitur ex Concil. Toletan. 11. iam citato, ubi post verba relata sic dicitur. Per hoc tamen, quod de Maria Virgine est, scilicet, Christus, & factus & prædestinatus esse credendus est.

Tertio eadem veritas ex Patrum testimonijs constat August. lib. de prædestinatio. sanctorum cap. 15. & lib. 2. cap. vltimo, hanc veritatem apertissime docet Athanas. lib. 3. de assumptione hominis circa finem referens illa Paul. verba ad Rom. 1. dicit. Ecce filium dextere. Ecce filium hominis, qui factus est ei ex semine Dauid secundum carnem. Nam secundum deitatem sic ait, Qui prædestinatus est filius dei in virtute, &c. Ansel. eadem verba Pal. explicans, inquit, quod de eadem persona, de qua Paul. dixerat, qui factus est ei ex semine Dauid secundum carnem, continuo dixit, Qui prædestinatus est filius Dei, &c. Plura adducemus Patrum testimonia, sequenti dubio ad huius veritatis probationem, cum tractabimus de vera huius Paulini testimonij intelligentia, ubi explicabitur simul qua certitudine ista conclusio debeat affirmari.

Probatum ratione hæc eadem veritas. In Christo prout in humana subsistit natura inueniuntur conditiones quas a principio huius questionis septimæ diximus esse necessarias, & sufficientes ad obiectum prædestinationis. Nam Christus ut sic, inferior est Deo, grauius tunc; beneficiū potest ab ipso Deo suscipere: Ergo Christus ut in humana subsistens natura, vere potest esse prædestinatus, ac proinde prædestinationis obiectum, Confirmatur. Illa prædestinatio de qua Paul.

Paul. loquitur testimonio citato, neque potest convenire naturæ humanæ, neq; Christo, vt subsistenti in natura diuina: Ergo necessum est conueniat christo vt est suppositum naturæ humanæ. Antecedens pro prima parte ex conclus. præcedenti constat. Pro secunda patet, quia natura humana non est filia Dei, ergo. &c.

Est autem circa istam conclusionem summopere aduertendum, eam ita esse intelligendam: quod in ipso prædestinationis obiecto formaliter debet includi natura. Ita quod idem pollet, Christus vt subsistens in natura humana, quod Christus secundum quod homo. Quomodo autem ipsa natura humana concurrat in ipsa christi prædestinatione, formaliter ne, an tantum vt necessaria conditio, sequenti dubio explicabitur. Nam quamdiu non constiterit de termino prædestinationis christi, non commode poterit res ista exponi.

Tertia Conclusio.

Hæc propositio christus est prædestinatus vera est, & propria: atq; adeo absolute concedenda. Oppositum huius conclusionis, negat. Palud. in 3. d. 7. a. 3. affirmans non posse concedi, nisi addamus illam specificationem, in quantum homo. Sequuntur Palud. doctiss. quidam ex nouioribus, Sed nostram conclusionem affirmat Ricard. eadem distinctione a. 2. q. 1. ad 1. Et quamplures theologi ex nouioribus eius adherescunt sententiæ: Inter quos est annumerandus Med. 3, p. q. 24. ar. 1. ad. 2. argum. dubij. 1.

Probatum primo ista conclusio ex illo Paul. 1. Corinth. 2. Loquimur Dei sapientiam in mysterio, quæ abscondita est, quam prædestinavit deus ante sæcula in gloriam nostram. Vbi Paul. absolute & sine addito concedit dei sapientiam prædestinatam esse in gloriam nostram: & nomine sapientiæ Christum intelligebat, vt colligi potest ex sequen. verbis, nam ita statim subiunxit Paul. Quam, scilicet, dei sapientiam nemo principum huius sæculi cognouit: si enim cognouissent, nunquam dominum gloriæ crucifixissent. Hoc argumentum, quod quidam theologi pro hac conclusione magnificant, minime ipsam reddit certam. Nam Chrysosto. Theodoret. Anselm. & alij nonnulli graues auctores per dei sapientiam non intelligunt Christum secundum se consideratum, sed dispensationem salutis, & redemptionis nostræ, quam deus christi incarnatione, eiusque passione, & morte peragendam præordinauit, ipsumque Crucis mysterium ab Apostolis prædicatum, quod gentes stultitiam reputabant, Paul. dei sapientiam hoc loco vocauit: quam deum ante sæcula prædestinasse, prædictis verbis affirmauit, id est, præordinasse ab æterno in gloriam nostram, nimirum, in nostram salutem. Quod hæc fuerit mens Apostoli

ex antecedentibus, & consequentibus non difficulter colligitur. Nā paulo ante de prædicatione mysterij crucis Apost. dixerat. Sapientiam autem loquimur inter perfectos- id est, prædicatione nostra, quare bis annunciamus salutem per Christi crucem & mortem comparandam, quamuis hominibus, qui carnis iudicio & huius seculi prudentia ducuntur, ingens appareat stultitia: vitis tamen perfectis, id est, qui prudentiam spiritus sequuntur, maxima censetur sapientia, profundissimumque dei admirantur consilium. Ita in substantia exposuit Chrysost. Cum igitur verba, quæ in argumento ex Paul. ætulumus, prædictis verbis annectantur, intelligenda quoque sunt de hac summa dei sapientia, quæ in mysterio crucis latet abscondita. Verba quæ inferius in eodem cap. sequuntur, conducere, etiam possunt, quamplurimum, si bene expendantur, ad istam fundandam intelligentiam: quæ ex capite etiam præcedenti vero similiter satis desumi potest, ex illis præsertim verbis. Ipsis autem vocatis, iudeis atque græcis Christum dei virtutem, & dei sapientiam. Et quod Christi nomine non ipsum Christum secundum se consideratum intellexerit Apo. sed quatenus per passionem, & crucis mortem nostram fuit operatus salutem, constabit legenti totum illud primum caput.

Possit etiam aliter responderi ad illud primum argumentum in Paulino testimonio fundatum. Quod quamvis admittimus Paul. ibi sapientiæ nomine ipsum Christum designasse, adhuc non colligitur hanc propositionem, Christus est prædestinatus, fore abique aliquo additamento concedendam. Multa enim Paul. addidit, quibus manifestavit se de christo ratione humanitatis loqui: cum ipsum in gloriâ, nostram prædestinatum esse dixit. Etenim prædicatione mysterij crucis, quæ gentibus stultissimo ipsa stulticia visa fuit, ipsam christi carnem & humanitatem, in qua passus fuit, & mortuus, ostendit.

Sed & tertio possemus dicere, Dei sapientiâ in citatis Paul. verbis, ex parte prædicati se tenere, & ideo si pro christo sumuntur, formaliter debet accipi, id est, ratione humanitatis. Nam hæc est prædicatorum natura, ut formalem habeant acceptionem, sicut e contra subiecta materialiter sumuntur. Iuxta quam regulam solent graves sacrorum Bibliorum interpretes interpretari illud ad ad Hebræ. 3. Considerate Apostolum & pontificem confessionis nostræ Iesum Christum, qui fidelis est ei, qui fecit illum. Et id similiter actor. 1. Certissime ergo sciat omnis domus Israel, quia & dominum eum, & christum fecit deus hunc Iesum, quem vos crucifixistis. dicunt igitur graves auctores, his locis non significari solum, quod deus fecerit Iesum pontificem & dominum, sed quod simpliciter illum fecit christum: sumiturque christus formaliter, scilicet, ratione humanitatis, eo quod a parte prædicati collocatur.

Hoc igitur primo argumento vix parum sufficienti prætermisso: Et alijs itidem quibusdam omissis, quæ & si apparentiam præferre videantur, patitur aut nihil probant. Vnico dumtaxat argumento utar, ex quo & ex solutionibus contrariæ sententiæ constabit huius nostræ conclusionis veritas.

Argumentum est huiusmodi, christus, in propositione de qua præsens conclusio, sumitur formaliter, videlicet, ratione humanitatis quam de formali importat hæc vox christus: Ergo hunc reddit sensum, christus in quantum homo, seu ratione humanitatis est prædestinatus: At sensus iste in omni theologorum opinione verissimus est, ergo &c. Probatur antecedens, illud prædicatum, Prædestinatus, cum interiori animi conceptionem designet, fertur supra subiectum ratione formalis significati ipsius subiecti, sic enim præscribit dialecticorum regula de similibus prædicatis: Ergo enuntiatio prædicta formalem reddit sensum.

Sed obstant huic rationi, & conclusioni similiter duo Aduersariorum argumenta. Primum, Et si dialecticis demus, fieri sensum formalem in hac propositione & similibus, in quibus prædicatum actum animæ importat, adhuc non sequitur, veram esse propositionem illam, sed potius sequitur esse falsam: Ergo argumentum factum non probat, quin potius improbat conclusionem. Probatur antecedens. Ista vox, christus, in formali significato importat ex æquo utramque naturam, diuinam & humanam: ergo si formaliter sumitur, necesse est, quod prædicatum, Prædestinatus, feratur supra subiectum ratione vtriusque naturæ, atque adeo quod propositio sit simpliciter falsa. Nam quod christus ratione diuinitatis sit prædestinatus, falsum est, & hæreticum.

Secundum argumentum. Prædestinatio est actio practica diuini intellectus, quæ virtualiter æquiualeat actioni transeunti, præsertim secundum S. Tho. doctrinam, qui inter effectum, & actionem dei immanentem, nullam constituit actionem mediā transeuntem. Ergo de illo prædicato Prædestinatus, non idem debet ferri iudicium, quod de alijs prædicatis importantibus interiorem actum animæ.

Primum argumentum ostendit manifeste falsitatem contrariæ sententiæ. Proceditq. ex ignorantia significationis, & formalis significati huius vocis, christus, Est enim falsissimum id quod dicitur in hoc argumento, videlicet, quod christus in formali significato importet ex æquo humanitatem, & diuinitatem: constat enim ex superius dictis in hac quæst. quod per modum formalis naturæ humanitatem tantum designat, sicuti, vox Petrus, Diuinitatem autem importat ex parte suppositi, ex eo, videlicet, quod diuinitas per se cōcurrit ad cōstitutionem suppositi Diuini, verbi ad cuius diuinum esse personale as-

*est in formali
importat humani-
tatem, si enim eo facit*

sumpta fuit humanitas: Vnde cum hæc vox, Christus, formaliter sumitur, non diuinitatem, sed humanitatem in formali conceptu explicat. Et quod hoc sit verissimum & ab omnibus concedendum, a posteriori ostendo. Nam ex contraria sententia sequitur, quod propositiones in quibus vox, Christus, ponitur a parte prædicati, si factio, nem, aut prædestinationem, vel quid simile diuinitati repugnans importent, sint omnino falsæ, cuius oppositum docent omnes theologi, etiam illi qui nostram negant conclusionem: ergo, &c. Patet sequela. In hac propositione, Deus factus est Christus. Vox, Christus, formaliter sumpta, non solam humanitatem, sed ex æquo diuinitatem formaliter importat: Ergo est falsa propositio & hæretica: quatenus factio supra diuinitatem fertur: Sicut præfati auctores propter similem causam dicunt, negandam esse hanc propositionem, Christus est prædestinatus. Ex his constat solutio primi argumenti, & ipsa nostræ conclusionis veritas.

Ad secundum respondetur. Quod quamuis prædestinatio virtute completatur vni transcurrentis actionis, est nihilominus simpliciter actio immanens, atque adeo debet illud prædicatum, Prædestinatus, sequi regulas aliorum terminorum, qui interiorum actum animæ important. Quæ res non deberet verti in dubiū a theologis eruditis: cū in materia prædestinationis passim affirmemus, vel negemus propositiones, quæ aliàs nō affirmarentur, vel negarētur, nisi propter formalem acceptionem terminorum, quibus adiungitur hæc vox Prædestinatus.

Ex dictis sequitur hanc propositionem, Filius dei est prædestinatus, absolute falsam esse & negandam. Ita docent Ricard. Durand. Palud. in 3. dist. 7. Probat ex dictis: Illud subiectum Dei filius, ratione prædicati, Prædestinatus, sumitur formaliter, id est, pro filio dei, qua ratione est dei filius: ergo propositio illa est simpliciter falsa, hæretica, & neganda, vt ex prima conclusione constat.

Ad argumenta a principio posita. Respondetur. Primo argumento dicitur, quod Origenes singularis fuisse videtur in illa sententia. Visus est enim negare Christo prædestinationem conuenire. Sanct. vero Aug. loquebatur aperte de prædestinatione, qua puri homines prædestinantur ad gloriā, qui antequā existant in proprijs mensuris prædestinantur, sed nō vocantur ad fidē, & ad gratiā, nisi postquā existerint producti. Quō autē prædestinatio Christi qua fuit prædestinatus vt esset naturalis dei filius ipsum Christū præsupposuerit, iteq. dub. declarabitur. Nunc vero id sufficiat dicere, quod Christus rōne diuini suppositi ab æterno est, quia vt sic est deus, ac proinde nullatenus prædestinatur. In quo sensu procedunt verba Pauli in argumento citata: ratione autem humanitatis, & prout in ipsa subsistit, sicut potuit esse tēporalis generationis terminus, ita & prædestinationis obiectū.

Ad

Ad secundum argumentum respondetur, illo sufficientissime probari, Christum non fuisse prædestinatum ad gratiam & gloriam, de quo dub. seq. nihil tamen probat de prædestinatione ad filiationem naturalem, quæ christo ut homini competit per gratiam unionis.

Ad tertium respondetur, quod Christus non fuit prædestinatus, ut esset filius Dei adoptiuus: satis enim probatum dedimus supra q. r. in speciali dubio. Christum nullatenus appellari posse filium Dei adoptiuum. Est ergo christus prædestinatus, ut esset filius Dei naturalis. Ad huius impugnationem dicitur: Christum fuisse prædestinatum in quantum hominem, si dictio, in quantum, accipiatur specificatiue, ita ut specificet humanitatem, non ut formam cuius ratione Christo conueniat naturalis Dei filio, sed ut conditionem requisitam, ut ei possit per gratiam, unionis huiusmodi naturalis filio competere, ita quod ipsa filiationis naturalitas ad Christi suppositum est referenda, conuenientia vero gratuita, quæ omnino est ad prædestinationem necessaria, ex parte solius humanitatis se tenet in Christo. Sed de huius argumēti difficultate, iterum sequenti dub. redibit sermo.

Ad quartum argumentum concesso antecedenti, negatur consequentia. Ratio discriminis est, quoniam in propositionibus in antecedenti assumptis. Christus positus a parte subiecti, capitur materialiter: supponiturque pro supposito verbi, in propositione autem nostra, vox, Christus, formaliter sumitur ratione naturæ humanæ, in qua christus subsistit.

Ad confirmationem patet solutio ex superius dictis: Estque latum discrimen inter illas propositiones ex vna parte, scilicet, filius Dei est passus, filius Dei est mortuus. & aliam propositionem, ex altera parte, scilicet, filius Dei est prædestinatus: In prioribus enim propositionibus subiectum supponit materialiter, & imperfectio importata in prædicatis non applicatur ad filium dei cum ea formalitate, qua est dei filius, atque adeo potest ei competere ratione humanæ naturæ, in qua re ipsa subsistit. Ceterum in alia propositione, filius dei est prædestinatus, cum subiectum accipiatur formaliter, ut diximus, imperfectio, quam prædestinatio inuoluit, ex parte prædicati, refunditur ad filium Dei ratione filiationis diuinæ, & prout in diuina subsistit natura: atque adeo non habet locum idiomatis communicatio. Neque valet argumentum a christo ad filium dei, propter appellationis variationem.

Quintum argum. & vltimum eam difficultatem insinuat. Nū christi humanitas debeat dici simpliciter prædestinata. Nō vertitur in dubium, an humanitas sit obiectum, Quod, illius prædestinationis, quæ Christus dicitur prædestinatus dei filius naturalis, natura. n. humana

*humanitas ex se
non est dei filia*

nō est dei filia. Sed illud hēt difficultatē, nū sit obiectū qđ prędestinationis, qua prędestinata sit, vt assumēretur a verbo, ipsiq. substācialiter vniretur? Qua in re vario procedūt theologi, Sed primū oīum vix intelligo, quid ibi velint dicere illi theologi, qui asserūt, ita se habere humanitatē in Christi prędestinatione, atque se habet anima in prędestinatione Petri: ita q. sicut Petrus est p se primo prędestinatus, anima vero secundario, vt pars pręcipua: ita prędestinatio Christi, per se primo ad ipsum referatur Christum, secundario vero ad humanitatem, vt ad obiectum quo, hanc, inquam, sententiam vix intelligo. Nam si fiat sermo de prędestinatione humanitatis ad assumptionem a verbo, falsum est omnino, quod hęc prędestinatio per se primo ad Christum referatur. Christo enim non conuenit assumi, sed soli humanitati, vt est res manifesta, & posset fundari in doctrina S. Tho. 3. p. q. 16. ar. 4. ad 3. Si vero sermo fiat de prędestinatione, qua Christus prędestinatus est filius dei naturalis, talis prędestinatio nullatenus est ad humanitatem Christi referenda, ad eum pręsertim modum, quo prędestinatio Petri eius animę conuenit. Nam totum bonum prędestinationis Petri formaliter competit eius animę: ipsa enim grata est deo, ęternaq. potitur gloria. At humanitas Christi nullatenus est filia naturalis dei, sed tantum est conditio necessatio requisita, vt hęc naturalis filiatio per gratiam, puta, vnionis Christo competat. Eset autem vera hęc istorum theologorum doctrina: si Christus prędestinatus fuisset ad gratiam & gloriam sicut Petrus: Sed de hac prędestinatione non loquuntur hi theologi, quia Thomisticam sequuntur doctrinam, quę hanc prędestinationē non admittit.

Hac ergo prętermissa distinctione Scot. in 3. d. 7. q. vnica absolute affirmat humanitatem Christi fuisse prędestinatam, & ad gloriam, & ad hyposthaticā vnionē. De prędestinatione ad gloriam nullū hic addemus verbum, tractabitur enim hęc disputatio seq. dub. Id dum taxat aduerto, quod qui admiserit hanc prędestinationem, parum philosophice loquetur, si dixerit, quod humanitas est obiectū, quod, prędestinationis huius. Natura enim nō est, quod, sed, quo, Vnde tenetur dicere, christum fuisse prędestinatum ad gloriam, vt obiectū, quod, humanitas vero vt, quo, quia est forma perquam christo possunt competere gratia & gloria. De prędestinatione autem ad assumptionem, graues quidam S. Tho. discipuli Scot. sequuntur. Probantque eius sententiam inhunc modum, Assumptio est bonum diuinum valde excellens atque gratuitum; Ergo pertinet ad ordinem prędestinationis. Rursus hoc bonum non potuit competere christo ex vi prędestinationis. Christus enim non fuit assumptus a verbo: Igitur conuenit humanitati hęc prędestinatio.

Confirmatur. Assumptionis bonum conuenit humanitati ex vi

hunc

pręde-

prædestinationis, sed non conuenit ei mediate & secundo, quia, ut modo dicebam, non conuenit ei ratione totius christi: Ergo conuenit ei per se primo: atque adeo humanitas est obiectum, quod, prædestinationis huius.

Huius sententiæ, ut libere loquar, numquam potui animum ad-mouere. Vnde sic argumentor contra illam. Primo. Assumptio humanitatis ad verbum non est vltimum bonum quod in hypostatica vnione humanitati conuenit: sed potius habet rationem mediæ comparatione ad vltius bonum: Non ergo simpliciter loquendo, humanitas debet censerî prædestinata ad istud bonum. Consequen-tia manifesta est ex communi Theologorum doctrina, quæ docet prædestinationem simpliciter non circa mediâ, sed circa vltimum bonû versari: aliâs enim Petrus diceretur prædestinatus ad fidem, ad spem, ad gratiam &c. Qui modus dicendi non est in vsu apud graues Theo-logos. Antecedens vero probatur. Vltimum hypostaticæ vnionis bonum quod humanitati competit, consistit in hoc quod Christus in-quantum homo sit per gratiam vnionis Dei filius naturalis, hoc est enim maximum, & summum bonum, quod Christo ut homini compe-tit, atque adeo eius humanitati, ad hoc autem bonum ordinatur ipsa humanitatis assumptio a verbo, Ergo &c.

Secundo probatur. Ita se habet humanitatis assumptio respectu eius quod est Christum ut hominem esse per gratiam vnionis filium Dei naturalem, atque se habet vnio partium in toto respectu perfe-ctionis totalis: sed vnio partium non pertinet ad aliam naturalem actionem distinctam a generatione, qua totum fit & generatur: Ergo nec assumptio humanitatis ad aliam actionem attinuit ab ea, qua Christus ut homo constitutus est per gratiam vnionis dei filius natu-ralis: rursus, Ergo neque pertinet ad aliam prædestinationem; præde-stinantur enim ab æterno illa eadem met, quæ in tempore fiunt, & se-cundum quod fiunt: Ergo sicut generatio naturalis per se primo attingit totum compositum, & secundo partes, nam licet partes prius vniantur quam totum generetur, non tamen prius generantur aut fiunt quam totum, sed dependenter a toto: Ita similiter prius ex parte obie-cti prædestinatus fuit Christus, ut esset per gratiam vnionis naturalis dei filius, quam ipsa humanitatis assumptio ad verbum.

Confirmatur. Humanitas non fuit prædestinata ad gloriam, quæ essentialiter in quidditatiua visione sita est. Quod probabitur seq. dub. Et docet S. Th. 3. p. q. cit. art. 1. & in Ep. ad Rom. lect. 1. Sed ad ra-tionem prædestinationis, licet non sit necessarium, ut eius formalis, & primarius terminus sit operatio supernaturalis, requisitum tamẽ est, ut saltem sit secundarius, & consequens terminus. Nam alias si Deus leoninam naturâ sibi hyposthatice copularet, leo ille vere, & proprie diceretur

tati per se primo facta est: Sed ipsi Christo vt homini, & ratione eius humanitati. Et ita non primario, sed secundo predestinata est.

Dubium secundum.

Disputatum est precedenti dubio de Christi predestinationis obiecto. De proprio & formali eius termino deinceps erit discerendū. Cuius rei difficultas in duobus precipue punctis consistit. Primus punctus est, An terminus formalis & precipuus predestinationis Christi fuerit ipse animæ gloria. Secundus. Vtrum fuerit naturalis dei filiatio. Et sigillatim disputabimus vtrunque istum punctum.

primus difficultatis punctus.

Ad primum ergo deuenientes probatur pars affirmatiua, nimirū, quod gloria animæ Christi fuerit proprius terminus & formalis predestinationis ipsius Christi.

Primum argumentum. Gloria animæ Christi comparatur ad hypostaticam vnionem sicut finis ad medium: Ergo simpliciter fuit formalis Christi predestinationis terminus. Consequentia patet. Quia terminus ad quem res dicitur simpliciter predestinari, est finis & non media ad illum ordinata: Antecedens probatur dupliciter. Primo quia sicut se habent in nobis merita ad beatitudinem, ita in humanitate Christi vnio hypostatica. Sicut in nobis confertur tanta gloria propter quantitatem meritorum: ita humanitati Christi propter vnionem, quia nisi esset vnita verbo non perueniret ad tantū gradum gloriæ: sed merita in nobis ordinantur ad beatitudinem sicut ad finem: Ergo etiam vnio humanitatis christi. Secundo. Id quod est vltimum in executione, est primum in intentione, atque adeo habet se vt finis: sed in executione prius intelligimus deum eleuasse, seu extulisse humanitatem hanc christi ad vnionem hypostaticā, quam contulisse illi gloriam animæ, sicut prius intelligimus rem esse quam esse beatam: Ergo in intentione, atque adeo in genere causæ finalis prius voluit conferre illi humanitati gloriam, & deinde decreuit, quod vniretur verbo hypostatice.

Confirmatur. Christus vt homo eundem habet vltimum finem, quem habent ceteri homines, nam sicut habet naturam communem cum eis, ita & communem finem habet vltimum, in quem tota natura destinatur. Sed animæ gloria est finis vltimus aliorum hominum: Ergo & christi vt hominis, atque adeo in hunc finem christus fuit predestinatus.

Secundum argumentum. Maius bonum est respectu humanitatis christi visio beatifica, quam vnio hypostatica. Ergo potius dicitur predestinata ad visionem, quā ad vnionem. Patet consequentia. Vnaquæque res dicitur predestinari simpliciter ad id quod est maxi-

in bonum suum. Antecedens probatur. Quia quod est generatio-
ne posterius est perfectius, ut sensitiuum vegetatiuum. Sed via genera-
tionis prius fuit hæc humanitas eleuata ad vnionem, quam ad beati-
tudinem. Ergo beatitudo, perfectior est vnione hypostatica.

Tertio. Prædestinatio est ad aliquod esse accidentale, & secundū
quid: humanitas vero habet esse simpliciter ex vnione cum verbo,
ex gloria vero animæ accidentale dumtaxat: Ergo potius dicitur
prædestinari ad gloriam animæ, quam ad vnionem hypostati-
cam.

Vltimo, alias sequeretur quod natura bruti posset dici prædesti-
nata. Consequens videtur falsum: quia prædestinatio est respectū
doni quod alicui confertur ex gratia: sed creatura irrationalis non
est capax doni, neq. gratiæ, sicut neque iniuriæ: Ergo neque prædesti-
nationis. Probatur sequella. Quia etiam natura alicuius bruti pos-
set vniri hypostatice personæ diuinæ, ut nunc suppono ex hisquæ di-
ci solent. 3. p. q. 4. art. 1.

In oppositum est Paul. ad. rom. 1. vbi de Christo dicit, Quod præ-
destinatus est filius dei in virtute &c. Non dixit esse prædestinatum
in beatitudinem & gloriam animæ suæ: sed ut esset filius Dei
naturalis.

In hoc dubio Scotus in. 3. dist. 7. q. vnica. dicit. Christi humani-
tatem prædestinatam esse & ad vnionem cum verbo, & ad ipsam ani-
mæ suæ gloriam. Principalius tamen & vltimate ad gloriam, eo
quod ipsa hypostatica vnio ad gloriam animæ, ut finem vltimum
destinatur. Vnde terminus simpliciter prædestinationis humanita-
tis Christi, ipsa est gloria animæ, id enim quod vltimum est, & finis
vltimi rationem sortitur, terminus esse debet simpliciter præde-
stinationis.

Contrariam autem sententiam docet S. Thom. 3. par. q. 24. art. 1.
quæ in duobus dissidet ab Scoti. Opinione. Primum in eo quod S.
Thom. omnino negat humanitatem prædestinatam fuisse, vel ad glo-
riam, vel ad filiationem naturalem, sed Christum ut hominem dicit
esse prædestinatum. Secundo differt, eo quod negat gloriam esse sim-
pliciter terminum prædestinationis christi. Pro resolutione sit.

Prima Conclusio.

Christi humanitas non fuit prædestinata vel ad gloriam, vel ad fi-
liationem Dei naturalem. Hæc conclusio potius ad primum dubiū
quam ad istud secundum attinere videbatur. sed non possumus non,
aliqua permixtim dicere de subiecto, & de termino prædestinatio-
nis Christi, quia materiæ aliud non patitur. Probatur argo con-
clusio.

clusio breuiter. Gloria animę Christi consistit in operatione beatifica, nimirum, in visione diuinę essentię. At operari nõ ad naturã pertinet, sed ad suppositum, quod per naturã tanquam per formam operatur. Similiter natura non est filia, vt enim in 1. q. cum de adoptione differebamus, multis explicuimus, relatio filiationis non ad naturã, sed ad suppositum pertinet: Ergo Christi humanitas, neq. ad filiationem dei naturalem, neq. ad gloriam fuit prædestinata.

Secunda Conclusio.

Christus nõ est prædestinatus simpliciter ad gloriam, & multo minus ad habitualem gratiam. Probatur primo Quia quando aliquis ordinatur ad diuersa bona tantum dicitur prædestinari respectu præstantioris: vt Petrus dicitur. prædestinatus ad beatitudinem, & non ad Pontificiam dignitatem: Sed humanitas Christi fuit ordinata a Deo ad vnionem hyposthaticã, & ad gratiam habitualess, & visionem beatificam, & ex his vnio est maius bonũ, ergo ad vnionem dicitur illa humanitas prædestinata. atq. adeo Christus vt homo non ad gratiam habitualess, neq. ad gloriã fuit prædestinatus, vt asserit nostra conclusio, sed vt inferius dicemus, ad hoc vt esset filius dei naturalis. Probo min. primo autoritate S. Th. 3. p. q. 4. a. 2. ad. 2. Vbi ait perfectiorem esse vnionem ad deum secundum esse, quem secundum operationem. Et Aug. lib. 13. de trinit. c. 9. ita, inquit, cum dixisset Euangelista, dedit eis potestatem filios dei fieri, ne hominum infirmitas tantam excellentiam desperaret, illico annexum est. Verbum caro factum est. Et tract. 2. in Ioan. explicans eadem verba sic ait. Quid miraris quia homines ex deo nascuntur, attende ipsum deum natum ex hominibus. Et præterea ratione. Quia melius est vniri deo substantia liter & secundum suam entitatem, quam accidentaliter & secundũ participationem. Sed priori modo vnitur humanitas deo ratione vnionis hyposthaticę, posteriori vero ratione gratię habitualess, & visionis beatificę: Ergo vnio hyposthatica est maius bonum.

Secundo probatur. Prædestinatio tantum est ad illud bonum quod ex gratia conuenit rei prædestinatę: Sed Christo vt homini debita est & connaturalis gloria animę, & omnis supernaturalis perfectio, quę ad ipsam gloriam disponit. Ergo Christus non fuit prædestatus ad gloriam, neque ad gratiam, neq. ad aliqua huiusmodi supernaturalia bona. Consequentia est euident, quoniam non ex gratia tribuitur bonum ei, cui est ex ordine connaturalitatis debitum. Maior ex dictis in hac q. constat. Et minor probatur. Humanitati Christi supposita vnione hyposthatica ad verbum debita sunt

nit non vt premium ab alio expectatum & ab extrinseco receptum : sed vt perfectio sibi connaturalis, & ab intrinseco trahens originem.

Ad secundum argumentum negatur maior. Ad probationem responderetur, quod tunc id quod est posterius generatione est perfectius, cum simul est finis prioris: cum vero non est finis, sed consequutio ad illum vt effectus ad suam causam, potius est minus perfectum, sicut patet in exemplo adducto de passionibus comparatis ad suam essentiam. Et ita quia vnio hypostatica est causa efficiens & finalis visionis beatificæ & gratiæ habitualis, quamuis sit prima generatione, poterit esse perfectior.

Ad tertium responderetur maiorem illam esse veram respectu rei quæ est per esse naturale, quia cum tale esse non possit rei conuenire, non poterit esse terminus prædestinationis: Et ideo si illa res sit prædestinata, non poterit eius prædestinatio terminari ad esse per quod simpliciter est; sed solum ad aliquod esse supperadditum & accidentale. Quando vero illud esse per quod aliqua res simpliciter est, conuenit illi ex gratia & est illi supernaturale, non est vera maior illa, quia nihil deest illi esse, vt sit terminus prædestinationis. Et ita contingit in præsentī: quia vniri verbo hypostatice, euenit illi humanitati ex gratia, & est illi supernaturale. Itaq. nō impedit prædestinationē, q̄ terminus sit ipsum esse substantiale rei, quæ prædestinatur: Sed quod sit esse ad naturālē ordinem spectans. Præterea dicitur secundo, q̄ quia humanitas in Christo subsistit per Esse Verbi, potest commodè intelligi in hoc mysterio, quod obiectū prædestinationis præsupponatur eius termino, vt cōstabit ex dicendis seq. punto. Solut. ad. i. Aliud forsā esset, si de Esse p̄prio humanitatis tractaretur.

Ad vltimum argumentum non desunt qui libenter concedant, quod si Deus assumeret naturam brutam V. c. leoninam, Leo ille diceretur prædestinatus filius Dei naturalis. Cui sententiæ nullatenus libet subscribere, eo quod prædestinatio intrinsece importat gratiam quæ ex vi ordinationis diuinæ rei prædestinatæ confertur in tempore. Natura autem bruta nullatenus est gratiæ suscipiendæ capax. Vnde ad argumentum neganda est sequella propter istam rationem insinuatam. Et magis informa dici potest, quod in illo casu deesset terminus prædestinationis formaliter consideratus. Terminus namq; prædestinationis de qua loquimur, non solum est filiatio Dei naturalis, sed filiatio naturalis Dei per gratiā cōferenda. Et hoc secundū deesset in illo casu, eo q̄ subiectū esset incapax talis gratiæ. Memini me superius q. i. in quodā speciali dubio disputato de christi sanctificatione nonnulla dixisse, quæ ad huius argumenti solutionem commodè transferri poterunt.

Secundus & præcipuus difficultatis huius disputandæ punctus succedit.

Secundus
difficulta-
tis punctus

*in eis uero p. ueneri
prædest. filius dei
dicitur non q. ad
nec*

cedit. In quo explicandum est. Num filiatione Dei naturalis sit prius, formalis, & præcipuus prædestinationis Christi terminus, & ex quo Christi prædestinatio suam propriam & formalem rationem desumat: ita quod Christus vere & proprie sit & dicatur prædestinatus dei filius. Cuius dubitationis negatiuam sententiam argumenta sequentia comprobant.

Primum argumentum. Id quod est terminus prædestinationis debet esse prædestinato posterius tempore, vel natura; Sed esse filium dei naturalem nec tempore, nec natura est posterius Christo, ut homo est: Ergo non est terminus prædestinationis Christi. Minor probatur, Quia cum Christus in quantum homo sit suppositum, & non sola natura, includit personalitatem uerbi, & ex consequenti filiatione Dei naturalem, quæ est ipsa personalitas: Ergo christus ut homo nullo modo præcedit id quod est esse filium dei.

Secundum argumentum, Terminus formalis prædestinationis nequit includi in proprio eiusdem prædestinationis obiecto. Sed esse filium dei naturalem, intrinsece clauditur in christo, qui est proprium huius prædestinationis obiectum: Ergo esse naturalem Dei filium non est terminus per se & formalis prædestinationis christi. Maior constat ex illo præsupposito fundamento, quod vniuersi theologi libenter admittunt, uidelicet, terminum prædestinationis ex gratia, & liberali donatione conuenire prædestinationis obiecto. Quod fundamentum locum non haberet, si prædestinationis terminus intrinsece clauderetur in obiecto prædestinationis eiusdem. Minor apparet manifesta ex superius dictis: christus enim importat diuinum uerbum in natura humana subsistens.

Dices forsan, quod licet christus absolute consideratus includat intrinsece filium dei naturalem, secus tamen est, si de christo cum specificatione prout est homo loquamur: christus. n. secundum quod homo, neque deus est. neque proinde naturalis dei filius, ut ex S. Th. 3. p. q. 18. a. 11. constat. At christus non absolute sumptus, sed secundum quod homo est obiectum prædestinationis huius. Sed contra hanc solutionem manifesta insurgit replica. Res illa cui nequit simpliciter competere formalis prædestinationis terminus, nequit esse proprium eiusdem prædestinationis obiectum. Sed christo ut homini non potest simpliciter competere esse filium dei naturalem, ut assignata solutio admittit: Ergo non est obiectum prædestinationis huius. Atque adeo christus absolute consideratur, cui intrinseca est naturalis dei filiatione, obiectum est istius prædestinationis. Si dixeris quod christus in quantum homo sumitur in sensu in quo S. Tho. loco citato concedit, quod christus in quantum homo est deus, qui sensus est iste: quod christus in natura humana existens est deus. Contra: Ergo iam admittis in obiecto prædestina-

destinationis intrinsece claudi terminū. Patet manifeste ex dicta explanatione, ex qua constat, quod christus vt homo importat dei filium in natura humana subsistentem.

Tertium argumentum. Non est signabilis aliqua formalis ratio, propter quam christo conueniat esse prædestinatum dei filium naturalem: Ergo nec formaliter concedi potest, quod christus prædestinatus est naturalis dei filius: atque adeo esse naturalem dei filiū, non est formalis prædestinationis christi terminus. Probo antecedens (nam consequentia apparet manifesta) Diuinum verbum in natura humana subsistens, non est formalis ratio, propter quam christus sit prædestinatus filius dei: Nam esse filium dei naturalem nullatenus ex vi prædestinationis conuenit verbo in humana natura subsistenti, quia non ex gratia, sed per naturam illi competit: Humanitas vero conditio quidē esse potest necessaria ad hanc prædestinationem, vt dicebamus in primo huius dubitationis punto. At ratio formalis minime potest esse. Non enim formaliter competit christo esse filium dei ratione humanitatis, atque adeo neque quod sit prædestinatus filius dei.

Quarto arguitur. Non est concedendum hominem Christum fuisse deum aut filium dei, vt docet S. Tho. 3. p. 16. ar. 7. Ergo nec est concedendum prædestinatum esse vt sit filius dei. Patet consequentia, quia quod prædestinatur ab æterno, fit in tempore.

Vltimo probatur, quod Christus sit prædestinatus filius dei. Non sufficienter colligitur ex illo Paul. testimonio ad Rom. 1. Qui prædestinatus est filius dei in virtute, &c. ergo sine sufficienti fundamento asseritur, quod esse naturalem dei filium est formalis terminus prædestinationis christi. Antecedens patet, quoniam illa verba Pauli diuersimode a Patribus explicantur.

In hoc dubio Durand. in 3. dist. 7. q. 3. quem refert, & videtur sequi Palud. ibidem existimat, quod licet lata quadam, & impropria acceptione dici possit christus prædestinatus filius dei naturalis: in quo sensu Sancti Patres vsi sunt hoc modo dicendi, proprie tamen, & secundum sermonis rigorem id non est concedendū: non enim, inquit, terminus formalis prædestinationis christi est esse filium dei naturalem, sed supernaturalis animæ christi beatitudo, sicut dici solet de prædestinatione aliorum hominum.

De hac sententia Durandi quatenus affirmat, formalem terminū prædestinationis christi ipsam fuisse gloriam & beatitudinem anime eius, idem prorsus est dicendum & censendum, quod diximus & censuimus paulo ante, de simili Scoti opinione, & eisdem prorsus argumentis vtraque consutanda est sententia. Quocirca in præsentī id solum tractandum est. An vere & proprie dici debeat, quod terminus

for-

ininus prædestinationis. Prima consequentia patet, quia quod in tempore conuenit ex gratia, ab æterno est adeo prædestinatum, sed prædestinatio illa pertinet ad christum: ergo, &c. Secunda consequentia probatur, quia esse filium Dei naturale est summum omnium quæ ex gratia cõueniunt christo, in quantum est homo, ut supra probauimus. Ergo est terminus sue prædestinationis.

Sed ad plenam huius conclusionis intelligentiam notandum est primo, quod esse filium dei naturalem, nisi quid amplius addamus, nequit esse alicuius prædestinationis terminus: quia nihil designat gratuitum & ad liberalitatem pertinens: sed ad naturale necessitatem diuinæ generationis. Quocirca formalis terminus prædestinatis christi, totum hoc dicit, scilicet, esse filium dei naturale ex vi gratiæ vnionis. Quæ ratione ipsum esse naturale filij dei modum induit gratiæ doni: An vero ad rationem formalem termini prædestinationis christi formaliter spectet ipsa gratuita ratio, non conuenit inter omnes theologos. Quidam enim conditionem tantum requisitam esse censent. Alij vero arbitrantur in ipsa formali terminæ prædestinationis essentia includi. Itaque in hac secunda opinione, filiatio dei naturalis non est terminus prædestinationis christi, nisi prout formaliter induit rationem gratuiti doni, & liberalissimi beneficij. Et hæc sententia mihi gratior est, & probabilior, quia prædestinatio ex propria, & intrinseca sui ratione respicit bonum ex gratia deliberalitate cõferendum. Secundo est notandum: Terminum prædestinationis Christi dupliciter posse sumi: primo in abstracto ut significatur per hoc complexum, Filiatio naturalis Dei gratuita. Secundo inconcreto, ut significatur hoc modo: filius Dei naturalis ex gratia. Si priori modo sumatur, terminus formalis & proprius prædestinationis Christi non includit formaliter humanitatem, sed ipsum esse personale diuini verbi cum habitudine ad humanitatem, tamquam ad substantialem naturam, cui ex gratia communicatur. Si vero accipiatur posteriori modo, non solum ipsum esse personale diuini verbi importat, sed & humanam quoque naturam, diuino verbo personaliter unitam. Vnde terminus prædestinationis christi in concreto sumptus est ipsemet christus, in abstracto vero nequaquam, sed ipsa verbi subsistentia humanitati per gratiam vnionis cõiuncta: ita quod humanitas non ingredietur intrinsece ipsam formalem termini prædestinationis rationem, sed potius se tenet ex parte obiecti, cui subsistentia verbi communicatur.

Ex hoc sequitur, quod si loquamur de termino prædestinationis Christi, ut est terminus, Qui; & de obiecto, Quod, eiusdem prædestinationis, ipse christus est, & terminus, & obiectum prædestinationis sue. Si vero de termino, Quo, & de obiecto, Quo, fiat sermo, non ita coincidunt obiectum & terminus prædestinationis Christi.

fa realis vnio humanitatis ad verbum habuit rationem obiecti præsuppositi: & veritas propositionis inde consequens rationē termini. Hęc tamē solutio, primū est impertinens, & ad Nominaliū doctrinā pertinet, qui de vocibus potius quam derebus tractarunt. Nos enim in præsentia de re differimus, quæ fundamentum est veritatis propositionis, & nō de formali eius veritate. Deinde falsa est etiā & improbabilis illa solutio, quatenus habet, quod obiectum prædestinationis præsuppositum est ipsa humanitatis vnio ad verbum, & quod veritas enuntiationis prædictæ est ipse prædestinationi: terminus, Quod hoc sit falsū patet, Terminus prædestinationis nō necessario eius obiectum consequitur, sed ex gratiā prædestinantis ei competit, ut præsupposita reali vnione humanitatis ad verbum, necessario sequitur illius propositionis veritas, & non aliqua speciali De gratia indiget, vt sequatur: ergo falsa est assignata solutio.

Secunda solutio quā adhibet Caiet. 3. p. q. 24. art. 2. asserit. Quod quamuis secundū rem, nō fuerit prius Christū esse hominem, quam Christus in quantum homo fuerit per gratiā vnionis naturalis Dei filius, in apprehensione tamen intellectus, prius potuit concipi Christus seu Deus homo, secundum quandā rationem communem, quā conciperetur distincte & in particulati, in quantum filius Dei naturalis. Nam cum incarnatio verbi duobus modis possit intelligi facta, vno modo secundū quod de facto cōtingit, & vt catholica docet fides, nimirum, per hypostaticam vnionem humanitatis ad verbum. Alio modo per quandam vnionem affectiuam, quam confinxerunt hæretici, præsertim Nestoriani, potuit intellectus concipere verbū incarnatum in communi, in abstractione ab his duobus modis incarnationis. Quo supposito, inquit Caiet. quod Christus cōceptus illo prædicto cōmuni conceptu, præsuppositus fuit ad prædestinationē quā in particulari prædestinatus est, Vt esset naturalis Dei filius secundum Hypostaticam vnionem. Et Christus secundum cōmunem illam rationem conceptus, fuit obiectum prædestinationis, & in particulari consideratus naturalis Dei filius per gratiam vnionis, termini rationem habuit.

Ista sententia multis grauissimis displicuit, & nōnulli quidem eā impugnant quibusdam argumentis satis debilibus, imo & impertinentibus, ex rōne generis & differentię desumptis; a quibus argumentis consulto abstinebo, tum quia logicam potius quam theologiam redolent, tum præcipue quia nullius sunt difficultatis, & momenti. Ex triplici ergo capite hanc solutionem urgeo.

Primo. Quia modus ille incarnationis ab hereticis confictus, ab ipsis quidem appellari potuit incarnatio, adiuino autem intellectu minime valuit sub ratione incarnationis concipi. Quoniam illa af-

obiecti præsuppositi.

tionis præsupponi debet ad prædestinationem præcognitum per uisionis scientiam: insufficiens ergo est illa assignata solutio. Hæc tamē argumentatio forsam est inualida. Esset quidem efficax, si sermo fieret de obiecto prædestinationis, q̄ terminū respicit accidentale: at in prædestinatione q̄ est ad esse substantiale, tāquā ad propriū terminū, non est necessaria præcognitio obiecti ad uisionis scientiā spectans, imo uidetur talis præcognitio impossibilis. Aliiter ergo impugnatur illa solutio. Primo, illa cognitio, qua cognosceretur hic homo secundū abstractionē predictā, confusa est, & indeterminata: Ergo nō est cōueniēs prædestinationi Christi, q̄ est specialissima prouidentia, res infiniti singulari, & in a homo considerans, & prædefiniens. Respōdent præfata solutionis autores, quod illa præconceptio, idcirco non est indeterminata, & confusa, quia, ut paulo ante dicebatur idem homo esset, si natura illa singularis humana proprio & naturali terminaretur supposito, et si in supposito diuino, & increato subsisteret, ut subsistit de facto. Cæterum hæc doctrina non facilis apparet intelligentiæ: Incredibile est enim, quod variatis suppositis propter solā naturæ idēitatem, tā esset vnus & idem homo, ut vnico, & eodem singularissimo conceptu comprehenderetur. Esset quidem vnus homo ratione humanitatis, sed quia singularitas munerica non tam a forma, quam a materia desumitur, essent simpliciter duo homines, propter suppositorum diuersitatem, quæ comparatione ad naturam modum quandam sortiuntur materijalem. Quæ ratio procederet etiam si verumque suppositum creatum esset, & ab ipsa natura in sua penderet subsistentia: Sed habet tamen specialio rem vim in suppositis, quorum alterum est increatum & in sua subsistentia ab humanitate inde pendens ipsam ad summū esse personalem trahens: alterum vero increatum, & ab ipsa intrinsece pendens natura. Et vrgeo præstius rē istam. Supponamus, quod modo humanitas relicta a verbo subsisteret in supposito creato, quod appellaretur Petrus. Bene sequeretur Christus est hic homo, Petrus est hic idem homo. Ergo Petrus est Christus. Consequens est absurdum dictū: Ergo, & antecedens est falsum, non pro maiori, ut patet: ergo pro minori. Preterea. Vel cū cōcipitur hic homo, designatur sola humanitas, vel suppositum in humanitate subsistens. Primum dici non potest, quia humanitas non est homo, sed forma & natura hominis. Si vero secundum dicitur: Ergo, si confusionem & indeterminationem vellimus fugere, necessum est, quod designetur in particulari suppositum creatum, aut vero increatum, Et si increatum designetur, iam præsupponitur prædestinationis terminus in eius obiecto: Nam hic homo, ut designat increatum suppositum in humana natura subsistens, filius Dei naturalis est. Si autem designetur creatum suppositum, non poterit,

etiam reliquit illa solutio, & ideo ut minimum in sufficienti-
tio laborat.

Secundo sic argumentor. Vel substantia diuina qua ille homo
subsistit, est substantia essentialis toti Trinitati communis. Vel est
substantia personalis, & relatiua diuini verbi. Primum dici non po-
test, quia contra fide credendum est: vnionem non fuisse factam im-
mediate ad diuinam naturam: ac proinde neque ad absolutam & es-
sentialem substantiam, quæ cum communis sit tribus personis, non
est substantia personalis, neque suppositi constitutiua. Si vero dica-
tur secundum. Tunc argumentum insurgit violentum, ut apparet cõ-
tra prædictam sententiam, quod fit in hunc modum. Non stat quod
illud suppositum humanum subsistat verbi substantia, quin sit filius
dei naturalis. Ergo illi supposito sic subsistenti, & ut præcognito a
deo ipsa verbi substantia constituto, non ex gratia, sed ex necessitate
naturali cõpetit quod sit naturalis dei filius. Euidens apparet conse-
quentia. Nam quod necessario alicui conuenit, ita ut neque per abso-
lutam diuinitatem impediri possit, improprie, imo & falsissi-
me dicitur ex speciali dei gratia competere. Rursus. Illi supposito
humano substantia verbi relatiua subsistenti non competit ex dei
gratia esse naturalem dei filium: Ergo neque ei competit ex vi præ-
destinationis. Paret hæc consequentia ex dictis, ex quibus con-
stat, bonum quod ex prædestinatione cõuenit, ex prædestinantis gratia
conuenire, & non ex debito, & necessitate naturæ, aut ex alio quouis iu-
stitiæ titulo. Hoc argumentum dilluere conantur assignatæ solutionis
autores: Sed an soluant ignoro, nã & in statuenda solutione præfata,
& in hoc argumento soluendo summa cum obscuritate procedunt, quod
forsan illis contigit, quia hæc tam recondita difficultas maioris cla-
ritatis non est capax. Verum quia fortassis modum istum dicendi ad
probabilem & intelligibilem formam paulo post reducemus. Idcir-
co non fortiori brachio aduersus illum decertare decreui: Et ne tota
argumentorum vis obscuritate potius quam difficultate consistat.
Sed priusquam de hac re agamus, duos alios dicendi modos refera-
mus oportet.

Est igitur quintus modus dicendi seu quinta primi argumenti so-
lutio, quæ asserit ad proprium prædestinationis christi terminum non
præsupponi suppositum humanum: sed præsupponi & diuinum ver-
bum, & humanitatem, non ut actu illi personaliter copulatam, sed ut
iam iam copulandam, id est, secundum quod in instanti incarnatio-
nis humanitas ordine naturæ assumptioni præintelligitur, non ut exi-
stens propria existentia, sed ut habens proprium esse essentiali diui-
no verbo vnibile, & a quo ipsum verbum vere poterit denominare sup-
positum humanum. Hic modus dicendi nonnulla posset cum proba-
bilitate

bilitate defendi, ex eo quod hæc prædestinatio terminatur ad primum esse substantiale, ut ad formalem & proprium terminum: atque adeo non est necesse, quod præsupponat aliud, quam ea quæ habent vicem quasi partium componentium illud totum, cui ex vi prædestinationis competit diuinum esse verbi, competitque verum esse & naturalitatem Dei filium. Sed nihilominus in eo valde defecit ista solutio: quod non assignat obiectum cui fiat gratia prædestinationis huius, id est, cui ex gratia competat naturalem esse Dei filium, quoniam humanitati quomodocumque præintellectæ, nequit competere quod sit dei filia, neque per naturam, neque per gratiam: Diuino autem verbo competit quidem verum esse Dei filium, non tamen ex gratia, sed ex naturali necessitate, ex vi, nimirum, generationis naturalis. Oportebat ergo, ut huius solutionis Auctores explicarent nobis & obiectum prædestinationis Christi, illud, nempe, quod ex prædestinationis gratia est naturalis dei filius, & modum quo præsupponitur ad hanc tantam suscipiendam gratiam.

Est sexta solutio, seu sextus dicendi modus, qui omnibus retro positis apparet faciliior & expeditior ad enodandam primi argumenti difficultatem, qui proinde multis doctissimis est gratus, & cæteris plausibilior. Cuius expositionem docte prosequitur Medina 3. p. q. 24. art. 1. Afferit iste dicendi modus: Quod obiectum prædestinationis Christi est ipsemet christus apprehensus ab intellectu diuino ut possibilis. Et in hac apprehensione & conceptione præsupponitur ad terminum prædestinationis, qui est ipse Christus, ut actu existens. Et quidem Christo ut concepto per modum possibilis magna fuit gratia, ut constitueretur in actuali existentia, quæ fuit ei facta ex vi prædestinationis. Sicut Petro per diuinum intellectum apprehenso ut possibili, gratia fit, et si naturalis ordinis, in eo quod ad actualē deducatur existentiam. Hic dicendi modus multis posset impugnari. Sed breuiter sic aduersus illum argumentor. Christus possibilis & christus existens idem prorsus christus est: Ergo si Christo existenti nulla sit prædestinationis gratia, in hoc quod sit filius Dei naturalis, neque etiam Christo possibili fieri potest hæc gratia. Dices, quod licet sit vnus & idem Christus, diuersum tamen habet modum & statum, prout consideratur ut possibilis, & prout actualiter existit. Et propter hanc modalem diuersitatem contingere potest, quod Christo ut possibili fiat gratia, christo vero ut existenti nequaquam. Contra hanc solutionem dupliciter insto. Primo, tota gratia quæ potest fieri Christo ut possibili considerato, non consistit in hoc quod sit naturalis dei filius, nam hoc totum comprehenditur in conceptu Christi quo ut possibilis concipitur, sed in hoc tantum quod actualiter existat. At gratia prædestinationis Christi non potissimum consistit in hoc, quod est, actualiter Christum

sum existere, sed in hoc quod est esse naturalem Dei filium: Ergo in sufficienter exponitur prædestinationis Christi gratia, per hoc quod est Christum ut conceptum per modum possibilis sub actuali constitutioni existentia. Secundo, res ut considerata sub modo, & statu possibilitatis non est capax alicuius gratiæ suscipiendæ: Sed tota gratia quæ illi sit in actuali eius productione, in ipso termino productionis est consideranda. Certum est enim quod creaturæ antequam ex nihilo prodirent, & quamdiu in dei omnipotentia latebant, non erant simpliciter capaces beneficii cuiuspiam. Sed totum beneficium creationis susceperunt in ipso creationis termino: Ergo Christo, ut concepto per modum possibilis, & ut in statu possibilitatis considerato, nulla fuit facta prædestinationis gratia: rursus, ut in termino suæ productionis non erat obiectum gratiæ suscipiendæ, sed fuit potius ipsummet beneficium collatum, ut inquit, assignata solutio: Ergo Christus pro nullo statu, neque possibilitatis, neque actualis existentie, habuit simpliciter rationem obiecti prædestinationis.

Sex has quas retulimus primi argumenti solutiones ex aliorum tractatu scriptimus doctrina & mente, quas tamen expugnauimus sufficienter, minusque, nisi decipimur, probabiles reddidimus. Quo circa æquitatis ratio postulat, ut nostrum quoque sensum alieno nos iudicio exponamus. Sit ergo solutio septima, ad cuius intelligentiam duo sunt ad memoriam reuocanda ex multis, quæ hæcenus diximus. Alterum est, id quod pertinet ad Christi compositionem, quæ diximus propriissime consistere in quadam mutua, & alterna humanitatis adiunitate, & diuinitatis seu diuini suppositi ab humanitate acceptione. Ita quod verbum in diuinitate subsistens accipit a diuinitate quod sit suppositum humanum, & verus homo. Humanitas vero accipit adiunitate, seu ut formaliter loquamur, a diuino verbi supposito, quod substantialiter existat, ita ut homo sit deus, verus quæ Dei filius.

Alterum ergo quod est ad memoriam reuocandum, est illud, quod aduertimus circa conclusionem dubitationis huius, nempe, quod licet christus sit terminus. Qui, prædestinationis suæ, sit etiam obiectum. Quod, prædestinationis eiusdem; in ipso tamen Christo distinguenda est ratio termini a ratione obiecti. Humanitas quippe ratio est obiectiua, appellarique potest proinde obiectum, Quo, substantia autem verbi personalis, considerata prout est apta nata conferri humanitati, & prout est de facto collata liberaliter & gratuito, ipsa est ratio termini prædestinationis Christi, & potest etiam vocari terminus, Quo, Christus autem quia utramque rationem in concreto sumptam complectitur, & est obiectum, Quod, & terminus, Qui, prædestinationis suæ.

His ad memoriam reuocatis, ulterius est aduertendum, quod prius ordine rationis, imo & naturæ, intelligimus in christo præcedere id

E e e e e

quod

ab humanitate

quod primum diximus pertinere ad eius compositionē. Volo dicere, quod in mysterio incarnationis Christi, prius intelligimus Deum humanatum, quam hominem deificatum, id est, prius naturā, sed naturę ordine factum est, quod verbum esset suppositum humanū, essetq. verus homo, quod accepit ab humanitate sibi assumpta, quā quod homo, ipsumq. humanum suppositum esset verus deus, naturalisq. dei filius: quod fuit summum bonum, supremumq. beneficium, quod in Christi compositione humanitas a diuinitate suscepit: Sed ut cum omni rigoris proprietate loquamur: humanitas fuit ratio ipsi Christo, ut hoc tantum, tamq. excellens bonū a diuino verbo susciperet. Hęc veritas non obscure insinuata fuit a S. Euang. Ioan. in ipsis nostri pro thematis verbis. Verbum caro factum est, &c. Et vidimus gloriam eius, gloriā quasi vnigeniti a patre, &c. Priora enim illa verba, Verbum caro factum est, illud designant quod nos prius in hoc mysterio contigisse dicebamus, nimirum, verbum esse carnē, esse hominem, esseq. suppositū humanum. Posteriora autem verba aliud secundum ostendunt, nempe, hominem naturalem esse dei filium. Et vidimus, inquit Euangel. gloriam eius, gloriam quasi vnigeniti a patre. Illa particula, Et, concomitantiam, & consequentiam denotat; eumq. reddit sensum. Quod quia Verbum caro factū est, id est, humanum suppositum per carnis assumptionem fuit constitutum, consecutum fuit hoc tantum beneficium in natura humana, ut homo esset vnigenitus patris filius, ita ut licuisset nobis in homine videre ipsam vnigeniti patris gloriam, id est, gloriam quę soli naturali dei filio potuit esse propria. Hanc enim vim habent illa verba: Gloriam quasi vnigeniti a patre. Illa enim dictio, Quasi, non diminutionē, sed adæquationē, & conaturalitatem potius denotat. Quod non est inconueniens in literis sacris, ut apertis exemplis demonstrat Martinus Martinez lib. 8. hypothese. c. 8. Et quod hoc iuxta phrasim latinam verum sit, & ad amplectendum, docuit Laurent. Valla in adnot. ad hunc locum Ioan. c. 1.

Ex his colligo solutionem ad primum huius dubitationis argumentum, & dico. Quod diuinum verbum ut suppositum humanum, sicut ordine executionis, ut modo dicebam, fuit prius in mysterio incarnationis, ita & fuit ordine naturę præsuppositum per modum obiecti prædestinationis ad propriū eius terminum, scilicet, ad hoc quod humanum illud suppositum verus esset deus, vnigenitusq. dei filius, quod fuit primo intentum a deo in profundissimo incarnationis sacramento: ac proinde sicut primum in intentione, ita & vltimū in executione fuit. Et quidem quod executione fuerit vltimum, ex his quę ante diximus, relinquitur manifestum, aut saltem probabiliter explicatum. Quod vero primo fuerit a deo intentum colligo

primum, ex eo quod Patres, præsertim Athan. & Cyril. passim repetunt diuinum verbum non propter se, idest, propter bonum aliquod ipsi diuino supposito comparandum: sed propter exaltationem humanæ naturæ carnem fuisse factum: Ergo quod primo deus in Christi prædestinatione intendit, non fuit quod verbum esset homo, suppositumque humanum, quod videbatur ad ipsum verbum attinere: hoc enim per incarnationem verbum ab humanitate suscepit. Sed primo & præcipue intentum a deo fuit, vt homo esset deus, naturalisq. dei filius. In quo humanitas supremam & consumatam exaltationem accepit. Colligo præterea ex illo Paul. 1. Corin. 2. Dei sapientiam quam prædestinauit deus in gloriam nostram. Suppono probabilem satis esse intelligentiam, quæ affirmat Paulum hoc loco nomine sapientiæ Christum vt hominem designasse, de qua re dixi superius in hac quæstione. Qua intelligentia supposita. Id quod contendimus, manifeste deducitur ex his verbis. Nam quid aliud designat Christum in gloria nostra prædestinatum, quam quod in Christi prædestinatione id fuerit potissimum dei intentum, vt tam excellens humanitate deferretur honor, ad tantumq. & dignitatis & gloriæ eueheretur fastigium, vt homo verus esset deus, verusq. & naturalis diuini Patris filius? Dixit autem Paul. in gloriam nostram, vt insinueret, gloriam hominis Christi fuisse gloriâ capitis nostri, in quo nos omnes glorificati sumus, & ad eximiam excellentiam euecti: nihil enim sibi proprium Christus vt homo habet; sed omnia in commodum nostrum accepit. Quod Magnus Athanas. in Concio. 2. 3. & 4. contra Arrian. tertio quoque verbo oportuna importunitate inculcat.

Neque vero cuiquam mirum esse debet, quod Deus nō vt vltimū, & principale intenderit per sacrum incarnationis mysterium, vt verbum fieret homo, suppositumq. constitueretur humanum, cum humanitas nihil posset verbo conferre, sed potius si verbum diminutionis esset capax illud posset minuere, eiusq. gloriā, & maiestatem obscurare: ob quā causam Pau. ad Phil. 2. dicebat. Quod cum Christus in forma dei esset, non rapinam arbitratus est se esse æqualē deo, idest, cum esset in excellentia diuini verbi constitutus, patri perfecte similis, ac proinde cœqualis, semetipsum exinaniuit formam serui accipiens habitu inuentus vt homo. Ecce quam gloriam sibi acquisiuit Verbum cū caro factum est, nimirū, vt exinanitū, & vt mancipiū quodam posset reputari. Quare vltimum dei Christum prædestinantis intentum non plane fuit, vt deus esset homo, sed contra vt homo esset deus. Et vt hanc tantam gloriam homini potuisset accrescere ipsum diuinum verbum sub nostra se humanitate constituens, ab eaq. humani suppositi denominationem accipiens, rationem induit non

termini prædestinationis huius, sed rationem potius obiecti.

Sed iam difficultates ex hac doctrina insurgentes nos irruere festinant, Quarum illa est maxima, & ad quam reducuntur omnes. Quod hoc supposito prædestinationis obiecto, nimirum, quod verbum sit suppositum humanum, non ex gratia, sed ex omnimoda necessitate consequutum fuit, quod homo verus esset deus & vni-genitus dei filius. Non ergo hoc posterius potuit habere rationem termini prædestinationis Christi, illo priori præsupposito vt prædestinationis obiecto. Millies hanc consequentiam ex eo probauimus, quod terminus prædestinationis ex gratia, & non ex naturali debito competat oportet ipsi obiecto prædestinationis.

Sed secundam huic primæ adiungo difficultatem. Nam vttramque aduersus quartum modum dicendi, quem ad probabilē sensum reducere conor, paulo superius informauimus: Est ergo difficultas secunda. Quod illud primum, quod ego appellauimus prædestinationis Christi obiectum, cum fuerit opus supernaturalis ordinis, summæque in ordine supernaturali excellentiæ, non potuit non esse alicuius prædestinationis terminus: Ergo respectu eius restat nobis explicare, quod nā fuerit præsuppositum obiectum.

A secunda difficultate exordiri decreui huius rei explicationē, quoniam hac via facilius erit intelligentiæ additus. Respondeo igitur posteriori difficultati, quod, vt superius dixi, non est absolute & cum proprietate concedendum, quod deus fuerit prædestinatus, vt esset homo, eo quod nulla ei in hoc facta fuit gratia, aut fieri potuit. Vnde illud primum quod in christi incarnatione distinguimus, scilicet, verbum esse suppositum humanum, proprie non est terminus prædestinationis cuiuspiam; atque adeo neque oportet ibi distinguere rationem obiecti a termino, quod prædestinationi præsupponatur. Nam si aliquod esset obiectum, illud deberet esse deus, cui humanitas contulit esse suppositum humanum: At cum deo nulla in hoc fuerit facta gratia, non potest dici ipsum deum obiecti rationem induisse. Quo circa hoc quod est deum esse hominem, seu verbum esse suppositum humanum, est quidem prædestinatum eadem prædestinatione, qua prædestinatus est Christus, vt esset naturalis Dei filius. Sed est tamen prædestinatum, non in ratione alicuius termini, sed vt esset proprium obiectum prædestinationis eiusdem itaque hac excellenti & mirabili prædestinatione non solum eius terminus, sed & ipsum quoque obiectum constant: ordine tamē quodam, obiectum namque ad terminum præsupponitur. Et hoc quidem summa fuit huius ineffabilis prædestinationis excellentia, quod ad ipsam pertinet, vt suum obiectum non præsupponeret, sed efficeret: ad eum modum quo intellectus noster hanc habet excellentiā, inter alias, supra omnes

oēs potentias, q̄ propter vim agentē qua pollet, suū formale efficiat obiectū, illuminādo phantasmata, educendoq. intelligibiles species, in quib⁹ ratio entis & veri, seu quidditatis rei materialis in vniuersali, & in separatione a singulari materia ipsi intellectui præsenteretur, & obiiiceretur. Itaq. intellect⁹ humanus & suū efficit obiectū, & circa illū operatur, propriamq. habet actionem. Sic ergo intellectus diuinus secundum quod rationem prædestinantis exercuit, & ipsum prædestinationis effecit obiectū, & terminum eiusdem prædestinationis ei per gratiam accommodauit. Et quidem tam excellens terminus, quem habuit prædestinatio christi, tale exposcebat obiectū, quod non ex inferiori desumeretur ordine, sed ex ui eiusdem prædestinationis constitueretur: Et hoc sufficere videtur dixisse ad posterioiorem difficultatem euacuandam.

Sed secunda iam instat difficultas, quæ nos vehementius præmit. Cui libenter concedo antecedens quod assumit, nimirum, quod præsupposito quod verbum fuit homo, humanumq. suppositum necessatio consequeretur, vt illud mer suppositum humanum naturalis esset dei filius: nego tamen inde sequi, quod ibi non interueniret gratia ad prædestinationem sufficiens. Quod ex duobus ostendo. Primo, quoniam illa necessitas, ex qua suppositum illud humanū naturalis est dei filius, non prouenit ex humanitate, etenim si naturalis dei filiatio ad christi humanitatem refferatur, non nisi ex summa gratia ei potuit cōpetere: sed tota necessitas refferenda est ad suppositum diuinum in ipsa humanitate subsistens. At cum ratio obiecti prædestinationis christi non ex supposito, sed ex humanitate sumatur, neque illud suppositum fuerit eatenus prædestinationis obiectū, quatenus diuinum suppositum in diuina subsistens natura, sed prout humanum suppositum est subsistens in natura humana, idcirco prædicta necessitas non impedit gratiam, quæ inter prædestinationis terminum, & proprium eius obiectum, secundum formalem obiecti rationem consideratum, reperitur. Secundo eandem gratiam ad prædestinationem sufficientem colligo, ex eo quod licet præsupposito quod verbum esset homo, suppositumque humanum, necessario sequeretur prædestinationis christi terminus, tota tamen illa necessitas reducebatur ad gratiam, vt ad primum totius prædestinationis Christi fundamentum: ad eam, videlicet, quæ fuit in illa voluntate, qua Deus tantum decreuit honorem conferre humanæ naturæ, quod statuit se facturum, vt homo esset Deus. Quoniam vero humana natura non erat obiectum aptum, & idoneum, cui hoc tantum beneficium conferretur, licet esse posset formalis ratio constitutiuā talis obiecti: idcirco ex vi voluntatis eiusdem adinuenit Deus obiectum, cui tantum illud, tamq̄ libe-

liberalissimum beneficium conferendum esset, quod sane obiectum; ipsum fuit diuinum verbum, vt humanum suppositum, & vt in natura humana subsistens. Vnde licet ex hoc obiecto, quatenus est obiectū, Quod, oriretur prædicta necessitas, non inde tamen licet inferre, quod respectu obiecti, Quo, non saluetur illa liberalitas & gratia diuina, ex qua totum hoc sacrū incarnationis opus primā sui duxit originē. Sic adeo vt verissime dicamus: quod Christo, vt homini, non necessitate aliqua, sed ex gratia vnionis competit esse naturalem dei filium. Afferri potest simile ad huius rei explicationem (et si non possit nō esse valde deficiens) cum quis ad finem intentum assequendum assumit medium adeo efficax, vt illo posito necessario sequatur finis, illa necessaria finis consequutio simpliciter est libera, quamuis secundum quid & ex suppositione sit necessaria: eo quod talis necessitas pēdet ex voluntate libera, qua agens sua libertate seipsum determinauit ad illū finem inquirendum, & ex libera finis intentione & quæsiuit & apposuit tam efficax medium, cui necessario responderet ipsa finis assequutio. Ita proportionabi iter in præsentia dico, quod ex illa gratiosa dei voluntate, qua voluit humanitatem ad summam excellentiam euehere, (nostro loquendi more) ortum habuit, quod Deus illud adinueniret prædestinationis obiectum, in quo humanitas tantum illud assequeretur bonum. Nō dico, quod humanitas fuerit prædestinata, nā prædestinatio ad obiectum, Quod, est referenda, sed humanitas est ratio ob quam illa prædestinatio illi obiecto fuit accommodata. Præterea aduertendum est ad pleniorē solutionis huius intelligentiam, non esse mirum, quod terminus prædestinationis christi simul conueniat obiecto & necessario & libere. Tum quia obiectū, Quod, & terminus, Qui, coincidunt in Christi prædestinatione, ex quo oritur necessitas prædicta, obiectum autem, & terminus, Quo, distinguuntur, vt ex dictis circa cōclusionem constat, & ex hoc oritur libertas, & gratia, quæ interuenit in consequutione termini. Tum etiam quia terminus prædestinationis christi simul est filiatio naturalis & gratuitū donum. Qua ratione est naturalis filiatio necessario competit christo, qui non potest non esse filius dei naturalis, est autem gratuitum donum, quatenus respondet gratiæ vnionis: & hac ratione christus, vt homo, per gratiam vnionis naturalis est dei filius. Cum igitur in formali prædestinationis termino, vtraque illa implicetur ratio & naturalitatis & gratiæ, non mirum quod sequatur necessario, posito prædestinationis obiecto, & simul inuoluatur ibi ratio gratuita comparatione ad humanam naturam: ex qua tanquam ex prima formali radice verbum prout est humanum suppositum habuit esse prædestinationis obiectum. Ex his facilis patet solutio ad primum argumentum principale, cui concedimus, quod prius ordi-

ne rationis Deus per scientiam visionis præsciuit, & præuidit obiectum prædestinationis Christi, quam eius terminum. Sicut prius ordine rationis contigit in tempore, quod verbum fieret caro, essetque humanum suppositum, quam quod homo esset Deus, vnigenitusque Dei filius.

Ad secundum argumentum respondetur, obiectum, Quod. prædestinationis Christi, includere quidem terminum prædestinationis eiusdem, imo simpliciter coincidunt terminus, Qui, & obiectum, Quid, prædestinationis huius. At non eadem est ratio termini, & ratio obiecti: neque idem est obiectum, Quo, & terminus, Quo, vt constat ex his quæ in secundo notabili diximus circa conclusionem præsentis dubij. Et hoc sufficientissimum est ad saluandam distinctionem inter obiectum, & terminum, & ad saluandam antecessorem obiecti respectu termini. Quæ antecessio non est necesse, quod sit secundum prioritatem pure realem, sed satisfuerit prioritas rationis in re ipsa fundamentum habens. Iuxta hanc doctrinam bene procedit solutio inter arguendum assignata; quæ tota ad hoc reducit, quod Christus secundum quod homo est huius prædestinationis obiectum: secundum autem quod est naturalis dei filius, habet quod sit eius terminus, idest, ab humanitate vt a prima formali radice habet quod sit obiectum, & a diuina verbi subsistentia prout humanitati communicata rationem termini. Ad impugnationem vero dicitur, quod quamuis non possit concedi hæc propositio nisi in sensu valde materiali, Christum secundum quod homo est naturalis Dei filius, hæc autem Christus secundum quod homo est per gratiam vnionis naturalis Dei filius, absolute est concedenda. Vt supra q. 1. in dubio in quod de adoptione disserui, cum Caiet. dixi. Etenim licet humanitas non sit ratio ob quam Christo conueniat absolute esse naturalem Dei filium, est tamen ratio, propter quam ei conuenit per gratiam vnionis. Christus enim non nisi ex humanitate habet, quod sit huius gratiæ suscipiendæ capax. Ad vltimum, quod in eodem argumento obijciatur. Respondeo, quod Christus prout sumitur in illa propositione accepta in sensu ibidem exposito, non est obiectum ineffabilis prædestinationis huius, quia sensus ille materialis est, & eius veritas nõ fundatur in gratia vnionis, sed in identitate suppositi eiusdem importati per subiectum, & prædicatum.

Ad tertium argumentum respondeo, quod cum in termino prædestinationis Christi duo importentur, videlicet, filiatio dei naturalis, & gratuita eiusdem filiationis conuenientia ad ipsum prædestinationis obiectum: primum quidem conuenit Christo ratione diuini suppositi, secundum vero ratione humanitatis. Vnde humanitas respectu huius secundi formaliter concurrat, & non est sola conditio,

non

Ad quartum argumentum, S. Tho. sufficientissime respondit. 3. par. q. 24. ar. 1. ad 3. qui etiam videndus est eadem tertia parte. q. 16. ar. 7. breuiter respondetur per negationem consequentie. Ea quæ est differentie ratio inter propositiones in antecedentia assumptas, & istam, de qua loquimur, scilicet, Christus est prædestinatus, quod in illis, Christus, qui in vera q. ponitur a parte subiecti, materialiter sumitur, videlicet, pro supposito: & ob id sunt simpliciter falsæ. In ista autem propositione, Christus, sumitur formaliter, scilicet, pro verbo ut subsistit in humanitate: & ob id est vera & propria. Aliter respondent alij, videlicet, quod si Christus ad actum prædestinationis referatur, humanitas ratio formalis est, qua Christus subiicitur prædestinationi: si vero ad terminum ipsius prædestinationis comparatur, nimirum, ad esse naturalem filium dei, sola est conditio. Probabilis solutio, & non omnino aliena a S. Th. 3. par. q. 24. ar. 2. ad 1. Sed quod diximus placet.

Vltimum argumentum postulat, ut breuiter exponamus, num ex illis Pauli verbis Roman. 1. Qui prædestinatus est filius dei in virgine, &c. colligatur Christi prædestinatio a nobis in hoc dubio explicata. De quo testimonio varia sunt patrum interpretamenta. Et primo quidem non omnes conueniunt in vna, eademq. lectione: Patres enim Græci, quos nonnulli interpretes Latini sequuntur, non legunt. Qui prædestinatus est filius dei: sed qui declaratus, & demonstratus est filius dei, &c. Ita legunt Chrysostomus, Theophilatus, Eucumenius super eundem locum. Damascenus libro 4. cap. 19. insinuat Cyrillus libro 1. de fide ad Reginas. Sequuntur hanc lectionem Caietanus, Erasmus, Faber, Stapulensis, & Sanctes Agninus. Huic lectioni fauere posset verbum Græcum, quod ibidem habetur.

Sed quamuis non diffiteamur, quod verbum græce respondens nō tam formaliter designet, idem quod Prædestino, quam id quod importat verbū, Destino, verbum enim quod græce habetur est, oryzo, idem pollens quod definitio, seu declaro: nihilominus tamen negari non debet nostri vulgari interpretis versionem veritati esse consentaneam, & vim huius vocis sufficienter expressisse. In qua re Erasmus (qui vulgatæ nostræ additioni nō admodum fuit affectus) nobis aperte fauet, inquit enim, quod quamuis verbū, Destino, quod adæquate respondet verbo græco, Oryzo, ex vi significationis verbalis non idem significet, quod prædestino: nam hoc posterius verbū propter illam præpositionem, Præ, manifestā, designat antecessorem. Sed tamen re ipsa verbum, Destino, similem denotat antecessorem rei quæ destinatur respectu eius boni, & termini ad quem destinatur: eo quod destinare, inquit Erasmus, hoc loco nō est idem quod Mittere.

Gggggg Sed

Sed est definire, seu animo decernere de re futura: atque adeo re ipsa idem fieret sensus, si legeretur, *Destinatus filius dei in virtute, &c.* atque sic legendo, *Prædestinatus filius dei, &c.* Similisq. antecessio ad futurū terminū designatur. Vnde latinus interpres optima ratione ductus vertit *Prædestinatus*, ut formalius exprimeret antecessionē istā, attendens potius ad rei explicationem, quā ad significationem verbalem vocis græcæ. Et hanc lectionem antiquam esse in latinis versionibus nō difficitur Erasmus in adnot. ad hoc 1. c. Epistolæ ad Rō. Vbi inquit Origenem, qui græce scripsit, agnouisse ex latinis Codicibus & exemplaribus hanc lectionem fuisse iam olim in frequenti vſu apud latinos patres. Et quidē multa possemus referre ex sacris scripturis testimonia, ex quibus cōstaret, quod verbo, *Oryzo*, græco respondet apte apud latinos verbum, *Prædestino*, quæ testimonia facile videri possunt apud Adamum, in explicatione huius loci Paulini. Et apud antiquissimos theologos in vſu fuit ipsam diuini intellectus diffinitionem, *prædestinationem* appellare, quod aduertit Magnus Diony. 6. 5. de diuinis nominibus circa finem, inquit, quod diuinas voluntates eorum quæ sunt diffinitrices theologia *prædestinationes* vocat. Igitur statuamus lectionem vulgatam sequendam esse, quod nobis necessarium est ita sentire; primo quidem propter graue Concil. Trid. præscriptum in sessio. 4. quo in lectionibus, concionibus, &c. vulgata editio sequenda proponitur: ceterisq. omnibus antefertur. Et denique pro authentica habenda definitur. Deinde secundo, quod niam grauissimi & antiquissimi Patres, *Prædestinatus filius dei*, &c. legerunt. Ita legit Tertul. lib. contra Praxeam. Ambr. & Hieron. supra hunc locum. Aug. lib. 1. de prædest. sanct. c. 13. & lib. 2. de vlt. & lib. 12. de trinit. c. 6. tract. 115. in Ioan. Hylar. lib. 7. de trinit. Irenæ. lib. 3. aduersus hæreses. c. 11 & 32. & Athanas. lib. de assumptio. hominis. Quos sequuntur recentiores Patres. Damasc. loco citat. Bernard. lib. 5. de consideratione ad Eugen. Ansel. in hunc Paul. locum, & alij quamplures sacrorum Bibliorum interpretes. Sed hac lectione supposita, non in eodem sensu locus iste ab omnibus eius interpretibus explicatur.

Prima explicatio, quam refert Caiet. hunc Paul. locum versans, ita interpungit hanc Pauli orationem, ut post verbum *Prædestinatus* addat eam: ita ut non fiat sensus, quod Christus sit prædestinatus filius dei, sed quod absolute Christus prædestinatus dicatur, non explicando terminum, ad quem prædestinatus fuerit, sitq. sensus iste. Christus qui est prædestinatus, est filius dei in virtute. Sed ista interpretatio omnino est explodenda, quia nulla auctoritate fulcitur: apud nullum enim nec antiquum, neque modernum auctorem reperitur. Caiet. etsi eam non improbauit, neque probauit tamen, neq.

scimus

scimus vnde illam hauserit.

Secunda expositio est, quod prædestinatio referatur ad humanitatem, quæ prædestinata est ad vñionem hyposthaticam cum Dei filio. Placuit Haymoni, & Hugoni Victorino super hunc locum hæc intelligentia, sed merito displicuit, S. Thom. 3. p. q. 24. a. 1. ad. 2. Nam cū humanitas nullatenus filia deivocari possit, nulla cum proprietate potest dici obiectum huius prædestinationis, de qua hic loquitur Paul. Quidquid sit de prædestinatione ad vñionem hyposthaticam, de qua se superius in hoc dubio mentem meam exposui, negatiuz sententiæ adhaerens, si proprietas est seruanda. Sed contrariæ sententiæ suæ quoque probabilitatem relinquo, dū tamen non procedat de prædestinatione de qua hic a S. Paul. fit sermo.

Tertia explicatio dicit terminum prædestinationis huius qua Paulus dicit Christum fuisse prædestinatum, non esse filiationem ipsam Dei naturalem, sed esse alia quæ in textu sequuntur, nimirum, virtutem & potentiam, secundum spiritum sanctificationis ex resurrectione mortuorum. Vnde sensus est. Quod Christus fuit prædestinatus filius Dei in virtute, &c. id est, vt virtute, & potentia qua pollet, eo quod filius Dei est, non vteretur ad omnia, ad quæ ipsa virtus, & omnipotentia Dei se potest extendere, videlicet, ad mundi creationem, eius anihilationem, & similia, sed vteretur illa secundum spiritum sanctificationis, id est, secundum exigentiam sanctitatis spiritualis, qua Christus nos in hoc statu sanctificat, & hoc amplius explicuit Paul. sequentibus verbis, scilicet, ex resurrectione mortuorum. Quæ verba duplicem habent sensum. Primus, quod Christus resurgendo a mortuis spiritum sanctificationis ad nos demisit, quem nobis sua promeruerat passionem, & morte; Nam mortuus fuit propter delicta nostra, & resurrexit propter iustificationem nostram: Et ante resurrectionem Christi spiritus sancti affluentia minime peruenit ad homines, iuxta illud, Ioan. 7. nondum enim erat spiritus datus, quia Iesus non erat glorificatus. Secundus est, quod Christus perfecta sanctificatione nos sanctificaturus est, qualis erit post corporum resurrectionem. Qua sanctificatione Christus primum semetipsum sanctificauit propria virtute filij Dei a mortuis resurgens, & eadem virtute nos quoque a morte suscitans perfecte sanctificabit. Iuxta hanc expositionem terminus prædestinationis christi non est esse Dei filium, sed est exercitium, & exequutio potestatis filij dei, secundum accomodationem ad opus redemptionis nostræ. Hæc expositio, quam prosequitur Caiet. super hunc Paul. locum, non displicuit August. in quadam expositione inchoata Epist. ad Rom. Quam indicauit Cyril. lib. 1. de fide ad Reginas, Et eandem insinuarunt Hyero. & Primasius, qui dicunt Christum prædestinatum esse, vt prior omnibus resurgeret, & filijs dei viam

resurrectionis aperiret.

Hæc expositio nullam continet improbabilitatem, sed ob id nō videtur exacta, quod secundum eam non saluatur ratio prædestinationis simpliciter. Etenim prædestinatio simpliciter est ad bonum excellentissimum, & maximum, quod in ipso prædestinato reperitur, ut ex superius in hac. q. dictis cōstare poterit. In Christo autem potissimum, & excellentius bonum non est exercitium prædictum virtutis & potestatis diuinæ in negotio humanæ reparationis exhibitum, hoc enim bonum extrinsecum fuit Christo: sed ipsa naturalis dei filiatio maximum & excellentissimum bonum Christi est. Cum ergo Christus sit primus & princeps prædestinatorum omnium, recta ratio postulat, ut non prædestinationem secundum quid, sed prædestinationem simpliciter, eamque exactam & perfectissimam ei Paul. accommodauerit in hoc loco, ubi ex professo videtur de Christi prædestinatione tractasse.

Eadem ratione quoque infirmatur expositio alia quam adhibuit Anselmus, & desumpsit ex August. loco nunc citato, quæ asserit quod terminus prædestinationis Christi a Paulo hic designatus non est esse filium dei naturalem, sed esse filium dei ex resurrectione mortuorum cum virtute sanctificatiua hominum: Iuxta quem modum Paul. ad Ephe. 1. vocat Christum primogenitum ex mortuis. Et Pater christum alloquens. psal. 2. propter resurrectionem quæ per modum cuiusdam nouæ regenerationis ex mortuis resurrexit; ita ei dixit, Filius meus es tu, ego hodie genui (nam hunc locum de resurrectione explicuit Paul. act. 13.) Hæc, inquam intelligentia prædicta quoque infirmitate laborat. Sed speciali etiam argumento potest impugnari. Ex eo, videlicet, quod non potest accommodari textui, nisi aliqua fiat violentia verborum contexturæ: Nam inter illud, Prædestinatus est filius dei, & illa verba, Ex resurrectione mortuorum, mediant verba alia, quæ videntur obstare prædictæ explanationi. Improperie enim Paul. ea ibi interposuisset, si proprius prædestinationis Christi terminus in resurrectione ex mortuis constatuebatur.

Est alia quinta explicatio, quæ faceret Christū prædestinatum esse filium Dei, ita quod diuina filiatio suo terminus prædestinationis eius, non tamen prout est in re ipsa, nam hoc, inquit hæc interpretatio, non ex vi prædestinationis, sed per naturam cōpetit Christo: sed prout est in opinione & notitia hominum. Itaque sensus est, Christū prædestinatum fuisse, ut cognosceretur esse verus, & naturalis Dei filius. Quod Pau. significauit per hoc, quod est esse Dei filium: sequens modum loquendi scripturatum, in quibus tunc aliquid fieri dicitur, cum primum innotescit & manifestatur, ut Mat. ultimo. Christus di-

xit. Data est mihi omnis potestas in caelo & in terra, idest, manifestata est mea potestatis auctoritas. Hoc fuit in substantia Græcorum Patrum interpretamentum. Cui ex Patribus Latinis aperte subscripsit Ambrosius, nec refragatur Glossa ordinaria, & ex Scholasticis autoribus illud probauerunt Durandus, & Paulus, locis citatis.

Verum huic explicationi opponi primum potest obiectio illa quæ duas præcedentes explicationes debilitat. Deinde opponimus illi, quod non seruat omnem proprietatem, quæ quantum fieri poterit in interpretationibus est seruanda. Etenim modus iste explicandi scripturam, ut res dicantur fieri cum primum apparent, & innotescunt, figuratus est, & minus proprius: Ergo cum huic Paulino testimonio propriam possumus accommodare intelligentiam, illa erit amplectenda, & præferenda ceteris, quæ minorem seruant proprietatem.

Igitur sexta & vltima Paulini testimonij explicatio ea est, ut Christus secundum quod homo prædestinatus sit naturalis Dei filius. Ita ut Christus in quantum homo sit obiectum, terminus vero sit esse filius Dei naturalis. Alia vero quæ adduntur ibi a Paulo, scilicet, In virtute secundum spiritum sanctificationis, &c. designant aliquid extrinsecum prædestinationi, ipsam tamen consequens, illud, nimirum, quod ad officium Christi, prout redemptoris & saluatoris spectat. Quod in sanctificandis animabus, & suscitandis corporibus, sub quo comprehenditur perfecta & animæ, & corporis glorificatio, simpliciter consistit. Verum est quod illa verba, in virtute &c. possent etiam pertinere ad intrinsecum prædestinationis terminum, si intelligantur in hoc sensu, in virtute, idest cum potentia & potestate æquali potentie, & potestati Patris. Et tunc cetera quæ sequuntur ad sanctificationem, & resurrectionem mortuorum spectantia, secundum actuale eorum exercitium, extrinsece se habent ad formalem prædestinationis terminum, intrinsece vero, si considerentur ut præhabita, & præconcreta in ipsa Christi potentia & virtute. Hæc intelligentia familiaris semper fuit Augustini, locis superius citatis, & alijs quam plurimis. Ex patribus Græcis Athanasius in libro de assumptione hominis apertissime eam probauit, ut ex verbis quæ superius in hac quæstione retuli constare poterit. Et omnes fere Patres latini qui legunt. Prædestinatus huic interpretationi fauere. Sed præsertim Bernardus, loco citato, & Beda super hunc Pauli locum, Quam intelligentiam sequuntur cum glossa ordinaria, graues quidam sacrorum Bibliorum interpretes. Adamus, Carthusius, & alij non pauci. Ex scholasticis autoribus fere omnes in hanc propendunt intelligentiam, quamuis eorum nonnulli non conueniant in modo explicato a S. Thom. 3. part. quæst. 24. artic. 5. Sed in substantia omnes conueniunt in hoc, quod filiatio dei naturalis rationem habuit

habuit terminum in christi prædestinatione. Videndi sunt Scholastici cum suo Magistro in. 3. d. 7. & 10. & Alex. Alen. 3. par. q. 3. memb. 2. & 3. Marf. 3. p. q. 1. ar. 1.

Et hæc sufficiant dixisse ad prædicti testimonij S. Paul. intelligentiam habendâ, ex quibus ad quintum & vltimū argumentū. Respondetur, negando S. Th. doctrinā in nostra conclusionē propositā & in hoc dubio explicatam, non colligi ex prædicto Pauli testimonio. Quanta vero in nostra conclusionē & S. Tho. doctrina sit certitudo non facile dixerim. Nam cum tot sint præfate testimonio a gravissimis Patribus interpretationes adhibitz, durum apparet, graui censura coercere contrariam nostræ conclusionis sententiam. Sed nihilominus adeo hæc vltima intelligentia Pau. testimonij communis est, & viris gravissimis probata, vt non possit non aliqua esse temeritas eam reiicere, & contrariū nostræ conclusioni, quæ ei innititur, & in ea fundatur, docere. Ita videntur sentire Mag. Med. loc. cit. & alij docti moderni, quibus libenter assentior, & hæctenus de isto dubio.

Dubium Tertium.

Cum omnia quæ ad Christum vt hominem spectant, circa vllam eius iniuriā, imo & summa cū ipsius gloria, ad nostrā possumus, imo & debeamus spiritualem vitā trāsferre, quod inter alios Patres plurimis & magnificis verbis Magnus Athanasius expressit, tum alias, tū præcipue in libro de incarnatione Christi, vbi inter alia inquit, Quod tota natiuitatis, mortisq. Christi ratio ad nostri requisitionē, recuperationēq. spectat. Et in lib. de incarnatione verbi sic ait, Quæ propter vilitatem, inopiamq. in se suscepit, vt nobis opulentia suam largiretur: illius enim passio nostra est impassibilitas, illius mors nostra immortalitas, & illius fletus nostra læticia, eiusque sepultura nostra resurrectio est, illius baptisma nostra sanctificatio est, & illius vinctices nostra est sanitas, nam vincticibus illius sanati sumus, & pax nostra illius disciplina, & illius ignominia nostra gloria est. Vnde gloriam petit in nostri gloriam, his verbis. Glorifica me pater gloria illa quæ apud te est, quā habebam apud te antequā mundus existeret, nos enim sumus qui in illo gloriamur, & illius descensus noster est ascensus. Rationemq. huius, paucis interpositis, subdidit. Membra, enim, inquit, illius sumus, & multa ista membra vnum corpus sunt, quod ipsum est ipsa Ecclesia, quæ admodū Apost. ad Gal. scribit, vos omnes nō nisi vnū estis in Christo Iesu. Hæc Atha. Cum hæc, inquit, ita se habeant, postquā de Christi prædestinatione pōnnulla diximus in præcedentibus dubijs, non aliud quam opere prætium faciemus, si hanc eādem Christi prædestinationem ad nos quoque, ad nostramq.

præ-

prædestinationem in hoc tertio dubio transferamus. Nam qui natus est propter natiuitatem animarum nostrarum, & indestructionem spiritualis mortis nostræ mortuus est, cur non quoque propter nostrā prædestinationem prædestinatus censeri debet? Quod non aliud intellexisse crediderim S. Atha. cum post verba superius citata, mox ita concludit. Omnes igitur in se deo commendat, itaque. cum di-
cit prouerb. 8. Dominus condidit me in primordio viarum suarum, de Ecclesia dicit, quæ in ipso conditur, non enim operator omnium creatura aut opus esse poterit, sed opus in operatore renouatur, prout Paulus indicat ad Colossen. 2. illius opus sumus conditi in Christo Iesu. Bece quemadmodum Sanct. & Doctiss. hic Pater æternam Christi prædestinationem, quam Spiritus sanctus prou. 8. verbis illis dominus condidit, seu creauit me, &c. declarauit & expressit, ad Ecclesiam in Christo vt in suo capite prædestinatam retulit. Et hoc quidem non nisi mirabili consequutione effecit. Nam postquam eximia eruditione doeuit vniuersa spiritualia bona, quæ ad nostram poterant prædestinationem pertingere, nobis per Christum eu-
nisse, theologicis grauissimoq. discursu intulit, ipsam quoque nostrā prædestinationem ad æternam prædestinationem Christi referendam esse. Ita vt sicut humana Christi vita ob id nostra dicitur vita, quia tota vita nostra ex humana Christi natiuitate pendet, & ipsa temporalis Christi natiuitas in spiritualem & æternam vitam nostrā fuit adeo destinata: Ita quoque æterna Christi prædestinatio nostra prædestinatio merito censenda sit, quia prædestinatio nostra ex Christi prædestinatione pendet, & in eam tanquam in sui causam reducit, & ipsa Christi prædestinatio in prædestinationem nostram, in eiusque executionem profundissimo diuinæ sapientiæ consilio inuenta fuit, & instituta.

Nescio plane: An iste Magni Athanasij discursus illis placeret theologis qui huius Thomistæ, imo & vere theologicæ consequutionis vim non callentes contemnunt, videlicet, Christus, seu Christi prædestinatio causa est omnium effectuum prædestinationis nostræ: ergo & est causa nostræ prædestinationis. Aduersus quos theologos in præsentia non libet disputare, quia vt hanc negent consequentiā, multa immiscent ad ordinem cuiusdam generalis prouidentie spectantia: de quibus non nisi proluxa disputatione esset agendum, quam a nostro præsentis tractatu alienā esse iudicauim, & ob id ad lib. de Orig. gratiæ reponendam duxi.

Quo circa in præsentis disputatione hanc consequentiā & eius vim ex communi theologorum doctrina præsupponamus, & supponamus non eo tendere disputationem præsentem, vt examinemus radicatus: Num Christi prædestinatio causa fuerit prædestinationis nostræ.

stræ, propterea nostra prædestinatio designat actum diuini intellectus, quo nos in æternam prædestinauit salutem, & gloriam. Superius breuiter insinuauimus, quod si de actu prædestinationis secundum rem ipsam sermo fiat, haud quaquam res ista in dubitationem verti potest, nullus enim tam infans mentis erit, ut dixit S. Th. qui vel leuiter fuerit suspicatus actum diuini intellectus creaturam aliquam habuisse causam. Si vero eadem æterna dei prædestinatio, ea ratione consideretur quatenus creaturas, idest, homines prædestinatos respicit, nullam proprie causam habet, aut habere potest, nihil tamen repugnat, quod ex parte creaturarum aliqualis eius assignetur ratio, secundaria, nimirum & minus principalis, vel, ut loquar formalius, quod diuina siue intellectus siue voluntatis operatio, quatenus in aliquod bonum creatum fertur, sit ratio intellectui diuino homines prædestinandi. V. C. quod a mor Christi, & meritorum eius fuerit deo ratio prædestinandi homines. Et in hoc sensu procedit nostra præsens quaestio, vel si maius sensus q. est. Num Christi prædestinatio fuerit causa omnium effectuum prædestinationis nostræ, siue inde summa cum formalitate sequatur, siue non sequatur, eam fuisse nostræ prædestinationis causam.

In huius dubitationis elucidationem, multa essent necessario dicenda, prolixaque foret texenda disputatio, nisi q. s. ad eius finem explicatum dederimus, quo pacto christus & gloriam & gratiam, & omnia quæ ad gratiæ consequutionem quidpiam nobis conferunt, de iustitiæ rigore promeruisse. Quare in præsentia decernendum non erit cum illis auctoribus, qui dixerunt, christum non meruisse nobis, vel fidem, vel dispositiones remotas ad gratiam, vel quidpiam huiusmodi. Sed supponendum est eos falso in hac parte docuisse, & quod si aliud non obstiterit, minime negari poterit, christi prædestinationem nostræ prædestinationis exitisse causam.

Sed & illud non possum breuiter non aduertere, non satis rationabili ter Lud. a Mol. loc. infra cit. ob id dixisse christi prædestinationem non fuisse simpliciter nostræ prædestinationis causam, quia non meruit nobis ea bona, quæ ad naturæ ordinem spectant. Etenim si de his bonis loquatur, quæ possunt habere rationem effectus prædestinationis nostræ, induuntque rationem mediorum ad finem ipsius prædestinationis assequendum, falsissimum est, id quod præsupponitur, christum, scilicet, non promeruisse nobis huiusmodi naturalia bona. Nam certe meruit nobis illa quæcunque, & qualiacunque sint. Nam meruit totum illud quod ingreditur prædestinationis nostri ordinem, sub etiam ratione qua ipsum ingreditur, quod neque prædictus auctor absolute videtur negare. Si vero de bonis naturalibus instituat, sermoque præsuppositiue tantum ad ordinem gratiæ prædestinationis se habet, fateor christum hæc bona minime promeruisse. Sed hinc nullatenus inferri

inferri valet Christi prædestinationem non fuisse nostræ prædestinationis causam: quoniam hæc bona sic considerata non formaliter ingrediuntur nostræ prædestinationis ordinem.

His ergo prætermis præsens nostra disputatio in eorum tantum explicationem versabitur, quæ specialiore difficultatem in hac dubitatione continent. Sed priusquàm argumenta proponam, ex quibus tota quæstionis difficultas pendet, præsupponendum est, in præsentia minime disputari, de causa materiali, aut vero formali intrinseca. Certum est enim Christum aut prædestinationem eius nec materiale esse, neque formalem causam prædestinationis nostræ; vtrique enim hæc causalitas magnam imperfectionem importat. Stricte tamen de formali causa intrinseca loquor, quoniam minime negare intendo Christi prædestinationem exemplarem causam esse prædestinationis nostræ, quam causam formalem esse extrinsecam, facile ego cum Arist. & peritissimis aliis phyl. concedo. Et quidem prædestinationem Christi exemplarem causam esse prædestinationis nostræ non multum habet difficultatis, sed plurimum veritatis certissimæ, cum Paul. Ro. 8. dixerit, Quos præsciuit, & prædestinauit cōformes fieri imaginis filii sui. Quæ conformitas non solum ad Christum vt deum, sed etiam ad ipsummet vt hominem est intelligenda, vt non pauci ex grauissimis huius loci interpretibus adnotarunt.

Duæ aliæ supersunt causæ, finalis, videlicet, & efficiens, sub qua meritoria comprehenditur, de quibus hæc dubitatio difficultatem potest habere. Sed de causa finali puto me satis dixisse in 1. art. præceden. quæst. 6. ex quibus constabit legenti, Christum prædestinatum esse, vt esset finis non solum humanæ prædestinationis, sed & angelicæ, imo & totius constitutionis vniuersi. Quæ res vt minimum in eo sensu vera debet censerī, quod licet ante decretum prædestinationis christi, deus tam ordinem naturæ, quam ordinem gratiæ disposuerit, eo ipso tamen quod deus Christum prædestinauit, vtrumque ordinem, & naturæ & gratiæ, in ipsum, & in eius retulit gloriam: requisit lector quæ ibi diximus, non enim animus est ab eis recedere. Sed illis præsuppositis ad vteriora in hac disputatione progrediamur.

Ex quibus illud etiam poterit lector colligere, quod solet in dubitationem verti. Num Christus primus sit prædestinatorum omnium prædestinatus, ex eadem enim assertis certa deductione inferri poterit, Christum primum esse omnium prædestinatorum, si de humana tantum prædestinatione loquamur. Primus enim homo prædestinatus ipse Christus fuit, quod & in Scoti sententia, & in S. Thom. doctrina omnes tenemur fateri. Si vero ad angelos fiat comparatio non tam certum est, Christi prædestinationem antecessisse

prædestinationem angelorum, est tamen illud valde probabile, tota
taq. probabilitate pollet, quanta modus ille, quem ibidem adhibui
mus ad explicandam S. Tho. doctrinam: quo diximus decretum præ
destinationis Christi fuisse primum decretum in genere finalis cau
sæ, quod Deus habuit respectu omnium, quæ per divinam sapientiã
& potentiam in tempore sunt efficienda, siue ad ordinem nature, si
ue ad ordinem gratiæ pertineant.

De causa ergo efficiendi dumtaxat præsens instat disputatio. Ve
rum de efficientia physica satis diximus quæst. præced. art. 2. Quocir
ca de causalitate meritoria superest in præsentia discutimus. Num
Christus ab æterno prædestinatus causa fuerit nostræ prædestinatio
nis meritoria. Et sententiã negativam suadeo primum, his argumen
tis. Primo. Christus non fuit causa meritoria suæ incarnationis, q
fuit a nobis in. q. 5. demonstratum. Sed incarnatio Christi est potissi
mus nostræ prædestinationis effectus: Ergo Christus non meruit
omnes effectus nostræ prædestinationis: & ex consequenti, neque
meruit prædestinationem nostram. Minor probatur. Incarnatio
Christi (sub qua comprehendimus passionem, & mortem, & om
nia eius merita) fuit medium ordinatum ad nostram salutem & glo
riam, qui est finis prædestinationis nostræ: sed media ordinata ad fi
nem nostræ prædestinationis sunt effectus ipsius prædestinationis,
eius virtute prædefiniti & præordinati. Ergo, &c.

Secundum argumentum. Et si contendat quispiam incarnat ionē
Christi non fuisse medium ad nostram salutem ordinatum, sed habe
re potius rationem cuiusdam yniuersalis causæ, nostræ salutis effe
cticis: non potest tamen negare quin fuerit maximum dei benefi
cium, quod fuit a Deo in nostram salutem collatum: Sed omnia be
neficia, quæ nobis data sunt a Deo, quibus perueniamus ad salutem
æternam, sunt nostræ prædestinationis effectus: ergo, &c. Probo mi
norem. Ex illa Augustiniana prædestinationis definitione, nimirū,
Quod est preparatio beneficiorum Dei, quibus certissime saluantur,
quotquot saluantur. Ergo omnia beneficia, de quibus affirmat præ
positio minor, sunt effectus diuinæ prædestinationis præparati, & di
sposti.

Tertium argumentum. Applicatio quæ Christus quoad efficaciam
sua merita prædestinatis applicuit, effectus fuit prædestinationis ipso
rum. Hanc autem applicationem Christus non meruit, sicut neque
sua pro meruit merita: Ergo Christus non omnes effectus nostræ præ
destinationis meruit. & ex consequenti neque ipsam prædestinationē
Maior probatur. Hæc causalis est facta, Quia Christus sua merita ef
ficaciter applicuit Petro, ob id Petrus est prædestinatus: hæc autem
verissima. Quia Deus ab æterno prædestinauerat Petrum, idcirco

Christus.

Christus ei sua efficaciter applicuit merita. Ergo ex vi prædestinationis nostræ, ut ex causa præordinatæ, & prædestinante ortu habuit prædicta meritorum Christi applicatio. Probo antecedens. Et primo quod prior illarum propositio sit falsa patet: quia si illa esset vera, concedendum foret, quod tota hominum prædestinatio ex humana christi voluntate tanquam ex primo principio originata fuisset, illique essent prædestinati & non alij, quibus Christus ex libera sua voluntate propria applicuisset merita: ita quod ex hac applicatione tota prædestinatio prodiret, cuius oppositum sacre literæ insinuant manifeste, quoties totum prædestinationis, & prædestinatorum negotium ad diuinum propositum, & ad beneplacitum diuinæ voluntatis reuocant. Quod vero posterior propositio sit verissima, probatur. Illius particularis applicationis humana christi voluntas non est prima causa. Ergo aliam priorem supponit. Hæc autem alia esse nequit præter voluntatem dei Petrum eligentis, & prædestinatis ad gloriam. Ergo, &c. Confirmatur primo ex eo quod ipse christus Ioa. 17: dicebat. Ego pro eis rogo, quos dedisti mihi. Oratio autem qua hic christus orauit, fuit efficax, nam ut ex textu liquet, oratione istam non pro omnibus iudit christus: ergo electio dei circa prædestinatos præcedens, qua deus ipso prælegit, ut membra christo capiti perseveranter incorporanda, fuit causa ob quam christus pro ipsis specialiter oraret, & sua eis applicuerit merita.

Confirmatur secundo. Applicatio meritorum christi facta patribus antiquis, non fuit ab ipso christo facta, sed in mediate ex dei voluntate: sed illa applicatio maxime attinuit ad prædestinationem illorum, fuitq. vnum ex præcipuis beneficijs quæ ipsis deus ad æternam salutem assequendam contulit: Ergo christus non fuit eorum prædestinationis causa. Et eadem ratione dicendum erit, non fuisse causam prædestinationis aliorum hominum: eadē enim de omnium hominum prædestinatione habenda est ratio.

Quartum argumentum. Quod deus in particulari hunc hominē prædestinauerit, & ad æternam vitam elegerit, non ex voluntate christi, neque eius meritis, sed ex sola dei voluntate ortum habuit. Sed ad prædestinationem per se pertinet hæc particularis electio, quo isti homines in particulari præ ceteris fuerint electi. Ergo Christus non meruit hominum prædestinationem. Antecedens probatur, & primum de meritis sic ostendo. Merita Christi æqualiter se habuerunt ad omnes homines; pro omnibus enim Christus passus est, & mortuus. Ergo ex meritis Christi non potest sumi ratio illius particularis præelectionis, qua vnus præ alio, & vitæ suæ æternæ electus. De voluntate itidem probatur. Christus in quantum redemptor, secundum se æqualiter se habuit ad omnes: nam vnus & idem pretiū

pro omnium libertate exhibuit: Ergo cum voluntas Christi fuerit redemptoris voluntas, non potuit ex ea prædicta electio ad diuersitas promanare.

Confirmatur primo ex illo quod dicebat Christus patri Jo. 17. Manifestaui nomen tuum hominibus quos dedisti mihi de mundo, tui erant, & mihi eos dedisti. Duo sunt in his verbis ponderanda. Alterum quod Christus fatetur, Patrem ei discipulos dedisse, qui omnium electorum personam gerebant. Quo autem alio modo dedit, nisi quatenus illos prælegit cæteris, & Christo ut membra capiti incorporauit. Alterum est, quod Christus similiter fatetur, quod electi quos ipse accepit, prius fuerant patris tui, inquit, erant, &c. Non autem alia ratione erant patris secundum eum modum, de quo loquitur Christus, nisi propter specialem electionem, qua ipsos præ alijs ad vitam elegit.

Confirmatur secundo ex illo Mat. 20. Sedere autem ad dexteram, aut sinistram, non est meum dare vobis, sed quibus paratum est a patre meo: Regnum esse quibusdam hominibus specialiter paratum, ipsam prædestinationem & specialem præelectionem ipsorum ad vitam æternam designat.

Quintum argumentum. Quod Deus in particulari præordinauerit media singularia, & determinata: quibus prædestinati ad æternam perueniant vitam, nõ a Christi voluntate processit, sed ex solo Dei beneplacito. Quod non obscure videtur colligi ex illo Paul. ad Ephe. 2. Creari in Christo Iesu in operibus bonis, quæ præparauit Deus, ut in illis ambulemus: Ergo non omnia quæ ad nostram prædestinationem pertinent, ad Christi merita ad eiusque voluntatem sunt referenda, & ex consequenti Christus non est meritoria nostræ prædestinationis causa.

In oppositum est, quod dicit Paul. ad Ephe. 1. prædestinauit nos in adoptionem filiorum.

In hoc dubio illud primum supponendum est, nos in præsentia nõ de prædestinatione in communi loqui, ut ad angelos, & homines se extendit: Ex dictis enim q. præced. dubio ultimo constat Christum non fuisse causam meritoriam prædestinationis angelicæ, Probauimus. n. nullatenus eis gratiã & essentialem gloriã meruisse. Quocirca de solis hominibus differtur, & agitur hæc præsens difficultas.

Secundo supponamus oportet, quod in præsentia pro eodem reputatur Christi prædestinationem causam esse nostræ prædestinationis meritoriam, & quod Christus sit meritoria nostræ prædestinationis causa. Vnde indifferenter utroq. dicendi modo in huius. q. progressu utemur. Nam eadem prorsus est difficultatis ratio. In qua difficultate diuersa theologorum reperies arbitramenta. Nã licet oia ad duas re-
ducantur

ducantur sententias quarum altera affirmat, & altera negat, diuersitatem tamen in modo explicandi reperimus: ex qua explicatio-
num diuersitate diuersas opiniones confingere necessarium est.

Est igitur prima sententia quæ absolute negat Christum fuisse meri-
toriam nostræ prædestinationis causam. Ita censent illi omnes theo-
logi superius in quæst. 5. citat. versus eius finem, qui putauerunt
Christum non meruisse nobis fidem, aut dispositiones ad gratiam.
Et loquuntur sane consequenter. Nam si non meruit omnes præde-
stinationis effectus, neq; ipsam potuit prædestinationem promereri.

Secunda sententia docet in alio extremo, christi prædestinatio-
nem esse simpliciter nostræ prædestinationis meritoriam causam.
Promeruisseque christum prædestinatis vniuersos suæ prædesti-
nationis effectus. Ita docent Sanct. Thom. 3. part. quæst. 24. artic.
4. Et in 3. dist. 10. quæst. 3. quæstiuncula 3. S. Bonavent. ead. dist.
2. p. quæst. 2. Duran. ead. dist. quæst. 3. Albertus Mag. ibi artic. ult.
Palud. quæst. vltima. Andreas a vega. lib. 4. in Conc. Trid. cap. 5.
Alex. alens. 3. par. quæst. 3. memb. 5. & ex S. Thom. discipulis non
pauci, quibus nouissime accessit Medina 3. part. quæst. 24. art. 4. Ex
illis theologis qui Christum ante peccati præuisionem prædestina-
tum esse censuerunt, huic adheferunt sententiæ: quamuis Scotus in
contrariam uisus sit inclinare. in 3. dist. 19.

Tertia sententia dicit duo. Alterum est, Christus per sua merita
non fuit causa prædestinationis nostræ, quoad integrum supernatu-
ralem eiusdem prædestinationis effectum. Hoc assertum probant ex
eo quod christus non meruit incarnationē suam, quæ ut Aug. lib. 1.
de præd. sanct. cap. 15. docuit, ex nullis promanauit meritis, neque
vero propria merita promeruit: quæ duo effectus sunt prædestina-
tionis nostræ. Alterum vero est. Christus causa fuit nostræ prædestina-
tionis meritoria, quo ad omnes effectus alios supernaturales, siue
intrinsece aliquid in prædestinatis ponant, ut fides, gratia, dispositio-
nes ad gratiam, auxilia præuenientia, &c. siue extrinsece coadiuuent
ad eternam uitæ consecutionem, ut miracula, prædicatio Euangelij,
orationes sanctorum. Ut oratio qua S. Stephanus impetrauit Pauli
conuersionem & qua B. Monica filij sui Augustini auocationem ab
hæresi manichæorum, & conuersionem ad veram christi fidem &
Ecclesiam, &c. Non desunt theologi, & quidem non pauci, qui
merita christi coarctant ad effectus supernaturales, qui in prædestina-
tis aliquid intrinsecū ponunt. Sed hi audiendi nō sunt, iniuriā enim
interrogant præclarissimis christi meritis, & infinito eorū valori. Horum
theologorum sententiam promptum erit refellere legenti quæ dixi-
mus supra quæst. 5. art. 3. dubio ultimo. Quare de ista senten-
tia neque verbum addam vllum. Sed ad tertiam hanc redca-
mus

mus opinionem, quæ graues habet Patronos. Inter nouiores theologos eam nouissime in lucem edidit Ludouicus a Molina in lib. qui inscribitur Concordia lib. arb. cū gratiæ donis q. 23. 3. 4. & 5. disput. 2.

Quarta sententia tria dicit. Primum. Christus meruit dilectionē qua Deus omnes prædestinatos efficaci, & absoluta voluntate dilexit ad æternam vitam. Patet, Quia Christi merita præuisa fuerunt adeo prius rationis ordine, quam absoluta voluntate aliquos homines in particulari ad æternam vitam diligeret. Ergo ex amore Christi & ex vi meritorum eius ipsos dilexit. Patet hæc consequentia. Quoniam Christi merita ob sui amplitudinem, & infinitatem extendere se poterunt ad hoc dilectionis efficaciis bonum promerendum.

Secundo dicit, Christus non meruit electionē prædestinatorum, secundum quod fuit electio, qua isti in particulari sunt ad vitam præ alijs electi. Patet quia huius præelectionis, nulla ut inter arguendū dicebamus, ex ipsis christi meritis ratio potuit desumi.

Tercio tandem dicit. Quod absolute fateri debemus, christum causam fuisse meritoriam prædestinationis nostræ. Hæc sententia sic exposita colligitur ex Franc. Carr. lib. de prædest. discursu. 11.

Ad has sententias reducuntur alię, si quę sunt in hac difficultate, & inter soluendum argumenta adnotabimus alia quę occurrerint, in quibus a semetipsis dissentiunt theologi, ij præsertim qui suo iure debent in scholis theologorum audiri.

Ad huius controuersię decisionē præsupponendum est ex. 1. par. q. 23. Prædestinationem actum esse diuini intellectus practici, quo efficaci directione in finem ex voluntate participata prædestinat, & præordinat media, quæ ad finis assequutionem sunt necessaria: & per quę media prædestinatus infalibiler finem assequetur ultimum Præsupponit autem prædestinatio ex parte voluntatis duos actus circa prædestinatum. Primus est dilectio, qua deus ipsum absoluta & efficaci voluntate ad ultimum bonum æternam, scilicet, vitam dilexit. Secundus est electio, qua præ alijs is, qui prædestinandus est, eligitur ad æternam vitam. Itaque quod Deus quasi spreto & contempto alijs hominibus non prædestinandis, eos, qui prædestinandi sunt, speciali benenolentia prosequitur, ipsosquę ad vitam æternam eligit. Non quod in ipsis repertat specialis electionis & prædestinationis causā, sed cum omnes in eadem sorte constitutos videat, illos tamen relinquit, & hos spontanea voluntate assumit: ita ut præelecti nō possint non eum Regio vate dicere. Domini est assumptio nostra, & Sancti Israel Regis nostri. Expendendum est illud verbum, Domini, denotat enim assumptionem, & præelectionem a Deo factam in prædestinatione, ut a vero honorum cælestium Domino, qui nulli faciens iniuriam, potest de suo facere quid quid ei placitum fuerit. Ita quod

ipsi enim effectum caelestem vult gloriam conferre: alios vero in perpetuum a caelesti regno, gloriâque sedibus elongatos & exules permanere permittit. Hanc comparatiuam electionem, qui est proximus actus ex parte voluntatis ad praedestinationem, quae, vel dixi, actus est intellectus, designauit Paul. Rom. 9. in illa celebri comparatione inter duos fratres Iacob & Esau facta, quam ex Malachia c. 1. desumpsit. Cum nihil, inquit, boni aut mali egissent, non ex operibus, sed ex vocanti dictum est, Iacob dilexi, Esau autem odio habui.

Hinc sequitur quod ad examinandam propositam in hoc dubio difficultatem. Num, scilicet Christus nostrae fuit praedestinationis causa, non est necesse explicare & definire, an Christus causa fuerit meritoria dilectionis praedestinatorum. Nam et si supponamus nullatenus ad Christum electionem seu dilectionem praedestinatorum attinuisse, adhuc commode saluari posset, ipsum fuisse meritoriam nostrae praedestinationis causam: si in eum omnia media, omniaque super naturalia beneficia, quae deus actu praedestinationis disposuit, & in particulari praedestinuit, ut per ipsa, & ex ipsis cum effectu aeternam salutem consequamur. Vnde in hoc dubio, non tam de dilectione & electione praedestinatorum, quam de eorum praedestinatione insituitur sermo. Sed dicemus tamen de omnibus ad doctrinam completentem, & si compendiosiori quâ potuerimus resolutione.

Sed est praeterea aduertendum, quod ante praedictos, quos annumerauimus voluntatis actus, qui ipsum praedestinationis actum antecedunt, aliam operationem diuinæ voluntatis ratione a praedictis distinctam, commentantur grauiores theologi, ex qua veluti a primo semine, primoque initio, totus inchoauit praedestinationis ordo. Fuit autem hæc operatio, illa voluntas qua deus absolute voluit, non totum humanum desistere naturam, & in perpetuum aeterna vita priuatâ relinquere, sed voluit potius illi sufficiens reme diuinæ afferre, & partem, quo posset aditaneum supernæ felicitatis bonum, & asurgere, & peruenire, nisi per ipsam steterit. De hac voluntate conveniunt communiter theologi, eam minime ad Christi merita spectasse. Quoniam ex ea circumhabuit incarnatio Christi, qua ratione Christus in remedium peccati, & in reparationem humani generis, praedestinatus fuit in carne venturus. Quo circa hæc voluntas ad sortiam dei misericordiam, ad eiusque voluntatem diuinam est reducenda. His suppositis.

Prima Conclusio

Absolute concedendum est Christum meruisse praedestinationem nostram. Probatum primo ex illo Pauli ad Eph. 1. Elegit nos in seipso ante

ante mundi constitutionem, ut essemus sancti, & immaculati in conspectu eius in charitate. Hæc Paul. verba duo nobis insinuant, imò & explicant. Alterum, quod Deus in Christo nos elegit. Ita quod electio ratione prædestinationem anteuertens in Christo fuit, & in virtute meritorum eius. Alterum vero, quod media quibus perueniendum est ad æternam vitam, ex Christo & eius meritis sunt habenda: Hoc enim secundum designant verba illa, Ut essemus sancti &c. Sanctitas enim vera ex charitate proueniens, vniuersa media quibus ad æternam vitam disponimur comprehendit. Probatur secundo ex verbis immediate sequentibus in eodem capite. Qui prædestinauit nos in adoptionem filiorum per Iesum Christum in ipsum. Illa dictio, In, finalem importat causam: fuit enim Christus nostre prædestinationis finis. Illa vero particula, Per, causam denotat meritariam, quod ex Conc. Trid. sessio. 6. c. 6. facile erit colligere. Nam etiam Christum causam esse nostre salutis meritariam S. Synod. docere intenderet, utitur hac particula, Per, per redemptionem, inquit, quæ est in Christo Iesu. Vnde grauissimi autores, per Christum, ita interpretantur, id est, per Christi merita. Sic Athan. sic August. sicque Sanctus Tho. Caiet. & alij non pauci. Et quod de tota prædestinatione, & non de aliquo particulari eius effectu, hæc Pauli testimonia sint intelligenda, patet. Primum, quia Paulus vbicumq; de prædestinatione, aut diuina electione loquitur, his nominibus, scilicet prædestinatione, & electione, totum complectitur prædestinationis nostre negotium. Ad Roman. 8. quos præsciuit, & prædestinauit, &c, vbi continuo subiunxit, quasi explicans id totum quod prædestinatio virtute complectitur. Quos prædestinauit, hos & vocauit, quos vocauit hos & iustificauit, quos autem iustificauit hos & magnificauit. In quibus verbis omnes prædestinationis effectus a primo vsque ad vltimum comprehendit. Deinde id ipsum colligitur ex ijs, quæ Paul. mox addidit in cit. testimonio ad Ephes. 1. Secundum, inquit, propositum voluntatis sue. Prædestinationem nostram quam per Christum esse dixerat, ad ipsum diuinæ voluntatis propositum, his verbis immediate subiunctis reuocauit. At certum est, quod non particularis quispian effectus, sed totus ipse prædestinationis ordo ad propositum diuinæ voluntatis pertinet: Ergo totum etiam prædestinationis negotium, ex mente Pauli, Christi meritis esttribuendum. Confirmatur. Si non de tota prædestinatione, sed de quibuscumque eius effectibus prædicta Paul. verba essent intelligenda, sequeretur quod non soli Christo competeret causam esse prædestinationis humanæ, sed etiam concedi posset, quod vnus homo causa est aliquando prædestinationis alterius. v. c. quod S. Stephanus fuit causa prædestinationis Pauli. Et S. Monica prædestinationis August. Quoniam meruerunt aliquem effectum

effectum ad prædestinationem pertinentem, vt superius dicebam, ac consequens non est admittendum. ergo &c.

Secundo probatur conclusio. Christus meruit nobis omnes effectus prædestinationis nostræ, meruitq. omnia media quibus ad salutem prædestinati perueniunt, vt ex his quæ diximus q. 5. versus finē superest manifestum. Et ex illo loco Paul. ad Ephē. 1. qui benedixit nos omni benedictione spirituali in christo, & ex alijs plurimis scripturæ sacre testimonijs ibidem deduximus. At qui meretur omnes effectus prædestinationis, totum ipsum integrum prædestinationis ordinem meretur. Certe si Petrus omnes eos sibi meruisset prædestinationis effectus, quos ei christus promeruit, absolute diceretur suæ prædestinationis causa. Confirmatur ex eodem illo Paul. testimonio. Qui benedixit nos in Christo, omni benedictione spirituali. Prædestinatio est potissima spiritualis benedictio, qua deus nos benedixit: Ergo in Christo & per Christum nos prædestinauit. Alias enim si potissima benedictio nobis fuit sine Christo concessa, non debuisset Paul. vt illa vniuersali loquutione, inquit, benedixit nos omni benedictione spirituali in christo. Hanc benedictionem de qua loquimur, per christum fuisse nobis communicatam, deduxerunt non obscure ex hoc testimonio grauissimi Patres in eius expositione. Athan. Hiero. Chrysost. Theophi. & August. lib. 1. de præde. sanct. c. 17. & 18.

Secunda Conclusio.

Christus meruit nobis dilectionem efficacem, qua nos in vitam æternā dilexit. Hęc dilectio prædestinationem antecessit in Dei voluntate, vt explicauimus in his quæ ante primam conclusionem adduximus. Non loquimur in hac conclusione de actu ipso diuini intellectus entitatiue sumpto, sed respectiue ad nos cōsidereto, vt a principio huius dubij animaduertimus, idq. asserimus præsentī conclusionē. Deum ex amore Christi, & prauisione meritorum eius homines prædestinandos amasse, & efficaci voluntate eis voluisse gloriā conferre: vt christi membra essent & fratres, essetque Christus eorum caput, & in multis fratribus primogenitus. Probatur ergo conclusio, primo ex illo Pauli testimonio sæpe pro conclusione præcedent. citat. Elegit nos in ipso &c. Vbi Paul. loqui de efficaci electione nulli potest esse dubium, nam sequentia verba, scilicet, vt essemus sancti &c. id manifeste indicant. Quod & nonnulli ex patribus ad finem cōclusionis præce. citatis, super eundem locū animaduertunt, speciatim August. Quod autem ille modus dicendi, Elegit nos in christo, meritoriam causam denotet, patet, tum ex si

* Deus

* alijs, diuina voluntatis

millibus verbis, quibus vtitur Pau. in eodem cap. quæ sine dubio meritoriam denotant causam, gratificauit nos, inquit, in dilecto filio suo. Constat enim ex Conc. Trid. sessio. 6. c. 7. christum meritoriam causam esse gratificationis nostræ. Et certe communiter Patres dum hoc testimonium versant: de causa meritoria illud interpretantur, quamuis neque causam finalem negent. Secundo probatur ex illo Ioa. 17. dilexisti eos, sicut & me dilexisti, inquit Christus. Quæ verba tractans Hyero. 2. contra Iovinian. inquit, Ideo nos diligit, quia filius dilexit pater. Ecce dilectio filii ratio fuit diuinæ Patris voluntati, diligendi nos. Quod autem fuerit ratio ad causam meritoriam pertineans, patet, quia Pater dilexit filium, non vtrumque, sed vt redemptorem nostrum, & vt autorem salutis & fidei nostræ, & quatenus pro nobis satis fecit & nobis meruit: placuerunt enim Patri & Christus, & omnia eius opera; Ergo non potuit ibi non interuenire ratio meriti respectu dilectionis nostræ. Probatur præterea ex illo 2. ad Thim. 1. Vocauit nos vocatione sua sancta, secundum propositum & gratiam, quæ data est nobis in Christo ante tempora secularia. Hoc autem propositum, & hæc gratia quæ ante tempora secularia indiuina existerunt voluntate, ipsam dei electionem seu dilectionem important, qua nos Deus efficaciter ad æternam vitam elegit.

Ratione probatur conclusio. Christi merita fuerunt præiussa a deo, antequam in particulari homines prædestinandos ad vitam æternam amore efficaci diligeret. Sed christi meritis debebatur, vt deus ipsum Christum non relinqueret solum in cælestium bonorum possessione constitutum, sed ei fratres & coheredes adiungeret, quibus ipse vt primogenitus, & dominus præficeretur: Ergo ita credendum est de facto contigisse, quod deus in intuitu meritorum Christi, eos omnes qui tandem prædestinati fuerunt, absoluta voluntate ad æterna bona & elegit & dilexit. Confirmatur, quoniam ita dicere nihil derogat gratiæ, liberalitati, & misericordiæ diuinæ, quam cum hominibus vltis fuit in efficaci eorum electione, & dilectione ad æternam salutem. Quod ex multis quæ diximus ad finem quæst. quintæ constare poterunt. Et ex alia parte hoc dicere, præclaram affert christo vt homini dignitatem & gloriam: Ergo rationabile est ita & sentire, & dicere, præsertim cum & nobis sit quoque maxime gloriosum. Nam quod propter christum caput nostrum, & primogenitum fratrem, vniuersa nobis euenerint bona, valde est nobis honorificum & gloriosum.

Sed ad exactiorem conclusionis intelligentiam, aduertendum est, quodcum dicimus Deum elegisse prædestinatos ad vitam, dupliciter potest hæc electio considerari. Primo per respectum ad gloriam tantum, ita quod prædestinati eatenus dumtaxat electi dicantur, quatenus voluit eis Deus illum vltimū, & excellentē finē conferre. In quo

sensu

sensu etiam si deus omnibus hominibus absoluta voluntate, & efficaci si hoc tantum voluisset bonum, diceretur elegisse omnes homines ad vitam eternam. Quoniam omnia quæ ad finem referuntur habent rationem mediorum, atque adeo eorum volitio ad finem electio censetur. Et in hoc sensu coincidunt electio & dilectio hominum ad æternam vitam. Et de ista electione, & dilectione præsens conclusio præme fuit statuta. Secundo modo potest considerari electio prædestinatorum, non solū respectu eternæ vitæ, sed etiā respectiue ad alios homines, quos deus ad excellentissimū hoc bonum efficaci voluntate non dilexit, sed decreuit permittere eos deficere & a medijs & a fine, tantoque bono in æternum priuari: qua ratione prædestinati fuerunt præ illis ad vitam electi. Et diuina præelectio hoc modo considerata, induit formaliozem electionis rationem. Electio namque formalissime sumpta non solum est mediorum ad finem, sed quamdam comparatiuam prælationem inter ipsa media denotat, ita quod vnum medium alteri præferatur in ordine ad finem, & vnū præ altero eligatur. In hoc posteriori sensu non procedit nostra conclusio, & sequent. conclu. hunc versabimur sensum, iuxta quem vocabimus dilectionem Prædestinatorum electionem comparatiuam, vt non sit necesse amplius ad hanc distinctionem recurrere.

Tertia Conclusio.

Christus meruit electionem comparatiuā prædestinatorum, non materialiter sed formaliter sumptam. Hæc conclusio aduersatur quartæ opinioni, quæ videtur totaliter a christi meritis hanc comparatiuam prædestinatorum electionem excludere: sed non est ad modum facile nostram hanc conclusionem explicare & tueri. Nam multa vrgent aduersus illam in fauorem quartæ sententiæ. Primum, quod Paulus ad Ephe. 1. in testimonio citato, simul prædestinationem nostram christi meritis tribuit, & proposito voluntatis diuinæ, quod non alia ratione factum esse videtur, nisi quoniam ipsa met dilectio, qua deus nos ad eternam vitam propter christi meritā efficaci voluntate dilexit, qua ratione fuit comparatiua electio, ad ipsum dei bene placitum, eiusque voluntatis propositum potuit dum taxat reuocari. De inde pugnat illud Ioan. 17. vbi Apostolus prædestinatos dicit sibi datos a Patre, quod non ob aliud dictum est se apparet, nisi quia prædicta illorum electio, non ex ipso christo, & eius meritis ortum habuit, sed ex sola patris voluntate, qui eos præ alijs ad vitam elegit. Ob quam causam & ipse Christus Mathæi 20. dexteram aut sinistram sedem in regno cælesti conferre, non sibi adscripsit, sed soli patris potestati detulit. Ad idem pertinet illud

* alias in
terperatu

Ita. 8. Ecce ego & pueri mei quos dedit mihi dominus. Quem locum Paul. ad hæbr. in persona Christi dictum esse interpretatur. Fauent August. tract. 106. in loa. & Chrysost. hom. 80. in Ion. Qui Patres nō obicure insinuant, ob prædictam paternæ voluntatis dilectionem, prædestinatos dici datos Christo a Patre. Denique & illud non parum vrget, quod non satis rationabiliter affirmari videtur, quod totum negotium prædestinationis, & prædictæ electionis hominum, non primum indiuinam, sed in humanam Christi voluntatem reuocetur. Ita quod diuina voluntas eos homines prætulerit alijs, ad æternæ vitæ consequutionem, quos ipsa humana Christi voluntas primum prætulit. Sic adeo vt initiū huius comparatiuæ electionis ex humana Christi voluntate fuerit desumptū. Hæc & alia huiuscemodi quæ tam illam opinionem corroborant, & nostram videntur labefactare conclusionem. Quam tamen vt tueantur quidam Doctissimi in hūc modum interpretantur, videlicet, quod quemadmodum deus nō ordine naturæ, prima est & vniuersalissima omnium effectuum causa, nullum tamen in his inferioribus naturalem producit effectum, nisi dependenter a causis secundis. Non quod ipsa in sua virtute, & influxu a secundis causis pendeat: sed quod ita disposuit naturalium effectuum causalitatem, vt ipsius primæ causæ concursus non aliter attingeret effectuum naturalium productionem, quam vt prius accommodatus ad causas secundas, & earum cōcursui atemperatus, & quasi modificatus in in ipsis causis secundis. Quod totum fecit deus, vt assumendo secundas causas vt sibi coadiutrices, & ipsas & totum naturæ ordinem summo opere dignificaret. Ita, inquit, in ordine gratiæ. Deus prima simpliciter & vniuersalissima causa nullum erga prædestinatos influxum habere voluit, nisi per Christum & eius merita: ita vt esset Christi meritis accommodatus, & veluti modificatus in ipsis, priusquā ipsos prædestinatos pertingeret. Constituit enim deus Christum, vt causam vniuersalem & excellentem suorum meritorum radijs fulgentem, & virtute supra totum gratiæ ordinem prædominantem: solem namque iustitiæ ipsum in Ecclesia effecit, eximiaq. cum excellentia toti cælesti orbi præposuit.

* alias, con
siderato:

Hæc tamen interpretatio, & nostræ conclusionis intelligētia, præclare accommodatur toti humanæ prædestinationis negotio, secundum exequutionis ordinem consideratum: ad illam tamen comparatiuam prædestinatorum electionem, quæ nō ad exequutionis, sed ad intentionis ordinem spectat, qua ratione accommodari possit, ego plane non video. Ibi enim nullus intelligitur influxus, qui possit in causa secunda accommodari & modificari. Nam inquiri, An secundum aliquem modum Christi merita concurrant ad illam determinatam comparatiuam electionem, prius ordine rationis, quam diui-

ha volūtas talē electionem attigerit; vel potius totus meritum christi concursus intelligatur tali voluntatis dei actione posterior. Primum videtur impugnari sufficientissime argumentis insinuatīs pro quarta sententia, neq. videtur colligi posse ex similitudine adducta ex ordine causarum naturalium, qui nullatenus pertinet ad intentionē Dei, sed ad actualem executionem dumtaxat. Secundū vero videtur pugnare cum nostra conclusione & sententiam quartam confirmare. Igitur his omissis, ad eruendum nostrae conclusionis sensum eius verbis insinuatū reuertamur. In qua id volui dicere, negari non posse, quin comparatiua illa praedestinatorū electio, si pure materialiter consideretur, i. prout fuit huius hominis. V. c. Petri electiua, & illius. V. c. Pauli contemptiua, non ex Christi voluntate & eius meritis, sed ex sola Dei voluntate immediate processerit. Nam quod Christi merita Petro applicaretur, & non Paulo: ex ipsis meritis desumi non potuit. Sed nihilominus id affirmauerim in conclusione, quod ista meritorum comparatiua electio formaliter considerata, ex meritis Christi ex eiusque voluntate dimanauerit (more nostro loquimur cū diminutionis, aut processionis terminis vtitur) hoc autem in eo consistit, qd priusquam Deus in particulari Petrum pra Paulo ad vitam elegerit, volueritq; merita Christi Petro cum efficacia prodesse, quā efficaciam denegauit Paulo: prauiderat ipsa merita christi, quibus christus meruerat, qd etiam non oēs homines eligeretur, vt ex vicorundē meritōrum aeternā cum effectu assequerentur vitam, eo qd diuinā prouidentiae ratio non patiebatur, neq; eius erat suauitati consentaneū: aliqui tamen in particulari designaretur homines, in quibus eadem ipsa Christi merita suum effectum sortirentur, ne ipse Christus maneret solus, essetq; redemptor absq; vllis efficaciter redēptis, et sine saluatis cū effectu hominibus relinqueretur Saluator, vt ex Ireneo. q. praed. du. i. retulimus. Vnde cum intelligimus diuinam voluntatem applicari ad praedictā comparatiuam electionē, vere & sine improprietate dicimus talē applicationē prouenisse ex Christi meritis, q ipsā exigebant: atq; adeo non immerito ipsa comparatiua electio formaliter considerata in ratione electionis comparatiue Christi meritis, & eorū virtuti tribuitur, quāuis vt materialiter talē, aut talē hominū electū attigit, soli libertati voluntatis diuinā possit adscribi. Afferamus exemplū, qd nonnullam, etsi deficientem, praeferebat huius rei similitudinem. Cū dominus seruo suo tradidit pecunias, vt eas inter pauperes ciuitatis distribuatur, prauidens non posse ad omnes pauperes summā illā pecuniarū perungere, libere ipsius serui voluntati relinquit, vt in particulari eligat pauperes, quibus distribuatur traditam sibi pecuniam. Certum est quod singularis illa pauperum electio, materialiter sumpta, non domino, sed seruo tribuenda est. Caterum formaliter ad voluntatem tandem

tandem domini renocatur, quia feruus in virtutis voluntatis domini precipientis, ut aliquos eligeret pauperes, & ex facultate erogandi elemosinā sibi commissam a domino, ad prædictā singularem electionē faciendam se applicuit. Secludamus imperfectiones, & illis seclusis apparebit in exemplo accommodata ad nostrū intentū similitudo. Diuina enim voluntas non aliter se applicuit ad illam comparatiuā electionē faciendam nisi quasi præmota a christi voluntate offerente sua merita, ut in aliquibus efficaciam sortiretur: & præstis ipsis christi meritis, quæ sunt spirituales diuitiæ, quibus deus homines pauperrimos mire ditauit, & in cælesti regno opulētissimos ciues effecit. Vnde sicut in exemplo posito pauperes quibus applicaretur elemosina, non soli seruo qui eos præ alijs elegit, gratias teneretur referre, sed & domino: non solum quia ab ipso diuitiæ emanarunt, sed & quia prima fuit motiua illius præelectionis causa secundum formalem eius rationem, ita & nos debemus christo electionem nostram etiam comparatiuam, quia fuit modo exposito quasi motiua causa electionis huius. Quocirca prædestinatio nostra non solum quoad executionem, sed etiam quoad intentionē Christo est tribuenda. Posuit enim pater in Christi manibus omnia quæ ad nostram salutē pertinent, & quæ ad intentionē, & quæ ad executionē spectant ut ex c. 13. Ioan. colligitur: atque adeo omnia Christo, & eius meritis prædestinati debent, et tandem vniuersa ad ipsum Dei beneplacitum sint referenda, quatenus sic Deus dilexit mundum, ut filium suum vnigenitum daret, ut omnis qui credit in ipsum non pereat, sed habeat vitam æternam.

Illa argumenta, quæ dudum informauimus in fauorem opinionis quartæ solutionem habent sufficientissimam, ex eo quod comparatiua prædestinationum electio materialiter considerata diuinæ tantum voluntati est tribuenda, cuius ratione verificantur satis illa omnia, quæ in prædictis argumentis adduximus.

Quarta Conclusio.

Ex eo quod christus neque suā incarnationē neque sua merita vllatenus promeruerit, non bene colligitur ipsum non esse totius nostræ prædestinationis causam. Oppositū docuit opinio tertia, sed autores opinionis secundæ hæc cōclusionē constantissime affirmant. Et probatur. Incarnatio christi, eiusque merita non sunt effectus prædestinationis nostræ, neque intrant ordinē ipsius prædestinationis, sed habent rationem causæ tenentis se ex parte Dei prædestinantis, & ipsam prædestinationem exequentis. Ergo ex eo quod christus suam incarnationem suæque merita non meruerit, non ideo cum aliqua limitatione de-

bet vocari nostræ prædestinationis causa, cum vere meruerit omnes nostræ prædestinationis effectus, imo ut ex dictis constat, amor quo deus christum dilexit, & in eius meritis complacuit, ipsaque in ratione meritorum acceptavit, fuerit divinæ voluntati ratio diligendi, & eligendi prædestinatos ad vitam: & ex consequenti, fuerit etiam ratio diuino intellectui practico ipsos formaliter prædestinandi. Antecedens probatur. Christus cum suis meritis præuoluit a deo prius ordine rationis, quam quidquam tractaret de prædestinatorum electione, & de formali ipsorum prædestinatione. Nam quamuis, nostro loquendi modo, Christi prædestinatio ortum habuerit ex voluntate, qua Deus voluit mederi humano generi, ipsumque a peccati iniuria reparare, & etuere. Hæc tamen voluntas non fuit actus prædestinationis, neque formaliter ad prædestinationem pertinuit, sed antecedenter se habuit, & præsuppositiue: quoniam non aliquem vel aliquos in particulari homines attigit, sed in communi ipsum totum respexit humanum genus. Cum ergo christus cum suis meritis extra totum nostræ prædestinationis ordinem præintelligatur præsuppositus, sicut & ipsa Dei prædestinantis voluntas: ex eo quod christus, suam prædestinationem, suam incarnationem, sua que merita non proinuerit, inualida prorsus deductione colligitur, ipsum non simpliciter, & absolute, & modis omnibus nostram non meruisse prædestinationem.

Ex prædictis conclusionibus, ex præsuppositaque doctrina, promptum erit cuique argumenta in partem negatiuam proposita exactis solutionibus diluere. Et primum quidem argumentum nõ eget solutione noua, nam ex quarta conclusione solutum superest.

Secundum argumentum eadem solutione diluitur. Dico enim quod cum Augustinus prædestinationem ita definiuit, quod est beneficium dei preparatio, &c. Non de vniuersis beneficijs loquebatur, sed de illis duntaxat, quæ in tantipsum prædestinationis ordinem pertinent: & quæ ad ipsum pertinent, extrinsece se habent per modum effectui principij. Vbi obiter aduertat theologus, quod licet christi incarnatio absq; improprietate vlla possit appellari medium ad humani generis redemptionem, in salutem destinatum, eo quod ortum habuit ex voluntate illa dei communi, qua deus voluit humanæ naturæ mederi, ipsamque a peccato liberare, non hoc, aut illud humanum individuum respiciens, sed naturam ipsam, non tamen debet appellari medium, ad finem prædestinationis ordinatum, formaliter sumendo hunc finem prout est finis prædestinationis: eo quod christi incarnatio non præsupposuit huius finis intentionem, sed potius e contra hæc intentio ipsius incarnationis præscientiam, & meritorum christi præuisionem supposuit. Agitur Augustinus.

gu, de his beneficijs tantum loquebatur, quę media sũnt ordinata ad ipsum prędestinationis finem formaliter sumptum in ratione suis prędestinationis.

Sed posset secundo responderi, Sanct. Aug. loqui de prędestinatione in communi, vt complectitur prędestinationem christi, & nostrę. Nam cum prędestinatio christi fuerit prędestinatio capitis, nostra autem sit prędestinatio membrorum, quamuis sint ab similibus rationis, & speciei, quia terminus illius est filiatio naturalis dei, huius autem prędestinationis terminus est filiatio dei adoptiua, non irrationaliter per modum vnius prędestinationis considerantur quandoque: sicut caput & membra vnum cõstituunt. De hac igitur prędestinatione sic in communi sumpta forsan loquutus fuit Aug. & hanc dixisse omnium beneficiorum dei preparatio: omnia compręhens beneficia, etiam illa quę per se ad ipsum incarnationis mysterium Christi spectant. Et quidem prędestinatio sic accepta, nullam aliam habere potuit causam, pręter vnicam Dei prędestinantis voluntatem. Nostra autem disputatio de prędestinatione tantum membrorum, prout distinguitur a prędestinatione capitis, actenus procedebat:

Ad tertium argumentum simpliciter est negandum antecedens. Ad probationem dicitur, quod illa propositio, quia Deus prędestinavit Petrum Christus applicuit ei efficaciter sua merita, est vera, si reddat sensum quasi materialem: Falsa vero si formale sensum faciat. Volo dicere, quod formalis ratio applicationis meritorum Christi ad prędestinatos, non primum ex ipsa prędestinatione ortũ habuit, sed potius ex ipsis meritis, seu quod idem est, ex voluntate Christi merentis, quę suo iure postulauit, quod Deus in particulari aliquot eligeret homines, in quibus eius merita suum assequerentur effectum. Vnde particularis illa comparatiua electio habuit tantum rationem conditionis requisitę, & determinationis materię, circa quam fieret ipsa meritorum Christi applicatio, & in hoc sensu dixi, in illa propositione fieri sensum quasi materialem, quatenus, videlicet, illa causalis, Quia, conditionem requisitam ex parte materię se tenentẽ importat. Quod non est sufficiens vt applicatio meritorum Christi effectus dici debeat prędestinationis nostrę, quamuis sine prędestinatione non esset. Non tamen ob id concedendum est, quod applicatio meritorum Christi in particulari causa fuerit prędestinationis nostrę: quia talis applicatio non pręcessit prędestinationem, sed pręcesserunt ipsa merita, cui debebatur determinata cõparatiua electio, qua supposita continuo sequeretur ipsa determinata meritorum applicatio. Imo existimo quod si ad rigurosum meritorum Christi valorem attendamus, posset Christus determinate eligere homines, qui

* alię, sequuta est

bus

bus sua cum efficacia applicaret merita, & quibus pro inde debita fieret ipsa dei prædestinatio. Verum tamen determinatā hanc electionem Christus reservauit, & quasi commisit Patri, qua extante, mox ipse sua applicuit merita. Neque censendum est diuinam voluntatem illa prius applicuisse, quam fuerint applicata a voluntate humana Christi: reliquit enim diuina voluntas humanæ eius volūtatī locū sibi debitum in negotio redemptionis & prædestinationis nostræ. Ad confirmationem primam ex dictis circa tertiam conclusionem, & ex his simul, quæ nunc dicebamus, manifesta relinquitur solutio, nimirū quod fuit conditio requisita. E hoc quidem quasi expermissione humanæ Christi voluntatis, quæ hunc honorem superiori voluntati diuinæ detulit, quod Christus neq; efficaci oratione oraret, nisi pro electis a Patre, neq; alijs quam præelectis a diuina voluntate propria applicaret merita.

Ad secundam confirmationem. Non desunt qui inter prædestinatos veteris testamenti, & eos qui sequuti sunt Christum in testamento nouo, discrimen statuunt propter difficultatem insinuatam in hac confirmatione: & ita concludunt, Christum causam exitiisse prædestinationis sanctorum noui testamenti, non autem eorum qui in veteri testamento ipsum antecesserunt. Verum cum Christus causa fuerit meritoria omnium effectuum prædestinationis veterum Patrum, ut ad finem quintæ quæst. ostendimus, nulla est vero similis causa hanc differentiam inter sanctos veteris & noui testamenti constringendi. Vnde ad confirmationem responderetur. Quod sicut deus ab æterno intuitu meritorum Christi, quæ in tempore futura erant, & similiter intuitu applicationis meritorum eius futuræ prædestinauit in vno, & eodem, ut existimo, rationis signo omnes quotquot elegit ad gloriam: Ita & prædestinauit Patres veteris testamenti, ut ex meritis Christi iustificarentur, antequam ipsa extarent merita. Et quāuis pro tunc cum actus eis applicabantur merita Christi futura, nondum esset posita applicatio facta ab humana Christi voluntate, sed immediate applicatio illa fieret a voluntate diuina, non tamen humana Christi voluntas excludenda est ab illa præapplicatione: quia diuina voluntas illam applicationem fecit quali in Christi nomine. Intuebatur enim Deus approbationem, qua Christus probaturus erat præapplicationem a deo factam, & gratam eam erat habiturus. Vnde postquam Christus venit gratam habens, & ratam præapplicationem illam antiquam, in genere morali fuit eius causa. Nam rati habitio, ut habet regula iuris, retro trahitur, & mandato comparatur. Quod si mandatum ibi non habuit locum, habuit tamen voluntariū, & spontaneū beneplacitū, quod si Deus non præiudicaret in Christo futurum, talem applicationem meritorum eius minime fecisset.

set: nisi alium modum prædestinandi homines decreuisset instit-
tuere. Cum ergo totum negotium prædestinationis & iustificatio-
nis veterum Patrum Christi nomine a Deo gestum fuerit, locum ha-
buit ipsa humanæ voluntatis Christi ratihabitio, ex qua Christus ve-
re fuit moralis causa prædestinationis antiquorum Patrum.

Quantum argumentum facillime ex dictis soluitur, dico enim
quod licet Christus fuerit vniuersalis totius humani generis redem-
ptor, meruit nihilominus, vt Deus aliquot homines in particulari ei
daret in membra, & fratres, quibus ipse sua efficaciter applicaret me-
rita. Neque hoc quidquam derogat vniuersalitati redemptoris, sed
pertinet potius ad perfectissimam & infinitam eius meriti ratio-
nem, ex qua electio comparatiua desumi debuit tamquam ex pri-
ma meritoria radice. Ne opus redemptionis ab ipso Christo
operatum inane esset, & superuacaneum, si in nullo particulari
homine sortiretur effectum. Particularis autem, & quasi materialis
prædeterminatio prædestinandorum soli diuinæ voluntati fuit re-
seruata. Quod satis est, vt verificentur ea, quæ in duabus con-
firmationibus huic quarto argumento suppositis continentur: ne
que oportet abundantiori solutione illis satisfacere. Sed id tantum
dictis addo, quod ita Christus fuit vniuersalis hominum redemptor,
quod supposita, tamquam cōdizione necessaria, particulari & compa-
ratiua diuinæ voluntatis circa prædestinandos electione, ad ipsum
Christum vt ad perfectū redemptorem attinuit particularissima suo-
rum meritorum, & satisfactionum ad ipsos præelectos applicatio. Ob
quam singularissimam a Christo factam applicationem Paulus ad
Galat. 2. dicebat, Dilexit me, & tradidit semetipsum pro me.

In vltimo argumento, quod diximus de prædestinatis quantum
ad comparatiuam ipsorum electionem, proportionabiliter est di-
cendum de medijs, quæ Deus prædestinatis disposuit, & præpara-
uit, vt per ipsa æternam assequantur vitam. Itaque Christus me-
ruit à Patre, vt aliquot in particulari designaret media præelectis,
quibus medijs ipse Christus vim suorum meritorum applicauit.
Vtrumq; enim debebatur Christo: Et quod aliquot determinaren-
tur media, ne opus redemptionis eius frustraretur: Et quod illa
media non nisi in ipso Christo, & in eius meritis fundata vim obti-
nerent perducendi electos ad æternam vitam. Quod non obscu-
re insinuauit Hieronymus in illa verba, Isaïe quinquagesimo ter-
tio. Et voluntas Domini in manu eius dirigetur, & Paulus ad Ephe-
sios primo huic veritati fauet, illis verbis, Creati in operibus bo-
nis in Christo Iesu, quæ preparauit Deus, vt in ipsis ambulemus.

Per illa verba Creati in operibus bonis, denotat Paulus opera, quæ
deus preparauit, vt in ipsis ambulemus ad vitam, in ipso Chri-

QVÆSTIO SEPTIMA

995

sto totam vim suam, & virtutem obtinere. Et merito id quidem,
cum christus ipso Ioan. 15. testante, via sit, veritas, & vita, sitque ip-
se initium viarum Dei, in quibus euangelica veritas, quæ
ipse idem Christus est, mire splendet, & qui
bus tandem prædestinati ad ipsum
perueniunt Christum, qui
est ipsamet vita:

qui
cum patre & spiritu sancto viuit &
regnat in seculorum sz-
cula. Amen.

F I N I S.



INDEX LOCORVM SACRAE SCRIPTVRAE

que in hoc opere explicantur. numerus

- paginam indicat.

Genes.

- 1 Dixit Deus fiat lux. 37
- 2 In principio creauit Deus celum, & terram. 706
- 3 Faciamus hominem ad imaginem & similitudinem nostram. 706
- 4 Respexit dominus ad Abel &c. 448
- 5 Ego merces tua magnanimis. 8
- 6 Per metipsum iuravi dicit Dominus iniquia fecisti hanc rem &c. 492

Exod.

- 3 Ego sum qui sum. 18. & 732

1. Reg.

- 16 Ad inmolandum domino veni. 701

Hester.

- 3 Iudæis autem noua lux oriri visa est. 525
- 14 Non tradas domine Sceptrum tuum iis qui non sunt. 147

Iob.

- 4 Ecce qui seruione ei non sunt stabiles, & in Angelis suis reperit prauitatem. 686
- Quanto magis qui habitant domos luteas & ibid.
- 31 Si oscularus sum manum meam, que est iniquitas maxima. 825
- 38 Quis est Pater pluuie, aut quis genuit stellas rois. 118

Ex lib. Ps.

- 1 Sed in lege domini, voluntas eius &c. 136. & 765
- Dominus dixit ad me Filius meus es tu ego hodie genui te. 137. 972

Postula a me & dabo tibi gentes &c. 408. 546.

- 13 Propter hoc latatum est cor meum, & exultauit lingua mea. 533
- 16 Funes ceciderunt mihi in præclariis. 718
- 17 Saluum me fecit quoniam voluit me. 753
- 18 Celi enarrant gloriam Dei. 652
- 33 Cor meum & caro mea exultauerunt in Deum vivum. 752
- 34 In lumine tuo videbimus lumen. 26
- 39 Vt faciam voluntatem tuam Deus meus volui. 492
- 44 Dilexisti iustitiam, & odisti iniquitatem propterea vnxit te Deus Deus tuus &c. 51. & 450
- 48 Ipse dixit & facta sunt, ipse mandauit & creata sunt. 17
- Misericordia & veritas obuiauerunt sibi iustitia &c. 671
- 10 Ecce enim in iniquitatibus concepit me &c. 118 & 695
- 68 Quæ non rapui, tunc exoluebam. 388
- 72 Deus cordis mei & pars mea Deus in æternum. 118
- 83 Gratiam & gloriam dabit dominus. 9
- Domini est assumptio nostra, & sancti Israel &c. 982
- 101 Ipsi peribunt tu autem permanes & omnia &c. 77
- 103 qui facit angelos suos spiritus. 863
- 144 Iustus dominus in omnibus vijs suis. 614
- Prouerb.
- 16 Mandatum lucerna est, & lex lux. 777
- 8 Dominus creauit me. 624. 973
- Non dum erant abissi, & ego sumton septuaginta. 727
- Gram

INDEX

1. **Ecclies.** **1.** Quanto maior est humiliate in omnibus. 283
15. Reliquit illum in manu consilii sui. 734
24. Ab initio & ante secula creata sum. 624
9. Sapientia edificavit sibi domum. 714

Ecclies.

- 1.** Quanto maior est humiliate in omnibus. 283
15. Reliquit illum in manu consilii sui. 734
24. Ab initio & ante secula creata sum. 624

Cant.

- 29.** Tenui eum neque dimittam. 433
4. Ego dormio & cor meum vigilat. 412

Sapi.

- 1.** Omnia in numero pondere, & mensura disposuisti. 202
9. Corpus quod corrumpitur aggrauat animam. 725
13. A magnitudine speciei, & creatura poterat creator earum visibiliter cognosci. 32

Isai.

- 1.** Filios enutriui & exaltaui ipsi autem spreuerunt me. 725
4. Erit germen domini in magnificentia &c. 757
6. Vidi dominum sedentem super solium. 652
7. Butirum & mel comeder. 704
8. Ecce ego & pueri mei quos dedit mihi Dominus. 988
11. Requiescet super eum spiritus Domini. 91
Radix Iesse qui stat in signum populi & gentes deprecabuntur. 748
Consumatio abscissata & pondabitur. 129

- 2.** Populus gentili qui ambulabat in tenebris. 52
36. Alligabit Dominus vulnus populi sui &c. 688

- 49.** Parum est mihi, ut sis seruus meus ad suscitandas tribus Iacob &c. 824
40. Seruus meus es tu &c. 135
43. Postquam gloriosus & honorabilis factus es in oculis meis ego dilexi te &c. 721. 713
42. Ecce seruus meus suscipiam eum, de di spiritum meum super illum. 52
53. Oblatus est quia ipse voluit. 425
Pro eo quod laborauit anima eius videbit & saturabitur. 494
Si posuerit pro peccato animam suam videbit semen longeuum. 407. 430. & 523.

- 61.** Spiritus Domini super me &c. 51
62. Propter Syon non tacebo &c. 379
55. Sicut exaltati sunt celi a terra &c. 624
66. Numquid ego qui alios parere facio, ipse non pariam dicit dominus. 757.

Hyere.

- 2.** Duo mala fecit populus meus & me dereliquerunt &c. 256
4. Quare ut colonus, futurus est in terra &c. 406
31. Nouum creauit dominus super terram semina circundabit virum. 237. 869. 409.

Dan.

- 7.** Aspiciebam ego in uisione noctis, & ecce cum nubibus celi quasi filius hominis veniebat, & usque ad antiquum dierum peruenit &c. 546
9. Vngatur sanctus sanctorum. 51

Zacha.

- 3.** Super lapidem unum septem oculi sunt. 52
Ause-

Auferam iniquitatem in die vna.

673

9 Rex tuus venit tibi iustus, & Saluator.

101

111

121

Matth.

171

181

191

201

211

221

231

241

251

261

271

281

291

301

311

321

331

341

351

361

371

381

391

401

411

421

431

441

451

461

471

481

491

501

511

521

531

541

551

561

571

581

591

601

611

621

631

641

651

661

671

681

691

701

Mich.

7 Ne laceris inimica mea super me, quia cecidi &c.

525

Matth.

3 Hic est filius meus dilectus &c.

120

4 Et pater vester qui est in caelis di-

120

5 mittet vobis peccata vestra &c.

478

6 Ergo liberi sunt filii.

120

7 Hoc genus demoniorum &c.

820

8 Ut sciatis quid filius hominis in ter-

820

9 ra habet potestatem dimittendi

820

10 peccata &c.

786

11 Sedere autem ad dexteram, vel ad

786

12 sinistram, non est meum dare vobis.

786

13 Sed ut illi qui vultis, &c.

980

14 Ite maledicti in ignem eternum &c.

762

15

762

16

762

17

762

18

762

19

762

20

762

21

762

22

762

23

762

24

762

25

762

26

762

27

762

28

762

29

762

30

762

31

762

32

762

33

762

34

762

35

762

36

762

37

762

38

762

39

762

40

762

41

762

42

762

5 Si vis potest me mundare, & exten-

dens manum &c.

6 Virtus ex illo exibat & satabat om-

nes &c.

8 Puella tibi dico surge, & ora ibid.

12 Baptismo habeo baptizari quomodo

monstrabitur donec perficiatur.

19 Venit filius hominis querere, & sal-

uam facere quod perierat.

20 Pax enim possibile est transire a

me &c.

21 His fieri incipientibus leuate capi-

ta vestra &c.

24 Nonne sic oportuit Christum pati, &

ita intrare in gloriam suam.

25 & 537

27 Omnis qui se exaltat humiliabitur.

28 532

29

30

31

32

33

34

35

36

37

38

39

40

41

42

43

44

45

46

47

48

49

50

51

52

53

54

55

56

57

58

59

60

61

62

63

64

65

66

67

68

69

70

Ioan.

1 Verbum caro factum est &c.

2 & 962.

3 Plenum gratia & veritate.

4 & 51. & 196.

5 Ex Deo nati sunt.

6 De plenitudine eius omnes recepi-

mus.

7 Gratia & veritas per Iesum Christum

facta est.

8 Hoc fecit principium signorum le-

gationis.

9 Sic Deus dilexit mundum &c.

10 454. 657.

11 Non ad mentitur dicit Deus de spi-

ritu suo.

12 Cibus meus est, ut faciam voluntatem

patris qui misit me.

13 De Samaritana.

14 Panis quem ego dabo caro mea est,

pro mundi vita.

15 Abraham pater vester exultavit, ut

videret diem illum vidit & gaudi-

us est.

16 Ego gloriam meam non quaero.

17 Quem Pater sanctificauit &c.

18 Veni ut vitam habeant, & abundan-

tius habeant.

19 Ambulate dum lucem habetis, ne

tenebrae

revelare vos comprehendant. 674
 13 Omnia dedit ei pater in manu sua. 674
 14 Qui credidit in me, opera, quæ ego facio, & ipse faciet, & maiora &c. 750
 15 Ut sciat mundus quia dilgo Patrem 832
 16 Si quis diligit me mandata mea servabit. 832
 17 Si non venissem & locutus eis fuisset. 832
 18 Ego sum via veritas & vita. 713
 19 Ego sum vitis vera. 713
 20 Ego patris mei præcepta servavi. 403
 21 Pater clarifica filium tuum; 7
 22 Clarifica me. Pater claritate quam habui &c. 717
 Pater serva e os in nomine tuo quos dedisti mihi. 750
 Pro eis, rogo qui credituri sunt, vt omnes vnum sint &c. 751
 Dilexisti eos, & me dilexisti. 986
 Et pro eis rogo & sanctifico me ipsum. 179
 23 Regnum meum non est de hoc mundo. 742
 24 Qui me tradidit tibi maius peccatum habet. 208
 25 Data est mihi omnis potestas &c. 786
 Accipite Spiritum sanctum &c. ibid.
 Exa. 1.
 1 Certissime ergo sciat omnis domus Israel, quia & dominum & Christum fecit Deus hunc Iesum, quem crucifixum. 939
 2 Non est datum nobis aliud nomen sub celo &c. 453
 3 Venit enim Pater Spiritu sancto. 51
 4 Penitentiam age ab hac nequitia tua, & roga Deum &c. 281
 5 Oile Saule quid me persequeris? 324
 6 Si ex operibus gratia iam non gratia. 114

Ex epist. ad Rom.

Qui factus est ei ex semine David secundum carnem, qui prædestinatus est filius Dei in virtute &c. 964
 3 Iustificari gratis per gratiam ipsius per redemptionem, quæ est in Christo Iesu &c. 266
 Nunquid incredulitas eorum fidem Dei euacuabit? 491
 4 Invisibilia Dei per ea, quæ facta sunt intellecta conspiciuntur. 12
 Vbi non est lex neque prævaricator. 126
 Ideo ex fide, vt vera esset promissio. 491
 5 Sicur per inobedientiam vnius hominis &c. 337
 Commendat autem charitatem suam Deus in nobis. 674
 8 Non sicut delictum ita & donum. 693
 9 Vbi abundavit delictum superabundavit & gratia. ibid.
 6 Gratia Dei vita æterna. 11
 Ipsa creatura liberabitur a servitute corruptionis. 744
 8 Spiritus sanctus postulat pro nobis gemitibus inenarrabilibus. 315
 9 Si filij & hæredes. 116, 127, 118
 Expectatio creature reuelationem filiorum Dei spectat. 612
 Qui spiritu Dei aguntur ij sunt filij Dei. 131, 136
 Resurrexit propter iustificationem nostram. 818
 Quos præsciuit & prædestinavit conformes fieri imaginis filij sui. 197
 977, 984, 706
 Proprio filio suo non pepercit. 453
 Quæ sunt Dei quis novit nisi spiritus Dei &c. 655
 Scientia inflat. 729
 9 Iacob dilexi Esau autem odio habui. 643
 11 Quis adiuvit sensum domini? 655
 Si ex operibus gratia iam non gratia. 114

14 In hoc enim Christus mortuus est,
& resurrexit, ut & mortuorum &
viventium dominetur. 147

Ex 1. Corint.

- 1 Qui factus est nobis sapientia, iusti-
tia sanctificatio &c. 225. 777
- Ipsis autem vocatis Iudæis atque
græcis Christum Dei virtutem, &
Dei sapientiam. 988
- 2 Sapientiam quam prædestinavit in
gloriam nostram. 639. 935. 937. 963
- 3 Fundamentum aliud nemo potest po-
nere &c. 731
- 6 Empti estis pretio magno. 266
- Nescitis quia corpora vestra mem-
bra sunt Christi? 752
- 10 Itaque qui se existimat stare videat
ne cedere. 693
- 13 Si charitatem non habuerio nihil
sum. 17
- Charitas nunquam excidit. 417
- Omnia vestra sunt, sive Paulus, sive
Cephas. 622
- 15 Gratia Dei sum id quod sum. 18

Ex 2. ad Corint.

- 3 Deus erat in Christo mundum re-
concilians sibi. 180
- Si unus mortuus est pro omnibus er-
go omnes mortui sunt. 851
- 13 Christus qui mortuus est ex infirmi-
tate carnis, ex virtute Dei resurre-
xit. 9
- An experimentum queritis eius qui
in me loquitur Christus. 759

Ad Gala.

- 1 Sed licet nos, aut angelus de calo
euangelizet vobis &c. 136
- 2 Dilexit me, & tradidit semetipsum
pro me. 274. 227. 696
- Non accepistis spiritum servitutis
iterum in timore. 417

Vino ego iam non ego vivit vero in
me Christus. 759

Ergo Christus gratis mortuus est. 274

4 Vbi venit plenitudo temporis misit
Deus filium suum, &c. 427. 656.

757
In spiritu adoptionis Dei clamamus
Abba pater. 115

5 Qui sunt Christi carnem suam cruci-
fixerunt cum vitijs. 18

Ad Ephe.

- 1 Qui prædestinavit nos in adoptione
filiorum per Iesum Christum in
ipsum &c. 653
- Elegit nos in ipso ante mundi consti-
tutionem &c. 621. 984
- 15 In se dedit caput super omnem Ec-
clesiam &c. 712. 754
- Gratificavit nos in dilecto filio suo. 786
- Proposuit in eo in dispensatione ple-
nitudinis temporum instaurare om-
nia &c. 623
- 3 Omnia operatur Deus secundum
consilium voluntatis suæ. 656
- Eramus natura filij iræ. 277
- Per quem habemus accessum ad pa-
trem.
- 3 huius rei causa stetit genus meum &c. 115
- Dispensatio Sacramenti absconditi
a sæculis in Deo. 859
- 4 Veritatem facientes in charitate
cre scamus in illo. 748
- Hoc igitur testificor ut iam non am-
buletis sicut gentes &c. 17
- 5 Christus dilexit Ecclesiam, & tradi-
dit semetipsum pro ea. 274
- Nemo carnem suam odio habet. 750
- Vitæ caput est mulieris, sicut Christus
caput est Ecclesie. 712
- 6 Non est nobis colluctatio adversus
carnem & sanguinem &c. 733

Phili.

- 2 Reformabit corpus humilitatis no-
stræ.

ftr &c.

688

humiliauit femetipsum &c. 398. &
430. & 438. & 450.

Exinanauit femetipsum. 530. & seq.

Saluatoris nostri.

454

Ad Colo.

1 Complacuit per eum reconciliare
omniz. 281Qui est imago Dei inuisibilis, & pri-
mogenitus omnis creatura. 619.
703.Adimpleo quæ de sunt passionum
Christi in carne mea &c. 3862 In quo habitat omnis plenitudo diui-
nitatis &c. 9. 200Delens quod aduersus nos erat Chy-
rographum decreti. 268. 322

Theffa.

14 Hæc est enim voluntas Dei sanctifi-
catio vestra. 524

Ad Timo. 1.

1 Fidelis sermo & omni acceptione di-
gnus. 657Vnus Deus & mediator Dei, & homi-
num homo. Christus Iesus qui de-
dit se &c. 264. 280

Ad Tim. 2.

Vocauit nos Deus vocatione sua san-
cta secundum propositum & gra-
tiam &c. 9864 De reliquo reposita est mihi corona
iustitiz. 268

Ad Titum.

2 Apparuit gratia dei Saluatoris no-
stri. 474

3 Apparuit benignitas & humanitas

Ad Hebræos.

1 Tanto melior angelis effectus quan-
to differentius &c. 450Nonisime diebus istis locutus est
nobis in filio.Quem constituit hæredem vniuerso-
rum. 119. 9332 Vidimus Iesum propter passionem
mortis &c. 530Qui sanctificat & qui sanctificantur
ex vno omnes. 8513 Considerate Apostolum, & Pontifi-
cem. 9385 Exaudiuit est pro sua reuerentia.
407. 288Cum esset Deus filius didicit ex his
quæ passus est. 797 Talis decebat, vt esset Pontifex san-
ctus &c. 53010. Ingressi ens in mundum dixit ho-
stiam &c. 409Vnica oblatione consummauit Chri-
stus in æternum sanctificatos. 27Quæ voluntate sanctificati sumus &c.
ibidem.11 Fides est argumentum non apparen-
tium. 6012 Contemplantes ne quis desit gra-
tia Dei. 12. 73313 Optimum est gratia stabilire cor.
17.

Ex Canonicis.

Io. 1. can. cap. 2. Aduocatum habemus
apud patrem. 278cap. 3. Videre fratres qualem charita-
tem dedit nobis pater. 28Nunc filij Dei sumus sed non appa-
ruit quid erimus. 23

Vndio docebit vos de omnibus. 51

1. Pet. c. 1. Scientes quod non corrupti-
bilibus auro, vel argento redem-
pti estis. 266.2. c. 1. per quem maxima & pretiosa no-
bis donauit. 10

Specu-

Speculatores facti illius magnitudi-
nis &c. 114
Jacob. c. 1 Voluntarie genuit nos. 114

Apoca.

1 Dilexit nos, & lauit nos in sangui-

ne suo.

275

15 Dignus est agnus qui occisus est ac-
cipere gloriam &c. 407. 591

13 Agnus occisus ab origine mundi.
497.

21 Mensura hominis, quæ est Angeli.
733.



LIII.

INDEX PRÆCIPVARVM RERVM, quæ in hoc opere continentur & explicantur numerus indicat pagina.

A

- A**braham non meruit de condigno, ut Christus ex eius semine nasceretur. 493
- Abram primum facta fuit Christi in humana carne venturi reuelatio nulla facta mentione passionis & mortis eius. 718
- Absolute concedere debemus, quod Christus propter humani generis redemptionem venit in mundum. 697
- Acceptatio ad gloriam dupliciter consideratur. 216
- Accidens perficitur per maiorem inhesionem & radicationem in subiecto. 304
- Accidentia respectiua solo etiam numero differentia in eodem subiecto esse possunt. 415
- Actus fidelis & actus scientiæ eiusdem obiecti directe opponuntur. 69
- Actio naturalis ad vnum determinatur & ad summum quod potest efficere tendit. 166
- Actiones immanentes vnitæ potius sunt, quam factiæ. 266
- Hæc propositio omnis actio agit & efficit non est vniuersaliter vera. 565
- Ad collatam fuisse gratiam in statu innocentie ex meritis Christi probabili potest dici. 739
- Ad collatam fuit gratia duplici titulo. 704. 739. 760
- Ad quamuis in statu innocentie fuerit reuelata Christi incarnatio non vero scitus fuit illo modo quo Christus gratiam erat consummaturus. 715
- Adam cognouit mysterium coniunctionis Christi & Ecclesiæ. 625
- Ad rationem capitis necessarius est moralis & meritorius influxus. 765
- Ad essentiam moralium acquisitarum virtutum non pertinet actu moderari & componere passionem, pertinet tamen esse sua natura ipsarum passionum moderatrices. 67
- Ad primarium rerum ordinem attinuit ut permitteret Deus quod peccatum naturæ superioris, scilicet angeli, afferret occasionem peccandi naturæ rationali. 676
- Adoptiua Dei filiatio soli rationali creaturæ competere potest. 118
- Adoptionis conditiones necessariæ. 113
- Adoptio filiorum Dei propria est & non metaphorica. 115
- Adoptio nullatenus potest Christo competere ratione suppositi. 131. 719
- Admittere peccatum originis fuisse causam reprobationis non est inconueniens. 734
- Ad Deigratiam, & ad Christi merita spectat quod sit locus purgatorii, & quod satisfactio ibi facta acceptetur. 758
- Alexandri Alensis sententia de Christi merito expensa & explicata. 399. & 400.
- Alienati adeo dicuntur non esse. 17
- Anima Christi a corpore egressa extra merendi statum ab eo instanti remansit. 412
- Angelis contulit Deus dona supernaturalia iuxta proportionem naturalis perfectionis. 686
- Angeli creati fuere in gratia. 58
- In Angelis duplex dilectio. 415
- Angelus quomodo euidenter cognouit Christum existere & subsistere. 929
- Angelus nullo extrinseco suggerente insuperabilissimum ascendit affectum. 727
- Angeli casus singularis fuit, casus vero hominis toti humanæ naturæ communis. 732
- Angelis specialem tribuit Deus gratiam

clam præseruationis sine Christo. ibid.
 Angeli ex speciali Dei gratia & misericordia in suis domiciliis permanserunt. 733
 Angeli in primo suæ iustificationis instanti mysterium Incarnationis cognouerunt pro fidem.
 Applicatio meritorum Christi non fuit effectus prædestinationis christi, & si ab ea, ut a requisita conditione dependentiam habuerit. 992
 Athanasii locus difficilis explicatur. 738.

B

Beatissimæ Virgo meruit quidem de congruo matrem esse Christi non vero de condigno. 423
 Beatissimæ Virgo non diceretur proprie Dei & christi genitrix si christi humanitas prius natura exstitit, & per existentiam propriam, quam esset verbo vnita. 914. & seq.
 Beneficium susceptum est propria materia gratiarum. 654
 In beatis duplex dilectio. 415
 Bonitas incarnationis christi, & eius convenientia non pendebat ex occasione peccati. 720
 Bonum gentis præferendum est cuiusque priuato bono quantumcunque excellentiori. 721.

C

Caluini blasphemus error circa meritum quo Christus in mortalitatem sui corporis meruit. 537. Errauit etiam Calui. dicens inscriptu. sac. non haberi expressum Christum pro sui corporis gloria, & pro sui nominis exaltatione orasse Patrem. ibid.
 Causa inducens liberum operantem ad aliquid faciendum duplex est. 636.
 Caro in illis verbis verbum caro factum est accipitur pro carne passibili, & mortali semoto peccato. 699

Caro in scripturis sacris regulariter designat carnem non absolute, sed subiectam passionibus per originis peccatum introductis. 161
 Caritas omnibus bonis operibus tribuit rationem meritorum. 397
 Caritas vix & patris eadem specie & numero. 417
 Caritas vig. & patris diuersos specie actus producant. 417
 Charitatis actus in Christo procedens ab infusa scientia, qua ratione liber ac proinde meritorius dici possit. 418.
 Christus qd & ex modo significationis, & ex parte rei significatur designet. 286. & sequent.
 Christus an mereri potuerit & meruerit de facto. 397. & sequent.
 Christum meruisse diuinitatem suam hæresis Fotini. 452
 Christi humanitati fomes peccati repugnat. 42
 Christus non potuit peccare, & quare. 31. & sequent.
 Christi intellectus humanus non potest habere iudicium erroneum practicum. 8
 Christum non potuisse habere iudicium erroneum pure speculatum etiam de potentia Dei absoluta, ut probabilius asseritur. 38
 Christo quia viatori multa poterant præsentari, ut nocua & mala, quæ respectu beatorum non possunt induere rationem mali 47
 Christo, ut redemptori maxime repugnat peccatum. 49
 Christi anima habituali gratia sanctificata fuit, atque ad supernaturalem ordinem eleuata. 50
 Christi humanitas non prius tempore in rerum natura exstitit, quam fuerit verbo vnita. 48
 Christi anima accepit in primo instanti suæ incarnationis gratiam habitualiter iustificantem. 36. & 137
 Christus ab instanti suæ incarnationis fuit beatus essentiali beatitudine & oppositum est temerarium, & fortassis erroneum. 57

Christi gratia non eius meritis correspondet, sed eius personali dignitati. **161.**
 Christum post natiuitatem habuisse gratiam & gloriam, est veritas fidei manifesta. **53**
 Christo cum gratia fuerunt indita omnia supernaturalia dona, quæ non includunt imperfectionem. **59**
 Christi statui beatifico, & eius dignitati, fides, & spes repugnant. **60**
 Christi anima ab instanti suæ incarnationis facili Dei visione potitur. **60**
 Christo domino in statu beatifico, quomodo fuit possibilis materia liberalitatis & magnificentie. **61**
 Christus non habuit fidem in præparatione animi. **63**
 Christus non habuit formaliter meritum fidei, habuit tamen illud eminenter. **64**
 Christus est Deus per participationem. neganda præpositio. **106**
 Christus ut homo ipsam Dei naturam refert. **ibidem.**
 Christus etiam secundum humanam naturam nullatenus debet filius adoptiuus appellari. **110. & 131. & 122.**
 Christus ut homo per gratiam vnionis naturalis est Dei filius. **119**
 Sensus istius specificatiuæ, Christus in quantum homo, explicatur. **120**
 Christus in quo sensu seruus Dei dicitur. **136. & 139**
 Quod Christus ut homo dicatur non filius Dei, quomodo intelligi debet. **141**
 Christi humanitati ex vi hypostaticæ vnionis debita fuerunt gratia & gloria & quomodo. **142**
 Christo competit cælestium bonorum hæreditas prout est naturalis Dei filius. **ibidem.**
 Christus proprium est, & per se habitus illi gratie subiectum. **172**
 Christi humanitatis duplex sanctificatio. **180**
 Christo debetur quod in ordine gratiæ sit summum. **198**
 Christus ut homo habuit plenum arbitrium in instanti suæ incarnationis, & po-

tuit vel arbitrij libertate. **237. & 411**
 In christi compositione formaliter intrat humanitas. **874**
 Christus an per actum obedientie meruerit. **398.** An per actum charitatis. **397.**
 An ab illo per potentiam Dei absolutam meritum auferri potuerit. **400.**
 In eo vera & perfectissima fuit libertas & quomodo. **401.** An capax fuerit præcepti. **402**
 fuit legi æternæ & naturali obligatus. **402.** illi impositum fuit præceptum moriendi. **ibidem & sequent.** Quare impositum illi præceptum mortis obeundæ. **403**
 christus meruit in instanti suæ incarnationis. **408 & sequent.**
 christus vir quare vocatus a Myeremia & Zacha. **409**
 christi meritum ab instanti eius conceptionis ad ipsius mortem exclusiue nunquam interruptum fuit. **411**
 christum etiam post mortem meruisse hæresis fuit quorundam. **412**
 christus in quem sensum dicatur non meruisse per actum charitatis. **414**
 christum viatorem fuisse secundum partem inferiorem, quem sensum habeat. **419**
 christi meritum ex obedientia quam habuit inanime præparatione non in præcepti obseruantia, impugnatur. **425**
 christus ut infinite meruit non est patre minor. **449**
 christus quid meruerit. **450**
 christus vere & proprie est persona composita ex duabus naturis humana & diuina. **880**
 Nullum habet in fide periculum negare christum esse proprie personam compositam. **878. & seq.**
 Minus proprie dicitur a quibusdam patribus christum esse mixturam hominis & Dei, seu hominem mixtum Deo. **881**
 christi caro & eius humanitas sanctificatrix, & viuificatrix est animarum nostrarum. **219**
 christus meruit prædestinatiæ efficacem dilectionem qua nos Deus in æternam vitam dilexit. **985**
 christus

christus vt est persona humana non so-
lam verbi personalitatem, sed ipsum
diuinum verbum, vt in diuina substi-
tens natura intrinsece claudit. **883**
Non potest cum proprietate dici chris-
tum resultasse ex hypostatica vnio-
ne. **896**
Hæc propositio, Christus est prædestina-
tus, vera est & propria. **937**
christum resurrectionem sui corporis
gloriosam meruisse certa fide tenen-
dum est. **535. & seq.**
christus non meruit remotionem impe-
dimenti quo gloria animæ detineretur,
ne se ad corpus refunderet. **540**
christus per humanitatis potentias nõ
poterat absque auxilio supernatura-
li vel habituali, vel actuali in aliquã
prodire supernaturalem actionem. **244.**
christus non dicitur primogenitus om-
nis creaturæ, quia in diuinæ **men-**
tis decreto antecesserit omnem crea-
turarum dispositionem. **624**
christi coniunctio, & Ecclesiæ spiritua-
lis referenda est ad christum, vt ho-
minem simul & Deum. **625**
christus in sua significatione non solum
diuinitatem, sed etiam humanita-
tem complectitur. **625**
christus, vt indutus forma **seruili**, & con-
sideratus sub statu humilitatis ha-
buit rationem medijs redemptionis
nostræ. **632**
christus, quatenus Deus exaltauit illũ
dans illi nomen quod est super om-
nem nomen, finis fuit nostræ redem-
ptionis. **ibidem.**
christus in statu sibi connaturali consti-
tutus finis est nostræ iustificationis,
& salutis. **634**
christo proprius status est ille gloriæ &
exaltationis. **ibid.**
christus reuelatus fuit Adæ, vt consum-
mator gratiæ ipsi primo parenti col-
lata. **650. 716**
christus potius venit propter remediũ
pccati originalis, quàm aliorum &
si, collectivè sumantur. **695**
christus non solum voluit nos ab origi-
nali culpa redimere, sed etiam ab

vniverſis & mortalibus, & veniali-
bus. **ibidem.**
christi passio tam prodest vnique
nostrum, atque si pro quolibet no-
strum in particulari mortuus esset.
696.
christus esset capax meriti sicut Adam
fuit, si veniret in mundum non exten-
te peccato. **698**
christus prius ratione prædestinatus
fuit, quàm prædestinarentur ceteri
homines. **704**
christi prædestinatio in genere causæ
finalis præcepit æternam rerum om-
nium præordinationem. **707**
christi prædestinatio & sanctorum per
se pendent in genere causæ materia-
lis ab vniverſi constitutione. **709**
christus prædestinatus fuit, vt finis to-
tius ordinis naturalis, & cuiuscumq;
status rationalis naturæ. **716**
christus per se primo nullum influxum
habuit neque habere potuit in sta-
tum innocentie, nisi dependenter ab
statu originalis culpæ. **716**
christus fuit prædestinatus, vt finis etiã
status innocentie. **ibidem.**
christus nullum habuit meritum, quod
non spectauerit ad ordinem redem-
ptionis. **739**
christus in quo sensu debet appellari
caput rerum omnium naturalium.
742.
christus qua ratione vocetur Ecclesiæ
fundamentum, & qua ratione vocetur
lapis angularis & sponsus, ac vir.
749
christus caput est Ecclesiæ secundum
corpus, & secundum animam. **752**
christi humanitas tota ad rationem ca-
pitis in christo constituendam con-
currit. **761**
christus non esset Dei, & hominum me-
diator, nisi idem ipse, & Deus esset
& homo. **754**
christus meruit sibi supremam capitis
dignitatem & quomodo. **759**
christus meruit, quod Deus eius huma-
nitate, vt instrumẽto vteretur ad in-
fluendum in sua membra phytico in-
fluxu supernaturalem vitam & mo-
tum.

rum. 761
 christus, vt prælatus adeo in æternitatis præscientia propter hominū salutem homo futurus in tempore caput fuit antiquorum fidelium. *ibid.*
 Quomodo intelligatur, quod christo resurgente omnes resurreximus. 757
 christus caput est fidelium iustorum in loco purgatorij existentium. *ibid.*
 christi præioso sanguini, & eius passio ni, & meritis debemus quidquid nobis contingere potest spiritualis utilitatis usque ad statum gloriæ inclusive. 759
 christus in quantum homo quomodo dicatur Ecclesiæ caput. 754. & seq.
 christum fuisse caput primorum parentum in statu innocentie probabile est. 759
 christus in statu glorioso futuræ beatitudinis perfectissime erit caput omnium beatorum. 761
 christus respectu angelorum quibus nõ meruit gratiarum iustificantiem, neque gloriam in rigore, non est pater, est tamen caput simpliciter.
 christi gratia quomodo debeat intelligi quod physica efficientia concurrat ad iustificationem. 791
 Propositio hæc christus in quantum Deus homo est caput Ecclesiæ formalior est ista, christus in quantum homo est Ecclesiæ caput. 768
 congruentie plurimæ ponuntur ob quas filius potius, quam pater, aut Spiritus sanctus naturam humanam assumpsit. 688
 concors Patrum sententia in explicatio ne alicuius testimonij scripturæ certum in fide facit, illum sensum fuisse a Spiritu sancto intentum. 699
 Hæc vox christus in formali significato importat compositionem secundum quam est persona composita. 884.
 Vere et proprie dicitur esse in christo compositionem ex diuino supposito, et ex humanitate. *ibid.* Ob quam causam patres olim non meminerint compositionis christi ex diuino supposito & ex humanitate, sed eius quæ est

ex duabus naturis. *ibid.* Inter humanitatem & verbi personalitatem non est propria compositio. 886
 compositio vera & propria quid requirat: Et an sit necessum quod vnum componens sit actus, & alterum sit potentia. 891. & seq.
 In compositione, quæ est secundum rationem numeri vnum componens potest esse idem cum composito, et de toto prædiari. 893
 complacere non licet in malo propter bonum subsequutum effectum. 231
 consequentia ab inferiori ad superius nõ valet semper in locutionibus metaphoricis. 769
 coniunctio caloris ad essentialem animalis vitam formalis est. 321
 coniunctio habitualis gratiæ ad verbum in christo, non est formalis, sed suppositalis. *ibidem.*
 corpus christi exanime potuit absque aliquo actuali motu, & absque aliqua superaddita qualitate efficere supernaturalem effectum, vt instrumentum diuinæ virtutis. 804

D

Damnati homines in inferno, neque actu neque potentia sunt membra christi 761.
 Damnatis non profunt inferni tormenta vt liberentur a debitis pænarum temporalium. 752
 Deus non potest efficere iudicium erroneum etiam speculatiuum, non solū in intellectu humano Christi, verum neque in quouis intellectu creato. 40
 Deus non potest se solo & in mediate efficere habitum erroneum speculatiuum. *ibidem.*
 Hæc propositio Deus est factus Christus, vera est & catholica 894 Quid de hac propositione, Deus homo factus est. 896
 Deus proprie non est prædestinatus, vt esset homo. 231
 In Deo duo potissimum reperiuntur quibus summo intervallo distat ab omnibus

Exemplo fuerit conditus. 806
 Dispositio ad aliquam formam duplex
 esse potest. 239
 Dilectio diuine voluntatis quæ huma-
 nam naturam velut reparandâ & glo-
 rificandam dilexit, fuit præsupposita
 ad primum prædestinationis Christi
 decreum. 615
 Distingui possunt plures rationes præde-
 stinationis Christi Ex parte rei præ-
 destinationis. 653
 Dicere quod incarnatio Christi, potius
 dimanauit ex amore Christi & glo-
 riæ eius, quam ex amore huma-
 ni generis aut totius vniuersi, neque
 scripturis sacris derogat neque ratio
 ni. 681
 Dilectionem suam erga nos maxime
 ostendit Deus in hoc quod nostram
 naturam prætulit angelicæ. 682
 Dona spiritus sancti in Christo reperi-
 tur. 78
 Duplex reperiuntur species caritatis in chri-
 sti gratia. 767

E

Et que nobis fuerat sunt iam res sunt
 facta, eius coeternitati coexistunt.
 712.
 Ecclesia corpus christi est secundum cor-
 pus & animum. 752
 Ecclesia in quo sensu appellatur à Paul.
 christus. 769
 Ecclesie coniuncti o'cum christo incipit
 fide, & charitate consummatur. 751
 Efficax voluntas permittendi origina-
 le culpâ in humananatura de proinde
 assumendi eandem naturâ per hypo-
 tasticam vniõnem, & quod personâ al-
 ternis esset dei filius totum implicaba-
 tur primo decreto diuinæ mentis.
 670.
 Efficacia aux ilorum in angelis non de-
 bet pensari ex libera eorum volun-
 tate. 732
 Electio prædestinatorum duplex. 926
 Comparatiua prædestinatorum Electio
 ex meritis Christi fuit sumpta forma-
 liter, non vero materialiter. 887. 889

Electio eorum quæ secundario pertinet
 ad ordinem naturalem præcessit præ-
 destinationem electorum, in genere
 materialis causæ. 677
 Electorum prædestinatio inchoatione
 accepit in illa voluntate, qua Deus
 absolute voluit naturam humanam
 reparare. 619
 Electos tunc vocet Paulus creatos in chri-
 sto. 770
 Entis rationem non habet, quod nequit
 cadere sub ordine diuinæ providen-
 tiæ. 192
 Epiphanius in quo sensu christi huma-
 nitatem vocat eandem existentem.
 931
 Errant sententia circa intelligentiam illo-
 rum verborum. Ioan. 1. Plenum gra-
 tiæ, & veritatis impugnatur. 1. & seq.
 Error speculatiuus siue habitualis, siue
 actualis, non est malum penitus propriè
 loquendo. 40
 Errorest manifestus insidre, asserere quod
 non existante orig. peccato christus ve-
 niret sicut de facto venit, in carne
 mort. & possibili. 897
 Excellens charitatis christi come n-
 do. 139
 Excellencia habitualis gratiæ, & eius di-
 gnitas explicatur. 9
 Excellentius bonum, fuit ipsa incarna-
 tionis christi substantia, quam glo-
 riæ animæ eius. 710
 Excellentius nomen, quod christus præ-
 angelis hereditauit, est nomen natu-
 ralis filij dei; illi non extraneum ne-
 que aduenit nomen. 717
 Excellētia bona præparauit Deus na-
 turæ humane quam angelicæ. 697
 Ex vi primi decreti in quo nulla reme-
 dij originalis expressa fuisset facta
 merito, Deus infallibiliter veniret in
 mundum. 637
 Explicatur qua ratione. S. Patres tam si-
 ne distinctione dixerunt christum nõ
 venturum nisi homo egeret remedio.
 699.
 Existencia non est prima substantialis
 actualitas entis, vt ens est. 909
 Existencia non est terminabilis in ra-
 tione existentie per aliam existentiam
 seu

seu per aliam formam. 905
 Immediatus existentie susceptivum,
 non natura substantialis est, sed sup-
 politum. 918
 Existencia in quo sensu sit ultimus na-
 turæ substantialis terminus. 120
 & sequens. 120
 Existencia necessaria conditio est per
 modum termini, ut ens quodcumque
 entitativam habeat actualitatem. 924
 & seq. Ut res concipiatur per mo-
 dum actualis entitatis, non est neces-
 se quod in existentia concipiatur ut
 in actu, sed ut in potentia. 925

F

Fidei obiectum formale simpliciter est
 impossibile christo in statu beatifi-
 co. 63
 Fides postulat obscuritatem. 60
 Fides cum scientia esse non potest, &
 multominus cum clara visione secun-
 dum ordinariam potentiam, & de po-
 tentia absoluta potest esse cum illis se-
 cundum habitum, non vero secundum
 actum. 60
 Finis prout antecedit in intentione po-
 tius inducit rationem patris respectu
 mediorum quam filij. 621
 Finis obiectum esse potest duorum diver-
 sorum actuum, & quomodo idem con-
 siderari possit in fine Deo. 419
 Finis in executione consideratus, potest
 sortiri rationem effectus respectu me-
 diorum in genere causa efficiendis. 621
 Filio natura respicit, & quomodo
 intelligatur. 143. & seq.
 Finis aliter comparatur ad media & ali-
 ter ad subiectum illius finis. 632
 Hæc propositio filius Dei est compositus
 potius est neganda quam conceden-
 da. 890
 Esse filium dei naturalem, non fuit ter-
 minus predestinationis christi, nisi est
 hoc addito ex gratia unionis. 958
 Finis per se pendet à subiecti præsen-
 tia & ab aliquo eius amore. 632
 Finis simpliciter secundum aliquo mo-

dum potest inducere rationem medij.
 674.

Finis ille communissimus quem Deus
 imprimis illo suo decreto intendit,
 quamvis vniuersalissimus sit est ta-
 men propriissimus Deo. 692

Fieri non potest etiam per Dei absolu-
 tam potentiam, ut aliqua pura crea-
 tura sit propriæ & in rigore caput in
 ratione gratiæ hominum & angelo-
 rum. 764

Figura christi optima fuit illa manus
 & iacob emissa, & egressa ex utero te-
 nens plantam fratris. 756

Fomes peccati quid sit, & quomodo christi
 si humanitati repugnet, etiam liga-
 tus. 42. & seq.

Fomes peccati in B. Virgine ligatus fuit
 non tamen extinctus antequam con-
 ciperet. 43

Forma aliqua non se potest extendere
 ad producendos infinitos effectus si
 in semetipsa infinita non fuerit. 113

G

ad Generationis rationem non est ne-
 cessaria productio existentie rei ge-
 nitæ. 953

Gloria animæ christi non fuit terminus
 predestinationis eius. 947

Gloria animæ quomodo deriuatur ad
 corpus. 540

Gloria animæ christi quæ in diuinæ es-
 sentie visione consistit, non est ultimus
 finis & præcipuum bonum quod Deus
 in christi incarnatione amavit. 1718

Gloria animæ christi & gratia, & cæte-
 ra charismata locum habuerunt in
 christo dispositionis concomitantis
 hypostaticam unionem. 979

Gloria animæ christi magis fuit volita
 & intenta quam naturæ ordo & gra-
 tiæ non tamen prius volita & intenta
 101.

Gratia quid significet. 4

Gratia prout christo accommodatur
 tripliciter sumi potest. 1

Gratia gratis data vix potest vocari gra-
 tia nisi cum illo addito data. Ibidem

INDEX

1. **Quantum** maius est humiliate in omnibus. 707
 73 **Omnia** propter scriptam opera-
 tus est dominus. 707
 9 **Sapientia** edificavit sibi domum. 714

Eccles.

- 1 **Quanto** maior est humiliate in omnibus. 707
 15 **Reliquit** illum in manu consilii. 734
 24 **Ab initio** & ante secula creata sum. 734

Cant.

- 29 **Tenui** eum neque dimittam. 433
 4 **Ego** dormio & cor meum vigilat. 412
Sapi.

- 1 **Omnia** in numero pondere, & mensura disposuisti. 201
 9 **Corpus** quod corrumpitur aggruat animam. 715
 13 **A magnitudine speciei**, & creaturae poterat creator eorum visibiliter cognosci. 72

Isai.

- 1 **Filios** enutriti & exaltati ipsi autem spreverunt me. 715
 4 **Erit** germen domini in magnificencia &c. 717
 6 **Vidi** dominum sedentem super solium. 652
 7 **Butirum** & mel comeder. 717
 8 **Ecce** ego & pueri mei quos dedit mihi Dominus. 988
 11 **Requiescet** super eum spiritus Domini. 91
Radix Jesse qui stat in signum populi
 48 **Ipse** gentes deprecabuntur. 748
 40 **Consumatio** absculata abundabit iustitiam. 129

- 2 **Populus** gentium qui ambulabat in tenebris. 53
 36 **Alligabit** Dominus vulnus populi sui &c. 688

- 49 **Parum** est mihi, ut sis servus meus ad suscitandas tribus Iacob &c. 814
 40 **Servus** meus es tu &c. 135
 43 **Postquam** gloriosus & honorabilis factus es in oculis meis ego dilexi te &c. 721. 713
 42 **Ecce** servus meus suscipiam eum, de di spiritum meum super illum. 52
 53 **Oblatus** est quia ipse voluit. 415
Pro eo quod laboravit anima eius videbit & saturabitur. 494
 51 **Si** posuerit pro peccato animam suam videbit semen longevum. 407.
 430. & 523.
 61 **Spiritus** Domini super me &c. 51
 62 **Propter** Syon non tacebo &c. 179
 55 **Sicut** exaltati sunt celi a terra &c. 624
 66 **Nam** ego qui alios parere facio, ipse non pariam dicit dominus. 757.

Hyere.

- 2 **Duo** mala fecit populus meus & me dereliquerunt &c. 256
 4 **Quare** ut colonus futurus est in terra &c. 406
 31 **Novum** creavit dominus super terram semina circumdabit virum. 237. 869. 409.

Dan.

- 7 **Aspicebam** ego in visione noctis, & ecce cum nubibus celi quasi filius hominis veniebat, & usque ad antiquum dierum pervenit &c. 546
 9 **Vngatur** sanctus sanctorum. 51

Zacha.

- 3 **Super** lapidem unum septem oculi sunt. 52
Ause-

Auferam iniquitatem in die vna.

673

9 Rex tuus venit tibi iustus, & Salua-

tori.

Malach.

1 Jacob dilexi: Esau autem odio habui.

983

Mich.

7 Ne lateris inimica mea super me, quia cecidi &c.

525

Matthae.

1 Hic est filius meus dilectus &c.

120

12 Et pater vester qui est in caelis dimittet vobis peccata vestra.

278

17 Ergo liberi sunt filii.

36

20 Hoc genus demoniorum &c.

220

29 Ut sciatis quid filius hominis in terra habet potestatem dimittendi

786

peccata.

29 Sedere autem ad dexteram, vel ad sinistram, non est meum dare vobis.

980

25 Ite maledicti in ignem aeternum.

762

Marci.

1 Ut autem sciatis, quia filius hominis habet in terra potestatem discuti-

281

tendi peccata.

Luc.

1 Quod nascetur ex te sanctus.

48. & 51

2 Dabit ei dominus deus sedem Da-

346

vidae patris eius &c.

3 Benedictus dominus Deus Israel.

689

Salutem ex inimicis nostris, & de manu omnium &c.

453. & 756

5 Si vis potest me mundare, & extendens manum &c.

786

6 Virtus ex illo exibat & sanabat omnes.

ibidem.

8 Puella tibi dico surge.

ibid.

12 Baptismo habeo baptizari quomodo

1013

19 Venit filius hominis querere, & salvum facere quod perierat.

6.

20 Pater si possibile est transiit a me &c.

47

21 His fieri incipientibus leuate capita vestra &c.

760

24 Nonne sic oportuit Christum pati, & ita intrare in gloriam suam.

408.

7 Omnis qui se exaltat humiliabitur.

532

Ioan.

1 Verbum caro factum est &c.

116.

Plenum gratia & veritate.

189.

2 De plenitudine eius omnes acceperunt.

786

3 Gratia & veritas per Iesum Christum facta est.

409

2 Hoc fecit principium signorum Iesu.

7

3 Sic Deus dilexit mundum &c.

454.

Non ad mendacium dat Deus de spiritu suo.

114

4 Cibus meus est, ut faciam voluntatem

1136

De Samaritana.

448

6 Panis quem ego dabo caro mea est pro mundi vita.

219

8 Abraham pater vester exultavit, ut videret diem illum vidit & gaudens est.

718

9 Ego gloriam meam non quaero.

282

10 Quem Pater sanctificavit.

50

Veni vitam habere, & abundanti-
us habere.

219

12 Ambulate dum lucem habetis, ne tenebrae

tenebrae

rehebra vos comprehendant. 674
 13 Omnia dedit ei pater in manu sua. 770
 14 Qui credidit in me, opera, quæ ego facio, & ipse faciet, & maiora &c. 750
 15 Ut sciat mundus quia diligo Patrem 832
 16 Si quis diligit me, mandata mea servabit. 432
 17 Si non venissem & loquutus eis fuissetem. 7
 18 Ego sum via veritas & vita. 713
 19 Ego sum vitis vera. 749
 20 Ego patris mei præcepta servavi. 403
 21 Pater clarifica filium tuum; 7
 22 Clarifica me. Pater. claritate quam habui &c. 717
 23 Pater serva e os in nomine tuo quos dedisti mihi. 750
 24 Pro eis, rogo qui credituri sunt, ut omnes unum sint &c. 751
 25 Dilexisti eos, sicut & me dilexisti. 986
 26 Et pro eis rogo & sanctifico me ipsum. 179
 27 Regnum meum non est de hoc mundo. 742
 28 Qui me tradidit tibi maius peccatum habet. 708
 29 Data est mihi omnis potestas &c. 786
 30 Accipite Spiritum sanctum &c. ibid.
 31 Exaltatus est. 74
 32 Certissime ergo sciat omnis domus Israel, quia & dominum & Christum fecit Deus hunc Iesum, quem crucifixum. 938
 33 Non est datum nobis aliud nomen sub cælo &c. 438
 34 Annuntia cum Pater Spiritui sancto 51
 35 continentiam age ab hac nequitia tua, & roga Deum &c. 281
 36 Oule Saule quid me persequeris? 324
 37 Pater & Filius & Spiritus sanctus 114

Ex epist. ad Rom.

Qui factus est ei ex semine David secundum carnem, qui prædestinatus est filius Dei in virtute &c. 964
 3 Iustificari gratis per gratiam ipsius per redemptionem, quæ est in Christo Iesu &c. 266
 Nunquid incredulitas eorum fidem Dei euacuabit? 491
 4 Inuisibilia Dei per ea, quæ facta sunt intellecta conspiciuntur. 12
 Vbi non est lex neque prævaricatio. 126
 Ideo ex fide, ut vera esset promissio. 491
 5 Sicut per inobedientiam unius hominis &c. 337
 Commendat autem claritatem suam Deus in nobis. 2672
 6 Non sicut delictum ita & donum. 693
 7 Vbi abundavit delictum superabundavit & gratia. 114
 8 Gratia Dei vita æterna. 11
 9 Ipsa creatura liberabitur a servitute corruptionis. 944
 10 Spiritus sanctus postulat pro nobis gemitibus inenarrabilibus. 315
 11 Si filij & hæredes. 116. 127. 118
 Expectatio creaturæ revelationem filiorum Dei spectat. 612
 Qui spiritu Dei aguntur ij sunt filij Dei. 131. 136
 Resurrexit propter iustificationem nostram. 818
 Quos præsemit & prædestinavit conformes fieri imaginis filij sui. 197
 977. 984. 706
 Proprio filio suo non pepercit. 452
 686
 Quæ sunt Dei quis nonit nisi spiritus Dei &c. 655
 Scientia inflat. 719
 9 Jacob dilexi Esau autem odio habui. 643
 11 Quis adiuvit sensum domini? 655
 Si ex operibus gratia iam non gratia. 114

14 In hoc enim Christus mortuus est,
& resurrexit, ut & mortuorum &
viventium dominetur. 147

Ex 1. Corint.

- 1 Qui factus est nobis sapientia, iusti-
fica sanctificatio &c. 225. 777
Ipsi autem vocatis Iudæis atque
græcis Christum Dei virtutem, &
Dei sapientiam. 988
2 Sapientiam quam prædestinavit in
gloriam nostram. 639. 935. 937.
963
3 Fundamentum aliud nemo potest po-
nere &c. 731
4 Empti estis pretio magno. 166
Nescitis quia corpora vestra mem-
bra sunt Christi? 752
10 Itaque qui se existimat stare videat
ne cedit. 693
13 Si charitatem non habuero nihil
sum. 17
Charitas nunquam excidit. 417
15 Omnia vestra sunt, siue Paulus, siue
Cephas. 622
18 Gratia Dei sum id quod sum. 18

Ex 2. ad Corint.

- 5 Deus erat in Christo mundum re-
concilians sibi. 180
Si vnus mortuus est pro omnibus er-
go omnes mortui sunt. 851
13 Christus qui mortuus est ex infirmi-
tate carnis, ex virtute Dei resurre-
xit. 9
An experimentum queritis eius qui
in me loquitur Christus. 759

Ad Gala.

- 1 Sed licet nos, aut angelus de celo
euangelizet vobis &c. 136
2 Dilexit me, & tradidit semetipsum
pro me. 274. 227. 696
Non accepistis spiritum seruitutis
iterum in timore. 417

Vivo ego iam non ego vivit vero in
me Christus. 759

Ergo Christus gratis mortuus est.

- 4 Vbi venit plenitudo temporis, misit
Deus filium suum, &c. 427. 656.

In spiritu adoptionis Dei clamamus
Abba pater. 115

- 5 Qui sunt Christi carnem suam cruci-
fixerunt cum vitijs. 18

Ad Ephe.

- 1 Qui prædestinavit nos in adoptione
filiorum per Iesum Christum in
ipsum &c. 653
Elegit nos in ipso ante mundi consi-
tutionem &c. 621. 984
Ipsi sibi dedit caput super omnem Ec-
clesiam &c. 752. 754
Gratificavit nos in dilecto filio suo.
786
Proposuit in eo in dispensatione ple-
nitudinis temporum instaurare om-
nia &c. 623
2 Omnia operatur Deus secundum
consilium voluntatis suæ. 656
Eramus natura filij iræ. 177
Per quem habemus accessum ad pa-
trem.
3 huius rei causa stetit genua mea &c.
115
Dispensatio Sacramenti abscondit
a sæculis in Deo. 859
4 Veritatem facientes in charitate
crescimus in illo. 748
Hoc igitur testificor ut iam non am-
buletis sicut gentes &c. 17
5 Christus dilexit Ecclesiam, & tradi-
dit semetipsum pro ea. 274
Nemo carnem suam odio habuit. 750
Vir caput est ecclesiæ, sicut Christus
caput est Ecclesiæ. 752
6 Non est nobis colluctatio adversus
carnem & sanguinem &c. 733

Phili.

- 2 Reformabit corpus humilitatis no-
stræ.

flræ &c. 688
humiliauit semetipsum &c. 398. &
430. & 438. & 450.
Exinanauit semetipsum. 530. & seq.

Saluatoris nostri.

454

Ad Hebræos.

- 1 Tanto melior angelis effectus quan-
to differentius &c. 459
Novissime diebus istis locutus est
nobis in filio.
Quem constituit hæredem vniuerso-
rum. 319. 933
- 2 Vidimus Iesum propter passionem
mortis &c. 530
Qui sanctificat & qui sanctificantur
ex vno omnes. 851
- 3 Considerate Apostolum, & Pontifi-
cem. 938
- 5 Exauditus est pro sua reuerentia.
407. 288
Cum esset Deus filius didicit ex his
quæ passus est. 79
- 7 Talis decebat, vt esset Pontifex san-
ctus &c. 530
- 10 Ingrediens in mundum dixit ho-
stiam &c. 409
Vnica oblatione consummauit Chri-
stus in æternum sanctificatos. 27
- Qua voluntate sanctificati sumus &c.
ibidem.
- 11 Fides est argumentum non apparen-
tium. 60
- 12 Contemplantur ne quis desit gra-
tia Dei. 12. 733
- 13 Optimum est gratia stabilire cor.
17.

Ad Colo.

- 1 Complacuit per eum reconciliare
omnia. 281
Qui est imago Dei inuisibilis, & pri-
mogenitus omnis creaturæ. 619.
703.
Adimpleo quæ de sunt passionum
Christi in carne mea &c. 386
- 2 In quo habitat omnis plenitudo diui-
nitatis &c. 9. 200
Delens quod aduersus nos erat Chy-
rographum decreti. 268. 322

Thessa.

- 14 Hæc est enim voluntas Dei sanctifi-
catio vestra. 524

Ad Timo. 1.

- 1 Fidelis sermo & omni acceptione di-
gnus. 657
Vnus Deus & mediator Dei, & homi-
num homo Christus Iesus qui de-
dit se &c. 264. 280

Ad Tim. 2.

- Vocauit nos Deus vocatione sua san-
cta secundum propositum & gra-
tiam &c. 986
- 4 Dereliquo reposita est mihi corona
iustitiæ. 268

Ad Titum.

- 2 Apparuit gratia dei Saluatoris no-
stri. 454
- 3 Apparuit benignitas & humanitas

Ex Canonicis.

- Io. 1. can. cap. 2. Aduocatum habemus
apud patrem. 278
- cap. 3. Videre fratres qualem charita-
tem dedit nobis pater. 28
Nunc filij Dei sumus sed non appa-
ruit quid erimus. 23
Vnctio docebit vos de omnibus. 51
1. Pet. c. 1. Scientes quod non corrupti-
bilibus auro, vel argento redem-
pti estis. 266.
2. c. 1. per quem maxima & prætiosa no-
bis donauit. 10

Specu-

INDEX.


999

Speculatores facti illius magnitudinis &c. 131
 Jacob. c. 1 Voluntarie genuit nos. 114

Apoca.

1 Dilexit nos, & lauit nos in sangui-

ne suo. 175
 13 Dignus est agnus qui occisus est accipere gloriam &c. 407. 511
 13 Agnus occisus ab origine mundi. 497.
 21 Mensura hominis, quæ est Angeli. 732.



LIII

INDEX PRAECIPVARVM RERVM, quæ in hoc opere continentur & explicantur numerus indicat pagina.

A

Abraham non meruit de condigno,
vt Christus ex eius semine nasce-
retur. 493

Abraę primum facta fuit Christi in hu-
mana carne venturi reuelatio nulla
facta mentione passionis & mortis
eius. 718

Absolute concedere debemus, quod
Christus propter humani generis re-
demptionem venit in mundum. 697

Acceptatio ad gloriam dupliciter con-
sideratur. 216

Accidens perficitur per maiorem inha-
sionem & radicationem in subiecto.
204

Accidentia respectiua solo etiam nume-
ro differentia in eodem subiecto esse
possunt. 415

Actus fidelis & actus scientiæ eiusdem
obiecti directe opponuntur. 60

Actio naturalis ad vnum determinatur
& ad summum quod potest efficere
tendit. 166

Actiones immanentes vnituius potius
sunt, quam factiuius. 866

Hæc propositio omnis actio agit & effi-
cit non est vniuersaliter vera. 565

Adæ collatam fuisse gratiam in statu in-
nocentiæ ex meritis Christi probabi-
liter potest dici. 739

Adæ collata fuit gratia duplici titulo.
704. 739. 760

Adæ quamuis in statu innocentie fue-
rit, reuelata Christi incarnatio non
vero scisus fuit illo modus quo Chri-
stus gratiam erat consummaturus.
715

Adam cognouit mysterium coniunctio-
nis Christi & Ecclesiæ. 625

Ad rationem capitis necessarius est mo-
ralis & meritorius influxus. 765

Ad essentiam moralium acquisitarum

virtutum non pertinet actu modera-
ri & componere passionem, pertinet
tamen esse sua natura ipsarum pas-
sionum moderatrices. 67

Ad primum rerum ordinem attinuit
vt permitteret Deus quod peccatum
naturæ superioris, scilicet angeli, af-
ferret occasionem peccandi naturæ
rationali. 676

Adoptiua Dei filiatio soli rationali
creaturæ competere potest. 118

Adoptionis conditiones necessariæ. 113

Adoptio filiorum Dei propria est & nō
metaphorica. 115

Adoptio nullatenus potest Christo com-
petere ratione suppositi. 136. 719

Admittere peccatum originis fuisse cau-
sam reprobationis non est inconue-
niens. 734

Ad Dei gratiam, & ad Christi merita
spectat quod sit locus purgatorii, &
quod satisfactio ibi facta acceptetur.
718

Alexandri Alensis sententia de Christi
merito expensa & explicata. 399.
& 400.

Alienari adeo dicuntur non esse. 17

Anima Christi a corpore egressa extra
merendi statum ab eo instanti re-
manet. 412

Angelis contulit Deus dona supernatu-
ralia iuxta proportionem naturalis
perfectionis. 686

Angeli creati fuere in gratia. 58

In Angelis duplex dilectio. 415

Angelus quomodo euidenter cognoue-
rit Christum existere & subsistere.
229

Angelus nullo extrinseco suggerente
in superbißimum ascendit affectum.
727

Angeli casus singularis fuit, casus vero
hominis toti humanæ naturæ com-
munis. 732

Angelis specialem tribuit Deus gra-
tiam

etiam præseruationis sine Christo. *ibid.*
 Angeli ex speciali Dei gratia & misericordia in suis domiciliis permanferunt. *732*
 Angeli in primo suæ iustificationis instanti mysterium Incarnationis cognouerunt pro fidem.
 Applicatio meritorum Christi non fuit effectus prædestinationis christi, & ab ea, ut a requisita conditione dependentiam habuerit. *992*
 Athanasii locus difficilis explicatur. *538.*

B

Beatissimæ Virgo meruit quidem de congruo matrem esse Christi uon uero de condigno. *423*
 Beatissima Virgo non diceretur proprie Dei & christi genitrix si christi humanitas prius natura exstitit, & per existentiam propriam, quam esset uerbo unita. *914. & seq.*
 Beneficium susceptum est propria materis gratiarum. *654*
 In beatis duplex dilectio. *415*
 Bonitas incarnationis christi, & eius convenientia non pendebat ex occasione peccati. *720*
 Bonum gentis præferendum est cuiusque priuato bono quantumcunque excellentiori. *721*

C

Caluini blasphemus error circa meritum quo Christus in mortalitatem sui corporis meruit. *537.* Errauit etiam Calui. dicens inscriptum. fac. non haberi expressum Christum pro sui corporis gloria, & pro sui nominis exaltatione orasse Patrem. *ibid.*
 Causa inducens liberum operantem ad aliquid faciendum duplex est. *636.*
 Caro in illis uerbis uerbum caro factum est accipitur pro carne passibili, & mortali semoto peccato. *699*

Caro in scripturis sacris regulariter designat carnem non absolute, sed subiectam passionibus per originis peccatum introductis. *161*
 Caritas omnibus bonis operibus tribuit rationem meritoriam. *397*
 Caritas uix & patris eadem specie & numero. *417*
 Caritas uix & patris diuersos specie actus producit. *417*
 Charitatis actus in Christo procedens ab infusa scientia, qua ratione liber ac proinde meritorius dici possit. *418.*
 Christus quod & ex modo significationis, & ex parte rei significatæ designet. *286. & sequent.*
 Christus an mereri potuerit & meruerit de facto. *397. & sequent.*
 Christum meruisse diuinitatem suam hæresis Fotini. *452*
 Christi humanitati fomes peccati repugnat. *42.*
 Christus non potuit peccare, & quare. *31. & sequent.*
 Christi intellectus humanus non potest habere iudicium erroneum practicum. *8.*
 Christum non potuisse habere iudicium erroneum pure speculatiuum etiam de potentia Dei absoluta, ut probabilius asseritur. *38.*
 Christo quia uiatori multa poterant præsentari, ut nocua & mala, quæ respectu beatorum non possunt induere rationem mali. *47.*
 Christo, ut redemptori maxime repugnat peccatum. *49.*
 Christi anima habituali gratia sanctificata fuit, atque ad supernaturalem ordinem eleuata. *50.*
 Christi humanitas non prius tempore in rerum natura exstitit, quam fuerit uerbo unita. *48.*
 Christi anima accepit in primo instanti suæ incarnationis gratiam habitualiter iustificantem. *56. & 37.*
 Christus ab instanti suæ incarnationis fuit beatus essentiali beatitudine & oppositum est temerarium, & fortassis erroneum. *57.*

Christi

INDEX

Christi gratia non eius meritis correspondet, sed eius personali dignitati. [161.](#)
 Christum post natiuitatem habuisse gratiam & gloriam, est veritas fidei manifesta. [53](#)
 Christo cum gratia fuerunt indita omnia supernaturalia dona, quæ non includunt imperfectionem. [59](#)
 Christi statui beatifico, & eius dignitas, fides, & spes repugnant. [60](#)
 Christi anima ab instanti suæ incarnationis facili Dei visione potitur. [60](#)
 Christo domino in statu beatifico, quomodo fuit possibilis materia liberalitatis & magnificentiæ. [61](#)
 Christus non habuit fidem in præparatione animi. [63](#)
 Christus non habuit formaliter meritum fidei, habuit tamen illud eminenter. [64](#)
 Christus est Deus per participationem. neganda præpositio. [106](#)
 Christus ut homo ipsam Dei naturam refert. [ibidem.](#)
 Christus etiam secundum humanam naturam nullatenus debet filius adoptiuus appellari. [110. & 131. & 132.](#)
 Christus ut homo per gratiam vñionis naturalis est Dei filius. [119](#)
 Sensus istius specificatiuæ, Christus in quantum homo, explicatur. [110](#)
 christus in quo sensu seruus Dei dicitur. [136. & 139](#)
 Quod christus ut homo dicatur non filius Dei, quomodo intelligi debet. [141](#)
 christi humanitati ex vi hypostharicæ vñionis debita fuerunt gratia & gloria & quomodo. [142](#)
 christo comperit cælestium bonorum hæreditas prout est naturalis Dei filius. [ibidem.](#)
 christus proprium est, & per se habitus gratiæ subiectum. [172](#)
 christi humanitatis duplex sanctificatio. [180](#)
 christo debetur quod in ordine gratiæ sit summum. [198](#)
 christus ut homo habuit plenum arbitrium in instanti suæ incarnationis, & po-

tuit uti arbitrii libertate. [237. & 411](#)
 In christi compositione formaliter intrat humanitas. [874](#)
 christus an per actum obedientiæ meruerit. [398.](#) An per actum charitatis. [397.](#)
 An ab illo per potentiam Dei absolutam meritum auferri potuerit [400.](#)
 In eo vera & perfectissima fuit libertas & quomodo [401.](#) An capax fuerit præcepti. [402](#)
 fuit legi æternæ & naturali obligatus [402.](#) illi impositum fuit præceptum moriendi. [ibidem](#) & sequent. Quare impositum illi præceptum moris obediendæ. [403](#)
 christus meruit in instanti suæ incarnationis [408](#) & sequent.
 christus vir quare vocatus a Iheremia & Zacha. [409](#)
 christi meritum ab instanti eius conceptionis ad ipsius mortem exclusiue nunquam interruptum fuit. [411](#)
 christum etiam post mortem meruisse hæresis fuit quorundam [412](#)
 christus in quem sensum dicitur non meruisse per actum charitatis. [414](#)
 christum viatorem fuisse secundum partem inferiorem, quem sensum habeat. [419](#)
 christi meritum ex obedientia quam habuit inanimæ præparatione non in præcepti obseruantia, impugnatur. [425](#)
 christus ut infinite meruit non est patre minor. [449](#)
 christus quid meruerit. [450](#)
 christus vere & proprie est persona composita ex duabus naturis humana & diuina. [880](#)
 Nullum habet in fide periculum negare christum esse proprie personam compositam. [878. & seq.](#)
 Minus proprie dicitur a quibusdam patribus christum esse mixturam hominis & Dei, seu hominem mixtum Deo. [881](#)
 christi caro & eius humanitas sanctificatrix, & viuificatrix est animarum nostrarum. [219](#)
 christus meruit prædestinatiis efficacem dilectionem qua nos in æternam vitam dilexit. [985](#)
 christus

christus vt est persona humana non solum verbi personalitatem, sed ipsum diuinum verbum, vt in diuina subsistens natura intrinsece claudit. **883**
 Non potest cum proprietate dici christum resurrexisse ex hypostatica vnione. **896**
 Hæc propositio, Christus est prædestinatus, vera est & propria. **937**
 christum resurrectionem sui corporis gloriosam meruisse certa fide tenendum est. **935. & seq.**
 christus non meruit remotionem impedimenti quo gloria animæ detineretur, ne se ad corpus refunderet. **940**
 christus per humanitatis potentias non poterat absque auxilio supernaturali vel habituali, vel actuali in aliquâ prodire supernaturalem actionem. **944.**
 christus non dicitur primogenitus omnium creature, quia in diuinæ mentis decreto antecesserit omnem creaturarum dispositionem. **624**
 christi coniunctio, & Ecclesiæ spiritualis referenda est ad christum, vt hominem simul & Deum. **625**
 christus in sua significatione non solum diuinitatem, sed etiam humanitatem complectitur. **625**
 christus, vt indutus forma seruili, & consideratus sub statu humilitatis habuit rationem mediæ redemptionis nostræ. **633**
 christus, quatenus Deus exaltauit illi dans illi nomen quod est super omnem nomen, finis fuit nostræ redemptionis. **ibidem.**
 christus in statu sibi connaturali constitutus finis est nostræ iustificationis, & salutis. **634**
 christo proprius status est ille gloriæ & exaltationis. **ibid.**
 christus reuelatus fuit Adæ, vt consummator gratiæ ipsi primo parenti collatæ. **650. 716**
 christus potius venit propter remediū peccati originalis, quàm aliorum & si collectivè sumantur. **695**
 christus non solum voluit nos ab originali culpa redimere, sed etiam ab

vniversis & mortalibus, & venialibus. **ibidem.**
 christi passio tam prodest vnique nostrum, atque si pro quolibet nostrum in particulari mortuus esset. **696.**
 christus esset capax meriti sicut Adam fuit, si veniret in mundum non extrahere peccato. **698**
 christus prius ratione prædestinatus fuit, quam prædestinarentur ceteri homines. **704**
 christi prædestinatio in genere causæ finalis præcepit æternam reum omnium præordinationem. **707**
 christi prædestinatio & sanctorum per se pendet in genere causæ materialis ab vniversi constitutione. **709**
 christus prædestinatus fuit, vt finis totius ordinis naturalis, & cuiuscumque status rationalis nature. **716**
 christus per se primo nullum influxum habuit neque habere potuit in statum innocentie, nisi dependenter ab statu originalis culpæ. **716**
 christus fuit prædestinatus, vt finis etiam status innocentie. **ibidem.**
 christus nullum habuit meritum, quod non spectauerit ad ordinem redemptionis. **739**
 christus in quo sensu debet appellari caput rerum omnium naturalium. **742.**
 christus qua ratione vocetur Ecclesiæ fundamentum, & qua ratione vocetur lapis angularis & sponsus, ac vir. **749**
 christus caput est Ecclesiæ secundum corpus, & secundum animam. **752**
 christi humanitas tota ad rationem capitis in christo constituendam concurrat. **101**
 christus non esset Dei, & hominum mediator, nisi idem ipse, & Deus esset & homo. **754**
 christus meruit sibi supremam capitis dignitatem & quomodo. **755**
 christus meruit, quod Deus eius humanitate, vt instrumēto vteretur ad influendum in sua membra phylico influxu supernaturalem vitam & motum.

tum. 761
 christus, vt prælatus adeo in æternitatis præscientia propter hominū salutem homo futurus in tempore caput fuit antiquorum fidelium. *ibid.*
 Quomodo intelligatur, quod christo resurgente omnes resurreximus. 757
 christus caput est fidelium iustorum in loco purgatorii existentium. *ibid.*
 christi pretioso sanguini, & eius passio ni, & meritis debemus quidquid nobis contingere potest spiritualis utilitatis usque ad statum gloriæ inclusive. 759
 christus inquantum homo quomodo dicatur Ecclesiæ caput. 754. & seq.
 christum fuisse caput primorum parentum in statu innocentie probabile est. 759
 christus in statu glorioso futuræ beatitudinis perfectissime erit caput omnium beatorum. 761
 christus respectu angelorum quibus non meruit gratiæ iustificantes, neque gloriam in rigore, non est pater, est tamen caput simpliciter.
 christi gratia quomodo debeat intelligi quod physica efficientia concurrat ad iustificationem. 791
 Propositio hæc christus inquantum Deus homo est caput Ecclesiæ formalior est ista, christus inquantum homo est Ecclesiæ caput. 768
 congruentiæ plurimæ ponuntur ob quas filius potius, quam pater, aut Spiritus sanctus naturam humanam assumpserit. 688
 concors Patrum sententia in explicatio ne alicuius testimonii scripturæ certum in fide facit, illum sensum fuisse a Spiritu sancto intenum. 699
 Hæc vox christus in formali significato importat compositionem secundum quam est persona composita. 884.
 Vere et proprie dicitur esse in christo compositionem ex diuino supposito, et ex humanitate. *ibid.* Obquam causam patres olim non meminerint compositionis christi ex diuino supposito & ex humanitate, sed eius quæ est

ex duabus naturis. *ibid.* Inter humanitatem christi & verbi personalitatem non est propria compositio. 886
 compositio vera & propria quid requirat: Et an sit necessum quod vnum componens sit actus, & alterum sit potentia? 891 & seq.
 In compositione, quæ est secundum rationem numeri vnum componens potest esse idem cum composito, et de toto prædari. 891
 complacere non licet in malo propter bonum subsequutum effectum. 731
 consequentia ab inferiori ad superius non valet semper in locutionibus metaphoricis. 769
 coniunctio caloris ad essentialem animalis vitam formalis est. 111
 coniunctio habitualis gratiæ ad verbum in christo, non est formalis, sed supernaturalis. *ibid.*
 corpus christi exanime potuit absque aliquo actuali motu, & absque aliqua superaddita qualitate efficere supernaturalem effectum, vt instrumentum diuinæ virtutis. 804

D

Damnati homines in inferno, neque actu neque potentia sunt membra christi 761.
 Damnatis non pro sunt inferni tormenta vt liberentur a debitis penarum temporalium. 758
 Deus non potest efficere iudicium erroneum etiam speculatiuum, non solū in intellectu humano christi, verum neq. in quouis intellectu creato. 40
 Deus non potest se solo & in mediate efficere habitum erroneum speculatiuum. *ibid.*
 Hæc propositio Deus est factus christus, vera est & catholica 891 Quid de hac propositione, Deus homo factus est. 896
 Deus proprie non est prædestinatus, vt esset homo. 931
 In Deo duo potissimum reperiuntur quibus summo intervallo distat ab omnibus

alibus creabilibus & creatis substantijs. 12
 Decretum prædestinationis Christi non potuit constare, nisi præsupposita præscientia ordinis naturæ, & gratiæ in aliquo priori signo. 619
 Decretum prædestinationis Christi, nõ ira habuit primum locum in intellectu Dei quod fuerit totaliter absolutum nullum habens respectum ad ordinem naturæ & gratiæ. 649
 Dei bonitas in hoc potissimum apparet quod ad multos diffundatur. 651
 Deus prædestinavit Christum propter gloriam suam quæ consistit in manifestatione suæ bonitatis. 653
 Deus prædestinavit Christum ad viuificandum & glorificandum hominem. 653
 Deus noluit aliter assequi ipsam gloriam suam quam intendebat nisi mediate humani generis redemptione. 653
 Deus a prædestinatis non exigit laudem alterius gloriæ, quam gloriæ gratiæ eius quia gratificauit nos in dilecto filio suo. 654
 Deus prædestinavit Christum in remedium peccati, quo cessante non veniret. 656
 Decretum in quo non disponitur media ad finem intentum necessaria, nõ est perfectæ prouidentie. 664
 Deus potest habere infallibilem cognitionem futuri peccati, posita efficaci voluntate permittendi peccatũ. 671
 Deus, cur Angelos non apprehenderit sed semen abrahe vt Paulus dicit, assignatur ratio. 676
 Deus in secundo signo rationis elegit homines vt Christo incorporarentur, tamquam capiti membra. 677
 Deus summum bonum cum sit omnia ad illum debent referri, & ordinari. 681. A
 Deus numquam sibi humanam associaret naturam personaliter nisi vt eam repararet & extolleret. 683
 Deus dilexit Christum eiusque exaltationem & gloriam præceteris omnibus rebus Christo inferioribus. 682
 Deus nihil vnquã de incarnatione, aut

gloria christi cogitauit quis simul de nostra salute, & gloria mentionem faceret. 683
 Deus prius ordine rationis efficaci consilio decreuit humanam redimere naturam Eamque ad supernaturalem finem euehere, quam aliquot homines imparticulari prædestinare. 684
 Decretum incarnationis prius fuit prioritate causæ finalis quæ est prioritas simpliciter quam totius vniuersi constitutionis. 690
 Deus posuit Christum tamquam validissimum fundamentum in quo homines radecati & fundati stare possunt. 739
 Deus cur non condidit angelos tam stabilis naturæ ut sine cadendi periculo coram ipso adstarent explicatur. 739
 Deus factus est homo ex amore quem habuit erga Adam non vt singularis erat persona, sed quatenus in eo erat tota humana natura. 736
 Deus destinavit Angelos (qui sunt hominibus præstantiores) in obsequium humane naturæ. 738
 Deus nisi influeret in creaturas perfectiones earũ naturales nullatenus posset dici caput vniuersi. 748
 Deus in puritate suæ naturæ consideratus non est Ecclesiæ caput homo genus. 753
 Deus, vritur simul actui intellectus christi, & eius singulari phantasmatum seu actione phantasie, quasi vnico instrumento ad nostram iustificationem efficiendam. 806
 Differentia inter caput naturale, & morale populi. 770
 Deo, Propter, in illo loco Propter nos homines, &c. finem importat non quidem præcipuum, sed proximũ & intermedium. 689
 Diuina bonitas & maiestas, in quolibet ordine potuit demonstrari, absq. dependentia ab hypostatica vniõne saltem substantialiter. 691
 Diuinam sapientiam fuit decens quod filius qui est substantialis imago patris reformaret illam Dei imaginem & similitudinẽ in qua homo a prin-

Electio fuerit conditus. 706
 Dispositio ad aliquam formam duplex
 esse potest. 739
 Dilectio diuine voluntatis quæ huma-
 nam naturam velut reparandam & glo-
 rificandam dilexit, fuit præsupposita
 ad primum prædestinationis Christi
 decretum. 715
 Distingui possunt plures rationes præde-
 stinationis Christi Ex parte rei præ-
 destinationis. 753
 Dicere quod incarnatio Christi, potius
 dimittatur ex amore Christi & glo-
 riæ eius, quam ex amore huma-
 ni generis aut totius vniuersi, neque
 scripturæ sacris derogat neque ratio-
 ni. 681
 Dilectionem suam erga nos maxime
 ostendit Deus in hoc quod nostram
 naturam prætulit angelicæ. 682
 Dona spiritus sancti in Christo reperi-
 untur. 738
 Duplex reperitur species causæ in chri-
 sti gratia. 767

E

Et que nobis futura sunt iam res sunt
 facta, eius coeternitati coexistunt. 712.
 Ecclesia corpus christi est secundum cor-
 pus & animum. 712
 Ecclesia in quo sensu appellatur a Paul.
 christus. 769
 Ecclesie coniunctio cum christo incipit
 fide, & charitate consummatur. 711
 Efficax voluntas permittendi origina-
 le culpam in humana natura ac proinde
 assummendi eandem naturam per hypo-
 tasticam unionem, & quod persona as-
 sumens esset dei filius totum implicaba-
 tur primo decreto diuine mentis. 670.
 Efficacia auxiliorum in angelis non de-
 bet pensari ex libera eorum volun-
 tate. 732
 Electio prædestinatorum duplex. 736
 Comparatiua prædestinatorum Electio
 ex meritis Christi fuit sumpta forma-
 liter, non vero materialiter. 887. 889

Electio eorum quæ secundario pertinet
 ad ordinem naturalem præcessit præ-
 destinationem electorum, in genere
 materialis causæ. 677
 Electorum prædestinatio inchoatio-
 nem accepit in illa voluntate, qua Deus
 absolute voluit naturam humanam
 reparare. 619
 Electos tunc vocat Paulus creatos in chri-
 sto. 770
 Entis rationem non habet, quod nequit
 cadere sub ordine diuine providen-
 tiæ. 192
 Epiphanius in quo sensu christi huma-
 nitatem vocat entitatem existen-
 tem. 931
 Errant sententia circa intelligentiam illo-
 rum verborum. Ioan. 1. Plenum gra-
 tiæ & veritatis impugnat. 7. 8. seq.
 Error speculatiuus siue habitualis, siue
 actualis, non est malum penes proprie-
 tem loquendo. 40
 Error est manifestus infide, asserere quod
 non exstante orig. peccato christus ve-
 nit ex hoc de facto venit, in carne
 & mort. & possibili. 697
 Excellens charitatis christi come-
 ditio. 139
 Excellentia habitualis gratiæ, & eius di-
 gnitas explicatur. 718
 Excellentius bonum, fuit ipsa incarna-
 tionis christi substantia, quam glo-
 ria anime eius. 718
 Excellentius nomen, quod christus præ-
 angelis hæredicauit, est nomen natu-
 ralis filij dei, illi non extraneum ne-
 que alienum. 717
 Excellentiora bona præparauit Deus na-
 turæ humane quam angelicæ. 687
 Ex vi primi decreti in quo nulla reme-
 dii originalis expressa fuisset facta
 merito, Deus insalubriter veniret in
 mundum. 617
 Explicatur qua ratione S. Patres tam si-
 ne distinctione dixerunt christum non
 venturum nisi homo egeret remedio.
 699.
 Existencia non est prima substantialis
 actualitas entis, vt ens est. 909
 Existencia non est terminabilis in ra-
 tione existentie per aliam existentiam
 seu

Seu per aliam formam. 905
Immediatum existentia susceptible
 non natura substantialis est, sed sup-
 positum. 918
Existentia in quo sensu sit ultimus na-
 turæ substantialis terminus. 220
 & seq.
Existentia necessaria conditio est per
 modum termini, ut quæ quodcumque
 entitatem habeat actualitatem. 924.
 & seq. Ut res concipiatur per mo-
 dum actualis entitatis, non est neces-
 se quod in existentia concipiatur ut
 in actu, sed ut in potentia. 925

F

Fidei obiectum formale simpliciter est
 impossibile christo in statu beatifi-
co. 63
Fides postulat obscuritatem. 60
Fides cum scientia esse non potest, &
 multominus cum clara visione secun-
 dum ordinariam potentiam, & de po-
 tentia absoluta potest esse cum illis se-
 cundum habitum, non vero secundum
 actum. 60
Finis prout antecedit in intentione po-
 tius inducit rationem patris respectu
 mediorum quam filij. 621
Finis obiectum esse potest duorum diuer-
 sorum actuum, & quomodo idem con-
 siderari possit in fine Deo. 419
Finis in executione consideratus, potest
 sortiri rationem effectus, respectu me-
 diorum in genere causæ efficientis. 621
Filatio naturam respicit, & quomodo
 intelligatur. 143. & seq.
Finis aliter comparatur ad media & al-
 ter ad subiectum illius finis. 632
Hæc propositio filius Dei est compositus
 potius est neganda quam conceden-
 da. 890
Essē finem dei naturalem, non fuit ter-
 minus prædestinationis christi, nisi cum
 hoc addito ex gratia unionis. 958
Finis per se pendet à subiecti præscien-
 tia & ab aliquo eius amore. 632
Finis simpliciter secundum aliquem mo-

dum potest inducere rationem medij.
 674.
Finis ille communissimus quem Deus
 imprimis illo suo decreto intendit,
 quamvis vniuersalissimus sit est ra-
 men propriissimus Deo. 692
Fieri non potest etiam per Dei absolu-
 tam potentiam, ut aliqua pura crea-
 tura sit propriæ & in rigore caput in
 ratione gratiæ hominum & angelo-
 rum. 764
Figura Christi optima fuit illa manus
 iacob emissa, & egressa ex utero te-
 nens plantam fratris. 756
Fomes peccati quid sit, & quomodo Chri-
 sti humanitati repugnet, etiam liga-
 tus. 41. & seq.
Fomes peccati in B. Virgine ligatus fuit
 non tamen extinctus, antequam con-
 ciperet. 41. & seq.
Forma aliqua non se potest extendere
 ad producendos infinitos effectus si
 in semetipsa infinita non fuerit. 113

G

Generationis ratio non est ne-
 cessaria productio existentie rei ge-
 nitæ. 953
Gloria animæ christi non fuit terminus
 prædestinationis eius. 947
Gloria animæ quomodo deriuatur ad
 corpus. 540
Gloria animæ christi quæ in diuine es-
 sentie visione consistit, non est ultimus
 finis & præcipuum bonum quod Deus
 in christi incarnatione amauit. 1718
Gloria animæ christi & gratia, & cate-
 ra charismata locum habuerunt in
 christo dispositionis concomitantis
 hyposthaticam unionem. 1719
Gloria animæ christi magis fuit voluta
 & intenta quam naturæ ordo & gra-
 tiæ non tamen prius voluta & intenta
 161.
Gratia quid significet. 4
Gratia prout Christo accommodatur
 tripliciter sumi potest. 5
Gratia gratis data vix potest vocari gra-
 tia nisi cum illo addito data. ibidem
 M m m m m 2 Gra-

Gratia quomodo Christo fuerit adme-
rendum necessaria. 120
Gratia vniouis quid significet. 7. & seq.
Gratie habitualis excellentia, & digni-
tas explicatur. 120. & seq.
Gratia quae simplex qualitas est in ani-
ma, secundum virtutem multiplex est
& multi formis. 121. & seq.
Gratia est supernaturale: diuinae naturae
participium. 121.
Gratia per se primo formale participium
est perfectionum quae ad Dei unitatem
pertinent, secundario vero participa-
tio est diuinae trinitatis. 121.
Gratia sola tribuit participationem di-
uinae naturae, reliqua autem dona sunt
tantum participia quarundam sin-
gularium eius perfectionum. 121.
Gratia non solum radicalis participa-
tio diuinae naturae, sed & formalis. 121.
Gratiam esse formalem participationem
diuinae naturae quomodo intelligatur.
125.
Gratia sua quoddammodo ratione consti-
tuit hominem filium Dei. 126.
Gratia habitualis semen Dei vocatur.
ibidem.
Gratia licet accidentalis forma sit, quae-
dam tamen habet modum substantia-
lis formae. 126.
Gratia quomodo debeat considerari in
formali Christi sanctificatione. 130.
gratia in iustificatione hominis dupli-
ter potest considerari. ibidem.
gratia habitualis debita fuit Christo eo
naturae debito. 131.
gratia habitualis non est propria Chri-
sti passio. 131.
gratia habitualis non emanauit in Chri-
sto per simplicem resultantiam ex vni-
o ne hypostatica. 133.
gratie habitualis productio spiritui san-
cto tribuitur. 133.
gratia in Christo habet omnes effectus
possibiles. 133.
gratia habitualis collata fuit Christi hu-
manitati per specialem actionem tri-
nitatis & quomodo. 133.
gratia Christi infinita est simpliciter in
esse gratiae infinitate: tamen mora-

lis dignitatis. 133.
gratia Christi quantum est ex se potuit
esse causa cuiuscumque gratiae & an-
gelorum & primi parentis. 133.
gratia ex sua natura constituit habentem
filium Dei. 133. ibidem.
gratia habitualis Christi secundum in-
tensionem augeri potest per absolu-
tam Dei potentiam. 133.
gratia Christi etiam secundum intensio-
nem summa fuit quae potest esse secu-
dum ordinariam Dei potentiam. 135.
gratia Christi habitualis excedit totam
collectionem gratiae quae in sanctis &
angelis & hominibus reperitur. 138.
gratia B. Virginis habet plenitudinem
ex parte subiecti non vero ex parte ip-
sius gratiae. 139. & 140.
gratia licet sit creatura est tamen ordi-
nis diuini & supernaturalis. 140.
gratia Christi habitualis neque in ratio-
ne qualitatis est simpliciter infinita.
ibidem.
gratia Christi infinita est in eo sensu in
quo lux solis potest dici infinita. 144.
gratia Christi in esse morali specie dis-
fertur gratia nostra. 144. & 145.
gratia Christi ex conjunctione ad ver-
bum non participant infinitatem
physicam, vel essentialem, vel moralem
quae illam in esse gratiae constituit sim-
pliciter infinitam. 145.
gratia non est per se primo forma ope-
ratiua, sed gratificatiua, & dignificati-
ua subiecti operantis. 145.
soli gratiae ex natura sua competit con-
stituire vniouem rationis creaturam
cum Deo, etiam in esse entitatio. 145.
gratia Christi simpliciter loquendo non
est in aliqua specie gratiae in qua non
sit gratia nostra. 145.
gratia in humanitate a verbo relictam re-
tinet eandem speciem physicam,
non tamen moralem. 145.
gratia puri hominis nequit pertingere
ad perfectionem gratiae Christi, si
de morali gratiae perfectione fiat ser-
mo. ibidem.
gratia potest crescere in homine quan-
tuncumque iusto. ibidem.

gratia vnionis est prima radix omnium perfectionum que conueniunt Christo vt homini. **615.**

gratia habitualis Christi tantam vim ex gratia participat vt gratie capitis non mereatur accipere. **ibid.**

gratia Christi habitualis vere constituit Christum vt hominem caput ecclesie per modum proximi, & immediati formalis principij. **ibidem**
gratia & gloria in humanitate Christi non presupponuntur ad personalem vnionem sed potius sequuntur. **647.**

gratia & sanctitas B. Virginis praeuisa fuit in genere causae materialis ad Christi praedestinationem. **678.**

gratia in creaturis suscepta suscipitur ad modum earum, videlicet defectibili-
ter. **732.**

gratia personalis Christi eadem est secundum essentiam cum gratia capituli differt tamen ab ipsa ratione. **766.**

gratia Christi habitualis gratia capitis vocatur quatenus est principium formale proximum effectuum, Quo gratificandi, & sanctificandi ipsa Christi membra. **767.**

gratia quatenus in esse & in fieri a subiecto pendet effici potest adeo mediante instrumento physice concurrente. **814.**

H

Homini salus, & glorificatio in Christi iam exalari gloriam tamquam in finem redeunt. **633.**

Homines ordine gratiae angelorum ministerio debuerunt gubernari, etiam si in statu innocentiae permansissent. **676.**

Homine non peccante, si Deus veniret in carne probabilius est quod veniret in carne eo modo impossibili quo homines eam habuissent in primo statu innocentiae. **698.**

Homini iusto bene operanti secundum charitatem & gratiam debetur ultimus gratiae finis qui est gloria. **765.**

Homo statim quod in superbiam fuit elatus in gula incidit peccatum. **719.**

Homines in statu innocentiae non habuerunt auxilia ita efficacia atque habebant homines per Christum redempti. **737.**

Homo pro humanitate apud Augustinum. **454.**

Humanitas Christi non prius existit quam diuino verbo fuerit unita. **433. & 912.**

Humanitas Christi non propria sed verbi existentia existit. **911.**

si Humanitas in Christo propriam retineret existentiam, non posset concedi eam existere per existentiam verbi. **921.**

Humanitas Christi non praedestinata est vel ad gloriam, vel ad aliationem, dei naturalem. **946.**

Humanitas Christi per se & immediate non est praedestinata ad vnionem cum verbo. **943.**

Humanitas quomodo assumptioni praesupponatur. **926.**

Inhumanitate a verbo relicta resulteret existentia creata. **922.**

I

Ioannis Baptistae generatio, non fuit secundum ordinem naturae disposita, sed secundum ea quae pertinebant ad ordinem hypostaticae vnionis. **667.**

Incarnationis beneficium, non habuit ortum per se primo, ex amore quod deus humani genus prosequutus est, sed ex amore suae bonitatis. **681.**

Intentio, a fine incipit & ad media terminatur exequutio vero inchoat a medijs & in ipsa finis assequutione sistit. **699.**

Incarnationis beneficium, non fuit homini collatum, nisi praesupposita & praegressa necessitate remedii. **719.**

Incarnationi Christi non derogat, quod non aliter fuerit praegordinata quam occasione sumpta ex humani generis grandi necessitate. **719.**

Incarnatio Christi non debet dici bonum occasio natum licet ex occasione ne pec-

ne peccasti, & eius remedio hoc beneficiū nobis fuerit donatum. 719
 Incarnatio Christi, multo præstantiorem gratiam attulit nobis quam fuit illa, quam accepit primus homo, vt toti naturæ communicaret. 221
 Innocentiæ statu perseverante, multo plures homines periissent, quam nūc pereunt. 724
 Inclination spiritalis si libera relinquitur multo maior et vehementior est, quam inclinatio & appetitio corporalis & sensitiua. 726
 Iustitia originalis nō reddidit primum hominem perfectiorem quam esset primus angelus. 728
 Iustitia originalis, primi hominis animam ita composuit, quod posset si vellet omnia vitare peccata. 728
 Iustitia originalis omnes animæ vires inferiores comprimebat, vt a rationis dictamine minime exorbitaret. 728
 In statu innocentie non deessent extrinseca incitamenta ad perpetrandum peccatum illud quod esse poterat in illo statu, puta, inobedientiæ & superbix. 728
 Iustitia originalis erga inferiora compescenda magnum homini præstitit vigorem, id aut non potuit efficere erga superiora. 733
 Incarnatio prima radix fuit meritum Christi. 436
 Incarnationem suam an Christus meruerit. 440 & seq.
 Incarnatio Christi causa fuit prædestinationis nostræ, & nullatenus eius effectus. 990
 Incarnatio Christi, & 6 fuit medium ad nostram salutem ordinatum, non tamen fuit medium ad finem prædestinationis nostræ formaliter ordinatum. 991
 Infinitum dupliciter sumitur. 1009
 Infinita extensio formalis in aliqua forma præsupponit infinitam perfectionem, & intensionem in illa. 1014
 Infinitas moralis dignitatis, quæ est in gratia Christi, consequenter se habuit ad gratiam vniuersis, necessaria tamen consequtione sequuta. 1014

Iustitia rigorosa non repugnat gratiæ. 176
 Iustis in sacra pagina tribuitur, perfectio essendi, & peccatoribus denegatur. 177 & seq.

L

Laboriosa Christi vita, passio, & mors &c. referuntur in Christi exaltationem, ve in finem intrinsecum. 738
 Latus Christi lancea ipso viuo perforatum fuisse hæresis fuit quorundam, quæ impugnatur. 741
 Lex gratiæ quare dicatur humana cor dibus insculpta. 741
 Lex quomodo coercitiuam vim habere debeat. 742
 Licitum, est letari de permissione, quæ Deus permittit peccatum originis. 731
 Lumen gloriæ collatum animæ Christi eiusdem est speciei cum lumine gloriæ quod confertur alijs beatis. 230

M

Malum commune maiori cura repellendum est, quam quodcunque priuatum malum, etiam si intensius maius sit, & grauius. 695
 Matrimonium in statu innocentie inter primos parentes celebratum ex Christi meritis accepit esse signum spiritualis matrimonij Christi cum Ecclesia. 741
 Magna Dei gloria illa est, quam Deus per mysterium redemptionis nostræ eius future factæ sibi comparauit. 654
 Martyrum meritum quo fine terminetur. 412
 Malum quod peccatum originis attulit mundo non fuit illud adeo permissum, nisi propter bonum maximum, quod est incarnatio Christi. 667
 Meriti conditiones, quæ. 408
 Meritum Christi infinitas quomodo est consideranda. 443

Merito

Merito Christi, quod primum debere-

etur. 44

Meriti Christi, & satisfactionis eadem

ferre ratio, & proportio. 446

Pia sententia est, quæ ad meritum in

homine iusto nullam relationem in-

super naturalem finem censere esse

necessariam. 249

Merita quæ habuit Adam in statu innó-

centiæ viuificanda erant per Christi

gratiam. 716

Meritum hominis existentis in gratia

non fundatur in extrinseca Dei ordi-

natione. 765

Membrum, & pars dependentiam im-

portant a capite, & a cæteris mem-

bris & partibus eiusdem corporis.

768

Modus quo tota Christi humanitas no-

stram gratiam physice operatur nūc

in cælo existens soli Deo, ipsi que

Christo potest esse perspectus. 806

Motus cæli quatenus procedit ab intell-

igentia extrinseca mouente cæle-

stem orbem potest vitam causare in

inferioribus. 809

Motus in ratione entis imperfectior est

in re, quæ mouetur. 806

Motio in passio suscepta vim habet in-

strumentariam ad efficiendum su-

pernaturalem effectum, non autem

re suscipitur in passio, sed re ab agen-

te procedit. 808

Mortis Christi locus, & tempus ex pa-

tris præcepto non ex Christi voluntate dispositum. 428

In mundum quando Christus ingres-

sus. 409

Motus appetitus sensitiui in Christo sue-

runt deliberati, & præiudici in particu-

lari, & distincte & inmediate. 45

N

Natura humana peccato infecta non po-

tequit a verbo diuino assumi. 31

Natura non per se primo prædestinatur

sed suppositum in natura subsistens.

646

Natura angelica in rerum vniuersitate

supremum tenet apicem. 885

Natura rationalis eorum vniuersum

quasi breui quodam Epilogo comple-

ctur. 689

Naturam humanam statuit Deus deco-

rare clarissimis gratiæ donis in vno

totius nature capite. 688

Natura angelica & humana si suis tan-

tum innitantur viribus magna que

Dei non iuuetur ope impar est ad su-

stinendum excellens bonorum cele-

stium pondus. 725

Noua prohibentur dici sed non noui-

ter. 691

Nulla causa sue principalis, sue instru-

mentaliter potest exire in actum secun-

dum, quin prius nature ordine consti-

tuta fuerit in actu primo. 725

O

Oléum, quid ex Patrum sententiâ in-

scriptura significet. 57

Operatio humana dupliciter intelligi-

potest deliberata oratione. 44

Operatio necessaria meriti est incapax

397. & seq.

Operatio bona pure naturalis nequit

esse æternæ vitæ meritoria de condi-

gno, etiam si Deus vitam æternam sic

bene operanti promitteret. 248

Opera Christi prodigiosa, & miraculo-

sa designauit. Euang. loquuntur ver-

bis vidimus gloriam eius. 7. & seq.

Omnis operatio Dei ad extra ex liber-

tate procedit. 317

Operationes Christi procedentes ex grâ-

tiæ habituali infinitum valorem mo-

ralem ex ipsa gratia participabant.

222

Operationes Christi non participant

infinitum valorem immediato a sup-

posito, sed a gratia dignificata digni-

tate infinita ex coniunctione ad diui-

num suppositum. 228

P

Patres antiqui non meruerunt de condi-

gno.

digno incarnationem Christi prout
fuit causa meritoria apertionis ianug
caelestis. 480
Patres antiquæ legis non meruerunt ac
celebrationem incarnationis Chri-
sti. 478
Patres antiquæ legis non meruerunt de
condigno incarnationem Christi me-
ruerunt tamen de congruo eua eius
substantiam. 482
Partes compositi substantialis non exi-
sunt partialibus existentibus. 904
Partes substantiales non prius existunt
quam sint in toto composito. 924
Potencia passiva obedientialis quid sit.
793
Peccato non extante omnes rationes &
congruentie postulare videntur, quod
Deus assumeret potius angelicam quā
humanam naturam. 661
Peccatum Originis quatuor mala incul-
lit, quibus respondent quatuor benefi-
cia in redemptione per Christum facta
276. & seq.
per Peccatum per se primo offenditur
Deus vt. tribus personis communis.
279
Peccatum duplici modo potuit præsenti-
re ante prædestinationem Christi. 739
Peccatores metaphorice filij Dei vo-
cantur & quare. 118
Peccatum Originis quare in plurali ini-
quitates vocabitur. 1695
Peccatum mortale duo infert mala, al-
terum effectum, & alterum affectum prius
contra peccantem posterius contra
Deum. 26
Peccatum prout ipsi peccanti malum in-
fert non est per se & in mediate ma-
teria satisfactionis, sed quatenus Dei
est offensum, & iniuriosum. 269
in Peccato auersio reperitur & conuer-
sio. 217
Peccato originis non extante Christus
non veniret in remedium peccatorū
alicuius hominis vel aliquorum. 696
Peccatum originale licet ex se esset suf-
ficiens causa reprobationis deus illū
non assumpsit vt causam. 735
Peccati remedium in genere cause fina-
lis præcessit Christi prædestinationem

674.
Peccati remedium non potuit præsuppo-
ni in ordine intentionis vt præexistens
sed vt futurum infallibiliter. 675
Petri Abailardi error circa redemptio-
nem humani generis per Christum fa-
ctam. 169
Pelagij error circa idem. ibid.
Prædestinationis Christi qua prædestina-
tus est filius Dei humanitas non fuit
obiectum, Quod, fuit tamen obiectum
Quo. 941
Prædestinatio tria necessario exigit.
860
Prædestinationem duplicem esse, alterā
simpliciter, & alterā secundū
quidam modus. 861
Prædestinationem obiecto, & termino
consistere. 860
Prædestinationis Christi obiectum fuit
Christus quatenus subsistit in humana
natura. 936
Prædestinationis Christi obiectum non
fuit Christus conceptus in abstractione
a vero Christo, & a Christo a Nesto-
rianis confecto. 961
Prædestinationis Christi obiectum non
fuit hic homo designata Christi huma-
nitate in abstractione a supposito crea-
to & increato. 966
Prædestinationis Christi obiectum ad ter-
minum præsuppositum non fuit verbū
& humanitas, vt verbo vnienda.
965
Prædestinationis Christi proximum obie-
ctum fuit verbum, vt suppositum hu-
manum. ibid.
Ad rationem formalem termini Præde-
stinationis Christi pertinet ratio gra-
tuiti doni. 958
Obiectum Prædestinationis ipsius Chri-
sti non fuit Christus conceptus vt pos-
sibilis. 969
Prædestinationis Christi nomine intelli-
gitur in præsentia decretum intelle-
ctus diuini de incarnatione verbi fu-
tura. 616
Prædestinatio electorum celebrata fuit
in secundo signo rationis. 677
Prædestinatio B. Virg. fuit celebrata in
illo primo rationis signo in quo Chri-
stus

flus fuit prædestinatus. 678
 Prædestinatorum electio in illa æternâ
 præordinatione præstat ex parte obie
 cti dignitate & excellentia constitu
 tionis, & ordinationi aliarum rerum. 707.
 Prædestinati sunt finis omnium eorum
 quæ sub ipsis continentur. 709
 Prædestinationem christi præcessit præ
 scientia peccati originalis sed non
 ob id necessum est dicere quod præ
 cesserit etiam præscientia aliorum pec
 catorum 695
 Præceptum impositum christo mortis
 subeundæ an fuerit positivum vel natu
 rale. 404
 Præceptum quomodo impositum fuit
 christo cum impeccabilis esset. 425.
 & seq.
 Præceptum impositum Christo de acce
 ptanda morte ab humana Christi vo
 luntate originem habuisse impugna
 tur. 426
 Præceptum moriendi impositum Chri
 sto tantum quoad substantiam, & nō
 quoad circumstantias impugnatur.
 ibidem.
 Præcepta iuris naturalis qualiter in
 alijs beatis consideranda. 436
 Præcepti impositio signum est minoris
 promptitudinis in inferioris volunta
 te. 403
 num Promissio Dei facta Christo neces
 saria fuerit ad ipsius meritum. 400
 Præcipuus finis incarnationis Christi nō
 debuit Adæ manifestari ne præsci
 us fieret sui futuri casus. 715
 Præmium infinitum mortis Christi quod
 fuerit. 448
 Præscientia ordinis naturalis inclusa
 fuit in Christi prælest. 634
 Præscientia peccati ordine rationis præ
 cessit prædestinationem christi in ge
 nere causæ materialis. 624
 Præscientia omnium singularium quæ
 necessario fuerunt præsupposita ad
 christi incarnationem in primo ratio
 nis signo habita fuit. 678
 Prophetæ boni & sancti substantialiter
 intellexerunt quæ prophetice prædi
 xerunt. 66

Propositio hæc, peccatum præiustum est
 a Deo ante incarnationem christi ve
 ra est. 674
 Propositio hæc Christus est prædestina
 tus ante præscientiam peccati non
 est concedenda. ibid.
 Probabiliter potest dici, quod gratia
 fuit collata Adæ per Christum in sta
 tu innocentie. ibid.
 Proprium officium capitis est in omnia
 viventis corporis membra morum, &
 sensum assiduo influxu operari. 747
 Primum cuiuscumque hominis peccatum
 in statu innocentia esset mortale, &
 quare. 718
 Primus homo originali iustitia ornatus
 potuit a semetipso nullo ex trinseco
 suggerente in superbum affectum pro
 rumpere. 727
 Prius diligere & magis diligere non est idem
 712.
 Permisit Deus in angelis & hominibus
 tam grandem ruinam ut ostenderet
 quid posset natura & quid gratia.
 693
 Permissio ipsa originalis culpæ per se
 fuit ordinata in Christi incarnatio
 nem, & in eximiam Christi manife
 stationem, & eius gratiæ. 694 & 719
 Plenum quomodo accipitur. 184
 Plenitudo gratiæ Christi summam conferri
 debet, & appellari secundum propriam
 naturam gratiæ. 192
 Potentiæ naturales & propriæ passionis
 quare aliquando dispositiones appel
 lentur. 139

R

Ratio capitis in Christo confurgit ex
 utraque Christi gratia, & unionis, &
 habitualis. 615
 Redemptio generis humani simpliciter
 est medium ad Christum incarnatum
 & ad eius gloriam. 634
 Redemptionis opus ex sacrificio quo
 Christus se ipsum obtulit hostiæ Deo
 initium accepit. 273
 Redemptionis Christi effectus. 407
 Resurrectio Christi an loco infiniti præ
 N n n n n m i j da-

mij dati Christo habenda sit. 445
 Relatio ad sui fundamenti productio-
 nem comprodacur. 224
 Reperitur secundum peritissimos Theo-
 logos in Deo formaliter voluntas an-
 tecedens qua voluit Deus omnes sal-
 uos fieri. 687
 Reprobatio formaliter non est punitio,
 sed opus providentiæ. 735
 Reprobatio præsupposuit peccati origi-
 nalis præscientiam, inde tñ non sequi-
 tur dari reprobationis causam. 731
 Regulariter loquendo Deus non assu-
 mit creaturam quiescentem, & non
 operantem, ut instrumentum suæ di-
 vine virtutis. 804
 Revelatio facta cuidam sancto Carpo
 in qua Christus edixit, quod erat
 paratus mori iterum pro hominibus
 si oporteret quomodo debeat intel-
 legi. 697
 Rerum naturalium creatio ad manife-
 stantiam Dei bonitatem, & gloriam nõ
 per se pender a Christi prædestina-
 tione, aut sanctorum. 709
 Ruina infallibilitatem generis humani
 vocavit sanctus Augustinus mise-
 riam. 734
 Reviviscere habet ad esse sicut adope-
 rari. 803

S

Salutem nostram quatuor modis Chri-
 stus est operatus. 275
 Sacramenta quomodo dicantur exiisse
 è Christi vulnere. 413
 Sanctitas iustificans homines non lo-
 lum in gratia, sed etiam in charitate
 consistit. 59
 Satis facere, & mereri quibus differant.
 255
 Satisfactionem Christi ex iustitia fuisse
 absque improprietate est conceden-
 dum. 265
 Satisfactionem Christi ad iustitiã com-
 mutatam, aut distributivam spe-
 ctasse nullatenus ad fidem attinet.
 268
 Satisfactio Christi formaliter contine-

bar iustitiæ rationem. Ibidem.
 Satisfactio Christi non fuit actus a vir-
 tute commutativæ iustitiæ elicitus.
 267
 Satisfactio Christi nõ fuit actus ab vna
 tantum virtute elicitus. 274
 Satisfactio Christi operationes a cha-
 ritate & religione incompenatione
 pro hominum peccatis dirigebantur.
 161
 Satisfactio Christi immediate facta est
 Deo, & non alicui personæ divinæ,
 neque aliter fieri potuit. Ibid.
 Sanctitas B. Virg. aliter antecessit in
 præscientia Dei Christi incarnationem,
 & aliter res alia. 678
 Sanctitas B. Virg. potuit esse prior ordi-
 ne intentionis in genere causæ mate-
 rialis, & dispositivæ. Ibid.
 Sacramenta secundum fidem applicant
 nobis virtutem passionis Christi.
 695
 Sacre literæ diversis appellationibus se-
 cundum similitudinem Christi virtutem nobis
 insinuant. 247
 Sancti in cælo quare non solum Deo
 gratias agunt, sed etiam agno. 759
 Seclusa præiustione miseriz humanæ na-
 turæ non potest intelligi affectus vi-
 vine misericordiæ erga ipsam natu-
 ram. 672
 Scientia visionis, & approbationis co-
 gnovit Deus ab æterno infallibiliter
 omnia futura contingentia etiam ea
 quæ a liberi arbitrij voluntate pen-
 dent. 617
 Spiritus sancti dona Christo tribuan-
 tur. 51
 Spei obiectum proprium est Deus viden-
 dus, & fruendus sub ratione possibili-
 lis & ardui. 60
 Sublato nostro istius status firmissimo
 fundamento semper aut fere semper
 iacerent, qui caderent. 733
 Supposito quod status innocentie nullo
 modo pertinuit ad Christum Chri-
 stus non posset dici filius caput, quia
 nullum habuit in totum illum sta-
 tum influxum. 760
 Supposito quod Deus voluit tribus mo-
 dis se communicare, ratio postulat,
 quod

quod duos modos referret in perfe-
ctissimum modum communicatio-
nis, scilicet vnionis hypostaticę.
680.

Esti repugnet supposito componere cū
natura sibi intrinseca non vero cum
natura extrinseca. 893

Status naturę lapsę, sed reparatę per
Christum erga finem super natura-
lem multo firmitior est, quam ille in
quo primus homo positus fuit. 753.

T

Toti Trinitati communia si ad autori-
tatem pertinent, solent sacrę literę
patris personę per accomodationem
tribuere. 280

Tota ratio facti in super naturalibus ef-
fectibus est libera potentia facientis.
656.

Tota peccatorum actualium collectio
maiorē alicij grauitatem impor-
tat, quam sola originalis culpa. 695

Totum substantiale non pendet per se
ab existentia partium. 923. & seq.

Terminus creationis, & terminus gene-
rationis humanitatis Christi, quomo-
do se habeant ad terminum assump-
tionis. 927

Terminus prædestinationis Christi in
abstracto non includit formaliter hu-
manitatem, includit autem illam si
in concreto sumatur. 953

Terminus, Qui, prædestinationis chris-
ti est ipse christus terminus vero,
Quo, est diuini verbi subsistentia hu-
manitati gratuite communicata.
953. & seq.

Terminus, Qui, & obiectum, Quod, præ-
destinationis christi coincidunt, non
vero terminus, Quo, & obiectum,
Quo. 960

Terminus prædestinationis christi non
est veritas huius enunciationis, chris-
tus est filius dei naturalis. ibidem.

Tres ordines diuinę communicationis
quandam inter se habent commix-
tionem. 666

Triplex scientia reperitur in intellectu

diuino nostro modo intelligēdi. 617

Tres sunt ordines rerum intra quos po-
tuit Deus suam bonitatem creaturis
communicare. 618

Tria explicuit S. Ioan. in illis verbis. Ver-
bum caro factum est &c. quę in Chri-
sto domino habent consequentis
ordinem. 7

Triplitem supernaturalem plenitudi-
nem adeptus fuit Christi humanitas
per hypostaticam vnionem ad ver-
bum. 209

V

Verbum diuinum si potentiam absolu-
tam contempletur potuit humani-
tatem propriam retinentem existen-
tiam sibi personaliter vnire. 918.
& seq.

Verbum non potuit humanitatem pec-
cato infectam assumere etiam de po-
tentia Dei absoluta. 49

Verbum de potentia Dei absoluta po-
tuit humanitatem sibi copulare hy-
pothetica vnione impuris natura-
libus. 30

Verbum non habet rationem formę in
hypothetica vnione. 169

Verba & voces solent appellari vniuer-
sa, quę condidit Deus in spatio sex
dierum. 27

Virtutes morales infusę passiones im-
moderatas in appetitu permittunt.
67.

Virtutes infusę non sufficiunt per se.
metipsas extinguere fomitem pec-
cati. 43

Virtutes & dona supernaturalia ex na-
tura rei concomitantur gratiam. 39

Virtus penitentię relegāda est a Chri-
sto. 78

Virtutes morales non processerunt ex
gratia Christi habituali per simpli-
cem resultantiam. ibidem

Virtutes morales infusę effluunt ab
ipsa habituali gratia, & quomodo.
228. & sequen.

Virtutes morales, & Theologicę circa
quid versentur, & quid proprie re-
nunciant. 2

INDEX.

spiciant. 415
 Vireum infusurum intentionis gra-
 dus finit sunt, & signabiles. 419
 Vnio duarum naturarum diuinæ, & hu-
 manæ in vna eademque persona præ-
 destinata fuit ab æterno. 859
 Vnionis hypothesæ substantialitas
 Conc. & Patrum testimonij proba-
 tur. 861
 vnio humanitatis christi non in natura
 sed in diuina persona facta est. 930
 Vnionis hypothesæ terminus totalis
 fuit christus. 862

Unionis hypostaticæ formalis terminus, in creatum quid est, totalis vero terminus secundum rem creatum includit & increatum. 869

Reprobatur opinio eorū qui vnionem
diuini verbi cum humanitate vocant
substantialē simul & accidentalem
864

Vsum rationis in primo instanti habuit
christus sicut Angeli, & Adam. 1410

Vfus rationis per se loquendo non pen
det ex tempore. 410

T

F I N

I S.

1. The first part of the document is a list of names and addresses, including:

- 1. The first part of the document is a list of names and addresses, including:
- 2. The second part of the document is a list of names and addresses, including:
- 3. The third part of the document is a list of names and addresses, including:
- 4. The fourth part of the document is a list of names and addresses, including:
- 5. The fifth part of the document is a list of names and addresses, including:
- 6. The sixth part of the document is a list of names and addresses, including:
- 7. The seventh part of the document is a list of names and addresses, including:
- 8. The eighth part of the document is a list of names and addresses, including:
- 9. The ninth part of the document is a list of names and addresses, including:
- 10. The tenth part of the document is a list of names and addresses, including:

Errata sic corrigito.

Pagina	versus	errata	lege
29	25	N. nonnulli	Nonnulli
33	23	in fineatur	insinuatur
35	25	ex hypotisi	ex hypotesi
42	37	prædix	prædictus
47	9	conferebant	conferebat
48	15	eo	ex
63	21	ab ipsa	ab ipso
63	24	defiunt	defuerit
63	27	possiderum	possessarum
90	15	illum	illam
103	22	præmisit	præmissa
105	33	gratia	gratiz
112	37	cuspus	crispus
118	6	adopratum	ad adoptatum
128	14	aduerto primo	tolle primo
159	39	effectiuum	effectiuam
169	21	capitibus	radicibus
177	17	die	dei
182	17	illa	prima
188	24	cuiusuis	cuius
193	37	mea	in ea
198	24	de plenitudine gratiz	plenitudini gratiz
212	25	gratiz	gratia
221	12	manifestum	manifesta
228	8	antecedens	minor
228	39	ad secundum	ad secundam
227	36	aut	autem
241	4	ciato	citato
248	22	meretur	mereretur
248	47	Dei	tolle
250	22	humanæ	diuinæ
255	9	ad vnionem	ad vnum
300	26	ergo non est	ergo vera est
305	2	amabile	amabilis
334	29	sive siue	sive ex siue ex
347	4	sectaratus	sectatus
401	21	est magna cuius	& magna eius
443	13	de sumperum	desumptum
474	15	præstiteret	peristeret
572	4	præces	pecces
576	2	damnatus	damnati
580	29	tormentorum	tormenris
601	24	compatio	comparatio
627	14	applicaturi	explicaturi
633	25	ipsam	in ipsam
667	43	proinde	perinde

Pag.	versus	errata	lege
675	29	gratias	gratiz
694	25	experito	experimento
702	40	in modum	immundum
717	19	passibile	impasibile
730	14	abuierit	habuerit
754	13	genere	gerere
755	11	sed ad rem	tolle
721	13	humana	inhumana
721	15	inhumana	humana
726	28	stenetur	frenetur
787	19	opinionēs	operationes
792	29	in cream	increatam
864	29	sequuta	assequutos
864	33	præmiendum	prætermittendum
865	33	singulorum	angelorum
853	28	que	quam
858	39	antequod	antequam
860	20	internisceri	intermisceri
863	22	substantiam	substantiam
863	22	capitulo	canone
884	28	totale	tale
906	13	cum proprietate	cum improprietate
915	26	generationis	generationem
916	8	alter	aliter
931	21	facilium	facillimum
931	38	alius	altius
962	4	naturę	rationis
325	21	in fine	in fine
324	1	valorem	valorem statuendum
248	8	& si huiusmodi	& si ad huiusmodi
956	35	ad quia	tolle ad
280	25	visibilis	inuisibilis
370	38	antecedens	antecedens pro maiori
373	32	procumque	pro quocumque
475	31	quod	quoad
479	20	minorem	antecedens
414	6	loquebatur	legatur
618	21	creationis	executionis
619	19	dependens	indenpens
885	4	preduximus	reduximus
335	vlt.	non affectu	non effectu
396	15	exposuit	exposcit
652	10	naturę greciz	naturę gratiz
652	34	superus	superius
48	32	Ephesinum 1.	Ephesinum 1.
228	39	spelli	speciei

Alia non pauca reperies errata, nam præsertim ab interpunctis nonnulla viduose scriptæ sunt, sed hæc facile poteris nullo aduertente corrigere.

REGESTVM.

1008

†a ABCDEFGHIKLMNOPQRSTVXYZ.

Aa BbCcDdEeFfGgHhIiKkLlMmNnOoPpQqRr
SfTtVuXxYyZz.

AaaBbbCccDddEeeFffGggHhhIiiKkkLllMmm
NnnOooPppQqqRrrSffTttVuuXxxYyyZzz.

Aaaa Bbbb Cccc Dddd Eeee Ffff Gggg Hhhh Iiii
KkkkLlll Mmmm Nnnn Oooo Pppp Qqqq Rrrr Sfff
TtttVuuuXxxxYyyyZzzz.

Aaaaa Bbbbbb Cccccc Dddddd Eeeee FffffffGgggg
Hhhhh IiiiiKkkkk Lllll Mmmmm Nnnnn Ooooo
Ppppp Qqqqq Rrrrr Sffff Ttttt Vuuuu Xxxxx
Yyyyy Zzzzz.

Aaaaaa Bbbbbb Cccccc Dddddd Eeeee Fffffff
GgggggHhhhhh IiiiiKkkkk Lllll Mmmmm
Nnnnn.

Omnia sunt folia integra.



R O M Æ,

Excudebat Paulus de Dianis.M.D.XCI.

R E G E S T V M .

† A B C D E F G H I K L M N O P Q R S T U V X Y Z .

A a B b C c D d E e F f G g H h I i K k L l M m N n O o P p Q q R r

S s T t U u V v X x Y y Z z .

A a B b C c D d E e F f G g H h I i K k L l M m N n O o P p Q q R r

S s T t U u V v X x Y y Z z .

A a B b C c D d E e F f G g H h I i K k L l M m N n O o P p Q q R r

S s T t U u V v X x Y y Z z .

A a B b C c D d E e F f G g H h I i K k L l M m N n O o P p Q q R r

S s T t U u V v X x Y y Z z .

A a B b C c D d E e F f G g H h I i K k L l M m N n O o P p Q q R r

S s T t U u V v X x Y y Z z .

A a B b C c D d E e F f G g H h I i K k L l M m N n O o P p Q q R r

S s T t U u V v X x Y y Z z .



R O M A .

Excusab at Paulus de Dianis . M . D . X C I .

RESTAURO del LIBRO ANTICO
Edv. G. DI GIACOMO
PESCARA

GIU. 1970

